

This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books


<https://books.google.com>





This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books

<https://books.google.com>







TH 47/9

~~D-58~~

~~F-1~~

BA

EX

S. I

C

Index
Summary

Summary

S A N C T I
BONAVENTURAE
EX ORDINE MINORVM,
S. R. E. EPISCOPI
CARD. ALBANEN.
EXIMII ECCLESIAE
DOCTORIS

Operum

TOMVS QVARTVS,

Quo expositiones

IN LIBRVM I. ET II. SENTEN-
tiarum, ut infra dispositae, continentur.

Nunc primum in Germania, post correctis. Romanam Vaticanam
editionem, impressus.

PERMISSV SUPERIORVM.



M O G V N T I Æ

Sumptibus Antonij Hierati Colonienf. Bibliopolæ.

Anno M. DC. IX.

БЛАТНИВ АМОС

МВАОИМ ЛИИАО Х2

1900219333

МЕРАРА ААА

АВРОДБ ИИТХ

ИОТЛО

МВ

27727027707

АВРОДБ

ОДНОВИТ ААА АВРОДБ 21

АВРОДБ ААА

МВРОДБ ААА ААА ААА ААА

АВРОДБ ААА ААА ААА

АВРОДБ ААА ААА ААА

АВРОДБ ААА ААА ААА

АВРОДБ ААА ААА ААА

АВРОДБ ААА ААА ААА

АВРОДБ ААА ААА ААА

АВРОДБ ААА ААА ААА

АВРОДБ ААА ААА ААА

АВРОДБ ААА ААА ААА

АВРОДБ ААА ААА ААА

АВРОДБ ААА ААА ААА

АВРОДБ ААА ААА ААА

АВРОДБ ААА ААА ААА

АВРОДБ ААА ААА ААА

АВРОДБ ААА ААА ААА

АВРОДБ ААА ААА ААА

АВРОДБ ААА ААА ААА



ARGUMENTVM

IN PARTEM PRIOREM

EXPOSITIONIS S. BONAVENTURAE IN LIBROS SENTENTIARVM.



MAGNO, praestantiq; ingenio homines, qui pietatem cum doctrina coniunxerunt, quidquid laboris, vel industria poterant impendere, alijs omnibus, tum publicis, tum privatis actionibus contemptis, ad pietatis, indagandaq; veritatis studium contulerunt, cum existimarent, longè esse praeclarior humanarum ac diuinarum in primis rerum inuestigare, ac scire rationem, & pietatis officia colere, quam colligendis diuitiarum copijs, aut cumulandis honoribus inharere. Nam ijs ipsis terrenarum rerum opibus, quae fragiles, fluxa, caducaq; sunt, quaeq; ad solius corporis cultum attinent, nemo quidem melior, nemo iustior fieri potest. Erant illi praestantes viri dignissimi, qui veritatem cognoscerent, quam nosse, ac scire tantopere concupierunt, atque ita, ut eam pietatis rationibus coniunctam, ceteris rebus omnibus anteponerent. In ijs magnis, atque adeò summis viris dignissime habetur, & est seraphicus doctor, BONAVENTURA sanctus, quem in eximijs, primarijsq; Ecclesiae doctoribus, sapientissimus Pontifex, SIXTUS QVINTVS optimo iure adscripsit. Is ab adulta aetate, omnibus saeculi huius curis contemptis, abiectisq; voluptatibus, in religionem sancti Francisci Deo ex matris voto disatus, usque adeò singulari studio theologiae amplexus est, ut Alexandro Alensi, doctore & magistro, summae eruditionis laude clarissimo tres ipsos annos usus, mirabilem in modum profecerit, Deo in primis iuvante: qui hominem tam auide lumen scientiae requirentem, direxerit ad veram & pietatem, & sapientiam. Factum est igitur, ut Parisijs, nimirum in urbe tum studijs affluenti, tum doctissimis eruditissimiq; viris florentissima, libros Magistri sententiarum grauer copioseq; exposuerit, & commentarijs luculentis illustrarit, quibus mirifice in primis delectatus est, sanctissimus idemq; doctissimus Pontifex Clemens IV. Quo ex opere tantam sapientiae laudem ille sibi comparauit, ut nulla res illius temporibus explicatu difficilis incideret, ad quam à Pontificibus Bonaventura non adhiberetur. Iam verò primum ab initio nascentis Ecclesiae, multarum magnarumq; rerum copia, quae ad theologiae studium pertinet, à maioribus nostris, sanctis doctisq; viris, pie admodum, atque eruditè tradita est, ac subministrata nobis ad Ecclesiasticas tractationes. At, qui theologiae locos ad Dialecticorum morem disputationibus distinctè pertractarunt, primus Graecorum, ut ex historia Ecclesiastica à sancto Hieronymo accepimus, Clemens Alexandrinus extitit, vir in omni doctrinarum genere apprime eruditus. Hunc deinde permulti secuti sunt homines, & doctrina, & sanctitate praecellentes, tum Graeci, tum Latini: in quibus S. Augustinus in dialecticis diu multumq; versatus, eas disputationes mirum in modum auxit: studiaq; eundem Damascenus graece plurimum adiuuit, cum è fontibus Graecorum patrum, praesertim Nazianzeni, & Basilij Magni, qui fusa omnia tractarunt, acutè, doctèq; hauserit. Sed res, ut huius argumenti ratio postulat, dilucidius explicanda, altiusq; repetenda videtur. Lutetiae Parisiorum, quae urbs Galliae est, cum multarum rerum, tum vero doctrinarum nomine maxime illustris, quippe cum à Carolo Magno de consilio Alcuini praeceptoris, ac venerabilis Bedae, rectè primum Academia instituta esset, in qua ad fidem Christianam propagandam puratissimè philosophia traderetur: non multum post aetatum saeculi Petrus Lombardus, illius ciuitatis Episcopus, cum animaduerteret theologiae, antiquorum patrum Graecorum libris varie sparsam, fuscq; tractatam, à Damasceno in unum collectam, certis locis esse distinctam: eius imitatione collectis Latinorum patrum, praesertim sancti Augustini sententijs, itidem fecit, usque adeò praeclare & egregie, ut deinceps insigni nomine Magister sententiarum sit appellatus. Theologiae igitur, de qua in scholis distinctè certisq; methodi locis differuit, disputationes aggregatus, non more philosophorum, qui ab ijs, quae sub sensum cadunt, quaeq; nobis notiora sunt, quaestionum suarum initium ducunt, sed à Deo veritatis fonte rectissime exorditur, cui fidem habeamus oportet, & à quo caelestem doctrinam diuinarumq; rerum cognitionem expectare debemus. Itaque de Deo, eiusq; cognitione Libro primo, cum praeclare ex patrum sententia & singulari eruditione differuerit: altero libro de rebus creatis dilucidas disputationes & suscepit, & confecit: non ut à philosophis disputari solet, sed quantum satis esse possit ad huiusce commiserabilis vitae arumnas fugiendas. Eo itaque igitur libro cum infinitam Dei vim, immensamq; sapientiam exponat: tum etiam una cum diuino Dionysio Areopagita caelestem scrutatur hierarchiam, & Angelorum ordines distinguit, tum

Ecl. 24.

Lib. 1. c. 1.
de prop.
Euf. or. 2.
de fl.1. Re. 17.
A8. 7.

Cant. 3.

hominis primi diuinis admiratur opes, rursusq; lamentabilem deflet ruinam. Atque hæc summam de duobus sententiarum Libris, quos hac prima parte complexi sumus: de reliquis duobus, qui secunda sententiarum parte continentur, suo loco dicendum nobis erit. Itaque ut quo referenda est, omnis hæc redeat argumenti ratio, theologia scholastica volumen Petrus Parisiensis Episcopus, cum recte primum inchoauerit: deinceps alij extiterat, qui illud auxerunt, quiq; ornauerunt. Nam Christianæ, & Catholicæ, ac diuinæ philosophiæ fontes aperire, atque nouis illustrare rationum commentarijs, & patefacere amplissimis, augustissimisq; illis vijs, quæ ad veritatem ducunt, semper Reipublicæ Catholicæ utilissimum putarunt sapientissimi viri, cum præsertim sacris in litteris scriptum diuinitus sit: Qui me elucidant, vitam æternam habebunt. Et quo maiores utilitates, & vberiores fructus Ecclesiæ Dei attulit sanctæ theologiæ studium, eo plures omni tempore extiterunt, qui se illi diuinæ scientiæ dederunt. Theologi autem primum illa à Græcis dicta est, quæ vel sermonibus vel libris versabatur in explicanda tantum doctrinâ, de diuinitate Christi Domini: eamq; ob rem, qui in eo argumento studium posuerunt, theologi appellati sunt. Atque sic quidem primum S. Iohannes Euangelista solus ex omnibus Euangelij scriptoribus, theologus dictus est, propterea quod cum ceteri in exponenda eiusdem Christi Domini humanitate, q; rebus, quæ potissimum ad eam pertinebant, operam posuerint, altius ipse sese erexerit, illiusq; diuinitatem Euangelij litteris explicarit apertius. Eo item nomine deinceps summa omnium patrum consensione vocatus est Nazianzenus Gregorius, quoniam ex patribus Græcis, eam de Christi Domini diuinitate materiam grauius ac sublimius tractarit. Immo ipse orationes eas, in quibus præcipue de Patris, & Filij, & Spiritus sancti diuinitate disseruit, theologiæ nomine inscripsit. Itaque cum de Christi Domini diuinitate antiqui Græci patres institutâ orationem habet, in theologia versari dicuntur. Cum aut de eiusdem humanitate & incarnatione tractationem suscipiunt in œconomia: Œconomiam enim Christi quamuis Eusebius & Nazianzenus duplicem constituent, quarum una ad prouidentiam illam referatur, qua Deus antè humanitatem assumptâ, mortalium modis & salutis consulebat, altera ad ea spectet, quæ nostra causa in corpore gessit: tamen patres, qui flore in Græcia fide, theologia & eloquentia laude floruerunt, cum de Christo Domino oratione habuerunt, ut œconomia nomine incarnationem & humanitatem Christi explicarunt, sic theologia voce intellexerunt explicationem à se susceptâ de eiusdem diuinitate. Verum deinceps id theologiæ nomen latius patuit, ad omnesq; pertinuit, qui sacram scripturam recte omnibusq; partibus elucidarunt, in sacrarumq; literarû studio versati sunt. Itaq; theologiam etiam dici perpetuo vsu receptum est: quæ ex scholastica, umbratiliq; exercitatione, atque è diuinarum litterarum tabernaculo, & sanctorum Patrum umbraculis, non modo in solem, sed in aciem grauisimarû disputationum perducta, inanes philosophorum, male sentientium opiniones explosit: & hæreticorum falsa dogmata euerit: quæq; celestem doctrinâ, vario ab hostibus oppugnatam, certissimis, quasi firmissimis præsidijs in perpetuum communiuit. Nemo est, qui nesciat, quibus artibus versutus, & callidus aduersarius, hominum animos tentarit: quas generi humano tetenderit insidias: quot satellites & ministros hæreticos immiserit ad Ecclesiæ segetem, veneno insciendam. Is veritatis, nominisq; Christiani inimicus, cum antea semper emissarios & excursores suos hæreticos mendacijs instruxerit, ut quæ verè sanctæq; in Ecclesiâ Dei tradebatur, corrumpere ac deprauaret: tum proximis superioribus annis, Lutherum, aliosq; id generis perditissimos nebulones excitauit, ut nequissimis hæresum telis sanctam Ecclesiâ oppugnant. At Deus & Dominus noster, aduersarij impetus, ictusq; omnes retudit ac reiecit: conatus fregit, ac debilitauit omnibus oppugnationum temporib; vel turbulentissimis. Vix recens adhuc Christi nomen erat in terris, quod Cerinthos, Ebiones, Basilidas, Carpocrates, Valentinos, Marciones, & talia hominum monstra permulta deuicit, cum contra impiam illorû aciem, sapientissimos Christianæ veritatis duces parauerit, instruxeritq; diuinis armis, Polycarpum, Ignatium, Dionysium Arcopagitam, & alios, quorum virtutibus depulsa est funesta eorum pestis. Nec verò multis post sæclis item Christus optimus maximus, Arij, Eunomij, Macedonij, Apollinaris, Nestorij pestiferos nefariosq; conatus deleuit, cum in eam profligatissimâ turbam incitaret robur illud firmissimum nostri exercitus, Athanasium, Basilium, Gregorium Nazianzenum, Gregorium Nyssenum, Epiphanium, Cyrillum, Proclum: ex Latinis verò hominibus, Hilarium, Ambrosium, Augustinum, Hieronymum, Gregorium, nempe illos ipsos, in quibus secundum Deum, potissimû nititur nostra religio: ex quorum doctrinis, diuina verò ope, delati fugatiq; sunt hæretici, eorumq; omnia confutata argumenta. Horum summorû Ducum vigilijs, & quasi cohortis prætorie laboribus, diuino in primis consilio, magna ex parte instructa sunt tanquâ firmissima castra theologiæ scholasticæ: quæ cum in diuinæ naturæ contemplatione primum: deinde in earum rerû actione, atque earum virtutum officijs versatur, quæ necessaria sunt ad bene beatèq; viuendum, tum etiam, quantum à maioribus accepimus, sacris litteris, diuinisq; & Apostolicis instructionibus, sanctorum Pontificum armata sanctionibus, & conciliorum suffulta decretis, & patrû, ut mox dixi, communita doctrinis, non modo in apertum profert, quæ sanctioribus mysterijs occulta latent, ceremoniarû ritus rationesq; explicat, & conscientia casus, qui difficiles explicatus habent, inuolutos euoluit, obscuros aperit: sed Christi celestis magistri, Ecclesiæq; doctrinam, quoad eius fieri potest, disciplinis philosophorû illustrat, aut confirmat. Nam, ut scite docuit Augustinus sanctissimus, vasa argentea & aurea, ceteraq; Aegyptiorum instrumenta, etiam si commodato acceperimus, iure quasi nostra facere possumus, atque in vsum fidelium vendicare. Discunt theologi scholastici à David extorquere de manibus hostium gladium, & Goliæ importunissimi hostis caput proprio mucrone abscindere. Discunt à beato Paulo Apostolo etiam fortuitam inscriptionem, arte torquere in argumentum fidei, & quæ in alium vsum scripta sunt, ea ad emolumentum Catholicæ discipline conuètere. Sed nolo pluribus res satis atq; satis in præceptis: illud autem tacitû non relinquâ, quod ad ceteras utilitates, quas Ecclesiæ Dei plurimas maximasq; fert scholasticæ theologiæ studiû, accedit etiam hoc, quod præstantissimum est, quod doceat tum propugnare fidem, tum hæreses expugnare. Sexcenti vel potius innumeri clypei ex ea pendent, & omnis armatura sanctorum. Verum, iam summam, ac paucis rem omnem complectar: est theologia scholastica, quæ tam præclara, ut dixi, docet, veluti Lectulus Salomonis veri, nempe Christi: quem quinquaginta fortes ambiunt, nimirû viri, ad Dei bella instructissimi, Petrus Lombardus, de quo ferè in exorsu hu-

ius enarrationis dixi, Parisiensium Episcopus, Alexander Alensis, Albertus Magnus, sanctus Thomas, sanctus Bonaventura, Scotus, alii siquidam, in quibus omnibus primas tenet idem sanctus Thomas, qui variam philosophia peripatetica suppellectilem ad arcem diuinae sapientiae contulit: qui theologiae scientiam omnibus doctrinarum ornamentis excoluit, omnibusque numeris absoluit: qui singulas theologiae quaestiones ordine digessit mirabilem in modum: qui hereticorum argumenta rursus coarguit, eorumque dolos, fallacias, fraudesque accuratissima diligentia detexit: qui hereticorum item perniciosissimos errores maximeque detestabiles, gladio spiritus praecidit, eorumque furorē furestis facibus accensum restinxit. Idem affirmari licet de sancto Bonaventura ex constitutione & sententia sanctissimi & eruditissimi Pontificis SIXTI QVINTI, qui magis etiam adhibito consilio, cum inter eximios primariosque Catholicae Ecclesiae doctores ritu sollemni annumerandum decreuit. Est enim Bonaventura sanctus sententiarum pondere & utilitate nemini secundus: neque solus argumenti subtilitate, docendae ratione facili, definiendi solertia praestat, sed diuina quadam vi excellit ad animos permouendos: ac praeterea scribendo, ita cum summa eruditione parem pietatis ardorem coniungit, ut lectorem & docendo moueat, & doctrinae vi usque adeo in intimos animi sensus penetret, ut seraphicis quibusdam aculeis animū compingat, ac simul admiranda deuotionis pietatisque dulcedine perfundat. Denique disputationes omnes, tum robore auctoritatis, quam non solum à sanctis Ecclesiae veteribus patribus, sed etiam à Peripateticis ac Platonicis scholis, aliisque disciplinis accepit, tum rationum communis adiumentis. Hi igitur duo strenui, sapientissimi optimique theologiae scholasticae duces, aetate aequales, quasi gemini in Christo fratres, ipsius studij dediti, parique corona condecorati, qui eximia sanctitati, magnam praestantis doctrinae laudem adiunxerunt, cum veri robur stabilierint theologiae neruis, & hereticorum audaciam retuderint solidioribus artibus, praestantiorque argumentandi genere: diuine quidem & peropportune factum est, ut his luctuosissimis temporibus, quibus nobilissima prouincia olim fidei Catholicae gloria florentissima, Germania, Anglia, Belgium, & amplissimum Galliae regnum, tam diu haereticorum tempestatibus, turbulentisque fluctibus agitantur, & haereticarum opinionum erroribus, quasi tribuitur is furoribus concutiantur, optimum doctrinae Catholicae ducem, ad haereses restringendas instructissimum in acie sanctissimum D. N. perduceret. Is enim à prima aetate, theologiae studiis semper floruit, tantumque in ipsis profecit, ut nemo unquam aliquam tam perfecte scientiam didicerit quam ille omnium praecellentium disciplinarum cognitionem est adeptus. Diuinarum autem rerum scientiam, & illa ipsa studia, quae sunt Christiano homine digna sic recte nouit, ut non modo cum ijs, qui nostra memoria floruerunt, comparandus, sed veteribus etiam illis Christianae theologiae principibus annumerandus videatur. Et quoniam si doctrina innocentia vita deest, propemodum homini est similis, qui altero oculo captus sit. Scit enim apud Nazianzenum graece scriptum est: οὐ μὲν γὰρ ἡ βίον ἡμῶν ἡ ἀρετὴ καὶ τὸ σωτῆρας, τὸ εἶναι δὲ ἀρετῆς, οὐδὲν τὸν ἐνταύτῃ φέρει, ἐὰν μὴ δόξῃ, διαφύλαξαι. Sixtus igitur, ut verè dicam, cum & theologiae perfectionem, & sacrarum litterarum perfectam cognitionem, & sanctae vitae perfectam officia in seraphico Doctore beato Bonaventura, animaduertit: necessario Reipublicae Christianae tempore, & fere collabente cleri populi, Christiani disciplina diuinum cepit consilium, non solum de eo in eximijs Ecclesiae doctoribus adscribendo, sed etiam de emittendis in manus hominum libris eius: cuius quantum sit pondus, quantum sit auctoritas, cum ex superioribus nostris narrationibus, Concilijque Lugdunensis actis intelligi potest, tum ex eo etiam, quod Synodus oecumenica florentina, in quaestione grauissima magnam ab illo argumenti ac testimonij vim assumpsit. Quam ob rem iam obscurum esse non potest SIXTI QVINTI sapientia Reipublicae Christianae rationibus optime consultum esse editione operum S. Bonaventurae: unde hoc necessario tempore omnes & theologiae facultatem, & virtutum, quae Christiano homine digna sunt, recta, ac perfecta officia, & argumenta hauriamus, ad explodendas haereticorum opiniones. Deum autem Opt. Max. testor, qui omnium mentes perspicit, me non haec dixisse, ut Pontifici mihi gratiam, quam ego semper maximifeci, per hanc causam mihi conciliem: siquidem & eiusmodi ratio apud Pontificem, & SIXTUM Pontificem nullum habet locum, & ipse in eam me pro sua singulari benignitate, nullis meis meritis recepit: sed quia mihi, multum diuque cogitanti, nihil his temporibus opportunius fieri visum est, quam ut potissimum in Christianorum manus peruenirent eiusdem S. BONAVENTURAE opera, quae, PONTIFICIS SIXTI auctoritate, undique impensè conquisita, ferè e tenebris erusa sunt in lucem. Sed ad hanc curam, alia etiam praecipua Pontificis accedit, quia ut omnis haec editio omni ex parte splenderet, id negotij praecipue dedit amplissimo CARDINALI SARNANO in primis docto & religiosissimo viro, qui sanctissimi D. N. obseruantissimus, sine ulla exceptione vel temporis, vel occupationis, eam talium operum emendationi diligentia nauauit, quam non minimam, sed longè maximam fuisse, ex eo quisque animaduertere potest, quod is librorum S. Bonaventurae non solum studiosissimus est, sed non minus illius doctrina ac virtute, quam Cardinalatus splendore excellit, ut non facile iudicari possit, utrum sit dignitatis amplitudine clarior, an praeclaris animi ornamentis illustrior. Cetera quae ad alios duos Libros sententiarum attinent, alterius partis initio enucleatè scribentur.

ELOGIVM DE SANCTO BONAVENTURA.

Ex Annalibus Ecclesiasticis.

Clemens III. sanctissimus, idemque doctissimus Pontifex delectatus etiam est mirificè doctrina sancti Bonaventuræ, ordinis Minorum Generalis: qui graviter & copiosè tunc scripserat in primum, secundum, tertium, & quartum sententiarum librum.

Elenchus primi Libri Sententiarum,

Prologus Magistri in Librum I. Sententiarum.

Textus eiusdem Magistri dispersus in distinctiones XLVIII. in quibus agitur de Deo trino, & vno.

Elenchus secundi Libri Sententiarum.

Textus Magistri diuisus in distinctiones XLIV. in quibus agitur de rerum spiritualium, corporaliumque creatione, ac de alijs compluribus ad eas pertinentibus.

uti-
en-
ose
en-

II

21
2



S. BONAVENTURÆ
S. R. E. CARDINALIS EPI-
SCOPI ALBANENSIS
EXIMII ECCLESIAE DOCTORIS
IN LIBRUM PRIMVM
Sententiarum
PROOEMIUM.



PROFVND A fluuiorum scr-
utatus est, & abscondita produxit
in lucem. Verbum istud sum-
ptum ex Iob diligentius cō-
sideratum aperit nobis viam
ad præcognoscendum qua-
druplex genus causæ in Li-
bro Sententiarum, scilicet
materialis, formalis, efficien-
tis, & finalis. Causa namque

materialis innuitur in nomine fluuiorum. Causa forma-
lis in perscrutatione profundorum. Causa finalis in reue-
latione absconditorum. Causa vero efficiens intelligitur
in supposito duorum verborum, scilicet scrutatus est, &
produxit in lucem. Innuitur enim causa materialis nomi-
ne fluuiorum pluraliter, non singulariter, vt non solum
tangatur Libri totius materia, vel subiectum in generali,
sed etiam particularium librorum in speciali. Propter
quod notandum quod iuxta quadruplicem proprietatē
fluuij materialis, quadruplex est fluuius spiritualis, de
quo secundum quadruplicem differētiā sunt quatuor
Libri Sententiarum. Considero namque fluuium mate-
rialem quo ad durationem, & inuenio perennitatem. Nā
sicut dicit Isidorus, Fluuius est perennis fluxus. Cōsidero
quantum ad extensionem, & inuenio spaciositatem. In
hoc enim distinguitur fluuius à riuulo. Considero quan-
tum ad motum, & inuenio circulationem. Sicut enim
dicit Ecclesiastes: Ad locum, vnde exeunt flumina, re-
uertuntur, & cetera. Considero effectum, & inuenio e-
mundationem. Nam fluuius propter aquarum abundan-
tiam mundat terras per quas currit, ita quod non inqu-
nantur. Et quoniam omnes transferentes, secundum ali-
quam similitudinem transferunt, ex hac quadruplici cō-
ditione metaphora quadruplex in spiritualibus fluuijs
inuenitur, sicut colligere possumus ex scripturis. Primo
propter perennitatem dicitur fluuius, personarum ema-
natio, quoniam illa emanatio sola est sine principio, sine
fine. De hoc fluuiio Daniel: Antiquus dierum sedet, &
fluuius igneus, rapidusque egrediebatur à facie eius. An-
tiquus iste dierum, est Pater æternus, cuius antiquitas est
æternitas. Iste antiquus sedet, quia non solum est in eo æ-
ternitas, sed etiam immutabilitas. A facie illius antiqui
egrediebatur fluuius igneus, rapidusque id est de subli-
mitate diuinitatis eius procedebat plenitudo amoris, &
plenitudo virtutis. Plenitudo virtutis in Filium, ideo flu-

uius erat rapidus. Plenitudo amoris in Spiritum sanctum,
ideo fluuius erat igneus. Secundo propter spaciositatem
dicitur fluuius, rerum mundanarum productio, ob quā
causam non tantum fluuius, sed mare à Propheta dicitur
iste mundus: Hoc mare magnum, & spaciosum, & cetera.
De hoc fluuiio Ezechiel: Ecce ego ad te Pharaon, rex Ægy-
pti, draco magne, qui cubas in medio fluminum, & dicis:
Meus est fluuius, & ego feci memetipsum. Et ponam fræ-
num in maxillis tuis, & cetera. Draco iste magnus, quem
Dominus alloquitur, & cui comminatur in figura, & per-
sona Pharaonis, diabolus est, qui est rex Ægypti, quæ in-
terpretatur, tenebræ, quoniam regnat in eis, quos excar-
cauit tenebris erroris, vt puta sunt hæretici. Ad quem et-
iam dicit: Meus est fluuius, & ego feci memetipsum, quasi
ipse fecerit mundum istum, & ipse nō habeat aliud prin-
cipium. Hunc errorem ipse dixit, & suggessit impijs Ma-
nichæis, qui totam machinam visibilibus à Deo malo esse
conditam asserunt, & contendunt. Huius draconis ma-
xillas Dominus infrenabit, quando ablata sibi potestate
suggerendi falsa, ostender se esse huius fluuij cōditorem,
vnde in eadem auctoritate sequitur: Scient omnes habi-
tatores Ægypti, quoniam ego Dominus. Tertio propter
circulationem dicitur fluuius, Filius Dei incarnatio. Quoni-
am sicut in circulo vltimum coniungitur principio, sic in
incarnatione supremum cōiungitur imo, & primum pos-
tremo, vt filius Dei æternus homini condito die sexta.
De hoc fluuiio in Ecclesiastico: Ego quasi fluuius Dorix,
& sicut aquæ ductus exiui de paradiso. Dorix interpreta-
tur generationis medicamentum, & est ibi figuratiuus
sermo, vt cōuersim intelligatur, id est generatio medica-
menti. Incarnatio enim filij Dei nihil aliud fuit, quam ge-
neratio medicamenti: Vere enim languores nostros ipse
tulit, & infirmitates nostras ipse portauit. Recte igitur fi-
lij incarnatio, fluuius Dorix dicitur. Et ipse vere de se di-
cit: Ego quasi fluuius Dorix, id est medicinalis fluuius, &
sicut aquæ ductus exiui de paradiso. Natura aquæ huius
est, quod tantum ascendit, quantum descendit: talis fuit
exitus incarnationis, secundum quod dicitur in Psalmo:
A summo cælo egressio eius, & occursum eius vsque ad
summum eius. Et Ioannes: Exiui à Patre, & veni in mun-
dum. Iterum relinquo mundum, & vado ad Patrem, & ita
fecit circulum. De hoc etiam fluuiio quantum ad egres-
sum eius ex matre, potest exponi illud quod dicit Hester
in somnio Mardochei: Paruus riuulus creuit in fluuium
& in lucem, solemque conuersus est. Quis, obsecro, est

Iob. 28. b

Genus
causæ qua-
druplex.Isidorus
lib. 13. Ety-
molog. c. 20

Eccles. 1. a

1. Phys. cō-
tex. 18.
Abstrahē-
tium non
est men-
daciū.

Dan. 7. b.

Ps. 103. c
Eze. 29. a

Ægyptus.

Hocū mo-
minst An-
gust pluri-
bus in locis,
& præfer-
tim lib. de
Hæresibus
ad Quod-
uultidum
10. 6.

Ecc. 24. d

Is. 53. a

Ps. 118. b
Ioan. 16. d

Hest. 10. b

Ioan. 1. a

Apoc. 22. a

In lib. sen-
tentiarum
ex Aug. de
corp. 328.
tom. 3. Ex
Tract. 15.
super Ioan.
ante med.
cap. 115.
de Civitate
Dei ca. 26.
tom. 5.

Ecc. 24. a

Psal. 32. b

Ecc. 1. a

4. Reg. 13. c

Apoc. vlt. a

De causa
formali.

Ecc. 7. c

Rom. 11. d

Psal. 35. a

Ecc. 1. a

Iob. 11. b

Ephe. 3. d

paruus riuulus iste, nisi humillima virgo? hæc creuit in fluium, cum genuit Christum, qui non solum fluius per abundantiam gratiæ, sed etiam lux sapientiæ, & sol iustitiæ dicitur, secundum quod Ioannes de ipso dicit: Erat lux vera, & cetera. Quarto propter emundationem dicitur fluius, sacramentorum dispensatio, quæ sine sui pollutione mundat nos à coinquinationibus peccatorum. De hoc fluuiio in Apocalypsi: Ostendit mihi fluium aquæ viuæ splendidum tanquam crystallum, procedentē de sede Dei, & Agni. Sacramentorum dispensatio dicitur fluius splendidus tanquam crystallus, propter claritatem & nitorem, quem relinquit in animabus, quæ in hoc flumine depurantur. Dicitur etiam fluius aquæ viuæ propter efficaciam gratiæ, quæ viuificat animam. Hic etiam procedit de sede Dei, & Agni. Nam sacramentalis gratia procedit à Deo tanquā ab Actore, & efficiente: à Christo tanquā à Mediatore, & à promerente. Propter quod dicuntur omnia sacramenta efficaciam habere à passione Christi, ut testatur Augustinus: De latere Christi dormientis fluxerunt sacramenta, dum inde fluxit sanguis, & aqua. De omnibus istis fluiis simul, & per ordinem habetur cap. 2. Genesis, ubi dicitur quod fluius egrediebatur de loco voluptatis, qui inde diuiditur in quatuor capita. Nomen primi Phison. Nomen secundi Gehon. Nomen tertij Tigris. Et nomen quarti Euphrates. Fluius iste egrediens de paradiso est totius Libri huius materia. Quatuor fluij ex isto procedentes sunt speciales materiæ quatuor Librorum, sicut facile potest aperire, qui prædictorum nominum interpretationes vult diligenter exponere. Phison enim interpretatur oris mutatio, & in hoc significatur personarum emanatio. Sicut enim ex ore materiali procedit verbū, & spiritus, ita ex ore Patris, Filius, & Spiritus sanctus. Ego ex ore Altissimi prodij, primogenita ante omnem creaturam. Hoc dicit ipse filius, qui est verbum, & sapientia Patris. Et in Psalmo: Verbo Domini celi firmati sunt, & spiritu oris eius, & cetera. Gehon interpretatur arena, & in hoc significatur rerum mundanarum productio. Sicut enim vniuersitas creaturarum comparatur mari propter speciositatem, ita arenæ propter innumerositatem. Arenam maris, & pluuiæ guttas, & dies sæculi quis dinumerauit? Tigris interpretatur sagitta, & in hoc significatur filij Dei incarnatio. Sicut enim in sagitta ferrum coniunctum est ligno, sic in Christo fortitudo diuinitatis coniuncta est molliciei humanitatis. Et sicut sagitta ex arcu, & ligno volat ad percutiendum aduersarios, sic Christus de cruce saliens confregit aduersarium. Hæc est illa sagitta, de qua dicitur: Sagitta salutis Domini, & sagitta salutis contra Syriam. Euphrates interpretatur frugifer, in quo significatur sacramentorum dispensatio, quæ non tantum animam purgant à culpa, sed etiam fecundant in gratia. Quod signatum est in Apocalypsi, ubi dicitur quod iuxta fluium crystallinum erat lignum afferens fructum, cuius folia erant in medicinam. Cum igitur quatuor sint fluij, quatuor sunt fluiorum profunda prædictis fluiis correspondentia. Profundum æternæ emanationis est sublimitas esse diuini, de quo potest intelligi illud: Alta profunditas, quis inueniet eam? Vere profunditas alta, & altitudo profunda, ita ut exclamet Apostolus, & dicat: O altitudo diuitiarum sapientiæ & scientiæ Dei, quam incomprehensibilia sunt iudicia eius? Vere iudicia incomprehensibilia, quia profunda. Iudicia enim Dei abyssus multa. Et Profundum abyssi quis dimensus est? Hæc profunditas innuitur in Iob: Fortitan vestigia Dei comprehendes, & vsque ad perfectum, Omnipotentem reperies. Excelsior celo est, & quid facies? profundior inferno: & vnde cognosces? quasi dicat, ex te non potes: ideo consulit Apostolus: In charitate radicati, & fundati, ut possitis comprehendere, & cetera. Et hoc profundum perscrutatur Magister in primo Libro. Sublimitas enim diuini esse consistit in duobus, scilicet in nobilissimis emanationibus, quæ sunt generatio, & processio. In nobilissimis conditionibus, quæ sunt summa sapientia, omnipotentia, & perfecta voluntas: de quibus est Primus Liber. Nam in prima parte agit de sa-

cratissima Vnitate, & Trinitate. In secunda vero quæ incipit in distin. 35. Cumque supra differui, & cetera, speciali tractatu agit de supradicta eius triplici conditione, siue proprietate. Profundum creationis est, vanitas esse creati. Creatura enim quanto magis euanesceat, tanto magis in profundum tendit, siue euanesceat per culpam, siue per pœnam. Propter hoc dicitur per Prophetam in Psalmo in persona hominis, qui euauit per culpam: Infixus sum in limo profundi, & non est substantia. Et rursus orans Prophetam ne euanesceat per pœnam, dicit: Non me demergat tempestas aquæ. neque absorbeat me profundum, & cetera. Hoc profundum scrutatur Magister in Secundo Libro. Nam vanitas esse creati in duobus consistit, videlicet in mutatione de non esse in esse, & rursus in reuersione in non esse. Et quamuis nulla creatura omnino cedat in non ens per naturam, verumtamen, sicut dicit Augustinus, peccator tendit ad non esse per culpam, & de his duobus est totus Secundus. Nam in prima parte agit de rerū egressu. In secunda vero parte, quæ incipit in distinctione 21. Videns igitur diabolus, & cetera, agit de lapsu, ut de tentatione diaboli, de peccato originali, & actuali, vsque ad finem. Profundum incarnationis est meritū humilitatis Christi, quod tantum fuit ut vere possit dici profundum, quasi non habens terminum, nec fundum. De quo potest intelligi illud Ionæ: Proiecisti me in profundum in corde maris, & flumen circumdedit me. Hoc potest dici de Christo qui tantum humiliatus est, ut vere possit dici proiectus, & abiectus. Et vidimus eum, & non erat ei aspectus, & desiderauimus eum despectum, & nouissimum victorū, & cetera. Vere igitur dicit se proiectum, sed ubi in profundum maris & fluminis. Nam passio Christi comparatur mari propter pœnalitatis amaritudinem: flumini, propter charitatis dulcedinem. Dulcissimum enim cor Iesu Christi tanta circa nos afficiebatur teneritudine amoris, ut non videretur ei graue pro nobis sustinere extremum, & acerbissimum genus mortis. Et hoc profundum perscrutatur Magister in Tertio. Nam meritū Christi in duobus consistit, scilicet in passione per quam nos redemit: & in actione per quam nos informauit, quæ consistit in operibus virtutum, donorum, & præceptorum, de quibus duobus est Tertius Liber. Nam in prima parte agit de incarnatione, & passione, in qua consistit nostra redemptio. In secunda quæ incipit in distinctione 23. Cum vero supra habitum sit, & cetera, agit de virtutibus, donis, & præceptis, in quibus consistit nostra informatio. Profundum sacramentalis dispensationis est efficacia perfecti medicamenti. Tanta enim est efficacia medicinæ sacramentalis, quod humanam mentem excedit, ut vere profundum possit dici De hoc: Posuisti profundum maris viam tuam, ut transirent liberati. Profundum illud in quo Ægyptij demerguntur, & filij liberati transeunt, & saluantur, est efficacia Sacramentorum, in quibus destruuntur opera tenebrarum, & conferuntur arma lucis, & dona gratiarum, per quæ homo transfertur de potestate tenebrarum in regnum filij charitatis Dei. Hæc efficacia sacramentorum est profundum maris, in quantum primo liberat à culpa, & introducit in amaritudinem pœnitentiæ: fluminis, in quantum liberat à miseria, & introducit in dulcedinem gratiæ. Quod optime præfiguratum fuit in filiis Israel, quibus exeuntibus ex Ægypto diuisa est aqua, & transierunt per medium sicci maris, sicut dicitur: Et introeuntibus in terram promissionis per arenam alueum, transiuit Israel Iordanem istum, siccante Domino Deo nostro aquas eius, & cetera. Simile dicitur in Iosue. Hoc profundum perscrutatur Magister in quarto Libro. Nam efficacia perfecti medicamenti in duobus consistit, scilicet in sanatione à varietate infirmitatum deprimentium, & in liberatione ab vniuersitate miserationum aggrauantium: & de his duobus est totus Quartus Liber. Nam in prima parte agit de multiplici sanatione, quam efficiunt septem sacramenta. In secunda, quæ incipit in distinctione 43. Postremo de conditione resurrectionis, & cetera, agit de perfecta sanitate, ad quam perducunt, sicut de gloria resurgentium, qui veraciter, & fideliter sacramenta Eccle-

Psal. 68. a
Psal. 68. bAug. lib. 7.
confess. c. 11.
de Ver. Ration. c. 15.
Ioh. 1.

Iona 2. b

Ioh. 13. a

Ioh. 13. d

Exo. 14. b

Iosue 4. a

sux per-

lia: perceperunt: & per oppositum de pœna malorū, qui sacramenta Ecclesiæ contempserunt. Ex perscrutatione autem quatuor profundorum in quatuor libris elicitur finis, scilicet reuelatio quatuor absconditorum. Primum est magnitudo diuinæ substantiæ. De qua: Vere tu es Deus absconditus, Deus Israel Saluator. Vere magnitudo diuinæ substantiæ abscondita, secundum illud Iob: Cum vix paruum stillam sermonis eius audierimus, magnitudinē tonitruui eius quis poterit intueri? certe nullus potest intueri nisi ille cum quo Sapientia Dei inhabitat. Pro hoc petebat ille Sapientiæ amator: Mitte illam de cœlis sanctis tuis, & a sede magnitudinis tuę. Hoc absconditum Magister repletus sapientia de supernis per primi Liberi perscrutationem produxit in lucem. Nam visis, & intellectis nobilissimis emanationibus, & nobilissimis proprietatibus, innotescit nobis viatoribus, secundum quod possibile est diuinæ substantiæ magnitudo. Secundum absconditum est ordo diuinæ sapientiæ. De quo Iob: Vbi inuenitur sapientia? & quis est locus intelligentiæ? abscondita est ab oculis omnium viuentium, volucres quoque cœli latet. Vere abscondita. Quia sicut dicitur ibidē: Sapientia trahitur de occultis: ita quod si cognosci optatur, indiget perscrutatione profunditatis nō in se, sed in operibus in quibus ipsa relucet: vnde dicitur in Ecclesiastico, quod vnus est altissimus Creator, qui effudit illam super omnia opera sua. Hoc ergo absconditū manifestat Magister in perscrutatione Secundi. Nam viso ordine bonorum & malorum, patet nobis quomodo ab æterno Sapientia Dei ordinata est, & ex antiquis antequam terra fieret. Tertium absconditum est fortitudo diuinæ potentiæ de qua Abacuc: Cornua in manibus eius: ibi abscondita est fortitudo eius: legitur de Christo pēdēte in cruce, vbi latuit fortitudo virtutis sub pallio infirmitatis. Et hoc est Sacramentū absconditum a sæculis, de quo ad Ephesios: Mihi omnium Sanctorū minimo data est gratia hæc in gentibus Evangelizare inuestigabiles diuitias Christi, & illuminare omnes, quæ sit dispensatio Sacramenti absconditi a sæculis in Deo. Hoc est Sacramentum absconditum, sacrum secretum: quo Deus fortis, vt hostem vinceret, indutus est armis nostræ infirmitatis: quod est inauditū a sæculis. In perscrutatione tamē Tertij Libri, vbi ostenditur quod Christus in sua infirmitate vicit contrariam potestatem manifestatur fortitudo diuinæ potētiae. Si enim vicit per infirmitatē, quid fecisset si pugnasset per virtutem? Et si infirmum Dei fortius est hominibus, brachiū Dei quis poterit infirmare? Vere igitur patet inenarrabilis eius fortitudo, cuius est tam fortis infirmitas. Quartum absconditum est dulcedo diuinæ misericordię. De quo Psalmus: Quam magna multitudo dulcedinis tuę Domine, quam abscondisti timentibus te. Vere abscondita, & reseruata timentibus dulcedo misericordiæ. Quia sicut dicitur in Psalmo: Misericordia Domini ab æterno, & vsque in æternū super timentes eum, & in eis qui sperant super misericordia ei⁹. Hæc dulcedo manifestatur in perscrutatione Quarti Libri. Nā viso qualiter Deus dimittit peccata in præfenti, & qualia nostris vulneribus adhibet medicamina, & qualia in futuro dat præmia nobis dulcedo diuinæ misericordiæ aperitur. Horum igitur absconditorum propalatio est finis Libri generalis: ad quem perducere volens Magister sententiarū, perscrutatus est profunda fluuiorū præuia gratia Spiritus sancti. Ille enim est præcipuus perscrutator secretorum, & profundorum secundū quod dicitur ab Apostolo: Spiritus omnia perscrutatur, etiā profunda Dei. Huius Spiritus agitur charitate, & luce & claritate illustratus composuit Magister hoc opus: & scrutatus profunda fluuiorum, hoc etiā spiritu adiuuante factus est reuelator absconditorū. Ipse enim est de quo scribitur in Daniele: Ipse reuelat profunda & abscondita: & nouit in tenebris constituta. Et hæc fuit intentio & finis Magistri secundū quod ipse dicit in Prologo: *Lucernā veritatis in candelabro exaltare volentes, in sudore ac labore multo hoc volumen, Deo præstante, compegimus ex testimonijs veritatis in æternum fundatis.* Et paulo ante dixerat, quod propositum suum est Theologicarum inquisitionum abdita pandere t. Pate ergo in verbo proposito præfentis Libri causa materialis, formalis, efficiens, & finalis.

AD intelligētiam eorum quæ primo tacta sunt, quatuor possunt quæri iuxta quatuor prædicta. Primo, quæ sit huius Libri materia, vel subiectum.

Q V Æ S T I O I.

Quæ sit materia, quodve subiectum Theologia, vel huius Libri.

Alexander Alensis 1. p. summa q. 1. Membr. 3.

S. Thomas 1. p. summa q. 1. art. 7.

Ægid Rom. 1. Sent. q. 3.

Durandus 1. Sent. q. 3. Prologi.

Richardus 1. Sent. q. 6. Prologi.

Henricus in summa art. 19. q. 1. Et quod. 12. q. 2.

Scotus 1. Sent. q. 1. Lateralis p. Prologi.

Ioan. Bacon. 1. Sent. q. 3. Prologi.

Gab. Biel. 1. Sent. q. 9. Prologi.

QUOD Deus sit subiectum, videtur. Illud enim subiectum est in scientia, de quo, & de cuius proprietatibus est scientia tota: sed de Deo, de eius operibus, vt puta creatione, & reparatiōe, est totus iste liber: ergo, &c.

ITEM videtur quod subiectum istius libri sint res, & signa. Illud enim est subiectum in scientia, secundum cuius diuisionē, diuiditur illa scientia ab alijs: quia scientiæ tecantur vt res, hoc est, quia diuiduntur secundum diuisionem subiectorum: sed hæc est res, & signum, sicut manifestum est: ergo, & cet.

ITEM videtur quod credibile sit subiectum huius Libri. Illud enim est subiectum in libro, circa quod versatur auctoris intentio, & tractatus: sed credibile est huiusmodi. Vnde Magister dicit in prologo quod propositum suum est fidem nostram clypeis dauidicæ turris munire: hoc est ad probandum fidem rationes adducere, nō, inquam, fidem habitum, sed fide creditum: ergo, &c.

1. SED contra: Subiectum in scientia debet completi omne quod determinatur in illa: sed hoc in libro non tantum determinatur de Deo, sed etiam de creaturis: ergo Deus non est subiectum huius totius libri generaliter, sed solum primi libri.

2. ITEM aliter ostenditur illud idem sic: Licet tres causæ coincident in vnā, tamen materia non coincidit simul cum fine: quia materia dicit quid incompletum: finis autem dicit totius operis complementum. Sed Deus est finis totius istius operis, quia finis totius Theologiæ, ergo non est subiectum, vel materia.

3. ITEM quod res & signa non sint subiectum, videtur. Omnis enim scientia est de rebus, vel signis: ergo si res & signa sunt subiectū huius Libri, liber iste est generalis ad omnes. Quod si specialis scientia, & doctrina traditur in libro hoc, patet quod res & signa non habent assignari in eo pro subiecto.

4. ITEM constat quod alia est scientia de rebus, & alia de signis, vt patet: differt enim sermocinalis scientia a naturali: ergo aut scientia tradita in hoc Libro non est vnius generis, aut non est simul de rebus & de signis, sed est vnius generis, ergo, &c.

5. ITEM quod credibile non sit subiectum videtur. Quia scientia & veritas sunt diuersi habitus, ergo habent diuersa obiecta: ergo cum credibile in quantum huiusmodi sit obiectum veritatis, non erit obiectum scientiæ in quantum huiusmodi: ergo, &c.

6. ITEM sicut consideratio huius libri versatur, circa fidem, ita circa spem, & charitatem: ergo si sperandū, vel diligendum, siue sperabile, vel diligibile non est subiectū huius libri, pari ratione nec credibile est subiectum in eo.

C O N C L V S I O.

Deus est subiectum Theologiæ, radicale: Christus est subiectum integrale. Res & signa sunt subiectum vniuersale, vel dicat credibile, vt probabile.

RESP. ad arg. Dicendum quod subiectum in aliqua scientia, vel doctrina tripliciter potest accipi. Vno modo

dicatur subiectum in scientia, ad quod omnia reducuntur sicut ad principium radicale. Secundo modo, ad quod omnia reducuntur sicut ad totum integrale. Tertio modo ad quod omnia reducuntur sicut ad totum vniuersale. Exemplum huius manifeste patet in grammatica. Nam subiectum primo modo, ad quod omnia reducuntur sicut ad primum elementale, vel radicale, est littera: quam ideo vocat Priscianus elementum, quia est minimum in quo stat resolutio grammatici. Subiectum, ad quod omnia reducuntur sicut ad totum integrale, est oratio congrua & perfecta. Subiectum vero, ad quod omnia reducuntur sicut ad totum vniuersale, est vox litterata, articulata, ordinabilis ad significandum aliquid in se, vel in alio. Per hunc modum est distinguere in quadriualibus. Nam subiectum in geometria, ad quod omnia resoluuntur, ut ad principium, est punctus. Subiectum ad quod omnia reducuntur, ut ad totum integrum, est corpus quod continet in se omne genus dimensionis. Subiectum, ad quod omnia reducuntur, ut ad totum vniuersale, est quantitas continua immobilis. Per hunc modum & in hoc Libro est assignare subiectum secundum triplicem differentiam. Nam subiectum, ad quod omnia reducuntur, ut ad principium, est ipse Deus. Subiectum quoque ad quod omnia reducuntur, quæ determinantur in hoc Libro, ut ad totum integrum, est Christus, prout comprehendit diuinam naturam, & humanam, siue creatam, & incretam, de quibus sunt duo primi Libri, & caput & membra, de quibus sunt duo sequentes. Et accipio hic large totum integrum, quod multa complectitur non solum per compositionem, sed etiam per vnionem, & per ordinem. Subiectum quoque ad quod omnia reducuntur sicut ad totum vniuersale, possumus nominare dupla nominatione siue subdisiunctione, & sic est res, vel signum. Et vocatur hic signum Sacramentum. Possumus & vnico vocabulo nominare, & sic est credibile, prout tamen credibile transit in rationem intelligibilis, & hoc per additionem rationis, & hoc modo proprie loquendo, credibile est subiectum in hoc Libro. Concedendæ ergo sunt rationes probantes & Deum esse subiectum, & res, & signa, & credibile, diuersimode, sicut dictum est.

Conclus. 1.
Conclus. 2.

Hoc impro-
bat Scot.
q. 4. prol.
Conclus. 3.

Epilogus
dictorum.

1. QVOD ergo obijcitur in contrarium, quod de Deo non agitur per totum in hoc Libro, dicendum quod, quauis non agatur de Deo quantum ad substantiam tantum, agitur tamen quantum ad substantiam, vel quantum ad opera eius, & ideo non est subiectum ut totum, sed ut principium.

2. QVOD obijcitur, quod materia non coincidit in vnum cum fine, dicendum quod materia tripliciter dicitur, scilicet materia ex qua, materia in qua, & materia circa quam: & hæc vltima materia magis dicitur obiectum quam materia. Quando ergo dicitur quod materia non coincidit cum fine, verum est de materia ex qua, quæ proprie est materia: sed non de materia circa quam, quæ proprie est obiectum. Nam idem potest esse obiectum habitus, & finis, & tali modo accipitur materia in scientia pro obiecto veritatis cognoscentis.

3. 4. QVOD obijcitur de rebus, & signis quod sint subiecta omnium scientiarum, dicendum quod res, & signum possunt accipi in sua generalitate, & sic non pertinent ad scientiam specialem, nec ad librum, nec ad eandem scientiam. Possunt iterum accipi secundum quod induunt rationem credibilis, & sic quemadmodum vna est veritas, & vnus est habitus de omnibus credibilibus, siue, sint res, siue sint signa, ut fides, sic vna est scientia specialis de omnibus in quantum induunt hanc rationem, scilicet credibilis, siue sint res, siue signa. Aliter potest dici quod dupliciter est loqui de rebus, & signis, aut absolute, aut in relatione ad fruitionem, siue ad illud quo fruendum est. Primo quidem modo spectant ad speciales scientias, & diuersas. Secundo modo ad vnam scientiam, siue doctrinam. Vnde quemadmodum de omnibus entibus in quantum reducuntur ad vnum primum ens, est vna scientia aut vnus liber: sic de omnibus rebus, & signis in quantum ordinantur ad vnum, quod est & est vna scientia.

5. 6. QVOD obijcitur quod credibile est obiectum

veritatis, est dicendum quod alio modo est credibile obiectum veritatis, alio modo scientiæ. Credibile enim secundum quod habet in se rationem primæ veritatis, cui fides assentit propter se, & super omnia, pertinet ad habitum fidei. Secundum vero quod super rationem veritatis addit rationem auctoritatis, pertinet ad doctrinam sacre scripturæ. De qua dicit Augustinus quod maior est eius auctoritas, quam humani ingenii perspicacitas. Sed secundum quod supra rationem veritatis, & auctoritatis addit rationem probabilitatis, pertinet ad considerationem præsentis Libri, in quo ponuntur rationes probantes fidem nostram, & sic patet quo modo differenter est fides de credibili, & libri de canone sacre scripturæ, & præfens scriptura. Et ideo non valet illa obiectio de speabili, vel diligibili, quoniam iste Liber non est sic ad defensionem spei, & charitatis, sicut fidei: unde non est simile.

QUESTIO II.

Quæ causa formalis, quive procedendi modus sit in
huius Libri Sententiarum.

Alexander Avenis 1. p. summa q. 1. Membrum 4. art. 1.

DE causa formali, siue modo agendi huius Libri. Et dictum est quod est perscrutatorius & inquisitiuus secretorum.

SED contra per Isaiam: Deus dat secretorum scrutatores quasi non sint.

2. ITEM in Prouerbiis: Scrutator maiestatis opprimetur à gloria.

3. ITEM Altiora te ne quaesieris, & fortiora te ne scrutatus fueris. Ergo si ea quæ Magister perscrutatur, sunt secreta, sunt magna, sunt alta & tortia, male Magister procedit.

4. ITEM ratione ostenditur sic: Modus procedendi in parte scientiæ debet esse vniformis modo totalis scientiæ, sed modus procedendi in sacra Scriptura est typicus, & per modum narrationis, non inquisitionis: cum ergo iste liber pertineat ad sacram Scripturam, non debet procedere inquirendo.

5. ITEM modus agendi debet esse conueniens materiæ de qua est. Vnde in primo Ethicorum dicitur: Sermo inquirendi sunt secundum materiam: sed materia huius doctrinæ est credibile, & credibile est supra rationem, ergo modus procedendi per rationes non conuenit huic doctrinæ.

6. ITEM modus agendi debet esse conueniens fini ad quem ordinatur scientia: sed hæc scientia, ut dicit Magister in littera, ordinatur ad fidei promotionem, sed rationes finem non promouent, sed euacuant. Vnde Gregorius: Fides non habet meritum, cui humana ratio præbet experimentum: ergo talis modus contrariatur fini, ergo non est conueniens. Vnde & Hieronymus: Tolle, inquit, argumenta cum de fide agitur. Pastoribus, & piscatoribus creditur, non dialecticis. Vanus ergo & inutilis videtur hic modus.

SED contra: Parati omni poscenti reddere rationem de ea quæ in vobis est fide, & spe. Cum ergo multi sint qui fidem nostram impugnant, utique rationem de ea poscunt, vtile & congruum videtur per rationes eam astruere, & modo inquisitorio, & ratiocinando procedere: ergo, &c.

ITEM Richardus de sancto Victore in libro de Trinitate: Credo sine dubio ad quorumlibet explanationem necesse est non modo probabilia, sed etiam necessaria argumenta non deesse, licet contingat nostram industriam latere. Ergo cum fides nostra credat necessaria, & illa habeant rationes latentes, & talia indigeant perscrutatione ut enodentur, patet quod modus perscrutatorius maxime conuenit huic scientiæ.

ITEM non est peioris conditionis veritas fidei nostræ, quæ alia veritates: sed in alijs veritatibus ita est, quod omnis quæ potest per rationem impugnari, potest & debet per rationem defendi: ergo pari ratione & veritas fidei nostræ.

ITEM non est modo fides nostra peioris conditionis quam in principio: sed in principio quando impugnabatur per falsa miracula magorum, defendebatur per vera

Aug. lib. 1.
super Gen.
ad litteram.
cap. 1. in
finem.

Ad oppos.
Isai. 44. 6.

Proverbia 1. 6.

Ecclesi. 1. 6.

Cap. 1. 6.
1. cor. 1.
Dion. 1. de
Dion. 1.

Mem. 1. 6.
1. cor. 1.

Hieron. ad
Paulinum
de deu. lib.
1. 7.

1. Pet. 3. 6.
Fundam.
1. cor. 1. 6.
1. cor. 1. 6.
1. cor. 1. 6.

Sanctorum: ergo cum modo impugnetur per falsa argumenta hæreticorum, debet defendi per vera argumenta Doctorum.

CONCLUSIO.

Modus procedendi per scrutatorium, atq; inquisitium conuenit huic doctrinæ, quippe qui inuitantes, ad fidem promouet, infirmos fouet, perfectosq; consolidat.

R E S P. ad arg. Dicendum quod modus per scrutatorium conuenit huic doctrinæ, siue libro. Cū enim finis imponat necessitatem his quæ sunt ad finem. (Quia sicut dicit Philosophus: Serra est dentata, quia est ad secandum,) sic iste liber, quia est ad promotionem fidei, habet modum inquisitium. Modus enim ratiocinatus, siue inquisitiuus valet ad fidei promotionem, & hoc tripliciter secundum tria genera hominum. Quidam enim sunt fidei aduersarij. Quidam sunt in fide infirmi. Quidam vero perfecti. Modus inquisitiuus valet primo ad confundendum aduersarios. Vnde Augustinus: Aduersus garrulos ratiocinatores elatioris magis quā capaciores, rationibus catholicis, & similitudinibus congruis ad defensionem & assertionem fidei, est vtendum. Secundo valet ad fouendum infirmos. Sicut enim Deus charitatem infirmorum fouet per beneficia temporalia, sic fidem infirmorum fouet per argumenta probabilia. Si enim infirmi viderent rationes ad fidei probabilitatem deficere, & ad oppositum abundare, nullus persisteret. Tertio valet ad delectandum perfectos. Miro enim modo anima delectatur in intelligendo quod perfecta fide credit. Vnde Bernardus: Nihil libentius intelligimus, quam quod iam fide credimus.

1.2.3. **Q U O D** ergo obijcitur in contrariū, dicendum, quod omnes illæ auctoritates intelliguntur de perscrutatione curiosa, non de perscrutatione studiosa: Nam ipse Dominus dixit Iudæis: Scrutamini scripturas, &c.

4. **Q U O D** obijcitur quod ille modus non competit sacre Scripturæ; dicendum ad hoc quod liber iste ad sacram Scripturam reducitur per modum, cuiusdam subalternationis, non partis principalis. Similiter & libri Doctorum, qui sunt ad fidei defensionem, quod pater sic: Quia non qualibet determinatio trahens in partem, facit subalternationem scientiæ, sed determinatio quodā modo distrahens. Nam scientia de linea recta non dicitur subalternari Geometriæ, sed scientia de linea visuāli, quoniam hæc determinatio quodam modo trahit ad alia principia. Quoniam ergo sacra scriptura est de credibili, vt credibile, hic est de credibili vt facto intelligibili & hæc determinatio distrahit. Nam quod credimus debetur auctoritati, & quod intelligimus rationi. Hinc est quod sicut alius modus certitudinis est in scientia superiori, & inferiori, ita alius modus certitudinis est in sacra scriptura, & alius in hoc libro, & ideo alius modus procedendi. Et sicut scientia subalternata ubi deficit, redit ad certitudinem scientiæ subalternatis, quæ maior est, sic etiam cum Magistro deficit certitudo rationis, recurrit ad auctoritates sacre scripturæ, quæ excedit omnem certitudinem rationis.

5. **Q U O D** tu obijcis, quod modus debet conuenire materiæ; dicendum quod conuenit. Et quod obijcitur, quod credibile est super rationem, verum est super rationem quantum ad scientiam acquisitam per rationem euidentem: sed non supra rationem eleuatam per fidem, & per donum scientiæ, & intellectus. Fides enim eleuat ad assentiendum: scientia & intellectus eleuant ad ea, quæ credita sunt, intelligendum.

6. **Q U O D** obijcitur quod non conuenit fini, quia euacuatur meritum; dicendum quod quando assentitur propter se rationi, tunc aufertur locus fidei, quia in anima hominis dominatur violentia rationis. Sed quando fides non assentit, propter rationem, sed propter amorem eius cui assentit, desiderat habere rationes: tunc non euacuatur ratio humana meritum, sed augeat solatiū, & primo modo intelligit Gregorius similiter & Hieronymus, quod non sunt inducenda argumenta dialectica, quibus

A homo principaliter innitatur, quia innitendum est auctoritati principaliter quam rationi.

Q V Æ S T I O III.

An Theologia sit gratia speculationis, vel vt boni fiamus.

5. Thomas 1. p. summa q. 1. art. 4.
Egid. Rom. 1. Sent. q. 5. l. Prologi.
Henricus in summa art. 3. q. 3.
Scotus 1. Sent. q. 5. l. Prologi.
Richardus 1. Sent. q. 4. Prologi.
Franciscus de Mayr. 1. Sent. dist. 48. q. 2.
Durandus 1. Sent. q. 6. Prologi.
Ioan. Bacon. 1. Sent. q. 4. Prologi.
Gab. Biel. 1. Sent. q. 12. Prologi.

DE causa finali. Et cum dictum sit quod liber iste est ad reuelandum abscondita, quaeritur vtrum opus hoc sit contemplationis gratia, vel vt boni fiamus. Et quod sit vt boni fiamus, videtur sic: Omnis doctrina quæ est de his, sine quorum cognitione non contingit recte viuere, est vt boni fiamus: sed iste liber est ad cognitionem nostræ fidei, sine qua impossibile est placere Deo, nec recte viuere, vt dicitur ad Hebræos. Ergo iste liber est vt boni fiamus.

I T E M omnis doctrina quæ conuenit cum virtute in obiecto, est vt boni fiamus: hæc per se manifesta est: sed hæc doctrina conuenit cum fide in obiecto, quia est de credibili, de quo etiam est fides, siue in quo: ergo, &c.

I T E M doctrina particularis conuenit cum totali in fine: sed finis totalis scripturæ sacre non est tantum vt fiamus boni, sed etiam vt fiamus beati, & beatitudo est optimum: igitur finis istius scientiæ est vt boni fiamus.

C O N T R A: Magister dicit in littera quod finis, siue intentio sua est theologiarum inquisitionum abdita pādere: sed hoc pertinet ad eum, cuius finis est speculatio: ergo &c.

2. **I T E M** scientia quæ est vt boni fiamus, pertinet ad mores: sed cum Theologia sit de fide non de moribus: liber autem iste de his quæ spectant ad fidem, non de his quæ spectant ad mores: ergo opus hoc non est vt boni fiamus.

3. **I T E M** omnis scientia quæ est vt boni fiamus, est practica: sed omnis talis est de his quæ sunt ab opere nostro: sed hæc non est de his quæ sunt ab opere nostro, sed à Deo: ergo est contemplationis gratia, non vt boni fiamus.

CONCLUSIO.

Theologia est scientia affectiua: & huius cognitio est gratia speculationis, sed principaliter vt ipsa boni fiamus.

R E S P. ad arg. Ad intelligentiam prædictorum notandū est quod perfectibilis est intellectus noster à scientia. Hunc autem contingit considerare tripliciter, scilicet in se, vel prout extenditur ad affectum, vel prout extenditur ad opus. Extenditur autem intellectus per modum dictantis, & regulantis: & quia secundum hunc triplicem statum errare potest, habet triplicem habitum directiuum. Nam si consideremus intellectum in se, sic est proprie speculatiuus, & perficitur ab habitu, qui est contemplationis gratia, quæ dicitur speculatiua scientia. Si autem consideremus ipsum, vt natum extendi ad opus sic perficitur ab habitu qui est vt boni fiamus: & hæc est scientia practica, siue moralis. Si autem medio modo consideretur vt natus extendi ad effectum, sic perficitur ab habitu medio inter pure speculatiuum & practicum, qui complectitur vtrumque, & hic habitus dicitur sapientia quia simul dicit cognitionem & affectū. Sapientia enim doctrinæ est secundum nomen eius. Vnde hic est contemplationis gratia, & vt boni fiamus, principaliter tamen vt boni fiamus. Talis est cognitio tradita in hoc Libro. Nam cognitio hæc iuuat fidem, & fides sic est in intellectu, vt quantum est de sui ratione, nata sit mouere affectum, & hoc patet. Nam hæc cognitio: Christus pro nobis mortuus est, & consimiles, nisi sit homo peccator, & durus, mouet ad amorem & deuotionem. Non sic ista: Circulus vincit diametrum, &c. Concedendum est ergo, quod scientia præsentis libri est vt boni fiamus.

Fundamenta.

Heb. 11.4

Ad oppos.

2. Mora. 3. quia practica finis est opus.

Eccl. 6.6

2. Mora. 3. prolog.

Conclus.

1. QVOD obijcitur, quod est ad pandendum abscondita; dicendum quod ibi non est status, quia illa reuelatio ordinat ad affectum.

2.3. QVOD obijcitur, quod non est de moribus, nec de his quæ sunt ab opere nostro, iam patet responsio ad duo vltima: quia ipse loquitur de illa scientia quæ proprie est vt boni fiamus, vt de practica.

QVÆSTIO IV.

Qua causa agens, siue efficiens huiusce libri.

DE causa efficiente. Et dicitur fuisse Magister Petrus Lombardus Parisiensis Episcopus. Sed quod non debeat dici auctor huius libri, videtur sic: Ille solus dicitur auctor libri, qui est doctor, siue actor doctrinæ, sed sicut dicitur Augustinus in libro de Magistro, Solus Christus est doctor: ergo solus debet dici huius libri auctor.

2. ITEM sicut dicit Philosophus in Ethicis: Nō quicūque facit grammaticalia, vel musicalia, debet dici grammaticus, vel musicus, vt pote si faciat casu vel fortuna, vel alio supponente, siue dicente: sed Magister hoc opus composuit ex aliena doctrina, nam ipse dicit in littera: In hoc opere Maiorum exempla, doctrinamque reperies: ergo nō debet dici auctor.

Si tu dicis, quod non tantum hic est doctrina Sanctorum, sed etiam sua, cuius ratione debet dici auctor. Contra: A maiori & digniori debet fieri denominatio: sed Magister dicit quod si paulisper vox sua insonuit, non tamen a paternis limitibus discessit, &c. ergo non debet iste liber dici esse Magistri.

CONTRA: Constat quod Deus hoc opus non scripsit digito suo: ergo habuit alium doctorem: sed non est dare alium nisi Magistrum, ergo &c.

ITEM auctoritas Magistri, in hac parte recipitur. Ideo cum ipse dicat in littera: In multo labore, & sudore hoc volumē, Deo prestante, compegimus: ergo videtur quod ipse fuit auctor presentis libri.

CONCLUSIO.

Petrus Lombardus, Episcopus Parisien. est auctor huius libri.

RESP. ad arg. Ad intelligentiam doctorum notandum quod quadruplex est modus faciendi librum. Aliquis enim scribit alienam materiam nihil addendo, vel mutando, & iste mere dicitur scriptor. Aliquis scribit aliena addendo, sed non de suo, & iste compilator dicitur. Aliquis scribit & aliena & sua, sed aliena tamquam principalia, & sua tamquam annexa ad euidētiā, & iste dicitur commentator. Aliquis scribit & sua & aliena: sed sua tamquam principalia, aliena tamquam annexa ad confirmationem, & talis debet dici auctor. Talis fuit Magister, quoniam sententias suas ponit, & Patrum sententijs confirmat. Vnde vere debet dici auctor huius libri.

1. QVOD ergo obijcitur, quod solus Christus est doctor, & auctor, dicendum quod sicut dicit Augustinus in libro de doctrina christiana: Docere est dupliciter, sicut dicitur dupliciter aliquis facere videre. Aliter enim facit videre, qui visum restituit: aliter qui visibile digito ostendit. Primum facit Deus: secundum, homo. Similiter aliter docet qui scientiam quam habet, in alium verbo vel scripto offert, vel ostendit: aliter qui habitum scientiæ imprimat: vterque tamen dicitur doctor & auctor: sed Deus principalis, sicut in proposito.

2. QVOD obijcitur, quod fecit librum alio supponente, dicendum quod non ideo dicitur facere aliquis supponente alio, quia ab alio didicit (tunc enim pauci essent doctores, vel grammatici) sed si omnino scientia eius dependeat ab alio ita quod non habeat habitum intra, sicut illi qui faciunt bonum latinum, quia alij ei dixerunt, sed ipsi ignorant artem: hoc modo non fecit Magister librum istum. Nam a scientia quā acquirat longo tempore, vel labore, hoc opus composuit, & per doctrinas Patrum suas sententias confirmavit. Et quod sunt ibi multa dicta aliorum, hoc non tollit Magistro auctoritatem, sed potius eius auctoritatē & humilitatem commendat, &c.

Finit proemij Sancti Bonaventuræ in librum primum Sententiarum.

PROLOGVS MAGISTRI IN LIBROS SENTENTIARVM.

Rationes mouentes Magistrum ad aggrediendum opus ex approbatione & amore boni, catholice scilicet veritatis.



Vpientes aliquid de penuria, ac tenuitate nostra cum paupercula in gazophylaciū Domini mittere, ardua scandere, opus ultra vires nostras agere presumpsimus, consummationis fiduciā, laborisq; mercedem in Samaritano statuentes, qui prolatis incurationē semiuiui duobus denarijs, supereroganti cuncta reddere professus est. Delectat nos veritas pollicentis, sed terret immensitas laboris. Desiderium hortatur proficiendi, sed dehortatur infirmitas deficiendi, quā vincit zelus domus Dei. Quo inardescens, fidem nostrā aduersus errores carnaliū atq; animalium hominū, Davidica turris clypeis munire, vel potius munitam ostendere, ac theologicarum inquisitionum abdita aperire, necnon & sacramentorum Ecclesiasticorum pro modulo intelligentiæ nostræ notitiā tradere studuimus. Non valentes studioforum fratrum vobis iure resistere, eorum in Christo laudabilibus studijs, lingua, ac stylo nos seruire flagitantium, quas bigas in nobis agitat Christi charitas.

Rationes mouentes Magistrum ex detestatione & odio mali, hæreticæ scilicet peruersitatis.

Quamuis non ambigamus, omnē humani eloquij sermonem calumniā, atq; contradictioni amulorum semper fuisse obnoxium, quia dissentientibus voluntatum motibus, dissentiens quoque sit animorum sensus, ut cum omne dictum veri ratione perfectum sit, tamen dum aliud alijs aut videtur, aut cōplacet, veritati vel non intellectæ, vel offendenti, & impietatis error obnititur, ac voluntatis inuidia resultat, quā Deus seculi huius operatur in illis dissidentie filijs suis, qui non rationi voluntatem subiiciunt, nec doctrinam studiū impendunt, sed his quæ somniant, sapientiæ verba coaptare nituntur, non veri, sed placiti rationem sectantes, quos iniqua voluntas non ad intelligentiam veritatis sed ad defensionē placitum incitat, non desiderantes doceri veritatē, sed ab ea ad fabulas cōuertentes auditū. Quorum professio est magis placita, quā docenda conquirere, nec docēda desiderare, sed desideratis doctrinam coaptare, quæ habent rationem sapientiæ in superstitione. Quia fidei defectionem sequitur hypocrisis mendax, ut sit in verbis pietas, quam amiserit conscientia, ipsamque simulatam pietatem omni verborum mendacio impiam reddunt, falsa doctrina institutis fidei sanctitatem corrumpere molientes, auriumque pruriginem sub nouello sui desiderij dogmate alijs ingerentes, qui contentioni studentes contra veritatē sine fœdere bellant. Inter veri namque assertionem, & placiti defensionem pertinax pugna est. dum se & veritas tenet, & se voluntas erroris tuetur. Horum igitur & Deo odibilem Ecclesiam euertere, atque ora oppilare, ne virtus nequitia in alios effundere queant, & lucernam veritatis in candelabro exaltare volentes, in labore multo, ac sudore hoc volumen, Deo prestante, compegimus ex testimonijs veritatis in aeternū fundatis, in quatuor libros distinctum.

Rationes mouentes discipulos ad audiendum: quibus etiam hoc opus authenticum esse probatur.

In quo Maiorum exempla doctrinamque reperies, in quo per

* Aug. lib. de Magistro per totum, praefatum c. 14 tom. 1.

Matt. 23.

Arist. 2. Ethic. c. 4.

Fundamenta.

Modus quadruplex faciendi libros.

Aug. lib. 1. de doctr. Christi. in proemio 10. 1.

Luc. 21. 4. Mar. 12. 4. Luc. 10. 5.

* Ex Aug. de Trin. 10. 3.

* Ex Aug. ibidem.

Ex Hil. 10. de Trin. in proem.

2. Cor. 4.

* Ex Aug. 2. b.

2. Tim. 4.

1. Tim. 4.

1. Tim. 4.

2. Tim. 4.

2. Tim. 4.

Matt. 5. b.

quo per Dominica fidei sinceram professionem uiperea doctrina fraudulentiam prodidimus, aditum demonstranda veritatis complexi, nec periculo impie professionis incerti, temperato inter utrumque moderamine utentes. Sicubi vero parum vox nostra insonuit, non à paternis discessit limitibus. * Non igitur debet hic labor cuiquam pigro, vel multum docto uideri superfluum, cum multis impigris, multisq; indoctis, inter quos etiam & mihi sit necessarius, breui volumine complicans Patrum sententias, appositis eorum testimonijs, ut non sit necesse querenti librorum numerositatem euoluere, cui breuitas, quod queritur, offert sine labore. In hoc autem Tractatu non solum pium lectorem, sed etiam liberum correctorem desidero, maxime ubi profunda versatur veritatis questio, quæ utinam tot haberet inuentores, quot habet contradictores. Ut autem, quod queritur, facilius occurrat, titulos, quibus singulorum Librorum capita distinguuntur, præmissimus.

S. BONAVENTURÆ IN PROLOGVM SENTENTIARVM EXPOSITIO.

Cupientes aliquid de penuria, & cet.

Expositio textus.

TOTALI libro præmittit Magister prologum, in quo tangit causas suscepti operis. Diuiditur autem in duas partes. In prima parte ponit rationes quæ mouerunt ipsū ad aggrediendum præsens negocium, liue opus. In secunda, rationes quæ debent mouere discipulos ad benigne audiendum, circa finem: *In quo Maiorum*, &c. ubi incipit alloqui auditores. Prima pars diuiditur in duas, quia duplex ratio potest mouere aliquem ad opus faciendum, scilicet amor boni, & odium mali. Primo ergo ponit rationes sumptas ex parte amoris boni scilicet catholicæ veritatis. Secundo ex parte odij mali, scilicet hæreticæ prauitatis, ibi: *Quamuis non ambigamus*, &c. Prima pars habet quatuor particulas. In Prima tangit causam excitantem, & hæc est desiderium mercedis, & spes auxilij sub exemplo viduæ, & parabola Samaritani. In Secunda ponit causam retrahentem, quæ duplex est, scilicet laboris immentitas, & propria infirmitas, ibi: *Delectat nos*, &c. In tertia ponit causam propellentem. Et hæc est zelus ipsū accendens, ibi: *Qua uincit zelus*. In quarta ponit causā cōpellentē, & præualentē, ibi: *Non valentes*, &c. Et hæc est petitio fratrum studiosorum, quibus non potest quis iure resistere, sed quodam modo necessario oportet collum subiungere.

DVBIA LITTERALIA:

Opus ultra vires nostras agere præsumpsimus, &c.

Dub. I.

Hic obijcitur: Præsumptio est peccatum, ergo peccauit.

R E S P. Est præsumptio confidentiæ de diuino adiutorio, & præsumptio superbiæ quæ est de proprio ingenio. Prima non est peccatū, sed est virtutis indicium: secunda vero est peccatum: sed de prima loquitur Magister. Vel aliter: Est præsumptio secundum veritatem, & est præsumptio secundum propriam æstimationem. Prima est reprehensibilis, quia superbiæ: secunda laudabilis, quia humilitatis. Nec est culpabilis qui in omnibus operibus suis se reputat indignum, & quasi præsumptuosum.

Prolatis duobus denarijs supereroganti, &c.

Dub. II.

Hic queritur quæ sit ista supererogatio Si tu dicas quod sit Magistorum & Sanctorum superadditio ad sacram scripturā. **CONTRA** per Damascenum: Quæ tradita sunt nobis per legem, & Prophetas, veneremur nihil ultra inquirentes. Item in Apocalypsi: Si quis apposuerit ad hæc: apponet ei Dominus plagas.

R E S P. dicendum quod est additio distrahens, & est additio complens. Addens primo modo non supererogat, sed magis diminuit, & subuertit, & tales sunt hæretici, quibus datur maledictio. Addens secundo modo supererogat, quia saluo sensu, scripturam ipsam dilucidat. Per duos igitur denarios, duo intelligo Testamenta. Per Samaritanum, Christum. Per seminiuum, hominem gratuitis expoliatū, & vulneratum in naturalibus. Et supererogationem intelligo Doctorem exponentem. Vel aliter dicendum, quod est additio, in qua additum est contrarium: & est in qua additum est diuersum: & est in qua additum est consonum. Prima additio est erroris. Secunda præsumptionis, quia præsumptio est, dicere in sacra Scriptura aliquid omnino diuersum ab his quæ in ea expressa sunt. Tertia, fidelis instructionis: quia quod implicitum est, explicat.

Quam vincit zelus domus Dei. Dub. III.

Hic queritur quis sit iste zelus: & quare magis hoc zelo accenditur contra animales & carnales, quam contra superbos, & alios peccatores: & cū zelus sit amor priuatus, non videtur quod deberet zelo accendi.

I T E M cum maius sit peccatū superbia: videtur quod magis deberet accendi contra superbos.

R E S P. Ad primum dicendum quod zelus est amor nolens habere consortium in amato: zelus malus vitat omne consortium, sed zelus bonus vitat tantum malos, unde veri zelatores domus Dei non possunt videre in Ecclesia vitia quæ insurgunt contra ipsam. Unde dicit glossa: Zelus bonus est quo animus, abiecto humano timore, accenditur, & eo tendit ut quælibet praua quæ viderit, corrigere satagat: & si nequierit, toleret & gemat.

Ad secundum dicendum quod Magister specialiter in Ecclesia zelabat fidem: & ideo Magister accendebatur contra fidei corruptores. Dupliciter autem corrumpit quis fidem, aut motus peruersitate voluntatis & affectionis: & hic dicitur carnalis. Nam caro dicitur hic carnalis affectio, secundum illud: Manifesta sunt opera carnis, &c. Alio modo corrumpit quis motus peruersitate iudicij: & hic dicitur animalis quasi phantasticus: quia phantasiæ peruertunt iudicium rationis.

Quas bigas agitat in nobis Christi charitas.

Dub. IV.

Contra per Ecclesiastem: Nemo scit an odio, an amore dignus sit.

R E S P. Dicendum quod charitas vno modo dicit virtutem gratuitam. Alio modo dicit large amorem multum appetentem amatum. Unde charitas dicitur quasi amor carus. Primo modo sumpta charitate, verū est certitudinaliter quod nescit aliquis: potest tamen aliquo experimento dulcedinis diuinæ misericordiæ hoc cōiungere probabiliter. Secundo modo potest scire: et si primo modo dicit Magister, non dicit asserendo, sed conijciendo. Si secundo modo, tunc assertiue potest intelligi: & sic patet illud.

Quamuis non ambigamus, &c.

Supra posuit Magister rationes mouentes ex approbatione boni: hic ponit rationes mouentes ex odio, & detestatione mali: & hoc est malum hæreticæ peruersitatis. Habet autem hæc pars quatuor particulas. In prima parte tangit eorum peruersitatem, quæ consistit in calumniando bonum, & verum ex erroris cecitate, & inuidiæ pari malignitate. In secunda tangit huius peruersitatis ra-

Dam. li. 1. de fide c. 1.

Apoc. vi. d

Glossa in hunc locum Ioan. 2.

Gal. 5. c

Ecl. 9. a

Diuisio.

dicem, quæ est suggestio diabolica, & propria superbia, ibi: *Quam Deus huius seculi*. In tertia tangit huius erroris defensionem, quæ est per falsam superstitionem, & mendacem, & contentiosam locutionem, ibi: *Habent rationem sapientia in superstitione*. In quarta infert rationem quæ ipsum mouit ad presentis operis compilationem, ibi: *Horum igitur Deo odibilem*. Et ratio hæc, est subuersio erroris.

Veritati, vel non intellecta. Dub. V.

Videtur quod dicat male, quia veritas est lux intelligibilis, sicut lux corporalis sensibilis: sed oculus habens visum, non potest ignorare lucem sensibilem: ergo pari ratione nec intellectus ignorabit lucem intelligibilem. Si tu dicas quod non est simile, queritur quare non est simile: & quare magis deficit natura intellectui, quam sensui.

Resp. Dicendum quod simile est si quis attendat. Triplex enim est causa, quare aliquis non videt visibile: aut enim non videt, quia non vult respicere, aut si vult, impeditur propter defectum organi, aut propter absentiam lucis: hoc manifestum est. Similiter in spiritualibus, intellectus frequenter aliqua non intelligit, quia non vult considerare. Aliquando vero non intelligit propter impedimentum ex parte corporis, ut patet in phreneticis, & stultis. Aliquando propter absentiam lucis. Licet enim lux increata se non subtrahat quantum ad essentiam, vel quantum ad qualemcumque influentiam, subtrahit tamen se homini cum peccauit, quantum ad influentiam perfectam: unde dicitur inflixisse ei ignorantiam. Unde sicut oculus in tenebris errat, sic hodie miser humanus intellectus. Cum autem plene restitueretur in lucem, sicut oculus videre poterit omne visibile, sic intelliget omne intelligibile.

Veritati offendenti, impietatis error. Dub. VI.

Arif. 1. Metaph. contem. 1. Contra: Omnes homines natura scire desiderant, sicut etiam esse beati: sed beatitudo neminem offendit, quia omnes eam desiderant: ergo nec veritas offendit aliquem.

Resp. Dicendum quod est loqui de veritate quantum ad primum effectum, qui est illuminare: & quantum ad istum nemo ipsam odit: omnes enim naturaliter desiderant illuminari. Est iterum loqui quantum ad effectum consequentem, qui est arguere: & hunc habet in malis. Manifestatio enim mali redarguit facientem: & inde est quod mali odiunt veritatem. Quia sicut dicitur: Qui male agit, odit lucem.

Qui contentioni studentes contra veritatem sine federe bellant. Dub. VII.

3. Esd. 3. b Contra per Esdram: Magna est veritas, & fortior omnibus. Omnis terra veritatem inuocat, & omnes tremunt eam.

Resp. Dicendum: Est loqui de veritate simpliciter vel de veritate quantum ad hoc, siue in speciali. Primo modo veritas est inexpugnabilis, & ideo præualeat, & sic intelligitur illud Esdræ. Est iterum loqui de veritate secundo modo: sic contingit eam per rationes phantasticas obumbrari, & per contentiorem impugnari. Unde Ambrosius super illud verbum Apostoli, Contentione, dicit: Contentio est impugnatio veritatis cum confidentia clamoris.

Ex testimonijs veritatis in æternum fundatis. Dub. VIII.

1. Cor. 13. c Contra: Scientia destruetur: ergo & testimonia.

Resp. Quod testimonia veritatis sunt in æternum fundata. Sicut dicitur in Psalmo: Initio cognoui de testimonijs tuis, &c. Quod obijcitur quod scientia destruetur, dicendum quod verum est quantum ad modum docendi, & considerandi, sed non quantum ad cognitum, & rationem cognoscendi. Psalmus: In æternum Domine permanet verbum tuum, &c.

In quo Maiorum exemplum.

Diuisio. Hæc est pars vltima in qua ponit Magister rationes mouentes discipulos ad audiendum. Et diuiditur hæc pars in quatuor partes, secundum quatuor quæ mouent discipulos ad audiendum. Duo quæ sunt ex parte operis, videlicet auctoritas, & utilitas: duo vero ex parte docentis scilicet humilitas & facilitas. In prima præparat docilitatem, scilicet in auctoritate. In secunda utilitate suscitatur attentionem. In duobus autem sequentibus, scilicet hu-

A militate, & facilitate caprat beneuolentiam. In prima igitur parte ostendit opus suum esse authenticum. In secunda compendiosum, ibi: *Non igitur debet hic labor*. In tertia ostendit modum docendi esse humilem, in hoc quod vult corrigi, ibi: *In hoc autem tractatu, &c.* In quarta ostendit esse facilem ad inueniendum, & memorandum, ibi: *Vt autem quod queritur, facilius occurrat.*

Liberum correctorem. Dub. IX.

Queritur quid vult dicere per hoc nomen, liberum.

Resp. Dicendum quod liber corrector dicitur, sicut homo liber, qui sui tantum causa est, ut dicit Philosophus: sic corrector liber dicitur qui tantum gratia correctionis, non inuidiæ vel subannationis corrigit. Hunc desiderat exemplo Augustinus ubi dicit: Magis amabo inspicere a rectis, quam timebo morderi a peruersis. Gratanter enim suscipit osculum columbinum pulcherrima & castissima charitas: dentem vero caninum euitat cautissima humilitas, vel retundit solidissima veritas: magis quæ optabatur a quolibet reprehendi, quam siue ab errante, siue ab adulante laudari.

LIBER PRIMVS DE MYSTERIO TRINITATIS.

DISTINCTIO I.

De materia quatuor librorum, quam venatur per distinctiones quasdam, & explicationem Vti, & Frui.

*V*eteris ac nouæ legis continentiam diligenti indagare etiam atque etiam considerantibus nobis præuia Dei gratia innotuit sacra pagina tractatu circa res, vel signa precipue versari. Vt n. egregius doctor Augustinus ait in libro de doctrina Christiana: omnis doctrina vel rerum est, vel signorum. Sed res etiam per signa discuntur. Proprie autem hic res appellantur quæ non ad significandum aliquid adhibentur. Signa vero quorum usus est in significando. Eorum autem aliqua sunt, quorum omnis usus est in significando, non in iustificando, quibus non utimur nisi aliquid significandi gratia, ut aliqua sacramenta legalia. Alia quæ non solum significant, sed conferunt quod intus adiuuet, sicut Euangelica Sacramenta. Ex quo aperte intelligitur, quæ hic appellentur signa, res illæ videlicet quæ ad significandum aliquid adhibentur. Omne igitur signum etiam res aliqua est. Quod n. nulla res est, ut in eodem Augustinus ait, omnino nihil est. Non autem ediuerso omnis res signum est, quia non adhibetur ad significandum aliquid. Cumque his intenderis Theologorum speculatio studiosa atque modesta, diuinam Scripturam formam præscriptam in doctrina tenere aduertet. De his ergo nobis aditum ad res diuinas aliquatenus intelligendas, Deo duce, aperire volentibus, differendum est: & primum de rebus, postea de signis differemus.

De rebus communiter.

*E*rgo in rebus considerandum est, ut in eodem Augustinus ait, quæ res aliæ sunt quibus fruendum est: aliæ quibus utendum est: aliæ quæ fruuntur, & utuntur. Illa quibus fruendum est, nos beatos faciunt. Istis quibus utendum est, tendentes ad beatitudinem adiuuamur, & quasi adminiculamur, ut ad illas res quæ nos beatos faciunt, peruenire, eisque inhaerere possimus. Res vero quæ fruuntur & utuntur, nos sumus quasi inter utrasque constituti, & Angeli & Sancti. Frui autem est amore alicui rei inhaerere propter se ipsam. Vti vero, id quod in usum venerit, referre ad obtinendum illud quo fruendum est: alias abuti est, non uti: Nam usus illicitus abusus, vel abusio nominari debet. Res igitur quibus fruendum est sunt Pater, & Filius, & Spiritus sanctus. Eadem tamen Trinitas quædam summa res est, communis quæ omnibus fruentibus ea, si tamen res dici debet, & non rerum omnium causa, si tamen & causa. Non enim facile potest

inueniri

Philem. d
p Aug. in
li. de Doctr
Christ. c.
33. tom. 3
q Ibidem.

q Ibidem.

Ephes. 2. 8

r Aug. in l.
 1. de doctr.
 christ. cap.
 3. 12. 10. 3.
 f Psal. 15.

t Math 5.
b
as Ex cod.
4.5.32.

x E.1. de
Doctr. Cbr
c. 33.

Case 250.

2. Plima
raris aut
ritatib no
reperitur
in Ambr
comment
sed in glo
sa inter
nari, su
er hoc G
bo ad Ga

.....

*Cum autē homines qui fruuntur & utuntur alijs re-
bus, res aliquæ sint, queritur utrū se frui debeant, an uti.
an utrumq. Ad quod sic respondet Augustinus in libro de
Doctrina Christiana: ° Si propter se homo diligendus est
fruihur eo: si propter aliud, utimur eo: videtur autē mihi
propter aliud diligendus. Quod n. propter se diligendū est
in eo constituitur beata vita, cuius etiā spes hoc tēpore no-
nō consolatur. In homine autē spes ponēda nō est, quia maledi-
ctus est q̄ hoc facit. Ergo si liquide aduertat, nec scipso quis
quam frui debet, quia diligere se propter se nō debet, sed propter*

Obiectio
contra da-
tam re-
sponſionē.

Lib. I. de do-
ctr. Chryſ.
Cap. 33.
a Cap. 10.
1. Ioan. 4.
6
Gist. 7. bu-
ius libri.

Epilogus.

Diuiſio.

ultra gradiendum. Non hic hareat delectationis gressus, neq; hic sit dilectionis terminus, sed referatur hoc ad illud summū bonum, cui soli omnino inhaerendū est, quia illud propter se tantum amandum est, & ultra illud nihil quaerendū est, illud est. n. supremus finis. Ideo Augustinus dicit, quod eas diligimus propter solam beatitudinem, non quod eas ppter se diligamus, sed quia id ipsū, quod eas diligimus, referimus ad illud summū bonum, cui soli inhaerendū est, in eo permanendū, finisq; letitiae ponendus, quare virtutibus nō est fruendū. Sed dicit aliquis: Frui est amore inhaerere alicui rei propter seipsam, ut praedictū est. Si ergo propter se virtutes amanda sunt, & eis fruendū est. Ad quod dicimus: In illa descriptioe, ubi dicitur, propter seipsam intelligendū est tantūmodo, ut scilicet amatur propter seipsā tantū, ut nō referatur ad aliud, sed ibi ponatur finis, ut supra ostendit Augustinus dicens. Si inhaeris, atq; perman- seris, finem ponēs tuae letitiae, tunc vere, & proprie frui di- cendus es. Quod non est faciendū, nisi in illa Trinitate, id est summo & incommutabili bono. Viendū est ergo virtuti- bus, & per eas fruendū summo bono, ita & de voluntate bona dicimus. Vnde Augustinus in lib. 10. de Trinitate ait: ^a Voluntas est per quam fruimur: ita & per virtutes frui- mur, non eis, nisi forte aliqua virtus sit Deus, ut charitas, de qua post tractabitur.

Omnium igitur quae dicta sunt, ex quo de rebus speciali- ter tractauimus, haec summa est. Quod aliae sunt, quibus fruendū est, aliae quibus vtendum est, aliae quae fruuntur, & vtuntur, & inter eas, quibus vtendū est, etiam quaedam sunt, per quas fruimur, ut virtutes, & potentiae animi, quae sunt naturalia bona. De quibus omnibus, antequam de signis tractemus, agendū est, ac primum de rebus quibus fru- endum est, scilicet de sancta, atque indiuidua Trinitate.

DISTINCTIO I.

De materia huius Libri, & librorum diuisione.

Veteris, ac nouae legis continentiam, &c.

Expositio textus.

IN parte ista incipit tractatus Libri, qui diuiditur in Quatuor Libros partiales. Prima pars habet duas par- tes. In prima parte venatur Magister materiā huius libri, & p cōsequens aliorū. In secūda exequitur diuisionē suā, & hoc dist. 2. quae incipit ibi: Hoc itaq; vera, ac praeside, &c.

IT E M prima pars, in qua venatur materiā, habet tres partes. In prima parte venatur materiā per diuisiones, & ideo primo ponit diuisionē, per quam distinguuntur Tres Libri à Quarto, scilicet per res & signa. In secūda ponit diuisionem per quam distinguitur primus Liber à Tribus alijs, quae est per Frui, & Vti, ibi: Id ergo in rebus consideran- dum. In tertia determinat dubitationes quasdam ex praemissis ortas, ibi: Cum autem homines qui fruuntur.

IT E M prima pars habet tres particulas. In prima ponit diuisionē: & auctoritate Augustini confirmat eā, quae est quod tota doctrina Theologica est de rebus, vel de signis, id est subiectū cōmune Theologiae in hac duo diuiditur. In secūda, membra diuisionis explanat, ibi: Proprie autem hic res appellantur, ostendens quid sit res, & quid signum secundū membra praedictae diuisionis. In tertia vero par- ticula, diuisionem ad propositum applicat, ibi: Cumq; his intenderit Theologorum speculatio, dicens, quod de rebus, & signis fuerit dicturus, primo tamen de rebus, &c.

IT E M pars illa in qua ponit diuisionem per Frui, & V- ti, per quam primus Liber distinguitur ab alijs Tribus, ha- bet duas partes. In prima ponit diuisionem. In secūda quae dicta sunt, epilogat, ibi: Omnium ergo quae dicta sunt. Prima pars habet tres partes. In prima ponit diuisionem in res quibus fruendum, & res quibus vtendum. In secūda ad euidētiā maiorem, assignat quasdam diffinitio- nes, ibi: Frui est, &c. In tertia vero proponit, & determinat quasdam dubitationes, ibi: Cum autem homines, &c.

Frui autem est amore inhaerere.

Hec est secunda particula illius partis, in qua ponit di- uisionem, per quam distinguitur primus Liber ab alijs Tribus, quae est de quibuldam notificationibus, & qua- tuor habet particulas. Primo enim ponit notificationes Frui, & Vti. Secundo applicat eas ad propositum, scilicet ad res quibus fruendum, & vtendum, ibi: Res igitur quibus fruendū. Tertio comparat ad alias assignationes, ibi: Nota- dum vero quod idem Augustinus: Quarto, quia videretur sibi contradicere, mouet & determinat quandā dubitationē. ibi: Et attende, quia videtur Augustinus dicere: &c.

Cum autem homines qui fruuntur, & vtuntur alijs rebus, res aliqua, &c.

Hae tertia pars, in qua mouet & tractat dubitationes quasdam, habet tres partes secundum tres dubitationes. Prima est, vtrum homo homine debeat frui. Secunda, v- trum Deus homine fruatur, & vtatur, & hanc mouet, ibi: sed cum Deus diligit, &c. Tertia est, vtrum virtutibus sit fruendum, vel vtendum, ibi: Hic considerandum est vtrum virtutibus, &c. Et in qualibet istarum trium partium pri- mo mouet quæstionem, secūdo motam determinat, ter- tio determinationem per auctoritatem cōfirmat. Et par- ticulae in suis locis sunt manifestae.

Eorum autem aliqua sunt quorum vsus omnis est in signi- ficando, non in iustificando. Dub. I.

CONTRA: Omnia Sacramenta sunt medicinae, quia secundum Hugonem de sancto Victore, Sacramenta om- ni tempore fuerunt medicinae: sed omnis medicina ha- bet effectum in curando: ergo & Sacramenta similiter: sed ista curatio est iustificatio: ergo omni tempore Sacra- menta habuerunt iustificare.

RE S P. Dicendum quod dupliciter est considerare Sacramenta veteris legis, scilicet in se, siue ratione operis operati, & sic erant tantum ad significandum: vel ratione fidei annexae, siue charitatis, siue ratione operis operatis, & sic erant ad iustificandum Sacramenta legalia, praeter Circumcisionem.

Omne igitur signum etiam res aliqua est.

Dub. II.

Opponitur de ista diuisione. Videtur enim Magister male diuidere, quia superius non diuiditur contra suum inferius: sed res est superius ad signum: ergo, &c.

RE S P. Dicendum quod verum est, quod superius in sua generalitate acceptum non diuiditur cōtra suum in- ferius: sed contractum bene potest diuidi. Hic autem, res contrahitur ad standum pro re non significante.

Non autem è conuerso omnis res signum. Dub. III.

Videtur male dicere, quia signum est quod ducit in a- liud cognoscendum: sed omnis res ducit in aliud, quia o- mnis res est causa, vel effectus. Causa autem ducit in co- gnitionem effectus, & è conuerso. Si dicas, quod non o- mne quod ducit est signum, sed quod ducit in prius, tunc omnis creatura est signum cum ducit in Deum.

RE S P. Dicendum quod duplex est signum, scilicet naturale, & institutum. De primo non intenditur hic, sed de secundo, vnde nō valet obiectio ad propositum, quo- niam hoc intenditur de signo ex institutione, sicut sunt signa vocalia, & sacramentalia: tale ergo signum non est omnis res, licet omnis res sit signum primò modo.

Primū de rebus, postea de signis. Dub. IV.

CONTRA: Videtur dicere debuisse potius econuer- so; quia signum ducit in cognitionem rei: ergo prius ef- set agendum vel dicendum de signis quam de rebus.

RE S P. Dicendum quod prior est cognitio signi quā rei respectu cuius est signum, sed non oportet quod om- nis rei. Vnde ipse primo agit de rebus, quarum Sacramē- ta non sunt signa.

Res aliae sunt quibus fruendum, &c. Dub. V.

Videtur quod ista diuisio rerum sit male assignata re-

specu

specu diuifi, quia diuifum fimplicius eft diuidentibus: & diuidentibus diuifum debet eſſe commune: ſed Deo nihil eſt ſimplicius, nec eſt aliquid commune Deo & creaturæ: ergo, &c.

R E S P. Dicendum quod eſt diuiſio vnius communis ſecundum nomen tantum, & ſic eſt diuiſio æquiuoci: & eſt alia diuiſio communis ſecundum nomen & rem, & hæc diuiſio vniuoci eſt: eſt tertia medio modo, & iſta eſt analogi, ſicut iſta eſt, vbi non eſt communitas creaturæ & Creatori ſecundum naturæ participationem, ſed ſecundum ſimilitudinem proportionis, & hæc communitas eſt rationis.

Dub. VI.

I T E M videtur mala diuiſio quantum ad membra; videtur enim quod tertium membrum ſit ſuperfluum. Omni enim re aut eſt vtendum, aut fruendum: ergo tertiu ſuperfluit. Item ſicut eſt res quæ fruitor & vtitur, ita eſt res qua fruendum eſt & vtendum, vt eſt Chriſtus: ergo qu ratione ponit tertium membrum, debere poni quartum.

R E S P. Omnis res quæ eſt natura aliqua, aut eſt finis, & ſic eſt res qua fruendum: aut deducens ad finem; & ſic eſt res qua vtendum: aut ad finem perueniens, & ſic eſt res quæ fruitor & vtitur, vt homo: & ſic accipiuntur mēbra. Et eſt ita diuiſio ſatis conueniens huic ſcientiæ, quia cum Theologia ſit de Creatore, & de creaturis, vtile eſt vt Theologus doceat, quo modo homo per alias res tendat in Deum.

Reſigitur quibus fruendum. Dub. VII.

C O N T R A: Quia res ſunt re: per ſe, & non per acci- dens: & à diuerſitate rerum eſt diuerſitas ſiue multipli- citas fruitionis: ergo ſicut ſunt tres res, ſic erunt tres frui- tiones. I T E M tres articuli ſunt de tribus perſonis: ergo à ſimili & tres fruitiones.

R E S P. Quod res accipitur hic communiter ad eſſen- tiam, & perſonam propter ſui generalitatem: quia aſſum- ptum eſt hoc vocabulum, res, ab actu animæ, ideo tres di- cuntur res, quia tres perſonæ, ſed tamen æque bene vna res, quia vna bonitas eſt in eis. Quia ergo vna bonitas, ideo & vna fruitio, quamvis tres res. Et quoniam articulus dicit quid à parte animæ diſtinguētis, ſcilicet intellectus, & fruitio reſpicit diuinam eſſentiam & bonitatem, & v- nionem effectus communiter, ideo fruitio eſt vna.

Ideoque omnis qui fruitor, vtitur. Dub. VIII.

Hoc videtur falſum, quoniam ſtulti homines ſimiliter & beſtiæ fruuntur, quia propter ſe delectantur in delecta- bili, ſed non vtuntur. Si dicas quod dicitur translatiue; tunc quaeritur, quare non ſimiliter transfertur verbum vtendi.

R E S P. Vti importat libertatem in ſua generali acce- ptione, in ſpeciali importat libertatem cum relatione ad aliud. Frui importat libertatem cum delectatione, & licet nec libertas, nec relatio conueniat brutis, conuenit eis tamen delectatio. Et ideo Vti nullo modo conuenit brutis: Frui autem conuenit eis aliquo modo, licet im- proprie.

In homine ſpes ponenda non eſt. Dub. IX.

C O N T R A: Quia & de beata Virgine cantatur, Vita, dulcedo, & ſpes, ab Eccleſia quæ non errat.

I T E M Iona: Accessit ad eum gubernator. Gloſſa: Na- turale eſt homini magis de alijs quam de ſe in periculis confidere.

R E S P. Dicendum quod ſperare de aliquo eſt duplici- ter, aut ſicut de adiutore, aut ſicut de Saluatore. Prima ſpes poteſt eſſe in homine, ſecunda non. Vel eſt ſperare fi- nale præmium, & hoc debet eſſe tantum in Deo. Vel tē- porale beneficium, & hoc poteſt eſſe in homine. Primum ſi ponatur in homine, meretur maledictionem, ſecundū vero non.

Ita Frater. Dub. X.

Quaeritur quare dicit de homine, Ita, Frater, ego fruor in Domino magis quam de aſino, vel de alia creatura cū in omnibus creaturis reluſceat veſtigium diuinæ bonitatis

R E S P. Quod dicitur aliquis aliquo frui in Deo, non facit repræſentatio, ſed magis inhabitatio. Vnde conuer- ſa per conſequens eſt propria, videlicet hæc: Ego fruor Do- mino in te, dum per opera ſciam Deum habitare in te, & eſt figuratiua locutio.

Dub. XI.

I T E M quaeritur de hac ſolutione Auguſtini, qua ſol- uit auctoritatem prædictam per illā determinationem in Domino. Sed in Eccleſiaſte ſimpliciter dicitur: Fruere bo- nis. I T E M in Deuteronomio: Filios generabis, & filias, & non frueris eis: ex hoc implicat quod ſi non peccarent, fruerentur eis.

R E S P. Dicendum quod prædicta ſolutio non eſt ge- neralis, ſed ſolum ad propositam auctoritatem, Et ideo recurrendum eſt ad ſolutionem prædictam extra litterā in quaſtionibus, quod frui accipiat communiter, & proprie, in prædictis auctoritatibus accipitur communi- ter tantum.

Si enim nec fruitor, nec vtitur. &c. Dub. XII.

Hoc non videtur valere, quia Deus diligit ſe, non ta- men vtitur: quia non diligit ſe propter aliud, nec fruitor, quia vbi fruitio, ibi inherētia, & indigentia, vt dicit Au- guſtinus: Deus autem vtroque caret, &c.

R E S P. Dicendum quod fruitio de ſui generali ratio- ne dicit amoris vnionem, ſcilicet fruibilis cum fruente. Quoniam ergo contingit aliquid vniri ſibi, & alij: conue- nit non tantum frui alio, ſed etiam ſeipſo: ſed vbi eſt vnio ad alterum, ibi eſt dependentia, inherētia, & indigētia: vbi vero ad ſeipſum, ſi ipſum eſt ſummum bonum, non eſt inherētia nec dependentia, vel indigentia, ſed omni- moda ſufficientia. Si vero ipſum bonum deficiens eſt, in- diger, & inde eſt, quod ſolus Deus ſeipſo perfecte fruitor: nihil autem aliud ab ipſo poteſt perfecte ſeipſo frui. Solus enim Deus eſt ſummum bonum, & diligit ſe, fruendo ſe, diligit etiam alia fruendo ſe: & ita nec fruitio Dei, nec v- ſus eſt cum indigentia, ſicut noſtra fruitio, & vſus.

Item quia bonus eſt, ſumus. Dub. XIII.

Obijcitur. Videtur enim falſum. Nam ſi quia bonus eſt, ſumus: ergo quia ab æterno bonus eſt, ab æterno ſu- mus.

R E S P. Dicendum breuiter quod hoc, quia bonus eſt, dicit cauſam. Sed eſt aliqua cauſa naturalis etiam neces- ſaria, & eſt aliqua cauſa voluntaria. Bonitas autem diuina eſt cauſa noſtri eſſe, & boni eſſe per modum voluntatis, non naturæ, & neceſſitatis: hæc autem cauſa non ponit effectum ſtatim cum eſt.

Porro etiam. Dub. XIV.

Obijcitur, quare ſimiliter non ſequitur, quia iuſtus eſt, iuſti ſumus: ſicut quia bonus eſt, boni ſumus. Si dicas, quod iu- ſtitia nō eſt eius diſpoſitio in quantū cauſa eſt: C O N T R A. Sapientia eſt diſpoſitio Dei in quantū cauſa: ergo pari ra- tione, quia ſapiēs eſt, ſapiētes ſumus. Si tu dicas, quod nō eſt diſpoſitio immediata ſicut bonitas, obijcitur de volū- tate quæ eſt immediatiſſima: & tamen non ſequitur, quia volens eſt, volentes ſumus.

R E S P. Dicendum quod ratio huius conſequentiæ triplex eſt. Vna eſt, quia bonitas eſt diſpoſitio cauſæ in- quantum cauſa. Secunda eſt, quia eſt proxima ad actum, quia cum bonum ſit ſui communicatiuum de ſui ratione importat communicabilitatem, importat etiam volun- tatem, quæ duo ponunt effectum in actu. Tertia, quia diſ- poſitio generalis in qua conſiſtit veſtigij ratio, dicit reſ- pectum ad finem. Vnde ſicut Deus vnus imprimat vni- tatem, ita bonus bonitatem.

Vt ſcilicet ametur propter ſeipſam tantum. Dub. XV.

C O N T R A. Quia ſicut ſe habet per ſe ad per acci- dens, ita propter ſe ad propter aliud. Sed nihil quod conuenit alicui per acci- dens conuenit per ſe: ergo nihil quod con- uenit alicui propter aliud, conuenit propter ſe. Si ergo virtutes ſunt apperendæ propter aliud, non ergo propter ſe.

RESP.

Ecd. 7. b
Dem. 28. d

Art. 2. q. 1.

Aug. lib. 1.
de Doct.
Chr. c. 36.
rom. 3.

Vide infra
diſtin. 3. ſu-
per litterā
dub. 6.

Aristot. 2.
phy. cōtex.
29. Et 1.
Eth. c. 2.

R E S P. Sicut dicit Philosophus: Idem est finis, & propter quod finis autem dupliciter est. Vno modo finis ultimus qui propriissime est finis, in quo est status. Alio modo finis sub fine, & dicitur proprie terminus. Sic & propter quod diuersificatur. Vnde vno modo excludit finem, alio modo non, vt dicit Magister. Quod ergo obicitur de per se, dico quod sicut per se vno modo opponitur ei quod est per aliud, & sic idem est per se, quod secundum quod ipsum, siue primum vniuersale. Alio modo opponitur ei quod est per accidens. Sic, & propter se dupliciter accipitur. Vno modo opponitur ei quod est propter aliud, alio modo, ei quod est per accidens: quia aliud ad illud accidentaliter ordinatur, secundum hoc distinguit Magister propter se, & consequenter honestum siue fruibile, & ipsam denique fruitionem.

Aristot. pri.
poster. c. 4.
cōtex. 9.

*Etiam quadam sunt res per quas fruimur, vt virtutes.
Dub. XVI.*

CONTRA: Videtur quod solis potentiis possit frui anima sine omni virtute. Sine omni enim virtute potest frui bono creato, ergo cum magis sit fruibile bonum increatum, & anima magis ad hoc nata est, poterit eo frui solis potentiis.

R E S P. Dicendum quod summū bonum est quod super nos est: ad hoc ergo quod illi vniamur, necessario interuenit duplex medium: Medium vnum per quod anima nata est vniri alij à se diuerso, & hoc est potentia. Aliud speciale, vel spirituale supra hoc quod ipsam subleuet, & hoc est virtus. Quod obicitur non est simile, quia potentia per se potest deficere, & inclinari, sed non per se eleuari.

ARTICVLVS I.

A De identitate diffinitionum, & aliorum quæ Magister ponit de his verbis, Frui, & Vti. Sex quæruntur in parte ista, quorum tria pertinent ad Vti, tria ad Frui. De Vti tria quæruntur. Primo quæritur quid sit Vti per essentiam. Secundo vtrum omni creato contingat Vti. Tertio vtrum solo bono creato sit vtendum. De Frui similiter quæruntur tria. Primo quid sit Frui per essentiam. Secundo vtrum bono increato sit fruendum. Tertio vtrum fruendum sit ipso solo bono increato.

QVÆSTIO I.

An vti sit actus voluntatis, vel rationis.

*S. Thom. 1. 2. q. 16. art. 1. cōtex. per totam.
Epist. 1. Sent. dist. 7. q. 3.
Thom. arg. lib. 1. Sent. q. 5. art. 2.*

FVNDAMENTA.
2. Eth. c. 6.

DE Vti quid sit per essentiam, vtrum sit actus voluntatis aut rationis, sic proceditur. Quod sit actus voluntatis ostenditur sic: Ab actu vtendi denominatur vnusquisque bonus: sed nullus dicitur bonus nisi ab actu voluntatis: ergo actus vtendi pertinet ad voluntatem.

Aug. 10. de
Trim. c. 11.
tom. 3.

Aug. ibid.
Epi. de Ci.
uit. c. 25. to.
5.

Aristot. 4.
Phys. con-
tex. 84.

AD OPP.

I T E M Augustinus: Vti est assumere aliquid in facultatem voluntatis: ergo Vti est actus voluntatis.

I T E M, hoc videtur per diuisionem ipsius Vti contra alia, quia diuidit Augustinus hæc tria, ingenium, doctrinam, & vsum: & dicit quod ingenium respicit quid homo possit, doctrina quid homo sciat, vsum quid velit, ergo vsum est actus voluntatis.

I T E M opposita nata sunt fieri circa idem: sed vti, & abuti sunt opposita: ergo cum abuti sit solius voluntatis, quia eius solius est peccare: ergo & vti similiter erit actus solius voluntatis.

1. **CONTRA:** Vsum siue assuefactio est via in habitum acquirendum: sed omnis potentia nata est acquirere habitum: ergo Vti videtur esse omnis potentia.

2. **I T E M** omnis potentia mediante operatione sua ordinatur in finem, sed eo dicitur aliquid vtile, siue vti, quo in finem est ordinabile. Sed ordinari in finem mediante operatione propria est omnis potentia: ergo & Vti similiter.

3. **I T E M** sicut Augustinus dicit, & habetur infra, Vti

est id quod in vsum venerit referre, &c. Sed eius est referre, cuius est conferre: sed conferre est solius rationis: ergo referre, & per consequens Vti à diffinitione.

4. **I T E M** ars vtitur suis instrumentis: sed ars est in potentia rationali, siue cognitiua, cum sit scientia: ergo cum habitus & actus sint eiusdem potentia, sic ars est in potentia rationali, & Vsum, siue Vti similiter erit in eadem.

CONCLUSIO.

Vti proprie est actus ipsius voluntatis, licet communiter sumptum possit esse actus potentia cuiuslibet.

R E S P. AD ARG. Dicendum quod Vti quinque modis accipitur, & secundum hoc diuersificatur secundum rem, & secundum diffinitionem. Accipitur enim Vsum siue Vti communissime, secundum quod diuiditur contra ocium vel ociositatem, pro naturali operatione debita cuiuslibet rei, siue ad quam vnaqueque res ordinatur, & secundum hoc dicit Philosophus: Cuius vsum bonus, &c. Secundo modo dicitur communiter, & sic vsum diuiditur contra dissuetudinem, & hoc modo diffinitur à Victorino: Vsum est actus frequenter elicitus à potentia, & hoc modo potest dici quod est actus omnis potentia, nec addit super actum nisi frequentiam. Tertio modo accipitur Vti proprie, & sic diuiditur contra habitus memoria, & intelligentia, & contra ingenium, & doctrinam, & sic diffinitur ab Augustino: Vti est assumere aliquid in facultatem voluntatis, & sic dicit actum voluntatis proprie. Quarto modo accipitur magis proprie, & sic diuiditur contra actum quietarium, scilicet contra Frui. Et sic diffinitur ab Augustino: Vti est assumere aliquid in facultatem voluntatis propter aliud, & sic est actus voluntatis, vt ad aliud relatiue. Quinto accipitur propriissime, & sic diuiditur contra actum inordinatum, scilicet contra abuti, & sic diffinitur ab Augustino: Vti est id quod in vsum venerit, referre ad id quo fruendum est, & sic vti dicit actum voluntatis relatum, & ordinatum in finem. Ratio ergo diuersarum notificationum est multiplex acceptio eius, quod est Vti: & ratio multiplicis acceptionis est oppositio eius ad diuersa. Si ergo quærat quid sit actus omnis potentia: tribus vero vltimis est actus ipsius voluntatis. Communissime & communiter loquendo, est actus omnis potentia, & sic non loquitur Augustinus. Proprie vero & magis proprie & propriissime actus est ipsius voluntatis.

1. Et sic patet primo obiectum in contrarium, scilicet quod Vti communissime sumptum sit omnis potentia.

2. **Q V O D** obicitur secundo quod omnis potentia refertur in finem per actum suum: Dicendum quod illa potentia dicitur vti suo actu, quæ est domina sui actus, & talis potentia est referre actum suum, non tantum referri. Et quoniam sola voluntas est domina sui actus, & sola est seipsam mouens, ideo ipsa sola est, cuius est actus vti. Alijs autem potentijs contingit vti materialiter & passiuè, quia habent referri, & non referre. Et hinc est quod Augustinus dicit: Vti est assumere aliquid in facultatem voluntatis, facultas enim dicitur eius dominium, quo facilius potest in actum suum tanquam illius princeps.

3. **A D** illud quod obicitur quod rationis est referre; Dicendum quod dupliciter est referre, scilicet per collationem, & illationem, sicut præmissæ referuntur ad conclusionem, & hoc est rationis, & hoc non est Vti. Et est referre per inclinationem, & ordinationem ad aliud, & hoc est proprie voluntatis, quia potest aliquid assumere quiescendo ibi, vel aliud intendendo, & hoc est referre quo, vel per quod diffinitur Vti, &c.

4. **A D** illud quod obicitur de arte; Dicendum quod ars dicit quod est operationis, & quod est speculationis: Secundum quod dicit quod est speculationis. non habet Vti, & sic est rationis: secundum vero quod dicit quod est operationis, sic extenditur ad voluntatem, & eam regulat in vtendo.

Doctr. Chr.
lib. 1. c. 3.
tom. 3.
August. de
Doctr. Chr.
c. 4. lib. 1.
tom. 3.

Arist. 1.
Topicor. m
loco 31.

Aug. 10.
de Trim. c.
11. tom. 3.
Aug. 11. de
ciu. Dei c.
25. to. 5. Hic
Scribitur: Vti
dicitur ea
re, quem
propter a
liud quæri
mur.

Aug. de
doctr. chr.
lib. 1. cap. 3.
tom. 3.

Aug. li. 10.
de Tri. ca.
u. tom. 3.

QVÆSTIO II.

An omni creato vtendum sit.

Gabr. Biel. 1. Sententiarum dist. 1. q. 1.

Funda-
menta.
Prou. 16. 4.

Cap. 4. de
diu. nomi-
ni.

* 4. Phys.
1. 2. 8. 4.
in Poffpro
dic. 1. de op
pos.
Ad oppos.
Aug. lib.
1. de doctr.
chrif. c. 23.
11. 3.

3. Eib. c. 1.
15.
ibid. c. 6.

Aug. 10. 1
1. 2. de lib.
arb. c. 19.

Aug. 10. 33.
9. 10. 10. 4.

Aug. 10. de
Trin. c. 11.
10. 1.
Vide huius
lib. dist. 47.
9. 5.

Vlso quid sit Vti per essentiam, quæritur de Vtibili, vtrum scilicet omni creato sit vtendum. Et quod sic videtur hoc modo: In Prouerb. Vniuersa propter semetipsum operatus est Deus: ergo omnia sunt ordinabilia in Deum. Sed omne ordinabile in Deum conuenit ordinare, sed ordinando ad Deum ordinabile recte vtimur: ergo si omnia conuenit ordinare, omnibus est vtendum.

ITEM ens & bonum conuertuntur, sicut vult Dionysius: sed omnia sunt entia: ergo omnia sunt bona. Sed omne bonum est diligendum: ergo omne creatum diligendum. Sed non est diligendum propter se: ergo propter aliud. Sed hoc est vti: ergo vti conuenit omni creato.

ITEM omni virtuti conuenit recte vti: ergo opus omnis virtutis est rectus vsus: sed vsus alicuius virtutis est respectu mali poenæ, vt patientiæ alicuius, respectu mali culpæ, vt poenitentia: ergo malis omnibus scilicet culpæ & poenæ contingit recte vti: ergo multo fortius bonis ergo, & cet.

ITEM * opposita nata sunt fieri circa idem: sed omnibus contingit abuti: ergo omnibus contingit recte vti: ergo vtendum est omni creato.

1. CONTRA: Caritas est per quam recte vtimur, quia omnia ordinantur in finem per caritatem, quæcunque recte ordinantur: sed dicit Augustinus: Tantum quatuor diligenda sunt ex caritate, & tria tantum creata, vt nos, proximus, & corpus proprium: ergo tantum tria referuntur, siue ordinantur in finem per caritatem, cum non sit vti recte nisi per caritatem: ergo tantum tribus est vtendum: ergo non omni creato.

2. ITEM omnia quibus vtimur, subiacent nostræ voluntati: sed quædam sunt quæ non subiacent nostræ voluntati vt necessaria, & perpetua: ergo illis non est vtendum.

3. ITEM omne illud quo recte vtimur, bono fine facimus: sed quædam sunt quæ nullo bono fine possunt fieri, vt mentiri, & talia quæ mox nominata coniuncta sunt malo: ergo talibus non est vtendum.

4. ITEM virtute non contingit male vti, sicut patet ex eius diffinitione: ergo ab oppositis, malo culpæ, siue vitiis non contingit recte vti: ergo non omnibus aliis à Deo est vtendum.

CONCLUSIO.

Vti creato quocunque possumus, vt obiecto, ad quod inclinamur, licet non quocunque vt instrumento, vel actu.

RESP. ad arg. Dicendum quod vti aliquo, quatuor dicitur modis. Aut sicut instrumento quo operamur, sicut vtimur instrumento, vel organo, & sic non omnibus contingit vti, vt puta potentiis quæ sunt pure naturales, accipiendo Vti proprie, sicut accipit Augustinus. Aut sicut habitu quo regulamur, vt puta virtute, & sic non omnibus contingit recte vti, vt habitu vitij, quo potius contingit obliquari. Aut sicut actu quo mouemur, & sic non omni actu conuenit vti, sicut illis quæ mox nominata coniuncta sunt malo. Aut sicut obiecto ad quod inclinamur, & sic omnibus contingit vti, & abuti. Omnia enim possunt sumi in facultatem voluntatis ad approbandum, vel respuendum, & hoc patet per Augustinum: Vtimur assumendis, vel respuendis ad valetudinem: tolerādis ad patientiam, ordinandis ad iustitiam.

ITEM Augustinus: Voluntas totam intelligentiam capit, dum vtor omni eo quod intelligo: sed mala intelliguntur: ergo contingit vti malis. Aliter tamen vtimur bonis, aliter malis. Ratio enim ordinationis in bonis non tantum est ex parte ordinationis, sed etiam ex parte ordinati, quia per se bona sunt vtibilia, & ordinabilia, & de

A sui natura: sed in malis ratio ordinationis non est ex parte ordinatorum, sed potius ex parte ordinantis: & ideo mala non dicuntur vtibilia. Vnde nota quod cū Vti sit assumere aliquid in facultatem voluntatis, hoc potest esse quadrupliciter, vel in facultatem voluntatis imperantis, sicut est de his quæ proprie pertinent ad vsum humanū. Vel in facultatem voluntatis acceptatis, sicut est dilectio proximi, & huiusmodi. Vel in facultatem voluntatis tolerantis, sicut sunt mala poenæ. Vel in facultatem voluntatis respuentis, & sic assumuntur mala culpæ, & ordinantur. Primis duobus modis intelligitur illud: Cuius vsus bonus & c.

1. AD illud ergo quod obiicitur de caritate quod tantum tria creata sunt diligenda; Dicendum quod diligere aliquid ex caritate est ordinare in summum bonum: quod per se caritas diligit: hoc autem contingit dupliciter. Aut enim contingit ordinare quod natum est deuenire in finem, & sic tantum tria creata diligenda sunt ex caritate. Aut illud per quod deuenire est in summum bonum: & quia hoc potest esse suo modo per omnem creaturam, omnis creatura potest diligi ex caritate, & omni creatura contingit vti.

2. AD illud quod obiicitur quod non omnia subiacent voluntati; Dicendum quod aliquis dicitur subesse dominio voluntatis dupliciter. Aut quantum ad esse ipsius rei, & sic non omnia subiacent. Aut quantum ad actum voluntatis, qui est in respuendo ipsam re, vel approbando, & hoc propter se, vel propter aliud, & tali modo omnia subiacent voluntati nostræ, scilicet quantum ad actum appetitionis, vel respuitionis, licet non primo modo.

3. 4. AD illud quod obiicitur, quod quædam nullo bono fine possunt fieri: similiter quod semper vitij abutimur; Dicendum quod obijcitur secundum viā, qua contingit vti aliquo vt actu medio: & hoc modo non conuenit vti peccato, vel sicut habitu regulante similiter: conuenit tamen eo vti sicut obiecto recto per modum contritionis, & detestationis.

QVÆSTIO III.

An solo bono creato vtendum sit.

Gabriel Biel. 1. Sententiarum dist. 1. q. 1.

Ostenso, vtrum omni creato sit vtendum, & omni alio à Deo, est quæstio, Vtrum solo bono creato sit vtendum. Et quod sic videtur. Omne bonum, aut est finis, aut ad finem: sed solo bono quod est ad finem est vtendum, quia ratio utilis est ducere in finem: ergo cum solum bonum creatum sit ad finem, solo bono creato est vtendum.

ITEM omne bonum aut est creatum, aut increatum. Sed si contingit vti bono increato, contingit illud referre ad aliud: aut ergo ad creatum, aut increatum: sed non ad increatum, quia non est nisi vnum: ergo ad creatum. Sed sic refertur terminus ad viam, & causa ad effectum: sed hoc est abusus non vsus: ergo solo bono creato, siue creatura est vtendum.

ITEM Augustinus diuidit honestum contra vtile: ergo nullum vtile honestum, & econuerso. Sed Deus est quid honestum per essentiam: ergo Deo non est vtendum.

ITEM videtur quod non solum non sit vtendum Deo, siue bono increato: sed vti eo semper sit peccatum mortale, quia Augustinus dicit: Summa peruersitas est frui vtendis, & vti fruendis: sed qui vtitur bono increato, vtiur bono fruendo: ergo & c.

1. CONTRA: Contingit Deo recte seruire intuitu mercedis, quia multi sunt boni mercenarii, vt dicit Ambrosius: sed non contingit Deo seruire nisi amando: ergo contingit Deum recte amare intuitu mercedis: sed sic amans vtiur Deo, quia refert ad aliud ergo, & c.

2. ITEM sicut summa bonitas habet se ad amorem, sic summa veritas ad cognitionem: sed contingit veritatem creatam cognoscere clarius sine præiudicio summæ Veritatis, & sine errore: ergo similiter contingit ali-

Funda-
menta.

Arif. 2.
Ethic. c. 4.

Aug. lib. 8,
9. 9. 10. 4.

Aug. li. 83.
9. 9. 10. 4.

Ad oppos.

Ambr. 10.
3. in 15. cap.
Luc. lib. 7.

quam aliam bonitatem quam summam ardentius diligere sine præiudicio summæ bonitatis, & de ordinatione: ergo contingit amore ordinato aliud plus diligere quam Deum: ergo contingit Deum diligere propter aliud ordinatum, & ita uti eo.

*Arist. 2.
Topic. loco
31.*

3. ITEM videtur quod nullum peccatum sit, cum quis utitur Deo propter suam salutem: quia cuius finis bonus est, ipsum quoque bonum: sed huius usus bonus est, scilicet nostra salus: ergo usus Dei est bonus: ergo non erit peccatum.

4. ITEM usus Dei aut est bonus, & sic utendum Deo: aut est malus, & sic Deus malus, quia cuius usus malus, ipsum malum: quia si Deus bonus, & eius usus bonus: ergo Deo est utendum.

CONCLUSIO.

*Solo bono creato est utendum: & bono increato
uti, est abuti.*

RESP. ad arg. Dicendum quod solo bono creato est utendum, quia si bono increato utimur, semper est abusus: & abusus talis est mortale peccatum, propter auersionem à fine cum delectatione, & propter voluntatis inordinationem quæ minus diligit ipsum quo utimur, quam propter quod utimur.

*Vide dist.
23. Es lib. 3.
dist. 27.
art. 2. q. 2.
Gen. 15.*

1. Ad illud ergo quod obijcitur quod contingit recte servire Deo intuitu mercedis: Dicendum quod illa merces, aut est ipse, sicut Dominus dixit ad Abrahā: Ego merces tua, & sic intuens mercedem non utitur Deo, quia non refert ad aliud. Aut merces illa est aliud, & tunc potest eam quis intueri, aut ut causam mouentem, & sic est malus mercenarius, & sic utitur: aut ut rationem inducentem, & sic est bonus, & hoc modo non utitur.

2. Ad illud quod obijcitur quod clarior cognitio creaturæ non præiudicat Creatori: ergo, &c. Dicendum quod non est simile: quia claritas cognitionis non est in nostra potestate: sed ardor affectionis est in nostra potestate, ideo requiritur à nobis quod istum amorem ordinemus non illam cognitionem. Aliquis tamen actus cognitionis est in nostra potestate, ut pote actus fidei, quo si aliquis assentiat Veritati primæ propter aliud, bene præiudicat veritati sicut amare propter aliud, bonitati.

3. Ad illud quod obijcitur quod finis usus Dei est bonus: Dicendum quod finis dicitur bonus dupliciter, aut quantum ad substantiam aut quantum ad intentionem finientem: & propositio illa intelligitur quantum ad intentionem finiendi, & hæc consistit in recta ordinatione, & illo modo non contingit uti Deo, quia non conuenit ordinari.

4. Ad ultimum, scilicet usus Dei, aut est bonus, aut malus, &c. Dicendum quod illa propositio intelligitur de habentibus ordinationem ad finem, sed non de ipso fine. Vel intelligitur de actu naturali ipsarum rerum, & proprio, qui frequentius ab ipsa re elicitur, non de ordinatione ad finem, & sic non valet propositio ad propositum.

ARTICVLVS II.

Habito de Vti & Utibili, consequenter queritur de Frui, & Fruibili.

QUESTIO I.

An Frui sit actus voluntatis, vel aliarum potentialium.

3. Thom. 1. 2. q. 3. art. 4. Et Quod. 8. art. 19.

Regid. Rom. 1. Sent. dist. 1. q. 1.

Scotus 1. Sent. dist. 1. q. 4.

Henricus Quod. 3. q. 17.

Thom. Arg. 1. Sent. dist. 1. q. 1. art. 1.

Gab. Biel. 1. Sent. dist. 1. q. 2.

*Funda-
menta.*

Quid sit Frui per essentiam, utrum scilicet actus voluntatis, an aliarum virium. Quod sit actus voluntatis, videtur per primam diffinitionem, quæ est: Frui est amore inherere, &c. Sed amor est voluntatis: ergo & Frui

similiter. Si dicas, quod amor sumitur ibi communiter, secundum quod est in qualibet vi respectu sui actus. CONTRA: In omnibus alijs diffinitionibus idem dicitur. Vnde dicitur in sequenti: Fruimur cognitis, in quibus voluntas delectata conquiescit. Quietatio autem voluntatis est: Et in alia diffinitione probatur id ipsum similiter: Frui est uti cum gaudio. Gaudium autem ad voluntatem proprie pertinet.

ITEM ostenditur ratione, quia fruitione delectamur: sed delectabile secundum quod delectabile, est differentia boni, cum sit bonum honestum conferens, & delectabile: bonum autem, obiectum est voluntatis: ergo frui est solius voluntatis.

ITEM eo fruimur quo quietamur: sed quietatio respicit rationem finis, & finis rationem boni, & bonum est obiectum voluntatis: ergo fruitio quæ ordinat ad illud similiter.

1. SED CONTRA: Omnis virtus appetit vniri suo obiecto quo habito delectatur si cognoscit, & quiescit: ergo motus cum quietatione & delectatione est omnium virium, ergo cum talis sit fruitio, fruitio erit in omnibus, non tantum in voluntate.

2. ITEM absentia rei amate potius contristat amante quam delectet: quod enim delectat ipsum, hoc est, quod videt ipsam & habet. Si ergo motus fruitionis est cum delectatione, vel est ipsa delectatio: ergo hoc delectare est, quia videt illud in quo est ipsa delectatio: sed visio respicit cognitiuam, ergo, &c.

3. ITEM Augustinus: Hæc est summa merces, ut ipso perfruamur. Sed super illud Psalmi: Ostendam illi salutem, &c. Dicit Glossa, quod visio est tota merces: ergo si fruitio est merces, fruitio est visio per essentiam: sed visio est in cognitiua, siue in ratione, ergo, &c.

4. ITEM fide & spe tendimus in Deum. Aut ergo fruendo, aut utendo: sed non utendo, cum Deo non sit utendum: ergo fruendo: ergo fide, & spe fruimur: sed fides est habitus rationis cognitiuæ: sed cuius est habitus, eius est actus: ergo actus fruitionis est actus rationis, similiter videtur de irascibili: ergo, &c.

CONCLUSIO.

Frui per essentiam est voluntatis: licet actus aliarum virium ad hunc disponant.

RESP. ad arg. Secundum aliquos Frui pertinet ad omnes vires, & hoc dicunt, quia omnes vires remunerabuntur: qui dicunt etiam quod in gloria erit magis proprie rationis, quia immediate se habet ad delectationem. Sed aliter videtur dicendum secundum Augustinum, scilicet quod sit actus ipsius voluntatis. Cum enim tres dentur diffinitiones de Frui, omnes dantur penes actum voluntatis, quem tripliciter est considerare. Primo modo communiter, prout dicit modum cum delectatione, & sic diffinit Augustinus: a Frui est uti cum gaudio. Secundo prout dicit modum cum quietatione, & hoc modo diffinitur ab Augustino: b Frui est amore inherere alicui rei propter seipsam, & hoc modo accipitur proprie. Tertio modo accipitur prout complectitur utrumque, scilicet quietationem, & delectationem: & hoc modo diffinitur ab Augustino: c Frui est quiescere in cognitis voluntate propter se delectata, & sic accipitur propriissime. Quia ergo Frui secundum omnem acceptionem dicit delectationem, vel quierem, vel utrumque, & omne tale habet rationem boni, & hoc est obiectum voluntatis: ideo loquendo essentialiter, Frui est actus voluntatis. Sed quia voluntas nec delectatur, nec quietatur nisi in eo quod cognoscit vel per fidem, vel per spem, & in eo quod habet per spem, vel in re, ideo actus aliarum virium ad hunc disponunt, non tamen sunt Frui essentialiter loquendo.

Ex hoc patet resolutio ad illud quod communiter consuevit queri, quare Frui non diffinitur per actum cognitionis, sicut delectationis, cum hæc questio fundata sit super falsum. Augustinus enim ponit in notificatione una

quod est,

quod est cognitionis, cum dicit: Frui est quiescere in cognitionis: cadit tamen ibi sicut dispositio. Ex hoc etiam patet, quare non diffinitur per fidem, & spem, sicut per charitatem, quia charitas informat concupiscibilem, cuius est Frui. Tamen ista quæstio similiter fundata est super falsum, quia amor duo diffinitur Frui, est communis ad amorem castum & libidinosum, vel quo avarus fruitur auro, non proprius ipsius charitatis.

Aug. lib. 15. de Trin. c. 7. 10. 3. Anselm. de casu diaboli lib. 3.

1. Ad illud ergo quod obiicitur, quod omnis virtus habet delectari, & quietari cum vnitur suo obiecto, dicendum quod ipsa voluntas, ut dicit Augustinus, amat sibi, & aliis. Et sicut etiam dicit Anselmus: Voluntas inclinat alias vires, & aliis meretur: ideo eius quietatio & delectatio redundat in alias vires. Vnde sicut voluntas non sibi cognoscit: sed ratio sibi cognoscit, & voluntati: ita voluntas sibi & rationi delectatur, & ipsam quiescere facit.

2. Ad illud quod obiicitur quod amans non fruitur nisi videat, vel habeat, dicendum quod videre & habere requiruntur ad Frui, similiter & amare. Nam si quis videt aliquid & habet, numquam delectatur nisi amet: aliter tamen requiritur visio, quam amor. Nam visio disponit, similiter & tentio, sed amor delicias suggerit. Vnde est quasi acumen penetrans, & ideo ei maxime conuenit vnire, & per consequens delectare, & quietare, ideo essentialiter non dispositiue est fruitio. Propter quod est intelligendum quod actus voluntatis potest dupliciter considerari, scilicet per modum appetitus, & complacentiæ. Primo modo antecedere potest ipsam visionem. Secundo vero consequitur, & in hoc est perfecta ratio ipsius fructio, scilicet in complacentia rei visæ, & habitæ.

3. Ad illud: Visio est tota merces, Dicendum quod illud non dicitur proprie, sed per concomitationem: quia visio & complacentia, in qua est perfecta ratio fructio, inseparabiliter se habent.

4. Ad illud quod obiicitur quod fide & spe fruimur dicendum quod illud non est verum per se, quia quilibet harum accipit rationem tendentem a charitate: vnde fruitio non est ex istis, nisi per charitatem. Sola enim charitas consideret finem in ratione finis & obiecti. Vnde non dicitur aliquis sperare Deum, sicut amare.

ARTICVLVS III.

Ostenso quid sit Frui per essentiam, quæstio est de Fruibili. Et primo vtrum Deo contingat Frui. Secundo vtrum fruendum sit ipso solo.

QVÆSTIO I.

An Deo sit fruendum.

S. Thomas 1. 2. q. 12. art. 3.
Egidius Rom. 1. Sent. dist. 1. q. 1. princ. 2.
Gab. Biel. 1. Sent. dist. 1. q. 4.

Quod Deo sit fruendum, ostenditur sic: *Eo fruendum est quod beatos nos facit, quia in beatitudine est recta fruitio: sed Deo beati efficitur, quia ipse est nostra beatitudo: ergo Deo est fruendum.

ITEM bonum est amabile: *ergo magis bonum magis amabile: & summe bonum summe amabile: sed eo fruimur quod summe amamus: ergo, &c.

ITEM pulchrum delectat: magis pulchrum magis delectat: ergo summe pulchrum summe delectat: sed eo fruimur in quo summe delectamur: ergo &c.

1. SED contra: Vbi est fruitio ibi est delectatio: *sed delectatio est coniunctio conuenientis cum conuenienti, Dei autem ad facturam nulla est conuenientia, immo summa distantia: ergo nec delectatio: ergo nec fruitio.

2. ITEM *excellens sensibile corrumpit sensum, vel saltem contristat, quia vera delectatio non est nisi in medijs: ergo per rationem excellens intelligibile corrumpit vel contristat intellectum. Sed Deus est excellentissima lux, ergo contristat, non delectat, ergo &c. Si dicas quod sensibilis potentia est corruptibilis, non intellectus; hoc

A non soluit, quia intellectus dum est in carne fatigatur, & impeditur in actu, corpore corrupto.

3. ITEM vbi fruitio ibi quietatio: sed in infinito non est quietatio, quia semper est aliquid extra accipere: ergo cum Deus sit infinitus, in Deo non est quietatio: ergo non fruitio.

c. 3. Physic. context. 63.

CONCLUSIO.

Deo est fruendum, cum ipse solus perfecte finiat.

RESP. ad arg. Dicendum quod Deo fruendum est eo quod ipse solus perfecte finit, & delectat ipsam animam propter se, & super omnia.

1. Ad illud ergo quod obiicitur quod delectatio est coniunctio conuenientis, &c. Dicendum quod est conuenientia per vnus naturæ participationem, & per comparisonem. Prima conuenientia facit communitatem vniuationis. Secunda communitatem analogiæ siue proportionis. Et hæc est secundum triplicem differentiam aut secundum similem comparisonem duorum ad duos sicut se habet homo ad animal, ita albedo se habet ad colorem. Aut secundum dissimilem comparisonem duorum ad vnum ut animalis, & cibi ad sanitatem. Vel secundum comparisonem duorum ad inuicem, ut puta cum vnum est imitatio, vel similitudo alterius. Similitudo enim non conuenit cum consimili in tertio, sed seipsa anima. Sic est in proposito, quia anima est expressa similitudo Dei. Hæc conuenientia in vno extremo ponit inclinationem & indigentiam in alio quietationem, & sufficientiam, quia vnum factum est propter alterum, vnde ordinatur ad alterum. Et quoniam ad inclinationis quietationem & indigentiam suppletionem, vbi est sensus, est delectatio, siue sequitur, ideo anima cum tali modo quietatur a Deo, fruitur eo.

Lib. 3. d. 14. c. 22.

2. Ad illud quod obiicitur quod excellentia sensibilis corrumpit sensum: ergo, &c. Dicendum quod non est simile de intelligere, & sentire. Et ad hoc est triplex ratio. Vna est ex parte virtutis apprehensivæ. Alia ex parte apprehensio, siue obiecti. Tertia est ex parte modi apprehendendi. Ex parte virtutis apprehensivæ, quia sensus potest corrumpi, intellectus autem non. Cuius ratio est, quia sensus dependet ab organo, in quo est quædam medietas & armonia, quæ non tantum corrumpitur per contrarium sed per excellens: sed intellectus non dependet ab organo, quia vis est immaterialis, ideo non tristatur in excellenti. Ex parte obiecti non est simile, quia obiectum intelligentiæ excellens iuuat, & confortat, quia influentia talis cognoscibilis procedit ab intimis, & intrat ipsam potentiam, & ideo ipsam corroborat, & confortat. Sicut si magnus mons daret virtutem portandi se, facilius ferretur quam paruus: sic est in intelligibili, quod Deus est. Sensibile autem obiectum tantum extra excitat: & ideo hoc corrumpit, illud autem non. Ex parte modi apprehendendi similiter est dissimilitudo, quia sensus in apprehensione sui obiecti tendit ad exterius, vnde per illud dispergitur exterius, nec fortificatur interius, ideo debilitatur. Sed obiectum intellectus cum sit intimum ipsi intellectui, in eius perceptione virtus non dispergitur, sed colligitur, & quanto virtus est magis vnita, tanto fortior.

Vide dist. 3. p. 1. q. 1. ad primum.

d. 3. de am. context. 4.

3. Ad illud quod obiicitur de infinito, Dicendum quod infinitum dicitur dupliciter, scilicet per priuationem perfectionis: & sic materia dicitur infinita, & talis infiniti non est finire, sed potius finiri indiget, secundum quod est possibile. Alio modo infinitum dicitur per priuationem limitationis: & quod sic infinitum est, proprie habet finire, quoniam ultra ipsum cum non sit maius cogitare, non conuenit aliquid appetere. Vnde talis infinitas conuenit ultimo fini, quæ maxime habet finiendi rationem.

QVÆSTIO II.

An solo Deo, vel bono increato fruendum sit.

S. Thomas p. 2. q. 11. art. 1.

Egid. Rom. 1. Sent. dist. 1. q. 1.

Durandus 1. Sent. dist. 1. q. 2.

Richardus 1. Sent. dist. 1. q. 3.

Scotus 1. Sent. dist. 1. q. 1.

Franciscus de Mayr. 1. Sent. dist. 1. q. 1.

Ioan. Baccus 1. Sent. dist. 1. q. 1.

Tho. Arg. 1. Sent. dist. 1. q. 1. art. 1.

Fundamenta.
1. Eth. c. 8.

Vtrum solo Deo, siue bono increato sit fruendum & quod sic videtur. Illo solo est fruendum quod est propter se diligendum: sed illud est propter se diligendum quod est propter se bonum: illud autem propter se est bonum, quod bonitatem quā habet nec habet ab alio, nec bonitas illa est ad aliud: hoc autem est solus Deus: ergo, &c.

ITEM illo solo est fruendum quod quietat animæ appetitum. Sed animæ appetitus non quietatur sufficienter nisi in eo quod est illa perfectius, & maius bonum, hoc autem est solus Deus: ergo &c.

ITEM appetitus animæ nō sufficienter quietatur, nisi per aliquid quod animam implet, quia ex ea parte anima deficit in quiete, quā deficit in plenitudine, sed est capax Dei secundum appetitum: ergo si omne creatum est in infinitum minus illo, nullum creatum supplet animæ appetitum. Et hoc est quod dicit Augustinus: Animam totius Trinitatis capacem, nihil minus, quam Trinitas potest implere.

ITEM bonum quod potest cogitari, potest appeti, ergo si aliquo maius bonum potest cogitari, maius illo potest appeti: sed omni finito maius potest cogitari, ergo maius potest appeti: ergo nullum finitum terminat animæ appetitum sufficienter: ergo solo bono infinito, quod est Deus, est fruendum: quo habito non potest amplius cogitari, nec desiderari.

Ad oppos.

1. CONTRA: Videtur quod bono creato contingat Frui, quia quamvis appetitus materiæ sit infinitus, tamen per formam creatam corporalem, & incorruptibilem sufficienter finitur: ergo similiter videtur quod sit aliquod bonum creatum, quod sufficienter finiet animæ appetitum sed omni tali est fruendum, ergo aliquo bono creato est fruendum.

2. ITEM appetitus humanus est finitæ capacitatis: ergo non capit nisi finitum, vel si capiat infinitum, capit finitum: ergo si finiatur per illud quod capit, finitur per bonum finitum: ergo videtur quod aliquo bono finito sit fruendum.

3. ITEM specialiter videtur quod homine sit fruendum, quia omni eo est fruendum quo Deus fruitur: sed Deus homine fruitur, quia hominem amat: sed amore illo quo amat se, amat hominem: quia non est in eo duplex amor: sed primus est fruitionis, ergo & secundus.

4. ITEM videtur specialiter de virtute. Quia omni illo est fruendum quod est propter se appetendum: hæc est manifesta per se: sed omne bonum honestum est propter se appetendum. Quia honestum est quod sua vi nos trahit, & dignitate sua nos allicit, sicut dicit Tullius, & Augustinus, diuiditur honestum contra vtile: sed virtus cadit in genere honesti, ergo virtute est fruendum.

Tullius in
Rhetorica
Aug. li. 3.
q. 30. 10. 4.

5. ITEM videtur specialiter de beatitudine. Omni eo est fruendum, quo habito animus quiescit, & delectatur, & nihil ultra potest quærere: sed beatitudo creata est huiusmodi: ergo, &c.

CONCLUSIO.

Solo Deo proprie frui possumus: communiter autem frui licet ijs qui spiritualiter delectant, & coniungunt fini.

RESP. ad arg. Dicendum quod solo Deo est fruendum proprie accepto Frui, prout dicit modum cum delectatione, & quietatione. Sed communiter accepto Frui, prout dicit modum cum delectatione tantum omnibus que

A spiritualiter delectant, & coniuncta sunt fini, cuiusmodi sunt fructus, dona, & beatitudines, potest frui homo non indebit: sed primo modo, solo Deo. Et ratio huius est quia nihil potest animam sufficienter finire, nisi bonū ad quod est creata. Hoc autem est bonum summū quod superius est animā, & bonum infinitum quod excedit animæ vires. Cognitio enim animæ rationalis est cognitio non artata, unde nata est quodam modo omnia cognoscere: unde non impleretur cognitio eius aliquo cognoscibili, nisi quod haberet in se omnia cognoscibilia, & quo cognito omnia cognoscuntur. Similiter affectio eius nata est diligere omne bonum: ergo nullo bono sufficienter finitur affectus, nisi quod est bonum omnis boni & quod est omnia in omnibus. De quo bono in Exodo:

Ratio qua
duplex.

Prima.

1. de ani.
contex. 4.

Exe. 33. 4.

Ratio 2.

B Ostendam tibi omne bonum: hoc autem est summum bonum: ergo, &c. Similiter nihil sufficienter finit animā nisi bonum infinitum: quia ad hoc ut finiatur, necesse est ipsam finire secundum existimationem, alioquin non esset beata, nisi se existimaret beatam. Existimatio autem supergreditur omne finitum: quia omni finito potest maius cogitari aliquid, ergo cum affectio posset se extendere eo ubi est existimatio, necessario affectio animæ supergreditur omne finitum: & si hæc nullo bono finito sufficienter finitur, fruendum est ergo solo Deo, quia summum bonum, & infinitum. Et non solum Deo fruendum propter perfectā finitionem, sed etiam propter perfectā delectationem. Ad delectationem enim concernitur delectabile & coniunctio eius cum eo quod delectat. Omne autem quod delectat animam, delectat in ratione

Ratio 3.

Ratio 4.

C boni & pulchri: & quoniam solus Deus est bonitas & pulchritudo, ideo in Deo solo est perfecta delectatio. Item quia ibi est cōiunctio, solus autem Deus est qui perfectissime coniungitur. Nam coniungitur secundum veritatem, & intimitatem. Solus enim Deus propter summam simplicitatem, & spiritualitatem illabitur animæ, ita quod secundum veritatem est in anima, & intimior animæ quā ipsa sibi. Omnes enim hæc quatuor rationes, ad vnam reducuntur, scilicet ad hanc, quia nata est anima ad percipiendum bonum infinitum, quod Deus est: ideo in eo solo debet quiescere, & eo frui.

1. Ad illud vero quod obijcitur de appetitu materiæ dicendum, quod appetitus materiæ ordinatur ad formā tamquam ad perfectionem substantialem, ex qua & materia fit vnum: & ideo necesse est, formam esse eiusdem generis cū materia, nec est omnino supra materiam: ideo finita est omnis talis forma, talis autem si sit incorruptibilis, propter necessariam seu vniōem artat appetitū materiæ, & artatum finit. Unde non finitur in sua amplitudine. Appetitus autem animæ nō sic artatur propter vniōem cum appetibili, immo dilaturatur: & ideo oportet quod perficiatur aliquo omnino summo.

2. Ad illud quod obijcitur quod non capit nisi finite dicendum quod infinitum bonum finite capit, quoniam ipsa est finita: sed quoniam bonum illud est infinitum, ideo ab ipso totaliter absorbetur, ut iam eius capacitas vndiq; terminetur. Unde non tantum gaudebit, sed sicut dicit Anselmus, in gaudium Domini introibit. Quod si totum caperet, & non vinceretur, nec absorberetur, adhuc posset insurgere appetitus ad amplius aliquid capiendum. Patet ergo quod ad hoc quod anima compleatur, quamvis capacitatem habeat finitam, tamen necesse est adesse bonum infinitum.

Ansel. Pro
log. 1. 10. 3.

3. Ad illud vero quod obijcitur de homine, dicendum quod Deus diligit hominem, & amor Dei est amor fruitionis: tamen homine non fruitur, quia diligendo se diligit hominem, id est fruendo se vtitur homine. Quod patet sic, quia dilectio Dei ad creaturam non est affectio, sed affectus communicatio. Communicatio autem secundum rationem habitualement, attenditur secundum bonitatem, quia bonum est quod natum est se cōmunicare: secundum rationem vero actualē attenditur, siue respicit voluntatem: quia enim vult, ideo facit. Ratio ergo communicandi venit ex voluntate & bonitate, sicut ratio cognoscendi ab exemplari & intelligentia. Quia ergo ex conuersione

voluntatis

voluntatis supra suam bonitatem nos diligit, ideo se fruendo nos diligit.

4. Ad illud quod obiicitur de virtute quod virtus est bonum honestum, dicendum quod bonum honestum dicitur dupliciter: aut quod est pure bonum, aut in quo relucet eius similitudo. Primo modo honesto est fruendum propriè accepto Frui, quia hoc solum terminat, & quietat. Secundo modo non, nisi communiter accipiat prout dicit delectationem. Huiusmodi enim propter assimilationem ad Deum, habent pulchritudinem qua nos delectant, & alliciunt: tamen in ipsis non est quiescendum, quia tunc amittunt pulchritudinem, quia virtutes cum ad se referuntur, superbae sunt, & inflatae.

5. Ad illud quod obiicitur de beatitudine, dicendum quod beatitudo creata non finit appetitum per se, sed per coniunctionem cum increata: unde anima ipsa diligit propter Deum, non propter se.

DE MYSTERIO TRINITATIS ET VNITATIS.

DISTINCTIO II.

IOCitaque vera ac pia fide tenendum est, quod Trinitas unus sit & solus verus Deus, ut ait Augustinus in 1. lib. de Trinitate, scilicet Pater, & Filius, & Spiritus sanctus, & haec Trinitas unius eiusdemque substantiae, vel essentiae dicitur, creditur, intelligitur, quae est summum bonum, quod purgatissimis mentibus cernitur. Mentis enim humana acies inualida in tam excellenti luce non fingitur, nisi per iustitiam fidei emundetur. Item in libro 1. Retractionum: Non approbo quod in oratione dixi: Deus qui non nisi mundos verum scire voluisti, responderi enim potest, multos etiam non mundos multa scire vera. De hac re ergo summa & excellentissima cum modestia & timore agendum est, & attentissimis auribus, atque deuotis audiendum: ubi queritur unitas Trinitatis, Patris, scilicet & Filij, & Spiritus sancti, quia nec periculosius alicubi erratur, nec laboriosius aliquid queritur, nec fructuosius aliquid inuenitur. Proinde omnis qui audit & legit ea quae de ineffabili & inaccessibili luce diuinitatis dicuntur, studeat imitari, atque seruare quod venerabilis Doctor Augustinus in 1. libro de Trinitate, de seipso ait: Non pigebit me, inquit, si cubi haesito querere, nec pudebit si cubi erro, discere. Quisquis ergo audit hoc, vel legit, ubi pariter certus est, pergat mecum: ubi pariter haesitat, querat mecum: ubi errorem suum cognoscit, redeat ad me: ubi meum, reuocet me. Ita ingrediamur simul charitatis viam tendentes ad eum, de quo dictum est: Querite faciem eius semper.

Quaeruerit intentio Scribentium de Trinitate.

Omnes autem catholici Tractatores, ut in eodem libro de Trinitate cap. 4. Augustinus ait, qui de Trinitate qua Deus est, scripserunt, hoc intenderunt secundum scripturas docere, quod Pater, & Filius, & Spiritus sanctus unus sint substantiae, & inseparabili aequalitate, unus sint Deus, ut sit unitas in essentia, & pluralitas in personis: ideoque non sunt tres dy: sed unus Deus, licet Pater Filium genuerit, & ideo Filius non sit qui Pater est, Filiusque a Patre sit genitus: ideo Pater non sit qui Filius est, & Spiritus sanctus, nec Pater sit, nec Filius, sed tantum Patris, & Filij Spiritus, utrinque coequalis, & ad Trinitatis pertinet unitatem. Teneamus ergo Patrem & Filium, & Spiritum sanctum unum esse naturaliter Deum, ut ait Augustinus in libro de fide ad Petrum cap. 1. neque tamen i-

psum Patre esse, qui Filius est: nec Filium ipsum esse qui Pater est: nec Spiritum sanctum ipsum esse, qui Pater est aut Filius. Vna est enim Patris, & Filij, & Spiritus sancti essentia, quam Graeci * *ousian* vocant, in qua non est aliud Pater, aliud Filius, aliud Spiritus sanctus, quamuis sit personaliter alius Pater alius Filius, alius Spiritus sanctus.

Quis ordo sit seruandus cum de Trinitate agitur.

Ceterum ut in primo libro de Trinitate Augustinus docet, Primo secundum auctoritatem sanctarum Scripturarum, utrum fides ita se habeat, demonstrandum est. Deinde aduersus garrulos ratiocinatores, elatioris magis quam capaciores, rationibus catholicis, & similitudinibus congruis ad defensionem & assertionem fidei utendum est, ut eorum inquisitionibus satisfaciunt, mansuetos plenius instruamus: & illi, si nequierint inuenire quod quaerunt, de suis metibus potius quam de ipsa veritate, vel de nostra assertionem conquerrantur.

Testimonia Sanctorum de Trinitate.

Proponamus ergo in medium veteris, ac noui Testamenti auctoritates, quibus diuina Vnitatis atque Trinitatis veritas demonstratur, ac primum ipsa legis exordia occurrant, ubi Moyses ait: Audi Israel, Dominus Deus tuus, Deus unus est. Item: Ego sum Dominus Deus tuus, qui eduxi te de terra Aegypti, non erunt tibi alij dy praeter me, Ecce hic significauit Vnitatem diuinae naturae. Deus enim, ut ait Ambrosius in primo libro de * Trinitate, nomen est naturae, Dominus vero nomen est potestatis. Item alibi Deus loquens ad Moysen, ait: Ego sum qui sum, & si quaesierint nomen meum, vade & dic eis: Qui est, misit me ad vos. Dicens enim: Ego sum, non, Nos sumus: &, Qui est, non, Qui sumus, apertissime declarauit unum solum Deum esse. In Cantico etiam Exodi legitur: Dominus omnipotens nomen eius: non ait: Domini, Vnitatem volens significare. Personarum quoque Pluralitatem, & naturae unitatem simul ostendit Dominus in Genesi dicens: Faciamus hominem ad imaginem & similitudinem nostram. Dicens enim faciamus ad nostram, Pluralitatem personarum ostendit: dicens vero imaginem, Vnitatem essentiae. Ut enim dicit Augustinus in libro de fide ad Petrum: Si in illa natura Patris & Filij & Spiritus sancti una esset tantum persona, non diceretur: Faciamus hominem ad imaginem & similitudinem nostram. Cum enim dicit, ad imaginem, ostendit unam naturam esse, ad cuius imaginem homo fieret: cum vero dicit, nostram, ostendit eundem Deum, non unam, sed plures esse personas.

Aperte ostendit quod nec solitudo, nec diuersitas, nec singularitas ibi est, sed similitudo.

Hilarius quoque in libro tertio de Trinitate dicit, his verbis significari quod in Trinitate nec diuersitas est, nec singularitas, vel solitudo: sed similitudo & pluralitas, siue distinctio, ait enim sic: Qui dixit: Faciamus hominem ad imaginem & similitudinem nostram: inuicem esse sui similes: in eo quod dicit, imaginem & similitudinem nostram, ostendit. Imago enim sola non est, & similitudo sibi non est: neque diuersitatem duobus admisceri aliterius ad alterum similitudo permittit. Item idem in quarto libro absolutius voluit intelligi significationem hanc non ad se esse referendam tantum, dicendo: Faciamus hominem ad imaginem & similitudinem nostram, professio enim confortij sustulit intelligentiam singularitatis: quia consortij aliquod nec potest esse sibi ipsi solitario, neque, rursum solitu-

Summum suum.

* *ousian*.

Cap. 2. fo. 3.

Deut. 6. a
Exo. 20. a

* Val de fide ad Gratianum c. 1
§ 2. fo. 4.
† Exod. 3. d
Exod. 15. a

Gen. 1. c

To. 3.

Hilarius circa finem libri.

Circa med.

do solitarij recipit, Faciamus: neque quisquam alieno a se loquitur, Nostram. Vterq; ergo sermo, scilicet Faciamus, & Nostram, ut solitarij eundemq; non patitur: ita neque diuersum a se alienumq; significat. Solitario conuenit, Faciam, & Meam; nō solitario vero conuenit dicere, Faciamus, & Nostram. Vterq; sermo ut non solitarij tantū, ita neq; differentem esse, vel diuersum esse significat. Nobis quoq; nec solitarius, nec diuersus est cōfitendus. Ita ergo Deus ad communem sibi cū Deo imaginē eandemq; similitudinem hominē reperitur operari: ut nec significatio efficientis admittat intelligentiam solitudinis, nec operatio constituta ad eandem imaginem vel similitudinem, patiatur diuersitatem diuinitatis. In his verbis Hilarius pluralitatem personarū voluit intelligi nomine consortij: atque significauit nomine consortij, vel pluralitatis non poni aliquid, sed renoueri. Pluralitas enim, vel consortiū personarū cum dicitur, solitudo vel singularitas negatur: cum dicimus plures esse personas, significamus qd non est vna sola. Ideo Hilarius volens ista subtiliter, & sane intelligi, ait: Professio consortij sustulit intelligentiā singularitatis: non dicit, posuit aliquid: ita etiam cū dicimus tres personas singularitatem & solitudinē tollimus, & qd Pater non est solus, nec Filius est solus, nec Spiritus sanctus est solus, significamus: & quod nec Pater tantum est & Filius: nec Pater tantum & Spiritus sanctus: nec Filius tantum & Spiritus sanctus. De hoc autem in sequenti plenius agetur, ubi etiā secundum quid similes dicantur tres personae, & utrū aliquo modo sit ibi diuersitas, vel differentia ostendetur.

Ad idem quod cōperat, redit, ut alias auctoritates supponat.

Nunc vero ad propositum redeamus, & ad ostendendum personarū pluralitatem, atq; essentia diuina unitatē, alias Sanctorum auctoritates inducamus. Moyses dicit: In principio creauit Deus cælum & terram: per Deum significans Patrem: per principium, Filium. Et pro eo quod apud nos Deus dicitur, Hebraica veritas habet *heloym*: qd est plurale huius singularis, quod est *hel*. Quod ergo non est dictum *hel*, quod est Deus: sed *heloym*, quod interpretari potest *dij*, siue iudices: ad pluralitatē personarū refertur. Ad quam etiam illud attinere videtur, quod diabolus per serpentē dixit. Eritis sicut *dij*. Pro quo in Hebraico habetur *heloym*: ac si diceret: Eritis sicut diuina persona. Ille etiam maximus Prophetarum & regū Dauid, qui suam ceteris praefert intelligentiam, dicens: Super senes intellexi: Vnitatem diuinae naturae ostendens ait: Dominus nomen est illi: non dicit: Domini. Alibi etiam eiusdem unitatem, & aeternitatem simul ostendens, ait ex persona Dei Israel: Si me audieris, nō erit in te Deus recens, neq; adorabis Deum alienū. Aliud horum, ut dicit Ambrosius in libro primo de *Trinitate, significat aeternitatē: aliud unitatem substantiae indifferētis, ut neq; posteriorem Patre, neq; alterius diuinitatis Filium, vel Spiritum sanctū esse credamus. Nam si Patre posterior est Filius, vel Spiritus sanctus recens est: & si vnus non est diuinitatis, alienus est: sed nec posterior est, quia recens non est: nec alienus, quia ex Patre natus est Filius, ex Patre procedit Spiritus sanctus. Alibi quoque distinctionem personarum insinuans ait: Verbo Domini cæli firmati sunt, & Spiritu oris eius omnis virtus eorū. Alibi etiā ait: Benedicat nos Deus Deus noster, benedicat nos Deus, & metuant eum omnes fines terrae. Trina enim cōfessio Dei, Trinitatē exprimit personarum: Vnitatem vero essentiae aperit, cum singulariter subiungit, eum. Isaias quoque dicit se audisse Seraphim clamantia, Sanctus, Sa-

ctus, Sanctus, Dominus Deus. Per hoc quod dicit ter Sanctus, Trinitatem significat. Per hoc quod subdit, Dominus Deus, Vnitatem essentiae. Dauid quoque aeternam filij generationem aperte insinuat ex persona Filij, dicens: Dominus dixit ad me: Filius meus es tu, ego hodie genuite. De hac generatione ineffabili Isaias ait: Generationē eius quis enarrabit? In libro quoque Sapientia aeternitas Filij cum Patre monstratur, ubi Sapientia ita loquitur: Dominus possedit me ab initio viarum suarum, antequam quidquā faceret à principio: ab aeterno ordinata sum, antequam terra fieret: necdum erant abyssi, & ego iam concepta etiam: necdum fontes, necdum montes, aut colles, & ego parturiebar: adhuc terram non fecerat, & cardines orbis terrae: quando praepraebarat cælos, aderam: quando appendebas fundamenta terrae, cum eo eram cuncta componens, & delectabar per singulos dies ludens coram eo. Ecce apud aeternam genitura testimonium, quo ipsa Sapientia perhibet se ante mundum conceptam esse, & parturiri, id est genitam, & apud Patrem aeternaliter existere. Ipsa etiam alibi ait: Ego ex ore Altissimi prodij primogenita ante omnem creaturam. Michaeas quoq; Propheta aeternam Verbi generationem, & temporalem ex Maria simul insinuauit, dicens: Et tu Bethleem Ephrata, paruulus es in millibus Iuda: ex te egredietur, qui sis dominator in Israel: & egressus eius ab initio à diebus aeternitatis.

Specialia testimonia de Spiritu sancto.

De Spiritu sancto etiam expressa documenta in veteri Testamento habemus. In Genesi enim legitur: Spiritus Domini ferebatur super aquas. Et Dauid dicit: Quo ibo à Spiritu tuo? In libro Sapientiae dicitur: Spiritus sanctus disciplina effugiet fictum, benignus est enim Spiritus sapientiae. Isaias quoque ait: Spiritus Domini super me:

De testimoniis noui Testamenti.

Nunc vero post testimonia veteris Testamenti de fide sanctae Trinitatis, & Vnitatis, ad noui Testamenti auctoritates accedamus, ut in medio duorum animalium, id est Testamentorum cognoscatur veritas, & forcipe de altari sumatur calculus, quo tangantur ora fidelium. Dominus itaque Christus unitatem diuinae essentiae, ac personarum Trinitatem aperte insinuat, dicens Apostolis: Te baptizate omnes gentes in nomine Patris, & Filij, & Spiritus sancti. In Nomine utique ait, ut Ambrosius ait in libro primo de *Trinitate, non in nominibus, ut unitas essentiae ostendatur. Per nomina tria quae supposuit tres esse personas declarauit. ipse etiam ait: Ego & Pater vnum sumus, Vnum dixit, ut ait Ambrosius in eodem ne fiat discretio potestatis naturae: & addidit, Sumus, ut Patrem, Filiumque cognoscas, scilicet ut perfectus Pater Filium perfectum genuisse credatur: & quod Pater & Filius vnum sint, non confusione persona, sed unitate naturae. Ioannes quoque in epistola canonica ait: Tres sunt qui Testimonium perhibent in caelo, Pater, Verbum, & Spiritus sanctus, & hi tres vnum sunt. Ipse etiam in initio Euangelij sui ait: In principio erat verbum, & verbum erat apud Deum, & Deus erat verbum. Vbi aperte ostendit Filium semper, & aeternaliter fuisse apud Patrem, ut alium apud alium. Apostolus quoque aperte Trinitatem distinguit, dicens: Misit Deus Spiritum Filij sui in corda nostra. Et alibi: Si spiritus eius qui suscitauit Iesum, habitabat in nobis, &c. Item alibi Trinitatem atque Vnitatem euidentissimi commendat, dicens: Quoniam ex ipso, & per ipsum, & in ipso sunt omnia, ipsi gloria. Ex ipso dicit. Ut Augustinus in libro de Trinitate ait, propter Patre. Per

ipsum

Dist. 19. c. 24. 31. & 34. huius libri.

Gen. 1. a

Gen. 3. a

Psal. 118. n

Psal. 67. a

Psal. 80. b

*Vel de fide ad Gratianum 10. 4. c. 5.

Psal. 32. a

Psal. 66. b

Isa. 6. a

Psal. 118. a

Prov. 8. d

Eccl. 24. a

Mich. 5. a

Gen. 1. a

Psal. 136. b

Sap. 1. b

Isai. 61. a

a Ab. 4. 3. d

b Aug. 10. 18. de Civ.

c 31. m. 5.

d Isai. 61. c

Mat. 28. d

*Vel de fide ad Gratianum 1. 1.

Ioan. 10. f

1. Ioan. 5. b

Ioan. 1. a

Gal. 4. a

Rom. 8. c

Rom. 11. a

2. Cor. 13. a

10. b

ipsum dicit, propter Filium: In ipso, propter Spiritum sanctum. Per hoc vero quod non ait, Ex ipso, Per ipsos & In ipsis, nec ait, Ipsi gloria, sed Ipsi, insinuat hanc Trinitatem unum Deum esse. Sed quia singula pene syllaba nomi Testamenti hanc ineffabilis Vnitatis, atque Trinitatis veritatem concorditer insinuant inductioni testimoniorum super hac re superfedeamus: & rationibus, congruisque similitudinibus ita esse, prout infirmitas nostra valet, ostendamus.

DISTINCTIO II.

De Trinitate, & Vnitate secundum quod creditur, &c.

Hoc itaq; vera, ac pia fide tenendum est.

Expositio textus.

Disso.

SECUNDA pars primi Libri, in qua materia indagata, incipit cum Magister prosequi, diuiditur præsertim in duas partes, quoniam dupliciter est considerare res quibus fruendū est, scilicet in se, & in comparatione ad creaturas. In se ratione Trinitatis, & Vnitatis. In comparatione ad creaturas ratione scientiæ, potentiæ, & voluntatis. Primo ergo agit de Sancta Trinitate, & Vnitate. Secundo de scientia, & potentia, & voluntate, infra distinct. 35. Cumque supra differuerimus. De ipsa autē sacratissima Trinitate tripliciter contingit tractare. Quoniam primo contingit ipsam credere. Secundo creditam intelligere. Tercio intellectam dicere, siue enunciare. Credere autem est per auctoritatem, intelligere per rationem, dicere per catholicam, & rationabilem locutionem. Ideo primo de ipsa Trinitate, & Vnitate agit secundum quod creditur. Secundo de ipsa secundum quod credita per rationem intelligitur infra distinctione 3. *Apostolus namque ait: Tercio secundum quod credita, & intellecta, rationabiliter & catholice exprimitur, infra distinct. 22. Post prædicta nobis differendum videtur de nominum diuersitate.* Et patet ordo. Prius enim & verius est eā credere quam intelligere; multi enim credunt qui non intelligunt: & prius similiter est intelligere quam sermone exprimere. Prima pars scilicet secundum quod creditur, continet præsentem distinctionem: & quoniam materia est difficillima, Primo ponit modum procedendi. Secundo vero exequitur ibi: *Proponamus ergo in medium.*

ITEM prima pars habet tres partes. In prima, præmissio proæmio de mysterio Trinitatis & Vnitatis, tangit modum agendi: *Quoniam debet esse cum modestia, timore, & diligentia, præmittens materiam circa quam agere intendit.* In secunda subiungit intentionem scribentium de Trinitate, ibi: *Omnes autem catholici Tractatores.* Tercio tangit ordinem, ibi: *Ceterum ut in primo libro.* Modus scribendi de Trinitate debet esse fundatus super intellectū fidei, & cum modestia, & timore propter periculum. Intentio scribentium de Trinitate est, quod Pater, & Filius, & Spiritus sanctus sunt tres personæ, & vnus Deus. Ordo scribendi est, primo per auctoritates ostendere veritatem, deinde per rationes, & congruas similitudines. Similiter secunda pars in qua Magister auctoritatibus sacræ Scripturæ intendit ostendere Trinitatem, & Vnitatem, habet duas partes, secundum quod sacra Scriptura habet duas partes, scilicet nouum, & vetus Testamentū. Ideo primo ostendit hoc per auctoritates veteris Testamenti, deinde per auctoritates Noui, ibi: *Nunc vero post testimonia, &c.* Et quoniam vetus Testamentum duas habet partes, scilicet Legem, & Prophetas, in quibus fides explicatur, ideo ostendit primo per testimonia Legis. Secundo per testimonia Prophetarum, ibi: *Ille etiam maximus Prophetarum.* Prima iterū pars in qua probat per testimonia Legis, duas habet partes. Primo enim probat essentiæ Vnitatem. Secundo Vnitatem simul, & Trinitatem ibi: *Personarum quoque pluralitatem.* Similiter illa pars de Testimonijs Prophetarum habet duas partes. In prima

A probat essentiæ vnitatem, & personarum pluralitatem in communi. Secundo vero specialiter ostendit filij generationem, & Spiritus sancti processionem, ibi: *Dauid quoque æternam filij generationem.* Similiter illa pars in qua probat per auctoritates noui Testamenti, habet duas partes. Primo enim probat per auctoritates, siue per testimonia Iesu Christi. Secundo per auctoritates Apostolorum, ibi: *Ioannes quoque in epistola, &c.* Auctoritates, & earum explanationes, & numerus & diuersitates satis patet in littera.

Purgatissimis mentibus cornitur. Dub. I.

Videtur hoc male dicere, quia nulla mens dum est in via, purgatissima est, sed tantum in Patria.

B R E S P. Dicendum quod mens ad hoc quod Deum contempletur perfecte, indiget purgari quo ad intellectum, & affectum: ideo dicit per iustitiam fidei, id est per fidem quæ facit iustum in opere, & per se purgat intellectum: sed iustitia affectum. Vtriusque autem purgationis triplex est gradus. Nam intellectus purgatus est cū abstrahitur à sensibilibus speciebus, purgatior cū mundatur à phantasticis imaginibus, purgatissimus cū à physicis rationibus. Gradus purgationis affectus, sunt isti: purgatus est affectus cum mundatur à culpa, purgatior cum à sequele, purgatissimus cum ab occasione: hoc autem possibile est fieri in via: ideo dicit Magister: *Purgatissimū mentibus, &c.* & in hoc statu idoneus est contemplari.

C *Mentis enim humana acies inualida, in tam excellenti luce non figitur. Dub. I I.*

CONTRA: Videtur enim quod mundata non figatur ibi: quia quantumcumque munderetur, adhuc excedit lux illa improporcionabiliter acie mentis: ergo si propter sui excellentiam non potest videri à non habente fidem, nec etiam ab habente.

R E S P. Differt dicere, considerari, & figi, & comprehendere. Considerari potest lux diuina à mente non munda, ut à Philosophis: sed figi non potest in illa, nisi mens à vitijs pura: comprehendere non potest, nisi in Patria. Ratio autem quare non potest figi, est duplex. Vna, quia est supra intellectum, & ideo intellectus in ea non figitur, nisi habeat gluten affectus, sed statim recedit. Alia ratio, quia oculus sanus est illi luci proportionabilis secundum qualitatem, & sic non secundum quantitatem: sed si oculus sit infirmus, siue lippus, sicut est in non habente fidem utroque modo est improporcionabilis, & ideo non figitur.

Deus enim & Dominus, nomen est natura & nomen potestatis. Dub. III.

Obijcitur contra hoc verbum Ambrosij, quia dicit Damascenus: Hoc nomen, Deus, imponitur ab operatione, unde dicitur ab æthein, quod est ardere, vel à thein quod est fouere, vel à theastæ, quod est videre.

R E S P. Dicendum quod de hoc nomine, & consimilibus est loqui dupliciter. Aut quantum ad id cui imponitur, & sic est nomen naturæ, quia ei imponitur quod est summa natura. Aut quantum ad id à quo imponitur, & sic est nomen operationis, quia imponitur ab opere.

Ego sum, qui sum. Dub. IIII.

Quæritur de hac circumlocutione: Vtrum hoc nomen *Ego sum, qui sum*, sit nomen essentiæ, vel personæ. Et quod personæ, videtur: quia pronomen demonstratiuū certam significat personā. Et iterum, loqui est actus personæ. Si forte dicas, quod, *Ego*, quia significat originem stat pro persona Patris: *Sum*, quia significat actum egredientem, stat pro persona Filij: *Qui*, relatiuum nectens vtrumque, stat pro persona Spiritus sancti. Hoc nihil est, quia pro eodem stat relatiuum, & antecedens.

R E S P. Dicendum quod illud nomen, *Qui est, & Ego sum: qui sum*, est nomē essentiæ propriæ: hic enim est quæ-

Lib. I. c. 12.
de orth. fid.
* Idem dicit Ambrosius
10. 1. in
Princ. sacrae Scr.
dicitur tūc
en, autem
biuā.

dam circumlocutio, significans entitatem in omnimoda perfectione, & absolute, & hoc est nomen propriū diuinæ substantiæ. Et quod obijcitur quod pronomen significat certam personam, dicendum quod persona ibi dicitur certum suppositum Verbi: & hoc, est substantia & natura.

Faciamus hominem ad imaginem, & similitudinem nostram. Dub. V.

Quæritur utrum imago stet ibi pro essentia, aut pro persona. Si pro essentia, ergo idem est dicere imaginem nostram, quod essentiam nostram. Si pro persona, non debet dici *nostra*, sed *mea*. Si pro imagine creata, nihil ad propositum, quia per hoc non probatur vnitas naturæ.

RESP. Dicendum quod secundum quod Doctores Sancti hic accipiunt, imago & similitudo dicit essentiam & relationem. Importat enim imago vnitatem cum distinctione, & similitudo similiter propter intrinsecam relationem. Et ideo in hoc nomine, *Imago, & Similitudo* quantum ad aliquid suæ significationis, notatur vnitas essentiae: quantum ad aliquid notatur pluralitas personarum. Et ideo aliter exponit Augustinus, aliter exponit Hilarius. Augustinus considerat partem significati secundum essentiam vnitatem: sed Hilarius totum. Vnde dicit quod nomine Imaginis, & Similitudinis simul intelligitur vnitas, & pluralitas. Similiter Augustinus in hoc quod est: *Faciamus, & Nostram*, considerat solum cōsignificatum: & ideo pluralitatem. Hilarius vero considerat, & significatum, & cōsignificatum. Ideo in utroque dicit intelligi pluralitatem, & vnitatem.

Neque diuersitatem duobus admisceri alterius ad alterum similitudo permittit. Dub. VI.

CONTRA ista verba Hilarii obijcitur: Similitudo est rerum differentium eadem qualitas: ergo similitudo cōpatitur secum differentiam.

RESP. Dicendum quod est similitudo secundum accidens, & similitudo secundum substantiam. Et hæc est duplex, secundum totum, & secundum partem. Similitudo secundum accidens, vel secundum partem substantiæ admittit diuersitatem: sed non similitudo secundum totum. Et quoniam in diuina essentia est summa simplicitas ideo non potest esse similitudo secundum accidens, neque secundum partem: & ideo similitudo non comparatur diuersitatem naturæ.

Significauit nomine consortij, vel pluralitatis non poni aliquid, sed remoueri. Dub. VII.

CONTRA: Quia ex his verbis Magistri videtur quod omnis numeralis dictio secundum ipsum nihil ponat: sed tantum priuet: sed hoc videtur falsum. Cum enim in diuinis sit vera pluralitas personarum, non tantum priuatiue sed etiam politiuè videntur dici.

RESP. Hæc fuit positio Magistri quæ communiter nō tenetur, quia non habet veritatem, sicut infra melius patebit. Tamen Magister excusatur, quia dixit quod non ponunt aliquid nomina numeralia, quia important numerum qui non est proprie in diuinis. Numerus enim causatur ex vnitatum aggregatione, & distinctione: & distinctio vnitatum fit tripliciter, continui diuisione, formarum disparatione, gradu, siue ordine. Quoniam igitur in diuinis non est aggregatio, nec taliter distinctio, ideo nec numerus proprie.

In principio creauit Deus cælum, & terram. Dub. VIII.

Quæritur quare magis hoc nomen, *Deus*, stet siue supponat pro persona Patris, quam pro persona Filij: & quo modo Trinitas intelligatur ex hoc.

RESP. Ad hoc dicendum, octo modis innuitur nobis personarum pluralitas in Scriptura. Primo modo significatione: In nomine Patris, & Filij, & Spiritus sancti. Se-

condo: cōsignificatione: In principio creauit. Vbi habemus nos, Deus, Hebræi *Heloym*, quod est nominatiuus pluralis huius nominatiui singularis, *Hel*. Tertio modo suppositione, ut cum dicitur Deus genuit Deum: Ante omnes colles ego parturiebar, id est, generauit me Dominus. Quarto modo appropriatione, ibi: *In principio creauit Deus, &c.* Deus enim ibi Patri appropriatur, & Principiū Filio. Quinto modo iteratione: Sanctus, Sanctus, Sanctus Dominus Deus Sabaoth. Sexto modo ordine verborum Psalmus: Benedicat nos Deus Deus noster, benedicat nos &c. Septimo modo connotatione in actu missionis, ut cum dicitur ad Galatas: Misit Deus, &c. Octauo modo apparitione sicut apparuerant Abrahæ Tres viri.

Ille etiam maximus Prophetarum. Dub. IX.

CONTRA: Quia super illud Matthæi: Apparuerunt illis Moyses & Helias, dicit Glos. Helias fuit maximus Prophetarum: non ergo Dauid.

RESP. Spiritus Prophetiæ in maiori abundantia datus, Prophetam Domini facit excellentiorem. Potest ergo dupliciter dari in maiori abundantia: aut quia ad plura, aut quia ad altiora. Helias datus est ad plura, quia ad futurorum prouisionem, & miraculorum operationem. Sed Dauid ad altiora, quia sicut patet ex eius Prophetia, plura vidit clarius, quia Prophetia intellectuali.

Dominus possedit me in initio, &c. Dub. X.

Obijcitur, quia possessio est rei inferioris: ordo, rei posterioris: conceptio similiter sonat in sexus fragilitatem, & partus similiter. Quæ omnia non conueniunt diuinis.

RESP. Sapientia describitur per comparisonem ad effectus, & per comparisonem ad principium. Et quoniam per comparisonem ad effectus habet in se thesaurum infinitum in numerositate, & habet ordinem in discretione, ideo describitur per verbum possidendi, & ordinandi. Describitur etiam per comparisonem ad suū principium à quo emanat emanatione intrinseca, in eo quod est de substantia emanantis. Ideo describitur per verbum conceptionis, & parturitionis.

ARTICVLVS I.

AD declarationem eorum quæ de sacra Trinitate, & Vnitate dicit Magister, quatuor possunt quæri circa partem istam. Primo quæritur, utrum in Deo sit ponere essentiam siue naturæ Vnitatem. Secundo utrum in Deo sit ponere Personarum pluralitatem. Tertio utrum in diuinis personis sit ponere Infinitatem. Quarto & ultimo, utrum in diuinis personis sit ponere Trinitatem.

QUESTIO I.

An sit vnus Deus tantum.

Alexander Alensis p. 1. q. 14. Membrum 2.

S. Thomas 1. p. q. 11. art. 3.

Agid. Rom. 1. Sent. dist. 2. q. 1.

Henricus in summa art. 25. q. 1. & 73.

Durandus 1. Sent. dist. 2. q. 1.

Scotus 1. Sent. dist. 2. q. 3.

Tho. Arg. dist. 2. q. 1. & 4.

Gab. Biel. 1. Sent. dist. 2. q. 10.

QVOD in Deo sit ponere essentiam siue naturæ Vnitatem, videtur ratione ostensua, triplici habita suppositione quam oportet poni. Tum propter eius simplicitatem. Tum propter communem animi conceptionem: quæ est quod Deus est, quo maius excogitari non potest. Tum ratione status, qui non est nisi in summo, & primo. Suppositio prima est quod Deus est simplicissimus. Ex hac arguitur quod cū nullo alio diuerso possit communicare, quia si communicat & differt: ergo nō sunt idem, ergo est ibi cōpositio. Si nihil potest communicare, ergo nec deitate nec entitatem: ergo si sunt duo Dij, cum vnus sit ens, alter nō. est ens: si vnus est Deus, alter non est Deus, ergo si duo sunt Dij, non sunt duo Dij.

ITEM

Aug. de fide ad Pet. c. 1. sub fin. 10. 3. & lib. 3. de Gen. ad lit. c. 19.

Hil. lib. 3. de Trin. circa fin.

Dist. 24. art. 1. q. 1.

Ric. ar. 2. 7. 1. Mat. vlt. b. Gen. 1. 4.

Fundamenta. Boet. lib. 1. de Hebdo. Arif. 12. Meta. com. 100. 33. & 8. phys. c. 1. tex. 34.

ITEM secunda suppositio est, quod Deus est omnipotentissimus. Ex hac arguitur: ergo poterit facere quod omnis alia potètia à sua nihil possit: ergo si sunt duo diuersi in natura, hoc potest facere vnus de altero quod alter nihil possit, & econuerso. Sed cui potest potètia auferri non est Deus: ergo si duo sunt Dij, nullus est Deus.

ITEM tertia suppositio est quod Deus est simpliciter summus. Ex hac arguitur: Ergo omnia sunt infra ipsum, ergo omnia alia ad ipsum, & ab ipso. Si ergo sunt duo Dij vnus est infra alterum, & econuerso: vnus est ab alio secundum naturam diuersam, & econuerso: vnus est ad alterum, & econuerso: sed quod est infra aliud in natura, & ab alio, & ad aliud, non est Deus: ergo &c.

ITEM hoc potest probari per deductionem ad impossibile. Si sunt duo Dij, aut vnus est vbi alius, aut non est. Si vnus vbi alter: ergo vnus in altero, cum sint eodè modo essendi: ergo vnus est alteri materialis: ergo alter non est Deus. Si vnus est nō vbi alter: ergo vterque limitatus, ergo neuter infinitus.

ITEM si plures sunt Dij boni, aut vnus intelligit alterum, aut non. Si non, ergo vterque est ignorans. Si intelligit, aut ergo per præsentiam, aut per speciē, aut per se ipsum. Si per præsentiam, ergo vnus in altero: ergo Deus illabitur Deo, & perficit Deū. Si per speciē, ergo compositus. Si per se ipsum, ergo vnus exemplar alterius, ergo & principium.

ITEM si duo sunt Dij diuersi, quorum vterque est summum bonum, aut vnus diligit alterum, vt diligendus est aut non. Si sic, cum vterque sit summum bonum, vterque est diligendus amore fruitionis: ergo vterque fruitur altero: sed qui fruitur alio bono à se, illo indiget: ergo vnus indiget alio: ergo vterque est indigens, ergo neuter Deus.

1. SED contra: Plus potest Deus facere quam intellectus noster possit cogitare. Sed intellectus humanus, vt pote gentium, intelligit plures Deos omnipotentes: ergo Deus potest hoc facere. Sed quidquid potest esse in diuina natura, est ibi: quia æterna: ergo, &c.

2. ITEM plura bona sunt meliora paucioribus: sed plures Dii sunt plura bona: ergo melius aliquid erunt duo, quam vnus. Sed secundum Anselmum: Omne quod melius est circa Deum est ponendum: ergo est ponere plures Deos.

3. ITEM: Quorum est diuersa operatio, diuersa est virtus, & diuersa est natura: sed operatio trium personarum est diuersa, quia apparitio in columba fuit solius Spiritus sancti, & solus Filius assumpsit humanam naturam: ergo sunt diuersi in substantia. ergo sunt plures Dij.

4. ITEM magna potentia est, quæ potest magnum, & maior, quæ maius, & maxima quæ maximum: sed Deus super omnia est summe potens, ergo potest producere summum bonum. Sed hoc est Deus: ergo cum in æternis sit idem esse & posse, ergo &c.

CONCLUSIO.

Plures Deos esse, non solum non est possibile, sed neque intelligibile, si proprie intelligatur hoc nomen, Deus.

RESP. ad arg. Dicendum quod impossibile est plures Deos esse, & si recte accipiatur significatum huius nominis, Deus, non solum est impossibile, sed etiam non intelligibile. Deus enim dicit simpliciter summum, & in re, & in opinione cogitantis. Quia in re, ideo omnia ab ipso, & in ipso, & ad ipsum, & in ipso omnino est status, ideo impossibile est intelligere, saluo hoc intellectu, quod aliquid sibi parificetur aliud ab ipso. Item nihil maius Deo cogitari potest, nec etiam æquale, quia summum in opinione: ideo impossibile, & non intelligibile est ponere plures Deos.

1. Ad illud ergo quod obijcitur de Gentibus, dicendum, quod non fuit intellectus: sed fictio, præterea nō intelligebant Deum secundū nobilitatem diuinam: ideo non valet.

A Et ad illud: Plus potest Deus facere, &c. dicendū quod duplex est intellectus, scilicet rationalis, & phantasticus. De primo verum est, sed de secundo non: quia multa possumus cogitare secundum phantasiam, quæ Deus nō potest facere: quia nō conuenit illi, in quo inconueniens minimum est impossibile.

2. Ad illud quod obijcitur, quod plura bona sunt meliora paucioribus; dicendum quod istud habet veritatem in bono creato, & finito, quod ratione suæ finitatis recipit bonitatis augmentū per additionem alterius boni: non autem habet veritatem in bono infinito, quia quantumcumque addas bonū infinitum infinito, semper ego intelligo de bonitate tantum in vno, quantum in pluribus.

B 3. Ad illud quod obijcitur de diuersitate operationum; dicendum quod Pater & Filius & Spiritus sanctus in omni operatione cōueniunt, sed in relatione differunt. Vnde in incarnatione est operatio productionis illius naturæ, & est vnio. In primo conueniunt tres personæ: in secundo non. Similiter in columba est columbæ formatio & eius signatio. In primo conueniunt: in secundo non. Exemplum Augustini de Trinitate est, quod ad formationem huius nominis, memoria, concurret memoria, intelligentia, & voluntas: hoc tamē nomen memoria, significat alteram potentiarū: simili modo est in proposito.

C 4. Ad illud quod obijcitur, quod magna potentia &c. dicendum quod producere aliquid est tripliciter. Vel de se ipso, vel de aliquo creato, vel de nihilo. De se ipso potest Deus producere summum simpliciter. sed ille non erit alius in natura propter naturæ simplicitatem. De alio vel de nihilo non potest producere summum simpliciter sed in genere, non propter defectum potètiæ agentis, sed propter defectum creaturæ, quam necesse est esse limitatam, & ita non potest producere alium Deum.

QVÆSTIO II.

An cum Dei Vnitate pluralitas Personarum ponenda sit.

Alexander Avenis 1. p. q. 14. Membros.

8. Thom. 1. p. q. 39. art. 2.

Egid. Rom. 1. Sent. dist. 2. q. 2. q. 1.

Durandus 1. Sent. dist. 2. q. 4.

Richardus 1. Sent. dist. 2. q. 1.

Henricus in summa art. 53.

Franciscus de Mayron. 1. Sent. dist. 2. q. 14.

Scotus 1. Sent. dist. 2. q. 4.

Thom. Arg. 1. Sent. dist. 2. q. 2. art. 4.

Gab. Biel. 1. Sent. dist. 2. q. 11.

Vtrum sit ponere in Deo personarum pluralitatem. Et quod sic, ostenditur supponendo de Deo quatuor. Primum est, quod in ipso sit summa beatitudo. Secundum est, summa perfectio. Tertium est, summa simplicitas. Quartum est, summa primitas.

Ex prima suppositione, arguitur sic: Ibi est summa beatitudo, sed vbi cumque est summa beatitudo, est summa bonitas, summa charitas, & summa iucunditas. Sed si est summa bonitas, cum bonitatis summæ sit se communicare, & hoc est maxime in producendo ex se æqualem, & dando esse suum: ergo, &c. Si summa charitas, cū charitas non sit amor priuatus, sed ad alterum: ergo requirit pluralitatem.

ITEM si summa iucunditas, cum nullius boni sine socio sit iucunda possessio, ergo ad summam iucunditatem requiritur societas, & ita pluralitas.

Ex secunda suppositione arguitur sic: Ibi est summa perfectio, sed perfectionis est producere talem, qualis ipse est in natura: ergo necesse est ibi esse multiplicationē sed hoc non potest esse secundum aliam essentiam, ergo oportet quod sit secundum aliam personā siue suppositū.

Ex tertia suppositione arguitur sic: Ibi est summa simplicitas: sed simplicitatis est quod aliqua natura: sit in pluribus, vt patet in vniuersali, sed ex defectu simplicitatis est quod numeretur in illis: ergo si in Deo est simplici-

tas in ni-

Aug. de Trinit. lib. 4. c. 21. 30. 3.

Fundamenta.

Ad oppo. drift. 3. phys. com. 102. 32.

Memolog. c. 15. sum. 3.

drift. 3. phys. com. 102. 32.

tas in nihilo deficiens, est in pluribus nō numerata essentia: ergo, &c.

Ex quarta suppositione arguitur sic: Ibi est summa primitas: sed quanto aliquid est prius, tanto fecundius est & aliorum principium: ergo sicut essentia diuina, quia prima, est principium aliarum essentiarum: sic persona Patris cum sit prima, quia à nullo est principio, habet fecunditatem respectu personarum: sed fecunditas in Deo respectu Dei non potest esse nisi actui coniuncta: ergo necesse est plures esse personas.

Ad oppos.

1. SED contra: Videtur quod ex eisdem suppositionibus possit argui contrarium, & ita destruuntur rationes & conclusiones iam positæ. Si enim ibi est summa beatitudo: cū beatus per essentia sibi soli sufficiat ad beatitudinem: ergo non est necesse ponere aliam personam ad beatitudinem, siue iucunditatem.

2. ITEM contra secundā suppositionem sic obijcitur: Si est ibi perfectio summa: ergo æque plena & perfecta est essentia in vna persona, vt in pluribus. Si autem vltra perfectionē additio est superflua, pluralitas est superflua: & si hoc, cum in diuinis nihil sit superfluum, pluralitas non erit in diuinis.

3. ITEM contra tertiam rationem sic: Si est ibi summa simplicitas cum pluralitas opponatur simplicitati, & opposita non possunt esse circa idem: ergo si Deus est vnus & in eo est simplicitas: non ergo pluralitas, cum per omnia sit simplex.

4. ITEM contra quartam suppositionem sic: Si ibi est summa primitas: ergo cum status sit in primo principio & status est in Vnitate: ergo primitas non ponit pluralitatem, sed vnitatem, ergo videtur quod vna sit tantum persona.

CONCLUSIO.

Personarum pluralitas in diuinis est ponenda, vt docet fides.

RESP. ad arg. Dicendum quod in diuinis est ponere personarum pluralitatem, sicut fides dicit, & rationes prædictæ ostendunt, si quis sine contradictione consideret. Nam ratione simplicitatis essentia est communicabilis, & potens esse in pluribus. Ratione primitatis, persona est ex se nata aliam producere, & voco hic primitatem innascibilitatem, ratione cuius, vt dicit antiqua opinio, est fontalis plenitudo in Patre ad omnem emanationē & hoc infra patebit. Ratione perfectionis, ad hoc est apta & prompta. Ratione beatitudinis & charitatis, eadem essentia diuina est voluntaria. Quibus conditionibus positis necesse est ponere personarum pluralitatem.

Dist. 29. p. 1. q. 1. ad 94.

1. Ad illud ergo quod obijcitur in contrarium, quod beatus per essentia sibi soli sufficit: ergo non indiget, &c. Dicendum quod verum est quod non indiget, nec ponendus est alius propter indigentiā tamquam beatificans, sed in beatitudine communicans.

2. Similiter ad illud quod obijcitur quod deitas æque plena & perfecta est in vno, vt in pluribus; dicendū quod & si sit æque plene, non tamen ita plene declaratur: & præterea eo ipso quo plene est in Patre, redundat in alias personas redundantia perfectionis.

3. Ad illud quod obijcitur quod pluralitas repugnat simplicitati; dicendum quod est quædam pluralitas per hæc additionē, & hæc repugnat: quædam per originē, & non addit, nec componit, nec repugnat simplicitati: sed potius solitudini, & sic est in diuinis, vt infra patebit.

Dist. 8. 23. & 24.

4. Ad illud quod obijcitur quod in primo est status; dicendum quod sicut in essentijs vna est essentia prima, à qua sunt aliæ, & ad quam: sic in personis est vna persona à qua sunt aliæ, & ad quam: & in illa est status originis, quia illa à nullo, & hæc est persona Patris. Vnde Augustinus illi personæ appropriat Vnitatem, dicens: In Patre Vnitas, & cet.

QVÆSTIO III.

An in personis diuinis sit ponere infinitatem.

5. Thomas 1. p. quæst. 39. art. 2.

VTrum in diuinis personis sit ponere infinitatem. Et quod sic ostenditur hoc modo: Quia creatura cū sit finita, quidquid est in ipsa, est actu finitum: ergo ab oppositis, quia diuina essentia est infinita, quidquid est in ipsa, est infinite: ergo cum in Deo sit numerus personarum, erit infinitus, & ita erunt infinitæ personæ.

Ad oppos.

2. ITEM cū duplex sit infinitas, virtualis, & numeralis infinitas virtualis est in Deo: ergo pari ratione infinitas numeralis: ergo in Deo sunt infinitæ personæ.

3. ITEM infinita virtus cum emanet secundum suam totam infinitatem, non tantum producit infinitum intensiue, sed etiam extensiue. Sed virtus Patris in productione personarū emanat secundum omnimodam sui potestatem: ergo non tantum producit personas infinitas in virtute, immo infinitas in numero.

4. ITEM hoc ipsum ostenditur sic: Multiplicatio personarum aut est virtutis, aut non. Si non, ergo non debet in diuinis poni. Si est virtutis per se: ergo maior multiplicatio erit maioris virtutis, & summæ virtutis infinita multiplicatio: ergo, &c.

CONTRA: Hoc ostenditur quadruplici conditione, quæ sumitur ab hoc quod semper Deo est attribuendum quod nobilius est, quod necesse est ponere finitatem personarum. Prima est distinctio: secunda ordo: tertia connexio: quarta summa completio. Ex conditione prima ostenditur sic: Si est ibi distinctio, non ergo confusio: sed vbi est infinitas, ibi est confusio: ergo, &c.

Fundamenta.

ITEM ex secunda sic: Vbi est ordo, ibi est terminatio quia vbi deficit terminatio, deficit mediatio, & per consequens ordo: sed vbi est terminatio, nō est infinitas: ergo si in diuinis est ordo, non est infinitas.

ITEM ex tertia sic: Vbi est connexio, necesse est quod omnes personæ procedant ab vna: nam si vna ab alia, & ita consequenter: tunc est infinita distantia inter primam & vltimam, & hoc est inconueniens: ergo omnes ab vna. Aut ergo eisdem modis, aut diuersis. Si eisdem: ergo nulla distinctio. Si diuersis, & diuersi modi emanandi sunt finiti ergo, &c.

ITEM ex quarta sic: Si est ibi summa completio: ergo nata est diuinitas Personas complere: & cum completio personarum sit in beatitudine, nata est illas complere. Sed si essent personæ infinitæ, impossibile esset aliquem beatificare à Deo: cognitio. n. cuiuslibet personæ est de substantia beatitudinis. cū tota bonitas est quæ substantiale præmium. sit in qualibet personarum: ergo aut anima omnes cognosceret, aut non esset beata: sed impossibile esset omnes cognoscere, cum virtus eius sit finita: ergo, & cet.

Scot. dist. 9. 2. tenet quod personæ sunt infinitæ fruendo personæ.

CONCLUSIO.

Personarum diuinarum numerus finitus est: quia numeralis infinitas repugnat perfectioni, & ordini.

RESP. ad arg. Dicendum quod in diuinis personis quantum ad numerum, non est ponere infinitatem, sed finitatem. Ratio autem huius est, quia infinitas numeralis repugnat perfectioni, & ordini: quia est per recessum ab vnitatem, siue à sua origine. Similiter infinitas molis: & ideo neutra est in Deo. Infinitas autem virtutis est per accessum ad vnitatem, & ideo ista cum sit perfectionis, ponenda est in Deo.

1. 2. Ad illud ergo quod obijcitur, quod quicquid est in Deo est infinite; dicendum quod verum est infinite, sed nō qualibet infinitate, sed illa qua Deus est infinitus: & hæc est infinitas immensitatis, & tali modo est Trinitas infinita, non infinitate numerali, quæ non congruit Deo. Et per hoc patet responsio ad secundum, scilicet quare infinitas numeralis non est ponenda in Deo, sicut virtualis.

3. Ad illud

3. Ad illud quod obijcitur quod infinita virtus in infinitate emanans producit infinita; dicendū quod diuinæ virtuti non conuenit productio nisi perfecti: & ideo non conuenit ei productio alicuius infinitatis, nisi illius quæ stat cum summa perfectione: hæc autem non est infinitas numeralis: & ideo non est in Deo.

4. Ad vltimum quod obijcitur, quod potentia est se multiplicare; dicendum quod non omni modo multiplicare se est potentia: sed perfecte multiplicare se, potentia est, & conuenit Deo: non sequitur ergo, magis se multiplicare est maior perfectio, nisi intelligatur perfecte: sed infinite se multiplicare secundū numerū, est imperfecte ideo non conuenit Deo.

QVÆSTIO IV.

An tres tantum sint diuina persona.

8. Thomas 1. p. q. 30. art. 2.

Regid. 1. Sent. dist. 10. q. 3.

Henricus in summa art. 13. q. 9.

Richardus 1. Sent. d. 2. art. 2.

Scotus 1. Sent. d. 2. q. 5.

Durandus 1. Sent. d. 2. q. 4.

Franciscus de Mayr, 1. Sent. d. 2. q. 9.

Ad oppos.

Vtrum in diuinis personis sit ponere Trinitatem. Et quod non, immo magis dualitatem, ostenditur sic: Pater totum quod potest, dat Filio: sed qui dat totum quod potest, non potest amplius dare: ergo nec aliam personam producere, cum illud sit dare.

2. ITEM Pater generat Filium, tamquā verbum per omnia æquate, & per omnia dicens, & exprimens ipsum: sed multiplicatio personarum est ad declarationem virtutis: ergo videtur quod superfluat alium producere.

3. ITEM ostenditur quod ibi debeat esse quaternitas per rationem emanationis. Quia enim Filius emanat per generationem, non per processionem: ideo quamuis non generet, tamen spirando producit: eadem ratione videtur quod Spiritus sanctus quamuis non producat spirando, possit generare, siue generet, cum non generetur.

4. ITEM cum in diuinis sit duplex modus producendi, scilicet vnus per modum naturæ, alius per modum voluntatis, & ibi debeat esse completa ratio productionis: videtur etiam quod ibi debeat esse modus producendi, tertius per modum artis. Si sic, erit ibi ponere quartam personam secundum hunc modum producendi.

Fundamenta.

Sed contra: Quod sit ibi Trinitas tantum, ostenditur ex suppositionibus superius factis: quia necesse est in illa Trinitate esse beatitudinem, perfectionem, simplicitatem, primitatem. Ex prima suppositione ostenditur sic: Si est ibi summa beatitudo: ergo summa concordia, ergo est summa germanitas, summa charitas. Sed si essent plures quā tres, non esset ibi summa germanitas. Si pauciores, non esset ibi summa charitas: ergo sunt tres tantum. Probatio minoris. Si est ibi quarta persona, aut procedit ab vna, aut à duabus, aut à tribus. Si ab vna vel duabus tantum, tunc non perfecte & æqualiter conuenit cum omnibus. Si autem à tribus, tunc duæ personæ intermediæ magis conueniunt ad inuicem quam cum extremis: quia producantur, & producant, & ita non est ibi perfectus nexus.

ITEM si essent pauciores quam tres, non esset ibi perfecta charitas: quia perfectus amor & est liberalis & est communis. Quia liberalis, ideo tendit ad alterum. Quia communis, ideo vult alium diligere ab altero, sicut à se, & vult diligere alterum sicut se: ergo est ibi dilectio, & condilectio: hoc autem non potest esse minus quā in tribus. Ex secunda suppositione sic: Si est ibi summa perfectio: ergo persona producens perfecte producit, & quantum ad modum producendi, & quantum ad eum qui producit. Sed non reperitur nisi duplex modus producendi nobilis. Omne enim agens, aut agit per modum naturæ, aut per modum voluntatis: sicut vult Philosophus: ergo his duobus modis, & tantum his producit: sed persona producta quolibet istorum modorum est perfectissima: ergo si ultra perfectionem est omne quod superfluit,

A & quod est citra, deficit: necesse est esse tantum duas personas emanantes, & non plures, nec pauciores: & vnam à qua emanant: ergo tantum tres.

ITEM ex tertia sic: Si est ibi summa simplicitas: Pater totum dat cuilibet: ergo procedentes, siue emanantes non distinguuntur penes ea, quæ accipiunt, sed penes modum accipiendi, & emanandi: sed duo tantum sunt modi emanandi: ergo non possunt esse nisi duæ personæ emanantes & tertia producens: ergo, &c.

ITEM ex quarta sic: Si ratione primitatis est ibi summa fecunditas, nulla persona potest producere aliquo genere producendi quo producit: quia respectu illius non est prior, ergo cum duæ personæ emanent secundum duos modos emanandi, impossibile est, quod his modis producant, & non sunt alij modi: ergo non possunt producere aliam personam: ergo sunt tantum tres.

CONCLUSIO.

Tres tantum sunt persone diuina, vt fides Catholica docet.

RESP. ad arg. Dicendum quod, sicut fides Catholica dicit, ponere est tantum tres personas, non plures, nec pauciores, & hoc sumitur ratio necessitatis & congruitatis. Ratio necessitatis, quare non possunt esse pauciores quā tres, est summa beatitudo, & summa perfectio. Nam summa beatitudo exigit dilectionem, & condilectionem: summa perfectio duplicem emanationem, scilicet naturæ, & liberalitatis, & ad hoc, ad minus, exiguntur tres personæ.

ITEM ratio necessitatis quare non possunt esse plures est summa simplicitas, quæ non patitur personas distinguere nisi secundum modos emanandi. Est iterum principalis fecunditas quæ non permittit personam producere aliquo genere emanationis, nisi secundum rationem intelligendi sit prior illo. Vnde prima persona quæ est innascibilis & inspirabilis generat, & spirat. Secunda vero persona, quia inspirabilis, sed genita, non generat, sed spirat. Tertia persona quia spiratur, & procedit à generante, nec generat, nec spirat: & ideo impossibile est esse plures personas, quam tres. Ratio congruitatis sumitur ex sufficientia combinationum, & ex perfectione numeri ternarii. Ex sufficientia combinationum: quia cum amor sit in omnibus personis, vt dicit Richardus, & non sit nisi triplex amor, videlicet gratuitus, debitus, & ex utroque permixtus, tantum erunt tres personæ. Vna quæ tantum dat, in qua est amor gratuitus. Alia quæ tantum accipit, in qua est amor debitus. Et media quæ dat & accipit, in qua est amor permixtus ex utroque.

ITEM alio modo possunt combinari secundum rationem originis, & huiusmodi combinationis sufficientia in tribus consistit. Nam contingit intelligere personam quæ est principium personæ, & non est principium: & rursus personam quæ est principium, & non principium personæ: & tertio modo personam quæ est principium, & principium. Quartus autem modus quod nec sit principium, nec principium, est omnino impossibilis, nec intelligibilis. Ratio congruitatis ex parte numeri est, quia numerus iste, scilicet ternarius, habet in se primam perfectionem, & summam, siue consideretur in se, siue in quantitate continua, siue in natura, in se habet primam perfectionem quoniam primus numerus est, qui constat ex omnibus partibus suis: scilicet vnitatem & dualitatem, quæ simul iunctæ faciunt tria. Senarius autem dicitur primus perfectiorum, quia constat ex omnibus partibus suis aliquoties: scilicet tribus, duobus, & vno.

ITEM summa perfectio est in eo, quia vnitatem quæ est principium, & completio omnis numeri, reflexa supra de reduplicatione quadrata, qualis in solido quadrato, triplicatur secundum rationem, remanens vna secundum veritatem, vt si dicatur semel vnum, semel: & istud est valde simile Trinitati increata, in qua in vnitatem substantiæ est trinitas rationum. Non tamen est omnino simile, quia ibi cum vnitatem substantiæ, est Trinitas rationum, & rerum, scilicet Personarum: hic tantummodo rationum Si-

militer si

Ric. l. 3. de Trin. cap. 19. & 20.

Senarius, primus numerus perfectiorum.

driff. 2. phys. com. tex. 49. Cōcl. Scot. dist. 2. p. 2. q. 6.

Aviſt. li. i.
de calo
contex. 3.

militer ſi conſideretur numerus iſte in quantitate continua, habet in ſe primam perfectionem, & ſummam: primam, quia omnis quantitas habet principium, medium & ultimum: ſummam, quia perfectio quantitatis continuæ Suprema conſiſtit in Trina dimenſione, ſcilicet longitudine, latitudine, & altitudine: & hoc eſt quod dicit Philoſophus in principio de cælo & mundo: Omne enim perfectum in tribus dicimus, & hoc numero adhibuimus noſmetipſos magnificare Deum vnum Creatorem omnium, eminentem proprietatibus eorum quæ ſunt creata. Similiter ſi conſideretur iſte numerus in creatura habet in ſe primam perfectionem, & ſummam: primam quia trinitatē veſtigij contingit reperire in qualibet creatura, quantumcumque parua, quantumcumque minima: perfectam, quia ſecundum Trinitatem imaginis reformatam, & Deiformem attenditur ſumma, & nobiliſſima perfectio creaturæ, ſcilicet beatitudo.

1. Ad id uergo quod obijcitur quod Pater dat Filio totum quod poteſt, dicendum quod verum eſt, ſed non dat omni modo quo poteſt. Et ideo in illatione eſt acci- dens: Non poteſt amplius dare, ergo nec aliam perſonam producere: quia hoc nō eſt dare amplius, ſed alio modo.

2. Similiter ſequēs obiectio per hoc patet: quia Filius non omni modo declarat: quia etſi ſecundum rationem naturæ, non tamen ſecundum liberalitatem voluntatis niſi in quantum ex ipſo Verbo procedit Spiritus.

3. Ad illud quod obijcitur quod Spiritus ſanctus debet generare; dicendum quod non eſt ſimile, quia perſona Filij præcedit ſpirationem, ideo habet rationem primitatis: perſona autem Spiritus ſancti ſequitur generationem, & ideo non generat: quia non eſt innatiſſibilis.

4. Ad illud quod obijcitur de tertio modo emanandi, ſcilicet de arte; dicendum quod ars non habet ſecunditatem ad emanandum, ſive ad producendum, niſi per voluntatem, & ideo modus ille non debet diſtingui à modo procedendi per modum liberalitatis, ſive voluntatis. Vel aliter, & melius. Modus producendi per artem conuenit cum modo producendi per naturā in hoc quod utrobique producit ſimile. Diſfert autem, quia in productione naturali producit ſimilis in ſubſtantia, & natura, alius in perſona. In productione autem artis producit ſimile ſecundum rationem formæ exemplaris: diſſimile vero in ſubſtantia, & natura: talis autē modus producendi eſt impoſſibilis diuinæ eſſentiz, quæ non comparitur diuerſitatem eſſentiarum.

INCIPIT OSTENDE- RE QVO MODO PER CREA- TVRAM POTVERIT CO- gnosci Creator.

DISTINCT. III. PARS I.

APOSTOLVS namque ait, quod inuiſibilia Dei à creatura mundi, per ea quæ facta ſunt intellecta conſpiciuntur, ſempiterna quoque virtus eius, & diuinitas. Per creaturam mundi intelligitur homo, propter excellentiam qua excellit inter alias creaturas, vel propter conuenientiam quam habet cum omni creatura. Homo ergo inuiſibilia Dei intellectu mentis conſpicere potuit, vel etiam conſpexit, per ea quæ facta ſunt, id eſt, per creaturas viſibiles, vel inuiſibiles. A duobus enim iauabatur: ſcilicet à natura qua rationalis erat: & ab operibus à Deo factis, ut manifeſtaretur homini veritas. Ideoq; Apoſtolus dixit: Quia Deus reuelauit illis, ſcilicet dum fecit opera: in quibus Artificis aliquatenus relucet indicium.

Prima ratio, vel modus quo modo potuit cognosci Deus.

Nam ſicut ait Ambroſius: Vt Deus qui natura inuiſibilis eſt, etiam à viſibilibus poſſet ſciri, opus fecit, quod o-

Apiſicem viſibilitate ſui manifeſtauit: ut per certum incertum poſſet ſciri, & ille Deus omnium eſſe crederetur, qui hoc fecit quod ab homine, ait Ambroſius, impoſſibile eſt fieri. Potuerunt ergo cognoscere, ſive cognouerunt ultra omnem creaturam eſſe illum, qui ea fecit, quæ nulla creaturarum facere, vel deſtruere valet. Accedat quæcunque vis creatura, & faciat tale cælum, & terram: & dicam, quia Deus eſt. Sed quia nulla creatura talia facere valet, conſtat ſuper omnem creaturam eſſe illum qui ea fecit: ac per hoc, illum eſſe Deum, humana mens cognoscere potuit.

Secunda ratio qua potuit cognosci, vel modus quo nouerunt.

B Alio etiam modo Dei veritatem ductu rationis cognoscere potuerunt, vel etiam cognouerunt: ut enim Auguſtinus ait in Lib. de Ciuitate Dei: Viderunt ſummi Philoſophi nullum corpus eſſe Deum, & ideo cuncta corpora tranſcenderunt quærentes Deum. Viderunt etiam quidquid mutabile eſt, non eſſe ſummū Deum, omniumque principium: & ideo omnem animam mutabilesque ſpiritus tranſcenderunt. Deinde viderunt omne quod mutabile eſt, non poſſe eſſe niſi ab illo qui incommutabiliter & ſimpliciter eſt. Intellexerunt ergo eum, & omnia iſta feciſſe, & à nullo fieri poſuiſſe.

Tertia ratio, vel modus.

C Conſiderauerunt etiam quidquid eſt in ſubſtantijs, vel corpus eſſe, vel ſpiritum, meliusque aliquid ſp. ritum eſſe, quam corpus, ſed longe meliorem, qui ſpiritum fecit, & corpus.

Quartus modus, vel ratio.

D Intellexerunt etiam corporis ſpeciem eſſe ſenſibilem, & ſpiritus ſpeciem intelligibilem, & intelligibilem ſpeciem ſenſibili prætulerunt. Senſibilia dicimus, quæ viſu tactuq; corporis ſentiri queunt. Intelligibilia, quæ conſpectu mentis poſſunt intelligi. Cum ergo in eorum conſpectu, & corpus & animus magis minusque ſpecioſa eſſent: ſi autem omni ſpecie carere poſſunt, omnino nulla eſſent: viderunt eſſe aliquid, quo illa ſpecioſa facta ſunt, ubi eſt prima & incommutabilis ſpecies, ideoque incomparabilis: & illud eſſe rerum principium rectiſſime crediderunt, quod factū non eſſet, & ex quo cuncta facta eſſent. Ecce tot modis potuit cognosci veritas Dei. Cum ergo Deus, vna ſit & ſimplex eſſentia quæ ex nulla diuerſitate partium, vel accidentium conſiſtit, pluraliter tamen dicit Apoſtolus: Inuiſibilia Dei: quia pluribus modis cognoscitur veritas Dei per ea quæ facta ſunt. Ex perpetuitate namque creaturarum intelligitur Cōditor æternus: ex magnitudine creaturarū Omnipotens: ex ordine & diſpoſitione, Sapiens: ex gubernatione, Bonus. Hac autem omnia ad Vnitatem deitatis pertinent monſtrandam.

Quo modo in creaturis appareat veſtigium Trinitatis.

E Nunc reſtat oſtendere, utrum per ea quæ facta ſunt, aliquid Trinitatis veſtigium, vel indicium exiguum haberi potuerit. De hoc Auguſtinus in libro de Trinitate ait: Oportet ut Creatorem per ea quæ facta ſunt intellecta conſpicientes, Trinitatem intelligamus. Huius enim Trinitatis veſtigium in creaturis apparet. † Hac enim omnia quæ arte diuina facta ſunt, & unitatem quandam in ſe oſtendunt, & ſpeciem, & ordinem. Nam quodque horum creatorum & vnum aliquid eſt, ſicut ſunt natura corporum & ingenia animarum: & aliqua ſpecie formatur, ſicut ſunt figura, vel qualitates corporum, ac doctrina, vel artes animarum: & ordinem aliquem petis, aut tenet, ſicut ſunt pondera

man. ſup
illud:
Quod m
is eſt De

Lib. 2. c. 1.

al. 4

Ex Aug. li.
8. de Gen.
c. 6.

Rom. 14

Lib. 6. com.
p. 1.

† Aug. de
Gen. Rel.
c. 7. to. 1.

Rom. 1. 6

Rom. 1. 6

To. 3. in 1.
cap. ad Ro.

Tomo. I. c.
ss. circa
nem.

Gen. I. a

Exod. I. d

Diuisio.

Rom. I. c

pondera, vel collocationes corporum, & amores, vel delectationes animarum: & ita in creaturis praeclucet vestigium Trinitatis. In illa enim Trinitate summa origo est omnium rerum, & perfectissima pulchritudo, & beatissima delectatio. Summa autem origo, ut Augustinus, ostendit in lib. de vera Religione, intelligitur Deus Pater, à quo sunt omnia: à quo Filius, & Spiritus sanctus. Perfectissima pulchritudo intelligitur Filius, scilicet veritas Patris, nulli ex parte ei dissimilis. quem cum ipso, & in ipso Patre veneramur: qui forma est omnium quae ab uno facta sunt: & ad unum referuntur, quae tamen omnia, nec fierent à Patre per Filium, neque suis finibus salua essent, nisi Deus summe bonus esset, qui & nulli naturae, quae ab illo bona esset, invidit: & ut in bono ipso maneret, alia quantum vellet, alia quantum posset, dedit: quae bonitas intelligitur Spiritus sanctus, qui est donum Patris, & Filij. Quare ipsum donum Dei, cum Patre, & Filio, aequae incommutabile colere & tenere nos conuenit. Per considerationem itaque creaturarum unius substantiae Trinitatem intelligimus, scilicet unum Deum Patrem à quo sumus, & Filium per quem sumus: & Spiritum sanctum in quo sumus, scilicet principium ad quod recurrimus, & formam quam sequimur, & gratiam qua reconciliamur: unum scilicet quo auctore conditi sumus, & similitudinem eius per quam ad unitatem reformamur: & pacem qua Unitati adhaeremus, scilicet Deum qui dixit: Fiat lux: & Verbum per quod factum est omne quod substantialiter & naturaliter est: & donum benignitatis eius, quae placuit quod ab eo per Verbum factum est, & reconciliatum est auctori ut non interiret. Ecce ostensum est qualiter in creaturis aliquatenus imago Trinitatis indicatur: non enim per creaturarum contemplationem sufficiens notitia Trinitatis potest haberi vel potuit sine doctrina, vel interioris inspirationis reuelatione. Unde illi antiqui Philosophi quasi per umbram & de longinquo viderunt veritatem, deficientes in conspectu Trinitatis, ut Magi Pharaonis in tertio signo. Ad inuamur tamen in fide inuisibilem per ea quae facta sunt.

DISTIN. III. PARS I.

De Trinitate, & Vnitate secundum quod credita per rationem intelligitur.

Apostolus namque ait, quod inuisibilia Dei, &c.

Expositio textus.

SUPERIUS egit Magister de sancta Trinitate in quantum creditur. In hac secunda parte agit de ipsa in quantum intelligitur. Et haec pars diuiditur in tres partes. In quarum prima ad intelligendam Trinitatem adducit congruas similitudines, & rationes. In secunda subiungit emergentes dubitationes, infra 4. distinct in princip. Hic oritur questio satis necessaria, &c. In tertia, illis dubitationibus solutis determinat Trinitatis, & Vnitatis proprietates, & conditiones, infra distinct 8. Nunc de veritate, siue de proprietate.

ITEM prima pars habet duas. In prima, adducit similitudines longinquas. In secunda similitudines propinquas, siue expressas quae attenduntur in imagine ibi: Nunc vero iam ad eam perueniamus disputationem.

ITEM prima pars habet duas. In prima ostendit Vnitatem. In secunda Trinitatem, ibi: Nunc restat ostendere, &c. Prima pars habet quatuor particulas. In prima probat auctoritate Apostoli quod Deus est cognoscibilis per creaturam. In secunda vero adducit varios modos cognoscendi, & rationes, ibi: Nam sic ait Ambrosius: In tertia

adicit illos modos in auctoritate Apostoli implicari, ibi: Ecce totus modus. In quarta tangit, quid per praedictas rationes possit probari, scilicet essentiae Vnitas, non Trinitas, ibi: Haec autem omnia ad unitatem. Similiter secunda pars, in qua ostendit Trinitatem per similitudinem longinquam, quae attenditur in vestigio habet quatuor particulas. In prima ostendit Magister rationem vestigii in creatura. In secunda ostendit quid respondeat vestigio in Creatore, quoniam Trinitas appropriatorum, scilicet originis, pulchritudinis, & delectationis, ut reddantur singula lingulis, &c. ibi: In illa enim Trinitate summa, &c. In tertia docet contemplari in Deo Trinitatem per considerationem vestigii in creatura, ibi: Per considerationem itaque creaturarum, &c. vbi ostendit Trinitatem appropriatorum in Deo, & quantum ad actum conditionis, & quantum ad actum reformationis. In quarta autem particula ostendit quod consideratio Trinitatis per vestigium non est sufficiens, sed longinqua, ibi: Ecce ostensum est qualiter in creaturis. Ordo rationum formatarum ex littera, & earundem impugnationes quantum ad rationem probandi, & vim inferendi, quia videntur omnes non valere vel dubium supponere. Prima ratio: Qui potest quod nulla alia creatura potest, est super omnem creaturam. Sed qui fecit mundum istum, fecit quod nulla alia creatura potest: ergo non est creatura, sed super omnem creaturam.

Dub. I.

In ista ratione videtur supponi dubium dupliciter, scilicet quod mundus ille sit factus, & quod creatura ipsum non possit facere: quorum utrumque est valde dubium. Secunda ratio: Qui fecit corporalia & spiritus mutabiles, est super omnia corporalia & mutabilia. Deus est huiusmodi: ergo Deus est spirituale immutabile.

Dub. II.

Hic similiter videtur supponi dubium quod Deus fecerit spiritus, & iterum non sequitur ex hoc, quod quia fecit mutabilia, ideo sit immutabilis: immo potius videtur sequi oppositum, scilicet quod sit mutabilis. Tertia ratio. Qui fecit bona & meliora est optimus: sed Deus fecit corporalia quae sunt bona, & spiritualia quae sunt meliora: ergo Deus est optimus.

Dub. III.

Haec ratio similiter videtur nullam habere apparentiam. Quia tunc similiter quilibet artifex qui facit bona & meliora, est optimus, quod est falsum. Quarta ratio: Qui facit pulchra & pulchriora, est ipsa pulchritudo, siue species, & hoc est speciosissimum. Sed Deus fecit pulchra, siue speciosa, quia corporalia, & speciosiora, quia spiritualia: ergo qui fecit haec, speciosissimus est. Similiter videtur ratio ista non valere propter praedictam instantiam.

Dub. IV.

ITEM quaeritur de differentia istarum rationum, & quo modo distinguantur. Si dicas, sicut dicunt aliqui, quod sunt quatuor penes quatuor genera causarum: hoc nihil est, quia genus causae materialis non cadit in Deo. Si dicas, quod penes modos cognoscendi;

CONTRA: Non sunt nisi tres, scilicet in ratione causae, oblationis, & excellentiae. Ad obiectiones contra quatuor rationes iam dictas responderetur.

RESPOND. Dicendum quod omnes istae rationes ut probent & inferant, supponunt aliquid certum. Prima enim ratio supponit quod productio rei de nihilo non potest esse nisi à potentia infinita: hoc supposito, cum certum sit nullam creaturam habere potentiam infinitam, sequitur quod actus productionis rerum de nihilo sit eius quae est super omnem creaturam: & ita ex hoc actu

Dist. 5. de
Dini. nom.

Arif. 7.
Phy. com-
ten. 3.

tamquam ex proprio cognoscitur Deus omnipotens, immensus. In aliis tribus rationibus supponitur status, sicut in tota philosophia supponitur status in causis: & ideo omne mutabile reducitur ad immutabile. Quia in mutabili non est status in genere efficientis nisi in mouente non moto. Omne enim quod mouetur ab alio mouetur. Similiter bonum & melius reducuntur ad optimū, quia non est status in genere finis nisi in optimo. Similiter pulchrum & pulchrius ad pulcherrimum: quia non est status in genere speciei & formæ nisi in eo quod est ipsa species per essentiam.

Ad illud quod queritur de distinctione rationum, ex dictis iam patet responsio. Non enim possunt distinguī penes genus causarum tantum, nec penes modos cognoscendi tantum, sed penes utraque. Prima autem ratio sumitur secundum rationem causæ. Aliæ sumuntur penes rationem causæ & excellentiæ: quia considerant ordinem, & distinguuntur secundum ordinem in triplici genere causæ ut efficientis, siue mouentis, finiētis, & exemplaris.

Ex perpetuitate creaturarum intelligitur Conditor æternus. Dub. V.

CONTRA: Effectus non est perpetuus: ergo neque efficiens est æternus.

ITEM queritur de hoc quod dicit: *Ex magnitudine creaturarum Omnipotens:* nihil enim valet: Fecit magna: ergo est Omnipotens, vel potest facere omnia.

RESP. Ad hoc dicunt aliqui quod tantum est quædam persuasio per signum, non necessaria argumentatio. Dicunt enim quod omnipotentia & æternitas cum sint infinitæ, non possunt sufficienter probari per creaturas quæ sunt finitæ. Aliter tamen potest dici quod quamuis non sequatur in quolibet efficiente, tamen necessario sequitur in efficiente, siue perpetuante primo. Impossibile enim est quod creatura habeat ita magnum esse & ita dispositum, & hoc totum ab aliquo qui non possit in totum: & qua ratione in hoc totum, & in quolibet. Similiter si est primum perpetuus, est omnino in actu & nihil in potentia: & si hoc cum possit facere durare aliud in infinitum, ipsum est actu infinitum duratione: ergo æternus.

Hæc enim omnia quæ arte diuina facta sunt, vnitatem quandam in se ostendunt, & speciem, & ordinem. Dub. VI.

Videtur primo dicere falsum quod quæ condita sunt, siue facta, habeant ista tria, scilicet vnitatem, speciem & ordinem: quia aliqua condita sunt, quæ hæc non habent, sicut diabolus & reprobi.

ITEM videtur male enumerare: quia Augustinus enumerat ista tria, scilicet modum, ordinem, & speciem, & hæc alia: vnitatem, veritatem, bonitatem. Queritur ergo de diuersis modis enumerandi vnde veniant.

RESP. Ad hoc dicunt aliqui quod hoc intelligitur de creaturis perfectis: vel si de omnibus, tunc illa tria non dicunt conditiones in re creata, sed in exemplari increato. Potest tamen dici quod in primis intentionibus & generalibus est reflexio: & ideo status, nec est ultra procedendum.

Ad illud quod queritur de enumeratione illorum trium, quod non videtur conueniens, dicendum quod res creata habet tripliciter considerari. Aut in se, aut in comparatione ad alias creaturas, aut in comparatione ad causam primam. Et secundum hos omnes modos contingit reperire Trinitatem dupliciter. Si enim consideratur quantum in se, vel quantum ad se, hoc est, aut quantum ad substantiam principiorum, & sic est illa trinitas: materia, forma, compositio, quæ ponuntur in libro de regulis fidei. Aut quantum ad habitudines: sic est illa de Sapientia: Omnia in numero, pondere, & mensura dif-

posuisti. In numero enim intelligitur principiorum distinctio. In pondere, propria ipsorum inclinatio. In mensura, eorum adinuicem proportio.

ITEM si consideretur vna creatura in comparatione ad alias creaturas, hoc potest esse aut in quantum agit actione naturali, & sic sumitur illa Trinitas Dionysij: Substantia, virtus, & operatio: aut in quantum agit actione spiritali, & sic illa Augustini de 83. q. quo constat, quo congruit, quo discernitur, & vltimum refertur ad animam. Si autem considerantur in comparatione ad Deum, hoc potest esse dupliciter. Aut in quantum referuntur tantum, & sic est illa: Modus, species, & ordo. Aut in quantum referuntur & assimilantur, & sic est illa: Vnitas, veritas, bonitas. Quoniam ergo vestigium attenditur in comparatione ad Deum propriæ, ideo in his vltimis conditionibus proprie accipitur vestigium. Et quia magna est inter istas comparationes conuenientia: ideo Magister miscet hæc adinuicem propter multam conuenientiam, & respondentiam: quia vnitas respondet modo qui respicit Deum ut causam efficientem: veritas speciei quæ respicit ipsum ut exemplar: bonitas ordini quæ respicit Deum ut finem.

Perfectissima pulchritudo intelligitur Filius, scilicet Veritas Patri. Dub. VII.

CONTRA hoc dicit Augustinus: Veritas est id quod est: sed ens nulli personæ appropriatur: ergo nec veritas.

ITEM videtur male appropriare ordinem Spiritui sancto, quia in precedenti capitulo dicit quod ex ordine intelligitur sapiens: sed sapientia appropriatur Filio: ergo & ordo.

RESP. Dicendum quod veritas dupliciter potest considerari, sicut color. Nam vno modo color consideratur secundum id in quo est, & sic diffinitur in libro de sensu & sensato. Color est extremitas perspicui in corpore terminato. Alio modo in comparatione ad visum quem mouet, & sic diffinitur in libro de anima: Color est motuum visus secundum actum lucidi. Similiter veritas potest considerari in comparatione ad illud in quo est, & sic verum est quod dicit Augustinus: Veritas est id quod est. Alio modo per comparationem ad intellectum quem mouet, & sic veritas sicut dicit Philosophus in 1. Metaphysica, est finis intelligentiæ speculatiuæ. Secundum primum modum dicit Anselmus: Veritas Patris est essentia Patris. Quantum ad secundum modum dicit Hilarius, quod veritas est declaratiuum esse. Et quoniam filius est qui procedit ut verbum, cui appropriatur ratio declarandi: ideo ei appropriatur ratio exemplaris, & per consequens ratio veritatis, quantum ad secundum moueritatis: ipse autem accipit primo modo.

Ad illud quod obiicitur de ordine, dicendum quod est ordo rerum in vniuerso, & hic appropriatur sapientiæ. Et est ordo rerum in finem, & hic appropriatur bonitati, & sic patet quod non est contrarietas.

ARTICVLVS I.

AD intelligentiam eorum quæ in hac parte prima præsentis distinctionis tanguntur, quatuor queruntur. Primum, vtrum Deus sit cognoscibilis à creatura. Secundum, vtrum sit cognoscibilis per creaturam. Tertium, vtrum modus cognoscendi per creaturam conueniat homini quantum ad omnem statum scilicet statum innocentie, statum naturæ lapsæ, & statum naturæ gloriificatæ. Quartum, quid sit de Deo cognoscibile per creaturam.

QUESTIO I.

An Deus sit cognoscibilis à creatura.

*Alexander Alensis 1. p. q. 2. Membr. 3. art. 1.
& Thom. 1. p. q. 12. art. 12.
Ægid. Rom. 1. Sent. dist. 3. q. 1.*

Sap. 11. d.

Henri

*Hieronymus in sum. art. 24. q. 1.
Durandus 1. Sent. dist. 3. q. 1.
Richardus 1. Sent. dist. 3. q. 1. art. 1.
Scotus 1. Sent. dist. 3. q. 1.
Franciscus de Mayr. dist. 3. q. 1.
Ioan. Bacon. 1. Sent. dist. 3. q. 1.
Tho. Arg. 1. Sent. dist. 3. q. 1. art. 1. 2.
Gab. Biel. 1. Sent. dist. 3. q. 2.*

Ad oppo.
Lib. 5. de
Diu. nom.

Cognitio
quatuor
requirit.

Ex 1. de
an. context.

Funda.
menta.
Li. 14. c. 8.
ca. 3.

Aug. Soli.
log. lib. 1. c.
1. n. 1.

Vtrum Deus sit cognoscibilis à creatura. Et quod non, ostenditur sic per auctoritatem Dionysij: Deū neque dicere, neque intelligere possibile est.

2. **I**TEM ostenditur ratione per quadruplicem suppositionem, quam necesse est esse in cognitione, scilicet proportionem, vnionem, siue receptionem, iudicium, informationem. Intellectus enim non intelligit nisi quod est sibi proportionabile, & quod sibi aliquo modo vnitur, de quo iudicat, & à quo acies intelligentiæ informatur. Ex prima suppositione arguitur sic: Necesse est esse proportionem cognoscentis ad cognoscibile: sed Dei ad intellectum non est proportio, quia Deus est infinitus, & intellectus finitus: ergo, &c. Præterea si est aliqua proportio, videtur quod non sit sufficiens, quia plus distat verum increatum ab intellectu humano, quam quodlibet creatum intelligibile à sensibili. Sed sensus qui est perceptius sensibilis, numquam eleuatur ad cognitionē intelligibilis creati: ergo nec intellectus vnquam eleuabitur ad cognitionem intelligibilis increati.

3. **I**TEM ex præsuppositione secunda sic: Necesse est esse vnionem cognoscibilis ad cognoscentem, ita quod vnum sit in altero: sed cognoscentis non est in cognoscibili, sed e conuerso: sed impossibile est infinitum capi ab ipso finito: ergo impossibile est esse in illo: ergo Deum esse in intellectu est impossibile, cum sit infinitus.

4. **I**TEM ex tertia suppositione sic: Ad cognitionem necesse est in cognoscente esse iudicium de cognito: sed omne iudicans habet posse super iudicatum, finitum autem non habet posse super infinitum: ergo de illo non iudicat: sed ad cognitionem requirebatur iudicium: ergo intellectus finitus non cognoscit Deum infinitum super quem non habet posse.

5. **I**TEM ex quarta sic: Necesse est intellectum cognoscentem informari à cognito: sed omne quod alterum informat, aut informat per essentiam, aut per similitudinem: sed Deus non informat per essentiam, quia nulli vnitur vt forma: nec per similitudinē abstractā, quia similitudo abstracta est spiritualior eo à quo abstrahitur: Deo autem nihil est spiritualius, nec potest esse: ergo, &c.

CONTRA: Anima rationalis est ad imaginem Dei. Sed sicut dicit Augustinus in libro de Trinitate, & est in littera præsentis Distinct. in parte secunda: Mens eo est imago Dei, quo capax Dei est, eiusque particeps esse potest. Capere autem non est secundum substantiā, vel essentiam, quia sic est in omnibus creaturis: ergo per cognitionem & amorem: ergo Deus potest cognosci à creatura.

ITEM ratione ostenditur sic: Omnis cognitio spiritualis fit ratione lucis increatæ, vt dicit Augustinus in Soliloquiis: Sed lux est maxime cognoscibilis ipsi animæ: ergo, &c.

ITEM cum fiat cognitio aliquorum per præsentiam, aliquorum per similitudinem, illa cognoscuntur verius, quæ cognoscuntur per præsentiam, vt dicit Augustinus: sed Deus est ipsi animæ vnitus per præsentiam: ergo Deus verius cognoscitur quam alia quæ cognoscuntur per similitudinem.

ITEM sicut se habet summa bonitas ad dilectionem, sic summa veritas ad cognitionem: sed summa bonitas est summe amabilis ab effectu: ergo summa veritas est summe cognoscibilis ab intellectu.

ITEM vnumquodque efficacius potest in id ad quod naturaliter ordinatur: sed intellectus noster naturaliter ordinatur ad cognitionem summæ lucis: ergo illa maxime cognoscibilis est.

A

CONCLUSIO.

Deus à creatura est cognoscibilis, & clarissime cognoscibilis quantum est de se.

RESP. ad arg. Dicendum quod Deus in se tanquam summa lux est summe cognoscibilis, & tanquam lux summe intellectum nostrum complens, quantum est de se, esset summe cognoscibilis etiam nobis, nisi esset aliquis defectus à parte virtutis cognoscentis: qui quidem non tollitur perfecte nisi per Dei formationem gloriæ. Concedendæ ergo sunt rationes, quod Deus sit cognoscibilis à creatura, & etiam clarissime cognoscibilis quantum est de se, nisi aliud esset impediens, vel deficiens ex parte intellectus, sicut post patebit.

B

1. **A**D obiecta in contrarium dicendum quod est cognitio per comprehensionem & apprehensionem. Cognitio per apprehensionem consistit in manifestatione veritatis rei cognitæ. Cognitio vero comprehensionis in inclusione totalitatis. Ad primam cognitionem requiritur proportio conuenientiæ, & talis est in anima respectu Dei, quia quodam modo* est anima omnia per assimilationem ad omnia, quia nata est cognoscere omnia. Et maxime est capax Dei per assimilationem, quia est imago & similitudo Dei. Quantum ad cognitionem comprehensionis requiritur proportio æqualitatis, & æquiparantiæ, & talis non est in anima respectu Dei, quia anima est finita, sed Deus est infinitus: & ideo hanc non habet, & de hac intelligit Dionysius, & de illa certat obiectio de alia vero non.

C

2. **A**D illud quod obiicitur de distantia intelligibilis, & sensibilis, dicendum quod duplex est distantia: secundum rationem entis, & secundum rationem cognoscibilis. Primo modo est maior distantia: secundo modo non, quia vtrumque est intelligibile, scilicet Deus, & anima. Non sic est de intellectu, & sensu: quia sensus est potentia determinata, sed intellectus non.

3. **A**D illud quod infinitum non capitur à finito. Dicunt aliqui quod capere infinitum est dupliciter, scilicet quantum ad essentiam, & sic capitur, & quantum ad virtuositatem, & sic non capitur: sicut punctus à linea totus attingitur secundum substantiam, sed non totaliter secundum virtutem. Sed ista solutio non videtur soluere, quia in Deo idem est essentia quod virtus, & vtræque est infinita. Ideo dicendum quod duplex est infinitum. Vnum quod se habet per oppositionem ad simplex, & tale non capitur à finito, quale est infinitum molis. Aliud est quod habet infinitatem cum simplicitate, vt Deus, & tale infinitum quia simplex est, vbique totum est: quia vero infinitum in nullo sic est, quin extra illud sit, & sic intelligendum est in cognitione Dei. Et ideo non sequitur quod si cognoscitur totus, quod comprehendatur quia intellectus eius totalitatem non includit, sicut nec creatura immensitatem.

D

4. **A**D illud quod obiicitur: Iudicans habet posse, &c. Dicendum quod iudicare de aliquo est dupliciter. Primo modo discernendo, vtrum sit, vel non sit: & hoc modo conuenit iudicium omni intellectui cognoscenti, respectu omnis obiecti. Alio modo approbando, vel reprobando, vtrum ita debeat esse, & sic non iudicat de veritate, sed secundum ipsam de aliis, sicut dicit Augustinus de vera Religione, quod iudex non iudicat de lege, sed secundum ipsam iudicat de aliis. Et de hoc modo verum est quod dicit Augustinus: quod nullus de illa veritate iudicat, nullus tamen sine illa iudicat, & de hoc modo verum est quod opponit quod iudicans potest super iudicatum. De primo vero non est verum quod possit super, potest tamen dirigi in obiectum, ad miniculo illius.

E

5. **A**D illud quod vltimo obiicitur de informatione, dicendum quod Deus est præsens ipsi animæ, & omni intellectui per veritatem: & ideo non est necesse ab ipso abstrahi similitudinem, per quā cognoscatur: nihi.

*Aug. de
Gid. Oeo.
c. 8. c. 8. est
epistola 112
ad Pauli-
nam 10. 2.*

** Arist. li.
1. de ani.
context. 3.*

*Aug. 10. 1.
c. 31.*

ibidem.

lominus dū cognoscitur ab intellectu, intellectus informatur quadam notitia, quæ est velut similitudo quædam non abstracta, sed impressa, inferior Deo, quia in natura inferiori. Est superior tamen anima, quia facit ipsam meliorem. Et hoc dicit Augustinus de Trinitate: Quemadmodum cum per sensus corporum discimus corpora, fit eorum aliqua similitudo in animo nostro: ita cum Deum nouimus, fit aliqua similitudo Dei: illa notitia tamen inferior est, quia in inferiore natura est.

QVÆSTIO II.

An Deus sit cognoscibilis per creaturas.

Alexander Alensis 1. p. quæst. 2. Membro 3. art. 1.

S. Thomas 1. p. q. 12. art. 2. Et 4. Sent. d. 49. q. 1. art. 3. Quod. 7. art. 2.

Richardus 1. Sent. d. 3. 1. p. art. 2. q. 1. 2.

Henricus in summa art. 1. q. 2.

Scotus 1. Sent. dist. 3. q. 4.

Ad oppol.

Sap. 14. b.

Aug. lib. 2.

c. 16. 10. 1.

VT R V M Deus sit cognoscibilis per creaturas. Et quod non videtur. Quia via ad errorem, non est via ad cognitionem: sed cognitio per creaturam est via erroris: ergo &c. Probatio minoris: Creaturæ Dei factæ sunt in deceptionem animæ hominum, & in odium, & in museipulam pedibus insipientium. Præterea Augustinus in libro de Libero arbit. loquitur de his qui occupantur in creaturis: Dorsum ad te vertentes in corporali opere, tãquam in umbra sua defiguntur.

2. I T E M tenebra, & tenebrosus non est via ad cognoscendum luminosum, siue lucem: sed creatura est tenebra, Deus autem est lux: ergo Deus non est cognoscibilis per creaturam.

3. I T E M medium per quod cognoscitur aliquid, vel probatur de extremo, debet communicare in aliquo cum eo quod cognoscendum est: sed creatura & Creator nihil habent commune: ergo Deus non cognoscitur per creaturas.

4. I T E M omne medium per quod ascenditur ad extremum distat ab illo gradibus finitis: sed omnis creatura quantumcumque nobilis distat à Deo gradibus infinitis: quia quantumcumque duplicetur, numquam peruenitur ad eius nobilitatem: ergo per creaturam non ascenditur in cognitionem Dei.

C O N T R A: * A magnitudine speciei, & creaturæ cognoscibiliter poterit Creator horum videri. Vnde Isidorus: † Ex pulchritudine circumscriptæ creaturæ, pulchritudinem suam quæ circumscribi non potest, facit Deus intelligi.

I T E M ratione ostenditur sic: Contingit non solum effectum cognosci per causam, sed causam per effectum: ergo si Deus est causa operans secundum suam nobilitatem, & creatura effectus, poterit Deus cognosci per creaturam.

I T E M sensibile est via cognoscendi intelligibile: sed creatura est sensibilis, Deus est intelligibilis: ergo per creaturam est deuenire in cognitionem Creatoris.

I T E M contingit simile cognosci per simile: sed omnis creatura est similis Deo, vel sicut vestigium, vel sicut imago: ergo per omnem creaturam contingit cognosci Deum. Quæritur ergo quæ sit differentia inter vestigium, & imaginem: & cum in omni creatura sit vestigium, quæritur quare non similiter imago: & secundum quid attenditur vestigium.

C O N C L V S I O.

Deus est cognoscibilis per creaturas quantum ad conditiones generales.

R E S P. ad arg. Dicendum quod quia relucet causa in effectu, & sapientia Artificis manifestatur in opere: ideo Deus qui est Artifex & causa creaturæ, per ipsam cognoscitur. Et ad hoc duplex est ratio, vna est propter conuenientiam, alia propter indigentiam. Propter conuenientiam, quia omnis creatura magis ducit in

A Deum quam in aliquid aliud. Propter indigentiam, quia cū Deus tamquam lux summe spiritualis non possit cognosci in sua spiritualitate ab intellectu, quasi materiali luce indiget anima vt cognoscat ipsum, scilicet per creaturam.

1. **A** D illud quod obijcitur quod cognitio creaturæ est via in errorem, dicendum quod dupliciter est cognoscere creaturam. Vel quantum ad proprietates speciales quæ sunt imperfectionis: vel quantum ad cōditiones generales quæ sunt completionis. Si quantum ad speciales conditiones imperfectionis, hoc est dupliciter, aut attribuendo Deo, aut remouendo. Primo modo est via erroris, secundo modo est via cognitionis, & sic cognoscitur Deus per ablationem. Si autem cognoscatur quoad conditiones perfectionis, sic potest esse dupliciter, sicut pictura dupliciter cognoscitur, aut sicut pictura, aut sicut imago. Vnde aut listitur in pulchritudine creaturæ, aut per illam tenditur in aliud. Si primo modo, tunc est via deuiationis. Vnde Augustinus: Væ his qui nutus tuos pro te amant, & oberrant in vestigiis tuis, & derelinquunt te ducem. Si secundo modo prout est via in aliud, sic est ratio cognoscendi per superexcellentiam: quia omnis proprietas nobilis in creatura Deo est attribuenda in summo, & sic patet illud.

2. **A** D illud quod obijcitur quod tenebrosus medium non est via cognoscendi lucem, dicendum quod est oculus bene dispositus, & oculus lippus. De oculo bene disposito verum est: sed non de lippo cui nubes obtegens, vel terra suscipiens luminis claritatem, est medium videndi solem. Sic intellectui nostro qui se habet sicut oculus noctuæ ad manifestissimam naturam.

3. **A** D illud quod obijcitur de defectu communitaris, dicendum quod si non est commune per vniuocationem, tamen est commune per analogiam, quæ dicit habitudinem duorum ad duo, vt in nauta, & doctore, vel vnius ad vnum, vt exemplaris ad exemplatum.

4. **A** D illud quod obijcitur quod semper sunt infiniti gradus, dicendum quod ascensus in Deum potest esse dupliciter. Aut quantum ad aspectum præsentiam, & sic quælibet creatura nata est ducere in Deum, nec sic sunt infiniti gradus. Aut quantum ad æqualitatem æquiparantiam, & sic est verum quod sunt infiniti: quia bonum creatum quantumcumque duplicatum, numquam æquiparatur increato. Primus autem gradus, quantum ad ascensum ad aspectum præsentiam, est in consideratione visibilium. Secundus in consideratione inuisibilium vt animæ, vel alterius substantiæ spiritualis. Tertius est ab anima in Deum, quia imago ab ipsa veritate formatur, & Deo immediate coniungitur.

A D illud quod ultimo quæritur de differentia vestigii & imaginis, quidam assignant talem differentiam: quod vestigium est in sensibilibus, imago in spiritualibus. Sed ista positio vel distinctio non valet, quia vestigium est etiam in spiritualibus. Nam vnitas, veritas, bonitas, in quibus consistit vestigium, sunt conditiones maxime vniuersales, & intelligibiles. Alii autē dicunt quod vestigium dicitur, quia repræsentat secundum partem: sed imago secundum totum. Sed hæc iterum differentia non valet. Quia cum Deus sit simplex, non habet repræsentans secundum partem. Cum iterum sit infinitus, à nulla omnino creatura, nec etiam à toto mundo potest repræsentari secundum totum. Et ideo intelligendum quod cum creatura ducat in cognitionem Dei per modum vmbre, & per modum vestigii, & per modum imaginis, differentia eorum notior à qua etiam denominatur, accipitur penes modum repræsentandi. Nam umbra dicitur in quantum repræsentat in quadam elongatione, & confusione: vestigium in quadam elongatione, sed distinctione: imago vero in quadam propinquitate, & distinctione. Ex hac differentia colligitur secunda quæ est penes conditiones, in quibus attenditur hæc. Nam creaturæ dicuntur umbra quantum ad proprietates quæ respiciunt Deum in aliquo genere causæ, secundum rationem causæ indeterminatam. Vestigium

quantum

*Aug. li. 9.
de Trin. c.
11. 10. 3.*

*Alex. 2.
part. 9. 8.
memb. 7.*

*Aug. lib. 1.
de lib. arb.
c. 16. 10. 1.*

*Arif. 1.
Metaph. 3.
text. 1.*

*Funda-
menta.*

** Sap. 13. b.*

† Isid. li. 1.

de summo

bono c. 4. 9.

2.

Arif. 3. de

ani. cōtex.

30. 13. 30.

*Aug. lib. 3.
q. 4. 5.*

quia illa non capitur nisi à magnis, & subtilibus: hæc autem capitur à rudibus & insipientibus: ergo si potuerunt per proprietates creaturarum visibiles peruenire ad inuisibiles, multo fortius ad cognoscendum, personas esse plures. Et hoc est quod dicitur in Sapientia: Si enim tantum potuerunt scire quod poterant sæculum mensurare, quo modo huius Dominum non facilius inuenerunt.

Sap. 13. b

Funda-
menta.
Dion. 1. de
di. mo.
Rich. art.
1. q. 3.

CONTRA: Cognitio Trinitatis est cognitio fidei: sed cognitio fidei est de his quæ sunt supra rationem: & quæ supra rationem sunt, non possunt cognosci per creaturas: ergo, &c.

ITEM non est nisi duobus modis de Deo cognoscere per creaturam, aut affirmando quod est in creatura, aut simile, aut remouendo: sed Trinitas non cognoscitur per remotionem: sed per positionem: sed in nulla creatura inuenitur pluralitas suppositorum cum vnitæ essentia: ergo, &c.

Dio. de an-
gelica hier.
q. 2.

ITEM lex scripta est super legem naturæ, siue liber sacræ Scripturæ super librū mundanæ creaturæ: sed nullus fide carens, per sacram Scripturam venit in cognitionem pluralitatis personarum: ergo multo minus per librū mundanæ creaturæ.

CONCLUSIO.

Trinitas personarum in diuinis cum vnitæ essentia non est cognoscibilis per creaturas: sed bene Trinitas appropriatum, scilicet Veritas, Vnitas, Bonitas.

Rio. 6. bi
supra.
Tho. 1. p. 9.
12. art. 1.

RESP. ad arg. Dicendum quod pluralitas personarum cum vnitæ essentia est proprium diuinæ naturæ solius, cuius simile nec reperitur in creatura, nec potest reperiri, nec rationabiliter cogitari: ideo nullo modo Trinitas personarum est cognoscibilis per creaturam, rationabiliter ascendendo à creatura in Deum: sed licet non habeat omnino simile, habet tamen aliquo modo quod creditur simile in creatura. Vnde dico quod Philosophi nunquam cognouerunt per rationem, personarum Trinitatem, nec pluralitatem, nisi haberent aliquem habitum fidei, sicut habent aliqui hæretici. Vnde qui dixerunt hanc Trinitatem, aut locuti sunt non intelligentes, aut fidei radio illustrati. Est alia Trinitas appropriatum, scilicet veritas, vnitas, & bonitas, & hanc cognouerunt, quia habent simile.

1. Ad illud ergo quod obiicitur quod per tripartitam philosophiam cognouerunt Philosophi Trinitatem; dicendum quod verum est quod per illud, & per alia venerunt ad cognitionem appropriatum, credentes vero in cognitionem vtriusque Trinitatis.

2. Ad illud quod obiicitur de tertio signo, dicitur, & bene: quia sapientes ideo dicuntur defecisse in tertio signo, quia defecerunt in cognitione effectus potissimæ bonitatis, scilicet Redemptionis.

3. Ad illud dicendum quod vestigium dicit distinctionem proprietatum essentialium, & huic responderet Trinitas appropriatum, non proprium, siue personarum.

4. Ad illud quod obiicitur de imagine; dicendum quod est cognoscere animam secundum id quod est, & cognitio ista est rationis: vel secundum id quod imago, & cognitio ista est solius fidei.

5. Ad illud quod vltius obiicitur, difficilius est cognoscere mundum; dicendum quod istud intelligitur supposito diuino adminiculo, simpliciter autem loquendo falsum est. Citius enim homo disponderetur ad fidem, quam acquireret cognitionem philosophiz. Intellectus tamen noster plus potest in cognitionem rerum mundanarum quam Trinitatis: quia illa est supra rationem, & contrarium eius videt in sensu: & ideo indiget noua eleuatione, utpote cognitione per infusionem.

QVO MODO IN ANIMA SIT IMAGO TRINITATIS.

DISTIN. III. PARS II.



VNC vero ad eam iam perueniamus dispositionem, ubi in mēte humana que non fuit Deum, vel potest nosse, Trinitatis imaginem reperiamus. Vt enim ait Augustinus in 14. libro de Trinitate. Licet humana mens nō sit eius natura, cuius Deus est, imago tamen illius, quo nihil melius est, ibi querenda, & inuenienda est, quo natura nostra nihil habet melius, id est in mente. In ipsa etiam mente antequam sit particeps Dei, eius imago reperitur: etsi enim amissa Dei participatione deformis sit imago Dei tamen permanet. Eo enim ipso imago Dei est mens, quo capax eius est, eiusque particeps esse potest. Iam ergo in ea Trinitatem, qua Deus est, inquiramus. Ecce enim mens meminit sui, intelligit se, diligit se: hoc si cernimus, cernimus Trinitatem, nondum quidem Deum: sed imaginem Dei. Hic enim quadam apparet Trinitas memoria, intelligentia, & amoris. Hæc ergo tria potissimum tractemus, memoriam, intelligentiam, voluntatem. Hæc ergo tria ut Augustinus ait in libro 10. de Trinitate, non sunt tres vite: sed una vita: nec tres mentes: sed una mens, una essentia. Memoria vero dicitur ad aliquid, & intelligentia, & voluntas, siue dilectio similiter ad aliquid dicitur: vita vero dicitur ad seipsam, & mens, & essentia. Hæc ergo tria eo vnum sunt quo una vita, una mens, una essentia: & quidquid aliud ad seipsam singula dicuntur: etiam simul, non pluraliter: sed singulariter dicuntur. Eo vero tria sunt, quoad se inuicem referuntur.

Cap. 7. b
1. q. 3.

Quo modo æqualia sunt, quia capiuntur à singulis omnia, & tota.

Æqualia etiam sunt non solum singula singulis: sed etiam singula omnibus: alioqui non se inuicem caperent: se autem inuicem capiunt. Capiunt enim & à singulis singula, & à singulis omnia. Memini enim me habere memoriam, & intelligentiam, & voluntatem: & intelligo me intelligere & velle, atq; meminisse: & volo me velle, & meminisse, & intelligere.

Aug. 11. d.

Quo modo tota illa tria Memoria capiat.

Totamq; meam memoriam, & intelligentiam, & voluntatem simul memini. Quod enim memoria mea non memini, illud non est in memoria mea: nihil autem tam in memoria est, quam ipsa memoria: totam ergo memini. Item quidquid intelligo, intelligere me scio: & scio me velle quidquid volo: quidquid autem scio, memini. Totam ergo intelligentiam totamque voluntatem meam memini.

Aug. 11. d.

Quo modo illa tria tota capiat Intelligentia.

Similiter cum hæc tria intelligo, tota simul intelligo: neque enim quidquam intelligibile est quod non intelligam, nisi quod ignoro. Quod autem ignoro, nec memini nec volo. Quidquid ergo intelligibile non intelligo, consequenter etiam nec memini, nec volo. Quidquid ergo intelligibile memini & volo, consequenter intelligo.

Aug. 11. d.
ca. 11. art. 1.
1. q. 3.

Quo modo

Quo modo illa tota capiat Voluntas.

Aug. ibid.

Voluntas etiam mea totam intelligentiā, totamque meam memoriam capit, dum vtor toto eo quod intelligo, & memini. Cum itaque inuicem à singulis & omnia, & tota capiantur, aequalia sunt tota singula totis singulis, & tota singula simul omnibus totis: & hac tria vnum, vna vita, vna mens, vna essentia. Ecce illius summa Trinitatis, atque Trinitatis, ubi vna essentia, & tres persona, imago est humana mens, licet impar. Mens autē hic pro animo ipso accipitur, ubi est illa imago Trinitatis. Proprie vero mens dicitur, ut ait Augustinus, non ipsa anima: sed quod in ea est excellentius, qualiter saepe accipitur. Illud etiam sciendum est, quod memoria non solum est absentium, & praeitorum: sed etiam praesentium, ut ait Augustinus in 14. libro de Trinitate, alioquin se caperet.

Lib. 15. de Trinitate. 7. 8. 3

Cap. 12.

Ex quo sensu illa tria dicantur esse vnum, & vna essentia, quaeritur.

Hic attendendam est diligenter, ex quo sensu accipiendum sit quod supra dixit, illa tria scilicet Memoriam, Intelligentiam, & Volontatem esse vnum, vnam mentem, vnam essentiam. Quod utique non videtur esse verum iuxta proprietatem sermonis. Mens enim, id est, spiritus rationalis essentia est spiritualis, & incorporea. Illa vero tria, naturalis proprietatis, seu vires sunt ipsius mentis, & à se inuicem differunt: quia memoria non est intelligentia, vel voluntas nec intelligentia voluntas, siue amor.

Quod etiam ad se inuicem dicuntur relatiue.

Aug. de Trinitate. 1. 3. 1.

Et hac tria etiā ad seipsa referuntur, ut ait Augustinus in nono libro de Trinitate: Mens enim amare seipsam, vel meminisse non potest, nisi etiam nouerit se. Nam quo modo amat, vel meminit quod nescit? Mirum itaque modo tria ista inseparabilia sunt à seipsis: & tamen eorum singulum & simul omnia vna essentia est, cum & relatiue dicantur adinuicem.

Hic aperitur quod supra quaerebatur, scilicet quo modo hac tria dicantur vnum.

Cap. 4.

Sed iam videndum est quo modo hac tria dicantur vna substantia. Ideo quia scilicet in ipsa anima, vel mente substantialiter existunt, non sicut accidentia in subiectis que possunt adesse, vel abesse. unde Augustinus in nono libro de Trinitate ait: Admonemur, si utcumque videre possumus, hac in animo existere substantialiter, non tantquam in subiecto, ut color in corpore, quia et si relatiue dicantur adinuicem, singula tamen substantialiter sunt in sua substantia. Ecce ex quo sensu illa tria dicantur esse vnum, vel vna substantia. Quae tria, ut Augustinus ait in 15. libro de Trinitate: In mente naturaliter diuinitus instituta quisquis viuaciter perspicit, & quam magnum sit in ea, unde potest etiam sempiterna, immutabilisque natura re-coli, conspici, concupisci. Reminiscitur enim per memoriam, inuenitur per intelligentiam, amplectitur per dilectionem: profecto reperit illius summa Trinitatis imaginem.

Cap. 10.

Quod in illa similitudine est dissimilitudo.

Aug. li. de Trinitate. 1. 10.

Verumtamen caueat, ne hanc imaginem ab eadem Trinitate factam ita ei comparet, ut omnino existimet similem: sed potius in qualicumque ista, similitudine, magnam quoque dissimilitudinem cernat.

Prima dissimilitudo.

Quod breuiter ostendi potest. Homo vnus per ista tria meminit, intelligit, diligit: qui nec memoria est, nec intelligentia, nec dilectio, sed hac habet. Vnus ergo homo est, qui habet hac tria, non ipse est hac tria. In illius vero summa simplicitate natura, quae Deus est, quamuis vnus sit Deus tamen tres persona sunt, Pater, & Filius, & Spiritus sanctus, & haec tres persona sunt vnus Deus. Aliud est itaque Trinitas res ipsa, aliud imago Trinitatis in re alia: propter quam imaginem etiam illud in quo sunt hac tria, imago dicitur, scilicet homo. Sicut imago dicitur & tabula, & pictura quae est in ea: sed tabula nomine imaginis appellatur propter picturam quae est in ea.

Ibid. c. 22.

Altera dissimilitudo.

Rursus ista imago, quae est homo habens illa tria, vna persona est. Illa vero Trinitas non vna persona est, sed tres persona, Pater Filius, & Filius Patris, & Spiritus Patris, & Filius. Itaque in ista imagine Trinitatis non hac tria vnus homo, sed vnus hominis sunt. In illa vero summa Trinitate, cuius hac imago est, non vnus Dei sunt illa tria, sed vnus Deus: & tres sunt illae persona, non vna persona. Illa enim tria non homo sunt: sed hominis sunt, vel in homine sunt: Sed numquid possumus dicere Trinitatem sic esse in Deo, ut aliquid Dei sit, nec ipsa sit Deus? Absit ut hoc credamus. Dicamus ergo in mente nostra imaginem Trinitatis ita: sed exiguum, & qualemcumque esse: quae summa Trinitatis ita gerit similitudinem, ut ex maxima parte sit dissimilis. Sciendum vero est quod hac Trinitas mentis ut ait Augustinus in 14. libro de Trinitate, non propterea tantum imago Dei est, quia sui meminerit mens, & intelligit, ac diligit se: sed quia potest etiam meminisse, & intelligere, & amare illum à quo facta est.

Ibid. c. 23.

Ibid. c. 7.

Ibid. c. 23.

Cap. 12.

Alia assignatio Trinitatis in anima scilicet Mens, Notitia, Amor.

Potest etiam alio modo aliisque nominibus distinguere Trinitas in anima, quae est imago illius summa, & ineffabilis Trinitatis. Ut enim ait Augustinus in 9. libro de Trinitate: Mens, & Notitia eius, & Amor, tria quadam sunt. Mens enim nouit se, & amat se: nec amare se potest, nisi etiam nouerit se. Duo quadam sunt, Mens & Notitia eius. Item duo quadam sunt Mens & amor eius. Cum ergo se nouit mens, & amat se, manet Trinitas, scilicet Mens, Amor, & Notitia. Mens autem hic accipitur non pro anima: sed pro eo quod in anima excellentius est. Hac autem tria cum sint distincta à se inuicem, dicuntur tamen esse vnum, quia in anima substantialiter existunt.

Cap. 4. 20. 3.

Aug. in li. 15. de Trinitate. 6. 27. 4. 9. c. 4.

Quia Mens, vice patris: Notitia, Filij: Amor, Spiritus sancti accipitur.

Et est ipsa mens quasi parens, & notitia eius quasi proles eius. Mens enim cum se cognoscit, notitiam sui gignit, & est sola parens sua notitia. Tertius est amor, qui de ipsa mente, & notitia procedit, dum mens cognoscit se, & diligit se: non enim posset se diligere, nisi cognosceret se. Amat etiam placitam prolem, id est, notitiam suam: & ita amor quidam complexus est parentis, & prolis.

Aug. li. 9. c. 12. de Trinitate.

Quod non est minor Mente Notitia, nec Amor utroque.

Nec est minor proles parente, dum tantam se nouit mens, quanta est: nec minor est amor parente, & prole, id est, mente, & notitia, dum tantum se diligit mens, quantum se nouit, & quanta est.

Aug. ibid.

ibid. c. 5.
10. 3.

Quod hæc tria in seipsis.

Sunt etiam hæc singula in seipsis: quia & Mens amans in Amore est: & amor in amanti notitia: & Notitia in mente noscente est. Ecce in his tribus quaecumque vestigium Trinitatis apparet.

Quo modo Mens per ista proficit ad intelligendum Deum.

Mens itaque rationalis considerans hæc tria, & illam unam essentiam in qua ista sunt, extendit se ad contemplationem Creatoris: & videt Vnitatem in Trinitate, & Trinitatem in Vnitate. Intelligit enim unum Deum esse, unam essentiam, unum principium. Intelligit enim, quia si duo essent, vel uterque insufficiens esset, vel alter superflueret: quia si aliquid deesset uni quod haberet alter, non esset ibi summa perfectio. Si vero nihil uni deesset quod haberet alter, cum in uno essent omnia, alter superflueret. Intellexit ergo unum esse Deum omnium auctorem: & vidit, quia absque sapientia sit quasi res fatua: & ideo intellexit eum habere sapientiam, quæ ab ipso genita est: & quia sapientiam suam diligit: intellexit etiam ibi esse amorem.

Hic agitur de summa Trinitatis Vnitate.

Cap. 1. 10. 3.

Aug. ca. 1.
10. 3.

Quapropter iuxta istam considerationem, ut ait Augustinus in nono libro de Trinitate: Credamus Patrem & Filium & Spiritum sanctum unum esse Deum, uniuersa creatura Conditorum, & Rectorem: nec Patrem esse Filium nec Spiritum sanctum: vel Patrem esse, vel Filium: sed Trinitatem relatarum ad inuicem personarum. Ut enim ait ipse in libro de fide ad Petrum: Vna est natura, siue essentia Patris, & Filij, & Spiritus sancti, non una persona. Si enim sic esset una persona, sicut est una substantia Patris, & Filij, & Spiritus sancti, veraciter Trinitas non diceretur. Rursus quidem Trinitas esset vera: sed unus Deus Trinitas ipsa non esset, si quemadmodum Pater, & Filius, & Spiritus sanctus personarum sunt ab inuicem proprietate distincti, sic fuissent quoque naturæ diuersitate discreti. Fides autem Patriarcharum, Prophetarum, atque Apostolorum unum Deum prædicat Trinitatem esse. In illa ergo sancta Trinitate unus est Deus Pater, qui solus essentialiter de seipso Filium unum genuit: & unus Filius est, qui de uno Patre solus essentialiter natus: & unus Spiritus sanctus, qui solus essentialiter à Patre Filioque procedit. Hoc autem totum non potest una persona, id est, gignere se, & nasci de se, & procedere de se, ut enim ait Augustinus in primo libro de Trinitate: Nulla res est, quæ seipsam gignat ut sit.

Cap. 2.

Nunc vero ad eam, & cet.

Expositio litterarum.

Diuisio.

Hæc est secunda pars huius Distinctionis, in qua Magister probat Trinitatem, & vnitatem per similitudinem propinquam, & expressam, cuiusmodi est imago. Et diuiditur hæc pars in duas. In prima ostendit Trinitatem, & Vnitatem in Creatore, per Trinitatem, & Vnitatem consideratam in potentijs animæ. In secunda vero in habitibus, ibi: Potest etiam alio modo, &c. Prima iterum pars habet quatuor particulas. In quarum prima ostendit ubi querenda sit imago in anima, quoniam in parte superiori, & tribus potentijs, scilicet Memoria, Intelligentia & Voluntas. In secunda vero tangit imaginis conditiones, quæ sunt Trinitas, Vnitas, & Æqualitas. ibi: Hæc ergo tria, ut ait Augustinus. In tertia vero mouet, & soluit dubitationem quæ oritur ex prædictis. Vtrum scilicet anima

A sit suæ potentia. ibi: Hic attendendum est diligenter. In quarta autem docet cauere errorem, qui posset causari, & oriri ex ostensione trinitatis creatæ, quod omnimoda similitudo esset ad increatam: ubi ostendit quod maxima est dissimilitudo imaginis ad Deum. ibi: Verumtamen caueat. Similiter secunda pars in qua Magister intendit inuestigare imaginem in habitibus animæ secundum quod possibile est, diuiditur in quatuor particulas. Primo enim illa tangit in quibus imago Trinitatis attenditur, quæ sunt, Mens, Notitia, & Amor. Secundo illis prædictis ostendit quod in his attenditur imago propter consubstantialitatem, ordinem, & æqualitatem. ibi: Hæc autem tria, &c. Tercio ostendit quo modo mens rationalis in contemplatione trinitatis creatæ proficit ad videndum, & cognoscendam Trinitatem increatam in Vnitate, ibi: Mens itaque rationalis. Quarto vero breuiter recolligit quæ supra sunt demonstrata, ibi: Quæ propter iuxta istam considerationem.

Imago Dei tamen permanet. Dub. VIII.

CONTRA: Hoc obijcitur auctoritate Psalmi: Domine in ciuitate imaginem eorum ad nihilum rediges. Psalm. 72. 1

RESP. Imago dicitur dupliciter. Vno modo quantum ad substantiale esse, & hoc respicit trinitatem potentiarum & ordinem, & æqualitatem, & sic semper permanet. Alio modo prout supra esse addit bene esse, ut decorem, & honorem, & hoc potest perdi. Quia homo cum in honore esset, non intellexit. Psalm. 44. 1

Memoria vero dicitur ad aliquid.

Dub. IX.

Objicitur: Ergo Memoria, Intelligentia, & Voluntas sunt in prædicamento relationis. **I**TEM queritur quare mens dicitur magis ad se, quàm memoria, vel intelligentia.

RESP. Dicendum quod dicitur ad aliquid dupliciter: vel proprie, & per se, sicut Pater, & Filius: vel ratione cuius annexi, quia habet respectum annexum, & inclinationem, & sic memoria dicitur ad aliquid, quia innatum habet respectum ad memoriale: similiter intelligentia ad intelligibile, & voluntas ad volubile, & hæc obiecta ad inuicem habent respectum. Et sic patet obiectio.

Ad illud quod queritur de mente, dicendum quod mens dicitur ab actu essentiali: propterea est intelligendum quod quo est, potest intelligi in quantum dat animæ esse generalissimum, & sic dicitur essentia. Vel in quantum dat esse generale, & sic dicitur vita: quia anima est in genere viuentium. Aut in quantum dat esse spirituale, & sic dicitur mens. Mens enim non dicitur, nisi quod viuit vita intellectiua. Vel anima in se dicitur essentia, ut actus corporis, vita: ut perfectibilis à Deo, mens.

In illa vero summa Trinitate. &c. Dub. X.

Innuit Magister, quod tres personæ non sunt vnus Dei.

CONTRA: Videtur dicere falsum. Quia cum sint vnus essentia, & essentia sit Deus: ergo sunt vnus Dei. Si dicas quod non sequitur: ego quero, quare non conceditur quod tres personæ sunt vnus Dei. Si dicas quod propter hoc, quod obliquus notat diuersitatem: ergo cum essentia non sit diuersa à persona, non potest dici, tres personæ sunt vnus essentia.

RESP. Dicendum quod generatus aliquando constituitur in ratione possessionis, ut si dicatur, bos Petri, vel Ioannis: aliquando ex vi declarationis, ut mulier egregia formæ: aliquando intransitiue, ut creatura falis. Intransitiue, constituitur generale cum speciali, & sic potest dici substantia, vel persona Dei. Ex vi declarationis essentia, ut importans formam per modum formæ, & sic dicuntur tres personæ vnus essentia: quia ergo quando dicitur, tres personæ sunt vnus Dei, Deus non significat nec per modum formæ, nec per modum specificantis, ideo intelligitur per modum possidentis, vel principiantis, & ideo simpliciter est falsa.

Vt ex ma-

Vt ex maxima parte sit dissimilis. Dub. XI.

CONTRA: Hoc videtur falsum. Quia imago est similitudo expressa: ergo si maxime est dissimilis, non est imago.

RESP. Dicendum quod est expressio simpliciter, vel in genere. Si ergo loquamur de expressione simpliciter, sic dico, quod anima rationalis non est valde similis Deo. Si autem loquamur in genere creature, quia tantum exprimit, quantum potest natura creata, sic dicitur valde similis, & expressa similitudo Dei.

Si duo essent, vel uterque insufficiens esset. Dub. XII.

CONTRA: Quia secundum viam istam monstrari posset quod non sit nisi una persona.

RESP. Dicendum quod in personis non potest esse superfluitas: quia in eis est una sufficientia. Unde si una esset superflua, & omnes. Sed non potest ibi esse aliqua insufficientia, quia nihil plus habent tres, quam una. Sed si essent duæ essentia, duæ essent sufficientia: & quælibet per se esset sufficiens. Si autem altera cum altera, quælibet esset insufficientis, & ita patet quod non est simile de duabus essentijs, sicut de duabus personis.

Et vidit, quia absque sapientia non sit, &c. Dub. XIII.

CONTRA: Secundum hoc videtur quod Pater sit sapiens sapientia genita.

RESP. Dicendum quod ista consequentia non est intelligenda immediate, scilicet quia non est res fatua: ergo habet sapientiam genitam. Sed hoc intelligendum est sic: Deus est substantia spiritualis: ergo est nata cognoscere, ergo si non habet sapientiam, est res fatua. Sed non est res fatua: ergo habet sapientiam. Sed non est sapientia sine verbo; & non est verbum nisi procedat à mente, & ita generetur: ergo à primo, si habet sapientiam, necesse est sapientiam esse genitam. Et omnes istas consequentias oportet intelligere immediate.

ARTICVLVS I.

CONsequenter ad intelligentiam istius partis secundæ, præsentis distinctionis quantum ad primam assignationem imaginis quæ est per Memoriam, Intelligentiam & Voluntatem, tria quærentur. Primo vtrum in his tribus, scilicet memoria, intelligentia, & voluntate attendatur ratio imaginis. Secundo de comparatione istarum ad obiectum. Tertio de comparatione earum ad animam, vel subiectum.

QVÆSTIO I.

An imaginis ratio consistat circa Intelligentiam, Memoriam, & Voluntatem.

Alexander Alensis 1. p. q. 61. Membr. 3. art. 1.

3. Thom. 1. p. q. 93. art. 5. 6.

Egidius 1. Sent. dist. 3. 2. p. q. 2.

Durandus 2. p. d. 3. q. 1.

Richardus 1. Sent. d. 3. q. 1. art. 2.

Scotus 1. Sent. d. 3. q. 9.

Franciscus de Mayr. 1. Sent. d. 3. q. 4.

Ioan. Baccus 1. Sent. dist. 3. q. 3.

Thom. Arg. 1. Sent. dist. 3. q. 2. art. 1.

Gab. Biel. 1. Sent. dist. 3. q. 10.

Funda.
ment.

QUOD in omnibus simul sit, videtur. Ad rationem enim imaginis requiritur expressa conformatio in distinctione: sed distinctio in diuinis attenditur quantum ad tres personas: ergo necessario in imagine creata attenditur quantum ad tres potentias.

ITEM ratio imaginis consistit in perfecta capacitate quia secundum Augustinum, eo est mens imago, quo potest esse capax & particeps Dei: sed Deus non capitur

A ab anima plene nisi ametur, neque amatur nisi intelligatur, nec intelligitur nisi præsens apud animam habeatur: sed primum est per voluntatem, secundum per intelligentiam, tertium per memoriam: ergo, &c.

ITEM noticia siue intelligentia appropriatur Filio, voluntas Spiritui sancto: ergo aut truncata, & diminuta erit assignatio imaginis, aut necesse est ponere potentiam respondentem Patri.

1. **SED** contra: Ad esse imaginis requiritur representatio in distinctione originis, & ordinis: sed in istis potentijs non est talis distinctio, quia simul sunt cum anima concreata, nec vna est ab alia, nec vna post aliam: ergo in istis non est reperire rationem imaginis.

2. **ITEM** imago est representatio secundum exteriorem dispositionem, vt patet: sed istæ tres potentia sunt intimæ ipsi animæ: ergo in ipsis non est ratio imaginis.

3. **ITEM** quod specialiter memoria non sit de ratione imaginis, videtur, quia cum imago sit animæ essentialis, & secundum potentiam rationalem sit in ipsa, memoria autem, vt dicit Philosophus, est sensibilibium, quia est in brutis: ergo videtur quod memoria non pertinet ad imaginem. Præterea cum memoria sit sensibilibium, siue intelligibilium, concernit differentiam temporis, quia est acceptio præsens de præteritis: sed imago abstrahit à conditionibus sensibilibus, & temporalibus: ergo, &c.

4. **ITEM** imago attenditur in his quæ sunt nata recipere imaginem reformationis, siue similitudinis: sed imago illa consistit in tribus virtutibus Theologicis, quarum nulla est in memoria: ergo, &c.

5. **ITEM** quod voluntas non sit de integritate imaginis videtur, quia dicitur in libro de Spiritu & anima imago est in potentia cognoscendi, similitudo est in potentia diligendi. Sed voluntas non pertinet ad potentiam cognitiuam: ergo, &c.

6. **ITEM** omnis potentia quæ est de imagine, debet alijs æquari, quia ad rationem imaginis requiritur æqualitas: sed voluntas non æquatur alijs, quia multa intelligimus quæ non volumus: ergo, &c. Si dicas quod non attenditur æqualitas respectu obiectorum: sed respectu actuum, vt sit sensus, quidquid intelligo, volo me intelligere, adhuc non est verum, quia multorum meminimus, quæ nolumus meminisse.

CONCLUSIO.

Ratio imaginis attenditur in his tribus potentijs, Memoria, Intellectu, & Voluntate, cum comparatione ad vnitatem essentia & pluralitatem actuum.

1. **RESP.** ad arg. Dicendum quod sicut dicit Augustinus, & Magister recitat, imago attenditur in his tribus potentijs cum comparatione ad vnitatem essentia, & pluralitatem actuum in quibus est distinctio & ordo, & origo vnius ab altero per modum quemdam disponendi. Nam retentio speciei disponit ad intelligendum, & intelligentia ad amandum secundum quod intelligitur esse bonum: & per hoc patet solutio ad illud quod obijcitur in istis potentijs non est distinctio per originem: ergo, &c.

2. **AD** illud quod obijcitur quod imago attenditur secundum exteriorem dispositionem, dicendum quod est imago rei corporalis, & sensibilis, & hæc quia offert se cognitioni per exteriora, habet imaginem representantem secundum exteriorem dispositionem. Est iterum imago rei spiritualis, quæ est intima cuilibet rei, & quæ cognoscitur secundum quod virtus recolligitur ad intima, & habet imaginem representantem quantum ad intimas dispositiones.

3. **AD** illud ergo quod obijcitur quod memoria est sensibilibium, dicendum quod memoria accipitur tripliciter. Vno modo prout est receptiua, & retentiua sensibilibium, & præteritorum. Alio modo prout est retentiua præteritorum siue sensibilibium, siue intelligibilium. Et tertio modo prout est retentiua specierum abstrahendo

Ad oppo.

Arist. de mem. 3. remm. c. 1.

Aug. c. 39. 103.

Solut. August. dicens quod memoria sit etiam præsentia.

ab omni

Sic diffin-
git Alb.
Ret. Ta
7. ex
Dionysio
9.2.
Alex. 2. p.
9.62. mēb.
5. art. 7.

Aug. lib. 1.
de Doctr.
Chr. c. 22.
10.3.

Alon. 2. p.
9.62. mēb.
5. art. 4.

Aug. lib. 10.
de Trin. c. 6.
11.3.3.
In Lib. 6.
Voluntas.

Funda-
menta.

Aug. lib. 14.
de Trin. c. 8.
Ibid. c. 4.
10.3.

Ad oppos.
Aug. lib. 9.
de Trin. c. 4.

ab omni differentia temporis, utpote specierum innatarum, & hoc tertio modo est pars imaginis: sed obiectio currit de alijs primis duobus modis. Primo modo memoria sequitur sensum, secundo modo sequitur ipsam intelligentiam, & voluntatem, tertio modo antecedit, & respondet Patri.

4. Ad illud quod obijcitur quod memoria non reformatur, dicendum, quod immo memoria reformatur & quantum ad statum viæ, & quantum ad statum patriæ. In primo per spem, & hoc patet per expositionem Augustini super illud verbum Matthæi: Diliges Dominum Deum tuum, ex toto corde tuo: id est intellectu sine errore. Ex tota anima: id est ex voluntate sine contradictione. Ex tota mente: id est memoria sine obliuione. In secundo statu reformatur quantum ad intentionem: unde Bernardus dicit: Quia Deus est futurus intelligentiæ plenitudo lucis, voluntati multitudo pacis, memoriæ continuatio æternitatis. Nec est etiam inconueniens quod memoria quamuis sit prima, reformatur per dotem ultimam: quia ordo reformationis, & deformationis incipit à posteriori; ordo autem formationis incipit à superiori: ideo à voluntate incipit reformatio, & tendit vsque in memoriam.

5. Ad illud quod obijcitur quod imago est in potentia cognoscendi, dicendum quod similitudo dicit quid gratuitum, & ideo dicitur esse per appropriationem in voluntate, siue in dilectione. Imago vero non dicit gratuitum: ideo dicitur esse in potentia cognoscendi. Vel aliter de imagine: quia in Filio est prima imago, & Filio appropriatur intelligentia, quæ est in potentia cognitiua: ideo dicitur imago esse in potentia cognoscendi.

6. Ad illud: Voluntas non æquatur intelligentiæ, dicendum quod voluntas prout communiter accipitur ad velle, & nolle, quorum vtrumque est actus voluntatis, bene æquatur, secundum quod dicitur Vti esse commune ad vtrumque, sicut dicit Augustinus: & habetur in littera, quod voluntas capit illam, dum vtor, &c. Quidquid enim recordamur, vel intelligimus, in facultatem voluntatis accipimus ad eligendum, vel ad respuendum, & istud est secundum quod dicit actum communem voluntatis: sed secundum actum specialem qui est velle, tantum non æquatur. De isto est oppositio, quo modo sic velle non comprehendit totam voluntatem, sicut meminisse totam memoriam, & intelligere totam intelligentiam.

QUESTIO II.

An imago attendatur in his iisdem potentijs per comparisonem ipsarum ad Deum.

Doctores in iisdem Libris, Questionibus, & Articulis in superioribus Questionibus citatis.

DE potentijs in comparisonem ad obiectum, vtrum videlicet attendatur imago in eis per comparisonem ipsarum ad Deum. Et videtur quod sic, quia eo est anima imago, quod capax Dei est, & particeps esse potest ut dicit Augustinus: sed est capax quantum ad partem superiorem: ergo, &c.

ITEM in eodem: Imago illius quo nihil melius est, inquirenda est & inuenienda, quo mens nostra nihil melius habet: sed hoc, est superior pars: ergo, &c.

ITEM hoc idem videtur ratione: quia imago dicitur eo quod ducit in prototypum: ergo cum illud sit Deus non attenditur imago in potentijs his, nisi secundum quod ducunt in Deum: sed per has potentias homo ducitur in Deum, dum per eas conuertitur in eum: ergo, &c.

ITEM Deus est obiectum virtutum Theologicarum in quibus consistit imago reformationis: ergo cum idem sit obiectum vtriusque imaginis, quia vna est ductiua alterius, & perfectiua, propterea si Deus est obiectum vnius, ergo & alterius.

CONTRA: Augustinus assignat imaginem in mente, intellectu, & amore secundum quod anima meminit sui, intelligit se, diligit se: ergo videtur quod imago attendatur per conuersionem sui supra se.

2. ITEM Augustinus: Cum in natura mentis humanæ quærimus trinitatem, in tota quærimus, non separantes actionem temporalium à contemplatione æternorum, ut tertium aliquid iam quæramus: ergo trinitas imaginis attenditur secundum actionem temporalium, & ita per conuersionem ad inferiora.

3. ITEM secundum quod anima conuertitur supra inferiora, vel supra se, est æqualitas, & ordo, & origo, & omnia quæ concurrunt ad rationem imaginis.

4. ITEM imago est in peccatoribus à Deo auersis, & in illis etiam qui nullo modo possunt reuerti, ut sunt damnati: ergo ratio imaginis non attenditur penes conuersionem ad Deum.

5. ITEM necesse est quantum ad perfectam rationem imaginis æquari cognoscentem, & cognitum, siue dicentem, & dictum: nam ista duo Patrem & Filium repræsentant: sed in conuersione ad Deum non est talis æquatio: ergo, &c.

CONCLUSIO.

Imago perfecta est in anima secundum quod conuertitur in Deum: imperfecta vero secundum quod conuertitur supra se: nulla autem prout conuertitur ad inferiora: sed bene in ea tunc est Trinitas.

RESP. ad arg. Ad intelligentiam prædictorum, tria oportet in imaginis ratione præsupponere. Primo enim imago attenditur secundum expressam conformitatem ad imaginatum. Secundo quod illud quod conformatur imagini, per consequens conformatur imaginato: unde qui videt imaginem Petri, per consequens videt & Petrum. Tertio, quod anima secundum suas potentias conformis redditur his ad quæ conuertitur, siue secundum cognitionem, siue secundum amorem. Quoniam ergo cum anima conuertitur ad Deum, sibi conformatur, & imago attenditur secundum conformitatem: ideo imago Dei consistit in his potentijs quæ habent obiectum Deum. Rursum quoniam anima est imago Dei & secundum quod conformatur imagini, & imaginato, ideo anima secundum quod conuertitur supra se, non recedit à conformitate, & ideo imago consistit in his potentijs secundum quod habent animam pro obiecto. Sed cum conuertitur ad creaturas inferiores, illis conformatur in quibus non est imago Dei sed vestigium: ideo potentiæ animæ secundum quod habent inferiora pro obiectis, recedunt à ratione imaginis: quia recedunt à conformitate expressa. Licet itaque in huiusmodi potentijs secundum quod conuertuntur ad inferiora, sit repetire trinitatem, & aliquam conformitatem: similiter in potentijs sensitiuis, sicut ostendit Augustinus: quia tamen deficiunt ab expressa conformitate, non reperitur ratio imaginis in eis. Unde Augustinus inuestigat in omnibus potentijs animæ trinitatem, non quia in eis sit imago: sed ut à ratione imaginis excludat. Unde quærens trinitatem in tota anima, quærit eam in superiori, & inferiori parte rationis, & in sensu. Et hoc est quod dicit in illa auctoritate: Cum in natura mentis humanæ quærimus trinitatem, in tota quærimus: non dicit quærimus imaginem. Unde Augustinus de Trinitate: Quamuis in inferiori parte rationis inueniri trinitas possit: imago tamen inueniri non potest. Concedendum est ergo quod imago consistit in his potentijs secundum quod ad animam conuertuntur: primo tamen & principaliter, ut ostendunt primæ rationes, secundum quod conuertuntur ad Deum. Unde Augustinus his duobus modis assignat imaginem: Prima est in mente, notitia, & amore secundum quod mens nouit, & amat se. Secunda est in memoria, intelligentia, & voluntate. Et in fine libri ostendit completissimam rationem imaginis esse in comparisonem ad Deum.

1. 2. 3. Ex his patet responsio ad Primum, Secundum, & Tertium: quia primum argumentum concedendum est: secundum vero concludit quod in inferiori parte sit trinitas: & tertium quod conformitas: sed hæc soluta sunt: quia non est expressa.

4. Ad illud quod obiicitur de auersione peccatorum. Respondeo quod dicimus imaginem in his potentiis secundum conuersionem non actuale: sed apertitudinalem, quæ nunquam relinquit potentias: sicut gressibilis etiam dicitur homo qui habet pedes truncatos, quâuis non gradiatur.

5. Ad illud quod obiicitur quod necesse est in imagine cognoscens, & cognitum adæquari, dicendum, quod non oportet cognitum adæquari cognoscenti adæquatione rei ad rem, sed sub ratione cognoscibilis. Vnde tantum est cognitum in intelligentia, quantum repræsentatur à memoria. Quod autem simpliciter adæquetur non oportet: adæquatur tamen secundum quod anima conuertitur supra se. Vnde ratio imaginis quo ad quid, est plus in conuersione ad Deum: quo ad quid, est plus in conuersione animæ supra se. In conuersione ad Deum est plus, quia plus habet de ratione venustatis, & conformitatis: in conuersione ad se, plus habet de ratione consubstantialitatis, & æqualitatis.

QVÆSTIO III.

An Memoria, Intelligentia, & Voluntas sint idem in essentia cum anima.

Idem Doctor 2. Sent. dist. 24. art. 2. q. 1.

Alexander Alensis p. 2. quæst. 65.

S. Thomas 1. p. q. 77. art. 1.

Egidius 1. Sent. dist. 3. p. 2. q. 2. art. 2. Et Quæst. 3. q. 10.

Henricus Quæst. 3. q. 14.

Scotus 2. Sent. dist. 16. q. 1.

Gandauensis 3. de anima. q. 3.

Thom. Arg. 1. Sent. dist. 3. q. 2. art. 2.

DE comparatione istarum potentiarum ad animam siue ad subiectum, vtrum videlicet sint idem in essentia cum anima. Et videtur quod sic: quia Augustinus dicit: Hæc tria, memoria, intelligentia, & voluntas sunt vna mēs, vna vita, vna essentia: ac per hoc vna substantia.

2. **I**TEM Bernardus super Cantica dicit: Quædam in anima intueor, memoriam, intelligentiā, & voluntatem: hæc tria ipsa est. Si tu dicas quod hoc dicitur per causam hoc nihil est, quia Augustinus de spiritu, & anima dicit quod anima est quædam sua, vt potētia: & quædam non sua, vt virtutes: quod si per causam esset, vtrumque posset dici.

3. **I**TEM hoc ipsum videtur velle dicere Philosophus quia idem dicit esse principium essendi, & operandi: ergo cum principium essendi sit ipsa forma substantialis, principium operandi ergo erit ipsa: sed principium operandi est potētia: ergo potentia est principium essendi: sed quia non est principium essendi nisi forma substantialis in homine: ergo potentia & forma substantialis sunt idem in substantia.

4. **I**TEM ratione ostenditur. * Sicut materia prima est omnia nata recipere per veritatem, sic anima secundum similitudinem. Sed ^b potentia materiæ primæ respectu formarum suscipiendarum non differt per essentiam ab ipsa: ergo similiter videtur quod potentia animæ. Probatio minoris. Si enim per essentiam differret, aut esset substantia, aut accidens. Non accidens: quia antecedit omnem formam, & omne accidens. Si substantia, aut ergo materia, aut formæ. Præterea si differret, illius esset materia capax.

5. **I**TEM forma accidentalis non est simplicior forma substantiali. Sed potentia operandi non differt à forma accidentali, vt pote potentia calefaciendi, non differt per essentiam à caliditate, nec potentia illuminandi ab ipsa luce: ergo similiter videtur quod nec potentia animæ ab ipsa anima.

6. **I**TEM † quod vni est accidens, nulli substantia est: sed istæ potentia sunt ipsi animæ substantiales: ergo non sunt ei accidentales, & per consequens nō sunt accidentia: ergo sunt substantia, constat autem quod non alia quam anima. Probatio minoris, quia anima rationalis sensibilis & vegetabilis in homine non dicit diuersitatem substan-

tiarum, sed potentiarum: ergo constat quod in homine istæ differentia, vegetabile, sensibile, rationale accipiuntur à potentiis, & huiusmodi differentia sunt substantiales: ergo & potentia: ergo, &c.

CONTRA: * Augustinus assignat differentiam imaginis creatæ ad Trinitatem illam, scilicet increatam, quia in illa Trinitate habens est id quod habetur, hic autem habēs non est id quod habetur: ergo si anima habet tres potentias: ergo essentialiter non est illæ.

ITEM Dionysius dicit quod in quolibet creato differunt hæc tria, substantia, virtus, & operatio: ergo in anima differunt substantia & potentia.

ITEM Boetius: In quolibet creato differunt quo est, & quod est, siue quid est, & esse: ergo similiter immo multo fortius quod potest, & quo potest.

ITEM rationibus ostenditur sic: Quæ differunt genere differunt essentia, & vnū de altero non prædicatur essentialiter: sed potentia & anima sunt huiusmodi, quia anima est in genere substantia: sed potentia sunt in secunda specie qualitatis, scilicet naturalis potentia: ergo &c.

ITEM illa quorum vnum est extra alterum, differunt essentialiter, & substantialiter: sed virtus egreditur substantiam, quia operatur in obiectum quod est extra: sed impossibile est quod operetur vbi non est, si ergo virtus est vbi operatur, & operatur extra substantiam cuiuslibet: ergo virtus egreditur extra substantiam: ergo, &c.

ITEM ad hoc est alia ratio. Quia si eadem per essentia esset anima & potentia, vnum non multiplicaretur nisi secundum multiplicationem alterius: & sic cum vnum tantum sit anima, haberet tantum vnā potentiam: sed hoc est falsum: ergo, &c.

CONCLUSIO.

Potentia anima sunt substantiales & sunt in eodem genere per reductionem in quo est anima: non sunt tamen omnino idem per essentiam.

RESP. ad arg. Ad prædictorum intelligentiam notandum est quod potentia naturalis dicitur tripliciter. Primo modo prout dicit modum existendi naturalis potentia in subiecto, secundum quem dicitur subiectum facile, vel difficile ad aliquid agendum: & sic naturalis potentia dicit modum qualitatis, & est generaliter in secunda specie qualitatis, vt patet cum dicitur, cursor & pugillator, quorum vtrumque dicit facilitatem, quæ sequitur modum existendi potentia: gradi: ndi, & resistendi, siue agendi in subiecto. Secundo modo potentia naturalis dicitur potentia naturaliter egrediens à substantia. Et hoc potest esse dupliciter. Vno modo aliqua potentia egreditur à substantia cum accidente, vt potentia cal: faciendi. Ignis enim per suam substantiam non calefacit sine caliditate, & hæc potentia non est alterius generis, quam sit qualitas à qua egreditur, vnde potentia quæ est calefaciendi, est in eodem genere cum caliditate. Alio modo dicitur naturalis potentia quæ naturaliter egreditur de substantia immediate, sicut potentia generandi quantum ad inductionem vltimæ formæ, & hæc quidem non est alterius generis cum substantia: sed reducit ad genus substantia: tamquam substantialis differentia. Per hunc modum intelligendum est in potentiis animæ. Nā vno modo conuenit nominare potentias animæ, secundum primum modum, vt dicunt facilitatem quæ dicit modum potentia existendi in subiecto, sicut ingeniositas, & tarditas, & hæc quidem sunt in secunda specie qualitatis. Alio modo conuenit potentias nominare, prout dicunt ordinem substantia: ad actum, qui est mediante aliqua proprietate accidentali, vt potentia syllogizandi, quæ est in anima cum habet aditum syllogizandi, & hæc est in eodem genere in quo est scientia syllogizandi, vt in prima specie qualitatis. Contingit iterum nominare potentias animæ, vt immediate egrediuntur à substantia, vt hæc tria, memoriam, intelligentiam, & voluntatem, & hoc patet. Quia omni accidente circumscripto intellectu

Aug. 15. de Trin. c. 22. & 23. 10. Fundamenta.

Dionys. de Aug. hier. c. 11. circa med. c. 2. Boet. de hebdoma. de Trinit. c. An omne quod est, bonum sit. circa principium.

Potentia naturalis dicitur.

Applicatio distinctionis.

intellecto

intellecto quod anima sit substantia spiritualis, hoc ipso, quod est sibi præfens, & sibi coniuncta, habet potentiam ad memorandum, & intelligendum se. Vnde istæ potentie animæ sunt substantiales, & sunt in eodem genere per reductionem, in quo est anima: Atamen quoniam egrediuntur ab anima: potentia enim se habet per modum egredientis: non sunt omnino idem per essentiam, nec tamen adeo differunt, ut sint alterius generis: sed sunt in eodem genere per reductionem. Et potest satis manifestum exemplum dari in re, & in similitudine eius. Nā res non habet tantam identitatem cum sua similitudine, ut sint vnum numero: nec tantam diuersitatem ut differant numero. Similitudo enim Martini non adeo distat à Martino, ut penitus differat ab eo. Et ideo similitudo rei in eodem genere est per reductionem cum eo, cuius est similitudo. Quia enim egreditur, ideo differt: sed non transit in aliud genus. Et loquor de similitudine secundum rationem similitudinis, non intentionis, id est, prout à subiecto exit, & non recedit, ut splendor à luce. Concedendæ ergo sunt rationes probantes quod anima non est suæ potentie per essentiam.

Essentialis
le quor
modis di
catur.

1. 2. Ad illud ergo quod obiicitur in contrarium de Augustino & Bernardo quod anima est suæ potentie; dicendum quod non est ibi prædicatio accidentis de subiecto, nec eiusdem per essentiam: sed substantialis vel essentialis. Propter quod notandum quod essentialis dicitur quatuor modis. Primo modo essentialis, quod dicit rei essentiam totam, sicut species dicit totam essentiam singularis. Secundo modo dicitur essentialis, quod est de essentia, & constitutione rei, ut materia, & forma. Tertio modo dicitur essentialis, sine quo res non potest esse, nec potest intelligi esse, ut sunt illa in quibus attenditur ratio vestigii, ut Vnitas, Veritas, Bonitas. Quarto modo dicitur essentialis sine quo res non potest existere habere perfectum esse, ut sunt potentie in anima, in quibus attenditur imago, & hoc est minimo modo substantiale, siue essentialis, non tamen transit in aliud genus: ideo anima dicitur suæ potentie, quia non transit in aliud genus.

3. Ad illud quod obiicitur quod idem est principium essendi, & operandi; dicendum quod verum est de principio remoto: sed de proximo est impossibile. Nam si idem omnino esset principium proximum, tunc idem esset in re esse, & operari. Similiter si idem esset principium proximum, cum res semper habeat esse, semper haberet operari. Quia ergo forma dicit proximum, & immediatum principium essendi; potentia vero proximum & immediatum principium operandi, patet quod impossibile est esse omnino idem.

4. Ad aliud quod obiicitur de potentia materie; dicendum, quod materia non est sua potentia per essentiam, quoniam non est ipsa ordinatio ad formam, est tamen ipsa potentia materie, essentialis ipsi materie, sicut potentia actiua ipsi substantie: & minus quidem elongatur potentia materie à materia, quam potentia actiua à substantia. Quoniam potentia materie est potentia passiva, quæ dicit ordinem ad aliud cum priuatione. Sed potentia actiua dicit ordinem cum positione, & ideo minus addit potentia materie supra materiam, quam potentia actiua supra substantiam: & hinc est quod non ita distinguuntur diuersæ potentie in eadem materia, sicut in eadem substantia.

5. Ad illud quod obiicitur de forma accidentali; dicendum quod forma accidentalis non est sua potentia. Nam potentia eius est, inquantum influit in alterum: atamen potentia illa non tantum addit, quantum potentia forme substantialis: quoniam potentia forme accidentalis dicit ordinationem ad actum: sed non sufficientem per se, sed per virtutem substantie. Sicut enim accidens non est per se: ita non habet virtutem operandi per se, sed per virtutem substantie, & ita hoc patet.

6. Ad illud quod obiicitur ultimo; dicendum quod potentie animæ non sunt accidentales, tamen argumentum non valet, quia fortassis rationale, sensibile, vegeta-

A bile non accipiuntur à potentiis, sed à diuersis naturis re-
pertis in anima.

ILLUD autem argumentum quod factum est ad oppositum, quod differunt, quia sunt in diuersis generibus, soluendum est per interemptionem, quia non sunt in diuersis generibus: sed in eodem per reductionem, &c.

ARTICVLVS III.

Consequenter est quaestio de secunda assignatione imaginis per Mentem, Notitiam, & Amorem. Circa hanc quaeruntur tria. Primum est de istis, absolute, utrum videlicet imago attendatur in istis ut in potentiis, aut in habitibus, aut in potentiis simul & habitibus, aut in substantia & habitibus. Secundum est de istis in comparatione ad inuicem. Tertium utrum hæc Trinitas imaginis, ducatur necessario in cognitionem Trinitatis, quantum ad personas.

QUESTIO II.

An imago attendatur in Mente, Notitia, & Amore, ut in potentiis, aut ut in habitibus, aut in vtrisque simul, vel in substantia, & habitibus.

Doctores in 3. quaestione prima partis huius Dist. citati.

Agid. Sero Rom. 1. Sent. dist. 3. 2. p. q. 2. art. 4.

The. Arg. 2. Sent. dist. 16. q. 1. art. 4.

Circa hanc sic proceditur, & ostenditur primo quod non in his, ut in potentiis, attendatur imago, quia prædicta assignatio fuit in potentiis: ergo si hic etiam esset in potentiis, non esset nisi inculcatio verborum. Præterea, notitia, & amor, non dicunt potentiam, sed habitus, licet mens possit dicere potentiam: ergo prædicta tria non possunt poni sub ratione potentialium.

ITEM ostenditur quod non ut in habitibus: quia Augustinus dicit in imaginis assignatione: Mens nouit se, diligit se: sed nullius habitus est nosse, nec amare: ergo, &c.

ITEM si mens stat pro habitu, quaero pro quo habitu: Si pro habitu memorie, de quo magis videtur, quia non est aliud dare: sed actus habitus huius est meminisse, & non alius: sed Augustinus assignat menti hos actus, scilicet nosse & amare: ergo, &c.

ITEM ostenditur quod non ut in potentiis & habitibus. Cum enim potentie sint tres, & habitus tres: tunc non esset ternarius, sed senarius.

ITEM quaero pro qua potentia stat ibi mens: aut enim stat pro omnibus, aut pro duabus, aut pro vna. Si pro omnibus, tunc non est ibi Trinitas. Si pro duabus, tunc est ibi quaternitas, cum duo sint habitus. Si pro vna, non potest habere istos duos actus, nosse & amare: ergo non sumitur Trinitas secundum habitus, & potentias simul.

1. CONTRA: Ostenditur quod non ut in substantia, & habitibus simul. Cum enim habitus cognoscendi, & amandi sequantur ipsam substantiam tempore, & substantia etiam possit esse sine his, ratio autem imaginis sit ipsi animæ perpetua, & inseparabilis, & concreata: ergo non est in habitibus, & substantia simul.

2. ITEM si substantia connumeratur habitibus, & habitus sunt tres, & substantia vna: ergo erit ibi quaternitas. Si tu dicas quod non differt notitia secundum quod est habitus intellectiua, & memorie; Contra: Habitibus sunt dispositiones potentialium: cum ergo sint tres potentie, erunt tres habitus.

3. ITEM Magister dicit in littera, quod mens accipitur non pro anima, sed pro eo quod est in ea eminentius.



CONCLUSIO.

Imago attenditur in Mente, Notitia, & Amore, non ut in potentijs, neq. ut in habitibus: sed quantum ad substantiam animæ se noscentis, & amanti: & quantum ad habitus notitiæ, & amoris, qui sunt habitus connaturales, & non acquisiti.

Mēs quot modis dicatur.

Damasce. 2. de fid. orth. c. 21. ante med. Aug. de sp. ritu c. 8. am. 11. 10. 3.

Aug. 9. de Trin. c. 2. 3. 8. seq. 10. 3.

R E S P. ad arg. Dicendum quod differt secundum quosdam assignatio hæc à præcedenti: quia prior fuit in potentijs, hæc est in habitibus. Et respondent obiectionibus per distinctionem mentis. Mens enim secundum quadruplicem modum accipiendi diuersificatur. Dicitur enim vno modo à mēte, quod est Luna, siue defectus, & sic dicitur de tota animæ substantia, propter transmutationes quas habet. Secundo modo dicitur à metiendo, & sic stat pro iudicatiua vi, ut sic accipit eam Damascenus ponens ipsam inter potentias cognitivas. Tertio modo dicitur ab eminendo, & sic stat pro superiori parte rationis, & sic accipit eam Augustinus frequenter. Quarto modo dicitur à meminisse, & sic stat pro memoria & quantum ad actum, & quantum ad habitum. Dicunt ergo quod in assignatione huius trinitatis, mens stat pro habitu memoriæ: sed in adaptatione, cum dicitur: Mens nouit se, & diligit, stat pro potētia memorandi. Sed istud non videtur conuenienter dictum: quia adaptatio debet respondere assignationi: & præterea cum actus proprius mentis, ut stat pro memoria, sit meminisse, ibi deberet tangi: sed Augustinus in hac assignatione numquam facit mentionem nisi de duobus actibus, scilicet nosse, & amare, qui non sunt memoriæ, sed aliarum potentiarum.

Quæst. 2. huius diff.

Aug. 9. de Trin. c. 1. 8. seq. Aug. 11. 15. de Trin. c. 1. ad fin. 11. 3.

R E S P. ergo quod Trinitas ista non est in potentijs: quia amor, & notitia, non dicuntur potētiæ. Nec in habitibus: quia mēs non potest stare pro habitu, cum ipsa accipiat ut agens. Nec potest esse in potentijs, & habitibus: quia mens non potest stare pro vna potētia, cum assignetur ei actus duarum potentiarum: Non potest similiter stare pro pluribus potētijs: quia non esset trinitas: restat ergo quod necesse est ponere, quod trinitas ista attendatur quantum ad substantiā animæ, ratione mētis se noscentis, & amanti, & quantum ad habitus ratione notitiæ & amoris, & sic est trinitas, cum substantia sit vna, & habitus sint duo. Differt ergo hæc assignatio à præcedenti: quia præcedentis fuit per vniformitatē in potētijs, per comparisonem ad habitus, & ad actus: sed hæc est in substantia, & habitibus. Differt etiam in hoc, quia præcedens fuit per conuersionem animæ ad Deum: hæc est per conuersionem animæ supra se: & pluribus modis non attenditur imago in homine, ut supradictū fuit. Differt etiam, quia præcedens assignatio imaginis magis est propria, & conueniens quam hæc. Nam proprie loquendo, imago consistit in vnitatem essentia, & trinitate potentiarum, secundum quas anima nata est ab illa summa Trinitate sigillari imagine similitudinis, quæ consistit in tribus virtutibus theologicis. Vnde Augustinus hanc assignationem primo ponit inuestigando, ut per hanc deueniat ad illam in qua finit speculationem suam. Vnde hæc assignatio non est propria sicut alia. Vnde Magister secundum eam ponit tamquam non principalem.

1. **A D** illud ergo quod obiicitur quod habitus non sunt cōiui, &c. Dicendum quod triplex est habitus. Quendam enim habitum habet animæ potētia ab acquisitione. quendam ab innata dispositione, tertium habet à sui ipsius origine. Hoc autem patet, quia habitus est quo potētia facilis est in actum, potētia autem his tribus modis est facilis, verbi gratia: Affectus noster habet facilitatem ad diligendum bonum alienum per acquisitionem, ut per virtutem: ad diligendum vero bonum suum per innatam dispositionem: & ad diligendum seipsum per sui naturalem originem. Cum enim sit sibi indistans vnitus, semper est habilis ad se amandum. Similiter cum intellectus noster semper sit sibi præsens, semper est habilis sibi ad se cognoscendum, & sic pa-

A tet illud quod obiicitur de cōiuitate, nam quo ad tales habitus est bene cōiuitas.

2. **A D** illud quod obiicitur, quod tres dicuntur esse habitus secundum tres potētijs; dicendum quod in hac trinitate non cadit, nec habet locum habitus memoriæ: quia attenditur in ipsa anima secundum quod conuertitur supra se: & ideo ipsa animæ substantia tenet locum memoriæ: & ipsa est præsentia & oblatio quæ anima offert se semper suæ intelligentiæ, tenet locum habitus & actus memoriæ: & ita patet quod ibi cadunt tantum habitus duarum potentiarum, & ideo est ibi trinitas.

3. **A D** illud quod vltimo obiicitur de verbo Magistri, dicendum quod intelligitur non pro animæ substantia tota quod si aliter intelligatur, non habet veritatem verbum Magistri. Quod patet per Augustinum qui occasione huius imaginis quasi per totum decimum de Trinitate ostendit animam habere cognitionem sui innatam, quæ est agnitio suæ substantiæ: & propterea nihil vnum in anima & cognoscit & diligit, nisi substantia: ergo si mens staret pro vna potētia, non haberet illos duos actus, scilicet nosse & amare.

Aug. 10. de Trin. per totum.

QVÆSTIO II.

An Mens, Notitia, & Amor habeant ordinem, æqualitatem, & consubstantialitatem.

Ægid. Rom. 1. Sent. dist. 3. p. 2. q. 2. art. 2.

Q Væritur de istis in comparisonem ad inuicem, secundum triplicem comparisonem quam ponit Augustinus videlicet ordinis, æqualitatis, & consubstantialitatis, & Magister recitat in Littera. Ordo autem inter hæc est quod mens est parens, notitia est proles, vltimus est amor ab utroque procedens. Æqualitas est etiam ibi. Quia mens se tantum nouit, quantum est: & tantum diligit, quantum se nouit. Est etiam ibi consubstantialitas. Vnde Augustinus 9. de Trinitate: Admonemur (si vtrumque videre possumus) substantialiter hæc in anima consistere, non tamquam in subiecto, ut color in corpore, aut vlla qualitas, aut quantitas. Quidquid enim tale est, non excedit substantiam in qua est. Mens autem amore quo se amat, potest amare etiam aliud, & ita vult quod amor sit consubstantialis menti.

Fundamenta.

Ca. 4. 10. 3.

D 1. **S E D** obiicitur contra hoc: Primo videtur quod in his non sit ordo, vel origo. Aut enim accipiuntur pro habitibus innatis, aut acquisitis. Si pro innatis, nullus est ordo: quia simul sunt cum ipsa anima. Si pro acquisitis, sic amor præcedit notitiam: nullus enim acquirit vel studet aliquid addiscere, nisi amet scire. Vnde Augustinus in fi. noni de Trinitate: Partum mētis antecedit appetitus: quo ad id quod noscere volumus, querendo & inueniendo, nascitur proles, quæ est ipsa notitia. Aut ergo non est ordo, aut non est talis ordo.

Ad oppos.

Aug. 9. de Trin. c. 12. in fin. 10. 3.

2. **I T E M** videtur quod non sit ibi æqualitas. Aut enim notitia, & amor accipiuntur per comparisonem ad res inferiores, aut ad animam. Si ad res inferiores, manifestum est quod non est ibi æqualitas, multa enim nouimus, quæ non amamus. Si per comparisonem ad animā, aut est æqualitas quantum ad intentionem, aut quantum ad extensionem. Quantum ad extensionem, non illud constat: quia vnum tantum est ibi: ergo quantum ad intentionem: sed quod hoc sit falsum videtur, quia cum sciamus animam minorem Deo, & maiore corpore, contingit quandoq. quod eam amamus magis quam Deum, & minus quam corpus: & ita quantitas amoris non sequitur quantitatem notitiæ.

3. **I T E M** quod non sit consubstantialitas videtur, quia amor & notitia sunt habitus, & qualitates, ergo videtur quod essentialiter differant ab ipsa mente.

4. **I T E M** ratio Augustini est, quod non sint in anima sicut accidentia, quia se extendunt extra: sed hoc nihil est. Accidentia enim se extendunt extra, ut calor calefaciendo, & color immutando visum. Præterea homo

Aug. 9. de Trin. c. 4. 10. 3.

cognoscit aliqua cognoscibilia scientia acquisita, quæ est A
accidens, & ita se extendunt extra.

CONCLUSIO.

Mens, Notitia, Amor habent ordinem, æqualitatem, & consubstantialitatem: nam connaturales habitus in comparatione ad actus, habent ordinem: & secundum quod sunt perfecti habitus, sunt æquales: consubstantialitas quoque apparet, cum anima supra se conuertitur.

*Aug. 9. de
Trin. c. 12.
Grin lute-
ra Magis.*

*Aug. 9. de
Trin. c. 4.
to. 3.*

RESPON. ad arg. Dicendum quod sicut Augustinus assignat, in his est ordo, æqualitas, & consubstantialitas. Ordo autem attenditur in his habitibus animæ connaturalibus in comparatione ad actus, sicut ponitur ordo in fide, & spe & charitate: licet simul infundantur, & sic patet quod obiicitur in contrarium: quia non est ordo in ipsis habitibus absolute consideratis: sed per relationem ad actus. Similiter est ibi æqualitas secundum conuersionem animæ supra se, & prædictorum habituum perfectionem. Vnde dicit Augustinus quod non est in his habitibus æqualitas, nisi secundum quod perfecti sunt.

1. 2. 3. Et sic patet solutio ad illud quod de amore obiicitur: quia ille amor non est perfectus amor: sed libidinosus, & inordinatus. Vel dicendum quod æquales sunt secundum quod sunt connaturales. Quantum enim est quis habilis, vel facilis ad cognoscendum se, tantum ad se amandum. De habitibus vero acquisitis malis vel bonis, non est verum, & de his, non intelligitur. Similiter est ibi tertium, scilicet consubstantialitas: quia secundum quod dictum est supra, amor, & notitia animæ, connaturales sunt secundum quod supra se conuertitur, & sic nihil omnino addunt super ipsas potentias. Per hoc enim quod anima sibi præsens est, habet notitiā: per hoc quod est vnum sibi, habet habitum amoris: & ideo sicut potest sunt consubstantiales animæ, ut supra visum est, ita & huiusmodi habitus. Vnde & si videantur dicere modum habitus, vel qualitatis: realiter tamen nihil supra potentias addunt, & sic patet responsio ad obiectum, quod non sunt qualitas isto modo.

4. AD Quod obiicitur de ratione Augustini, dicendum quod illa ratio non concludit principaliter, quod amor, vel notitia sunt substantialiter in anima ex hoc: quia tunc pari ratione posset dici, & obiici de omni amore: sed concludit ex consequenti, quod patet sic: Cum enim amor extenditur extra suum subiectum alium amando, hoc est per virtutem substantiæ, sicut per se non est, sed per substantiam. Si ergo amor & notitia extenduntur per virtutem substantialem, & hæ sunt intelligentia, & voluntas, & amor quo anima amat se, est idem cum ipsa voluntate: sic notitia qua cognoscit, non est aliud quam intelligentia. Restat ergo quod amor & notitia respectu sui sunt ipsi menti substantiales.

QVÆSTIO III.

An Trinitas imaginis, Mentis scilicet, Notitia, & Amor ducant nos in cognitionem summa Trinitatis quantum ad personas.

*Ægid. Rom. 1. Sent. dist. 3. 2. p. 9. 2. art. 4.
Scotus & alii Doct. in 9. 3. 1. p. huius dist. citati.*

Funda-
menta.

Vtrum hæc Trinitas imaginis, scilicet Mentis, Notitiæ, & Amoris, ducat necessario in cognitionem Trinitatis quantum ad personas. Et videtur quod sic: quia in hac trinitate imaginis est relatio: sed in Deo non est relatio, nisi quo ad personas: ergo, & cet.

ITEM in hac trinitate est distinctio: quia notitia non est amor, &c. sed in Deo non est distinctio nisi personarum: ergo, &c.

ITEM in hac Trinitate est origo vnius ab vno, & tertii ab utroque: ergo cum ista sint propria personarum, patet, &c.

ITEM in hac Trinitate tertio reperitur amor, qui est proprium Spiritus sancti, & qui est ad alterum: ergo videtur quod necessario ducat in Trinitatem personarum.

CONTRA: Hæc trinitas intelligitur in creatura sine distinctione personali; ergo potest intelligi & in Deo: sed hoc est falsum: ergo, &c.

ITEM notitia, & amor sunt in qualibet personarum: sed per ea quæ sunt in omnibus, non venit in cognitionem distinctionis personalis: ergo, &c.

ITEM intellecto quod vna tantum esset persona, adhuc nosceret, & amaret se: ergo, &c.

ITEM Philosophi istam trinitatem cognouerunt, & tamen non cognouerunt Trinitatem personarum: ergo hæc non ducit in illam.

CONCLUSIO.

Mens, Notitia, Amor, ducunt nos in cognitionem sanctissima Trinitatis (si secundum substantiam concipiuntur) per viam appropriationis: si autem trahantur ad Deum in ratione proprietatum, ordinis, originis, & distinctionis, ducunt in cognitionem Trinitatis (quoad propria) hominem fidelem.

RESP. ad arg. Dicendum quod per hanc trinitatem contingit cognoscere Trinitatem in Deo & hoc est attribuendo ea, quæ in hac trinitate sunt, illi summæ Trinitati. Sed hoc potest esse dupliciter. Aut enim ista tria possunt Deo attribui secundum substantiam, ut per mentem, intelligamus mentem in Deo, & per notitiam in anima, notitiam in Deo, & sic de tertio, & sic non ducit in cognitionem Trinitatis; nisi quantum ad appropriationem, & sic intellexerunt Philosophi. Possunt etiam ista trahi ad Deum ratione proprietatum, quæ sunt ordo, & origo, distinctio, & relatio, & sic ducunt in cognitionem Trinitatis quo ad propria: sed ista ponere, vel intelligere in Deo potest fides, & non ratio: & ita perfecta cognitio imaginis non habetur nisi à fide. Vnde bene concedendum est quod imago perfecte cognita, ut imago, ducit in cognitionem Trinitatis, non autem simpliciter. Et per hoc patet utraque pars.

AD illud quod obiicitur de amore; dicendum quod amor potest dicere complacentiam, & sic est commune: vel potest dicere connexionem, siue communionem, vel donum, & sic habet rationem personæ, &c.

QVOD HÆ LOCUTIONES
VERÆ SINT: DEVS GENVIT
DEVM: ET VNVS DEVS
est tres personæ.

DISTINCT. IIIL.

HAEC oritur questio satis necessaria. Constat enim, & irrefragabiliter verum est, quod Deus Pater genuit Filium. Idco queritur utrum concedendum sit quod Deus genuit Deum. Si enim Deus genuit Deum, videtur quod aut se Deum, aut alium Deum genuerit. Si vero alium Deum genuit, non est tantum vnus Deus. Si autem seipsum Deum genuit, aliqua res seipsam genuit. Ad quod respondentes dicimus, sane Catholice concedi quod vnus vnus genuit, & quod Deus Deum genuit: quia Deus pater Deum filium genuit. In symbolo quoque scriptum est: Lumen de lumine, Deum verum de Deo vero. Quod vero additur, ergo genuit se Deum, vel alium Deum: neutrum concedendum esse dicimus. Quod alium Deum non genuit, manifestum est: quia vnus tantum Deus est. Quod autem seipsum non genuit ostendit Augustinus dicens: Qui putant eius potentia esse Deum, ut seipsum ipse genuerit: eo plus errant, quod non solum Deus id non est: sed nec spiritualis, neque cor-

*Aug. lib. 1.
de Trin. c.
1. 10. 3.*

porali

poralis creatura. Nulla enim res est qua seipsam gignat ut sit: & ideo non est credendum, vel dicendum quod Deus genuit se.

Alia questio de eodem.

Sed adhuc opponunt garruli ratiocinatores dicentes: Si Deus pater genuit Deum, aut genuit Deum, qui est Deus pater, aut Deum, qui non est Deus pater. Si genuit Deum, qui non est Deus pater: ergo Deus est qui non est Deus pater. non ergo unus tantum Deus est. Si vero genuit Deum, qui est Deus pater: ergo genuit seipsum. Ad quod respondemus determinantes istam propositionem, quam sic proponunt: Si Deus pater genuit Deum, aut Deum qui est Deus pater, aut Deum qui non est Deus pater. Hoc enim sane, & prae intelligi potest: & ideo respondendum est ita: Deus pater genuit Deum: qui est ipse pater. Hoc dicimus esse falsum, & concedimus alterum, scilicet genuit Deum, qui non est pater: nec tamen genuit alterum Deum: nec ille qui genitus est, est alius Deus, quam Pater, sed unus Deus cum Patre. Si vero additur: Genuit Deum, qui non est Deus Pater: hic distinguimus, quia dupliciter potest intelligi: Genuit Deum, qui non est Deus Pater: scilicet Deum filium: qui filius non est pater, qui Deus est: hic sensus verus est. Si vero intelligatur sic: Genuit Deum, qui non est Deus pater, id est, qui non est Deus qui pater est, hic sensus falsus est. Unus enim & idem Deus, est Pater, & Filius, & Spiritus sanctus: & econverso, Pater, & Filius, & Spiritus sanctus unus est Deus.

Opinio quorundam dicentium tres personas esse unum Deum, unam substantiam: sed non econverso, scilicet unum Deum, vel unam substantiam esse tres personas.

Quidam tamen veritatis aduersarij concedunt Patrem, & Filium, & Spiritum sanctum, siue tres personas, esse unum Deum, unam substantiam, sed tamen nolunt concedere, unum Deum siue unam substantiam esse tres personas, dicentes diuinam substantiam predicari de tribus personis, non tres personas de substantia diuina. Fides autem Catholica tenet ac predicat, & tres personas esse unum Deum, & unam substantiam siue essentiam, siue naturam diuinam, & unum Deum siue essentiam diuinam esse tres personas: unde Augustinus in 1. lib. de Trin. ita ait: Recte ipse Deus Trinitas intelligitur, beatus, & solus potens. Ecce quam expresse dixit: Ipse Deus Trinitas: ut ostenderet & ipsum Deum esse Trinitatem, & Trinitatem ipsum Deum. Item in eodem: In verbis, inquit, illis Apostoli quibus de aduentu Christi agens, dicit: Quem ostendit beatus, & solus potens, Rex regum, & Dominus dominantium, qui solus habet immortalitatem, &c. Nec pater proprie nominatus est, nec Filius, nec Spiritus sanctus: sed beatus & solus potens, id est, unus & solus Deus verus, quae est ipsa Trinitas. Ecce & hic aperte dicit unum solum verum Deum esse ipsam Trinitatem, & si unus Deus Trinitas est: ergo unus Deus est tres persona. Item in lib. 5. de Trin. Non tres Deos: sed unum Deum dicimus esse ipsam praestantissimam Trinitatem: Item in libro qui dicitur Encyridion ad Laurentium cap. 9. Satis est Christiano rerum creaturarum causam visibilibus siue inuisibilibus, non nisi bonitatem credere Creatoris, qui est Deus verus & unus: nullamque esse naturam, qua non aut ipse sit, aut ab ipso: eumque esse Trinitatem, Patrem scilicet, & Filium, & Spiritum sanctum. Item Augustinus in sermone de fide: Credimus unum Deum, unam esse diuini nominis Trinitatem. Item in 6 lib. de Trin. Dicimus Deum solum esse ipsam Trinitatem: Ecce & his, & alijs pluribus auctoritatibus cui-

denfer ostenditur, dicendum esse, & credendum, quod unus Deus est Trinitas: & una substantia tres persona: sicut econverso Trinitas dicitur esse unus Deus, & tres persona dicuntur esse una substantia.

Redit ad praemissam questionem, scilicet, an Deus Pater se Deum, an alium Deum genuerit.

Nunc ad praemissam questionem reuertamur: ubi quarebatur an Deus pater genuerit se Deum, an alium Deum. Ad quod dicimus, neutrum fore concedendum. Dicit tamen Augustinus in Epistola ad Maximum, quod Deus pater se alterum genuit, his verbis: Pater ut haberet Filium de seipso, non minuit seipsum: sed ita genuit de se alterum se, ut totus maneret in se, & esset in Filio tantus, quantus & solus. Quod ita intelligi potest, id est, de se alterum se genuit: non unum alterum Deum: sed alteram personam, vel genuit se alterum, id est, genuit alterum, qui hoc est, quod ipse. Nam & si alius sit Pater quam Filius, non est tamen aliud quam Filius, sed unum.

DISTINCTIO IV.

De comparatione generationis ad terminum essentialem concretum, qualis est hoc nomen, Deus.

Hic oritur questio satis necessaria.

Expositio textus.

IN praecedenti distinctione probauit Magister Trinitatem, & Vnitatem per similitudines congruas, & rationes. In praesenti distinctione ponitur secunda pars, in qua soluit incidentes dubitationes. Et incidit dubitatio ex hoc quod in diuinis est Trinitas, & Vnitas, & ita aliquid distinguens, & distinctum, aliquid indistinctum, ut termini substantiales. Incidit ergo dubitatio ex comparatione proprietatis distinguentis, ad terminum substantialem. Habet autem haec pars duas. In prima mouet dubitationem ex comparatione proprietatis distinguentis ad substantiam, vel essentiam. In secunda ad eius potentiam: infra distinct. 6. Praeterea queri solet. I T E M prima pars habet duas: quia substantia potest significari in concretionem, ut per hoc nomen Deus, vel in abstractionem, ut per hoc nomen essentia. Primo ergo mouet questionem ex comparatione generationis ad hoc nomen, Deus. Secundo ad hoc nomen essentia: infra distinct. 5. Post hac queritur verum concedendum sit, &c. Haec autem distinctio habet quatuor particulas, & hoc secundum quatuor quae ibi tanguntur. In primo supposito quod haec sit vera: Deus genuit Deum, querit de hac, Genuit se vel alium: quam soluit interimendo. In secunda querit de hac, Genuit Deum qui est Deus pater, vel qui non est Deus pater, & ad hoc soluit distinguendo ex parte praedicati, & hoc, ibi: Sed adhuc opponunt. In tertia querit de hac, Deus est Trinitas, & probat multis auctoritatibus quod est vera, & hoc occasione praedictorum, ibi: Quidam tamen veritatis aduersarij. In quarta ad suum propositum redit scilicet ad primo quaesitum, addens primae solutioni, quod quamuis non sit concedendum, Genuit se, vel alium diuinum, tamen potest concedi coniunctum, ibi: Nunc ad praemissam questionem.

Deum de Deo, lumen de lumine. Dub. I.

Queritur: quia cum praeposito, de, notet transitionem, & ita diuersitatem, & ita distinctionem, videtur quod pari ratione & ab aequipollenti, ista sunt vera, Deus est alius a Deo, Deus distinguitur a Deo.

R E S P. Dicendum quod dupliciter est importare distinctionem, siue diuersitatem, scilicet vel ut modum, vel ut rem, vel ut exercitiam, vel ut conceptam, quoniam ergo praepositiones important distinctionem ut exercitam, & distinctio est in diuinis quantum ad supposita, facit terminum stare pro diuersis suppositis: quoniam ergo

Epist. 66.
Maximo
medico 10.
1.

Diuisio.

cap. 6.

1. Tim. 6. c.
1. Tim. 6. c.
de Trin. 6.
6.

cap. 8.

1. Tim. 12. 9.

1. Tim. 10.

cap. 7.

circa id ponit modum, circa quod exercet distinctionē, & tales sunt personæ, ideo est vera locutio. Quia vero hoc nomen, aliud, importat distinctionem ut conceptam, similiter hoc verbum, distinguere: ideo simpliciter ponit distinctionem circa terminum ratione suæ formæ, ideo sunt falsa.

Quod vero additur: Ergo genuit se Deum, &c.
Dub. II.

De hac responsione Magistri queritur quod cum Magister soluit interimendo conclusionem, videtur non recte soluere. Cum enim idem, & diuersum sufficienter diuidant ens, videtur necessario sequi, Genuit Deum: ergo se, vel alium.

R E S P. Dicendum quod Magister sustinendo primā & interimendo conclusionem, innuit conclusionem nō sequi ex præmissis: & quod non sequatur, ostendit ferendo instantiam contra illud disiunctum.

Ad illud vero quod obiicitur, quod idem & diuersum sufficienter diuidant ens, dicendum quod simpliciter loquendo falsum est. Nam pars nec est eadem toti omnino, nec simpliciter diuersa. Habet tamen veritatem secundum idem. Vnde si non est idem alij, est diuersum, verum est secundum illud, secundum quod nō est idem: filius autem non est idem Patri in persona, & ideo in persona alius: nec tamen sequitur alius Deus, quia significatur alietas in essentia.

Deus Pater, &c. Dub. III.

Queritur de hac distinctione quam ponit Magister de hoc prædicato, *Deus pater*, quod potest esse constructio appositiva immediata, vel mediata. Primo enim videtur quod ista distinctio non sit intelligibilis, quoniam quæ ex eadem parte intransiue construuntur, videntur solū immediate constitui. **I T E M** videtur quod non soluat, quia recta solutio est, cuius dantem oppositum non cōuenit soluere: sed ista distinctione remota, adhuc manet sophisma, si loco eius quod est, *Deus Pater*, solum Pater ponatur: ergo, &c.

R E S P. dicendum quod distinctio Magistri bona est, & secundum artem. Nam sicut vult Priscianus, inter adiectiuum & substantiuum intelligitur media copula ens, vel quod est ens: quoniam hoc quod est ens, siue quod est Pater, potest teneri implicatiue, & sic restringitur, & tenet locum appositivæ constructionis, & æquiualeat vni termino: ideo dicitur quod potest teneri: siue constitui immediate, & sic Deus Pater, non est aliud quam ipse pater. Vel ipsum relatiuum potest intelligi relatiue. & ita in quadam distantia, & tūc non restringitur, & sensus est, *Deus pater*, id est, Deus qui est pater. Quod tantum valet, est Deus, & ille est Pater. Hæc autem solutio Magistri soluit quoddam sophisma quantum ad vnam deceptionem, & ideo est bona. Sed rursus cadit ibi alia deceptio de relatiuo, & ideo adhuc oportet soluere non ad illam deceptionem, sed ad aliam: ideo Præpositiuus soluit hoc argumentum hoc modo: ergo Deum qui est pater, vel qui non est pater, & dicit quod non sequitur, & quod non sunt contradictoriæ, quia suppositio huius relatiui non est eadem. In affirmatiua enim supponit pro Deo genito, quia non confunditur. In negatiua vero, simpliciter. Vnde sicut hæc non contradicunt, sed ambæ sunt falsæ: Nullus homo est Petrus, Ioannes est Petrus, ita dicit in proposito, quia negatio confundit. Vnde istæ duæ, ambæ sunt falsæ: Deus filius est pater, Deus non est pater. Sed licet solutio Præpositiuus locum habeat in proposito, quia non differt præponere & postponere negationem huic termino, Deus, tamen in aliis non habet locum. Negatio enim postposita relatiuo ipsum non confundit. Et ideo modè aliter soluitur, distinguendo hoc relatiuum qui, quod potest facere relationem simplicem, vel personalem. Si simplicem, affirmatiua vera est, negatiua falsa. Si personalem, econuerso, negatiua vera, affirmatiua falsa. Quod patet, quia hæc est falsa: Persona filii est pater, & hæc est vera: Persona filii non est pater.

A *Vnus enim, & idem Deus est Pater, & Filius, & Spiritus sanctus.*
Dub. IV.

C O N T R A: Quæcumque prædicantur de vno, & eodem, prædicantur de se inuicem: ergo si vnus Deus est pater, & filius: ergo pater est filius. Si tu dicas, quod verum est quando prædicantur de vno singulari: sed non est verum, quando prædicantur de vno communi. Contra: Nihil subiicitur duobus in vna suppositione, quamuis sit commune ad illa. Vnde hæc est falsa: Homo est Sortes & Plato: ergo similiter in proposito.

R E S P. Dicendum quod sicut patet de suppositione huius nominis, Deus, secus est quam de suppositione alius cuius alterius termini: quia cum habet naturam termini communis, & discreti: ideo simul stat pro pluribus, sicut pro vno: & ideo non sequitur: Deus est pater, & filius: ergo Deus pater est filius: vel econuerso. Similiter nec licet inferre ex hoc quod pater sit filius. Et norandum, quod talis prædicatio est per identitatem: ideo suppositum de termino formali vere prædicatur.

Vnum solum verum Deum esse ipsam Trinitatem.
Dub. V.

Videtur esse cōtra id quod dicit inferius, scilicet quod Trinitas est nomen collectivum: vnus, & solus nomen partituum, & discretiuum: ergo sicut hæc est falsa, vnus solus homo est omnis homo, ita & hæc.

R E S P. Dicendum quod hoc nomen Trinitas, est collectivum personarum, vnus autem & solus, addita huic termino, Deus, non dicunt discretionem personæ, sed naturæ ab alijs. Vnde vnus solus Deus dicitur vna sola natura, & quoniam in diuinis est idem natura, & res naturæ, siue suppositum: ideo prædicatione per identitatem, Trinitas de eo prædicatur. Nec est simile de hoc quod est omnis homo, & vnus solus homo. Nam iste terminus homo, est terminus qui potest confundi, & multiplicari, & ideo hæc est vera: omnis homo est homo: nec stat simul pro pluribus, nisi confundatur, & ideo hæc est falsa, homo est omnis homo: quia nec ratione supponendi est vera, nec per identitatem: nec est idem in homine natura, & res naturæ.

Satis est Christiano rerum creaturarum causam, &c.
Dub. VI.

Videtur dicere falsum. Quoniam, aut dicit satis quantum ad fidem, & sic est falsum, quia multa alia oportet credere. Aut satis quantum ad scientiam: & illud similiter est falsum, quia nunquam scitur ex hoc causa rei sufficienter.

R E S P. Dicendum quod intelligitur satis quantum ad scientiam, non quamlibet: sed necessariam salutem.

Deus Pater se alterum genuit. Dub. VII.

Videtur male iungere illa duo, quia, *se*, dicit omnimodam identitatem, & *alterum*, diuersitatem, & sicut opposita, & illa opposita implicantur. Si dicas quod vnus diminuit de altero, quæro quid, & de quo.

R E S P. Dicendum quod oppositio directa intelligitur semper circa idem: quoniam ergo in diuinis simul est identitas in natura, & alietas in supposito, & hoc sine oppositione, ideo nomen identitatis, & alietatis in termino vno, vniuntur sine oppositione ad singularis modi expressionem.

Pater ut haberet filium de seipso, non minuit seipsum.
Dub. VIII.

Videtur dicere falsum, quia illud argumentum valet: Quicumque sic generat vnū filium, ut non possit amplius generare, minuitur eius potentia: sed sic est in Patre: ergo.

R E S P. Quod illud verum est, si generare alterum sit potentia, sed quod vno genito alterum possit generare, dicit

Hæc comel.
habetur a
scoto q. 2.
Ocham q. 1.
Biel q. 1.

Thom. 1. p. 4.
30.

Doct. inf.
d. 5. p. 2. ar.
1. q. 1.
scot. q. 1.

Alex. 1. p.
q. 50. mel.
3. ar. 2. q.
Thom. 1. p. 4.
49. ar. 6.

Alex. 5. b.
supra.

Arif. 9.
Metaph. c.
9. cōuen. 16.

Præpositiuus.

Petrus de
Tartaria
sic.

re, dicit imperfectionem potentia in generando, quia ex hoc ostenditur, quod non totum dedit vni.

De se alterum se genuit, non utique alterum Deum, sed alteram personam. Dub. IX.

Quæritur vtrum dicatur magis proprie alterum, vel alium: videtur quod alterum, quia minorem dicit diuersitatem, quia Sortes dicitur alter à se: sed in diuinis minima est diuersitas. Sed contra: Differentia accidentales faciunt dici alterum: sed in diuinis nullum est accidens, ergo non debet dici alterum.

ITEM videtur quod neutrum bene dicatur. Si enim differentia substantiales faciunt dici aliud, & accidentales alterum, cum neutrum cadat in diuinis, neutrum videtur esse dicendum.

RESP. Dicendum, quod quia pater differt à filio & in supposito, & in proprietate: ideo potest dici alius, & potest dici alter. Sed quoniam proprietates illa non accidunt personæ: ideo magis proprie dicitur alius. Et quia, alius, respicit suppositum, aliud essentiam: ideo recipitur ibi alius in masculino, non tamen aliud in neutro.

ARTICVLVS I.

AD intelligentiam eorum quæ tangit Magister in presenti distinctione quatuor quaruntur. Primo, vtrum hæc locutio sit concedenda in diuinis: Deus genuit Deum. Secundo vtrum vnitas essentia admittat hanc locutionem: Deus genuit alium Deum, vel Deus est alius à Deo. Tertio quæritur de significatione huius nominis, Dij, vtrum videlicet grammatice possimus dicere plures Deos. Quarto & ultimo quæritur de suppositione illius nominis, Deus: vtrum supponat pro persona, vel pro essentia.

QVÆSTIO I.

An Deus genuerit Deum.

*Alexander Alesensis 1. p. q. 50. Membr. 3. art. 2.
Richardus 1. Sent. dist. 3. q. 1.
Gab. Biel. dist. 4. q. 1.*

QVOD hæc locutio: Deus genuit Deum, sit concedenda, videtur per hoc quod dicitur in symbolo: Deum de Deo: sed hoc non est, nisi per generationem: ergo Deus generatur de Deo: ergo ista locutio est concedenda: Deus genuit Deum.

ITEM generatio est respectu similis in natura. Vnde homo generat hominem, vnde si in diuinis est generatio, producitur similis in natura: ergo cum pater sit Deus, non generat nisi Deum: ergo hæc est vera: Deus generat Deum.

ITEM quidquid habet filius, aut habet à se, aut ab alio. Sed habet deitatem, & non à se, quia sic esset ingenuitus: ergo habet ab alio: sed non habet nisi per generationem, & non habet deitatem nisi ab habente deitatem: & habens deitatem est Deus: ergo, &c.

1. CONTRA: Hoc nomen, Deus, significat essentiam, siue substantiam: cum sit terminus substantialis: sed hæc non conceditur, immo est falsa: Essentia generat essentiam: ergo similiter & ista: Deus genuit Deum.

2. ITEM hoc nomen, Deus, aut supponit pro omni persona, aut determinate pro aliqua. Si determinate pro aliqua: ergo restringitur eius significatio ab aliquo. Nec est dare quod ab alio, nisi ab hoc verbo genuit, vel generat. Sed regula est, quod terminus positus in prædicato, non restringit terminum à parte subiecti ratione significationis: ergo stat pro omni persona. Non ergo videtur locutio vera secundum quod accipitur pro persona Filii: ergo, &c.

3. ITEM iste terminus, Deus, quantum est de se, æque bene supponit pro filio, sicut pro patre: ergo cum filii sit non generare, sicut & patris est generare, si hæc est vera: Deus generat, pro patre: eadem ratione, & hæc: Deus non generat pro filio: si ergo hæc non conceditur, nec prima.

4. ITEM contradictorie opposita sunt vera de quolibet sub disunctione. Quia de quolibet vera est affirmatio, vel negatio: ergo si Deus genuit Deum, aut Deum qui est Pater, aut Deum qui non est Pater. Sed quod implicatur contingit simpliciter inferri, vt si dicatur homo, qui non currit, disputat: ergo homo non currit: ergo similiter si genuit Deum, qui non est Pater: Deus non est Pater: sed si non est Pater, non generat: ergo, &c.

CONCLUSIO.

Dicere, Deum genuisse Deum, est sententia, & loquutio catholica.

RESPON. ad arg. Dicendum quod prædicta locutio, salua essentia unitate, recipitur tam à Magistris, quàm à Sanctis. Ad cuius intelligentiam quatuor regulæ sunt notandæ. Prima est, quod nomen abstractum imponitur formæ, & à forma, vt albedo imponitur ipsi albedini & à forma albedinis. Nomen vero concretum imponitur à forma, sed non formæ, sed supposito: vt album imponitur à forma albedinis, sed non formæ, sed supposito, vt alicui rei albæ, homini vel cygno. Secunda regula est, quod terminus habens multitudinem suppositorum, sine distributione acceptus, stat pro illo, pro quo reddit locutionem veram, vt cum dicitur, homo currit, vera est locutio pro currente, si aliquis sit, currens. Tertia regula est quod termino habenti formam non multiplicabilem, non differt præponere, & postponere negationem. Vnde non differt, dicere: Petrus non currit, & non Petrus currit. Quarta regula est ista, quod relatiuum refert antecedens sub eodem modo supponendi, sub quo antecedens præcessit ipsum relatiuum, nisi faciat relationem simplicem.

1. Ex prima regula patet responsio ad primum. Cum enim iste terminus, Deus, sit concretus, & imponatur à forma essentiali, scilicet deitate, tamen imponitur personæ, siue supposito, sicut album imponitur ab albedine rei albæ: & ideo supponit & reddit locutionem veram pro persona, non pro forma. Hoc autem nomen *Essentia*, vel *Deitas* est abstractum, & ideo imponitur formæ, & à forma sicut albedo: & ideo essentiam significat, & supponit: & ideo hæc est falsa: Essentia generat essentiam, quia generatio non est formæ, sed suppositi: sed hæc est vera, Deus genuit Deum, pro persona.

2. Ex secunda regula patet responsio ad secundum. Quamuis enim significatio termini non ardetur: tamen pro illo stat, pro quo est locutio vera: vt homo currit, pro Petro vel Ioanne: si pro illo, est locutio vera: nec tamen ad illum restringitur, & hoc pater: quia si addatur distributio, confunderet illum terminum pro omnibus: sed si esset restrictus, non confunderet nisi pro illis ad quos se extenderet restrictio. Vnde aliud est terminum restringi ad vnum, aliud est reddere locutionem veram pro vno.

3. Ex tertia regula patet responsio ad tertium. Licet enim hæc sit vera pro patre: Deus generat Deum: tamen hæc: Deus non generat Deum: non est vera pro filio. Cum enim iste terminus, Deus, dicat formam non multiplicabilem, non differt ei præponere negationem, & postponere: ideo cum negatio præposita totaliter, & omnino à subiecto remoueat prædicatum, sic & negatio postposita remouet totaliter prædicatum ab hoc termino, Deus, cum dicitur: Deus non generat, quia remouet à quolibet supposito: & ideo alium modum habet supponendi in affirmatiua, quam in negatiua: quia in affirmatiua erat locutio vera pro patre: in negatiua vero non potest esse veritas, quia negatio remouet totaliter prædicatum illud.

4. Ex quarta regula patet quartum. Cum enim relatiuum omnino habeat suppositionem antecedentis, & iste terminus in prædicato supponat pro Deo genito, relatiuum refert pro illo, & ita sensus est: Deus genuit Deum, qui Deus genitus est Pater, vel non est Pater: & hæc est vera pro negatiua: nec licet inferre: ergo Deus non est

1. Per. e.

Regulæ
quatuor.Exemplum
vide sup. 3.
dub. in fin.Actiones
suppositi-
torum.
1. Metaph.
c. 1.Plus de-
struit ne-
gatio, quam po-
nat affir-
matio.

Pater : quia mutatur suppositio : imo est ibi figura dictionis.

QVÆSTIO II.

An Deus genuerit alium Deum.

Alexander Alesis 1. p. q. 50. Membr. 3. art. 2.

Scotus 1. Sent. dist. 4. q. 1.

Henricus in sum. art. 54. q. 3.

Ægid. Rom. 1. Sent. dist. 4. p. 2. q. 2.

Richardus 1. Sent. d. 4. q. 2.

Thom. Arg. 1. Sent. dist. 4. q. 1. art. 4.

Greg. Armin. 1. Sent. dist. 4. q. 1.

Alphonfus Tolet. 1. Sent. dist. 4. q. 1.

Funda-
menta.

Cap. 1. 10. 3.

Vtrum unitas essentiae admittat hanc : Deus generat alium Deum : & quod non, videtur. Anselmus enim in Profol. Cum dicimus Deum de Deo : non intelligimus alium Deum : sed eundem de seipso.

ITEM si genuit alium Deum : sed ubi est vnus, & alius ibi sunt duo : ergo si genuit alium, sunt duo Dij.

ITEM alius dicit alietatem in generali : ergo cum generale specificetur per adiunctum : hoc nomē, Deus, specificat ipsum : sed si specificat, specificat ratione formae : ergo notatur alietas in forma : ergo non est admittenda talis locutio, cum non sit ibi alietas in forma.

Ad oppos.

SED contra Generatio importat distinctionem, & distinctio alietatem aliquam : ergo & generatio : ergo si hæc est vera : Deus genuit Deum, & hæc per consequens : Deus distinguitur à Deo, vel genuit alium Deum.

De quo fu-
pra dub. 1.

Si dicas, quod non lequatur : quia generare importat distinctionem, ut modum : sed distingui, vel esse alium, ut rem.

CONTRA : Ad consequentiam ut modum sequitur consecutio, ut res : vnde si hæc est vera, si homo est, animal est : etiam ad hominem sequitur animal ; & præterea constat quod distinctio generationis non tantum est à parte intelligentis, verum etiam à parte rei : ergo illi distinctioni, ut exercitæ, respondet distinctio realis.

2. **I**TEM affirmatiua est falsa : Deus genitus est Deus generans : ergo negatiua est vera : Deus genitus non est Deus generans. Sed sicut affirmatiua significat identitatem : ita negatiua diuersitatem : ergo sicut Deum generantem, & genitum contingit adinuicem comparari mediante negatione, ita mediante alietate : ergo hæc est vera : Deus genuit alium Deum.

3. **I**TEM Pater siue Deus genuit alium, hæc est vera : constat ergo aut alium Deum, aut alium non Deum : sed non alium non Deum : ergo, &c.

4. **I**TEM alius est terminus masculini generis, qui stat pro persona in partitiuis terminis : ergo alius dicit alietatē personalem : sed hæc est vera : Deus genuit Deum alium in personā : ergo similiter hæc est vera : Deus genuit alium Deum.

CONCLUSIO.

Artificialiter loquendo, non est admittenda hæc sententia : Deus genuit alium Deum.

1. **R**ESP. ad arg. Dicendum quod hæc consuevit distinguui. Deus genuit alium Deum. Quia, alius potest teneri adiectiue, & sic ponit alietatem circa formam istius termini, Deus : & sic locutio est falsa. Potest etiam teneri substantiue, ut substantiuetur, & tunc est appositiva constructio, sicut animal homo. & est sensus : hoc modo Deus genuit alium Deum, id est, genuit alium, qui est Deus : & in hoc sensu est locutio vera. Sed licet ista distinctio in locutionibus theologicis propter quendam proprium modum loquendi locum habeat, tamen quantum esset de virtute sermonis non esset distinguenda : quia adiectiuum adiunctum substantiuo, ut homo albus, non dicitur substantiuari, nec appositiva constructio dicitur ibi esse, maxime cum illa sit minus communis, respectu magis communis. Vnde cum hoc non en, alius, sit adiecti-

uum habens substantiuum coniunctum, in prædicta locutione ponit alietatem circa ipsum ratione suppositi, & formæ. Et propterea si velimus artificialiter procedere, iudicanda est talis locutio falsa. Propter hoc ad intelligentiam dictæ locutionis, notanda est regula communis. Non habet locum omnimoda distinctio, ubi non est ex diuersis causis vnio, verbi gratia, Pater, & Filius, & Spiritus sanctus, vniuntur in hoc nomine, Deus, non ex diuersis causis, siue ratione diuerforum : sed ratione vnitatis, siue essentiae. Vnio ex diuersis causis est : ut in homine vniuntur Petrus, & Ioannes ratione diuersarum humanitatum, quia alia est humanitas Petri, & alia Ioannis. Et iuxta hanc regulam ab opposito est alia regula accipienda. Non habet locum omnimoda vnio, ubi est simul cum vnione distinctio, ut Pater, & Filius, & Spiritus sanctus vniuntur in vna deitate, siue essentia : sed distinctionem habent ratione pluralitatis personarum. Secundum hoc est attendendum, quod in diuinis quædam vocabula important distinctionem solum, quædam omnimodam vnionem, quædam medio modo. Quoniam ergo Deus generans, & Deus genitus, & si sint personaliter distincti, tamen in deitate vniuntur ex eadem causa, quia vna deitate : ideo non recipiunt nomina importantia simpliciter distinctionem. Ideo hæc non admittitur, Deus distinguitur à Deo : similiter Deus genuit alium Deum. Item ratione distinctionis non recipiuntur vocabula omnimodam importantia vnionem in supposito & forma : vnde hæc non recipitur : Deus genuit se : sed illa quæ medio modo se habent, recipiuntur, quale est hoc verbum, generat, quia dicit distinctionem in persona cum vnitate essentiae. Similiter hæc conceditur : Pater generat alterum se. Vnde Augustinus ad Maxim. Pater genuit alterum se : Et similiter super Ioannem : Pater mittens Filium misit alterum se, & ex hoc est, quod non sequitur ad generationem, verbum simpliciter importans distinctionem, & sic patet primum.

2. **A**d illud quod secundo obiicitur de negatione, bene concedo quod est alietas : sed tamen non sequitur quod possit dici alietas in essentia, siue forma deitatis. Vnde non sequitur : Genitus est alius à generante : ergo alius Deus, quia mutatur supposito huius termini, Deus.

3. **A**d illud quod obiicitur tercio, aut alium Deum, aut alium non Deum. dico quod non sufficienter diuidit, quia non est contradictio, nisi accipiatur negatio respectu totius. In hac enim : Genuit alium Deum, duo dicuntur, scilicet quod Deus Deum, & quod alium in deitate : & ideo ad hoc quod sumatur contradictio, necesse est quod feratur supra totum. Vnde sicut non valet, demonstrato monacho nigro, qui est albus per naturam, iste aut est albus monachus, aut albus non monachus. quia vtraque falsa : similiter intelligendum est in proposito. Nec valet : Est Deus, & est alius : ergo est Deus alius, immo est ibi accidens. Sicut. Hic est bonus, & est citharedus : ergo est bonus citharedus.

4. **A**d illud quod vltimo obiicitur, dicendum quod alius quamuis sit masculini generis : tamen quia ponit re circa subiectum, ab illo trahit suppositionem : & ideo non tenetur personaliter, nisi secundum quod substantiatur. Sicut ergo, cum dicitur, vnus Deus, hoc nomen, vnus, dicit vnitatem substantialem, ita si dicatur alius Deus, alius, dicit alietatem substantialem : & ratio huius venit, non tantum quia adiectiuum : sed quia generale, quod specificatur per adiunctum.

QVÆSTIO III.

An nomen, Deus, congrue pluraliter inflectatur.

Alexander Alesis 1. p. q. 56. Membr. 2. art. 1.

S. Thomas 1. p. q. 13. art. 9.

Scotus 1. Sent. dist. 4. q. 2.

Richardus 1. Sent. d. 4. q. 3.

Gab. Biel. dist. 4. q. 2.

Vtrum hoc nomen, Deus, grammatice significet pluralem numerum, siue an congrue possit dici, plures

Dij. Quod

Arist. 1. de
Interp. c. 1.Arist. 1. de
Interp. c.
de Nom.Funda-
menta.

1. Cor. 8.

Heloim
apud He-
br. con-
cordat
plurali, &
singulari.

Antithesis

Dij. Quod sic, videtur. Quia secundum Philosophum, intellectus sunt idem apud omnes, quamvis voces sint diuersæ, sed modi significandi consequuntur modos intelligendi: ergo cum apud Hebræos congrue dicatur *Heloim*, quod æquipollet ei quod est, *Dij*: ergo & apud nos.

2. ITEM sic vult Philosophus, Verum præsupponit congruum, unde Catonis est, vel non est, nec verum nec falsum significat: sed hæc vera est: Nō sunt plures *Dij*: ergo congrua: ergo & hæc congrua: Plures sunt *Dij*: quia negatio non remouet incongruitatem.

3. ITEM sicut Deus conuenit vni soli: ita principium creaturarum vni soli: sed quamuis falso dicantur plura principia: tamē dicuntur congrue ergo pari ratione possumus dicere: Plures *Dij*.

4. ITEM hoc nomen, *Phoenix*, non habet nisi vnicum suppositum: tamen congrue dicitur: Plures *phœnices*. Si tu dicas, quod suppositum plurificatur per successionem temporis, obijcio tibi de hoc nomine *Sol*, quod nullo tempore plurificatur, & tamen congrue dicitur: Plures *soles*: ergo & plures *Dij*.

CONTRA: Omne nomen quod habet plurale nomen est appellatiuum, propria enim nomina non plurificantur. Non enim dicitur, plures *Petri*, vel *Ioannes*: sed hoc nomen *Deus*, non est nomen appellatiuum: quia nō significat formam multiplicabilem: ergo, &c.

ITEM hoc nomen *Deus*, est proprium diuinæ naturæ: sed nullum tale multiplicatur: ergo, &c.

CONCLUSIO.

Dei nomen, secundum artem loquendo, non habet plurale: nec possumus dicere plures Deos.

Ad prædictorum intelligentiam est notandum quod hoc nomen, *Deus*, dicitur tripliciter, scilicet nuncupatiue, adoptiue, naturaliter. Primis duobus modis plurificatur. Vnde Apostolus: Si quidem sunt *Dii* multi, & *Domini* multi: sed tertio modo non, quia sic hoc nomen, *Deus*, significat diuinam naturam, cum conditionibus, quarā collectiones impossibile est in alio reperire: & ideo sicut nomen proprium non habet plurale secundum artem loquendi, sic nec nomen *Dei*.

1. Ad illud ergo quod obijcitur, quod apud Hebræos habet plurale quod est *heloim*; dicendum quod modi significandi non tantum requirunt diuersos modos intelligendi generales, sed etiam modos exprimendi: quoniam ergo ipsi habent articulos, & modos exprimendi diuersos, quos nos non habemus: ideo illi possunt dicere: sed nos non.

2. AD illud quod obijcitur, quod verum præsupponit congruum; dicendum quod duplex est incongruitas, vna est ex discohærentia adiacentium vt Catonis est: alia ex discohærentia intellectuum, vt cum dicitur, plures *Petri*. Prima incongruitas tollit veritatem, & falsitatem. Secunda vero incongruitas habet falsitatem coniunctam, & ideo quia per negationem remouetur falsitas, & sancti malunt loqui vere quam proprietatem sermonis seruare, & loqui minus vere: ideo negant plures *Deos*. Potest tamen dici quod quamvis hæc vox, *Dii*, nō sit vox significatiua secundum artem, & impositionem, tamen est vox significatiua ex accommodatione vsus, vt ollo pro illi; & ideo generat falsum intellectum affirmatiua: & negatiua, verum, quamuis non grammaticæ.

3. 4. Ad illud quod obijcitur, quod principium vni soli conuenit, similiter & *phœnix*; dicendum quod conuenire vni soli est tripliciter. Aut enim est, quia imponitur nomen à forma immultiplicabili, vt in propriis nominibus, & sic tollit pluralitatem re. & consignificatione. Aut imponitur à forma quæ nata est communicari, quamuis non communicetur propter determinationem, vt dicitur principium creaturarum. Aut propter defectum materiæ, vt *phœnix*, & tale tollit pluralitatem secundum rem. non secundum consignificationem:

A quia potest consignificari talis forma, vt potest multiplicari per supposita.

QUESTIO IV.

An hoc nomen, Deus, pro persona supponat, vel pro natura.

Alexander Alensis 1. p. q. 59. Membr. 3. art. 1. § 2.
& Thom. 1. p. q. 59. art. 4.
Petrus de Tarantasia 1. Sem. dist. 4. q. 6.

DE suppositione huius nominis, *Deus*. Et quaeritur vtrum hoc nomen, *Deus*, de se supponat personam, vel naturam. Quod personam, videtur per illud Ambrosii: Benedicat nos *Deus*, *Deus* noster: benedicat nos *Deus*. Ambrosius: Trina *Dei* professio Trinitatem indicat personarum: ergo cum *Deus* sit ibi sine adiuncto, de se supponit personam.

ITEM ratione obijcitur sic: Hoc nomen, *homo*, supponit pro omni eo, cui inest humanitas, ergo à simili, & hoc nomen, *Deus*, supponit pro omni eo, cui inest Deitas: sed hoc est persona: ergo, &c.

ITEM hoc nomen, *Deus*, significat deitatem in concretionem: sed non nisi in concretionem ad suppositum quod est persona, sed terminus concretus proprie supponit pro eo, respectu cuius importat formam, vt album magis proprie supponit pro re alba, quam pro forma: ergo, &c.

CONTRA: pronomen refert rem pro proprio supposito. Sed cum dicitur: Benedicat nos *Deus*, & metuatur eum, hoc pronomen *eum*, refert naturam, non personam, ergo, &c.

ITEM quia iste terminus, *homo*, proprie supponit pro indiuiduo, ista est falsa: *homo* est *Sor.* & *Pla.* quia idē indiuiduum non recipit illam prædicationem. Sed hæc est vera: *Deus* est *Trinitas*, vel *Deus* est *Pater*, & *Filius*: ergo cum illud prædicatum non conueniat vni personæ, patet, &c.

ITEM terminus qui proprie supponit personam, addito sibi termino partitiuo, stat solum pro vno, vt cum dicitur, vnus *homo* currit: ergo similiter cum dicitur, vnus *Deus*: ergo hæc est simpliciter falsa: Vnus *Deus* est *Pater*, & *Filius*.

CONCLUSIO.

Hoc nomen, Deus, supponit naturam, & suppositum, quia habet naturam termini communem, & termini discreti.

RESP. ad arg. Dicendum quod hic consuevit esse duplex opinio. Vna quidem est, quod hoc nomen, *Deus*, significat proprie naturam, & supponit personam: aliquando vnā, vt cum dicitur: *Deus* generat: Aliquando duas, vt cum dicitur: *Deus* spirat. Aliquando tres, vt cum dicitur: *Deus* est *Trinitas*. Et ratio huius est, vt dicunt, quia cum multa supposita habeat, habet naturam termini communis: terminus autem communis proprie supponit pro indiuiduo: Pro natura vero, vel pro forma, non supponit nisi trahatur, vt si dicamus, *homo* est species, sic dicunt in proposito. Vltius dicunt, quod quia supposita omnia sunt in illo vnica suppositione: ideo simul potest supponere pro multis personis, licet illud nō possit iste terminus *homo*, vel alius terminus communis, & sic soluerunt obiecta. Alia opinio est, quod proprie supponit naturam sicut significat, & non supponit personam nisi trahatur ab alio, vt cum dicitur *Deus* generat, & hi dicunt quod cum dicitur: *Deus* est *Trinitas*, ibi stat pro natura non pro persona, & vna natura est tres personæ: ideo vera est locutio. Et ratio huius positionis est, quia hoc nomen, *Deus*, habet naturam termini discreti, cum non habeat plurale: ideo idem significat, & supponit proprie: cum ergo significet naturam, illam proprie supponit. Sed melius est dicere vtrumque, quia habet naturam termini communis, & termini discreti. Ter-

D 4

mini com-

Ad oppos.

Ambrosius
in
Psalm. 66.
tom. 2.Funda-
menta.Opinio S.
Thom.Opinio A-
lexand.
Alensis.

mini communis, propter pluralitatem suppositorum: termini discreti, ratione formæ non multiplicabilis: ideo proprie supponit tam naturam quam personam: tamen rationes ad utramque partem concludunt verum, suo modo: hoc autem non potest in alio termino inueniri, & ideo nec consimilis modus supponendi.

**HÆ LOCUTIONES
NON CONCEDUNTUR, PA-
TER GENUIT DIVINAM ESSEN-
TIAM: DIVINA ESSENTIA GE-
NUIT FILIUM: ESSENTIA GE-
NUIT ESSENTIAM. Quoniam ipsa nec
genuit, nec genita est.**

DISTINCT. V.

POST hac quaritur utrum concedendum sit: Quod Pater genuit divinam Essentiam, vel quod divina Essentia genuit Filium, vel Essentia genuit Essentiam, an omnino non genuit, nec genita est divina Essentia. Ad quod catholicis

Tractatoribus consentientes dicimus, quod nec Pater genuit divinam Essentiam, nec divina Essentia genuit Filium, nec divina Essentia genuit divinam Essentiam. Hic autem nomine Essentia intelligimus divinam naturam, quæ communis est tribus personis, & tota in singulis. Ideo non est dicendum, quod Pater genuit divinam essentiam: quia si Pater diceretur genuisse divinam essentiam, divina essentia relative diceretur ad Patrem, vel pro relativo poneretur. Si autem relative diceretur, vel pro relativo poneretur, non indicaret essentiam. Ut enim ait Augustinus in 5. libro de Trinitate: Quod relative dicitur, non indicat substantiam.

Cap. 7. cir-
ca fin. 30. 3.

ib. 1. de
Trin. c. 1.
10. 3.

Secunda ratio.

Item cum Deus Pater sit divina essentia, si eius esset genitor, esset utique genitor eius rei, quæ ipse est: & ita eadem res seipsam genuisset: quod Augustinus negat, ut supra ostendimus.

Tertia ratio, & potior.

Item si Pater est genitor essentia divina, cum ipse, essentia divina sit, & Deus sit eo quod generat, & est, & Deus est. Ita ergo non illud quod generatur, est à Patre Deus: sed Pater eo quod generat, & est, & Deus est. Et si ita est, non genito gignens: sed gignenti genitus causa est, ut & sit, & Deus sit. Simili ratione probat Augustinus in libro 7. de Trinitate, quod Pater non est sapiens sapientia quam genuit: quia si ea sapiens est, ea est: hoc enim est sibi esse quod sapere. Quod si hoc est, sibi esse, quod sapere: non per illam sapientiam, quam genuit Pater, sapiens est. Quid enim aliud dicimus, cum dicimus, hoc illi est esse, quod sapere: nisi, eo est, quo sapiens est? Ergo quæ causa illi est, ut sapiens sit, etiam ipsa illi causa est, ut sit. Si ergo sapientia, quam genuit, illi causa est, ut sapiens sit, & causa illi est, ut sit. Sed causam Patri, quæ sit, à Patre genitam, nullo modo quisquam dixerit sapientiam: quid enim est insanius? Ita ergo si Pater genuit essentiam, quæ est: essentia, quam genuit, causa est illi, ut sit. Non ergo ipsam quæ est, essentiam genuit. Nam in illa simplicitate, ut inquit Augustinus, quia non est aliud sapere quam esse, eadem est ibi sapientia, quæ essentia, ideoque quod de sapientia, hoc de essentia dicimus. Sicut ergo non genuit sapientiam,

Cap. 1.

bidem.

qua sapiens est: ita nec essentiam, quæ est. Ut enim sapientia sapiens est, & potentia potens: ita & essentia ipse est. Eademque sapientia est, & potentia, quæ essentia. Patet itaque ex prædictis, quia Pater essentiam divinam non genuit.

Huic aduersari videtur Augustinus.

Huic autem videtur contrarium quod Augustinus ait in libro unico de Fide, & Symbolo cap. 3. Deus cum verbum genuit, id quod ipse est genuit, nec de nihilo, nec de aliqua iam facta conditaque materia, sed de seipso id quod ipse est. Item, Deus Pater, qui verissime se indicare animis cognituris, & voluit, & potuit, hoc ad seipsum indicandum genuit, quod est ipse, qui genuit. Ecce aperte dicit his verbis, Deum Patrem genuisse illud quod ipse est. Illud autem quod ipse est, non est nisi divina essentia: videtur ergo divinam essentiam genuisse. Ad quod respondemus, illa verba sic intelligenda esse, dicentes: Pater de seipso genuit illud quod ipse est, id est, Filium, qui est illud quod Pater est. Nam quod Pater est, & Filius hoc est, sed non qui Pater est, & Filius hic est.

in med. 10
mo 3.

bid. in fi.

Alias partes questionis exequitur.

Ita etiam non est dicendum quod Divina Essentia genuit Filium, quia cum Filius sit divina essentia, iam esset Filius res à qua generatur: & ita eadem res seipsam generaret. Ita etiam dicimus, quod essentia divina non genuit essentiam. * Cum enim una & summa quedam res sit divina essentia, si divina essentia essentiam genuit, eadem res seipsam genuit, quod omnino esse non potest: sed Pater solus genuit Filium, & à Patre & Filio procedit Spiritus sanctus.

Hæc doctrina in
Decret. lib.
1. de Trin.
& Fide ca-
p. 1. c. 2.
namus. ap-
probatur
contra he-
reticos, & si-
miles. ubi
dicitur
lib. 7. de
Trin. c.
1. & 2. 10. 3.

Quæ videantur prædictis esse contraria.

Prædictis autem videtur contrarium esse quod dicit Augustinus: Hoc, inquit, est Deo esse, quod sapere: unde pater & filius simul sunt una sapientia, quia una essentia: & sigillatim sapientia de sapientia, sicut essentia de essentia: Ecce his verbis aperte dicit Augustinus, sapientiam de sapientia, & essentiam de essentia. Vbi videtur significare quod sapientia sapientiam, & essentia genuit essentiam. Idem in lib. de Fide ad Petrum ait: Sic Christum Dei filium, id est, unam ex Trinitate personam, Deum verum crede, & diuinitatem eius de natura patris natam esse non dubites. Hic videtur dicere, quod natura filij sit nata de natura patris. Idem in lib. 15. de Trinitate ait: Dicitur filius consilium de consilio, & voluntas de voluntate, sicut substantia de substantia, sapientia de sapientia. Et hic videtur dicere, quod substantia sit genita de substantia, & sapientia de sapientia. Sed hoc ita determinamus: Sapientia de sapientia, & substantia de substantia est, id est, filius qui est sapientia, qui est substantia, est de patre, qui est eadem substantia, & sapientia: & filius qui est diuinitas, natus est de patre, qui est natura divina. Et ut expressius dicamus, dicimus filium sapientiam esse de patre sapientia, & dicimus filium substantiam esse genitum de Patre, & à patre substantia. Quod autem ita intelligi debeat. Augustinus ostendit in libro 7. de Trinitate dicens: Pater ipse sapientia est: & dicitur filius sapientia patris, quo modo dicitur lumen patris, id est, sicut lumen de lumine, & uterque unum lumen: sic intelligitur sapientia de sapientia: & uterque una sapientia, & una essentia. Itē ideo Christus dicitur virtus, & sapientia Dei, quia de patre virtute, & sapientia, etiam ipse virtus, & sapientia est, sicut ipse

Cap. 2. ad
mediam.

Cap. 20.

Cap. 1. 10. 3.
circa finem
capituli.

1. Cor. 1.

sicut ipse lumen de patre lumine est, & ipse fons vita est apud Deum patrem fontem vita. Filius ergo sapientia de patre sapientia est, sicut filius lumen de patre lumine, & Deus filius de Deo patre, ut & singulus sit lumen, & singulus Deus, & singulus sapientia, & simul unum lumen, unus Deus, una sapientia. Ecce manifeste his verbis aperit Augustinus: ex quo sensu accipienda sint prædicta verba, & his similia, scilicet cum dicitur substantia de substantia, vel substantia genuit substantiam.

Quod videtur prædictæ expositioni contrarium.

Huic vero etiam id contrarium videtur, quod Hilarius ait in 4. lib. de Trinit. Nihil, inquit, nisi natum habet filius: & geniti honoris admiratio in honore generantis est. Cum ergo filius essentiam habeat (tota enim in eo est diuina essentia) videtur quod ipsa diuina essentia nata sit. Item in 5. lib. ait: Natiuitas Dei non potest eam, ex qua prouecta est, non tenere naturam, nec enim aliud quam Deus subsistit, quod non aliunde quam de Deo subsistit. Ecce hic dicit natiuitatem Dei prouectam ex natura, & ita videtur ex his verbis, atque prædictis natura Dei, & genita, & genuisse. Quod apertius dicit in lib. 9. de Trin. Nos inquit, unigenitum Deum in forma Dei manentem in natura hominis mansisse profiteamur, nec unitatem formæ seruili in naturam diuinæ unitatis refundimus: nec rursum corporali insinuatione patrem in filio prædicamus, sed ex eo eiusdem generis genitam naturam, naturaliter in se gignentem habuisse naturam, quæ in forma nature se gignentis manens, formam naturæ, & infirmitatis corporalis accepit. Non enim defecerat Dei natura, ne esset: sed in se humilitatem terrenæ natiuitatis manens sibi Dei naturæ suscepit, generis sui potestatem in habitu assumptæ humanitatis exercens. Ecce hic aperte dicit, & naturam genuisse, & naturam genitam, & naturam assumptam naturam: quod à plerisque negatur. Item in eod. Nunquid unigenito Deo contumelia est, Patrem sibi innascentem Deum esse, cum ex innascenti Deo natiuitas unigenita, in naturam unigenitam subsistat? Ecce & hic dicit unigenitam naturam.

Quo modo sint intelligenda præmissa verba Hilarii.

Sed quia hæc verba sane vult intelligi, ipse idem dicit in 4. lib. Intelligentia dictorum ex causis est assumenda dicendi, quia non sermoni res, sed rei sermo subiectus est. Hæc ergo verba ita intelligi possunt: Nihil habet filius nisi natum, id est, nihil habet secundum, quod Deus est, nisi quod nascendo accepit, & ipse nascendo Patris in se subsistentem naturam habuit. Vnde Hilarius addit in 5. libro: Eandem naturam habet genitus, quam ille qui genuit: ita tamen, ut natus non sit ille qui genuit. Nam quo modo erit pater ipse, cum genitus sit? Sed in his ipsis subsistit ille qui genitus est, in quibus totus est ipse qui genuit: quia non est aliunde qui genitus est: & ideo non refertur ad aliud quod in uno subsistit, & ex uno. Ac sic in generatione filij & naturam suam, ut ita dicam, sequitur indemutabilis Deus indemutabilem Deum gignens, nec naturam suam deserit ex indemutabili Deo indemutabilis Dei perfectæ natiuitas. Subsistentem ergo in eo Dei naturam intelligamus, cum in Deo Deus insit, nec præter eum qui Deus est, quisquam Deus alius sit: quia ipse Deus, & in eo Deus. Natura ergo Dei patris veritas, in Deo filio esse docetur, cum in eo Deus intelligitur esse qui Deus est. Est enim unus in uno, & unus ab uno.

Quod legitur, Pater de sua substantia genuisse Filium, & Filium substantiæ Patris.

Dicitur quoque, & frequenter in scriptura legitur Patrem de sua substantia genuisse Filium. Vnde Augustinus in lib. de fide ad Petrum ait: Pater Deus de nullo genitus Deo, semel de sua natura sine initio genuit filium Dei sibi equalē, & eadem qua ipse naturaliter æternus est, diuinitate coæternum. Ecce hic dicit Augustinus, Filium genitum de natura Patris. Est autem una natura Patris, & Filij, & Spiritus sancti. Si ergo de natura Patris genitus est Filius, genitus est de natura Filij, & Spiritus sancti, immo de natura trium personarum. Idem quoque Augustinus in lib. 15. de Trin. dicit. Christum esse filium substantiæ patris, & de substantia patris genitum, tractans illud verbum Apostoli loquentis de Deo patre sic: Qui eruit nos de potestate tenebrarum, & transtulit regnum filij charitatis suæ. Quod dictum est, inquit, filij charitatis suæ, nihil aliud intelligitur, quam filij sui dilecti, quæ filij substantiæ suæ. Charitas quippe patris, quæ in natura eius est ineffabiliter simplici, nihil est aliud, quam ipsa natura atque substantia, ut sæpe diximus, & sæpe iterare non piget, ac per hoc filius charitatis eius nullus alius est, quam qui de substantia eius est genitus. Ecce hic aperte dicit Augustinus, Filium esse genitum de substantia patris, & filium substantiæ patris. Idem quoque Augustinus in lib. 3. contra hæreticum Maximinum, substantiam Dei genuisse filium, & filium genitum de substantia patris asserit, dicens: Carnalibus cogitationibus pleni, substantiam Dei de se ipsa gignere filium non putatis, nisi hoc patiat, quod substantia carnis patitur quando gignit. Erratis non scientes scripturas, neque virtutem Dei. Nullo enim modo verum Dei filium cogitatis, si eum natum esse de substantia patris negatis. Non enim iam erat hominis filius, & Deo donante factus est Dei filius ex Deo natus, gratia non natura. An forte eisi non hominis filius erat, tamen iam aliqua erat qualiscumque creatura, & in Dei filium Deo mutante conuersa est? Sed nihil horum est: ergo aut de nihilo, aut de aliqua substantia natus est. Sed ne credemus vos putare de nihilo esse Dei filium, affirmatis non vos dicere de nihilo esse Dei filium. De aliqua ergo substantia est: & si non de substantia patris, de qua sit, dicite: sed non inuenietis. Iam ergo unigenitum Dei filium Iesum Christum de patris esse substantia, non vos nobiscum pigeat confiteri. Idem in eodem: Vtrique legimus, ut sit in vero filio eius Iesu Christo. Dicite ergo nobis, Vtrum iste verus Dei filius, ab eis qui gratia filij sunt, quadam proprietate discretus, de nulla substantia sit, an de aliqua? Non dico (inquis) de nulla, nec dicam de nihilo: Ergo de aliqua substantia est. Quæro, de qua: Si non de patris substantia est, aliam quære. Si aliam non inuenis, patris agnosce substantiam, & filium cum patre hominibus confitere. Idem in eodem: Confiteor Deum patrem omnino incorruptibiliter genuisse: sed quod est ipse genuisse. Item dico quod sæpe dicendum est: Aut de aliqua substantia est natus Dei filius, aut de nulla. Si de nulla: ergo de nihilo, quod vos iam non dicitis: si vero de aliqua, nec tamen de patris substantia, non est verus Filius: si vero de patris substantia, unius eiusdemque substantiæ sunt Pater & Filius. Vos autem nec filium Dei de substantia patris genitum vultis, & tamen eum, nec ex nihilo, nec ex aliqua materia: sed ex patre esse conceditis: nec videtis quam necesse sit, ut qui non est ex nihilo, nec ex aliqua alia re, sed ex Deo, nisi ex Dei substantia esse non possit, & hoc esse quod Deus est, de quo est, id est Deus

Cap. 1. post principium 10. 3.

C. 19 in fin.

Colof. 1. b.

Cap. 15. 10. 6.

Mat. 20. c. Contra Paulianos. Contra Arrium, & Donatum.

1. Ioan. 5. d. Paulo inferius in eod. cap.

de Deo

de Deo natus : quia non alius prius fuit : sed natura coeterna de Deo est.

Colligens summam prædictorum , aperit ex quo sensu accipienda sint.

His verbis præmissis innui videtur , quod diuina substantia filium genuerit : & quod filius sit genitus de substantia patris , & quod de Deo est natura coeterna , & quod pater id quod ipse est genuit . Id autem quod ipse est , diuina essentia est : & ita putari potest diuinam essentiam genuisse . Vehementer mouent nos hæc verba , quæ quo modo intelligenda sint , mallem ab alijs audire , quam ipse tradere . Vt tamen sine præiudicio atq; temeritate loquar , ex hoc sensu dicta possunt accipi . Natura coeterna de Deo est , id est , filius coeternus patri de patre est , ita quod est eadem cum eo natura , vel eiusdem natura . Quæ sensum confirmat Augustinus ibidem subiiciens , & quod dixerat quasi explanans . Dicto enim : Natura coeterna est de Deo , addit : Non est aliud filius quam illud de quo est , id est , vnius eiusdemque substantia est . Deinde apertius talem intellectum ex prædictis verbis fore habendum aperit in eodem libro contra Maximinum , dicens : Trinitas hæc vnius eiusdemque substantia est : quia non de aliqua materia , vel de nihilo est filius : sed de quo est genitus . Item Spiritus sanctus non de aliqua materia , vel de nihilo est , sed inde est , unde procedit . His utique verbis aperte ostendit ea ratione dici filium esse de substantia patris , quia est de patre genitus , ita quod est eiusdem substantia cum eo : Spiritum sanctum esse de substantia patris & filij , quia ab utroque procedit , ita quod est eiusdem substantia .

Quod nec Filius , nec Spiritus sanctus est de nihilo : sed de aliquo , non tamen de materia .

Ostenditur quoque ex illis verbis Filium & Spiritum sanctum non esse de nihilo sed de aliquo : nec tamen de aliqua materia . Vnde etiam Hilarius in 12. lib. de Trin. ait : Unigenitus Deus cum natus sit , Patrem testatur auctorem : cum ex manente natus est , non est natus ex nihilo : & cum ante tempus natus est , omnem sensum præuenit nascendo . Hic aperte dicitur , quod filius non est natus ex nihilo . Similiter & Spiritus sanctus non est dicendus esse , vel procedere ex nihilo : quia Filius de substantia Patris natus est , id est , à Patre est , cum quo eiusdem substantia est , & eadem substantia . Ex quo sensu etiam accipiendum est illud , Pater genuit id quod ipse est , id est filium , qui est hoc quod pater . Et hoc ita debere intelligi Augustinus aperit dicens in 1. lib. contra Maximinum : Hoc genuit pater quod est : alioquin non est verus filius . si quod est pater , non est filius . Item substantia Dei genuit filium , id est , pater substantia genuit filium , qui est eadem substantia , & eiusdem substantia . Quod sic esse intelligendum Augustinus ostendit dicens ad Maximinum : Sicut dicis , Spiritus spiritum genuit : ita dic : spiritus eiusdem naturæ , vel substantiæ spiritum genuit . Item sicut dicis : Deus Deum genuit : ita dic , Deus eiusdem naturæ , vel substantiæ Deum genuit . Hos si credideris , & dixeris , nihil de hac re ulterius accusaberis . His enim verbis aperit quo modo prædicta debeant intelligi . Similiter filius natus est de substantia patris , vel pater genuit filium de sua natura , siue essentia id est , de se natura & essentia genuit filium eiusdem substantiæ , ac naturæ , & qui est eadem essentia , ac natura . Similiter expone illud : Filius substantiæ patris , id est , filius patris substantiæ , id est , qui est substantia , cum quo & filius eadem substantia est : quia consubstantialis est patri filius . Et hic sensus adiu-

uatur ex his verbis Augustini qui in lib. 7. de Trinitate ait : Tres personas eiusdem essentia , vel tres personas vnam essentiam dicimus . Tres autem personas ex eadem essentia non dicimus , quasi aliud ibi sit quod essentia est , aliud quod persona . His verbis ostenditur non esse dicendum personam esse ex essentia , nisi ex sensu prædicto . Qui sensus confirmatur etiam ex eo quod in lib. 15. de Trinitate idem ait : Sicut nostra scientia scientia Dei , sic & nostrum verbum quod nascitur de nostra scientia , dissimile est illi verbo Dei , quod natum est de patris essentia . Tale est autem ac si dicerem : de patris scientia , de patris sapientia . Vel (quod est expressius) de patre essentia , de patre scientia , de patre sapientia : Ex hoc itaque intellectu , verbum Dei patris unigenitus filius per omnia patris similis , & aequalis recte dicitur Deus de Deo , lumen de lumine , sapientia de sapientia , essentia de essentia : quia hoc est omnino , quod pater , non tamen pater : quia iste filius , ille pater .

Quare verbum Patris dicatur Filius naturæ .

Inde est quod solus unigenitus Dei dicitur natura filius , quia eiusdem naturæ est , & eadem natura est cum patre : unde Hilarius in lib. 1. de Trin. de Christo loquens ait : Natura filius est , quia eandem naturam , quam ille qui genuit , habet .

DISTINCTIO V.

De comparatione generationis ad terminum essentialem abstractum , qui est Essentia

Post hac queritur vtrum concedendum sit , &c.

Expositio textus .

In præcedenti distinctione mouit Magister quæstionem de comparatione generationis ad terminum essentialem concretum , qualis est hoc nomen , Deus . In præsentem mouet quæstionem de comparatione generationis ad terminum essentialem abstractum , qui est essentia . Et diuiditur hæc pars in duas partes . In prima parte mouet quæstionem ex comparatione generationis ad essentiam in ratione termini , videlicet vtrum Essentia generetur . In secunda in ratione principij : Vtrum essentia generet , &c. ibi : Non est etiam dicendum quod diuina essentia genuit filium , &c. Item prima pars habet quatuor partes . In prima parte proponit problemata , videlicet vtrum essentia generet , vel generetur . In secunda adducit rationes tres probantes quod Essentia non generatur à patre , ibi : Ideo non est dicendum quod pater genuit , &c. In tertia adducit rationes in contrarium , ibi : Huic autem videtur contrarium . In quarta & vltima soluit , & exponit , ibi : Ad quod respondemus . Similiter secunda pars istius distinctionis , in qua Magister determinat secundam partem quæstionis , quæ est in comparatione generationis ad Essentiam in ratione principij , habet tres partes . In prima determinat istam quæstionem dicens quod Essentia non generat : sed & hoc confirmat per rationem ducentem ad impossibile . In secunda vero adducit auctoritates quæ sunt directe contrariæ prædictæ solutioni , ibi : Prædictum autem videtur contrarium esse . In tertia vero adducit auctoritates , ex quibus potest elici contrarietas , ibi : Dicitur quoque , & frequenter , &c. Prima pars habet quatuor partes . In prima parte adducit auctoritates Augustini contrarias prædictæ solutioni . In secunda auctoritates adductas exponit ibi : Sed hæc ita determinamus . In tertia vero contra prædictas expositiones adducit auctoritates alias Hilarii , in quibus notatur expressior contrarietas . ibi : Huic vero etiam contrarium videtur esse . In quarta vero auctoritates prædictas explanat , & exposi-

Lib. 3. contra
Maximinum . ca.
14. Circa
principium
capituli .

Von longe
a medio .

Ex lib. de
fid. & sym-
bolo . c. 3.
10. 3.

Circa med

a Li. 1. c. 14
in usu ex
b cap. 15.
a medio .

Cap. 6. a
medio .

Cap. 11.

Ex cap. 14.

Distin.

tionem suam per verba Hilarii confirmat, ibi : *Sed quia hac verba sane vult.* Similiter pars illa dicitur quoque, & frequenter in sacra Scriptura legitur, in qua obiicitur contra solutionem per auctoritates, ex quibus elicitur prædictæ solutionis contrarietas (quia in his non dicitur quod Essentia generet, vel generetur : sed quod de essentia, vel de substantia patris filius generetur) quatuor habet particulas. In prima adducit auctoritates in contrarium. In secunda vero adductas explanat, ibi : *His verbis præmissis innuitur, ubi resumat prædictam expositionem.* In tertia ex prædictorum opinione elicit quoddam corollarium, ibi : *Ostenditur quoque ex illis verbis, &c.* In quarta, & vltima redit ad propositum, & ostendit expositionem suam bonam esse per auctoritatem Augustini, ibi : *Et hoc ita debere intelligi, &c.*

Idco non est dicendum quod Pater genuit diuinam essentiam. Dub. I.

Ista ratio videtur ducere ad hoc inconueniens, scilicet quod si Essentia generaretur à Patre, Essentia poneretur pro relatiuo. Sed hoc nullum videtur inconueniens. Si enim magis conuenit essentia cum supposito, quam vniuersale cum singulari, si non est inconueniens, cum vniuersale ponitur pro singulari, nec est inconueniens quod essentia ponatur pro relatiuo.

RESP. Dicendum quod si essentia poneretur pro relatiuo esset inconueniens, non à parte rei, sed à parte expressionis fidei. Tunc enim videretur, & notaretur vnitas essentiae in quadam distinctione. Esset etiam inconueniens, quia quod ponitur pro relatiuo in quantum huiusmodi, non indicat essentiam. Si enim essentia poneretur pro relatiuo, essentia aliquando non indicaret essentiam, quod est omni rationi contrarium.

Item, cum Deus Pater. Dub. II.

Ista ratio videtur ducere ad hoc inconueniens, scilicet quod cum Deus Pater sit diuina essentia, si eius esset genitor, utique esset genitor eius quod ipse est.

CONTRA : Essentia dicit quid commune, sicut & hoc nomen, Deus : sed si dicatur hoc modo : Petrus generat hominem, & ipse est homo : ergo generat se : Argumentum illud non valet. Similiter videtur hic : Pater generat Deum : ergo, &c. pari ratione nec in proposito.

RESP. Dicendum, quod commune dicitur quod est in multis : sed hoc potest esse tripliciter. Aut quia plurificatur in multis & quantum ad formam, & quantum ad suppositum, ut hoc nomen, homo, & tale habet vnitatem rationis, quæ admittit distinctionem, & quantum ad rem, & quantum ad modum. Vnde bene dicitur, homo est ab homine, & duo homines. Alio modo est commune quod plurificatur quantum ad suppositum, non quantum ad formam, ut hoc nomen, Deus, & tale habet vnitatem rei secundum quod res nominat naturam cum multiplicatione suppositorum : & ideo recipit distinctionem, quod importat distinctionem, ut modum, non ut rem. Vnde conceditur : Deus de Deo : sed non, Deus est alius à Deo. Tertio modo est commune secundum nomen quod est in multis, nec tamen plurificatur quantum ad formam, quia est vnum in multis : nec quantum ad supposita, quia pro illis non supponit, ut hoc nomen essentia. De tali communi verum est dicere quod non recipit distinctionem, nec quantum ad modum, nec quantum ad rem, tunc enim notaretur idem distinguere à se, & ita argumentum Magistri est bonum : Si Pater genuit essentiam, Pater genuit se : quia loquitur de communi à parte vocis significantis, non à parte rei : quia à parte rei, eadem communitas est in hoc quod est Deus, & in hoc quod est Essentia.

Et si ita est non genito gignens, &c. Dub. III.

Obiicitur contra tertiam rationem. Si Pater genuit diuinam essentiam, tunc genitum gignenti causa est ut

& sit, & Deus sit. Sed hæc ratio nihil videtur valere, quia ratio causæ non cadit in diuinis : causa enim est ad cuius esse sequitur aliud : sed in diuinis non est aliud : ergo, &c.

ITEM non sequitur : Pater genuit sapientiam : ergo est sapiens sapientia genita : ergo pari ratione, nec prædicta solutio valet.

RESP. Dicendum quod sumendo nomen causæ proprie, non cadit in diuinis, cadit tamen & recipitur ratio principiantis, & ratio informantis, & pro his accipitur nomen causæ. Quoniam ergo ratio essendi signatur per hoc nomen, Essentia : ideo Essentia signatur quodam modo in ratione causæ respectu entis. Si ergo essentia esset genita ab ente, significaretur in ratione effectus, siue principiat : & idem esset tunc principium, & principiatum respectu eiusdem, quod est impossibile : & in hoc fundatur ratio Magistri.

Ad illud quod obiicitur de sapientia, dicendum quod tactum est de ipsa in quæstionibus extra litteram, quia nomen ita abstractum sicut Essentia, non supponit pro relatiuo, & ita est accidens. Pater est sapiens sapientia, & genuit sapientiam : ergo est sapiens sapientia quam genuit, vel sapientia genita. In nomine autem Essentiæ non est accidens : quia idem signat, & supponit.

Ita etiam non est dicendum, quod diuina Essentia genuit Filium. Dub. IV.

Contra hoc obiicit Ioachim tam contra positionem, quam contra rationem. Contra positionem, quia si Essentia non generat, nec generatur, nec procedit : ergo in diuinis est res generans, & genita, & procedens : & res nec generans, nec genita, nec procedens, & ita est quaternitas, si sunt ibi quatuor res.

ITEM irridet rationem Magistri, si essentia generat essentiam, & essentia est vna res : ergo vna res generat se ipsam. Similiter inquit Ioachim, Potuisti dicere Petre : Deus generat Deum, vnus est Deus : ergo vna, & eadem res generat se ipsam.

RESP. Dicendum quod Ioachim non recte arguit, & deficit sua ratio : quia res non accipitur vniuniformiter. Quia cum dicitur res primo modo, ibi accipitur res pro re naturæ : sed cum accipitur secundo modo, accipitur pro ipsa natura diuina. Præterea deficit ab insufficienti, quia non valet : Si aliquid dicitur de altero, & non dicitur de alio, quod propter hoc illa faciant numerum. Vnde non valet : Petrus est indiuiduum, homo non est indiuiduum : ergo homo & Petrus sunt duo. Habere enim proprietatem & non habere, non sufficit ad distinguendum. Ad instantiam eius dicendum, quod non recte instat : quia essentia est res vna quantum ad suppositum, & significatum : non enim supponit personas. Sed Deus est res vna quantum ad significatum : sed plures quantum ad suppositum. Et ideo ignoranter Ioachim reprehendit Magistram : & cum esset simplex, non est reuerius Magistram : * & sic iusto Dei iudicio damnatus fuit libellus eius in Lateranensi Concilio, & positio Magistri approbata.

Nihil nisi natum habet filius, id est, nihil habet secundum quod Deus est, nisi quod nascendo accepit.

Dub. V.

Quæritur circa hæc verba Hilarii de hoc verbo, *accipit*, utrum dicat substantiam, vel relationem. Si substantiam : ergo Pater similiter accipit. Si relationem, cum essentiam accepit filius, essentia est accepta : ergo essentia refertur.

RESP. Dicendum quod, *accipere*, dicit duo, scilicet habere, & esse ab alio : quantum ad habere, respicit essentiam : sed quantum ad hoc quod est esse ab alio, respicit personam : vnde per verbum accipiendi, significatur quod essentia habetur à persona quæ est ab alio.

Et ideo non refertur ad aliud quod in vno subsistit, & ex vno. Dub. VI.

Hoc videtur falsum, quoniam Filius subsistit à patre, tamen refertur ad Spiritum.

RESP. Hoc

Arist. 5. Metaph. context. 2.

** Sub Inn. 3. & habetur in Decretali de sum. tri. c. 5. fi. casb. ca. dñmams.*

** De re 8. modo vide sup. dist. 4. dub. 1. & 9. ad oppos.*

R E S P. Hoc potest intelligi dupliciter. Vno modo quod filius non habet respectum nisi ad vnam personā, & hoc intelligitur in quantum filius: quia in quantum spirans est, refertur ad alium: vel quod persona filii non habet respectum nisi ad vnam naturam, & hoc verum est: quia filius non habet in se nisi naturam patris.

*Et naturam suam (vt ita dicam) sequitur inde-
mutabilis Deus, &c.*

C O N T R A: In diuinis non est prius, nec posterius, & ita nec præcedere, nec sequi. Si tu dicas quod est secundum rationem intelligendi, hoc nihil est, quia Deus gignens: nec secundum rem, nec secundum intellectum sequitur aliud.

R E S P. Quod Hilarius improprie loquitur, & ideo addit determinationem, vt ita dicam, & tantum vult dicere, *sequi*, quantum inseparabiliter communicare, & consonare, & ab illo non recedere, & per hoc patet sequens.

Semel, & cetera. Genuit filium. Dub. VII.

Videtur male dicere, *semel*: Quia, *semel*, dicit vicissitudinem: sed in generatione æterna, nulla cadit vicissitudo: ergo, &c.

R E S P. Dicendum quod, *semel*, potest dicere. vel nunc temporis, vel nunc æternitatis. Et si dicat nunc temporis, cum tempus habeat diuersa nunc, denotat intercissionem. Si autem nunc æternitatis, cum illud nunc semper est, & est inuariabile, & vnum; *semel*, dicit omnimodam inuarietatem, perfectionem, & vnitatem.

Filius charitatis sua. Dub. VIII.

Queritur, vtrum charitas accipiat ibi essentialiter, aut notionaliter. Si essentialiter: ergo Christus filius est essentia, quod non conceditur. Si tu dicas quod est impropria locutio, & est sensus, filii essentia, id est qui est essentia, tunc nullus videtur sensus, & pro nihilo additum est hoc, quod est, *charitatis*. Et rursus Augustinus exponit, *Filius charitatis*, id est dilecti: sed Pater diligit Filium Spiritu sancto: ergo, &c. Si propter hoc dicas quod tenetur notionaliter, tunc ergo filius Dei est Filius Spiritus sancti, quod omnino est absurdum.

R E S P. quod propter hoc dicunt aliqui quod ille genitiuus, nec proprie essentialiter, nec proprie notionaliter: sed medio modo tenetur, id est appropriate. Licet enim charitas sit omnibus communis, & proprium Spiritus sancti, vno tamen modo appropriate conuenit patri, quia charitas amor gratuitus est, qui tantum dat, & non accipit, & hoc est in persona patris: ideo appropriatur patri. Alio modo dici potest quod charitas ibi tenetur essentialiter, sicut dicit Augustinus: quia nihil aliud est dicere, *filii charitatis*, quam filii substantia. Sed genitiuus non constituitur in ratione principii: sed ex vi declarationis essentia, & est sensus, & *filii charitatis*, id est filii chari, & filii substantia, vel etiam natura: hoc est filii consubstantialis, & naturalis.

Filius cum Patre homouision conficere.

Dub. IX.

C O N T R A: Quia cum filius naturalis partem substantia trahat à patre, partem à matre, in his inferioribus: & in Deo totam substantiam trahat à patre, videtur quod pater non tantum deberet dici pater, sed & mater, & multo fortius mater, quia mater plus dat quam pater. Item filius Dei vocat se sapientiam, & sapientia est quæ concipitur, & parturit. Ergo cum hoc sit proprium matris, videtur quod pater proprius deberet dici mater, quam pater.

R E S P. Dicendum quod nomen matris non transfertur ad diuina. Et vnam rationem assignat Anselmus in Monologio: quia principium maternum præexigit aliud principium prius. Ratio huius est, quia mater est principium passiuum, & omne tale mouetur ab alio: ergo ante ipsum est principium aliud: quoniam ergo principium

generationis filii est primum, & est pure actuale: ideo nullo modo transfertur maternum principium. Transfertur tamen actus maternus vt concipere, & parturire, pro eo quod ibi agit vnum principium, & hic duo.

Filius, & Spiritus sanctus non esse de nihilo. Dub. X.

Videtur hoc falsum, quia id quod de nulla prælacente materia est, de nihilo est: sed Filius, & Spiritus sanctus sunt huiusmodi: ergo, &c. Si tu dicas quod Filius & Spiritus sanctus sunt de aliquo vt de Patre: Queritur tunc vtrum Pater sit de nihilo: & videtur quod sic: quia non aliquod, & nihil, conuertuntur: sed Pater non est ex aliquo: ergo est ex nihilo. Item quia pater non habet principium effectiuum: ideo dicitur esse à nullo. Simili modo cum non habeat materiam, debet dici de nihilo. Si concedatur de patre: Contra, omne quod habet esse de nihilo, est creatura: ergo, &c. Item quod est ex nihilo, est veribile in nihilum: ergo, &c.

R E S P. Dicendum, quod cum dicitur aliquid esse de nihilo secundum Anselmum in Monol. tripliciter potest intelligi. Vno modo vt nihil accipiat simpliciter priuatiue, vel negatiue, vt cum dicitur de tacente, ille loquitur de nihilo. Alio modo positiue, vt si ita dicatur, aut intelligatur aliquid fieri ex nihilo, sicut cultellus de ferro. Tertio modo partim positiue, partim priuatiue, vt si dicatur aliquid fieri ex nihilo, quia post nihil est aliquid, sicut dicitur de paupere fit diues. Ratio autem huius multiplicatis, est hæc. Nam primo distinguendum est, quia negatio eius quod est, nihil potest sistere intra, vel extra ad verbum ferri. Si feratur ad verbum, tunc fieri de nihilo, est non fieri de aliquo, sicut loqui de nihilo, id est de nulla re. Si autem non feratur ad verbum, tunc affirmatur fieri, & tunc duplex est: quia, *de*, potest intelligi materialiter, & tunc significatur quod nihil sit materia alicuius, & habetur secundus sensus. Item potest teneri ordinaliter, & tunc habetur tertius sensus, & sic creatura dicitur fieri de nihilo. Dicendum ergo quod secundum primum sensum: Deus potest dici de nihilo esse, siue Pater, siue diuina Essentia, tamen hic modus non est vsitatus. Quantum ad secundum modum, omnino fit nihil ex nihilo. Quantum ad tertium modum secundum quod loquitur Augustinus quod sola creatura fit de nihilo, vel est ex nihilo, quia, *de*, notat ibi ordinem, vt esse habeat post non esse: hoc quod est de nihilo, priuat materiam præiacentem. Quamuis ergo Pater, & Filius, & Spiritus sanctus non habeant materiam præiacentem: quia tamen non habent esse post non esse: ideo non dicuntur esse ex nihilo: & ideo non valet primum argumentum: quia procedit ab insufficienti.

Secundum vero, & tertium argumentum de Patre factum, procedit secundum quod negatio eius quod est nihil, fertur extra ad verbum, & facit orationem negatiuam. Aliter enim non æquipollet esse non de aliquo, & de nihilo: & secundum hunc sensum sicut conceditur quod Pater à nullo sit: ita quod sit de nihilo, tamen sicut dictum est, sensus ille non est vsitatus: communiter enim vtimur hac locutione, secundum quod negatio de nihilo, sistit intra, & hoc est quod *de*, accipitur ordinaliter.

A R T I C V L V S I.

IN parte ista ad intelligentiam duarum principalium partium huius Distinctionis, duo principaliter queruntur. Primo queritur de comparatione generationis ad substantiam, siue essentiam in ratione principii. Secundo queritur de comparatione eiusdem ad essentiam in ratione termini. Et duo queruntur, quantum ad primum. Duo vero quantum ad secundum. Quantum ad primum, queritur primo, vtrum Substantia, vel Essentia generet. Secundo vtrum de Substantia generetur aliquis.

¶ S: S



Aug. l. 15.
de Trin. c.
10. 3.

Aug. lib. 15
de Trin. c.
10. 3.

Prin. 8. b

Anf. monolog. c. 40
10. 3.
Arist. 2. de
gener. ani.
c. 4.

Anf. monolog. c. 8. 10.
de hoc 2.
p. 9. 7.
hinc est.

Arist. 1.
de by con-
tra. 1. 8.
Et 1.
Metaphy-
s. de causa.
contex. 1.

Aug. lib. 3
contra do-
ximum
c. 14 circa
prin. 10. 6.

QVÆSTIO I.

An Substantia, vel Essentia generet.

Alexander Alensis 1. p. q. 42. Membr. 3. art. 1.

S. Thomas 1. p. q. 39. art. 5.

Scotus 1. Sent. dist. 5. q. 1.

Egidius Rom. 1. Sent. dist. 5. q. 2. art. 1.

Richardus 1. Sent. dist. 5. q. 1.

Durandus 1. Sent. dist. 5. q. 1.

Franciscus de Mayr. 1. Sent. d. 5. q. 1.

Greg. Arimin. 1. Sent. dist. 5. q. 1.

Gab. Biel. 1. Sent. dist. 5. q. 1.

Fundam. 12.

QUOD Substantia non generet, ostenditur sic: Generare dicit relationem: ergo cui conuenit generare, conuenit referri: sed essentia non conuenit referri: ergo nec conuenit generare.

ITEM generare importat distinctionem, ergo cui conuenit generare, & per consequens etiam distingui: sed essentia cum sit vna, non distinguitur: ergo, &c. Aut si generat, plures sunt essentia: & ad hæc duo inconuenientia dicit Magister.

ITEM generare dicit actionem personalem: ergo de illo solo dicitur, quod significat personam, vel supponit personam: sed essentia non supponit personam, cum sit communis: nec personam significat, cum sit omnino abstractum: ergo &c.

ITEM generare est proprietas personæ, communicabilitas essentia: ergo sicut se habet communicabilitas ad personam, ita proprietas personalis ad essentiam: sed communicabilitas nunquam est personæ, quia hæc est falsa: Pater est communicabilis: ergo nec proprietas personalis erit essentia: ergo nec generare, cum sit personæ.

Ad oppos.

1. CONTRA: Quæcumque sic se habent quod vnū est idem alii, & non habent diuersas proprietates, quid dicitur de vno, & de altero: sed persona, & essentia sunt huiusmodi: quia persona est essentia, nec habent diuersas proprietates: quia proprietas in diuinis est relatio distinguens: sed si essentia haberet aliquam proprietatem, tunc distingueretur, & referretur: ergo, &c. Si dicas, quod quamuis persona, & essentia non habeant diuersas proprietates, tamen differunt per habere proprietatem, & non habere. **CONTRA:** Summa oppositio est contradictio: sed talis diuersitas est per contradictionem: ergo magis differunt essentia, & persona, quam persona, & persona: sed persona non prædicatur de persona: ergo nec persona de essentia, hoc autem est falsum: ergo &c.

2. ITEM quæcumque sic se habent quod vnum prædicatur de altero, vnum supponit pro altero, quia subiectum vere subiicitur prædicato: sed essentia vere prædicatur de Patre. Vnde hæc est vera: Pater est essentia: ergo & supponit: ergo sicut Deus Pater generat, sic potest dici, essentia generat.

3. ITEM de quocumque prædicatur subiectum, & propria passio: sed generare est sicut propria passio Patris: sed hæc est vera: Diuina essentia est Pater: ergo & similiter illa est vera: Diuina essentia generat.

dist. 2. Top. 2.

4. ITEM de quocumque prædicatur diffinitio, & diffinitum: sed diffinitio Patris est Filii Pater. Cum ergo sit hæc vera: Diuina essentia est Pater, & hæc erit vera, diuina essentia est Filii Pater: ergo à conuertibili, Filius est Filii essentia.

CONCLUSIO.

Dicere quod Essentia generet, est sermo improprius, & negandum: qui sicubi legatur, pie interpretandus est.

RESP. ad arg. Ad prædictorum intelligentiam est notandum, quod fides vera dicit quasi fundamentum, Deum esse trinum, & vnum: & ita trinum quod Trinitas non confunditur: & ita vnum quod vnitatis non multiplicatur. Si ergo quod credimus oportuit significare, opportune inuenta sunt nomina in diuinis: immo à Deo nobis manifestata, quæ significet Trinitatem sub distinctione, & vnitatem sine omni multiplicatione. Sicut er-

Ago nomina imposita personis omnino sunt incommunicabilia, & quantum ad suppositum, & quantum ad significatum: vnde hæc oratio est falsa: Pater est Filius, vel Pater est communicabilis: ita ex parte Essentia vel Natura, oportuit nomina imponi, quæ non distinguerentur, nec quantum ad significatum, nec quantum ad suppositum. Notandum autem quod triplex est genus nominum significantium essentiam. Quædam enim significant in concrectione, vt hoc nomen *Deus*. Quædam in omnimoda abstractione, vt hoc nomen, *Essentia*. Quædam medio modo, vt lumen, sapientia, voluntas, & consimilia, & ista dicuntur medio modo significare, quia non concernunt suppositum per modum inhærentia, sed concernunt suppositum ratione eius quod dicunt aliquam rationem actus, vel originis quæ sunt ipsorum suppositorum. Cum igitur tres sint nominum differentia, nomen concretum supponit pro persona proprie: nomen medium supponit partim proprie, partim improprie: nomen abstractum & absolutum, non supponit omnino, nisi improprie, vnde hæc est propria: Deus generat, & in vsum adducenda. Hæc autem: Sapientia generat de sapientia, partim propria, partim impropria: ideo est sustinenda. Hæc autem: Essentia generat, omnino impropria: & ideo neganda est. Et si legatur alicubi, est exponenda. Sancti enim quandoque ad confundendas hæreses, expressius loquuntur, quam proprietas sermonis sustineat.

1. Ad illud ergo quod primo obiicitur, quod essentia & persona non habent diuersas proprietates; dicendum quod diuersitas rationis dupliciter est in diuinis. Vno modo per habere diuersas proprietates, & illud inducit distinctionem, & sic differunt ratione, nec prædicantur de eodem, vt Pater, & Filius. Alio modo est per habere proprietatem, & non habere, & illud non inducit distinctionem, nec facit quod vnum non prædicetur de altero: facit tamen quod aliquid dicitur de vno quod non dicitur de altero, vt patet in Petro, & homine: Petrus est indiuiduum, homo non, & tamen homo vere prædicatur de Petro. Ad illud quod summa oppositio, est affirmationis, & negationis; dicendum quod verum est, vbi negatio nihil ponit, sicut inter aliquid, & nihil: sed vbi ponit extrema, minima potest esse, & surgit ex quantulacumque parua differentia siue rei, siue rationis, vnde non sufficit ad distinguendum.

2. AD ILLUD quod secundo obiicitur, quod prædicatum supponit pro subiecto, dici potest vno modo quod sicut in inferioribus est prædicatio secundum substantiam, vt homo est animal, & est prædicatio secundum rationem, vt animal est genus, & prædicatum supponit pro eo de quo prædicatur secundum substantiam: sed mutata prædicatione secundum substantiam in prædicatione quæ est secundum rationem, est ibi accidens. Vnde non sequitur: Animal est genus, homo est animal, ergo homo est genus. Similiter dicunt in diuinis, quod cum sint ibi res, & ratio, est ibi prædicatio secundum substantiam: & illa saluata, quidquid dicitur de prædicato, & de subiecto: sed mutata prædicatione secundum substantiam, in prædicationem secundum rationem, est ibi accidens, & talis est hæc: Pater generat: sed diuina Essentia est Pater: ergo diuina Essentia generat. Sed ista similitudo non videtur conueniens, quia in diuinis ratio prædicatur de Essentia, vnde hæc est vera: Essentia est paternitas & generatio: quod quidem in inferioribus non reperitur. Propterea aliter dicendum, quod in diuinis est duplex modus prædicandi, per identitatem, & per inhærentiam. Per identitatem, vt cum dicitur: Essentia est Pater. Per inhærentiam, siue denominationem, sicut faciunt adiectiua, & verba. Prædicatio per identitatem est in diuinis ratione summæ simpliciter, quæ non patitur personam minus esse simplicem, quam Essentiam. Quæ quia non est in creaturis: ideo in eis non reperitur prædicatio per identitatem omnimodam, nisi idem enuncietur de se, vt cum dicitur, humanitas est humanitas. Sed omnis propria prædicatio est per inhærentiam, quia

Videtur Scot. refra. 2. q. 4. in resol. q. circa med.

Infra Dist. 14. q. 2.

nihil est omnino simplex, unde hæc est falsa: humanitas est animalitas. In prædicatione vero per inhærentiam, terminus aliud significat, & aliud supponit: quia significat formam communem, & supponit pro inferiori, & in tali verum est, quod illud quod prædicatur de altero, supponit pro illo. Sed in prædicatione per identitatem, idem significat, & supponit. Unde tunc est sensus, quod significatum per hunc terminum, Pater, est idem quod significatum per hunc terminum, Essentia: & ideo paternitas est essentia: & quia hoc nomen, Essentia, non significat personam: ideo pro ipsa non supponit, cum nullo modo de ipsa prædicetur, nisi prædicatione per identitatem.

3. Ad illud quod obiicitur tertio de passione, & subiecto, & consimilibus; dicendum, quod quædam sunt vocabula in diuinis substantialia, quæ claudunt intra se rem, circa quam ponunt formam importatam per ipsa, ut hoc nomen Pater, & talia possunt prædicari per identitatem, ut cum dicitur: Essentia est Pater, id est, ille qui est Pater. Quædam sunt quæ sunt omnino inadiacentia, ut generat, & genitus, & natus, & talia ponunt rem suam circa ea de quibus prædicantur: ideo tantum per inhærentiam prædicantur: & ideo generare ponit distinctionem quam importat circa essentiam, cum de ea dicitur: & ideo hæc est falsa: Essentia generat, hæc tamen vera: Essentia est generatio. Et quando à prædicatione per identitatem, itur ad prædicationem per inhærentiam, potest esse ibi accidens. Quod ergo dicitur: De quocumque prædicatur subiectum, & propria passio: istud habet instantiam, ubi proprietas est extranea ei de quo prædicatur subiectum, ut hæc intentio, species, quamvis sit proprietas hominis, & homo dicatur de Petro, non tamen dicitur de eo hoc quod est species. Et si obiicias: In diuinis non cadit ratio extranei, quia non cadit ibi accidens; dicendum quod si non sit extraneitas, nec diuersitas quæcumque ad rem, est tamen quo ad rationem, siue quo ad modum prædicandi: qui triplex est in diuinis, sicut infra patebit. unde sicut hic est accidens: Essentia est persona; sed persona distinguitur: ergo & essentia, ita in proposito.

4. Ad illud quod ultimo obiicitur de hac: Essentia diuina est Filii Pater, distinguitur à Præpositiuo, quod Pater potest ponere suam rem, siue respectum per ipsum importatum circa ipsum subiectum quod est essentia, & tunc est locutio falsa. Est enim sensus, quod essentia refertur ad Filium. Vel potest claudere intra se rem sui substantiuum, ut sit sensus: Essentia est Pater Filii, id est: Essentia est ille qui refertur ad filium, & hoc modo vera est locutio, & non valet argumentum: ergo Filius est Filius essentia, immo est ibi accidens. Sicut enim non sequitur: Filius refertur ad illum qui est Pater, & ille est essentia: ergo refertur, vel distinguitur ab Essentia, sic & in proposito.

QVÆSTIO II.

An Filius generetur de substantia Patris.

Alex. Alensis 1. p. q. 42. Membrum 4. art. 2.
S. Thomas 1. p. q. 4. art. 1. Et 1. Sent. d. 5. q. 2. art. 1.
Scotus 1. Sent. d. 5. q. 2.
Egid. 1. Sent. dist. 5. 2. p. q. 1.
Richardus 1. Sent. d. 5. q. 3.
Durandus 1. Sent. dist. 5. q. 2.
Franciscus de Mayr. 1. Sent. dist. 5. q. 6.
Ioan. Bacon. 1. Sent. dist. 5. q. 1.
Tho. Arg. 1. Sent. dist. 5. q. 1. art. 4.
Gab. Boet. 1. Sent. dist. 5. q. 2.

Fundamenta.
Auctoritas.
Magistri.
Dicitur.

Verum sit concedendum quod aliquis generetur de substantia Patris, ut Filius. Et quod sic, videtur per multas auctoritates in littera, & maxime per illam: Dicitur quoque, & frequenter in scriptura legitur: Pater de sua substantia genuisse Filium: sed scriptura non dicit nisi verum, nec frequentat nisi proprium: ergo prædictus sermo est verus & proprius.

Item ratione ostenditur sic: Quicumque est ab alio,

& est ei consubstantialis, est de eius substantia: sed si Filius est à Patre, & est ei consubstantialis: ergo est de eius substantia.

Item Pater generat Filium: aut ergo de aliquo, aut de nihilo: non de nihilo, quia tunc esset creatura: ergo de aliquo, & non de aliquo alio à se: ergo de sui substantia.

Item in inferioribus: Filius qui habet partem substantia à patre, dicitur esse de substantia patris: ergo multo fortius, qui habet totam substantiam, dicitur esse de substantia generantis: ergo hæc est vera: Filius est de substantia Patris.

1. CONTRA: Præpositiones sunt transitivæ, & ubi transitio, ibi etiam est distinctio, & diuersitas: ergo cum dicitur filius de substantia patris, hæc præpositio denotat distinctionem inter substantiam Patris, & Filium: ergo cum nulla sit distinctio, quia Filius est substantia patris, præpositio prædicta est falsa. Si dicas quod hæc præpositio, de, cadit à generali significato præpositionum, retinens speciale: ergo est ibi solecismus, sicut si dicitur, sublime volat, pro sublimiter, quod stultum est dicere.

2. Item obiicitur de significato speciali. Hæc præpositio, de, prout accipitur specialiter, aliquando tenetur materialiter, ut cultellus de ferro. Aliquando ordinaliter, ut de mane fit meridies, id est post mane. Aliquando originaliter, ut si dicatur, radius de Sole, vel splendor de igne. Sed quocumque istorum modorum accipiat, falsa est locutio. Si materialiter, est falsa, quia filius caret materia. Si ordinaliter, falsa: quia sensus est, quod filius sit post patrem, siue post substantiam patris. Si originaliter, similiter falsa: quia tunc est sensus, quod filius habeat ortum à substantia patris: sed ista non admittitur: Substantia patris generat Filium: ergo est omnino falsa. Si dicas, quod nullo istorum modorum: sed tenetur quarto modo substantialiter: queritur unde ortum habeat hæc significatio, & ubi similiter accipitur: & videtur quod hoc nihil sit quia tunc hæc esse, vera, pater est de substantia filii: quam nemo concedit.

3. Item hoc idem ostenditur sic: Differt hæc præpositio, de, & a: quia a, proprie dicit habitudinem principii actiui: sed hæc præpositio, de, dicit habitudinem principii passiui: sed Deo, & eius substantia magis conuenit ratio principii actiui, quam passiui: ergo hæc est magis vera: Filius est à substantia patris, quam, de, sed hæc non recipitur: ergo nec alia debet recipi.

4. Item, de, aut dicit identitatem, aut diuersitatem. Si identitatem: ergo cum summa identitas sit in essentia, vel substantia, hæc erit vera: Substantia est de substantia quam negat Magister. Si diuersitatem: sed non distinguitur substantia Patris à Filio: quia Filius est ipsa substantia Patris: ergo omnino est falsa.

CONCLUSIO.

Concedendum est, Filium generari de Substantia Patris.

RESP. Ad arg. Dicendum quod prædicta locutio est concedenda. Et ad intelligentiam prædictorum notandum, quod præter prædictos tres modos, quibus hæc præpositio, de, accipitur. quarto modo potest etiam accipi, scilicet substantialiter, ut dicat substantialem conuenientiam inter extrema: sed hanc nunquam pure dicit, cum sit præpositio, & importer aliquam habitudinem, & respectum ad extrema. Si enim tantum substantialiter tenetur, sicut dicitur, filius de substantia patris, ita diceretur, pater de substantia filii, quod absolum est. Propterea notandum, quod substantialiter accipi consuevit tripliciter. Aliquando enim accipitur substantialiter, & partialiter: ut cum dicitur quod partes sunt de toto, siue de substantia totius, ut viceus vini de dolio. Aliquando accipitur substantialiter, & ordinaliter, ut cum dicitur de pane fit corpus Christi, ibi enim est ordo: quia substantia panis

Magister ita exponit: Filius est de substantia Patris, scilicet de Patre, qui est substantia.

ria panis non manet in corpore Christi, sicut nec manet in meridie: sed ulterius substantialiter, quia substantia panis transit in substantiam corporis Christi. Aliquando dicitur substantialiter, & originaliter, ut cum dicitur: Filius de substantia Patris, ratione ablatiui tenetur substantialiter, ratione genitiui originaliter: & ideo importat aliquam distinctionem Filii ad Patrem, non ad eius substantiam, & ita præpositio teneri ibi generale significatū, & speciale.

1. Et sic patet responsio ad primum argumentum, & secundum. Tamen quod dicitur quod præpositiones sunt transitiuæ, non intelligitur quod notent ex hoc diuersitatem necessario: sed sicut dicitur quod obliqui sunt transitiui quantum ad modum: quia transitiue construuntur cum verbis, ut video me: similiter hoc de præpositionibus dicitur, quæ etiam cum obliquis construuntur.

3. Patet etiam tertium, quod de, non tantum dicit habitudinem principii actiui, nec tantum habitudinem principii passiui: sed habitudinem consubstantialitatem, cum habitudine originis, quod non facit hæc propositio, & ideo non est simile.

4. Ad illud quod ultimo obiicitur, patet responsio, quod non dicit ibi penitus idētitatem, nec diuersitatem: sed consubstantialitatem cum habitudine originis.

ARTICULVS II.

Consequenter circa secundū Articulum huius Quæstionis, qui est per comparisonem generationis ad Essentiam in ratione termini, duo quæruntur. Primo quæritur utrum Substantia siue Essentia generetur. Secundo utrum per generationem communicetur.

QVÆSTIO I.

An Substantia, vel Essentia generetur.

Alexander Alesius 1. q. 42. Membr. 3. art. 1.
 Scotus 1. Sent. dist. 5. q. 1.
 Richardus 1. Sent. dist. 5. q. 2.
 Franciscus de Mayr 1. sent. dist. 5. q. 2.
 Tho. Arg. 1. Sent. dist. 5. q. 1. art. 2.
 Greg. Arim. 1. Sent. dist. 5. q. 1.
 Gabr. Biel. 1. Sent. dist. 5. q. 2.

QVod Substantia generetur, sic obiicitur. Generatio in inferioribus est motus ad substantiam: quod motus est, hoc est imperfectionis: quod ad substantiam est, hoc est perfectionis. Si ergo quod est perfectionis est transferendum ad diuina: ergo generatio terminatur ad Essentiam.

2. ITEM generatio in diuinis terminatur: aut ergo ad substantiam, aut ad accidens, quia omne ens est substantia, vel accidens: sed in diuinis non terminatur ad accidens, cum non sit ibi: ergo ad substantiam. Situ dicas, quod in diuinis quamuis non sit accidens, est tamen relatio, quæ distinguitur à substantia: tunc arguitur sic: Aut generatio terminabitur ad substantiam, aut ad relationē: sed non ad relationem, quia in ad aliquid per se non est origo, nec terminatur productio: ergo terminatur ad substantiam: ergo substantia generatur.

3. ITEM sicut dicit Philosophus, motis nobis, moventur ea quæ in nobis sunt: & corruptis nobis, corrumpuntur ea quæ in nobis sunt, & hoc est quia vniuersale habet idem esse cum singulari: ergo cum multo magis sit eadem substantia cum persona, & substantia sit in persona, si persona generatur & substantia.

4. ITEM generare tam in diuinis, quam in creaturis, est simile sibi producere: sed non est similitudo in persona: sed in substantia, & natura: ergo cum terminetur ad simile, in quantum est simile: ergo ad substantiam secundum quam attenditur similitudo.

CONTRA: Omne quod generatur, ab alio generatur, quia nihil seipsum gignit: sed substantia diuina non habet alium: nec aliud est in diuinis: ergo non generatur.

ITEM omne quod generatur habet principium à quo: sed omne quod habet principium est principiatum: sed principium, & principiatum distinguuntur: si ergo substantia generatur, distinguitur: aut ergo à substantia, aut à persona: sed utrumque est impossibile: ergo &c.

ITEM omne quod generatur est de substantia generantis: si ergo substantia, vel essentia generatur, substantia, vel essentia est de substantia generantis: sed non est nisi vna substantia: ergo idem de seipso, quod est impossibile.

ITEM generatio est productio: sed productio est quedam actio, & omnis actio creaturæ terminatur ad singularia: ergo cum generatio sit quedam actio, in diuinis terminabitur ad singulare, siue suppositum: sed tale non est substantia: ergo non terminabitur ad ipsam.

CONCLUSIO.

Substantia non generatur, si pro Essentia, & forma intelligatur: sed Suppositum, vel persona gignitur.

RESPON. ad arg. Generatio de sua communi ratione ad substantiam terminatur: sed attendendum quod substantia dicitur dupliciter. Prima quæ est indiuiduum, & hypostasis, siue persona: & secunda quæ est, commune. Dico ergo quod est loqui de termino generationis dupliciter, aut quantum ad productionem, aut quantum ad intentionem. Quantum ad productionem, cum sit circa singulare, terminatur ad substantiam primā. Quantum vero ad intentionem, ad naturam communem, quia hæc natura producit hunc hominem, intendit formā communem dare ei. Sed quoniam in creaturis forma communis numeratur in suppositis: ideo in illis forma communis producit, & corrumpitur, & ideo in creaturis generatio non tantum secundum intentionem, sed etiam secundum productionem ad substantiam communem terminatur: & ideo vniuersale in singulari generatur, quia numeratur. Sed quoniam in diuinis substantia non numeratur, nec aduenit ei nouum esse: ideo generatio secundum productionem terminatur solum ad substantiā primā, quæ est persona, quia persona secundum Boetium, est rationalis naturæ indiuidua substantia. Sed quia illud solum dicitur generari proprie, ad quod terminatur generatio secundum rationem producendi: ideo persona generatur, non Substantia, vel Essentia. Et ideo hæc non recipitur: Essentia generatur.

Et sic patent omnia obiecta ad utramque partem: procedunt enim de diuersis viis. Patet etiam quare in diuinis non sequitur, quod generata persona, substantia generetur, sicut in creaturis. Posset tamen aliter dici, quod non generetur commune, nisi ut in hoc: & non tantum in creaturis hoc verum est: sed etiam in diuinis. Commune autem ut in hoc, non significatur in abstractione, sed in concrectione, & ideo quia hoc nomē, Deus, significat substantiam in concrectione: ideo in concrectione, Deus generatur, & Deus generat Deum. Quia vero substantia, vel essentia significat in abstractione: ideo nec generatur, nec generatur, & ita procedunt rationes ad partes oppositas.

QVÆSTIO II.

An Essentia diuina per generationem communicetur.

Petrus Aureolus 1. Sent. dist. 5. q. 5.
 Steph. Brulef. 1. Sent. dist. 5. q. 4.

UTrum Substantia per generationem communicetur, & quod sic, videretur hoc modo Per illud res communicatur, per quod fit ut sit in pluribus: sed substantia est in pluribus personis, & non est nisi per generationem, & per processionem: ergo per generationem communicatur.

ITEM causa est, qua posita ponitur res, & qua remota remouetur: sed posita emanatione in diuinis ponitur

Arif. 1. d. gener. 1. c. 1.

Boetius de duabus naturis, & una persona.

Fundamenta.

5. Met. c. 2. context. 2.

communitas: & distinctio, remota generatione, vel emanatione: Essentia est in vno solo, sicut hypostasis: ergo generatio est ratio communicandi Essentiam.

ITEM quod datur alicui, & non definit haberi à dante, per idem per quod datur, per illud communicatur. Sed substantia à Patre datur Filio per generationem, & non definit haberi à Patre, dum datur Filio: ergo per generationem communicatur.

ITEM generatio in his inferioribus est ratio communicandi substantiam, siue naturam: sed in diuinis natura est illis multo communicabilior, quia simplicior: ergo in diuinis per generationem substantia, vel essentia communicatur.

Ad oppo.

7. Meth.
contex. 31.
Forma in
est non fit.

1. CONTRA: Generatio est principium distinguendi: sed non est idem principium distinguendi, & comunicandi: ergo generatio non est ratio communicandi in diuinis: ergo per generationem nihil communicatur.

2. ITEM quod facit aliquid esse in hoc, non est ratio communicandi: sed appropriandi, & indiuiduandi: sed generatio facit esse substantiam in tali persona, utpote in persona Filij: ergo non est ratio comunicandi: sed appropriandi.

3. ITEM per generationem communicatur omne illud quod per generationem est commune. Si ergo substantia per generationem communicatur, per generationem est communis. Si ergo substantia per generationem communicatur, generatione circumscripta, non erit communis: ergo propria. Sed proprium per generationem non potest communicari: ergo nec substantia.

4. ITEM quod per generationem communicatur, per generationem datur, & recipitur: & omne tale, si non est generationi accidentale, generatur: sed substantia non accidit generationi: ergo, &c.

CONCLUSIO.

Essentia diuina per generationem communicatur, quia per generationem fit, ut sit in pluribus vna.

RESP. Ad arg. Ad hæc intelligendum notandum est quod commune quantum est de se, indifferenter se habet ad actum & potentiam. Commune enim potest dici illud quod est communicabile, quamuis non sit in pluribus: sicut patet in multis vniuersalibus, ut in Sole, & Luna, & huiusmodi. Commune etiam dicitur communicatum, quod est actu in pluribus. Dico ergo quod quemadmodum forma vniuersalis quantum est de se, communicabilis est: sed tamen actu non communicatur nisi per propagationem, vel aggregationem plurium: sic Natura diuina, vel Essentia de se quidem communicabilis est: sed quod actu communicetur, non est nisi per id quod multiplicat vel plurificat ei supposita: hæc autem est generatio. Quoniam ergo per generationem personæ plurificantur, & substantia in illis non numeratur, hinc est, quod verissime Substantia, vel Essentia per generationem communicatur, quia per generationem fit, ut sit in pluribus vna.

Concl. minus princ

C&el prin
cipalis.

1. Ad illud quod obiicitur quod generatio est principium distinguendi, dicendum quod generatio est per se principium distinguendi suppositum à supposito: quia ad id terminatur per se, & est principium comunicandi naturam communem: quia consimilem ex simili. Sed quoniam natura in inferioribus numeratur in suppositis: ideo est principium distinguendi etiam commune: sed per accidens: in Deo autem, nec est per se: nec per accidens.

2. Ad illud quod obiicitur quod facere commune esse in hoc, est ratio appropriandi, dicendum, quod illud habet veritatem, quando est commune appropriabile, vel appropriatum per esse in hoc. Diuina autem Essentia non est sic appropriabilis, vel appropriata per esse in hoc: quia non est appropriabilis, quod ad significatum, nec quo ad suppositum, quia idem significat, & supponit, sicut supra ostensum est: significatum autem eius nulla additione distinguitur. Hæc enim est vera: Essentia

A Patris, & essentia quæ est in Patre, est Filius. Vel aliter potest dici, quod facere esse in hoc est dupliciter: aut absolute, & sic est ratio appropriandi: aut in comparatione, ut illud quod erat prius in vno, fiat postea in alio, & sic est ratio comunicandi naturam. Sed quædam natura est quæ diuiditur in suppositis, utputa illa cui fit additio: quædam non, ut diuina: & in prima est ratio comunicandi, & distinguendi: in diuina solum comunicandi.

3. Ad illud quod obiicitur, quod si per generationem communicatur substantia, fit per generationem communis substantia: dicendum quod verum est secundum quod commune dicitur secundum actum, quia in pluribus: sed non secundum potentiam, unde circumscripta generatione, substantia est communis, quia comunicabilis: sed non est communis, quia comunicata.

4. Ad illud quod obiicitur, quod illud quod per generationem datur, generatur, dicendum quod falsum est: quia generari dicit productionem, & distinctionem: sed ratio dicit auctoritatem, & communicationem: quia per generationem substantia non distinguitur, quamuis comunicetur: ergo, &c.

QVOD PATER NEC VOLUNTATE GENVIT FILIVM: NEC

NECESSITATE: SICVT NEC

VOLENS, NEC NOLENS
est Deus.

DISTINCTIO VI.



PATEREA queri solet, utrum Pater genuerit Filium voluntate, an necessitate. De hoc Orosius ad Augustinum ita ait: Voluntate genuit Pater Filium, vel necessitate: sed nec voluntate, nec necessitate: quia

necessitas in Deo non est, præire voluntas sapientiam non potuit. Quocirca, ut Augustinus ait in 15. libro de Trinitate, ridenda est Dialectica Eunomij, à quo Eunomiani heretici orti sunt, qui cum non potuissent intelligere, nec credere voluissent unigenitum Dei Filium Verbum Dei, esse natura, id est, de substantia Patris genitum, non natura vel substantia dixit esse Filium, sed Filium voluntatis Dei volens asserere, accedentem Deo voluntatem, quæ gigneret Filium, sicut nos aliquando aliquid volumus quæ antea non volebamus, propter quod mutabilis intelligitur nostra natura, quod absit, ut in Deo esse credamus. Dicamus ergo Verbum Dei esse Filium Dei natura, non voluntate, neque necessitate, ut docet Augustinus in 15. libro de Trinitate: ubi quendam Catholicum heretico respondentem commendat, dicens: Acute sane quidam respondit heretico versutissime interroganti, utrum Deus Filium volens, vel nolens genuerit: ut si diceret nolens, absurdissima Dei miseria sequeretur: si autem volens, continuo quod intendebat, concluderet scilicet non natura esse Filium sed voluntatis. At ille vigilantissime vicissim quæsiuit ab eo, utrum Deus Pater volens, aut nolens sit Deus: ut si responderet, nolens, sequeretur grandis absurditas, & miseria, quam de Deo credere magna est insania: si autem diceret, volens, responderetur ei, ergo & ipse voluntate sua Deus est, non natura. Quid ergo restabat, nisi ut obmutesceret, sua interrogatione obligatum indissolubili vinculo se videns? Ex prædictis docetur non esse concedendum, quod Deus voluntate, vel necessitate, vel volens, vel nolens sit Deus. Item quod voluntate, vel necessitate, vel volens, vel nolens genuerit Filium.

Oppositio contra prædicta.

Sed contra hoc opponitur sic: Voluntas Dei est Natura, siue Essentia Dei, quia non est aliud Deo esse, aliud velle: & ideo sicut una est Essentia trium personarum, ita & una voluntas

n Dialo
2. q. 65.
9. 7. 10. 4.

Cap. 10.

Ibidem.
Et in
quæst. ad
Orosium
S. 1. 1. 1.

Si ergo Deus natura Deus est, & voluntate Deus est: & si Verbum Dei natura Filius Dei est, & voluntate Filius Dei est. Hoc autem facile est refellere: nam & præscientia Dei, siue scientia qua scit vel præscit bona & mala, diuina natura siue essentia est: & prædestinatio, siue voluntas eius eadem diuina Essentia est, nec est aliud Deo scire & velle, quam esse: Et cum sit unum & idem scientia Dei, vel voluntas, non tamen dicitur de voluntate quid quid dicitur de scientia, & econuerso. Nec omnia illa sua voluntate Deus vult, quæ sua scientia scit, cum sua scientia nouerit tam bona quam mala, voluntate autem non vult nisi bona. Scientia quippe Dei & præscientia de bonis est & malis: voluntas vero & prædestinatio de bonis est tantum, & tamen unum & idem in Deo est scientia & voluntas, & præscientia & prædestinatio. Ita cum unum sit natura Dei & voluntas, dicitur tamen Pater genuisse Filium natura, non voluntate: & esse Deus natura, non voluntate.

Qualiter intelligenda sint illa verba: Pater nec nolens, nec volens Deus est, nec volens, nec nolens genuit Filium.

Prædicta tamen verba, quibus prudenter dictum est, quod Deus Pater nec volens, nec nolens est Deus, nec nolens nec volens genuit Filium, siue voluntate, siue necessitate, ex tali sensu mihi videntur accipienda, ut voluntate præcedente, vel accedente intelligamus, qualiter Eunomius intelligebat. Non enim ipse Deus est voluntate præcedenti, vel efficienti, vel volens priusquam Deus: nec voluntate præcedenti, vel accedenti genuit Filium, nec prius volens, quam generans genuit Filium, nec prius generans, quam volens, genuit Filium: volens tamen genuit, sicut potens genuit, & bonus genuit Filium, & sapiens genuit, & huiusmodi. Si enim Pater sapiens, & bonus, dicitur genuisse Filium, cur non & volens: cum ita sit Deo idem esse volentem, quod est esse Deum, sicut idem est esse sapientem, quod est esse Deum. Dicamus ergo, Quia Pater sicut sapiens, ita volens genuit filium: sed non voluntate præcedenti, vel accedenti. Quem sensum aperit Hieronymus, & confirmat ita dicens super epistolam ad Ephesios: De Filio Dei, id est, de Domino Nostro Iesu Christo, in alio loco scriptum est: quia cum Patre semper fuit, & nunquam cum, ut esset, paterina voluntas præcessit: & ille quidem natura Filius est.

DISTINCT. VI.

De comparatione actus generandi ad potentiam.

Præterea quæri solet, utrum Pater genuerit Filium voluntate, &c.

Expositio textus.

IN parte ista ponit Magister dubitationes emergentes ex comparatione actus generandi ad potentiam. Et quoniam contingit comparari actum generandi ad potentiam, & potentiam generandi ad suppositum, & ex utraque comparatione incidit dubitatio circa essentia unitatem: ideo primo ponit dubitationem ex comparatione actus generandi ad potentiam. Secundo ponit dubitationem ex comparatione potentia generandi ad personam, infra distinct. 7. Hic solet quæri à quibusdam, &c.

ITEM prima pars, quæ continet præsentem distinctionem, habet quatuor particulas. In prima proponit quæstionem. Vtrum potentia, vel virtus generandi sit producens necessitate, vel voluntate, & determinat unitatem huius quæstionis. Secundo ad istam quæstionem

A respondet contra hæreticum hominem arguendo, ibi: Dicamus ergo, Verbum Dei esse filium Dei. Tercio vero opponit contra prædictam solutionem, & respondet ibi: Sed contra hoc opponitur sic: Voluntas Dei, &c. Quarto, & ultimo reddit ad explanationem primæ solutionis, ibi: Prædicta tamen verba, quibus prudenter dictum est, ubi explanat solutionem præhabitam.

Nec voluntate, nec necessitate. Dub. I.

Videtur sufficiens diuifio. Omne enim quod Deus facit, aut facit naturaliter, & sic necessario: aut voluntarie. Si tu dicas quod ipse respondet ad intellectum hæretici, & hæreticus intelligit de voluntate antecedente, & necessitate inuitabilitatis: obicitur quod oratio nihilominus in se est multiplex. Sed qui respondet orationi multiplici simpliciter affirmando vel negando, male respondet secundum quod dicit Philosophus, ergo, &c.

RESP. Dicendum quod Augustinus respondet secundum intellectum hæretici: quamuis autem oratio in se sit multiplex, quia tamen hæreticus in vno sensu eam accipit, iam multiplicitas illa non faceret ad soluendum, quia non procedit secundum illam. Sed distinctio propositionis multiplicis, quando secundum illam multipliciter non cadit deceptio, magis est ad ostentationem, quam ad veram responsionem.

Verbum Dei, esse Filium Dei natura, non voluntate. Dub. II.

C Videtur non bene dicere, quia Pater alio est Deus, alio est Pater, quia diuinitate est Deus, & paternitate est Pater, ut dicit Augustinus. Sed Filius est Deus, natura diuinitatis: ergo hac non dicitur Filius: sed ipsa filiatione.

RESP. Dicendum quod ille ablatius potest construi formaliter, & sic falsa est: quia formaliter alio est Deus scilicet natura, & alio Filius. Potest iterum construi originaliter, & in ratione principii, & sic vera est, & est sensus, quia Filius ortum habet à Patre naturali.

Acute sane quidam respondit, &c. Dub. III.

Contra: Augustinus commendat istam solutionem, quæ non est commendanda, quia multiplicare inconueniens, non est soluere.

D RESP. Dicendum quod est solutio ad hominem, & est solutio ad rationem, & aliquando melius & vtilius est soluere ad hominem quam ad rationem, ut puta, quando respondens est discipulus, & non vult intelligere veritatem, & quando assistentes sunt simplices, & non possunt capere veritatem, & subtilitatem: ideo quia hæreticus veritatem respuebat, & aduersabatur: idcirco aduersanti erat aduersandum, & tali modo, quo magis priuaretur gloria, & assistentes fallacia. Ideo commendat istam responsionem Augustinus quod manifeste opponentem sua quæstione ligauit. Hunc ergo modum respondendi docuit Dominus cum dixit: Baptismus Ioannis de cælo erat, an de hominibus? &c.

ITEM quæritur cum non sit responsum ad rationem, quo modo respondendum sit. Videtur quod diuifio hæretici sit per immediata, quia velle & nolle opponuntur contradictorie: inter quæ non cadit medium: & dicendum ad hæc quod hæreticus quærit de voluntate accedente, siue de antecedente, & tunc neutra pars est vera, nec sunt membra opposita contradictorie, sed contrarie. Nolle enim & velle dicunt actus voluntatis contrarios, inter quos cadit medium. Aliquid enim est, respectu cuius voluntas non habet rationem causæ, nec repugnantia, & ita patet illud.

Nam & præscientia. Dub. IV.

Videtur falsum dicere de scientia Dei, & præscientia de bonis & malis. Dicit enim Gloss. super illud Psalmi: Quæ ignorabam interrogabant me, &c. Ars nescit vi-

Arist. i. Ethic. c. 3. & 14.

Aug. lib. 7. de Trin. c. 6. to. 3.

Matth. 21. c.

Glossa in hunc locum. Psal. 34. b.

tium: sed in Deo est ars artium, ergo, &c. Si dicas quod nescit per modum practicum, sed speculationis. Contra: Illud solum scit hoc modo quod in eo relucet: sed in Deo non relucet mala: ergo, &c.

Diff. 39.

1. de an.
conson. 35.

ITEM videtur Magister non soluere argumentum: multiplicare enim inconueniens, non est soluere.

RESP. Dicendum quod sicut infra dicitur: Deus cognoscit bona in seipso & mala per seipsum, sicut rectum iudicat de obliquo, & lux de tenebra: nec oportet, quod in Deo luceat malum: sed sufficit quod luceat in eo mali oppositum.

Ad illud quod obiicitur de solutione Magistri, dicendum quod solutionem non ponit: sed innuit contra arguendo, quasi dicat ex eo quod est ex illo, idem non potest inferri ex altero: quia quamuis sint idem in essentia: tamen diuersa sunt connotata.

Prædicta tamen, &c. Dub. V.

Lib. 2. c. 22
post mod.
de orib. fid.

Item quæritur de hoc quod dicit Hilarius in notula circa istum §. Prædicta tamen, quod sancta Ecclesia anathematizauit eos, qui dicunt, Deum non generare consilium, &c. Videtur enim contradicere Damasceno dicenti: Quia in Deo non est consilium, quia consilium est ignorantis naturæ.

RESP. Dicendum quod consilium dicitur dupliciter. Vno modo dicitur consulere, accipere consilium, & sic dicit ignorantiam, & similiter consilium dictum ab hoc. Alio modo consulere dicitur dare consilium, & hoc modo dicit scientiam, & potest transferri ad diuina. Deus enim nullo modo accipit consilium aliunde. Vnde notandum quod in consilio duo sunt. Est ibi cognitio rei occultæ, & est ibi dispositio firma: quoniam ergo in Deo est verissima cognitio occultorum, & inuariabilitas, ideo recte in ipso dicitur esse consilium. Vnde* Gregorius: Deus mutat sententiam: sed non consilium.

* Libro 16
Moral. c. 4
10. 2. in E-
dit. Rom.

ARTICVLVS I.

AD euidentiam huius partis tria principaliter quæruntur. Primo quæritur vtrum generatio filii sit secundum conditionem necessitatis. Secundo, vtrum sit secundum rationem voluntatis. Tertio vtrum secundum conditionem exemplaritatis.

QVÆSTIO I.

An necessario in diuinis sit generatio Filij.

Alexander alensis 1. p. q. 42. Membros. art. 1.

S. Thomas 1. p. q. 41. art. 2.

Egidius Rom. 1. Sent. dist. 6. q. 2.

Richardus 1. Sent. dist. 6. q. 1.

Franciscus de Mayr. 1. Sent. dist. 6. q. 3.

Thom. Arg. 1. Sent. dist. 6. q. 2. art. 2.

Funda-
menta.

QUOD generatio sit secundum conditionem necessitatis, sic ostenditur. Fecundior & actualior est natura in Patre ad producendum Filium, quam sit in luce ad producendum radium: sed lucem necesse est radium producere, ita quod productio in ipsa est secundum conditionem necessitatis: ergo multo fortius in Patre respectu Filij.

ITEM omne quod emanat ab alio, emanat secundum conditionem necessitatis, aut contingentie: ergo & Filius emanat altero istorum duorum modorum: sed non secundum conditionem contingentie, quia tunc contingens esset Filius generari: ergo.

ITEM ab Omnipotente detrahere maximum posse, est impossibile: sed Deus Pater est Omnipotens, cuius maximum posse est generare Filium: ergo detrahere ei, posse generare Filium: est impossibile. Sed in æternis potentia est coniuncta actui: ergo pari ratione impossibile est auferre actum generationis: ergo impossibile est non generare: sed impossibile non esse, & necesse esse conuertuntur: ergo necesse est generare.

1. CONTRA: Augustinus ad Orosium, & Magi-

419. 3.
hyf. com-
sent. 32.

ster dicit in littera: Nec voluntate, nec necessitate genuit Pater Filium, quia necessitas in Deo non est: id eo, &c.

2. ITEM Hilarius in libro de synodis: Non naturali necessitate ductus Pater genuit Filium: ergo non fuit ibi necessitas naturalis, nec necessitas alia, ut videtur, ergo, &c.

3. ITEM nobilius produciens est illud quod dominatur suæ actioni quam quod subiaceret: sed agens secundum rationem necessitatis subiaceret actioni: quia vel it, oportet ipsum facere: ergo simpliciter Pater qui est nobilissimum agens, nobilissimo modo producit Filium: non igitur secundum conditionem necessitatis.

4. ITEM hoc idem potest ostendi sic: Quod gratis datur, nō de necessitate datur. Sed Richardus dicit quod in Patre est amor gratuitus, quo dat esse Filio, & Spiritui sancto: si ergo gratis dat, non dat necessario.

1. de Trin.
c. 19. & 21.

CONCLUSIO.

Generatio necessario est in diuinis, necessitate immutabilitatis, non exigentia, aut coactionis.

RESP. ad arg. Ad prædictorum intelligentiam est notandum quod multiplex est necessitas. Quædam enim est necessitas proueniens ex principio disconueniente. Quædam ex principio deficiente. Quædam ex principio conueniente, & sufficiente. Illa autem quæ prouenit ex principio disconueniente, est duplex. Aut enim est ex ipso mouente contra naturam, & hæc est necessitas violentiæ: aut contra voluntatem, & est necessitas coactionis, & de illis duobus modis quærit hæreticus, qui sunt valde vsitati. Illa similiter quæ est ex principio deficiente, est duplex. Aut enim est respectu eius quod res est nata compleri, & hæc est indigentia necessitas, ut cibi, & potus, & de hac dicit Ioannes: Qui viderit fratrem suum necesse habere, &c. Aut respectu eius quod incurrit ex ipso defectu, & hæc est necessitas inuitabilitatis, qualis est in morte, & in primis motibus: hanc necessitatem incurrit homo ex carentia originalis iustitiæ. Psalmus: De necessitatibus meis erue me. Tertia est similiter duplex, quæ est ex principio sufficiente & conueniente. Aut enim ex principio sufficiente in disponendo, & hæc est necessitas materiæ dispositæ quæ potest dici necessitas exigentiæ: aut in complendo, & hoc immutabilitatis est necessitas. Et hoc ultimo modo necessitas cadit in Deo, & principaliter in Deo: quia ipse solus est qui principaliter sibi omnino sufficit, & qui secum omnino conuenit. Hæc autem necessitas non repugnat libertati voluntatis, sed solum vertibilitati, qualis non est in Deo.

Necessitas quod modis accipitur.

106. 3. 6

Psalm. 24. 4

1. Ad illud quod obiicitur de littera, dicendum quod illud intelligitur de necessitate coactionis, quæ nullo modo cadit in Deum, & de hac quærebat hæreticus.

2. Similiter & Hilarius intelligit de hac eadem: vnde subiungit in littera: non naturali necessitate, cum nollet: tunc ibi enim esset coactio, dum repugnaret voluntas.

3. Ad illud quod obiicitur, quod agens per necessitatem subiaceret suæ actioni, dicendum quod falsum est, nisi sit necessitas repugnans voluntati. Cum enim est necessitas repugnans, necesse est voluntatem subiacere, quia non potest præualere. Sed quando est necessitas summe consonans non potens discordare à voluntate, tunc nullam inducit subiectionem, sicut patet. Deus necessario est beatus, & necessario vult esse beatus: & sicut necessarium est ipsum esse beatum ita & velle: sic intelligendum est in generatione filij.

4. Ad illud quod obiicitur de amore gratuito, dicendum quod duo sunt in gratuito amore, vnum est quod dat liberalitate mera, ita quod nulla est exigentia, siue debitum meriti, vel naturæ. Aliud, quia dat sine retributione, & quantum ad hoc secundum, dicitur amor gratuitus in patre, non quantum ad primum: nam fecunditas patris necessario est ratio communicandi naturam.

QVÆSTIO

QVÆSTIO II.

An generatio in diuinis sit secundum rationem voluntatis.

Alex. Alensis 1. p. q. 42. Membr. 5. art. 1.

S. Thom. 1. p. q. 41. art. 2.

Scot. 1. Sent. dist. 6. q. 1.

Egid. Rom. 1. Sent. dist. 6. 2. p. q. 2.

Rich. 1. Sent. dist. 6. q. 2.

Franciscus de Mayr. 1. Sent. d. 6. q. 1.

Durandus 1. Sent. dist. 5. q. 1.

Ioan. Bacon. 1. Sent. dist. 6. q. 1.

Thom. Arg. 1. Sent. dist. 6. q. 1. art. 3.

Gabr. Biel. 1. Sent. dist. 6. q. 1.

Fundam.
12.
Cap. 20.

Aug. 15. de
Trinit. 10.
num. 3.

Ratio
est Aug. ad
Origen. q. 7.
num. 4.

Ad opposi-
tum.

Aug. 9. de
Trinit. 11.
num. 3.

Vtrum generatio Filij sit secundum rationem voluntatis. Et quod non. Videtur primo per auctoritates, secundo per rationes. Primo ostenditur per auctoritatem Hilarij qui dicit in li. de Synodis: Omnibus creaturis substantiam Dei voluntas attulit: sed Filio natura dedit.

ITEM Augustinus reprehendit Eunomium qui posuit filium Dei esse Filium voluntatis: ergo si recte reprehendit, generatio Filij non est secundum rationem voluntatis.

ITEM rationibus ostenditur sic: Generatio quantum est de se est exitus naturalis, siue per modum naturæ. Sed ille est alius modus producendi quam per voluntatem: ergo, &c.

ITEM Filius est sapientia Patris: ergo si procedit secundum rationem voluntatis, voluntas est prior sapientia: sed hoc est inconueniens, quia cognitio secundum rationem intelligendi præcedit affectionem, siue voluntatem.

1. **S**ED contra: In omni natura ordinata potentia naturalis subiacet voluntati, vel saltem conformatur voluntati, sicut patet in primo homine: sed in Deo est natura ordinatissima: ergo nihil est à natura, vel per naturam, quod non sit per voluntatem.

2. **I**TEM ad hoc est auctoritas Hilarij in 3. de Trinit. Pater ante omne tempus Filium procreauit, omne quod est Deus per charitatem natiuitati eius impartiens: si per charitatem: ergo per voluntatem.

3. **I**TEM Origen. loquens de mente diuina dicit: Germen proferens voluntatis sit Verbi Pater: ergo videtur quod Filius generetur à Patre per voluntatem, & quod sit Filius voluntatis.

4. **I**TEM consimilis est modus producendi in trinitate creata, & in Trinitate increata: sed in imagine, notitia oritur mediante voluntate à mente: ergo Filius à Patre mediante voluntate, siue per voluntatem. Minor patet per Augustinum: Partum mentis præcedit appetitus, quod dum querendo inuenimus quod nosse volumus, nascitur proles, ipsa notitia.

5. **I**TEM ubi est maior communicatio, ibi est liberalitas maior: sed Pater plus communicat Filio, quam omnibus creaturis: ergo maior est ibi liberalitas: ergo cum creaturæ procedant per modum liberalitatis, multo magis Filius, & sic, &c.

6. **I**TEM in creaturis existentibus in actu generationis, simul mouet natura & voluntas, & nihil ex hoc Filio derogatur: ergo si Pater magis producit secundum se totum, quam creatura: ergo multo fortius per naturam, & voluntatem.

CONCLUSIO.

Generatio Filij est secundum voluntatem complacentia, & non secundum voluntatem que sit principium cum communicante natura.

RESP. ad arg. Dicendum quod voluntas potest dupliciter considerari respectu voliti, scilicet vt in ratione approbantis, & diligentis, & sic est respectu omnis boni, siue sit necessarium, siue sit contingens, siue creatum, siue increatum, siue ab alio, siue non ab alio, vt patet. Hæc e-

Anim vera est: Pater vult esse Deus. Alio modo consideratur vt in ratione producentis. Et hoc dupliciter, aut prout est principium distinctum contra naturam, secundum quod dicitur quod alia sunt natura, alia voluntate, aut prout est coniunctum. Si prout est principium distinctum, sic distinguitur voluntas dupliciter, scilicet accedens, & antecedens: voluntas accedens est qua aliquis de non volente fit volens, hæc non est in Deo, nec respectu Dei, Deus enim non habet aliam nouam voluntatem, nec respectu sui, nec respectu alterius. Voluntas antecedens præcedit effectum causalitate, & duratione: hæc quidem est in Deo sed non respectu Dei, sed respectu creaturæ solum, omnes enim diuinæ personæ sunt simul. Alio modo prout voluntas consideratur vt principium coniunctum naturæ, potest esse dupliciter, quia tunc natura & voluntas sunt principium: aut igitur natura est produciens principaliter voluntate communicante, aut econuerso. Vtrumque enim principaliter esse non potest. Si voluntas est principium cum communicante natura, sic est processio Spiritus sancti, qui procedit per modum amoris, tamen similis in natura. Si vero natura est principium cum communicante voluntate, sic est generatio filij qui produciatur vt omnino similis & per modum naturæ, nihilominus vt dilectus, & ideo dicitur quod sibi in eo complacet Pater. Et dicitur Filius dilectionis.

1. 2. 3. **A**D illud quod obiicitur in contrarium quod generatio est per modum voluntatis, siue secundum rationem voluntatis, dicendum quod hoc intelligitur, aut de voluntate approbante, vt ostendunt duæ auctoritates Hilarij. & Origen. aut de voluntate communicante cum natura, vt ratio quæ posita est primo.

4. **A**D illud vero quod obiicitur de similitudine imaginis, dicendum quod in hoc est dissimilis imago creata ipsi Trinitati increatæ, vt dicit August. 15. de Trinit. quia ibi non nascitur verbum per inquisitionem, sicut potest nasci in nobis, vnde potius valet ad oppositum, quam ad propositum.

5. **A**D illud quod obiicitur quod maior est communicatio in generatione Filij, &c. Dicendum quod maior communicatio, vel minor, non facit modum emanandi esse secundum liberalitatem, vel secundum modum voluntatis: sed modus, siue ratio communicandi. Et quia Pater communicat creaturis per voluntatem, ita quod voluntas eius est causa produciens Filio per fecunditatem naturæ: ideo non sic dicitur Filius produci per voluntatem, sicut creaturæ.

6. **A**D illud, quod in generatione hominis simul mouet natura & voluntas dicendum, quod hoc est propter defectum magis quam propter complementum: quia Pater per se non potest generare: sed ex communicatione cum alio distante, quod fit ad imperium voluntatis: Deus autem alio adiuuante non indiget, & ideo non est simile.

QVÆSTIO III.

An generatio Filij sit secundum rationem exemplaritatis.

Alex. Alensis 1. p. q. 42. Membr. 5. art. 3.

Egid. 1. Sent. dist. 6. q. 1.

Richardus 1. Sent. d. 6. q. 4.

Franciscus de Mayr. dist. 6. q. 4.

Vtrum generatio Filij à Patre sit secundum rationem exemplaritatis. Et quod sic videtur hoc modo. Super illud Psalmi: Semel locutus est Deus, Gloss. id est, Filium genuit, in quo omnia disponit: sed dispositio æterna dicit rationem exemplaris: ergo si filius procedit vt verbum, procedit per modum exemplaritatis.

2. **I**TEM generatio Filij à Patre est similis productioni notitiæ ex mente: sed notitia procedit ex mente secundum rationem exemplaris, quia exemplar est ratio cognoscendi: ergo, &c.

3. **I**TEM quod est imago in producto, hoc est exemplar in producente. Quando enim productum expresse

2. Petri 1. d.

Ca. 15. 10. 3.

Ad opposi-
tum.
Ps. 61. 6

Basil. li. 2.
contra Eu-
nom.

repræsentat, imago dicitur. Similiter cum produciens expresse repræsentat, exemplar dicitur: ergo cum Filius procedat ut imago, eadem ratione per modum exemplaritatis.

4. **ITEM** omne principium cognituum rei producendæ producit secundum rationem exemplandi: sed Pater est principium Filij cognituum: ergo producit filium secundum rationem exemplaris. Si dicas quod illud non sufficit, immo necesse est quod exemplar & exemplatum differant in forma & natura, hoc nihil est, quia si hominum generat hominem, posset talem generare qualem cogitat, tunc generatio illa non tantum esset secundum naturam, sed etiam secundum exemplar. Sed pater omnino produxit filium ut sciuit & voluit: ergo, &c. Si dicas quod nec illud sufficit: sed necesse est exemplar præcedere. Obiicitur: Si Deus ab æterno creasset mundum per impossibile, nihilominus mundus esset productus secundum rationem exemplaritatis.

CONTRA: In inferioribus agens per naturam, & agens per exemplar ex opposito diuiduntur, sicut natura & intellectus: ergo quod produciatur secundum naturam, non produciatur secundum rationem exemplaritatis: sed filius secundum naturam produciatur à Patre: ergo, &c.

ITEM omne produciens aliud secundum rationem exemplaritatis producit secundum rationem voluntatis. Sed pater, ut ostensum est supra, non producit filium per voluntatem: ergo, &c.

ITEM formæ non est forma, ergo nec exemplaris exemplar: sed filius est ars & exemplar omnium: ergo non habet exemplar in patre: ergo non procedit secundum rationem exemplaritatis.

ITEM quod est in alio secundum veritatem non est in illo secundum exemplar: sed filius est in patre secundum veritatem: ergo non procedit secundum rationem exemplaritatis: ergo, &c.

CONCLUSIO.

Filius generatur à Patre per modum nature, & exemplantis, sicut ratio exemplandi, non exemplati.

RESP. AD ARG. Dicendum quod sicut procedere per modum voluntatis & liberalitatis est dupliciter: vno enim modo procedit per modum liberalitatis ipsum quod non est liberalitas, sed quod fit, vel datur ex liberalitate, & sic creatura procedit à Deo. Alio modo sicut id quod est ratio liberalitatis, ut amor, & sic procedit Spiritus sanctus ut amor, qui est donum, in quo omnia dona donantur. Sic per modum exemplaritatis est procedere dupliciter. Vno modo sicut exemplatum proprie, sic creatura procedit à Deo, tamquam exemplatum ab exemplari, & sic importat exemplar causalitatem formalem respectu exemplati. Alio modo dicitur procedere per modum exemplantis, sicut ratio exemplandi, & sic videtur procedere ipse filius, qui dicitur verbum patris quo non tantum se loquitur: sed etiam cetera disponit. Vnde filius secundum Augustinum dicitur plena ars omnium rationum viuentium. Et hinc habet ortum illud quod consuevit dici, quod qui negat ideas esse, negat Filium Dei esse. Et ille modus producendi secundum exemplaritatē non repugnat processui naturali, immo non potest esse nisi naturalis. Alius vero modus repugnat processui naturali, est enim secundum voluntatis imperium, ita quod produciens & productum differunt sicut causa & causatum: & vnum secundum veritatem non est in alio.

Vnde rationes inductæ ad hanc partem procedunt secundum hanc viam: & secundum hanc, verum concludunt: secundum aliam vero nulla concludit, immo ad omnes respondendum est per interemptionem.

1. 2. 3. Illæ autem quæ obiiciuntur in contrarium omnes procedunt secundum aliam viam, quia dicunt quod procedit secundum modum exemplaritatis, quod est ratio exemplandi: quod patet, quia sumuntur à ratione æternæ dispositionis, cognitionis, & imaginis. Vltima vero ratio concludit quod procedit per modum exemplarita-

tis, sicut exemplatum, & propterea soluenda est per interemptionem.

4. **AD** Illud ergo quod obiicitur quod omne principium rei producendæ, si habet cognitionem, producit per exemplar, dicendum est quod illud falsum est, nisi ratio cognitionis præcedat, ita quod habeat præcognitionem, saltem secundum rationem causæ ad effectum: quæ ordinatio exigit essentialē diuersitatem, siue substantialem. Exemplatum enim secundum quod exemplatum, non est in exemplante secundum veritatem, sed per similitudinem: quæ, inquam, similitudo cum sit ratio cognoscendi & exemplandi, dicitur exemplar. Procedit ergo filius secundum rationem exemplaritatis, non sicut exemplatum per exemplar: sed sicut ipsum exemplar, vel ratio exemplandi cetera.

Et si tu obiicias quod exemplar commune est toti Trinitati, respond. ad hoc Altiſiodorensis de mundo archetypo, siue de ideis, quod idea, siue mundus archetypus non tantum appropriatum est ipsi filio, verum etiam, proprium.

Vel aliter potest dici, quia secundum quod exemplar dicit rationē cognoscendi, sic commune est toti Trinitati, & appropriatur filio, sicut sapientia. Secundum vero quod ultra hoc dicit rationem emanandi, sic est proprium filij, & sic importatur per hoc nomen, Verbum, ut melius patebit infra.

HIC QUÆRITVR AN PATER POTVERIT, VEL VOLVERIT GIGNERE FILIUM: ET

SI HOC POTEST NATURA:
& an hoc sit potentia quæ
non sit in Filio.

DISTINCT. VII.

HIC solet queri à quibusdam, utrum Pater potuerit, vel voluerit generare Filium. Si enim, inquit, potuit, vel voluit generare Filium: ergo potuit aliquid, & voluit, quod nec voluit, nec potuit Filius: nam Filius nec potuit, nec voluit generare Filium. Cui versutia facile respondemus, dicentes: Posse vel velle generare Filium, non est aliquid posse vel velle subiectum potentia, vel voluntati. Est tamen aliqua potentia vel voluntas, scilicet posse, vel velle gignere filium, & ideo distinguenda est intelligentia propositi verbi, posse vel velle gignere filium, & posse vel velle aliquid. Neque enim generatio filij aliquid eorum est, quæ subiecta sunt diuina potentia & voluntati: nec est aliquid inter omnia, vel de omnibus, sed super omnia, & ante omnia. Non enim ante voluit vel potuit, quam genuit: sicut nec ante fuit, quam genuit: quia ab æterno fuit, & ab æterno genuit. Ex simili quoque hoc videre possumus. Pater enim potest esse pater, & vult esse pater: filius autem non potest, nec vult esse pater: ergo pater potest vel vult esse aliquid, quod non potest, vel vult esse filius, non sequitur: quia esse patrem non est esse aliquid, sed est esse ad aliquid, ut in sequenti ostendetur.

Ponit quædam verba Augustini: vnde potest moueri Auditor.

Sed vehementer nos mouet quod August. ait in li. contra Maximinum, qui asserbat patrem potentiorē esse filio, eo quod filium genuit Deum creatorem, filius autem non: dicebatque patrem potuisse gignere non filium: & ideo potentiorē esse filio. Ad quod respondens Augustinus dicere videtur, quod filius etiam potuit gignere, vobis ostendere patrem esse non potentiorē filio his verbis: Absit, ut ideo potentior sit pater filio, sicut putas, quia Creatorem genuit.

Fundamen-
ta.
2. Phys. com-
par. 49.

Quasi pra-
ced.

Vide inf. di-
st. 10. ar.
1. q. 1. ad 1.
3.

Aug. li. 6.
de Tr. c. 10.
ante mod.
23.
ad Aug.
To. 1. serm.
in Hexae-
mer.

Pro funda-
mento cō-
clusionis.
Resp. ad
Arg. in op.

Guill. Alti-
ſiod. q. 2. ad
dist. 1. m. fi.
li. 1. sent.

Dist. 28. h. 1.
1. in primi.

Li. 1. in fine
tom. 6.

genuit Pater, Filius autem non genuit Creatorem: neque enim non potuit: sed non oportuit. Vide, & diligenter attende hac verba, non enim non potuit: sed non oportuit. Videtur enim dicere quod filius potuit gignere: sed non oportuit, & ita potuit quod non oportuit. Quare autem non oportuit, subdit dicens: Immoderata enim esset diuina generatio, si genitus filius nepotem gigneret patri, quia & ipse nepos nisi auo suo pronepotem gigneret, secundum vestram mirabilem sapientiam, impotens diceretur. Similiter etiam ille, si nepotem non gigneret auo suo, & pronepotem pro auo suo, non à vobis appellaretur omnipotens, nec impleretur generationis series, si semper alter ex altero nasceretur: nec eam perficeret ullus, si non sufficeret unus omnipotens. Itaque omnipotentem genuit filium patris natura, non fecit.

Opponitur prædictis verbis Augustini.

Hoc autem videtur quibusdam non posse stare, scilicet quod filius potuerit gignere. Si enim potuit filius gignere, potuit esse pater: & si potuit esse pater, potuit ergo esse pater vel sui, vel Patris, vel Spiritus sancti, vel alicuius alius non: quia nullus alius semper fuit. Nec Patris: quia pater est ingenuitus & innascibilis. Nec sui: quia nulla res se ipsam gignere potest: Nec Spiritus sancti: quia nasci non potuit. Si enim nasci potuit, potuit esse filius, & ita mutabilis esse potuit.

Hic queritur quo modo intelligenda sint.

Quomodo ergo accipiat quod supra dictum est: Non enim non potuit gignere: sed non oportuit: quasi potuit: sed non oportuit. Non est nobis perspicuum aperire quo modo sit hoc verum, & ideo sub silentio potius esset prætereundum, nisi me super hoc aliquid loqui cogeret instantia querentium.

Hic aperitur ex quo sensu accipienda sint.

Potest ergo sic intelligi. Non enim potuit, sed non oportuit, id est, non ex impotentia sui fuit quod filius non genuit, sed ei non conueniebat: sicut Deus filius non est Deus pater, nec tamen hoc ex impotentia sui est. Nam & pater similiter non est filius, nec hoc est ex impotentia patris. Sed querit Maximinus Arrianorum Episcopus: Unde ergo est quod pater non potest esse filius, vel filius pater? non utique ex impotentia: sed pater proprietate generationis Pater est, qua oportet eum non esse Filium, & Filius proprietate naturae Filius est, qua oportet eum non esse Patrem. De quibus proprietatibus postea plenius tractabitur.

Vtrum Pater natura sit potens gignere Filium, & an hoc sit aliqua potentia quæ non sit in Filio.

Item queritur à quibusdam. Si Pater potens sit natura gignere Filium, & an hoc sit aliqua potentia qua non sit in Filio. Ad quod dicimus, quod Pater non est potens nisi natura: eius enim potentia natura est vel essentia. At inquit illi, si potens est gignere, habet ergo potentiam gignendi. Filius autem non habet potentiam gignendi, si non potest gignere. Habet ergo aliquam potentiam Pater quam non habet Filius, non sequitur. Eandem enim potentiam habet pater Filius quam & Pater: quia Pater potuit gignere, & Filius gigni potuit. Eadem enim potentia est in Filio qua potuit gigni, qua est in Patre qua potuit gignere. Sed contra hoc opponitur: Aliud est posse gignere, aliud est posse gigni, quia aliud est gignere, & aliud gigni. Hic distinguendum est. Si enim cum dicitur, aliud est posse gignere, aliud posse gigni, aliam significas potentiam, qua Pater potens est gi-

gnere, & aliam qua Filius potens est gigni, falsus est intellectus. Si autem dicas, Patrem posse habere aliam proprietatem, siue notionem, qua genitor est: & Filium aliam, qua genitus est: verus est intellectus. Aliam enim habet Pater proprietatem qua Pater est: aliam Filius qua Filius est.

Quomodo intelligendum sit, Filius habet, vel non habet potentiam generandi.

Ita etiam cum dicitur, Filius non habet potentiam generandi quam Pater habet, dupliciter intelligi potest. Si enim dicatur: Filius non habet potentiam generandi quam & Pater, scilicet qua potens sit ad generandum, id est, ut genuerit, vel ut generet sicut Pater, verum est. Si vero intelligatur sic: Non habet potentiam qua possit gigni, vel genitus esse, qua eadem Pater potens est ut genuerit, vel ut generet, falsum est. Sicut dicitur: Pater habet potentiam qua potest esse Pater: Filius vero non habet potentiam qua possit esse pater: & econuerso, Filius habet potentiam qua potest esse Filius: habet ergo aliquam Pater, quam non habet Filius, & econuerso. Absit: quia eadem est potentia Patris, qua potest esse Pater: & Filij, qua potest esse Filius. Ita etiam eadem est voluntas qua Pater vult esse Pater, non Filius: & Filius vult esse Filius, non Pater: & eadem est voluntas Filij, qua vult esse genitus, & Patrem genuisse: & Patris, qua vult esse genitor, & Filium genitum esse.

DISTINCTIO VII.

De comparatione potentie generandi ad personam.

Hic solet queri à quibusdam, vtrum Pater potuerit, vel voluerit, &c.

Expositio textus.

In præsentī Distinctione ponit Magister dubitationem lex comparatione potentie generandi ad personam, vtrum scilicet, sicut est in persona Patris, ita sit in persona Filij. Et habet hæc pars, duas. In prima Magister querit, & determinat vtrum Filius possit generare. In secunda vtrum potentia generandi sit in Filio, ibi: Item queritur à quibusdam, si Pater potens sit, &c.

Item prima pars habet quatuor particulas. In prima mouet questionem, vtrum posse, & velle generare similiter comparentur ad personam Patris, & Filij. Secundo opponit contra solutionem per auctoritatem Augu ibi: Sed vehementer nos mouet quod Augustinus, &c. Tertio opponit contra prædictam auctoritatem per rationem, ibi: Hoc autem non videtur quibusdam. Quarto redit supra, dictam auctoritatem exponens, ibi: Quo modo ergo accipiat quod supra dictum est.

Item pars secunda huius Distinctionis in qua querit Magister, vtrum potentia generandi sit in filio, habet duas particulas. Primo querit & determinat hanc questionem, vtrum aliqua potentia sit in Patre quæ non sit in Filio. Si enim Pater natura potens est generare Filium, & Filius non, pater, &c. Ad hanc questionem respondit Magister, quod omnino eadem est potentia in Patre, & Filio. Sed quia hoc erat dubium: ideo opponit contra prædictam solutionem, & determinat per distinctionem. Secundo respondet ad primam questionem distinguendo, vtrum scilicet Filius habeat potentiam generandi, ibi: Ita etiam cum dicitur, Filius non habet, &c. Si enim intelligatur actiue, falsus est intellectus, scilicet quod Filius possit generare. Si vero intelligatur passiuè, scilicet quod habet potentiam qua possit generari, vera est. Et fundatur illa distinctio secundum alios super hoc, quod ly, generandi potest intelligi in significatione passiuæ, vel actiuæ. Si in passiuæ, tunc vera est: & est sensus: Filius habet potentiam generandi, id est, potentiam qua generatur. Sed in actiuæ potest esse dupliciter, quia potest esse gerundium verbi

Diuisio.

Et Dion.
arph.
Thom. dist.
præsent.

perfo-

personalis, & tunc habet suppositum determinatum, & est falsa. Est enim sensus: Filius habet, &c. id est, Filius habet potentiam qua ipse Filius generat. Vel impersonalis, & tunc non habet certum suppositum, & est locutio vera. Est enim sensus: Filius habet potentiam generandi, id est habet potentiam qua aliquis generat, tamen hunc sensum non ponit Magister.

Si enim, inquit. Dub. I.

Dubatur de solutione Magistri qua hic innuit, non sequitur: Pater potest generare, quod non Filius: ergo potest aliquid quod non Filius. Et respondet quod posse generare non est posse aliquid subiectum diuinæ potentie. Sed hoc non videtur soluere: sed aggravare argumentum. Cum enim generare eum posse, sit posse maximum, videtur quod maius inconueniens sequatur, & magis derogetur potentie Filij, si in hoc deficit, quam si eum generare Filium esset aliquid subiectum potentie diuinæ.

R E S P. Dicendum quod Magister bene soluit. Potentia enim Patris habet comparari ad inferius, & ad æquale: sed ad superius non, cum careat superiori. Cum comparatur ad inferius, tunc est potentia essentialis, & essentialiter tenta, quia connotat effectum, seu respectum in creatura, & respectu talis potentie inconueniens esset quod aliquid posset Pater, quod non posset Filius, quia tunc differrent per essentiam. Cum autem comparatur ad æquale, ut ad personam, tunc trahitur ad personam, & tunc nullum inconueniens est, si aliqua proprietas personalis est in Patre, quæ non est in Filio: ideo non sequitur quod aliqua potentia sit in Patre, quæ non sit in Filio.

Generatio Filij, &c. non est de omnibus. Dub. II.

Videtur enim Richard. de sancto Victore dicere contrarium: qui dicit, quod quia omnipotens est, excusari non potest quin Filium genuerit: ergo generatio Filij continetur sub Omnipotentia: ergo Filius inter omnia continetur, & est.

R E S P. Dicendum quod sicut dicit Magister, generatio Filij non continetur sub omnipotentia, nisi acciperetur omnipotentia per appropriationem. Et quod dicit Richardus non intelligitur, tamquam Filius sit inter omnia: sed tamquam ante omnia, unde arguit ex posteriori. Si enim emanatio naturæ secundum rationem intelligendi, præcedit emanationem secundum rationem voluntatis, numquam Deus esset potens producere creaturam per voluntatem, nisi etiam produxisset Filium per naturam.

Esse Patrem, non est esse aliquid. Dub. III.

Contra: Quia cum inter aliquid, & nihil non cadat medium, si pater non esset aliquid, ergo esset nihil.

R E S P. Dicendum quod esse aliquid, dicitur dupliciter, vel communiter ad essentiam, & personam, & sic non cadit medium, & in hoc sensu esse Patrem, est esse aliquid. Alio modo prout trahitur ad essentiam, & sic cadit inter esse aliquid & esse nihil, medium, scilicet esse aliquem: persona enim prædicatur, ut quis, non ut quid.

Si enim nasci potuit, potuit esse Filius, &c. Dub. IIII.

Videtur illa illatio Magistri non valere, quia in creaturis ubi magis differt ratio à supposito, potest dici quod idem similis, potest esse alteri dissimilis sine sui mutatione: ergo cum filiatione, & spiratione sint relationes, pari ratione Filius poterit esse Spiritus sanctus, & econverso sine mutatione. Item omne mutabile est aliquid præter illud, secundum quod mutatur, ut si non album fiat album, est aliud quam albedo: ergo si intelligatur, Spiritus sanctus mutari, si generetur, tunc aliud esset in eo generatio, aliud ille qui generatur: sed hoc est falsum: ergo, &c.

R E S P. Dicendum quod secus est in relationibus crea-

turæ, & Dei, quoniam relationes in creaturis non dant relatiuis existere, unde sine illis potest res esse, & cum illis. In diuinis autem dant personis existere, & ideo si in personis intelligatur quod proprietas inest hypostasi, intelligitur esse hypostasis, & similiter si intelligitur non inesse, intelligitur hypostasis non esse: cum ergo Spiritus sanctus non possit simul spirari, & generari, (quia quamvis una persona possit duobus modis producere, tamen una persona non potest nisi uno modo produci,) sequitur de necessitate, si potest Spiritus sanctus esse Filius vel potuit, potest non esse Spiritus, siue non spirari: & si potuit non spirari, potuit non esse: & iterum si potuit generari, potuit esse, & ita potuit fieri de ente non ens, & de non ente ens, ac per hoc mutari. Et sic patet ultimum, quia non dicitur mutari propter diuersitatem proprietatum circa idem suppositum, sicut est in mutatione naturali: sed propter corruptionem, & inceptionem eiusdem. Nec est illud simile: Pater potest generare, & spirare sine sui mutatione: ergo Spiritus sanctus generari, & spirari: quia non est inconueniens vnum principium pluribus modis producere: sed vnum principium pluribus modis produci, est impossibile, & impossibile, & ideo patet illud.

Pater non est potens, &c. Dub. V.

Contra: Quia secundum hoc, generare, quod nullo modo est essentia, nullo modo esset potentia.

R E S P. Dicendum quod quamvis potentia absolute considerata, sit idem quod essentia, tamen potentia, quia non est nomen adeo abstractum, sicut essentia, trahitur ad personam. Unde potentia generandi non dicit naturam diuinam simpliciter: sed naturam ut in tali persona, scilicet innascibili: ideo non est simile de hoc nomine, Essentia, & de hoc nomine, Potentia.

Aliam significet potentiam qua Pater, &c. Dub. VI.

Contra: Quia potentie diuisio sufficiens est per actiuam, & passiuam. Sed posse gignere dicit potentiam actiuam, posse gigni potentiam passiuam: ergo non potest alia potentia significari. Si tu dicas quod generare non est agere proprie, similiter nec generari pati, obicitur quod potentie distinguuntur per actus: sed aliud est gignere, & aliud gigni: ergo alia est potentia huius, & illius.

R E S P. Dicendum quod ista distinctio quæ ponit Magister de potentia gignendi actiue, & passiue, fundatur super hoc, quod potentia potest considerari secundum id quod est, & sic dicit naturam: & sicut una natura est in generante, & genito: (sed alio, & alio modo) sic eadem potentia. Potest iterum considerari secundum id ad quod est: & sic dicit modum existendi naturam in persona in comparatione ad alium, qui est principium, vel principiatum: & sic cum diuersi modi sint, diuersæ dicuntur proprietates, posse generare, & posse generari, & distinguuntur secundum actus personales: sed primo modo non.

Filius habet potentiam qua potest esse Filius, siue qua potest gigni. Dub. VII.

Videtur hoc dubium vel falsum, quia gigni omnino est à gignere, & gignere est à potentia Patris: ergo & gigni

R E S P. Sicut potentia gignendi in Patre non dicit nisi naturam in persona, ut natam ex se producere aliam, sic potentia gignendi in Filio, non dicit nisi naturam in persona, ut natam produci ab alia: sicut enim hypostasi Patris conuenit generare, sic hypostasi filij conuenit generari. Nec valet quod obicitur in contrarium. Nam omne quod habet Filius, siue essentialiter siue personale, habet à patre. Ideo quauis ipsum gigni sit à potentia Patris, non excluditur tamen quin potentia gignendi passiuam sit in Filio. Sed illa potentia non est principium generationis: sed idoneitas personæ, siue hypostasis, cum sua proprietate ad generari. Unde quod dicitur posse gigni potentia: potest intelligi originaliter, & sic est in solo Patre: vel formaliter, & sic ponitur esse in Filio. Alio autem modo non, &c.

ARTICVLVS I.

AD euentiam eorum quæ dicit Magister de potentia generandi, quatuor quæstuntur. Primo quæritur, vtrum posse generare in diuinis, dicat quid, vel ad aliquid. Secundo vtrum Pater communicet potentiam generandi, idest vtrum in Filio sit potentia generandi. Tertio vtrum posse generare, & creare sit vnicum posse, vel non. Quarto vtrum posse generari, & creari sit posse vnicum.

QVÆSTIO I.

An posse generare in diuinis dicat quid, vel ad aliquid.

5. Thomas 1. p. q. 41. art. 1.

Scotus 1. Sent. dist. 7. q. 1.

Agid. Rom. 1. Sent. dist. 7. q. 2.

Henricus in summa ar. 35 q. 8. Et quod. 3. q. 3.

Richardus 1. Sent. dist. 7. q. 1.

Francisc. de Mayr. Sent. dist. 7. q. 2.

Unrandus 1. Sent. dist. 7. q. 2.

Io. Bacon. 1. Sent. dist. 5. q. 1.

Thom. Arg. 1. Sent. dist. 7. q. 1. art. 1.

Gabr. Biel dist. 7. q. 1.

Ad oppo.

Quod posse generare dicat quid ostenditur primo per auctoritatem Magistri in litera. Pater non est potens nisi natura, quia eius potetia natura est, vel essentia: sed natura & essentia dicunt quid, non ad aliquid: ergo & potentia generandi.

In diffinitione.
Simile habetur 2. de caus. ceter.
3. Physicor. ceter. 31.

2. **I**TEM ratione ostenditur sic: Generare est sibi simile in natura producere: sed secundum Isaac: Natura est vis infusa rebus similia, similibus procreans: ergo vis generandi respicit ipsam naturam, siue essentiam de se, non personam: sed omne tale dicit quid: ergo, &c.

3. **I**TEM in perpetuis non differt esse, & posse, & potetia, & essentia: sed esse, & essentia in diuinis dicunt quid, non ad aliquid, siue per se dicatur, siue cum adiuncto. Vnde essentia Patris dicit quid: ergo pari ratione potentia generandi.

4. **I**TEM in diuinis idem est secundum rem posse scire, & velle. Sed in diuinis non est scientia propria, vel voluntas propria, siue scientia & voluntas ad aliquid, immo scientia dicit quid, & est trium, similiter & voluntas: ergo potentia generandi dicit quid, siue essentiam.

Fundamenta.

SED contra: Magister dicit in littera post principium: Posse generare non est posse aliquid: ergo non dicit quid: sed ad aliquid: ergo, &c.

2. de caus. ceter. 31.

ITEM ratione ostenditur sic: Potentia distinguuntur per actus: ergo si actus potentia dicit quid, & potentia similiter. Sed constat quod generare in diuinis non dicit quid, sed ad aliquid: ergo nec posse generare.

ITEM quamuis in creaturis differant virtus & operatio, tamen in Deo idem sunt sicut vult Dionysius. ergo in Deo idem est posse generare, & generari. Sed generare in diuinis dicit ad aliquid, & non quid: ergo similiter posse.

ITEM Pater generat, & potest generare: aut ergo ideo potest, quia generat: aut ideo generat, quia potest. Constat quod non ideo potest generare, quia generat: sed e conuerso. Si ergo ratio proprii debet esse propria: ergo potentia generandi debet esse propria, & nihil est proprium in diuinis, nisi quod dicit ad aliquid: ergo, &c.

ITEM omnis potentia actiua quæ inest creaturæ, inest secundum aliquas conditiones, & proprietates, vt pater Posse enim illuminare inest luminoso per lucem, posse calefacere calido per caliditatem: quamuis autem potentia generandi non sit actiua, tamen actiua similis est: ergo cum inest Patri, inest per aliquam proprietatem: illa proprietas autem aut dicit quid, aut ad aliquid. Si, quid, inest omnibus personis, & ita posse generare, quod manifeste negat Magister: ergo dicit ad aliquid: ergo

& potentia quæ inest secundum illam: ergo, &c.

¶

¶

CONCLUSIO.

Potentia generandi, quamuis secundum opinionem Magistri dicat quid & ad aliquid, verius tamen dicit ad aliquid tantum, & de se.

RESP. Ad arg. Dicendum quod circa hoc problema tres fuerunt positiones. Fuerunt quidam qui distinxerunt potentiam generandi, dicentes quod potentia generandi potest dici potentia nuda, vel potentia disposita: si dicatur potentia nuda, sic voluerunt aliqui dicere, quod dicit quid, & in omnibus personis est, quoniam hæc potentia sic dicta, consequitur naturam. Vnde cum natura sit in qualibet persona, similiter & potentia huiusmodi. Secundum autem quod dicit potentiam dispositam, quia non habet dispositionem, nec conuenientiam, vt exeat in actum generationis nisi in sola persona Patris, voluerunt dicere, quod dicit ad aliquid. Sed verba istius positionis non videtur vera, nec sana. Non, inquam, vera, quoniam cuius potentia est nuda, nata est pariter disposita esse: si ergo trium est potentia generandi, vt est potentia nuda, similiter & disposita, & ita quælibet posset generare. Præterea non videtur sana: ponere enim potentiam nudam quæ similiter se habet ad esse, & non esse respectu generationis, quam omnino necessarium est esse, non videtur sane dictum esse, siue proprie.

Fuerunt etiam alii qui dixerunt, quod cum in diuinis sit idem posse, & esse, & potetia, & essentia, quod quemadmodum potentia, & essentia dicunt quid, similiter esse & posse. Et quemadmodum cum dico essentiam Patris, & essentiam Filii, & Spiritus sancti: siue esse Patrem, siue esse Filium, siue esse Spiritum sanctum, nō dico aliam essentiam, nec aliud esse, sed alterius: ita quando dico potentiam Patris, siue Patrem posse generare, Filium posse gigni, non dico aliud, & aliud posse: sed alterius. Et huiusmodi positionis fuit Magister sicut euidenter apparet in litera. Vnde isti dicebant, quod posse generare non tantum dicit quid, sed etiam respectum ad aliquid, quia est essentiale tractum ad personam. Cum enim nō sit omnimodæ abstractionis, potest ad personam trahi. Et ista positio satis est probabilis: & satis bene videtur sustineri posse. Fuerunt etiam tertii moderniores, qui dixerunt, quod potentia generandi dicit ad aliquid in diuinis de se, & ratio eorum est, quoniam potentia dicit habitudinem originalem principii ad principiatum. Et quoniam habitudo potest esse personæ ad personam (& tunc vere est habitudo) & essentia ad creaturam, & tunc secundum modum dicendi, siue intelligendi: hinc est quod principium de sui ratione, non tantum est essentiale appropriatum per additionem, immo etiam dicit proprium personæ. Pari ratione, cum potentia dicat originalem habitudinem: nō tantum essentialiter dicitur, vel trahitur ad personam, vt dicat essentiam personaliter: immo dicit proprium, & ita ad aliquid de se: & positio ista sine præiudicio videtur probabilior.

Nam potentia generandi non videtur dicere nisi fecunditatem ad actum generationis, & illa est proprium personæ, vnde similiter & potentia. Nec est simile de posse & esse nisi vno modo. Hoc enim verbum, *est*, aliquando per se prædicatur, aliquando est tertium adiacens. Quando per se dicitur, tunc dicit actum absolutum, quia dicit actum entis ratione essentia: & tunc oportet quod dicatur absolute, & quod dicat *quid*. Quando vero est tertium adiacens: vt quando dicitur: Pater est pater: tunc hoc verbum, *est*, dicit habitudinem prædicati ad subiectum. Et quoniam potest dicere habitudinem ad prædicatum essentialiter, vel personale: ideo potest dicere esse essentialiter, & modum essendi personalem. *Posse* autē de sui ratione propria, dicit habitudinem secundum originem: & hinc est quod specificatur per adiunctum, vt dicat conditionem principii essentialis, vel personalis. Hanc ergo positionem sustinendo responderetur argumentis probantibus quod dicit *quid*.

1. Quod enim primum obiicitur, pater: concedo enim Magistrum fuisse huius positionis. Vnde dixerunt, quod

eadem

Primæ positio.

Secunda positio.

Tertia positio.

Arist. 2. periber. c. 1.

eade potentia potest filius gigni, qua pater potest gignere: quod non esset nisi potentia diceret *quid*. Vnde dixit quod potentia generandi est in filio, sed non ad generare, sed ad generari. Hæc autem positio dicit quod est in solo patre: quia non tantum respicit naturam, sed proprietatem personæ.

2. A d illud quod obiicitur quo modo generare consequitur naturam, dicendum quod in diuinis non sequitur naturam simpliciter: sed naturam vt in persona, quia non in qualibet persona est natura secunda, sed solum in persona patris: & hoc est per aliquam proprietatem quæ est solius illius personæ: non sic est in inferioribus, sicut iam patebit: ideo pater quod illud non valet.

3. A d illud quod obiicitur quod in æternis est idem esse & posse, dicendum quod verum est: sed tamen argumentum non valet. Quamuis enim omnino sit idem in diuinis esse, & esse patrem, non tamen sequitur quod si esse patrem est proprium, quod esse sit proprium. Similiter dicendum in proposito.

4. A d illud quod obiicitur de scientia quod dicit *quid* siue per se dicatur, siue cum alio, dicendum quod non est simile de scientia, & potentia. Scientia enim quantum est de se, dicit qualitatem absolutam, & ideo quantum est de se, semper dicit *quid*, nisi trahatur: sed potentia dicit habitudinem, & originem, & ideo potest dicere habitudinem propriam, & personæ ad personam. Vnde illud simil: Magistri non valet secundum hanc positionem: quod sicut vna est voluntas qua pater vult esse pater, & non vult esse filius, & econuerso: similiter vna est potentia, vt videtur. Si quis autem vult sustinere positionem Magistri, de facili potest ad omnes rationes in oppositum respondere. Nam nulla ratio probat quod potentia de se dicat proprium: sed quod potest generandi actiue dicta, siue posse generare, dicat ex adiuncto respectum ad personam, & ita dicit ad aliquid: sed hoc est solum ratione additi. Item notandum quod quatuor sunt genera nominum in diuinis. Quædam essentialia sunt dicta essentialiter, vt diuinitas, deitas, & maiestas. Quædam essentialia personaliter dicta, vt potentia generandi. Quædam personalia dicta personaliter, vt generans, & genitus. Quædam personalia dicta essentialiter, vt missus, incarnatus, & huiusmodi, quæ dicunt respectum ad personam, & ideo personalia, & effectum in creatura, & ideo essentialiter sunt dicta. Duabus rationibus sequentibus facile est respondere, quia illud non habet veritatem nisi quando actus complectitur totam potentiam: non sic est in potentia Dei, quia eadem est potentia gignere, & gigni in Deo.

A d illud quod obiicitur quod idem est posse generare, & generari, dicendum quod non valet. Quamuis enim idem sit & pater, & substantia, non tamen sequitur quod si pater dicitur *ad aliquid*, quod & substantia, sicut melius patebit infra. Duabus vltimis rationibus difficile est bene respondere, tamen potest quis dicere quod rationes illæ non concludunt quod potentia dicat *ad aliquid* de se: sed solum ratione adiuncti, quod est generare, & sic patet: &c.

Q V Æ S T I O II.

An potentia generandi sit in Filio.

- S. Thom. 1. p. q. 41. art. 6.
Et 1. Sent. dist. 7. q. 2. art. 4.
Guil. Alsfadorenfis lib. 1. Sent. 2. c. 9. 3.
Scotus in Reportatu q. 2.
Egid. Rom. 1. Sent. dist. 7. p. 2. q. 2.
Henricus in summa art. 5. q. 8.
Rich. 1. Sent. dist. 7. q. 2.
Franciscus de Mayr 1. Sent. dist. 7. q. 3.
Tho. Arg. 1. Sent. dist. 7. q. 1. art. 2.
Gabr. Biel. 1. Sent. dist. 7. q. 3.

Adoppof.

V T R V M potentia generandi sit in Filio, & quod sic, videtur auctoritatibus, & rationibus.

1. Primo sic: Hilar. 9. de Trin. dicit: Filius habet in se naturaliter naturam gignentem: ergo natura in filio est nata generare.

2. I T E M August. in li. contra Maximinum: Neque enim non potuit filius generare: sed duæ negationes æquivalent vni affirmationi: ergo potuit generare.

3. I T E M rationibus ostenditur sic: Plus ordinatur generare ad generandi potentiam, quam ad potentiam spirandi: sed pater generans filium communicat potentiam spirandi: ergo multo fortius potentiam generandi.

4. I T E M filius est expressissima imago patris: ergo tantum imitatur patrem quod non potest cogitari similior: sed si filius cogitatur vt generans, magis cogitatur imitari: ergo si imitatur amplius quam possit quis cogitare: ergo & in actu generandi.

5. I T E M per simile videtur sic: Maior communicatio & diffusio est in luce æterna, quam in luce creata: sed lux creata dat splendori potentiam producendi alium: & sic procedendo, si esset infinita virtutis, produceret infinitos splendores: ergo, &c.

6. I T E M in generatione carnali pater non dicitur perfectum filiū generare, nisi det ei potentiam generandi: ergo pari ratione, imo multo fortiori non erit filius perfectus, nisi habeat potentiam ad id quod pater potest: ergo ad generandum. Aut si non est ita in diuinis, tunc ego quæro rationem, quare de perfectione generationis æternæ non sic est communicatio potentie generandi sicut in generatione creata.

S E D contra: August. contra Maximinum dicit quod non oportuit filium generare: sed si non fuit opportunum, nec conueniens: sed omne inconueniens in Deo est impossibile: ergo impossibile fuit filium generare: ergo filius non potest generare: ergo non habet potentiam generandi, quia omni potentia est potens ille qui habet eam: ergo, &c.

I T E M Ansel. in Profolog. Qui potest quod sibi non conuenit, quanto magis hoc potest, tanto magis aduersitas, & peruersitas possunt in eum: ergo cum filio non conueniat generare, si posset, potentia illa esset in eo miseria: sed nullam habet miseriam: ergo nec potentiam generandi.

I T E M ratione probatur hoc idem: Sicut omne illud in quo aliqua duo necessario distinguuntur, si necessario conuenit vni, impossibile est vnquam conuenire alii, vt patet sic: Si Petrus & Ioannes necessario differunt in albedine, & albedo conuenit Petro, impossibile est quod Iohanni conueniat: sed pater, & filius sunt personaliter distincti, ita quod necesse est esse distinctos, & non est dare in quo distinguuntur, nisi in hoc quod ille est generans, iste genitus: ergo cum generare conueniat patri, impossibile est quod conueniat filio: ergo filius non potest generare: ergo non habet potentiam generandi.

I T E M generatio filii a patre similis est expresse generationi verbi a mente: sed verbum genitum non habet potentiam generandi aliud verbum, imo oportet quod omne verbum immediate sit a mente: ergo si recte simile est verbum increatum, non habet potentiam generandi: sed generandi potentia est in solo patre.

I T E M fiat argumentatio Augustini ducens ad impossibile. Si filius habet potentiam siue posse generandi, ponatur quod generet: quæro de secundo similiter, etsi non est stare in primo, oportet ponere infinitos filios. Quia qua ratione non stat in primo, ergo nec in aliquo: ergo si est stare, quia hoc repugnat diuinæ completioni, qua ratione stat in aliquo, stat in primo: ergo primus non habet potentiam generandi.

I T E M fiat argumentatio Richardi, vt si generaret filius alium filium: ergo cum filius genitus magis attineat ad patrem quam alius, secundum hoc non esset ibi summa & æqualis connexio: ergo nec summa & æqualis distinctio: ergo nec perfecta beatitudo: quæ omnia tantumquam summa impossibilia respuit pia fides.

C O N C L U S I O.

Pater potentiam generandi non communicat Filio, quia non potest ei communicare primitatem, & propter originalem distinctionem & plenissimam communicationem.

R E S P. Ad arg. Opinio aliquorum est quod in filio est

potentia

potentia generandi: sed non generat. Hoc autem non est, quia a non potest: sed quia a non conuenit ei. Et ponunt simile in creatura productioe siue creatione. Deus potest infinitas creaturas producere: sed quod non producit, hoc non est ex impotentia, sed quia non conuenit ei, sic & in proposito.

Improbatio.

Determinatio Doct.

Sed contra: Ponatur tunc quod illa potentia quæ est in filio ad generandum ducatur in actum, constat quod filius generabit Deum æternum: ergo aliquid poterat incipere habere esse, & esse æternum, hoc autem est impossibile, & non intelligibile. Propter hoc dicendum quod pater non communicat filio potentiam generandi propter duo. Vnum est, quia non potest aliud, quia non debet. Ratio autem quare non potest, hæc est, quia secunditas ad generandum est in patre, quia principium: & ideo principium, quia primum. Impossibile autem est quod principium communicet alij primitatem. Nam hic est oppositio in adiecto, quod persona producta sit prima. Quia ergo secunditas ad generandum ex primate patri inerat: ideo non potest eam communicare filio, & hanc credo propriam esse rationem huius, sicut infra patebit distinct. 27. ubi agitur quare pater generat. Similiter non debet communicare, quia in emanatione diuinarum personarum debet attendi originalis distinctio, & plenissima communicatio. Originalis distinctio, quia necesse est ea, quæ communicant in natura, distinguere vel per materiam, vel per originem. Per materiam distinguere personas est impossibile: quia ubi est talis modus distinguendi, est compositio & variatio, & formæ multiplicatio: quæ omnia Deo repugnant qui est simplex, & inuariabilis, & vere vnum: & ideo necesse est distinguere per originem, siue habitudinem: ergo per generare & generari: ergo si filius potest generare, potest etiam non distinguere. Si tu dicas, quod adhuc est distinctio: quia vnus tantum pater, alius tantum filius, alius pater, & filius. Tunc ego oppono tibi, quod secundus filius posset generare eadem ratione qua primus, & tunc duo essent, quorum vterque esset pater, & filius. Similiter propter plenissimam communicationem non debet communicare, quia multiplicatio suppositorum secundum similem modum egrediendi, non est nisi aut propter defectum durationis, sicut est in generalibus, & corruptibilibus, ut per successiuam generationem perpetuetur esse, aut propter defectum perfectæ actionis, ut fiat per plures quod non potest per vnum, sicut sunt perfectæ plures stellæ, quia non sufficeret vna ad hoc quod faciunt omnes. Sic etiam plures Angeli, & plures animæ ad implendam illam ciuitatem, & manifestandam Dei bonitatem, quam nec vna anima, nec vnus Angelus poterat sufficienter manifestare. Cum ergo in filio Dei sit plenissima communicatio, quia totam infinitatem suam dat sibi pater, non fuit conueniens, quod communicaret filio illam potentiam: & ideo fuit impossibile: quia in conueniens quodlibet in diuinis est impossibile.

An sol. li. i. Cur Deus homo c. 20.

1. Ad illud autem quod obiicitur in contrarium per auctoritatem Hilarii quod filius habet in se naturam gignentem, dicendum quod verbum illud est improprium, & ex verbis impropriis non est arguendum: sed magis eorum improprietas exponenda, ut Magister superius exposuit. Est enim sensus: habet in se naturam gignentem, id est naturam patris gignentis.

2. Ad illud quod obiicitur quod non potuit, dicendum quod Magister bene exposuit, id est, non fuit ex hoc impotens. Vnde secundum artem distinguendum est quando dicitur: Filius non potuit generare, quia, non, potest teneri priuatiue, & tunc est sensus, non potuit, id est, impotens fuit, & tunc negatur potentia, & relinquitur aptitudo, sicut de truncato dicitur quod non potest gradi: hoc modo non potest dici de filio, quia non habet ad hoc aptitudinem, & in hoc sensu loquitur Augustinus. Alio modo non posse, tenetur negatiue, & in hoc sensu concedendum est quod filius non potuit generare.

3. Ad illud quod obiicitur quod pater communicat filio potentiam spiratuiam, patet responsio, quia cum filius generetur, non potest habere primitatem respectu

generationis: sed cum non paretur, est inspirabilis, & ideo potuit habere primitatem, & secunditatem respectu illius, & sic patet quod non valet ratio.

4. Ad illud quod obiicitur quod filius est expressissima imago, &c. dicendum quod filius est expressissima imago, quia repræsentat in omnibus in quibus imago nata est repræsentare: sed tamen imago sic nata est repræsentare, ut tamen ipsa non sit imaginatum, alioquin non esset imago. Si autem filius repræsentaret in actu generandi, iam esset pater: & ideo nec intelligibile, nec possibile est filium generare, siue in generatione patrem imitari.

5. Ad illud quod obiicitur de luce & splendore, dicendum quod non est simile, quia lux non perfecte se multiplicat in primo splendore: ideo in pluribus facit quod non potest in vno.

6. Similiter & in filio carnali intelligendum. Vnde vnus pater generat plures filios carnales. Hæc tamen ratio non est principalis, sed illa quæ dicta est supra: quia in his inferioribus non est secunditas per rationem primitatis, sed per rationem perfectionis. In Deo autem quia est perfectissimum & primum, non tantum est per naturam perfectionis, quia tunc in omnibus personis esset, & status esse non posset, sed per rationem primitatis. Item rationes istæ non procedunt per simile, immo magis per dissimile.

QVÆSTIO III.

An posse generare, & posse creare sint vnicum posse.

Agid. Rom. i. Sent. dist. 7. q. 3.

Richardus i. Sent. d. 7. q. 4.

Steph. Brulef. i. Sent. d. 7. q. 3.

Petrus de Tarentasia. i. Sent. dist. 7. q. 3.

Vtrum posse generare, & creare sint vnicum posse, & quod non sint vnicum, videtur per Augustinum.

1. Alio est Pater, alio est Deus: ergo alio est generans, alio creans: sed potentia generandi est generans, potentia creandi est creans: ergo, &c.

2. ITEM potentia distinguuntur per actus, & actus per obiecta: ergo si generatio terminatur ad Deum, & creatio ad creaturam, & hæc sunt omnino diuersa: ergo, &c.

3. ITEM potentia plurificantur per subiecta, quia in pluribus subiectis plures sunt potentia: sed potentia creandi est in Filio siue posse creare: in eo autem non est posse generare: ergo non sunt vnum posse.

4. ITEM quæcunque sic se habent quod vnum potest intelligi, altero non intellecto, & econuerso, illa non sunt vnum. Sed posse generare potest intelligi circumscripta potentia creandi: ergo, &c.

CONTRA: Vnius potentis omnino simplicis vnicum tantum est posse: Pater est potens omnino simplex: ergo vnicum tantum habet posse: sed habet posse generare, & posse creare: ergo illa duo sunt vnicum posse.

ITEM si posse est aliud, & aliud cum posse generare respiciat personam, posse creare naturam: ergo natura & persona sunt duo: ergo nec natura de persona, nec econuerso dicitur: quod est omnino falsum.

ITEM si est distinctio inter posse generare & posse creare: ergo est ibi ordo. Quæro ergo quid sit prius secundum rationem intelligendi. Et quod potentia generandi, videtur quia est respectu æterni, & æternum ante temporale.

SED CONTRA: Intellectus communis est ante intellectum proprii: sed potentia creandi dicit commune tribus, potentia generandi proprium Patri: ergo, &c.

CONCLUSIO:

Posse generare, & posse creare, sunt vnicum posse re ipsa, licet ratione differant.

RESP. Ad arg. Dicendum quod posse generare & posse

F

creare

Ad opposit.
Aug. lib. 7.
de Trin. t.
c. 3.
Arist. i. de
ani. sensib.
33.

Fundamenta

creare sunt posse vnicum, tamen dupliciter dictum. Vnum enim esse est in re, esse Patrem, & esse Deum, differens autem secundum rationem intelligendi: quia quod est absolutum cum dico esse Deum, idem est relatum cum dico esse Patrem: similiter & in posse est intelligendum. Vnde sicut essentia & persona vnum sunt in re, tamen est differentia rationis in intelligendo, & in dicendo. Similiter dicendum est de potentia generandi, & creandi: sicut est ibi differentia non re, sed secundum rationem, ita est ibi ordo secundum rationem intelligendi. Vnde secundum diuersas comparationes habent alium & alium ordinem. Comparando enim posse creare, & posse generare ad illud cuius sunt, cum posse creare sit naturæ, posse generare sit personæ, & intellectus communis est ante intellectum proprii, sic absque calumnia, prior est secundum rationem intelligendi potentia creandi. Comparando autem ad illud ad quod terminatur, cum potentia creandi respiciat temporale, potentia vero generandi æternū, prior est secundum rationem intelligendi potentia generandi quam potentia creandi, & sic patent obiecta de ordine. Concedenda sunt ergo rationes ostendentes quod non differunt posse generare, & posse creare differentia secundum rem, siue secundum essentiam.

1. Ad illud quod obiicitur quod alio est Deus, alio Pater, dicendum quod Augustinus loquitur de alio & alio alietate rationis & non rei. Et intelligitur alietas rationis per illum modum quo supra dictum est Distin. 5. ubi queritur utrum essentia generet.

2. Ad illud quod obiicitur: Potentiæ distinguuntur per actus, &c. dicendum quod verum est hoc de illis actibus qui habent completionem ab obiectis: sed non sunt sic actus diuini. Vnde quamuis creatura, & Filius omnino differant, attamen generatio, & creatio idem sunt, sicut essentia, & persona: Deus enim in agendo non completur ab obiecto, quia seipso agit.

3. Ad illud quod obiicitur quod potentiæ pluralificatur per subiecta. dicendum quod istud verum est de subiecto proprio: sed Filius non in quantum Filius est subiectum potentiæ creandi, sed in quantum Deus. Et constat quod sicut natura diuina non facit numerum cum Patre, ita nec potentia respiciens naturam cum potentia Patris.

4. Ad illud quod ultimo obiicitur quod vnum potest intelligi sine altero & econuerso, dicendum quod aut loqueris quantum ad significatum, aut quantum ad connotatum. Si quantum ad connotatum, verū dicis quod creatura potest intelligi non intellecta persona Filij, & econuerso. Si quantum ad principale significatum, dicis falsum: impossibile est enim intelligi potentiam generandi sine potentia creandi, sicut impossibile est intelligere personam sine essentia.

QVÆSTIO IIII.

An posse generari & posse creari sint vniuocum posse.

Ad oppositum.

VTRUM posse generari & posse creari sint posse vniuocum. Et quod non, videtur quia quamuis idem sit generare, & creare quantum ad principale significatū, aliud tamen est generari, & creari, sicut Creator, & creatura: ergo cum non habeat esse vniuocum creatura, & Creator: ergo, &c.

2. ITEM creatio dicit egressum & mutationem: generatio vero omnem excludit mutationem: ergo cum posse creari importet potentiam transmutandi, posse generari non, cum potentiæ differant in sua generalitate in potentia transmutandi, & in hac non conueniunt: ergo in nulla.

3. ITEM omne, distribuit terminum pro omnibus quæ vniuocantur, vel analogantur in illo: sed cum dico: Omnipotens, nō fit distributio pro illo quod potest generari, quia tunc Filius non esset omnipotens: ergo manifestum est quod vtrumque posse nec est vniuocum, nec analogū, alioquin Omnipotentia non conuenit Filio.

SED Contra: Res est commune ad fruibile & vtribile: ergo cum æqualis ambitus, vel maioris sit possibile, quā res, & non sit maior differentia inter generatum, & crea-

turam, quam inter fruibile, & vtribile: pari ratione possibile, siue posse est commune ad vtrumque.

ITEM in æternis non potest esse multiplicitas, nec diuersitas: ergo cum posse creari & posse generari ab æterno ante conditionem creaturæ fuerint: ergo non habent multiplicationem in ipsa potentia.

ITEM cū dico: Creatura potest creari, nihil dicit creatum: quia illud vere dicitur de eo quod omnino nihil est, sicut de anima Antichristi: ergo solum dico potentiam agentis: sed potentia Dei est vnica, non habens aliquam multiplicatam: ergo eius posse vniuocum est ad posse creari, & posse generari.

CONCLUSIO.

Posse generari, & posse creari, quo ad principale significatum vniuocum dicuntur: quo vero ad connotatum, analogice.

RESP. ad arg. Dicendum quod cum dico posse creari & posse generari, dico principale significatum & dico connotatum. Quantum ad principale significatū, dico quod posse creari idem dicit re, quod posse creare, differens solum in modo loquendi, vel dicendi: quia quod dicitur per modum actionis per posse creare, dicitur per posse creari per modum passionis. Quantum vero ad connotatum dicit effectum in creatura. Quomodo ergo comparantur posse creari, & posse generari? Si comparentur ratione principalis significati, dico quod non tantum est vniuocum, immo & vnicum, ut visum est: aliter tamen, & aliter intellectum & enunciatum, sicut posse generare & posse creare. Si autem ratione connotati comparentur, sic concedo quod est analogum, sicut hoc nomen, res, ad fruibilia, & vtrabilia. Quamuis enim Creator, & creatura non habeant commune vniuocum, habent tamen analogum. Notandum autem quod duplex est analogia. Est quædam per reductionem ad vnitatem naturæ secundum prius & posterius, & hæc potest esse comparando creaturam ad creaturam, & in hac signum distribuit pro omnibus contentis, nisi sit distributio restricta ex additione, vel ex usu: siue modo loquendi, sicut distributio dicitur accommodata, ut si dicatur cælum regit omnia. Alia est analogia per reductionem ad vnitatem similitudinis proportionis, non naturæ: & quod sic analogatur, non est inter alia. Vnde distributio proprie pro illo non distribuit nisi sit extensa. Vnde Deus non est ens inter omnia. Et hinc est quod Omnipotens non distribuit pro potentia generandi proprie accepta distributione, nisi fiat quædam extensio, & ex illa per consequens fiat quædam appropriatio circa suppositum. Vnde proprie Omnipotens conuenit tribus: quia non distribuit pro potentia generandi: appropriate autem secundum quod fit ampliatio ex parte signi, solius est Patris.

Ex his patent omnia obiecta, procedunt enim per diuersas vias, ut patet intuenti.

DE VERITATE, ET PROPRIETATE, ET INCOMMUTABILITATE, ET SIMPLICITATE ESSENTIÆ DEI.

DISTINCT. VIII. PARS I.

VNC de veritate, siue proprietate, & incommutabilitate, atque simplicitate diuina nature, siue substantiæ, siue essentiæ agendum est. Est itaque Deus, ut ait Augustinus in 5. libro de Trinitate. sine dubitatione substantia, vel, si melius hoc appellatur, essentia: quam Greci vsiam vocant. Sicut enim ab eo, quod est sapere, dicta est sapientia, & ab eo, quod est scire, dicta est scientia: ita ab eo, quod est esse, dicta est essentia. Et quis magis est quā ille qui in Exo. 3. dixit famulo suo: Ego sum qui sum? & dices filiis israel, Qui est, misit me ad vos? ipse vere,

Quæst. I. immut. proced.

Analogia duplex.

Ca. 2. m. 3. Et h. 12. ad eum. Ca. 12. 10. 5.

Aristot. 5. Metaphys. context. 17. in fin. & 9. Metaphys. context. 2.

Fundamenta.

ac pro-

ac proprie dicitur essentia, cuius essentia non nouit prateritum, vel futurum. † Vnde Hieronymus ad Marcellam scribens ait: Deus solus, qui exordium non habet, vera essentia nomen tenet: quia in eius comparatione qui uere est, quia incommutabilis est, quasi non sint, quae mutabilia sunt. De quo enim dicitur fuit, non est: & de quo dicitur erit, nondum est. Deus autem tantum est, qui non nouit fuisse, vel futurum esse. Solus ergo Deus uere est, cuius essentiae comparatum nostrum esse, non est.

Qualiter intelligenda sint uerba Hieronymi, querendum est.

Hic diligenter aduertendum est, quo modo intelligi debeant illa uerba Hieronymi, scilicet Deus tantum est, & non nouit fuisse, vel futurum esse, tanquam non possit dici de Deo, fuit, vel erit: sed tantum est: cum de eo scriptum frequenter reperiamus: Fuit ab aeterno, fuit semper, & erit in saecula, & huiusmodi: unde uidetur, quia non est tantum dicendum de Deo, Fuit, uel est, uel erit. Si enim diceretur tantum, fuit: putaretur, quod desierit esse: si diceretur tantum, est: putaretur, quod non semper fuerit, sed esse caperit: si tantum diceretur, erit: putaretur non esse modo. Dicatur ergo, quia semper fuit, est, & erit, ut intelligatur, quia nec cepit, nec desit, nec desinet esse. De hoc Augustinus super Ioan-nem ita ait: Cum de sempiterna re proprie dicatur, est: secundum nos bene dicitur fuit, & erit. & est: fuit quia nunquam desit: erit, quia nunquam deest: est, quia semper est. non praterit. quasi quod non maneat: non erit, quasi quod non erat. Cum ergo nostra locutio per tempora varietur, de eo uere dicuntur uerba cuiuslibet temporis, qui nullo tempore defuit, uel deest, uel deest: & ideo non est mirum si de spiritu ueritatis, Veritas loquens dixit per futurum: Quacumque audiet, loquetur: audiet, scilicet ab eo, a quo procedit. Audire illius est scire, idem etiam esse. A quo ergo est illa essentia, ab illo audientia, id est, scientia, qua non est aliud, quam essentia. Audiet ergo dixit de eo, quod audiuit: & audit, id est quod semper scuit, scit, & sciet. Ecce hic dicit Augustinus uerba cuiuslibet temporis dici de Deo: sed tamen proprie est. Illud ergo quod Hieronymus dicit ita intelligendum est: Non nouit fuisse, vel futurum esse, sed tantum esse, id est, cum dicitur de Deo quod fuit, uel erit, non est intelligendum quod praterit, uel futurum sit: sed quod existat simpliciter sine aliquo temporali motu. Lites enim uerba substantia diuersorum temporum de Deo dicantur (ut fuit, erit, est, erat) non tamen temporales motus esse distinguunt, scilicet prateritum, uel futurum, uel prateritum imperfectum, uel prateritum perfectum, uel prateritum plusquam perfectum: sed essentiam, siue existentiam suam diuinitatis simpliciter insinuant. Deus ergo solus proprie dicitur essentia, uel esse: unde Hilarius in 7. de Trinitate ait: Esse non est accidens Deo, sed subsistens ueritas, & manens causa, & naturalis generis proprietates.

De incommutabilitate Dei.

Dei etiam solus essentia incommutabilis dicitur proprie quia nec mutatur, nec mutari potest. Vnde Aug. in 5. lib. de Trin. Alia, inquit essentia, uel substantia capiunt accidentia quibus in eis fiat uel magna uel quantacumque mutatio: Deo autem aliquid huiusmodi accidere non potest: & ideo sola substantia, uel essentia, quae est Deus, incommutabilis est, cui profecto maxime, ac uerissime competit esse. Quod enim mutatur, non seruat ipsum uerum esse: & quod mutari potest, etiam si non mutetur, potest quod fuerat non esse. Ideoque illud solum quod non tantum mutatur, uerum-

etiam mutari omnino non potest, uerissime dicitur esse, id est, substantia Patris, & Filii, & Spiritus sancti. Ideoque Apostolus loquens de Deo ait: Qui solus habet immortalitatem. Ut enim ait August. in lib. 1. Trin. Cum anima quodam modo immortalis esse dicatur & sit, non diceret Apostolus: Solus Deus habet immortalitatem, nisi quia uera immortalitas incommutabilis est, quam nulla potest habere creatura, quoniam solius Creatoris est. Vnde Iacobus ait: Apud Deum non est transmutatio, nec uicissitudinis obumbratio. Et David: Mutabis ea, & mutabuntur: tu autem idem ipse es. Ideo August. super Genes. dicit quod Deus nec per loca, nec per tempora mouetur: creatura uero per loca, & tempora. Et per tempora moueri, est per affectiones commutari: Deus autem nec loco, nec affectione mutari potest, qui per Prophetam ait: Ego Deus, & non mutor: qui est immutabilis solus. Vnde recte solus dicitur habere immortalitatem. In omni enim mutabili natura, ut ait Augustinus contra Maximinum, nonnulla mors est ipsa mutatio, quia facit aliquid in ea non esse quod erat. Vnde & ipsa anima humana, quae ideo dicitur immortalis, quia secundum modum suum nunquam desinit uiuere, habet tamen quandam mortem suam: quia si iusse uiueret, & peccat, moritur iustitia: si peccatrix erat & iustificatur, moritur peccato, ut alias eius mutationes taceam, de quibus modo longum est disputare. Et creaturarum natura celestium mori potuit quia peccare potuit. Nam & angeli peccauerunt, & demones facti sunt, quorum est diabolus princeps: & qui non peccauerunt, peccare potuerunt: & cuiusque rationali creatura praestatur, ut peccare non possit, non est hoc natura propria, sed Dei gratia. Et ideo solus Deus, ut ait Apostolus, habet immortalitatem: qui non cuiusquam gratia, sed natura sua nec potuit, nec potest aliqua conuersione mutari: nec potuit, nec poterit aliqua mutatione peccare. Proinde, ut ait Aug. in 1. lib. de Trinit. substantiam Dei sine ulla sui commutatione mutabilia facientem, & sine ullo suo temporali motu temporalia creantem, intueri & nosse, licet sit difficile, oportet. Vere ergo ac proprie incommutabilis est sola diuinitatis essentia: quae sine sui mutatione cunctas condidit naturas.

DISTINCT. VIII. PARS II.

De simplicitate diuinæ Essentiae, uel Naturæ.

Eademque sola proprie, ac uere simplex est, ubi nec partium, nec accidentium, nec quarumlibet formarum ulla est diuersitas, siue variatio, uel multitudo. Ut autem scias quo modo simplex sit illa substantia, te docet Aug. in 6. lib. de Trinit. Animaduerte primo, quare omnis creatura sit multiplex: & nullo modo uere simplex: & primum de corporali, postea de spiritali creatura. Corporalis utique, creatura ex partibus constat, ita ut sit ibi aliqua pars minor, alia maior. & maius sit totum quam qualibet pars: & in uoquoque corpore aliud est magnitudo, aliud color, aliud est figura. Potest enim imminuta magnitudine manere idem color, & eadem figura: & colore mutato, manere eadem figura, & eadem magnitudo. At per hoc multiplex esse conuincitur natura corporis: simplex autem nullo modo.

Quo modo spiritalis creatura sit multiplex, & non simplex.

Creatura quoque spiritalis, ut est anima, in comparatione quidem corporis est simplex: sine comparatione uero corporis, est multiplex, & non simplex. Quia ideo simplex dicitur respectu corporis, quia mole non diffunditur per spacium loci: sed in uoquoque corpore, & in toto tota est,

1. Tim. 6. c.

Iacob. 1. c.
Psalm. 101. d.
Li. 8. c. 20.
11. 22. 23.
26. 10. 3.
Mal. 3. b.
Li. 3. c. 12.
10m. 6.

1. Tim. 6. c.

Cap. 10. 3.

Ex eod. li. 6.
cap. eodem.

in toto, tota est; & in qualibet eius parte tota est. Et ideo tam fit aliquid in quavis exigua particula corporis, quam sentiat anima, quamvis non fiat in toto corpore, illa tamen tota sentit, quia totam non latet. Sed tamen nec in ipsa tota anima vera simplicitas est. Cum enim aliud sit artificiosum esse, aliud inertem, aliud acutum, aliud memorem: aliud cupiditas, aliud timor, aliud letitia, aliud tristitia: possintque hæc & alia huiusmodi innumerabilia in anima inueniri natura, & alia sine aliis, & alia magis, & alia minus: manifestum est animam non simplicem, sed multiplicem esse naturam. Nihil enim simplex mutabile est: omnis autem creatura mutabilis est: nulla ergo creatura vere simplex est. Deus vero etsi multiplex dicatur, vere tamen & summe simplex est: Dicitur enim magnus, bonus, sapiens, beatus, verus, & quidquid aliud non indigne dici videtur: sed eadem magnitudo eius est, quæ sapientia. Non enim mole magnus est, sed virtute: & eadem bonitas eius est, quæ sapientia, & magnitudo, & veritas: & non est ibi aliud ipsum beatum esse, & aliud magnum, aut sapientem, aut verum, aut bonum esse, aut omnino esse.

Qualiter Deus cum sit simplex, multiplex tamen dicatur.

Hic diligenter notandum est, cum dicat Augustinus solum Deum vere simplicem esse, cur dicat eundem multipliciter dici. Sed hoc non propter diuersitatem accidentium, vel partium dicit: sed propter diuersitatem, ac multitudinem nominum, quæ de Deo dicuntur: quæ licet multiplicia sint, unum tamen significant, scilicet diuinam naturam. Hæc enim non ita accipiuntur, cum de illa incommutabili æternæque substantia incomparabiliter simpliciore quam est humanus animus, dicuntur, quemadmodum cum de creaturis dicuntur. Vnde August. in 6. lib. de Trin. Deo, inquit, est hoc esse, quod est fortem esse, vel sapientem esse, vel iustum esse: & si quid de illa simplici multiplicitate, vel multiplici simplicitate dixeris, quo substantia eius significetur. Humano autem animo non est hoc esse, quod est fortem esse, aut prudentem, aut iustum: potest enim esse animus, & nullam istarum habere virtutum.

Deus ob suam ipsius simplicitatem nulli prædicamentorum subiicitur.

Quod autem in natura diuina nulla sit accidentium diuersitas, nullaque penitus mutabilitas: sed perfecta simplicitas, ostendit Aug. in 15. de Trin. dicens: Intelligamus Deum, quantum possumus, sine qualitate bonum, sine quantitate magnum, sine incipientia Creatorem, sine situ præsentem, sine habitu omnia continentem, sine loco ubique totum, sine tempore sempiternum, sine ulla sui mutatione mutabilia facientem, nihilque patientem. Quisquis Deum ita cogitat, etsi nōdum potest omnino inuenire quid sit ipse, pie tamen caueat quantum potest, aliquid de illo sentire, quod non sit. Ecce, si subtiliter intendas, ex his atque prædictis aperitur, illa prædicamenta artis dialectica Dei naturæ minime conuenire, quæ nullis est subiecta accidentibus.

Quo modo Deus non proprie, sed abusus dicatur substantia.

Vnde nec proprie dicitur substantia, ut Aug. ostendit in lib. 7. de Trin. Sicut ab eo quod est esse appellatur essentia, ita ab eo quod est subsistere substantiam dicimus: si tamen dignum est, ut Deus dicatur subsistere. Hoc enim de his rebus recte intelligitur, in quibus, ut subiectis, sunt ea quæ in aliquo subiecto esse dicuntur, sicut in corpore color, aut forma. Corpus enim subsistit, & ideo substantia est. Res vero mutabiles, neque simplices proprie dicuntur substantia. Deus autem si subsistit, ut substantia proprie dici possit, in-

est in eo aliquid tanquam in subiecto: & non est simplex. Nefas est autem dicere ut subsistat Deus, & subsistat bonitas sua: atque illa bonitas non substantia sit, vel potius essentia, neque ipse Deus sit bonitas sua, sed in illo sit tanquam in subiecto. Vnde manifestum est, Deum abusus substantiam vocari, ut nomine visitatori intelligatur essentia, quod vere ac proprie dicitur, ita ut fortasse solum Deum dici oporteat essentiam. Est enim vere solus, quia incommutabilis est.

Non est aliquid in Deo, quod non sit Deus.

Huius autem essentia simplicitas, ac sinceritas tanta est quod non est in ea aliquid, quod non sit ipsa: sed id est habens, & quod habetur. Vnde Hilarius in 7. lib. de Trin. ait. Non ex compositis Deus, qui vita est, subsistit: neque qui virtus est, ex infirmis continetur: neque qui lux est, ex obscuris coaptatur: neque qui spiritus est, ex disparibus formalis est: totum quod in eo est, unum est. Idem in 8. li. de Trin. Non humano modo ex compositis Deus est, ut in eo aliud sit quod ab eo habetur, & aliud sit ipse qui habeat: sed totum una est natura, scilicet, perfecta & infinita, & non ex disparibus constituta: sed vivens per totum ipsa. De hoc eodem Boetius in primo libr. de Trin. ait: Quocirca hoc vere unum est, in quo nullus numerus, nullum in eo aliud præter id quod in eo est: neque enim subiectum fieri potest. August. quoque in lib. de fide & Symbolo dicit: In Dei substantia non est aliquid quod non sit substantia: quasi aliud sit ibi substantia, aliud quod accadat substantia. Sed quidquid ibi intelligi potest, substantia est. Verum hæc dici possumus facile, & credi: videri autem nisi puro corde omnino non possunt. Item Aug. 15. li. de Trin. Sic habetur in natura vniuersæque trium, quod qui habet, hoc sit quod habet, sicut immutabilis simplexque substantia. Vnde Isidor. ait. Deus simplex dicitur, siue non amittendo quod habet, seu quod aliud non est ipse, & aliud quod in ipso est. Et cum tanta simplicitatis atque sinceritatis sit natura diuina, est tamen in ea Trinitas personarum. Vnde August. in lib. 11. de Cinit. Dei: Non propter hoc naturam summi boni simplicem dicimus, quia est Pater in ea solus, aut Filius in ea solus, aut Spiritus sanctus in ea solus: aut quia est solus ista nominum Trinitas, siue substantia personarum, sicut Sabelliani putauerunt. Sed ideo simplex dicitur, quia est hoc quod habet: excepto quod relatiue quæque persona ad alteram dicitur, nec est ipsa. Nam utique pater habet filium, ad quem relatiue dicitur: nec tamen ipse est filius: & filius habet patrem: nec tamen ipse est pater. In quo vero ad semetipsum dicitur non ad alterum, hoc est quod habet, sicut ad semetipsum dicitur viuus habendo vitam, & eadem vita est ipse. Propter hoc utique natura hæc dicitur simplex, quod non sit aliud habens, & aliud id quod habet, sicut in cæteris rebus est. Non enim habens liquor rem liquor est, nec corpus color, nec anima est sapientia. Ecce quanta est identitas, quanta est unitas, immutabilitas, simplicitas, puritas diuina substantia, iuxta infirmitatis nostre valitudinem assignauimus.

DIST. VIII. PARS I.

De proprietatibus, & conditionibus essentialibus Trinitatis, & Unitatis.

Nunc de veritate, siue proprietate, &c.

Expositio textus.

TERMINATIS superius duabus partibus istius partis principalis, quæ est de Trinitate, secundum quod intelligitur, in quibus ad probandam Trinitatem

Sequitur
immediata
c. 7.

Cap. 4. 10. 3.

Cap. 1. 10. 3.

Cap. 4. in
fine.

Immediata
sequitur
cap. 5.

Paulo post
mediam.

Paulo ante
finem. 10. 3.

Cap. 3.

Cap. 9. in
a finem
cujdem.

Cap. 17. in
1. lib. 1. de
fu. bon. cl.
& lib. 7.
c. 17. m. c. 1.
Cap. 10.

Diuisio

tatem Magister adduxit rationes, & remouit dubitationes: In hac tertia parte determinat istius Trinitatis, & Vnitatis proprietates, & conditiones. Et quoniam quedam sunt proprietates respicientes essentiam, vt veritas: quedam personas, vt generatio: quedam vtraque, vt æqualitas: ideo hæc pars tres habet partes. In prima parte agit Magister de proprietatibus essentialibus. In secunda, de proprietatibus personalibus, infra distinct. 9. *Nunc ad distinctionem personarum, &c.* In tertia, de proprietatibus & conditionibus, quodam modo essentialibus, & quodam modo personalibus, sicut est æqualitas personarum, in æternitate, magnitudine, & vnitate: Infra distinct. 19. *Nunc postquam coæternitatem trium personarum, &c.* Prima pars quæ continet præsentem distinctionem, tres habet partes, secundum tres proprietates quas assignat. Prima est de veritate. Secunda est de immutabilitate. Et hæc ponitur ibi: *Dei etiam solius essentia proprie incommutabilis dicitur.* Tertia de simplicitate. Et hæc ponitur ibi: *Eademque sola proprie, ac vere simplex est, &c.* Item prima pars habet duas partes, quia primo attribuit Deo proprietatem veritatis. Secundo remouet dubitationem habentem ortum ex prædictis, ibi: *Hic diligenter aduertendum est, &c.* Similiter secunda pars habet duas. In prima assignat Deo proprietatem incommutabilitatis, & probat auctoritate Augustini: In secunda confirmat per Apostolum, ibi: *Ideoq. Apostolus loquens, &c.* Tertia de simplicitate infra subdividitur.

Nunc de veritate, siue proprietate, diuina essentia, &c. Dub. I.

Videtur male dicere, quia omne quod habet proprium, distinguitur: sed diuina essentia non est distinguibilis: ergo non habet proprium.

RESP. Ad quod dicendum quod diuina essentia eo modo est distinguibilis, quo modo habet proprietates, & econuerso. Quia quamuis in se non sit distinguibilis per plurificationem sui, nec a persona per diuersitatem, est tamen distinguibilis respectu essentiae creatæ, respectu cuius habet has proprietates.

Dub. II.

ITEM queritur de illis tribus proprietatibus, quas ponit, scilicet de veritate, immutabilitate, simplicitate, cum multæ aliæ conditiones sint diuinæ essentiae, quare solum de his tribus agit.

RESP. Dicendum quod per has tres proprietates sufficienter distinguitur esse increatum a creato. Nam creatum ab eo ipso quod creatum, habet esse post non esse, & ita esse vanum, & possibile: ideo habet esse permixtum cum possibilitate, & propter hoc deficit a veritate, a stabilitate, & simplicitate. † Increatum vero esse habet contrarias proprietates, & in his sufficienter distinguitur. Nam veritas respicit quod est: immutabilitas, quo est: simplicitas vtrumque. Ideo patet sufficientia, & ordo.

Sicut enim ab eo quod est sapere dicitur sapientia.

Dub. III.

Non videtur dicere verum. Sicut enim albedo se habet ad album, ita sapientia ad sapere: sed albedo non dicitur ab albo, immo magis econtra: ergo, &c.

RESP. Dicendum quod secundum intellectum componentem, sapere dicitur a sapientia, quia intellectus componens procedit ab abstracto ad concretum. Secundum vero intellectum resoluentem est econuerso, & quantum ad hunc loquitur Augustinus: Vel posset dici, quod loquitur secundum considerationem Grammatici, non Logici.

Quis magis est quam ille, qui dixit famulo.

Dub. IV.

Videtur male dicere, quia Esse non recipit magis, & minus, & maxime in Deo.

RESP. Dicendum quod magis & minus dupliciter possunt considerari, scilicet in comparatione ad idem, &

lic non dicunt intensionem & remissionem. Vel in comparatione ad diuersas substantias & naturas, & sic dicunt gradum & excessum, & sic est bene ponere magis & minus in ente respectu Creatoris, & creaturæ, & respectu creaturarum ad inuicem: sed in comparatione creaturæ ad Creatorem est excessus improporcionabilis, & infinitus: respectu creaturarum ad se inuicem, est proportionabilis.

Cuius Essentia non nouit præteritum, vel futurum. Dub. V.

Videtur enim esse ista proprietas & angelorum, quia Augustin. de Ciuit. Dei dicit, quod immortalitas angelorum non est præterita, quasi non sit: nec futura quasi nondum sit: sed semper est præsens: ergo non est proprium solius Dei.

RESP. Quidam dicunt quod duratio æui est simplex & tota simul, non habes præteritum & futurum: nihilominus ipsum æuiternum seu æternum habet præteritum, & futurum, quantum ad affectiones: & ita proprium est solius Dei. Alii dicunt quod in omni duratione creata quoniam differt a durante, etiam habet esse possibile cum priori, & posteriori: sed distinguunt de priori, & posteriori. Quoddam enim est quod dicit durationis successionem, quoddam successionis durationem cum variatione, & in nouatione. Primum est in æuo. Secundum in tempore, & hoc vult Anselmus expresse, & hoc credo probabilius, & patet responsio ad verbum Augustini. Ipse enim loquitur de priori & posteriori: quod quidem dicit in nouationem, & variationem, & corruptionem.

Cuius Essentia comparatum nostrum Esse, non est.

Dub. VI.

Videtur hoc falsum. Quia quod inest alicui substantialiter, non adimitur comparatione aliqua: sed esse est substantiale rei cuiuslibet: ergo, &c. Item ex comparatione ad Deum creatura melioratur, vt dicit Aug. ergo magis est quam si non comparatur: ergo, &c.

RESP. Dupliciter est accipere talem comparationem. Vno modo secundum rationem influentiae, & receptionis, & sic creatura ad Deum comparata est magis quam si non comparatur. Alio modo comparatur secundum habitudinem æquiparantiae, & proportionis: & hoc modo verum est, quod nulla est ratio proportionabilis secundum conditionem veritatis, & nobilitatis Esse diuini: & ideo quasi nihil est: non omnino in se, sed nihil a proportionem: quia non potest inueniri aliqua proportio quantitativa.

Dicatur ergo quod semper fuit, est, & erit.

Dub. VII.

Videtur, hæc verba non debere dici de Deo: quia dicunt diuersa tempora: sed in Deo non cadit diuersitas temporum.

RESP. Quidam voluerunt dicere quod actus isti non prædicant de Deo diuersa tempora secundum essentiam, sed secundum concomitantiam: quia diuinum Esse omnino inuariatum, omne tempus concomitatur: sed hæc positio non soluit plene. Dicitur enim vere quod Deus fuit ante omne tempus: ergo concomitantiam non potest dicere. Ideo dicunt alii quod tempus consignificatum non est dispositio rei acceptæ, siue intellectæ, quando dicitur de Deo, sed solum modi intelligendi: quædo vero de mobili, vtroque modo. Exemplum patet de masculino genere in lapide, & viro, quoniam in viro est vt dispositio rei acceptæ: in lapide, vt modus intelligendi solum. Sed hæc positio non videtur sufficiens: quia intellectus non ponit præteritum circa suum intelligere, quando intelligit Deum fuisse: ergo oportet quod ponat circa rem. Propter hoc notandum quod verba diuersorum temporum aliter dicuntur de æterno, aliter de æuiterno, aliter de temporali. Nam respectu temporalis important mutabilitatem, & successionem, & durationem. Secundum vero, quod de æuiternis dicuntur, duo tantum important, successio-

*a Hier. ad
Damascep.
10.2.
b Aug. sup.
10.99.
c Ansel. li.
de Deo et
tributu.*

nem & durationem, sicut vult Hieronymus, ^a Augustinus, ^b & Anselmus. ^c Secundum vero quod dicuntur de Deo, important solum durationem. unde dicitur: Deus fuit, quia eius duratio non cœpit. Deus est, quia duratio eius non interruptitur. Deus erit, quia non desinit, nec corrumpitur. Proprie ergo loquendo non dicuntur de Deo, ut dicit Hieron. Large autem loquendo dicuntur ut dicit Magister, & August. & ad hoc vadit opinio Magistri.

Esse non est Deo accidens, &c. Dub. VIII.

Quæritur, quia cum Esse nec creaturæ sit accidens (nulli enim omnino rei accidit esse) quo modo ergo per hoc notatur Deus differre à creatura.

R E S P. Dicendum quod accidens dicit quid natum in alio esse, ab alio exire, & ab alio recedere. Accidens enim dicitur quod inest subiecto, ab illo trahit ortum, & propterea potest adesse, & abesse. In his tribus proprietatibus communicat esse creatum, licet non eodem modo omnino. Nam esse nostrum pedit ab alio sustinente, oritur ab alio efficiente. Creatura etiam nata est suum esse perdere: ideo, Esse eius est quasi accidens non tamen vere accidens, quia cum pendeat à Deo, non pendet sicut à subiecto. E converso est in Deo, & ideo dicit Hilarius quod esse non est accidens Deo: & hoc propter contrarias proprietates. Quia accidens natum est alij inesse, propter hoc dicitur subsistens veritas. Quia natum est ab alio exire, contra hoc dicitur: manens causa. Quia natum est etiam ab alio recedere, contra hoc dicitur: naturalis generis proprietates, quæ non dimittit esse.

Solus Deus habet immortalitatem. Dub. IX.

Quæritur, quo modo hic intelligatur immortalitas, cum hic dicat Aug. quod accipitur pro incommutabilitate: sed hoc non videtur conueniens. Mors enim non dicit omnem mutabilitatem, sed solum corruptibilitatem viventium: ergo non idem est dicere.

R E S P. Sicut vita accipitur communiter & proprie, ita & mors, ita & immortalitas. Vno enim modo dicitur vita actus continuus & internus, qui est à forma spirituali, & sic dicitur proprie, & sic immortalitas dicit vitam talē cum impossibilitate ad eius priuationem. Alio modo dicitur vita actus completus potentie, quæ est secundum rei naturam, sicut dicitur aqua viua, quæ habet operationem aquæ conuenientem: & hoc modo importat repugnantiam ad corruptionem: & ideo debet dici secundum hanc vitam, immortale: quod est ita in actu completo quod nullo modo potest aliquam peiorationem recipere, & sic accipit Apost. & exponit August.

Nec vicissitudinis obumbratio. Dub. X.

Quæritur, quæ differentia sit inter vicissitudinem, & obumbrationem: & quæ conuenientia, ratione cuius dicitur vicissitudo obumbrare.

R E S P. Dicendum quod vicissitudo importat numerum vicis, & iste est numerus cum interruptione: sed obumbratio dicitur per priuationem actus lucis. Quoniam ergo actus formæ lux est, priuatio eius recte dicitur obumbratio: & quia vicissitudo ratione numeri dicit interruptionem: & ratione interruptionis dicit priuationem, & ratione priuationis obumbrationem, hinc est quod recte dicitur vicissitudinis obumbratio.

ARTICVLVS I.

IN hac parte ad euidenciam duarum primarum proprietatum quas Magister primo assignat, scilicet Veritatis, & Incommutabilitatis, duo principaliter quærentur. Primo de ipsa Veritate. Secundo de Immutabilitate. De veritate iterum quærentur duo. Primo utrum Veritas sit proprietas diuini Esse. Secundo, utrum sit eius proprietas in summo, id est adeo quod non possit cogitari non esse.

§:§:



QVÆSTIO I.

An veritas sit proprietas diuini Esse.

S. Tho. 2. 2. q. 12. art. 4.

Regd. Rom. 1. Sent. dist. 19. q. 3.

Richard. 1. Sent. dist. 8. q. 2.

Steph. Brulef. 1. Sent. dist. 8. q. 1.

Petrus de Tarantaf. 1. Sent. dist. 8. q. 3.

QUOD Veritas sit proprietas diuini esse ostenditur auctoritatibus, & rationibus.

Primo modo sic auctoritate Hieronymi ad Marcellā, & habetur in littera: Solus Deus vere est, cuius essentie comparatum nostrum esse, non est: sed quod alicui soli conuenit, est proprium illi: ergo Veritas est proprium diuini Esse.

I T E M Augustinus de vera Rel. Falsitas est in illis rebus quæ imitantur illud vnum, quod est vnum, quidquid est, in quantum illud implere non possunt. Si ergo nulla creatura potest illud summe vnum implere, veritas non est in aliqua creatura: sed in omnibus falsitas.

I T E M Augustinus in Soliloq. & de vera Rel. dicit, quod lux increata est ratio cognoscendi, & sola lux increata est veritas: ergo veritas est proprietas Dei solius.

I T E M Anselmus in li. de Veritate dicit quod omnia sunt vera, prima veritate: aut ergo intelligit effectiue, aut formaliter. Non effectiue, quia similiter omnia possunt dici bona, prima bonitate: ergo intelligitur formaliter: ergo non est alia veritas quam veritas increata: ergo si illa est, est in Deo, & cetera. ergo veritas est solius Dei proprietates.

I T E M rationibus probatur sic: Veritas & vanitas opponuntur: sed omnis creatura habet vanitatem, & permutationem cum non esse, cum sit ex nihilo: & solus Deus hac caret omnino: ergo in solo Deo est veritas.

I T E M Veritas opponitur vmbre. Quod enim est vmbra rei non habet veritatem: sed creaturæ sunt vmbre illius summi: ergo non habent veritatem in esse.

I T E M Veritas est qua aliquid est verum: sed veritas est vera, cum sit cognoscibilis: sed constat quod non alio quam se, quia alias esset abire in infinitum: sed quod est verum seipso, est verum per essentiam: ergo omnis veritas est vera per essentiam: sed sola veritas increata est vera per essentiam: ergo veritas est proprietas Dei solius.

C O N T R A: Si veritas est Dei proprietates: aut ergo veritas complexa, aut incomplexa. Non complexa, quia talis est cum compositione: in Deo autem non est compositio aliqua. Non incomplexa, quia hæc conuertitur cum ente: ergo cum entitas non sit Dei proprietates, pari ratione nec veritas erit.

I T E M verum æque commune est ut bonum, & quodam modo magis: sed bonitas non est Dei proprietates: ergo pari ratione nec veritas.

I T E M veritas est ratio discernendi Creatorem à creatura, & creaturam à creatura: sed quod est ratio discernendi & distinguendi, est diuersum in diuersis: ergo alia veritas est in Deo quam in creatura, & in vna creatura quam in alia: ergo non est proprium solius Dei.

I T E M Augustinus in Soliloq. Verum est id quod est, ergo veritas est ipsa entitas: ergo non est proprium essentie: quia si sic, qua ratione dicitur: Veritas est proprietas essentie, posset dici e converso, cum omnino idem sint.

C O N C L V S I O.

Veritas propterea distinguitur contra impuritatem, dissimilitudinem, & obscuritatem, est proprietas diuini Esse.

R E S P. ad arg. Dicendum quod Veritas habet triplicem comparisonem. Habet enim comparari ad subiectum quod informat, ad principium quod repræsentat, & ad intellectum quem excitat. In comparisonem ad subiectum veritatis dicitur veritas actus, & potentie indiuisio. In comparisonem ad principium dicitur veritas sum-

mæ ve-

mae veritatis & primae representatio, siue imitatio. In comparatione ad intellectum, dicitur veritas ratio distinguendi. Et in omnibus illis comparationibus dupliciter potest accipi veritas. Vno modo prout distinguitur contra falsitatem. Alio modo prout distinguitur contra permixtionem, secundum quod verum dicitur purum & impermixtum. Prout veritas diuiditur contra falsitatem, quae est priuatio indiuisiōis, imitationis, expressionis, sic cum in creatura sit aliquo modo inuenire & indiuisiōem, & imitationem, & expressionem, sic est veritas, non tantum in Creatore, sed etiam in creatura, & sic non assignatur Dei proprietates. Alio modo prout veritas diuiditur contra permixtionem, siue impuritatem, sic est in solo Deo. Nam in solo Deo est indiuisio pura non permixta alicui diuersitati. In solo Deo est imitatio, & similitudo pura non permixta alicui dissimilitudini. Et in solo Deo est expressio luminis non permixti obscuritate. In creatura autem est indiuisio, cum actus & potentiae diuersitate, & imitatio cum dissimilitudine. Est vltius in ea expressio cum obscuritate, & ideo hoc modo est veritas diuini esse proprietates, & sic accipit Magister, & Augustinus, & Hieronymus. Vocant enim verum esse quod nihil habet de possibilitate, nihil habet de vanitate, nihil de non entitate. Et ideo in Deo non cadit praeteritio, & futuritio, quae aliquo modo non entia sunt, & sic procedunt duae primae auctoritates, & rationes.

Ad illud vero quod obiicitur, quod non sit alia veritas quam aeterna, quia ipsa sola facit intelligere, dicendum quod sicut color est obiectum visus, & motiuum visus (tamen non sine actu lucis) & differt ipsa a luce: sic dicendum quod veritas creata quamuis non possit mouere sine veritate increata, nihilominus est motiua suo modo, & alia veritas est ab illa.

Ad illud quod obiicitur de Anselmo quod omnia sunt vera veritate prima, dicendum quod verum de sui impositione dicit comparationem ad causam exemplarem, sicut bonum ad causam finalem. Sicut enim dicitur bonum ratione ordinis, sic verum ratione expressionis; & ratio exprimendi est ipsius exemplaris: sicut ergo cum dicitur de bonis creatis quod sunt bona bonitate increata, bonitas praedicat finem in ablatiuo, non formam, quia bonitas increata nullius creati est forma. Similiter cum dicitur quod omnia sunt vera veritate increata, ablatiuus dicit causam formalem exemplarem. Omnia enim vera sunt, & nata sunt se exprimere expressione illius summi luminis: quod si cessaret influere, caetera desinerent esse vera: ideo nulla veritas creata est vera per essentiam: sed per participationem, & per hoc parent vltima.

Ad illud vero quod obiicitur in contrarium quod non est proprietas, patet responsio: quoniam obiicit de veritate secundum quod habet oppositionem ad defectum falsitatis, non ad permixtionem possibilitatis: praedicto enim modo conuenit non tantum Creatori, sed etiam creaturae.

Ad illud quod obiicitur quod veritas est idem quod diuina essentia, dicendum quod de ratione proprietatis in creatura sunt ista tria. Primum est quod conuenit soli: Secundum est, quod est ratio innotescendi. Tertium est, quod differt ab eo cuius est proprietas. Duo prima sunt perfectionis. Vltimum vero imperfectionis, quia excludit simplicitatem: & ideo veritas dicitur diuinæ essentiae proprietas, non quia differat, vel sit inharens diuinæ essentiae, sicut antecedens subiecto: sed quia soli conuenit, & est ratio cognoscendi eam. Et haec est causa quare econuerso essentia non est proprietas veritatis, quia non est ratio innotescendi eam, sicut econuerso. Si autem quaeras, cum idem significant essentia & veritas, quare vnum est ratio cognoscendi alterum, & non econuerso.

Ad hoc dixerunt aliqui quod quamuis idem significant essentia & veritas, tamen vnum scilicet veritas est magis ratio cognoscendi ratione connotati. Sed hoc non potest stare, quia veritas nihil connotat. Dicendum ergo quod hoc est ratione modi significandi, & intelligendi.

Et notandum quod dupliciter est loqui de his nominibus Vno modo ratione eius quod nominant, seu significant: alio modo ratione eius in quo significatur ponit quod nominant. Vnde differt dicere sensum, & sensum hominis: quia primo dicitur commune ad sensum hominis, & bruti: secundo, proprium hominis. Si ergo accipimus huiusmodi nomina secundum se, alia est ratio essentiae, alia veritatis: quoniam essentia dicit quid, veritas conditionem entis. Cum vero essentiam & veritatem trahimus ad Deum, quamuis idem sint, tamen ratione generalium significatorum, vnum accipitur, vt proprietates alterius, & non est ibi synonymia, nec sunt nomina synonyma: sed manet ratio subiecti, & proprietatis secundum modum significandi, & manet etiam secundum modum intelligendi. Quia per essentiam in creatura intelligimus essentiam in Creatore: & per veritatem creaturae intelligimus veritatem increatam. Vnde sicut veritas creata est proprietas & ratio cognoscendi essentiam creatam, sic veritas increata secundum rationem significandi & intelligendi est ratio cognoscendi & intelligendi essentiam increatam.

QUESTIO II.

An diuinum Esse sit adeo verum quod non possit cogitari non esse.

Alex. alensis 1. p. q. 3. Membrum 1. c. 3.

Guill. Alisiodorensis lib. 1. Sent. c. 2.

S. Tho. 1. p. q. 2. art. 1.

Scotus 1. Sent. dist. 2. q. 2.

Egid. Rom. 1. Sent. dist. 3. q. 2.

Richardus 1. Sent. d. 3. q. 2.

Franciscus de Mayr. 1. Sent. dist. 2. q. 2.

Durandus 1. Sent. dist. 3. q. 1.

Tho. Arg. 1. Sent. dist. 3. q. 1. art. 2.

Gabr. Biel 1. Sent. dist. 3. q. 4.

Vtrum haec proprietas conueniat Deo in summo, id est vtrum diuinum, Esse, sit adeo verum, quod non possit cogitari non esse.

Et quod sic videtur per Anselmum qui dicit quod Deus secundum communem animi conceptionem, est quo nihil maius cogitari potest. Sed maius est quod non potest cogitari non esse, quam quod potest: ergo cum Deo nihil maius cogitari possit, diuinum esse ita est quod non potest cogitari non esse.

ITEM Damasc. dicit quod cognitio essendi Deum nobis naturaliter est impressa: sed naturales impressiones non relinquunt, nec assuecunt in contrarium: ergo veritas Dei impressa menti humanae est inseparabilis ab ipsa: ergo non potest cogitari non esse.

ITEM maior est veritas inesse diuino quam in aliqua dignitate: sed aliqua dignitas ita est vera quod non est ei contradicere corde, vt, Omne totum est maius sua parte, & similia. Vnde non potest cogitari non esse: ergo multo fortius hoc erit verum dicere de prima veritate.

ITEM intellectus noster nihil intelligit nisi per primam lucem, & veritatem: ergo omnis actio intellectus quae est in cogitando aliquid esse, est per primam lucem: sed per primam lucem non conuenit cogitare primam veritatem non esse: ergo.

ITEM quod non conuenit enunciare, hoc non conuenit cogitare: sed non conuenit enunciare primam veritatem non esse: ergo nec cogitare. Probatio mediae, omnis sermo enunciativus asserit se esse verum: Vnde sequitur: Si homo est asinus, hominem esse asinum, est verum: sed omne quod ponit veritatem, ponit primam veritatem, quia omnis veritas infert illam: ergo omnis sermo asserit primam veritatem esse: ergo, &c.

ITEM omnis sermo enunciativus, aut affirmativus est, aut negativus: sed affirmativus affirmat hoc de hoc, quia sequitur, si est ens quod est hoc, est ens quod non est hoc: quia cum dico ens hoc, dico ens limitatum, finitum & cartatum: & tali posito, ponitur ens summum: ergo omnis sermo affirmativus circa creaturam infert Deum.

Fundamenta.

Anselm. in
Prolog. c.
4. c. 5.
tom. 3.

Damasc.
de orth. fid.
c. 1. c. 3.

Aug. lib. 1.
Soliloq. c. 8
13. & 15. in
prim. 10. 1.

Aristot. 1.
Perib.
cap. 4.

Aug. in 30.
 1899. 10. 1. c.
 2. 25. 10.
 1.

**Ad oppo-
situm.**

2. 3.
b P/al. 13. a

Boer. lib. de
hebdom. in
medeo.

ITEM negatiuus similiter: quia nullus sermo est magis negatiuus quam iste: Nulla est veritas. Sed Augustinus in Soliloq. probat quod sermo iste ponit primam aliquam veritatem esse: quia si nulla veritas est. verum est nullam veritatem esse: & si hoc est verum, aliquid est verum: & si aliquid est verum, aliqua veritas est: ergo, &c.

1. SED contra: Damasc. dicit: ^a In tantum prevaluit
perniciosa hominum malitia, vt dicat Deum non esse, se-
cundum illud Psalms: ^b Dixit insipiens, &c.

2. I T E M idolatra dicit quod non est alius Deus nisi idolum, & hoc credit, & cogitat: sed constat idolum non esse Deum: ergo, &c.

3. I T E M omne illud, quo intellecto non esse, potest aliquid intelligi, potest cogitari non esse. Sed dicit Boetius in libro de hebdomadibus, quod intellecto per impossibile summum bonum non esse, adhuc potest aliquid intelligi rotundum, & album: ergo similiter in summo vero, & sic poterit cogitari non esse.

4. I T E m illud quod maxime nos laet, de facili potest cogitari non esse: sed veritas diuini esse est huiusmodi: quia Deus habitat lucem inaccessibilem: ergo, &c.

5. I T E M quæro, quid est dicere, Deum non posse cogitari non esse? Si quia non potest aliquo modo cogitari, nec vere, nec false, illud est manifeste falsum. Si quia non potest vere, similiter nec anima, nec cœlum, &c. huiusmodi.

6. I T E M quod contingit exprimere, contingit & cogitare: sed contingit exprimere diuinum esse non esse: ergo & cogitare. Quod contingat, hoc patet, cum dicitur in speciali: Deus non est: & in generali, nihil est: & quod neutra istarum inferat Deum esse, patet, quia oppositum non infert oppositum: & quod nihil infert: quælibet autem istarum nihil ponit.

C O N C L U S I O .

Deum esse est adeo verum, quod non potest cogitari non esse.

R e s p. ad arg. Dicendum quod aliquid cogitare non esse dupliciter. Aut in ratione falli, sicut cogito de hac homo est asinus: & hoc cogitare nihil aliud est quam quid est quod dicitur, intelligere: hoc modo potest cogitari non esse veritas diuini Esse.

Alio modo est cogitare cum assensu, sicut cogito aliquid non esse, & credo non esse, & hoc modo aliquid cogitare non esse quod est, potest venire aut ex defectu intelligentis, aut ex defectu intelligibilis. Defectus autem intelligentis est cæcitas vel ignorantia: ob quam, quia ignorat rem, ideo cogitat ipsam non esse. Conuenit autem dupliciter esse cogitationem de aliquo ente, videlicet si est, & quid est. Intellectus autem non deficit in cogitatione diuinæ veritatis, quantum ad cognitionem quid est, tamen non deficit quantum ad cognitionem, si est. Vnde Hugo: Deus ab initio sic cognitionem suam in homine temperauit, vt sicut numquam quid esset, poterat ab homine comprehendi, ita numquam quia esset, poterat ignorari. Quia ergo intellectus noster numquam deficit in cognitione Dei si est, ideo nec potest ignorare ipsum esse, similiter non cogitare non esse. Quia vero deficit in cognitione quid est, ideo frequenter cogitat Deum esse, quod non est sicut idolum, vel non esse quod est, sicut Deum non iustum: & quia qui cogitat Deum non esse quod est, vt non iustum, per consequens cogitat ipsum non esse: ideo ratione defectus intellectus, Deus potest cogitari non esse, siue summa veritas, nō tamen simpliciter, siue generaliter, sed ex consequenti, sicut qui negat beatitudinem esse in Deo, negat eam esse. Hoc autem modo procedunt rationes probantes quod aliquis intellectus cogitat, vel cogitari potest, diuinum Esse non esse.

Alio modo potest cogitari aliquid non esse propter defectum à parte intelligibilis, & huiusmodi defectus potest esse dupliciter. Aut defectus præsentiz: aut defectus euidentiæ. Defectus præsentiz, utpote, quia non semper, quia non ubiq; Aut quia quamuis semper, & ubique, non

A vbiq; totaliter. Quia nō semper est, aliquando est, aliquādo non: & ideo aliquādo vere potest cogitari non esse. Similiter de eo q nō est vbiq;, quia eadē ratione qua potest cogitari non esse hic, potest cogitari non esse alibi. Similiter de eo quod secundum partem adest, secundum partem abest. Deus autem est semper & vbiq;, & totus semper & vbiq;: ideo non potest cogitari non esse. Hanc rationem assignat Anselmus in libro contra insipientem: Non solum propter defectum præsentiæ, potest cogitari aliquid non esse: sed etiam propter defectum euidentiæ, quia non est euidens in se, nec est euidens in probando. Sed diuini. Esse veritas est euidens & in se, & in probando. In se, quia sicut principia cognoscimus in quantum terminos: & quia causa prædicari clauditur in subiecto, ideo seipsis sunt euidentiæ, sic & in proposito. Nam Deus siue
B summa veritas est ipsum esse, quo nihil melius cogitari potest: ergo non potest non esse, nec cogitari nō esse. Prædicatum enim clauditur in subiecto. Nec tantum habet euidentiā in se: sed etiam ex probatione, quoniam diuinā veritatē esse, probat & concludit omnis veritas & natura creata: quia si est ens per participationem & ab alio, est ens per essentiā & non ab alio. Probat etiam ipsam & concludit omnis intelligentia recta, quia omni animæ ei⁹ cognitio est impressa, & omnis cognitio est per ipsam. Probat iterum ipsam, & cōcludit omnis propositio affirmatiua: omnis enim talis aliquid ponit: & aliquo posito ponitur verum: & vero posito ponitur veritas quæ est causa omnis veri. Propositio autem negatiua non infert ipsam nisi sophistice, vt dicunt. Vnde ex hoc quod est nihil esse, vel nullam veritatem esse, non contingit concludere, nec inferre veritatem esse. Hæc enim propositio: nihil est, destruit omnem veritatem. Et ideo ad ipsam non sequitur aliqua affirmatiua, & hæc est vera: si nihil est, nulla propositio est, nec aliquid. Augustinus autem tale argumentum non facit approbando, sed inquirendo.

Concedendum est ergo, quod tanta est veritas diuini
Esse, quod cum assensu non potest cogitari non esse, nisi
propter ignorantiam cogitantis, qui ignorat quid est quod
per nomen Dei dicitur. Et concedendæ sunt rationes ad
hoc, licet aliquæ sint sophisticæ.

1. Ad illud ergo quod obiicitur in contrarium in tantum prævaluit, &c. dicendum quod Damasc. loquitur de cogitatione quæ venit ab excæcatione, quod patet ex ipso verbo eius, cum dicit, malitia.

2. SIMILITER ad illud de idolo dicendum quod ideo errat, quia ignorat quid sit, vnde non cogitat Deum non esse in vniuersali.

3. A d illud quod obiicitur, quod intellecto Deo non esse, possunt alia esse intelligi, dicendum quod Boetius loquitur de intellectu quo per impossibile aliquid cogitamus, sed non assentimus.

4. A d illud quod obiicitur quod maxime nos latet, patet responsio, quod maxime nos latet quid est: sed tamen maxime patet, si est.

5. Ad illud quod obiicitur, quid est dicere diuinam Veritatem non posse cogitari non esse : dicendum quod aliquis non potest credere quod Deus non sit dummodo utatur ratione. Non sic de creaturis. Quia etsi certum est, vnā creaturam esse vni, non tamen omnibus, quia non est veritatis tantæ, vt se omnibus offerat æqualiter, sicut prima veritas.

6. Ad illud quod obiicitur: Quod conuenit expri-
mere, conuenit & cogitare, dicendum quod potest acci-
pi *cogitare* generaliter pro actu mentis, siue errantis, siue
non: siue assentientis, siue non: & tunc est illud verum:
vel pro cogitatione cum assensu, tunc est falsum: quia di-
gnitatibus, idest, propositionibus per se notis contigit ra-
tionem contradicere quantum ad exterius, non tamen
quantum ad interius, * vt dicit Philoso-
phus in libro Posteriorum.

§:§

Terria
conclusio.
in sel. lib
contra te
sup. in prin.

Hoc Verū
est concu-
piscens re-
mota sub
rationibus
proprie, &
rem. Fide
Sec. d. 2 q.
Ruch diff
1. q. 1.
Tbo 1. li.
q. 2. art 1.
non autem
satisfacens
concupiscen-
tiae a nobis
sicut nunc

**Prima
conclusio.**

4ugo li. i.
1. /acr. p.)
ap. L

Secunda conclusio

* L. Poff.
foul clarim
ex 4. Mon
p. 1/2.

ARTICVLVS II.

Consequenter secundo loco est quæstio de secunda proprietate diuini Esse, scilicet Immutabilitate. De qua duo quærentur. Primo quæritur vtrum Immutabilitas sit in Deo, Secundo vtrum sit proprietas Dei.

QVÆSTIO I.

An Deus sit immutabilis.

Alex. Alensis 1. p. q. 4. Membr. 1.

S. Thomas 1. p. q. 9. art. 1.

Scotus 1. Sent. d. 8. q. 5.

Henricus in sum. art. 30. per totum.

Epist. Rom. 1. Sent. dist. 8. p. 3. q. 1.

Richardus 1. Sent. dist. 8. art. 2. q. 1.

Durandus 1. Sent. dist. 8. q. 3.

Franciscus de Mayr. 1. Sent. dist. 9. q. 2.

Gabr. Biel. 1. Sent. dist. 8. q. 7.

Quod immutabilitas sit in Deo, ostenditur hoc modo: Omnis mutatio, aut est secundum substantiam, aut secundum accidens: sed Deus non mutatur secundum substantiam, quia omne tale est corruptibile: Deus autem, siue diuina substantia, cum non habeat principium, est incorruptibilis: ergo, &c.

ITEM nec secundum accidens, quia in Deo non est accidens: ergo nulla in eo est mutatio.

ITEM omne quod mutatur, per prius est in potentia quam in actu, & in tali differt actus à potentia: sed Deus est purus actus: ergo nullo modo mutatur.

ITEM fiat deductio Richardi: Omnis mutatio, aut est in statum meliorem, aut deteriore, aut parem: sed nullo istorum modorum mutatur diuina natura, quia non in meliorem, quia verissime est. Non in deteriore, quia à semetipsa est. Non in æqualem, quia perfecta est: ergo nullo modo conuenit diuino Esse mutabilitas.

1. CONTRA: per Sapientiam: Omnibus mobilibus mobilior est sapientia: ergo, &c. Si dicatur quod sapientia dicitur mobilis per causam eo quod facit alia moueri. CONTRA: Nihil dat quod non habet: sed Deus dat omnibus motum: ergo motus, vel mutatio maxime est in Deo.

2. ITEM omne quod nunc est aliquid quod non fuit prius, est mutatum: sed filius Dei homo est, ab æterno autem non fuit homo: ergo est mutatus. Si dicas quod homo prædicatur de filio Dei, non per inhaerentiam, sed per unionem: & unio est relatio, & relatio aduenit sine mutatione, vt de nummo fit pretium, vt dicit Augustinus in 5. de Trinitate. Contra: Ambrosius ita arguit contra hæreticum qui posuit filiū ex tempore genitum à Patre: Quia si hoc, tunc factus est de non Patre, Pater: ergo mutatur: ergo similiter in proposito.

3. ITEM quicunque de non agente fit agens, mutatur mutatione quæ est ab orio in actum: sed Deus de non creante factus est creans: ergo est mutatus. Si dicas quod Deus de non agente fit agens, non propter mutationem sui: sed propter mutationem effectus producti, sicut Sol de non illuminante fit illuminans.

CONTRA: Non quia creatura est, ideo Deus creat: sed quia Deus creat, creatura fit, siue producit. Per prius est ergo Deum agere quam creaturam fieri: ergo cum posterius non sit causa prioris, non quia creatura fit de non ente ens, Deus fit de non creante, creans: sed e conuerso, & ita mutatio est ratione agentis, non effectus.

4. ITEM Deus aliquid vult quod prius nō voluit, quia ex tempore voluit creare, quod non voluit ab æterno: sed quicunque vult aliquid quod non prius voluit, mutatus est: ergo, &c. Si TV DICAS quod ab æterno voluit creare mundum in illo instanti, sicut ego volo audire mi fam cras. CONTRA: Voluntas Dei est causa rerum proxima, & immediata, sed posita causa proxima & immediata, ponitur effectus: ergo si ab æterno voluit, ab æterno mundus fuit.

* *

CONCLUSIO.

Deus cum sit simplex, æternus, purus actus, & immensus, est immutabilis.

RESP. ad arg. Dicendum quod sicut dicit Boetius, Deus stabilis manens dat cuncta moueri, vnde diuina Essentia est immutabilis. Non enim muratur loco, quia vbique est. Non tempore, quia æternitas simul est. Non forma, quia purus actus est. Vnde mutationem secundum formam tollit simplicitas, secundum tempus tollit æternitas, secundum locum tollit immensitas. Et ideo in Deo est summa stabilitas, & inde omnis motus causalitatis. Quia sicut probat Augustinus, & vult Philosophus: Omnis motus procedit ab immobili, vt cum mouetur manus stat cubitus, & mouetur cubitus stante humero: quia ergo Dei sapientia est stabilis, ideo omnia mouet.

1. QVOD obiicitur, ergo de sapientia quod dicitur mobilis, dicendum quod mobile dicitur actiue de ea, quia facit motum non passiuè, sicut sensibile de animali.

Et ad illud quod obiicitur, nihil dat alteri quod non habet, dicendum quod triplex est aliquid habere, scilicet formaliter, exemplariter, causaliter, & quolibet istorum modorum, quod habet dare potest. Primo autem modo non habet Deus motum: sed secundo, & tertio sic.

2. Ad illud quod obiicitur de relatione, dicendum quod relatio cum dicitur de nouo, de necessitate ponit mutationem in altero extremorum: nec oportet quod in vtroque: ideo ista relatio quæ est personæ ad personam, ponit mutationem in altera personarum: & vna mutata, mutatur & reliqua, quia eadem sunt essentia: ideo de necessitate si de non patre fieret pater, mutaretur. Relatio autem essentia ad essentiam, non de necessitate ponit mutationem, nisi in altero extremorum. Quia cum diuersæ sint Essentia, potest vna mutari altera non permixta: ideo in relatione ad creaturam semper intelligitur in creatura facta mutatio, non in Deo. Tamen proprie loquendo, sicut alibi patebit, Deus non refertur ad creaturam, nisi secundum dici, & modum loquendi. Posset tamen aliter dici, sicut supra tactum est simile, quia relatio personalis dat personæ existere, non sic autem relatio ad creaturam, & ideo sequitur, si incipit esse pater, incipit esse. Non autem sequitur hic: Deus incipit esse homo, igitur incipit esse, & ideo bene valet argumentum Ambrosii quod si pater incepisset gignere quod esset mutatus, quia incepisset esse, non quia ab vno statu in alterum mutatus esset.

3. Ad illud quod obiicitur, quando de non agente, &c. dicendum quod est agens quod est sua actio, & est agens quod non est sua actio. Agens quod non est sua actio sic agit quod inter ipsum, & effectum cadit medium quod disponit ipsum, & tale agens nunquam fit agens de non agere quin mutetur, quia nouum quid sibi aduenit. Sed agens quod est sua actio, agit seipso, & ideo inter ipsum, & effectum non cadit aliquod medium ipsum disponens: & ideo cum de non agente fit agens, quia nihil noui sibi accidit, ideo non mutatur: tale agens Deus est.

4. Ad illud quod obiicitur de voluntate, dicendum quod causa proxima, & immediata dicitur tripliciter. Aut respectu substantia, aut dispositionis, aut actus. Respectu substantia, cum inter eam & effectum non cadit alia substantia media causans. Respectu dispositionis, cum nō additur noua dispositio ad effectum producendum. Respectu actus, quando actui coniungitur. Dico ergo quod Dei voluntas fuit causa proxima, & immediata ab æterno respectu substantia & dispositionis, & non respectu actus, quia actui non coniungitur voluntas, nisi pro tempore in quo vult agere, vt patet cum dicitur: volo cras legere, voluntas non copulatur actui, nisi pro tempore crastino.

QVÆSTIO II.

An solus Deus immutabilis sit.

Alexander Alensis 1. p. q. 4. Membr. 3.

S. Thomas 1. p. q. 9. art. 2.

Et 1. Sent.

Lib. de con-
sol. Philos.
meto 9. 3.
lib.
Corolla-
rium.
Aug. lib. 8.
de Gen. ad
litteram c.
21. fo. 3.
Arist. de
incessu a-
ni. & de
motibus
ani.
Arist. 7.
phys. com-
men. c. 2.

Dis. 30. q. 3.
Dis. 28. q. 4.

Funda-
menta.
Ex 5. phys.
context. 1.

Lib. 1. de
Trin. c. 3.

Ad oppos.
Sap. 7. d.

Aug. lib. 3.
cap. 10. 3.
Ambros. de
fid. Grat.
lib. 1. cap. 5.
in med.

Et 1. Sentent. dist. 8. q. 3. art. 1. c. 2.
 Scotus in Reportatus 1. Sent. d. 8. q. 1.
 Regd. Rom. 1. Sent. dist. 8. p. 3. q. 2.
 Richardus 1. Sent. d. 8. art. 2. q. 2.
 Steph. Brulef. 1. Sent. d. 8. q. 3.
 Petrus de Tarantaf. 1. Sent. dist. 8. q. 7.
 Gab. Biel. 1. Sent. dist. 8. q. 2. dub. 1.

Funda-
 menta.

1. Tim. 6. c.
 Aug. lib. 3.
 c. 12. 10. 6.

Damas. li.
 de orth. fid.
 lib. 1. c. 3.

Greg. super
 Job. Mor. li.
 16. c. 18.

Hilar. li. 7.
 de Trin.

Rom. 8. d

Adoppol.

Aug. c. 1.
 om. 1.

Gilber.
 Porret. a.
 uno lib.
 (ex princi-
 pium, c.
 7.

Aug. de Ge-
 nes. ad lit.
 lib. 8. c. 20.
 10. 3.

ap. 1.

Aug. lib.
 1. p. de Tri.
 c. 4. 10. 3.

Vtrum Immutabilitas sit diuinæ Essentiz proprie-
 tas, ita quod nulli creaturæ conueniat. Et quod sic
 videtur. Quia dicitur de Deo quod solus habet immor-
 talitatem. Et Augustin. dicit contra Maximinum: In om-
 ni natura mutabili nonnulla mors est ipsa mutatio: er-
 go si solus Deus habet immortalitatem, solus habet im-
 mutabilitatem.

ITEM omne vertibile est mutabile: sed omnis crea-
 tura est vertibilis. Vnde Damascenus: Omne quod a ver-
 sione incipit, in versionem tendit, &c.

ITEM omne quod sibi relictum in nihilum cedit, quā-
 tum est de se est mutabile: sed omnis creatura est huius-
 modi. Vnde Gregorius: Cuncta in nihilum tenderent ni-
 si manus Conditoris ea retineret: ergo, &c.

ITEM nullum accidens de se habet stabilitatem: sed ef-
 se omni creaturæ accedit, sicut dicit Hilarius, & habetur
 in littera, quia ab alio venit: ergo omnis creatura quantum
 ad esse est instabilis.

ITEM Omne vanum est subiectum variabilitati: sed
 omnis creatura vana, cum sit ex nihilo: (Vnde dicitur: Va-
 nitati subiecta est creatura, &c.) ergo si omnis creatura
 vana nulla immutabilis est.

ITEM omne mutatum habet in se mutabilitatem: sed
 omnis creatura facta est: ergo omnis creatura mutata: er-
 go nulla immutabilis.

1. CONTRA: Immutabilitas non dicitur nisi tripli-
 citer. Dicitur enim immutabilitas, aut inuariabilitas, aut
 incorruptibilitas, aut inuertibilitas. Ostenditur autem
 quod inuariabilitas conueniat creaturis, utpote princi-
 piis. Nam Aug. ostendit in 12. confes. quod materia infor-
 mis est inuariabilis. Quia quod caret forma, caret ordine:
 & quod caret ordine, caret vicissitudine: ergo variatione.
 Auctor autem sex principiorum dicit hoc de forma, quod
 est in simplici & inuariabili Essentia consistens.

2. ITEM videtur quod inuariabilitas conueniat bea-
 tis: quia ubi perfecta beatitudo, ibi nulla deperditio: & ubi
 hæc nulla variatio est.

3. ITEM variatio attenditur sicut dicit Aug. super Ge-
 nes. ad litteram, aut secundum locum, aut secundum tē-
 pus: sed aliqua creatura caret determinato loco & tēpore,
 ut vniuersale quod est semper, & vbiq; & cælum Em-
 pyreum quod est extra tempus, & locum: ergo, &c.

4. ITEM si immutabilitas dicatur incorruptibilitas,
 idem ostenditur: nam omnis corruptio naturalis venit ex
 contrarietate. sicut dicit Philosophus in lib. de morte, &
 vita: sed multæ creaturæ carent contrarietate: ergo & cor-
 ruptibilitate.

5. ITEM omnis corruptio est in aliquid prius se, quia
 corruptio naturalis in aliquid est: sed principia non ha-
 bent aliquid prius, utpote materia: ergo sunt incorru-
 ptibilia.

6. ITEM omne perpetuum est incorruptibile: sed a-
 liqua creatura naturaliter est perpetua: ergo, &c. Minor
 probari potest sic: Perpetuitas est de ratione imaginis.
 Vnde August. Non esset anima imago, si mortis termino
 clauderetur: cum ergo anima naturalis sit imago: ergo na-
 turaliter est immortalitatis siue perpetua.

7. ITEM ostenditur quod creatura sit inuertibilis,
 sic Vertibilitas est in non esse: sed nihil est quod creatu-
 ram aliquam possit vertere in non esse, quia a se non ver-
 titur, cum nihil se corrumpat: ab alio nō, quia actio creatu-
 ræ in id terminatur ex quo incipit: sed nullius creatu-
 ræ actio incipit ante esse: ergo, &c. Præterea, distantia in-
 finita est inter esse creaturæ, & nihil: sed inter extrema in
 infinitum distantia non potest fieri mutatio per virtutem
 finitam: ergo nihil potest cedere in nihil, nisi Deo fa-
 ciente.

8. ITEM vertibilitas dicitur per corruptionem in nō
 esse omnino: sed nihil quod corrumpitur cedit omni-
 no in non ens: ergo nullum corruptibile vertibile so-
 lum. **SIT V D I C A S,** quod inuertibilitatem non ha-
 bet creatura per naturam, sed per gratiam. **CONTRA:**
 Quod omnibus inest, est naturale, quoniam gratia, spe-
 ciale est: sed naturale est quod est idem apud omnes: sed
 fere omnis creatura est inuertibilis, quia nulla redigitur
 in nihilum: ergo hoc naturale.

9. ITEM ostenditur quod nec per gratiam, quia gratia
 est perfectio nature: ergo quod repugnat naturæ, non da-
 tur per gratiam: ergo si inuertibilitas est contra naturam
 creaturæ: ergo non datur per gratiam.

10. ITEM obiicitur de illa gratia, quia si est creatura,
 est vertibilis: si ergo conueniat ei inuertibilitas, oportet
 quod per aliam gratiam, & sic erit abire in infinitum.
 Si ergo oportet stare, parer quod non per gratiam. Si di-
 cas quod gratia illa non dicitur habitus: sed Deus gratis
 conseruans, hoc nihil est, quia sine Deo operante nulla
 creatura operatur: ergo sicut nulla creatura est inuertibilis
 nisi per gratiam, si nulla creatura operatur nisi per
 gratiam: ergo nulla operatio est naturalis, quod stultum
 est dicere.

CONCLUSIO.

*Inuariabilitas, & immutabilitas per se, est pro-
 prium ipsius Dei.*

R E S P O N. ad arg. Dicendum quod immutabilitas di-
 citur per priuationem mutabilitatis. Mutatio autem di-
 citur tripliciter. Vno modo ab ente in ens, & hæc est mu-
 tatio secundum accidens, & dicitur variatio. Alio mo-
 do ab ente simpliciter in ens potentia, siue secundum quid,
 & hæc est mutatio secundum formam, & dicitur corru-
 ptio. Alio modo est mutatio ab ente in simpliciter non
 ens, & hæc est secundum totam rei substantiam, & dicitur
 versio. Secundum hoc intelligendum quod immutabi-
 litas dicitur tripliciter. Vno modo inuariabilitas, alio mo-
 do incorruptibilitas, & tercio modo inuertibilitas. Si ergo
 immutabilitas dicatur inuariabilitas, sic dico quod in
 nulla omnino est creatura, neque per naturam, neque per
 gratiam: nam omne creatum, aut est accidens, aut habet
 accidens, & ita variabile. Sic accepta immutabilitas pro-
 prie proprium ipsius Dei est. Si autem dicatur immuta-
 bilitas, incorruptibilitas, sic dico quod in aliquibus est
 creaturis. In quibusdam per naturam, utputa in simplici-
 bus. In quibusdam per gratiam utputa in glorificatis cor-
 poribus. Nec sic est proprie proprium diuinæ essentiz. Si
 vero tercio modo dicatur immutabilitas, sic omnibus
 creaturis inest per gratiam, nulli autem per naturam nisi
 soli Deo. Inuertibile enim per naturam est quod ex seipso
 habet, ut possit stare: hoc autem est in quo nulla est vana-
 tas, vel varietas, & in quo omnino nulla est essentiz mu-
 tatio, nec ad esse, nec ad non esse, & hoc est solum æternū:
 Ideo hæc inuertibilitas est in solo Deo, & est proprie pro-
 prium eius. Inuertibilitas autem per gratiam, inest om-
 nibus, vel pluribus creaturis, quia De⁹ sua gratuita boni-
 tate cetera cōtinet, ne in nihil cedant: & loquor de crea-
 turis quæ dicunt quid completerum, & per se existens.

Concedendum ergo quod immutabilitas prout priuat
 variationem secundum accidens, quantum ad naturam
 & potentiam, solius Dei est. Similiter ut priuat mutatio-
 nem in non esse secundum actum & potentiam, quantum
 est de natura, solius Dei est, licet per gratiam conueniat
 multis creaturis: & sic procedunt rationes ad primam
 partem, vnde concedendæ sunt.

1. Ad illud ergo quod obiicitur in contrarium quod
 principia rerum sunt inuariabilia, dicendum quod verū
 est, si considerentur secundum essentiam abstractam: sed
 si considerentur secundum esse naturæ, sic de necessita-
 te habent accidentia coniuncta, & possunt variari: varia-
 tio autem accidentalitatis respicit esse.

2. Ad illud quod obiicitur quod in beatis non potest
 esse variatio, dicendum quod verum est quantum ad
 substantiam

Immuta-
 bilitas
 quod mo-
 dis sum-
 tur.

concedi-
 1. Thom.
 1. p. q. 1. a.
 1. c. 9. de
 potentia
 art. 1. 2. 6.
 1. lib. 2.
 contra Gen.
 1. 19.

substantiam præmii, siue quantum ad præmium substantiale: cadit tamen quantum ad conuersionem ad inferius, tum quantum ad affectiones, sicut patet in angelis, tum quantum ad actiones. Vnde beati erunt agiles, & poterunt moueri.

2. Ad illud quod obiicitur de vniuersali, & Empyreum, dicendum quod vtrumque recipit variationem: sed vniuersale ratione eius in quo est, quia mouëtibus nobis, mouentur ea quæ in nobis sunt: Empyreum vero ratione contenti. Potest enim aliquid continere quod non continet, & aliquid non continere quod continet.

4. 5. Ad illud quod obiicitur de incorruptibilitate, dicendum sicut prædictum est, quod conuenit creaturis aliquæ enim creaturæ sunt ita simplices, & ita bona cōiunctione coniunctæ quod nulla cadit in eis contrarietas, nec est in eis maior ratio corruptionis quam in principiis. Vnde sicut principia non sunt resolubilia in aliquid, tamen cederent in nihil si sibi relinquerentur, sic intelligendum in aliquibus substantiis. Vnde non est dicendum quod sit verum quod omne compositum sit resolubile secundum rem: sed sicut dicit Anselmus, est resolubile re, vel intellectu. Vnde concedendæ sunt rationes ad hoc inductæ.

6. 7. 8. Ad illud vero quod obiicitur de vertibilitate, dicendum quod quælibet creatura vertibilis est per naturam, si sibi relinquatur. Si quæritur causa huius, dicendum quod huius versionis cum sit defectus purus, non est reddenda causa efficiens, vel reducens in non esse: sed solum deficiens. Propter quod notandum quod natura dicitur naturalis origo. Origo autem creaturæ & est ex nihilo, & est ex suis principiis: secundum hoc dupliciter dicitur aliquid ipsi creaturæ naturale, vel quia inest ei ex eo quod est ex nihilo, vel quia inest ei ex eo quod est ex suis principiis. Et quia nihil nullius est causa efficiens, sed deficiens, ideo proprietates quæ insunt creaturæ, ratione eius quod est ex nihilo, non sunt positiones, sed defectus, nec sunt à virtute, sed à defectu virtutis: nec habent causam efficientem, sed deficientem: & tales sunt, vanitas, instabilitas, vertibilitas. Si ergo quæritur à quo est vertibilis creatura, dico quod non ab aliquo efficiente, sed per defectum in seipsa. Secundum autem quod naturale dicitur inesse rei per propria & intrinseca principia, sic non dicuntur naturaliter inesse priuationes, vel defectus, sed habilitates: & ideo hoc modo accipiendo naturale, nulla creatura est vertibilis in non esse: nec tamen dicitur inuertibilis naturaliter, quia naturale est in quod potest natura: sed principia rei non possunt in rei conseruationem, nec conseruationem sui, & ideo inuertibilitas non est huiusmodi naturalis. Nec tamen est contra naturam, immo est ei consona: quia omnis natura appetit saluari, quamuis ex se non possit, & maxime illa creatura quæ appetit beatificari, & hæc est illa quæ ad Dei imaginem facta est. Et quia desiderium naturæ non est frustra, ubi deficit natura, supplet Dei gratuita influentia. Et sic patet quod vertibilitas inest per naturam: sed inuertibilitas per gratiam.

9. Ad illud quod obiicitur de comparatione gratiæ ad naturam, intelligendum est quod gratia dicitur adiutorium veniens à superiori, respectu eius quod est supra posse naturæ. Hoc autem adiutorium est duplex: aut respectu esse simpliciter, aut respectu esse perfecti. Si respectu esse simpliciter, ut puta conseruationis esse, quia nulla principia cum sint vana, de se possunt seipsa conseruare: sic non est mediante aliquo habitu infuso, vel dato. Et quia respicit esse, quod esse est commune omnibus, ideo hæc gratia est omnibus communis. Vnde hæc est gratia habens modum naturæ, & hæc est gratia qua datur cetera vertibilia. Alio modo dicitur gratia adiutorium respectu perfecti esse, & quia perfectio esse est in his quæ ad beatitudinem ordinantur, respicit bene esse, vel esse quod non est omnium: ideo hæc est habitus specialis aliquorū non omnium, & hæc est gratia per modum gratiæ. Ex his patet quod obiicitur de gratia. Obiicit enim secundum quod gratia est specialis habitus diuinus contra naturam,

& sic dicit aliquid de nouo creatum: sed gratia prædicto modo, non.

10. Et ex hoc patet vltimo obiectum: quia gratia dicitur adiutorium respectu eius, quod est supra posse naturæ: & quia conseruatio principiorum est supra posse naturæ, non autem egressus actionum, immo infra, ideo patet, &c.

DISTINCT. VIII. PARS II.

De simplicitate diuinæ Essentiæ: vel Naturæ.

Eademque sola proprie, ac vere simplex est.

Huius Partis Textum supra videre licet.

Expositio textus.

Supra ostendit Magister duas proprietates diuinæ Essentiæ, scilicet veritatem, & incommutabilitatem. Hic ostendit simplicitatem diuinæ Essentiæ, vel naturæ. Et habet hæc pars tres partes. In prima ostendit quod proprie est simplex. In secunda quod vere, ibi: *Hic diligenter notandum est, cum dicat Augustinus, &c.* In tertia quod summe, ibi: *Huius autem Essentiæ simplicitas.* Prima iterum pars habet tres partes. Primo proponit quod proprie est simplex. Secundo ostendit quod non conuenit naturæ corporali, ibi: *Vt autem scias quo modo simpliciter, &c.* In tertia quod non conuenit naturæ spiritali, ibi: *Creatura quoque spiritalis, &c.* Similiter pars in qua ostendit quod est vere simplex, habet tres partes. In prima ostendit quod in Deo est pure multiplicitas nominum. In secunda ostendit quod in eo non est diuersitas prædicamentorum, ibi: *Quod autem in natura diuina nulla sit accidentium, &c.* In tertia concludit quod nomina prædicamentorum in diuinis non possunt dici proprie & etiam nomen primi prædicamenti, ibi: *Vnde nec proprie dicitur substantia.* Similiter tertia pars in qua ostendit quod est summe simplex, habet tres. Primo enim ostendit quod tanta est ibi simplicitas, quod nulla est ibi rerum diuersitas. Secundo quod cum hac simplicitate stat personarum pluralitas, ibi: *Et cum tanta simplicitatis, &c.* Tertio vero, & vltimo epilogat quod ostensa est in diuina Essentiæ triplex est proprietas, ibi: *Ecce quanta est identitas.*

Eademque sola. Dub. I.

In parte ista circa litteram incidit hæc quæstio de ordine. Cum enim compositio in creatura sit ratio & causa mutationis, simplicitas est causa immutabilitatis: quia si affirmatio sit causa affirmationis, & negatio causa negationis: ergo cum causa sit ante effectum, debuit primo Magister ponere proprietatem simplicitatis.

RESPON. Dicendum quod re vera compositio secundum rationem intelligendi, prior est quam mutatio: sed quoniam negationes se habent econuerso affirmationibus: hinc est quod immutabilitas est prior: ita volunt aliqui dicere. Potest tamen aliter dici, & melius quod est prius notius nobis, & prius notius simpliciter: quia simplicitas est maxime nobis occulta, propter hoc quod simplex in quantum simplex habet rationem principii. & nos venimus à cognitione posterioris in cognitionem prioris: ideo prius agit de immutabilitate, quam simplicitate.

Dub. II.

Iterum quæritur de hoc quod dicit in littera: *Eademque sola proprie, ac vere simplex: quia nec habet compositionem partium, &c.* Videtur superflua dicere, quia simplex est cuius pars non est, sicut compositum dicitur quod habet partes.

RESP. Dicendum quod Magister notificat hic simplex secundum quod est Dei proprium, & ita opponitur compositioni, & multiplicati. Quantum ergo ad priuationem compositionis, dicit quod non habet multitudinem partium: quantum vero ad priuationem multiplicatis extraneæ, dicit quod non habet varietatem accidentium: quantum

vero ad

Ansel. in
lib. de tm.
cap. 6. 3.

Diuisio.

vero ad priuationē multiplicatis intrinsecā, dicit quod non habet varietatē formarum, vt generis, speciei, & differentiarum: & hoc modo simplex est simplex vere, & proprie, quod solus Dei est.

Cum enim aliud sit artificiosum esse, & inertem, &c. Dub. III.

*Aug. lib. 6.
de Trin. c.
6. 10. 3.*

Probat hic August. animam esse compositam propter multitudinem proprietatum. Sed contra: Nulla substantia componitur ex proprietatibus; nec per se, neque cum alio: ergo ex hoc non probatur quod anima sit composita.

*Boet. lib. 1.
de Trin.*

R E S P. Dicendum quod Augustinus hoc non probat nisi à posteriori. Compositio enim accidentis ad subiectum, & diuersitas, necessario præsupponit aliam compositionem: quia, vt dicit Boetius: Quod est pure forma, subiectum esse non potest: ergo ad hoc quod aliquid sit subiectum accidentium plurium, oportet in illo præexistere compositionem intrinsecam: sed anima capit in se multitudinem accidentium: & ideo necessario infertur à posteriori, quod ipsa sit composita, licet non ex accidentibus.

Sine qualitate bonum, sine quantitate magnum, &c. Dub. IV.

Videtur male dicere: quia à quocumque remouetur superius, & inferius: ergo si non habet qualitatem, nec bonitatem. Si tu dicas quod bonitas illa non est species qualitatis, queritur, quare non similiter dicitur in diuinis qualitas diuina, sicut bonitas diuina.

*Opinio a.
liorū quæ
videtur esse
communis.*

Improbatio.

R E S P. Quidam volunt dicere quod nomen generis non transfertur ad diuina, tum quia non dicit rei complementum sicut species: tum quia signat in concretionem ad substantiam, & independentiam. Nomina autem specialia connotant effectum in creatura, & ideo dicitur sine qualitate bonus. Sed si quis velit inspicere, inuenit hoc non habere veritatem. Si ergo queratur, quomodo differt in Deo magnitudo, & bonitas, dicendum quod magnitudo significat diuinā Essentiam per modum quantitatis, bonitas per modum qualitatis: ergo isti modi cadunt in Deum. Et iterum: Si queratur, qualis est Deus? *Respon.* bonus, & magnus. Et ideo dicendum quod nomina generum in diuinis reperiuntur: sed non prout habet rationem generis: quia Deus in nullo genere est, & ad hoc significandum remouet August. nomina nouem generum quantum sunt genera.

Opinio propria.

*Lib. 5. de
Trin. c. 8.
10. 3.*

Si tamen dignum est, vt Deus dicatur subsistere. Dub. V.

Videtur satis dignum: quia summa nobilitas est per se subsistere.

R E S P. Dicendum quod duplex est proprietas ipsius substantiæ, scilicet per se stare, & alii subesse: primum est perfectionis, secundum imperfectionis, & ideo ratione primæ dicitur digne, non ratione secundæ.

Non ex compositis Deus, qui vita est, subsistit, &c. Dub. VI.

Queritur quæ differentia est inter illas differentias. Quia si nulla est, videtur facere inculcationem.

R E S P. dicendum quod quidam voluerunt quod per illa quatuor excludantur quatuor genera compositionū. Prima enim est Essentia ex principiis essentialibus, ratione cuius dicitur, quod *Deus non est in compositis*, id est simul positus. Secunda est substantiæ ex principiis naturalibus, quæ sunt materia & forma; ratione cuius dicit, *neque ex infirmis*: quia materia subiecta est priuationi, quæ facit formam mutabilem, & infirmam, & similiter materiam: infirma enim dicuntur instabilia. Tertia est compositio mixti ex miscibilibus: ratione cuius dicit, *neque ex obscuris*: quia vbi mixtio, ibi quædam formarum confusio, & ita obscuratio. Quarta est compositio animati ex partibus disparibus, ex anima videlicet & corpore, ratione cuius dicit, *nec ex partibus disparibus, quia ipse est spiritus*.

Alter tamen potest dici quod excludit eandem compositionem, ratione diuersarum conditionum. Ad hoc enim quod principia aliquid constituent, oportet quod principia sint differentia, sint dependentia, sint imperfecta, sint etiam difformia. Si enim essent omnino conformia & perfecta, non possent aliquid constituere: quia ex duobus entibus actu nihil fit. Quia ergo differentia, ideo sunt composita quasi cum aliis posita. Quia dependentia, ideo infirma. Quia imperfecta, ideo obscura. Quia dissimilia, ideo disparia. Deus autem non potest esse ex differentibus, & diuersis: quia est vita per essentiam. Non potest esse ex infirmis, quia virtus per Essentiam. Non potest esse ex imperfectis, & obscuris, quia lux est. Similiter non potest esse ex disparibus, & dissimilibus, quia spiritus per Essentiam. Summa ergo actualitas, summa potestas, summa claritas, summa spiritualitas, non permittit in Deo esse aliquam compositionem. Vnde ex his quatuor conditionibus, quatuor rationes eliciuntur probantes Deum simplicissimum.

ARTICVLVS I.

Ad intelligentiam eorum quæ dicit Magister in littera quatuor queruntur. Primo queritur, vtrum in Deo sit summa simplicitas. Secundo vtrum simplicitas sit Dei proprietas. Tercio propter illud quod dicitur in littera de anima rationali, queritur vtrum anima rationalis sit in toto corpore, ita quod in qualibet parte. Quarto queritur, vtrum Deus sit in aliquo determinato genere.

QVÆSTIO I.

An Deus sit summe simplex.

*Alexander Alensis 1. p. q. 5. Membr. 2.
S. Thomas 1. p. q. 3. art. 7.
Guil. Alaisiodorensis 1. sent. p. 2. cap. 1.
Scotus 1. sent. dist. 3. q. 1.
Henricus in summa art. 29. q. 6.
Egidius Rom. 1. sent. dist. 3. q. 4.
Richardus 1. sent. dist. 3. art. 3. q. 1.
Durandus 1. sent. dist. 3. art. 3. q. 1.
Thom. Arg. 1. sent. dist. 3. q. 1. art. 1.
Gab. Biel. 1. sent. dist. 3. q. 7. dub. 2.*

Quod in Deo sit summa simplicitas, sic probatur: **Funda-**
Omne primum est simplicissimum: quia quanto aliquid prius, tanto simplicius: sed Deus est primum in genere entium, eo quod nec est, nec esse potest, nec cogitari prius: ergo est ita simplex quod ipso nihil simplicius esse potest, nec cogitari prius: ergo est ita simplex quod ipso nihil simplicius esse potest, vel cogitari: ergo est simplicissimum.

I T E M omne quod est, quidquid habet, est simplicissimum: Deus est quidquid habet: ergo, &c. Prima patet in se. Minor probatur sic: Deus habet potentiam, sapientiam, & sic de aliis, aut ergo est sua potentia, aut nō. Si sic, habeo propositum. Si non est sua potentia, cum sit potēs potentia, habet posse ab alio: ergo Deus est ab alio, quod si hoc est falsum: ergo illud ex quo sequitur.

I T E M in esse nobilissimo debet omnis conditio nobilitatis poni in summo: sed Deus est ens nobilissimum, & simplicitas est conditio nobilitatis, ergo ponenda est in Deo in summo: ergo Deus est summe simplex.

I T E M quanto aliquid simplicius, tanto potentius in virtute, & econuerso: quia virtus vnita plus potest quam multiplicata: sed Deus est infinitus, & immensus virtute: ergo est infinitus simplicitate: ergo in Deo est summa simplicitas.

1. CONTRA: Simplicius cogitatur aliquid cum cogitatur vt abstractum à pluribus, quam quod cogitatur vt contentum in pluribus: ergo cum fides nostra cogitet Deum vt in pluribus, non cogitat eum vt simplicissimum: ergo si fides vere cogitat, Deus non est simplicissimus.

2. I T E M maior est simplicitas vbi est identitas sine diuersitate, quam cum diuersitate: sed in Deo est identitas cum diuersitate suppositorum: ergo in Deo non est summa simplicitas.

Ad oppos.

3. I T E M maior est simplicitas, vbi est vnitas sine pluralitate, quia numerus dicit aliquo modo compositionem respectu cuius vnitas est simplex: ergo cum in Deo sit vnitas cum pluralitate personarum, patet, &c.

4. I T E M maior est simplicitas vbi non tantum subiectum, sed etiam proprietas est eadem cum proprietate: quia quando proprietas differt à proprietate in vno, sunt plura differentia: ergo non est simplex: sed in diuinis personis in eadem persona differt proprietas à proprietate, vnde innascibilitas differt à paternitate: ergo, &c.

CONCLUSIO.

Summa simplicitas est in Deo, cum sit essentia in tribus communicata.

Hanc bene probat Durandus. R E S P. ad arg. Dicendum quod sicut primæ rationes probant, in Deo ponenda est summa simplicitas.

1. Ad illud ergo quod obiicitur, quod fides non intelligit ipsum vt simplicissimum, dicendum quod fides intelligit eum vt simplicissimum, & qui aliter intelligit, non intelligit, vt summe simplex, quod patet sic: quoniam est intelligere vnum in vno, & vnum in pluribus multiplicatum, & vnum in pluribus non multiplicatum. Simplicius autem intelligitur vnum in pluribus esse multiplicatum, quam vnum in vno: quod patet, quia vniuersale est simplicius singulari, & adhuc multo simplicius intelligitur, quod est vnum in pluribus non multiplicatum. Hoc modo intelligit fides nostra Deū. Et ideo simplicior est Deus quia est in omnibus non multiplicatus, quā si esset in vno solo, vel in pluribus multiplicatus. Hinc est quod Deus simplicissimus est, & fides nostra eū vt simplicissimum intelligit. Et qui intelligit Deum plurificatum in essentia, vel vnū in supposito, derogat summæ simplicitati eius, derogat etiam nobilitati eius. Quoniam vbi summa simplicitas intelligitur, oportet summā actualitatem intelligi, si summe nobilis est. Et vbi est summa actualitas, summa diffusio, & communicatio debet poni, & ista non potest esse nisi in sempiterna productione rei omnino infinitæ, & æqualis in virtute: & hoc non potest esse in alietate essentia: ergo non potest intelligi diuina essentia simplicissima, nisi in tribus personis intelligatur tota esse, quarum vna sit ab alia.

Hoc supponit tamquam probatum sup. dist. 2. q. 1.

Quando ergo obiicitur quod simplicius est abstractū à pluribus quam in pluribus, verum est, si in illis pluribus plurificetur. Si autem non plurificatur: non est verum.

2. Ad illud quod obiicitur quod maior est simplicitas, vbi nulla diuersitas, dicendum quod diuersitas dupliciter potest venire: vel ex additione, vel ex origine. Ex additione, cum est diuersitas in proprietatibus absolutis, quæ diuersæ sunt in diuersis, vt albedo in Petro, Paulo, & Gregorio, & hæc priuat simplicitatem, quia ponit compositionem. Est alia diuersitas veniens ex sola origine, vt puta, quia vna persona emanans ab alia, differt ab ea: & hæc non repugnat simplicitati, quia nullam ponit compositionem, sed solum ordinem & respectum ad alium: & hoc non proprie dicitur diuersitas, sed distinctio, & discretio: & hoc manifestum est si intelligamus patrem seipso generare filium, & intelligamus eum generare, & iterum non generare, nulla est hic compositio, quia nulla additio.

3. Ad illud quod obiicitur quod maior est simplicitas, vbi nulla pluralitas, dicendum quod duplex est pluralitas. Quædam, in qua plus est in duobus quam in vno: vt in duobus hominibus plus est de bonitate quā in vno: & ista pluralitas repugnat simplicitati, quia vnitas addit supra vnitatem. Quædam autem est pluralitas in qua tantum in pluribus est quantum in vno, & hæc est in diuinis: quia tantum de esse & bonitate & virtute est in vna persona, quantum in pluribus, & ista pluralitas nihil addit ad vnitatem: & ideo nullam omnino ponit compositionem, nec priuat simplicitatem.

4. Ad illud quod obiicitur quod in parte differt proprietas à proprietate, dicendum quod proprietas differt à proprietate tripliciter. Aut respectu subiecti, aut re-

spectu sui, aut respectu obiecti. Si respectu subiecti, quia causantur ex diuersis naturis in ipso repertis, sic ponit compositionem, quia ponit subiectum esse in pluribus. Si respectu sui, sic differt musica, & grammatica in Petro, & sic ponit similiter compositionem, quia ponit subiectum subesse pluribus. Si respectu obiecti, sic ponit subiectum comparari pluribus, & hoc modo non ponitur compositio, sed distinctio. Exemplum est in puncto, quod est principium, & finis respectu diuersarum linearum. Hoc modo est differentia proprietatum in diuinis, &c.

Dissentit Scotus dist. 2. p. 2. q. 4. & d. 34. q. 43. intelligit de proprietatibus eiusdem personæ, & procedebat argumentum.

QVÆSTIO II.

An soli Deo conueniat summe simplicitatem esse.

Alexander Alensis 1. p. q. 5. Membrum 3.

S. Thom. 1. p. q. 3. art. 1.

Scotus 1. Sent. dist. 3. q. 2.

Henricus in sum. art. 28. per totum.

Egid. Rom. 1. Sent. dist. 8 p. 2. q. 1.

Richardus 1. Sent. d. 8. art. 3. q. 2.

Durandus 1. Sent. dist. 3. q. 2.

Franciscus de Mayr. 1. Sent. dist. 3. q. 7.

Ioan. Bacon. 1. Sent. dist. 2. q. 1.

Tho. Arg. 1. Sent. dist. 3. q. 1. art. 2.

Gabr. Biel. 1. Sent. dist. 3. q. 7. dub. 3.

V T rum simplicitas sit Dei proprietas. Et quod sic videtur hoc modo. Nulla creatura est actus purus: quia in omni creatura, vt dicit Boetius, differt quo est, & quod est, ergo in omni creatura est actus cum possibili: sed omnis talis habet in se multiformitatem, & caret simplicitate: ergo, &c.

Fundamenta. De heb. 3. d. 3. Trin.

I T E M omnis creatura habet esse finitum & limitatum: ergo habet esse artatum: sed vbiunque est esse limitatum, est ibi aliquid quod contrahit, & aliquid quod contrahitur, & in omni tali est compositio, & differentia: ergo omnis creatura est composita: ergo nulla simplex.

I T E M omnis creatura habet esse datum aliunde: ergo habet esse aliunde acceptum: ergo nulla creatura est suum esse: ergo in omni creatura est dependentia, siue differentia: sed nullum tale est simplex simpliciter: ergo, &c.

I T E M omne quod est post primam vnitatem deficit ab illa: ergo statim cadit in dualitatem, sicut dicit Dionysius, quod post monadem, diastem: ergo omnis creatura est à prima vnitate: ergo omnis creatura est ab illa deficiens.

Dionys. de diu. nom. c. 2. p. 1.

1. C O N T R A: Ab vno non procedit nisi vnum, & à vero non procedit nisi verum: sed vnitas, & simplicitas eandem rationem habent in Deo: ergo sicut ab vno vnū, ita à simplici simplex.

Ad oppos. Ex 2. de gener. & corrupt. comen. 56.

2. I T E M videtur specialiter quod simplicitas sit in creaturis: quia simplex est quod non habet partem: sed punctus non habet partem, quia ita diffinitur: Punctus est, cuius pars non est: ergo, &c.

Punctus quid.

3. I T E M omne illud ante quod non est aliud, est simplex: quia si compositum est, necessario habet ante se aliud: sed ens est primum, sicut dicit Auctor de causis: sed primum rerum creaturarum est esse: ergo, &c.

Propositio quarta.

4. I T E M omne illud est simplex, in quo stat resolutio: sed resolutio stat in principiis, quæ sunt materia & forma, quia materia vltius non resoluitur, cum sit status in causis, alioquin esset ire in infinitum: ergo cum resolutio stet in creatis, aliquid creatum est simplex. Si t v dicat, quod principia non habent omnimodam simplicitatem, quia quamuis non componantur ex aliis, tamen componuntur ex aliis. C O N T R A: Hoc non videtur facere contra simplicitatem, quod componatur alii. Nā quod aliquid non sit componibile alii, non facit aliquam simplicitatem, cum ista proprietas sit in indiuiduis completis, quæ maxime sunt composita: ergo hoc quod dico componibile aliis, non tollit ab eis simplicitatem, & sic, &c.

* *

CONCLUSIO.

Simplicitas est in solo Deo essentialiter, cum in eo nulla sit compositio, nec differentia multiplicitas.

Primus
modus di-
cendi.

Cōclusio
generalis
& confusa
secundum
primum
modum
dicendi.

Conclufi-
ones parti-
culares &
distinctæ.

Secundus
modus
dicendi
breuior,
facilior,
& yerior.

Resp. ad arg. Dicendum quod simplicitas essentiae priuat compositionem, & priuat essentialem differentiam, siue multiplicatatem. Vnde simplex est quod non habet compositionem partium, nec multiplicatatem actionum, siue formarum. In solo autem Deo est priuatio compositionis, & differentiae, siue multiplicitaris: ideo simplicitas in solo Deo est essentialiter. Vnde notandum quod multiplex est compositio. Vna compositio est ex partibus essentialibus, & hæc est in omnibus per se entibus. Alia est ex partibus integrantibus, & hæc est in omnibus corporibus. Tertia est ex partibus dissimilibus, siue repugnantibus, & hæc est in omnibus animatis, & viuētib. Vnde in omni substantia per se ente, quæ dicitur creatura, est compositio. Quia omnis creatura, aut est corporalis, aut spiritalis, aut composita ex utroque. Similiter est considerare triplicem differentiam in creaturis. Prima est substantiæ, virtutis, & operationis, siue substantiæ, & accidentis. Secunda est differentia suppositi, & essentiae. Tertia est differentia entis, & esse. Prima differentia est rei prout est agens. Secunda prout est ens in genere. Tertia prout est ens in se. Prima differentia est in omni subiecto, quoniam esse subiectum habet esse mixtum: ideo non agit ex se toto: & ideo differt in eo, quo agit, & quod agit, & actio, siue subiecti proprietates. Secunda differentia est in omni indiuiduo: quia omne indiuiduum habet esse limitatum: & ideo in aliquo conuenit, in aliquo differt cum alio: & ideo in omni indiuiduo differt essentia, & suppositum, multiplicatur enim essentia in suppositis. Differentia tertia est in omni creato, & cōcreato: quia omne quod est præter Deum, accipit esse aliunde, siue principium sit, siue principiatum: ideo nihil est suum esse, sicut lux non est suum lucere. Si ergo dicatur simplicitas per priuationem cōpositionis, sic propriū est solius Dei in ratione substantiæ, quia nulla alia est substantia, quæ non habet compositionem ex possibili, & actuali saltem. Si autem simplicitas dicat priuationem essentialis differentiae, & dependentiæ, ita quod in essentia nulla sit diuersitas, nec dependentia est proprium Dei in ratione entis, quia nullum aliud ens est, in quo non cadat aliqua diuersitas, vel dependentia. Concedendum ergo est quod simplicitas est Dei proprium, ut visum est: creaturæ autem compositæ sunt nec vere simplices: quia habent esse mixtum ex actu, & potentia, quia habent esse limitatum, & ita in genere, & specie per additionem contractum: quia habent esse aliunde datum, quia habent esse post Deum vnum, a quo deficiunt: & ita cadunt in compositionem.

Aliter potest dici, & verius quod simplex dicitur per priuationem compositionis. Et notandum quod cōpositio dicitur dupliciter. Vno modo alicuius ex aliquibus. Alio modo quo aliquid dicitur cōponi aliis. Si ergo simplicitas priuet compositionem ex aliis, sic conuenit etiam creatis, utpote primis quæ non componentur ex aliis. Si autem priuet compositionem cum aliis, & ex aliis, sic solius est Dei. Omnis enim creatura, aut est ens per se, & in se, & ita composita ex aliis. Aut est ens cum alio, & in alio, & ita alii composita. Et iterum esse creatum, aut est principium, & ita componibile aliis. Aut est principiatum, & sic compositum ex aliis, & sic accipitur simplicitas prout est rei proprietates per priuationem, videlicet vtriusque compositionis.

1. Ad illud ergo quod obiicitur, quod ab vno non est nisi vnum, &c. dicendum quod simplex non est conditio generalis entis, sicut vnum. Nā simplicitas dicit modum vnitatis nobilissimum, quem Deus nulli communicat creaturæ: quia creatura non potest eum recipere, cum esse eius sit limitatum, & mixtum: sic etiam esse dependens, & aliunde datum.

2. 3. 4. Ad illud quod obiicitur de simplicitate pun-

Acti, & entis, & principii, dicendum quod ibi est simplicitas per priuationem compositionem ex aliis, non autem prout simplicitas dicit indifferentiam omnimodam. In omnibus enim ut dictum est, cadit aliqua differentia, & dependentia: quamuis enim non sint composita, tamen eorum esse dependet a composito, siue compositione.

Vnde bene concedendum est illud quod ultimo dicebatur, quod illud derogat simplicitati rei, quod sit alteri componibilis, in quantum simplicitas priuat multiplicatatem, & differentiam in re simplici, quamuis non deroget in quantum priuet compositionem ex aliis. Omnis enim dependentia facit ipsum quod dependet a summa simplicitate, & in differentia recedere. Solus autem Deus est independens. Omnia autem alia sunt dependentia, siue comparatione ad principia ex quibus sunt, siue vnū principium cōponens complicitur ad aliud, siue esse dependens comparatione ad Deum, siue ab ipso Deo. Nihil autem quod dependet est sua dependentia: ideo nihil tale est summe simplex quia omne simplicissimum est absolutissimum, &c.

QUESTIO III.

An anima rationalis sit tota in toto, & tota in qualibet parte totius.

Alex. 4. sentent. p. q. 64.

8. Thomas 1. p. q. 76. art. 8.

Et 1. Sentent. dist. 8. q. 1. art. 3.

Et de anima art. 10.

Agid. Rom. 1. Sent. dist. 8. 2. p. q. 2.

Rich. 1. Sent. dist. 8. art. 4. q. 1.

Durandus 1. Sent. dist. 8. q. 3.

Thom. Arg. 1. Sent. dist. 8. q. 2. art. 3.

Alphonfus Tolosanus 3. de anima q. 2. 3.

Et omnes animastice in lib. de anima.

Vtrum anima rationalis sit in toto corpore, ita quod in qualibet parte. Et quod sic videtur. Augustinus dicit quod sicut Deus est in maiori mundo, sic anima in minori: sed Deus sic est in maiori mundo, quod in qualibet parte totus: ergo anima sic est in minori, scilicet in corpore.

ITEM quod dat esse toti & partibus, vnitur toti & partibus secundum essentiam: quia forma per sui essentiam dat esse, & hoc non nisi ei cui essentialiter vnitur: sed anima dat esse toti corpori, & omnibus partibus: ergo, &c.

ITEM in oculo est videre, sentire, & viuere. Quæro ergo vtrum sint hæc vnus actus, vel differentes. Non vnus, hoc constat, quia priuato visu, adhuc sentit per tactum: priuato sensu, adhuc viuit, sicut in paralytico: cum ergo viuere sit a substantia, videre a potentia, in oculo est anima secundum substantiam, eadem ratione potest probari & in omnibus partibus esse.

ITEM anima operatur in toto corpore: ergo est per potentiam: sed potentia animæ simplex est, ergo si potentia vna est in manu, & pede, idem est in diuersis partibus: sed non est simplicior potentia quam substantia: ergo, &c.

ITEM anima est in corpore, aut in qualibet parte, aut in vna determinate, aut in puncto. Si in qualibet parte, habeo propositum. Si in vna, cum illa habeat plures partes, & anima sit simplex, erit in pluribus partibus: ergo non est inconueniens animam esse in pluribus partibus. Sed qua ratione est in partibus partis, eadem ratione est in partibus totius. Si est in puncto corporis: ergo cum punctus non habeat proportionem ad totum corpus, anima est improporcionabilis toti corpori: ergo non potest esse perfectio, cum propositio sit perfectionis ad perfectibile. Similiter punctus est substantia posita, siue habens positionem: ergo anima habet situm in corpore: sed nulla forma situalis est motor sufficiens: ergo, &c.

1. **S**ed contra: Forma quæ est in toto & in partibus vna, denominat partes & totum ratione consimili. Vnde qualibet pars ignis, est ignis: ergo si anima est in qualibet parte, qualibet pars animalis dicitur animal, cum quælibet pars sit substantia animata sensibilis.

2. **I**TEM existen-

Fundamē-
ta.
Aug. de
spiritu, &
ani. cap. 19.
10. 3.

Arist. 1. de
ani. cōtex.
90.

Ad oppos.

2. ITEM existentia animæ rationalis non dependet ab aliqua parte corporis, cum sit fixa in se: ergo non est in qualibet.

3. ITEM operatio eius non dependet ab aliqua parte corporis, nec alicui communicatur: ergo in nulla parte corporis est, nec in quantum perfectio, nec in quantum motor. Vnde Philosophus dicit quod anima nullius corporis est actus, id est nullius partis corporis: sed in quo est, est sicut actus.

4. ITEM corpus organicum est diuersarum rationū in partibus, & toto: ergo habet diuersam perfectionem: ergo cum anima perficiat totum quantum ad essentiam, perficit partes quantum ad potentiam: ergo anima rationalis non est in partibus, nisi solum quantum ad rationē potentiæ: & hoc etiam dicit Philosophus, sicut anima ad corpus, sic partes animæ ad partes corporis.

5. ITEM si anima est tota in qualibet parte corporis: ergo tota est in manu: sed quando aliquod totum est in aliquo, mouetur illo moto: ergo mota manu, mouetur anima: & similiter manu quiescente, quiescit: ergo cum manus vna possit moueri, altera existente in quiete, anima vna & eadem numero simul quiescit, & mouetur secundum idem.

6. ITEM si anima est in pluribus tota, qua ratione in tribus, ea ratione in pluribus, & ita in infinitis, & quantumcumque extendatur corpus: ergo anima nata est esse vbique, & ita videtur quod anima non sit limitata, sed immensa.

7. ITEM si tota anima est in manu sicut in aliis partibus: ergo cum vita sit ab anima, non magis recipit motum, & sensum manus à corde quam econuerso. Hoc autem est contra omnes Philosophos, & sequitur ex hoc tale inconueniens, quod sicut læso corde perit vita, ita læsa manu.

CONCLUSIO.

Anima rationalis est tota in toto corpore: & tota in qualibet parte.

RESP. ad arg. Dicendum quod aliqui dicunt quod anima secundum essentiam est in aliqua parte determinate: secundum potentiam vero est, & fluit in toto corpore, sicut aranea est in tela. Vnde dixerunt quod est in corde, quia cor est domiciliū vitæ, & eius inhabitator est anima. Et ad hoc ponendum mouit eos experimentū cū defectu rationis. Experimentum, quia visibiliter apparet quod læso corde separatur anima, & ab ipso influit sensus: & motus, & est membrum nobile existens in medio, sicut centrum corporis. Defectus rationis, quia non potuerūt intelligere quo modo aliquid limitatum sit vnum, & idē totum in pluribus: & quia fides non cogit credere, & ratio non intelligit: ideo dicunt non esse ponendum quod sit in toto, ratione cuiuslibet partis. Sed aliorū opinio est, vt Augustini, quod anima in qualibet parte corporis sit tota, & ad hoc ponendum mouet experimentum, exemplum, & rationabile argumentum. Experimentum, quia anima in partibus distantibus à corde ita cito sentit, sicut & in propinquis.

ITEM quia simul quasi in ictu oculi sentit læsionem in partibus distantibus: & cum anima separatur, dolor est in singulis partibus, & resolutio. Exemplum similiter mouet, sicut dicit Augustinus: Videmus enim quod in animali perfecte sano est vna sanitas in singulis partibus, nec maior in maiori, nec minor in minori. Si ergo hoc est in forma corporali, quāto magis in spiritali? Mouet rationis argumentū: quia anima est forma simplex, & motor sufficiens. Quia forma totalis corporis, est in toto. Quia vero simplex, non est secundum partem, & partem sui. Quia motor sufficiens: ideo non habet situm, & ideo nec est in puncto, nec in parte determinata. Et quia magis rationalis est opinio, quæ fundatur supra rationem, quam quæ fundatur supra defectus rationis, quia Augustinus hoc dicit, hanc approbo tamquam meliorem.

1. 2. Ad illud ergo quod obiicitur in contrarium, for-

ma quæ est in toto, &c. dicendum quod triplex est genus formæ. Est enim quædam quæ perficit & extenditur, & dependet. Et hæc quia totum perficit, est in toto. Quia vero extenditur, perfectionem totius communicat partibus. Quia vero dependet, nec agit per se, operationem totius communicat partibus, vt patet in forma ignis, quia quælibet pars ignis est ignis, & quælibet calefacit. Est alia forma quæ perficit & dependet: sed non extenditur, & talis forma, quia totum perficit, est in toto & quælibet parte. Quia vero non extenditur: ideo actum totius non attribuit partibus. Quia vero dependet, operationem totius communicat partibus: & talis est anima vegetabilis & sensibilis, quia nulla pars animalis est animal, tamen quælibet pars animalis viuit, & sentit. Est iterum forma quæ totum perficit, tamen nec extenditur, nec dependet quantum ad operationem, & talis, quia perfectio est, in toto & partibus. Quia vero non extenditur, perfectionem totius non communicat partibus. Quia non dependet: ideo nec operationem communicat, & talis est anima rationalis. Quia nulla pars hominis est homo, & nulla pars hominis intelligit: tamen etsi non communicat actum totius, vt toti: communicat, vt partibus: quia quælibet pars hominis viuificatur à perfectione hominis, & ideo perfectio hominis est in qualibet parte.

3. ET sic patet responsio ad illud quod nullius corporis est actus, quia nulli communicat propriam operationem, nec perfectionem totius, cum omnes partes perficiat in toto. Similiter ad aliud de forma: quia forma quæ est in partibus nō denominat simul totum & partes, nisi sit forma dependens & extensa: & loquor hic de forma substantiali tantum, non de accidentali.

4. AD illud quod obiicitur quod non sunt eiusdem rationis totum & partes, dicendum quod in partibus est considerare organi rationem & complexionem. Ratione complexionis sunt vniuersales toti, & sunt dispositæ ad idem genus vitæ, & perficiuntur ab vno. Ratione organizationis sunt diuersæ, & perficiuntur à potentiis.

5. AD illud quod obiicitur quod mouetur, mota manu, & cetera, dicendum quod perfectio potest supra totum perfectibile, & quantum ad substantiam, & quantum ad potentiam: & cum anima sit perfectio totius corporis, super totum potest, & ideo nullo minori quam sit totum corpus diffinitur eius substantia, nec potentia: diffinitur autem corpore suo quod perficit, & ideo corpore moto, mouetur per consequens: partibus autem non diffinitur, quia sunt minores toto: & ita est in vna quod non est extra aliam. Et ideo quia in nulla parte est diffinitue, non mouetur ad motum alicuius partis, sicut nec Deus mouetur ad motum alicuius creaturæ.

6. ET per hoc patet sequens, quia totum corpus comparatur ipsi animæ tamquam vnus locus: & ideo in pluribus partibus non est nisi in quantum in vno loco. Vnde si separantur, non erit in illis. Nec sequitur ex hoc quod sit infinita, quia omnium natura constantium terminus est, & ratio magnitudinis, & augmenti, & ita corpus humanum non potest cogitari tam magnum corpus, quod non possit viuificari ab anima.

7. AD illud quod obiicitur vltimo quod tunc vna pars non recipit ab alia, dicendum quod sicut Deus in maiore mundo immediate est in omni creatura, ipsam continens, tamen per ordinem vniuersi influit aliquid vna creatura in aliam: sic intelligendum quod anima per sui præsentiam est in qualibet parte immediate quā continet, & conseruat, non tamen omnino, sed influit in omnes partes per vnam: & ideo cessante illa parte, & eius influentia, perit ordo corporis essentialis, & ita anima separatur.

QVÆSTIO IV.

An Deus sit in aliquo genere determinato.

Alexander Alensis 1. p. 9. 48. Membrum 4. art. 2.
S. Thomas 1. p. 9. 3. art. 5.

Et 1. sent. dist. 8. q. 4. art. 2.
 Sentent. 1. sent. dist. 8. q. 3.
 Et in Reportat. dist. 8. q. 4.
 Henscum in summa art. 2. q. 3.
 Agidius Rom. 1. sent. dist. 8. 2. p. q. 3.
 Et in Quaest. de compositione Angel.
 Richardus 1. sent. dist. 8. art. 4. q. 2.
 Io. Bacon. 1. sent. dist. 9. q. 1.
 Steph. Brulef. 1. sent. dist. 8. q. 7.
 Petrus de Tarantaf. 1. sent. dist. 8. q. 10.
 Greg. Arim. 1. sent. dist. 8. q. 3.
 Marfilum Inguen. 1. sent. q. 12. art. 2.

Ad oppo.

Vtrum Deus sit in aliquo determinato genere. Et quod sit, ostenditur hoc modo: Quod distinguitur ab aliis entibus, est aliqua natura determinata: sed Deus est huiusmodi, quia distinguitur à creaturis omnibus, quia nullum creatum est Deus: ergo est natura determinata: sed quod est natura determinata, est in genere determinato: ergo, &c.

1. ITEM quod habet superius vniuocum & essentialiter, habet esse in genere determinato: sed Deus habet superius se ut substantiam quæ dicitur de Deo, & creaturis: & essentialiter & vniuoce, quia secundum istam rationem quæ est res per se existens, ergo, &c.

3. ITEM quod sit in quolibet genere videtur. Quia omne quod est completionis in creatura, attribuendum est Deo: sed omne prædicamentum habet aliquid completionis: ergo res omnium prædicamentorum sunt in Deo: sed quicquid est in Deo est Deus, & econuerso: ergo Deus essentialiter subiicitur rei omnis prædicamenti: ergo est in quolibet.

4. ITEM summo bono nihil deficit de bonitate: ergo summo enti nihil de entitate: ergo in Deo est omnis entitas, & omnis differentia entitatis: ergo cum differentiæ entium sint decem prædicamenta, omnia sunt in Deo.

CONTRA: Augustinus in lib. 5. de Trinitate: Deus est bonus sine qualitate, magnus sine quantitate: ergo magnitudo Dei non est in genere quantitatis, nec bonitas in genere qualitatis: ergo nec substantia in genere substantiæ: ergo in nullo genere.

ITEM videtur quod non est in genere determinato, quia omne quod est in genere determinato, habet esse finitum, & limitatum: Deus autem est infinitus: ergo, & cetera.

ITEM quod non in quolibet genere, videtur: quia quod habet in se res plurium generum, est compositum: Deus autem est simplicissimus: ergo, &c.

CONCLUSIO.

Deus cum sit illimitata natura, in nullo est determinato genere.

RESP. Ad arg. Dicendum quod non conuenit Deo esse in vno genere determinato, quia omne tale habet esse limitatum & artatum & compositum. * In pluribus etiam generibus non potest esse: Aut enim aliquid est in pluribus propter naturarum & proprietatum diuersitatem, ut album in quantum dicit subiectum aliquid siue rem albam, est in genere substantiæ: sed in quantum dicit formam quæ est albedo, est in prædicamento qualitatis. Aut propter generalitatem, sicut vnum, & ens. Et propter naturarum multipliciter non potest Deus esse in pluribus, quia omne tale compositum est, & multiforme, Deus autem simplex. Non propter generalitatem, quia ens tale nihil est habens distinctum à rebus creatis. Deus autem est habens in se ens distinctum à rebus, & habens esse simplex & infinitum: & ideo nec in vno genere, nec in pluribus esse potest.

1. Ad illud ergo quod obiicitur. Quod distinguitur ab aliis, est natura distincta, &c. Dicendum quod verum est si distinguatur per aliquid quod ipsum contrahat & artet, sicut per differentiam cadentem in genere, Deus autem non sic distinguitur, sed seipso.

2. Ad illud quod obiicitur quod Deus habet superius vniuocum, dicendum quod Deo non est superius:

A quia eo non est simplicius nec vniuocum, quia substantiæ ratio non conuenit vniuociter creaturæ & Creatori. Deus enim est ens per se, quia nullo egens: creatura est ens per se, quia non est in alio ut in subiecto, eget tamen alio ad sui conseruationem.

3. Ad illud quod obiicitur quod omne quod est perfectionis & bonitatis ponendum est in Deo, dicendum quod hoc potest esse dupliciter vel per diuersitatem, & hoc facit esse in diuersis generibus: vel secundum omnimodam vnitatem, & hoc facit esse extra omne genus.

4. Ad illud quod obiicitur ultimo, quod Deo nihil deficit de bonitate, dicendum quod Deus non dicitur non deficiens à bonitate propter hoc quod omnis differentia boni particularis sit in Deo per differentiam, sed quia est in eo per æquiualentiam: quia enim, summum bonum, complectitur in se bonum omne: sic intelligendum est de entitate, & sic patet illud.

DE DISTINCTIONE TRIVM PERSONARVM ET COÆTERNITATE.

DISTINCTIO IX.

NUNC ad distinctionem trium personarum accedamus. Teneamus ergo, ut docet Augustinus in libro de fide ad Petrum: Patrem, & Filium, & Spiritum sanctum vnum esse Deum naturaliter: nec tamen ipsum Patrem esse, qui Filius est: nec Filium esse ipsum, qui Pater est: nec Spiritum sanctum esse ipsum, qui Pater est aut Filius. Vna enim est essentia Patris, & Filij, & Spiritus sancti, in qua non est aliud Pater, aliud Filius, aliud Spiritus sanctus: quamuis personaliter alius sit Pater, alius Filius, alius Spiritus sanctus. Genitus est enim à Patre Filius, & ideo alius.

Hic de coeternitate Filij cum Patre agitur.

Nec tamen ante fuit Pater, quam Filius: coeternitatem sunt sibi tres persone.

Argumentatio Arrianorum.

Sed contra hoc inquit hæreticus, ut refert Ambrosius in 1. lib. de fide ad Gratianum: Omne quod natum est, principium habet: & ideo quia Filius natus est, principium habet, & esse cæpit: quod hæreticorum ore sic dictum est. Nā ipse Arrius, ut meminit Augustinus in 6. libro de Trinitate dixisse fertur: Si Filius est, natus est: si natus est, erat tempus quando non erat Filius.

Responsio Augustini catholica.

Qui hoc dicit, non intelligit etiam natum esse de Deo sempiternum esse, ut sit coeternus Patri Filius: sicut splendor qui gignitur ab igne atque diffunditur, coævus est illi, & esset coeternus, si ignis esset.

Oppositio Augustini contra hæreticum.

Item si Dei Filius, inquit Augustinus, virtus & sapientia Dei est, nec unquam fuit Deus sine virtute & sapientia: coeternus est ergo Deo Patri Filius. Dicit autem Apostolus, Christum esse Dei virtutem & Dei sapientiam. Aut ergo non fuit, quando non fuit Filius: aut aliquando Deus non habuit virtutem & sapientiam, quod demeritis est dicere. Constat enim quia semper habuit sapientiam: semper ergo habuit Filium.

Responsio Ambrosii ad idem auctoritate fulta.

Eidem quoque Arrianica questionem Ambrosius in hunc

modum

Fundamenta.
 Cap. 1. in
 fin. 10. 3.

Hanc magnificam
 Beot. 9. 3.

* Communis est opinio.
 sed Gregorius de Arim.
 tenet contrarium
 in August.
 5. de Trin.
 6. 7. 10. 10. 3
 Concordat
 9. Thom. 2.
 contra.
 Gent. 2. 93.
 Et 1. p. 9.
 10. art. 4.
 Et 1. p. 9.
 art. 5.

*Lu. 1. 16. de
fid. ad Gra
tiam, in
p. 1. c. 5.
† 154. 43.
b*
modum respondet: Ego, inquam, Filium esse natum confi-
teor: quod reliquum est impietatis horresco. Scriptum est e-
nim in veteri Testamento, ut vel unum è pluribus dicam:
† Ante me non fuit alius Deus, & post me non erit. Quis
ergo hoc dicit? Pater, an Filius? Si Filius, ante me (inquit)
non fuit alius Deus. Si Pater: post me (inquit) non erit: hic
priorem, & ille posteriorem non habet. Inuicem enim in
se, & * Pater in Filio, & Filius in Patre cognoscitur. Cum
enim Patrem dixeris, eius etiam Filium designasti, quia
nemo ipse Pater est sibi: cum Filium nominas, etiam Patre
fateris, quia nemo ipse sibi Filius est. Itaque nec Filius sine
Patre, nec Pater potest esse sine Filio: semper ergo Pater,
semper & Filius est.

Inuectio Ambrosij contra hæreticum.

*Lib. 6. c. 1
tatu post
p. 1. c. 1.*
I T E M dic, inquam, mihi hæretice, fuit ne quando om-
nipotens Deus Pater non erat, & Deus erat? Nam si Pa-
ter esse cepit, Deus ergo primo erat, & postea Pater factus
est. Quo modo ergo immutabilis Deus est? Si enim ante,
Deus: postea Pater fuit, utique generationis accessione mu-
tatus est: sed auertat Deus hanc amentiam.

Ineffabile est, quo modo Filius sit, & non habeat Patrem
priorem: sicut modus generationis non intel-
ligibilis, & ineffabilis est.

*Lib. 1. c. 1
p. 1. c. 1.
mod.*
S E D queris à me, inquit Ambrosius, quomodo si Fi-
lius sit, non priorem habet Patrem? Quaro item abs te,
quando vel qua modo Filium putes esse generatum: Mihi
enim impossibile est generationis scire secretum. Mens de-
ficit, vox silet, non mea tantum, sed & Angelorum, supra
Potestates, & supra Angelos, & supra Cherubim, & supra
Seraphim, supra omnem sensum est: quia scriptum est: Pax
Christi supra omnem sensum est. Et si pax Christi supra om-
nem sensum est, quo modo non est supra omnem sensum
tanta generatio? Tu ergo ori manum admoue: scrutari non
licet superna mysteria. Licet scire, quod natus sit, non licet
discutere quo modo natus sit. Illud mihi negare non licet,
hoc querere metus est. Ineffabilis enim est illa generatio.
unde Isaias: Generationem eius quis enarrabit?

Quidam præsumunt discutere genera-
tionis seriem.

*Lib. 7. c. 1
ment in 3
ecclesiast.
vera illud:
Quia fuit
finitum.
Cuius p. 1.
c. 1. c. 1.*
Q U I D A M tamen de ingenio suo præsumentes, di-
cunt illam generationem posse intelligi, & alia huiusmo-
di: inhaerentes illi auctoritati Hieronymi super Ecclesiastē:
In sacris scripturis, Quis, sepiissime non pro impossibili,
sed pro difficili ponitur, ut ibi: Generationem eius quis e-
narrabit? Sed hoc non dicit Hieronymus, ideo quod gene-
ratio Filij aeterna plene intelligi vel explicari possit à quo-
quam mortalium: sed quia de ea aliquid intelligi, vel dici
potest. Quidam tamen hoc accipiunt dictum de temporali
Christi generatione.

Vtrum debeat dici: Semper gignitur, vel semper ge-
nitus est Filius.

*Lib. 29. Mo
reale. 1. in
p. 1. c. 2.
Edi. Rom.*
H I C queri potest, cum generatio Filij à Patre nec prin-
cipium habeat, nec finem, quia aeterna est, utrum debeat
dici: Filius semper gignitur, vel semper genitus est, vel
semper gignitur. De hoc Gregorius super Iob ait: Dominus
Deus Iesus in eo quod virtus & sapientia Dei est, de Patre
ante tempora natus est: vel potius quia nec capit nasci, nec
desiit, dicamus verius semper natus: non autem possumus
dicere semper nascitur, ne imperfectus esse videatur. At
vero, ut aeternus designari valeat & perfectus semper, di-
camus & natus: quatenus & natus ad perfectionem perti-
neat, & semper ad aeternitatem: quamuis per hoc ipsum
quod perfectum dicimus, multum ab illius veritatis ex-

A ppressione deniamus: quia quod factum non est, non potest
dici proprie perfectum: sed balbutiendo, ut possumus, ex-
celsa Dei resonemus. Et Dominus nostra infirmitatis ver-
bis condescendens: Estote (inquit) perfecti, sicut & Pater
veser cælestis perfectus est. Super illum locum etiam Psal-
mista: Ego hodie genui te. De hac generatione Filij ita lo-
quitur Augustinus: Quamquam per hoc quod dicit Ho-
die, possit intelligi dies ille quo Christus secundum homi-
nem natus est: tamen quia Hodie presentiam significat,
atque in aeternitate neque præteritum quidquam est, quasi
esse desierit: neque futurum, quasi nondum sit: sed præsens
tantum, quia quidquid aeternum est, semper est: diuinius
tamen accipitur de sempiterna generatione sapientia Dei.
Ecce his verbis ostendit Augustinus, quod generatio Filij
semper est, nec præterit, nec futura est, quia aeterna est. Ideo
dixit: Genui, ne nouum putaretur, scilicet ne videretur
incapisse. Hodie dixit, ne præterita generatio videretur.
Ex his ergo verbis Propheta, ut ait Ioannes Chrysostomus,
nihil aliud manifestatur, nisi quia ex ipsa essentia Pa-
tris semper genitus est Filius.

Origenes videtur dicere contrarium: ait enim quod sem-
per generatur Filius à Patre.

*Origen. 10.
2. homil.
6. in illud
Hier. 11.
Remissi
sunt.
Prou. 8. 6
† Secun-
dum Ix x.*
O R I G E N E S vero super Hieremiam dicit, quod Fi-
lius semper generatur à Patre his verbis: Saluator noster
est sapientia Dei: sapientia vero est splendor aeterna lucis.
Saluator ergo noster est splendor claritatis. Splendor au-
tem non semel nascitur & desinit, sed quoties ortum fue-
rit lumen ex quo splendor oritur, toties oritur etiam splen-
dor claritatis: sic ergo Saluator semper nascitur. Vnde ait
in libro Sapientis: Ante omnes colles † generat me Domi-
nus. non, ut quidam male legunt, generauit. His verbis
aperte ostendit Origenes, sane posse dici & debere, Filius
semper nascitur, quod videtur contrarium illi verbo Gre-
gorii præmisso, scilicet, non possumus dicere: Semper nasci-
tur.

Exponit præmissa verba Gregorij, ne putetur inter
Doctores esse contrarietas.

D S E D ne tanti Auctores sibi contradicere in re tanta
videantur, verba Gregorij benigne interpretemur. Do-
minus (inquit) Iesus ante tempora natus est de patre. vel
potius, quia nec capit nasci, nec desiit: dicamus verius, sem-
per natus. Sed quomodo verius dicitur hoc, scilicet, quod
filius semper natus est, quam illud, scilicet, quod de patre
ante tempora natus est? Illud enim sincera, & Catholica
fides tenet, ac prædicat ut istud. Quare ergo ait: Dicamus
verius, cum utrumque pariter sit verum: nisi quia vole-
bat intelligi hoc ad maiorem euidentiam, & expressionem
veritatis dici, quam illud? His etenim verbis omnis calu-
niandi versutus hæreticus obstruitur aditus: quibus Christi
secundum deitatem generatio sine initio, & sine fine esse,
ac perfecta monstratur. Non autem adeo aperte semper
manifestatur veritas, cum dicitur: Filius ante tempora ge-
nitus est de patre, vel filius semper nascitur de patre. Et id-
eo dicit Gregorius quod non possumus dicere, semper nasci-
tur. Non, inquam, ita conuenienter, nõ ita congrue ad ex-
planationem veritatis: potest tamen dici, si sane intelli-
gatur: Semper enim nascitur filius de patre, ut ait Origenes:
non quod quotidie iteretur illa generatio, sed quia semper
est. Semper ergo nascitur, id est, natiuitas eius sempiterna
est.

Quod filius semper generatur, confirmatur ex
dictis Hilarij.

Hilarius quoque, dicit filium nasci ex patre, in libro 7. de

*ibidem.
Mat. 3. 8
Psal. 2. 6
in exposit.
psalms Jo-
cunds. 20. 8.*

*Origen. 10.
2. homil.
6. in illud
Hier. 11.
Remissi
sunt.
Prou. 8. 6
† Secun-
dum Ix x.*

*Paulo post
medium.*

Paulo post
medium.

Ioan. 6. f

Ioan. 5. d

Pene in lo
co prius ci
tato.Longe post
medium.Hac dist.
6. 15.Pene in li
bro.

Hilar. ibi.

Trinitate his verbis: *Vivens Deus, & natura aeterna vi-
uentis potestas est: & quoddam Sacramento scientia sua
ex eo nascitur, non potuit aliud esse quam vivens. Nam
cum ait: Sicut misit me vivens pater, & ego vivo propter
patrem: docuit vitam in se per viventem patrem inesse.
Ecce hic habes, quia filius nascitur ex patre. Item in eodem,
cum dicit Christus: Sicut pater habet vitam in se: sic & fi-
lio dedit vitam habere in semetipso, omnia viva sua ex vi-
vente testatus est. Quod autem ex vino vinum natum est,
habet natiuitatis perfectum sine novitate natura. Non e-
nim novum est quod ex vino generatur in vinum, quia
nec ex nihilo est: & vita, quae natiuitatem sumit ex vita,
necesse est per naturam unitatem, & perfectam natiuitatis
sacramentum, ut & in vivente vivat, & in se habeat vi-
tam viventem. Ecce & hic habes, quia generatur ex vino
vivens filius. Item in eodem: In Deo totum quod est, vivit:
Deus enim vita est, & ex vita non potest quidquam esse
nisi vinum: neque ex derivatione, sed ex virtute natiui-
tas est. Ac si dum totum quod est vivit, & dum totum quod
ex eo nascitur virtus est, habet natiuitatem filii, non de-
mutationem. Et hic dicit, quia nascitur. Item in nono li-
bro de Trinitate: Donat pater filio tantum esse, quantum
est ipse: cui innascibilitatis esse imaginem sacramento na-
tiuitatis impartit, quem ex se in sua forma generat: Hic
dicit, quia generat pater filium.*

Breuitur docet quid de hoc concedendum sit.

Dicamus ergo filium natum de patre ante tempora, &
semper nasci de patre, sed congruentius semper natum: &
eundem fateamur ab aeterno esse, & patri coaeternum, id
est auctori. Pater enim generatione auctor filij est, ut in
sequenti ostendetur. Ut ergo pater est aeternus, ita & filius
aeternus est: sed pater sine auctore, filius vero non: quia pa-
ter innascibilis, filius natus. Et ut ait Hilarius in 12. libro
de Trinitate: Aliud est sine auctore semper esse aeternum,
aliud patri, id est, auctori esse coaeternum. Vbi autem pater
auctor est, ibi & natiuitas est: quia sicut natiuitas ab au-
ctore est, ita & ab aeterno auctore aeterna est natiuitas. Om-
ne autem quod semper est, etiam aeternum est: sed tamen
non omne quod aeternum est, etiam innatum est: quia quod
ab aeterno nascitur, habet aeternum esse quod natum est.
Quod autem non natum est, id cum aeternitate non natu-
m est: quod vero ex aeterno natum est, id si non aeternum na-
tum est, iam non erit & pater auctor aeternus. Si quid er-
go ei qui ab aeterno patre natus est, ex aeternitate defuerit,
id ipsum non est auctori ambiguum defuisse, quia si gigni-
ti est infinitum gignere, & nascenti etiam infinitum nasci
est. Medium enim quid inter natiuitatem Dei filij, & ge-
nerationem Dei patris, nec sensus, nec ratio admittit, quia
in generatione natiuitas est, & in natiuitate generatio est,
quia sine utroque neutrum est, utrumque ergo sine inter-
uallo sui est.

Argumentatio Haeretici.

Sed inquiet haereticus: Omne quod natum est, non sem-
per fuit: quia in id natum est, ut esset. Nemo ambigit quin-
tae quae in rebus humanis nata sunt, aliquando non fue-
rint. Sed aliud est ex eo nasci, quod non semper fuit: aliud
est ex eo natum esse, quod semper est. Ibi nec semper fuit, qui
pater est, nec semper pater est: & qui non semper pater est,
non semper genuit: ubi autem semper pater est, semper fi-
lius est. Quod si semper Deo patri proprium est quod sem-
per est pater, necesse est filio semper proprium esse quod sem-
per est filius. Quo modo ergo cadet in intelligentiam no-
stram, ut non fuerit semper, cui proprium est semper esse
quod natum est? Natum ergo unigenitum Deum confite-

A mur: sed natum ante tempora, nec ante esse quam natum,
nec ante natum quam esse, quia nasci quod erat iam, non
nasci est, sed seipsum demutare nascendo. Hoc autem hu-
manum sensum, & intelligentiam excedit mundi. Non
hoc capit ratio humana intelligentia: sed prudentia fide-
lis professio est.

DISTINCTIO IX.

De proprietatibus, & conditionibus personalibus
Trinitatis, & Unitatis.

Nunc ad distinctionem personarum acci-
damus, &c.

Expositio textus.

S Vpra egit Magister de proprietatibus, quae respiciunt
Essentiam. Hic agit de his, quae respiciunt personas.
Et haec pars habet duas partes. Quia enim distinctio per-
sonarum attenditur secundum duplicem emanationem,
scilicet generationis, & processions, ideo primo agit
de generatione: secundo vero de processione, infra di-
stin. 10. Nunc post filij aeternitatem de Spiritu sancto, &c.
Item, prima pars habet duas partes: In prima ostendit
quid de generatione filij est sentiendum. Secundo ex
incidenti, quo sermone est ipsa exprimenda, ibi: *Hic qua-
ri potest, cum generatio filij a patre: &c.* Prima iterum pars
habet quatuor partes. Primo proponit veritatem, quae
est a catholicis retinenda, scilicet quod generans, & ge-
nitus sunt per generationem distincti, & coaeterni, ita
quod generatio est distinctiva, & aeterna. In secunda con-
tra hoc opponit per oppositionem haereticorum, ibi: *Sed
contra hoc inquit haereticus.* In tertia determinat contra ar-
guendo per rationes Catholicorum Doctorum Augusti-
ni, & Ambrosii, ibi: *Qui hoc dicit, non intelligit, etiam na-
tum esse, &c.* In quarta, & ultima respondet, compescen-
do inquisitionem superfluam haereticorum, & etiam
Catholicorum superbiorum, ibi: *Sed quatuor a me, inquit
Ambrosius, ubi ostendit quod inscrutabile est Sacramentum
generationis. Similiter secunda pars huius distinctionis,
in qua Magister determinat quo sermone generationis
aeternitas congruentius exprimitur, habet quatuor par-
tes. In prima ponit Doctorum apparentem controuersiam.
Nam quidam dicunt eam debere exprimi per verba praeteri-
ti temporis, alii per verba praesentis. In secunda praedi-
ctam controuersiam reducit ad concordantiam, ibi: *Sed ne tanti auctores in re tanta sibi contradicere videantur: In
tertia per verba Hilarii confirmat responsum suum ne
videatur dictis Origenis inniti, ibi: Hilarius quoque dicit fi-
lium nasci ex patre, &c.* In quarta concludit summam
quid dicendum, siue quo modo loquendum, & quo mo-
do etiam de generatione aeterna sentiendum sit, ibi: *Dica-
mus ergo filium natum de patre.*, ubi confirmat veritatem
per auctoritatem Hilarii, per quam etiam soluit obiectionem
haeretici.*

Non est aliud pater. Dub. I.

Videretur falsum quod dicitur, quia bene sequitur: Pe-
trus est albus homo: ergo est animal album: quia idem si-
gnificant albus & album: ergo pari ratione, quia idem
significant alius, & aliud. Sequitur: est alius ergo est aliud
ens. Si TV DICAS quod non est ens simile de hoc nomine
alius, & de hoc nomine aliud ens. CONTRA: Bene se-
quitur: Est alius homo: ergo est aliud animal: ergo a simili
illud sequitur.

R E S P. Dicendum quod quia in Deo est singularis a-
lietas: quia alietas est suppositi cum omnimoda unitate
naturae: ideo singulari modo oportet exprimi, & quo-
niam masculinum genus importat quandam distinctio-
nem, vel discretionem: ideo respicit personam: sed neu-
trū propter indistinctionem respicit naturam, & ideo alius
importat alietatem in persona: aliud, alietatem in natura:
& ideo in diuinis non idem significant. Posset etiam dici
quod in creaturis aliud significat, cum dico, iste est alius
ab illo: & aliud, cum dico est aliud, & vnum sequitur ad
aliud

*Discamus verius, semper natus.**Dub. VIII.*

Gregorii ratio hæc est, vt Deus æternus & perfectus valeat designari.

S E D contra hoc est, quod inter omnia tempora præsens maiorem cōuenientiam habet cum æternitate: quia verius dicitur, *est*, de Deo, quam *fuit*, aut *erit*, sicut exponit Augustinus, & habitam est in præcedenti distinctione. Ratio huius est, quia præsens dicit ens in actu, alia tempora non.

R E S P. Dicendum quod sicut supra actum est, quod verba diuerforum temporum dicta de Deo non significant aliquos temporales actus: sed important durationē diuini esse, sine initio, vt præteritum: sine interuallo, vt præsens: sine termino vt futurum: & quia omnia ista eque vere reperiuntur in Deo: ideo omnia æque vere dicuntur de Deo. Sed tamen quia multi errauerunt in generatione quantum ad initium, pauci vel nulli quantum ad interuallum vel terminum: ideo sacri Doctores, vt ora hæreticorum obstruerent, eam per verbum præteriti temporis quod semper significat, vt præteritum, & ita nunquam habere principium expresserunt. Alia ratio est, quia nos generationem diuinam manu ductione quadam intelligimus per generationem, quæ circa nos est, & quia videmus in hac generatione, quia genitus dum generatur, est imperfectus, ne credere posset aliquis, quod Dei filius esset imperfectus, ideo decreuerunt dici: Semper genitus, Dicendum ergo quod quantum est ex patre rei, æque vere ac proprie dicitur vnum, sicut reliquum. Quod vero dicit Gregorius, dicit quantum ad maiorem fidei explanationem, ne error habeat locum, & sic exponit Magister. Magis ergo conuenit dicere: Semper genitus, quam semper generatur. Nec est simile de hoc verbo *est*, & *fuit*, quia hoc verbum, *est*, significat per modum quietis: & ideo esse, dum est, perfectum est: sed hoc verbum *generari*, penes hæc inferiora, per modum fieri: quia in pluribus hoc verum est quod aliquid dum fit, non habet esse perfectum, ideo non est simile secundum rationem intelligentiæ.

Ego hodie genui te. Dub. IX.

Queritur quo modo hoc intelligitur. Quia hoc potest intelligi de die, quo ex matre natus est: sed hoc nihil videtur valere, quia secundum hanc generationem non habuit patrem: sed tantum matrem.

R E S P. Dicendum: Verbum illud intelligendum est causaliter: secundum enim generationem ex matre dicitur genuisse, quia fecit generari. Similis expositio super illud Matthei: Potens est de lapidibus illis suscitare filios Abrahæ. Gloss. in huius testimonium rei Deus de Sara genuit filium, id est, fecit generari.

Splendor autem non semel. Dub. X.

Contra: Si hoc simile rectum est, videtur quod filius non semel nascatur: ergo queritur, quare magis generatio filii assimilatur splendori, quam aliis rebus, maxime cum non generetur à luce splendor, nisi ad præsentiam corporis obiecti: Præterea filius dicitur lux: non ergo splendor lucis.

R E S P. Dicendum quod generatio filii habet in se perfectam conformitatem, coæternitatem, & æqualitatem: & quia in creatura vna simul hæc non possumus inuenire: ideo capimus ex multis: & ideo multas isti assimilamus. Quantum ergo ad conformitatem, similis est generationi verbi quod est proles perfecte repræsentans illum à quo est. Quantum ad coæternitatem, similis est egressui splendoris à luce, in quo est coæternitas, propter lucis actualitatem. Quantum ad æqualitatem, similis est generationi viuētis ex viuente, qui generat sibi æquale omnino, & sic diuersimode comparatur à Sanctis. Comparat ergo Origenes ad egressum splendoris, non quantum ad generationis assimilationem: sed quantum ad priuationē intermissionis, siue interpolationis. Et nota quod dif-

A ferunt splendor, radius, & lumen, cum omnia dicant influentiam à luminoso, quia radius dicit emissionem secundum diametralem distantiam: lumen, secundum circumferentiam: vtrinq; tamen in profundum transferentis: splendor dicit repercussionem ad corpus transparens, tersum, & limitatum: sed tamen hic Origenes notat splendorem, lumen progrediens à luce.

Ad illud ergo quod obiicitur quod filius est lux, dicendum quod lux habet in se naturam manifestandi, & ita respicit cognitionem, & appropriatur filio. Habet in se vim multiplicandi, siue generandi splendorem, & ita appropriatur patri.

Et quod cum Sacramento scientia sua ex eo nascitur, Dub. XI.

Videtur enim male dicere, quia secundum hoc quod pater secundum Sacramentum scientiæ generat filium: ergo scientia est ratio generandi.

R E S P. Dicendum quod Hilarius vocat hoc Sacramentum sacrum secretum: dicit autem filium nasci cum Sacramento scientiæ, quia filii generatio non tantum sacra, sed etiam secreta est: non, inquam, Deo secreta: sed nobis, quia nos eam non comprehendimus, ipse autem perfecte nouit eam: ideo dicit cum Sacramento, &c.

Quod autem ex viuo. Dub. XII.

Videtur hoc falsum, quia puer nascitur de patre, & matre viuētib; & tamen vtrumque habet, scilicet imperfectionem & nouitatem.

R E S P. Ratio Hilarii sicut pater per literam sequentem intelligenda est de viuo per essentiam: vbi enim est viuēs per essentiam, non fit ex non viuo viuens sicut fit in viuēte per participationem, vbi non generatur viuū ex viuo, nisi per non viuū, vt pater, quia homo non generatur ex homine nisi mediante semine.

Neque ex deriuatione: sed ex virtute natiuitatis est. Dub. XIII.

Videtur male dicere, quia secundum Dionysium, & Anselmum, Pater se habet ad Filium, & Spiritum sanctum, vt fons: & illi, vt riuuli: sed riuus est à fonte per deriuationem.

R E S P. Dicendum quod natiuitas quæ est per deriuationem, attenditur quantum ad transmutationem aliquam circa illud quod transmutatur, & ita dicit passionem quandam: ac per hoc infirmitatem: sed viuens quod est vita, est actus purus, & ita vita pura, in qua non est infirmitas: sed pura actualitas, & ideo vult Hilarius dicere quod pater generans est tota vita, & quod generat non est per passionem, vel demutationem, seu diminutionem, quæ attenditur in deriuatione: sed per omnimodam virtutem: ergo filius genitus, est virtus, non per mutationem natus.

Vbi autem pater auctor est, ibi & natiuitas est. Dub. XIV.

Videtur quod improprie dicat, quia auctoritas dicit causalitatem: sed hæc non recipitur in diuinis: ergo, &c.

R E S P. Dicendum quod auctoritas dicit quandam principalitatem, siue auctoritatem in persona, quæ nihil habet ab alio: sed ab ipso omnes, & ista auctoritas in patre est innascibilitas: vnde non dicit causalitatem, sed priuationem principii: & per hoc summam principalitatem.

Quod ab æterno. Dub. XV.

Innuat Hilarius hic tale argumentum: Si filius non est generatus, siue natus ab æterno, generatio eius non est æterna: et si hoc, pater non generat ab æterno: ergo pater non est æternus: ergo qui derogat eternitati filii, derogat eternitati patris. Sed ista ratio non videtur valere, quia similiter ego arguam ex parte Creatoris, & creaturæ: sed creatura non est æterna, non enim ab æterno creauit Deus, & ita non est Creator æternus.

R E S P.

*Super Job
1. 29. Mor.
c. 1. tom. 2
Edi. Rom.*

*Hillo 7. de
Triam.*

*a Dionys.
2. de diu.
nom.
b. 4. de
de incar.
natiue.
c. 7.*

vbi supra

R e s p. Dicendum quod non est simile, sicut patet ex sequenti eius quod Hilarius supponit quod esse patrem sit proprie proprium illius personæ: ergo cum tale semper conveniat, aut aliter res non habet esse perfectum, sequitur de necessitate, aut filius est æternus, aut pater ab æterno non habet esse perfectum: creare vero, etsi solius Dei sit, tamen ratione connotati habet imperfectionem cōiunctam, secundum quam non tantum impossibile, sed etiam non intelligibile est aliquid ab æterno creari.

Sed seipsum demutare nascendo. Dub. XVI.

CONTRA: Quia secundum hoc, cum filius Dei prius esset, & postea ex virgine natus, sic ergo esset mutatus.

R e s p. Dicendum quod Hilarius intelligit secundum eandem naturam, secundum quam prius erat: si enim secundum eandem naturam prius erat, & postea natus est, necesse est quod secundum illam naturam mutatus sit: sed si secundum aliam naturam, oportet mutationem fieri in illa natura: sed non in persona, cum illa natura non dicat aliquid in persona, sed magis aliquid cum persona. Vnde nulla fit mutatio in illa natura.

ARTICVLVS I.

AD intelligentiam eorum quæ dicit Magister de generatione æterna, in præsentī distinctione quatuor principaliter quærentur. Primo quæritur, utrum in diuinis sit ponenda generatio. Secundo, dato quod sit, utrum generatio in diuinis sit ponenda, personarum distinctiua. Tertio quæritur, utrum illa generatio sit æterna. Quarto & ultimo quæritur, utrum illa generatio sit terminata.

QVÆSTIO I.

An in diuinis generatio ponenda sit.

Alen. Alen. 1. p. q. 42. Membr. 1.

3. Thomas 1. p. q. 27. art. 1. q. 2.

Et 1. Sentent. dist. 13. q. 1. art. 1.

Sec. 1. Sent. dist. 2. q. 6.

Egid. Rom. 1. Sent. dist. 4. q. 1.

Henricus in summa art. 20. q. 1.

Rich. 1. Sent. dist. 9. q. 1.

Franciscus de Mayr 1. Sent. dist. 4. q. 1.

Thom. 1. Sent. dist. 4. q. 1. art. 1.

QUOD generatio sit in diuinis, ostenditur primo a minori. Multo fortius debet esse generatio in eo qui generationem aliis tribuit, quam in his quæ recipiunt: sed generatio est in creaturis: ergo & in Deo qui tribuit. Et hoc est quod dicitur in Esaia: Si ego qui generationem aliis tribuo, sterilis ero? dicit Dominus, quali dicat non.

I T E M ostenditur illud idem a posteriori. Per prius enim est paternitas in Deo quam in creatura: sed paternitas, & generatio vere est in creatura: ergo & in Deo. Quod prius tibi, dicit Apostolus ad Ephelios: Ex quo omnis paternitas in cælo, & in terra nominatur.

I T E M ostenditur hoc ipsum a simili. Quia omne quod perfectionis est, attribuendum est Deo, in quo est summa omnis perfectionis: sed generatio est perfectionis in creatura, ut vult Philosophus, quia perfectum est quod potest generare quale ipsum est: ergo, &c.

I T E M illud idem ostenditur illa ratione. Diuina natura est summe bona, & actualissima: ergo summe potest, & vult se communicare: sed prima & summa ratio communicandi est in generatione: ergo necesse est in diuinis ponere generationem.

1. CONTRA: Generatio in creaturis aut est perfectionis, aut imperfectionis. Si perfectionis, tunc ergo cum substantiæ spirituales & incorporeales sint nobilissimæ, debet in eis generatio esse: ergo cum non sit in eis, non est nobilitatis: sed quod non est nobilitatis, non est in Deo: ergo, &c.

2. I T E M ubi est generatio, ibi est variatio: generatio enim est species motus, & inter omnes species motus maior est variatio in motu secundum substantiam, quia est

entis in potentia: minor in motu secundum locum: ergo cum in Deo non sit variatio, nec aliqua species motus, etiam illa quæ minima est, ut loci mutatio: ergo nec generatio.

3. I T E M ubi est generatio, ibi est corruptio. Vnde Auditor de causis ait, quod propter longe stare a principio reliquo modo compleuit esse Deus continuam etiam in his faciens generationem: & huiusmodi signum est quod sola corruptibilia generant, & generantur in creaturis: sed in Deo nulla cadit corruptio: ergo nec generatio.

4. I T E M ubi est generatio, ibi nutritio. Vnde ad tot & plures se extendit vis nutritiua, quam generatiua: sed in Deo non est vis nutritiua: ergo nec generatiua: ergo nec nutritio, nec generatio: ergo generatio non est in diuinis.

CONCLUSIO.

Cum natura diuina sit communicabilis, ibique sit aptitudo actui coniuncta, in diuinis est perfecta generatio.

R e s p. Ad arg. Dicendum quod generatio ponenda est in diuinis. Huius ratio potissima est, ut credo quia omnis natura est communicabilis: & quia in Deo propter sui nobilitatem est aptitudo actui coniuncta, imo ipse actus, oportet quod natura sit pluribus communicata: sed non possunt esse plures ab una natura, quin vnus sit ab alio, vel ambo a tertio: ergo cum ante diuinas personas nihil sit, oportet quod vna sit ab alia: & quoniam sunt conformes in natura, & generatio est emanatio secundum conformitatem naturæ: ideo credo quod necesse est in diuinis ponere generationem. Ut autem intelligatur per quem modum: notandum quod genere de sui propria ratione est similem sibi in substantia & natura producere. Sibi vero similem in natura producere tripliciter est. Aut per impressionem suæ similitudinis in alio, & sic generatur character a sigillo, lumen a luminoso, species ab obiecto. Alio modo per educationem speciei consimilis ab alio, & sic generatur elementum ab elemento. Tertio modo per productionem similis de simili, siue de seipso, & sic generatur animatum ab animato, & iste tertius modus est perfectior. Vnde non reperitur nisi in substantiis habentibus formam nobilem quæ est vita. Et iste modus generationis est secundum nascentiam, & est in Deo, & creaturis, sed differenter: quia producere alium ex seipso, potest esse dupliciter, vel ex se toto, vel ex parte sui. Ex se toto, non potest producere, nisi ille cuius essentia potest esse in pluribus vna, & tota. Nā si nō potest esse in pluribus vna, & tota, si generans dat totā suam substantiā generato, tunc substantia tota transit in generatum, & generans perdit substantiam totam generando, quod esse non potest. Ideo adhuc necesse est quod talem habeat substantiam, quæ vna, & tota sit in pluribus: talis autem substantia non est nisi substantia habens summam simplicitatem, hæc autem est sola diuina Essentia, in qua propter summam simplicitatem suppositum non addit ad Essentiam. Vnde nec ipsam coartat, nec limitat, nec formam multiplicat: & ideo in eo potest esse generatio communicans eandem substantiam totam, & talis generatio est omnimodæ perfectionis, & in solo Deo reperitur, ratione iam dicta. Alio modo contingit aliquem ex se producere quantum ad partem sui. Sic pater naturalis generat filium, partem substantiæ transmittendo & descendendo. Et hæc generatio necessario est cum transmutatione, quia enim pars decisa non habet actum totius, necesse est quod per mutationem acquirat: sed quod acquirit quod non habet, variatur: ideo hæc generatio est mutatio, & habet variationem coniunctam. Est etiam cum corruptione adnexa: quia enim aliqua pars generantis deperditur, generans est a quo potest fieri ablatio, & ita corruptio. Est etiam cum conuersione adiuncta: quia enim fit deperditio, necesse est quod per nutrimentum fiat restauratio, & ideo generatio in creatura

Propos. 16.

Modus generationis.

Fundamenta.

Esa. 46.

Eph. 3.6

Aristot. 2. de anima, com. 34.

Ad oppositum.

& per-

& perfectionis & imperfectionis est. Perfectionis à parte virtutis producentis, imperfectionis à parte subiecti diuisibilis: & ideo est in solis animatis quæ habent formam perfectionis, id est, animam, & ipsum scilicet corpus defectibile & restaurabile. Generatio vero in diuinis est omnimodæ perfectionis. Quod enim non est ex parte, ideo est, quia habet actum speciem. Et ideo, nec ibi est in natura imperfectio, nec variatio, quia nihil nouum acquiritur. Nec corruptio, quia nihil adimitur. Nec nutritio, quia nihil restituitur. Et ex hoc patet solutio obiectorum, quia generatio de roto est tantæ perfectionis, quod non potest esse in creatura aliqua: generatio vero ex parte tantam habet imperfectionem adiunctam, ut non possit esse circa substantiam inuariabilem, & incorruptibilem, & simplicem, non solum in natura increata, verumetiam in natura creata. Aliæ rationes probant de generatione quæ est ex parte, &c.

QUESTIO II.

An in diuinis generatio distinguat inter gignentem, & genitum.

S. Thomas 1. p. q. 28. art. 2.

Scotus 1. Sent. d. 15. q. 2. Et dist. 26 q. 1.

Agid. Rom. 1. Sent. dist. 9. q. 1.

Richardus 1. Sent. dist. 9. q. 2.

Steph. Brulef. 1. Sent. dist. 9. q. 2.

Petrus de Tarentasia 1. Sent. dist. 9. q. 1.

Funda-
menta.
Aug. lib. 1.
de Trin. c.
1. tom. 3. Et
lib. de im-
mortalita-
te animæ.
8. Et Arist.
2. de ani-
mæ contrax.
48. Et An-
sel. Monol.
c. 41. tom. 3.

VTRVM generatio in diuinis sit personarum distinctiua. Et quod sic ostenditur hoc modo: Augustinus dicit circa principium de Trin. Nulla res est quæ seipsam gignat, ut sit: si ergo gignit, aliam gignit: sed inter aliam rem & aliam est distinctio: ergo, &c.

ITEM generatio est emanatio: sed ubi est emanatio, ibi est multiplicatio, siue plurificatio: ubi autem multiplicatio, ibi & distinctio: ergo ubi generatio, ibi necessario est distinctio.

ITEM generatio in diuinis est relatio: sed relatio importat respectum, & ordinem: sed ubi respectus & ordo, ibi suppositorum & relatorum siue ordinatorum distinctio, & sic, &c.

ITEM maior diuersitas sustinetur à supposito, vel in supposito composito & multiplici quam in substantia simplici & vniiformi: sed relatiua opposita non stant simul in eodem indiuiduo creato: ergo nec in simplici hypostasi. Probatio mediæ. Bene sequitur: Sortes est pater Platonis: ergo non est filius eius, vel est distinctus ab eo: ergo multo fortius in diuinis.

Ad oppos.

1. **CONTRA:** Pater generando filium dat ei totum quod habet: sed habet Essentiam & personam: ergo dat ei Essentiam & personam: ergo sicut filius non distinguitur à patre essentialiter, ita nec personaliter, ut videtur.

2. **ITEM** pater communicat filio Essentiam suam propter summam simplicitatem: sed æque simplex est persona & Essentia: ergo qua ratione communicat Essentiam, communicat & personam.

3. **ITEM** in patre idem est natura, & persona: ergo impossibile est quod communicet vnum, quin communicet aliud: ergo si dat naturam, & personam.

4. **ITEM** videtur quod relatio non distinguat aliqua ratione, quia vnus & idem punctus est principium & finis respectu diuersarum linearum: ergo si istæ relationes non sunt distinctiue, videtur similiter quod nec paternitas & filiatio.

SIDICAS quod non omnes relationes distinguunt, sed solum mutuas, ut principium & principiatum, finis & finitum.

Ansel. in
Monolog.
c. 60. 10. 3.

CONTRA: Pater & filius se habent, ut intelligens, & intellectum, ut dicit Anselmus: sed idem potest esse intelligens, & intellectum: ergo, &c.

5. **ITEM** maior est repugnantia in contrariis quam in relatiuis: sed albedo, & nigredo quæ sunt contraria non fa-

ciunt distinctionem circa Petrum, quia idem potest modo esse albus, modo niger: ergo multo fortius vnus in diuinis modo erit pater, modo filius.

6. **ITEM** quæritur, quare potius relationes faciunt distinctionem personæ quam Essentiæ, cum æque bene possint esse plures Essentiæ, vel naturæ in vna persona, sicut econuerso.

CONCLUSIO.

Generatio in diuinis facit realem distinctionem inter generantem, & genitum contra Sabellium, non tamen essentialiam contra Arium.

R E S P. Ad arg. Dicendum quod generatio in diuinis sicut ostensum est, facit realem distinctionem inter generantem & generatum, non rationalem vel intellectualem solum, sicut dixit Sabellius: sed realem quantum ad personam, non quantum ad Essentiam, sicut dicit Arius. Quod sic patet: Generatio in creaturis, dicit emanationem per modum actionis siue mutationis, in Deo emanatio dicit distinctionem ratione emanationis, est distinctio: quia sicut dicit Anselmus: Nec intellectus capit, nec natura permittit, illum qui est ab alio, esse illū à quo est, secundum quod positue dicitur aliquis esse ab alio. Nam pater priuatiue dicitur esse à se, id est, non ab alio: in quantum autem talis emanatio ponit distinctionem in persona. Generatio enim est productio conuenientis in natura: ratione igitur naturæ non potest esse distinctio: Ergo vel erit ratione suppositi, vel proprietatis. Si proprietatis, aut absolute, aut respectiue. Non absolute, quia tunc esset distinctio in natura. Nec respectiue, ut puta relationis, quia in relatione secundum se non est motus in creaturis: nec origo in diuinis. Vnde filiatio non generatur nisi in alio: ergo necesse est quod sit distinctio in supposito. Similiter ratione relationis est distinctio, quia nihil ad se refertur, nec ordinatur. Ratione vero talis relationis est distinctio personalis, quia generare & generari cum dicant relationem per modum actionis & passionis, dicunt eam in supposito, & respectu suppositi. Et ideo, quia relatio inter extrema notat distinctionem, pater quod distinctio est ibi suppositorum. His visis patet facile soluere ad obiecta.

1. **QVOD** ergo obiicitur: Pater communicat filio totum quod habet, verum est præter generationem, & generationis distinctionem. Ipsa enim ratio communicandi dat intelligere distinctionem, quia nullus communicat sibi, sed alii: & ideo id in quo distinguit non communicat.

2. **AD** illud quod obiicitur quod æque simplex est persona, ut Essentia, dicendum quod simplicitas Essentiæ est quod sit in pluribus: sed simplicitas suppositi est quod non sit in pluribus. Nam suppositum siue indiuiduum quantum est de se, dicitur esse quod est in vno solo: ideo non est simile.

3. **AD** illud quod obiicitur quod idem est essentia, & persona, dicendum quod quamuis sint idem, non tamen sunt ad idem: quia persona est ad alium, ideo generat, & refertur: essentia vero non: ideo essentia communicatur, & persona distinguitur. Sicut ergo, quamuis idem sit in patre essentia & persona, tamen persona generat, essentia non: sic econuerso: Essentia communicatur, & persona non.

4. **AD** illud quod obiicitur de principio & fine in puncto, patet responsio, quia illæ non sunt mutuas relationes: quod proprie requiritur ad distinctionem, unde non valet.

QVOD obiicitur de intelligēte, & intellecto, dico quod ibi non est relatio secundum esse, sed secundum dici. Ad hoc autem quod relatio distinguat, oportet quod sint relationes mutuas, quia aliter non distinguunt: oportet etiam quod dicant relationem secundum esse.

5. **AD** illud quod obiicitur de albedine, & nigredine, dicendum quod nulla est oppositio formarum, nisi considerentur respectu eiusdem temporis: & impossibile

est quod

est quod idem subiectum eodem tempore sit album & nigrum: relationes autem in diuinis simul sunt.

Ad illud quod ultimo quæritur, quare magis relationes faciunt distinctionem in personis, quam in essentia, patet ex iam dictis responsio. Potest etiam alia ratio reddi, quia pluralitas naturarum impedit simplicitatem personarum: sed non sic conuerso, quod patet sic: Plures naturæ sunt in vna persona. Aut ergo per gratiam, aut per naturam. Si per gratiam vnionis, sic: quia natura vnita consequitur vnitatem personarum, non impedit. Sed si naturaliter, vt in Petro, est pluralitas essentiarum, siue naturarum, tunc cum intellectus naturæ præcedit personam, & non natura ex personis, sed persona ex natura sit: necesse est personam esse compositam, & inde est quod in diuinis magis est vnitas naturæ cum pluralitate personarum, quam conuerso.

QVÆSTIO III.

An in diuinis generatio sit æterna.

Alexander Alesius 1. p. q. 42. Membr. 1. art. 1.

Guil. Alsfiodorensis lib. 2. Sent. cap. 2.

S. Thom. 1. p. q. 42. art. 2.

Scotus 1. Sent. d. 9. q. 1.

Henricus in summa art. 54. q. 3.

Ægid. Rom. 1. Sent. dist. 9 p. 2. q. 1.

Durandus 1. Sent. dist. 9. q. 4.

Richardus 1. Sent. dist. 9. art. 2. q. 1.

Franciscus de Mayr. 1. Sent. dist. 9. q. 1.

Petrus de Tarantasia 1. Sent. dist. 9. q. 3.

Gabr. Biel 1. Sent. dist. 9. q. 3.

Vtrum diuina generatio sit æterna. Quod sic, ostenditur hoc modo: In creaturis operans naturaliter operatur quam citius potest, & de perfectione agentis est, quod citissime possit operari: ergo cum productio filii à patre sit per naturam & summam potentiam, quam cito fuit pater, genuit: sed fuit ab æterno: ergo, &c.

ITEM de perfectione generationis est, vt quod generatur æquetur generanti: ergo cum diuina generatio sit perfectissima, filius erit patri per omnia æqualis, sed pater est infinitus duratione: ergo & filius.

ITEM intelligere se, coæternum est menti diuinæ. Nunquam enim est ponere quod de non intelligente sit Deus factus intelligens: sed verbum est coæternum menti intelligenti, ex hoc enim quod mens se intelligit, verbum gignit. Si ergo propriissime filius est verbum, est coæternum patri, & hoc est quod dicit beatus Ioannes: In principio erat Verbum.

ITEM idem ostenditur per impossibile: Qmne quod cœpit esse, est mutatum secundum substantiam: sed omne quod incipit generari, incipit esse: ergo omne quod incipit generari, est mutatum secundum substantiam: sed generatio est de substantia generantis: ergo vbi incipit esse generatio, substantia generantis mutatur: sed substantia Dei patris secundum esse est immutabilis: ergo generatio non incipit in diuinis.

1. CONTRA: Sicut se habet corruptio ad non esse ex parte finis, sic generatio ex parte principii: sed omne quod corrumpitur desinit esse: ergo omne quod generatur incipit esse, sed nullum tale est æternum: ergo, &c.

2. ITEM quidquid producit diuina Essentia, est ipsi posterius tempore, siue duratione: ergo pari ratione quidquid producit diuina persona, cum essentia & persona sint idem.

3. ITEM in Deo idem est suum esse, & sua duratio: sed filius habet principium essendi: ergo habet principium durationis: sed quod habet principium essendi, incipit esse: ergo, &c.

4. ITEM pater caret principio, & caret initio: ergo quare ratione communicat filio non habere initium, eadem ratione communicat ei non habere principium: aut si non hoc, nec illud.

CONCLUSIO.

Generatio in diuinis est æterna propter summam generantis fecunditatem, & geniti summam æqualitatem, & vtriusque summam ætuitatem.

RESP. Ad arg. Dicendum quod generatio filii est æterna tum ratione generantis, tum ratione geniti. Ratione generantis, propter summam & perfectam fecunditatem. Ratione geniti, propter summam, & perfectam æqualitatem: quarum vtrique conditio tollit ne filius sit posterius patre, sicut visum est in opponendo. Alia ratio est propter summam in vtroque actualitatem, in qua non distat actus à potentia, nec posse antecedit esse.

1. Ad illud quod obiicitur quod corruptio ponit terminum finalem, dicendum quod corruptio semper dicit variationem & mutationem, & ita conuersionem entis in non esse, & ideo ponit terminum finalem. Sed generatio aliquando dicit mutationem, vt in creaturis, & sic ponit terminum initialem: sed in diuinis non dicit mutationem ex non ente, sed emanationem ab ente.

2. Ad illud quod obiicitur quod essentia nihil producit nisi ex tempore, dicendum quod sicut persona producit aliam personam, sic essentia aliam essentiam. Aliam autem naturam essentia ex seipsa non producit, cum ipsa sit immutabilis: nec ex alia, quia similiter esset querere, unde producit illā alia: & sic necesse est in productione prima creaturæ quod producat ex nihilo, & omne sic productum habet esse post non esse, & ita initium. Persona autem non de nihilo producit personam, & ideo non facit de non ente ens, & ideo nullum ponit initium talis productio.

3. Ad illud quod obiicitur quod filius habeat principium essendi, dicendum quod principium dicitur duplex, scilicet originale, & initiale. Secundum quod principium dicitur originaliter, sic filius tam quantum ad esse quam quantum ad durationem habet principium: quia vtrumque habet ab alio. Si autem principium dicatur initium, sic dico quod nec habet principium essendi nec durandi. Primum principium non aufert rationem æterni, secundum vero sic.

4. Ad illud quod obiicitur ultimo, quare pater communicat filio carentiam initii, non principii, patet iam responsio: quia temporale & æternum differunt de necessitate per essentiam: principium & principiatum nō sic, ideo non est simile de hoc & illo: quia ergo quod habet initium est temporale: quod caret, est æternum: ideo cū pater & filius sint vnius essentiae, patet, &c. Rursum cum habere principium, & non habere dicat differentiam personarum, & hæc est inter patrem & filium, ideo sicut pater non communicat filio personam, sed tantum naturam siue essentiam, sic communicauit ei non habere initium: sed non communicauit non habere principium.

QVÆSTIO IV.

An generatio Filij terminata sit.

Alexander Alesius 1. p. q. 42. Membr. 1. art. 2.

S. Thom. 1. p. q. 41. art. 6.

Et 1. Sent. dist. 7. q. 1. art. 1.

Ægidius Rom. 1. Sent. dist. 9. p. 2. q. 3.

Richardus 1. Sent. dist. 9. art. 2. q. 1.

Vtrum generatio filii sit terminata. Et quod sic videtur per Augustinum: Qui semper nascitur, nūquam est natus, ac per hoc nunquam est filius. Nullus ergo per generationem dicendus est filius, quousque generatio sit terminata: sed verbum Patris recte dicitur perfectus filius: ergo generatio eius est terminata.

2. ITEM ratione ostenditur sic: Produci terminatur ad productum esse: ergo generari ad generatum esse: sed filius Dei est generatus & natus: ergo eius productio, siue generatio est terminata.

3. ITEM nobilius est esse generatum quam generari, quia

vide infra dist. 29.

Ad oppositum. Aug. libr. 23. q. 9. 34. tom. 4.

quia generari est via ad generatum esse, & non econuerso: sed quod nobilius est, Deo est attribuendum: ergo magis debet ei attribui generatum esse quam generari: ergo generatio filii dicitur in terminatione.

4. ITEM generatione quæ semper est in generando, semper aliquid vel aliquis producit: sed non producit id quod productum est secundum id quod est productum: ergo oportet vel quod iteretur, vel quod succedat generatum in tali generatione: sed in filio Dei nec est successio, nec ibi iteratio: ergo nec continua generatio: ergo filii Dei generatio est terminata.

Funda-
menta.
Dam. lib. 1.
de Orb. fi.
de c. 8. in fi.

CONTRA per Damascenum: Deus infinite & sine tempore ens, infinite & inquiescibiliter generat: ergo generatio nunquam terminatur.

ITEM ratione videtur hoc idem posse monstrari: Aeternum non habet se aliter nunc quam prius: sed semper omnino vniformiter: ergo si semper pater à principio generat, adhuc generat: alioquin aliter se haberet nunc quam prius, & ita generatio æterna mutaretur.

ITEM simplex & infinitum caret omni termino: sed generatio filii est simplex & infinita: ergo generatio filii caret omni termino. Quod sit infinita, patet, quia filius est infinitus, & iterum ipsa generatio est æterna, & æternum est duratione infinitum.

ITEM perfectior est potentia semper actui coniuncta quam quæ non semper: ergo perfectior est fecunditas semper actui generationis coniuncta, maxime cum fecunditas generandi non perditur, sed perficitur: si ergo in Deo est fecunditas perfecta, semper ergo generat: sed non generat alium nisi filium: ergo filius semper generatur.

CONCLUSIO.

Generatio filij in diuinitate est terminata, si perfectionem eius respiciamus: quod si durationem intueamur, cum semper duret, interminata dici debet.

RESP. Ad arg. Ad prædictorum intelligentiam, notandum quod quædam sint in quibus idem est esse & factum esse, differt tamen fieri & esse, vt sunt illa quorum esse est permanens, nec dependet omnino à principio producente, & hoc proximo producente in facto esse immo habent rationem subsistendi aliquam intra se, siue per principia propria sui subiecti, vt substantia & accidentia innata. Quædam sunt in quibus differt esse & factum esse, idem tamen est fieri & esse, vt sunt successiua, quorum esse dependet omnino à principio producente existente in sua actualitate, vt sunt motus, & mutationes. Quædam sunt in quibus est idem fieri & esse & factum esse, vt sunt illa quæ habent esse permanens, & totaliter dependent à principio producente, existente in sua actualitate per eundem modum per quem sunt in principio, nō tantum in se, sed etiam respectu producti, ita quod consimilis modus actualitatis attendatur quantum ad vtrumque & talia sunt influentia, siue corporales, siue spirituales. Vnde Augustinus super Genesim ad litteram dicit quod lumen semper nascitur, & dū nascitur est, vnde aer semper est illuminatus, & semper illuminatur. Similiter omnino dicendum de lumine spirituali quod est gratia. Si igitur filius Dei habet esse permanentissimum, & esse coniunctissimum principio productiuo, vt in sui actualitate existenti, quia ipse est filius & purus actus, omnino idem est in ipso nasci, & natum esse, & ideo semper nascitur, & semper est natus, & semper est, & nunquam desinit nec cessat generari, nec pater generare. Cum ergo queritur, an generatio filij sit terminata, distinguendum est terminatum, quia aut excludit imperfectionem, & sic generatio filij est terminata, quia perfecta, cum simile, immo idem sit generari & generatum esse. Si vero excludat durationem, falsa est, quia semper durat. Concedo ergo quod generatio filij est interminata ratione desinitionis: quia numquam desinit generari, sicut probant rationes ad secundam partem adductæ.

Lib. 6. 10. 3.

1. AD Illud quod obiicitur in contrarium quod qui semper nascitur nunquam est natus, dicendum quod verum est in illa generatione in qua differt nasci & natum esse: sed non talis est generatio diuina: attamen quia generatio diuina intelligitur per generationem creaturam, & in creaturis de perfecto nato nō dicitur nasci, sed natum esse: ideo vult Augustinus, quod melius dicitur filius natus esse, quia intelligibilis est, non quia ei non conueniat nasci.

2. 3. AD Illud quod obiicitur quod produci terminatur ad productum esse, & similiter nobilius est generatum esse quam generari, dicendum quod omnia ista tantum ibi habent locum, vbi differt generari & generatum esse. In ista autem generatione locum non habent.

4. AD illud quod ultimo obiicitur in generatione quæ semper est in generando, &c. Soluendum est per interemptionem, non enim est verum quod generatio semper ens, semper de nouo aliquid producat: quia radius semper oritur à sole, nec tamen semper eius productio iteratur, nec succedit: sed à sua origine continuatur in esse.

HIC DE SPIRITU SANCTO AGITUR, ET PRIUS QUOD SIT AMOR PATRIS, ET FILII.

DISTINCTIO X.

NUNC post filij aternitatem, de Spiritu sancto, quantum Deo donante videre conceditur, differamus. Spiritus sanctus amor est, siue charitas, siue dilectio Patris, & filij. Vnde Augustinus in 15. lib. de Trinit. ait: Spiritus sanctus nec Patris est solus, nec filij est solus, sed amborum, & ideo communem qua inuicem se diligant Pater & Filius, nobis insinuat charitatem.

Quod Spiritus sanctus proprie dilectio dicatur, & tamen Trinitas sit dilectio.

Iohannes autem in Epistola canonica ait: Deus charitas est: non dixit, Spiritus sanctus charitas est. Quod si dixisset, absolutior esset sermo, & non parua pars questionis decisa: sed quia dixit: Deus charitas est, incertum est: & ideo querendum est, vtrum Deus Pater sit charitas, an Filius, an Spiritus sanctus: an Deus, ipsa Trinitas, quia & ipsa non tres Dii, sed vnus est Deus. Ad hoc Augustinus in eodem libro ita dicit: Nescio cur sicut sapientia & Pater dicitur & Filius & Spiritus sanctus, & simul omnes non tres: sed vna sapientia: non ita & charitas dicatur Pater, & Filius, & Spiritus sanctus, simul omnes vna charitas. Non ideo tamen quisquam nos inconuenienter asimet charitatem appellare Spiritum sanctum: quia & Deus Pater, & Deus Filius potest charitas nuncupari: sicut proprie verbum Dei etiam sapientia Dei dicitur, cum & Pater & Spiritus sanctus sit sapientia.

Sicut verbum Dei proprie dicitur sapientia, & tamen tota Trinitas dicitur sapientia: ita & Spiritus sanctus proprie dicitur charitas: & tamen Pater, & Filius, & Spiritus sanctus dicitur charitas.

Si ergo proprie aliquis horum trium charitas nuncupari debet, quis aptius quam Spiritus sanctus? vt scilicet illa summa simplici natura non sit aliud substantia, & aliud charitas: sed substantia ipsa sit charitas, & charitas ipsa sit substantia, siue in Patre, siue in Filio, siue in Spiritu sancto.

Bo: &

Et: & tamen Spiritus sanctus proprie charitas nuncupatur. Ecce his verbis aperte dicit Augustinus quod in Trinitate charitas aliquando refertur ad substantiam, quae communis est trium personarum & tota in singulis: aliquando specialiter ad personam Spiritus sancti: sicut sapientia Dei aliquando pro substantia diuina, aliquando pro Filio proprie accipitur, & hoc in multis fieri reperitur.

Exemplis firmatur, eadem nomina proprie & vniuersaliter accipi.

Pluribus enim exemplis doceri potest, multa rerum vocabula & vniuersaliter poni, & proprie quibusdam rebus adhiberi: sicut Legis nomine aliquando simul omnia Veteris Testamenti significantur eloquia: aliquando autem proprie vocatur Lex quae data est per Moysen. Multa alia suppetunt exempla: sed in re aperta vitanda est longitudo sermonis. Sicut ergo unicum Dei verbum proprie vocamus nomine sapientia, cum sit vniuersaliter, & Spiritus sanctus & Pater ipsa sapientia: ita Spiritus sanctus proprio vocabulo charitas nuncupatur, cum sit Pater, & Filius vniuersaliter charitas.

Auctoritas ponitur, quod Filius proprie dicitur sapientia.

Sed Dei verbum, id est, unigenitus Dei Filius, aperte dictus est Dei sapientia ore Apostoli dicentis, Christum Dei virtutem & Dei sapientiam. Spiritus autem sanctus ubi sit dictus charitas, inuenimus: si diligenter Ioannis Apostoli eloquium scrutemur: qui cum dixisset: Diligamus inuicem, quia ex Deo est dilectio: adiunxit: Et omnis qui diligit, ex Deo natus est, quia dilectio Deus est. Hinc manifestauit se dixisse eam dilectionem esse Deum, quam dixit ex Deo. Deus ergo ex Deo est dilectio: sed quia & Filius ex Deo Patre natus est, & Spiritus sanctus ex Deo Patre procedit, quem potius eorum hic debeamus accipere, dictum esse dilectionem, merito queritur. Pater enim solus ita Deus est, ut non sit ex Deo: & ideo dilectio, quae ita Deus est ut ex Deo sit, non ipse Pater est, sed aut Filius, aut Spiritus sanctus. Sed in consequentibus Dei dilectionem commemorasset Ioannes, qui dilexit nos, & hinc hortatus esset ut & nos inuicem diligamus, atque ita Deus in nobis maneat: quia utique dilectione Deum dixerat, statim volens de hac re apertius aliquid eloqui, inquit: In hoc cognoscimus, quia in ipso manemus, & ipse in nobis: quia de suo spiritu dedit nobis. Spiritus itaque sanctus, de quo dedit nobis, facit nos in Deo manere: & ipsum in nobis. Hoc autem facit dilectio. Ipse ergo Deus est dilectio. Deus ergo Spiritus sanctus, qui procedit ex Deo, significatur ubi legitur, Deus dilectio, & dilectio ex Deo est. Ecce his verbis aperte dicit Augustinus, Spiritum sanctum esse charitatem Patris & Filij: & in tantum quoque sermonem produxit, ut videatur dixisse, Spiritum sanctum non solum esse dilectionem Patris & Filij quae se inuicem, & nos diligunt: sed etiam quae diligimus Deum. Sed utrum ipse sit charitas quae nos diligimus Deum, in sequenti explicatur.

Redit ostendere quod proposuerat, scilicet quod Spiritus sanctus sit amor, quo Pater à Filio, quod Filius à Patre diligitur.

Nunc vero quod incipimus ostendere curemus, scilicet Spiritum sanctum dilectionem esse, siue amorem Patris & Filij: quo scilicet Pater diligit Filium, & Filius patrem. De hoc Hieronymus super 17. Psal. ait: Spiritus sanctus nec Pater est, nec Filius: sed dilectio quam habet Pater in Filium & Filius in Patrem. Augustinus quoque in 6. lib. de Trin. ait: In omnibus aequalis est Patri Filius, &

est vnus eiusdemq; substantia. Quia propter etiam Spiritus sanctus in eadem unitate substantia, & aequalitate consistit.

Quod Spiritus sanctus sit alius à Patre, & Filio.

Siue enim sit unitas amborum, siue sanctitas, siue charitas, manifestum est, quod non aliquis duorum est, quo uterque coniungitur: quo genitus à gignente diligitur, genitoremq; suum diligit, sintq; non participatione, sed Essentialia sua: neque dono superioris alicuius, sed proprio suo seruantes unitatem spiritus in vinculo pacis. Ecce hic habes Spiritum sanctum esse, quo Filius diligitur à Patre, & Pater à Filio: & quo illi duo seruant unitatem pacis. Spiritus ergo sanctus, ut ait Augustinus in eodem, commune est aliquid Patris, & Filij, quidquid illud est. At ipsa communio consubstantialis, & coaeterna est: quae si amicitia conuenienter dici potest, dicatur: Sed aptius dicitur charitas, & hac quoq; substantia, quia Deus substantia est, & Deus charitas est. Tria ergo sunt, & non amplius: vnus diligens eum qui de illo est, & vnus diligens eum de quo est, & ipsa dilectio, quae si nihil est, quomodo Deus substantia est?

Quod Spiritus sanctus sicut communis est Patri, & Filio, ita commune nomen habet proprium.

Hic notandum est quod sicut Spiritus sanctus in Trinitate specialiter dicitur charitas, quae est Patris & Filij vnio: ita & nomen tenet proprie, quod Patri & Filio communiter quodam modo congruit. Vnde Augustinus in 15. lib. de Trin. Si charitas, inquit, quae Pater diligit Filium, & Patrem diligit Filius, ineffabilem communionem demonstrat amborum, quid conuenientius, quam ut ille proprie dicatur charitas, qui spiritus est communis ambobus? Hoc enim sanius creditur & intelligitur, ut non solum Spiritus sanctus charitas sit in illa Trinitate, sed non frustra proprie charitas nuncupetur, propter illa quae dicta sunt: sicut non solus in illa Trinitate, vel Spiritus est, vel sanctus: quia & Pater Spiritus, & Filius Spiritus: & Pater sanctus, & Filius sanctus: & tamen ipse non frustra dicitur Spiritus sanctus. Qui enim est communis ambobus, id vocatur ipse proprie, quod ambo communiter. Alioquin si in illa Trinitate solus Spiritus sanctus est charitas, profecto & Filius non solus Patris, sed etiam Spiritus sancti Filius inuenitur. Ait enim Apostolus de Deo Patre: Transtulit nos in regnum Filij charitatis suae. Si ergo non est in ista Trinitate charitas Dei, nisi Spiritus sanctus, Filius est etiam Spiritus sancti. Sed quia hoc absurdissimum est, restat ut non solus ibi sit Charitas Spiritus sanctus: sed propter illa, de quibus satis differui, proprie sic vocatur.

DISTINCTIO X.

De aeterna processione Spiritus sancti, quantum ad personam quae procedit.

Nunc post Filij aeternitatem de Spiritu sancto, quantum, Deo donante: &c.

Expositio textus.

Supra egit Magister de generatione Filij, hic autem agit de processione Spiritus sancti. Et quia gemina est processio Spiritus sancti, aeterna & temporalis, primo agit de processione aeterna, secundo de temporali: Infra distinctione 14. Præterea diligenter adnotandum est, quod gemina est processio Spiritus sancti, &c. Et quoniam processio Spiritus sancti tripliciter potest comparari, scilicet ad personam ad quam est, & ad principium à quo est, & ad generationem à qua differt, ideo hæc pars habet tres. In quartum prima Magister agit de processione Spiritus sancti quantum ad personam quae procedit. In secunda quantum ad prin-

cipium a quo: Infra distinctione 11. *Hic dicendum est, Spiritum sanctum, &c.* In tertiavero agit de seipsa per comparationem ad generationem a qua distinguitur: Infra distinctione 13. *Post hac considerandum est, quantum a talibus quales nos sumus.* Item prima pars quae continet praesentem distinctionem habet quatuor partes. In prima dicit quod Spiritus sanctus procedit ut amor, siue charitas, vel dilectio, & hoc probat auctoritate Augustini. In secunda vero, quia hic erat dubium quod Spiritus sanctus erat charitas, mouet quaestionem, & soluit ibi: *Et ideo querendum, utrum Deus Pater.* In tertio vero solutionem per auctoritatem confirmat, tum quantum ad distinctionem, quae est per communem acceptionem & propriam, tum etiam quantum ad veritatem, ibi: *Pluribus exemplis doceri, &c.* In quarta vero & vltima praedictae solutionis assignat rationem, ostendens quod Spiritus sanctus proprie dicatur charitas, cum charitas sit nomen commune, & hoc ibi: *Hic notandum est, quod sicut Spiritus sanctus in Trinitate.*

Spiritus sanctus amor est, siue charitas. Dub. I.

Lib. Ety-
molo.
Cap. 4.

Queritur utrum charitas & dilectio differat, & quod sic videtur per Isidorum dicentem: Amor est rationalium, & irrationalium; dilectio rationalium tantum SED CONTRA per Dionysium de diu nom. Mihi videntur Theologi commune quid dicere dilectionis & amoris nomine: & ibidem reprehendit distinguentes, dicens quod faciunt vim in leuibis sonis, quali nos non possumus quatuor per bis duo, & patriam per natale solum significare.

RESP. Aliqui voluerunt dicere quod differunt, quia dilectio dicitur illa proprie quae est ex voluntate ordinata: sed amor est affectio libidinosa: sed hac distinctio est contra Dionysium, & contra Augustinum super Ioannem, & contra Canonem sacrae Scripturae: quia Dominus primo quaesuit a Petro: Simon Ioannis diligis me? & postea dicit amas me? & ita pro eodem accipiuntur, & hanc differentiam reprehendit Dionysius: Potest tamen nihilominus aliqua differentia assignari. Quamuis enim de vna & eadem possint dici affectione, tamen alia, & alia ratione. Amorem enim dicit affectus adhaesionem respectu amati. Vnde Dionysius: Amorem vnitiuum dicimus: Dilectio vero, ultra hoc addit electionem, vnde dilectio ex diuersis electio. Vnde in Canticis: Dilectus meus electus ex milibus: Charitas autem ultra illa addit magnam appreciationem. Charum enim dicitur illud quod magni precii estimatur, secundum quod Apostolus in epistolis suis vocat fideles charissimos.

Proprie verbum Dei, etiam Dei sapientia dicitur.

Dub. II.

Dubitatur de hac voce, *proprie*, quia aut accipitur *proprie*, quia soli conuenit: aut *proprie*, quia appropriate. Quia si soli, hoc est falsum, quia sapientia nullo modo dicit proprietatem personalem. Si *proprie*, quia appropriate, hoc nihil facit ad propositum, quia Magister vult inquirere proprietatem Spiritus sancti, non appropriatum. ET ITERUM: Charitas videtur magis appropriari patri, secundum quod dicitur in illa prosa, charitas pater est.

ITEM hoc videtur per Richardum quod amor gratuitus est in Patre, in Spiritu sancto debitus, in Filio ex utroque permixtus: ergo cum charitas dicat amorem gratuitum, debet ergo appropriari Patri.

RESP. Dicendum quod non est omnimoda similitudo, sed in hoc est similitudo: nam commune potest appropriari manente vnitate vocis, vel significationis. Potest similiter aliquod nomen simul dici per proprietatem, & per essentiam, manente vnitate vocis, & significationis, & tamen est de se commune, & tale est hoc nomen *charitas*. Aliiter potest dici quod charitas est commune, & proprium, & appropriatum, & Augustinus primo ostendit, quod est appropriatum per similitudinem ad sapientiam, & post ostendit quod est proprium: infra eadem distinctione: *Nunc vero quod incepimus ostendere, &c.* Vnde ex hac auctoritate non habetur quod charitas sit proprium, sed solum quod appropriatum. Sed tamen ex aliis verbis Augustini habetur quod

Aug. li. 15.
de Trin. ca.
17. som. 3.

A charitas non solum est appropriatum, sed etiam proprie proprium Spiritus sancti. Ad illud quod obiicitur quod charitas appropriatur patri, dicendum quod charitas habet duplicem comparationem ad virtutes alias. Comparatur. a. ut mater, ut dicit Ambrosius: comparatur ut vinculum, ut dicit Apostolus: Charitas est vinculum perfectionis: Ratione primi appropriatur Patri, ratione secundi, Spiritui sancto. Ad illud quod obiicitur de Richardo dicendum quod gratuitum non dicit proprietatem amoris, siue amandi: sed proprietatem personae, quae dat, & non recipit.

Spiritus sanctus est dilectio qua Pater & Filius se inuicem, & nos diligunt. Dub. III.

B Queritur utrum Pater, & Filius diligant nos Spiritu sancto. Vtrum enim se diligant Spiritu sancto, queritur distincte. Vbi istam quaestionem specialiter mouet, sed prima videtur omnino falsa, & impropria. Cum enim dicitur: Pater & Filius diligunt nos, &c. constat quod verbum diligendi tenetur essentialiter: ergo si diligant Spiritu sancto, sunt Spiritus sanctus. Et iterum dicit Augustinus quod haec nullo modo conceditur: Pater diligit se Spiritu sancto, quia diligere tenetur essentialiter: ergo similiter in proposito.

RESP. Quidam dicunt quod ablatius ille exponitur per hanc praepositionem, *per*, cum accusatiuo, id est, per Spiritum sanctum, & regula est quod haec praepositio, *per*, cum verbis transitivis dicit subauctoritatem, cum absolutis autem, auctoritatem. Vnde cum diligere se sit transitivum, sensus est, quod Pater, & Filius diligunt nos per Spiritum sanctum, quasi diceret: Pater operatur per Filium. Sed haec expositio non videtur conueniens, quia similiter potest dici: Pater & Filius puniunt, siue odiunt nos Spiritu sancto, quod non vult dicere Aug. Propterea notandum quod diligere aliquando tenetur pure essentialiter, ut cum dicitur: Pater & Filius diligunt se, aliquando pure notionaliter, ut cum dicitur: Pater & Filius diligunt se Spiritu sancto, sicut patebit. Aliquando partim essentialiter, partim notionaliter, sicut cum dicitur: diligunt nos Spiritu sancto & ex hoc pater, quia idem est Patrem, & Filium diligere nos Spiritu sancto, scilicet Spiritum sanctum nobis mittere: e, siue inspirare. Mittere autem siue inspirare importat actum notionalem, & essentialem, quia sensus est quod spiritum producant, & donum eius nobis conferunt. Vnde dicit simul Spiritus sancti productionem, & gratiae collationem, & quamuis respectu actus essentialis non recipiatur habitudo ablatiui, recipitur tamen ratione notionis, sicut & hic: Pater dicit se suo verbo, dicit etiam creaturas verbo, simili modo intelligendum est in proposito.

Siue enim sit vnitas. Dub. IV.

Queritur quid dicatur per hoc nomen, *vnitas*. Aut vnitas dicit vnitatem essentialem, aut notionalem, aut personalem. Non essentialem, quia tunc non esset amborum, sed trium. Non notionalem, quia Spiritus sanctus non est communis spiratio. Non personalem, quia Pater, & Filius non sunt vnum in persona. ITEM queritur, quo modo haec distinguantur, *vnitas, sanctitas, charitas*.

RESP. Dicendum quod vnitas personaliter tenetur. Sed attendendum quod vnitas aliquorum dicitur dupliciter. Aut qua aliqui sunt vnum, & sic Patris, & filii non est vnitas personalis. Aut qua aliqui sunt vniti, & sic Pater & Filius vnica persona vniuntur, sicut persona Spiritus sancti quae est amor, & vinculum neccens. Ad illud quod queritur, quomodo differunt illa tria, dicendum quod vnum addit supra alterum. Nam vnitas dicit conditionem omnis amoris, quoniam omnis amor est vis vnitiua. Sanctitas dicit conditionem amoris casti, contra libidinosum, qui non est purus. Charitas dicit conditionem amoris praecipui, ideo enim charitas dicitur, quia est amor inestimabiliter habens charum amatum.

Sint, non participatione. Dub. V.

Videtur non bene dicere, quia seruare vnitatem spiritus, est producere Spiritum sanctum: ergo secundum hoc, Pater & Filius Spiritum sanctum sua essentia producant, & ita videtur essen-

Coloss. 3. c.

Aug. li. 15.
de Trin. ca.
17. som. 3.

essentialiter spirare. Item videtur etiam falsum quod dicitur non participatione, quia Pater & Filius participatione spirationis seruant unitatem.

Aug. lib. 6.
de Trin. c.
5. sum. 3.

RESP. Dicendum quod Augustinus vult ostendere duplicem modum unitatis esse inter Patrem & Filium, qui est inter membra Christi scilicet naturæ, & voluntatis, sed differenter: quia in nobis est unitas nature per participationem vnius communis essentiæ, sed non sumus ipsa essentia. Pater enim & Filius non participant essentiam quasi diuersum, immo sunt ipsa essentia. Similiter in nobis est cōformitas voluntatis per donum Dei quod unit nos: sed Pater & Filius uniuntur non dono accepto ab alio, sed spiritu proprio, & sic patet responsio.

Qui enim communis est ambobus. Dub. VI.

CONTRA: Ergo secundum hoc, pari ratione Spiritus sanctus dicitur Deus proprie, cum Deus sit commune ambobus.

RESP. Dicendum quod æqui-uocatio est in communitate. Nam Augustinus non vocat commune quod est in pluribus, & de pluribus, sed quod à pluribus: & ita commune dicitur magis à communione, quam à communitate, ut fiat vis in verbo, sicut fit inter vnionem, & unitatem. Et quoniam charitas non tantum dicit communitatem, quia in pluribus: sed communionem per unitatem distinctorum: ideo quamuis dicatur essentialiter, potest nihilominus dici personaliter.

ARTICVLVS I.

AD euidentiam eorum quæ dicuntur de Spiritu sancto, in hac parte duo principaliter quærentur. Primo quæritur de modo procedendi ipsius spiritus. Secundo de proprietate ipsius. Circa primum quærentur tria. Primum est, utrum in diuinis sit necesse ponere personam procedentem per modum liberalitatis. Secundum, utrum sit necesse ponere personam procedentem per modum Amoris. Tertium, si sit necesse ponere personam procedere per modum mutue charitatis.

QVÆSTIO I.

An in diuinis necessario ponenda sit persona per modum liberalitatis procedens.

Alex. Alensis 1. p. q. 43. Membro 1.
S. Thom. 1. p. q. 27. art. 3. ad 3.
Scotus 1. Sent. dist. 10. q. 1.
Henricus in summa art. 5. q. 6.
Egid. Rom. 1. Sent. dist. 10. q. 1.
Richardus 1. Sent. dist. 10. q. 1.
Durandus 1. Sent. dist. 10. q. 1.
Franciscus de Mayr. 1. Sent. dist. 10. q. 1.
Ioan. Bacon. 1. Sent. dist. 11. q. 1.
Tho. Arg. 1. Sent. dist. 10. q. 1. art. 2.
Marfilus Inguen. 1. Sent. q. 14. art. 2.
Gabriel Biel 1. Sent. dist. 10. q. 2.

Funda-
menta.

QUOD sit necesse ponere personam procedentem per modum liberalitatis, ostenditur hoc modo. Perfectior est dilectio mutua, quam reflexa, & perfectior adhuc mutua communicata quam non communicata, quia talis scilicet non communicata videtur sapere amorem libidinosum: ergo si in Deo est summa dilectio & summa delectatio, & summa beatitudo, non est ibi persona quæ mutuo non ametur, nec cui amor mutuus non communicetur: sed cōmunicatio amoris mutui est per liberalitatem: ergo, &c.

ITEM in his inferioribus duplex inuenitur modus producendi nobilis, scilicet per modum naturæ, & per modum voluntatis: primo modo emanat filius à patre, secundo modo donum à datore. Sed omne quod nobilitatis est in creatura est attribuendum Deo: ergo, &c.

ITEM in Deo est ponere naturam, & voluntatem: & sicut naturam perficit fecunditas, ita voluntatem summa liberalitas: sed natura perfecta, fecunditate, persona producit aliam personam: ergo pari ratione voluntate perfe-

cta, liberalitate, producit aliam personam: & sic, &c.

ITEM omnes creaturæ à Deo procedunt per cognitionem, ac voluntatem: sed ante creaturam productionem ponere fuit in diuinis emanationem verbi ab æterno, in quo pater omnia fienda disposuit: ergo pari ratione necesse fuit emanare personam in qua omnia vellet, & donaret: sed talis procedit per modum liberalitatis: ergo, &c.

1. CONTRA: Non est similis modus producendi in creaturis respectu Dei, & in personis. Nam creaturæ sunt extrinsecus, personæ vero in essentia vnum: sed exitus creaturarum à Deo est per modum liberalitatis: ergo non est ponere personam hoc modo procedere.

2. ITEM exiens per modum voluntatis ab aliquo non assimilatur in substantia producenti, nec æquatur, nec necessario producit: sed persona si procedit in diuinis, est in substantia similis, & in potestate equalis, nec potest se aliter habere: ergo, &c.

3. ITEM in his inferioribus non tantum sunt ista principia nobilia, scilicet natura, & voluntas verumetiam ratio, siue operans per artem: ergo si ponuntur duæ personæ his duobus modis procedentes, debet poni tertia, quæ tertio modo procedat: sed illa non ponitur: ergo nec per modum voluntatis ponitur aliqua pari ratione.

4. ITEM quanto pluribus communicatur dilectio, tanto perfectior, quia omne bonum in commune deductum pulchrius elucescit: ergo non solum est ponere tertiam personam cui amor secundæ communicetur: sed etiam quartam, cum amor communicetur tertiæ, & sic in infinitum: sed hoc est impossibile in diuinis, ut ostensum est supra: ergo est stare in prima persona producente: ergo non est persona procedens per modum liberalitatis.

CONCLUSIO.

Ponendum est, in diuinis personam produci per modum liberalitatis, tanquam per rationem volendi, quæ dicitur donum.

RESP. Ad arg. Dicendum quod sicut probatum est, in diuinis est ponere tertiam personam procedentem per modum liberalitatis, quæ dicitur donum. Et ratio huius est perfectio dilectionis, perfectio emanationis, & perfectio voluntatis: quia existente liberalissima, non potest non producere personam, sicut natura existente fecundissima, non potest non producere personam, & hæc est ratio propria huius emanationis.

1. AD illud quod obicitur in contrarium, quod creaturæ emanant per modum liberalitatis, dicendum quod per modum liberalitatis emanare, est dupliciter, aut sicut volitum, aut sicut ratio volendi. Siue aut sicut datum, aut sicut ratio donandi. Primo modo emanant creaturæ quæ sunt extra. Secundo modo emanat tertia in Trinitate persona. Quia ratio volendi, & donandi est intrinseca perfectissimæ voluntati.

2. AD illud quod obicitur quod voluntas non est principium assimilans, nec necessario emanans, dicendum quod voluntas siue liberalitas dupliciter est principium. Vno modo distinctum in natura, & sic non assimilatur in substantia. Alio modo cum cōmunicante natura, & sic in substantia assimilatur: quoniam ergo persona sic procedit per modum liberalitatis, ut communicet naturam: ideo similis est in substantia, quamuis ipse modus procedendi non sit per modum similis, & sic patet illud.

3. AD illud quod obicitur quare non procedit aliqua persona per modum rationis, dicendum quod omnis modus producendi nobilis ad istos reducitur ad duos, quia omne agens, aut agit naturaliter, aut per voluntatem. Agens enim per violentiam aut per fortunam est agens imperfectum, & modus producendi minus nobilis. Vnde ratio non distinguitur contra naturam, & voluntatem quantum ad modum agendi, & ideo non est persona tali modo procedens. Sed tamen hoc non videtur plene soluere, quia nos distinguimus in his creaturis egressum per modum liberalitatis ab egressu per modum ar-

Ad opposi-
tum.

In funda-
mentis
huius
quæst.

sup. dist. 6.
q. 2. & 8.

Arif. lib. 9.
Metaphyl.
context. 10.

tis. Propterea dicendum quod processus per modum liberalitatis est dupliciter, aut sicut ratio liberalitatis siue ipsa liberalitas, aut sicut liberaliter factum. Similiter & in arte, aut sicut ipsa ars, siue ratio artificandi, aut sicut artificiarum, & primo modo potest cadere in diuina persona, secundo modo non. Et primo modo procedit filius qui est verbum, & ars plena omnium rationum viuentiū. Sed iste modus emanandi non distinguitur à modo emanandi per modum naturæ, quia emanat ut omnino similis, & per modum similitudinis perfectæ. Alius autem modus non potest esse, quia duas personas necesse est communicare in eadem natura, & quia necesse est quod omnis modus emanandi qui est in diuinis sit per modum naturæ principaliter vel illa communicante: unde cum processus per modum voluntatis possit esse intrinsecus, sic procedit amor ab amante. Per modum vero artis, semper est extrinsecus in quantum huiusmodi: ideo impossibile est quod cadat in Deo respectu personarum: sed cadit solum respectu creaturæ.

4. Ad illud quod ultimo obiicitur, si est ponere tertiam personam ob communicationem, pari ratione & quartam. dicendum quod omnis ratio & natura concordat quod non fiat per plures, quod potest sufficientissime fieri per vnum, alioquin esset ibi superfluum. Si ergo mutua dilectio non potest esse minus quam ad vnum, & communicatio illius mutue non minus quam ad vnum, & in vno est mutua dilectio, & in altero mutua dilectionis communicatio perfectissime, cum vtrumque accipiat totum infinite, patet quod non est ultra procedere, sed ibi est stare. Unde ipsa eadem ratio quæ ponit personarum pluralitatem, aufert infinitatem & ponit Trinitatem.

QVÆSTIO II.

An in diuinis necessario ponenda sit persona per modum charitatis & amoris procedens.

Alex. Aleus. 1. p. q. 43. Membr. 3. ar. 2.

S. Thom. 1. p. q. 29. ar. 4.

Et 1. Sent. dist. 13. art. 3.

Richard. 1. Sent. dist. 10. q. 2.

Petrus de Tarentasia. 1. Sent. dist. 10. q. 2.

Petrus Aureolus 1. Sent. dist. 10. q. 1.

Vtrum in diuinis sit necesse ponere personam procedentem per modum amoris, siue charitatis. Et quod sic videtur. Non est enim perfecta cognitio sine dilectione: ergo nec perfectum verbum sine amore: ergo nec perfecta emanatio verbi sine emanatione amoris: ergo necesse est ponere emanationem per modum amoris: ergo, &c.

ITEM amor est donum in quo alia dona donantur. Nihil enim proprie donatur nisi ex amore: si ergo persona procedit per modum liberalitatis, cum ipsa procedat non per aliud sed per se: ergo per modum amoris, siue charitatis.

ITEM omnis & summa perfectio pluralitatis est in vnitate: ergo & distinctionis in vnione. sed inter omnes vniones quæ sunt inter distantes, summa & iucundissima est vnio charitatis, si ergo est ibi distinctio, est vnio: & si vnio, est charitatis emanatio.

ITEM Spiritus sanctus in nobis existens, & habitans, facit nos similes illi summæ Trinitati, sicut dicit Dominus: Vt sint vnum, sicut, & nos: sed Spiritus sanctus in nobis existens producit primo amorem charitatis, quia: Charitas Dei diffusa est in cordibus nostris, &c. Ergo necesse est in illa summa Trinitate reperiri per prius emanationem charitatis.

1. SED contra: Personæ diuinæ sunt hypostases perfectæ, ut pater & filius: nullus autem amor dicit hypostasim, sed eius proprietatem siue habitum: ergo nulla persona in diuinis procedit per modum amoris.

2. ITEM amor est eius in quo requiescit affectus, ergo semper accipitur ut in alium tendens: sed omnis persona est in se perfecte ens, & distincta: ergo nulla persona procedit per modum amoris.

3. ITEM non ob aliud ponitur in diuinis emanatio per modum amoris, nisi quia pater amat filium: cum ergo Filius amet Spiritum sanctum, pari ratione erit ponere vltiorem personam emanantem per modum amoris, & sic in infinitum, & hoc est inconueniens: ergo, & cetera.

4. ITEM cum in natura intellectuali ex parte mori- uæ potentia sit accipere irascibilem, quæ respicit honorē, sic concupiscibilis amorem, quæstio est quare in diuinis non accipitur persona secundum actum irascibilis, sicut secundum actum concupiscibilis.

5. ITEM cum sint alia affectiones in anima, ut gaudium spes & huiusmodi, quare solum per modum amoris procedit persona in diuinis.

Si tu dicas quod amor non renet rationem affectionis, tunc obiicio: quia sicut amor diuinus non est affectio, ita nec gaudium.

6. ITEM cum sint alij habitus in anima importantes complementum, cuiusmodi sunt scilicet dona Spiritus sancti, ut intelligentia, & sapientia quare magis procedit persona per modum amoris, quam per modum alterius habitus: quod si non alius, nec iste debet poni, ut videtur.

CONCLUSIO.

Personam produci per modum amoris, est ponendum in diuinis quæ productio est prima & summa inter emanationes per modum voluntatis: cum amor sit prima affectionum animi.

RESP. ad arg. Dicendum quod sicut probatum est supra, necesse est aliquam personam in diuinis procedere per modum liberalitatis, & illam dicimus Spiritum sanctum: hunc autem necesse est procedere per modum amoris, quia si ponatur in diuinis emanatio per modum voluntatis, necesse est quod inter omnes sit prima & nobilissima: emanatio autem per modum amoris est huiusmodi, quod patet si respiciamus in anima. Affectio enim amoris est prima inter omnes affectiones, & radix omnium aliarum, sicut dicit Augustinus in pluribus locis, maxime in 14. de Trinitate: Et ista affectio nobilissima est inter omnes, quoniam plus tenet de ratione liberalitatis. Unde hoc est donum in quo omnia alia dona donantur, & in quo consistunt omnes deliciae substantia intellectualis. Unde nihil in creaturis est considerare sic deliciosum, sicut amorem mutuum, & sine amore nullæ sunt deliciae. Propter hoc dicit Philosophus quod amicitia aut est beatitudo, aut non sine beatitudine. Si ergo emanatio est per modum liberalitatis in diuinis, necesse fuit esse primam & summam, & sic necesse fuit per modum amoris.

1. AD illud ergo quod obiicitur, quod amor nominat habitum, non substantiam, dicendum quod est loqui de amore ratione eius quod nominat, & sic non dicit substantiam: vel ratione eius circa quod ponitur, & quia ponitur in Deo in quo nullum est accidens, sed totum in Deo substantia est, ideo non dicit habitum, vel proprietatem, sed magis substantiam, & cum dicat egressum, dicit hypostasim, siue personam. Similiter dicendum est de verbo, quamuis enim verbum in nobis sit accidens, est tamen substantia in Deo.

2. AD illud quod obiicitur quod amor charitatis semper in alium tendit, & ita procedit in alium, & non stat in se, dicendum quod procedere in alium est dupliciter, aut quia aliud respicit, ut obiectum, aut quia in aliud tendit, & recipitur. Primo modo bene conuenit personæ in diuinis, quia bene conuenit habere respectum ad aliam personam, unde Spiritus sanctus est amor quo Pater amat Filium. Si autem dicatur tendere secundo modo, sic non habet locum in proposito: quia quando ego amo alium, amor non exit à me, ita ut recipiatur in alio, sed tantum voluntate procedit: & quia est accidens, ideo non recedit, sed in voluntate subsistit. In diuinis vero quia hypostasis est, ideo in se subsistit.

Aug. 6. de Trin. c. 10. 10.3.

Ex 1. phil. context. 51. Et 8. Top. ca. 4.

Quæst. 1. ad 1.

Arifm. 8. Ethic. ca. 1. Et 1. Rhet. ca. 3.

1o. 17. b. d. Rom. 5. a

3. Ad illud quod obiicitur quod similiter Filius amans Spiritum sanctum produceret aliam personam, dicendum quod hoc non tantum facit quod Pater & Filius producant aliam personam quæ est amor, quia se amant: sed etiam quia in eis voluntas est fecundissima. Ratio huius dicitur infra, & illa non est in Spiritu sancto. Nihilominus tamen potest dici quod status sit in primo amore. Nam primo amore producto, cum ille seipso amet alium & ametur, non oportet alium amorem produci siue aliam personam per modum amoris.

4. Ad illud quod quæritur, quare non est emanatio quatum ad actum irascibilis, quidam respondent quod hæc vis non habet locum in substantia pure spirituali, tamen supposito quod sit in substantia intellectuali, ad huc actus eius non competit productioni personæ, tum quia naturaliter sequitur actum concupiscibilis: ira enim est vindex læsæ concupiscentiæ, ut dicit Damascenus: tum etiam quia actus eius consistit aut respectu superioris, & hoc non potest esse ubi nihil est superius, aut respectu inferioris & hoc similiter non, quia nulla est inferioritas in persona producta respectu Patris: non similiter potest esse in Deo respectu disconuenientis; quia sic est cum quadam disconuenientia in victoriosa repulsione. In personis autem diuinis summam vnionem & conuenientiam esse necesse est. Et si tu obiicias, quod non omnis actus irascibilis est respectu disconuenientis, quod pater in spe, & quia in beatis habebit irascibilis actum dicendum quod vel consistit respectu disconuenientis vincendi, vel respectu ardui aggrediendi, & ita vel gradum, vel disconuenientiam dicit: sed neutrum potest esse in diuinis personis.

5.6. Ad illud quod obiicitur de aliis affectibus & habitibus, iam patet responsio, quia amor est affectus intimus & primus & nobilissimus, quia origo omnium aliorum: ideo complectitur in se totam nobilitatem emanationis per modum liberalitatis: ideo nulla persona debuit emanare per modum alterius habitus, cum talis modus non sit principalis.

QVÆSTIO III.

An in diuinis necessario ponenda sit tertia persona per modum mutue charitatis procedens.

Alex. Alesis 1. p. q. 43. Membrum 5.

Rich. 1. Sent. dist. 10. q. 3.

Steph. Brulef. 1. Sent. dist. 10. q. 3.

VTRUM sit necesse ponere tertiam personam procedentem per modum mutue charitatis. Et quod sic videtur per Ioannem: Vt sint vnum, sicut, et nos. Dominus orat & petit discipulis vnitatem, non naturæ, sed dilectionis per conformitatem ad illam summam vnitatem: sed membra Christi vniuntur per amorem mutuum: ergo in diuinis est exemplar huius: sic, & cetera.

3. ITEM Hieronymus super Psalmum 17. Spiritus sanctus est amor, quem habet pater in filium, & filius in Patrem: ergo est amor mutuus.

4. ITEM ratione ostenditur hoc ipsum, quia perfectior est dilectio, quando est mutua: quia si non est mutua, ex altera parte claudicat: sed in illa dilectione est summa perfectio, & nulla claudicatio: ergo, & cetera.

ITEM qui non amat vicissim amantem se recte, & liberaliter, aut est iniquus aut ingratus: cum ergo in diuinis nulla sit iniquitas, nulla ingratitude, necesse est ibi esse amorem mutuum.

1. CONTRA: Si est amor mutuus: ergo filij in patrem & pater in filium: ergo pater aliquid recipit a filio, quod absurdum est.

2. ITEM qui amat amantem, facit quod debet, quia hoc est debitum quod rependendum est: ergo si est in diuinis amor mutuus: ergo est debitus: ergo non est liberalissimus, quod absurdum est.

3. ITEM nullus amor mutuus est amor vnicus: hæc per se nota est: ergo si Spiritus sanctus est amor mutuus, vnicus non est amor.

ITEM si amor est mutuus: ergo est amor patris ad filium: sed iste, ut dicit Richardus, est amor gratuitus: ergo similiter erit filij ad Patrem: & ille, ut ipse dicit, est amor debitus: ergo si tertia persona procedit per modum amoris gratuiti, & debiti: ergo est amor ex utroque permixtus: ergo non est amor purus. Et iterum cum iste amor sit filius, videtur quod filius sit Spiritus sanctus, quia, ut dicit, in filio est amor ex utroque permixtus.

CONCLUSIO.

Cum amor perfectionem delectationis, vnionis, & rectitudinis habeat ex mutualitate, est ponendum, vnam personam in diuinis procedere per modum mutue charitatis.

RESP. Ad arg. Dicendum quod cum amor perfectionem delectationis & vnionis & rectitudinis habeat ex mutualitate, aut non est personam ponere in diuinis procedere per modum amoris, aut si procedit, procedit per modum mutue charitatis.

Ad illud ergo quod obiicitur in contrarium quod tunc filius aliquid dat Patri, dicendum quod ex hoc, quod amans per amorem tedit in amatum, nihil dat ei: alioquin nos daremus aliquid Deo, cum ipsum amamus.

2. Ad illud quod obiicitur quod amor mutuus est debitus, dicendum quod debitus est, quia rectus: sed tamen amor non considerat debitum. Vnde quantumcumque debeat, dum tamen debitum non attendatur, non minuitur ratio liberalitatis, immo ostenditur ratio rectitudinis.

3. Ad illud quod obiicitur, si mutuus, non vnicus, dicendum quod verum est in amantibus, quorum affectus sunt diuersi: non sic est in Deo.

4. Ad illud quod obiicitur quod non est amor purus, dicendum quod ex utraque parte liberalis est: & ideo omnino purus. Et cum dicit quod est amor debitus & gratuitus, dicendum quod istæ conditiones non dicunt modum emanandi circa amorem: sed dicunt modum emanandi, siue originis circa personas.

ARTICVLVS II.

Secundo principaliter quæritur de secunda parte, scilicet de proprietate Spiritus sancti, & circa hoc quærentur tria. Primo quæritur utrum amor, siue charitas sit proprium Spiritus sancti. Secundo utrum Spiritus sanctus sit proprie nexus. Tertio utrum Spiritus sanctus proprie sit Spiritus.

QVÆSTIO I.

An amor, vel charitas sit proprium Spiritus sancti.

Guil. Alstied. 1. Sent. a. 6. q. 7.

S. Thom. 1. p. q. 37. art. 1.

Et 1. Sent. dist. 10. art. 4.

Agd. Rom. 1. Sent. dist. 10. q. 2.

Henricus in sum. art. 60.

Richardus 1. Sent. d. 10. q. 1. art. 2.

Franciscus de Mayr. 1. Sent. dist. 10. q. 4.

Steph. Brulef. 1. Sent. d. 10. q. 4.

Petrus de Tarentasia. 1. Sent. dist. 10. q. 4.

QUOD charitas sit proprium Spiritus sancti, sic ostendit Augustinus 15. de Trin. Sicut in illa Trinitate non solus Spiritus sanctus est spiritus, tamen proprie dicitur Spiritus sanctus: ita, quamuis Pater sit charitas, & filius charitas: tamen proprie charitas dicitur illa persona, sicut proprie dicitur Spiritus sanctus.

Fundamenta.
Cap. 17. c. 19. rom. 3.

Aug. 15. de
Trin. c. 17.
Super Job.
c. 4 tom. 3.

I T E M hoc idem ostenditur per eundem super Canonicam Ioannis, ubi intendit proprietatem Spiritus sancti inuenire, & ad hoc perducit sermonem; quod Spiritus sanctus est charitas.

I T E M ratione ostenditur illud idem quod illud est proprie proprium personæ quod dicit modum emanandi ipsius: sed amor est huiusmodi, ut probatum est: ergo, &c.

I T E M sicut verbum se habet ad Filium, ita amor ad Spiritum sanctum: sed verbum est proprium Filii: ergo & amor proprium Spiritus sancti.

Ad oppos.
Cap. 17.

1. CONTRA: Aug. in 15. lib. de Trinitate: Pater est charitas, & Filius est charitas, & Spiritus sanctus est charitas, & simul omnes una charitas: ergo charitas non dicitur proprie de Spiritu sancto.

2. I T E M amor non procedit aliter, quam amando: ergo cum amor de necessitate insit amanti, & Pater, & Filius amando producant Spiritum sanctum, impossibile videtur quod ei conueniat proprie. Aut ergo Spiritus sanctus non est persona, non est amor proprie, siue non procedit per modum amoris.

3. I T E M sicut se habet sapientia ad Filium, ita amor ad Spiritum sanctum: sed sapientia non est Filii proprium, imo appropriatum solum: ergo amor similiter Spiritui sancto: ergo, &c.

4. I T E M omne illud quod dicitur proprie, importat aliquam relationem: ergo si amor proprie dicitur, importat relationem. Si ad amantem: ergo amans non est amor. Similiter si ad amatum, tunc ergo Spiritus sanctus aut non amaret, aut non amaretur: hoc autem est impossibile.

C O N C L U S I O .

Charitas personaliter accepta, est proprium Spiritus sancti.

Dilectio
in diuinis
quot mo-
dis sum-
tur.

RESP. Ad arg. Dicendum quod dilectio in diuinis potest accipi, & accipitur necessario essentialiter, notionaliter, & personaliter. Essentialiter, quia quilibet diligit se. Notionaliter vero, quia Pater & Filius concordant in spirando Spiritum sanctum, quæ concordia amor, siue dilectio est. Personaliter vero, quia ille, qui producit per modum perfectæ liberalitatis, non potest esse nisi amor, siue dilectio. Vnde essentialiter dictum, dicit complacenciam: notionaliter vero concordiam in spirando: personaliter vero, processum in illa concordia. Huius autem exemplum potest poni in amore creato quo sponsus & sponsa se diligunt. Nam diligunt se amore sociali ad conuiuendum, diligunt se vterius amore coniugali ad prolem procreandam: & illa si produceretur ex sola concordia voluntate amor esset: nunc vero est amatus, nisi dicatur amor per emphaticum loquendi modum. In diuinis vero, vere, & proprie amor est, habens rationem amoris, & hypostasis. Amoris, propter hoc, quia ex voluntate liberalissima prima procedit per modum perfectæ liberalitatis: hypostasis, quia cum distinguatur à producente, & non possit distingui essentialiter, distinguitur personaliter: non sic autem est in amore creato.

1. 2. Ex hoc patet illud quod obiicitur primo & secundo, cum dicitur quod est proprietas amantium siue producentium, quia accipitur notionaliter: Nam prout ab eis procedit, non potest esse proprietas, sed persona distincta. Vnde non omnino est similis processus amoris creati & amoris increati, quia hic est proprietas, ibi hypostasis & substantia.

3. Ad illud quod obiicitur de sapientia, dicendum quod non est simile, quia sapientia non dicit respectum ad alium: & ideo semper de se, dicitur ad se, & est essentialis, nisi approprietur: sed amor respectum dicit ad eos qui amore necuntur. Vnde sicut verbum est proprium Filii, & non appropriatur, quia connotat respectum ad dicentem: sic etiam amor siue charitas non tantum est appropriatus,

A verum etiam proprium Spiritus sancti. Et sicut procedit illius à Patre per modum verbi; ita Spiritus sanctus per modum amoris: Et ex hoc est sicut melius patebit infra, quod hæc admittitur: Pater & Filius diligunt se Spiritu sancto, non autem quod Pater sit sapiens sapientia genita.

4. Ad illud quod ultimo obiicitur, ad quid dicit respectum, dicendum quod ad amantes: sed hoc quod est, amantes, tenetur notionaliter, sicut prætactum est. Vno enim modo diligere se, idem est quod concorditer spirare: hoc modo Spiritus non est amans, quia non spirat: ipse autem obiicit de essentiali, quod non dicit egressum ab amante: sed solum dicit complacentiam voluntatis, quæ quilibet amat, & amatur.

Q U Æ S T I O II.

An Spiritus sanctus sit nexus, & vnitas Patris, & Filij.

Alexander Aletensis 1. p. q. 43. Membr. 3. art. 3.

S. Thom. 1. p. q. 37. art. 1. ad 3.

Et 1. Sent. dist. 10. q. 1. art. 3.

Reginaldus Rom. 1. Sent. dist. 10. q. 3.

Richardus 1. Sent. dist. 10. art. 1. q. 2.

Steph. Brulef. 1. Sent. d. 10. q. 3.

Petrus de Tarantasia 1. Sent. dist. 10. q. 4.

Thom. Arg. 1. Sent. dist. 10. q. 1. art. 4.

Vtrum Spiritus sanctus proprie sit nexus, vel vnitas amborum. Et quod sic, videtur hoc modo. Augustinus 6 de Trinitate: Non est aliquis duorum, quo uterque coniungitur: sed coniungitur nexu: ergo nexus non est aliquis duorum: ergo est tertia persona proprie.

I T E M amor in creaturis est nexus: sed sicut probatum est, Spiritus sanctus est amor perfectissimus: ergo, &c. Quod autem amor sit nexus, patet per Dionysium: Amorem siue diuinum, siue intellectualem, vnitiuam dicimus virtutem.

I T E M Spiritus sanctus secundum Græcos, procedit à Patre per Filium: secundum Latinos à Patre, & Filio. Sed quocumque istorum modorum procedit, vniuntur in Spiritu Patris, & Filii: sed ille in quo vniuntur, est nexus amborum: ergo Spiritus sanctus est nexus.

I T E M aut Spiritus Patris est Spiritus Filii, aut non. Si non, ergo cum nemo sciat, quæ sunt in aliquo homine nisi spiritus eius, qui est in illo, sicut dicit Apostolus: & pater non nouit voluntatem filii, nec filius patris: ergo si idem est spiritus amborum, in spiritu vniuntur.

1. CONTRA: Non est nexus nisi separatorem. Quæ enim non separata sunt, non indigent aliquo connectente: sed Pater non est separatus à Filio, nec conuerso: quia Filius in Patre, & Pater in Filio: ergo, &c.

2. I T E M nexus est in quo duo aliqui conueniunt: sed Pater & Filius non conueniunt in persona: ergo nulla persona est nexus Patris & Filii.

3. I T E M neci dicuntur illa quæ conueniunt in aliquo in quo vniuntur. Si ergo Filius & Spiritus sanctus originaliter conueniunt in Patre: ergo Pater est nexus Filii, & Spiritus sancti: non ergo Spiritus sanctus est nexus.

4. I T E M nexus dicitur, aut quia necitur, aut quia necitur. Si ergo Spiritus sanctus est nexus, aut ergo quia necitur, aut quia necitur. Non quia necitur, quia tunc similiter alia persona esset nexus. Similiter pater esset nexus. Si, quia necitur Patrem & Filium: ergo dat aliquid Patri & Filio: sed hoc est inconueniens: ergo, &c.

* *

CONCLUSIO.

*Amor cum sit propriissime nexus, dicitur unitas
Patris & Filij.*

R e s p. ad arg. Dicendum quod nexus proprie dicitur de spiritu sancto, siue unitas amborum: Ratio autem huius est, quia Pater & Filius communicant in Spiritu: & ideo amborum est unitas. Et rursus ille spiritus est amor, & ideo communicant in eo ut in vno amore: & quia amor propriissime nexus est: ideo Spiritus sanctus proprie nexus est, quia amor mutus est, amor vnicus, & substantificus.

Separatio
triplex.

1. **A d** illud ergo quod obijcitur in contrarium quod non est nexus nisi separatorum, dicendum quod separatio dicitur tripliciter. Secundum distantiam, & sic dicitur separatio localis: & secundum differentiam per essentiam, & sic dicitur separatio substantialis: & secundum differentiam proprietatis relatiue, & sic non dicitur separatio proprie, sed distinctio. In quolibet istorum modorum contingit esse nexum: quia ergo Pater & Filius sunt distincti: ideo recte dicuntur connecti.

2. **A d** illud quod obijcitur quod nexus est in quo aliqui duo conueniunt, dicendum quod est conuenientia essentialis, & conuenientia originis, & nexus utroque modo potest dici esse: & quamuis Pater & Filius non communicent formaliter in persona vna: tamen originaliter conueniunt: quia vna persona oritur ab utroque, vno & eodem modo.

3. **A d** illud quod obijcitur quod Filius & Spiritus sanctus conueniunt in Patre, dicendum quod conuenientia originis dicitur dupliciter, aut quia oriuntur ab vno, aut quia ab eis oritur vnus. Si, quia ab vno, sic non dicitur nexus, quia nexus est vno consequens distinctionem, sed unitas in origine antecedit distinctionem. Si vero quia à duobus, vnus origo sit, cum ibi sit distinctio, & consequens vno, propriissime est nexus: & sic est in Patre & Filio respectu Spiritus sancti. Aliter tamen potest dici quod non est simile, quia Filius & Spiritus sanctus non eodem modo producuntur à Patre: sed Pater & Filius eodem modo spirant Spiritum sanctum. Et iterum: Pater & Filii conuenientia est in Spiritu sancto ut in amore cuius estnectere, sic non conueniunt Filius & Spiritus sanctus in Patre.

4. **A d** illud quod obijcitur quod nexus dicitur, aut quia nectit, & cetera, dicendum quod quedam sunt verba quæ in voce actiua significant passionem, ut verba ad sensum pertinentia, ut video, audio, & similia. Quedam in voce actiua significant actionem, ut facio, & percutio, similiter in passiua. Dicendum igitur quod hoc quod est nectere, cum nectere dicatur Spiritus, quia ab utroque procedit, & recte in voce actiua passionem significat, & in passiua actionem: & ideo non significatur quod aliquid det Patri & Filio: sed quod magis recipiat.

QVÆSTIO III.

An Spiritus sanctus proprie Spiritus sit.

*alen. Alensis 1. p. q. 63. Membrum 2.
3. Thom. 1. p. q. 56. art. 1.
Egid. Rom. 1. Sent. dist. 10. q. 4.
Richardus 1. Sent. dist. 10. q. 3.
Tho. Arg. 1. Sent. dist. 10. q. 1. art. 1.*

Vtrum Spiritus sanctus proprie sit Spiritus. Et quod sic videtur hoc modo, quia persona Spiritus sancti isto nomine propriissime designatur, quod dicitur Spiritus sanctus: sed hoc nomen, *Sanctus*, non coartat hoc quod est Spiritus, cum sit æque commune: ergo Spiritus proprie dicitur illa persona.

I T E M Spiritus dicitur quod spiratur: sed quod spiratur, non generatur, nec econuerso: ergo cum spirari non conueniat Patri nec Filio, ergo conuenit Spiritui sancto.

I T E M homines concordantes in vno malo dicuntur conspiratores, non quia idem cogitent, sed quia idem malū

Apperunt, & ad idem malum vnus omnium est colligatus affectus: ergo cum spiratio à spiratione veniat, non dicitur spirari nisi amor: ergo nec Spiritus sanctus dicitur nisi amor: ergo, &c.

1. **C O N T R A:** Spiritus est Deus, & eos qui adorant, eum, in spiritu & veritate oportet adorare: sed tota Trinitas est adoranda: ergo tota Trinitas est Spiritus: hoc idem dicit Augustinus.

Ad oppos.
10. 4. 6

2. **I T E M** ratione ostenditur hoc idem sic: Spiritus diuiditur contra corpus: ergo quod non est corpus, est spiritus: ergo est nomen absolutum, non relatiuum: ergo, &c.

3. **I T E M** Spiritus dicitur, aut à spiritualitate, aut à spiratione. Si à spiritualitate, sic diuiditur contra corpus, & constat quod conueniat Trinitati. Si à spiratione, Contra: Spirare actiue dictum, conuenit toti Trinitati, quia tota Trinitas dicitur inspirare: ergo actiue dictum non dicitur relatiue: ergo nec passiue.

4. **I T E M** secundum quod dicitur à spiratione, videtur quod magis proprie conueniat Filio, & hoc patet per auctoritatem Iob: Inspiratio Omnipotentis dat intellectum: sed hoc appropriatur Filio: ergo, &c.

Iob. 32.
Ar. lib. de
respiratione.

5. **I T E M** spiratio est actus naturalis: sed solus Filius procedit per modum naturæ: ergo solus Filius spiratur.

CONCLUSIO.

*Spiritus pro ut à spiratione dicitur, est proprium Spiritus
sancti: licet prout dicitur à spiritualitate,
sit proprium ipsius Dei.*

R e s p. ad arg. Dicendum quod hoc nomen, *Spiritus*, reperitur in corporibus, in substantiis rationalibus, & in Deo: & licet in Deo sit propriissime, quia propriissime est in eo spiritualitas & spiratio, tamen ratio cognoscendi & dicendi tamquam à posteriori incipit à substantia corporali. In substantia autem corporali spiritus dicitur dupliciter, aut à spiritualitate, contra corpulentiam, & sic dicitur absolute, & vocatur spiritus corpus subtile, sicut accipitur in lib. de differentia spiritus, & animæ. Aut à spiratione, & sic dicitur spiritus flatus, sicut accipit Chrysostomus in homilia super Ioannem: Spiritus ubi vult spirat, &c. Et in Psalmo: Ignis, grando, spiritus, &c. Secundum modum hunc duplicem, accipitur in substantia spirituali, siue rationali. Aut à spiritualitate contra corporeitatem, & sic substantia rationalis, vel eius potentia interior dicitur spiritus: Quis nouit si spiritus filiorum, &c. Aut à spiratione, & sic affectus vel amor dicitur spiritus. Et ratio huius est, quia actus spirationis in corpore est actus internus, actus continuus, actus viuificus, & habet originem à calore: quia ergo egressus amoris, ut amor est, venit ab intrinseco, & amor est actus viuificus, quia amor est vita. Et iterum, amor est actus continuus, quia continue debet reddi amor, & tunc est perfectus, quando homo sic amat. Rursus, est calor spiritualis, ideo solus amor dicitur, spiritualiter spirari, & sic accipitur illud ad Theff. Ut integer spiritus, &c. Secundum hunc duplicem modum accipitur in diuinis.

Ar. lib. de
spir. 10. 4. 6

Ecc. 3. d

1. Theff. 5.

E Nam secundum quod spiritus dicitur à spiritualitate, sic conuenit toti Trinitati. Nam tota Trinitas caret corporeitate, & materialitate. Et sic est nomen absolutum, ut in Ioanne: Spiritus est Deus. Secundum autem quod dicitur à spiratione, sic conuenit illi soli personæ, quæ procedit ut amor ratione iam dicta. Spirare enim in spiritualibus solius est amoris, & quoniam amor potest spirari recte & ordinate, & sic est purus: vel indirecte & immunde, & sic est libidinosus: ideo persona illa quæ est amor non tantum dicitur spiritus, sed Spiritus sanctus: non sic filius dicitur Spiritus sanctus: quia generatio est motus naturalis, circa quem non attenditur sanctitas, vel puritas, sicut attenditur circa amorem voluntatis.

10. 4. 6

1. 2. 3. 4. **A d** illud quod obijcitur quod spirare est

totius Trinitatis, dicendum quod spirare dicitur dupliciter. Vno modo est spirare idem quod Spiritum sanctum producere, & sic non conuenit toti Trinitati. Alio modo est spirare, idem quod inspirare, & illa conuenit toti Trinitati quia inspirare dicit effectum spiritus, qui est à tota Trinitate: dicitur enim inspirari, quod in spiritu nostro spiritualiter immittitur, siue affectio siue cognitio.

5. Ad illud quod obiicitur quod motus est naturalis, dicendum quod sic est in corporalibus, quæ inspirant propter naturæ indigentiam: sed non sic in spiritualibus substantiis quæ spirant ex liberalitate voluntatis. Vnde ratione huius non transferuntur, sed ratione aliarum proprietatum.

QVOD SPIRITVS SANCTVS PROCEEDIT A PATRE ET FILIO.

DISTINCTIO IX.

Aug. 15. d.
T. 1. 26.
Hæc scilicet
tunc ad
idem ad
ducit.

Gal. 4. 4.
Rom. 8. 16.

Io. 1. 14.
Rom. 8.

Mat. 10.

Io. 14. d.
Io. 15. d.

HIC dicendum est, Spiritum sanctum à Patre esse, & Filio, & procedere à Patre, & Filio, quod multi heretici negauerunt. Quod autem de utroque procedat, multis diuinorum eloquiorum testimoniis comprobatur. Dicit enim Apostolus: ^a Misit Deus spiritum Filij sui in corda nostra. Ecce hic dicitur spiritus Filij. Et alibi: ^b Qui autem spiritum Christi non habet, hic non est eius. ipse etiam Filius de Spiritu sancto dicit in Euangelio: ^c Quem ego mitto vobis à Patre. Patris autem spiritus dictus est, ubi legitur: ^d Si spiritus eius qui suscitauit Christum à mortuis, habitat in vobis. Et ipse Christus dicit: ^e Non enim vos estis, qui loquimini: sed spiritus patris vestri qui loquitur. Et in alio loco: ^f Quem mittet Pater in nomine meo. Et alibi ipse Filius de Spiritu sancto ait: ^g De Patre procedit. His & aliis auctoritatibus pluribus ostenditur, quod Spiritus sanctus à Patre, & Filio procedit.

Quod Græci non concedunt Spiritum sanctum procedere à Filio.

† Io. 15. d.
Vi. 2. E.
phesin.
Calcedon.
& Const.
inopol.

Græci tamen dicunt Spiritum sanctum procedere tantum à Patre, & non à Filio. Quod ideo dicunt, quia veritas in Euangelio fidem integram continente, de processione spiritus loquens, solum Patrem commemorat dicens: [†] Spiritus qui à Patre procedit. Et etiam ideo, quia in principalibus Conciliis, quæ apud eos celebrata sunt, ita symbola eorum subiunctis anathematibus sancita sunt, ut nulli de Trinitatis fide aliud docere, vel aliter predicare quam ibi continetur, liceat. In quibus quidæ symbolis cum Spiritus sanctus commemoratur procedere à Patre, & non à Filio: Quicumque, inquiunt, à Filio eum procedere addunt, anathema incurrunt: unde & nos arguunt anathematis reos. Addunt etiā ad assertionem suæ opinionis & in testimonium nostræ damnationis de symbolo fidei, quod secundum traditionem prædictorum Conciliorum Leo III. Romæ transcriptum in tabula argentea post altare beati Pauli posita posteris reliquit. pro amore (ut ipse ait) & cautela fidei orthodoxæ. In quo quidem symbolo in processione Spiritus, solus commemoratur Pater his verbis: Et in Spiritum sanctum Dominum, [†] & viuificatorem ex Patre procedentem: cum Patre & Filio coadorandum, & glorificandum, &c. Illud est symbolum quod in Missa cantatur, editum in Nicæno Concilio: in fine cuius subiunctum est: Qui aliud docuerit, vel aliter prædicauerit, anathema sit. Ideoque Græci nos anathematizatos dicunt, quia dicimus

† Hæc verba
non sunt
in Concilio
Nicæno 1.
nec 2. sed
in Constantinopol.
1. ubi Oecum.
papa post Nic.
1. & ante
Nic. 2.

A Spiritum sanctum à Filio procedere, quod ibi non continetur. Quod enim secundum nos ibi dicitur: Qui à Patre Filioque procedit: alterum à Latinis est additum, scilicet Filioque.

Responsio ubi determinantur prædicta.

Nos autem illa verba ita determinamus: Qui aliud docuerit, vel aliter prædicauerit, id est, contrarium docuerit, vel contrario modo prædicauerit, anathema sit. Aliud ergo posuit, pro opposito, qualiter & Apostolus in epistola ad Gal. Si quis aliud euangelizauerit, id est, contrarium, anathema sit. Non dicit, si quis addiderit. Nam si illud diceret, sibi ipsi, ut ait Augustinus, præiudicaret: qui cupiebat venire ad quosdam, quibus scribebat, sicut ad Thessalonicenses, ut suppleret, quæ illorum fidei deerant. Sed qui supplet quod minus erat, addit: non quod inerat, tollit. Qui autem prætergreditur fidei regulam, non incedit in viam: sed recedit à via. Ad illud autem quod de Euangelio opponunt, respondemus ita: quia cum dicat in eo Veritas, Spiritum sanctum à Patre procedere, non addit, solo, & ideo etiam à se procedere non negat: sed ideo Patrem tantum nominat, quia ad eum solet referre etiam quod ipsius est, quia ab illo habet.

Gal. 1. 6

Thess. 3. 1

C Quod Græci in sensu nobiscum conueniunt, & si verbis differant.

Sciendum est tamen quod Græci consentiunt Spiritum sanctum esse Filij: sicut & Patris: quia & Apostolus dicit: Spiritum Filij, Et Veritas in Euangelio: Spiritum veritatis. Sed cum non sit aliud Spiritum sanctum esse Patris, vel Filij, quam esse à Patre & Filio, etiam in hoc in eandem nobiscum fidei sententiam conuenire videntur, licet in verbis dissentiant.

Gal. 4. 4.
Io. 16. 13

Auctoritatibus Græcorum ostendit Spiritum sanctum etiam procedere à Filio.

D Vnde etiam quidam eorum catholici Doctores intelligentes unam eandemque fore sententiam prædictorum verborum, quibus dicitur Spiritus sanctus procedere à Filio, & esse Filij, professi sunt Spiritum sanctum etiam procedere à Filio. Vnde Athanasius in symbolo fidei: Spiritus sanctus à Patre & Filio, non factus, nec creatus, sed procedens. Ecce Spiritum sanctum aperte dixit procedere à Patre & Filio. Didymus etiam eorum maxime Doctor in libro de Spiritu sancto, Spiritum sanctum à Filio procedere dicit: Saluator inquit qui est Veritas: Non enim loquitur à semetipso, hoc est, non sine me, & sine meo, & Patris arbitrio, quia inseparabiliter est à me & à Patris voluntate: quia ex se non est, sed ex Patre & me est. Hoc enim ipsum quod subsistit & loquitur, à Patre & à me ille est. Item Spiritus sanctus, qui est Spiritus veritatis, Spiritusque sapientiæ, non potest audire à Filio loquente, quia nescit, cum hoc ipsum sit quod profertur à Filio, id est procedens Deus de Deo, Spiritus veritatis procedens à veritate, consolator manans ex consolatore. Nam Cyrillus episcopus in Epistola Nestorio directæ ait: Spiritus intelligitur per se secundum quod Spiritus est, & non Filius: sed tamen non est alienus ab eo. Spiritus enim veritatis nominatur, & profuit ab eo sicut ex Deo Patre. Ioannes quoque Chrysostomus in homilia quadam de expositione symboli sic ait: Iste est Spiritus procedens de Patre & Filio, qui diuidit dona propria prout vult. Idem in alia homilia: Credendum est Spiritum sanctum Patris esse & Filij.

Post mod.
Io. 16. 13
Didymus
lib. 2.

1. Cor. 12.

istum

Istum Spiritum sanctum dicimus Patri est Filio coequallem, & procedentem de Patre & Filio. Hoc credite, ne colloquia mala corrumpant bonos mores. Ecce à doctores Græcorum aperta habemus testimonia, quibus Spiritus sanctus à Patre, & Filio procedere ostenditur. Omnis ergo lingua confiteatur Spiritum sanctum procedere à Patre & Filio.

DISTINCTIO XI.

De æterna processione Spiritus sancti quantum ad principium à quo procedit.

Hic dicendum est, Spiritum sanctum à Patre esse, & Filio.

Expositio textus.

Diuisio.

Supra egit Magister de processione Spiritus sancti in comparatione ad ipsum procedentem: hæc est secunda pars, in qua agitur de eadem in comparatione ad principium à quo. Et diuiditur hæc pars in duas. In prima ostendit quod Spiritus sanctus procedit à Patre & Filio. In secunda determinat qualiter procedit ab eis. infra Distinct. 12. Item queritur cum Spiritus sanctus procedat à Patre, & Filio. Prima pars habet quatuor. In prima ostendit Magister per multas auctoritates quod procedit à Patre & Filio. In secunda vero e contra per rationes Græcorum ostendit quod à solo Patre, ibi: *Græci tamen dicunt Spiritum sanctum tantum procedere à Patre.* In tertia, auctoritates & rationes Græcorum soluit & determinat, ibi: *Nos autem illa verba ita determinamus.* In quarta ostendit confessionem fidei Græcorum implicite conuenire cum nostra, ibi: *Sciendum tamen quod Græci consentunt.*

In principalibus Concilijs. Dub. I.

Concilia quatuor Apostolorum principalia.

Concilia Patrum principalia quatuor apud Græcos.

Queritur quæ sunt illa quatuor principalia concilia, & dicendum quod fuerunt quatuor concilia Apostolorum in Ecclesia primitiua, vt dicit quædam glossa super actus. Primum fuit ad electionem Marthæ Act. 1. Secundum ad electionem septem diaconorum Act. 6. Tertiū fuit ad non imponenda legalia gentibus Act. 15. Quartum ad tolerandum legalia ad tempus Act. 21. Concilia vero Patrum principalia apud Græcos similiter fuerunt quatuor, scilicet Nicænum, Ephesinum, Calcedonense & Constantinopolitanum.

Qui aliud docuerit, vel aliter predicauerit, &c.
Dub. II.

Exponit ista verba, id est, contrarium docuerit, vel contrario modo, &c. Non videtur ista expositio probabilis, eo quod ille qui contradicit articulis excommunicatus est ipso iure: ergo non oportebat pro contrario dare sententiam: ergo videtur quod pro diuerso tulerunt sententiam. Præterea, vnde venit ista expositio? & queritur quare non dixerunt: Quisquis contradixerit?

Ansel. Dia. log. de Pe. cat. 10. 3.

RESP. Dicendum quod sicut dicit Anselmus: Omnis veritas sacræ Scripturæ potest dici, quæ sacræ Scripturæ non contradicit, propter suam generalitatem & dignitatem, & ideo prædicta expositio habet hic locum. Nec fuit inconueniens exprimere excommunicationem hæreticorum, quia sancti Patres in Concilijs ordinabant quæ iuris erant, & præterea ad terrorem est dictum, & maluerunt dicere aliud, quamuis intellexerunt contrarium, vt magis compescerent ora præsumptuosorum, ne adinuenerent nouitates in fide. Secundum veritatem autem excommunicationis sententia non se extendit nisi ad contradicentes, quia non fuit eorum intentio præcludendi viam ad explanationem fidei faciendam maiorem. si De⁹ alios magis illuminaret: si hoc dixissent, † constat quod non bene moti fuissent, & sententia eorum merito abolenda esset.

† Sed hoc est impossibile: quia legittima Concilia habent inuoluntate errare non possunt.

Sed cum non sit aliud. Dub. III.

Contra: Aliud est dicere, cappa Sortis quam cappa facta à Sorte: ergo similiter videtur in proposito. Aut si non, queritur ratio.

RESP. Dicendum quod genitiuus, quamuis denominatur ab habitudine principii, tamen aliam habitudinem importat, vt possessionis: sed cum in diuinis non cadat diuersitas, nec habitudo nisi originis, ratione materiz in diuinis determinatur ad habitudinem principii, & ideo in Deo idem est dicere: Spiritus Filii, quod Spiritus procedit à Filio. Præterea alia est ratio, quia Spiritus secundum quod est nomen absolutum, sicut hoc nomen, Deus, non habet proprie construi cum genitiuo, quia tunc idem esset dicere: Spiritus Filii, quod Deus Filii: ergo oportet, quod accipiat Spiritus secundum quod dicitur à spiratione, & sic est nomen importans originem: ergo sicut sequitur: Filius Patris, ergo Filius qui est à Patre, & ita est dicere, Spiritus Filii, id est Spiritus qui est à Filio.

Non sine me, & sine meo, & Patris arbitrio, &c.
Dub. IV.

Videtur male dicere, quia qui habet arbitrium super aliquid, habet dominium super illud: ergo videtur secundum hoc, quod Spiritus sanctus sit inferior Filio. Si tunc dicatur quod arbitrium dicat voluntatem, hoc nihil est, quia similiter cum vna voluntas sit trium, similiter Filii non loquitur sine arbitrio Spiritus sancti, & Pater similiter: quod non dicitur proprie.

RESPON. Dicendum quod Spiritus sanctus est Patri & Filio consubstantialis, ita quod à Patre & Filio procedit: operatio ergo Spiritus sancti communis est Patri & Filio, & similiter æque habet esse à Patre & Filio, ita quod non est dicere quod habeat locutionem propriam, nec quod habeat locutionem à se, & hæc duo voluit excludere Dominus cum dixit: Non loquetur à semetipso, vt excludatur ratio proprii, & ratio primi principii: & hoc exponens Didymus contra proprium dicit, *Non sine me.* Contra rationem primi principii dicit: *Sine meo & Patris arbitrio, &c.* arbitrium non importat dominium, siue causalitatem: sed solum auctoritatem in Patre & Filio respectu Spiritus sancti, vel eius operationis.

106.16.6

ARTICVLVS I.

Ad intelligentiam huius partis duo principaliter queruntur. Primo queritur de processione Spiritus sancti quantum ad principium, & queritur vtrum Spiritus sanctus procedat à Patre & Filio. Secundo vtrum procedat à Patre & Filio in quantum sunt vnum, aut in quantum sunt differentes.

QVÆSTIO I.

An Spiritus sanctus à Patre, & à Filio procedat.

*Alex. Alensis 1. p. q. 43. Membrum 4.
S. Thomas 1. p. q. 36. art. 2.
Et de Potentia q. 10. art. 4.
Scot. 1. Sent. dist. 11. q. 1.
Egid. Rom. 1. Sent. dist. 11. q. 1.
Henricus in sum. art. 54. q. 6.
Richardus 1. Sent. dist. 11. q. 1.
Durandus 1. Sent. dist. 11. q. 1.
Franciscus de Mayr. 1. Sent. dist. 11. q. 1.
Io. Bacon. 1. Sent. dist. 12. q. 1.
Tho. Arg. 1. Sent. dist. 11. q. 1. art. 1.
Petrus de Tarantasia. 1. Sent. dist. 11. q. 1.
Marfilus Inguen. 1. Sent. q. 15. art. 1.
Gabr. Biel. 1. Sent. dist. 11. q. 1.*

Quod solum à Patre procedat, probant Græci ratione, & auctoritate. Ratione sic: Emanatio Spiritus sancti est processio, sed processio est motus ab vno in alium: ergo si recte processio est in diuinis, Spiritus

Ad oppositum. Rationes pro parte negatiua.

sanctus

sanctus aeterna processione procedit ab vno in alium. Si ergo procedit à Filio, aut procedit in Patrem, aut in aliam personam: non in Patrem, quia Pater nihil accipit à Filio, nec in aliam personam, cum non sit dare quartam: ergo non procedit à Filio.

2. I T E m alia ratione sic, quia Spiritus sanctus procedit per modum spirationis, sicut verbum per modum locutionis: sed ita videmus in creaturis quod exitus locutionis non præcedit spirationem, nec egressus Spiritus est à Verbo: ergo nec in diuinis Spiritus sanctus à Filio.

3. I T E M Spiritus sanctus, vt omnes dicunt, procedit per modum nexus: sed nexus tenet rationem medij: sed si procederet à Filio, teneret rationem tertij, & extremi, non medij: ergo non procedit à Patre & Filio: sed à Patre in Filium.

4. I T E M Spiritus sanctus procedit à Patre, aut sufficienter, aut non. Si non sufficienter & plene, ergo Pater imperfectus in spirando. Si sufficienter: ergo superfluum est fieri per duo, quod potest fieri per vnum sufficienter: ergo si à Filio procedit, cum procedat plene à Patre, in illa summa Trinitate est superfluitas, quod absurdum est

5. I T E M hoc ipsum nituntur Græci ostendere per authoritatem : sed non possunt per sacra Scripturæ inductionem, ideo arguunt per priuationem in Euangelis, & maxime in Euangelio Ioannis, & Epistolis, vbi integre traditur nostra fides : sed in nullo dicitur quod Spiritus sanctus procedat nisi à Patre tantum. Ioannes : Spiritum Veritatis qui à Patre procedit : ergo aut Euangelia insufficienter fidem docent, aut Spiritus sanctus tantum procedit à Patre.

6. I T E M in quatuor Conciliis apud Græcos celebra-
tis, vbi fides à Patribus sufficienter est explicata, dicitur
quod Spiritus sanctus procedat à Patre, & nihil dicitur de
Filio: ergo si Deus illis sufficienter fidem reuelauit, ergo,
cc.

I T E M hunc errorem tutari nituntur per Doctores, qui non solum apud eos, sed etiam apud nos celebres sunt.

1. Et primo per Gregorium Nazianzenum qui dicitur Theologus: Filius & Spiritus sanctus geminus Patris radius, vsq; ad nos miserunt claritatem suam: ergo exeūt à Patre, vt duo radij.

2. E T Dionysius etiam dicit in lib de diuin. nom. Ex immateriali, & impartibili bono, cordialia exorta sunt lumina, loquitur de Patre: ergo exeunt, vt lumina: sed talia sic se habent quod vnum non est ab altero: ergo, &c.

3. ITEM Damascenus expressius: Spiritum sanctum ex Patre dicimus, & Spiritum Patris nominamus: Spiritum vero sanctum ex Filio non dicimus, & tamen Spiritum Filij nominamus.

4. I T E M si Latini hoc cognouerunt, tamen Græci non cognouerunt: aut fuit hoc scripturæ auctoritate, aut prædicatione, aut ratione, aut reuelatione. Scripturæ auctoritate non, quia eandem per omnia scripturam habet Græci. Similiter nec prædicatione, quia idem est Doctor Græcorum, qui est & Latinorum, qui eis fidem perfecte tradidit, scilicet Paulus Apostolus. Si ratione, sed ratione non sufficit aliquid affirmari in his quæ sunt fidei. Vnde Dionysius & Damascenus dicunt quod nihil est dicendum, nec cogitandum de illa summa Trinitate, præter id quod nos sacra eloquia docuerunt.

5. E τ Hieronymus: Nil credatur mihi nisi confirmato per Nouum & Vetus Testamentum. Si reuelatione, queritur cui fuerit reuelatum: & cum Deus velit omnes nomines saluos fieri, quare hoc non reuelauit Græcis? Et iterum quo modo constat quod hoc fuerit à Deo?

CONTRARIUM arguitur ratione ostensiva sic: Spiritus sanctus secundum omnes fideles procedit ut donum, sicut ex multis locis Scripturæ probatur, & iterum omnes tam Græci, quam Latini dicunt Spiritum sanctum à Filio nobis donari: ergo omnes concedunt procedere ab utroque, cum non detur nisi à quo procedit.

I T E M Spiritus sanctus secundum omnes, & sicut su-

A pra ostensum est, procedit vt amor, sed amare non tantū
est Patris, sed etiam Filij, vnde & per omnia amat Filius,
sicut & Pater: ergo si à Patre amante amor procedit, eadē
ratione à Filio,

ITEM Spiritus sanctus secundum omnes procedit ut
nexus : sed perfectior nexus est qui ab extremo utroque
procedit, quam qui ab altero : ergo si Spiritus sanctus est
nexus perfectissimus, non solum à Patre procedit, sed et-
iam à Filio.

I T E M hoc idem ostenditur ratione ducente ad impossibile sic: Omnis distinctio personarum in diuinis attenditur secundum relationem & originem: ergo si Spiritus sanctus non procedit à Filio, nec econuerso, nulla est ibi origo: ergo nulla est ibi mutua relatio: ergo nec distinctio.

ITEM maior germanitas est inter duos, quando vnus procedit ab altero & ambo à tertio, quam si vnus nihil habeat ab altero, hæc est per se nota: ergo si Spiritus sanctus non est à Filio, nec econuerso, nec est perfecta vnio: ergo nec summa, nec perfecta beatitudo.

ITEM perfectior est expressio quando generans communicat genito non tantum substantiam, sed etiam actum qui naturæ geniti non repugnat : sed actus spirandi non repugnat Filio, quia nullum ex hoc inconueniens sequitur, si spiret : ergo si pater hunc actum ei non communicat, Filius non est perfecta imago.

ITEM hoc ipsum ostenditur auctoritatibus, & primo auctoritate Apostoli: Misit Deus Spiritum Filij sui, &c. ergo cum Pater non mittat Spiritum nisi Filij, idem est Spiritus Patris & Filij: sed eius est Spiritus à quo procedit: ergo Spiritus procedit à Patre & Filio. Si dicas quod non sequitur, quia non dicitur Filij, quia procedit à Filio, sed quia est in Filio. Ergo eadem ratione cum Filius sit in Spiritu sancto, potest dici Filius Spiritus sancti.

ITEM per Ioannem: Quem ego mittam vobis Spiritum Veritatis: Ex hoc arguitur sic: Nullus mittit alium nisi habeat auctoritatem supra illum: nullus autem habet auctoritatem supra alium, nisi aliquid tribuat ei: sed nulla persona tribuit nisi ab ipsa procedat: ergo à primo, Spiritus sanctus procedit à Filio: Si dicas quod à Filio mittitur ex tempore & ex tempore procedit: **C**ONTRA: Filius non ideo habet auctoritatem, quia mittit, sed ideo mittit, quia habet auctoritatem: ergo ante habet auctoritatem, quam mittat temporaliter: ergo antequam mittat temporaliter, necesse est Spiritum sanctum procedere à Filio: ergo, &c.

ITEM per Ioannem: Ille me clarificabit, quia de meo accipiet. Ex quo arguitur sic: Quisquis est omne quod habet, est omne quod accipit: sed Spiritus sanctus cum sit Deus summe simplex, est omne quod habet: ergo omne quod accipit: ergo si accipit aliquid ab aliquo, accipit esse: sed à quo accipit esse, ab illo procedit: ergo si aliquid accipit à Filio, procedit à Filio. Si dicas quod accipere illud, est temporaliter: tunc obiicitur ex hoc, quia omne quod temporaliter accipit aliquid, ab aliquo mutatur, &c.

C O N C L U S I O .

Spiritus sanctus procedit à Patre & à Filio.

R E S P. ad arg. Dicendum quod sicut ostensum est auctoritatibus & rationibus, fidei veritas est, quod Spiritus sanctus procedit à Patre & Filio. Ad intelligentiam autem controuersię Latinorum & Græcorum, & originem eius, notandum est quod circa processionem Spiritus sancti de Filio est duo considerare, scilicet articuli cognitionem, & eiusdem cogniti professionem. In primo orra est differentia. In secundo cōtrouersia. Cognitio autem huius articuli fundamentum habet à Scriptura, profectum vel incrementum à ratione, sed cōseruationem à reuelatione. In Scripturæ auctoritate, Græci & Latini cōueniunt, quæ dicit Spiritum sanctū esse Filij, & mitti à Filio: sed in ratione & reuelatione differunt. In ratione quidem intelligendi. Nam cum Scriptura dicat, Spiritū sanctum procedere, Græci ad intelligendum vñ sunt alio

Forte im-
plicite, sed
expresse
nunquam.

Neque
hoc ex-
presse.

Accu-
sationes Græ-
corum.

An. lib.
de process.
Spir. sancti.
10. 2.

modo, & alia similitudine processionis, alio modo Latini. Nam cum processio dicatur in creaturis motus localis ab vno in alium, & dicatur motus causalis vnius ex alio, Græci intellexerunt processionem primo modo, ab vno in alium. Latini vero secundo modo, & in hoc melius intellexerunt Latini quam Græci, quia comparauerunt processionem æternam processionem magis spirituali, & ideo magis simili comparauerunt, & sic melius. Similiter Scriptura dicit, Spiritum sanctum per inspirationem procedere. Sed cum duplex sit inspiratio, scilicet flatus exterioris, & amoris interioris: Græci comparant Spiritum inspirationi flatus exterioris: sed Latini inspirationi interioris amoris: & ideo Latini melius, quia spiritualiori & similiori similitudini aptauerunt. Similiter cum Scriptura dicat, Spiritum sanctum procedere ut nexum, & communionem: & duplex possit esse nexus, vel sicut medium iungens alteri, vel sicut extremum in quo coniunguntur: Græci comparauerunt primo modo, Latini secundo modo: & ideo spiritualiori & similiori, quia ille nexus magis habet similitudinem personæ: quia ergo differentiam habuerunt in ratione, & Latini spiritualius, & conuenientius comparauerunt: ideo ex ratione sua sunt eleuati, & per hoc ad intelligentiam Scripturæ dispositi, & ideo manifesta reuelatione edocti sunt de Spiritus sancti processione. Græci vero: quia similitudines differentes, & minus proprias aprabant: ideo sunt sua ratione depressi, & non valentes intelligere spiritum à verbo procedere, nec in alium ab æterno procedere, artauerunt scripturam ad intelligendum de processione temporali, & ideo sibi viam reuelationis clauferunt. Hæc est ergo ratio diuersitatis in huius articuli cognitione. Controuersia vero venit ex huius articuli professione. Professio vero articuli venit ab Ecclesia Latinorum ex triplici causa, videlicet ex fidei veritate, ex periculi necessitate, ex Ecclesiæ auctoritate. Fides dictabat hoc, & periculi necessitas imminerebat, ne forte aliqui hoc negarent: in quod periculum inciderunt Græci, & Ecclesiæ auctoritas aderat: & ideo sine mora exprimi debebat. Negatio vero huius articuli venit ex triplici causa, scilicet ex ignorantia, ex superbia, & pertinacia. Ex ignorantia, quia nec scripturam intellexerunt, nec habuerunt congruam rationem, nec apertam reuelationem. Ex superbia, quia cum reputarent se sciolos, & vocati non fuerunt, noluerunt profiteri, quod non erat per eos inuentum. Ex pertinacia, ne conuincerentur, & irrationabiliter moueri viderentur, inuenerunt pro se rationes contra veritatem: & ideo suam sententiam defendere ausi sunt, & auctoritati Ecclesiæ Romanæ obuiare, & ideo facti sunt hæretici: quia negant fidei veritatem: & schismatici, quia recesserunt ab Ecclesiæ vnitatem. Sed quia mos est hæreticorum, & schismaticorum, cum se non possunt rationibus communire, aduersam partem accusare: ideo nos accusant, & redarguunt tanquam curiosos, & tanquam excommunicatos, & schismaticos. Curiosos, quia sine huius articuli professione salus erat. Quare ergo intromiserunt se Latini hoc perquirere, quod non fuit necessarium? Sed ad hoc patet responsio, opportunum fuit propter periculum quod ipsi inciderunt. Similiter dicunt nos excommunicatos, quia Symbola corrumpimus in quibus per sanctos Patres sub excommunicationis poena hoc erat prohibitum. Et ad hoc patet responsio per prædicta, quia non corrumpimus: sed perficimus: nec sententia lata est contra perficientes, sed contra corruptores. Vel potest dici sicut dicit Anselmus quod nouum edidimus, quod quidem facere potuimus: quia Romana Ecclesia plenitudinem potestatis à Petro Apostolorum principe acceperat, in quam nulla Patrum sententia, nec interdictum ponere, nec artare potuit, nec ei præiudicare, nec ligare eam ad aliquid. Similiter dicunt nos schismaticos, quia à nobis incipit diuisio. Cum enim hoc vellemus asserere, nolimus eos vocare. Et ad hoc responderi potest pro Latinis, quod eos vocare non fuit opportunum, quia Ecclesia sine eis hoc poterat, & quia erat laboriosum propter distantiam, erat infructuosum propter insipientiam, quia iam non erat in Græcis

A sapientia tanta, sicut fuerat, immo ad Latinos tranterat. Erat nihilominus periculosum, quia quod pro certo habendum erat, periculum erat ducere in dubium. & sic patet quod friuolæ sunt eorum accusationes. Ad rationes autem, intellectis, quæ dicta sunt, facile est respondere.

1. Ad illud ergo quod obiicitur, quod processio est ab vno in alium, dicendum quod verum est de processione locali, sed non est verum de processione causali, sicut infra melius patebit: cum procedere in alium sit dupliciter, aut quia in alium tendit sicut obiectum, & sic Spiritus sanctus est amor, quo Filius amat Patrem, sicut econuerso. Si autem dicatur sic procedere in aliquem, ut ab eo recipiatur, omnino stultus est intellectus. Est enim dicere, quod amor, qui est Spiritus sanctus, oriatur à Patre & subsistat in Filio, sicut riuus oritur à fonte, & requiescit in lacu profundo.

2. Ad illud quod obiicitur de spiratione, quod præcedit verbum, dicendum quod verum est de exteriori verbo, & non de interiori: & ideo non est simile.

3. Ad illud quod obiicitur de nexu, dicendum quod nexus non habet rationem medii: sed rationem tertii, quāquam aliqui voluerunt dicere quod locum tenet & medii, & tertii: & voluerunt isti sustinere opinionem Græcorum, & Latinorum: & distinguunt duplicem modum procedendi, scilicet in alium, & sic procedit à Patre, vel ab alio, & sic procedit à Patre & Filio. Sed istud est exufflandum hodie: quia non habet intellectum sanum, immo omnino eodem modo procedit ab utroque, & tamen vtriusque nexus est, sicut ponitur exemplum de duobus lignis ex quibus procederet vna flamma.

4. Ad illud quod obiicitur quod ab altero sufficienter, ergo, &c. dicendum quod istud verum esset, si essent diuersa principia Spiritus sancti, quod non est verum, sicut infra patebit. Vnde sicut non valet hoc argumentum: Pater creat, & Filius similiter, & Pater est sufficiens in creando: ergo filius superfluit, quia sunt vnum principium in creando: similiter soluendum est in proposito.

5. Ad illud quod obiicitur quod non reperitur in Scriptura, dicendum quod si verba non reperiantur, reperitur tamen sensus, sicut in obiiciendo monstratum est. Tamen argumentum non valet: Non reperitur in Scriptura, ergo non est verum, quia Scripturæ mos est, quædam tacere propter insinuandam humilitatem: vnde Dominus volens nos erudire ad humilitatem, omne quod suum est Patri attribuit, sicut in Ioanne: Mea doctrina non est mea. Similiter dicitur: Qui à Patre procedit, loquens de Spiritu sancto, & tamen ipse subiungit, omnia quæ Pater habet mea sunt: & ideo argumentum non valet.

6. Ad illud quod obiicitur de Conciliis, dicendum quod nec in Conciliis illis sunt omnia instituta, quæ spectant ad mores: nec etiam omnia dicta, quæ ad fidem pertinent, sicut in Symbolo quod cantatur in Missa, nihil dicitur de descensu ad inferos. Sed nunquam latuit sanctos Patres processio Spiritus sancti à Filio: & si non latuit, quare non dixerunt? Credo quod non latuit, sicut per antiquos Græcorum, quorum Magister adducit auctoritatem in littera: sed tamen non fuit expressum, quia non erat opus. Nullus enim negabat, nec negare volebat. Sed hæretici multa quæ erant implicita fidei nostræ, sua importunitate compulerunt explicare, & sic patet illud.

1. 2. Ad illud quod obiicitur de auctoritate Dionysii, & Gregorii, dicendum quod non est omnimoda similitudo, sed maior dissimilitudo. Attenditur autem similitudo, in hoc scilicet quantum ad plenitudinem fontalitatis in Patre, & in diuisione personarum emanantium ab eo, & in receptione influentiæ in creatura, non tamen est omnimoda similitudo quantum ad modum emanandi, & sic patet illud.

3. 4. Ad illud quod obiicitur de Damasceno dicendum quod non est in ista parte ei assentiendum, sicut

enim

Resp. ad
Rationes
pro parte
negatiua.

Quæst. seq.

Tritū hæ-
reticorū
argumen-
tum nul-
lius robo-
ra.

10. 7. b

10. 15. d

10. 16. b

Resp. ad
Auctori-
tates pro
parte ne-
gatiua.

enim intellexi, ipse fuit in tempore quando orta est contentio. Vnde non est in hoc sustinendus, quia simpliciter fuit Græcus, tamen ipse caute loquitur. Vnde non dicit quod Spiritus non sit à Filio: sed dicit, non dicimus à Filio: quia Græci non confitebantur, nec tamen negabant: sed modo eorum maledicta progenies addidit ad paternam dementiam, & dicit quod non procedit à Filio nisi temporaliter: & ideo tamquam hæreticos, & schismaticos Romana damnat eos Ecclesia.

QVÆSTIO II.

An Spiritus sanctus à Patre, & Filio tamquam ab vno principio, vel tamquam à duobus procedat.

Alexander Alensis 1. p. q. 70. Membr. 3. art. 3.

S. Thom. 1. p. q. 36. art. 4.

Henricus in summa art. 54. q. 7.

Scotus 1. Sent. d. 12. q. 1.

Egid. Rom. 1. Sent. dist. 11. p. 2. q. 1.

Richardus 1. Sent. dist. 11. q. 3.

Durandus 1. Sent. dist. 11. q. 3.

Franciscus de Mayr. 1. Sent. dist. 12. q. 1.

Ioan. Bacon. 1. Sent. dist. 12. q. 1.

Thom. Arg. 1. Sent. dist. 11. q. 1. art. 2.

Greg. Arim. 1. Sent. dist. 12. q. 1.

Marfilus Inguem. 1. Sent. dist. 15. art. 3.

Gabr. Biel. 1. Sent. dist. 12. q. 1.

Fundamē-
ta.

*Amel. epis.
cōtra Gra-
cos 10. 3.*

Vtrum Spiritus sanctus procedat à Patre & Filio in quantum sunt vnum, aut in quantum differentes. Et quod in quantum vnum videtur per Anselmum in lib. de processione Spiritus sancti. Nullus intellectus capit Spiritum sanctum esse Patris & Filii secundum quod alter est Pater, alter Filius: sed secundum quod vterque est idem Deus.

ITEM ratione ostenditur sic: Vnitas effectus est ab unitate actus: & vnitas actus ab unitate potentie, vel subiecti: ergo cum vna sit producta à Patre & Filio: ergo per vnum actum producitur, & per vnam potentiam: ergo spirant in quantum sunt vnum.

ITEM quod est à duobus in quantum duo, aut est insufficienter à quolibet, aut ab altero superflue: sed Spiritus sanctus à nulla persona est insufficienter, nec superflue, quia neutrum conuenit naturæ perfectæ: ergo, &c.

ITEM quod est à duobus in quantum duo, est compositum, si substantialiter est ab illis: quia à duobus in quantum duo procedit vnum, & ita oportet quod illud vnum habeat differentiam: sed Spiritus sanctus non est compositus: ergo, &c.

ITEM nihil vnum procedit à duobus similibus in natura in quantum duo, nisi alter sit sicut principium actuum, alter sicut principium passiuum: siue alter, ut pater, alter, ut mater: sed hoc non est in diuinis: ergo, &c.

Ad oppo-
situm.

*15. de Trin.
c. 17. 10. 3.*

1. CONTRA: Qui procedit à duobus ita quod ab vno principaliter quam ab alio, procedit in quantum sunt duo: sed Spiritus sanctus principaliter procedit à Patre, sicut dicit Augustinus & habetur in sequenti Distinctio, ergo, &c.

2. ITEM qui procedit à duobus in quantum sunt distincti, procedit à duobus in quantum sunt duo: sed nexus non est nisi distinctorum: ergo qui procedit ut nexus, procedit ab eis, ut à distinctis, & ita ut à differentibus.

3. ITEM ab unitate subiecti est vnitas actus: sed Pater & Filius sunt duo: ergo spirant duplici spiratione: ergo spiratur Spiritus sanctus ab eis in quantum sunt duo: ergo, &c.

4. ITEM si spirant Spiritum sanctum in quantum sunt vnum: aut in quantum sunt vnum in substantia, aut in notione, aut in persona. Si in quantum sunt vnum in substantia: ergo cum Spiritus sanctus sit idem in substantia, Spiritus sanctus procedit à se. Si in quantum sunt idem in notione, hoc nihil est, quia non ideo spirant, quia sunt spiratores, sed econuerso. Nec in quantum sunt vnum in persona, quia in persona non vniuntur.

Quæst. II.

CONCLUSIO.

Spiritus sanctus procedit à Patre & Filio, in quantum sunt vnum in secunditate voluntatis, quæ vna est in Patre & Filio spirantibus.

RESP. ad arg. Dicendum quod Spiritus sanctus procedit à Patre & Filio in quantum sunt vnum in secunditate voluntatis. Vna autem est in Patre & Filio voluntas, quia Pater & Filius sunt vna substantia. Si ergo est in eis voluntatis secunditas, vna est secunditas in eis. Voluntatis autem secunditas est in Patre, & Filio, quia vterque Deus improcessibilis. Sicut enim superius dictum fuit de numero personarum, & infra melius patebit cum agatur de innascibilitate, quæ idem est in Patre quod primitas, & primum & principium sunt idem, & ratio primitatis est ratio principiandi, siue secunditatis. Quoniam ergo Pater prior est in omni emanatione, scilicet processione & generatione, quia nec generatur, nec procedit, hinc est quod vtroque modo est principium. Quia vero Filius prior est emanatione processionis, non generationis, quia generatur, tamen est inspirabilis, hinc est, quod est principium spirandi, non generandi. Quia vero Spiritus sanctus neutro modo se habet, neutro modo est principium. Inde est ergo, quod quamuis Spiritus sanctus à duobus procedat, quia tamen procedit non ut sunt differentes, sed ut est in eis vna secunditas voluntatis, patet quod Spiritus sanctus procedit ab eis in quantum sunt vnum.

1. AD illud quod obiicitur quod principaliter procedit à Patre, dicendum quod principaliter potest dici dupliciter, aut respectu secundarii, & sic importat ordinem prioris & posterioris, & sic ponit diuersitatem, & hoc modo non accipitur hic. Alio modo ut principalitas dicit quandam auctoritatem, sicut pater dicitur operari per filium. Vnde vna creatura producitur à patre per filium in quantum sunt vnum, & sic intelligendum est in proposito.

2. AD illud quod obiicitur quod nexus procedit à pluribus, &c. dicendum quod ratio nexus incipit à distinctione, & tendit siue procedit in unitatem. Vnde vltima & completiua ratio est vnitas. Licet ergo nexus sit duorum & à duobus, si est perfectus nexus, est ab eis in quantum sunt vnum, non in quantum sunt plures.

3. AD illud quod obiicitur quod ab unitate subiecti est vnitas actus, & à pluralitate pluralitas, dicendum quod istud non habet instantiam secundum modum loquendi, quia si duo sunt termini copulati, actus numeratus debet ei reddi: sed secundum rem distinguendum est, quia subiectum dicitur dupliciter, aut per se & primo, aut non primo, & illud verum est de subiecto per se & primo, non de alio: & sic accipiendo, Pater & Filius, non sunt vnum principium, seu primum subiectum spirationis, quia non spirant secundum quod Pater & Filius, sed secundum quod in eis est vna secunditas voluntatis, & ita in quantum vnum. Vel aliter dicendum quod est loqui de actu, ut est actus, vel origo, & de actu ut est accidens. Si loquamur de actu ut est accidens, de necessitate numeratur ad numerum subiecti, quia non est vnum accidens in duobus subiectis. Si autem loquamur de actu, ut est actus vel origo, sic comparatur ad subiectum ut ad principium, & sic non numeratur ad numerum subiecti secundum quod subiectum, sed secundum quod principium. Quoniam ergo in diuinis spiratio non est accidens, sed productio, vel relatio: ideo sequitur unitatem subiecti, ut est principium: quare Pater & Filius, quamuis duæ sint personæ, tamen sunt principium vnum, quia per eandem virtutem spirant, ideo actus non numeratur in illis: ideo spirant vna spiratione, quamuis sint duo.

4. AD illud quod queritur vltimo, aut in quantum vnum in substantia, & cetera. dicendum quod in quantum vnum in secunditate voluntatis, prout illa voluntas tracta est ad notionem per secunditatem: quæ secunditas est ratione primitatis: quæ primitas significatur per

hoc quod

hoc quod est improcessibilis. Et hoc est quod dicit Anselmus quod Pater & Filius spirant secundum quod uterque est idem Deus; non secundum quod Deus simpliciter, sed secundum quod Deus in utroque, hoc est considerare voluntatem in personis. Si ergo quæras utrum in quantum unum in substantia, aut notione, aut persona: dicendum quod responderi potest dupliciter, secundum duas opiniones prius positas de potentia generandi quia ipsa potentia generandi non differt à generatione siue paternitate, nisi in modo loquendi, & ita dicit notionem, scilicet personalem proprietatem, ut generatio licet alio modo. Similiter isti dicunt quod fecunditas voluntatis, siue vis spiratiua, dicit eadem notionem quam spiratio, licet alio modo, quia vis spiratiua dicit ut in ratione aptitudinis: sed spiratio in ratione actus, & ita secundum hos in quantum sunt unum notione. Alii dicunt quod sicut potentia generandi dicit naturam in persona, ita essentiam personaliter: sic vis spiratiua voluntatem dicit, ut voluntas est in personis in quibus est secunda, & ita Pater & Filius spirant in quantum unum in essentia, siue natura, siue voluntate, ut dicatur proprius voluntate considerata in personis. Qualibet illarum positionum mihi videtur satis probabilis.

QVOD SPIRITVS SANCTVS PRIVS, VEL PLENIVS NON PROCEDAT A PATRE, quam à Filio: principaliter tamen ac proprie procedit à Patre.

DISTINCTIO XII.

ITEM queritur, cum Spiritus sanctus à Patre procedat & à Filio, utrum prius vel magis processerit à Patre quam à Filio: quod nitiur hæreticus ostendere, ita dicens:

Si processit Spiritus sanctus à Patre, processit utique, aut nato iam Filio, aut non nato Filio. Si vero iam nato Filio processit, ante natus est Filius quam processerit Spiritus sanctus: processit ergo natiuitas Filij processionem Spiritus sancti. Si autem processit à Patre non genito Filio, ante processit quam Filius genitus fuerit.

Responsio Augustini ad id quod primo quærebatur, scilicet an prius à Patre, quam à Filio processerit.

His & huiusmodi questionibus magis laboriosis quàm fructuosis respondet Augustinus in 15. libro de Trinitate dicens: In illa summa Trinitate, qua Deus est, interual-la temporum nulla sunt, per que posset ostendi, aut saltem requiri, utrum prius de Patre natus sit Filius, & postea de ambobus processerit Spiritus sanctus. Nunquid ergo possumus querere, utrum iam processerat de Patre Spiritus sanctus, quando natus est Filius: an nondum processerat, & illo nato de utroque processit? Non possunt prorsus ibi ista queri: ubi nihil ex tempore inchoatur, ut ex consequenti perficiatur in tempore. Ideo qui potest intelligere sine tempore generationem Filij de Patre, intelligat sine tempore processionem Spiritus sancti de utroque. Ecce his verbis absoluta est questio illa, qua quærebatur, utrum prius processerit Spiritus sanctus à Patre quam à Filio.

Hic agitur de eo quod secundo quærebatur, scilicet an plenius vel magis processerit à Patre quam à Filio.

Nunc tractandum est quod secundo quærebatur, sci-

licet an plenius, aut magis procedat Spiritus sanctus à Patre quam à Filio. Ad quod dicimus, quia sicut non ante procedit à Patre quam à Filio, ita non plenius vel magis procedit à Patre quam à Filio. Augustinus tamen in 15. de Trinitate dicit quod Spiritus sanctus principaliter procedit de Patre. Non frustra, inquit, in hac Trinitate non dicitur verbum Dei, nisi Filius: nec donum Dei, nisi Spiritus sanctus, nec de quo genitum est Verbum, & de quo procedit Spiritus sanctus principaliter, nisi Deus Pater. Ecce audistis, quia Spiritus sanctus principaliter procedit à Patre. Sed ne te hoc turbaret, ipse continuo ex quo sensu hoc dixerit, aperit dicens: Ideo addidi principaliter, quia & de Filio Spiritus sanctus procedere reperitur: sed hoc quoque illi Pater dedit, non iam existenti, & nondum habenti. Sed quidquid unigenito verbo dedit, gignendo dedit. Sic ergo eum genuit, ut etiam de illo donum commune procederet, & Spiritus sanctus spiritus esset amborum. Ecce exposuit ipsemet quo modo Spiritus principaliter procedat à Patre: non quia prius, vel magis procedat à Patre, quam à Filio: sed quia cum procedat à Filio, hoc ipsum habet Filius à Patre.

Ex eodem sensu etiam dicitur Spiritus sanctus proprie procedere à Patre.

Ex eodem sensu etiam dicitur procedere proprie de Patre. Vnde Hieronymus † in expositione catholica fidei, Nicanig. symboli ait: Credimus in Spiritum sanctum, qui de Patre procedit proprie. Item Spiritum sanctum verum Deum inuenimus in scriptura, & de patre esse proprie. Et item: De Patre Filius, & Spiritus sanctus proprie & vere de Patre procedit. Ecce aperte dicit Spiritum sanctum proprie esse de Patre, & proprie procedere à Patre. Quod non est ita intelligendum, tamquàm prius, vel plenius à patre procedat, quam à Filio: sed quia hoc habet Pater à se, non ab alio, ut de ipso sit, & procedat Spiritus sanctus. Filius autem non à se, sed à Patre hoc habet, ut de seipso sit, & procedat Spiritus sanctus.

Ex eodem sensu dicitur Spiritus sanctus esse, & mitti à Patre per Filium.

Forte etiam iuxta hanc intelligentiam dicitur Spiritus sanctus mitti per filium, & à patre esse per filium. Vnde Hilarius ad Deum patrem de Spiritu sancto, & Filio loquens in 12. libro de Trinitate ait: In Spiritu sancto tuo ex te profecto, & per eum misso. Item: Ante tempora unigenitus tuus ex te natus manet, ita quod ex te per eum Spiritus sanctus tuus est: quod etsi sensu non percipiam, tamen teneo conscientia. In spiritualibus enim rebus tuis hebes sum. Item in eodem: Conserua hanc, oro, fidei mea religionem, ut quod in regenerationis mea symbolo professus sum, semper obtineam: te patrem scilicet, & filium tuum una tecum adorem: Spiritum sanctum tuum, qui ex te per unigenitum tuum est, promerear. Ecce aperte dicit Spiritum sanctum à patre per Filium & mitti, & esse: quod non est intelligendum quasi à patre per filium minorem mittatur vel sit, sed quia ex patre & filio est, & mittitur ab utroque: sed hoc ipsum habet filius à patre, ut ab ipso sit, & mittatur Spiritus sanctus. Hoc ergo voluit significare Hilarius distinctionem faciens in locutione, ut ostenderet in Patre esse auctoritatem. Inde est etiam, quod Veritas ostendens patrem esse auctorem processionis, qua procedit spiritus à filio, dixit in Euangelio: De patre procedit, cum & de patre, & filio procedat Spiritus sanctus. Vnde Augustinus in 15. libro de Trinitate querit: Si de Patre &

Cap. 17. 10. 3.

† To. 3. ad Cyrillum scribens, in epist. 18. cuius initium: Credimus in Deum Patrem.

In fin. lib. ibid. statim post.

ibid. in fin.

Ioan. 15. d. Cap. 27. 10. 3.

Iob. 7. b

Ibid. c. 25.

Ioh. 5. 6

Filio procedit Spiritus sanctus: cur filius dixit: De patre procedit: Cur putas, nisi quia solet ad eum referre etiam quod ipse est, sicut & de quo ipse est, sicut ait: Mea doctrina non est mea, sed eius qui misit me: Si ergo hic intelligitur eius doctrina, quam tamen non dixit suam, sed patris: quanto magis illic intelligendus est Spiritus sanctus de ipso procedere, ubi sic ait: De patre procedit, ut non diceret, de me non procedit. A quo autem habet filius, ut sit Deus (est enim Deus de Deo) ab illo utique habet ut etiam de illo procedat Spiritus sanctus. Et ideo Spiritus sanctus, ut etiam de filio procedat: sicut procedit de patre, ab ipso habet patre. Quapropter, quia potest intelligere in eo quod ait Filius: Sicut habet Pater vitam in semetipso, sic dedit & filio vitam habere in semetipso: non sine vita existenti iam filio vitam patrem dedisse, sed ita eum sine tempore genuisse, ut vita, quam pater filio gignendo dedit, coeterna sit vitam patris, qui dedit: intelligat etiam sicut habet Pater in seipso, ut de illo procedat Spiritus sanctus, sic dedisse filio, ut etiam de ipso procedat idem Spiritus sanctus, & utrumque sine tempore. Ita ergo dictum est Spiritum sanctum de Patre procedere, ut intelligatur quod etiam procedit de Filio, de patre esse, & filio. Si enim quidquid habet, de patre habet filius, de patre habet utique, ut de illo procedat Spiritus sanctus. Sed nulla ibi tempora cogitentur, quia habeant prius & posterius: quia ibi omnino nulla sunt.

DISTINCTIO XII.

De aeterna processione Spiritus sancti qualiter à Patre, & Filio procedat.

Item queritur, cum Spiritus sanctus procedat à Patre & Filio.

Expositio textus.

Distin.

HÆc est secunda pars in qua Magister determinat qualiter Spiritus sanctus procedit à Patre & Filio: & hæc pars habet quatuor partes secundum quatuor quæ determinat. In prima quærit utrum Spiritus sanctus prius procedat à Patre, & determinat quod non. In secunda quærit utrum principaliter, & plenius, ibi: *Nunc tractandum est.* Tertio utrum proprie à Patre procedat ibi: *Ex eodem sensu dicitur etiam proprie procedere à Patre.* Quarto determinat utrum Spiritus sanctus proprie procedat à Patre per Filium, ibi: *Forse etiam iuxta hanc intelligentiam: ubi confirmat auctoritate Hilarii quod Spiritus sanctus mittitur à Patre per Filium, & procedit.*

Aut à nato iam Filio, aut, &c. Dub. I.

Primo Per
riber. cap.
ultimo.

Videtur istud argumentum necessarium, quia cuiuslibet contradictionis necessarium est alteram partem esse veram: sed natum, & non natum opponuntur contradictioni: ergo necesse est alteram partem dare quod Spiritus sanctus procedat aut nato iam filio, aut non nato: cum ergo Magister & Augustinus respondeant interimendo utramque partem, videntur male respondere.

RESP. Dicendum quod hæreticus in sua questione quærebat de ordine generationis filii ad processionem Spiritus sancti: & quærebat de ordine secundum durationem & tempus, non secundum rationem intelligendi: & quærebat utrum prius natus est filius, quam processit Spiritus sanctus aut e converso, & utrumque falsum erat: ideo Magister & Augustinus considerantes intentionem hæretici, siue interrogationem secundum sensum in quo eam proponit, simpliciter & bene respondent eam interimendo. Ad illud ergo quod obiicitur, quod divisio hæretici est per contradictoria, dicendum quod falsum est: quia propositio contradictoria accipitur negan-

Aug lib. 15
de Trin. c.
16, 10. 3.

Ado compositionem principalē, sed ipse refert negationē ad compositionem non principalem, sed intellectam in hoc quod est nato, & ideo causa falsitatis semper remanet: hæc enim est falsa: Spiritus sanctus procedit nato Filio, quia notatur quod natiuitas filii præcedat processionem Spiritus sancti. Hæc iterum est falsa: Processit nato Filio: quia notatur quod natiuitas filii non fuerit simul cum processione Spiritus sancti: sed hæc est vera: Spiritus sanctus non processit nato prius Filio, quia simul fuit natiuitas filii, & processio Spiritus sancti.

Quidquid unigenito verbo dedit, & cetera.

Dub. II.

B Videtur male dicere, quia si hoc esset verum, dedit ei spirationem, ergo dedit eam gignendo, ergo spiratio est genita: sed quidquid dicitur in diuinis concretum, dicitur & abstracte, sed non conuertitur: ergo si spiratio est genita, spiratio est generatio, quod est contra modernos omnes.

RESPON. Dicendum quod defectus est in utroque argumento: nam illud non valet: Dedit generando spirationem, ergo generauit spirationem; sicut non sequitur. Generando dedit Filio essentiam, ergo essentia est genita. Aliqua enim per generationem dicuntur dari, quæ non dicuntur generari. Et iterum alia ratio non valet: Spiratio est genita: ergo spiratio est generatio. Sicut enim infra patebit de duabus notionibus vnius personæ, verum est dicere quod vna prædicatur de altera denominatiue, non in abstractione, & ideo non valet illa ratio, immo est ibi accidens. Quod ergo dicitur: *Quidquid prædicatur denominatiue & abstracte, verum est de essentia: sed non est verum de proprietate personæ, & hoc infra patebit.*

Credimus in Spiritum sanctum, qui de Patre, &c.

Dub. III.

Videtur falsum dicere, quia proprium est quod conuenit vni soli: ergo si de Patre procedit proprie, non ergo de Filio. Si tu dicas quod non dicitur proprie contra communiter, sed contra improprietatem, ergo videtur quod improprie procedat à Filio.

RESP. Dicendum quod proprie non dicit proprietatem siue solitudinem, sed sonat auctoritatem, sicut principaliter: sicut enim Pater principaliter dicitur spirare, quia hoc non habet ab alio: ita etiam proprie, quia hanc conditionem, non habere ab alio, nulli communicat: ita videtur dicere Magister. Potest tamen dici quod vno modo proprium dicitur contra communiter. Alio modo contra improprietatem. Tertio modo accipitur pro appropriatione, & sic accipitur hic. Quamuis enim spiratio æque vere & proprie conueniat Patri, & Filio, tamen Hieronymus, appropriat eum patri propter auctoritatem.

Per eum Spiritus sanctus tuus est. Dub. IV.

Videtur Hilarius hic referens verba ad Deum male dicere dicendo per eum est, quia (ut dicit Priscianus) per, cum verbis transitivis significat sub auctoritatem: sed cum absolutis, auctoritatem, ut pater cum dicitur: Ego sum sapiens per Deum, in Deo notatur auctoritas: cum ergo dicitur quod Spiritus sanctus est à patre per Filium, in Filio notatur auctoritas.

RESP. Dicendum quod aliqui voluerunt dicere quod hæc est impropria: Spiritus sanctus est à Patre per Filium, siue procedit, & debet resolui in hanc: Spiritus sanctus spiratur à Patre per filium: & consentiunt rationi prædictæ. Sed cum ista sit vera: Creatura procedit à Patre per Filium: & hæc similiter exit vel procedit: non video rationem quare similiter illa verba Hilarii non possint proprie dici. Propterea est dicendum, quod quamuis procedere non sit verbum transitivum quantum ad modum significandi, quia non construitur cum accusatiuo, quia ta-

men æqui-

Arist. 1.
Top. 4. 4.

Hil. in fin.
12. lib. de
Trin.

men æquiualeat transitiuo, vt cum dicitur procedit à Patre per Filium, iudicandum est sicut de verbo transitiuo, & ideo dicit subauctoritatem.

ARTICVLVS I.

Supposito ex præcedentibus quod Spiritus sanctus procedat à Patre & Filio. Ad intelligentiã huius partis, quatuor quærentur de processione Spiritus sancti in comparatione ad vtrumque. Primo quæritur vtrum Spiritus sanctus prius procedat à Patre quam à Filio. Secundo, vtrum plenius à Patre quam à Filio. Tertio vtrum procedat à Patre mediante Filio. Quarto & vltimo, vtrum processio Filii prior sit secundum ordinem intelligendi, processione Spiritus sancti, vel econuerso.

QVÆSTIO I.

An Spiritus sanctus à Patre prius, quam à Filio procedat.

Alexander Alempsi 1. p. q. 46. Membr. 3.

Scotus 1. Sent. d. 12. q. 2.

Henricus in summa art. 54. q. 7.

Egid. Rom. 1. Sent. dist. 12. q. 2.

Richardus 1. Sent. dist. 12. q. 1.

Franciscus de Mayr 1. Sent. dist. 12. q. 2.

Marsilius Inguen. 1. Sent. dist. 15. art. 2.

Gabr. Biel. 1. Sent. dist. 12. q. 3. art. 3.

Ad oppos.

Quod prius sit à Patre quam à Filio, sic ostenditur. Causa prima est in qua est status: ergo & principium primum est, in quo est status: sed status est in Patre: ergo Pater est principium primum: sed primum supponit prius: ergo prius procedit à Patre quam à Filio.

2. ITEM causa prima est quæ agit, alia non supposita: ergo si Pater producit nõ per suppositionem alterius principii Filius per suppositionem, prius producit Pater quam Filius.

3. ITEM quod habet aliquis ex se, per prius habet quam quod habet ex alio: sed producere Spiritum sanctum habet Pater à se, & Filius à Patre: ergo per prius habet pater quam Filius.

Fundamenta.

CONTRA: Vbi non est ponere posterius, nec prius, quia prius respectu posterioris dicitur: sed in Trinitate nõ est ponere posterius: ergo nec prius. Si ergo processio Spiritus sancti à Patre, & Filio est æterna, pater, &c.

ITEM Vbi est ponere prius & posterius, est ponere diuersitatem principiorum: sed Pater & Filius producant Spiritum sanctum in quantum vnum, vt supra monstratum est, ergo non est ibi ratio prioris.

ITEM si per prius producit à Patre quam à Filio: aut à Filio non procedit, aut bis procedit: sed procedit à Filio & non procedit bis: ergo, &c.

ITEM contingit intelligere prius, non intellecto posteriore: ergo si per prius procedit à patre: ergo contingit intelligere quod procedit, non cointelleto Filio. SED contra: Spiritus sanctus est amor vnus, & amor ne cens: sed non est accipere mutuum amorem ad minus, quam inter duos: ergo nec Spiritus sanctus est nisi à duobus: ergo nec per prius procedit ab vno quam ab alio.

CONCLUSIO.

Spiritus sanctus procedit prius à patre quam à Filio, auctoritate, non tempore, vel causalitate, vel origine.

Prius quod mo-
dis sum-
tur.

RESP. Ad arg. Dicendum quod prius dicitur multipliciter. Dicitur enim prius duratione, prius causalitate, prius origine, prius auctoritate. Et primis duobus modis prius nullo modo cadit in Deo, quia prius duratione contrarium est æternitati, prius causalitate contrarium est essentiae vnitati. Sed prius origine quo alter ex altero, & prius auctoritate, quo alter accipit ab altero cadit ibi. Sed prius origine cadit respectu producentis & producti, cū alter oritur ex altero: cū vero vnū oritur à duobus

S. Bonau. Tom. 4.

A non cadit ibi prius origine, quia tunc ambo sunt vnum originale principium, tamē cadit ibi prius auctoritate, quia quamuis Pater, & Filius sint vnum in producendo, tamen hoc accipit Filius à Patre. Si ergo quæritur, vtrum per prius procedat Spiritus sanctus à Patre quam à Filio: si intelligatur duratione falsum est, similiter si prius causalitate, sicut probant primæ rationes ad hoc inductæ. Si autem prius auctoritate, vt prius idem sit quod principalis, veritatem habet.

1. AD illud quod primo obiicitur quod Pater est primum principium & causa, dicendum quod illæ rationes habent veritatem vbi est pluralitas causarum, vel principiorum: sed respectu Spiritus sancti nec est pluralitas causarum, nec principiorum.

B 2. 3. AD illud quod obiicitur quod prius habet, quod habet ex se, dicendum quod si intelligatur prius, id est, principalis, verum est: si autem alio modo, falsum, quia vnum & idem potest haberi à pluribus personis, ita quod ab vna per aliam, nec talis est prioritas aliquo trium prædictorum modorum.

QVÆSTIO II.

An Spiritus sanctus à Patre plenius quam à Filio procedat.

S. Thomas 1. p. q. 36. art. 3. ad 2.

Scotus 1. Sent. dist. 12. q. 2.

Egid. Rom. 1. Sent. dist. 12. p. 2. q. 1.

Richardus 1. Sent. d. 12. q. 2.

Steph. Brulef. 1. Sent. dist. 12. q. 2.

Petrus de Tarentais. 1. Sent. dist. 12. q. 1.

Gabr. Biel. 1. Sent. dist. 12. q. 3.

Vtrum plenius procedat à Patre quā à Filio. Et quod sic videtur, quia propter vnum quodq;, & illud magis: ergo cum Filius spirat per Patrem, quia hoc à patre, ergo Pater magis spirat.

2. ITEM omnis causa prima plus influit quam secunda: sed Pater est primum principium spirandi: ergo plus influit quam Filius.

3. ITEM plenius procedit aliquid à quo procedit proprie & principaliter quam à quo nec principaliter, nec proprie: sed Spiritus sanctus procedit à Patre proprie & principaliter, sicut dicitur in littera, & Augustinus dicit: ergo, &c.

4. ITEM plenius procedit aliquid ab eo à quo habet quidquid habet, scilicet substantiam, & proprietatem, quam à quo non habet: sed Spiritus sanctus habet à Patre & quod sit, & quod procedat à Patre, & Filio: à Filio autem non habet quod procedat à Patre, quia tunc Filius daret aliquid Patri: ergo, &c.

5. ITEM videtur quod nec principalius à Patre, quia qui perfecte dat aliquid alicui, dat ei vim & iurisdictionem, siue auctoritatem: si ergo dat Pater Filio posse spirare: ergo dat ei auctoritatem spirandi: ergo æque principaliter procedit à Filio vt à Patre.

CONTRA: Si plenius à Patre, ergo perfectius: ergo à Filio non procedit perfectissime: ergo in Trinitate est aliquid imperfectionis.

E ITEM si plenius à Patre quam à Filio, plus accipit à Patre quam à Filio: sed vbi est ponere plus & minus, ibi est diuersitas: ergo in persona Spiritus sancti est diuersitas.

CONCLUSIO.

Spiritus sanctus non plenius procedit à Patre quam à Filio, neque immediatus.

RESP. ad arg. Dicendum quod Spiritus sanctus dicitur procedere à Patre principaliter & per se. Principaliter, quia auctoritas est in Patre. Per se, quia non tantum mediante Filio: sed etiam immediate. Non tamen plenius procedit à Patre, nec perfectius, quia plenius ponit gradum perfectionis, ponit etiam compositionem sub-

*Et Scot. in-
quirit: nõ est
ordo inter
spirationem
Patris, &
Filii, sed
est ordo spi-
rantium
in spiran-
do, cum &
vni habeat
ib alio
quod spirat.*

*Ad oppos.
dicitur. 1.
Post. com-
tex. 5.
Auctor de
causis.
Proposit. 1.*

Fundamenta.

I 2

stantia

stantiæ in productio: quorum neutrum est in diuinis. Vnde si ponatur hæc, quod illud quod procedit ab aliquo principalius, etiam plenius procedit, aut si non plenius neque principalius, simpliciter est neganda.

1. Ad illud ergo quod obiicitur de causa prima, & propter quod, &c. Dicendum quod sicut dictum est prius, illud solum habet locum ubi pluralitas causarum est: hic autem non est pluralitas nec causarum, nec principiorum: ideo non habet hic locum.

2. Ad illud quod obiicitur quod non habet Spiritus sanctus à Filio quod procedat à Patre, dicendum ad hoc, quod habere à se, vel ab alio, non ponit gradum plenitudinis. Vnde quamuis Filius diuinitatem habeat à patre, tamen est perfectus Deus, ut Pater: & ideo non sequitur, quod plenius à Patre procedat, quia principalius.

Adducit
hæc in con-
tradictione
Sci. in Ref.
ad argu-
menta.

3. 4. Quod obiicitur: Plenius habet quod habet essentia & proprietatem. Responderi potest interimendo minorem: habet enim Spiritus sanctus à Filio proprietatem, licet non habeat secundum omnem respectum: habet enim processionem à Filio: sed non ut à patre.

5. Ad illud quod obiicitur quod Pater dat filio auctoritatem, dicendum quod dando auctoritatem super Spiritum sanctum nihilominus ex ipso habet auctoritatem, quia ex hoc debet filius eam referre ad Patrem, quia habet à Patre, & inde est, quod in filio est auctoritas, & subauctoritas. Vnde etiam principaliter producit filius: sed Pater principalius: quia in eo est tantum auctoritas, non subauctoritas, Principalitas autem auctoritas dicitur in diuinis.

Q V Æ S T I O III.

An Spiritus sanctus mediante Filio à Patre procedat.

Alex. alensis 1. p. q. 46. Membr. 6.

S. Thom. 1. p. q. 36. art. 3. Et 1. Sent. dist. 12. q. 1. art. 3.

Egid. Rom. 1. Sent. dist. 11. p. 2. q. 2.

Rub. 1. Sent. dist. 12. q. 3.

Durandum 1. Sent. dist. 12. q. 3.

Fundamē-
ta.
Hæc in fin.

Vtrum Spiritus sanctus procedat à Patre mediante Filio, & quod sic videtur per Hilariū li. 12. de Trin. qui loquens ad Patrem ait, Spiritus sanctus qui ex te per eum est promerear: ergo Spiritus sanctus est à patre per Filium, ergo mediante Filio.

Rich. 5. de
Trin. 8.

ITEM Richardus dicit quod in diuinis est processio immediata tantum, & mediata & immediata. Mediata tantum esse non potest, & dicit quod mediata & immediata est processio Spiritus sancti ex patre, ergo cum non possit cadere medium nisi Filius, Spiritus sanctus procedit à patre mediante Filio.

ITEM similis est processus in illa Trinitate processui imaginis creatæ: sed amor procedit à mente mediante intelligentia, ergo Spiritus sanctus procedit à Patre mediante Filio. Si dicas quod non est similitudo quantum ad hoc: ergo destruitur ratio imaginis, quia imago debet representare ordinem & originem personarum, non tantum numerum in personis, quia hæc etiam est in vestigio. Item sic solus filius spirat, ita quod non pater, tunc pater diceretur spirare, sed mediante filio, ita quod esset processio mediata tantum: ergo cum spiratio conueniat patri per se, & conueniat ei per hoc quod est principium filii spirantis, ergo conuenit ei & mediate, & immediate: sed si hoc, Spiritus sanctus procedit à Patre mediante Filio.

Ad oppos.

1. CONTRA: Nobilius est immediatum principium, quam mediatum: sed omne nobilius est Deo tribuendum: ergo si pater est nobilissimum principium Spiritus sancti, ergo tantum immediate non mediate, producit ipsum. Si tu dicas quod producit simul mediate & immediate. Contra: Mediatum & immediatum sunt opposita: sed opposita non sunt simul vera de eodem & respectu eiusdem: ergo impossibile est quod simul producat mediate & immediate.

2. ITEM sicut se habet per se ad per accidens, ita mediatum ad immediatum: sed Deus nullius cuius est causa per se, est causa per accidens: ergo nullius cuius est principium immediatum, est principium mediatum.

3. ITEM magis est immediatum quod nullo modo recipit medium, quam quod recipit: sed filius nullum medium recipit in spirando, ergo immediatus producit quam producat pater: non ergo vniuniformiter omnino producant Pater & Filius Spiritum sanctum.

C O N C L U S I O.

Spiritus sanctus procedit à patre immediate, cum ipse etiam spiraret: atque etiam mediate, quia procedit à Filio, qui est à patre.

RESP. Ad arg. Dicendum quod sicut vult Richardus, productio Spiritus sancti est mediata simul & immediata. Mediata in quantum est à filio, & Filius à Patre: sed immediata in quantum ipse Spiritus sanctus ab ipso patre spiratur. Et huius exemplum ponitur in exitu Abel de Adam. Abel immediate exiit de Adam, quia ipse ex lūbis suis genuit eū, nihilominus exiit mediate: quia exiit ab Eva quæ fuit ab Adam siue de Adā deducta. Et hunc modum oportuit esse in Deo propter summam germanitatem. Si enim tantum mediata esset processio Spiritus sancti, ut tantum esset à Filio, non esset summa germanitas Spiritus sancti cum Patre. Similiter si omnino immediata, ut esset à Patre tantum, non esset summa germanitas cum Filio. Et sic concedendum quod mediante Filio.

Ibid. ibi
supra.

1. Ad illud quod obiicitur in contrarium, quod nobilius est immediatum principium, dicendum quod mediatio est tribus modis: quædam enim est mediatio quæ excludit immediationem tantum, ut quando effectus ultimus non continuatur influentiæ causæ prioris: sed per medium omnino producit prior non cooperante, & hæc dicit ordinem, & diuersitatem agentium, & separationem. Alio modo dicitur mediatio prout dicit ordinem causarum adinuicem non separationem in agendo, sed solum diuersitatem virtutum agentium, & ordinem. Tertio modo prout dicit ordinem, non tamen separationem virtutum agentium, nec diuersitatem. Prima mediatio non cadit in Deo: quia Deus est causa simpliciter prima: cuius influentia est tanta quod nulla creatura agit aliquid, eius influentia remota, & ideo nihil exit de Deo mediate tantum. Secunda mediatio cadit in Deo respectu effectus produci à causa creata, quia ibi est ordo causarum & diuersitas virtutum, sed tamen non est separatio, quia Deus intime agit, quia per seipsum agit: & nihilominus per virtutem creatam quæ ab ipso est. Tertia mediatio cadit in operatione diuina in qua sunt agentes personæ, in quibus attenditur ordo, quia vna habet ab alia quod agit: sed tamen nec est ibi virtutum diuersitas, nec separatio, vel distantia aliqua, immo vna virtute & æque intime agunt: & sic Pater mediante Filio producit Spiritum sanctum, non quia sit medium distantie vel differentie, sed quia quod filius producat hoc habet à patre, ita quod est ibi quidam ordo. Et sic patet responsio ad sequens, cum dicit quod mediatum & immediatum sunt opposita, verum est enim primo modo, sed non secundo, nec tertio.

2. Ad illud quod obiicitur, quod Deus nullius est causa per accidens, ergo nec mediate, dicendum quod per accidens aliquid causare derogat veritati causæ supremæ. Illius enim dicitur aliquid causa esse per accidens, cuius est causa per aliquid aliud, quod non est ab ipso sed aliunde: si ergo Deus alicuius esset causa per accidens, non esset causa vniuersalissima & prima: & ita nec nobilissima: sed mediatio non repugnat nobilitati causæ supremæ. Causare enim aliud per se & per id quod ab ipso est, non dicit indignitatem, immo dignitatem, quia dignitas est non tantum per se aliquid posse, sed posse alii communicare: ita tamen quod ille sine eo nihil possit.

3. Ad il-

3. Ad illud quod ultimo obiicitur quod filius est immediatior causa, dicendum quod non valet, quia ista mediatio quæ prædicta est, non repugnat immediationi, & ideo non diminuit eam.

QVÆSTIO IV.

An Generatio Filij sit prior spiratione Spiritus sancti secundum rationem intelligendi.

Alex. Alensis 1. p. q. 46. Membro 7.
S. Thom. 1. Sent. dist. 12. q. 1. Art. 1.
Ægid. Rom. 1. Sent. dist. 12. q. 1.
Henricus in summa art. 54. q. 5.
Richard. 1. Sent. dist. 12. q. 4.
Thom. Arg. 1. Sent. dist. 12. q. 1. Art. 1.

Fundamē.
12.

Aug. 10. de
Trin. c. 1. 10
3.

Aristot. de
motibus
animal.

QUæ istarum duarum emanationum scilicet generationis & processionis sit prior secundum rationem intelligendi. Et quod generatio filii, ostenditur sic: In imagine creata sic est, quod secundum ordinem intelligendi prior est emanatio notitiæ a mente quam amoris, sicut vult Augustinus, quia incognita non possumus diligere, sicut dicit Augustinus: ergo si ordo attenditur in imagine secundum conformitatem ad Trinitatem increatam: ergo secundum rationem intelligendi prior est processus verbi quam amoris in diuinis, maxime cum per imaginem creatam intelligamus Trinitatem increatam.

ITEM sicut vult Philosophus, voluntas est cuius principium est in ipso cognoscente singularia, ergo voluntas ut voluntas præsupponit cognitionem: ergo emanationem verbi emanatio amoris.

ITEM omne principium secundum rationem intelligendi prius est quam principium: sed Filius est principium Spiritus sancti: ergo secundum rationem intelligendi oportet præintelligere filium, quam Spiritum sanctum: ergo & generationem, quæ est emanatio filii prius quam processionem, quæ est Spiritus sancti.

ITEM in omni agente per modum naturæ, & voluntatis, productio per modum naturæ intelligitur ante productionem voluntatis: ergo cum Pater sit natura intellectualis producens Filium connaturalem, & per modum naturæ, & Spiritum sanctum per modum voluntatis, ut supra tactum est: ergo emanatio Filii prior est secundum rationem intelligendi, emanatione Spiritus sancti.

Ad opposi-
tum.
Aug. 9. de
Trin. c. 12.
10. 3.

Arist. de
sensu &
sens.

Aug. lib. 11
de Trin. c.
8. ad fi. 10. 3.

Aristot. 1.
Post. con-
tex. 13.

1. **C**ONTRA: per Augustinum: Partum mentis præcedit appetitus quidam, quo id quod nosse volumus querendo & inueniendo nascitur proles ipsa notitia: ergo ante est in imagine creata appetitus, quam sit proles notitia: ergo ante amor, quam verbum: ergo & processio ante generationem.

2. **I**TEM nullus videns rem cognoscit ipsam, nisi intentio voluntatis applicet vim cognoscetorem ipsi cognoscibili, ut patet de homine eunte per viam, qui cum iuit, & alibi cogitavit, perfecte nescit quo transierit, sicut dicit August. in 11. de Trin. Ergo voluntas præcedit ipsam cognitionem: ergo amor verbum in creaturis: ergo pari ratione in Deo, saltem secundum intellectum.

3. **I**TEM sicut vult Philosophus, primum & immediatum est idem. Vnde ipse in lib. Posteriorum diffiniens propositionem immediatam, dicit quod immediata propositio est illa, qua non est altera prior: sed æque immediate Spiritus sanctus procedit a Patre, ut filius, ergo æque primo, ergo nec secundum rem, nec secundum rationem intelligendi generatio filii præcedit processionem Spiritus sancti.

4. **I**TEM quanto aliquid communius, tanto prius est secundum rationem intelligendi: sed spiratio est communior quam generatio, quia conuenit patri & filio, sed generatio soli patri: ergo prior est secundum rationem intelligendi spiratio quam generatio.

* *

A

C O N C L U S I O.

Generatio Filij secundum rationem intelligendi, est prior spiratione, cum Filius sit principium Spiritus sancti, & procedat per modum naturæ.

B

RESP. ad arg. Dicendum quod quidquid sit de ordine reali, de quo infra dicitur, secundum rationem intelligendi prior est emanatio verbi: tum quia verbum est Spiritus sancti principium, tum etiam quia verbum procedit per modum naturæ: sed Spiritus sanctus per modum liberalis voluntatis: tum etiam quia intelligimus emanationes in personis per emanationes repertas in imagine. In imagine autem constat quod cognitio & intelligentia præcedit amorem & voluntatem, non tamen volo dicere quod in diuinis sit emanatio, natura, posterior emanatione, sicut reperimus in imagine creata.

1. **A**d illud ergo quod obiicitur in contrarium quod appetitus præcedit partum mentis, dicendum quod ille appetitus habet secundum statum duplicem considerari. Vno modo secundum rationem inhiantis ante habitam cognitionem. Alio modo secundum rationem completentis, & hoc est post habitam cognitionem, & secundum primum statum est imperfectionis, quantum vero ad secundum, est perfectionis: & ideo quia quod perfectionis est in Deo ponimus, non quod est imperfectionis, ideo appetitus secundo modo assimilatur Spiritui sancto, & hic tenet rationem tertii. Et quod primus sit imperfectionis: patet, quia est ignorantis, & desiderantis scientiam acquirere, quod non conuenit Deo.

C

2. **A**d illud quod obiicitur quod intentio præexigitur ad cognitionem, dicendum quod verum est ad cognitionem acquirendam, sed notitia prout est in acquirendo, non habet plenitudinem cum illo verbo, ut vult Aug. in 15. de Trinitate.

3. **A**d illud quod obiicitur quod æque immediate procedit Spiritus sanctus, dicendum quod verum est, sed tamen Spiritus sanctus ita procedit immediate, quod etiam mediante filio, & ita ex illa ratione oportet præintelligi emanationem filii.

4. **A**d illud quod obiicitur quod quanto aliquid communius, tanto prius, dicendum quod verum est in absolutis: sed non tenet in respectiuis, ut in generatione, & creatione. Potest tamen dici quod istud intelligitur de eo quod est commune communitate prædicationis: sed communis spiratio est communis communitate non tantum prædicationis, quia dicitur de Patre & Filio, sed etiam communitate cuiusdam concordie, & connexionis, & tale commune secundum rationem concordie & amicitie præsupponit concordantes, & connexos non præit, & sic patet illud.

Lib. 15. de
Trin. c. 13.
10. 3.

D

**QVARE SPIRITVS SANCTVS CVM SIT DE SVB-
STANTIA PATRIS, NON DICA-
TUR GENITVS VEL FILIVS, SED TAN-
TVM PROCEDENS: CVR VERO FILIVS
natus tantum, non autem procedens: quæ sit di-
stinctio inter Generationem Filii & Procef-
sionem Spiritus sancti, & an Spiritus
sanctus dicatur Ingenitus.**

DISTINCTIO XIII.

POST hac considerandum est, quantum a talibus quales nos sumus intelligi potest, cum Spiritus sanctus procedat de Patre, & sit de substantia Patris: Cur non dicatur esse natus, sed potius procedere: Et cur non dicatur filius. Quare autem Spiritus sanctus non dicatur vel sit natus, & ideo non sit Filius. Augustinus ostendit in 15. lib. de Trinitate.

Ca. 27. 10. 3

ibid. in fin.

dicens: Si Spiritus sanctus Filius diceretur, amborum utriusque Filius diceretur, quod absurdissimum est. Filius quippe nullus est duorum, nisi patris, & matris. Absit autem ut inter Deum patrem, & Deum filium tale aliquid suspicemur. Absurdissime ergo Filius diceretur amborum, id est patris & filij. Amborum enim Filius diceretur, si cum ambo & genuissent, quod abhorreret omnium sanorum sensus. Non ergo ab utroque est genitus, sed procedit ab utroque amborum Spiritus. His verbis ostenditur, cur Spiritus sanctus, cum sit de Patre, non tamen dicatur genitus, vel Filius.

Cum Spiritus sanctus non dicatur genitus, cur Filius dicatur procedere.

Ioan. 16. d

Cum autem Spiritus sanctus non dicatur genitus, sed tantum procedens, quæri solet cur Filius non dicatur tantum genitus, sed & procedens, sicut ipse in Euangelio Ioannis ait: Ego ex Deo processi, & exivi, & veni in mundum. Non ergo tantum Spiritus sanctus procedit à Patre: sed etiam Filius. Ad quod dicimus quod cum uterque procedat à Patre, dissimiliter tamen. Nam Spiritus sanctus, ut ait August. in 15. lib. de Trin. procedit à Patre, non quo modo natus, sed quo modo datus, vel donum. Filius autem processit nascendo, exiit ut genitus. * Ac per hoc illud elucescit, ut potest, scilicet cur Spiritus sanctus etiam non sit Filius, cum & ipse à Patre exeat. † Ideo Spiritus non dicitur Filius: quia neque natus est sicut unigenitus, neque factus, ut per Dei gratiam in adoptionem nasceretur, sicut nos.

Ca. 14. 30. 3.

* Corollarium respondens prima quaestioni.
† ibid. immediate.

Quod non potest distinguere à nobis inter generationem Filij, & processionem Spiritus sancti.

Aug. lib. 3. contra Maxim. c. 14. 10. 3.

† Resp. August.

Ioan. 15. d

Ioan. 20. f

Inter generationem vero Filij, & processionem Spiritus sancti, dum hic vivimus, distinguere non sufficimus. Vnde Augustinus Maximino præmissam quaestionem refutans, scilicet quærenti cur Spiritus sanctus non diceretur Filius, cum de patris esset substantia: respondens sic ait: Quæris à me si de substantia patris est Filius, de substantia patris est etiam Spiritus sanctus: cur unus Filius sit, & alius non sit Filius. † Ecce respondeo siue capias, siue non capias. De Patre est Filius, de Patre est Spiritus sanctus: sed ille genitus est, iste procedens. Ideo ille Filius est patris, de quo est genitus: iste autem Spiritus est utriusque, quoniam de utroque procedit: Sed ideo cum de illo loqueretur ait: De Patre procedit, quoniam Pater processionis eius auctor est, qui talem filium genuit, & gignendo ei dedit, ut etiam de ipso, procederet Spiritus sanctus. Nam nisi procederet etiam de ipso, non diceret discipulis: Accipite Spiritum sanctum: cumque insufflando daret, ut à se quoque procedere significans, aperte ostenderet flando, quod spirando dabat occulte. Quia ergo si nasceretur, non tantum de Patre, nec tantum de Filio, sed de ambobus utique nasceretur, sine dubio Filius diceretur amborum. Ac per hoc, quia Filius amborum nullo modo esset: non oportuit nasci eum de ambobus. Amborum est ergo Spiritus sanctus, procedendo de ambobus.

Hic dicitur quod non valet inter illa duo distinguere.

Ex eodem Aug. ad merius Maxim. lib. 2. ca. 11. 14.

Quid autem inter nasci, & procedere intersit, de illa excellentissima natura loquens explicare quis potest? Non omne quod procedit, nascitur, quamvis omne procedat quod nascitur. Sicut non omne quod bipes est, homo est: quamvis bipes sit omnis qui homo est: Hoc scio: distinguere autem inter illam generationem, & hanc processionem nescio, non valco, non sufficio. Ac per hoc quia & illa, &

A ista est ineffabilis, sicut Propheta de filio loquens ait: Generationem eius quis enarrabit? ita de Spiritu sancto verissime dicitur: Processionem eius quis enarrabit? Satis sit ergo nobis, quia non est à seipso Filius, sed ab illo de quo natus est: non est à seipso Spiritus sanctus, sed ab illo de quo procedit. Et quia de utroque procedit, sicut iam ostendimus: De Spiritu sancto quo modo ipse de Deo sit, nec tamen ipse Filius sit, quoniam procedendo non nascendo legitur esse de Deo, iam superius, quantum visum est disputavimus.

14. 53. c

An Spiritus sanctus debeat dici Ingenitus.

B Nunc considerandum est, cum Spiritus sanctus non sit genitus, utrum debeat dici ingenitus. Ad quod dicimus, Spiritum sanctum nec genitum, nec ingenitum debere dici. Vnde Augustinus ad Orosium ait: Spiritum sanctum nec genitum, nec ingenitum fides certa declarat, quia si dixerimus ingenitum, duos patres videbimur affirmare: si autem genitum, duos credere filios culpamur. Sicut enim solus Filius dicitur genitus, ita & solus pater dicitur ingenitus, eo quod ab alio non sit. Vnde Augustinus in 15. lib. de Trin. Pater, inquit, solus non est de alio. Ideo solus appellatur ingenitus, non quidem in Scripturis, sed in consuetudine disputantium, & de re tanta sermonem qualem valuerint proferentium. Filius autem de Patre natus est: & Spiritus sanctus de patre principaliter, & communiter de utroque procedit. Ideoque, cum Spiritum sanctum genitum non dicamus, dicere tamen ingenitum non audemus, ne in hoc vocabulo vel duos Patres in illa Trinitate, vel duos, qui non sunt de alio quispiam suspicetur. Ecce his verbis aperte ostendit, Spiritum sanctum nec genitum, nec ingenitum debere dici.

in dialog. 9. 2. 30. 4.

Cap. 26. 10. 3.

ibidem.

Quod Hieronymus dicit Spiritum sanctum Ingenitum: & videtur prædictis aduersari.

Hieronymus tamē in regulis definitionum contra hereticos, dicit Spiritum sanctum ingenitum esse, his verbis: Spiritus sanctus pater non est, sed ingenitus, atque infectus. Pater non est, quia patris est, & in patre est: processionem habet ex patre, & non natiuitatem. Filius autem non est, quia genitus non est. Ecce ijs verbis dicitur Spiritus sanctus esse ingenitus: quod videtur aduersari præmissis verbis Augustini.

Apparens obligatio contra respons.

Determinatio, secundum diuersas acceptiones, Ingeniti.

Sed ut istam (quæ videtur) repugnantiam de medio abigamus, dicimus quod Hieronymus aliter accepit nomen ingeniti, & aliter Augustinus: Accepit enim Augustinus ingenitum, qui, vel quod de alio non est, & secundum hoc de solo patre dicitur. Hieronymus vero ingenitum dicit, non genitum, & secundum hoc de Spiritu sancto potest dici, cum Spiritus sanctus non sit genitus.

Ex verbis Hieronymi ostenditur, ex quo sensu dixit, Spiritum sanctum ingenitum.

Quod autem Hieronymus ita acceperit, ostenditur ex verbis eius, quibus in eodem tractatu utitur, faciens talem diuisionem: Omne quod est, aut ingenitum est, aut genitum, aut factum. Est ergo quod nec natum est, nec factum: & est quod natum est, & factum non est: & est quod nec natum est, nec factum est: & est quod factum est, & natum non est: & est quod factum est, & natum est, & renatum est: & est quod factum est, & natum est, & renatum non est. Nunc præpositorum singulis rebus subsiste-

Aug. 5. de Trin. c. 7. 10. 3.

tiam de

riam destinemus. Quod ergo nec natum, nec factum est pater est: non enim ab alio aliquo est. Quod autem natum est, & factum non est, filius est qui à patre genitus est, non factus. Quod iterum nec factum, nec natum est, Spiritus sanctus est, qui à patre procedit, Quod etiam factum est & natum non est, cælum & terra, ceteraq; quæ insensibilia sunt. Quod autem factum, & natum, & renatum est homo est. Quod vero factum est, & natum est, & renatum non est, animalia sunt. Ecce his verbis ostendit Hieronymus se ingentum accipere non genitum. Aliter enim non esset præmissa diuisio vera, scilicet omne quod est, aut ingentum est, aut genitum, aut factum. Atque in diuisionis huius prosecutione: in assignatione ingentis, ubique ponit non natum.

DISTINCTIO XIII.

De æterna processione Spiritus sancti quantum ad generationem à qua distinguitur.

Post hac considerandum: &c.

Expositio textus.

Supra egit Magister de processione per comparisonem ad illum ad quem, & à quo est. Hic tertio loco agit de ipsa secundum comparisonem, & generationem, à qua differt. Et hæc pars habet duas partes. In prima Magister quærit, & determinat utrum Spiritus sanctus debeat dici genitus. In secunda utrum debeat dici ingentus, ibi: Nunc considerandum est, cum Spiritus sanctus non sit genitus. Item, prima pars habet quatuor. In prima ostendit, quod Spiritus sanctus non debeat dici natus, vel genitus, vel Filius. In secunda ostendit quod cum Spiritus sanctus non dicatur genitus, cur Filius qui dicitur genitus, etiam dicitur procedere. ibi: Cum autem Spiritus sanctus non dicatur genitus, & ratio est, quod aliter dicitur Filius procedere, quam Spiritus sanctus. In tertia vero tentat assignare differentiam inter generationem, & processionem, ibi: Inter generationem vero Filij, & processionem, &c. In quarta vero, & ultima ostendit humanam insufficienciam ad illam differentiam indagandam, ibi: Quid autem inter nasci, & procedere intersit. Similiter secunda pars in qua Magister quærit, & determinat, utrum Spiritus sanctus debeat dici ingentus: habet quatuor partes. In prima ostendit Magister, & probat auctoritate Augustini quod Spiritus sanctus non debet dici ingentus. In secunda vero ostendit contrarium auctoritate Hieronymi quod debet dici ingentus, & ponitur, ibi: Hieronymus tamen in regulis definitionum, &c. In tertia vero prædictam controuersiam determinat per distinctionem, ibi: Sed ut istam, qua videtur, repugnantiam. In quarta, auctoritate Hieronymi confirmat suam solutionem, ibi: Quod autem Hieronymus, ita accepit, &c.

Si Spiritus sanctus Filius diceretur, amborum utique Filius diceretur. Dub. I.

Videtur ista ratio Augustini magis ad oppositum, quam ad propositum: ex hoc enim similior esset generationi in creaturis, quæ est ex duobus.

RESP. Dicendum quod quamuis similior sit quantum ad dualitatem producentium, non tamen quantum ad modum producendi posset esse similitudo, quia sic oportet quod altera personarum esset principium passiuum: quantum autem ad hoc non potest esse similitudo.

Nam spiritus sanctus, &c. Dub. II.

Videtur male dicere, quia cum non sit datus nisi ex tempore, videtur quod non procedat nisi ex tempore.

RESP. Sicut infra patebit, si intelligitur de processione temporali, datus dicitur actum. Si autem de æterna, datus dicitur aptitudinem.

Dub. III.

ITEM quæritur de hoc, unde Augustinus responderet Maximo præmissam quæstionem refricanti sic: Spiritus sanctus est Deus, & non est Deus nascendo: ergo non Deus naturaliter: ergo adoptiue: & quod hoc argumentum sit bonum, videtur, quia quod inest alicui naturaliter, inest ei à natiuitate: ergo quod non inest à natiuitate, non inest naturaliter: ergo cum Spiritus sanctus non procedat ut natus, non inest ei esse Deum à natiuitate: ergo non est Deus naturaliter.

RESP. Dicendum ad hoc secundum Augustinum, quod argumentum istud non valet, nisi in eis quæ generantur, in aliis non. Et hoc patet, quia Adam erat homo natura, sicut vnusquisq; nostrum, & tamen ipse habuit per creationem, quod nos habemus per generationem: sic Deus pater communicat naturam suam Spiritui sancto per spirationem, sicut Filio per generationem.

Pater, processionis eius, &c.

Dub. IV.

Videtur male dicere, quia aut hoc quod est auctor dicitur essentiam, aut notionem: non essentiam, quia tunc diceretur de Spiritu sancto: si notionem, quæro quam: non innascibilitatem, quia illa non dicitur respectum ad processionem: item non generationem, nec spirationem, quia nihil esset dictum ut videretur. ITEM quæritur utrum pater posset dici auctor generationis Et quod nō, videtur, quia pater dicitur auctor filii, & sicut supra dixit Hilarius, sensus est, id est, genitor filii, ergo tunc idem esset dicere est auctor generationis, quod genitor.

RESP. Dicendum quod auctor dicitur in patre fontalem plenitudinem, quia ipse non est ab alio, sed alii ab ipso, & inde dicitur (ut credo) eandem notionem, quam dicitur innascibilis, sed differenti modo. Quia innascibilis dicitur priuationem prioris: sed auctor dicitur secunditatem, & plenitudinem respectu procedentium ab ipso, quam habet nō aliunde, & ideo dicitur auctor ab auctoritate. Auctoritas autem est in patre: quia quod habet, ab alio non habet, & hoc est, quod est innascibilis, & ita patet quod potest dici auctor omnium personarum quæ sunt ab ipso. Ex his patet responsio. Dico enim quod dicit eandem notionem quam innascibilitas: sed alio modo. Ex hoc patet, quod nunquam dicitur filius auctor spirationis, quamuis spiret: quia non habet à se, sed ab alio: unde auctor proprie dicitur principium alterius non ab alio.

Distinguere inter illam generationem, & istam processionem nescio. Dub. V.

Videtur talis ignorantia esse peccatum, quia distinctio personarum de necessitate est fidei, & salutis: sed qui ignorat ea quæ sunt de necessitate fidei, damnabiliter ignorat: ergo, &c.

RESP. Dicendum quod duplex est scire, scilicet si est, & sicuti est. Scire si est, hoc modo certitudinaliter credere distinctionem de necessitate salutis est large sumptum scire. Scire autem sicuti est non pertinet ad statum meriti, sed præmiij, & de hac scientia loquitur hic Magister, & Augustinus. Et nota quod tria dicit: Nescio, quantum ad habitum scientiæ: non valeo, quantum ad ingenium: non sufficere, quantum ad utrumque.

Dub. VI.

Ideo obiicitur de hoc quod dicitur appellatur ingentus, non quidem in scripturis, sed in consuetudine disputantium.

CONTRA per Dionysium: Non est audendum aliquid dicere de illa supersubstantiali, & sancta Trinitate præter ea quæ diuinitus nobis ex sacris eloquiis claruerunt: ergo male fecerunt qui nomen hoc inuenerunt.

RESP. Quamuis istud verbum non dicatur in scripturis, dicitur tamen verbi huius intellectus: & quia verbum non est profanum, nec errori coniunctum, cum intellectus verbi ex scriptura ex fide habeatur, non fuit contra fas illud

Aug. lib. 3.
contra Max.
c. 14. tom. 3.

Aug. ibid.

Dist. 9.

Dion. c. 1.
de diu.
nom.

Deo attribuire, ut ipsam Trinitatem conferendo apertius possimus intelligere.

Et aliter Augustinus. Dub. VII.

Hoc non videtur verum, quia hoc modo ingenuum conuenit essentia: ergo non est patris proprium.

RESP. Dicendum quod licet Magister dicat intellectum Augustini, tamen non totum. Ingenium enim secundum quod dicitur proprietas patris priuat esse ab alio, nec hoc sufficit ad hoc ut sit notio, nisi etiam consequenter dicat quod alius sit ab ipso: quia sicut obiectum est: non esse ab alio siue non generari, conuenit essentia.

Et est quod natum est, & factum non est.

Dub. VIII.

Obiicit Arrius quod duodecim sint modi generationis, quorum quolibet dato, sequitur, quod filius non tantum natus, sed etiam factus est, & hos modos ponit disputans contra Victorianum. Primus modus est per de fluxum linea à puncto. Secundus est penes emissionem radii à sole, vel ab alio luminoso corpore. Tertius est penes sigillatione characteris, sicut figura fit in cera à sigillo. Quartus est penes immisionem, ut quando à Deo datur bona voluntas. Quintus est penes exitum proprietatis, vel accidentis à principiis subiecti: quæ sunt materia & forma. Sextus est penes intentionis siue speciei abstractionem, sicut species rerum generatur in anima. Septimus est penes excitationem, sicut liberum arbitrium excitatum à gratia procedit in bona opera. Octauus est penes transfigurationem, sicut ex ære fit statua, vel sicut in figura incisionis. Nonus est penes productionem, sicut à primo mouente immobili producit motus. Decimus est penes exitum specierum in genere per differentias diuidentes genus & constituentes speciem. Undecimus est penes ideationem, sicut arca exterior, ab arca quæ est in mente artificis. Duodecimus est penes nascentiam, ut homo generatur ab homine. Quocunque autem prædictorum modorum generetur filius, non tantum genitus est, sed etiam factus est.

Ad hoc est responsio, quia aut Arrius accipit generationem communiter ad creatam & diuinam, aut specialiter in creatura. Si communiter, tunc dico quod insufficienter diuidit, quia ultra istos modos est generatio filii à patre secundum modum singularem, qui est de tota substantia generantis, sicut supra dictum fuit 9. distinctione, ubi, quia non potest esse mutatio, nullo modo potest esse factio. Si autem diuidat generationem ut est in creaturis, dicendum quod diuisio illa insufficientis est adhuc, quia omittit generationem æquiocam, quæ est secundum putrefactionem. Sed esto quod comprehendat eam sub generatione quæ est secundum nascentiam, tamen adhuc non valet ad propositum, quod si non generatur, sicut creatura dicitur generari, nullo modo generatur: quamuis enim creatura sit Deo similis, tamen plus est dissimilis quàm similis, sicut dicit Augustinus in 15. de Trinit. & Hilarius. Similiter cum omnis comparatio inferiorum plus habeatur hominibus utilis quam Deo apta: & ideo hæretici errauerunt qui credebant omnino esse in Deo, sicut videbant in creatura, & hoc bene tangitur in Gloss. super primum ad Hebræos, ubi dicitur: Non possunt temporalia comparari æternis integra collatione, sed aliqua tenui similitudine, & ideo sicut supra ostensum est, secundum diuersas condiciones, diuersæ generationes illam repræsentant. Ratione enim conformitatis est similis generationi verbi à mente. Ratione coæuitatis, similis generationi splendoris à sole, siue de luce. Ratione æqualitatis, generationi viuientis de viuente.

ARTICVLVS I.

AD intelligentiam eorum quæ dicuntur in litera, quatuor quaeruntur. Primo quaeritur utrum in diuinis sit ponere processionem. Secundo utrum processio Spiritus sancti sit generatio. Tertio utrum processio Spiritus san-

cti realiter differat à generatione. Quarto utrum Spiritus sanctus debeat dici ingenuus aut non.

QUESTIO I.

An in diuinis sit ponere processionem.

Alex. Alensis 1. p. q. 42. Membr. 1.

S. Thom. 1. p. q. 27. art. 1.

Et 1. Sent. dist. 13. art. 1.

Et de Pot. q. 10. art. 1.

Secus 1. Sent. dist. 2. q. 7.

Ægid. Rom. 1. Sent. dist. 13. q. 1.

Rich. 1. Sent. dist. 13. q. 1.

Petrus de Tarantasia 1. Sent. dist. 13. q. 1.

QUOD processio sit ponenda in diuinis, ostenditur primo auctoritate Ioannis per quem dicit Saluator: Mittam vobis Spiritum veritatis qui à Patre procedit. Si ergo Veritas non dicit nisi Verum, & verba Dei non loquitur nisi proprie vera: ergo proprie est processio in diuinis.

ITEM in diuinis verissime est origo, ergo & productio, sed omni productioni actiue respondet productio passiua: sed productio passiua est processio: ergo à primo ad ultimum in diuinis vere & proprie est processio.

ITEM amor noster & est amor, & ab alio, & exitus eius ab alio vere & proprie exprimitur in verbo procedendi: cum ergo amor diuinus qui est Spiritus sanctus vere & proprie amor sit, & ab alio: sicut nomen amoris ei competit propriissime, ita videtur ei conuenire & processio.

ITEM ad completam rationem processionis ista duo requiruntur, quod sit ab alio, & in aliud tendat: sed amor qui est Spiritus sanctus non procedit à Patre in quantum amat se, nec à Filio in quantum amat se: sed in quantum vnus amat alterum, quia nexus est: ergo Spiritus sanctus est amor quo amans tendit in alium, & ista duo complectuntur rationem processionis perfectæ: ergo processio est in diuinis.

1. CONTRA: Processio de ratione sui nominis dicit elongationem, & recessionem. Vnde processio quasi proculcessio, sicut præcessio dicit antecessio. Sed sicut in diuinis non est antecessio propter summam simultatem, ita non est elongatio propter summam vnitatem: ergo sicut in diuinis non ponitur nomen præcessionis, ita non debet poni nomen processionis.

2. ITEM in creaturis processio de ratione sui generis dicit motum, & ita indigentiam, & imperfectionem: sed nullum tale nomen debet transferri ad Deum: ergo nec processio.

3. ITEM creatio dicit speciale differentiam processionis, & differentiam additamentum nobilitat: quia dicit egressum rei à Creatore qui est causa nobilissima: sed creatio passiua nullo modo reperitur in diuinis, nulla enim persona dicitur creari: ergo pari ratione nec processio.

4. ITEM processio in creaturis non dicitur nisi dupliciter, videlicet localis, & causalis. Localis quæ est in motu progressiuo. Causalis quæ est effectus à causa: sed localis non potest transferri ad diuinam, quia nulla mutatio secundum locum, nec in generali, nec in speciali, cadit in Deo: & præterea cum talis sit ab vno in alium, oporteret ponere, quod Spiritus sanctus æternaliter non procederet à Patre & Filio: non ergo inuenitur processio localis: sed hæc nobilior est quàm causalis, quia ista est entis completi, & à principio intrinseco: ergo per locum à maiori, nec causalis inuenitur in Deo, & ita nullus modus processionis reperitur.

CONCLUSIO.

Processio in diuinis ponenda est, cum sit ibi respectus principij à quo, & respectus termini ad quem: quamquam elongatio non adsit, quæ ex accidenti processionis contingit.

RESP. Ad arg. Dicendum quod processio in creaturis dicitur

dicit respectum ad principium à quo, vt radius dicitur procedere à sole, sicut flos ab arbore, & quod dicit motum, hoc accidit ei. Et similiter ratione nominis dicit respectum ad terminum ad quem, & quod dicit elongationem, hoc accidit ei. Quoniam ergo in diuinis vterque respectus reperitur: nam persona procedens respectum habet ad principium à quo, vt amor procedens ab amate respectum habet ad amatum, amor scilicet ille qui est nexus & charitas: ideo vere, & proprie, & perfecte ratio processionis inuenitur in diuinis, vnde concedendæ sunt rationes ad hoc adductæ.

1. Ad illud ergo quod obiicitur in contrarium quod processio dicit elongationem, dicendum quod hoc verum est in creaturis, in quibus per appropriationem ad terminum ad quem fit elongatio à termino à quo, propter sui finitatem, & circumscriptionem, & distantiam, & sic non est in Deo.

2. Ad illud quod obiicitur quod processio dicit motum in creaturis, dicendum quod non trāsferitur ratione motus, sed ratione duplicis respectus, qui quamuis non posset esse in creaturis sine motu propter imperfectionē, nihilominus est in Creatore.

3. Ad illud quod obiicitur de creatione, dicendum quod creatio de principali impositione dicit exitum de nihilo, & ideo nullo modo significatum eius potest in Deo saluari, nec proprie, nec transumptiue: non sic autē est de generatione & processione.

4. Ad illud quod obiicitur quod nec causalis, nec localis, dicendum quod immo ad modum causalis. Et causalis vno modo conuenientiam habet cum locali. Nam causalis processio vno modo terminatur in procedente, ita quod nihil vltra respicit, vt cum dicitur, filius procedit à patre. Alio modo prout effectus respicit aliquem vt terminum, & sic procedit amor ab amante in amatum. Et aliquo modo conuenit cum processione locali, quia respicit terminum ad quem, aliquo modo differt, quia non respicit tanquam in illo recipiatur, sed tanquam obiectum: & quoniam respectus, & emanatio vere reperiuntur in diuinis, hinc est quod illa emanatio dicitur ad similitudinem emanationis causalis: sed similitudo localis processionis ibi non cadit, nisi longinque, & ideo Greci decepti sunt. Et ad illud quod processio localis est perfectior, dicendum quod processio localis semper habet imperfectionem coniunctam ratione nominis, non sic originalis: & verum est, quod perfectior est inter motus, sed processio in diuinis non dicit motum, sed originem sine motu, & mutatione, sicut supra dictum est de generatione.

QVÆSTIO II.

An processio idem sit quod generatio.

Alex. Alexist. 1. p. q. 43. Membr. 2.

S. Tho. 1. p. q. 27. art. 4.

Scotus 1. Sent. dist. 13. q. 1.

Richardus 1. Sent. dist. 13. q. 3.

Durandus 1. Sent. dist. 13. q. 2.

Io. Bacon. 1. Sent. dist. 13. q. 1.

Oreg. Arim. 1. Sent. dist. 13. q. 2.

Petrus de Tarentas. 1. Sent. dist. 13. q. 4.

Gabriel Biel. 1. Sent. dist. 13. q. 1. art. 2.

Verum processio Spiritus sancti sit generatio. Et quod non, videtur per August. in 15. de Trinit. Sicut Filio præstat essentiam sine vlllo initio temporis & sine vlla mutatione generatio, sic Spiritui sancto processio: ergo si non est idem quod præstat essentiam duabus personis, &c.

Item hoc ipsum videtur ratione, quia generatio est emanatio secundum modum secunditatis naturæ: sed sicut supra probatum est, Spiritus sanctus procedit per modum liberalitatis & amoris: ergo non generatur: ergo generatio non est processio.

Item nihil vnum exit à duobus similibus per viam generationis, nisi alter sit vt pater, alter vt mater: alter vt principium actiuum, alter vt principium passiuum: sed

Spiritus sanctus procedit à duobus similibus: ergo si per viam generationis, alter est ei vt pater, alter vt mater, quod omnino absurdum est.

Item filius est sua generatio, & Spiritus sanctus est sua processio: ergo si procedere esset generari, Spiritus sanctus esset Filius: sed Spiritus sanctus procedit à Filio. & dicitur Spiritus Filii, sicut Filius dicitur Patris: ergo si Filius non est Pater, nec Spiritus sanctus est Filius: ergo nec processio est generatio.

1. CONTRA: In his inferioribus generatio est motus ad substantiam. Vnde generatio est substantiæ productio: sed processio Spiritus sancti est substantiæ secundum hypostasim productio: ergo est generatio.

2. Item generare sic diffinitur à Damasceno: Generare est sibi similem in substantia producere: sed spiratione vel processione producitur spiritus similis in natura: ergo & processio est generatio.

3. Item actiones & mutationes denominantur à termino: ergo quæcunque conueniunt in eo quod habetur per emanationem, conueniunt in modo emanandi: sed Filius, & Spiritus sanctus conueniunt in substantia quam habent per emanationem: ergo conueniunt in emanatione: ergo si modus emanandi Filii est generatio, & Spiritus sancti similiter.

4. Item productio est superius ad generationem: sed quæcunque producuntur, procedunt: ergo processio est superius ad generationem: ergo generatio est processio: ergo pari ratione processio est generatio. Si dicas quod processio appropriatur Spiritui sancto, quæro rationem, & videtur quod magis debeat appropriari Filio, quia si ratio procedendi secundum rationē intelligēdi per prius est in Filio: ergo processio magis debet ei appropriari.

5. Item si generans est spirans: ergo genitus est spiratus, & econuerso: sed spiratio passiuæ est processio: ergo, &c.

CONCLUSIO.

Quemadmodum Spiritus sanctus non est Filius, sic Spiritus sancti processio non est generatio.

RESP. ad arg. Dicendum quod sicut Spiritus sanctus non est filius, ita nec processio Spiritus sancti est generatio.

1. 2. Ad illud ergo quod obiicitur in contrarium quod generatio est productio substantiæ, dicendum quod est producere substantiam secundum voluntatem, & est producere substantiam similem præter naturam, & est producere substantiam similem per modum naturæ. Isti tres modi distinguuntur, & diuersi, & separabiles sunt quantum est de se: quod patet, quia in productione Adam fuit substantiæ productio, & tamen non fuit generatio. Deus enim non genuit Adam, sed creauit. In productione Euz de Adam fuit similis substantiæ productio: non tamen generatio, quia Adam non genuit Euam. Sed in productione Abel fuit substantiæ productio secundum viam naturæ, & ideo fuit ibi generatio secundum rem: ergo isti tres modi distinguuntur in Deo. Tamen in actione creaturæ non distinguuntur: quia creatura non potest substantiam producere nisi similem, & hoc per virtutem naturalem. Et ratio huius est imperfectio potentia, & limitatio in creatura, sed in Deo est summa potentia, & ideo in eius operatione isti tres modi habent distinctionem. Ideo quamuis in istis inferioribus gratia materiæ sit completa ratio generationis, productio substantiæ similis, vel productio substantiæ, non tamen in diuinis, immo oportet addi per modum secunditatis naturæ. Et quia ista conditio defecit in productione Spiritus sancti, patet quod non sequitur.

3. Ad illud quod obiicitur, quod similem habet vterque emanationem, dicendum quod differt emanatio in his inferioribus, & in Deo, quia in his inferioribus terminatur ad essentia vel substantia, quæ multiplicatur: sed in diuinis terminatur ad hypostases: quoniam ergo hypostasis ad

quam

Ad oppositum.

Lib. 2. c. 8.

Arif. 5. Phys. com. 100. 4.

Fundamenta. Aug. 15. de Trin. 26. 10. 3.

Dist. 10.

quam terminatur processio, est amor: hypostasis, ad quam terminatur generatio, est imago: & amoris & nexus est spirari, non generari. Econuerso, imaginis est generari non spirari, cum non sit consimilis ratio propria hypostasis secundum se: nec erit consimilis emanatio, ipse vero procedit, ac si ad substantiam proprie terminaretur.

Arif. 1.
Topic. c. 4.
Opinio 2.
liorum.

Opinio
Doctoris.

Alia opi-
nio Do-
ctoris.

4. Ad illud quod obijcitur quod processio est commune generationi, dicendum quod est commune generationi, & processioni proprie dictæ, & nos hic loquimur de processione prout tantum Spiritui sancto conuenit, sicut enim non est communis, nec hoc modo prædicatur nec subiicitur, nec est intelligenda ibi communitas rei, sed solum proportionis, siue modi loquendi. Quod ergo queritur, quare magis Spiritui sancto appropriatur, quidam voluerunt dicere, quod sicut hoc nomen, *Proprium*, commune est diffinitioni, & propriæ passioni, tamen quia diffinitio addit supra nomen proprii, propria passio non, ideo diffinitio habet nomen, propria passio non, sed nomen commune retinuit. Sic etiam dicunt in proposito. Sed hoc est absurdum dicere, quod Spiritus non habet proprium, & singulare modum emanandi sicut Filius. Ideo volunt alii quod addit alium modum, sed quia ille modus in creaturis non est, quia aut raro aut nunquam procedit aliqua hypostasis aliter quam per generationem, ideo sacri Doctores nolunt nomen proprium, vel nouum fingere: sed magis commune appropriare. Sed illud adhuc non videtur verum, quia sicut emanatio Filii recte exprimitur à verbo generandi, ita emanatio Spiritus verbo spirandi. Et propter hoc aliter dicendum, quia sicut Pater dicitur ingenuus, quia ab eo remouetur omnis generatio, quia nec generatur, nec est à generato. Similiter econuerso, processio, proprie de eo dicitur, in quo est omnino ratio procedendi, & talis est Spiritus sanctus, quia procedit, & est à procedente: non sicut enim Filius, ideo Spiritui sancto attribuitur. Aliter potest dici quod completa ratio processionis consistit in comparisonem ad principium à quo, & ad terminum ad quem, & quia Spiritus in sua emanatione, quia nexus est, utrumque respicit: filius alterum, ideo completissima ratio huius nominis reperitur in Spiritu sancto, quamuis aliquo modo reperitur in Filio, & ideo Spiritui sancto appropriatur.

5. Ad illud quod obijcitur ultimo, quod generans est spirans, dicendum quod illa prædicatio non est formalis: sed solum ratione suppositi, & quia vna persona, siue vnum suppositum potest generare & spirare, ideo hæc est vera: generans est spirans: sed nulla persona vnica potest simul pluribus modis emanare: ideo non sequitur quod genitus sit spiratus.

Q V Æ S T I O III.

An Processio Spiritus sancti differat à Generatione Filij realiter, vel solum secundum rationem intelligendi.

3. Thom. 1. p. q. 27. art. 1.

Scot. 1. Sent. dist. 13. q. 5. unica.

Egidius Rom. 1. Sent. dist. 13. q. 2.

Franciscus de Mayr. 1. Sent. dist. 13. q. 1.

Thom. Arg. 1. Sent. dist. 13. q. 1. art. 2.

Marsilius Inguen. 1. Sent. q. 16. art. 2.

Gabr. Biel. 1. Sent. dist. 13. q. 1. art. 1.

Funda-
menta.

Vtrum processio Spiritus sancti realiter differat à generatione Filii, an solum secundum rationem intelligendi. Et, quod realiter, videtur: Personæ differunt secundum suas emanationes, cum personæ realiter differant, non tantum intellectualiter, quia omni intellectu circumscripto, adhuc remanet Trinitas: ergo emanationes quæ sunt processio & generatio, differunt realiter.

ITEM quæ sunt à diuersis principiis, realiter differunt: sed generatio est ab vno in diuinis, processio Spiritus sancti à duobus, quia à patre & Filio: ergo realiter differunt.

A **I**TEM secundum rem & veritatem, aliquorum est principium diuina substantia, ut voluntas, quorum non est principium ut natura, sicut pater: quia creaturæ sunt à Deo agente per modum voluntatis, non per modum naturæ: si ergo processio est voluntatis per modum voluntatis, generatio per modum naturæ, ut naturæ: processio & generatio realiter differunt.

ITEM in imagine creata egressus verbi, & egressus amoris distinguuntur, quia differunt realiter: hoc enim perfectionis est, quia ex hoc faciunt imaginis Trinitatem: sed secundum quod differunt essentialiter hoc est, imperfectionis: sed omne quod perfectionis est, ponendum est in diuinis: ergo processio & generatio realiter differunt, quamuis non essentialiter.

B **1. CONTRA:** Pater spirat, & generat. Aut ergo in quantum vnus aut in quantum plures, vel plura. Si in quantum plures, vel plura, sic pater est compositus. Si in quantum vnus: sed quia pater & filius spirant in quantum vnum, non sunt duæ spirationes, sed vna: ergo similiter si pater spirat, & generat in quantum vnum, spiratio & generatio est vna productio.

Ad opposi-
tum.

2. ITEM secundum omnes verum est quod pater ratione secunditatis naturæ intellectualis generat, ratione secunditatis voluntatis spirat: sed in Deo idem est voluntas & natura: ergo, &c.

3. ITEM emanationes patris penes terminos distinguuntur: sed pater omnino idem totum quod dat Filio per generationem, dat Spiritui sancto per processionem: ergo spiratio & generatio sunt omnino vna emanatio.

C **4. I**TEM hoc ipsum ostenditur per impossibile. Si differunt, aut seipsis, aut aliis. Nō seipsis, quia emanationes nec sunt à se, nec ad se: ergo si vnum quodque distinguitur per illud quod est, vel à quo, emanationes huiusmodi seipsis non distinguuntur. Si aliis, aut essentia aut notione, aut persona. Nō essentia constat, quia illa nō distinguitur, nec distinguit. Non persona, quia eius est distingui, non distinguere: ergo si differunt, hoc erit aliis notionibus, & similiter erit querere de illis aliis, & sicut in infinitum, ergo, &c.

5. ITEM si differunt, aut differentia substantiali aut accidentali. Non substantiali, quia talis differentia non est in diuinis. Non accidentali, quia in Deo non est accidens: ergo, &c.

D **6. I**TEM plus differt filius à creatura, quam à Spiritu sancto: ergo plus differt generatio à creatione, quam à processione. Sed generatio non distinguitur à creatione: ergo nec à processione. Probatio media, creatio est diuina essentia: sed persona & essentia non distinguuntur ab inuicem: ergo nec generatio & creatio.

C O N C L U S I O.

Generatio & spiratio non tantum secundum rationem dicendi differunt, sed secundum differentiam habitudinis, & originis etiam & hoc seipsis.

E **R**ESP. Ad arg. Dicendum quod generatio & spiratio siue processio, differunt non tantum secundum rationem dicendi, sed etiam secundum differentiam originis & habitudinis. Quia diuersus est modus se habendi & differens modus originis: talis autem differentia vnitati essentiae non repugnat. Si autem queratur ratio differentiarum harum emanationum, dicendum quod prima ratio differendi non potest assignari à parte terminorum. Termini enim sunt personæ quæ non important rationem differendi actiue: sed passiue. Si ergo personæ differunt, quare & in quibus differant, si ostendere voluerimus, necesse est redire ad emanationes, & relationes, quæ sunt generatio & processio, & ita in hac assignatione erit circulus. Similiter ex parte principiorum. Si enim dicatur quod differant hæc duæ emanationes secundum fecunditatem duplicem, naturæ & voluntatis, quæro, quo modo differat fecunditas à fecunditate. Si dicas, quod

Hæc sent.
sequitur 5.
Tho. q. de
pos. q. 10.
art. 1.

fecun-

fecunditas naturæ est in solo Patre: voluntatis in Patre & Filio. Hoc vltiorem habet quæstionē unde veniat hæc differētia: & oportet ad hoc venire, quod fecunditas naturæ est in vno, quia imago procedens per illam, nata est esse solum ab vno, fecunditas voluntatis in duobus: quia nexus siue processio per modum nexus, est in duobus, & ita redit differentia in primum, & est ibi ratio circularis: ergo patet secundum hoc, quod harum emanationum differentia prima, nec est sumenda à parte termini, nec à parte principii. Et ideo notandum quod est loqui de huiusmodi emanationibus quantum ad esse, & quantum ad distinguere. Si quantum ad esse, sic habent rationem essendi à suis perfectis principiiis, & secundis. Quia enim in Deo est perfectissima natura, & natura vera: ideo perfecta, & vera secunditas in hypostasi quæ habet rationem principii. Et quia vera, & perfecta, & propria est secunditas naturæ: ideo veram, & propriam habet emanationem, & hæc est generatio, similiter intelligendum est de spiratione quantum ad voluntatem. Vnde ratio quare huiusmodi vere sint in Deo, est vera fecunditas naturæ, & voluntatis. Si autem loquamur quantum ad differre, dicendum quod seipsis differunt, sicut ostensum est, quia omnis distinctio in diuinis venit à modis originis, & relationis. Vnde sicut duæ differentie seipsis differunt, ut rationale, & irrationale, similiter in diuinis hæc duæ emanationes. Et sicut differentie differentiarum innotescunt nobis per alias differentias, quæ ab illis oriuntur. Sic & in diuinis: quia enim seipsis distinguuntur generatio & spiratio, ad eas consequitur secundum rationem intelligendi differentia duplex. Vna quia generatio est ab vno, sed spiratio à duobus. Quia enim generatio est emanatio per modum perfectæ assimilationis, ideo ad vnum principium respicit. Quia vero spiratio est emanatio per modum connexionis, ideo est à duobus. Alia differentia est in cōparatione ad nos. Quia enim Spiritus sanctus spiratur ut necens, & ita in alterum tendens: ideo Spiritus sanctus procedit, ut donabilis: Filius vero generatur, & generatio non respicit tertium. Per has differentias necessario elicitur harum emanationum concomitantia. Quia spiratio dat præintelligere generationem: non enim necuntur nisi distincti, & similes, & ita illi quorum vnus est ab alio per generationem. Similiter generatio dat consequenter intelligere spirationem: necesse est enim distinctos, & omnino similes per delictiosum amorem coniungi. Concedendæ ergo sunt rationes probantes quod differunt, sicut est manifestatum in rationibus, sed illæ rationes non sunt sumptæ à priori. Aliqui tamen voluerunt assignare alias differentias, & quidam per vim spiratiuam, & generatiuam dicunt differre: sed hæc differētia declarat ignotum per ignotius. Alii etiam dixerunt quod filius procedit per modum esse: Spiritus sanctus per modum bene esse: sed hæc verba non sunt sana, nec tali materiæ conuenientia.

1. Ad illud ergo quod primo obiicitur, utrum pater spiraret in quantum vnus, &c. dicendum quod nec in quantum vnus, nec in quantum plures, sed in quantum alio, & alio modo se habens, quia alio modo se habet ad Filium, alio modo ad Spiritum sanctum. Iste autem alius, & alius modus se habendi, non repugnat vnitati substantiæ vel personæ: sed Pater & Filius spirant in eo quod vnū vno modo se habens. Inde est quod duplex est processio Filii & Spiritus sancti à Patre: sed vna est spiratio, siue processio Spiritus sancti à Patre & Filio.

2. Ad illud quod obiicitur quod natura & voluntas in Deo sunt idem, dicendum quod et si natura & voluntas in Deo considerata absolute sint idem, tamen aliquid respicit voluntas ut voluntas in ratione principii, quod non respicit natura ut natura. Et inde est, quod sicut non sequitur creatura est à Deo per modum voluntatis, quod ideo sit etiam per modum naturæ. Similiter quia natura & voluntas comparantur ad has emanationes sub ratione principii, ideo nihil prohibet has emanationes differre, quamuis idem sint in substantia natura, & voluntas.

3. Ad illud quod obiicitur quod emanationes diffe-

rent penes terminos, dicendum quod in his inferioribus est verum, ubi emanatio dicit ens in potentia, & ita imperfectum, non autem est verum in Deo, quia ibi non dicunt ens in potentia nec imperfectionem. Vnde in diuinis non sunt ratio distinguendi. Tamen si velimus dicere quod differunt penes terminum, non accipimus terminum pro substantia, vel essentia, sed pro hypostasi, ut prius habitum est.

4. Ad illud quod queritur, utrum seipsis, vel aliis, patet quod seipsis. Et ad id quod obiicitur, quod non habet esse à se: ergo, nec distinguere, dicendum quod illud non tenet in esse originali, quamuis enim à genere differentie habeant ortum, tamen non distinguuntur à genere, sed à seipsis.

5. Ad illud quod obiicitur, quo modo differunt, aut substantiali aut accidentali differentia, dicendum quod insufficienter diuidit, quia in diuinis est relationum differentia, ut dicit Augustinus in 5. lib. de Trin. Quæ nec accidentalis, nec substantialis est: sed magis dicitur originalis.

6. Ad illud quod obiicitur de creatione, dicendum quod ratione connotati, magis differt creatio: sed ratione principalis significati, non tantum differunt: quia non tantum differt essentia à persona, quantum persona à persona. Vnde prædicatur essentialiter de persona, nec facit aliquo modo aliquem numerum: persona vero distinguitur ab alia persona, & ideo non valet argumentum.

QVÆSTIO IV.

An Spiritus sanctus sit ingenuus.

S. Tho. 1. p. q. 33. art. 4.

Et 1. Sent. dist. 13. art. 4.

Secund. Sent. dist. 13. q. 1.

Egid. Rom. 1. Sent. dist. 13. 2. p. q. 2.

Richard. 1. Sent. dist. 13. q. 4.

Thom. Arg. 1. Sent. dist. 13. q. 1. 4. 4.

Marfilum. Inguen. 1. Sent. q. 16. art. 4.

Supposita differentia generationis & processionis: Queritur hic quarto, utrum Spiritus sanctus sit ingenuus. Et quod sic, videtur auctoritate Hieronymi quam Magister ponit in litera.

2. I T E M hoc ipsum ostenditur ratione Hieronymi. Quia omne quod est, aut est ingenuum, aut genitum, aut factum: sed Spiritus sanctus non est genitus, aut factus: ergo est ingenuus.

3. I T E M negatio priuatiua cum constantia subiecti, æquipollet priuatiuo termino. Vnde non par circa numerum, idem est quod impar, & sic cum Spiritus genitus non sit: ergo est ingenuus.

4. I T E M plus distat à ratione generationis Spiritus sanctus quam Pater, quia pater generat, quamuis non generetur: Spiritus sanctus vero nec generat, nec generatur: ergo æque vere priuatur generatio à Spiritu sancto, ut à Patre: ergo sicut pater dicitur ingenuus, sic & Spiritus sanctus.

C O N T R A: Augustinus ad Orosium dicit, quod solus Pater est ingenuus: ergo secundum hoc non conuenit Spiritui sancto.

I T E M ingenuus, aut dicitur secundum substantiam, aut secundum relationem. Si secundum relationem: ergo est notio, ergo Spiritus sanctus habet duas notiones, & ita essent sex: quod est contra communem opinionem. Si secundum substantiam, ergo pari ratione diceretur de Filio, cum illud quod secundum substantiam dicitur, conueniat tribus.

I T E M cum diuina essentia non sit genita, nec Spiritus sanctus sit genitus, nec pater sit genitus, nec etiam aliquod istorum sit factum: ergo ratio ingenui secundum Hieronymum omnibus conuenit:

queritur ergo quo modo differunt.

* *

C O N -

Allegoria
vera di-
stinctio-
nis.

Hanc do-
ctri-
nam ac-
cipit sec.
dist. 13. q.
1. vnde ibi:
ad qua-
stionem.
Dist. 13. q.
1. vnde ibi:
ad qua-
stionem.

Corolla-
rium.

Sic arguit
sent. contra
Hier. dist. 13.
Hoc dicit
albertus.

Cap. 5. 10. 9.

Ad oppos.

Hierony. in
li. de repu-
la dist. con-
tra haret.
Arist. 2.
Peribet.
c. 1.

Funda-
menta.
Aug. ad O-
ros. q. 2. 10.
mo 4.

CONCLVSIO.

Spiritus sanctus dicitur ingenuus priuatiue, sed non ingenuus, quod ipse a nullo, & ab ipso alij.

Aliena opinio.

Damas. li. 1. c. 9.

Dist. 22. c. 34.

RESP. Ad arg. Dicendum quod aliqui voluerunt distinguere de hoc nomine *ingenitum*, quod potest scribi per vnum N & sic tantum valet quantum increatum, vel per duo N. & sic opponitur ei quod est genitum proprie dictum. Sed hæc distinctio, etsi valeat apud Græcos, non tamen valet apud Latinos, quia *ingenitum* per duo N. est vox non significatiua apud nos. Damascenus autem assignat hanc differentiam in lingua sua, quia Græcus erat. Præterea non valet ad propositum: quia nihil queritur hic de *ingenito*, prout tantum valet quantum increatum: sed ut tantum valet quantum non genitum, siue innascibile.

1. 2. Et propterea aliter dicendum est, & breuiter, quod *ingenitum* dicitur vno modo prout accipitur priuatiue, scilicet pro eo quod non generatur, & hoc modo dicitur de Spiritu sancto, & de essentia. Alio modo prout *ingenitum* tantum valet quantum non ens ab alio, & a quo alii, & hoc modo dicitur notionem solius patris, quia dicit proprietatem, & dignitatem in patre. Et secundum primum sensum loquitur Hieronymus: secundum alium loquitur Augustinus. Vnde autem habeant ortum isti sensus, & quare innascibilis sit notio, & non improcessibilis, infra dicitur. Ex his patet solutio contrarietatis: patent etiam obiecta.

3. Quid ergo obiicitur quod negatio cum constantia subiecti æquipollet termino priuatiuo, verum est, si sit mere priuatiuum: sed illa ratio concludit solum de hoc nomine secundum quod priuat, non secundum quod aliquid ponit.

4. Ad illud quod obiicitur, aut prædicat essentiam, aut relationem, dicendum quod secundum quod dicitur de essentia, solum priuatiue, siue negatiue tenetur. Et ideo non prædicat aliquid, sicut quando dicitur: Essentia non generat. Cætera manifesta sunt, &c.

DE PROCESSIONE TEMPORALI SPIRITVS SANCTI, QUID VIDELICET IN EA DATVR, ET A QVO.

DISTINCTIO XIV.

RÆTEREA diligenter adnotandum est, quod gemina est processio Spiritus sancti: æterna videlicet, quæ ineffabilis est, quæ a patre & filio æternaliter & sine tempore procedit, & temporalis, quæ a patre & filio ad sanctificandam creaturam procedit. Et sicut ab æterno communiter ac simul procedit a patre & filio: ita & in tempore communiter & simul ab utroque procedit ad creaturam, non diuisim a patre in filium, & a filio ad creaturam. Vnde Augustinus in 15. lib. de Trinit. ait: Spiritus sanctus non de Patre procedit in Filium, & de Filio procedit ad sanctificandam creaturam: sed simul de utroque procedit, quamuis hoc Filio Pater dederit, ut sicut de se, ita etiam de illo procedat.

De temporali processione Spiritus sancti specialiter agitur.

Lib. homiliarum 1. homilia 64. de sancto.

De temporali autem processione, Beda in homilia Dominica prima post Ascensionem ita loquitur: Cum gratia Spiritus sancti datur hominibus, profecto mittitur

A Spiritus a patre, mittitur & a Filio: procedit a Patre, procedit & a Filio: quia & eius missio est ipsa processio. His verbis aperte ostendit, donationem gratia Spiritus sancti dici processionem vel missionem eiusdem. Sed cum donatio vel datio non sit nisi temporalis, constat quia & hæc processio, siue missio temporalis est. Hanc quoque temporalem Spiritus sancti processionem Aug. in 15. lib. de Trin. insinuat dicens: Spiritus sanctus processit a Christo, quando post Resurrectionem insufflauit in discipulos, his verbis: Cum resurrexisset Christus a mortuis, & apparuisset discipulis, insufflauit, & ait: Accipite Spiritum sanctum: ut etiam cum de se procedere ostenderet: Et ipse est virtus, quæ de illo exibat (ut legitur in Euangelio) & sanabat omnes. Et ut ostenderet hanc processionem Spiritus sancti non esse aliud, quam donationem vel dationem ipsius Spiritus sancti, addidit: Post resurrectionem Dominus Iesus bis dedit Spiritum sanctum: semel in terra propter dilectionem proximi: & iterum de celo, propter dilectionem Dei: quia per ipsum donum diffunditur charitas in cordibus nostris, quia diligimus Deum & proximum.

Quod aliqui dicunt ipsum Spiritum sanctum non dari, sed dona eius.

Sunt autem aliqui, qui dicunt Spiritum sanctum ipsum Deum non dari, sed dona eius, quæ non sunt ipse Spiritus. Et ut aiunt, Spiritus sanctus dicitur dari cum gratia eius, quæ tamen non est ipse qui datur hominibus. Et hoc dicunt Bedam sensisse in superioribus verbis, quibus dicit Spiritum sanctum procedere, cum ipsius gratia datur hominibus: tanquam non ipse detur, sed gratia eius. Sed quod ipse Spiritus sanctus, qui Deus est, & tertia in Trinitate persona, detur, aperte dicit Aug. in 15. lib. de Trinit. ita dicens: Eundem Spiritum sanctum datum cum insufflauit Iesus, de quo mox ait, Ite, baptizate omnes gentes in nomine Patris, & Filij, & Spiritus sancti, ambigere non debemus. Ipse est ergo, qui etiam de celo datus est die Pentecostes. Quo modo ergo Deus non est, qui dat Spiritum sanctum? immo quantus est Deus, qui dat Deum? Ecce his verbis aperte dicit Spiritum sanctum, ipsum scilicet Deum dari hominibus a Patre & a Filio. Et quod ipse Spiritus sanctus, qui Deus est ac tertia in Trinitate persona, nobis detur, nostrisq. infundatur atq. illabatur mentibus, aperte ostendit Ambr. in 1. li. de Spiritu sancto dicens: Licet multi dicantur Spiritus: quia legitur: Qui facit angelos suos Spiritus: unus est tamen Dei Spiritus. Ipsum ergo unum spiritum & Apostoli, & Propheta sunt consecuti: sicut etiam vas electionis dicit: Quia unum spiritum potauimus: quasi eum qui non queat scindi: sed infundatur animis, & sensibus illabatur, ut secularis sitis restringat ardorem: qui Spiritus sanctus non est de substantia rerum corporalium, nec de substantia inuisibilium creaturarum. His verbis aperte dicit Spiritum sanctum ipsum, qui creatura non est, infundi mentibus nostris. Item in eodem: Omnis creatura mutabilis est, sed non mutabilis Spiritus sanctus. Quid autem dicere dubitæ, quia datus est Spiritus sanctus, cum scriptum sit: Charitas Dei diffusa est in cordibus nostris per Spiritum sanctum, qui datus est nobis? Qui cum sit inaccessibilis natura, receptibilis tamen propter bonitatem suam nobis est, complectens virtute omnia: sed qui solus participetur iustis, simplex substantia, opulens virtutibus, unicuique præsens, diuidens de suo singulis, & ubique totus. Incircumscribitur ergo & infinitus est Spiritus sanctus: qui discipulorum sensus separatim infudit, quæ nihil potest fallere. Angeli ad paucos mittebantur, Spiritus

Cap. 11.

1. c. 9.

Luc. 6. 1.

Ioan. 14. 1.

Act. 2. 4.

Rom. 5. 5.

Opinio 1.

liorum.

Cap. 11.

1. c. 9.

Mat. 28. 19.

Act. 2. 4.

Tr. 4. 4.

1. c. 11. 1.

1. c. 11. 1.

1. c. 11. 1.

1. c. 11. 1.

1. c. 11. 1.

1. c. 11. 1.

1. c. 11. 1.

1. c. 11. 1.

1. c. 11. 1.

sanctus

sanctus autem populus infundebatur. Quis ergo dubitet quin diuinum sit quod infunditur simul pluribus, nec videtur? Unus est ergo Spiritus sanctus, qui datus est omnibus, licet separatis Apostolis. Et hic aperte dicit Ambrosius quod Spiritus sanctus, qui est substantia simplex, cum sit unus, datur pluribus. Alia quoque auctoritate hoc idem astruitur, scilicet quod Spiritus sanctus qui est equalis filio, hominibus datur. At enim Augustinus de verbis Domini sic: Charitas Dei diffusa est in cordibus nostris per Spiritum sanctum, qui datus est nobis. A quo datur? Ab illo qui dedit dona hominibus. Quae dona? Spiritum sanctum: qui tale donum dat, qualis est ipse. Magna est misericordia eius: donum dat sibi aequale, quia donum eius Spiritus sanctus est. Praemissis his & aliis pluribus auctoritatibus, aperte monstratur quod Spiritus sanctus equalis Patri & Filio nobis datur: nec ideo tamen minor est Patre & Filio. Vnde Augustinus in 4. lib. de Trin. ait: Non ideo, inquit, minorem Spiritum sanctum, quia & eum Pater misit & Filius, arbitrandum est.

An viri sancti, & Ecclesiae praetati dent, vel dare possint Spiritum sanctum, Et quod non dent, hic ostenditur.

Hic quaeritur, utrum & viri sancti dent vel possint dare aliis Spiritum sanctum. Quem si aliis dant, cum eius donatio supra sit dicta processio, videtur ab eis procedere Spiritus sanctus, vel mitti: sed Creator a creatura non mittitur vel procedit. Restat ergo ut Spiritum sanctum ipsi non dent, nec possint dare. Vnde Aug. in 15. lib. de Trin. Non aliquis discipulorum Christi dedit Spiritum sanctum. Orabant quippe ut veniret in eos, quibus manu imponebant, non ipsi eum dabant. Quem morem in suis praepositis etiam nunc seruat Ecclesia. Denique & Simon magus offerens Apostolis pecuniam, non ait. Date mihi & hanc potestatem, ut dem Spiritum sanctum: sed cuiusque, inquit, imposuerit manus, accipiat Spiritum sanctum: quia nec scriptura superius dixerat: Vident autem Simon quia Apostoli darent Spiritum sanctum: sed dixerat: Vident autem Simon quia per impositionem manuum Apostolorum daretur Spiritus sanctus. Ecce his verbis ostendit Aug. nec Apostolos, nec alios Ecclesiae praetatos dedisse, vel dare Spiritum sanctum.

Quod non possint dare Spiritum sanctum.

Et quod plus est, non posse etiam dare dicit in eodem libro, subdens: De Christo scriptum est quod acceperit a Patre promissionem Spiritus sancti, & effuderit in quo utraque natura monstrata est, humana scilicet & diuina. Accepit quippe ut homo, effudit ut Deus. Nos autem accipere quidem hoc donum possumus pro modulo nostro: effundere vero super alios, non utique possumus: sed ut hoc fiat, Deum super eos, a quo id efficitur, inuocamus. His verbis expresse dicit, nos Spiritum sanctum non posse super alios effundere, id est, aliis dare.

Quod videtur contrarium.

Sed huic videtur contrarium quod Apostolus ad Gal. de se loquens ait: Qui tribuit vobis Spiritum, & operatur virtutes in vobis. Ecce euidenter dicit se tribuisse Spiritum. Sed intelligendum est hoc dixisse Apostolum: non quia haberet potestatem & auctoritatem dandi Spiritum sanctum: sed quia ministerium habuerit, in quo dabatur a Deo Spiritus sanctus. Vt enim ait Augustinus super eundem locum, exponens illud Apostoli verbum: Ex operibus legis Spiritum accepistis, an ex auditu fidei? Ab Apostolo predicata est eis fides: in qua predicatione aduentum & praesentiam Spirit-

us sancti senserant, sicut illo tempore in monitione inuitationis ad fidem, etiam sensibilibus miraculis praesentia Spiritus sancti apparebat, ut in Actibus Apostolorum legitur. Aperte hic ostendit quo modo illis Spiritum sanctum Apostolus tribuerit: non utique ipsum mittendo in eos, sed predicando eis fidem Christi: quam illis recipientibus, quod Spiritus sanctus in eis esset, aliquibus signis visibilibus monstrabatur. Non ergo homines, quantumcunque sancti, dare possunt Spiritum sanctum.

DISTINCTIO XIV.

De temporali processione Spiritus sancti quantum ad principium a quo.

Praeterea diligenter notandum est quod gemina est processio Spiritus sancti.

Expositio textus.

Terminata parte quae est de processione aeterna: hic incipit secunda pars, quae est de processione temporali. Et quoniam in hac processione est tria considerare scilicet principium a quo procedit Spiritus sanctus, & modus secundum quem, & propter rietas per quam aptus natus est procedere: ideo hac pars habet tres partes. In quarum prima agit Magister de processione temporali per comparisonem ad principium a quo. In secunda agit de ipsa in comparisonem ad modum secundum quem, infra: Nunc de Spiritu sancto videndum est, & cetera. In tertia per comparisonem ad proprietatem per quam natus est temporaliter procedere, & hoc est donum, siue donabilitas, infra: Hic quaeritur, cum Spiritus sanctus per quem diuiduntur dona. Prima pars iterum habet duas. In prima parte ostendit, quod Spiritus sanctus temporaliter mittatur, siue procedat a Patre & Filio. Secundo quaeritur, utrum mittatur, siue procedat a se, infra: Hic considerandum est, cum Spiritus sanctus detur hominibus, &c. Prima pars est praesentis Distinctionis, & habet duas partes. In prima ostendit quod procedit temporaliter a Patre & Filio. In secunda quaeritur, utrum Spiritus sanctus detur a sanctis hominibus, ibi: Hic quaeritur, utrum & sancti viri dent, vel possint, &c. In prima iterum parte tria facit, secundum tres partes. In prima ostendit quod gemina est processio Spiritus sancti. In secunda quod utraque processio est a Patre & Filio, ibi: De temporali autem processione Beda in homil. &c. In tertia, quia Spiritus sancti temporalis processio eius est donatio, ostendit ipse quod Spiritus sanctus in propria persona donetur, non tantum in effectu, ibi: Sunt aliqui qui dicunt Spiritum sanctum. Similiter secunda pars, quae incipit, ibi: Hic quaeritur, utrum & sancti viri dent, vel, &c. In qua ostenso quod Spiritus sanctus procedat temporaliter, siue donetur a Patre & Filio, quaerit Magister, utrum donetur ab aliquo sancto viro. Et haec pars habet tres partes secundum tria, quae ostendit. Primo namque declarat, & probat quod Spiritus sanctus non detur ab aliquo sancto viro. Secundo vero ostendit auctoritate Augustini quod non potest dari, ibi: Et quod plus est, non posse etiam dari, &c. In tertia opponit ad contrarium, quia videtur datus a Paulo, ibi: Sed huic videtur contrarium quod Apostolus, &c. vbi soluit quod non est datus ab ipso, sed ab eius ministerio.

Praeterea diligenter. Dub. i.

In parte ista sunt dubitationes circa literam, & primo de situ huius partis, quia non videtur quod hic deberet agere de processione temporali, quia in hac parte agit de his quae aeternaliter Deo conueniunt. Praeterea, cum generatio Filii aeterna & temporalis in alio, & alio libro determinetur, quia aeterna in primo, sed temporalis in tertio: quare non similiter facit de processione Spiritus sancti. Resp. Dicendum quod processio temporalis & aeterna

na ab eodem principio sunt, sicut dicit Magister, & iterum est ibi quodam modo modus producendi conformis, & ideo una facit ad declarationem alterius, & ideo incidentaliter ponitur hic tractatus de processione temporali, ad manifestationem processionis æternæ. Sed sic non est de generatione Filii temporali, quia non est ab eodem principio, imo à matre tantum, & respicit duas naturas (scilicet diuinam & humanam): ideo debuit de ea determinari post diuinam, de qua agitur in primo: & post humanam naturam, de qua in secundo.

Et temporalis qua à Patre & Filio ad sanctificandam creaturam procedit. Dub. II.

Videtur dicere falsum, quia processio temporalis est eius missio: sed Spiritus sanctus est missus in columba, & in linguis igneis quas non sanctificauit.

Si tu dicas quod non est missus ad linguas: sed in linguis missus ad Apostolos quos sanctificauit.

CONTRA: Missus est in columba super Christum, nec sanctificauit columbam, nec Christum.

RESP. potest ad hoc dici quod Magister non generaliter diffinit hic processionem temporalem: sed specialiter, prout est idem quod missio inuisibilis, in qua datur Spiritus sanctus, & sanctificatur creatura. Vel potest dici quod generaliter accipit sanctificationem. Sanctificare enim tripliciter accipitur. Vno modo secundum quod est de non sancto sanctum facere. Secundo modo iam sanctum in sanctitate confirmare. Tertio modo iam sanctum & confirmatum manifestare: & secundum aliquem istorum modorum reperitur sanctificatio in omni Spiritus sancti missione ratione termini ad quem, & sic accipit Magister.

Et ipse est virtus, qua de illo exibat.

Dub. III.

Videtur hoc de Spiritu sancto male dicere: quia aut virtus accipitur proprie, aut appropriate. Primo modo non constat. Quod non secundo modo, videtur: Quia dicimus Christum Dei virtutem, & Dei sapientiam, &c.

Ad hoc potest dici quod Spiritui sancto non appropriatur virtus simpliciter, sed virtus sanatiua, & hoc quia gratia sanatum est donum Spiritus sancti, & gratia eius est ipsius anime medicina: sed Filio appropriatur virtus operandi, quia omnia per ipsum facta sunt. Aliter potest dici quod virtus vel habet comparisonem ad illud quod est, & sic tenet rationem principii: vel ad id cuius est, & sic tenet rationem complementi: vel ad vtrumque, & sic tenet rationem medii. Sicut ergo ex ipso appropriatur Patri: per ipsum Filio: in ipso, Spiritui sancto, ita virtus in quantum tenet rationem principii, appropriatur Patri: in quantum tenet rationem medii, Filio: in quantum rationem completionis, Spiritui sancto: quia completio est in bonitate, & delectatione Spiritus sancti, sed hoc infra melius dicitur.

Post Resurrectionem Dominus Iesus bis dedit Spiritum sanctum.

Dub. IV.

Videtur enim quod ter dedit, quia primo dedit eis ante passionem, cum dedit eis potestatem eiicere demonia, & curare languores. Item post Resurrectionem: Accepit Spiritum sanctum. Item post Ascensionem: Ergo insufficiens enumerat August.

RESP. Ad præsens, dicendum quod possunt numerari dationes Spiritus sancti quantum ad actum, & effectum, & sic numerat Rabanus, & fuerunt tres, quia ter dedit, & quia ad tria dedit. Primo ad miraculorum operationem. Secundo ad peccatorum absolutionem. Tertio ad infidelium conuersionem. Possunt etiam alio modo numerari, quantum ad locum, & signatum, & sic dedit bis, scilicet in terra, & in cælo. Item in terra ad commendandum præceptum dilectionis ad proximum. In cælo ad com-

mendandum affectum dilectionis ad Deum, & sic patet controuersia.

Vnum Spiritum posuimus. Dub. V.

Quæritur quo tropo dictum est. Et videtur quod conueniat magis Filio, quia dicitur: Aqua sapientiæ salutaris. Venite, bibite vinum, & hoc dicit ipsa sapientia, scilicet Dei Filius: ergo, &c.

RESP. Dicendum quod Spiritus sanctus dicitur potius in quantum secularis sitis restinguit ardorem. Hic autem appropriatur Spiritui sancto: quia sicut dicit Gregorius: Gustato Spiritu, desipit omnis caro. In quantum autem per potum est delegatio nutrimenti ad singula membra, sic appropriatur Filio, cuius est sapientia, & prudentia appropriatum, quæ quodam modo habent vim regitiuam, & ordinatiuam pastus omnibus viribus animæ.

Charitas Dei diffusa est in cordibus nostris. Dub. VI.

Videtur improprie dictum, quia quod diffusum est, dispersum est & virtus dispersa, minor est: si ergo charitas potens est, non ergo debet dici diffusa.

RESP. Dicendum quod infundi & diffundi proprie dicitur humoris: ipsa autem charitas humori comparatur, quia sicut arbor fomentum, & vitam & viriditatem habet ab humore, si tota spiritalis machina ab amore. Iste autem amor infunditur, in quantum intra recipitur. Diffunditur vero in quantum ex intimis procedens dilatat affectum ad dilectionem multorum, & mouet omnes animæ vires ad bonas operationes: operatur enim magna, si est: si vero operari renuit, amor non est, sicut dicit Gregorius. Et ideo dicit Dominus: Flumina de ventre eius fluent aquæ viue. Quod ergo dicitur quod minuitur, dicendum quod verum est in his quæ habent ortum ab origine deficiendi, sicut est in puteis, in quibus non viuunt aqua. Sed charitas habet originem indeficientem, sicut fluuius.

ARTICVLVS I.

AD intelligentiam eorum, quæ dicuntur in præsentia distinctione, duo principaliter quæritur. Primo, quæritur de processione temporali Spiritus sancti. Secundo, de eius datione. Quantum ad primum, quæritur duo. Vtrum sit ponere processionem temporalem Spiritus sancti. Secundo vtrum processio temporalis ponat in numerum cum æterna.

QUESTIO I.

An Processio Spiritus sancti temporalis ponenda sit.

Alex. Alenf. 1. p. q. 71. Membro 2.

S. Thom. 1. p. q. 43. art. 2.

Et 1. Sent. dist. 14. q. 1. art. 1.

Egid. Rom. 1. Sent. dist. 14. q. 1.

Richard. 1. Sent. dist. 14. q. 1.

Franciscus de Mayr 1. Sent. dist. 14. q. 1.

Thom. Arg. 1. Sent. dist. 14. q. 1. art. 1.

Steph. Brulef. 1. Sent. dist. 14. q. 1.

Petrus de Tarantaf. 1. Sent. dist. 11. q. 1.

Marsilius Inguen. 1. Sent. q. 17. art. 1.

Gab. Biel 1. Sent. dist. 14. q. 1. art. 1.

QVod sit ponenda processio temporalis, videtur per Bedam, qui dicit in homilia, & habetur in litera: Spiritus sancti missio est processio: sed missio est temporalis: ergo est ponere processionem Spiritus sancti temporalem.

ITEM hoc ipsum ostenditur ratione sic: Procedere est ab vno in alium, cum ergo Spiritus sanctus sit à Deo, & sit in creatura, à Deo procedit in creaturam: hoc autem non est antequam creatura sit, sed hoc est ex tempore: ergo, &c.

ITEM donum siue datum à dante procedit in accipientem cum datur: sed Spiritus sanctus ex tempore datur: ergo ex tempore procedit à dante in recipientem: ergo est ponere processionem temporalem.

• 1. CON-

1. **CONTRA:** Spiritus sancti processio idem est quod eius spiratio: sed non dicitur eius spiratio aliqua temporalis: ergo nec processio.

2. **ITEM** sicut processio se habet ad Spiritum sanctum, sic generatio ad Filium: & quemadmodum Spiritus sanctus mittitur in mentē, ita Filius, & utrumque ex tempore: sed generatio Filii ratione talis missionis nullo modo dicitur temporalis: ergo nec processio Spiritus sancti.

3. **ITEM** processio Spiritus sancti non dicitur temporalis, nisi secundum quod est processio ab aliquo in aliquid, ut pote in creaturam: sed processio ab aliquo in aliquid non est nisi dupliciter, aut secundum processum ab agente in suscipiens, aut secundum processum à loco in locum. Sed primo modo non est temporalis processio, quia Spiritus sanctus est persona in se fixa, & stans: ergo non producit in suscipiente, sed in se. Secundo modo non, quia quod tali modo procedit, à principio recedit, & ad terminum accedit, hoc autem non convenit Spiritui sancto.

4. **ITEM** omne quod temporaliter procedit ab alio, habet initium essendi ex tempore: si ergo Spiritus sanctus temporaliter procedit: ergo esse incipit.

5. **ITEM** processio temporalis, aut dicitur temporalis ratione Spiritus sancti aut gratiæ. Non ratione Spiritus sancti: quia persona æterna est. Similiter videtur quod nec ratione gratiæ, quia Augustinus dicit: Secundum quod aliquid æternum mente capimus, non sumus in hoc mundo: ergo si gratia eleuat ad capiendum æternum esse eius & processio non est temporalis: ergo nec processio Spiritus sancti ratione gratiæ.

6. **ITEM** in processione Spiritus sancti in creaturam est processio doni increati, quod est Spiritus sanctus: & doni creati, quod est gratia: sed donum increatum est nobilius: ergo cum à nobiliori debeat fieri denominatio, processio Spiritus sancti in creaturam debet dici processio increata: sed omnis talis est æterna non temporalis: ergo, &c.

CONCLUSIO.

Spiritus sanctus procedit ex tempore, cum in creaturis sit eius receptio per influentiam boni gratuiti.

RESP. Ad arg. Dicendum quod processio, secundum quod communiter accipitur de filio, & de Spiritu sancto, dicitur emanatio ab hoc scilicet à Patre. Secundum quod dicitur de Spiritu sancto, dicitur processio ab uno in alium: sed procedere ab uno in alium est dupliciter, aut sicut in obiectum in quod protenditur, aut sicut in susceptivum, in quo recipitur, & primus quidem modus est in processione æterna: quia enim Spiritus sanctus procedit ut amor mutuus: ideo procedit à duobus, ita quod ab uno in alium. Spiritus enim sanctus ut dicit Hieronymus, & Augustinus amor est, quo pater amat Filium, & Filius amat patrem. Secundus modus in illa esse non potuit, quamvis ita intellexerint Græci, quod in Filio recipitur Spiritus sanctus & à Patre producit: sed penes secundum modum (cum receptio Spiritus sancti sit per influentiam boni gratuiti quod ex tempore est) attenditur processio temporalis, secundum quod Spiritus sanctus dicitur procedere ab aliquo in aliquem, non tantum sicut in obiectum, sed sicut in habitaculum. Et sic concedendum est quod est processio temporalis Spiritus sancti non ratione eius à quo, sed ratione eius, in quod procedit.

1. Ad illud ergo quod obiicitur de spiratione & generatione, iam patet responsio: quia neutrum horum nominum respectum dicit in terminum, in quem sit processio.

2. Ad illud quod obiicitur quod processio Spiritus sancti non potest esse ab aliquo, ut in receptivum, dicendum quod verum est ratione ipsius personæ: sed tamen ratione connotati, quod est gratia, in qua datur Spiritus sanctus suscipitur, quia gratia est in aliquo sicut in susceptivo.

3. Ad illud quod obiicitur: Quod temporaliter pro-

cedit, incipit esse, dicendum quod hæc est duplex, quia hæc determinatio temporaliter potest poni circa actum procedendi per comparisonem ad principium à quo, vel in cōparatione ad terminum, in quē primo modo vera est propositio: sed sic non dicitur Spiritus procedere temporaliter, eo quod ex tempore producat. Alio modo per comparisonem ad terminum in quem, sic non habet veritatem, si procedit in hoc ex tempore quod habeat initium: sed solum quod incipiat esse in hoc.

4. Ad illud quod obiicitur quod gratia non procedit temporaliter, quia eleuat ad æternam, dicendum quod temporale dicitur tripliciter. Vno modo dicitur temporale quod habet initium & variationem & actum in tempore, & hoc modo dicitur temporale, quod subiacet tempori, & est corruptibile & variabile. Secundo modo dicitur temporale quod habet initium in tempore essendi, sed non rationem, ut anima. Tertio modo dicitur temporale quod habet initium in tempore, sed actum extra tempus & supra tempus eleuat, & hoc tertio modo dicitur temporalis processio, vel gratiæ donatio. Potest tamen dici quod gratia habet esse temporale ratione eius in quo est, scilicet liberū arbitrium quod mutatur & variatur: & verbum Augustini quod dicit quod non sumus in hoc modo, est intelligendum quantum ad conformitatem.

5. Ad illud quod obiicitur quod denominatio debet esse à digniori, dicendum quod totum copulatum, quia destruitur destructione cuiuslibet partis, habet denominationem à parte imperfectiori. Vnde si una pars copulationis est falsa, totum copulatum dicitur falsum. Si una contingens, totum iudicatur contingens. Si una temporalis & totum temporale. Quia ergo processio temporalis includit emanationem æternam personæ & emanationem gratiæ, quæ temporalis est, ideo dicitur temporalis, & non æterna.

6. Et quod dicitur quod denominatio debet fieri à digniori, dicendum quod non est verum nisi in eo in quo illud quod minus dignum est conformatur digniori.

QUESTIO II.

An Processio temporalis Spiritus sancti in numerum ponat cum æterna.

1. *Thom. 1. Sent. dist. 14. art. 2.*

Egidius Rom. 1. Sent. dist. 14. q. 2.

Richardus 1. Sent. dist. 14. q. 2.

Marfilus Inguen. 1. Sent. q. 17. art. 2.

Steph. Brulef. 1. Sent. dist. 14. q. 2.

Thom. Arg. 1. Sent. dist. 14. art. 3.

Vtrum processio temporalis ponat in numerum cum æterna. Et quod sic videtur per hoc, quod dicit Magister quod gemina est processio Spiritus sancti, æterna, & temporalis.

ITEM ratione videtur similiter, quia plus distat temporale ab æterno, quam æternum ab æterno, illud conitar: sed processio æterna facit numerum cum æterna, quia processio & Filii processio Spiritus sancti sunt duæ: ergo, &c.

ITEM quæcumque habent ordinem, habent numerum & distinctionem: sed processio æterna, & temporalis, habent ordinem, quia æterna ante temporalem: ergo habent distinctionem, ergo faciunt numerum: ergo processio temporalis, & æterna sunt duæ.

1. **CONTRA:** Numerata processione, numeratur procedens, quia unum & idem non procedit bis: ergo si sunt duæ processiones, sunt duo procedentes: ergo Spiritus sanctus sunt duo: sed hoc est falsum, quia unus est Spiritus sanctus procedens: ergo & primum.

2. **ITEM** processio temporalis & æterna si differunt, aut hoc est ex hoc quod sunt diuersæ emanationes, aut quia diuersus modus emanandi. Non quia diuersæ emanationes, quia tunc essent diuersi emanantes. Nec quia diuersus modus, quia Pater & Filius semper uno modo spirant: ergo Spiritus sanctus uno modo procedit ergo, &c.

3. **I**TEM homo pictus & homo verus non sunt duo homines, non enim numeratur nisi vniuoca, & quod dicitur de duobus secundum vnam naturam: sed temporale, & æternum minus communicant quā homo pictus, & homo verus: ergo processio temporalis, & æterna non est dicenda gemina.

4. **I**TEM processio temporalis non addit super æternam nisi respectum. vel effectum in creatura: sed respectus vel effectus causæ additus, ipsam non numerat. Vnde Sol lucens, & Sol illustrans, siue illuminans non sunt duo. Similiter Deus ens, & Deus creans: ergo nec processio æterna, & temporalis erit dupliciter.

CONCLUSIO.

Temporalis processio Spiritus sancti licet non geminet subiectum, ponit tamen in numerum cum æterna.

Explicatio terminum.

RESP. ad arg. Dicendum quod ad prædictorum intelligentiam est notandum quod processio dicitur geminare aut ratione procedentium, vt puta cum procedunt duo Filii aut ratione modi, vt amor & verbum dupliciter procedunt: vel ratione modi dicendi, vt dicatur processio gemina, id est dupliciter dicta: sed attendendū est quod modus dicendi est triplex scilicet vniuocus, æquiuocus, & analogus. Cum est modus æquiuocus, ibi est geminatio circa dici & non circa esse. Vnde homo pictus, & homo verus dupliciter dicitur homo. sed non est duplex homo, vel duo homines. Cum est modus dicendi vniuocus, est geminatio circa esse, & non circa dicere. Vnde homo verus in Sorte & Platone numeratur, quia sunt duo homines: sed nō multipliciter dicitur. Vbi est modus dicendi analogus, quia partem tenet de natura vniuoci, partem de natura æquiuoci, ibi est enumeratio in essendo, & dicendo. Secundū hunc ergo modum, dicendum quod processio secundum quod dicta est, de processione temporali & æterna non est vniuoce, nec æquiuoce: sed analogice, quia vn⁹ modus clauditur in alio. Procedere enim ab hoc in hoc, vt in obiectū, est æternū. Sed procedere ab hoc in hoc, vt in habitaculum, est temporale. Quoniam ergo analogum est sicut dictum est, ideo est ibi duplex dici, & vna processio dicitur dupliciter, & ita per consequens dupliciter esse, vt non inconuenienter dicatur processio Spiritus sancti esse duplex.

1. **A**D illud ergo quod obiicitur in contrarium quod multiplicata processione, multiplicatur procedens, dicendum quod verū est, si accipiatur de multiplicatione secundum vnum modum dicendi. Vnde si gemina esset processio, secundum quod processio dicitur exitus ab aliquo, utiq; duo essent procedētes, nunc nō sic, sed est gemina: quia vno modo est ab aliquo in aliquem, vt in obiectum, alio modo ab aliquo in aliquem, vt in habitaculum.

2. 3. **A**D illud quod obiicitur secundo: aut est duplex processio, quia duplex emanatio, vel duplex modus, dicendum quod non sufficienter diuidit: debet enim tertium membrum addere, scilicet aut quia duplex modus dicendi non æquiuocus. Et per hoc patet sequens de homine picto, & vero, quia ibi non est analogia, sed æquiuocatio pura.

4. **A**D illud quod obiicitur vltimo, quod respectus additus non numerat, &c dicendum quod respectus additus subiecto non numerat subiectum. Vnde non dicitur Spiritus sanctus dupliciter, quia spiratur, & inspiratur: sed quando respectus additur significationi termini, tunc necesse est aliter, & aliter illū dici, & si sit respectus non distrahens, ita quod non faciat omnino diuersam significationem, sed ad illam ordinatus facit analogiam in termino, & numerum secundum dici, & etiam numerum secundū esse. Vnde si hoc nomen, *illuminatio*, significaret actum lucēdi absolutum, & actū lucēdi comparatum, Sol dupliciter diceretur illuminare, & esset illu-

Aminatio Solis gemina: sed tamen magis proprie ibi esset geminatio in dicendo quam in essendo. Vnde Magister magis proprie loqueretur, si diceret: Processio Spiritus sancti dicitur dupliciter, quā cum dicit quod est gemina, quia non cadit ibi proprie geminatio.

ARTICVLVS II.

Consequenter est secundo loco quæstio principalis de datione Spiritus sancti. Et circa hoc quaruntur duo. Primo quaritur, vtrū Spiritus sanctus detur in propria persona hominibus, An tantum dicatur ideo dari, quia datur eius effectus. Secundo, vtrum Spiritus sanctus detur ab aliquo sancto viro.

QVÆSTIO I.

An Spiritus sanctus in propria persona, vel in effectum mittatur.

Alex. Alensis 1. p. q. 73. Membro 2. art. 3.

S. Tho. 1. Sent. dist. 14. q. 1. art. 2.

Egid. Rom. 1. Sent. dist. 14. 2. p. q. 1.

Rich. 1. Sent. dist. 14. art. 2. q. 1.

Petrus de Tarantasia 1. Sent. dist. 14. q. 15.

Tho. Arg. 1. Sent. dist. 14. q. 1. art. 2.

Greg. Arum. 1. Sent. dist. 14. q. 1. art. 1.

Gabriel Biel. 1. Sent. dist. 14. q. 2.

Quod detur in propria persona, sic ostenditur: Caritas Dei diffusa est in cordibus nostris per Spiritū sanctum, qui datus est nobis: sed nihil diffundit charitatem, nisi Spiritus increatus, ergo, &c.

ITEM Augustinus dicit quod Spiritus sanctus est donum, & eo dicitur donum, quia datur: ergo si personaliter est donum, personaliter datur.

ITEM hoc ipsum ostenditur ratione. Spiritus sanctus est amor, & primus amor: sed amor est donum primum, in quo alia dona donantur, ergo si non est posterius sine priori, non est ponere dona Spiritus sancti dari, quin detur proprie Spiritus sanctus.

ITEM Spiritus sanctus datur ad vniendum, & colligandum membra corporis mystici: sed membra corporis mystici sunt membra inuicem vnita, sicut ipse Dominus petir: Vt sint consummati in vnum: sed perfecta vnio non est nisi in vno simplici: ergo membra vniuntur per aliquod quod est vnum & idem in omnibus: hoc autem non potest esse donum creatum, sed increatum: ergo necesse est cum dono creato dari increatum.

1. CONTRA: Gratia est ars recte viuendi, & gratia est donum sufficienter dirigens animam in finem: ergo videtur quod aliud donum quam donum gratiæ creatæ non sit animæ opportunū: ergo si non est in operibus Dei ponendum superfluum, patet quod non est necesse dari Spiritum sanctum.

2. ITEM cum aliquis sanctificatur per gratiam, nihil est in eo quod non esset prius nisi gratia, ergo cum dare sit facere quod aliquid sit in isto quod nō erat prius, non datur nisi in gratia. **S**I DICAS quod Spiritus sanctus est in eo vt Sanctus, prius erat vt Spiritus: ergo nihil aliud est quam Spiritus sanctus faciens gratiam sanctificantem in hoc.

3. ITEM quod datur, post donationem est in potestate accipientis: sed Spiritus sanctus sub nulla potest redigi potestate: ergo non potest dari.

4. ITEM quod datur alicui differenti per essentiam aut de nouo creatur aut multiplicatur, aut eius possessio transfertur, vt patet, cum do alicui cappam: sed persona Spiritus sancti non creatur, nec multiplicatur, nec possessio eius transfertur: quia Deus semper habet Spiritum sanctum: ergo Spiritus sanctus non datur.

¶ S: S

CONCLV-

CONCLUSIO.

Spiritus sanctus datur in propria persona, & in dono creato, quod est gratia.

RESP. Ad arg. Dicendum quod dare est ad aliquid habendum vel possidendū: habere autem aliquid vel possidere est cum aliquid est in facultate habentis vel possidentis. Esse autem in facultate habentis vel possidentis, est esse præsto ad fruendum vel utendum. Perfecta autē possessio est cū homo habet illud quo posset uti, & quo posset frui. Sed recte frui non est nisi Deo, & recte uti nō conuenit nisi per gratiā gratum facientem: ergo perfecta possessio est in qua Deus habetur, & eius gratia. Sed perfectū donum est ad perfectam possessionem: ergo non est datū optimū, & donum perfectum, nisi detur donum increatum quod est Spiritus sanctus, & donum creatum quod est gratia. Concedendum ergo vtrunque dari.

1. Ad illud ergo quod obiicitur de gratia, quod est ars bene viuendi, patet responsio: quamuis enim sit ars qua utimur, non tamen est possessio, qua fruimur, ut obiecto, & ideo non est perfectum donum sine illo.

2. Ad illud quod obiicitur: Nihil plus est in isto quam prius, dicendum quod dari non ordinatur ad esse, sed ad habere: licet enim Spiritus sanctus esset prius in peccatore, non tamen habebatur ab eo, quia peccator non habebat facultatem fruendi ipso.

3. Ad illud quod obiicitur quod datum est in potestate accipientis, dicendum quod aliquid datur alicui ut finiēns, sicut præmiū merenti. Aliquid ut perficiens, ut gratia consentienti. Aliquid ut subserviēns, ut equus militi. Quod autem dicitur quod datum est in potestate accipientis, verum est de donatione tertio modo dicta, nō primo, & secundo: quia illi sunt modi habendi, in quibus habens, & habet & habetur. Vnde homo habetur à gratia: & habetur à dono quo fruitur.

4. Ex hoc patet vltimum, quod illud verum est de eo quod datur ut possessio limitata. Sed de eo quod datur ut finiēns, non quia tale simul potest dari multis, & haberi à multis, quia ad idem tendunt, & ideo cum datur, non transfertur.

QVÆSTIO II.

An Spiritus sanctus à sanctis Viris detur.

*Alexander Alesis 1. p. q. 72. Membr. 4.
S. Thom. 1. Sent. dist. 14. q. 1. art. 5.
Egid. Rom. 1. Sent. dist. 14. p. 2. q. 4.
Richardus 1. Sent. dist. 14. q. 3.
Petrus de Tarentasia 1. Sent. dist. 14. q. 6.
Steph. Brulef. 1. Sent. dist. 14. q. 4.*

VTrum Spiritus sanctus detur ab aliquo viro sancto. Et quod sic probatur hoc modo, Spiritum sanctum dari non est aliud quam gratiam gratum facientem dari. Sed ostēditur quod gratiam gratum facientem ab homine dari siue infundi, est possibile, & conueniens, & verū. Et quod sit possibile, videtur à minori. Quia maioris virtutis est producere formam substantialem, quam accidentalem, & gratia est forma accidentalis: cum ergo creatura habeat virtutem producendi formam substantialem, multo fortius videtur de gratia quæ est forma accidentalis.

2. ITEM hoc ipsum videtur posse ostendi à simili, quia gratia est lumen spirituale: sed ita videmus in lumine corporali quod aliquid est luminis datiuum, & aliquid datiuum, & receptiuum: aliquid tantum receptiuum: ergo si lumen spirituale est æque potens, pari ratione videtur de ipso. Sed datiuum cum sit Deus, non potest esse receptiuum, quia nihil recipit ab aliquo: ergo hoc est reperi in creatura, quod recipiat lumen spirituale quod est gratia, & det ipsam, & sic de aliis.

3. ITEM duo sunt quæ faciunt creaturam habere posse

A producendi sibi simile, scilicet corruptibilitas, ob quam indiget conseruari in alio, & perfectio in natura, ob quam potest in actum perfectum, qui est producere sibi simile. Perfectum enim dicitur vnumquodque quod potest generare tale quale ipsum est. Si autem gratia est forma quæ citissime corrumpitur, & forma magnæ perfectionis: ergo debet habere virtutem producendi sibi simile: sed non in subiecto in quo est: ergo in alio.

4. ITEM quod potest perfecte expellere contrariū, potest perfecte generare habitum contrarium: quia contrarium non expellitur perfecte nisi per contrarium: sed gratia potest perfecte expellere culpam, ergo gratia in homine potest ex se generare gratiam, sed non in habente, ergo in alio. Ostenditur autem quod sit congruum, quod gratia procedat ab vno homine in alium. Et sic ostenditur. Ratio superbiendi, fuit ratio amittendi gratiam: ergo ab oppositis, humiliatio est ratio recuperandi. Sed si gratia datur ab homine, plus humiliatur homo quam si tantum à Deo: quia si datur ab homine, humiliatur homo sub Deo, & sub homine. Non autem si à solo Deo datur, humiliatur sub vtroque: ergo videtur quod ille modus conueniat magis.

5. ITEM si cum actu iustitiæ, qui est punitio, subiicitur anima peccatrix creaturæ corporali, ut ordinetur in vniuerso: ergo in actu misericordiæ debet subiici alicui creaturæ ut reordinetur: ergo sicut ab aliqua creatura recipit pœnam, sic videtur congruum ut recipiat & gratiam.

6. ITEM perfectum agens non tantū dat suscipienti formam: sed etiam dat potentiam consimilem: & hoc est in manifestationem suæ potentie: ergo si Deus est agens nobilissimum, & qui maxime debet laudari in sua actione, congruum est, ut non tantum det formam gratiæ: sed etiam potentiam dandi.

7. ITEM sicut à Deo est esse, ita & bene esse, sed in nullo derogatur Deo, cum dat potentiam creaturæ dandi esse: ergo in nullo derogatur, cum dat potentiam dandi bene esse: ergo & esse gratuitum. Ostenditur autem quod sit verum, quia per Ioannem dixit Dominus: † Accipite Spiritum sanctum, quorum remiseritis peccata, remittuntur eis, &c.

8. ITEM dicitur quod per impositionem manuum Apostolorū, dabatur Spiritus sanctus, non per impositionem manuum aliorum, ut dicit glossa ibidem de Philippo discipulo: ergo aliqua virtus erat in Apostolis, quæ non erat in aliis: sed per illam dabatur Spiritus sanctus: ergo ab homine dabatur Spiritus sanctus.

ECONVERSO ostenditur quod donum Spiritus sancti dari ab homine sit falsum, sit incongruum, sit etiā impossibile. Quod sit falsum, videtur per Augustinum: Non aliquis discipulorum dabat Spiritum sanctum: sed orabant ut veniret in hominem.

ITEM quicunque dat vel donat aliquid, habet posse aliquid actiuum supra illud: sed supra donum Spiritus sancti nullus homo habet posse: ergo, &c.

ITEM quod sit inconueniens videtur, quia si anima ab alio quam à Deo gratificatur, alius quam Deus cadit medium inter animam & Deum. Sed quodcumque aliquid cadit inter animam & Deum: anima hominis est peruersa: ergo secundum hoc dum daretur animæ gratia, peruerteretur.

ITEM gratia potest super liberum arbitriū: ergo si posset homo dare gratiā, homo haberet posse super alterius arbitrium: sed arbitrium quod est alii subiectum, non est liberum: ergo talis donatio tollit arbitrii libertatem.

ITEM maxima est gloria Dei de impii iustificatione: sed maxima gloria Dei non debet alii communicari: ergo si comunicatur, diuinæ gloriæ derogatur: sed si alius quam Deus dat gratiam: alius quam Deus iustificat: ergo talis donatio minuit Dei gloriam.

ITEM iustum est in eo sperare, qui potest dare meritum salutis: sed si homo posset dare gratiam, posset dare meritum salutis: ergo iustū esset sperare in homine: sed homo est vanitas: ergo donatio talis daret fiduciam vanitatis. Ex his quatuor mediis patet quod donatio Spiritus san-

Arif. 1. do gen. an. 6. 7.

Arif. 1. do gen. an. 7.

Rationū sol. in corp. quæst. 10. 20. 2. Art. 8. 6

Fundamenta. Aug. 15. de Trin. c. 26 tom. 3.

Aug in le
tra d. 72.
post med.
82-9.

Quia ab homine, tollit ordinem animæ ad Deum, tollit arbitrii libertatem, minuit gloriam Dei, & inducit in vanam confidentiam, quæ omnia sunt inconuenientia. Ostenditur etiam quod impossibile sit dari talem potestiam creaturæ. Quia sicut dicit Augustinus: Magis est de impiò facere pium, quàm creare cælum, &c. Sed potentia creandi non potuit à creatura recipi: ergo nec potentia dandi gratiam.

ITEM productio gratiæ per præsentiam agentis ab anima suscipitur, sed solus Deus potest animæ illabi: ergo solus Deus potest gratiam infundere in animam.

ITEM gratia est forma simplex, & deiformis, & spiritualis, non habens ortum à principiis subiecti: ergo cum anima rationalis ratione deiformitatis & spiritualitatis non possit esse nisi à Deo: patet quod nec gratia quæque spiritualis, immo spiritualior est ipsa anima.

ITEM gratia immediate vnit Deo: ergo non potest esse à Deo nisi immediate: ergo nullo cooperante: ergo creatura non potest producere gratiam.

CONCLUSIO.

Spiritus sanctus à bonis & à malis potest dari ministerialiter: à bonis tantum, impetratur: à solo Deo effectiue.

Conclusio vniuersalis.

Explicatio formæ per distinctionem. Conclusiones particulares.

RESP. Ad arg. Dicendum quod sicut istæ ultimæ rationes ostendunt gratiam siue Spiritum sanctum dari ab homine, sicut à principio effectiue, siue productiue, omnino est falsum & impossibile. Tamen propter intelligentiam obiectorum in contrarium, est notandum, quod gratiam dari ab aliquo est tripliciter. Vel sicut à præparante, siue ministrante sacramenta: seu sicut ab annunciatore salutaria documenta. Vel sicut ab impetrante per orationem, siue per bona opera. Vel sicut à producente. Primo modo datur gratia à bonis & à malis. Secundo modo tantum à bonis. Tertio modo tantum à Deo: & per hæc manifesta est responsio ad duo ultima obiecta, quæ probant Spiritum sanctum dari, quia ibi datio nihil aliud est quam præparatio.

1. AD illud ergo quod obiicitur primo, quod agēs creatum possit in formam substantialem, dico quod non potest in omnem substantialem, vtputa in eam quæ est deiformis, sicut est anima rationalis. Et quia gratia est deiformis, sicut est anima rationalis, ideo non potest ab agente tali produci. Si autem de aliis formis naturalibus arguatur, non est locus à minori.

2. AD illud quod obiicitur de lumine corporali, dicendum quod non est simile. Lumen enim corporale diffunditur per medium deferens, & per idem medium potest iterum generari per quod defertur, gratia autem non est per delationem, sed per illapsum agentis, & per omnimodam indistantiam.

3. AD illud quod obiicitur, quod creatura corruptibilis debet habere potentiam generandi, dicendum quod verum est de illa quæ corruptibilis est de se: sed gratia de se nunquam corrumpitur, vel senescit. Vel dic, quod illa non est tota causa, maxime in his quæ non dicunt substantiam completam, sed magis dispositionem.

4. AD illud quod obiicitur, quod gratia potest expellere culpam, dicendum quod expellere culpam est dupliciter: vel effectiue, vel formaliter. Quod potest expellere effectiue, potest efficere gratiam: sed non oportet quod illud quod formaliter, quia illud seipso expellit: quoniam ergo gratia expellit formaliter, & seipsa, ideo non sequitur, quod possit generare aliam gratiam.

5. AD illud quod obiicitur, quod in iustificatione debet peccator humiliari, dicendum quod verum est, quia humiliari debet & sub homine, & etiam sub visibilibus signis, tamē aliter quam sub Deo, quia alius honor debetur Deo quam homini: & ideo, quia sub Deo humiliatur, vt sub principio salutis, & à quo saluatur, sic non debet sub creatura humiliari, vt à qua salus detur ei: sed vt à qua salus ministratur. Et sic patet etiam sequens de humiliatio-

ne in pœna, non enim est simile de humiliatione illa, quia ibi anima peruersa manens in sua peruersitate, ratione illius subiicitur inferiori per naturam, vel quia habet reliquias peruersitatis: sed in gratiæ donatione, anima peruersa à peruersitate mutatur, & ad Deum immediate ordinatur.

6. AD illud quod obiicitur quod agens perfectum dat potentiam agendi simile, dicendum quod verum est si patiens conuenienter possit suscipere: sed sicut ostensum est, ex parte hominis non est possibile vt talis potentia ab eo recipiatur, propter talis formæ nobilitatem, quæ non potest esse nisi à nobilissimo agente.

7. AD illud quod obiicitur, quod dare potentiam ad bene esse non derogat Deo, dicendum quod ordo est in essentiis, quia aliquæ creaturæ sunt ita nobiles quod non decet eas nisi à nobilissimo agente produci, vt sunt illæ quæ sunt ad imaginem: quoniam ergo gratia est de nobilissimis, patet quod non potest produci ab homine, sicut nec esse animæ. Quæ ultimo obiiciuntur, soluta sunt supra per distinctionem dationis secundum naturam trium membrum.

DISTINCT XV.

PARS I.

VTRVM SPIRITVS SANCTVS A SEIPSO DETVR, CVIVS OCCASIONE AGITVR PER TOTVM DE MISSIONE FILII.

Item considerandum est, cum Spiritus sanctus detur hominibus à Patre & Filio, quod est ipsum temporaliter procedere ab utroque, vel mitti, utrum etiam à seipso detur. Si datur à se, & procedit vel mittitur à se. Ad quod dicimus, quia Spiritus sanctus & Deus est, & donum siue datum: & ideo dat, & datur. Dat quidem, inquantum Deus: & datur inquantum donum siue datum. Cum autem donatio siue datio Spiritus sancti sit operatio Dei, & communis sit & indiuisa operatio trium personarum: datur itaque Spiritus sanctus non tantum à Patre & Filio, sed etiam à seipso. Vnde Augustinus in 15. lib. de Trin. dicit quod seipsum dat. Sicut inquit, corpus carnis nihil est aliud quàm caro: sic donum Spiritus sancti nihil est aliud quam Spiritus sanctus. In tantum ergo donum Dei est, inquantum datur eis quibus datur. Apud se autem Deus est, etsi nemini datur: quia Deus erat Patri, & Filio coeternus antequam cuiquàm daretur. Nec quia illi dant & ipse datur, ideo minor est illis. Ita enim datur, sicut Dei donum, vt etiam seipsum det, sicut Deus. Non enim dici potest non esse sua potestatis, de quo dictum est: Spiritus ubi vult spirat. Ecce aperte dicit quod Spiritus sanctus seipsum dat. Si enim Spiritus sanctus seipsum dare non potest, & cum Pater dare potest, & Filius: potest utique Pater dare aliquid & Filius, quod non potest Spiritus sanctus. Item, si Pater & Filius dant Spiritum sanctum, nec ipse dat: aliquid ergo Pater operatur & Filius, quod non operatur Spiritus sanctus. Dat ergo Spiritus sanctus seipsum. Si autem seipsum dat, tunc à seipso procedit & mittitur: quod utique verum est. Nam processio temporalis Spiritus sancti vel missio, ipsius est donatio, & ipsa Dei operatio. Procedit ergo Spiritus sanctus temporaliter à se, & mittitur à se: quia datur à se.

Non

Non est mirum, si Spiritus sanctus dicatur mitti vel procedere à se, cum etiam Filius dicatur mitti à se.

Ne autem mireris quod Spiritus sanctus dicitur mitti vel procedere à se. Nam & de Filio dicit Augustinus in 2. lib. de Trinit. quod non tantum à Patre missus est, sed etiam à seipso & à Spiritu sancto: quarens quo modo Filius vel Spiritus sanctus sit missus, cum uterque sit ubique tamquam Deus. Nam uterque, inquit Augustinus, legitur missus. De Spiritu sancto enim legitur: Quē mittet Pater in nomine meo. Et iterum: Si abiero, mittam eum ad vos, Et Filius de se dicit: Exiui à Patre, & veni in mundum. Et Apostolus dicit: Misit Deus filium suum. In propheta autem scriptum est ex persona Dei: Cælum & terram ego impleo. Itaque, si ubique Deus est, ubique ergo est Filius, ubique etiam est Spiritus sanctus. Illuc ergo missus est Filius & Spiritus sanctus, ubi erant.

Quo modo intelligenda sit missio utriusque.

Quocirca querendū est, quo modo intelligatur missio Filii, vel Spiritus sancti. Pater enim solus, inquit Augustinus in eodem, nusquam legitur missus, sed Filius, & Spiritus sanctus. Et de Filio primo videamus quomodo missum eum Apostolus dicat: Misit Deus Filium suū factum ex muliere. Vbi satis ostendit eo ipso missum filium, quo factum ex muliere. Proinde mitti à Patre sine Spiritu sancto non potuit, quia Pater intelligitur misisse eū, cū fecit ex femina: quod utique non fecit sine Spiritu sancto. Ecce hic dicit Filium missum à Patre & Spiritu sancto.

Quod à Spiritu sancto Filius sit missus, auctoritatibus confirmatur.

Et quod à Spiritu sancto Filius sit missus, ut ait Augustinus in eodem, auctoritatibus confirmatur. Ipse Christus dicit per Isaiam: Nūc misit me Dominus, & Spiritus eius. De hoc Ambrosius in lib. 3. de Spiritu sancto ita ait: Quis est, qui dicit: Me misit Dominus & Spiritus eius: nisi qui venit à Patre, ut saluos faceret peccatores, id est Christus? ergo & Pater Filium misit, & Spiritus sanctus. Idem in eodem: Datus est à Patre, ut Isaias dicit: Puer natus est nobis, & Filius datus est nobis. Datus est, audeo dicere, & à Spiritu, quia & à Spiritu sancto missus est: Dicit enim Filius Dei: Spiritus Domini super me, propter quod unxit me: euangelizare pauperibus misit me, predicare captiuis remissionem, &c. Quod cum de libro Isaiæ legeret, ait in euangelio: Hodie completa est hac scriptura in auribus vestris, ut de se dictum esse signaret. Bene autem dixit, super me: quia quasi filius hominis & unctus est, & missus ad predicandum. Nam secundum diuinitatem non super Christum est spiritus, sed in Christo. Ecce his verbis ostendit Ambrosius, Filium esse missum & datum nobis non tantum à Patre, sed etiam à Spiritu sancto.

Quod Filius sit datus etiam à seipso.

Deinde ostendit esse datum etiam à seipso, ita dicens in eodem lib. Cum enim non definitum fuerit per prophetam à quo datus est filius, ostenditur datus gratia Trinitatis, ut etiam ipse filius se dederit. Ecce hic dicit quod filius se dedit, quia Trinitas eum dedit. Si autem filius à se datus est, à se ergo missus est, & à se processit. Et hoc utique verum est, & concedi oportet, cum eius missio sit diuina operatio.

Quod Filius sit missus à se.

Quod autem à se mittatur, Augustinus astruit in lib. 2. de Trinit. dicens: Forte aliquis cogat, ut dicamus utiā

A à seipso missum esse Filium: quia & Maria conceptus, & partus, operatio Trinitatis est. Sed inquit aliquis, quo modo Pater eum misit, si ipse se misit? Cui respondeo quarens ut dicat, quo modo eum Pater sanctificauit, si & ipse se sanctificauit: Vtrumque enim Dominus ait: Quem Pater, inquit, sanctificauit, & misit in hunc mundum. Et alibi: Ego pro eis sanctifico meipsum. Item quaro, quo modo Pater eum tradidit, si ipse se tradidit? Vtrumque enim legitur. Credo, respondebit, si probe sapit, quia una voluntas est Patris & Filij, & inseparabilis operatio. Sic igitur intelligat, illam incarnationem, & ex virgine natiuitatem, in qua Filius intelligitur missus, una eademque operatione Patris & Filij inseparabiliter esse factam, non inde separato Spiritu sancto. Ergo à Patre & Filio missus est idem Filius, quia à Patre & verbo eius factus est ut mitteretur, id est, incarnatus hominibus appareret. Non enim missus est mutando locum, quia in mundo erat. Quapropter Pater inuisibilis, una cum Filio secum inuisibili, eundem Filium visibilem faciendo, misisse eum dictus est, qui si ita visibilis fieret, ut cum Patre inuisibilis esse desisteret, id est, si in substantia inuisibilis verbi in creaturam visibilem mutata, & transiens verteretur: ita missus à Patre intelligeretur Filius, ut tantum missus, non etiam mittens cum Patre inueniretur. Cum vero sic est accepta forma serui, ut maneret incommutabilis forma Dei: manifestum est, quod à Patre & Filio non apparentibus factum sit quod appareret in filio, id est, ab inuisibili patre cum inuisibili filio, idem ipse filius visibilis mitteretur.

Summatim colligit quæ ex prædictis astruuntur.

Ex prædictis aperte monstratur quod Filius missus est à Patre, & Spiritu sancto, & à seipso, & quæ sit ista missio, scilicet incarnatio, id est, quod factus est homo, per quod visibilis apparuit: quod est opus commune Patris, & Filij, & Spiritus sancti.

Quæstio, cur dicit: A meipso non veni.

Sed ad hoc opponitur, si filius à seipso missus est, cur ergo ait: A meipso non veni? Ad hoc Augustinus respondet in secundo libro de Trinitate, dicens, hoc dictum esse secundum formam serui: secundum quam non fecit ut mitteretur, id est, non operatus est incarnationem, sed secundum formam Dei.

DISTINCT. XV. PARS II.

Vtrum semel tantum missus sit Filius, an sæpe.

Hic quaritur, utrum semel tantum missus sit filius, an sæpe mittatur. Si enim missio filij ipsius tantum incarnatio est, cum semel tantum incarnatus sit, & semel tantum videtur missus. At si sæpe mittitur, est & alia eius missio quā incarnatio. Sed quæ est illa? Nunquid æterna genitura missio eius dicenda est, an etiam alia missio quærenda est?

Quod duobus modis dicitur Filius mitti.

Ad quod dicimus quod duobus modis dicitur filius mitti præter illam æternam genituram, quæ ineffabilis est, secundum quam etiam missus posset dici, ut videtur quibusdā: sed melius, ac verius secundum eam dicitur genitus. Præter eā ergo duobus modis dicitur mitti, scilicet, vel cū visibiliter mundo apparuit carne indutus, vel cū in animas pias sic trāsferet, ut ab eis percipiatur, ac cognoscatur. Hos duos missionis modos aperte August. distinguit in 4 lib. de Trin. dicens: Nō eo ipso q̄ de patre natus est missus dicitur filius: sed eo quod apparuit huic mundo, verbū caro factū. Vnde dicit: A patre exiui, & veni in mundum:

104.16 g
Sap. 9. b

veleo quod ex tempore cuiusquam mente percipitur, sicut dictum est de sapientia: Emitte illam de cælis sanctis tuis, & a sede magnitudinis tue, ut mecum sit, & mecum laboret, id est, doceat me laborare. Et tunc unicuique mittitur, cum a quoquam cognoscitur atque percipitur, quantum cognosci, & percipi potest, pro captu vel proficientis in Deum, vel perfectæ in Deo anima rationalis.

Quod secundum alterum semel, secundum alterum sæpe fit missus: & secundum alterum ut sit homo, & secundum alterum ut sit cum homine.

Explicatio, respō-
sionis.

Ecce distincti sunt duo modi missionis filij & secundum alterum semel tantum missus est Dei filius: secundum alterum sæpe missus est, & mittitur quotidie. Nam secundum alterum missus est ut sit homo, quod semel tantum factum est: secundum alterum vero mittitur ut sit cum homine, quo modo quotidie mittitur ad sanctos, & missus est etiam ante incarnationem, & ad omnes sanctos, qui ante fuerunt, & etiam ad Angelos. Unde Augustinus de filio, id est, de sapientia patris loquens 4. lib. de Trinitat. ait: Aliter mittitur sapientia, ut sit cum homine: aliter missa est, ut sit homo. In animas sanctas se transfert, & amicos Dei, & prophetas constituit, sicut implet etiam sanctos angelos. Sed cum venit plenitudo temporis, missa est, non ut implet angelos, nec ut esset angelus, nec ut esset cum hominibus, vel in hominibus, ut antea in patribus erat, & in prophetis, sed ut ipsum verbum fieret caro, id est, homo.

Quod secundum alterum modum dicitur missus in mundum, secundum alterum non.

Præterea notandum est quod cum his duobus modis mittatur filius, secundum alterum dicitur missus in mundum: secundum alterum vero non. Eo enim modo missus dicitur in mundum, quo visibilis mundo apparuit. Unde Augustinus in eodem lib. ait: Cum ex tempore cuiusquam mente percipitur, mitti quidem dicitur, sed non in hunc mundum. Non enim sensibiliter apparet, id est, corporeis sensibus præsto est. Nam & nos secundum quod mente aliquid æternum capimus, non in hoc mundo sumus, & omnium iustorum spiritus etiam in carne viventium, in quantum divina sapiunt, non sunt in hoc mundo. Ex prædictis liquet, quod præter ineffabilem generationem, duobus modis mittitur filius, scilicet cum visibiliter apparuit, vel invisibiliter percipitur mente.

Cur Pater non dicitur missus, cum ab aliquo cognoscitur, ut Filius.

Hic queritur cur Pater non dicitur missus, cum ex tempore a quoquam cognoscitur, sicut Filius. Ad quod dicimus, quia in eo est principij auctoritas, qua non habet de quo sit, a quo Filius & Spiritus sanctus. Pater enim est, ut ait Augustinus in eodem libro, principium totius divinitatis, vel si melius dicitur, deitatis: quia principium est Filij, & Spiritus sancti. Nam ut ait Augustinus in eodem: Quia etiam si voluisset Deus Pater per subiectum creaturam visibiliter apparere, absurdissime tamen aut a Filio quem genuit, aut a Spiritu sancto qui de illo procedit, missus diceretur. Congruenter autem ille missus dicitur, qui in carne apparuit: mississe autem ille, qui in ea non apparuit.

Lib. 2. ca.
citatur ad
fin.
cap. 21. in
fin. lib. 4.

A

Putaverunt quidam Filium & Spiritum sanctum minores fuisse Patre, quia missi dicuntur.

Ideoque putaverunt quidam hæretici, cum Pater non sit missus, sed Filius, & Spiritus sanctus, Patrem esse maiorem, aut Filium minorem esse, & Spiritum sanctum, atque Patrem, quasi maiorem, mississe utrumque quasi minorem. Quod Augustinus improbat in quarto libro de Trinit. illis contradicens: Non ideo, inquit, arbitrandum est minorem esse Filium, quod missus est a Patre: nec ideo minorem Spiritum sanctum, quod & Pater eum misit, & Filius: siue enim propter visibilem creaturam, siue potius propter principij auctoritatem, vel commendationem, non propter inaequalitatem, vel imparitatem, vel dissimilitudinem substantiae, in scripturis hac posita intelliguntur. Non ergo ideo dicitur Pater misisse Filium, vel Spiritum sanctum, quod ille esset maior, & illi minores: sed maxime propter auctoritatem principij commendandam, & quia in visibili creatura non sicut ille apparuit. Ecce ostensum est, quæ sit missio Filij, & quibus modis mittatur.

Error oc-
cassione
dictorum.cap. 21. in
fin. lib.
in Aug. no
est hoc di-
ctum, aucto-
ritatem.

B

DISTINC. XV. PARS I.

Vtrum temporali processione Spiritus sancti procedat a seipso.

Hic considerandum est, cum Spiritus sanctus detur hominibus a Patre & Filio

Expositio textus.

C

Supra egit Magister de processione temporali ipsius Spiritus sancti secundum quod est a Patre & Filio, hic secundo ostendit quod temporaliter procedit a seipso, & hoc intendit in tota ista parte usque ibi: Hic queritur, vtrum semel tantum sit missus Filius, ubi incipit agere de modo processionis seu missionis Filij, qui est visibilis & invisibilis. Et hoc quodam modo accidentaliter, cum ista missio & Filio conveniat, & Spiritui sancto. Habet autem hæc pars quatuor partes. In prima ostendit quod Spiritus sanctus temporaliter a se mittitur, datur, & procedit, & hoc deducendo ad impossibile, quia aliter non essent indivisa opera Trinitatis. In secunda ostendit a minori per auctoritatem, quod Pater misit Filium una cum Spiritu sancto, ita quod Spiritus sanctus misit Filium, in quæ nullo modo habet auctoritatem, ergo multo fortius mittit se, & hoc facit ibi: Ne autem mireris, quod Spiritus sanctus dicitur mitti vel procedere a se. In tertia vero parte ostendit hoc a simili: Si enim filius misit se, pari ratione & Spiritus sanctus se, & hoc facit ibi: Deinde ostendit datum etiam a seipso esse. In quarta vero & ultima opponit contra prædicta, & hoc ibi: Sed ad hoc opponitur: Si filius a seipso, &c. ubi etiam soluit, & breuiter epilogat prædeterminata.

Disting.

D

Donatur itaque Spiritus sanctus non tantum a Patre & Filio, sed etiam a seipso. Dub. 1.

E

Videtur dicere falsum: quia supra facit argumentum, quod non potest dari a sanctis viris, quia non potest ab ipsis procedere: sed non potest a seipso procedere: ergo pari ratione non potest dari a se.

RESP. Dicendum, quod Magister arguebat de processione temporali, & de hac bene concedit ipse quod procedit a se, eo quod propriæ potestatis est, ut spiraret in eum in quem vult, sed sancti viri non habent posse in eum.

Sicut, inquit, corpus carnis nihil aliud est quam caro, sic donum Spiritus sancti nihil aliud est quam Spiritus sanctus. Dub. 11.

Videtur, si similitudo bona est, ut omne quod est donum Spiritus

num Spiritus sancti sit Spiritus sanctus. Sed contra : Timor est donum Spiritus sancti, & non est Spiritus sanctus.

R E S P. dicendum quod donum cum dicit relationē, ac per hoc quodam modo distinctionem, potest illam importare tripliciter : aut secundum modum intelligendi, aut secundum modum essendi, aut secundum essentiam. Primo modo idem est dans & datum, sicut idem intelligens & intellectum : & differens ratione modi dicendi, quia datur idem à se : & sic intelligit Augustinus. Alio modo secundum modum essendi, siue se habendi, qui alius est & alius in personis, & sic dicit relationē personæ ad personam. Tertio modo importat distinctionē secundum essentiam, & respectum creaturæ ad essentiam increatam, & hoc modo amor dicitur donum Spiritus sancti : sed hoc infra melius patebit.

Si Pater & Filius dant. Dub. III.

Quia ista ratio, ut supra dictum est, non valet: Pater potest generare filium, & filius non potest: ergo pater potest aliquid quod filius non potest: ergo pari ratione, cum Spiritus sanctus dicit personam ut filius, non valet. S I T V D I C A S, quod non est simile propter actum dandi, qui est operatio in creatura. C O N T R A: Sicut dicit Magister in littera, Spiritus sancti donatio est eius processio: sed illud argumentum non valet: Spiritus sanctus procedit, & Pater non: ergo aliquid facit Spiritus sanctus, quod non pater: ergo similiter nec in proposito. S I T V D I C A S mihi quod non est simile de actiua & passiva. C O N T R A: Inflexio nominis per casus, non variat significationem: ergo similiter videtur quod nec ibi sit variatio per actiuum & passiuum. Et si tu dicas quod non est simile, ostenditur quod sic, quia omnis actiua infert passiuam: ergo videtur quod si in voce actiua tenetur essentialiter, quod similiter in passiva.

R E S P. dicendum quod sicut prædeterminatum est, rationes Magistri bonæ sunt, quia ipse accipit dare, secundum quod dicit effectum in creatura, & secundum hoc commune est tribus personis necessario, & hoc in actiua significatione. Dare enim Spiritum sanctum alicui, est facere quod inhabitet in eo: & ideo non est simile de potentia generandi.

A d illud quod obiicitur, quod Magister dicit quod donatio idem est quod processio, dicendum quod loquitur de donatione passiva, secundum quod artatur ad Spiritum sanctum, & argumentum suum bonum est: quia ab eodē principio est actio, & passio: ergo si donatio actiua est à Patre, similiter & donatio passiva: similiter si donatio actiua est à Spiritu sancto, & passiva.

A d illud quod obiicitur quod in actiua tenetur essentialiter, ergo & in passiva, similiter ergo potest dici quod pater procedat, dicendum quod argumentum istud non valet: quia spirare in voce actiua conuenit duobus, in voce passiva conuenit vni soli. Sic mittere potest conuenire tribus: procedere vero siue mitti duobus tantum.

Si autem seipsum dat: tunc & à seipso procedit. Dub. IV.

Videtur falsum: quia procedere est produci: ergo si Spiritus sanctus procedit à se, producit à se. S I T V D I C A S qd non dicitur sine terminatione, videlicet temporaliter, contra: Temporaliter, est determinatio non diminuens: ergo sequitur de necessitate, si temporaliter procedit à se quod procedat à se.

R E S P. Dicendum quod sicut dictum est supra, processio ratione comparisonis ad terminum in quo suscipitur creatura, scilicet quæ sanctificatur, de ratione nominis, connotat temporale, & ideo dicitur temporalis: & quoniam ille effectus temporalis est à Spiritu sancto, ideo & processio, licet non ita proprie sicut de Patre. Et non valet de productione, quia productio solum dicit comparisonem ad principium à quo, & non connotat

effectum. Vnde licet non valet, procedit temporaliter, ergo producit temporaliter; sic & in proposito.

Ne autem mireris, quod Spiritus sanctus dicitur mitti, &c. Dub. V.

Videtur quod male probet missionem Spiritus sancti per missionem Filii, quia missio dicit subauctoritatem in misso, sed plus est de subauctoritate in Spiritu sancto, quam in Filio: ergo plus de ratione missionis: ergo videtur, quod potius deberet procedere e contrario.

I T E M missio dicit manifestationē: sed missio filii manifesta est per missionē Spiritus sancti, ergo manifestior est missio Spiritus sancti: ergo videtur quod probet ignotum per ignotum iuxta hoc quæritur, de quo dicitur mitti proprius, scilicet de Filio, an de Spiritu sancto.

R E S P. Dicendum quod Magister probat missionem Spiritus sancti per missionem Filii, quia magis expressas habet auctoritates. Adhuc potest tamē nihilominus alio modo dici quod etiam ratiocinando bene procedit. In missione enim personæ est duo considerare, scilicet emanationē, ratione cuius est subauctoritas in misso, & quantum ad hoc magis conuenit, Spiritum sanctum mitti: & quantum ad hoc arguit Magister à minori, quod si Filius mittitur à Spiritu sancto, & à se, multo fortius & Spiritus sanctus. Est etiam considerare manifestationem, & ratione huius conuenit Filio magis: quia magis euidenter apparuit mundo, & quantum ad hoc arguit Magister à manifestiori, & ita per optime procedit.

A d illud quod obiicitur quod Spiritus sanctus manifestat Filium, & eius missionem, dicendum quod hoc non est propter defectum euidentiae à parte missionis Filii: sed propter cæcitatem à parte videtium, quam remouet Spiritus sancti gratia, & sic patet de quo prius. Vno enim modo magis competit Filio, alio modo Spiritui sancto secundum duas prædictas conditiones.

Satis offendit, &c. Dub. VI.

Secundum hoc videtur, quod cum Spiritus sanctus non sit factus ex muliere, videtur quod non sit missus. Præterea si Filius est factus ex muliere: ergo est factus. Contra per Symbolum: Non factus.

R E S P. ista non est communis ratio missionis: sed solum missionis visibilis ipsius Filii, & ideo non valet de se.

A d illud quod obiicitur quod non est factus, dicendum quod illud non est intelligendum nisi secundum humanam naturam, & ideo oportet addere determinationē, ut dicatur factus ex muliere, vel secundum humanam naturam, quia simpliciter propter errorem Arrii vitandam, non recipit eam eloquium Ecclesiasticum.

ARTICVLVS I.

Ad intelligentiam huius partis quatuor quærentur. Primo quæritur, utrum missio sit in diuinis. Secundo dato quod sit, utrum missio sit ex tempore, vel æterna. Tertio quæritur cuius sit missio ut milli. Quarto cuius sit missio ut mittentis.

QVÆSTIO I.

An in diuinis sit missio.

Alex. Alensis 1. p. q. 71. Membrum 1.
S Thom. 1. p. q. 43. art. 1.
Et 1. Sent. dist. 15. q. 1. art. 1.
Ægid. Rom. 1. Sent. dist. 15. q. 1.
Richardus 1. Sent. d. 15. q. 1.
Durandus 1. Sent. dist. 15. q. 1.
Thom. Arg. 1. Sent. dist. 15. q. 1. art. 1.
Petrus de Taran. 1. Sent. dist. 15. q. 1.
Marfilum Inguen. 1. Sent. q. 18. art. 1.

Quod missio sit in diuinis, ostenditur primo per scripturam Veteris testamenti: Mitte illam de cœlis, & loquitur de Sapientia, quæ est Dei Filius.

I T E M per scripturam Noui Testamenti: Cum venit

Fundamenta
Sap. 9. b

plenitudo

Gal. 4. a

plenitudo repositis, misit Deus filium suum. Et post: Quoniam estis Filii Dei, misit Deus Spiritum filii sui in corda vestra.

10. 16. b

ITEM hoc ostenditur per testimonium Veritatis: Cum autem abiero, mittam vobis Spiritum veritatis.

ITEM ratione videtur istud idem, quia mittere non est aliud quam ex se aliquem producere in alium, sicut Sol radium mittit in aerem: sed Spiritus sanctus à Patre & Filio procedit in creaturam, ergo ab eis mittitur.

ITEM quodcumque datur aliquid alicui, ut absenti, conuenienter dicitur mitti: sed tota Trinitas est absens peccatoribus quantum ad gratiam inhabitantem: ergo quodcumque datur Spiritus sanctus quantum ad gratiam inhabitantem, non incongrue dicitur mitti: si ergo dari est in diuinis hoc modo, ut dictum est, ergo & missio.

Ad oppos.

1. CONTRA: Vbiq; est missio, ibi est separatio. Vnde Hieronymus super Ezech. Quod coniunctum est & in vno corpore copulatum, mitti non potest, sed quod extra est. Vnde non mittitur manus, sed iaculum. Sed in diuinis est omnimoda indiuisio, & nulla separatio: ergo, &c.

2. ITEM vbiq; est missio, est missi ad mittentem subiectio: quod patet: Dominus enim mittit seruum, & non seruus Dominum. Sed in diuinis est omnimoda æqualitas, & nulla subiectio: ergo ibi non est missio.

3. ITEM vbiq; est missio, ibi est mutatio, quia non dicitur aliquid mitti, vbi est: sed in diuinis, nulla omnino cadit mutatio: ergo, &c.

4. ITEM missio passiuæ dicta in quantum talis, est opus ministerii: sed in nobilissima natura in quantum talis, non cadit ministerium, ergo, &c.

CONCLUSIO.

Missio est in diuinis proprie propter triplicem habitudinem mittentis, similiter & missionis: & propter triplicem perfectionem in misso: quæ ponitur loco triplicis imperfectionis illius in his inferioribus.

Explicatio.
Distinctio.
Primum membrum diff.

Applicatio.

Secundum membrum.

Applicatio.

Tertium membrum.

RESP. ad arg. Dicendum quod missio est in diuinis, sicut ostendunt prædictæ auctoritates & rationes, & transfertur à creaturis ad Deum. Secundum autem quod missio in his inferioribus consideratur, habet respectum ad tria scilicet ad principium, & ad terminum, & ad missum. Ad principium siue ad mittentem, sub triplici habitudine comparari conuenit, ut ad dantem esse, & sic mittitur radius à Sole. Ut ad dantem virtutem, & sic mittitur iaculum à proiectore. Ut ad dantem iurisdictionem siue auctoritatem, & sic mittitur nuntius à prætore. Secundum omnem hanc comparisonem est in diuinis missio, quia Spiritus mittitur à Patre & Filio tanquam habens esse, & virtutem & auctoritatem in operando ab eis, & ideo missio secundum hunc respectum, est completissime in diuinis. Non enim est ponere quod vna persona recipiat auctoritatem, nisi à quo recipit virtutem: nec virtutem, nisi à quo recipit esse. Similiter ad terminum sub triplici habitudine comparatur. Mittitur enim aliquid alicui, vbi videlicet quietatur, ut lapis mittitur deorsum. Mittitur etiam alicui, ut à quo habeatur, sicut aliquis mittit alicui donum. Mittitur etiam alicui ut ad aliquid, scilicet quod operetur. Secundum hanc triplicem comparisonem est missio in diuinis. Mittitur enim Filius vel Spiritus sanctus ut alicui ad inhabitandum: ut alicui, ad possidendum ut donum: ut ad aliquid, scilicet ad effectum operandum: & ideo missio per comparisonem ad terminum reperitur completissime in diuinis, multo magis quam in creaturis. Si autem loquimur de missione in comparisonem ad missum, sic in his inferioribus ponit triplicem conditionem imperfectionis, scilicet separationem, subiectionem, & mutationem, quæ quidem non sunt in diuinis, est tamen aliquid perfectionis ibi istis correspondens, & ratio huius patet sic. In istis inferioribus separatur missus à mit-

te propter distantiam termini admittentem, ut patet cum mitto aliquem Romam: quia Roma distat à me: si ille debet esse Romæ, oportet quod separetur à me.

1. IN diuinis vero, quia Deus mittens est vbiq; nulla est distantia, & ideo nulla est separatio: loco tamen huius est missi à mittente egressio, siue emanatio, & sic patet responsio ad illud quod obiicitur de conditione separationis.

2. SIMILITER in his inferioribus est in misso subiectio propter differentiam mittentis ad missum: quia enim missus recipit à mittente, vel esse, vel virtutem, vel operationem, & est separatus ab eo in substantia: quia substantia omnino eadē non participatur à pluribus, necesse est quod aliam virtutem recipiat ab eo, & aliam iurisdictionem illa inferiorem: sed in diuinis non est substantialis differentia, & ideo omnia sunt æqualis nobilitatis in mittente & misso, sed tamen loco huius est subauctoritatis origo, & sic patet secunda obiectio.

3. SIMILITER in his inferioribus est in misso mutatio propter distantiam missi à termino. cum enim non est in termino ad quem mittitur, ideo oportet quod mutet locum, & quod sit in eo mutatio: quia vero in diuinis missus nulli loco abest: non oportet quod personaliter accedat, & ideo non est ibi mutatio. Sed tamen loco eius est alicuius effectus de nouo productio, & sic patet tertia obiectio. Quamuis enim in diuinis non sit separatio, subiectio & mutatio, tamen loco horum est emanatio, subauctoritatis origo, & noui effectus productio.

4. AD illud quod ultimo obiicitur quod pertinet ad ministerium, dicendum quod hoc verum est, vbi missio dicit subiectionem, sed hoc non est in diuina natura, sed in creaturis, &c.

QVÆSTIO II.

An missio in diuinis ex tempore tantum fit, vel etiam ab æterno.

Alex. Alesius 1. p. q. 71. Membrum 1. & 4.
S. Tho. 1. p. q. 43. art. 2.
Et 1. Sentent. dist. 15. q. 1. art. 2.
Egid. Rom. 1. Sent. dist. 15. q. 2.
Richardus 1. Sent. dist. 15. q. 2.
Tho. Arg. 3. Sent. dist. 15. q. 1. art. 2.
Petrus de Tarantasia 1. Sent. dist. 15. q. 12.
Steph. Brulef. 1. Sent. dist. 15. q. 2.

UTrum missio in diuinis sit ex tempore tantum, an etiam ab æterno. Et quod ab æterno, ostenditur auctoritate, & ratione. Auctoritate sic per Gregorium: Eo ipso mittitur Filius quo generatur, sed generatur ab æterno: ergo mittitur ab æterno: ergo missio in diuinis est ab æterno.

2. ITEM Beda: Spiritus sancti missio est processio: sed procedit ab æterno: ergo mittitur ab æterno.

3. ITEM ratione sic: Missio siue actiue siue passiuæ dicta, est Deus: sed omnis actio quæ actiue & passiuæ est Deus, est ab æterno: ergo, &c.

4. ITEM omnis actio quæ habet Deum ut terminum, & ut principium, est ab æterno, ut patet cum dicitur Deus intelligit Deum, Deus generat Deum: sed missio est huiusmodi, quia Deus mittit Deum: ergo missio est æterna. Si dicas quod missio requirit duplicem terminum, scilicet eum qui mittitur, & eum ad quem mittitur, & ille ad quem fit missio, est temporalis.

CONTRA: Deus potest esse: qui mittit, Deus qui mittitur: ergo pari ratione Deus ad quem mittitur, & videtur quod istæ coparationes principii & termini maxime Deo conueniant. Deus enim est Alpha & ω, principium & finis: ergo magis proprie dicitur Deus ad quem mittitur, quam Deus qui mittitur.

5. ITEM quidquid est Deus, est æternum: missio est Deus, ergo est æterna: sed præmissæ sunt veræ: ergo & conclusio.

CONTRA per Ioannem: Si non abiero, Paracletus non veniet ad vos: cum autem abiero, mittam vobis eum.

Applicatio proportionibus ad Arg.

Ad oppos.
Orig. lib. 1. c. 1.

Fundamenta.
10. 16. a

Cum

Cum ergo Spiritus sanctus potest mitti, & promitti: sed quod est æternum, non potest promitti: ergo, &c.

Aug. 4. de Trin. c. 20. ante med. tom. 3.
ITEM Augustinus: Mittitur Filius vel Spiritus sanctus cum ex tempore cuiusquam mente percipitur.

ITEM omnis missio est aliquid posterius mittente: sed ubi cadit posterius necessario interuenit ratio principii, & temporis, ergo, &c. Prima propositio per se est vera, quia mittens per prius habet ipsum quod mittit, quam habet ille ad quem mittit.

ITEM omnis missio vel est ratione mutationis, vel ratione operationis: sed in diuinis non est mutatio: ergo ad hoc, quod missio sit, necesse est quod interueniat operatio: & si operatio, & effectus: & si effectus, & tempus: ergo missio est ex tempore.

CONCLUSIO.

Cum terminus ad quem missionis diuina sit creatus, Missio est de necessitate temporalis.

In q. præcedenti.
RESP. ad arg. Dicendum ad prædicta quod missio in diuinis nullo modo dicitur nili ex tempore. Et ratio huius est: quia dicitur comparisonem, non tantum ad principium, nec tantum ad missum: sed etiam ad terminum: sed terminus ille de necessitate creatus est: quia missio in Deo cum non dicat mutationem, dicit aliquam circaterminum operationem, & ita aliquem effectum; & quia omne quod recipit effectum, est creatum & temporale: ideo missio de necessitate est temporalis.

1. Ad illud ergo quod dicit Gregorius: Eo mittitur filius, quo generatur, dicendum quod ipse loquitur præsupposita manifestatione in creaturis: pater enim manifestatur in creatura, sed non mittitur, sed filius mittitur. Et Gregorius reddit rationem, quia nulla alia causa est, nisi quod ille generatur: ille non, id est, Pater.

2. Ad illud quod obiicitur de Beda, dicendum quod Beda loquitur de processione Spiritus sancti, prout est in creatura, & ita semper est temporalis ut missio.

3. Ad illud quod obiicitur quod omne quod actiue, & passiue in Deo ponitur, æternum est, dicendum quod verum est, nisi habeat ulteriorem respectum ad creaturam: sed missio præter respectum, qui est mittentis ad missum, importat aliquem effectum in creatura.

4. Ad illud quod obiicitur quod missio actiue, & passiue est Deus, dicendum quod est quædam actio, quæ solū respicit passum, ut percussio te: quædam quæ passum, & alium terminum, ut doceo te grammaticam, similiter & mitto te ad alium. Et quod obiicitur, verum est in actione, & passione, quæ nihil aliud recipiunt nisi principium, & obiectum: sed non in aliis, quæ requirunt alium terminum, & ideo habet instantiam in proposito. Similiter soluendum est ad sequens quod verum est, si actio illa omnino terminaretur in Deum. Sed quod obiicit quod missio respicit Deum, ut terminum ad quem, dicendum quod si terminus ad quem est missio, esset solum in ratione finientis, sic verum esset: nunc autem non est sic: sed magis in ratione susipientis.

Paralogismus.
5. Ad vltimum obiectum, dicendum quod ibi est paralogismus accidentis, sicut hic: Omne æs est naturale, statua est æs: ergo, &c. quia quod erat materiam, attribuitur statua ratione artificii. Similiter hic, quod erat diuinæ essentia attribuitur missioni ratione connotati.

QUESTIO III.

An Patri sit mitti.

*Alexand. Alensis 1. p. q. 73. Membrum 2. art. 1.
S. Thomas 1. p. q. 43. art. 4.
Et 1. Sentent. dist. 15. q. 2. artic. 1.
Scotus 1. Sentent. dist. 14. c. 15. q. unica.
Ægidius Rom. 1. Sent. dist. 15. p. 2. q. 1.
Richardus 1. Sentent. dist. 15. q. 1. art. 2.
Durandus 1. Sent. dist. 16. q. 1.
Thomas Argent. 1. Sentent. dist. 15. q. 1. art. 4.*

*Marsilius Inguen. 1. Sent. q. 18. art. 3.
Gabriel Biel. 1. Sent. dist. 15. q. unica.*

QUæritur cuius sit missio, ut missi. Et videtur, quod sit totius Trinitatis. Augustin. in 4. de Trinitat. Mittitur filius, cum ex tempore cuiusquam mente percipitur. Sed tota Trinitas ex tempore mente percipitur: ergo tota Trinitas mittitur: ergo Pater.

2. ITEM mitti personam, est ipsam de nouo venire ad habitandum: sed tota Trinitas de nouo venit ad habitandum in peccatore, cum gratia datur ei: ergo, &c. Minor patet: Ad eum veniemus, &c.

3. ITEM missio connotat effectum in creatura: sed ita est quod omne connotans effectum dicitur essentialiter: ergo missio passiue dicta, dicitur essentialiter: sed quod essentialiter dicitur, conuenit toti Trinitati: ergo, &c.

4. ITEM quando aliquid mittitur, mittitur cum eo omne quod inseparabiliter est coniunctum: sed pater est inseparabiliter coniunctus cum filio: ergo quando mittitur filius, mittitur & pater.

5. ITEM mittere & mitti, aut sunt æqualis nobilitatis, aut non. Si æqualis, ergo qua ratione: dicitur mittere de patre, eadem ratione & mitti. Si est inæqualis: ergo mittens est maior missio: ergo filius est inæqualis patri.

CONTRA: August. in 2. de Trin. Pater nusquam legitur missus: sed non debemus aliquod asserere de Deo quod non debemus ex scriptura: ergo mitti non conuenit toti Trinitati.

ITEM Augustinus dicit quod pater absurdissime dicitur missus: sed sermones veri non sunt absurdissimi, sed potius falsi: ergo mitti non vere dicitur de patre.

ITEM Augustinus dicit quod mitti est cognosci esse ab alio: sed pater non cognoscitur esse ab alio: ergo pater non mittitur.

ITEM omne mobile reducitur ad immobile: ergo missibile ad immisibile: ergo in diuinis est alia persona immisibilis: sed non nisi pater: ergo, &c.

CONCLUSIO.

Missio passiue, non est ipsius Patris, quia missio emanationem connotat in suo significatione.

RESP. ad arg. Dicendum quod missio sicut patet ex ratione August. & melius infra patebit, semper duo habet ex suo intellectu, scilicet emanationem, & manifestationem per effectum. Quia ergo importat emanationem passiue missio dicta, hinc est, quod cum pater omnino careat principio, quod de ipso nullo modo potest dici missio passiua, unde non inuenitur, & si inueniretur, esset tamquam falsa, & velut impropria exponenda.

1.2. Ad illud ergo quod obiicitur primo, & secundo quod missio est perceptio ab intellectu, vel inhabitatio de nouo, dicendum quod non dicit totam rationem missionis: sed solum a parte termini in quem, unde debet addi cum illis emanatio ab alio, & tunc non valet.

3. Ad illud quod tertio obiicitur quod connotat effectum: ergo est essentialis, dicendum quod nomen connotans effectum, aut dicit solum respectum ad effectum, & tunc est pure essentialis, ut creare: aut dicit etiam cum hoc respectum ad personam, & sic potest esse notionale, sicut creare per filium, solius est patris, sic est de hoc, quod est mitti: quia non dicit tantum comparisonem missi ad susipientem effectum: sed etiam ad principium. Significat enim ipsum esse ab alio, & in alium, & sic patet.

4. Ad illud quod obiicitur quod inseparabilia simul mittuntur, dicendum quod illud est verum de illa missione quæ est per separationem: sed de illa missione quæ est per distinctionem non est dicere quod sic mittantur necessario illi qui distinguuntur, sicut nec in alia missione, illa quæ separantur: & quoniam pater distinguitur à filio, & missio in diuinis dicit distinctionem, ideo non oportet quod cum mittatur filius, mittatur pater.

5. Ad illud

Ad oppositum.
Cap. 20.
ansem. med.
tom. 3.

104m. 14. 2

Fundamenta.
Cap. 5. 10. 3.

Lib. 4. c. 21.
in fine.

8. Physic. c. 34.

Lib. 4. de Trin. c. 20.
tom. 3.

Concordat S. Thom. 1. p. q. 43. art. 4.

Controversia tamen est inter S. Tho. & Scot. in dist. hac, an ita sit mittere producere, sicut mitti produci, & an mitti sit formaliter originari.

5. Ad illud quod obiicitur vltimo quod æqualis nobilitatis est mitti, vt mittere, dicendum quod mitti non remouetur à patre, quia dicit ignobilitatem, sed quia dicit emanationem, & subauctoritatē, quæ quamuis non sit ignobilitatis, tamen non conuenit patri.

QVÆSTIO IV.

An missio sit totius Trinitatis vt mittentis.

Alex. Alensis 1. p. q. 72. Membro 1.

S. Thom. 1. Sent. dist. 15. art. 3.

Scotus 1. Sent. dist. 14. q. 9. Smica.

Ægid. Rom. 1. Sent. dist. 15. p. 2. q. 2.

Richard. 1. Sent. dist. 15. q. 2. art. 2. q. 1. art. 3.

Thom. Arg. 1. Sent. dist. 15. q. 1. art. 3.

Steph. Brulef. 1. Sent. dist. 15. q. 4.

Petrus de Tarantasia. 1. Sent. dist. 15. q. 5. c. 8.

Marfilus Inguem. 1. Sent. q. 18. art. 2.

Gabr. Bael. 1. Sent. dist. 15. q. 1.

Funda-
menta.

*Lib. 15. de
Trin. c. 10.
ad fin. 10. 3.
Lib. 2. c. 5.
10m. 3.*

154. 61. a

*Aug. lib. 2.
de Trin. c.
1. 10m. 3.*

Ad opposi-
tum.
Cap. 19. 10. 3.

VLtimo quæritur cuius sit missio, vt mittentis. Et quod sit totius Trinitatis, ostenditur sic: Missio idem est quod temporalis donatio, sed temporaliter dare conuenit toti Trinitati, quia tota Trinitas dat Spiritum sanctum, vt dicit Augustinus, &c.

ITEM Augustinus de Trinit. Mitti à patre Filius sine Spiritu sancto non potuit: ergo missio filii conuenit Spiritui sancto: ergo eadem ratione missio sui. Si DICAS sicut dicunt quidā quod illud intelligitur de missione secundum humanam naturam, quia missus est ad prædicandum, secundum illud: Ad annuntiandum mansuetis milit me: non autem de missione secundū diuinam naturam. CONTRA: Missio secundum diuinam naturam, est missio in mentem, vel in carnem: sed August. intelligit de missione in carnē, vnde statim subditur, quia pater intelligitur eum misisse cum fecit ex femina: ergo constat quod loquitur de missione secundū diuinam naturam.

ITEM Magister facit tale argumentum: Si pater potest dare, vel mittere Spiritum sanctum, & hoc non facit Spiritus sanctus, aliquid facit Pater quod non facit Spiritus sanctus: ergo diuisa sunt opera Trinitatis.

1. CONTRA: Datum dicitur relatiue ad dantē, sicut dicit August. in 15. de Trinit. ergo Spiritus sanctus non datur nisi ab his ad quos relatiue dicitur: sed non dicitur relatiue ad se: ergo non dat se: ergo nec mittit se.

2. ITEM sicut pater est prima persona in Trinitate, ante quam non est alia, ita Spiritus sanctus post quem non est alia. Sed pater quia nō habet personam ex qua sit, nullo modo dicitur missus: ergo cum Spiritus sanctus non habeat personam ex se emanantem, nullo modo dicitur mittere.

3. ITEM vbicumque est missio passiuā, ibi est subauctoritas respectu alicuius principii in misso sicut dicitur ab Aug. & Magistro: ergo vbi est missio actiuā, ibi notatur auctoritas respectu personæ: sed Spiritus sanctus non habet auctoritatem respectu sui, nec alterius personæ: ergo, &c.

4. ITEM vbicumque est missio, ibi vere notatur distinctio, sicut in creaturis separatio: sed persona Spiritus sancti non distinguitur à se: ergo à se non mittitur, nec Filium mittit, cum non habeat auctoritatem in ipsum: ergo non mittit.

5. ITEM omnis actus secundum quem persona reflectitur supra se, est essentialis, & essentialiter dictus: si ergo filius mittit se, vel Spiritus sanctus se, ergo mittere, vel mitti essentialiter dicitur: sed omnis talis actus dicitur de tribus: ergo pater mittit se.

C O N C L U S I O .

Impropria est locutio quod Pater siue Trinitas mittat se: Propria quod persona procedentes mittant se. Propriissima quod producents mittat producentem.

R E S P. Ad Arg. Dicendum quod in hac quæstione,

A sapientes opinantur contrarie sapientibus. Nam Magister dicit expresse, & nititur probare auctoritate, & ratione, quod Spiritus sanctus mittat se, & de se, nec oportet secundum ipsum quod inter mittentē & missum cadat personalis distinctio, sed solum quantum ad rationē intelligendi, vt ipse sit mittens in quantum Deus, & idem ipse sit missus in quantum donum. Aliorum magistrorum, & antiquorum fuit positio, quod mittere & mitti de ratione sui nominis important subauctoritatem, & auctoritatem, & distinctionem, & ideo nullo modo potest dici quod vna persona mittat se, vel mittatur à se. Vnde locutiones istæ sunt improprie, & exponendæ, quæ hoc dicere videntur. Et positionem suam confirmat per Augustinum qui dicit quod pater nullo modo mittitur, nec legitur missus: hoc nō est ob aliud, nisi quia hoc, quod est *missus* importat subauctoritatem: ergo per oppositum mittere importat auctoritatem, & vna persona non habet auctoritatem supra se. Et respondent rationibus Magistri quod non est simile de hoc, quod est *dare*, & de hoc, quod est *mittere*. Quia dare vno modo est ex liberalitate, siue amore communicare, & sic est essentialē omnino, & nullam connotat distinctionem, & sic conceditur quod tota Trinitas dat seipsam, & pater similiter. Alio modo dare est alicui donum communicare, non tantum ex liberalitate, sed etiam ex auctoritate, & sic dare dicit notionem, siue tenetur notionaliter, & hoc modo non valent illæ rationes, si pater dat Spiritum sanctū, & Spiritus sanctus nō dat se: ergo aliquid facit pater quod non Spiritus sanctus, quia dicit notionem, & in hoc sensu æquipollet ei, quod est mittere: similiter donatio passiuā, ei quod est procedere. Similiter ad simile quod inducit Magister de filio, dicunt quod non est simile, quia in filio duplex est natura, scilicet diuina, & humana, & quantum ad humanam potest mitti, & mittitur à tota Trinitate, quia minor est Deo, & inferior, & non tantū subauctoritatem habet, sed etiam seruitutē, quia est seruus Dei, quamuis per vnionem sit Deus. Quantum ad diuinam autem mittitur à solo patre, quia à solo patre producit. Quia ergo Spiritus sanctus producit & à Patre & à Filio, & non à seipso, hinc est quod non mittitur nisi à patre, & à filio, & propter hoc rationes Magistri non valent, quia omnes auctoritates, quæ dicunt filium mitti à Spiritu sancto, vel à se, secundum humanam naturam intelliguntur. Sed licet hæc positio rationabilior videatur, & facilius ad sustinendum, tamen quia non debemus auctoritates Sanctorum ad nostram trahere rationem, sed magis econuerso, rationem nostram auctoritatibus Sanctorum subiicere, vbi non continent expressam absurditatem: & Sancti dicunt, & Magister dicit, & maxime Augustinus qui plus super hac materia locutus est, filium mitti à Spiritu sancto, & à se, quod non possunt exponere secundum humanam naturam. Ideo alia positio tum ob reuerentiam Sanctorum, tum ob reuerentiam Magistri, videtur magis esse tenenda. Illud enim verbum Augustini, quod dicit quod filius est missus in carnem à Spiritu sancto, secundum humanam naturam nullo modo potest intelligi vt videtur, quia missio hæc fuit ad humanitatis, siue carnis assumptionem: ergo secundum rationem intelligēdi præcedit humanam naturam, vt iam vnitam: ergo si filius hoc modo dicitur missus, oportet quod attribuat diuinæ naturæ: & ita ratione diuinæ naturæ missus est à Spiritu sancto, multo fortius ergo à se, ac per hoc & Spiritus sanctus à se.

Et propterea ad intelligentiam obiectorum in contrarium notandum est quod missio de se, duo importat: scilicet emanationem, & manifestationem, & principaliter de ratione suæ significationis importat manifestationem. Et hoc patet per Aug. in lib. de Trin. qui dicit quod mitti est cognosci esse ab alio, & habetur in præfenti distinctione, quia tunc Filius mittitur, cum ex tempore cuiusquam mente percipitur. Quia ergo principaliter importat manifestationem, & connotat in misso emanationem: ideo manifestatio significatur per hoc quod est *mittere* per modum actionis, & per hoc quod

est missio

Opinio Ma-
gistri Oad.
Alberti,
Petro T.
rant, Fi-
chari, &
aliorum.
Alia opi-
nio.

Aug. lib. 2.
de Trin.
c. 5. & lib.
4. c. 21. m.
fin. 10. 3.

Improbatio
opinionis.

S. Thom.
Gramque
probat. de
san. c.
Sco. viden-
tur ambi-
gui.

Aug. 4. de
Trin. c. 10.
ad med. 10. 3.

est *mittere* per modum passionis, sed emanatio utrobique uniformiter. Vnde sensus est: Pater mittit Filiū, id est declarat, siue manifestat Filii emanationem, siue filiū emanare. In passiva vero sensus est: Filius, siue Spiritus sanctus mittitur, id est, manifestatur ab alio emanare. Et quoniam ablatius respectu passivi, & nominatiui respectu actiui, important rationem principii, & significatio huius verbi *mittere*, & *mitti*, est manifestatio, & emanatio, ideo illa est propriissima, quando ablatius vel nominatiui importat habitudinem principii respectu utriusque, ut cum dicitur: Pater mittit filium, & filius mittitur à patre, quia filius emanat à patre, & manifestatur à patre. Quia vero principale significatum horum verborum est manifestatio non emanatio, quoniam nominatiui, vel ablatius est principium manifestationis, quamvis non emanationis, propria est: sed minus prædicta, & in hoc sensu conceduntur istæ, Filius mittit se, & Spiritus sanctus mittit se. Quia vero tam *mittere*, quam *mitti* important emanationem circa missum, & persona patris non emanat ab aliquo, similiter nec Trinitas: ideo persona Patris nusquam legitur missa, nec ipsa Trinitas. Ex hoc patet, quod hæc est simpliciter, & omnino impropria. Pater mittit se siue ipsa Trinitas: quia receditur à proprietate personarum, & Trinitatis. Illa vero est simpliciter, & omnino propria: Pater mittit Filiū, cum à nullius proprietate recedatur.

1. Ad illud quod obiicitur in contrarium de dato quod dicitur relative, dicendum quod verum est, secundum quod *dare* dicit per quamdam auctoritatem communicare, hoc modo non accipit Magister: sed in quantum *dare* idem est quod liberaliter, & voluntarie communicare.

2. Ad illud quod obiicitur quod pater non mittitur, quia non ab alio, dicendum quod non est simile, quia tam *mittere*, quam *mitti* important emanationem in missio, ut patet exponenti: sensus enim est: Hæc persona mittit illam, id est manifestat eius emanationem: & hæc mittitur ab illa, id est eius emanatio manifestatur ab illa: sed hæc emanatio non semper importat respectum omnis personæ mittentis, quia ab aliquo potest esse manifestatio emanationis, à quo tamen non est ipsa emanatio, & ideo sic non ponitur productio in mittente, sicut emanatio in missio, & ideo non sequitur, quod si Pater non mittitur, quod Spiritus sanctus non mittatur.

3. Ad illud quod obiicitur: Vbi est missio passiva, ibi est subauctoritas, dicendum quod verum est non ratione qua passivum, sed ea ratione qua tam passivum, quam activum notat emanationem in missio, sicut patuit in expositione. Et quia emanatio non semper est respectu mittentis, ideo non oportet quod semper importetur auctoritas in mittente: sed ratio ista valeret bene, si ita esset, ut principale significatum eius quod est missio, esset emanatio, siue productio.

4. Ad illud quod obiicitur quod *mittere* importat distinctionem, dicendum quod *mittere* vno modo importat differentiam substantialem, ut cum importat dominium, ut cum dicitur: Deus mittit Angelum. Alio modo distinctionem personalem, ut cum importat auctoritatem in mittente, & subauctoritatem in missio respectu mittentis, ut cum dicitur: Pater mittit Filiū. Tertio modo importat distinctionem solum quantum ad modum intelligendi. Sicut cum dicitur, voluntas est instrumentum seipsum mouens, quia idem est mouens, & motum. Similiter cum dicitur: Spiritus sanctus mittit se, idem est mittens, & missum, ratione differens. Mittens, inquam, secundum quod Deus, sed missum secundum quod donum, sicut prædictum est.

5. Ad illud quod obiicitur ultimo de reflexione actus dicendum quod verum est quo ad principale significatum: sed non oportet quantum ad connotatum, & ratione principalis significati est reflexio

personæ mittentis supra se, ut dicitur: mittens est missus.

S. Bonau. Tom. 4.

DISTINCT. XV. PARS II.

De missione Filii, & Spiritus sancti quantum ad modum: qui duplex est, visibilis scilicet & inuisibilis.

Huius Partis Textum supra videre licet.

Hic queritur utrum semel tantum missus sit Filius.

Expositio textus.

Supra egit Magister de missione quantum ad principium, hic agit de missione quantum ad modum, qui duplex est, scilicet visibilis, & inuisibilis. Et quoniam isti modi conveniunt missioni Filii, & Spiritus sancti, ideo Magister primo assignat eos circa missionem Filii. Secundo circa missionem Spiritus sancti in principio: 16. dist. *Nunc de Spiritu sancto videndum est*, &c. Prima pars habet quatuor partes. In prima, præmissa quæstione, ostendit auctoritate Augustini quod filius duobus modis missus est, scilicet visibiliter & inuisibiliter, ibi: *Ad quod dicimus*. In secunda assignat duplicem differentiam istorum duorum modorum, vnam ibi: *Ecce distincti sunt duo modi missionis Filij*. Aliam ibi: *Præterea notandum*. In tertia vero movet dubium quoddam, quod habet ortum ex prædeterminatis, ibi: *Hic queritur, cur Pater non dicitur missus*. In quarta vero remouet, siue docet errorem cauere, procedentem ex illius dubii solutione, ibi: *Ideoque putaverunt quidam heretici*. Ex hoc enim quod dixerat Patrem non mitti, posset quis credere in diuinis non esse æqualitatem. Ad hoc respondens Magister dicit quod hoc non est propter inæqualitatem, sed propter principii auctoritatem, siue connotationem.

Hic queritur utrum semel tantum missus sit Filius, an, &c. Dub. I.

In parte ista sunt dubitationes circa litteram, & primo dubitatur de situ cap. 1. huius partis. Videtur enim quod Magister non debeat hic ponere Tractatum de missione Filii, quia missio Filii est incarnatio: sed de eius incarnatione agitur in Tertio: ergo ibi, deberet agere de missione, non hic.

RESP. Quod Magister incidenter introducit hunc Tractatum de missione Filii propter explicationem missionis Spiritus sancti. Posset tamen dici quod Magister hic agit de missione Filii in mentem principaliter, sed de missione Filii in carnem per accidens, ut distinguat à missione Filii in mentem. De illa autem missione quæ est in carnem, specialiter & principaliter agit in Tertio, & ideo aliter ibi, quam hic.

Non eo ipso quod de Patre natus est, missus dicitur Filius. Dub. II.

Videtur dicere falsum, & contra Gregorium qui dicit: Eo modo mittitur Filius quo generatur.

RESP. Dicendum quod Augustinus loquitur cum præcisione, ut intelligatur non eo ipso tantum: Gregorius autem cum præsuppositione manifestationis. Vel aliter: Augustinus loquitur de generatione æterna, Gregorius de temporali: vnde nulla est omnino contradictio.

Missus est etiam ante incarnationem & ad omnes Sanctos. Dub. III.

Queritur utrum post incarnationem plenius sit datus Filius, & Spiritus sanctus. Et quod sic videtur, quia status legis fuit status imperfectionis, status Evangelii, status perfectionis. Lex enim neminem ducit ad perfectionem: sed Evangelium dicit: Estote perfecti: ergo, &c. **I**TEM de Spiritu sancto videtur hoc specialiter, quia scribitur per Ioannem: Spiritus nondum erat datus, quia Iesus nondum erat glorificatus: hoc non dicitur quod nullo mo-

Diuisio.

Gregor. ho. 26. in Euāgel. 10. 2.

Heb. 7. 6

Matt. 5. 8

Ioan. 7. f

L

do ante

do ante fuerit datus, sed quia non ita abundanter: ergo, &c.

ITEM maior cognitio & dilectio est tempore legis gratiæ, quam tempore legis scriptæ: ergo, &c.

RESP. Dicendum quod plenius dari, potest dupliciter intelligi: aut intensiue, aut extensiue. Si extensiue, sic pluribus datus est Spiritus sanctus tempore legis gratiæ, quia in omnē terram exiuit sonus eorum, &c. non tantum ad vnā gentem. Si intensiue, hoc est dupliciter, aut quantum ad generalem statum, aut quantum ad speciales personas. Quantum ad generalem statum in nouo Testamento. Quantum ad speciales personas: in veteri Testamento, & sic se habent, vt excedentia, & excessa, quia in veteri Testamento fuerunt aliqui viri Euangelici, & sic procedunt rationes ad vtramque partem. In veteri Testamento fuerunt aliqui abundantes in sapientia, vt Salomon. Aliqui in patientia, vt Iob. Aliqui in mansuetudine, vt Moyses. Aliqui in fide, vt Abraam. Aliqui in deuotione, vt Dauid. Aliqui in miraculorum opere, vt Helias.

Et etiam ad Angelos. Dub. IV.

Videtur falsum, quia Angelus dicitur nuncius, seu missus: sed ad missum non est missio: ergo, &c. Si tunc dicatur quod alio modo mittitur. CONTRA: qui semper est præsens non indiget missione: sed Angelus semper contemplatur Deum vt præsentem: ergo, &c.

RESP. Dicendum quod missio sapientiæ siue Filii est ad creaturam illustrandam, sicut missio Spiritus sancti ad creaturam sanctificandam. Et quoniam Angeli nec ex se fuerunt sapientes, nec ex se fuerunt sancti, ideo oportuit quod à principio mitteretur eis sapientia, quæ est Filius, & Spiritus sanctus: Vnde Augustinus loquitur pro statu glorificationis. proprie autem non dicitur mitti nunc, nisi dicatur large mitti ad manifestationem alicuius occulti.

Nam & nos secundum quod mente aliquid eterne capimus, non in hoc mundo sumus. Dub. V.

Videtur falsum dicere. Quia aut dicit secundum animam, aut secundum carnem. Non secundum carnem hoc constat: ergo secundum animam: ergo videtur quod anima quando Deum cognoscit sit in cælo, siue extra mundum. ITEM hoc videtur ratione, quia capere æternum, est magis capi: ergo si quod capitur à capiente locatur: ergo anima locatur in æternitate: ergo extra tempus. Præterea, quod cognoscit & amat, aut trahitur à cognoscente & amante, aut econuerso: sed dum Deum amamus & cognoscimus, non trahimus Deum ad nos, sed nos ad Deum sicut dicitur à Dionysio.

RESPON. Dicendum quod locus habet naturam continentis & quietantis. Esse ergo in hoc mundo est dupliciter. Aut quantum ad veritatem, & continentiam, aut quantum ad quietem: Augustinus autem loquitur non proprio modo, quod anima & corpus vere egrediatur hunc mundum dum mente capit Deum: sed intelligit quantum ad quietem: quia affectus animæ non requiescit in temporalibus, quibus superfertur: sed in æternis: & quantum ad hoc intelligitur Dionysius, & intelligitur secunda ratio, quod amatum trahit, non localiter mutando, sed sibi conformando: quia amans transformatur in amatum, & cognoscens conformatur cognito.

Pater enim est, &c. principium totius diuinitatis, vel si melius dicitur, deitatis. Dub. VI.

Videtur male dicere, quia aut hoc est per generationem, aut per spirationem. Sed si hoc: ergo pater generat vel spirat deitatem. quod est contra Magistrum supra: vbi dicit quod essentia nec generat, nec generatur. Præterea quæritur quare dicitur: vel si melius dicitur, deitatis.

RESP. Dicendum quod Augustinus non simpliciter dicit, quod sit principium diuinitatis, sed cum hac determinatione totius. Et quoniam in simplicissimo non cadit aliqua totalitas, nisi extenso nomine totalitatis

ad personarum pluralitatem, ideo deitas siue diuinitas stat vt in personis: tamen quia non potest trahi ad personas, cum sit nomen abstractum, prædictus sermo exponendus est sicut supra exponit Magister locutiones consimiles. Quod quæritur, quare dicitur deitatis melius, dicendum quod diuinum potest dici de creaturis, secundum quod dicitur homo diuinus: sed Deus solius Dei est proprium: ideo deitas magis proprie dicit formam Dei quam diuinitas, ideo melius dicitur deitatis quam diuinitatis.

Diuinum potest dici de creaturis.

ARTICVLVS I.

AD intelligentiam eorum quæ dicuntur in parte ista, tria quærentur de missione Filii inuisibili, quia de visibili agetur in Tertio. Et quia missio inuisibilis Filii, similis est missioni inuisibilis Spiritus sancti: ideo simul quæritur de vtraque. Primo quæritur vtrum hæc missio sit secundum dona gratiæ & gratum facientis, vel gratiæ gratis datæ. Secundo quæritur vtrum secundum eadem dona gratiæ, dicatur mitti Filius, & Spiritus sanctus. Tertio vtrum vtraque missio sit secundum eadem dona gratiæ augmentata.

QVÆSTIO I.

An missio Spiritus sancti sit secundum dona gratiæ gratis datæ, vel gratum facientis.

Alexand. Alensis 1. p. q. 73. Membro 4. art. 2.

S. Thomas 1. p. q. 43. art. 3.

Et 1. Sentent. dist. 14. q. 2. artic. 1.

QVOD hæc missio sit secundum dona gratiæ gratis datæ ostenditur sic: Rabanus dicit de Spiritu sancto quod ter datus est Spiritus sanctus. Et primo dicit ipsum esse datum ad miraculorum operationem, constat autem quod miraculorum operatio est gratia gratis data: ergo, &c.

Ad oppositum.

2. ITEM Spiritus sanctus datur cum datur donum prophetiæ. Vnde: Factus est Spiritus Domini super Saul, & prophetabat: sed donum prophetiæ datur frequenter his qui non habent gratiam gratum facientem, sicut pater de Saul per textum: ergo, &c.

1. Reg. 11.

3. ITEM quod filius mittatur secundum dona gratiæ gratis datæ, videtur. Tunc enim filius dicitur mitti, quando fit reuelatio occultorum: sed reuelatio occultorum potest fieri sine dono gratiæ gratum facientis: ergo, &c.

4. ITEM Augustinus dicit, & habetur in præsentia distinctione quod tunc sapiëntia mittitur cum à cuiusquā mente percipitur, siue cum alicui innotescit: si ergo percipitur & innotescit per dona gratiæ, gratis datæ, vt per fidem informem: ergo videtur in illis dari: ergo, &c.

Aug. 4. de Trinit. c. 20. ante med. 10. 3.

CONTRA: per Augustinum dicitur quod tunc datur Spiritus sanctus alicui, cum sic datur vt eum faciat Dei & proximi dilectorem, hoc est dicere, quando datur hominibus charitas: sed charitas non est nisi gratiæ gratum facientis: ergo, &c.

Fundamenta. Lib. 15. de Trin. c. 17. in fin. 10. 3.

ITEM hoc ipsum videtur de filio, quia dicitur in lib. Sapientiæ: In animas sanctas se transfert, & amicos Dei constituit: sed amici Dei non dicuntur sine gratia gratum faciente: ergo, &c.

Sap. 7. 6

ITEM ratione ostenditur: Tunc datur vel mittitur Spiritus sanctus quando habitat in homine: sed nō dicitur habitare in homine sine gratia gratum faciente: ergo &c.

ITEM cum mittitur Filius vel Spiritus sanctus ad aliquem, non mittitur vt sit ibi, vbi prius non erat: sed vt sit in eo aliter quam prius, sed nouis modus essendi, addens supra esse per naturam non est nisi per gratiam gratum facientem: ergo, &c.

CONCLV-

Aug. lib. 4. de Trin. c. 20. som. 3.

Diony. 4. de diu. nom.

Dist. 9.

Aug. ibid.

CONCLUSIO.

Spiritus sanctus si datur simpliciter videlicet quo ad vsum, & quo ad fructum, sic datur secundum dona gratia gratum facientis; si vero datur quo ad hoc, tunc datur secundum dona gratia gratis data.

Responsio aliorum.

Propria responsio.

RESP. ad arg. Ad hoc distinguunt aliqui, quod Spiritum sanctum dari vel mitti inuisibiliter potest esse vel in quantum Spiritus, vel in quantum sanctus. In quantum Spiritus datur per donum gratia gratis data. In quantum sanctificas datur per dona gratia gratum facientis. Similiter sapientia, vel filius potest mitti, vel prout faciens sapere, & sic per dona gratia gratis data: vel prout sapientia dicta est a sapore, & sic per dona gratia gratum facientis. Sed istud non videtur soluere, quia dantem oppositum istius solutionis est possibile adhuc soluere, & querere de Spiritu, & verbo, quo modo dicatur dari & non inhabitare. Propter hoc aliter dicendum tam de Filio, quam de Spiritu sancto quod dari vel mitti est dupliciter: vel simpliciter, vel ad hoc. Tunc datur simpliciter, quando simpliciter habetur videlicet non tantum ad vsum, sed ad fructum, hoc autem est solum per dona gratia gratum facientis, & ideo in illa solum datur simpliciter vel Filius, vel Spiritus sanctus. Alio modo dicitur dari ad hoc quando non ad fructum, sed ad auxilium siue ad aliquem vsum aliqua dona donantur, & hoc fit cum dantur aliqua dona gratia & gratis data in quibus manifestatur Filius vel Spiritus sanctus, & sic procedunt rationes ad primam partem.

1. Sic intelligendum est verbum Rabani: Ipse enim communiter loquitur de missione. Vnde dicit: Spiritus sanctus ter datur. Augustinus autem loquitur de datione vel missione quæ est ad habitandum, vel simpliciter habendum.

2. Ad illud quod obiicitur de prophetia, dicendum quod vno modo datur in ea Spiritus sanctus simpliciter, prout ipsa dicit cognitionem secundum idoneitatem suscipientis, & secundum pietatem exequentis. Alio modo prout est reuelatio, & sic non datur in ea Spiritus simpliciter, siue non mittitur nisi ad hoc. Vnde non dicitur in libro Regum, quod Spiritus sanctus sit missus ad Saul, vel factus in Saul, sed super Saul.

3. Ad illud quod obiicitur quod mittitur filius cum sit reuelatio occultorum, dicendum quod hoc non est in quacunque reuelatione, nam aliqua sit reuelatio, non per missionem filii, sed per missionem angelis: multa enim reuelantur ab Angelis, sed intelligitur de illa reuelatione in qua est animæ illustratio per gratiam: & si per gratis datam, non simpliciter mittitur: sed si per gratum facientem, tunc simpliciter mittitur & habetur.

4. Ad illud quod ultimo obiicitur quod tunc mittitur quando percipitur, dicendum quod non sufficit cognoscere filium quod sit ab alio, immo oportet quod cognoscat quod sit in ipso vt in suo habitaculo. Hoc autem dico non cognitione necessitatis, sed coniecturæ: nec de cognitione actuali, sed de habituali.

QVÆSTIO II.

An Filius, & Spiritus sanctus secundum eadem dona gratia mitti dicantur.

Alex. Alenf. 1. p. q. 73. Membro 2. art. 2.

Ægid. Rom. 1. Sent. dist. 15. 2. p. q. 2.

Richard. 1. Sent. dist. 15. art. 4. q. 1.

Steph. Brulef. 1. Sent. dist. 15. q. 6.

Ad oppositum.

Vtrum secundum eadem dona gratia dicantur mitti Filius, & Spiritus sanctus: Et quod non, videtur hoc modo: Missio Spiritus sancti est eius donatio, & similiter Filii: sed alia est missio Filii & Spiritus sancti: ergo alia donatio: ergo secundum aliud donum.

2. ITEM hoc ipsum videtur per simile: quia sicut habet missio visibilis Filii ad missionem visibilem Spiritus

S. Bonau. Tom. 4.

A sancti, ita etiam & inuisibilis: sed missio visibilis Filii & Spiritus sancti est secundum aliud & aliud effectum, & signum in creatura: ergo inuisibilis secundum aliud & aliud donum.

3. ITEM missio est ad cognoscendam emanationem & discernendam: si ergo filius discernitur ab effectu in quo mittitur, & Spiritus sanctus, & huiusmodi sunt dona gratia: ergo quantum ad aliud donum mittitur Filius, quantum ad aliud Spiritus sanctus.

4. ITEM non est idem appropriatum Filio & Spiritui sancto. sed aliud in creatura: ergo cum Filius dicatur mitti in effectu sibi appropriato, in alio effectu vel dono mittitur Filius quam Spiritus sanctus.

B CONTRA: Omnis donorum distributio tam gratia gratis data, quam gratia gratum facientis attribuitur Spiritui sancto, maxime dona gratia gratum facientis, sicut patet: Ergo cum Spiritus sanctus mittatur in donis sibi appropriatis, in omnibus donis mittitur: ergo in eisdem in quibus Filius.

ITEM Filius mittitur, cum sapientia datur, & similiter Spiritus sanctus: quia præcipuum donum Spiritus sancti est sapientia: ergo, &c.

ITEM quodcumque datur cognitio, dicitur mitti Filius: sed in hoc dono datur vel mittitur Spiritus sanctus: Cum venerit ille docebit vos omnem veritatem, ergo, &c.

C ITEM quodcumque charitas datur, mittitur Spiritus sanctus: sed in hoc modo datur Filius: In animas sanctas se transfert, & amicos Dei constituit, & August. in lib. 4. de Trinit. exponit illud de missione Filii: ergo, &c.

CONCLUSIO.

Missio Filii, & Spiritus sancti quo ad radicem gratia eadem est: quo ad habitus aliqua est indistinctio: quo ad actus est alia, & alia, semper tamē sunt indiuisæ.

D RESP. ad argu. Dicendum quod in missione inuisibilis est donorum collatio: in quibus est manifestatio & inhabitatio. Et secundum hoc intelligendum est quod est loqui de donis Dei quantum ad radicem, vel quantum ad habitum, vel quantum ad actum consequentem. Loquendo autem quantum ad radicem, sic quia vna est gratia gratum faciens, per quam inhabitat Filius & Spiritus sanctus, quæ est radix donorum gratuitorum, sic datur vel mittitur eodem dono. Loquendo autem quantum ad habitum, sic distinguendum, quia quidam habitus sunt pure affectiui quidam pure cognitiui, quidam mediū. In habitibus pure affectiuiis datur siue mittitur Spiritus sanctus, quia ei appropriatur. In habitibus pure cognitiuiis nec Filius nec Spiritus sanctus proprie sicut dictum est, mittitur. In habitibus autem partim cognitiuiis, partim affectiuiis secundum quod diuersa in se continent, & Filius mittitur & Spiritus sanctus. Nam cognitiui ducunt in manifestationem verbi, affectiui in manifestationem amoris. Si autem loquamur quantum ad actus consequentes qui sunt illuminatio intellectus & affectus inflammatio, sic vocando donum, in aliis & aliis donis mittuntur: sed quoniam ista coniuncta sunt, ideo missio Filii & Spiritus sancti inuisibilis, sunt diuisæ, & secundum hoc procedunt rationes ad oppositas partes. Tamen illud quod adducit pro simili in missione sensibili, nequaquam est simile, quia non est tanta vnio & connexio in signis exterioribus, quanta est in habitibus interioribus.

QVÆSTIO III.

An Filius, & Spiritus sanctus ad eadem dona gratia augmentanda mittantur.

Alex. Alenf. 1. p. q. 73. Membro 4. art. 3.

Vtrum missio Filii & Spiritus sancti sit secundum eadem dona gratia augmentata. Et quod sit, videtur exemplo, auctoritate, & ratione. Exemplo sic: Con-

Fundamenta.

1. Cor. 12.

Ioan. 16. b

Sap. 7. d

Ca. 20. 10. 3.

Fundamentum rationis.

Fundamenta.

stat in die pentecostes Apostolis esse Spiritum sanctum missum non tantum visibiliter, sed etiam inuisibiliter, quia missio visibilis, sine inuisibili non confert: sed ipsi prius habebant gratiam: ergo, &c.

ITEM hoc videtur auctoritate Rabani. In baptismo datur Spiritus sanctus ad habitationem Deo consecrandam: sed in confirmatione cum omni plenitudine sanctitatis venit in hominem: ergo datur in confirmatione post baptismum: ergo, &c.

Beda lib.
Homil.

ITEM augmentum gratiae est per gratiae additionem: sed ubi est gratiae additio, ibi gratiae donatio: sed Spiritus sanctus mittitur vel datur, cum datur eius gratia, ut dicit Beda: ergo in augmento gratiae datur, vel mittitur Spiritus sanctus.

ITEM non minus donum est charitatem conservare quam inchoare: ergo si mittitur Filius, vel Spiritus sanctus, cum gratia inchoatur, multo fortius cum conservatur: sed conservatur per augmentum: ergo mittitur in augmento.

Ad oppositum.

1. CONTRA: Spiritus sanctus non mittitur in hominem ut de nouo sit in eo: sed ut aliter sit in ipso: sed in eo in quo augetur gratia, non est aliter ut prius: ergo ad illud non mittitur.

2. ITEM si mittitur in augmento gratiae: aut ergo quia de nouo mittitur: aut quia abundantius mittitur non quia de nouo: ergo quia abundantius. SED contra: Mitti est procedere: ergo abundantius mitti, est abundantius procedere: sed semper æqualiter procedit: ergo, &c.

3. ITEM si mittitur in gratiae augmento: cum ergo gratia in nobis quotidie augetur etiam homine nesciente, videtur quod Spiritus sanctus, vel Filius mittatur, homine nesciente, & quotidie mittatur homini, quod non est dicendum.

4. ITEM conuenit gratiam charitatis in aliquo per negligentiam remitti: ergo si Spiritus sanctus mittitur in augmento, & recedit in remissione: ergo quando aliquis peccat venialiter, perdit Spiritum sanctum, quod falsum est.

CONCLUSIO.

Spiritus sanctus mitti dicitur non in profectu gratiae primæ habitæ solum, sed in collatione noui doni, & noui vsus.

Responsio
aliorum.

RESP. ad Arg. Ad hoc dicunt aliqui quod gratiam augeri est dupliciter, scilicet perceptibiliter, & imperceptibiliter. Si perceptibiliter, tunc dicunt in tali augmento dari vel mitti Filium & Spiritum sanctum. Si autem imperceptibiliter, tunc dicunt ipsum non mitti. Et ratio huius est, quia tunc dicitur dari vel mitti cum mente percipitur: Sed aliter potest dici quod augmentum gratiae est dupliciter: aut secundum profectum in gratia prius habitæ: aut eius vsu, aut per collationem noui vsus, vel etiam doni gratuiti. Si solum per profectum, sicut ostendunt vltimæ rationes, non dicitur mitti Spiritus sanctus. Si autem per collationem noui doni sicut fuit Apostolis in die Pentecostes vel noui vsus, sicut est in confirmatione, tunc potest dici mitti vel dari Spiritus sanctus, quia aliquo modo est ibi de nouo quantum ad illud donum vel vsum doni, & quia abundantius est.

Responsio
propria
pro expli-
catione
termini.

1. AD illud quod obiicitur quod non est ibi alio modo essendi, dicendum quod etiam hoc non sit alio modo essendi, est tamen perfectiori modo inhabitandi, & alio modo vtendi, & ideo nouo modo.

2. AD illud quod obiicitur, si abundantius mittitur, abundantius procedit, dicendum quod mitti abundantius, vel procedere est dupliciter, vel ab hoc, vel in hoc: primo modo uniformiter est mitti: secundo modo non.

3. AD illud quod obiicitur quod quotidie augetur, dicendum quod quotidie augetur, quantum ad ferue-

rem: sed non quantum ad nouorum donorum vel vsuum collationem.

4. AD illud quod obiicitur quod gratia remissa debet recedere, dicendum quod sicut infra patebit, gratia augetur quantum ad substantiam: sed non remittitur nisi solum quantum ad feruorem, Spiritum autem sanctum mitti non dicitur in augmento feruoris, sed solum substantiae charitatis.

NUNC DE MISSIONE SPIRITVS SANCTI QVA DVPLEX EST: VISIBILIS ET IN-

VISIBILIS: ET PRIMUM DE VISIBILI, CUIVS OCCASIONE TRACTATUR, quod Filius ratione missionis minor est Patre, & Spiritu sancto, & etiam seipso.

DISTINCTIO XVI.



NUNC de Spiritu sancto videndum est, prae-ter illam ineffabilem & aeternam processionem, qua procedit à Patre & Filio, & non à seipso, qua sit eius temporalis processio, qua dicitur missio siue datio. Ad quod dicimus, quia sicut Filius duobus modis dicitur mitti: vno, quo visibiliter apparuit: altero, quo inuisibiliter à castis mentibus percipitur: ita & Spiritus sanctus à Patre & Filio, ac à seipso duobus modis procedere siue mitti, siue dari dicitur: vno, visibiliter: altero inuisibiliter. Datus est enim visibilis creatura demonstratione, sicut in die Pentecostes, alijsque vicibus, & datur quotidie inuisibiliter, illabendo meritis fidelium.

De visibili missione Spiritus sancti.

Et primo agamus de illo missionis modo, qui fit visibili specie. De hoc August. in 2. lib. de Trin. ait: In promptu est intelligere de Spiritu sancto cur missus & ipse dicatur. Facta est enim quadam creatura species ex tempore, in qua visibiliter ostenderetur Spiritus sanctus: siue cum in ipsum Dominum corporali specie columba descendit, siue cum in die Pentecostes factus est subito de calo sonus quasi ferretur flatus vehemens, & visa sunt illis lingua diuisa sicut ignis, qui & insedit super unumquemque eorum. Hac operatio visibiliter expressa & oculis oblata mortalibus, missio Spiritus sancti dicta est: non ut appareret ei ipsa substantia, qua & ipse inuisibilis & incommutabilis est, sicut Pater & Filius: sed ut exterioribus visis corda hominum commota à temporali manifestatione venientis, ad occultam aeternitatem semper praesentis conuerterentur. Ecce his verbis aperit Augustinus illum modum missionis, qui visibiliter exhibetur, cum tamen ipse spiritus in sui natura non videatur, qui nec in illis creaturis magis erat, quam in alijs, sed ad aliud. In illis enim erat, ut per eas ad homines veniens ostenderetur esse in illis, ad quos illa creatura veniebat. Non enim Spiritus sanctus temporali motu tunc venit, vel in homines descendit, sed per temporalem motum creatura significata est spiritalis & inuisibilis Spiritus sancti infusio. Et ut apertius discamus, per illum modum missionis Spiritus sancti corporaliter exhibitum, monstrata est spiritalis & interior missio sancti Spiritus, siue donatio, de qua agendum est.

Cum Filius

Cum Filius sit minor Patre secundum formam creatam, in qua apparuit, cur non & Spiritus sanctus similiter?

Sed prius quarendum est, cum Filius dicatur minor Patre secundum missionem qua in forma creata apparuit, cur & Spiritus sanctus non dicatur similiter minor Patre, cum in forma creata apparuit. Nam de Filio quod minor sit Patre secundum formam qua missus apparuit, aperte ostendit August. in 4. lib. de Trin. dicens: Misit Deus Filiū suum, factum ex muliere, factum sub lege: usque adeo paruum, ut factum: eo itaque missum, quo factum. Fata- mur ergo factum, minorem: & intantum minorem, in- quantum factum: & intactum factum, in quantum mis- sum. Ecce habes, quia Filius in quantum est missus, id est, factus, minor est Patre. Cur ergo Spiritus sanctus non di- citur Patre minor, cum & ipse creaturam assumpsit, in qua apparuit? Quia aliter Spiritus assumpsit creaturam in qua apparuit, aliter Filius: Nam Filius accepit per v- nionem personae, Spiritus vero non. Filius enim accepit hominem, ita ut fieret homo. Spiritus vero sanctus non ita accepit columbam, ut fieret columba. De hoc August. in 2. lib. de Trin. ait: Ideo nusquam scriptum est quod Deus Pater maior sit Spiritu sancto, vel Spiritus sanctus minor Patre: quia non sic est assumpta creatura, in qua appare- ret Spiritus sanctus, sicut assumptus est Filius hominis: in qua formā ipsius verbi Dei persona presentaretur, non ut haberet verbum Dei, sicut alij Sancti sapientes, sed q- ipsum verbum erat. Aliud est enim verbū in carne, aliud Verbum caro, id est, aliud est Verbū in homine, aliud Ver- bum homo. Caro enim pro homine posita est in eo quod ait: Verbum caro factum est. Non ergo sic assumpta est crea- tura, in qua apparuit Spiritus sanctus sicut assumpta est caro illa, & humana forma ex virgine Maria. Non enim columbam, vel illum flatum, vel illum ignem beatifica- uit, sibi in unitatem persona coniunxit in aeternum. Ex praedictis aperte ostensum est, secundum quid Filius dicatur minor Patre: & quare Filius dicatur minor Patre, & non Spiritus sanctus.

Quod Filius secundum quod homo factus est, non mo- do Patre, sed Spiritu sancto & etiam seipso minor est.

Notandum autem quod Filius secundum quod homo factus est, non tantum Patre, sed Spiritu sancto, & etiam seipso minor dicitur. Et quod etiam seipso minor dicatur secundum formam serui. August. ostendit in 1. lib. de Tri- nit. dicens: Errauerunt homines, ea quae de Christo secun- dum hominem dicta sunt, ad eius substantiam quae sem- piterna est transferentes: sicut illud quod ipse Dominus ait: Pater maior me est: quod propter formam serui Veritas dicit: secundum quem modum etiam seipso minor est Fi- lius. Quo modo enim non etiam seipso minor factus est, qui seipsum exinaniuit, formam serui accipiens? Non e- nim sic accepit formam serui, ut amitteret formam Dei, in qua erat aequalis patri. In forma ergo Dei unigenitus patris aequalis est patri: In forma serui etiam seipso minor est. Non ergo immerito scriptura dicit utrumque, scilicet & aequalem Patri Filium, & Patrem maiorem Filio: Il- lud enim propter Dei formam, hoc autem propter formā serui intelligitur. De hoc eodem in 2. lib. de Trin. August. ait: Dei Filius est aequalis Patri secundum Dei formam, in qua est & minor Patre secundum formam serui, quam accepit: in qua non modo Patre, sed etiam Spiritu sancto: nec hoc tantum, sed etiam seipso minor inuentus est. Pro- pter quod, ut idem in lib. Epist. ad Maximum ait, non

tantum Patre, sed etiam seipso, & Spiritu sancto minor fa- ctus est, & etiam minoratus paulominus ab Angelis. Est ergo Dei Filius, ut ipse ait in 1. lib. de Trinit. Deo patri in natura aequalis, habitu minor in forma serui quam acce- pit. His auctoritatibus ostendit aperte Filius secundum formam serui minor Patre, & seipso, & Spiritu sancto.

Hilarius aliter dicit, scilicet quod Pater sit ma- ior, nec Filius tamen minor.

Hilarius autem dicere videtur quod Pater minor sit Filio, nec tamen Filius minor Patre. Pater enim dicitur maior propter auctoritatem: quia in eo est auctoritas ge- nerationis: secundum quam dicit: Pater maior me est. Et Apostolus: Donauit ei nomen quod est super omne nomē. Cū ergo ait: Pater maior me est, hoc est, ac si diceret, donauit mihi nomen. Si ergo, inquit Hilarius in 9. lib. de Trinit. Donantis auctoritate Pater maior est, nunquid per doni- cessionem Filius minor est? Maior itaque donans est: sed minor iam non est cui unum esse donatur: ait enim: Ego & Pater unum sumus. Si non hoc donatur Iesu, ut confitendus sit in gloria Dei Patris, minor Patre est: si au- tem in ea gloria ei donatur esse qua Pater est, habes & in donantis auctoritate, quia maior est: & in donantis con- fessione, quia unum sunt. Maior itaque Pater & Filio est, & plane maior: cui tantum donat esse, quantus est i- pse, cui ininascibilitatis esse imaginem Sacramento natiui- tatis impartit, quem ex se in forma sua generat. Audisti lector quid super hoc dicat Hilarius: cuius verba ubicum- que occurrerint diligenter nota, pieq; intellige.

DISTINCTIO XVI.

De temporali processione, vel missione Spiritus san- cti quantum ad modum secun- dum quem.

Nunc de Spiritu sancto videndum est prater illam ineffabilem, &c.

Expositio textus.

*S*Vpra egit Magister de temporali processione Spiri- tus sancti qua procedit vel mittitur à seipso, hic agit de eadem quantū ad modum. Et quoniam missio Spiri- tus sancti duobus modis est scilicet visibilis & inuisibili- lis sicut missio Filii: ideo hæc pars habet duas partes. In prima agit Magister de missione Spiritus sancti visibili. In secunda agit de inuisibili, & hoc infra: *iam nunc acce- damus ad assignandam missionem Spiritus sancti.* Prima ite- rum pars habet duas. In prima Magister explicat missio- nē Spiritus sancti visibilem: in secunda ad maiorem ex- planationem mouet & determinat dubitationem quan- dam, ibi: *Sed Prius quarendum est, cum Filius dicatur minor Patre, &c.* Prima pars habet duas. In prima Magister assignat duplicem modum missionis Spiritus sancti se- cundum duplicem modum missionis Filii. Secundo ve- ro prosequitur de altera, scilicet missione visibili, ibi: *Et primo agamus de illo modo missionis qui fit visibiliter, vbi di- cit quod missio est visibilis apparitio facta in exteriori signo, per quod monstratur missio interior. Similiter se- cunda pars in qua Magister mouet dubitationem quæ habet ortum ex comparatione missionis Filii & Spiritus sancti (cum enim Spiritus sanctus mittatur visibiliter sic- ut & Filius, quæstio est quare non dicitur minor Patre ut Filius) habet tres partes. In prima opponit & determi- nat quod Spiritus sanctus non debet dici ex missione minor sicut Filius, quia Spiritus sanctus non est vnitus. Secūdo occasione huius adiungit quoddam verum huic annexum, scilicet quod Filius ratione missionis dicitur minor seipso, ibi: *Notandum autem quod Filius secundum quod homo factus est.* Tertio docet sane intelligere quoddā verbum dubium quod est præsentī considerationi con- iunctum, quod dicit Hilarius, scilicet quod Pater secun- dum diuinitatē est maior Filio, Filius secundum diuini-*

tatem nō est minor, ibi: *Hilarius autem dicere videtur, quod pater sit, &c.*

Nam de Filio, &c. Dub. I.

Contra hoc, quod filius in quantum missus factus minor sit, sic obiicitur. Omnis actus secundum quem aliquem contingit fieri minorem, est indignitatis. Si ergo Filius ratione missionis est minoratus: ergo missio pertinet ad Dei indignitatem. Item quodcumque aliquis de æquali sit minor, mutatur: sed Filius ante missionem erat æqualis, & modo est minor: ergo, &c.

RESP. Dicendum quod quædā dicuntur de Filio Dei per essentiam, quædam per vnionem quæ tanta fuit ut faceret hominem Deum, & Deum hominem. Essentialiter loquendo, nullo modo Filius Dei est minor, sed hoc dictum est per vnionem, quia omnia quæ dicuntur de homine possunt dici de Filio Dei, & ita patet quod nulla ex hoc est indignitas, nulla mutabilitas in eius persona, & sic soluitur vtrumque obiectum, quia vtræque ratio procedit intellecto quod secundum eandem naturam fieret minor secundum quam æqualis erat, & ita definiret esse æqualis. Nuncautem simul est minor & æqualis.

Etiā seipso minor dicitur, &c.

Dub. II.

Videtur male dicere, quia maior diuersitas importatur per hoc quod est maior & minor, quam per hoc quod est alius & alius, quia prima non cadit in diuinā naturā, secunda sic. Si ergo hæc est vera: Filius est minor se: ergo & hæc: Filius est alius & alius, & ita duæ personæ, quod non conceditur.

RESP. Dicendum quod verum est quod maiorē diuersitatem dicunt maior & minor, quia diuersitatem virtutis & naturarum: sed ad diuersitatem naturæ quamuis sit maior, non sequitur diuersitas in persona, quia plures nature possunt esse in vna persona: quoniam ergo in Christo cadit diuersitas naturarum, & ita virtutum non autem personarum: ideo dicitur maior & minor ratione diuersarum virtutum, non autem alius & alius, cum non habeat diuersas personas.

Minoratus paulominus ab Angelis.

Dub. III.

Videtur esse falsum: quia super illud ad Hebræos: eum qui modico ab Angelis minoratus est, dicit Glossa. Natura humanæ mentis qualem Christus assumpsit, quæ nullo peccato potuit deprauari, super omnes maior est. Item beata Virgo quæ est pure creatura, est super omnes Angelos exaltata: ergo, &c.

RESP. Dicendum quod est loqui de Christo in comparatione ad Angelos quantum ad quatuor, scilicet quantum ad gratiam, & quantum ad naturam mentis, & quantum ad naturam corporis, & quantum ad statum passibilitatis. Quantum ad gratiā est simpliciter maior. Quantum ad naturam mentis, saltem non fuit minor, quia sicut dicit Glossa: Minor Angelis fuit corpore, non mente. Quantum ad naturam corporis minor fuit. Quantum autem ad naturam passibilitatis fuit minor & modico minoratus, quia status passibilitatis in statum gloriæ & honoris paulo post conuertendus erat.

Videtur quod Pater sit maior Filio. Dub. IV.

CONTRA: Si verum est quod dicit, cum idem sit in Deo sapientia, potentia, bonitas, & magnitudo: ergo si maior est, & est potentior, & sapientior, & melior. Præterea in Deo non est magnitudo molis sed virtutis: ergo si pater est maior, est potentior, quod stare non potest. Item maior, aut dicit essentiam, aut notionem. Non essentiam, quia essentia sunt æquales. Si notionem, quæro quam. Si tu dicas quod paternitatem. CONTRA: comparatio secundum maius aut minus non attenditur nisi in comparticipantibus, unde non dicitur cygnus est albior coruo: sed Filius non est comparticipans paternitatem: ergo, &c. ITEM quæritur quare non dicitur maior Spiritu sancto.

RESP. Dicendum quod in Patre est auctoritas respectu Filii, & Spiritus sancti in Filio respectu Spiritus sancti, & ideo in Patre maior auctoritas, & maior fecunditas, & quia nullum nomen ita competit ad exprimendam auctoritatem, sicut hoc nomen, *magnus*: ideo dicit Hilarius quod pater est maior filio. Ex hoc patet obiecta, quia maior non dicit essentiam, sicut potentia & sapientia: sed dicit notionem. Si quæras, quam, dico quod dicit notionem communiter: sed tamen in ratione principii, sicut subauctoritas in ratione emanantis, & hinc est quod pater dicitur maior filio, quia etsi vterque habeat notionem in ratione principii, pater tamen in ratione principii tantum: & ideo plus habet de ratione auctoritatis, Spiritus autem sanctus nullius personæ est principium, & ideo non comparatur eis secundum auctoritatem.

Maioresque donans est, sed minor, &c. Dub. V.

Videtur dicere falsum, quia quocumque modo accipitur maior, dicitur relative ad minorem: ergo si est ponere Patrem maiorem, est ponere Filium minorem.

ITEM Pater dicitur maior, quia habet auctoritatem supra filium: ergo cum filius habeat subauctoritatem respectu patris, debet dici minor.

RESP. Dicendum quod nihil impedit, quare filius non dicatur minor patre ratione subauctoritatis, sicut pater maior, nisi quia nomina indignitatis in Deo non debent ad usum trahi. Vel quia sancti Doctores quantum possunt se elogant ab hereticorum fallacia, ideo cum Hilarius dixisset patrem maiorem, noluit quod filius diceretur minor, ne videretur illa maioritas, non tantum auctoritatis, sed etiam inæqualitatis: & quamuis Hilarius diceret in patre auctoritatem, non tamen legitur in filio dixisse subauctoritatem: sed illud verbum a magistris est additum in consuetudine disputantium.

ARTICVLVS I.

Ad eidentiam huius partis quærentur tria de missione visibili, primo quid sit, secundo ad quid sit visibilis, tertio quæritur quibus modis facta sit.

QVÆSTIO I.

Missio visibilis quid sit.

Alex. Alenf. 1. p. q. 74. Membr. 1.

Scotus in Reportatu 1. Sentent. dist. 16. q. 1.

Ægid. Rom. 1. Sent. dist. 16. q. 1.

Richard. 1. Sent. dist. 16. q. 1.

Thom. Arg. 1. Sent. dist. 16. q. 1. art. 1.

Gab. Biel. 1. Sent. dist. 16. q. 1.

OSTENDITUR primo quod visibilis missio nō est aliud quam apparitio exterior. August. dicit, quod tunc Spiritus sanctus, vel Filius mittitur, cum ex tempore cuiusquam mente percipitur: ergo tunc visibiliter mittitur, cum visibiliter percipitur: sed visibiliter percipitur, cum apparet in creatura visibili: ergo visibilis missio non est aliud quam apparitio.

ITEM hoc ipsum videtur per simile, quia mitti inuisibiliter non est aliud quam per effectum inuisibilem inuisibiliter manifestari: ergo mitti visibiliter, non est aliud quam per creaturā visibiliter manifestari: hoc autem non est aliud quam visibiliter apparere, ergo, &c.

ITEM hoc iterum videtur exemplo, quia Spiritus sanctus in columba specie dicitur missus ad Filium, sicut dicit Augustinus, & habetur in littera: sed tunc non fuit facta aliqua donatio filio: quia plenius fuit semper Spiritu sancto: sed solam exterior apparitio: ergo, &c.

1. SED contra. Quod missionis visibilis non sit tota ratio ipsa apparitio visibilis, videtur sic: Pater in subiecta creatura apparuit, & tamen non dicitur visibiliter missus: ergo plus est missio, quam apparitio. Maior pater, quia Augustinus dicit in lib. 2. de Trin. Temerarium est dicere Patrem Prophetis & Patribus per aliquas visibiles formas nunquam apparuisse.

2. ITEM Filius

Heb. 11. d

D

E

Fundamenta.
Lib. 4. de
Trin. c. 20.
tom. 3.

Lib. 9. de
Trin. c. 9.
tom. 3.

Ad oppositum.

Ca. 17. 10. 3.

Per rationem,
et lib. 4. ca.
19. tom. 3.

2. ITEM Filius, & Spiritus sanctus in veteri Testamento multoties apparuerunt visibiliter, & tamen tempore illo neuter visibiliter dicitur missus, sicut dicit Augustinus in lib. 3. de Trin. ubi hanc quæstionem mouet, &c.

3. ITEM omne quod visibiliter apparet est corporale, cum sensu percipiatur: sed Deus cum sit simplex, est omnino incorporealis: si ergo ad Deum non spectat visibiliter apparere: ergo si visibiliter mittitur missio visibilis non est apparitio. Si dicas quod non apparet in se, sed in effectu.

CONTRA: Sic apparet in omni creatura, & vbique, & semper: ergo secundum hoc visibiliter mittitur in omni creatura semper & vbique, quod stultum est dicere.

Aug. lib. 4.
de Trin. ca.
10. tom. 3.

4. ITEM ubi est missio, ibi est manifestatio personæ, ut dicit Augustinus: sed per solam apparitionem nunquā est manifestatio nisi ad sit reuelatio: ergo de ratione missionis visibilis non tantum est apparitio, sed etiam reuelatio: ergo apparitio non est tota ratio.

CONCLUSIO

Missio visibilis est apparitio, in qua manifestatur diuina persona, ut operans, & inhabitans, & ut emanans.

Art. 3. q. 3.
tom. 3.

RESP. Ad arg. Dicendum quod missio visibilis præsupponit missionem tanquam superius, & superaddit differentiam quæ est visibile. Missio autem communiter ut dictum fuit supra in præcedenti distinctione, præsupponit circa missum emanationem, & superaddit manifestationem. Et quoniam manifestatio emanationis secundum quam attenditur missio, non fit nisi super eum quem Spiritus sanctus inhabitat per effectum gratiæ inhabitantis, hinc est quod missio de ratione generali dicit manifestationem emanationis, & inhabitationis. Hæc autem differentia visibilis superadueniens missioni, cōtrahit ipsam quantum ad principale significatum quod est manifestatio: ideo dicit manifestationem cum apparitione, siue apparitionem manifestantem personæ emanantis inhabitationem, vel personæ inhabitantis emanationem. Vnde concedo quod visibilis missio est apparitio, sed hæc non est tota ratio, sed apparitio in qua manifestatur diuina persona, non tantum ut operans, sed etiam ut inhabitans: nec tantum ut inhabitans, sed etiam ut emanans, quasi ab alio veniens. Per primum excludit apparitionem Dei in qualibet creatura. Per secundum, apparitionem in veteri Testamento. Per tertium, apparitionem patris: quia pater non apparuit ut emanans, siue ab alio veniens. Filius vero vel Spiritus sanctus in veteri Testamento, non apparuit ut inhabitans, sed ut se inhabitaturum præmonstrans, vnde Angelus apparebat in illis creaturis in persona Dei. Et hoc probat Augustinus in lib. 3. de Trin. dicens: Constat firmitate auctoritatis & probabilitate rationis, cum antiquis patribus dicitur Deus apparuisse, voces illas ab Angelis esse factas. Et adducit auctoritates Apostoli ad Galatas: Lex ordinata per Angelos. Et ad Hebræos: Si enim qui per Angelos dictus est sermo, &c. Nec tamen dico quod ista sit ratio quare nō est missus, quia apparitio fiebat ministerio Angelico, quia sicut dicit Augustinus de Trin. probabile est quod illa colūba in qua apparuit Spiritus sanctus secundum ministerium Angeli moueretur. Vnde idem in lib. 4. de Trin. in fine dicit: Super hoc aliquid inuenire difficile est, & temere affirmare non expedit. Quo modo tamen ista siue rationali siue intellectuali creatura potuerint fieri, non video.

Lib. 3. de
Trin. ca. 11.
tom. 3.

Gal. 3. d
Heb. 2. d

Cap. 20. ad
Rom. tom. 3.
Lib. 3. ca.
10. & 11.
Cap. 21. in
fin.

Resp. ad
argum. in
Opposi-
tum.

1. 2. Et ita patet quod non quælibet apparitio est missio patet etiam r^o sponso ad duas rationes primas.

3. Ad illud quod obiicitur tertio quod non sit apparitio quia Deus est inuisibilis, dicendum quod apparere est dupliciter: vel in se, & sic cōuenit corporali: vel in alio, & hoc dupliciter: vel sicut causa in effectu, vel sicut signatum in signo, & hoc tertio modo, missio est apparitio, & secundum hunc modum non conuenit omni creaturæ.

A 4. Ad illud quod ultimo obiicitur quod apparitio non est manifestatio, dicendum quod cum dicitur missio nō est manifestatio, non intelligitur actu, sed habitu, quia aliquid fit vel ostenditur in quo potest personæ emanatio manifestari, & hoc quidem de se importat apparitio.

1. 2. Ad illud quod obiicitur in contrarium quod præcise fit apparitio, dicendum quod non accipit totā rationem missionis: quia mitti non est tantum mente percipi, sed mente percipi, ut ab alio emanans, & in aliquo inhabitans.

3. Similiter ad illud, mitti inuisibiliter est manifestari per effectum inuisibilem, dicendum quod manifestari non dicit totam rationem.

4. Ad illud quod obiicitur quod in missione Spiritus sancti in specie columbæ non fuit nisi apparitio, dicendum quod quamuis ibi non fuerit donatio Spiritus sancti, fuit tamē manifestatio prius dati, & tunc inhabitantis in Christo, & quiescentis, & ab alio procedētis, & ita tota & perfecta ratio missionis: sed ex hoc non sequitur quod qualiscunq; apparitio sit missio visibilis, omnis tamen visibilis missio est apparitio, &c.

Resp. ad
Fundamenta.

QVÆSTIO II.

Ad quid sit utilis missio visibilis Spiritus sancti.

Alex. Alensis 1. p. q. 74. Membro 2.

Richardus 1. Sent. dist. 16. q. 2.

Steph. Brulef. 1. Sent. dist. 16. q. 2.

C AD quid sit utilis missio visibilis, & constat quod ad efficiendum nihil confert, quia exterior apparitio nihil interius operatur. Quod etiam non sit utilis ad innotescendum, ostenditur sic: Aut est ad manifestandam personæ alicuius emanationem, aut inhabitationem. Nō inhabitationem, quia nemo scit vtrum odio vel amore dignus sit, & ita nemo vtrum Deus in eo habitet cognoscit.

Ad oppositum.

Eccles. 9. a

2. Et iterum quæ utilitas est. Esto quod sciat Deum aduenisse, tamen cum ignoret permanfurum, nulla videtur. Non ad manifestandam alicuius personæ emanationem, quia cum illa noticia omni tempore sit necessaria, scilicet tēpore legis scriptæ, & nunc, videtur quod & tunc & nūc deberet esse missio visibilis. Quæritur ergo quare solum tempore Ecclesiæ primitiæ.

3. ITEM quantumcunq; appareat in creatura, non innotescit, nisi reuelatio ad sit: sed cum adesset reuelatio interior, ventum est ad cognitionem veriore, & certiore quam quæ est a sensu, si ergo habens cognitionem certam non indiget occupari circa cognitionem imperfectam: ergo videtur quod exterior apparitio omnino superfluat.

4. ITEM probatur etiā quod impediatur sic: Affectus circa bona visibilia occupatus, minus surgit ad bona inuisibilia: ergo similiter intellectus: ergo si debet ad perceptionem inuisibilium eleuari, non debet ei fieri ostensio visibilium: quod si fiat, videtur potius impediri quam iuuari.

5. ITEM si missio est ad innotescendum, cum triplex sit in nobis vis cognitua, scilicet sensus exterior, & imaginatio, & intellectus, & secundum hanc triplicem vim triplex assignetur visio Prophetalis, pari ratione videtur quod triplex missio deberet distingui. Præterea cum missio sit ad manifestationē inhabitationis, & filius inhabitet sicut Spiritus sanctus, quare non est missio visibilis ad manifestandum illam?

SED contra: Quod sit utilis ad innotescendum, videtur quia cognitio nostra incipit a sensu: ergo si debemus eleuari ad perceptionē intelligibilem, congruū & perutile est quod aliquo modo præuia sit excitatio in sensu per signum. Et hoc est quod dicit Gregorius: Dum visibiliter Deum cognoscimus, per hunc in inuisibilem: &c.

Fundamenta.

In præf. Natiuit. Dom.

ITEM sicut miracula ostendunt diuinam potentiā, ita signa diuinam præsentiam, sed vtile fuit & per necessariū fidem nostram manuduci per miracula ad cognitionē diuinæ potentiæ: ergo pari ratione per aliqua signa visibilia ad cognitionem diuinæ præsentiae.

ITEM missio est ad redimendum hominem perditum: sed homo est perditus secundum naturam visibilem, & inuisibilem: ergo missio secundum utramque est utilis.

ITEM familiarius offert suam præsentiam qui se offert secundum sensum & intellectum, quam qui secundum alterum tantum: sed hoc maxime expediebat homini aucto, ut conuerteretur ad Deum: ergo, &c.

CONCLUSIO.

Spiritus sancti visibilis missio utilis fuit ad manifestandam emanationem & inhabitationem: secundum plenitudinis redundantiam.

Dist. 1. art.
2. & alibi.

RESP. Ad arg. Dicendum quod missio Filij visibilis propriam & maximam habuit utilitatem, sicut patebit in Tertio. Sed nunc de Spiritu sancto dicendum quod eius missio visibilis utilis est ad manifestandam & emanationem & inhabitationem: sed non qualemcumque inhabitationem, nec in omni genere personæ. Propterea intelligendum quod est inhabitatio duplex, scilicet secundum sanctificationis sufficientiam, & secundum plenitudinis redundantiam. Illa quæ est: secundum sanctificationis sufficientiam, interius inuisibiliter latet. Quæ vero secundum redundantiam, exterius apparet, & ideo talis inhabitatio in signo visibili & exteriori manifestari debet, sicut factum est in Apostolis. Similiter intelligendum quod duplex est genus credentium. Quidam enim volunt signa, ut puta sensuales. Quidam intelligentiam quærentes, ut puta, iam profecti. Quærentes signa, ut per hæc manuducantur ad intelligibilia, propter tales utilis est missio visibilis ad manifestandam inhabitationem plenitudinis redundantis, & hoc personis manu ducendis per sensum. Ex hoc patet primum, quare scilicet non fuit missio visibilis tempore legis scriptæ, quia non erat missio in plenitudine, quoadusque venit plenitudo temporis. Patet etiam quare modo non datur siue mittitur visibiliter, quia iam manu ducti sumus ad fidem, unde sicut cessauerunt miracula, ita exteriora signa.

QVOD dicitur quod nemo scit utrum odio vel amore dignus sit: verum est, nisi Deus dignetur ostendere, & tunc ostendebat, & hoc perutile erat ad fidem roborandam, & deuotionem excitandam.

2. Ad illud quod obiicitur quod necessaria est aliqua reuelatio dicendum quod verum est, nec tamen superfluit apparitio, quia excitat intellectum ad inquisitionem, & sic excitando præparat ad reuelationem, & post reuelationem excitat ad dilectionem, reuelatio autem etsi sit interior, cognitio tamen adhuc est viatoris, & ideo non euacuat cognitionem apparitionis.

3. Ad illud quod obiicitur quod visibilia impediunt affectum, dicendum quod visibilia possunt dupliciter considerari, vel ut res absolutæ, vel ut signa & nutus ducencia in aliud. Primo modo si amentur, vel si considerentur, retardant intellectum & affectum. Secundo modo iuuant, & sic est in apparitione visibili, quia ibi consideratur creatura, ut signum faciens aliud in intellectum venire.

4. Ad illud quod obiicitur, quare non est triplex genus missionis, secundum triplex genus cognitionis, dicendum quod & si cognitio sit de ratione missionis, non tamen quæcumque, vel cuiuslibet: sed inhabitantis. Et quia duplex est modus inhabitandi, ut præhabitu est: ideo tantum est duplex modus mittendi, licet plures sint modi cognoscendi. Vel aliter dicendum quod Deus in via non cognoscitur, nisi aut in effectu, aut in signo. Si in effectu, cum effectus ille sit gratia gratum faciens, quæ in sola cadit mente, sic est missio inuisibilis. Si in signo, cum signum sit quod offert se sensui, sic est visibilis. Quia vero imaginaria, est earum rerum quarum imagines in interiori sensu exprimuntur: Deus autem non est talis, ideo de eo non est ponere huiusmodi cognitionem.

5. Ad illud quod ultimo quæritur, quare non fuit missio visibilis ad manifestandam inhabitationem Filij, di-

cedum quod filium inhabitare est dupliciter, aut per gratiam vnionis, aut per gratiam sanctificationis. Primo modo non fuit necessaria manifestatio, siue visibilis missio, quia plenissime erat in homine sibi vnito, in quo operabatur opera visibilia, in quibus manifestabatur, & ideo non oportebat alia signa visibilia adhiberi. Secundo vero modo non habuit missionem manifestantem inhabitationem ralem, quia sanctificatio appropriatur Spiritui sancto, unde sufficebat esse missionem visibilem ad manifestandam ipsius inhabitationem, cui sanctificatio appropriatur, cum inhabitatio Filij, & Spiritus sancti sint indiuisæ, manifestato quod in homine inhabiter Spiritus sanctus, sufficienter ostenditur, quod & filius, &c.

QVÆSTIO III.

An conuenienter Filius in creatura rationali visibiliter missus est: Spiritus vero sanctus in irrationali, scilicet in columba, igne, & flatu.

Alex. Alensis 1. p. q. 74. Memb. 3.

S. Tho. 1. p. q. 43. art. 7. ad 6.

Ægid. Rom. 1. Sent. dist. 16. p. 2. q. 1.

Richardus 1. Sent. dist. 16. q. 4. & 5.

Tho. Arg. 1. Sent. dist. 16. q. 1. art. 3.

Petrus de Tarantasia 1. Sent. dist. 16. q. 6.

Marsilius Inguen. 1. Sent. q. 19. art. 2.

Petrus Aureolus 1. Sent. dist. 16. q. 2.

Gabriel Biel 1. Sent. dist. 16. q. unica. dub. 1.

Quibus modis fiat missio visibilis. Et accipiuntur diuersi modi ex Scripturis. Filius enim visibiliter apparuit in creatura rationali, ut in homine, Spiritus vero sanctus in irrationali, ut puta in columba, igne, & flatu.

1. QVÆRITVR ergo de diuersitate horum modorum apparenti, & videtur quod non fuerunt conuenientes hoc modo: Spiritus sanctus est æque nobilis persona, ut filius: ergo in æque nobili creatura debet manifestari, ut filius.

2. ITEM si filius propter assumptionem humanitatis, siue apparitionem in forma serui est minor patre, immo factus minor angelis: ergo multo fortius Spiritus sanctus ex apparitione in igne non tantum minor Deo, sed homine etiā: sed hoc nullo modo congruit: ergo non congruit Spiritui sancto apparere in creatura irrationali.

3. Si tu dicas quod Filius apparuit in homine assumpto, & vnito: Spiritus autem sanctus non est columba vnitus, vel igni. CONTRA: Vnio nihil aufert diuinitati: ergo propter vnionem non debet dici minor. Si ergo dicitur minor, hoc est propter apparitionem: ergo, &c.

ITEM videtur quod Spiritus sanctus fuit vnitus, quia Spiritus sanctus apparebat in illa columba, & non in alia: & rursus apparebat ipse ibi non alia persona: ergo alio modo erat in illa quam Pater, & Filius & aliter in illa, quam in alia: sed aliter non potuit esse in illa, quam alia persona quantum ad substantiam, nec quantum ad operationem, quia eadem est substantia, & operatio in Trinitate: ergo quantum ad vnionem: ergo, &c. Si tu dicas quod apparuit sicut in signo, tunc quæro: AVT Illud signum fuit a natura, aut ab institutione. Si a natura, tunc pari ratione & omnis alia columba. Si ab institutione: quæritur quis instituit.

4. ITEM Filius apparuit visibiliter vno modo tantum & in vna creatura, quæritur quare non similiter Spiritus sanctus: & videtur quod ita deberet esse, quia sicut in Filio nulla cadit varietas, immo omnimoda vniformitas, ita & in Spiritu sancto: ergo debuit apparere tantum in vna specie.

5. ITEM Filius tantum semel apparuit visibiliter, quia tantum semel est incarnatus non amplius. Quæritur ergo unde hoc est quod Spiritus sanctus pluries apparuit, ut puta, non tantum semel in igne, sed etiā in specie columbe. Si dicas quod illa in quibus Spiritus sanctus apparuit, statim esse desierunt post apparitionem, & ideo oportuit rursus alia fieri. TVNC ergo videtur quod nec illa columba fuerit vera, nec ignis, cum tã columba quam ignis habeat

Ad oppositum.

virtutem

virtutem permanendi: & si hoc in illa apparitione non fuit: tunc ergo non fuerunt vera, sed falsa, & non fuerunt apparitiones, sed præstigia, & illusiones, sicut sunt phantasmata dæmonum, & aliorum magorum. Vltimo quæritur quare tot modis apparuit Spiritus sanctus, & quare in alia specie in capite quam in membris, vt in Christo, & Apostolis.

C O N C L U S I O.

Filius missio visibilis fuit in forma rationalis congruenter facta, quoniam apparuit vt Mediator Spiritui sancto vero in igne, & columba specie, vt manifestaretur instructor.

106.16.6

RESP. Ad arg. Dicendum quod finis imponit necessitatem his quæ sunt ad finem: ideo modus apparenti sumendus est iuxta finem apparitionis. Apparuit autem filius in carne, vt esset Mediator: Spiritus vero sanctus, vt Doctor: Cum venerit docebit vos omnem veritatem. Ad mediationem autem necessaria est extremorum separatorum concursio, & in vnum vnio, sicut patet, & ideo filius in creatura apparuit, vt vnitus. Ad eruditionem autem ignorantium interuenit signum, ideo Spiritus sanctus apparuit in creatura, vt signatum in signo. Quoniam ergo nihil est Deo perfecte vnibile nisi beatificabile, & hoc solum est substantia rationalis, ideo filius in sola substantia rationali apparuit. Quia vero vsui significationis puræ conuenit creatura irrationalis magis, quam rationalis, ne forte crederetur vnita, non tantum significans: ideo Spiritus sanctus apparuit in creatura irrationali, quæ aliquo modo haberet rationem significandi & exprimendi, sicut flatus significat spirationem, ignis vero dilectionem. Rursus, quoniam ad perfectam mediationem requiritur quod mediator sit vnus, & quod vnio sit inseparabilis: Filii apparitio singularis fuit & indiuisibilis. Sed contra: Quia non potest Spiritus sanctus perfecte significari in vno signo: ideo oportuit per plura: & ideo filius vno modo apparuit, sed Spiritus sanctus pluribus. His visis facile est respondere ad obiecta.

1. NAM ad illud quod primo obiicitur quod æque nobilis est persona Spiritus sancti, dicendum quod nihil facit ibi nobilitas apparentis, sed finis apparitionis, quia ille vt mediator, iste vt eruditor, siue doctor: ideo filius, vt in homine assumpto, Spiritus sanctus vt in creatura, & signo.

2. AD illud quod obiicitur quod Spiritus sanctus debet dici minor, sicut & filius, dicendum quod minoritas illa non dicitur de filio ratione diuinitatis, sed ratione vnionis, & communionis idiomatum, quia filius factus est homo passibilis: sed Spiritus sanctus non est factus columba.

3. AD illud quod obiicitur quod est vnitus columba, dicendum quod est vnio secundum veritatem, & est vnio secundum intentionem: primo modo vniuntur illa quæ vniuntur in natura vel persona, secundo modo vniuntur significatum & signum, & hoc modo vnita est persona Spiritus sancti illis formis in quibus apparuit. Si autem queratur, vnde veniebat talis vnio, dicendum quod dispositiue à proprietatibus creaturæ in quibus nata erat persona Spiritus sancti declarari, sicut flatus Spiritum, ignis amorem, columba donum propter fecunditatem. Sed completiue veniebant hæc à diuina ordinatione, quæ ordinauit creaturas ad hoc, non instituendo, sed simul formando & instituendo: & ad hoc solum formabat, quia tam columba quam ignis simul cum apparitione etiam incepit & desit.

4. EX hoc patet quod Spiritus sanctus non tantum semel apparuit, sed pluries, filius autem non, quia columba & ignis statim post apparitionem esse desierunt, non autem homo. Ex hoc patet etiam, quod si columba illa, & ignis essent verum corpus, tamen nec columba fuit vera columba, quia statim desit, sed similitudo columba. Similiter nec ignis verus ignis, quia non comburebat. Nec tamen ibi erat aliqua illusio, quia non erat ibi

aliqua falsitas in significando. Offerebantur enim sensui ad significandum quod vere ibi erat, & quia magis attendebatur ratio significandi, quæ existendi: ideo tamdiu durauit, quamdiu significare potuit, vel officium signi impleuit. Et quia eadem vi formata est columba, mota, & conseruata, statim vt vis illa desit mouere, columba & ignis desit esse.

5. AD illud quod vltimo quæritur, quare tot modis apparuit Spiritus sanctus, dicendum quod apparitio Spiritus sancti fuit ad manifestandam plenitudinem redundantia, vt prius habitum est, & quoniam redundantia potest esse triplex, ideo tribus modis apparuit, potest enim esse hæc plenitudo per redemptionem, & ita fuit in Christo, & hæc est perfecta gratia per omnem modum. Ideo in Christo apparuit in columba, quia erat pretium redemptionis primogenitorum, & erat animal integrum & perfectum. Potest etiam esse per vitæ influentiam quantum ad sensum & motum, & hoc mediantibus Sacramentis, & hæc plenitudo est in sacerdotibus, & ideo datus est eis Spiritus sanctus in specie flatus, vt habetur in Ioanne: Influxit in eos dicens: Accipite Spiritum sanctum: quorum remiseritis peccata, &c. Potest etiam tertio modo esse per cognitionis administrationem siue doctrinam, & hæc plenitudo est in Apostolis, & Doctoribus, & ideo Spiritus sanctus apparuit eis in linguis igneis. Ex his patet responsio, & sufficientia modorum apparenti, & obiectorum.

106.20.6

DE INVISIBILI MISSIONE SPIRITVS SANCTI.

DISTINC. XVII. PARS I.

NAM nunc accedamus ad assignandam missionem Spiritus sancti, qua inuisibiliter mittitur in corda fidelium. Nam ipse Spiritus sanctus, qui Deus est, ac tertia in Trinitate persona, vt supra ostensum est, à Patre & Filio, ac semetipso temporaliter procedit, id est, mittitur ac donatur fidelibus. Sed quæ sit ista missio siue donatio, vel quo modo fiat, considerandum est.

Præmittitur quiddam ad hanc ostensionem necessarium, scilicet quod Spiritus sanctus est charitas, qua diligimus Deum & proximum.

Hoc autem vt intelligibilius doceri, ac plenius perspicere valeat, præmittendum est quiddam ad hoc valde necessarium. Dictum quidem est supra, & sacris auctoritatibus ostensum, quod Spiritus sanctus amor est Patris, & Filij, quo se inuicem amant, & nos. His autem addendum est, quod ipse idem Spiritus sanctus est amor, siue charitas, qua nos diligimus Deum, & proximum: quæ charitas cum ita est in nobis, vt nos faciat diligere Deum & proximum, tunc Spiritus sanctus dicitur mitti vel dari nobis: & qui diligit ipsam dilectionem qua diligit proximum, in eo ipso Deum diligit: quia ipsa dilectio Deus est, id est, Spiritus sanctus.

Cōclusio, in qua Magister cōmuniter non tenetur, vt videre est in erroribus selectis.

1. 10. 4. 6

Probatio conclusionis per auctoritates.

Ne autem in re tanta aliquid de nostro asruere videamur, sacris auctoritatibus quod dictum est, corroboremur. De hoc Augustinus in 8. lib. de Trin ait: Qui proximum diligit, consequens est vt ipsam præcipue dilectionem diligat. Deus autem dilectio est: consequens ergo est, vt præcipue Deum diligit. Idem in eodem: Deus dilectio est, vt ait Ioannes Apostolus: Vt quid ergo imus & currimus in sublimia cælorum, & ima terrarum, quærentes eum qui est apud nos,

Cap. 7. 10. 3. circa med.

1. 10. 4. 6 Aug. lib. citato cap. 8.

si nos apud

si nos apud eum esse velimus? Nemo dicat, non noui quid diligam: diligat fratrem, & diligat eandem dilectionem. Magis enim nouit dilectionem qua diligit, quam fratrem quem diligit. Ecce iam potes notiorum Deum habere, quam fratrem: plane notiorum, quia presentiorum, quia interiorum, quia certiorum. Amplectere dilectionem Deum, & dilectione amplectere Deum. Ipsa est dilectio, qua omnes bonos angelos, & omnes Dei seruos consociat vinculo sanctitatis. Quanto ergo saniores sumus à tumore superbia, tanto sumus dilectione pleniores: & quo nisi Deo plenus est, qui plenus est dilectione? His verbis satis ostendit Augustinus quod dilectio ipsa qua diligimus Deum vel proximum, Deus est. Sed adhuc apertius in eodem libro subdit: Dilectionem fraternam quantum commendat Ioannes Apostolus, attendamus: Qui diligit, inquit, fratrem, in lumine manet, & scandalum in eo non est. Manifestum est quod iustitia perfectionem in fratris dilectione posuerit. Nam in quo scandalum non est, utique perfectus est. Et tamen videtur dilectionem Dei tacuisse: quod nunquam faceret, nisi quia in ipsa fraterna dilectione vult intelligi Deum. Apertissime enim in eadem epistola paulo post ait ita: Dilectissimi diligamus inuicem, quia dilectio ex Deo est: & omnis qui diligit, ex Deo natus est, & cognouit Deum. Qui non diligit, non cognouit Deum, quia Deus dilectio est. Ista contextio satis aperte declarat eandem ipsam fraternam dilectionem (nam fraterna dilectio est qua diligimus inuicem) non solum ex Deo, sed etiam Deum esse, tanta auctoritate praedicari, scilicet Ioannis. Cum ergo de dilectione diligimus fratrem, de Deo diligimus fratrem: nec fieri potest ut eandem dilectionem non precipue diligamus, qua fratrem diligimus, quoniam Deus dilectio est. Item: Qui non diligit fratrem, non est in dilectione: & qui non est in dilectione, non est in Deo, quia Deus dilectio est. Ecce aperte dicit, fraternam dilectionem Deum esse.

Explicatio conclusionis quod fraterna dilectio cum sit Deus, non est Pater vel Filius, sed tantum Spiritus sanctus.

Cum autem fraterna dilectio sit Deus, nec Pater est, nec Filius, sed tantum Spiritus sanctus, qui proprie in Trinitate dilectio vel charitas dicitur. Vnde Augustinus in 15. lib. de Tri. Si in donis Dei nihil est maius charitate, & nullum est maius donum Dei quam Spiritus sanctus, quid consequentius est, quam ut ipse sit charitas, qua dicitur & Deus & ex Deo? Ita enim ait Ioan. Dilectio ex Deo est. Et in eodem: Deus dilectio est. Vbi manifestat eam se dilectionem dixisse Deum, quam dixit ex Deo. Deus ergo ex Deo est dilectio. Item paulo post Ioannes volens de hac re apertius loqui. In hoc, inquit, cognoscimus quia in ipso manemus, & ipse in nobis, quia de spiritu suo dedit nobis. Spiritus itaque sanctus, de quo dedit nobis, facit nos in Deo manere, & ipsum in nobis, hoc autem facit dilectio ipse est, ergo Deus dilectio. Ipse igitur significatur ubi legitur: Deus dilectio est, Ex his ergo apparet, quod Spiritus sanctus charitas est.

Sequitur explicatio quod non est dictum per causam illud: Deus charitas est sicut illud: Tu es patientia mea, & spes mea.

Sed ne forte aliquis dicat illud esse dictum per expressionem causae, Deus charitas est, eo scilicet quod charitas sit ex Deo, non sit ipse Deus: sicut dicitur, Deus nostra patientia est, & spes: non quod ipse sit ista, sed quia ista ex Deo sunt: occurrit Augustinus ostendens hoc non esse dictum per causam,

sicut illa in 15. lib. de Trin. dicens: Non dicturi sumus charitatem non propterea esse dictum Deum, quod ipsa charitas sit ulla substantia, quae Dei digna sit nomine: sed quod donum sit Dei: sicut dictum est de Deo: Tu es patientia mea. Non utique ideo dictum est: Tu es patientia mea, quod Dei substantia est nostra patientia, sed quia ab ipso nobis est. Vnde alibi: Ab ipso est patientia mea. Hunc enim sensum facile refellit scripturarum ipsa locutio. Tale est enim: Tu es patientia mea: quale est: Domine spes mea. Et: Deus meus misericordia mea: & multa similia. Non est autem dictum: Domine charitas mea, aut tu es charitas mea, aut Deus charitas mea: sed ita dictum est: Deus charitas est sicut dictum est: Deus spiritus est. Hoc qui non discernit, intellectum à Domino, non expositionem querat à nobis. Non enim apertius quidquam possumus dicere. Deus ergo charitas est. Ex praedictis clarescit, quod Spiritus sanctus charitas est, qua diligimus Deum & proximum, unde facilius est nobis ostendere quo modo Spiritus sanctus mittatur, siue detur nobis.

Quo modo Spiritus sanctus mittatur, vel detur nobis.

Tunc enim mitti vel dari dicitur, cum ita nobis est, ut faciat nos diligere Deum & proximum: per quod manemus in Deo, & Deus in nobis. Vnde Augustinus hunc missionis modum insinuans in 15. lib. de Trin. ait: Deus Spiritus sanctus qui procedit ex Deo cum datus fuerit homini, accendit eum ad diligendum Deum & proximum, & ipse dilectio est. Non enim habet homo unde diligit Deum, nisi ex Deo. Ecce quo modo datur, vel mittitur nobis Spiritus sanctus, secundum quod dicitur datum, siue donum. Quod donum commendat Augustinus explanans apertius quo modo detur, in eodem libro: Dilectio, inquit, Dei diffusa est in cordibus nostris, ut ait Apostolus, per Spiritum sanctum qui datus est nobis. Nullum est isto dono Dei excellentius. Solum est quod diuidit inter filios regni, & filios perditionis. Dantur & alia per spiritum munera, sed sine charitate nihil prosunt. Nisi ergo tantum impartiatui cuiquam Spiritus sanctus, ut eum Dei & proximi faciat amatorem, à sinistra non transfertur ad dexteram. Neque Spiritus sanctus proprie dicitur donum, nisi propter dilectionem: quam qui non habuerit, & si loquatur omnibus linguis, & habuerit prophetiam, & omnem scientiam, & omnem fidem, & distribuerit omnem substantiam suam, & tradiderit corpus suum ita ut ardeat, non ei prodest. Quantum ergo bonum est, sine quo ad aeternam vitam neminem tanta bona perducunt; ipsa vero dilectio vel charitas (nam unius rei nomen est utrumque) perducit ad regnum. Dilectio ergo, quae ex Deo est, & Deus est, proprie Spiritus sanctus est, per quem diffunditur in cordibus nostris Deus charitas, per quam nos tota inhabitat Trinitas. Quocirca rectissime Spiritus sanctus, cum sit Deus, vocatur etiam donum Dei. Quod donum proprie quid nisi charitas intelligendum est quae perducit ad Deum, & sine qua quodlibet aliud Dei donum non perducit ad Deum? Ecce hic aperitur quod supra dictum erat, scilicet quod charitas sit Spiritus sanctus, & donum excellentius: & quo modo hoc donum, id est, Spiritus sanctus detur nobis, scilicet cum ita impartitur alicui, id est, ita habet esse in aliquo, ut eum faciat Dei & proximi amatorem. Quod cum facit, tunc dari dicitur siue mitti alicui: & tunc ille dicitur proprie habere Spiritum sanctum.

DISTINCT.

Libro 8. c. 1.
ei dem.
1. 10. 2. b

1. 10. 4. b

Paulo inferius c. 8.

Cap. 19. ad
Iuven. 10. 3.

1. 10. 4. b
† Cap. 17.
1. 10. 4. b

1. 10. 4. b

Cap. 17.
tom. 3.

Psal. 70. a

Psal. 61. a

Psal. 70. a

& 90. b

1. 10. 4. c

Ioan. 4. c

Cap. 17. in
fine 10. 3.

Ibidem 17.
& 18.

Rom. 5. a

1. Co. 13. a

DISTINCT. XVII.

PARS II.

Utrum concedendum sit, quod Spiritus sanctus augeatur in homine, vel magis, vel minus habeatur vel detur.

Hic queritur, si charitas Spiritus sanctus est, cum ipsa augeatur & minuat in homine, & magis & minus per diuersa tempora habeatur, utrum concedendum sit, quod Spiritus sanctus augeatur, vel minuat in homine, vel magis & minus habeatur. Si enim in homine augeatur, & magis vel minus datur & habetur, mutabilis esse videtur. Deus autem omnino immutabilis est. Videtur ergo, quod vel Spiritus sanctus non sit charitas, vel charitas non augeatur, vel minuat in homine. Item, charitas & non habenti datur ut habeat, & habenti, ut plenius habeat. Si ergo Spiritus sanctus charitas est, & non habenti datur ut habeat, & habenti ut plenius habeat. Sed quo modo datur non habenti, cum ipse ut Deus sit ubiq, & in omnibus creaturis totus? & quo modo plenius datur vel habetur sine sui mutatione?

Responsio ad primam questionem.

Hic itaq, respondemus, dicentes quod Spiritus sanctus siue charitas penitus immutabilis est, nec in se augeatur vel minuitur, nec in se recipit magis, vel minus: sed in homine, vel potius homini augeatur & minuitur, & magis vel minus datur vel habetur. Sicut Deus dicitur magnificari & exaltari in nobis, qui tamen in se nec magnificatur, nec exaltatur. Vnde Propheta: Accedat homo ad cor altum, & exaltabitur Deus. Super quem locum ait auctoritas: Deus non in se, sed in corde hominis grandescit. Sic ergo Spiritus sanctus homini datur, & datus amplius datur, id est, augeatur, & magis & minus habetur: & tamen immutabilis existit.

Responsio ad secundam.

Cumq, ubiq, sit & in omni creatura totus, sunt tamen multi qui eum non habent. Non enim omnes Spiritum sanctum habent, in quibus est: aliaque & irrationabiles creatura haberent Spiritum sanctum, quod fidei pietas non admittit.

Confirmatio responsionum.

Ut autem certius fiat quod diximus, auctoritate confirmemus quod Spiritus sanctus magis ac minus percipitur & homini augeatur, & non habenti detur, ut habeatur & habenti ut plus habeatur. Augustinus ostendit super Ioannem dicens: Sine Spiritu sancto constat nos Christum non diligere, & eius mandata seruare non posse: & id nos posse atque agere, tanto minus, quanto illum percipimus minus: tanto vero amplius, quanto illum percipimus amplius. Ideoq, non solum non habenti, verum etiam habenti non incassum promittitur. Non habenti quidem, ut habeatur: habenti autē, ut amplius habeatur. Nam si ab alio minus, & ab alio amplius non haberetur, sanctus Heliseus sancto Helia non diceret. Spiritus qui est in te, duplo sit in me. Christo autem qui est Dei filius, non ad mensuram datus est spiritus. Neq, enim sine gratia Spiritus sancti est Mediator Dei & hominum homo Christus: quod enim est unigenitus Dei filius equalis patri, non est gratia, sed natura. Quod autem in unitatem persona unigeniti assumptus est homo, gratia est, non natura: Ceteris autē ad mensuram datur, & datus additur, donec

A unicuique pro modo suae perfectionis propria mensura completur. Ecce expresse habes, quod Spiritus sanctus magis & minus datur vel accipitur, & homini datus augeatur, & habenti & non habenti datur, quia Spiritus sanctus est charitas, qua non habenti datur, & in habente augeatur & proficit. Immo, ut verius & magis proprie loquar, homo in ea proficit, & deficit aliquando: & tunc ipsa dicitur proficere vel deficere: qua tamen nec proficit, nec deficit in se, quia Deus est. Vnde Augustinus in homil. 9. super epistolam Ioan. ait: Probet se quisque, quantum in illo profecerit charitas, vel potius quantum ipse in charitate profecerit. Nam si charitas Deus est, nec deficit nec proficit. Sic ergo in te proficere dicitur charitas, quia tu in ea proficis. Ecce quo modo intelligendum sit, cum dicitur Spiritus sanctus augeri in nobis, quia nos in eo scilicet proficimus, sic & alia huiusmodi.

Conclusionis primae oppositum, in quo conuenit communis opinio, scilicet, quod Spiritus sanctus non sit charitas, qua diligimus Deum, & proximum.

Supra dictum est quod Spiritus sanctus charitas est Patris & Filii, qua se inuicem diligunt & nos: & ipse idē est charitas qua diffunditur in cordibus nostris, ad diligendum Deum & proximum. Horum alterū omnes Catholici concedunt, scilicet quod Spiritus sanctus sit charitas Patris & Filii. Quod autem ipse idē sit charitas, qua diligimus Deum & proximum, à plerisq, negatur. Dicunt enim: Si Spiritus sanctus charitas est Patris & Filii & nostra, eadem ergo charitas est qua Deus diligit nos, & qua nos diligimus eum. Hoc autem sanctorum auctoritates negare videntur. Dicit enim Augustinus in lib. de Spiritu & litera: Vnde est dilectio, nisi unde & ipsa fides, id est, à Spiritu sancto? Non esset enim in nobis, nisi diffunderetur in cordibus nostris per Spiritum. Charitas autem Dei dicta est diffundi in cordib. nostris, non qua nos ipse diligit, sed qua nos facit dilectores suos. Sicut iustitia Dei dicitur, qua nos iusti eius munere efficitur: & Domini salus, qua nos saluat, & fides Christi, qua nos fideles facit. His verbis videtur monstrari distinctio inter charitatem, qua nos Deus diligit, & qua nos diligimus. Et sicut iustitia nostra dicitur Dei, non quod ipse sit ea iustus, sed quia ea nos iustos facit: similiter, & fides & salus: sic videtur dicta Dei charitas, qua est in nobis, non quod ipse ea diligat, sed quia ea nos diligere facit. De hoc etiam idē Aug. in lib. 15. de Trin. ait: Cum Ioannes commemorasset Dei dilectionem, non qua nos eum, sed qua ipse dilexit nos, & misit Filium suum liberatorem pro peccatis nostris. Ecce & hic videtur manifeste diuidere dilectionem, qua nos diligimus Deum, ab ea, qua ipse diligit nos. Si ergo, inquit, Spiritus sanctus dilectio est, qua Deus diligit, & qua nos diligimus, duplex dilectio est, imo duo diuersa est, quod absurdum & à veritate longe est. Non est ergo dilectio, qua diligimus, sed qua Deus tantum diligit nos.

Responsio ad praedicta, declarans auctoritates.

Hic respondemus praedictarum auctoritatum verba determinantes hoc modo. Charitas Dei dicta est diffundi in cordibus nostris, non qua ipse nos diligit, sed qua nos diligere facit, &c. His verbis non diuiditur, nec diuersa ostenditur charitas, qua Deus nos diligit ab ea qua nos diligimus: sed potius cum sit una, & eadem charitas, & dicatur ipsa Dei charitas, & diuersis de causis, & rationibus Dei charitas appellari in scriptura ostenditur. Dicitur enim Dei charitas, vel quia Deus ea diligit nos, vel quia nos ea suos dilectores facit.

Tomo 9.
Tract. 9. in
principio eiusdem.

Rom. 5. a

Tomo 3. ca.
32. in fine
cap.
† Aug. habet sic: nisi unde illa fides impetrans.

Cap. 17.
tom. 3.
1. 10. 4. l.

Augustinus de Spiritu & litera.
Cap. 32.
tom. 3.

Deter-

Determinatio primæ auctoritatis.

Rom 5.4

Cum ergo ab Apostolo dicitur charitas Dei diffundi in cordibus nostris, non est dicta charitas Dei qua diligit nos, sed qua facit nos diligere, id est, non ibi appellatur charitas Dei, eo quod Deus nos ea diligit, sed eo quod nos ea sui dilectores facit. Et quod ea ratione possit dici charitas Dei, quia nos ea diligere facit, ex simili genere locutionis ostenditur: sicut dicitur iustitia Dei, qua nos iustificat: & Domini salus, qua nos saluat: & fides Christi, qua nos fideles facit.

Determinatio secundæ.

Ex lib. 16.
de Trin. ca.
17. tom. 3.

Similiter & aliam exponimus auctoritatem, ubi ait dilectionem Dei commemorari, non qua nos eum, sed qua ipse dilexit nos, ac si diceret, commemorat dilectionem Dei, non secundum quod ea nos diligimus Deum, sed secundum quod ipse ea diligit nos.

Aliud argumentum supra primam conclusionem.

Libro de
spiritu &
lit. cap. 32.
tom. 3.
Repon-
sio.
Dist. 15.

Sed aliud est, inquit, quod magis urget. Dixit enim supra Augustinus quod dilectio est à Spiritu sancto, à quo fides. Sicut ergo fides non est Spiritus sanctus à quo est, ita nec charitas. Quo modo ergo Spiritus sanctus est, si ab ipso est? Nam si ab ipso est, & ipse est, ergo Spiritus sanctus à seipso est. Ad quod dicimus: Spiritus sanctus quidem à seipso non est, sed tamen à seipso datur nobis, ut supra dictum est. Dat enim seipsum nobis Spiritus sanctus. Et ex hoc sensu dictum est, quod charitas ab ipso est in nobis, & tamen ipsa Spiritus sanctus est: Fides autem est à Spiritu sancto, & non est Spiritus sanctus, quia donum, vel datum solummodo est, non Deus dans.

Aliæ rationes contra primam conclusionem.

Alias quoque inducunt rationes ad idem ostendendum, scilicet quod charitas non sit Spiritus sanctus, quia charitas affectio mentis est, & motus animi: Spiritus sanctus vero non est affectio animi, vel motus mentis, quia Spiritus sanctus immutabilis est, increatus: non est ergo charitas.

Aliæ Auctoritates contra primam conclusionem.

Cap. 10.
tom. 3.
Rom. 6.4
Cap. 11.
tom. 1.

Quod autem charitas sit affectio animi, & motus mentis, auctoritatibus confirmant. Dicit enim Aug. in 3. lib. de doctrina Christiana. Charitatem voco motum animi ad fruendum Deo propter ipsum, & se, ac proxime propter Deum. Idem in lib. de moribus Ecclesie Catholica, tractans illud verbum Apostoli: Nec mors, nec vita poterit nos separare à charitate Dei: Charitas Dei, inquit, in sensu hic dicta est virtus, quæ animi nostri rectissima affectio est, quæ coniungit nos Deo, quæ eum diligimus. Ecce his verbis exprimitur, quod charitas est affectio & motus animi, ac per hoc non videtur esse Spiritus sanctus.

Responsio declarans auctoritates prædictas.

Ad quod dicimus, hoc ita dictum esse, sicut dicitur: Deus est spes nostra, & patientia nostra, quia facit nos sperare, & pati: ita charitas dicitur esse motus, siue affectio animi, quia per eam mouetur, & afficitur animus ad diligendum

A Deum. Non autem mireris si charitas, cum sit Spiritus sanctus, dicatur motus mentis, cum etiam in libr. Sap. dicatur de Spiritu sapientie: Qui attingit à fine usque ad finem, qui est actus mobilis, certus, incoquinatus. Quod non id eo dicitur, quod sapientia sit mobile aliquid vel actus aliquis, sed quia sui immobilitate omnia attingit, non locali motu, sed ut ubique semper sit, nusquam inclusa teneatur. Sic ergo charitas dicitur motus animi, non quod ipsa sit motus vel affectio, vel virtus animi, sed quia per eam, quasi esset virtus, afficitur mens, & mouetur. Sed si charitas Spiritus sanctus est, qui operatur in singulis prout vult, cum per eum mens hominis afficiatur, & moueatur ad credendum, vel sperandum, & huiusmodi, sicut ad diligendum: quare non sic dicitur charitas motus, vel affectio mentis ad credendum, vel sperandum, sicut ad diligendum? Ad quod sane dici potest, quia alios actus, atque motus virtutum operatur charitas, id est, Spiritus sanctus mediantibus virtutibus, quarum actus sunt: utpote actum fidei, id est, credere fidei media, ut actum spei, id est, sperare media spe. Per fidem enim & spem prædictos operatur actus. Diligendi vero actum per se tantum, sine alicuius virtutis medio operatur, id est, diligere. Aliter ergo hunc actum operatur, quam alios virtutum actus. Ideoque differenter de hoc, & de aliis loquitur scriptura, quæ istum specialiter charitati tribuit. Est ergo charitas vere Spiritus sanctus. Unde Augustinus præmissum verbum Apostoli tractans in eodem libro charitatem dicit esse bonum, quo nil melius est: & per hoc ipsam esse Deum significat, dicens: Si nulla res ab eius charitate nos separat, quid esse non solum melius, sed etiam certius hoc bono potest? Ecce dicit, quia charitate nihil melius est. Charitas ergo Spiritus sanctus est, qui Deus est, & donum Dei siue datum, qui diuidit singulis fidelibus dona, nec ipse diuiditur, sed indinifus singulis datur. Unde Augustinus, ubi Ioannes dicit, non ad mensuram Christo dari Spiritum, ait: Ceteris vero diuiditur, non quidem ipse Spiritus, sed dona eius.

Sap. 8.4

1. Co. 12.6

August. de
mor. Eccl.
sia cap. 11.
tom. 1.Tract. 74.
in Ioan. ad
fin. tom. 9.

An concedendum sit, quod per donum dentur dona.

Hic queritur, cum Spiritus sanctus, per quem diuiduntur dona, ipse sit donum, utrum concedendum sit quod per donum diuidantur, ac dentur dona. Ad quod dicimus, quia per donum quod est Spiritus sanctus, singulis propria diuiduntur, & ipsum communiter omnes boni habent. Unde Augustinus in 15. libr. de Trinit. ait: Per donum, quod est Spiritus sanctus, in commune omnibus membris Christi multa dona, quæ sunt quibusque propria, diuiduntur. Non enim singuli quique habent omnia, sed hi illa, alij alia: quamuis ipsum donum, à quo cuique propria diuiduntur, omnes habent: id est, Spiritum sanctum: Ecce aperte dicit, per donum dona donari.

Aug. 15. de
Trin. ca. 19.
post princi-
pium 10.3.

DISTINCT. XVII.

PARS I.

De inuisibili Spiritus sancti missione.

Iam nunc accedamus ad assignandam missionem Spiritus sancti, quæ visibiliter, &c.

Expositio textus.

Terminata parte in qua Magister egit de processione Spiritus sancti visibili, in hac parte agit de inuisibili Et diuiditur hæc pars in duas. In prima determinat Magister Spiritus sancti missionem secundum suam opinionem. In secunda vero quia sua opinio habuit multos im-

Diuisio.

pugnato-

pugnatores, ponit opinionis suæ defensionē ibi: *Hic queritur si charitas Spiritus sanctus est.* Prima iterum pars habet duas. In prima missionem Spiritus sancti inuisibilem notificat. In secunda confirmat ibi: *Ne autem in re tanta aliquid de nostro, &c.* Item prima pars in qua notificat, habet duas, in quarum prima prædicit suam intentionem, ibi: *Iam nunc accedamus ad assignandam.* In secunda supposito, quod Spiritus sanctus sit amor quo diligimus Deum & proximum, ostendit ipsum inuisibiliter mitti, quando in nobis efficit hunc effectum, & hoc facit ibi: *Hoc autem intelligibilis, &c.* Similiter secunda pars in qua positionem suam confirmat, habet quatuor partes. In prima ostendit quod amor quo diligimus Deum, est similiter amor quo diligimus proximum. In secunda vero ostendit quod amor ille proprie est Spiritus sanctus, ibi: *Cum autem frater nā dilectio sit Deus, &c.* In tertia ostendit quod Spiritus sanctus est charitas non casualiter, sed essentialiter & formaliter loquēdo, ibi: *Sed ne forte aliquis dicat illud dictū.* Quarto & ultimo ostendit tanquam manifestatum iam, quod Spiritus sanctus, tunc mittitur inuisibiliter quādo nos facit Dei & proximi dilectores, ibi: *Ex prædictis clarescit, quod Spiritus sanctus charitas est, &c.*

Qui proximum diligit, consequens est ut ipsam dilectionem diligat. Dub. I.

Videtur ista consequentia non valere. Quamvis enim possibile sit dilectionem diligere, non tamen est necesse quod aliquis diligat eam: multa enim frequenter amamus, quæ nolle amare. Item dubitatur de ista consequentia: qui diligit dilectionem consequens est, ut Deum diligat. Quia, aut intelligit de increata, aut creata. Si de creata, nihil valet: diligit quid creatum, ergo increatum. Si de increata, tunc in nullo concordat cum priori sententia: quia dilectio qua diligit proximum, est dilectio creata.

R. s. p. Dicendum quod utraque consequentia bona est in proposito. Quidam enim est amor in quo non est quieratio, nec delectatio, nec complacentia: ut puta ille qui est ex pronitate corruptionis, cui ratio obsistit. Quidam vero est amor qui est cum delectatione, complacentia, & quieratione, & in tali amore non est tantum acceptatio rei amatae, immo etiam ipsius amoris, & talis amor est charitas, & ideo sequitur: qui amat proximum, amat dilectionem, id est, acceptat. Sed quoniam bene sequitur: qui acceptat aliquid ex se, multo magis acceptat illud in quo inuenitur ratio dilectionis, si dilectio eo ipso quo dilectio acceptatur, maior dilectio magis acceptatur. Cum ergo dilectio nostra sit dilectio exemplata, & dilectio diuina ut exemplar omnis rectæ dilectionis, & in illa est prima, & summa ratio omnis acceptationis: hinc sequitur quod qui diligit dilectionem, diligit Deum. Vnde Augustinus arguit ex hac suppositione quod ipsa charitas siue dilectio proximi est dilectio cum acceptatione, & ex hac tenet prima consequentia: & ex alia suppositione, quod prima ratio acceptationis est in dilectione exemplante, non exemplata, & ex hoc patet secunda.

Ecce iam potes notiozem Deum habere quam fratrem.

Dub. II.

1. Tim. 6. e. Videtur hoc falsum: quia ad Timotheum dicitur de Deo quod lucem habitat inaccessibilem. Præterea de fratre nouit quid est, de Deo vero non nouit quid est, sed si est: ipse autem non loquitur quantum ad cognitionem si est.

R. s. p. Dicendum quod aliquid magis certitudinaliter cognosci, est dupliciter, quia certitudo cognitionis est secundum præsentiam: aliquid autem præsens est dupliciter quantum ad rationem cognoscendi, aut quantum ad substantiam cognoscibilis. Quantum ad substantiam Deus est præsentior cui libet rei, quam aliqua alia res: quantum autem ad rationem cognoscendi hoc est dupliciter. Aut a parte cognoscibilis sicut sol est præsens cæco, & tamen cæcus est absens lumini: sic Deus est præsentior quam a-

A ter. Si autem a parte cognoscētis, sic præsentior est frater, quia præsens est oculis carnis, quorum cognitio viget secundum statum præsentem.

Aliter potest dici quod præsentius est aliquid dupliciter in ratione cognoscibilis, vel secundum effectum, vel secundum se. Secundum se, notior est frater, secundum effectum, notior est Deus. Quia effectus diuinus qui est dilectio, intrat ipsam animam, & ei est præsens, & magis cognoscitur quam frater.

Qui diligit, inquit, fratrem in lumine manet.

Dub. III.

B Videtur hoc verbum Ioannis positum improprie dictum, quia lumen respicit cognitionem, sicut calor affectionem: ergo magis deberet dicere, manet in calore, quam manet in lumine.

R. s. p. Dicendum quod luminis est manifestare. Manifestare autem aliquid alicui est dupliciter, aut sicut viam cognoscendorum, aut sicut viam agendorum. Primum est per scientiam, & contra illud lumen opponitur tenebra ignorantiae simplicis. Secundum est per gratiam. Vnde per Ioannem: Vnctio docebit vos de omnibus, & contra illud est tenebra malitiæ, siue peccati: & de hoc lumine, & de huiusmodi loquitur beatus Ioannes, quod patet in textu. Et Ecclesiasticus: Error & tenebræ peccatoribus concreatæ sunt: & quoniam charitas semper est cū gratia, aliæ virtutes non, ideo dicit: Qui amat, manet in lumine, per appropriationem.

Si in donis Dei nihil est maius charitate, &c.

Dub. IV.

Videtur dicere falsum, quia sapientiæ donum ponitur excellentissimum inter omnia dona: vbi si idem est charitas & sapientiæ charitas non retinet prærogatiuam inter dona. Item queritur de consequentia, si charitas est præcipuum inter dona Dei, & nullum maius est quam Spiritus sanctus, ergo Spiritus sanctus est charitas. Aut ergo loquitur de charitate creata, aut increata. Si de increata, tunc ergo probat idem per idem. Si de creata, tunc nulla videtur consequentia: quia non valet, quod si creata est charitas maior inter dona creata, quod sit Spiritus sanctus.

D **R. s. p.** Dicendum quod prædicta auctoritas Augustini potest intelligi de charitate creata, & increata: & pro utraque habet veritatem. Si de increata, certum est. Si de creata, maximum est inter dona, quia plus habet in se de ratione bonitatis, siue de ipsa bonitate, quā aliquod donum loquendo præcise. Quædam enim dona sunt quæ sunt sine charitate, & hoc quidem certum est, quod minora sunt. Quædam præsupponunt charitatem, velut donum sapientiæ. Charitas enim est quæ dat sensum gustui, ut sapiant ei bona æterna. Vnde sapientiæ superaddit quandā vltiorem virtutē, quæ habilitat, quæ comparata ad charitatem minus bona est: sed prout claudit charitatem, maius bonum est ratione eius quod præsupponit, & ita patet quod charitas (præcise loquendo) est excellentissimum donum: sapientiæ vero præsupponendo siue implicando donum charitatis, dicitur excellentissimum.

E Ad illud quod obiicitur de consequentia, dicendum quod utroque modo bona est. Si enim intelligatur de charitate increata, sic ipsa est donum primum & præcipuum, & Spiritus sanctus est huiusmodi: ergo oportet quod ipsa sit Spiritus sanctus, quia quod per superabundantiam dicitur, vni soli conuenit. Si autem de charitate creata, tunc consequentia Augustini intelligenda est a parte nominis sic: Si charitas creata est maximum inter dona creata, & Spiritus sanctus maximum est donorum, ergo melius nominatur nomine doni excellentissimi, quam alio.

Consequens ergo est v. Spiritus sanctus sit charitas, sed non creata, imo illa quæ Deus est.

*Non vtrique ideo dictum est, &c.
Dub. V.*

Quod Dei substantia est nostra patientia, videtur male dicere, quia charitas qua nos diligimus Deum, non est ipse Deus, nisi intelligamus quo diligimus exemplariter, vel causaliter: ergo cum simile sit de patientia, videtur quod Augustinus male destruit illud simile. Item, cum Deus faciat nos diligentes, sicut patientes, quare non dicitur Deus charitas nostra, sicut patientia nostra.

RESP. Dicendum quod Deus est charitas & essentialiter, & causaliter. Essentialiter, quia in se amor est. Causaliter, quia in nobis amorem efficit. Sed Deus non est patientia essentialiter, sed solum causaliter, & ideo scriptura istum diuersum modum inueniens, dicit Deum esse patientiam nostram, & Deum esse charitatem, sine additione. Ratio autem huius est, quod quidam habitus dicunt incompletionem, sicut patientia, spes, & huiusmodi, quæ non cadunt in Deo per essentialitatem, sed per causam, quia huiusmodi sunt à Deo. Quidam autem sunt habitus dicentes complementum, & huiusmodi sunt in Deo essentialiter, sicut charitas, & sapientia, & huiusmodi. Notandum autem quod Augustinus vult dicere, quod Deus est charitas essentialiter, sed ipse non vult dicere, quod sit charitas nostra essentialiter, sed causaliter, & exemplariter. Quamuis enim omnes virtutes habeant exemplar cognitionem in Deo, & omnes habeant exemplar secundum similitudinem longinquam: tamen quædam virtutes non habent sibi correspondens in Deo per omnia, sicut patientia, quæ duo dicit, scilicet passionem, & superferri passionibus. Quantum ad primum, non habet in Deo correspondens, sed quantum ad secundum solum. Charitas autem habet amorem sibi in Deo per omnia correspondentem, & amorem non tantum essentialem, sed etiam personalem: & ideo dicunt auctoritates quod Spiritus sanctus est charitas qua diligimus Deum: & ablatius, quia, dicit habitudinem non tantum causæ efficientis, sed etiam formalis: non perficientis, sed exemplantis.

*Solum est quod diuidit inter filios regni, & filios perditionis.
Dub. VI.*

Videtur hoc male dicere de dono charitatis, quia aut loquitur de diuisione quantum ad cognitionem, aut quantum ad veritatem. Si quantum ad veritatem, hoc falsum est, quia non solum in charitate, sed etiam in fide gratuita & spe differunt. Si quantum ad cognitionem, tunc minime diuidit, quia nescitur quis hoc donum habeat.

RESP. Dicendum quod omnia dona virtutum possunt esse informia præter charitatem: & quoniam possunt esse informia, possunt esse in iustis, & peccatoribus, & ideo in illis quam separantur ab inuicem. Sed charitas nunquam potest esse informis, nec esse cum peccato, quia actus eius est diligere propter se, & super omnia, qui remouetur per omne peccatum, & ideo dicit Augustinus quod sola charitas distinguit, loquendo de distinctione in vniuersali. Quod obicitur de fide gratuita siue formata, concedo quod distinguit, sed tamen hoc non habet quia fides, sed quia gratuita, & ita ex hoc quod charitati coniuncta: & sic patet illud.

*Et tradiderit corpus suum, ita vt, &c.
Dub. VII.*

Videtur male dicere, quia Dominus dicit: Maiorem hac dilectionem nemo habet, vt animam suam ponat pro amicis suis, &c. ergo si hoc est maximum opus charitatis, impossibile est quod fiat sine charitate.

RESP. Aliqui dicunt quod Apostolus dicit per impossibile: posito enim ad hoc quod aliquis hanc poenam pateretur sine charitate pro Christo, adhuc non proderet sibi. Credo tamen quod ex industria naturalium & aliqua

gratia gratis data possent sustinere pro fide Christi mortem etiam sine charitate, sicut hæreticus sustinet per errorem. Et quod dicit Dominus quod illud est summæ charitatis, hoc dicit quantum ad signum & exteriorem ostensionem: signa tamen sunt fallibilia, & ideo non necessario oportet quod si aliquis mortem sustinet pro Christo siue pro eius fide quod habeat charitatem: credo tamē quod si aliquis pro Christo sustineret mortem, qui non magnum haberet obicem, quod disponderet ad gratiæ susceptionem, ita quod daretur sibi charitas.

ARTICVLVS I.

AD intelligentiam huius partis quatuor quaeruntur. Primo & principaliter propter positionem Magistri quaeritur, Vtrum præter donum charitatis increatæ, sit ponere donum charitatis creatæ. Et hoc est quaerere, Vtrum charitas qua diligimus Deum sit Spiritus sanctus. Secundo, dato quod sit creatæ charitas, quaeritur, Vtrum illa charitas sit diligenda ex charitate. Tertio, vtrum charitas certitudinaliter possit cognosci ab habente charitatem. Quarto, si possit cognosci ab aliquo non habente.

QUESTIO I.

An ponenda sit Charitas alia ab increata.

Alex. Alon. in Continuat. 3. p. coll. 57. art. 1.

S. Thom. 2. 2. q. 23. art. 2.

Et 1. Sent. dist. 17. q. 1. art. 1. & q. 4. art. 4.

Et de Verit. q. 1. art. 11.

Scotus 1. Sent. dist. 17. q. 1.

Et in Repert. dist. 17. q. 1.

Egid. Rom. 1. Sent. dist. 17. q. 2.

Richardus 1. Sent. dist. 17. q. 1.

Durandus 1. Sent. dist. 17. q. 4.

Franciscus de Mayr. 1. Sent. dist. 17. q. 2.

Io. Bacon. 1. Sent. dist. 17. q. 1.

Petrus de Tarantasia. 1. Sent. dist. 17. q. 1.

Steph. Brulef. 1. Sent. dist. 17. q. 1.

Thom. Arg. 1. Sent. dist. 17. q. 1. art. 1.

Marsilius Inguen. 1. Sent. q. 20. art. 1.

Gabriel Biel. 1. Sent. dist. 17. q. 1.

QVOD non sit ponere aliam charitatem ab increata, supposita probatione per auctoritates multas quas adducit Magister in litera, probatur rationibus, & primo rationibus sumptis ab essentia charitatis, quæ est bonitas hoc modo:

1. Nullum accidens est melius substantia rationali: sed charitas est melior anima rationali, quia eam facit meliorem: ergo non est accidens, ergo est substantia. Sed constat quod non irrationalis: ergo rationalis, ergo anima, vel angelus, vel Deus: sed non anima vel angelus: ergo Deus.

2. ITEM nulla bonitas creatæ æquiualeat beatitudini: sed charitas æquiualeat beatitudini, quia per charitatem meretur homo, & efficitur dignus vita æterna, siue beatitudine: ergo charitas non est bonitas creatæ, ergo, &c.

3. ITEM omne bonum creatum est bonum per participationem, sed omne bonum alio bono bonum potest intelligi non bonum, & sic caderet in ipso malum per diminutionem speciei, modi, & ordinis: ergo si charitas est bona creatæ bonitate, potest esse mala, vel saltem intelligi mala, vel etiam fieri informis, quod falsum est.

4. ITEM hoc ipsum ostenditur rationibus sumptis à virtute, sic: Quanto aliquid virtuosius, tanto paucioribus mediis indiget: ergo si aliquid est potentissimum, nulla alia virtute à se indiget: ergo si Spiritus sanctus est potentissimus, & ipse est charitas: ergo seipso non alio inflammat affectum ad amorem: non est ergo ponere charitatem creatam necessario quæ sit habitus.

5. ITEM plus distat virtus naturalis à Deo quæ voluntas: sed Deus dirigit virtutem naturalem non alio quam seipso: ergo si ibi non cadit medium, nec in voluntate cadet, ergo, &c.

6. ITEM vbi monet virtus Motoris primi semper præsens, & non potens errare, superfluit aliam virtutem superaddere, vt puta, si manus esset semper coniuncta testimoni, non oportet ibi esse aliam virtutem: sed Spiritus sanctus est dirigens, & adiuvans ipsam voluntatem, & est coniunctus semper,

& non

*Aug. 15. de
Trin. ca. 18.
tom. 3.*

Ioan. 15. b

& nō potens errare: ergo superfluit aliam charitatem ponere: sed omne superfluum est rescandum, ergo, &c.

7. ITEM rationibus sumptis ab actu ostenditur illud idem, quia actus charitatis est animam recreare, sed non minoris virtutis est recreare, quam creare: ergo si creare solum est ab increato quod est infinitæ potentia: ergo & recreare: sed hoc proprium est charitatis: ergo est increata.

8. ITEM aliquis actus charitatis est vnire, sed nulla creatura per vanitatem vnitur veritati, & omnis creatura vanitas: ergo nulla creatura est medium vniendi Deo: si ergo charitas est medium vniendi, ergo non est vanitas, nec creatura.

9. ITEM actus charitatis est vnumquodq; ordinate diligere: ergo si ordinate diligere est diligere vnumquodq; secundum quod sibi conuenit, cum bonum increatum sit melius creato in infinitū: ergo ipsum magis in infinitum diligibile: ergo si charitas facit Deum diligere, vt diligendus est, charitas facit Deum in infinitum diligere: sed quod exit in actum infinitum, est infinitum & increatum, ergo, &c.

Sed contra: Charitas est principium reformandi animam quantum ad potentiam voluntatis: sed anima quantum ad alias potentias scilicet irascibilem, & rationalem reformatur per virtutes creatas: ergo pari ratione & concupiscibilis: sed eius reformatio est charitas, ergo, &c.

ITEM vbi est reformatio, ibi est conformatio, & informatio: & vbi est informatio: ibi est aliquid informans quod se habet per modum formæ: sed omnis forma rei creatæ est creata: Deus enim nullius est forma perficiens, ergo, &c.

ITEM charitas est principium viuendi. Vnde Hugo de sancto Victore: Scito anima mea quod amor est vita tua: sed omnis vita existens per participationem in aliquo, est ab aliquo informante, ex quo & viuificabile fiat vnum: sed ex Deo & anima non potest fieri vnum: ergo necesse est ponere in anima aliquam charitatem creatam, quæ viuificet.

ITEM omne quod est in aliquo possibile ad mortem, est illo per aliquod separabile: sed vita gratia est in anima possibili ad moriendum morte culpæ: ergo per aliquod separabile: hoc autem non est Deus, quia impossibile est Dei præsentiam leparari ab aliquo, ergo est aliquid creatum.

ITEM charitas est principium gratificandi: sed gratificatio est id in quo distinguitur bonus à malo, iustus ab impio, non tantum in actu, sed etiam in quiete, vt paruulus & adultus: ergo cum distinctio non sit boni à malo per bonitatem increatam, quia illa omnibus est communis, charitas non dicit quid commune. Et iterum, cum distinctio quiescentium nō sit per actum, vel per vsum, sed habitum, patet quod charitas dicit habitum creatum.

ITEM charitas est principium merendi: sed non quia bona facimus, ideo boni sumus: sed magis econuerso charitas prius facit bonum, quæ eliciat actum: sed cum aliquis de non bono fit bonus, necesse est aliquid poni in ipso de nouo, & hoc non potest esse actus, ergo habitus.

ITEM Deus alio modo cooperatur in operatione meritoria quam naturali, quia si non alio modo, tunc redit error Pelagii quod ex natura homo mereri: si ergo alio modo, cum per virtutem increatam omni naturæ cooperetur, necesse est quod in operatione creata meritoria cooperetur mediante alia virtute: sed hæc non potest esse nisi creata: ergo, &c.

ITEM videtur quod Magister errauerit, quia qui diuidit opera Trinitatis, hæreticus est: sed Magister posuit quod charitas qua nos diligimus Deum, sit Spiritus sanctus proprie: ergo ponit quod nostrum diligere, quod est effectus in creatura, sit solius Spiritus sancti, & ita diuidit opera Trinitatis.

ITEM qui dicit quid creatum esse increatum, errat: sed charitas qua diligimus Deum & proximum, vt communiter tenetur, est quid creatum: sed Magister dixit hanc esse Spiritum sanctum, ergo errauit.

CONCLUSIO.

Esti Deum sit charitas effectiue, & Spiritus sanctus appropriate, & ipse Spiritus sanctus amborum vnio, sit charitas exemplariter qua Deum diligimus, & affectio, vel motio excitata à Spiritu sancto dicatur charitas: ponendus est tamen habitus creatus animam informans, quæ dicatur charitas formaliter.

RESP. Ad Arg. Ad prædictorum intelligentiam est notandum quod circa hoc est & fuit ab antiquo duplex opinio. Quorundam enim vt Magistri & sequacium suorum est opinio quod Spiritus sanctus est essentialiter charitas qua Pater & Filius diligunt nos, & etiam qua nos diligimus Deum. Et quidam voluerunt dicere quod intellectus huius positionis potest demonstrari per similitudinem. Dicunt enim quod sicut lux tripliciter potest considerari, scilicet in se, & in transparenti, & in extremitate perspicui terminari. Primo modo est lux: secundo modo lumen: tertio modo hypostasis coloris. Ita Spiritus sanctus potest considerari in se, & sic est amor Patris, & Filii. Potest rursus considerari, vt in humana anima inhabitans, & sic Spiritus sanctus dicitur gratia. Potest etiam considerari, vt vnitus voluntati, & sic est charitas, qua nos diligimus Deum. Vnde dicunt quod Spiritus sanctus est nostra charitas, non per appropriationem, sed per vniōem. Quemadmodum enim solus filius est homo, vel incarnatus, & tamen tota Trinitas est incarnationem operata, sed tamē solus filius vnitus: sic quamuis tota Trinitas faciat vniōem Spiritus sancti cum voluntate, solus tamen Spiritus sanctus vnitur voluntati, & ideo solus est charitas. Ratio autem mouens ad ponendum hoc, est auctoritas Apostoli: Qui adhæret Deo, vnus Spiritus est. Et etiā mouet eos similitudo. Dicunt enim quod sicut Filius procedit per modum naturæ, & ita naturæ vnitur: sic Spiritus sanctus per modum voluntatis, & ideo voluntati vnibilis, & vnitus. Et quia voluntas vertibilis est, nō sic natura: ideo Spiritus sanctus vnitur separabiliter: sed Filius inseparabiliter, & ideo longe inferiori modo, quam Filius, & quibus sic vnitur, seipso facit diligere. Sed hæc positio non potest stare, quia Spiritus sanctus non est vnibilis: & præterea si esset vnibilis, aut per naturam, aut per gratiam. Non per naturam, ergo per gratiam: ergo adhuc oportet esse habitum gratiæ disponentem animam ad susceptionem talis vniōis, & ita redit contrarium. Ideo non credo quod Magister hoc modo fuerit huius opinionis. Et propter hoc aliter dicendum, quod istud quo diligimus Deum, tripliciter est accipere. Aut quo diligimus effectiue, & sic charitas, siue amor est Trinitatis, & Spiritus sancti appropriate. Aut quo diligimus exemplariter, & sic Spiritus sanctus est vnio Patris, & Filii, & nexus amborum, & vnitas. Ad cuius imitationem charitas nos necit, secundum quod dicit Dominus: Vt sint vnum, sicut & nos vnum sumus. Aut quo diligimus formaliter, & sic secundum opinionem Magistri est animi affectio. Et in his omnibus verum dixit, nec errauit, sed defecit: quia præter hoc est ponere charitatem secundum communem opinionem, quæ est habitus creatus animam informans. Et ratio huius sumitur à parte essentia eius, virtutis, & operationis. A parte essentia, quia charitas est bonitas creaturæ rationalis, ipsam perficiens, & distinguens, & ordinans, & disponens ad vitam æternam: ergo necesse est quod sit formalis perfectio.

1. Ad illud ergo quod obiicitur primo quod charitas est melior anima rationali, dicendum quod non est ibi comparatio: qui vbi vnum propter alterum, ibi tantum vnum: vnde habens charitatem, bonus est propter charitatem. Vel non cadit ibi comparatio: quia non vniiformiter dicitur bonum. Nam substantia rationalis dicitur bona, quia ordinabilis in finem: charitas bona, quia ordinans.

2. Ad illud quod obiicitur quod æquiualeat beatitudini, dicendum quod æquiualeat secundum diuinam æstima-

Opinio Magistri

Eam sic aliqui exponunt.

Conclusio ipsorum.

1. Cor. 6. d

Improbatio huius expositionis.

Vera expositio Magistri.

Ioan. 17. d

Opinio communis.

Conclusio.

Prima ratio conclusionis.

Fundamenta.

In libello de laudibus charitatis

Hanc rationem accipit Sco. pro fundamento q. 2. præsentis dist. ibi: Ad solutionem huius questionis.

mationem, quæ opus charitatis æstimat dignum vita æterna, siue tanta remuneratione.

3. Ad illud quod obiicitur quod si est bonum per participationem, tunc eius bonitas est permutabilis in informitatem, dicendum quod aliquid dicitur bonum per participationem dupliciter. Aut quia participans, & ordinatum: aut quia participatio, & ordinatio. Primo modo est bonum habens charitatem. Secundo modo charitas, & ideo potest non esse, quia non est ipsa essentia bonitatis, sed participatio: tamen non potest non esse bona, vel ordinata, quia est ipse ordo amoris. Vnde soluendum est illud per distinctionem, & in hoc patent rationes sumptæ ab essentia.

A Parte etiam virtutis necesse est ponere charitatē habitum creatum. Nam charitas qua diligimus Deum, est virtus: nō tantum qua Deus cooperatur nobis, sed etiam qua nostra volūtas cooperatur Deo. Adiutores enim Dei sumus: & quia cum cooperamur Deo, necesse est nos similiter conformari, necesse est quod ab illa summa charitate relinquantur in nobis aliquod exemplarū in nostro affectu, per quod moueat illi cōformiter. Voluntas enim libera est, & nata moueri ad opposita: & ideo ponitur virtus charitatis creata in nobis, nō propter defectum à parte Dei nobiscum operantis, sed voluntatis nostræ sibi cooperantis.

4. Ad illud quod obiicitur quod virtus potentissima non indiget virtute mediā, verum est: sed charitas non est propter illius virtutis indigentiam, sed potius voluntatis suscipientis, quæ indiget aliquo habitu disponente.

5. Ad illud quod obiicitur quod Deus cooperatur naturæ sine virtute creata, dicendum quod Deus regit naturā sicut instituit, & natura vniformiter currit: & ideo non indiget aliquo regulante. Non sic est de voluntate, quæ mouet difformiter, & ideo indiget aliquo habitu regulante, & disponente ipsam. Vel dicendum quod aliud est de natura, & voluntate: quia natura non habet moueri nisi iuxta se, vel infra, sed voluntas supra: & ideo indiget aliquo eleuante ipsam.

6. AD illud quod obiicitur quod virtus primi Motoris est præsens, dicendum quod non sufficit præsentia: sed necesse est quod recipiens influentiam habeat habilitatem, & conformitatem: & hoc est per virtutem creatam.

7. A Parte etiam operationis ponitur necessitas, quia reformatio, vel recreatio, vnio, & dilectio, non tantū sunt ab aliquo, vt ab efficiente, sed etiam ab informate. Informans autem charitas creata est, & ex hoc patent obiecta ex parte actus, siue operationis. Nā quod obiicitur quod creatio est ab increato, verum est per modum efficientis, sicut & recreatio: sed reformatio vltius requirit formam, & ideo necesse est ponere habitum informantem.

8. Ad illud quod obiicitur quod vanitas non vnitur veritati, dicendum quod gratia potest considerari secundū quod ex nihilo, & sic est vanitas, & sic non vnitur. Vel secundū quod est influentia, secundum diuinam præsentiam, & sic habet veritatis expressam similitudinem, & tali modo vnitur.

9. Ad illud quod obiicitur quod charitas facit diligere Deum quantum est diligendus, &c. Dicendum quod hoc potest intelligi dupliciter. Vel quantum Deus deberet diligi in se, & sic est falsum, quia cum sit bonum infinitum, deberet in infinitum diligi, & tali modo Deus solus seipsum diligit. Vel in quantum est diligendus ab hoc, & sic verum est, & tunc diligit in infinitum, non simpliciter, sed secundum æstimationem habentis charitatem. Tantum enim diligit charitas Deum plusquam bonum creatum, quod si bonum creatum in infinitum multiplicaretur, adhuc magis diligeret Deum. Quod autem obiicitur in contrarium, concedendum est præter duo vltima quæ ostendunt Magistrum errasse. Quod autem obiicitur, quia diuidit opera Trinitatis: dicendum quod falsum est, quia quod Spiritus sanctus sit charitas, qua diligimus Deum, aut dictum est per appropriationem, aut

per vnionem, aut certe per exemplaritatem, & sic intelliguntur omnes auctoritates, quas Magister adducit pro se: formaliter autem loquendo, non intelliguntur veræ, nec credo, quod Magister intellexerit sic, & per hoc patet illud quod Magister non dicit quod creatū sit increatum: sed quod sufficiat donum increatum, sine creato, & in hoc non fuit error, sed defectus tantum.

QVÆSTIO II.

An charitas ex charitate sit amabilis.

Alex. Alens in Consinnat. 3. p. coll. 62. art. 9.

S. Thom. 2. 2. q. 25. art. 2.

Et 1. Sent. dist. 17. q. 1. art. 5.

Ægidius Rom. 1. Sent. dist. 17. prin. 3. q. 2.

Richard. 1. Sent. dist. 17. q. 2.

1. hom. Arg. 1. Sent. dist. 17. q. 1. art. 1.

Gab. Biel 1. Sent. dist. 17. q. 2.

Vtrum charitas sit amabilis ex charitate, & quod sic ostenditur hoc modo. Augustinus 8. de Trinit. Nemo dicat: Non noui quid diligam: diligat fratrem & diligit ipsam dilectionem: ergo dilectio est diligenda, ergo, &c.

ITEM hoc ipsum videtur ratione: quia non est perfecta cognitio, nisi illa qua quis nouit se nosse, siue nouit ipsam notitiam: ergo nec perfectus amor nisi ille quo quis amat se amare, siue amorem: sed charitas est perfectus amor, ergo, &c.

ITEM aliquis diligit proximum, & recte, quia videt eum habere charitatem: sed propter quod vnumquodque tale, & illud magis: ergo magis debet diligere charitatem, siue dilectionem.

1. CONTRA: Augustinus in lib. de Doctrina Christiana, dicit tantum quatuor esse diligenda ex charitate, scilicet Deum, seipsum, proximum, & corpus proximi, & corpus proprium: sed charitas siue dilectio non est aliquod horum, ergo non est diligenda ex charitate. Item duplex est dilectio scilicet concupiscentiæ & amicitia: si ergo charitas siue dilectio diligitur, aut ergo dilectione concupiscentiæ, aut amicitia. Non amicitia, constat, quia amicitia est inter similes, & amor quo aliquis optat alii bonum, charitati autem nemo optat bonum.

2. ITEM nec concupiscentiæ, quia concupiscentia est rei non habitæ: ergo cum ex charitate nemo diligit nisi habens charitatem: ergo ex charitate non potest quis concupiscere charitatem.

SI tu dicas quod concupiscit augmentum charitatis, hoc non soluit, quia ego non quero nisi vtrum charitas habita, secundum quod habita est, possit amari.

3. ITEM sicut se habet fides ad credere & spes ad actum sperandi, ita dilectio siue charitas ad actum diligendi: sed nullus habens fidem, credit fidem vel in fidem, quia sicut dicit Augustinus: Credens scit se credere, & videt se credere: credulitas autem est de non visis: similiter autem nullus sperat spem ipsam, sed habet: ergo à simili, nec diligit charitatem: vel si non est simile, queritur, quare non.

4. ITEM si diligens diligit dilectionem, aut eadem, aut alia. Si alia, tunc pari ratione & aliam dilectionem diligit alia, & sic erit abire in infinitum. Si ergo stare est, & non conuenit abire in infinitum, si diligit, diligit eadem. Sed si hoc, contra: Nulla forma specialis super seipsam reflectitur nisi de primis intensionibus, sicut vnitas, veritas, bonitas. Vnde nullo modo dicitur albedo alba: ergo nec dilectio dilecta, & sic, &c.

CONCLUSIO.

Charitas qua habitus est, amabilis est amore concupiscentiæ, non amore amicitia: est etiam amabilis amore complacentiæ, cum diligens ipsam dilectionem accipiet qua Deum diligit.

RESP. Ad Arg. Dicendum quod accipiendo dilectionem

Secunda ratio conclusionis. 1. Cor. 3. b

† Sco. addit: inclinante ad determinatum a-

Tertia ratio conclusionis.

Fundamenta. Aug. 8. de Trin. c. 8. in princip. rom. 3.

2. Metaph. 1. 4. Et 1. post. cap. 2. cont. 5. Aug. 1. de Doctr. Chri. c. 23. tom. 3. Ad oppositum.

Lib. 13. de Trin. c. 1. 3. tom. 3.

Conclusio.

Conclu-
sio 2.
Explica-
tio.

nem secundum quod Deus dilectio est, constat utique quod ex charitate est diligenda. Sed accipiendo dilectionem secundum quod est habitus gratuitus, sic utique diligenda est, sed non super omnia.

Ad intelligentiam autem obiectorum, notandum quod triplex est amor, scilicet amicitiae, quo aliquis alicui optat bonum. Concupiscentiae, quo aliquis sibi desiderat aliquid. Et complacentiae, quo aliquis requiescit & delectatur in re desiderata cum praesens est.

Dico ergo quod charitas amore amicitiae nullo modo est amabilis, quia non est beatificabilis. Amore concupiscentiae est amabilis ex charitate, secundum quod diligens desiderat amplius diligere. Amore complacentiae, scilicet quo diligens acceptat ipsam dilectionem, qua Deum diligit, hoc modo charitas diligenda est, secundum quod iam habetur, eo quod ipsa est bonum valde acceptabile.

1. His visis, patet responsio ad duo prima. Nam ratio illa ex auctoritate Augustini de Doctrina Christiana, currit solum quantum ad dilectionem amicitiae, quia Augustinus loquitur de amabili, cui aliquis optat bonum.

2. Quod secundo quaeritur, similiter patet. Quamuis enim charitatis habitus, secundum quod habitus, non sit concupiscentia, nihilominus tamen est complacentia. Posset tamen dici quod spiritualis dilectio, & possessio excitat ad desiderandum dum reficit, & reficit dum excitat: ideo simul manent concupiscentia & complacentia.

3. Ad illud quod obiicitur tertio de fide & spe, dicendum quod non est simile. Actus enim fidei de se dicit imperfectionem, similiter & spei. Alter enim est rei non visae, alter rei non habitae: & ideo si talis actus reflecteretur, diminueret de ratione habitus. Vnde qui credit credulitatem, non habet eam & spem similiter, & ideo hae virtutes euacuatur in patria: sed dilectio est actus completionis & perfectionis, sicut scientia. Vnde sicut perfecte scit qui scit se scire, ita perfecte diligit, qui amat dilectionem.

4. Ad illud quod obiicitur, aut eadem, aut alia, &c. dicendum quod eadem quantum ad habitum: sed alia quantum ad actum.

Et quod obiicitur quod specialia non reflectuntur, dicendum quod reflexio in forma aliquando venit ex natura, & sic est in generalibus: aliquando venit ratione eius in quo est, & sic est in formis quae sunt in potentiis natis supra se conuertri, & in quantum supra se conuertuntur: & quoniam potentia cognitiua seipsam cognoscit, & voluntas est instrumentum seipsam mouens, ideo per scientiam scit aliquis, & scientiam suam nouit, & per charitatem se & ipsam diligit. Et si quaeritur ratio quare potentia intellectiua nata est supra se redire, & voluntas, alibi dicitur: sed hoc modo raturum sufficiat, quia sunt simplices potentiae, & in substantia simplici fundatae, & organo non alligatae: ideo patet quod non est simile illud quod obiicitur consuevit in sensibus: alia est potentia quae videt, & alia qua videt se videre, quod similiter debeat esse in intellectu.

QVÆSTIO III.

An quis certitudinaliter scire possit se esse in Charitate.

Alex. Alens in Continuat. 3 p. coll. 57. art. 7. q. 1.

S. Thom. in quæst. de Verit. q. 10. art. 20.

Egid. Rom. 1. Sent. dist. 17. princ. 3. q. 2.

Richard. 1. Sent. dist. 17. q. 5.

Thom. Arg. 1. Sent. dist. 17. q. 1. art. 1.

Steph. Brulef. 1. Sent. dist. 17. q. 3.

Petrus de Tarentas. 1. Sent. dist. 17. q. 6.

Ad opposi-
tum.
Aug. 8. de
Trin. cap. 8.
tom. 3.

Vtrum charitas sit certitudinaliter cognoscibilis ab habente. Et quod sic videtur auctoritate Augustini in 8. de Trin. & habetur in litera. Qui fratrem diligit, magis nouit dilectionem qua diligit, quam fratrem quem diligit: sed fratrem nouit certitudinaliter, ergo & charitatem.

S. Bonau. Tom. 4.

2. ITEM Qui diligit fratrem suum, in lumine manet: ergo si charitas est lumen, cum nihil certius videatur quam lumen, ergo, &c.

3. ITEM Vnctio docebit vos de omnibus, non inquam de omnibus cognoscibilibus, sed de omnibus necessariis ad salutem: sed charitas est maxime necessaria ad salutem: ergo eam maxime nos docet vnctio Spiritus sancti.

4. ITEM quāto aliquid animae est praesentius, tanto certius videtur, & cognoscitur: sed charitas animae est praesentissima, quia est in ipsa anima, ergo, &c.

5. ITEM habens fidem, certus est se habere fidem, nihil enim certius est homini sua fide, ut dicit Augustinus: ergo pari ratione habens charitatem, scit se habere charitatem.

CONTRA: Nemo scit vtrum odio, vel amore dignus sit: ergo cum habens charitatem sit dignus amore: nescit se dignum, ergo, &c.

ITEM: Nihil mihi conscius sum, sed non in hoc iustificatus sum: ergo videtur quod homo non habens retrorsum, possit non esse iustificatus: ergo non habere charitatem, sed nullum signum euidentius est charitatis, quam carentia omnis remorsus: ergo si illud est fallibile, cetera sunt fallibilia.

ITEM: charitas est diligere Deum propter se, & super omnia: infra quod nihil æque, vel supra, vel contra: sed nemo scit vtrum prae omnibus diligat Deum: ergo nemo scit vtrum habeat certitudinaliter charitatem.

ITEM habens charitatem est Deo acceptus, & constat nobis, & omnibus quod ista sunt conuertibilia: sed nemo scit vtrum Deo sit acceptus nisi per reuelationem: ergo nemo scit se habere charitatem nisi per reuelationem.

ITEM: dicit Apostolus quod nesciebat vtrum haberet culpam, eum dicit: sed non in hoc iustificatus sum: ergo ab oppositis, nesciebat se habere gratiam: ergo cum charitas non sit sine gratia, ergo, &c.

CONCLUSIO.

Homo quamdiu vivit, nec de se, nec de alio potest scire certitudinaliter quod sit in charitate, nisi per reuelationem: quamquam per signa probabilia, probabiliter possit cognoscere.

RESP. Ad arg. Dicendum quod charitatem cognosci certitudinaliter, est dupliciter. Vel in vniuersali quid sit, & qualis esse debeat, & sic utique cognosci potest. Alio modo est cognosci charitatem in speciali, siue in hoc, & hoc modo nec de se, nec de alio, quamdiu homo vivit, potest certitudinaliter scire. De alio non, quia nemo nouit quæ sunt in homine, nisi per signa quæ fallacia sunt. De se non, & huiusmodi potest esse quadruplex ratio. Vna & præcipua est diuinæ acceptationis implicatio: quia charitas iuncta est gratiae gratum facienti, quæ ideo dicitur gratum faciens, quia reddit hominem Deo acceptum, & ideo charitas sic vocatur, non tantum quia habet charum amatum: sed quia etiam facit hominem Deo charum: & quia nescimus Dei acceptationem certitudinaliter nisi per reuelationem, ideo nescimus nos habere charitatem, nisi per reuelationem doceamur. Secunda ratio est similitudo ipsius ad dilectionem acquisitam. Potest enim contingere aliquem inflammari ad amandum Deum per assuefactionem, qui corruiet per aliquod peccatum spirituale, & tamen semper afficietur, sicut expresse patet per beatum Bernardum in lib. de amore Dei, ubi reprehendit superbientes de deuotione. Tertia ratio est nostri oculi lippitudo, quia oculus noster est sicut oculus noctuæ ad manifestissima naturæ, sicut dicit Philosophus. Vnde sicut oculus lippus nescit distinguere inter lumen diei, & lumen flammæ, vel lunæ, ita oculus noster spiritualis inter lumen gratiae gratis datæ, & gratum facientis. Quarta ratio est diuinorum iudiciorum dispensatio. Deus enim claudit oculos seruorum suorum, quantum ad ea quæ spectant ad eorum dignitatem, & de quibus possunt efferri. Vnde gratia contraria est superbæ. Superbia enim

1. Ioan. 2. b

1. Ioan. 2. e

Funda-
menta.

Eccles. 9. 4

1. Cor. 4. 4

1. Cor. 4. 4

Conclu-
sio 1.
Conclu-
sio 2.

Bern. lib. de
amore Dei.
tom. 2.

2. Metaph.
conseq. 1.

Apo. 3. d

Tertia
conclu-
sio.

aperit oculos ad videndum prerogativas, & claudit ad videndum indigentias & defectus, iuxta illud: Dicis quia diues sum, & locupletatus, & nullius indigeo, & nescis quia pauper es, & cæcus, &c. Sed e contra: Vir sanctus dicit se nihil esse, quia claudit oculos suos Deus ad bona, & aperit ad videnda mala. Et hæc est ratio quare homo non cognoscat charitatem, quæ quamuis per se non sufficiat, tamen cum aliis bona est. Credo tamen quod illa est præcipua, quæ primo dicta est. Quamuis autem charitas non possit certitudinaliter cognosci esse in aliquo eam habente: respectu sui tamen potest per signa probabilia cognosci, maxime per mortificationem concupiscentiæ, & amoris vani siue mundani, & per multa alia signa probabilia quæ sancti dicunt, & ponunt.

1. Ad illud ergo quod obiicitur in contrarium quod certior est dilectio quam frater: dicendum quod charitas non tantum dicit dilectionem, sed ultra hoc addit quod gratuita est. Et quantum ad habitum dilectionis certitudinaliter est cognoscibilis, quantum vero ad illud quod dicit gratuitum, non.

2. Ad illud quod obiicitur quod charitas est lumen, dicendum quod quamuis de se charitas sit cognoscibilis, tamen non cognoscitur à nobis, quia oculus noster lippus est.

3. Ad illud quod obiicitur quod vnctio docet nos de omnibus necessariis ad salutem, dicendum quod verum est eo modo quo necessaria sunt: sed scire se habere charitatem, non est necessarium ad salutem, sed solum habere.

4. Ad illud quod obiicitur de præsentia charitatis, dicendum quod quamuis substantia habitus sit præsens, tamen conditio quæ concomitatur habitum, scilicet diuina acceptatio, non est præsens, immo latens in Dei cognitione, & iudicio.

5. Ad illud quod obiicitur de fide, dicendum quod non est simile, quia fides dicit habitum purum, non superaddendo acceptationem, sicut charitas, & ideo patet quod non est simile.

QVÆSTIO IV.

An charitas à charitatem non habente sit cognoscibilis.

*Alex. Alens in Continuat. 3. p. coll. 57. art. 7. q. 2.
Richardus 1. Sent. dist. 17. q. 4.*

Ad oppo-
sitionem.

Vtrum charitas sit cognoscibilis à non habente: & quod non, videtur, quia omne quod cognoscitur, aut cognoscitur per essentiam, aut per similitudinem. Non per essentiam, quia non est essentialiter in anima peccatrice. Si ergo cognoscitur, hoc est per similitudinem. Sed contra dicit Glossa: Tertium genus visionis quo dilectio intellectiva conspicitur, eas res continet quæ non habet sui similes imagines, quæ non sunt ipsæ: ergo similitudo charitatis non est aliud quam charitas: ergo si caret quis charitate, caret & similitudine eius, & ita nunquam cognoscit charitatem.

ITEM si non habens charitatem cognoscit eam: aut ergo per speciem innatam seu lucem propriam, aut per acquiritam, aut per effectum. Non per innatam, quia anima creata est sicut tabula rasa. Non per speciem acquiritam, quia omnis species acquisita acquiritur mediante sensu, & imaginatione: sed species charitatis non cadit in sensu, nec in imaginatione.

ITEM non per effectum, quia nemo cognoscit per effectum aliquid, nisi sciat quod causa sit illius effectus. Vnde nullus cognoscit per eclipsin interpositionem terræ, nisi sciat quod interpositio est illius causa. Si ergo per effectum cognoscit, oportet quod sciat prius, quoniam illius est causa charitas, & ita præcognoscit charitatem, non ergo per effectum. Si tu dicas quod cognoscit in illa veritate æterna: aut hoc erit effectiue, aut formaliter. Si effectiue, sic omnia cognoscuntur in ea quæ omnia facit scire quæcunque sciuntur. Si autem formaliter, siue exemplariter, ergo vi-

* Arist. 3.
de anima.
context. 14.
† Arist. 3. de
an. context.
59.

deretur quod vel imprimit aliquam speciem in intellectu, vel necesse est quod ipsa veritas, vel exemplar conspiciatur, quorum alterum est supra improbatum, alterum autem manifeste falsum est.

SED contra: Peccatores desiderant charitatem: sed nullus desiderat quod non cognoscit, quia incognita non possunt diligi, sicut dicit Augustinus, ergo ipsi cognoscunt charitatem.

ITEM aliquis habens charitatem potest habere cognitionem de illa: sed omne quod cadit in intellectu apprehendente, potest in memoria conseruari: ponatur ergo quod imprimatur hæc cognitio memoriæ, & quod demum cadat à charitate, constat quod lapsus à charitate memoriam eius retinuit: ergo adhuc cognoscit eam, ergo charitas potest cognosci à non habente.

ITEM si charitas cognoscitur ab habente, aut hoc est per essentiam, aut per similitudinem. Per essentiam non, constat. Sed probatur quod per similitudinem, quia nihil cognoscit intellectus nisi ab illo informetur: sed charitas habitus est affectus, ergo secundum essentiam illam non egreditur, ergo si vnitur intellectui & illi informat, hoc est per similitudinem, & hæc similitudo potest haberi à non habente charitatem: ergo, &c.

ITEM Augustinus dicit 11. de Trin. quod ad hoc quod intellectus intelligat quod est in memoria, necesse est accipere intellectus informari: ergo multo fortius ad hoc quod intelligat quod est in voluntate: ergo si intelligit charitatem, informatur intellectus aliquo, & non substantia charitatis, ergo similitudine, ergo idem quod prius.

CONCLUSIO.

Charitas, experientia cognitione non potest cognosci præterquam ab habente: speculationis vero, etiam à non habente.

RESP. Ad Arg. Dicendum quod cognitione experientie, non cognoscitur charitas nisi ab habente: cognitione vero speculationis, certum est cognosci charitatem etiam à non habente. Modus autem huius cognitionis non potest esse per charitatis essentiam, nec per similitudinem à sensibus acquisitam: ergo necesse est quod sit per similitudinem infusam, vel innatam: vtraque autem quæ sic cognoscuntur ab homine, dicuntur ab Augustino cognosci in veritate æterna, aut quia veritas cognitionem infundit, ut in prophetis: aut qui à conditione imprimitur, secundum illud Psalmistæ: Signatum est super nos lumen vultus tui Domine, &c. Charitas autem non cognoscitur à peccatoribus per speciem infusam, ergo oportet quod per innatam cognoscatur. Species autem innata potest esse dupliciter, aut similitudo tantum, sicut species lapidis: aut ita similitudo, quod etiam quædam veritas in seipsa. Prima species est sicut pictura, & ab hac creata est anima nuda. Secunda species est impressio aliqua summæ veritatis in anima, sicut verbi gratia, animæ à conditione sua datum est lumen quoddam directiuum, & quædam directio naturalis: data est etiam ei affectio voluntatis: cognoscit ergo anima quid sit rectitudo, & quid affectio, & ita quid rectitudo affectionis: & cum charitas sit hoc, cognoscit charitatem per quandam veritatem, quæ tamen veritas est similitudo charitatis, & tunc recte habet rationem similitudinis, dum accipitur ab intellectu, habet tamen rationem veritatis, prout est in anima. Vnde cum Augustinus dicat quod huiusmodi habitus cognoscuntur in ipsa veritate, & per similitudines quæ sunt idem quod ipse, non dicit hoc, quia non sit aliqua species in intellectu cognoscens, sed quia in anima non est pura species, sed veritas quædam ab ipsa veritate impressa, & sic patet responsio ad obiecta.

¶ S: S



Funda-
menta.
Aug. 10. de
Trin. ca. 11.
tom. 3.

Lib. 11. ca. 8.
tom. 3.

Conclu-
siones
cum ex-
plicatione
pro
resp. ad
arg. in
opp.
Vide supra
dist. 1. q. 4.
Lib. 12. de
Trin. ca. 14.
in sensu.
tom. 3.
Psalm. 4. b

Lib. 12. de
Trin. ca. 14.
tom. 3.

DISTINC. XVII. PARS II.

Ponit defensionem suæ opinionis.

Huius Partis Textum supra videre licet.

Hic quaritur si Charitas, Spiritus sanctus est, cum ipsa augeatur, &c.

Expositio textus.

Diuisio.

Supra egit Magister de missione Spiritus sancti inuifibili secundum opinionem suam. Hic secundo ponit opinionis suæ defensionem, & hoc facit respondendo obiectionibus quæ possunt opinionem suam improbare. Et quoniam sua positio improbari potest & ratione & auctoritate, utroque modo, ideo habet hæc pars tres partes. In prima parte per rationem impugnatur, & improbat hoc quod dixerat, quod Spiritus sanctus est charitas qua diligimus Deum & proximum. Secundo vero per auctoritatem ibi: *Supra dictum est, quod Spiritus sanctus*. Tercio per auctoritates & rationes ibi: *Alias quoque inducunt, &c.* Prima ratio contra Magistrum sumpta est ex hoc, quod charitas augeatur. Secunda ratio contra ipsum sumpta est ex hoc quod charitas est à Spiritu sancto, sicut dicit August. Tertia ratio sumpta est ab hoc quod charitas est animi affectio, & hoc quidem rationi & auctoritati consonat. In qualibet autem istarum partium Magister primo opponit, & secundo determinat, & partes manifestæ sunt.

Lib. 11. de
Trin. 6. 17.
11m. 3.*Christo autem qui est Dei Filius non ad mensuram datus est Spiritus. Dub. I.*

Videtur hoc falsum, quia omne finitum habet mensuram: ergo si Christo datus est Spiritus non ad mensuram, Christo datus est Spiritus infinitus. Sed contra hoc est quod omnia creata sunt finitæ capacitatis.

RESP. hoc infra melius parebit, modo tantum sufficiat, quod hoc vel est dictum propter gratiam vnionis, qua fecit quod omnia quæ Dei sunt, sint illius hominis vel propter gratiam capitis, quia in Christo est gratia ad ad omnes actus non artata, sicut in capite vigent omnes sensus. Vnde illa determinatio non priuat finitatem, sed priuat determinationem ad aliquem actum, siue speciale bonum.

Charitas Dei, inquit, dicta est virtus, &c. Dub. II.

Videtur male dicere quod charitas est affectio, quia nullus habitus est affectio: charitas est virtus, & ita habitus, ergo non est affectio.

RESP. dicendum quod affectio dicitur quadrupliciter. Vno modo ipsa vis affectiua: alio modo dicitur affectio, passio vis affectiua, vt gaudium & dolor & huiusmodi: tertio modo dicitur actus potetiz affectiua: quarto modo dicitur habitus affectiuus, sicut intellectus vno modo dicitur habitus principiorum, & est regula intellectus: & hoc modo accipitur cum dicitur quod charitas est affectio & similiter accipit Bernardus cum dicit quod virtus est affectio ordinata.

Alios actus, &c. Dub. III.

CONTRA: Per hoc quod dicit quod charitas intus operatur alios actus, atque motus, mediantibus aliis virtutibus: videtur dicere contra illud, quod dicitur ad Galatas: Fides per dilectionem operatur.

Gal. 5. 6.

RESP. Dicendum quod quamuis illud possit sustineri quod charitas operatur mediantibus aliis virtutibus tanquam ministris, & aliæ nihilominus per charitatem adiuuantem & dirigentem. tamen solutio Magistri quam hic facit, non valet, quia Magister petit principium in soluendo. Supponit enim in solutione oppositum eius quod

A probatur. Cum enim Spiritus sanctus non efficiat in nobis opera aliarum virtutum sine habitibus mediis, quomodo efficit in nobis opus dilectionis? Si tu dicas quod ipse dilectio est, similiter possum dicere quod Filius est sapientia & Verbum, ergo pari ratione sine habitu medio debet illuminare intellectum. Et propter hoc Magistri opinio non est ita probabilis, nec quantum ad rationes, nec quantum ad auctoritates. Quod patet si attendantur prædictæ solutiones.

Nec ipse diuiditur. Dub. IV.

Videtur dicere falsum quod Spiritus sanctus non diuidatur, quia dicitur quod Dominus dixit Moyse: Auferam de spiritu tuo, &c. Item de spiritu suo dedit nobis: si dedit de Spiritu, videtur quod vel totum dedit, vel diuisit in partes.

Num. 11. d
1. Ioan. 4.

RESP. Dicendum quod Spiritus sanctus est in semetipso simplex, & ideo in se indiuisus: sed in effectibus est multiplex: & ideo quantum ad effectum diuiditur, quia non datur singulis ad omnia: & hinc est quod plenius datus est Moyse quam aliis, & quod ideo dicit: auferam de Spiritu tuo: & quia non ad omnia datur nobis, ideo dicit beatus Ioannes: De spiritu suo dedit nobis.

ARTICVLVS I.

Ad intelligentiam huius partis est quæstio de augmento charitatis, & circa hoc quæritur quatuor. Primo quæritur vtrum charitas possit augeri secundum substantiam. Secundo quæritur de modo augmenti ipsius charitatis. Tercio quæritur de opposito augmenti ipsius, scilicet de diminutione, vtrum charitas possit diminui. Quarto de augmento charitatis quantum ad terminum, siue ad statum.

QVÆSTIO I.

An charitas secundum substantiam augeri possit.

*Alex. Alensis in Continuat. 3. p. coll. 69. art. 1.
S. I. hom. 21. q. 24. art. 4.
Et 1. 2. q. 52. art. 1.
Et 1. Sentent. dist. 17. q. 2. artic. 1.
Et de Veris. q. 1. art. 11.
Scot. 1. Sentent. dist. 17. q. 4.
Et in Report. 1. Sent. dist. 17. q. 3.
Ægid. Rom. 1. Sent. dist. 17. p. 2. q. 1.
Richardus 1. Sent. dist. 17. q. 1. art. 2.
Franciscus de Mayr. 1. Sentent. dist. 18. q. 1.
Thom. A. 2. 1. Sent. dist. 17. q. 2. art. 1.
Steph. Brulef. 1. Sent. dist. 17. q. 6.
Petrus de Tarantaf. 1. Sent. dist. 17. q. 7.
Gabriel Biel. 1. Sent. dist. 17. q. 4.*

Quam ad primum ostenditur quod charitas possit augeri secundum substantiam per Augustinum ad Bonifacium: Charitas meretur augeri, vt aucta mereatur perfici.

Fundamenta.
Aug. epist.
106. 10. 2.

ITEM hoc ipsum videtur ratione: Charitas viæ secundum substantiam minor est charitate patriæ: sed à charitate viæ ad charitatem patriæ conuenit deuenire, ipsa saluata inesse (quoniam charitas viæ nunquam excidit) sed motus à minori ad maius re salua, est augmentum: ergo conuenit charitatem augmentari.

ITEM constat quod diuersis maiora & minora præmia dabuntur. Vnde Apostolus: Alia claritas solis, alia claritas lunæ, &c. Et constat quod vni & eidem secundum diuersos status debetur diuersum præmium, scilicet maius & minus: sed magnitudo præmii substantialis respondet quantitati charitatis, non secundum feruorem, sed secundum substantiam: ergo si contingit maius præmiū alieui deberi: ergo & charitatem substantialiter augeri.

1. Cor. 15.

ITEM contingit charitatem meliorari, cum non sit summum bonum: sed charitas est bona substantialiter: ergo contingit charitatem secundum suam substantiam fieri meliorem. Sed vt dicit August. in 7. de Trin. In spiri-

Cap. 8. 10. 3.

tualibus idem est maius & melius: ergo cum charitas sit quid spirituale, possibile est secundum substantiam ipsam effici maiorem.

ITEM constat quod in vno & eodem charitas potest in maiorem effectum & actum: ergo cum maioritas effectus veniat à magnitudine virtutis, possibile est charitatem maiorem effici secundum virtutem. Tunc quæro, aut charitas est sua virtus, aut non. Si sic, ergo augmentata virtute, necesse est augeri essentia charitatis. Si non, tunc quæro de illa virtute, aut habet essentiam, aut non. Si sic, similiter quæro de illa: ergo vel erit abire in infinitum, vel necesse est poni, quod aliquid augeatur secundum substantiam: sed qua ratione alia virtus, & charitas.

Ad oppositum.

Arist. 1. de gen. cōtex. 31.

5. Phys. cōtex. 8.

8. Phys. cōtex. 55.

1. SED CONTRA: Charitas est forma: sed omnis forma consistit in essentia invariabili: ergo & charitas: sed nihil invariabile secundum essentiam augetur secundum essentiam: ergo nec charitas.

2. ITEM vbi augmentum, ibi maius & minus, sed vbi est simplicitas ibi non est maius & minus: si ergo charitas est forma simplex & non extensa, in charitate non erit augmentum.

3. ITEM augmentum in corporalibus est secundum accidens, & non secundum substantiam: ergo pari ratione & in spiritualibus: ergo si charitas augetur, hoc est secundum accidens non secundum substantiam.

4. ITEM quod augetur, mutatur, & quod augetur secundum substantiam, mutatur secundum substantiam: sed quod substantialiter mutatur, est aliud nunc quam prius: ergo quod augetur secundum substantiam non manet: si ergo charitas nunquam excidit, nisi per peccatum, sed semper manet: ergo non augetur.

CONCLUSIO.

Charitas secundum substantiam augeri potest, cum virtus qua augetur, sit substantia charitatis.

RESP. ad arg. Dicendum quod secundum communem opinionem verum est charitatem substantialiter augeri. Ad intelligentiam autem obiectorum, distinguunt quidam augmentum secundum duplicem differentiam. Augmentum enim est quando minori succedit maius, hoc autem potest esse dupliciter, vel ita quod illud idem quod prius fuit minus, postea fiat maius, sicut homo dicitur augeri, vel aliquid aliud quantum, & hoc modo charitas non augetur, ut dicunt. Vel ideo quod minori succedat maius, non idem in numero, sed consimile in forma, sicut dies dicuntur augeri, non quia idem dies primo sit minor, & postea maior, sed quia minori succedit maior, sic dicunt augeri charitatem, ac per hoc posse euadere oppositiones. Sed positio ista, ut supra probatum est, non potest stare. Ostensum est enim quod charitate manente eadem, contingit circa eadem fieri crementum, & perfectionem. Et ideo aliter dicendum quod augmentum sequitur quantitatem. Quantitas autem dicitur dupliciter, scilicet proprie, & metaphorice. Proprie dicitur quantitas molis, & hæc est in corporalibus. Metaphorice, quantitas virtutis, & hæc in spiritualibus. Sic & augmentum dicitur dupliciter, proprie, scilicet secundum magnitudinem molis, & metaphorice secundum quantitatem virtutis: cum ergo in charitate sit quantitas virtutis, & non in summo: constans est charitatem augeri posse. Rursus, cum virtus sit idem quod substantia charitatis, & sit quantitas virtutis, hinc est quod de necessitate sequitur charitatem augeri secundum substantiam: cum enim sit virtus, eius substantia non est alia à virtute.

Improbatio primi modi in opponendo.

August. de quantitate anim. c. 3. c. seq. to. 1.

Hoc est contra Scot. qui 1. Sent. dist. 17. q. 4. tenet opp.

1. AD ILLUD ergo quod obiicitur in contrarium quod essentia formæ est invariabilis, dicendum quod verum est de forma vniuersali: si autem dicatur de forma singulari, verum est in se considerata: sed non prout in alio.

2. AD ILLUD quod obiicitur quod simplicitas non admittit magnitudinem, dicendum quod verum est quod

A non admittit magnitudinem molis, admittit tamen magnitudinem virtutis.

3. AD ILLUD quod obiicitur quod in corporalibus est motus augmenti secundum accidens, patet responsio. Nam quantitas molis est accidens, essentialiter differens à quanto: non autem sic est in quantis quantitate virtutis, immo quantitas virtutis essentialis est, ut in opponendo probatum est. Potest tamen dici quod cum dicitur: Motus augmenti in corporalibus est motus secundum accidens dupliciter potest accipi hoc, quod est secundum. Aut quod dicat habitudinem termini per se, siue termini formalis, & sic utique terminus augmenti est quantitas perfecta. Aut ita quod dicat terminum per accidens, & hoc modo augmentum respicit substantiam: quod patet. Cum enim additur quantitas maior minori, nisi fiat per rarefactionem, vel per protensionem, oportet quod addatur substantia in qua sit illa quantitas: & ita augmentum plus habet de substantia, & ita per consequens ad substantiam terminatur etiam in corporalibus. Et per hoc patet quod obiicitur quod non augetur secundum substantiam: verum est si dicat terminum formalem: sed non si dicat terminum per accidens.

4. AD ILLUD quod obiicitur quod augmentatur secundum substantiam, & mutatur secundum substantiam, dicendum quia rei non tantum est esse substantiale, sed etiam perfectum esse. Mutari ergo secundum substantiam hoc potest esse dupliciter, vel respectu esse simpliciter, & sic mutari est aliud, & aliud: vel respectu esse perfecti, quia cum de imperfecto fit perfectum, non est aliud, sed idem. Et hinc est quia charitas quamuis substantialiter augeatur, non est alia, sed eadem secundum substantiam, unde non valet obiectio.

QVÆSTIO II.

An charitas seipsa, vel aliunde augeatur.

Alex. Alenf. in Continuat. 3. p. coll. 69. art. 2. c. 3.
S. Thom. 2. 2. q. 24. art. 5. Et 1. Sent. dist. 17. q. 1. art. 2.
Scotus in Reportatis 1. Sent. dist. 17. q. 4.
Ægidius Rom. 1. Sent. dist. 17. prin. 2. q. 1. art. 1.
Richard. 1. Sent. dist. 17. q. 2. art. 3.
Thom. Arg. 1. Sent. dist. 17. q. 2. art. 2.
Gregor. Arim. 1. Sent. dist. 17. q. 6.
Gab. Biel 1. Sent. dist. 17. q. 7.

D E modo augmenti ipsius charitatis. Et quod augmentum eius sit aliunde, ostenditur per Augustinum qui dicit quod charitas meretur augeri: sed quod aliquis meretur, habet ab alio quam à se: ergo si charitas meretur augmentum, habet ipsum aliunde.

ITEM quod augmentetur per appositionem, videtur per rationem: Augmentum enim est præexistentis quantitatis additamentum: ergo vbi est augmentum, ibi est appositio alicuius eiusdem generis, & vbi appositio, ibi additio: ergo, &c.

ITEM hoc videtur posse ostendi per simile, quod charitas est anima, sicut lux in aere: sed lux in aere non augetur per additionem noui luminis, ut patet, si vni candelæ illuminatæ superuenit alia: ergo & in charitate erit similiter respectu animæ.

ITEM hoc videtur per principium augmenti, quia ex eisdem vnumquodque & nutritur, & augetur: ergo per consimilem modum habet charitas augeri, generari, & conservari: sed generatur in nobis per diuinam influentiam: ergo & per eandem maiorem augetur: sed vbi maior influentia, aliquid plus influit, quam prius: & vbi hoc, ibi est additio, ergo, &c.

1. CONTRA: Maioris virtutis est calor amoris spiritualis, quam ignis materialis: sed ignis seipso augetur: ergo charitas, quæ est ignis spiritualis.

2. ITEM quod non per appositionem, videtur, quia si simplex simplici addatur, nihil maius efficitur, nec mole, nec virtute, ut si punctus puncto: ergo nec si charitas addatur charitati, erit maior.

3. ITEM si additur aliquid, cum additionem sequa-

Fundamenta: Ad Bonif. epist. 106. c. 2.

Arist. 1. de gen. cōtex. 31.

Arist. 2. de ani. cōtex. 34. c. deinceps.

Ad oppositum.

tur com-

tur compolitio, & ad maiorem compositionem virtutis diminutio: ergo quanto maior sit additio, tanto efficitur charitas impotentior, & quanto impotentior, tanto minor: ergo cum augmentum charitatis sit quantum ad virtutem, charitas non augetur per additionem.

4. ITEM si aliquid addatur priori charitati, aut additum est charitas, aut non. Si non: ergo non auget charitatem. Si vero est charitas: sed charitas non est materialis respectu charitatis: ergo cum ex aliquibus duobus non fiat vnum, nisi vnum sit materiale respectu alterius, ex charitate præexistente, & superaddita non fit vnum: sed ad augmentum necesse est fieri vnum ex augente, & aucto: ergo nullo modo potest per additionem augeri.

CONCLUSIO.

Charitas augetur per appositionem, & non per depurationem, vel impermisionem: augetur tamen diuina virtute, sicut ab ea creatur.

RESP. ad arg. Ad prædictorum intelligentiam notandum quod circa hoc fuit duplex opinio. Vna est quod augmentum charitatis est per depurationem, siue per impermisionem cum contrario. Contrarium autem amoris Christi est amor concupiscentiæ: unde quanto magis in nobis extinguitur concupiscentia, tanto magis depuratur charitas: & quanto magis depuratur, tanto magis assimilatur Deo, & accedit ad terminum: & quanto magis accedit, tanto magis augetur: & isti posuerunt charitatem per se posse augeri per assuesfactionem in bono, & debilitationem concupiscentiæ. Ratio autem quæ istos mouit, fuit auctoritas Philosophi, qui dicit formas intendi per accessum ad terminum, & impermisionem cum contrario. Fuit etiam cum hoc auctoritas Augustini, qui dicit in libro 83. quæst. quod sicut minuitur concupiscentia, sic crescit charitas, & tale augmentum per maiorem depurationem simplici, non repugnat. Sed ista positio non est conueniens, quia constans est, charitatem maiorem & minorem esse, omni sublata concupiscentia, sicut in primo homine, & etiam in Angelis: ergo cum omnino sit ibi impermixta: in quolibet Angelo, & etiam in statu innocentie esset in summo, quod stultum est dicere. Unde non est dicendum quantum ad remissionem concupiscentiæ augeri secundum substantiam: concedendum est tamen quantum ad remissionem concupiscentiæ intendi per feruorem. Et hoc modo intelligit Augustinus. Et hoc modo loquitur etiam Philosophus de formis quantum ad intensionem, non quantum ad augmentum. Alia positio est quod charitas augetur per appositionem, & huius simile habetur in lumine quod expresse charitati assimilatur. Unde sicut maius lumen additum minori, ipsum auget, sic charitas superaddita auget minorem. Et hæc positio ponit charitatem non augeri virtute propria, sed diuina. Idem enim est principium augendi, & generandi. Unde sicut à solo Deo habet ortum, ita & augmentum.

1. Ex hoc patet illud quod obiicitur per simile in igne. Ignis enim habet potestatem se faciendi in alio, & augendi, non sic charitas.

2. Ad illud quod obiicitur secundo quod charitas sit simplex, quia non habet partes quantitativas quantitate molis, habet tamen quantitate virtutis, & quantum ad illam potest augeri. Si obiiciatur de puncto quod habet quantitatem virtutis, & tamen non augetur, dicendum quod ad hoc quod aliquid sit natum augeri per appositionem consimilis quantitatis, duo sunt necessaria, scilicet quantitas, & vnibilitas. Vnibilitas autem venit ex imperfectione: perfecto enim in quantum huiusmodi, non est possibilis additio: ideo puncto non potest fieri additio. Licet ergo punctus habeat quantitatem virtutis, non tamen habet vnibilitatem, quia est quoddam perfectum in suo genere. Aliter potest dici quod punctus est simplicissimum in genere quanti, molis: & ideo est infinitum

A virtute, charitas autem nulla est simplicissima in genere quæti virtualis, nisi diuina: & ideo illa est infinita; & quoniam illa non potest augeri per additionem, ita nec virtus puncti. Et si obiicias mihi quod virtus puncti est creata: ergo non est infinita, dicendum quod quia punctus est quid simplicissimum in genere, non simpliciter: ideo non habet infinitam virtutem simpliciter, sed in genere respectu linearum. Præterea punctus non est omnino actus: sed terminus respectu linearum: ideo non habet potentiam actiuam infinitam, sed passiuam: quia non proprie dicitur punctus posse lineas producere, sed potest statui terminus linearum: & hoc non est inconueniens ponere in creatura: ideo virtus puncti non est augmentabilis, vt virtus charitatis.

B 3. Ad illud quod obiicitur quod quanto aliquid est magis compositum, tanto est impotentius, dicendum quod illud generaliter intellectum est falsum. Propter hoc distinguendum quod sunt partes materiales, & sunt partes formales, quæ dant actum, & virtutem toti. Simplex igitur magis potest dici per priuationem partiū materialium: & tunc habet propositio veritatem, quia tales partes potius dant pati quam agere. Vnde quanto aliquid magis elongatur à materia, tanto est potentius. Si autem dicatur magis simplex, quia pauciores habet partes formales, siue actiuas, falsum est: quia tunc ignis minor, potentior esset quam maior. Sirupus compositus ex paucis virtuosior esset quam ille qui constat ex multis: quorum vtrumque falsum est: & ideo prædicta propositio est similiter falsa, quoniam tam charitas præexistens quam adueniens, vtrique habet rationem actiui. Potest tamen & aliter responderi secundum veritatem quod charitas augmentata non est magis composita, immo magis simplex: & hoc sic patet, quia contrario modo est in quanto molis, & quanto virtutis. In quanto molis, simplicissimum est minimum, vt punctus: & ideo in hoc genere quanti accessus ad simplicitatem est per diminutionem, recessus est contrario per additionem: in quanto vero virtutis, simplicissimum est maximum: & ideo accessus ad simplicitatem est per additionem, & hinc est quod charitas augmentata est purior, & simplicior, & Deo similior. Nec videatur hoc inconueniens, quia addere puritatem, & simplicitatem, & spiritualitatem alicui, non facit recessum à simplicitate, sed magis accessum.

D 4. Ad illud quod obiicitur, vtrum ex eis fiat vnum: dicunt quidam quod sicut diuersa lumina sunt in aere distincta & inconfusa, attamen vnum maius lumen reddunt propter concursum in vnum susceptibile: sic in lumine spirituali, quod est gratia, vel charitas, dicendum quod distincta sunt essentialiter: tamen vnum maius efficiunt in mouendo virtutem liberi arbitrii. Sed tamen illud non est simile: quia distinctio luminarium in aere, venit à parte originum diuersarum, vt puta quando plura sunt lucentia, non sic est in gratia. Et ideo, dicendum quod ex eis fit vnum.

E 5. Ad illud quod obiicitur quod se non habet in ratione materialis, dicendum quod augmentationem dupliciter contingit fieri. Aut per virtutem ipsius augmentabilis, vt patet in animali, & tunc augmentabile habet se in ratione formalis, & actiui augmentans in ratione materialis, & passiuui. Contingit & augmentum fieri per virtutem extrinsecam, possibilitate sola, & vnibilitate existente in augmentabili, & tunc augmentabile, quia imperfectum se habet in ratione passiuui: augmentans, quia perficiens, in ratione formalis & completiuui, quia dat quantitatem perfectam: Quod ergo obiicitur quod vnū non est in potentia ad aliud, dicendum quod non est in potentia ad conuersionem, sed est & in potentia ad vnionem: & potentia ista est in charitate ratione suæ imperfectionis: quia enim imperfecta est, ideo possibilis perfici, & ideo vnibilis rei perficienti. Vnde non habet possibilitatem ad illud, quod additur in quantum charitas:

sed in quantum imperfecta: & sic patet illud.

* *

Arif. 3. To.
p. c. 4.
Et. Phys.
text. 19.
Lib. 83. q. 4.
30. Et in
Enchir. c.
penult.

Lib. 83. q. 4.
30. To. 4. in
Enchir. c.
121. in fine
10m. 3.
No consen-
tit S. Tho.
hic. q. 2. ar.
2.
† Arif. 2.
de anim.
text. 34.

QVÆSTIO III.

An Charitas minui possit.

Alex. Alensin Continuat. 3. p. coll. 70. art. 1. & 2.
 S. Tho. 2. 2. q. 24. art. 10. Et 1. Sent. dist. 17. q. 2. art. 5.
 Et de Malo. q. 7. art. 2.
 Ægid. Rom. 1. Sent. dist. 17. princ. 2. q. 3.
 Richardus 1. Sentent. dist. 17. art. 2. q. 5.
 Franciscus de Mayr 1. Sent. dist. 19. q. 2.
 Thomas Argens. 1. Sentent. dist. 17. q. 2. art. 4.
 Petrus de Tarantasia 1. Sent. dist. 17. q. 11.

Ad oppo-
 situm.
 Aug. 83. q.
 9. 3. 10. 4.
 Aug. lib. 10.
 Confess.
 29. 10. 1.

Vtrum charitas possit diminui. Et quod sic, vide-
 tur per naturam sui oppositi, sic, sicut dixit Augu-
 stinus: Venenū charitatis est cupiditas: unde dicit quod
 ubi magna cupiditas, ibi parua charitas, & in lib. Con-
 fess. Minus te amat, qui aliquid tecum amat quod non
 propter te amat. Si ergo contingit cupiditatem non tan-
 tum remitti, sed etiam augeri: per contrarium contingit
 charitatem diminui.

2. **I**TEM veniale est malum: sed non est malum, nisi
 quod adimit aliquid de bono: ergo veniale adimit ali-
 quid. Sed naturalisabilitas est multo maioris inhæren-
 tiæ quam charitas: ergo cum veniale adimat de bonitate
 naturali: ergo & de charitate: ergo, &c.

3. **I**TEM hoc ipsum ostenditur per naturam sui sub-
 iecti. Quia sicut hominem contingit proficere, ita retro-
 cedere: sed per profectum liberi arbitrii contingit in no-
 bis charitatem augeri, dum ascenditur ad perfectionem:
 ergo cum conueniat eisdem gradibus redire ad imper-
 fectionem, conuenit charitatem diminui.

4. **I**TEM omne illud quod sui dehabilitatione in
 termino est causa corruptionis, per sui dehabilitationem
 citra terminum est causa diminutionis: sed liberum
 arbitrium dehabilitatum per auersionem est causa cor-
 ruptionis charitatis: ergo dehabilitatio eius sub Deo est
 causa diminutionis.

5. **I**TEM hoc ipsum ostenditur per naturam ipsius
 charitatis sic: Opposita nata sunt fieri circa idem: sed au-
 gmentum, & diminutio sunt opposita: ergo si conuenit
 charitatem augeri, conuenit & diminui.

6. **I**TEM quod potest saluari sine coniunctione sui ad
 aliquid, potest illud ab illo post coniunctionem sepa-
 rari: sed charitas ante additionem habet esse sine addita-
 mento, ergo potest separari: & si hoc: ergo & diminui:
 ergo, &c.

CONTRA: Charitas est forma simplex, & vniformis
 per totum: ergo quod adimit de charitate, qua ratione
 adimit vnam partem, adimit & totum: & si hoc, ergo
 nunquam diminuitur.

ITEM magnitudo charitatis est secundum magnitu-
 dinem diuinæ influentiæ: ergo diminutio eius est per
 diminutionem influentiæ, sed Deus non subtrahit influen-
 tiam suam nisi offensus, & non offenditur nisi per auer-
 sionem ab ipso & contemptum: ergo non diminuitur
 charitas nisi per peccatum mortale: sed hoc non est aliud
 quam charitatem tolli: ergo, &c.

ITEM omne illud quod diminuit alterum, est illi op-
 positum: sed veniale, vel cupiditas, siue concupiscentia
 circa Deum, non opponitur charitati, immo est omnino
 illi contingens: ergo non diminuitur.

ITEM quod diminuit alterum, habet posse super illud:
 sed veniale non habet posse supra charitatem, quia plus
 diligit charitas Deum quam cupiditas creaturam, er-
 go, &c.

ITEM hoc ipsum ostenditur per impossibile hoc mo-
 do: Si veniale diminuit charitatem: ergo aliquid dimi-
 nuit ab ipsa: ergo si charitas non est infinitæ magnitu-
 dinis: ergo veniale aliquoties iteratum totam adimit
 charitatem, quod falsum est.

ITEM si diminuit charitatem secundum substantiā:
 ergo minuit præmium substantiale ei debitum: sed præ-
 mium substantiale est bonū æternum, ergo veniale ali-
 quid aufert de bono æterno: sed ablatio boni æterni, vel

A simpliciter, vel secundum partem est pœna æterna: ergo
 veniale meretur pœnam æternā, quod est contra com-
 mune opinionem. Si ergo veniale non minuit vnum,
 nec aliud.

CONCLUSIO.

*Charitas secundum substantiam non minuitur, cum non
 habeat nisi peccatum mortale pro opposito, a quo
 non minuitur, sed tota tollitur.*

RESP. ad Arg. Dicendum quod circa hoc duplex
 opinio est, fundata super duplicem opinionem præce-
 dentem, de modo augmentandi charitatem. Quidam
 enim dicunt charitatem augeri per impermixtionem, &
 cum impermixtio maior sit secundum maiorem liberi
 arbitrii habilitationem, & secundum concupiscentiæ
 diminutionem: & e contrario permixtio per dehabilita-
 tionem liberi arbitrii, & augmentationem concupiscenti-
 æ, dicunt per consequens eam diminui: secundum quod
 augetur cupiditas, vel concupiscentia, & dehabilitatur
 liberum arbitrium, & hoc est per veniale peccatum: sed
 quoniam veniale peccatum manens veniale nunquam
 totiens iteratur quod concupiscentiam augeat, ita quod
 aliquid diligit supra Deum: ideo charitas per venialia
 potest diminui, sed non tolli: tollitur autem per mortale,
 quod auget concupiscentiam supra Deum. Sed hæc opi-
 nio, ut supra probatum est, non habet stabile fundamen-
 tum: quoniam substantiale augmentum charitatis non
 venit à libero arbitrio: ideo nec à concupiscentia dimi-
 nutio.

Et propter hoc ponitur alia opinio probabilior quod
 charitas non minuitur substantialiter: & hæc opinio fun-
 datur super hoc quod augmentum charitatis fieri habet
 per additionem, vel incrementum maioris influentiæ: quo
 supposito, dicendū quod charitas secundum substantiam
 non minuitur, sed augetur. Et ratio huius sumitur à par-
 te oppositi, siue agentis. Nam charitas non habet oppo-
 situm, nisi mortale peccatum: per illud autem nō minui-
 tur, sed tollitur: concupiscentia autem, siue cupiditas, &
 veniale peccatum, opponuntur charitati secundum fer-
 uorem solum, quia simul stant, & substantialiter sunt sese
 contingentia. Et ideo soluendum ad duo prima, quod il-
 lud Augustini de cupiditate & minori amore, similiter
 ad illud de veniali diminutione, locum habet solū quan-
 tum ad feruorem charitatis: & sic patent duo prima. Su-
 mitur & ratio quare charitas non minuitur à parte ipsius
 subiecti quod est liberum arbitrium secundum conuer-
 sionem ad Deum: liberum autem arbitrium ad augmen-
 tum charitatis se disponit per habilitationem: similiter ad
 diminutionem per dehabilitationem citra mortale: sed hæc
 dispositio est de congruo, non de condigno: & quoniam
 Deus est pronior ad miserendum, quam ad condemnandum:
 & ad donandum quam ad abstrahendum: hinc est
 quod charitatem tribuit cum se liberum arbitrium dis-
 ponit de congruo, sed non abstrahit, nisi quando neces-
 sario se disponit ad abstractionem, vel subtractionem
 gratiæ: hoc autem solum est per auersionem, & tunc to-
 tum tollit.

1. Et hinc est quod charitas nunquam minuitur, sed
 augetur, quia solum de congruo potest se præparare sub-
 iectum ad diminutionem.

2. 3. 4. **A**d illud quod obiicitur quod sicut homo
 proficit, ita retrocedit frequenter, dicendum quod non
 sic diminuitur per descensum substantialiter charitas, si-
 cut augetur per ascensum. Quod autem obiicitur quod
 liberum arbitrium potest totum priuare per dehabilita-
 tionem, &c. dicendum quod istud falsum est: quia for-
 ma substantialis omnino priuatur per dispositionem ad
 oppositum in termino, non tamen minuitur per dispo-
 sitionem citra terminum. Præterea illud habet locum
 quando dispositio in termino, & citra terminum sunt
 eiusdem generis: non sic autem est in proposito: quia v-
 na est mortale peccatum, alia veniale. Sumitur etiam ra-
 tio quare

Opinio
 aliorum.

Opinio
 Doctoris.

Aug. 5. Me-
 taph. 1. cor. 13.

Funda-
 menta.

tio quare non potest minui à parte naturæ suæ: ipsa enim est influentia secundum diuinam acceptationem: sed quod Deus acceptet, hoc est ab ipso: & ita quod magis & magis acceptet, & ita de sua natura potest augeri: quod autem minus acceptet, hoc non est ex se: ergo oportet quod veniat à nobis: ergo charitas de se habet augeri: minui vero non habet nisi à nobis, ut supra ostensum est: per nos autem non potest minui, & ideo charitati debetur augmentum naturaliter.

5. Ad illud ergo quod obiicitur quod opposita nata sunt, &c. dicendum quod verum est, nisi alterum insit per naturam.

6. Ad illud quod obiicitur: Potest esse sine additione, ergo separari. dicendum quod istud verum est si esset aliquid separans: sed nihil est quod separet.

QVÆSTIO IV.

An charitas terminum habeat in augmento.

Alex. Alen. in Continuat. 3. p. coll. 71. art. 1.

S. Thomas 2. 2. q. 24. art. 7.

Scot. 1. Sentent. dist. 17. q. 3. & 4.

Ægid. Rom. 1. Sent. dist. 17. princ. 2. q. 4.

Richardus 1. Sent. dist. 17. art. 2. q. 3. & 4.

Franciscus de Mayr 1. Sent. dist. 19. q. 1.

Thom. Arg. 1. Sent. dist. 17. q. 2. art. 3.

Sreph. Brulef. 1. Sent. dist. 17. q. 7.

Petrus de Tarantaf. 1. Sent. dist. 17. q. 1.

Gabriel Biel 1. Sent. dist. 17. q. 8.

DE augmento charitatis quantum ad terminum: vtrum habeat statum, vel terminum ultra quem non possit augeri. Et quod sic ostenditur hoc modo.

Omne quod est in aliquo, non excedit capacitatem eius in quo est: sed charitas est in anima: ergo non excedit animæ capacitatem. Sed capacitas animæ est finita, quia omnis potentia finita habet capacitatem finitam: ergo & charitas.

ITEM augmentum charitatis attenditur secundum quantitatem virtutis: sed quantitas virtutis similis est quantitati molis, & perfectior. Sed in quantitate molis in augmentando est status, unde Philosophus: Omnium natura constantium terminus est, & ratio magnitudinis, & augmenti: ergo similiter est in quantitate virtutis.

ITEM augmentum charitatis attenditur per accessionem ad charitatem perfectam: ergo quod semper augeatur nunquam venit ad perfectum. Perfectum autem est, cui non est possibilis additio: sed charitatem, cum sit opus Dei, conuenit perfici: Dei enim perfecta sunt opera: ergo, &c.

ITEM augmentum charitatis attenditur secundum approximationem ad finem: nam quanto charitas maior, tanto fini proximior: ergo nunquam peruenit ad finem: aut si sic, necesse est stare: quia alias esset frustra: ergo, &c.

1. **C**ONTRA: Quod non sit status, ostenditur à parte virtutis augmentantis. Tantum enim extenditur augmentum, quantum virtus augmentatiua: sed virtus augmentans charitatem, est virtus diuina quæ non habet terminum & statum: ergo, &c.

2. **I**TEM hoc ipsum videtur à parte suscipientis. Sicut enim se habet transparentes ad lumen corporale, sic capacitas animæ ad lumen gratiæ, siue charitatis. Sed aer nunquam tantum recipit de lumine, quia adhuc possit plus recipere: ergo, &c.

3. **I**TEM hoc videtur ostendi posse à parte augmentabilis, quod est charitas, quia ipsa est æque in actu, vel amplius, sicut ignis materialis, sed ignis materialis ratione suæ actualitatis augetur in infinitum, si adsit combustibile, sicut dicit Philosophus: ergo similiter charitas de se.

4. **I**TEM hoc ipsum ostenditur à parte obiecti charitatis, quod est summum bonum non habens mensuram: ergo si mensura charitatis debet attendi per magnitudinem obiecti, & illud caret modo & mensura: ergo & charitas: & si hoc, ergo non habet statum, nec terminum.

CONCLUSIO.

Charitas habet terminum in augmento tum à parte agentis à proposito operantis, tum ex parte suscipientis.

RESP. ad arg. Dicendum quod status est in augmento charitatis, secundum omnem modum, secundum quæ conuenit esse statum, & perfectionem in motu augmenti. Augmentum enim, sicut patet in corporalibus, habet statum à tribus, videlicet à virtute agente, & potentia suscipiente, & forma perficiente. Sic est in homine: cuius augmentum stat, quando virtus caloris, & carnis secundum speciem non potest amplius conuertere quam deperdatur: quando potentia humidi radicalis non potest plus extendi: quando corpus perfectum est secundum quod congruit perfectioni animæ. Sic dicendum quod charitas stat à parte virtutis agentis, sed huiusmodi status potest esse dupliciter. Nam illa virtus, aut est operans naturaliter, aut à proposito. Si naturaliter, tunc stat, quando non potest amplius. Et hoc modo stat charitatis augmentum, cum deuentum est ad mensuram quam mensus est Deus homini secundum distributionem suæ sapientiæ: & ideo licet virtus augmentans sit infinita, tamen operatur secundum dispositionem sapientiæ limitantis effectus varios secundum quod placet sibi: Non enim operatur secundum omnimodam possibilitatem.

Stat etiam à parte suscipientis, quia sicut dicitur per Matthæum: Dedit vnicuique secundum propriam virtutem. Et huiusmodi status potest intelligi tripliciter. Aut secundum actum, cum amplius non procedit, & sic stat in viris perfectis, qui non assurgunt ad maiora. Aut secundum aptitudinem, & sic stat in beatis qui amplius non possunt se disponere, & tantum habent, quantum se disposuerunt: unde status est in eis. Aut secundum possibilitatem suscipientis, & sic statum habet in Christo, & credo etiam quod in beata Virgine: & aliqui dicunt quod in Angelis. Vtrum in aliquibus aliis nescio. Scio tamen de Christo, quia tantum habet de gloria, quantum potest recipere creatura vnita, & credo hoc ipsum de matre dulcissima. Stat etiam à parte augmentabilis, cum peruenit ad quantitatem perfectam. Sed notandum quod quantitas virtutis perfecta est dupliciter: vel simpliciter vel in genere. Simpliciter perfecta est in summo & simplicissimo, ut in Deo. In genere vero in omnibus qui pertingunt ad actum completum ad quem sunt, & hoc est diligere Deum ex toto corde, & ex tota anima, & ex tota virtute. Primo modo non est status, sed secundo solum.

1. Ad illud quod obiicitur primo de infinitate virtutis agentis, dicendum quod illa ratio teneret, si virtus charitatem augmentans ageret naturaliter & secundum imperium, siue secundum totum suum posse: nunc autem agit sapienter, & ita ponit vnicuique limitem, ipsa in se non limitata.

2. Ad illud quod obiicitur per simile in aere, quod suscipientis potentia est ad infinitum, dicendum quod lumen augeri in aere, hoc est dupliciter. Vel per ipsius clarificationem vel per luminum aggregationem. Primo modo credo quod statum habeat: adeo enim posset aer illuminari, & si etiam superueniret aliud lumen, non magis claresceret. Alio modo potest augeri lumen in aere per luminum aggregationem, & sic quia lumina diuersorum luminarium sunt in eodem puncto aeris, non se angustant, nec se expellunt, sicut multæ species in vno medio. & ita nunquam sunt tot species, quin plures possint esse: similiter de luminibus. Sed nunc non est simile de charitate, quoniam sicut prius tactum est, in vna anima tantum est vna charitas: non sic est de lumine, quod egreditur à diuersis luminaribus.

3. Ad illud quod obiicitur à parte augmentabilis quod ignis in infinitum est augmentabilis, dicendum quod calor potest augeri dupliciter. Vel intensiue, & sic statum ha-

Diffinit
S. Tho. dist.
presens q.
4. Cōsentis
Scot. hic q.
4. qui tenet
charitatem
non posse
augeri in
infinitum.

Mat. 25. 1.

Inf. dist.
14. q. 3.
3. dist. 15
art. 1. q. 2.

Deus. 6. 4.

bet & sum-

bet & summum. Velextensive, id est, ut sit in pluribus, & sic non habet statum à parte sua: sed à parte combustibilis, quod finitum est. Similiter dico quod charitas potest augeri intensiue, ut magis diligat, & sic habet statum, sicut ignis. Alio modo extensiue, ut à parte dilectorum, & sic non habet statum ex parte sua, quia nunquam tot diligit, quin adhuc nata sit diligere plures.

4. Ad illud quod obiicitur à parte obiecti charitatis, dicendum quod obiectum nihil ad hoc facit, quia obiectum semper est idem non mutatum, & est infinitum; & ideo nunquam ei charitas commensuratur, nec ad eius mensuram recipit augmentum, nec decrementum.

DISTINCTIO XVIII.

VTRVM EADEM RATIONE SPIRITVS SANCTVS DICATUR DONVM, ET DATVM SIVE DONATVM.

RÆTEREA diligenter considerandum est, cum Spiritus sanctus dicatur donum & datum, utrum eadem ratione utrumque nomen ei conveniat: quod utique videri potest. Cum enim idem sit, Spiritum sanctum dari, & Spiritum a nōtum donari, ex eadem ratione videtur Spiritus sanctus dici datum, & donum. Hoc etiam videtur Augustinus significare in 15. lib. de Trinit. cum ait: Spiritus sanctus tantum donum Dei est, in quantum datur eis, quibus datur: apud se autem Deus est, et si nemini datur. Ecce aperte dicit, Spiritum sanctum donum appellari, quia datur. Si autem ex eo tantum appellatur donum, quia datur, non ab aeterno fuit donum, quia non datur nisi ex tempore.

Responsio quare datum, siue donatum dicatur Spiritus sanctus.

Ad quod dicimus, quia Spiritus sanctus & donum dicitur, & datum siue donatum: sed datum siue donatum ex eo tantum dicitur, quia datur vel donatur, quod habet tantum ex tempore.

Quare Donum dicatur.

Donum vero dicitur non ex eo tantum quod donetur, sed ex proprietate quam habuit ab aeterno. Vnde & ab aeterno fuit donum. Sempiternae enim donum fuit, non quia daretur, sed quia processit à Patre & Filio. Vnde Augustinus in 4. lib. de Trinit. ait. Sicut natum esse est Filio à Patre esse, ita Spiritui sancto donum Dei esse, est à Patre & à Filio procedere. Hic aperte ostenditur quod Spiritus sanctus eo donum est, quod procedit à Patre & à Filio, sicut Filius eo est à Patre, quod natus est ab eo. Non enim idem est Filio esse à Patre, & Spiritui sancto, id est, non ea proprietate Filius dicitur esse à Patre, quia Spiritus sanctus. Nam Filius dicitur esse à Patre quia genitus est ab eo, Spiritus sanctus vero dicitur esse à Patre & à Filio, quia Spiritus sanctus est donum Patris & Filij, id est, quia procedit ab utroque. Eo enim dicitur Spiritus, quo donum: & eo donum, quo procedens. Vnde Augustinus in 5. de Trinit. ait: Spiritus sanctus qui non est Trinitas, sed in Trinitate intelligitur, in eo quod proprie dicitur Spiritus sanctus, relative dicitur, cum & ad Patrem & Filium

refertur: quia Spiritus sanctus, & Patris, & Filij Spiritus est, sed ipsa relatio non apparet in hoc nomine. Apparet autem cum dicitur donum Dei, donum est enim Patris & Filij, quia & à Patre procedit, & à Filio: Ecce his verbis aperte ostenditur, eadem relatione dici Spiritum sanctum, & donum. Donum autem, quia procedit à Patre & Filio. Proprietas ergo qua dicitur Spiritus sanctus vel donum, processio ipsa est. De qua post plenius agemus cum alijs. Cum ergo ab aeterno processerit ab utroque, & ab aeterno donum fuit. Non ergo Spiritus sanctus eo tantum dicitur donum, quia donatur. Nam & ante fuit donum quam donaretur. Vnde Augustinus in 5. lib. de Trinit. Semper Spiritus sanctus procedit, & non ex tempore, sed ab aeternitate procedit. Sed quia sic procedebat, ut esset donabile: iam donum erat antequam esset cui donaretur. Aliter enim intelligitur, cum dicitur donum, aliter cum dicitur donatum: nam donum potest esse etiam antequam detur: donatum autem, nisi datum fuerit, nullo modo dici potest. Sempiternae ergo Spiritus sanctus est donum, temporaliter autem donatum. His verbis aperte ostenditur, quod sicut Spiritus sanctus ab aeterno procedit: ita ab aeterno donum est, non quia donaretur à Patre, Filio: vel à Filio, Patri, sed quia ab aeterno processit donabilis.

Queritur cui donabilis sit Spiritus sanctus.

Sed queritur cui donabilis: utrum Patri & Filio, an tantum nobis, qui nondum eramus? Si autem non erat donabilis Patri, & Filio, sed tantum nobis, & ex eo donum erat, quia sic donabilis procedebat: videtur quod Filius semper eadem ratione donum fuerit: quia ab aeterno processit à Patre donabilis nobis in tempore. Nam & de Filio legitur, quod datus est nobis. Ad quod dicimus, quia Spiritus sanctus nobis tantum, non Patri vel Filio donabilis processit, sicut & nobis tantum datus est. Et Filius vere datus est nobis, & ab aeterno processit à Patre, non ut donabilis tantum, sed ut genitus qui & donari posset. Processit ergo ut genitus & donabilis: sed Spiritus sanctus non procedit ut genitus, sed tantum ut donum. Donum autem semper fuit, non solum quia donabilis, sed quia ab utroque processit, & donabilis fuit. Vnde Augustinus in 5. lib. de Trin. ait: Eo ipso quod daturus erat cum Deus, tam donum erat etiam antequam daretur: & ideo donabilis est: sed aliter donabilis quam Filius, nam & aliter datur, & aliter processit quam Filius: Filius enim processio genitura est, vel natiuitas: Spiritus sancti vero processio, natiuitas non est: utraque vero ineffabilis est.

Quod sicut Filius nascendo accepit non tantum ut esset Filius, sed etiam essentia: ita & Spiritus sanctus procedendo accepit non tantum ut esset donum, sed etiam ut esset essentia.

Et notandum quod sicut Filius nascendo accepit non tantum ut Filius sit sed omnino ut sit, & ut ipsa substantia sit: ita & Spiritus sanctus à Patre, & Filio procedendo, accepit non tantum ut Spiritus sanctus sit, vel donum, sed etiam ut omnino sit, & ut substantia sit: quod utique non accepit ex eo quod datur, nam cum non datur nisi ex tempore, si hoc haberet ex eo quod datur, accepisset ergo ex tempore ut esset. Vnde Augustinus in 5. lib. de Trin. Filius non hoc tantum habet nascendo, ut sit Filius, sed omnino ut sit: Queritur ergo, utrum Spiritus sanctus eo quod datur, habeat non tantum ut donum sit, sed omnino ut sit. Quod si, non nisi quia datur, id est, si non habet esse nisi

Ca. 19. 10. 3.

Ca. 20. 10. 3.

Ca. 20. 10. 3.

Hoc dist. 18. q. 2. 19.

Ca. 21. 10. 1.

Explicatio.

14. 9. 1.

Cap. 14. circa fin. 10m. 1.

Ca. 20. 10. 1.

eo quod datur, sicut Filius nascendo habet non tantum ut sit Filius, quod relative dicitur, sed omnino ut sit ipsa substantia, quo modo iam Spiritus sanctus erat ipsa substantia, cum non prius daretur, quam esset cui daretur? Non ergo eo quod datur, sed procedendo habet ut sit donum, & ut sit essentia: sicut Filius non eo quod datus est, sed nascendo accepit non tantum ut sit Filius, sed ut essentia. Vnde August. in 15. lib. de Trinit. ait: Sicut Filio prestat essentiam sine initio temporis, sine mutabilitate natura de Patre generatio, ita Spiritui sancto prestat essentiam sine ulla initio temporis, sine ulla mutabilitate natura de utroque processio.

Quod ex prædictis videtur, quod Filius non tantum sit Filius natiuitate, sed etiam de simili essentia, & Spiritus sanctus processione.

Hic oritur questio. Si Filius nascendo habet non tantum ut sit Filius, sed ut sit essentia: & Spiritus sanctus procedendo non tantum ut sit donum, sed ut sit essentia: ergo & Filius natiuitate essentia est, & Spiritus sanctus processione est essentia: cum alibi dicatur quod nec Pater eo Pater est quo Deus, nec Filius eo Filius quo Deus, nec Spiritus sanctus eo donum quo Deus: quia ut ait August. in 7. li. de Trin. His nominibus relativa eorum ostenduntur, non essentia. Vnde post plenius agemus. Ad quod breuiter respondentes dicimus, quia nec Filius natiuitate essentia est, sed tantum Filius: nec Spiritus sanctus processione essentia est, sed donum tantum: & tamen uterque, & ille nascendo, & iste procedendo accepit ut esset essentia. Non enim, ut ait Hilarius in 5. lib. de Trin. Per defectionem, aut protensionem, aut derivationem ex Deo Deus est, sed ex virtute natura in naturam eandem natiuitate subsistit Filius: & ex virtute natura in naturam eandem processione subsistit Spiritus sanctus.

Exponit verba Hilarii.

Quod ita intelligi potest, Ex patre, qui est virtus ingenta, naturam quam habet, eandem Filius natiuitate, id est, nascendo, & Spiritus sanctus processione, id est, procedendo habet. Vnde ipse idem aperit eloquens, quod dixerat, aperit, dicens: Natiuitas (ut inquit) Dei non potest non eam, de qua profecta est, tenere naturam. Non enim aliud quam Deus subsistit, quod non aliunde, quam de Deo subsistit. Ecce his verbis aperitur, quo modo intelligendum sit illud: De patre generatio prestat essentiam Filio, & de utroque processio prestat essentiam Spiritui sancto. Non quia ille essentia sit Filius, & iste essentia sit Spiritus sanctus, immo proprietate personali: sed quia & ille nascendo, & iste procedendo essentiam habet eandem, & totam qua in patre est.

Spiritus sanctus dicitur donum, & donatum, secundum duos prædictos modos processionis.

Ex prædictis patet quod Spiritus sanctus sempiternus donum est, & temporaliter datum, vel donatum. Ex quo apparet illa distinctio gemina processionis, de qua supra cecimus. Nam secundum alteram processionem dicitur donatum, vel datum, secundum alteram vero dicitur donum.

Secundum hoc quod donum est, refertur ad Patrem & Filium: secundum quod datum, ad eum qui dedit, & ad eos quibus datum est.

Et secundum hoc quod sempiternus donum est, refertur ad Patrem, & Filium: secundum hoc vero quod dici-

tur datum vel donatum, & ad eum qui dedit, refertur, & ad eos quibus datur: & eius dicitur esse qui dat, & illorum quibus datur. Vnde Augustinus in 5. lib. de Trinitate ait: Quod datum est, & ad eum qui dedit refertur, & ad eos quibus dedit. Itaque Spiritus sanctus non tantum Patris & Filij, qui dederunt, sed etiam noster dicitur, qui accepimus. Spiritus ergo & Dei est qui dedit, & noster qui accepimus: non ille Spiritus noster, quo sumus, quia ipse est Spiritus hominis, qui in ipso est: quamuis & illum Spiritum, qui hominis dicitur, utique accepimus: sed aliter iste, aliter ille, noster dicitur. Aliud est enim quod accepimus, ut essemus: aliud quod accepimus ut sancti essemus. Quod autem Spiritus sanctus noster dicatur, scriptura ostendit. Scriptum est enim de Ioanne quod in Spiritu Helia veniret. Dicitur est Helia Spiritus, scilicet Spiritus sanctus, quem accepit Helias. Et Moysi ait Dominus: Tollam de Spiritu sancto quem iam dedi tibi. Ecce & hic dicitur est Spiritus Moysi. Patet igitur, quia Spiritus sanctus noster dicitur Spiritus: sed quia nobis datus, & datus utique ad hoc ut sancti essemus. Spiritus vero creatus ad hoc est datus, ut essemus.

An Filius cum sit nobis datus possit dici noster, ut Spiritus sanctus.

Hic queritur, utrum & Filius cum sit nobis datus dicatur, vel possit dici noster. Ad quod dicimus, quia Filius dicitur noster Panis, noster Redemptor, & huiusmodi: sed non dicitur noster Filius, quia Filius dicitur tantum relative ad eum qui genuit. Et ideo noster Filius non potest dici: sed Patris tantum. In eo autem quod dicitur datus, & ad eum qui dedit, & ad eos quibus datus est, refertur. Vnde & Spiritus sanctus, qui etiam cum in scriptura (ut supra dictum est) dicatur Spiritus noster, vel Spiritus tuus, vel illius (ut de Moysse, & Helia dictum est) nusquam tamen in scriptura occurrit ita dici, Spiritus sanctus noster, vel tuus, vel illius, sed Spiritus noster, vel tuus, vel illius, quia Spiritus sanctus eo dicitur, quo donum, & utrumque relative dicitur ad Patrem, & Filium, & hoc sempiterna relatione. Si tamen aliquando dicitur donum nostrum, accipitur donum pro donato, vel dato. Cum vero donum accipitur eo modo, quo Spiritus sanctus donum Patris, & Filij dicitur, non hominis: ita & Filius sub hac appellatione non potest dici noster, ut dicitur Filius noster: sicut nec dicitur Spiritus sanctus noster, & tamen de Filio dicitur, panis noster: & de Spiritu, Spiritus noster. Ille noster panis, quia nos reficit, nobis datus: iste noster Spiritus, quia nobis inspiratur à Patre, & Filio, & in nobis spirat sicut vult. Vnde August. in 5. lib. de Trinit. ait: Quod de Patre natum est, ad patrem solum refertur cum dicitur Filius. Et ideo Filius Patris est, & non noster. Dicimus tamen & panem nostrum da nobis, sicut dicimus Spiritum nostrum.

Utrum Spiritus sanctus ad seipsum referatur.

Post hac queritur, utrum Spiritus sanctus ad seipsum referatur: hoc enim videtur ex prædictis posse probari. Si enim quod datur, refertur ad eum qui dat, & ad eum cui datur, & Spiritus sanctus datur à seipso, ut prædictum est, ergo refertur ad seipsum. Huius questionis determinationem in posterum differimus, donec tractemus de his quæ relative dicuntur de Deo ex tempore: in quibus datum, & donatum continentur.

* *

N

DISTINCT.

Ca. 14. 10. 3.

Corollarium.

Luc. 1. 6

Num. 11. d

† Editio nostra habet: Auferram de Spiritu tuo: tradamque eis, &c.

Questio incidens 1.

Vide Doct. dist. 27.

Ca. 14. 10. 3.

Matt. 6. 6

& Luc. 11.

4

Questio incidens 2.

Dist. 30.

DISTINCT. XVIII.

De temporali processione Spiritus sancti quantum ad proprietatem, per quam natus est temporaliter procedere.

Hic queritur cum Spiritu sancto per quem diuidantur dona, ipse sit donum, &c.

Explicatio textus.

Diuisio.

Hæc est tertia pars huius partis, in qua Magister agit de processione Spiritus sancti temporali. Determinato enim principio à quo Spiritus sanctus procedit: determinato tria modo secundum quem procedit: determinat hic Magister proprietatem secundum quam conuenit ei temporaliter procedere, & hæc proprietates est donum, & de hac in tota præsentia distinctione intendit agere. Diuiditur autem hæc pars in quatuor partes, secundum quatuor questiones quas mouet. In prima querit & determinat utrum Spiritus sanctus sit donum, in quo alia dona donantur. In secunda querit utrum Spiritus sanctus sit eadem ratione datum, & donum, ibi: *Præterea diligenter considerandum est, cum Spiritus sanctus dicatur donum & datum.* In tertia queritur, cum non solum Spiritus sanctus, sed etiam Filius sit datus: quare non dicitur Filius noster sicut Spiritus noster, ibi: *Hic queritur utrum & Filium cum sit nobis datus, &c.* In quarta & vltima querit cum Spiritus sanctus sit donum relatiue, quo modo possit à se dari: si enim à se donatur, videtur Spiritus sanctus ad se relatiue dici: & hoc facit ibi: *Post hoc queritur utrum Spiritus sanctus ad seipsum referatur.* Cæteris partibus indiuisis remanentibus, quia specialiter prosequitur questiones prædictas: media, siue secunda pars, quæ est de differentia doni, vel dati, habet quatuor partes. In prima querit, & determinat quod non eadem ratione Spiritus sanctus dicitur donum, & datum, quia donum est ab æterno, sed datum ex tempore. In secunda vero contra hoc, scilicet quod Spiritus sanctus sit donum æternaliter, obiicit, ibi: *Sed queritur cui donabilis, utrum Patri, vel Filio.* In tertia vero, quia in solutione dixerat quoddam dubium: ideo incidenter mouet, & determinat illud, ibi: *Hic oritur questio, utrum Filius nascendo, &c.* In quarta vero & vltima redit ad primam solutionem ostendens quod Spiritus sanctus æternaliter donum est, quia eo ipso est donum, quo procedit à Patre, & Filio, & quod temporaliter est datum, vel donatum & hoc facit, ibi: *Ex prædictis patet quod Spiritus sanctus, &c.*

Relatio non apparet in hoc nomine Spiritus.
Dub. I.

Videtur dicere falsum, quia Spiritus dicitur, quia spiratur: ergo refertur ad spirantem: ergo apparet in eo relatio. Item videtur quod magis appareat in hoc nomine donum, quia relatiua dicuntur, quæ hoc ipsum quod sunt, aliorum sunt: sed Spiritus eo quod Spiritus, habet esse à spirante: donum vero non oportet quod habeat esse à donante: ergo non videtur in hoc tantum apparere relatio.

R s p. Dicendum quod tam donum, quam Spiritus dicitur relatiue: sed tamen relatio magis apparet in hoc nomine donum, quam in hoc nomine Spiritus, quia donum semper dicit respectum ad dantem, Spiritus autem non: immo potest accipi absolute. Vel aliter dicendum quod Augustinus non dicit quod relatio non appareat in hoc nomine Spiritus: sed quod non appareat in hoc nomine Spiritus sanctus: Quamuis enim dicatur esse Spiritus spiratoris, non tamen dicitur esse Spiritus sanctus spiratoris. Ad illud quod obiicitur, quod Spiritus magis dicit habitudinem respicientem esse quam donum, dicendum quod verum est in his quibus accidit donum:

A sed Spiritus sanctus quia ideo est quia donum, non habet locum ista obiectio.

Filium nascendo accepit, &c. ut sit ipsa substantia.
Dub. II.

Videtur male dicere, quia in omni eo quod inest Filio per natiuitatem, distinguitur Filius à Patre, quia natiuitas est proprietas distinctiua: ergo si Filius nascendo accepit, ut sit essentia, vel substantia: ergo Pater in substantia distinguitur à Filio. Item quod Filius nascendo accepit, siue quod Filius est nascendo, est natum. ergo substantia est nata, si Filius nascendo est substantia. Omne enim quod nascendo accepit, à natiuitate habet ortum.

R s p. Dicendum quod aliqui distinxerunt istam locutionem. Filius nascendo est diuina substantia, siue Deus: quia gerundium potest dicere concomitantiam, & sic simpliciter est vera: vel causam: & sic multiplex, quia cum dicitur: Filius est Deus, siue diuina substantia, tria dicitur, scilicet subiectum, compositionem, & prædicatum. Potest ergo hoc gerundium nascendo, dicere causalitatem respectu subiecti, vel respectu compositionis, vel respectu prædicati. Si respectu subiecti, tunc est sensus: Filius nascendo, &c. id est qui est Filius nascendo, vel qui nascendo habet ut sit Filius, est Deus, & sic est vera. Si respectu compositionis, sic est sensus: Filius est Deus nascendo, id est hoc prædicatum conuenit subiecto per natiuitatem: & sic adhuc est vera locutio. Si respectu prædicati, sic est sensus: Filius est Deus, siue substantia diuina nascendo, ita quod nasci, siue natiuitas sit principium, siue origo deitatis, & in hoc sensu est falsa. Magister tamen istam locutionem non distinguit, sed simpliciter concedit, & satis probabiliter, quoniam prædicta distinctio non videtur habere radicem. Cum enim gerundium natum sit determinare compositionem (quia omnino nihil est dicere, homo nascendo, & huiusmodi) & cum compositio prædicati siue essentia, siue omnium, quæ attribuantur Filio, conueniant subiecto per natiuitatem, ideo habet veritatem. Nec valent obiectiones in contrarium adductæ, quia natiuitas non distinguit illud quod per natiuitatem habetur, siue quod est in nascente: sed cum solum, qui nascitur, & ideo non sequitur quod substantia sit distincta, nec quod ipsa nascatur, quamuis per generationem habeatur.

Nec Filium natiuitate essentia est. Dub. III.

Videtur falsum dicere, quia cum nascendo sit essentia, pari ratione videtur quod natiuitate, & hoc videtur per auctoritatem Hilarii in littera.

R s p. Dicendum quod absque dubio ista est distinguenda: Filius natiuitate est diuina essentia, quia ablatiuus potest constitui in ratione formæ, vel in ratione principii. Si in ratione formæ, sic est falsa, quia natiuitas non est causa formalis respectu prædicati essentialis. Si in ratione principii, sic habet veritatem, quia omnia quæ conueniunt Filio, conueniunt ei per natiuitatis originem. Sed Magister quia accipit gerundium in ratione principii: ideo cum gerundio simpliciter concedit. Et quia accipit ablatiuum in ratione formæ: ideo cum ablatiuo simpliciter negat: magis enim iudicat secundum vsum loquendi, quam secundum virtutem sermonis.

Non enim, &c. per defectionem, aut protensionem, aut derivationem. Dub. IV.

Queritur quo modo differant illa tria.

R s p. Quidam dicunt sic quod per defectionem produciatur aliquid de materia per formam præexistentis corruptionem, sicut ex grano frumenti herba. Per protensionem produciatur aliquid per præexistentis formam permanentiam, & inductionem formæ artificialis, sicut vas fit de argento. Per derivationem quod produciatur per præexistentis formæ permanentiam sola locali mutatione, ut

ritus ex

Opinio
aliorum.Impro-
batio.

rius ex fonte, & lacus ex riuo. Aliter potest dici quod materiale principium ex quo res est, aut est materiale, & transiens formaliter, & sic est defectio. Aut est materiale, & permanens, & sic est protensio. Aut est materiale, & permanens, & agens: & sic est deriuatio, & horum exempla sunt manifesta.

Aliud est enim quod accepimus vt essemus, &c.
Dub. V.

Videtur male dicere, quia sicut sine Spiritu Dei non possumus sancti esse, ita nec esse: ergo videtur, quod Spiritu sanctum non tantum accepimus, vt essemus sancti, sed etiam vt essemus.

R E S P. Potest ad hoc dici quod hoc dictum est per appropriationem. Quamuis enim à Spiritu sancto habeamus esse, & sanctum esse, appropriate tamen habemus sanctum esse: ideo non sic accipi dicitur in nostri esse productione, sicut in sanctificatione. Aliter tamen potest dici quod sicut dare ordinatur ad habendum, ita & accipere: & quia nullus habet Spiritum sanctum, quantumcumque Spiritus sanctus operetur in eo, nisi qui potest eo frui, & omnis talis est sanctus: ideo Spiritus sanctus non dicitur proprie loquendo dari, nec accipi, nisi Sanctis, & à Sanctis.

Tollam de Spiritu tuo. Dub. VI.

C O N T R A: Hoc non potest dici quantum ad substantiam: ergo quantum ad effectum, siue gratiam: ergo videtur quod gratia transferatur ab vno in alium. Si tu dicas hoc esse dictum per conformitatem. Obicitur quod pari ratione posset dici quod tolleretur de Spiritu aliorum, & daret Moyfi.

R E S P. Dicendum quod illud intelligitur de Spiritu quantum ad effectum, & hæc præpositio, *De*, importat conformitatem similiter & partialitatem: sed non quantum ad partem conferentem, vel continentem secundum veritatem, sed secundum proportionem, quoniam effectus Spiritus sancti multo plus abundauit in Moyse quam in aliis, vt quod alii quasi partem gratiæ suæ viderentur habere: & dicitur, *Tollam*, quantum ad sollicitudinem, quia dum dona Spiritus sancti aliis sunt communicata, sollicitudo Moyfi est diminuta, & pars illius sollicitudinis est aliis commissa, &c.

ARTICVLVS I.

Supposito ex præcedentibus quod Spiritus sanctus sit donum & quod donetur, ad intelligentiam huius partis sex queruntur. Primo queritur vtrum Spiritus sanctus sit donum quo omnia alia dona donantur. Secundo vtrum Spiritus sanctus donum vel ab æterno, vel ex tempore. Tertio queritur quid conuenientius dicatur de Spiritu sancto, donum scilicet an datum. Quarto vtrum donum proprie conueniat Spiritui sancto. Quinto vtrum donum sit proprietas Spiritus sancti distinctiua: Sexto vtrum ratione donabilitatis dicatur Spiritus sanctus noster.

QVÆSTIO I.

An Spiritus sanctus sit donum, in quo alia dona donantur.

Agid. Rom. 1. Sent. dist. 18. q. 3.

Richard. 1. Sent. dist. 18. q. 5.

Petrus de Tarentas. 1. Sent. dist. 18. q. 5.

Marfilus Inguen. 1. Sent. q. 21. art. 2.

Quod Spiritus sanctus sit donum quo omnia alia donantur, ostenditur auctoritate, & ratione: & primo per Apostolum dicentem: Diuisiones gratiarum sunt, dem autem Spiritus diuidit singulis prout vult: & loquitur de donis non tantum gratiæ gratum facientis, sed etiam quæ sunt gratis datæ: ergo si per Spiritum sanctum

A dantur vtrique, cum non sit alia differentia donorum, ipse est donum in quo omnia alia donantur.

I T E M Augustinus de Trinit. Per donum quod est Spiritus sanctus commune omnibus membris Christi propria quibusque dona Dei donantur.

I T E M ratione ostenditur sic: Spiritus sanctus est primum donum: sed omne posterius ad prius reducitur: ergo omne donum reducitur ad donum quod est Spiritus sanctus: ergo in omnibus donis ratio donationis est per Spiritum sanctum: ergo, &c.

I T E M omne donum in quantum donum ex amore datur, alioquin non habet rationem doni: sed Spiritus sanctus est amor Patris, & Filii, vt dicit Augustinus, & habitus est supra: ergo, &c.

B **1. C O N T R A:** per Isidorum: Multis indignis Spiritu sancto dantur dona Spiritus sancti: ergo contingit alia dona dari sine hoc: ergo non est donum in quo omnia alia donantur.

2. I T E M aliqua sunt dona quæ appropriantur Filio, vt puta sunt illa quæ dantur ad illustrationem intellectus: ergo si loquamur appropriate, alia dona donentur in Filio, siue per Filium, non dono quod est Spiritus sanctus.

3. I T E M Filius datus est nobis per Isaiam: Paruulus natus est nobis, Filius datus est nobis: ergo si datur per Spiritum sanctum, videtur quod Spiritus sanctus aliquam auctoritatem, vel influentiam habeat in Filium: hoc autem est falsum: ergo non omnia alia dona donantur per Spiritum sanctum.

C **4. I T E M** hoc ostenditur per impossibile: Esto quod intelligatur per impossibile, Spiritum sanctum non esse, adhuc Pater, & Filius intelliguntur, vt liberales, alioquin inest eis liberalitas à Spiritu sancto, quod falsum est: ergo si intelliguntur liberales: ergo & donatores.

I T E M si Spiritus sanctus est donum in quo alia donantur: ergo doni est donum, & donationis est donatio: & si hoc, motus est motus, & relationis relatio, & hoc habet Philosophus pro inconuenienti. Cum enim dependens non possit alterum determinare, erit ibi processus in infinitum.

C O N C L V S I O.

Spiritus sanctus est donum quo omnia dona nobis donantur gratuita, per concomitantiam, & quo omnia dona Dei donantur per exemplaritatis causam.

E **R E S P.** Ad Arg. Dicendum quod cum dicitur quod Spiritus sanctus est donum in quo omnia alia donantur, ablatius iste potest accipi dupliciter, vel ita quod dicat concomitantiam, vel sic quod dicat causalitatem. Si dicat concomitantiam, sic intelligendo vniuersaliter falsum est, quia est sensus quod detur cum omnibus donis. Quædam enim sunt dona quæ semper sunt cum Spiritu sancto, vt charitas, & sapientia. Quædam quæ nunquam sunt cum Spiritu sancto, vt timor seruilis. Quædam quæ aliquando sunt cum Spiritu sancto, aliquando sine, vt fides, prophetia, & huiusmodi. Si autem particulariter intelligatur de donis gratum facientibus, sic vera est, & non habet instantiam. Potest iterum ablatius importare causalitatem, & hoc tripliciter. Vel ita quod dicat simpliciter causalitatem: & in hoc non distinguitur nec à Patre, nec à Filio, quia omnia dona sunt à Patre, & à Filio, & à Spiritu sancto. Vel ita vt dicat causalitatem, & subauctoritatem, & in hoc distinguitur à Patre, sed non à Filio, quia Pater & per Filium & per Spiritum sanctum donat. Vel ita vt dicat causalitatem, & subauctoritatem, & exemplaritatem, & sic proprie Spiritui sancto conuenit. Ipse enim procedit per modum primi doni: ita quod omnis donatio recta & gratuita post illam est, & ab illa accipit rationem donationis. Cōcedendum est ergo quod Spiritus sanctus est donum quo omnia dona, scilicet gratuita, donantur per conco-

Lib. 15. c. 19 tom. 3.

6. de Trin. c. 5. 10. 3.

Ad oppositum. Isid. lib. 1. de summo bono ca. 17. 5. 9.

1. 4. 9. 6

Arist. 8. Phys. context. 9.

Fundamenta. 1. Cor. 12.

mitantiam, & quo omnia Dei dona donantur per exemplaritatis causam.

1. Ad illud quod obiicitur primo de Isidoro, iam patet responsio quod ipse loquitur de donis gratiæ gratis datæ, non gratum facientis.

2. Ad illud quod obiicitur secundo quod quædam dona appropriantur Filio, dicendum quod de donis est loqui dupliciter, aut ratione eius quod subest, aut sub ratione donationis. Ratione vero eius quod subest, aliqua dona appropriantur Filio, ut sapientia, & intelligentia: aliqua Spiritui sancto, ut charitas. Ratione vero donationis, omnia appropriantur Spiritui sancto ratione iam dicta, quia per ipsum tamquam per primum donum donantur alia.

1048.3.6

3. Ad illud quod obiicitur quod Filius est datus, & non à Spiritu sancto, responderi potest, quod Filius est datus secundum humanam naturam, & hoc fuit per amorem: Sic Deus dilexit mundum, ut Filium suum, &c.

4. Ad illud quod obiicitur quod Spiritu sancto circumscripto, adhuc manet ratio doni, dicendum quod circumscripto Spiritu sancto est intelligere in Deo donorum causalitatem, & subauctoritatem, sed non exemplaritatem donationis sub ratione donationis, quia non intelligitur processus amoris, & hoc ultimo modo dicitur proprie convenire Spiritui sancto.

5. Ad illud quod obiicitur quod tunc est donum doni, dicendum quod motus non est motus ut termini, similiter nec relationis relatio: tamen ut principii, & motus est motus, quia motus est principium motus, & relatio relationis, & sic dicitur donum doni: & quia in causando statuitur in primo, cum sit primum donum, non est abire in infinitum. Præterea donum in diuinis veram hypostasim dicit.

QVÆSTIO II.

An Spiritus sanctus ab æterno, vel ex tempore donum sit.

Alex. Alensis 1. p. q. 64. Membr. 2.

Richardus 1. Sentent. dist. 18. q. 4.

Marphilus Ingen. 1. Sent. q. 21. art. 3.

Gabriel Biel 1. Sent. dist. 18. q. 1. art. 2.

Ad oppositum.
15. de Trin.
c. 19. ante
fin. 10. 3.
5. de Trin.
c. 14. ad fin.
tom. 3.

Vtrum Spiritus sanctus sit donum ab æterno vel ex tempore. Et quod ex tempore, videtur per August. de Trin. Eo donum est quo datur quibus datur, sed datur ex tempore: ergo, &c.

2. ITEM de Trin. Eo donum dicitur quo daturus ipsum erat Deus: sed constat quod daturus erat ex tempore: ergo si donum est æternum, temporale est causa æterni.

3. ITEM videtur per rationem. Donum enim non tantum dicitur comparationem ad dantem, sed etiam ad eum cui datur: ergo posito dono, ponitur dans & recipiens, quia relatio ponit extrema: sed recipiens est creatura: ergo, &c.

3. Top. c. 9.

4. ITEM donum addit supra datum, quia donum est datio incredibilis: ergo si Spiritus sanctus non est datus nisi ex tempore, nec est donum nisi ex tempore.

5. ITEM sicut Filii est generari, ita doni est donari: sed non est Filius antequam generetur: ergo nec donum antequam donetur: sed donatur tantum ex tempore: ergo, &c.

Fundamenta.
5. de Trin.
c. 15. 10. 3.
Aug. 5. de
Trin. c. 10.
in princ.
tom. 3.

CONTRA per Augustin. de Trin. quia Spiritus sanctus procedebat ut esset donabilis, iā donū erat: sed procedere ut donabile, hoc est æternum: ergo & donum ab æterno.

ITEM idem expressius: Spiritus sanctus sempiternus donum est, temporaliter vero datur.

ITEM hoc ipsum videtur ratione, quia ubi est amor gratuitus, ibi est gratia doni: sed ab æterno est in Deo ponere amorem gratuitum: ergo & donum.

ITEM ubi est perfecta ratio liberalitatis, ibi est donū. Sed in diuinis ab æterno est perfecta ratio liberalitatis: ergo, &c.

A ITEM sicut se habet ratio verbi ad rerum productionem, sic se habet ratio doni ad gratiarum distributionem: sed ante rerum productionem in principio fuit verbum: ergo ante gratiarum collationem in principio fuit donū.

CONCLUSIO.

Spiritus sanctus dicitur donum ab æterno, quia donabilis: & dicitur ex tempore, quia datur.

RESP. ad arg. Dicendum quod cum donum dicatur respectum ad eum cui datur, hoc potest esse tripliciter, vel secundum actum, vel secundum habitum, vel secundum aptitudinem. Si secundum actum, hoc modo dicitur donū, quia datur. Si secundum habitum, hoc modo dicitur donum, quia donandum aliquando. Si secundum aptitudinem, hoc modo dicitur donum, quia donabile. Secundum primam acceptionem, dicitur temporaliter: sed secundum secundam acceptionem dicitur æternaliter. Et in his tribus sensibus accipit August. Concedendum est ergo quod secundum aliquam acceptionem donum Dei dicitur æternaliter, sicut probant rationes inductæ ad secundam partem.

1. Ad illud vero quod obiicitur in contrarium, dicendum quod procedit de dono, ut dicitur actum donationis, & sic ex tempore dicitur, unde non valet obiectio.

2. Ad illud quod secundo obiicitur quod eo dicitur donum quo daturus, &c. dicendum quod secundum istam acceptionem dicitur æternaliter, quia non dicitur respectum ad creaturam secundum actum, sed secundum habitum, sicut & prædestinatio. Quod ergo obiicitur quod tunc temporale est causa æterni, dicendum quod illud participium, *daturus*, duo importat, scilicet ordinationem ad dandum, & actum ordinationis: & ordinatio est æterna, licet actus sit temporalis, & tunc ablativus non dicit causalitatem ratione actus, sed ratione ordinationis. Posset tamen dici quod dicit causam consequentiam, non consequentis.

3. Ad illud quod obiicitur quod dicit relationem ad extrema, dicendum quod relatio actualis ponit utrumque extremum in actu, non autem relatio habitus, sicut patet quod Deus æternaliter dicitur exemplar creature temporalis.

4. Ad illud quod obiicitur quod donum addit supra datum, dicendum quod donum in quibusdam consequitur rationem dati: ut puta sunt illa quæ de se non dicunt liberalitatem, nisi prout additur eis ratio communicationis, ut liber, cultellus, & huiusmodi. In aliquo datum consequitur rationem doni, ut puta in eo quod ex se importat liberalitatem etiam si etiam nunquam detur dono, ut est amor, & sic convenit Spiritui sancto.

5. Ad illud quod obiicitur quod sicut Filii est generari, &c. dicendum quod falsum est, quia generari dicit emanationem Filii, quæ secundum rationem intelligendi præcedit Filium. Unde impossibile est quod sit nisi generetur. Donari autem non solum dicit doni emanationem: sed amplius dicit eius communicationem, & hoc consequitur esse doni, & ideo non dicitur donum ex tempore, quamvis donetur ex tempore.

QVÆSTIO III.

An Donum vel datum convenientius de Spiritu sancto dicatur.

Alex. Alensis 1. p. q. 64. Membr. 3.

S. Thom. 1. p. q. 38. art. 2.

De Verit. q. 7. art. 3.

Egidius Rom. 1. Sent. dist. 18. par. 2. q. 1.

Richard. 1. Sent. dist. 18. q. 3.

Thom. Arg. 1. Sent. dist. 18. q. 1. art. 3.

Steph. Brulef. 1. Sent. dist. 18. q. 3.

Petrus de Tarantasia 1. Sent. dist. 18. q. 1.

Gab. Biel 1. Sent. dist. 18. q. 1. art. 1.

Vtrum convenientius dicatur de Spiritu sancto Donum, quod datum. Et quod tam convenienter dicatur datum.

Ad oppositum.

datum

datum ut donum, videtur, quia Iacobus ait: Omne datum optimum & omne donum perfectum de sursum est: ergo à Spiritu sancto sunt data sicut & dona: ergo sicut ad ipsum transfertur ratio doni, ita & dati.

2. ITEM mobilis & moti est eadem ratio: ergo similiter dati & donabilis: ergo si donum dicitur in ratione donabilis, datum vero in ratione actualitatis dati: ergo eadem est ratio doni & dati: ergo, &c.

3. ITEM in quolibet genere perfectior est actus quam potentia: ergo cum datum dicat in actu donum in potentia, perfectius exprimitur aliquid cum dicitur datum quam donum: sed quod maioris est perfectionis, magis proprie convenit Deo: ergo, &c.

4. ITEM quando aliqua duo dicuntur de aliquo quorum vnum est ratio dicendi alterum de eodem, illud convenientius dicitur quod est ratio dicendi: sed datum & donum dicitur de Spiritu sancto, & ut vult Augustinus, eo donum dicitur, quia datur: ergo magis proprie dicitur datum.

CONTRA: Datum convenit Spiritui sancto solum ex tempore, sed donum æternaliter: ergo magis proprie dicitur donum. ITEM si nunquam actu daretur, donum esset & Spiritus esset: ergo videtur quod magis proprie convenit ei donum. ITEM Gloss. super illud Iacobi: Omne datum optimum, &c. dicit quod datum dicitur quo ad naturalia, donum quo ad gratuita. Si ergo gratuita aptius appropriantur Spiritui sancto qui sanctificat quam naturalia, ergo melius in divinis dicitur de Spiritu sancto donum, quam datum.

ITEM donum est datio irredibilis: sed quidquid Deus dat, irredibiliter dat, quia cum det nihil potest recipere: ergo in divinis datum rationem habet doni, & induit ei rationem: ergo convenientius ibi dicitur donum quam datum.

CONCLUSIO.

Spiritus sanctus convenientius dicitur donum, quam datum, cum donum à tempore subtrahat.

RESP. ad arg. Dicendum quod quamvis in divinis utrumque dicatur & datum & donum, tamen convenientius dicitur donum. Et huius duplex est ratio. Vna quidem est, quia datum cum sit participium, vel nomen verbale, concernit tempus: donum autem à tempore subtrahit, & ideo quia omnia divina supra tempus sunt, convenientius dicitur in divinis donum quam datum. Alia ratio est, quia donum supra rationem dati addit conditionem liberalitatis, siue irredibilitatis que est conditio magnæ nobilitatis: & ideo maxime competit divinis.

1. Et hæc est ratio quare donum appropriatur gratuitis donis non tantum ipsi Spiritui sancto qui est principium gratuitorum donorum. Et ex hoc patet responsio ad illud de auctoritate beati Iacobi.

2. Ad illud quod obiicitur quod mobilis & moti eadem est ratio, dicendum quod non est simile de mobili & moto, & de dono & dato. Quia motum esse addit supra mobile actum, & dicitur totum quod dicitur mobile. Sed datum non dicit totum quod dicit donum quantum est de generali intellectu nominis, nisi approprietur. Donum est enim datio irredibilis, & hoc melius patebit in quarto problemate.

3. Ad illud quod obiicitur quod actus est perfectio potentie, dicendum quod aliquid est in potentia ad actum dupliciter: aut propter imperfectionem agentis, aut propter defectum suscipientis. Si sit potentia primo modo, tunc actus est perfectio potentie. Si autem secundo modo, non est perfectio. Unde si dicatur quod sol actu lucet potest domum illuminare quæ non est aperta, & domum apertam illuminat, nulla omnino maior notatur perfectio quam ante. Sic intelligendum est de donabilitate & actuali donatione.

4. Ad illud quod obiicitur, datum est ratio dicendi donum, quia ideo donum quia datur, dicendum quod

S. Bonau. Tom. 4.

non est tota ratio, sicut dicitur in littera: sed solum in comparatione ad eum cui datur. Vel potest dici quantum à parte nostri intellectus: ideo donum dicitur, quia datur: sed tamen à parte rei est econverso, quia ideo datur, quia donum est.

QUESTIO IV.

An proprie Donum de Spiritu sancto dicatur.

S. Thomas 1. p. q. 38. art. 2.
Scotus in Reportatis 1. Sentent. dist. 18. q. 1.
Ægid. Rom. 1. Sent. dist. 18. q. 2.
Richardus 1. Sentent. dist. 18. q. 1.
Ioan. Baccon. 1. Sent. dist. 18. q. 1.
Thomas Argent. 1. Sentent. dist. 18. q. 1. art. 2.
Marfilus Inguen. 1. Sent. q. 21. art. 1.
Steph. Brulef. 1. Sent. dist. 18. q. 4.

UTrum Donum proprie conveniat Spiritui sancto, & quod sic videtur per August. de Trinit. Sicut in Trin. non est verbum nisi Filius, ita nec donum nisi Spiritus sanctus.

ITEM donum dicit emanationem per modum liberalitatis: hoc autem est proprium solius Spiritus sancti: ergo, &c.

ITEM Donum Dei dicitur relative ad donantem: sed donans non tantum est Pater, immo etiam Filius, quia uterque est mittens: ergo donum dicitur relative ad Patrem & Filium, & si hoc, distinguitur ab utroque: ergo nec Pater, nec Filius, sed solum Spiritus sanctus dicitur proprie donum.

1. CONTRA: Donum dicitur in habitu: sed datum dicitur in actu: ergo datum addit supra donum: ergo cui convenit esse datum, & ratio doni. Sed datum convenit Trinitati, quia tota Trinitas dat se: ergo & donum, non ergo proprie Spiritui sancto.

2. ITEM donum dicit respectum ad dantem, & ad eum cui datur: si ergo est proprium Spiritus sancti, aut propter respectum ad dantem, aut recipientem. Non propter respectum ad recipientem, quia similiter Filius datus est nobis, & magis etiam datus quam Spiritus. Si vero ad dantem. CONTRA: Filius dicitur procedere à dante, scilicet à Patre: ergo videtur secundum communem rationem, Filio convenire. Si dicas quod Filius non procedit per modum donabilis, neque quo modo datus est, sed quo modo natus. CONTRA: Filius sic ab æterno procedit, ut temporaliter esset missibilis, quia eo mittitur Filius quo generatur: sed missio non est aliud quam donatio: ergo Filius processit ut donabilis.

3. ITEM si datus est Filius ex tempore, aut erat ad hoc habilis ab æterno aut non. Si sic: ergo processit ut donabilis. Si non, ergo aliquid convenit ex tempore Filio, quod repugnat æternæ emanationi, quod est inconueniens.

4. ITEM regula est quod omne nomen dicens respectum vel effectum ad creaturas, est commune tribus, sed donum est huiusmodi: ergo, &c.

CONCLUSIO.

Donum in divinis dicitur proprie de Spiritu sancto, & donum dicit datum ex liberalitate, & auctoritate communicatum & productum.

RESP. ad arg. Dicendum quod sicut patet ex verbis Augustini: Donum dicitur in divinis proprie siue personaliter, non essentialiter, sicut verbum proprie dicitur de Filio: Datum autem potest accipi & essentialiter & personaliter siue proprie & communiter: tota enim Trinitas dat se, & tamen Pater & Filius proprie dant Spiritum sanctum. Propter hoc notandum quod datum de sui ratione idem est, quod communicatum. Potest igitur hoc quod est datum dici communicatum ex liberalitate, & sic est commune toti Trinitati. Vel ex liberalitate & auctoritate, & sic convenit Spiritui sancto & Filio qui habet subauctoritatem respectu Patris: vel potest dici datum

Fundamenta. Lib. 5. de Trin. c. 15. tom. 3.

Ad oppositum.

Aug. li. 15. de Trin. c. 19. to. 3.

Explicatio utriusque.

Idem sen-
tit S. Tho.
1. p. q. 38.
art. 2.

ex liberalitate & auctoritate non tantum communica-
tum, sed etiam productum, & hoc modo proprium est
Spiritus sancti cuius proprium est procedere secundum
rationem liberalitatis, & ita secundum rationem doni
vel donabilis. Et hoc modo donum vel datum æquiua-
lent. Differunt tamen, quia datum dicitur communicatio-
nem in actu, sed donum in habitu. Et concedendum est
quod donum proprie dicitur in diuinis de Spiritu sancto.

1. Ad illud quod obiicitur quod datum addit supra
donum, dicendum quod secundum communem acce-
ptionem dati vel doni aliquid dicitur donum, ultra quam
datum, & datum ultra quam donum. Donum ultra quā
datum importat emanationem per modum liberalitatis.
Datum vero ultra quam donum importat actum com-
municationis, quia donum dicitur habitum. Et ideo quia
illud quod addit donum supra datum est personale: ideo
donum proprie est persona Spiritus sancti.

2. Ad illud quod quaeritur ratione cuius respectus di-
catur donum proprie, iam patet responsio, quia ratione
respectus ad dantem, non inquam ratione respectus sim-
pliciter, sed ratione talis respectus, quia emanat per mo-
dum donabilis, quod est proprium Spiritus sancti.

3. Quid ergo obiicitur quod emanat per modum
donabilis Filius, dicendum quod falsum est. Quia nemo
enim donabilis siue liberalitas communicetur Filio in
generatione, non tamen est ratio emanandi: & quia com-
municatur æternaliter, ideo datur temporaliter: sed quia
non est ratio emanandi, ideo non emanauit Filius ut do-
num, sed solum Spiritus sanctus.

4. Ad illud quod ultimo obiicitur de respectu ad
creaturam, dicendum quod hoc intelligitur de illo no-
mine quod importat solum respectum ad creaturam, non
personæ ad personam: donum autem utrumque impor-
tat: ideo non habet hæc regula locum.

QVÆSTIO V.

*An donum, vel donabilitas sit proprietas distincti-
ua Spiritus sancti.*

Alexand. Alensis 1. p. q. 64. Membro 3.

S. Thom. 1. p. q. 38. art. 1.

Et 1. Sentent. dist. 18. q. 1. artic. 1.

Scot. in Reportat. 1. Sentent. dist. 18. q. 2.

Richardus 1. Sent. dist. 18. q. 2.

Thom. Arg. 1. Sent. dist. 18. q. 1. art. 1.

Gabriel Biel. 1. Sent. dist. 18. q. 1. art. 3.

Funda-
menta.
Lib. 15. de
Trin. c. 11.
tom. 3.

Lib. 15. de
Trin. c. 19.
tom. 3.

Lib. 5. de
Trin. c. 11.
tom. 3.

Ad oppo-
situm.

Verum donabilitas, siue donum sit proprietas di-
stinctiua Spiritus sancti. Et quod sic videtur. Dicit
enim August. in lib. de Trinit. Eo est donum quo Spi-
ritus: sed Spiritus est proprietas distinctiua: ergo & do-
num.

Item August. in lib. de Trinit. assignans differentiā
processionis Filii, & Spiritus sancti, hanc ponit quod ille
procedit per modum nati: sed iste per modum doni: er-
go si hæc differentia attēditur penes proprietates distin-
ctiuas ut patet, quia natiuitas est proprietas Filii: ergo &
donabilitas, siue donum est proprietas Spiritus sancti.

Item hoc ipsum videtur ratione, quia omnis pro-
prietates secundum quam persona differt ab omnibus al-
iis est personæ proprietas distinctiua: sed donum inest
soli personæ Spiritus sancti, & semper: ergo est proprie-
tas eius personalis.

Item proprietates in diuinis sunt relationes: sed Au-
gust. dicit in lib. de Trinit. quod relatio secundum quā
refertur Spiritus sanctus ad Patrem & Filium, magis ap-
paret in hoc nomine donum, quam in hoc nomine Spi-
ritus: ergo utraque est personalis.

1. CONTRA: Nihil dicens respectum ad creaturas est
proprietas distinctiua personæ, quia omni respectu ad
creaturam circumscripto, tenet distinctio personalis: sed
donum dicit respectum ad eum cui datur: ergo &c. Si di-
cas quod non est proprietas secundum comparisonem
quam habet ad creaturas, sed ad dantem, pari ratione

A missio erit proprietas distinctiua, cum dicat respectum
ad mittentem.

2. Item omnis proprietas distinctiua dicitur ab actu
non ab habitu. Vnde Pater dicitur, quia generat, Filius
quia generatur, Spiritus vero sanctus, quia spiratur: sed
donum non dicitur ab actu donandi, sed ab habitu, alio-
quin non diceretur ab æterno: ergo, &c.

3. Item nullius alterius personæ proprietas distincti-
ua accipitur in relatione ad creaturam, vel dicit respectu:
sed donum dicit hoc: ergo non est proprietas distin-
ctiua.

4. Item si donum est proprietas distinctiua Spiritus
sancti, & eius notio, tunc ergo Spiritus sanctus & amor
non est proprietas: quia si Spiritus sanctus & amor est
proprietas: ergo sunt septem notiones. quod est contra
communem opinionem omnium. Si dicas quod eadem
importatur per hæc tria nomina: ergo videntur nomi-
na Synonyma ut Marcus & Tullius: quod est æque ma-
gnum inconueniens: ergo, &c.

CONCLUSIO.

*Donum est proprietas distinctiua secundum quod di-
cit actum processionis.*

R. S. P. ad arg. Dicendum quod ad hoc dixerunt a-
liqui quod donum dupliciter est in diuinis considerare,
vno modo prout dicit respectum solum ad donatorem,
& hoc modo dicit Augustinus quod eo dicitur donum,
quo procedit: & sic dicitur quod donum est proprietas di-
stinctiua Spiritus sancti. Alio modo dicitur donum prout
dicit respectum ad eum cui datur, & sic non dicit pro-
prietatem distinctiuam, sed consequens ad proprietatem
distinctiuam. Sed illud non videtur posse stare: nam
donum semper aliquam comparisonem dicit ad eum
cui, datur. Intellecto enim quod non sit donabilis alicui,
impossibile est intelligere quod sit donum. Et propter
hoc est aliter dicendum, sicut prius tactum est, quod do-
num præter respectum quem importat ad dantem, im-
portat respectum ad eum cui datur. Sed hoc potest esse
tripliciter. Vel secundum actum, ut quia datum. Vel se-
cundum habitum, ut quia dandum. Vel secundum a-
ptitudinem, ut quia donabile: & iste respectus adeo con-
iunctus est primo ut primus sine hoc non possit esse, nec
intelligi: immo de necessitate sequitur si procedit per
modum doni quod sit donabilis: & ideo sequens respec-
tus non aufert primo, quin sit proprietas distinctiua.
Dicendum ergo quod est proprietas distinctiua ratione
primi respectus, secundo respectu non repugnante, sed
consonante.

1. Ex hoc patet responsio ad primum, quia ille respec-
tus talis est quod non potest circumscribi secundum
aptitudinem ob emanationem per modum liberalitatis.
Et patet, quod non est simile de missione, quia dicit res-
pectum secundum actum, non secundum aptitudinem.
Ad illud quod obiicitur quod proprietas distinctiua de-
bet dicere actum, dicendum quod donum dicit duplicem
respectum, & ratione huius dicit comparisonem ad
duplicem actum: Ratione primi respectus dicit actum
processionis, ratione secundi dicit actum communicati-
onis. Primum actum importat in actu, secundum in ha-
bitu: & ratione primi est proprietas distinctiua, non ra-
tione secundi.

2. 3. Ad illud quod obiicitur quod in alia persona
hoc non est, responderet quidam quod Spiritus sanctus est
tertia persona: ideo nobis secundum rationem intelli-
gendi immediatior, & ideo proprietas eius sumitur in
comparisonem ad nos, non sic in aliis. Aliter potest solui
per interemptionem, quia sicut donum respectum dicit
ad creaturas, ita & hæc proprietas quæ est verbum, ut in-
fra patebit.

4. Ad illud quod obiicitur de pluralitate notio-
num, dicendum quod spiritus, amor, & donum eandem
proprietaryatem dicunt, ratione differentem: eandē, in quā
notionem

Opinio
aliorum.

Impre-
batio.

Opinio
Doctores.

Distinctio

Conclusio.

Dist. 27. ar.
2. q. 1.

notionem dicunt, quia dicunt comparationem ad idem, & dicunt eandem emanationem, sed tamen differenter eam nominant. Nam spiritus dicit eam principaliter per comparationem ad vim producentem quæ est vis spiritalis. Amor principaliter quantum ad modum emanandi, quia ut nexus. Donum vero quantum ad respectum consequentem. Et similiter emanationem verbi contingit tripliciter significari, scilicet per hoc nomen Filius, Imago, & Verbum. Quia à vi naturæ, Filius. Quia per modum expressiuium, Imago. Quia aliis expressiuium, ideo Verbum. Similiter à vi spiritalis, Spiritus. Quia per modum nexus, Amor. Quia nos natus connectere, Donum. Et sic patet quod una est notio aliter & aliter nominata secundum rationes consequentes, ideo non est ibi Synonymia.

QVÆSTIO VI.

An Spiritus sanctus ratione donabilitatis Spiritus sanctus dicatur.

Alex. Alenf. 1. p. q. 63. Membrum 3.
Egid. Rom. 1. Sent. dist. 18. princ. 2. q. 2.
Richardus 1. Sent. dist. 18. q. 6.
Petrus de Tarantasia. 1. Sent. dist. 18. q. 7.
Marfilus Inguen. 1. Sent. q. 24. ar. 3. sub. 2.

Funda-
menta.

Vtrum ratione donabilitatis dicatur spiritus noster. Et quod sic videtur, quia *Noster* dicit possessionem: sed nos non habuimus aliquid diuinum nisi per largitionem & donationem: ergo cum Spiritus sanctus dicatur quid diuinum, quod dicatur *noster*, hoc est ratione donabilitatis.

ITEM hoc etiam videtur, quia etiam dicitur Spiritus *noster*, non autem dicitur Filius vel Pater *noster*: ergo propter aliquam proprietatem quæ est in Spiritu sancto, & non in Patre & Filio: sed hoc non est nisi donabilitas, ergo, &c.

ITEM antequam Spiritus sanctus habitet in nobis non dicitur *noster*, sed inhabitat per donationem: ergo dicitur *noster* ratione donabilitatis.

Ad oppo-
sitionem.

1. CONTRA: Si ratione donabilitatis: ergo cum donabilitas sit proprietas personalis, non essentialis: videtur solum dici de persona Spiritus sancti: hoc autem falsum, quia dicitur Deus *noster*.

2. ITEM si ratione donabilitatis: ergo constat quod non per comparationem ad dantem, sed ad eum cui datur: sed Filius datus est nobis etiam magis quam Spiritus sanctus, &c.

3. ITEM si ratione donabilitatis: ergo debet conuenienter dici donum nostrum.

4. ITEM si ratione donabilitatis: cum ergo donabilis sit nobis magis in quantum sanctus quam in quantum Spiritus: melius debet dici Spiritus sanctus *noster*: quod tamen non dicitur. Quæritur ergo generaliter de quibus posset dici *noster*.

CONCLUSIO.

Spiritus sanctus ratione donabilitatis appropriare dicitur Spiritus noster.

Distinct.
Membru
1. Distinct.

RESP. Ad arg. Dicendum quod meum, & nostrum dupliciter possunt attribui alicui, vel mediante compositione vel immediate. Si mediante compositione de se ponunt propriam habitudinem circa terminum scilicet habitudinem possessionis, ut cum dicitur: Hoc est meum: & hoc modo, quia omnis qui habet spiritum Dei, habet Deum: & omnia quæ sunt Dei: hoc modo *meum*, & *nostrum* vel *tuum*, potest dici de omni quod in Deo est communiter: sed magis proprie de Filio, quia datus est nobis per incarnationem: maxime autem de Spiritu sancto qui est pignus æternæ hereditatis Vnde concedendum quod ratione donabilitatis potest inter alias personas ratio possidendi appropriari Spiritui sancto. Potest etiam hoc quod est nostrum attribui alicui immediate, & sic, non

Conclu-
sio 1.
Mem-
brum 2.

A dicitur habitudinem possessionis: sed tantum rationem habitudinis importata: per terminum cui vnitur. Sic enim nulli vnitur, nisi quod importat respectum explicite, ut pater noster, vel meus: vel implicite, vel liber meus, id est, possessio mea. Secundum hoc notandum quod non dicitur meus, vel noster de aliquo, nisi secundum illud nomen, secundum quod dicitur hoc esse huius: hoc autem esse huius potest dici secundum triplicem habitudinem: aut informationis, ut albedo Petri: & hanc habitudinem important nomina, quæ significant in abstractione. Et quia nihil diuinum comparatur ad nos secundum habitudinem informationis: ideo non potest dici de nominibus abstractionis, *noster*: ideo non dicitur deitas nostra, nec æternitas nostra. Potest etiam secundo dici hoc esse huius secundum habitudinem causalitatis, & hanc habitudinem important nomina quæ dicunt actum, ut Creator: & quia hanc habitudinem omnino habent diuina ad nos, ideo bene de talibus omnibus nominibus dicitur *nostrum*. Potest etiam tertio modo, hoc esse huius, secundum habitudinem correlationis: & hanc habitudinem important nomina relatiua. Sed hæc sunt dupliciter, quia quædam dicunt respectum personæ ad personam: quædam autem respectum ad creaturam. De his quæ dicunt respectum ad personam, non dicitur *meus*, vel *noster*. De his autem quæ ad nos, ut Dominus, Magister, recte dicitur *noster*. Dicendum ergo quod donabilitas quantum ad secundum modum dicendi, *Nostrum*, nihil facit, sicut probant rationes secundo inductæ: sed hoc facit respectus, quia Spiritus dicit respectum ad illum cui inspiratur, & hoc sumus nos, ideo dicitur Spiritus *noster*. Similiter Deus, quia imponitur ab actu quem habet circa nos, ut dicit Damasc. ideo dicitur Deus *noster*. Est ergo regula quod de his dicitur *noster*, quæ dicunt respectum ad nos secundum habitudinem causalitatis, vel correlationis, & sic patent omnia obiecta.

Conclu-
sio 2.

Lib. 1. orth.
fid. c. 12.
Regula.

DISTINCT. XIX. PARS I.

DE AQUALITATE TRIVM PERSO- NARVM.



NVNC postquam coaternitatem trium personarum pro modulo facultatis nostre insinuauimus, iam de earundem aqualitate aliquid eloqui superest. Fides enim Catholica sicut coaternas ita & coequales tres personas asserit. Aqualis est enim in omnibus Patri Filius, & Patri & Filio Spiritus sanctus. Quia Augustinus in libro de fide ad Petrum, breuiter aperiens quo modo intelligatur aqualitas, docet: Nullus horum alium aut precedit æternitate, aut excedit magnitudine, aut superat potestate: quia nec Filio, nec Spiritu sancto (quantum ad naturam diuinam unitatem pertinet) aut anterior aut maior est Pater: nec Filius Spiritu sancto. Aeternum quippe est sine initio est, quod Filius de natura Patris existit: & æternum ac sine initio est quod Spiritus sanctus de natura Patris Filijque procedit. Ob hoc ergo tres unum recte credimus, & dicimus Deum: quia una prorsus æternitas, una immensitas, una naturaliter est trium personarum diuinitas. Ecce breuiter assignauit Augustinus in quo trium personarum consistat aqualitas, scilicet quia alia a-
liam non excellit, aut æternitate,
aut magnitudine, aut
potestate.

Conclu-
sio.

Cap. 1.
tom. 3.

Quod æternitas, & magnitudo, & potestas in Deo sunt vnum, licet ponantur quasi diuerſa.

Explica-
tio con-
clusionis.
Cap. 1.
tom. 3.

Cap. 4.
tom. 1.
psal. 101. b

Cumq; enumerentur ista quasi diuerſa, in Deo tamen vnum & idem sunt: scilicet essentia diuina simplex, & incommutabilis. Vnde Augustinus in lib. 7. de Trinitate: Non alio magnus, alio Deus est, sed eo magnus, quo Deus: quia non est illi aliud magnum esse, aliud Deum esse. Eadem quippe eius magnitudo est quæ virtus, & eadem essentia quæ magnitudo. Pater ergo & Filius simul vna essentia, & vna magnitudo. Ita etiam & potentia Dei, essentia diuina est. Vnde Augustinus in 7. lib. confes. Voluntas & potentia Dei, Deus est. Æternitas quoque Dei essentia diuina est. Quod Augustinus ostendit super illum locum Psalm. In generatione & generationem anni tui. Est generatio generationum quæ non transit, collecta de omnibus generationibus, id est, sanctis. In illa erunt anni Dei, qui non transeunt, id est, æternitas Dei. Non enim sunt aliud anni Dei, aliud ipse: sed anni Dei, æternitas Dei est. Æternitas vero ipsa Dei substantia est, nihil habens mutabile. Inconcusse ergo teneamus quod vnum & idem est scilicet essentia diuina, Dei æternitas, potentia, magnitudo: & tamen consuevit scriptura, hæc & his similia quasi distincte ponere. In his ergo verbis trium personarum æqualitatem breuiter complexus est Augustinus. Quia aliud alium nec æternitate, nec magnitudine, nec potentia superat. Quod autem æternitate aliqua trium personarum alium non excedat, † supra ostensum est, ubi coæternitas trium personarum insinuata est.

De magnitudinis æqualitate in diuinis.

Explica-
tio secun-
dæ partis
conclu-
sionis.
† Aug. lib.
6. de Trinit.
ca. ult. 10. 3.
Li. 4. de or-
thodoxa fi-
de c. 6.

Nunc igitur superest ostendere quod magnitudine vel potentia aliud alium non excedat: & prius de magnitudine videamus. † Sciendum est ergo quia Pater non est maior Filio, nec Pater vel Filius maior Spiritu sancto, nec maius aliquid duæ personæ simul sunt quam vna: nec tres simul maius aliquid quam duæ: nec maior est essentia in tribus quam in duabus, nec in duabus quam in vna: quia tota est in singulis. Vnde Ioan. Damas. ait: Confitemur deitatis naturam omnem perfecte esse in singula suarum hypostaseon, id est, personarum: omnem in Patre, omnem in Filio, omnem in Spiritu sancto. Ideoq; perfectus Deus Pater, perfectus Deus Filius, perfectus Deus Spiritus sanctus.

Quo modo dicatur esse Deus Pater in Filio, & Filius in Patre, & Spiritus sanctus in utroque, & singulus in singulis.

Corolla-
rium.
Cap. 1.
tom. 3.

Et inde est quod Pater dicitur esse in Filio, & Filius in Patre, & Spiritus sanctus in utroque, & singulus in singulis. Vnde Augustinus in lib. de fide ad Petrum: Propter unitatem naturalem totus Pater in Filio & Spiritu sancto est, totus quoq; Spiritus sanctus in Patre & Filio est. Nullus horum extra quemlibet ipsorum est, propter diuinæ naturæ unitatem. Ecce hic aperit aliquatenus (non enim plene potest tantum ab homine referari arcanum) ex qua intelligentia dicatur singula personarum tota esse in aliis. Vnde etiam Hilarius ista interius perquirens in lib. 3. de Trinit. ait: Affert plerisque obscuritatem sermo Domini cum dicit: Ego in Patre, & Pater in me est: nec immerito. Natura enim intelligentia humana rationem dicti

In exordio
libri
Ioan. 14. b

A huius non capit: nec exemplum aliquod rebus diuinis comparatio humana præstabit. Sed quod non intelligibile est homini, Deo possibile est. Cognoscendum itaque, atque intelligendum est quid sit illud: Ego in Patre, & Pater in me est: sitamen comprehendere hoc ita ut est, valebimus, ut quod natura rerum pati non posse æstimatur, id diuinæ veritatis ratio consequatur. Patrem ergo in Filio, & Filium in Patre esse, plenitudo in utroque diuinitatis perfecta est, quia plenitudo diuinitatis est in Filio. Quod in Patre est, hoc & in Filio est: quod in Ingenito est, hoc in Genito: alter ab altero, & uterque vnum. Is scilicet qui est, nihil habens quod non sit etiam in eo à quo est, non duo unus, sed alius in alio: quia non aliud in utroque, ut vnum sint in fide nostra, uterque non unus. Nec eundem utrumque, nec aliud confitemur, quia Deum ex Deo natum, nec eundem natiuitas, nec aliud esse permittit. Eandem ergo in utroque & virtutis similitudinem & deitatis plenitudinem confitemur: quia Veritas dicit: Ego in Patre, & Pater in me est. Omnia enim Filius accepit à Patre: Nam si partem eiusdem qui genuit, accepit, neuter ergo perfectus est: deesset enim ei unde decessit, nec plenitudo in eo erit, qui ex portione consisterit. Neuter ergo perfectus est, si plenitudinem suam & qui genuit, amittit, nec qui natus est consequitur. Fateamur ergo quod Pater est in Filio, & Filius in Patre, & Deus in Deo, ut idem Hilarius ait in 7. lib. de Trinitate non per duplicem conuenientiam generum coniunctionem, nec per insitam capacioris substantiæ naturam: sed per naturæ unitatis similitudinem, per natiuitatem viuientis ex viuente natura: dum res non differt, dum naturam Dei non degenerat natiuitas, dum non aliud aliquid ex Deo quam Deus nascitur: dum nihil in his nouum est, nihil alienum, nihil separabile. Ecce his verbis, prout humana permittit infirmitas aperitur, ex quo sensu Christus dixerit se esse in Patre, & Patrem in se. Ex eodem etiam sensu intelligitur Spiritus sanctus esse in utroque, & singula personarum in singulis: quia scilicet in singulis est eadem plenitudo diuinitatis, & unita similitudo naturæ, quia non est maior diuina natura in aliqua harum personarum, sed vnius & indifferenter naturæ sunt hæ tres personæ. Ideoque altera in altera esse dicitur, ut prædictum est. † Vnde Ambrosius prædictorum verborum sententiam nobis aperiens super Epistolam 2. ad Corinth. 5. ait: Per hoc intelligitur Pater esse in Filio, & Filius in Patre, quia vna est eorum substantia. Ibi enim est unitas, ubi nulla diuersitas. Ecce tribus illustrium virorum testimoniis, scilicet Augustini, Hilarii, atque Ambrosii in eodem concurrentibus reuelatione Spiritus sancti in eis loquentis, pie credere volentibus ostenditur (tamen quasi per speculum & in enigmate) qualiter accipiendum sit, cum dicitur Pater in Filio esse, vel Filius in Patre, vel Spiritus sanctus in utroque.

Paulo in-
ferius.

Parum
post me-
dium lib.

Ioan. 14. b

Non lon-
ge a fine
libri.

† Ambros.
tom. 4. in
cap. 5. E-
pistol. 2. Co-
rinth. ubi
explanat
illud: Deus
erat in
Christo,
&c.
. Cor. 13. d

DISTINCT. XIX. PARS II.

De magnitudinis æqualitate in diuinis.

Sed iam nunc ad propositum redeamus, cæptoq; insistamus, ostendentes quod magnitudine, nulla trium personarum aliam superat: quia nulla maior aliis, nec maius aliquid sunt duæ quam vna, nec tres quam duæ, nec maior Deus quam singuli horum: qui singulus horum perfectus est, nec est quo crescat illa perfectio.

Redit ad
explica-
tionem
conclu-
sionis.

Quod

Quod nulla personarum pars est
in Trinitate.

Nec est aliqua trium personarum pars Dei, vel diuina
essentia, quia singula harum verus & plenus Deus est, &
sota & plena diuina essentia est, & ideo nulla istarum in
Trinitate pars est. Vnde Augustinus in lib. 3. contra Ma-
ximum hereticum sic ait: Putas Deum Patrem cum
Filio & Spiritu sancto, unum Deum esse non posse. Times
enim ne Pater sit pars unius Dei, qui constet ex tri-
bus. Noli hoc timere: nulla enim sit partium in Dei-
tatis unitate diuisio: unus est Deus Pater, & Fi-
lius, & Spiritus sanctus, id est, ipsa Trinitas unus est Deus.
Ergo, inquis, Deus Pater est pars Dei, absit. Tres enim per-
sona sunt Pater, & Filius, & Spiritus sanctus: & hi tres,
quia unius substantiae sunt, unum sunt, & summe unum
sunt, ubi nulla naturarum, nulla est diuersitas volunta-
tum. Si enim natura unum essent, & consensione unum
non essent, non summe unum essent. Si vero natura dif-
pares essent, non summe unum essent. Hi ergo tres, quia u-
num sunt propter ineffabilem coniunctionem deitatis,
qua ineffabiliter copulantur, unus Deus est. Pars ergo Tri-
nitatis esse non potest, quicumque unus est in tribus. In
Trinitate ergo quia Deus est, & Pater Deus est, & Filius
Deus est, & Spiritus sanctus Deus est, & simul hi tres u-
nus Deus. Nec huius Trinitatis tertia pars est unus, nec
maius aliquid duo quam unus est ibi: nec maius aliquid
sunt omnes quam singuli: quia spiritalis, non corporalis
est magnitudo. Qui potest capere, capiat: qui autem non
potest, credat, & oret ut quod credit, intelligat. Verum est
enim quod per prophetam dicitur: Nisi credideritis, non
intelligetis. His verbis aperte ostendit indifferentem ma-
gnitudinem trium personarum. Item in eodem capite: Tu
nempe dixisti unum Deum non ex partibus esse compo-
situm, & hoc de Patre tantum vis intelligi. Ille, inquis,
virtus est ingenta, simplex, & tamen in hac simplici vir-
tute multa videris commemorare, cum dicis: Deus Deum
genuit, bonus bonum genuit, sapiens sapientem, clemens
clementem, potens potentem. Nunquid ergo bonitas, &
sapientia, & clementia, & potentia partes sunt unius vir-
tutis, quam simplicem esse dixisti? Si dixeris, partes sunt,
simplex ergo virtus ex partibus constat. Et simplex ista
virtus, te definiente, unus est Deus: ergo Deum ex parti-
bus compositum esse dicis. Non dico, inquis, non sunt par-
tes. Si ergo in una persona Patris, & illa inuenis qua plura
videntur, & partes non inueneris, quia una virtus sim-
plex est: Quanto magis Pater, & Filius, & Spiritus san-
ctus, & propter indiuiduam deitatem unus Deus est, &
propter vniuscuiusque propriam tatem tres persona sunt, &
propter singulorum perfectionem partes unius Dei non sunt?
Virtus est Pater, virtus est Filius, virtus est Spiritus sanctus.
Hoc verum dicis, sed quod virtutem de virtute genitam,
& virtutem de virtute procedentem non vis eandem ha-
bere naturam, hoc falsum dicis, hoc contra fidem rectam
& catholicam dicis. His verbis aperte docetur quod tres
personae illa non sunt partes Dei vel diuinae essentiae. Nul-
laque illarum Trinitatis pars dicenda est, nec una maior
est alius.

Cum dicimus tres personas esse vnā essentiam, nec vt
genus de speciebus, nec vt speciem de indiuiduis prædi-
camus, quia non est essentia genus, & persona spe-
cies, vel essentia species, & persona
indiuiduum.

Hic adiiciendum est quod tanta est aequalitas trium
personarum atque indifferens magnitudo, quod cum dica-

A mus tres personas vnā essentiam vel substantiam, ne-
que vt genus de speciebus, neque vt speciem de indiuiduis
prædicamus. Non enim essentia diuina genus est, & tres
persona species: vel essentia diuina species, & tres persona
indiuidua: Quod Augustinus rationibus probabilibus, at-
que irrefragabilibus aperte demonstrat in lib. 7. de Trinit.
dicens: Si essentia genus est, species autem persona, vt non-
nulli sentiunt, oportet appellari tres substantias, vt appel-
lantur tres persona. Sicut cum sit animal genus, & equus
species, appellantur tres equi, idemq; tria animalia. Non e-
nim ibi species pluraliter dicitur, & genus singulariter, vt
si diceretur, tres equi sunt unum animal: sed sicut tres e-
qui speciali nomine, ita tria animalia nomine generali di-
cuntur. Cum ergo tres personas vnā fateamur esse ef-
sentiam, non tres esse essentias, cum tres equi tria anima-
lia dicantur, non unum: patet nomine essentia non signifi-
ficari genus, nec nomine persona speciem.

Hic probat quod non dicitur, vt species
de indiuiduis.

S I vero dicunt nomine persona non speciem signifi-
cari, sed aliquid singulare, atque indiuiduum, & nomine
essentia speciem intelligi, vt persona non dicatur sicut ho-
mo, sed quo modo dicitur hic homo, velut Abraam, Isaac,
Iacob, vel quis alius, qui etiam digito praesens demonstra-
ri possit: sic quoque illos eadem ratio confutabit. Sicut e-
nim dicuntur Abraam, Isaac, Iacob tria indiuidua: ita
tres homines, & tria animalia. Cur ergo Pater, & Filius,
& Spiritus sanctus, si secundum genus, & speciem, & in-
diuiduum ista differimus, non ita dicuntur tres essentia,
vt tres persona?

Idem probatur alio modo.

Alio quoque modo idem probat Augustinus, scilicet
quod essentia diuina non est genus, nec persona species: vel
essentia non est species, nec persona indiuidua. Vna, inquit,
essentia non habet species, sicut unum animal non habet
species. Pater ergo, Filius, & Spiritus sanctus non sunt tres
species vnus essentia: diuina ergo essentia genus non est.
Sed nec species est essentia diuina: & persona, indiuidua,
sicut homo species est, indiuidua autem Abraam, Isaac, &
Iacob. Si enim essentia species est, vt homo, sicut non dici-
tur vnus homo esse Abraam, Isaac, & Iacob, ita non dici-
tur vna essentia esse tres persona. Non itaque secundum
genus & species, ista dicimus.

Nec secundum materialem causam dicuntur tres
personae vna essentia.

Notandum etiam quod essentia diuina non est mate-
ria trium personarum, vt Augustinus in eodem libro do-
cet, tanquam secundum communem eandemque mate-
riam tres persona dicantur esse vna essentia, sicut ex eo-
dem auro si fierent tres statuae, diceremus tres statuas v-
num aurum. Non autem sic Trinitatem, id est, tres perso-
nas dicemus vnā essentiam, & Deum vnū, tan-
quam ex vna materia tria quadam subsistant. In statuis
enim aequalibus plus auri est tres simul quam singula, &
minus auri est vna quam dua. In illa vero essentia Trini-
tatis nullo modo est ita. Non ergo secundum materialem
causam tres personas vnā dicimus esse substan-
tiam, vel essentiam, sicut tres statuae di-
cuntur vnū au-
rum.

Conclu-
siones mi-
nus prin-
cipales
explican-
tes pri-
mam &
princi-
palem.
Cap. 6. 10. 3.
Probatio
huius cō-
clusionis.

Lib. 6. cap.
10. 3.

Lib. 6. cap.
10. 3.

Idem
Cap. 6.
tom. 3.

Nec

Nec ita dicuntur tres personae una essentia, ut tres homines una natura, vel unius naturae.

Lib. 5. cap. eiusdem.

His quoque addendum est, quod tres personas non ita dicimus esse unam essentiam, ut Augustinus in eodem ait, vel unius essentia, sicut dicimus aliquos tres homines eiusdem sexus, & eiusdem temperationis corporis, eiusdemque animi unam esse naturam, vel unius naturam. Nam in his rebus non tantum est unus homo, quantum tres homines simul, & plus aliquid sunt homines duo quam unus homo, sicut in statuis esse diximus: at in Deo non est ita. Non enim maior essentia est Pater & Filius simul quam solus Pater, vel solus Filius: sed tres simul illa persona aequales sunt singulis. Ex praemissis patet quod tres personae dicuntur diuina essentia, nec secundum materiam causam, ut tres statuae unum aurum, nec secundum complexionis similitudinem ut tres homines unius naturae, nec ut genus predicatur de speciebus, vel ut species de indiuiduis, id est, continens de contentis, maius de minoribus.

Quae videntur aduersari praedictis.

His autem videntur aduersari quae quidam sacra scripturae Tractatores Catholici in suis scriptis tradiderunt. In quibus significare videntur quod essentia diuina sit quiddam commune, & uniuersale velut species: tres vero personae sint tria particularia, tria indiuidua numero differentia. Unde Ioan. Damasc. inter Doctores Graecorum maximus: in libro quem de Trinitate scripsit, quem & Papa Eugenius transferri fecit, ait: Communia, & uniuersalia praedicantur de subiectis sibi ipsis particularibus. Commune ergo substantia est, particulare vero hypostasis, id est, persona. Particulare autem dicitur, non quod partem naturae habet: sed particulare numero, ut atomus, id est, indiuiduum. Numero enim non natura differre videntur hypostases. Item in eodem: Substantia significat communem, & circumplectiuam speciem homo ideon, id est, similitum specie, hypostaseon, id est, personarum, ut puta Deus, homo: hypostasis autem indiuiduum demonstrat, id est, Patrem, Filium, & Spiritum sanctum. Petrum, Paulum, & huiusmodi. Ecce aperte dicit substantiam esse uniuersalem, hypostasim vero particularem, & quod Deus est species ut homo: & quod Pater, & Filius, & Spiritus sanctus sunt indiuidua, sicut Petrus, & Paulus, eo quod numero differunt. Quae praemissa sententia August. penitus contradicere videntur. Quid ergo dicimus ad haec? Hoc utique dicere possumus, atque debemus, quod ea quae Augustinus tradidit superius, sine omni hesitatione tenenda sunt.

Quod sane possunt intelligi quae Ioannes dicit, & quo modo, ostendit.

Haec autem quae hic dicuntur, licet in sermonis superficie aliquid à fide alienum resonare videantur, sane tamen intelligi queunt, primumque lectorem atque intellectorem plurimum efflagitant. In quorum explanatione mallet silens alios audire quam loquendo maleuolis detrahendi occasionem praestare. Videntur tamen mihi ita posse accipi, cum ait: Substantia est commune, & hypostasis est particulare. Nam ita haec accipit cum de Deo dicuntur, ut accipiuntur in philosophica disciplina. Sed per similitudinem eorum quae à philosophis dicuntur, locutus est, ut sicut ibi commune, vel uniuersale dicitur, quod predicatur de plu-

ribus: particulare vero, vel indiuiduum quod de uno solo: ita haec essentia diuina dicta est uniuersale, quia de omnibus personis simul, & de singulis separatim dicitur. Particulare vero singula qualibet personarum: quia nec de aliis communiter, nec de aliqua aliarum singulariter predicatur. Propter similitudinem ergo predicationis, substantiam Dei dixit uniuersalem, & personas particularia, vel indiuidua. Propter hoc eandem diuinam essentiam dixit esse speciem communem, & circumplectiuam similitum specie personarum, quia sicut haec species, homo, de suis predicatur indiuiduis, velut de Petro, & Paulo, & aliis, nec ista specie differunt, sed conueniunt per omnia: ita Deus de tribus predicatur personis, quae in diuinitate non differunt, sed per omnia conueniunt. Hanc ergo similitudinem inter res sempiternas, & res temporales perpendens Ioannes, uniuersalitatis, & particularitatis nomina quae rebus temporalibus proprie conueniunt, ad res aeternas transtulit: Augustinus vero maiorem videns dissimilitudinem, quam similitudinem inter res praedictas, ab excellentia Trinitatis praedicta nomina remouit.

Ex quo sensu dixerit, personas differre numero.

Quod autem Ioannes dicit hypostases differre numero, non natura. In eo quod non differre natura ait, verissime & sine scrupulo loquitur. Quod vero dicit, differre numero, cauendum est quo modo intelligatur. Diuersis enim modis dicuntur aliqua differre numero.

Quibus modis dicantur differre numero, & secundum quem modum possit conuenire personis.

Dicuntur enim aliqua differre numero, quando ita differunt, ut hoc non sit illud, nec aliquid quod illud est, vel in ipso est: qualiter differunt Socrates, & Plato, & huiusmodi, quae apud Philosophos dicuntur indiuidua, vel particularia: iuxta quem modum non possunt dici tres personae differre numero. Dicuntur quoque differre numero, quae in enumeratione, siue computatione non sibi adiunguntur, sed à se inuicem discernuntur, ut cum de aliquibus rebus loquentes dicimus, una, dua, tres: & secundum hunc modum forte dixit Ioannes, hypostases id est, personas differre numero. Possumus enim dicere, Pater est unus, & Pater Filius sunt duo, & Pater, & Filius, & Spiritus sanctus sunt tres. Et item: Haec persona est una, & haec, & illa sunt duae: & haec, & illa, & alia sunt tres. Conuenientius tamen tres illae personae proprietatibus tantum distingui dicuntur: de quarum distinctione secundum proprietates in sequenti tractabitur. Nunc vero ad inceptum redeamus, quae dicta sunt repetentes, ut saepius versando familiarius innotescant.

Quod una persona non est maior alia, nec tres simul quam una: & hoc, ratione ostenditur Catholica.

SCIENDUM est ergo tantam aequalitatem esse in Trinitate, ut ait Augustinus in 8. lib. de Trinitate ut non solum Pater non sit maior quam Filius, sed nec Pater & Filius simul maius aliquid sunt quam Spiritus sanctus: aut qualibet persona minus aliquid sit quam ipsa Trinitas. Quod autem ita sit, aliquo modo si fieri potest, demonstrandum est. Quantum ergo Creator ipse adiuvat, attendamus. Inquit Augustinus in eodem, quo mo-

Dist. 16.

In proleg.

Cap. 1.
10m. 3.

do in

do in hac Trinitate dua, vel tres persona non sunt maius aliquid, quam una earum.

Ratione videtur subtilissima ad ostendendum quod ita sit.

Probatio
eiusdem.

Aug. li. 6.
cap. 11.

Quod ibi magnum dicitur, aliunde magnum non est, quam eo quo vere est: quia ibi magnitudo ipsa veritas est, & veritas essentia: non ergo ibi maius est quod verius non est. Non autem verius est Pater, & Filius simul, quam Pater solus, vel Filius. Non ergo maius est aliquid uterque simul, quam singulus eorum. Et quia aequae vere est etiam Spiritus sanctus: ideo Pater, & Filius simul, non sunt aliquid maius quam ipse, quia nec verius sunt. Itē in essentia veritatis hoc est verum esse, quod est esse: & hoc est esse, quod est magnum esse. Hoc est ergo magnum esse quod verum esse. Quod igitur ibi aequae verum est, & aequae magnum est. Quod ergo ibi plus veritatis non habet, plus non habet magnitudinis. Plus autem veritatis non habet quod verius non est. Non est autem verius una persona quam alia, vel dua quam una, vel tres simul quam singula. Non ergo plus veritatis habet una quam alia: vel dua quam una, vel tres simul quam singula. Sic ergo & ipsa Trinitas non est maius aliquid quam unaquaeque ibi persona, sed tam magnum quam singula. Non enim ibi maior est, quae verior non est, ubi ipsa veritas est magnitudo. Ecce modo convenienti, & ratione Catholica ostensum est quo modo indifferens sit magnitudo trium personarum, quia nec una maior est alia, nec dua maius aliquid quam una, nec tres simul maius aliquid quam singula.

Quod Deus non est dicendus triplex, sed trinus.

Conclla-
tione.

Cap. 7.
tom. 3.


Cap. 3. inf.
dem libri.

Præterea cum Deus dicatur trinus, non tamen debet dici triplex. bi. n. non est triplexitas, ubi summa est unitas, & indifferens aequalitas: unde August. in lib. 6. de Trin. ait: Non quoniam Deus Trinitas est, ideo triplex putandus est, alioquin minor esset Pater solus vel Filius solus quam simul Pater, & Filius. Cum itaque tantus est Pater solus, vel solus Filius, vel solus Spiritus sanctus, quantus est simul Pater, & Filius, & Spiritus sanctus, nullo modo triplex dicendus est Deus. Non enim Pater cum Filio, & Spiritu sancto maior Deus est quam singuli eorum: quia non est quo crescat illa perfectio. Perfectus autem est & Pater, & Filius, & Spiritus sanctus, & perfectus dicitur Deus singulus eorum. Et ideo Trinitas potius quam triplex dici debet.

Quod non est ita in rebus corporeis, ut in Trinitate.

Cap. 20. 3.
eiusdem li.
in fine.

In rebus corporeis non tantum est una, quantum tres simul: & plus sunt dua quam una res. In Trinitate vero summa, tantum est una persona, quantum tres simul, & tantum sunt dua, quantum una, & in se infinita sunt, quia non est finis magnitudinis earum. Ac per hoc aperitur quod superius dictum est, quo modo singula sunt in singulis, & omnia in singulis, & singula in omnibus, & omnia in omnibus, & unum in omnibus est, & unum omnia. Ecce iam ostendimus sufficienter, qualiter in Trinitate, aliqua persona aliam non superet magnitudine.



DISTINCT. XIX.

PARS I.

De proprietatibus, & conditionibus quodam modo essentialibus, & quodam modo personalibus Trinitatis, & Vnitatis.

Nunc postquam aternitatem trium personarum, &c.

Expositio textus.

Terminatis duabus partibus, in quibus Magister egit de his quæ pertinent ad essentiæ vnitatem, & personarum pluralitatem sigillatim, hic incipit tertia pars in qua determinat personarum æqualitatem, quæ simul recipit pluralitatem, & vnitatem. Et hæc pars habet tres partes principales. In prima proponit, in quibus consistat æqualitas. In secunda probat specialiter, ibi: Nunc igitur superest ostendere, &c. In tertia, quia in probando, propositiones dubias dixerat, in quibus dictio exclusiua generat ambiguitatem, ideo determinat qualiter dictiones exclusiue accipiantur in diuinis, infra: Hic oritur questio trahens originē ex prædictis. Prima pars principalis in qua proponit ea in quibus æqualitas consistit, habet duas partes. In prima parte proponit quod consistit in his tribus, æternitate, magnitudine, & potestate. In secunda ne crederentur hæc tria diuersa, ostendit quod hæc sunt idem in Deo, ibi: Cumque enumerentur ista quasi diuersa, &c. Similiter secunda pars principalis, in qua probat æqualitatem, diuiditur in duas. Supposito enim quod in diuinis sit æqualitas quantum ad æternitatem, ostendit primo æqualitatem quantum ad magnitudinem: secundo quantum ad potestatem, infra: Nunc ostendere restat quo modo aliqua, &c. Prima iterum pars habet duas. In prima probat æqualitatem magnitudinis per essentiæ vnitatem. Secundo probat æqualitatem, excludendo inæqualitatem, ibi: Sed iam nunc ad propositum redeamus. Prima pars, in qua probat personarum æqualitatem quantum ad magnitudinem habet duas. In prima probat per essentiæ indiuidionem, siue vnitatem. In secunda per illam eandem ostendit esse in personis circumincessionem, ibi: Et inde est quod Pater dicitur esse in Filio.

Diuisio.

Dist. 21.

Dist. 20.

Nunc postquam, &c.
Dub. I.

In parte ista sunt dubitationes circa literam. Et primo dubitatur de situ huius partis: cum enim vnitatis in substantia faciat identitatem, vnitatis in quantitate æqualitatem, vnitatis in qualitate similitudinem, pari ratione videtur quod deberet determinare de identitate, & similitudine: quia si de his non determinat, videtur quod nec de æqualitate deberet facere specialem tractatum.

R s p. Dicendum quod ostensa perfecta æqualitate, ostenditur quod omnimoda sit in natura identitas, & similitudo: & ideo determinata æqualitate, non est opportunum de aliis determinare: sed magis de æqualitate determinat propter hæreses extirpandas, Arrianorum maxime qui poluerunt inæqualitatem in diuinis: & ideo difficilius, & vtilius circa hoc versatur disputatio.

Coæternitatem trium personarum.
Dub. II.

Videtur male dicere quod coæqualitas consistat in æternitate, quia ipse diuidit coæternitatem contra æqualitatem: ergo si ab ea distinguitur quantum ad æternitatem non attenditur æqualitas.

R s p. Dicendum quod æqualitas perfecta in his tribus consistit, & Magister condiuidit æqualitatem contra coæternitatem, quantum ad alia duo membra, scilicet magnitudinem, & potentiam.

* *

Non

Non alio magnus, &c. Dub. III.

*Li. 7. de Tr.
ca. 1. tom. 3.*

Videtur par ratione, cum alio sit Deus, alio Pater, quod alio sit Deus, alio magnus. Si dicas quod quantitas transit in substantiam, relatio non. Obicitur quod illud non soluit: Augustinus enim loquitur de formali prædicatione, & constat quod formaliter loquendo quod sicut ista est falsa: Deus est magnus deitate, vel Deus est Deus magnitudine, sic & ista: Pater est magnus.

RESP. Dicendum quod quamvis secundum rationem loquendi, vel intelligendi à parte nostra magnitudo in diuinis dicatur per modum quantitatis, & deitas per modum substantiæ, tamen à parte rei nulla est omnino differentia. Nihil enim de magnitudine dicitur quod non dicatur de substantia. In resolutione autem paternitatis non est ita. Aliquid enim prædicatur de paternitate quod non potest dici de essentia, sicut distinguere, & distinguere.

In generatione, & generationem annisui.

Dub. IV.

Videtur male dicere, quia in æternitate nulla cadit variatio: ergo cum annus variationem habeat, non debet transferri ibi. Item in illa æternitate est omnimoda simplicitas, & impartialitas: ergo non debet pluraliter dici, annos.

RESP. Dicendum quod iuxta modum nostræ infirmitatis, & intelligimus diuinam Trinitatem, vel æternitatem, & nominamus, quoniam annus dicit completam temporis reuolutionem secundum decursum solis in zodiaco, & regressum ad idem punctum, & diuina æternitas perfecta est, & durationes cæteras circumplicens: ideo ad ipsam transulit scriptura nomen anni. Rursus quia interminata & à parte ante, & à parte post, ideo non annum dicit quasi terminum habeat, nec generationem singulariter, sed pluraliter annos, & generationes similiter. Ratione ergo perfectionis, & interminationis transfertur, non ratione variationis.

Est generatio generationum.

Dub. V.

Videtur falsum dicere, & inuere quod in generatione Sanctorum sint anni Dei, id est, æternitas, quia duratio Sanctorum est finita à parte ante: sed æternitas Dei est infinita à parte ante & post: ergo illa non est Sanctis. Itē quo modo essendi in, est in illa generatione Sanctorum? Sicut mensura, non: quia Dei æternitas solius Dei est mensura. Si sicut causa in effectu: sed hoc modo est in cæteris creaturis, ergo, &c.

RESP. Dicendum illud verbum non esse dictum per commensurationem, neque per æqualitatem, sed per concomitantiam, & conformitatem. Quia enim generatio Sanctorum, à parte post, durat in infinitum, durat etiam sine variatione: ideo illam summam æternitatem in æternum comitatur, & ei expresse cõformatur, & ideo sic exponit illud psalmi B. Augustinus: In generatione, & generationem anni tui: siue in generatione interminata quæ est generatio Sanctorum, siue Sancti sunt illa generatio: & quia in perpetuum durat, & quia ex multis generationibus sunt collecti.

Pater dicitur esse in Filio, & Fil. &c.

Dub. VI.

Contra: Quia si quidquid est in Deo Deus est propter summam simplicitatem: ergo quidquid est in Filio est Filius: ergo si Pater est in Filio, Pater est Filius.

RESP. Dicendum quod non est simile, quia cum dicitur aliquid esse in Deo, hæc præpositio, in, aut dicit distinctionem essentialē, & sic non quidquid est in Deo est Deus, quia nos in Deo viuimus, mouemur, & sumus. Aut nul-

lam dicit distinctionem, nisi secundum modum intelligendi, & hæc ponit omnimodam identitatem: & ideo sequitur quod sit Deus quod est in Deo. Sed cum dicitur de persona hæc præpositio, in, dicit distinctionem personalem, & vna persona de alia non prædicatur: & ideo patet quod non est simile.

Nec exemplum aliquod rebus diuinis, &c.

Dub. VII.

Videtur falsum, quia imago est expressa similitudo, & vestigium est in omni creatura: ergo videtur quod exemplum sit in omnibus.

RESP. Dicendum quod est exemplum exprimens perfecte cõsimiliter omnino, & tale nullum est in creaturis: quia imago & cæteræ creaturæ plus habent dissimilitudinis quam similitudinis: & est exemplum aliquo modo manu ducens, & sic multa sunt, & ex multis colligitur vnum, nec tamen omnino perfectum.

Quod non intelligibile est homini, &c.

Dub. VIII.

Videtur falsum, quia anima nostra quodam modo est omnia, & intellectus noster non tot intelligit quin plura possit intelligere.

RESP. Dicendum quod est loqui de intellectu comprehendente, & sic non est verum quod omnia intelligere possit: quia nec Deus, nec aliquid Dei est comprehensibile nobis, quia omnino infinitus. Et est loqui de intellectu apprehendente, & hoc dupliciter. Aut in ratione possibilis & suscipientis, & sic omne quod potest fieri, potest intelligere, quia possibile est ad intelligendum. Aut in ratione agentis, & quia non habet lumen tantæ potentia quod possit super omnia, scilicet præsentia & futura, quia multa sunt supra eius iudicium, sic non est omnium.

Nam si partem eiusdem qui genuit, &c.

Dub. IX.

Videtur non sequi hoc, quia homo perfectus generat filium perfectum, & tamen non dat ei nisi partem.

RESP. Dicendum quod est perfectio simpliciter, & perfectio in genere. Perfectio in genere bene compatitur secum dationem, & receptionem partis, quia in dante suppletur per restaurationem, in accipiente per augmentum, & additionem: Sed perfectio simpliciter non patitur secum restaurationem, nec additionem: & quoniam in Deo perfectio est simpliciter: ideo si daret partem, in dante remaneret defectus, similiter & in accipiente.

Non per duplicem conuenientium, &c.

Dub. X.

Contra: Aut tangit modos essendi, aut generandi. Non essendi, quia multo plures sunt quam isti. Non generandi, & ita in utroque modo est insufficiens.

RESP. Aliqui dicunt quod Hilarius assignat hos modos generationis qui sunt in creaturis, vt excludat eos à Filio. Sed non assignat nisi duos modos, quia non loquitur nisi de generatione viuui: viuens autem generabile diuiditur in vegetabile, & sensibile, & secundum illud duplex genus, duplex est modus generandi, quem tangit Hilarius. Nam animalia generantur per coniunctionem maris, & feminae, & plantæ per insertum. Et primum tangit cum dicitur: Non per duplicem conuenientium generationem, quia masculus & femina sunt duplicis generis quantum ad sexum, & tamen conuenientes sunt quantum ad formam & materiam. Secundum modum tangit cum dicit: Nec per insituiam capacioris substantiæ naturam, sed per, &c. sicut furculus inseritur arbori, sed per naturæ unitam similitudinem, id est, similitudinem non

*Aug. super
Psalm. 101. in
2. par. 10. 8.*

*Expositio
aliorum.*

Expositio
Doct. bris.

in natura differentem. Aliter potest dici quod Hilarius non loquitur de modo generandi, sed loquitur quo modo Pater sit in Filio, & excludit modum esse di, in quo creatura dicitur esse in creatura secundum modum visitatum, ad quem modum concurrat duplex conditio creaturarum. Prima est quo ad naturam diuersitas. Secunda est continentis capacitas: & has excludit ab illo modo existendi, qui est in diuinis, per illa duo quæ dicit quod Filius est in Patre non per coniunctionem duorum generum, neque per insitiam capacionis substantiæ naturam, hoc patet per litteram Hilarii: quoniam immediate subiungit in originali, & Magister omittit. Quia inquit Hilarius, per corporalem necessitatem exteriora fieri his quibus continentur interiora non possunt. Vult quod illud est impossibile in creaturis corporalibus, quod mutuo sint in seipsis, sicut Pater est in Filio. Quia propter corporalem necessitatem & imperfectionem interiora non possunt fieri exteriora his quibus continentur: ut si aqua est in vase, dum est intus, non potest fieri extra, & ita non continetur vas ut vas sit in aqua.

Dum naturam Dei non degenerat natiuitas.

Dub. XI.

Quæritur quid hoc sit dicere, quia non tantum in Deo, sed in creaturis pluribus non degenerat.

Degenerat
re quid.

RESP. Dicendum quod degenerare est extra genus generantis exire. Exire autem extra genus generantis hoc est, aut quantum ad formam communem & naturam, & sic est degeneratio in æquiuocis, sicut equus ex asina generat burdonem: & alius ex equa mulum, unde mulus degenerat. Alio modo degenerare est proprietates generantis relinquere, retenta natura, sicut filius qui generatur ex patre nobili & pulchro est rusticus & turpis. Tercio est degenerare, naturam generantis relinquere, non per dissimilitudinem, sed per diuersitatem, & hoc modo omnis natiuitas creata degenerat, quia in omni creatura generans est aliud à generante, & in sola diuina generatione degeneratio non est, quia nihil nascitur nouum, nihil additur alienum: & ideo generans à generante in substantia non separatur, & ideo sola illa generatio est nobilissima, &c.

ARTICVLVS I.

AD intelligentiam huius partis quærentur quatuor. Primo quæritur, utrum in diuinis sit ponere æqualitatem. Secundo dato quod sit, utrum sit ibi summa æqualitas. Tercio, utrum in diuinis sit æqualitas cum conuersione. Quarto, utrum sit ibi æqualitas cum circumuersione.

QVÆSTIO I.

An in diuinis æqualitas sit ponenda.

Alex. Alensis 1. p. q. 47. Memb. 1.

S. Thom. 1. p. q. 42. art. 1.

Et 1. Sent. dist. 19. q. 1. art. 1. § 4.

Scotus 1. Sent. dist. 19. q. 1.

Ægidius Rom. 1. Sent. dist. 19. q. 1.

Richardus 1. Sent. dist. 19. q. 1.

Durandus 1. Sent. dist. 19. q. 1.

Marsilius Inguen. 1. Sent. q. 22. art. 1.

Steph. Brulef. 1. Sent. dist. 19. q. 1.

Gregor. Arim. 1. Sent. dist. 19. q. 2.

Petrus de Tarantasia 1. Sent. dist. 19. q. 1.

Gab. Biel 1. Sent. dist. 19. q. 1.

QVOD sit ibi æqualitas, ostenditur primo per illud quod dicitur in symbolo: Totæ tres personæ cœternæ sibi sunt, & cœquales.

Funda-
menta.

ITEM hoc ipsum ostenditur ratione sic: Omnis multitudo reducitur ad unitatem: ergo omnis inæqualitas ad

S. Bonau. 1. om. 4.

æqualitatem: sed unitas à qua est omnis multitudo, est unitas increata: ergo & æqualitas ad quam reducitur omnis inæqualitas est æqualitas increata, ergo, &c.

ITEM omne quod perfectionis est, transferendum est ad diuinam: sed æqualitas est perfectionis in creatura, ergo, &c.

ITEM vnum in substantia facit identitatem, vnum in quantitate æqualitatem, vnum in qualitate facit similitudinem: sed in diuinis non tantum est unitas in substantia: sed etiam in quantitate, alioquin non esset ibi perfecta unitas: ergo non tantum est ibi identitas substantiæ, sed & æqualitas.

1. CONTRA: Vbi æqualitas ibi diuisibilitas, quia simplex simplici non æquatur: sed in diuinis non est ponere diuisibilitatem: ergo nec æqualitatem.

2. ITEM vbi æqualitas ibi quantitas, quia proprium est quantitatis secundum eam æquale, vel inæquale dici: sed in diuinis non est ponere quantitatem, quia secundum August. Deus magnus sine quantitate, ergo, &c.

3. ITEM: Vbi æqualitas, ibi finitas, quia ibi est commensuratio, ergo vbi est mensura, ibi est finitas: sed in diuinis est infinitas, ergo, &c.

4. ITEM: Vbi æqualitas, ibi diuersitas, quoniam nihil est sibi æquale: sed in diuinis est omni moda unitas: ergo non est ibi æqualitas.

CONCLUSIO.

Cum in diuinis, virtutis quantitas reperitur, ponenda est ibi æqualitas.

RESP. Ad Arg. Dicendum quod æqualitas ponitur in diuinis, secundum quod dicitur in symbolo, & dicit Augustinus. Ad hoc intelligendum, notandum quod æquale, & inæquale est propria passio consequens quantitatem. * Quantitas autem dicitur dupliciter, proprie scilicet quantitas molis, & translatiue quantitas virtutis: & quia illa est propria passio quantitatis, æqualitas consequitur utramque quantitatem: ergo vbi est ponere quantitatem virtutis, ibi est ponere æqualitatem vel inæqualitatem. Hæc autem quantitas virtutis ponitur in spiritualibus, & summe reperitur in diuinis: quia hæc quantitas non repugnat simplicitati sed consonat: similiter nec æqualitas consequens istam quantitatem. Et quia altera pars contradictionis completior attribuenda est Deo, & æqualitas præit inæqualitatem: ideo ponenda est æqualitas in diuinis, & concedendæ sunt rationes ad hoc.

1. AD illud ergo quod obiicitur in contrarium quod vbi æqualitas, ibi diuisibilitas: dicendum quod verum est de æqualitate quæ consequitur quantitatem molis.

2. AD illud quod secundo obiicitur: Vbi æqualitas ibi quantitas: dicendum quod verum est secundum genus, vel secundum speciem: & quamuis nomen quantitatis non transferatur, transfertur tamen nomen speciei, ut magnitudo.

3. AD illud quod obiicitur, vbi æqualitas, ibi finitas: dicendum quod æqualitas in creaturis duo importat, scilicet coterminationem, & excessus priuationem. Primum est incompletionis ratione limitationis. Secundum perfectionis: ideo transfertur ratione secundi, non primi. Posset tamen dici quod infinitum quod est incomprehensibile, secundum veritatem ab infinito est incomprehensibile: & ideo commensurabile infinito: & ex hoc non sequitur: est commensurabile infinito, ergo finitum: immo magis infinitum est ibi quid & simpliciter.

4. AD illud quod obiicitur, vbi æqualitas, ibi diuersitas, dicendum quod est diuersitas suppositorum, & diuersitas formæ. Ad æqualitatem & similitudinem requiritur diuersitas suppositorum, non autem formæ diuersitas, sed unitas. Quod autem consequitur in inferioribus ad diuersitatem suppositorum, numeratio formæ vel quantitatis, hoc est, imperfectionis: & ideo totum quod est

Ad oppositum.

Lib. 5. de Trin. cap. 1. tom. 3.

*Aug. lib. 3. contra Maximin. c. 10. tom. 6. Et li. 7. de Trin. ca. 6. tom. 3. * Ex Aug. lib. de Quant. anima cap. 3. & sequens. tom. 1. Illud idem tenet S. Thom. 1. p. q. 42. art. 1.*

O

perfe-

perfectiōnis transfertur in Deum. Non tamen est in sup-
positis, proprie loquendo, diuersitas, sed distinctio.

QVÆSTIO II.

An in diuinis sit summa æqualitas.

*Alex. Alenf. 1. p. q. 47. Memb. 5.
Ægid. Rom. 1. Sent. dist. 19. q. 3.
Richardus 1. Sent. dist. 19. q. 3.
Franciscus de Mayr. 1. Sent. dist. 20. q. 1.
Steph. Brulef. 1. Sent. dist. 19. q. 2.
Petrus de Tarentaf. 1. Sent. dist. 19. q. 2.*

Funda-
menta.
Aug. de fid.
ad Petrum
ca. 1. tom. 3.
Lib. 6. de
Tr. ca. 4. &
lib. 8. cap. 1.
tom. 3.

Aristot. 5.
Metaph. de
simili.

Ad oppo-
litum.
Quæst. 21.
tom. 4. &
lib. 1. con-
tex. aduers.
legis & pro-
phet. tom. 6.

De fide ad
Petrum c. 1.
tom. 3.

Explica-
tio ali-
um.

Vtrum in diuinis sit summa æqualitas. Et quod sic
videtur hoc modo sicut dicitur ab August. in lib. de
fide ad Petrum: Non dicitur aliquis maior alio, nisi aut
quia præcedit ætate, aut quia excedit magnitudine, aut
quia superat potestate: sed nihil horum est in diuinis, ut
probat August. & Magister: ergo nihil est ibi inæquali-
tatis: ergo est ibi summa æqualitas.

ITEM non potest maior æqualitas excogitari, quam
vbi vnum æquatur vni, & vnum pluribus, & vnum om-
nibus. Sed in diuinis tantus est Filius, quantus est Pater:
& tantus est Filius quantus Pater & Spiritus sanctus: &
tantus etiam Filius quantus omnes tres, ergo, &c.

ITEM vnitas in quantitate, sicut dictum est, facit æqua-
litate: ergo vbi summa vnitas, ibi summa æqualitas,
sed hoc est in diuinis, ergo, &c.

ITEM status non est nisi in summo: sed status est in illa
æqualitate per reductionem omnium ad ipsam, ergo &c.

1. CONTRA: Augustinus in lib. 83. q. Si omnia essent
æqualia, non essent omnia ergo omnimoda æqualitas
tollit perfectiōnem in diuinis. Si ergo nihil est ponendū
in Deo quod repugnet perfectiōni in diuinis, non est ibi
omnimoda æqualitas.

2. ITEM maior est æqualitas quæ attenditur secundum
quantitatem continuam & discretam quam secundum
continuum tantum: sed in diuinis non est æqualitas se-
cundum quantitatem discretam, quia ibi est Trinitas, &
ita imparitas: ergo in diuinis non est omnimoda æqua-
litas.

3. ITEM maior est æqualitas quæ attenditur secundū
potentiam, & sapientiam, & bonitatem, quam quæ se-
cundum sapientiam, & potentiam tantum: sed in diui-
nis non est æqualitas secundum bonitatem: ergo non est
ibi summa æqualitas. Probatio minoris: bonum est dif-
fusiuum sui, sed magis diffundit se Filius quam Spiritus
sanctus: quia producit sibi æqualem, & etiam Pater quā
Filius, ergo, &c. Quæritur ergo, quare August. non osten-
dit æqualitatem in sapientia, & bonitate: & iterum qua-
re non ex parte loci, sicut magnitudinis, & etiam aliarum
differentiarum quantitatis: quod cum non faciat, nō vi-
detur assignare omnimodā æqualitatem, sed solum in
partem: aut si omnimodā ostendit, insufficienter pro-
cedit.

CONCLUSIO.

*Cum in personis diuinis reperiatur æternitatis, potentia, &
magnitudinis quantitas summa, etiam summa
æqualitas ibidem ponenda est.*

RESP. Ad arg. Dicendum quod in diuinis est summa
æqualitas, & summa etiam assignatur ab August. quoni-
am sufficienter ostenditur remotio omnis inæqualitatis
per illa tria quæ sunt æternitas, & magnitudo, & poten-
tia. Horum trium distinctio, & sufficientia ab aliquibus
accipitur sic. Quia enim in diuinis non est extensio mo-
lis, nec aggregatio multitudinis: ideo non est ibi quanti-
tas continua extensiuæ, nec discreta: sed loco eius est quā-
titas virtutis, quæ tangitur per hoc membrum quod est
potentia. Quia vero Deus suo ambitu complectitur om-
nem durationem: ideo est ibi quantitas æternitatis cor-
respōdens tempori. Quia vero ambitu suæ immensitatis

A complectitur locum omnē & locatum: ideo est ibi quā-
titas magnitudinis correspōdens loco. Et sic patet quod
cum non sit aliam quantitatem accipere ibi, quod suf-
ficienter in illis ostenditur æqualitas & consistit. Sed hæc
distinctio non est conueniens, tum quia non est in Deo
quantitas virtutis, & ita non deberet ibi esse nisi vnum
membrum, nec debet illa distingui contra alias: tum et-
iam, quia magnitudo in diuinis non tantum attenditur
quantum ad ambitum localitatis, sed etiam quantum ad
intensionem bonitatis. Vnde dicitur in 6. lib. de Trin.
quod in spiritualibus idē est maius & melius: & propter
hoc quantitas virtutis non tantum attenditur in opera-
tione, sed etiam ut res considerata in omnimoda absolu-
tione. Ideo possumus aliter horum trium distinctiōnem
& sufficientiam assignare: in omni enim quod est, conue-
nit hanc triplicem considerationem habere. Potest enim
aliquid considerari in comparatione ad suam originem,
siue à parte ante, & sic vnum maius est altero, quando o-
rigo eius est prior, & contra hoc est æqualitas æternitatis.
Potest iterum considerari in se, & sic dicitur vnum altero
maius: quia maioris extensionis, vel quia maioris va-
loris. Contra hanc est in Deo æqualitas magnitudi-
nis, ut hæc æqualitas non tantum dicatur per com-
parationem ad localitatem, sed etiam ad sapien-
tiam & bonitatem, & ad omne quod facit alterum alte-
ro dici maius, quia melius. Vnde Augustinus & Magister
in hac distinctiōne probant æqualitatem magnitudinis
per æqualitatem virtutis, siue in virtute. Potest etiam ter-
tio considerari per comparationem ad effectum, & sic
dicitur maius, quia potentius. Et contra hoc est æquali-
tas potentia. Quoniam ergo ratio æqualitatis non con-
tingit pluribus modis considerari, si æqualitas est in istis,
summa est: & cum ostenditur in istis, summa ostenditur,
& perfecta inductione proceditur, & sic patet quod vlti-
mo quærebatur.

1. Ad illud quod obiicitur primo quod æqualitas re-
pugnat perfectiōni, dicendum quod verum est, perfe-
ctioni vniuersi, quæ aggregata est ex diuersitate, non sic
est in Deo.

2. Ad illud quod obiicitur quod maior est æqualitas
secundum vtramque quantitatem, &c. Dicendum quod
summa æqualitas non est in quantitate continua nec dis-
creta, quia ibi vnum non æquatur pluribus: sed hæc est
perfectissima æqualitas, ideo solum secundum quanti-
tatem virtutis attenditur.

3. Ad illud quod obiicitur de bonitate, quia diffusi-
uum, &c. Dicendum quod emanatio personæ non attri-
bitur secundum rationem bonitatis essentia, sed magis
secundum personam, vel in persona: & ideo non sequi-
tur quod si Spiritus sanctus non producit quod propter
hoc habeat minus de bonitate. Vnde notandum quod
duplex est diffusio scilicet intra vel extra. Diffusio intra
est quando persona procedit à persona, vnitate naturæ,
& hæc non est proprie diffusio: & hoc non consequitur
bonum quia bonum: sed bonum in hypostasi, quæ aliā
producere nata est: & ideo secundum hanc diffusionem
nō dicitur vna persona altera melior. Est alia diffusio ex-
tra, quæ attenditur in productione effectus, & secundū
hanc rationem attenditur diffusio proprie & ratio boni:
& quia in hac vna persona altera nō excedit, quia indiui-
sæ sunt opera Trinitatis: ideo hac nō est vna melior altera.

QVÆSTIO III.

An æqualitas conuersum in diuinis dicatur.

*Alex. Alenf. 1. p. q. 47. Memb. 4.
Ægid. Rom. 1. Sent. dist. 19. q. 2.
Richardus 1. Sent. dist. 19. q. 2.
Steph. Brulef. 1. Sent. dist. 19. q. 3.
Petrus de Tarentaf. 1. Sent. dist. 19. q. 3.*

Vtrum in diuinis sit æqualitas cum conuersione. Et
quod non, videtur hoc modo: Chrysost. super illud
Hebr. 1. Qui cum sit splendor, &c. Filius est æqualis Pa-
tri, non Pater Filio.

2. ITEM Hilar. Imago si perfecte implet illud cuius
est ipsa, coæquatur ei, non illud suæ imagini.

3. ITEM

Improbatio
explicatio
nois.

Aug. 6. de
Trin. cap. 8.
tom. 3.

Explica-
tio Docto-
ris.

Ad Oppo-
litum.
Aug. 6. de
Trin. ca. 10.
tom. 3.

Cas. tom. 3.

De diuini
nom. lap. 9.
à medio.
Funda-
menta.
Arist. 1. Me-
taph. con-
tex. 20.Ratio cō-
clusionis
inferen-
da.Explica-
tio.Hanc do-
ctrinam se-
quitur S.
Tho. 1. part.
q. 42. art. 1.

3. ITEM August. in 1. lib. de doctrina Christiana: In Patre vnitas, in Filio æqualitas: ergo videtur quod Pater non sit æqualis Filio, vt Filius Patri.

4. ITEM Diony. In causis & causatis non recipimus reciprocationem: sed Pater est principium Filij, ergo, &c.

CONTRA: Omne relatiuum æquiparantiæ denominat extremū secundum modum consimilem: sed æqualitas est relatio æquiparantiæ: ergo similis reciprocatio.

ITEM vnum in quantitate facit æqualitatem: sed sicut Filius est vnum cum Patre, ita Pater vnum cum Filio quantum ad substantiam, & quantitatem: ergo sicut Filius est æqualis Patri, ita Pater Filio: ergo est ibi reciprocatio.

ITEM æqualitas mutua & reciproca, maior est quam non reciproca: ergo si in diuinis est summa æqualitas, pater, &c.

ITEM omne quantum comparatum quanto, aut est maius, aut minus, aut æquale: sed Pater est quantus virtute, & similiter Filius: aut ergo Pater est maior, virtute, Filio, aut minor, aut æqualis.

CONCLUSIO.

In diuinis reperitur æqualitas secundum conuersionem, cum reciprocatio sit de ratione æqualitatis.

RESP. AD arg. Dicendum quod æqualitas est ibi non tantum quia diuina, sed etiam quia æqualitas: & cum æqualitas de sui ratione dicat reciprocationem in quantum æqualitas, secundum hoc credendum est quod Pater æqualis Filio, & Filius Patri. Et ad intelligentiam obiectorum notandum quod dupliciter est loqui de æqualitate. Aut prout dicit respectum æquiparantiæ, aut prout ultra respectum concernit actum cōæquationis. In quantum dicit respectum æquiparantiæ, sicut ostendunt rationes, necesse est quod sit ibi reciprocatio: sed in quantum vltius concernit actum cōæquationis, sic dicit rationem imitationis, & sic non conuenit Patri respectu Filij, quia importaret subauctoritatem in Patre. Vnde non dicitur Pater cōæquari Filio, quia Filium non imitatur, nec perfecte, nec imperfecte. Et sic est simile, si dicatur: *Hoc cum illo*: Potest enim dupliciter intelligi. Aut prout dicit duorum coniunctionem: & sic de necessitate attenditur secundum conuersionem. Si enim iste vadit cum illo, necesse est etiam quod verum sit econuerso. Alio modo, *Hoc cum illo*, dicit associationem, & ita quandam subauctoritatem in associante: sic dicitur quod miles vadit cum rege, non econuerso: similiter intelligendum est cum æqualitate.

1. 2. 3. 4. Et ex his patent auctoritates sanctorum quæ loquuntur de æqualitate secundo modo, præter illam Dionys. ad quam respondendum quod non habet locū in proposito, quia Dionys. loquitur proprie de causa secundum quod causa dicitur illud ad cuius esse sequitur aliud: & ita differt per essentiam ab effectu: & hoc modo non cadit in Deo respectu personæ.

QVÆSTIO IV.

An in diuinis sit æqualitas cum circuminceptione.

S. Thom. 1. p. q. 42. art. 5.

Et 1. Sentent. dist. 19. q. 3. artic. 2.

Scotus 1. Sent. dist. 19. q. 2.

Ægid. Rom. 1. Sent. dist. 19. pr. 2. q. 2.

Henricus in summa art. 53. q. ult.

Richardus 1. Sentent. dist. 19. art. 2. q. 2.

Franciscus de Mayr. 1. Sentent. dist. 20. q. 3.

Io. Bacon. 1. Sent. dist. 19. q. 2.

Thomas Argent. 1. Sentent. dist. 19. q. unica.

Marfilus Inguen. 1. Sent. dist. 19. q. 22. art. 2.

Steph. Brulef. 1. Sent. dist. 19. q. 4.

Petrus de Tarantaf. 1. Sent. dist. 19. q. 4.

Gab. Biel. 1. Sent. dist. 19. q. 2.

UTrum in diuinis sit æqualitas cum circuminceptione. Et quod sic ostenditur primo auctoritate Domini: Ego in Patre, & Pater in me est.

ITEM Aug. de fide ad Petrum: Propter unitatem naturæ totus Pater est in Filio, & Spiritu sancto.

ITEM hoc ipsum ostenditur ratione, quia in quocunq; est substantia vel essentia Patris, est Pater: sed substantia Patris est in Filio: ergo Pater est in Filio, eadem ratione est Filius in Patre.

ITEM omne cognitum est in cognoscente vel per veritatem, vel per similitudinem. Sed Pater cognoscit Filium quantum ad Hypostasim & proprietatem: ergo Filius est in Patre, aut quantum ad veritatem, aut quantum ad similitudinem veritatis. Non quantum ad similitudinem, quia tunc esset Filius in Patre sicut creatura: ergo quantum ad veritatem, eadem ratione Pater in Filio: ergo circuminceptio est ibi.

ITEM omne quod est comparatum ad alterum, aut est in illo, aut extra illum. Si ergo Filius comparatur ad Patrem, aut est in illo, aut extra. Si in eo, eadem ratione & Pater in eo. Si extra eum, sed illa quorum vnum est extra alterum differunt per substantiam, ergo Pater & Filius substantialiter differunt.

ITEM maior est conuenientia in diuinis quam sit generis ad species, vel totius ad partes: sed propter conuenientiam generis ad species, genus est in speciebus & econuerso: ergo multo fortius in diuinis, Pater est in Filio & econuerso.

1. CONTRA: Si Pater est in Filio, & econuerso: ergo Pater est in Patre. Sicut enim sequitur in prædicando quod quidquid prædicatur in plus vel æque de aliquo, prædicatur de omni eo quod est sub eo: ergo similiter, si aliquid est in aliquo, necesse est quod in eodem sit omne quod est in eo: ergo si Filius est in Patre, omne quod est in Filio est in Patre, sed Pater est in Filio: ergo Pater est in Patre.

2. ITEM quodcumq; duo simplicia eiusdem generis simul sunt, ita quod vnum est in altero, non distinguuntur ab inuicem, sicut punctus est in puncto. Si ergo Pater & Filius sunt omnino simplices: si Pater est in Filio, & Filius in Patre, non videtur quod distinguantur.

3. ITEM si duæ essentia diuinæ essent, impossibile esset quod vna esset in alia: quia vna non posset illabi alii: quoniam vtraque esset æque spiritualis & summe spiritualis: ergo si duæ personæ sunt æque & summe spirituales, impossibile est quod vna sit in altera: & ita videtur qd Deus non possit esse in creatura quin ei illabatur. Si ergo persona est in persona, videtur omnino ei illabi.

4. ITEM quæro quid significet hoc quod est esse in Patre, vtrum dicatur secundum substantiam, aut secundum relationem. Si secundum relationem, hoc est, contra Aug. qui dicit in litera quod propter unitatem naturæ totus Pater est in Filio & Spiritu sancto. Si secundum substantiam: Quæ secundum substantiam dicuntur, cōueniunt tribus: ergo hoc quod est esse in Patre conuenit Filio, & Spiritui sancto, & Patri: ergo Pater est in Patre: quod non conceditur.

5. ITEM cum dicitur: Pater est in Filio, & Filius in Patre, aut importatur eadem habitudo, aut altera. Si eadem, cum Filius sit in Patre vt in principio: tunc similiter Pater esset in Filio, vt in principio: quod simpliciter est absurdum. Si importatur altera habitudo: ergo si non est circuminceptio, cum dicitur genus est in specie, & species in genere, similiter nec in proposito esset circuminceptio.

6. ITEM Filius est de Patre & apud Patrem, & non conuertitur: ergo pari ratione videtur quod non conuertatur, quod si Pater est in Filio, quod Filius sit in Patre.

7. ITEM nouem modi essendi sunt in creaturis. Primo modo sicut pars in toto. Secundo modo sicut totum in partibus. Tertio modo sicut species in genere. Quarto modo sicut genus in speciebus. Quinto modo sicut for-

Funda-
menta.

Ioan. 14. b

Aug. de fide
ad Petr. c. 1.
in med.
tom. 3.Ad oppo-
sitionem.De fide ad
Pet. cap. 1.
in med.Ex Boetio
super Arist.
Antepre-
dic. 8. 4.
Phys. con-
tex. 33.

ma in materia. Sexto modo sicut rectum siue modum in regente. Septimo modo sicut res in suo fine. Octauo modo sicut contentum in continente. Et nonum addit Boetius, scilicet sicut accidens in subiecto. Quæritur ergo quo istorum sit Pater in Filio, & econuerso: & cum nullo illorum sit dare, videtur quod nullo modo sit.

CONCLUSIO.

Inter personas diuinas est æqualitas secundum circumincessionem, quia habent cum distinctione naturæ & unitatem.

Conclusio.
Explicatio.
Ratio.

RESP. Ad Arg. Dicendum quia sicut auctoritates probant & rationes, in diuinis est summa & perfecta circumincessio. Et hic notatur circumincessio qua dicitur quod vnus est in alio & econuerso: & hoc proprie & perfecte in solo Deo est: quia circumincessio in essendo ponit distinctionem simul, & unitatem. Et quoniam in solo Deo est vnitas cum distinctione, ita quod distinctio est inconfusa, & vnitas indistincta: hinc est quod in solo Deo est circumincessio perfecta. Et patet ratio huius, quia ratio circumincessionis est perfecta vnitas essentia cū distinctione personarum: & quoniam hoc proprium est solius Dei: ideo & circumincessio talis secundum quod dicit Hilar. & Magister inducit in litera.

Solutio aliorum.

1. Ad illud ergo quod obiicitur quod Pater est in Filio, & Filius in Patre, ergo Pater est in se, dicunt quidā quod argumentum nō valet, quia mutatur habitudo eius quod est, *in*. Quia in vno dicitur habitudinē principiari ad principium, in alia autem habitudinem principii ad principium. Tamen illud non oportet dicere, quia sicut iam patebit, *in*, non dicit diuersam habitudinem: Nec tamen sequitur, immo est accidens ibi, eo quod, *in*, notat distinctionem, sicut accidens est hic: Petrus est similis Paulo, & Paulus Petro: ergo Petrus est similis Petro, ita & in proposito intelligendum.

Improbatio solutionis.
Solutio propria.

2. Ad illud quod obiicitur, simplicia simul existentia confunduntur in vnum, dicendum quod illud verū est, quādo simplicia habēt distingui penes illud in quo sunt, sicut punctus & vnitas ab eo in quo est: Sed quando seipsum distinguuntur & in seipsum substantificantur, tunc quamuis sint simul, non confunduntur, & tales sunt Hypostases diuinæ. Et huius simile quamuis perfecte non possit in creatura inueniri, tamen Dionys. ponit exemplum in luminibus quæ multa sunt in eodem aere inconfusa, & huius signum est: quia quando luminare auferitur, trahit lumen suum, nihil de aliis conuellens, & ratio huius est, quia lumina in aere non distinguuntur penes id in quo.

Dionys. de
D. nominibus
c. 2. p. 1
circa med.

3. Ad illud quod obiicitur quod essentia non est in essentia nisi per illapsum, &c. Dicendum quod non est simile, quia vbi est essentiarum diuersitas, si vna est in altera, oportet quod vna sit aliquo modo materialis alteri, sed quoniam personæ differunt, salua essentia vnitate, vna est in alia, quia essentia vnus est essentia alterius, & ita sicut idem non illabatur sibi, ita nullus potest esse ibi illapsum.

4. Ad illud quod quæritur, quid significet hoc quod est esse in Patre, dicendum quod sicut sancti innuunt, sicut æquale dicit respectum secundum unitatem quantitatis, & simile secundum unitatem qualitatis, similiter hoc quod est esse in Patre, secundum unitatem substantia. Vnde sicut æquale simul importat substantiam cum relatione, sicut patebit infra, ita & hoc quod est esse, *in*. Et sicut hoc quod est æqualis Patri, artatur ad standum pro aliis personis, ita & in proposito intelligendum.

S. Thom.
conuenit
cum S. Bo
uau.

5. Ad illud quod quæritur, vtrum importetur eadem habitudo, dicendum sine præiudicio quod sic, quantum est de ratione nominis. Sicut enim cum dicitur: Pater est similis Filio, & econuerso: non importatur alia & alia habitudo: ita nec in hoc quod est: *Esse in*, quia importat relationem identitatis siue consubstantialitatis. Vnde sicut si

A dicitur: Pater, est similis Filio, & econuerso, non dicitur alia habitudo: sic in proposito, quia significat hoc quod est, *esse in Patre*, idem quod est, *esse Patri consubstantialem*. Et vniformiter accipitur consubstantialis, cum dicitur de Patre & Filio: Et hoc patet, quia si nō diceret consimilem habitudinem, nō esset circumincessio, sicut nec est quando dicitur creatura esse in Deo, & Deus esse in creatura, quia alia importatur habitudo in vtroque.

6. Ad illud quod quæritur de hoc quod est, *apud*, &c. dicendum quod quædam propositiones important habitudinem repugnantem, vt *contra*. Quædam distantiam, vt hoc quod est, *ad*, & *prope*. Quædam causam, vt *de*, & *ex*. Quædam conuenientiam, vt *in*, & *cum*. Primæ & secundæ nullo modo recipiuntur, sed tertiæ & quartæ sic: tertiæ sic quod non conuersim: sed quartæ conuersim, quia conuenientia est relatio æquiparantia.

7. Ad vltimum soluendum quod iste est singularis modus essendi *in*, qui non continetur inter illos, nec potest reperiri proprie in creaturis.

DISTINCT. XIX. PARS II.

De æqualitate diuinarum personarum cum exclusionem inæqualitatis.

Huius Partis Textum supra videre licet.

Sed iam nunc ad propositum redeamus.

Expositio textus.

SVpra ostendit Magister, diuinas personas æquari quantum ad æternitatem & magnitudinem, per hoc quod vna essentia est in singulis tota. Hic ostendit quod est summa in eis æqualitas, & hoc facit excludendo ab eis communem rationem inæqualitatis. Et diuiditur hæc pars in tres partes. In prima ostendit quod non cadit ibi ratio totius & integri. In secunda ostendit quod non cadit ibi ratio generis, speciei, vel indiuidui, ibi: *Hic adiungendum est quod tanta est æqualitas*, &c. In tertia ostendit quod non cadit ibi ratio numeri, ibi: *Quod autem Iohannes dicit*, &c. Prima iterum pars in duas. In prima, quia fecerat digressionem, continuat dicta dicendis. In secunda vero ostendit quod ibi non cadit ratio totius & partis, ibi: *Nec est aliqua trium personarum*. Item secunda pars in qua ostendit quod in diuinis non cadit ratio vniuersalis siue generis & speciei, habet duas partes. In prima ostendit quod non est accipere genus in diuinis, nec speciem, nec indiuiduum. In secunda vero contra hoc opponit auctoritatem Damasceni: *Hic autem videntur aduersari quidam*. Prima habet duas, primo ostendit quod non est ibi natura generis, vel speciei, vel indiuidui. Secundo quod non est ibi ratio materialis principii, ibi: *Notandum etiam quod essentia diuina non est materia*. Similiter pars in qua obiicit contra hoc, habet duas. In prima ostendit quod cadit ibi ratio vniuersalis, & indiuidui, ratione Damasceni. In secunda soluit. Primum facit, ibi: *Hic autem videntur aduersari*, &c. Secundum, ibi: *Hæc autem quæ hic dicuntur licet in singulis sermonibus*, &c. Item pars tertia in qua ostendit quod in diuinis nō cadit ratio numeri, habet quatuor particulas. In prima præmissio quod in æqualitate personarum non cadit ratio numeri: ostendit quibus modis differre numero non conueniat personis, & quibus modis conueniat. Secundo quod in diuinis personis tanta est magnitudo in vna persona, quanta in tribus, ibi: *Sciendum est ergo*. In tertia ostendit quod Deus non potest dici triplex, siue multiplex, ibi: *Præterea cum Deus dicatur trinus*. In quarta ostendit differentiam inter pluralitatem quæ est in creaturis corporalibus, ibi: *In rebus corporeis non tantum*, &c.

Et notandum quod tota summa & fundamentum totius distinctionis in hoc verbo consistit quod diuina essentia est magnitudo vna non multiplicata, & tota

non

non diuisa est in qualibet personarum: ideo necesse est quod personæ sint omnino æquales magnitudine. Nec po-
est ibi cadere ratio totius vniuersalis, quia illud multiplicatur in partibus. Nec totius integri, quia illud diuiditur in partes. Nec est totum in qualibet parte, & ita nec ratio materialis principii, nec ratio numeri.

Oret, vt quod credit, intelligat.

Dub. I.

Videtur improprie loqui, quia nullus orat quod non desiderat, & nullus desiderat quod non cognoscit, vel intelligit. Item nullus assentit rei quam mente non intuetur, siue concipit: ergo nullus assentit rei quam non intelligit, quia intelligere est mente intueri.

RESP. Dicendum quod intelligere dupliciter dicitur: vno modo idem est quod cognoscere aliquid, quod per nomen dicitur. Alio modo idem est quod ratione apprehendere. Primo modo antecedit fidem quæ est ex auditu, secundo modo consequitur, quia nulla ratio humana sufficit ad manifestanda credibilia nisi intellectus fide illustretur, & capietur.

Aliqua differre numero qua in enumeratione, siue computatione non sibi adiunguntur.

Dub. II.

Videtur male dicere, quia illi computationi aut responderet aliquid in re, aut nihil. Si aliquid responderet: ergo non differt à præcedenti differentia. Si nihil responderet: ergo distinctio siue computatio nostra super nihil & vanum fundata est.

RESP. Dicendum quod computationi nostræ cum dicimus: Vnus, duo, tres, aliquid responderet. Sed illud non est diuersitas numeralis, sed distinctio personalis, vnde in diuinis non dicitur esse numerus, nec differentia secundum numerum nisi addatur secundum numerum personarum, qui dicit distinctionem in hypostasis, non in natura: ideo quamuis dicantur tres personæ, tamen non est ibi ternarius, sed Trinitas.

Cum Deus dicatur trinus, non tamen debet dici triplex.

Dub. III.

Videtur dicere contra illud quod dicitur: Spiritus sapientiæ est multiplex: ergo duplex vel quadruplex: ergo, &c.

ITEM Isidorus dicit quod Trinitas est multiplex & numerabilis.

ITEM ratione videtur, quia pannus vnus in substantia duplicatus duplex dicitur, triplicatus triplex. ergo si vna est substantia in tribus hypostasis, videtur triplicari in eis & triplex dici.

RESP. Dicendum quod distinctio personarum non potest significari per additionem termini numerabilis ad hoc nomen, *Deus*, nisi huius nominis *Trinus*, quod specialiter ad hoc inuentum est, vt significet pluralitatem in suppositis cum vnitatem formæ. Quia ergo hoc nomen *triplex*, dicit distinctionem simpliciter in termino cui additur, vel quantum ad formam, vel quantum ad partium multiplicationem: & quia in Deo non cadit multiplicatio, nec quantum ad formam, nec quantum ad partes, ideo nullo modo potest dici triplex.

Quod ergo obiicitur quod dicitur multiplex, dicendum quod istud est dictum causaliter, quia est causa multorum: & quia variorum donorum effectiuum est principium, in quibus est vera diuersitas, non sic in personis. Et quod dicit Isidorus, improprie dictum est, & exponendum est. Ad illud, quod idem pannus dicitur multiplex, dicendum quod verum est: sed tamen secundum alias & alias partes: & quia in Deo non est alietas partium nec formæ, ideo non potest dici triplex.

S. Bonau. Tom. 4.

In rebus enim corporeis. Dub. IV.

Videtur male dicere quod in rebus corporeis plus sine duæ quam vna. Videtur enim instantia, quia ignis cum ferro non est quid maius quam ferrum per se, siue lux cum aere. Si dicas quod non sunt corpora, obiicitur quod corpus glorificatum simul est cum non glorificato, & tantum locum occupat non glorificatum per se, quantum cum glorioso: ergo non sunt maius, quia corpus maius maiorem occupat locum.

RESP. Dicendum quod Augustinus loquitur de rebus corporeis quarum quælibet est corpus: sed ignis in ferro, lux in aere, non est corpus, sed proprietas corporis. Præterea notandum quod Augustinus non accipit ibi *maius* extensiuæ, sed accipit *plus* quantum ad veritatem existentiam vel essentiam. Cum enim non sit summa veritas in qualibet re, plus est de veritate existentiam in duabus rebus quam in vna; quamuis non sit ibi plus de latitudine distantiam, siue extensiuæ magnitudinis, vel capacitatis contentiam, &c.

ARTICVLVS I.

AD intelligentiam huius partis quatuor quærentur. Primo, vtum iu diuinis sit ponere totum integrale. Secundo, vtum sit ponere totum vniuersale. Tertio, vtum in diuinis personis sit principium materiale. Quarto, vtum in diuinis sit differentia secundum numerum.

QVÆSTIO I.

An in diuinis ponendum sit totum integrale.

Scot. in Reportariis 1. Sentent. dist. 19. q. 2.
Egid. Rom. 1. Sent. dist. 19. princ. 2. q. 2.
Richardus 1. Sent. dist. 19. q. 1. art. 3.
Steph. Brulef. 1. Sent. dist. 19. q. 5.
Petrus de Tarantasia 1. Sent. dist. 19. q. 7.

QVod sit ponere totalitatem integritatis, videtur per Augustinum primo, & habetur in litera. Tota essentia est in singulis personis: ergo aut est ibi implicatio falsi, aut est ibi totalitas: sed non est ibi implicatio falsi: ergo est ibi totalitas.

2. ITEM hoc ipsum ostenditur ratione, quia vbi quantitas, ibi totalitas & integritas. Sed in diuinis est quantitas virtutis: ergo saltem secundum illam & integritas.

3. ITEM vbi pluralitas ibi integritas, quia omnis pluralitas constat ex vnitatibus: sed in Deo est pluralitas, quia Trinitas: ergo in Deo est integritas.

Si dicas quod illa pluralitas non integratur, quia nihil plus est in tribus quam in vno: contra si tantum est in tribus quantum est in vna: ergo tantum credit & æque plene credit, qui credit vnum solum esse suppositum, sicut qui credit tres esse personas: sed hoc est falsum: est ergo, &c.

4. ITEM Si aliquid est æquale alicui, eodem addito, adhuc erit æquale: ergo si aliquid est totum ad aliquid, eodem addito adhuc erit totum: sed *tres*, est totum ad vnum: ergo tres personæ ad vnam personam.

5. ITEM omne quod prædicatur de aliquibus simul, & de nullo per se, est totum integrum ad illa, istud constat & non habet instantiam: sed Trinitas prædicatur de tribus personis simul & de nulla per se: ergo, &c.

6. ITEM omne quod remouetur ab aliquo differt ab illo genere, vel specie, vel numero, vel est totum ad illud: sed Trinitas remouetur à Patre, quia Pater non est Trinitas: nec differt genere, vel specie, vel numero: ergo, &c.

CONTRA per Ambrosium in lib. de Tr. In diuinis nullam ponimus totalitatem, quia non est ibi quantitas, nec numerus.

ITEM ratione videtur, quia omne integrum est com-

Ad oppositum.

Aug. 6. de Trin. ca. 10. in fi. tom. 3.

Fundamenta 1. de fid. c. 2. tom. 4.

O 3

positum

positum ex partibus: sed Deus est summe simplex, ergo in Deo nulla est totalitas, nec integritas: ergo, &c.

ITEM omnis pars sub ratione partis habet esse imperfectum respectu totius, quia ex aliquibus omnino perfectis non resultat tertium: ergo cum in diuinis nihil imperfectionis sit ponendum, non est ibi pars, ergo à relationis nec totum.

ITEM omne totum est maius sua parte: sed ubi infinitas, ibi non est maius & minus: ergo nec totalitas: sed in diuinis est infinitas: ergo.

ITEM omne totum est resolubile vel secundum rem, vel secundum intellectum: & omne resolubile est corruptibile: ergo cum in Deo nihil sit corruptibile, non erit resolubile, & ita nec totum.

CONCLUSIO.

Ratio totius, prout dicit perfectum atque absolutum, reperitur in Deo: non autem ut dicit respectum ad partes, vel compositionem.

RESP. AD ARG. Totum siue totalitas vno modo dicitur absolute, & sic totum idem est quod perfectum. Alio modo dicitur totum per comparisonem ad partem, & sic dicitur totum quod habet partem & partem siue partes. Primo modo bene est ponere totalitatem in Deo, secundo non, nec etiam partialitatem. Non totalitatem, quia aufert simplicitatem. Non partialitatem, quia tollit perfectum. Neutrum, quia tollit æqualitatem summam.

1. AD illud ergo quod obiicitur de August. qui dicit quod tota essentia, &c. Dicendum quod totum accipit pro perfecto, vel totum ibi accipitur priuatiue, quia priuat hoc, quod est esse partem extra partem. Vnde tantum valet tota essentia, quantum valet non habens partem extra vel intra.

2. AD illud quod secundo obiicitur quod est ibi quantitas virtutis, dicendum quod quantitas virtutis stat cū summa simplicitate: ideo abstrahit à totalitate & integritate.

3. AD illud quod obiicitur quod ubi pluralitas, ibi, &c. dicendum quod pluralitas in creaturis duo dicit: Dicit enim aliquorum distinctionem, & ex ipsis vnus multiplicationis constitutionem. Primum quidem reperitur in diuinis, quia ibi est distinctio vere. Secundum non, quia ubi constitutio est, ibi constituentia minus habent quam totum quod constituunt, & ita essentialiter differunt ab inuicem. In diuinis autem non sic, quia cum Pater habeat totam essentiam, non partem, non potest minus habere, nec essentialiter differre: & ideo dicendum quod in diuinis reperitur pluralitas ratione distinctionis. Sed quia pluralitas est totum ratione constitutionis, & hoc non est in diuinis: ideo non sequitur quod sit ibi totalitas: est tamen naturæ vnitas, & personarum pluralitas, & tantum est in vnitate, quantum in pluralitate: sed non tot modis. Sed quia fides non tantum est respectu essentia, vel magnitudinis, sed etiam modi essendi: patet quod obiicitur quod non tantum credit, qui credit vnā personam, quantum qui credit plures.

4. Ex hoc patent sequentia, quia vnum est pars trium secundum quod dicit vanitatem, & tria Trinitatem. Sed cum additur hoc nomen *persona*, distrahitur, & non manet illa ratio vnitatis: ideo nec ratio partialitatis.

5. AD illud quod obiicitur quod omne quod prædicatur simul, & de nullo, &c. Et ad sequens, omne quod remouetur, &c. Dicendum quod hoc non solum conuenit totalitati respectu partis, sed etiam pluralitati respec-

A ctu vnitatis: quæ quamuis non teneat rationem partis propter diminutionem & imperfectionem, tenet tamen rationem vnitatis propter principium, & distinctionem.

6. Vnde quod totum remouetur à partibus & differat, hoc non est ratione constitutionis principaliter, sed ratione distinctionis. Et quoniam in diuina pluralitate quamuis non sit vnus maioris constitutio: quia tamen est ibi distinctio, ideo sic remouetur, & sic prædicatur sicut totum in creaturis.

QVÆSTIO II.

An etiam in diuinis totum vniuersale ponendum sit.

Ægid. Rom. 1. Sent. dist. 19 princ. 2. q. 1.

Henricus in summa art. 43. q. 2.

Richardus 1. Sent. dist. 19 art. 3. q. 2.

Steph. Brulef. 1. Sent. dist. 19. q. 6.

Petrus de Tarantasia 1. Sent. dist. 19. q. 8.

Vtrum in diuinis sit ponere totum vniuersale. Et quod sic videtur per Damascenum qui dicit quod in diuinis est commune, ut substantia: particulare ut Antonius: ergo si est ibi commune, & particulare: ergo vniuersale, quia particulari non responder aliud commune quam vniuersale.

2. ITEM hoc ipsum videtur per distinctionem vniuersalis, & particularis. Vniuersale enim est quod prædicatur de pluribus: particulare de vno solo: sed has rationes est inuenire in diuinis: ergo, &c.

3. ITEM omne quod est in plus & est vniuocum, est vniuersale ad illa, respectu quorum est in plus: sed essentia, siue substantia est in plus quam persona, & in plus vniuocum, quod dicit vnā naturam repertam in illis secundum identitatem: ergo, &c.

4. ITEM in diuinis est communicabile & incommunicabile: aut ergo eodem, aut alio, & alio. Non eodem, quia illud non est intelligibile, quod ex eodem veniat communitas, & proprietas: conuenientia, & differentia personalis: ergo alio, & alio: ergo si alio est communicabile, alio incommunicabile: ergo cum communicabile sit ratione eius quo est, incommunicabile ratione eius quod est: ergo quo est & quod est in diuinis sunt per differentiam: sed ubi hæc sunt per differentiam, ibi est vniuersale, & particulare: ergo, &c.

5. ITEM quanto aliquid simplicius tanto vniuersalius: sed diuina essentia est simplicissima: ergo ibi est maxima ratio vniuersalis.

CONTRA: Boetius* dicit quod nec est vniuersale, nec particulare.

ITEM hoc ipsum videtur ratione, quia ubicunque est vniuersale ibi est vna forma multiplicabilis, vel multiplicata: in cuius rei signum, omne quod significat vniuersaliter, potest addi omni vniuersali: sed in Deo non est vna forma, vel natura multiplicabilis, nec multiplicata, nec recipit signum vniuersale, ut dicatur omnis Deus: ergo, &c.

ITEM ubi est particulare, ibi est forma, vel natura, ut hic, & nunc: sed diuina natura siue in se, siue in hypostasis non est hic, & nunc: sed semper & ubique: ergo nec in se, nec in hypostasis est ibi particulare.

ITEM ubi est particulare, & vniuersale: vniuersale est simplicius particulari: ergo cum in Deo non sit simplicior essentia, quam persona, quia in persona nullum est accidens, nullum principium constitutum: ergo, &c.

ITEM

Ad oppositum.

Damas. lib. 3. ca. 6. & 4. de orth. fide.

Aristot. lib. 1. Perib. c. 5.

Fundamenta. * In lib. de Trin.

1. Perib. c. 5.

ITEM omnis natura, in qua est vniuersale & particulare, est in genere determinato: & omnis talis est limitata: ergo cum diuina natura sit infinita, patet, &c.

CONCLUSIO.

Vniuersale, vel particulare non cadit in diuinis, quia non est additio ad materiam, nec tractio ad partem.

RESP. ad Arg. Ad prædictorum intelligentiam est notandum quod cum fides nostra ponat Trinitatem, & Vnitatem in diuinis, necesse ponit conuenientiam, & distinctionem. Et quia conuenientia non est nisi in communicabili pluribus, & communi: distinctio autem non est nisi in proprio, & incommunicabili, necessario in diuinis ponitur ratio communis, & proprii, communicabilis, & incommunicabilis. Sed cum in Deo & in creaturis sit distinctio suppositorum: aliter est in Deo quam in creaturis. Distinctio enim suppositorum maior est quam distinctio accidentalis. Vnde quamuis innotescat per accidentia, tamen non fit per accidentia. Accidentibus enim circumscriptis, adhuc est intelligere supposita differre, & cum non fiat per accidentia consequentia, oportet quod fiat ab origine, vel originali principio. Ab origine est, quando vnum differt ab altero, quia emanat ab eo: idem enim à se emanare non potest: talis distinctio suppositorum est in Deo, sed hoc non potest esse in creatura, scilicet distinctio solum per originem: nam nulla creatura potest alteri totam suam essentiam dare. Si ergo dat partem, necesse est quod alia differentia sit ibi quam originis: & ideo est differentia ab originali principio. Hæc autem non est forma in se, quia dicitur communicabile. Nec materia in se, quia dicitur quid indistinctum: ergo hoc facit forma ut adueniens materiam. Quia enim adueniens materiam accipit partem non materiam, hinc est quod ipsam distinguit, & ipsam distinguendo trahit in partem, & limitatur, & fit hic, & nunc, & vnum numero, & particulare. Quoniam ergo in diuinis non est additio ad materiam, nec tractio ad partem, ideo non cadit in diuinis vniuersale, vel particulare, sicut ostendunt rationes ad hoc inducæ in opponendo.

1. Ad illud ergo quod primo obiicitur de Damasceno, dicendum quod improprie dicitur particulare pro incommunicabili.

2. Ad illud quod obiicitur quod vniuersale est quod prædicatur de pluribus, dicendum quod ista est ratio communicabilis, vniuersalis autem non est nisi secundum quod realiter intelligitur multiplicatum in illis. Similiter soluendum de particulari.

3. Ad illud quod obiicitur quod est in plus, & est vniuersum, &c. Dicendum quod vniuersale est in plus ita quod simplicius, & sic minus per additionem ad illud, non autem sicut in Deo.

4. Ad illud quod quæritur, utrum eodem communicabile, & incommunicabile, dicendum quod alio, & alio: quia sicut dicit Augustinus, alio est Deus, & alio Pater: sed non alio & alio secundum rem: sed secundum rationem, quia deitate est Deus, paternitate Pater, & paternitas non est aliud re ab essentia, quoniam paternitas est essentia: est tamen aliud ratione. Et quia ablatius dicitur rationem: ideo non eodem est Deus, quo Pater. Et si obiicias, aut tunc illi rationi responderet aliquid in re, aut nihil, dicendum quod ratio illa per comparisonem ad essentiam non est nisi modus, sed per comparisonem ad aliam personam est res. Et hoc patet, quoniam haberi essentiam ab alio, & non haberi, non dicit rem aliam, sed solum modum: habere autem ab alio, & habere non ab alio, dicit realem differentiam, quia nullus est à se, & ab alio.

5. Ad illud quod ultimo obiicitur de simplici, dicendum quod est simplex possibile ad additionem, & tali modo vniuersale est simplex. Alio modo simplex, quia priuat compositionem & additionem, & hæc repu-

gnantia non consonat vniuersalitati, & tali modo diuina essentia est simplex, quæ nullo modo trahibilis est in partem per additionem sicut trahitur vniuersale: & ideo non est vniuersale.

QUESTIO III.

An in diuinis personis ponendum sit principium vniuersale.

Alex. Alemsis 1. p. q. 48. Memb. 4. art. 2.

S. Thom. 1. p. q. 3. art. 5.

Scotus 1. Sentent. dist. 8. q. 3.

Egidius Rom. 1. Sent. dist. 8. q. 3.

Henricus in summa art. 24. q. 3.

Richard. 1. Sent. dist. 8. art. 5. q. 1.

Ioan. Bacon. 1. Sent. dist. 9. q. 1.

Petrus de Tarentasia 1. Sent. dist. 19. q. 9.

Vtrum in diuinis personis sit ponere principium materiale. Et quod sic ostenditur hoc modo: Quodcumque aliquis, vel aliquid est de aliquo ita quod ipsum est distinctum & illud de quo est indistinctum, est de illo tamquam de materiali principio: sed persona Filii est de substantia Patris, & persona distinguitur, substantia dicitur quid indistinctum: ergo est sicut materiale principium.

2. ITEM sicut efficiens & finis sunt causæ corollariæ: ita forma, & materia. Forma enim dicitur respectu materiam, sed in Deo est ponere causam formalem, ipse enim est forma, ut dicit Boetius, ergo in Deo est ponere materiam.

3. ITEM videtur quod causa materialis magis competat Deo, quam aliquod causarum genus, quia materia in his inferioribus dat existentiam, & permanentiam propter sui incorruptionem. Vnde fundamentum est existentia creaturæ: cum ergo Deus, siue Deum esse habeat existentiam, siue permanentiam per fundamentum incorruptibile, videtur quod Deo maxime competat ratio materialis principii: ergo, &c.

4. ITEM in rebus creatis finitas à forma venit, sed infinitas à materia: sed omne quod est in Deo est infinitum: ergo cum Deo maxime conueniat passio, maxime consequens principium materiale, maxime competit & ipsum.

5. ITEM quamuis in Deo sit summa, & omnimoda simplicitas, tamen nos ponimus in Deo, quod est & quod est vere, sed tantum per indifferentiam: ergo pari ratione videtur quod in Deo posset poni materia & forma, tamen per indifferentiam.

6. ITEM omnis distinctio est à forma: ergo circumscripta omni forma creata, materia non distinguitur: ergo non est aliud à Deo: ergo est Deus, quia omne quod est, & non distinguitur à Deo, est Deus: videtur ergo quod materiale principium sit ipse Deus.

CONTRA: Boetius in lib. de Trin. * Forma sine materia non potest esse subiectum, & loquitur de Deo: ergo in Deo non erit ratio principii materialis.

ITEM materia inter omnia entia est imperfectissimum. Vnde Augustinus dicit in lib. Confess. quod prope nihil est: sed Deus est omnino perfectissimum: ergo omnino in eo nihil inuenitur imperfectionis: ergo nec quod est materia.

ITEM materia est principium patiendi: vnde pati est à materia. Vnde omne in quo est materia est natum pati, & recipere: sed nihil tale est omnipotens. In hoc enim quod pati potest, deficit à posse: ergo in omnipotente nullo modo est materiale principium.

ITEM si materia in Deo est, aut respectu sui, aut aliorum. Si respectu aliorum, cum ergo materia sit ens in potentia ad alia, nec distinguatur ab aliis rebus, sed per eas perficiatur, tunc Deus reciperet complementum à creatura, nec ab ea distingueretur, quod absurdum est. Si autem materia sit in Deo respectu sui, aut pure est materia, aut aliquid aliud. Si pure materia: ergo non est ens, & præterea nihil est materia sui ipsius, ergo oportet quod sit, ibi aliquid cum materia: & si hoc, ergo est compositum,

Ad oppositum.

Aristot. 2. Phys. context. 26.

Boet. in lib. de Trin. circa fin. principij.

Aristot. 3. Phys. context. 72.

Aristot. 7. Metaph. context. 49.

Fundamenta. * Boet. lib. de Trin. circa fin. prin. Aug. lib. 12. confis. c. 7. tom. 1. Aristot. 4. Phys. context. 80. & 2. de gen. context. 53.

Aug. lib. 7. de Trin. c. 6. tom. 3.

& mixtum: ergo nec Deus habet esse simplex, ac per hoc nec esse primum, & ita non est Deus.

C O N C L U S I O.

In Deo nec proprie, nec transumptiue recipitur materiale principium.

Res p. ad arg. Dicendum quod in Deo nullo modo, nec proprie, nec transumptiue recipitur materiale principium. Et ratio huius est, quoniam materia dicit principium passivum, & ita incompletum: & quoniam à diuino esse omnis incompletio, & omnis passio penitus remouenda est: ideo nullo modo genus materialis principii in Deo esse ponitur.

*Aug. lib. 7.
de Trin. c.
6. in med.
to. 3.*

1. **A**d illud ergo quod obiicitur quod persona est de substantia, & ipsa est distincta, & substantia non, dicendum quod hic est defectus quantum ad vtramque conditionem. Nam primo hæc non recipitur quod persona sit de substantia sicut vult Augustinus, quia non dicimus tres personas ex eadem essentia, licet hæc communiter recipiatur quod filius est de substantia patris, vbi nō materia sed originis consubstantialitas designatur, sicut supra ostensum est distinct. 5. Alia est conditio quæ deficit. Nam materia est indistincta, & possibilis ad distinctionem per formam; sed substantia, vel essentia, nullo modo distinguitur, nec per se, nec per accidens, & ita patet quod non conuenit ei ratio materiæ.

2. **A**d illud quod obiicitur quod efficiens ad finem refertur, & forma ad materiam, dicendum quod nullius causæ habitudo cadit in Deum respectu sui, sed respectu creaturarum, & aliarum causarum habitudines in Deo recipiuntur, circumscripta dependentia, propter hoc quod sonant imperfectionem: sed materia sonat omnino imperfectionem. Et quod obiicitur quod forma dicitur ad materiam, dicendum quod est forma constitutiva, & forma exemplaris. Et forma constitutiva dicitur ad materiam, & hæc non cadit in Deo, sed forma exemplaris: sicut si dicatur quod Deus est forma in se, hoc est dictum, quia est actus purus non dependens à possibili. Nec tamen simile est de correspondentia formæ, & materiæ, & efficientis & finis. Efficiens enim & finis possunt incidere in idem numero: sed forma, & materia nunquam. Forma vero tantum constitutiva incidit cum efficiente & fine in idem specie, non numero: forma vero exemplaris in idem numero.

3. **A**d illud quod obiicitur quod materia est fundamentum existentia, dicendum quod modus illius fundamenti Deo non competit quia esse fundamentum, & esse quod recipit aliud, & aliunde perficitur scilicet à forma: Deus autem à nullo recipit: ideo non cadit in ea materia.

4. **A**d illud quod obiicitur de infinitate, dicendum quod est infinitas ex defectu perfectionis, & hæc competit materiæ, sed non Deo. Et est infinitas ex priuatione limitationis, & hæc Deo & formæ liberrime non materiæ competit, & ita patet illud.

5. **A**d illud quod obiicitur quare materia & forma non ponuntur per indifferentiam, dicendum quod ista duo: quo est, & quod est, de ratione sua, nullam important imperfectionem, sed ratione eius quod differunt. Vnde sublata eorum differentia, manet completio, & ideo in diuinis recipiuntur. Sed materia non tantum quia differt à forma dicit incompletionem, sed etiam quia materia est, & ideo nullo modo ponitur in Deo.

6. **A**d illud quod ultimo obiicitur quod circumscripta omni forma, materia non distinguitur, dicendum quod ista propositio: omnis distinctio est à forma, non habet veritatem nisi intelligatur de distinctione perfecta. Quod enim habet esse distinctum habet esse completum, distinctione autem qualicumque falsum est. Materia enim differt à forma, & constat quod seipsa distat ab ea. Sic potest dici & in proposito quod materia differt à Deo seipsa, tamen ex parte sua, quia non est perfecta, non ca-

Adit perfecta distinctio: sed ex parte Dei, quia perfectissimus est, perfecta cadit distinctio: incausatum enim distinguitur à causato: ens actu ab ente in potentia: & istæ sunt primæ differentia, & summæ.

Q V Æ S T I O IV.

An in diuinis differentia secundum numerum ponenda sit.

Alex. Alenf. 1. p. q. 45. Memb. 1. per totum.

Egid. Rom. 1. Sent. dist. 24. q. 3.

Richardus 1. Sent. dist. 19. art. 3. q. 3.

Marsilius Inguen. 1. Sent. q. 23. art. 1.

Steph. Brulef. 1. Sent. dist. 19. q. 8.

Vtrum in diuinis sit ponere differentiam secundum numerum. Et quod sic videtur per Damascenum in 1. lib. In numero non natura differunt hypostases, & loquitur de diuinis hypostasibus.

2. **I**TEM omnia quæ contingit vere numerari, necesse est differre numero: sed hypostases vere contingit numerari, vt dicantur duæ, & tres: ergo vere cadit in eis differentia secundum numerum.

3. **I**TEM omnia quæ differunt re, aut differunt genere, aut specie, aut numero, aut nullo modo differunt. Sed impium est dicere quod hypostases nullo modo differant: ergo saltem numero differunt.

4. **I**TEM vnitas secundum materiam siue numerum, non respicit vnitatem formæ, sed suppositi, & hoc patet. Hoc enim album, & hic sedens, demonstrato Petro, est vnum numero: ergo ab oppositis, diuersitas secundum numerum non respicit diuersitatem naturæ, sed suppositorum: sed in Deo est pluralitas suppositorum, quamuis non sit diuersitas naturarum: ergo, &c.

5. **I**TEM idem & diuersum sufficienter diuidunt ens: ergo omne quod est ad alterum comparatum, aut est idem specie, aut diuersum: aut idem numero, aut diuersum. Si ergo Pater comparatur Filio, aut est idem numero, aut diuersus. Si idem, quandocumque aliqua duo sunt eadem numero, vnum vere prædicatur de altero: ergo possum dicere: Pater est Filius, quod est contra fidem. Si diuersus numero: ergo in diuinis cadit diuersitas secundum numerum.

SED C O N T R A: Ambrosius super 2. epist. ad Corinthios, & Magister recitat in littera. Ibi vere vnitas, vbi nulla diuersitas: ergo non est ibi diuersitas secundum numerum.

ITEM Boetius in lib. de Trin. cap. 5. Nulla est in Deo diuersitas, nulla ex diuersitate pluralitas, nulla ex accidentibus multitudo: ergo nec differentia secundum numerum.

ITEM diuersitas secundum numerum solum venit ex parte materiæ. Vnde dicit Philosophus quod omnino materia numerabiliter est: sed in diuinis non cadit materia aliqua: ergo nec diuersitas secundum numerum.

ITEM quæcumque differunt numero, numerant omnia quæ sunt in seipsis, saltem omnia quæ sunt ibi ex parte principij formalis: hoc patet, quia enim Petrus, & Paulus sunt duo: ideo duo homines, duo animalia, duo alba, & sic de singulis: ergo si pater & filius sunt numero differentes: ergo habent duas naturas, & duas essentias: ergo sunt duo Dij, quod est contra Catholicam fidem.

ITEM quæcumque differunt numero, sunt separabilia inaginatione, vel intellectu: sed Pater, & Filius nullo modo sunt separabiles nec re, nec modo, nec intellectu in diuinis: quia vna persona est in alia, & econuerso: ergo nec differunt numero.

ITEM quod non est multiplicabile, nec multiplicatum est vnum numero: sed diuina natura non est multiplicabilis, nec multiplicata: ergo est vnum. sed quæcumque vnum sunt numero, non possunt differre numero: ergo si essentia, vel natura diuina ceteras complectitur personas, impossibile est quod personarum numero differant.

Ad Oppositum Lib. 3. de orib. fide. c. 6. in principio 57.

Arist. 1. To. pic. c. 4. 5. Metaph. c. de eodem. contex. 16.

10. Metaph. contex. 9. Fundamenta.

Aristot. 12. Metaph. contex. 49.

CONCLUSIO.

In diuinis non est ponenda differentia secundum numerum, cum Essentia diuina nullo modo sit multiplicabilis.

RESP ad arg. Dicendum quod in diuinis non est ponere differentiam secundum numerum. Et huius ratio sumi potest & a posteriori, & a priori. A posteriori, quoniam omnia quæ differunt numero, consequitur ista passio, quæ est numerus: numerus autem est aggregatio multitudinis, in qua plus est in toto, quam in singulis partiū. Hæc autem aggregatio est ex his solum quæ habent unitatem limitatam, quæ plus est cū alio, quam per seipsam. Limitatio autem venit per additionem. Additio autem perducit ad compositionem cum materia, quæ facit esse hic, & nunc, & tantum, & non plus, & ita non est diuersitas secundum numerum, nisi in his in quibus est distinctio per additionem, & compositionem, & materiam: sed hæc distinctio non cadit in Deo, ideo nec diuersitas secundum numerum. Alia ratio est a priori: Quia in quolibet quod intelligimus ut completum, intelligimus sub ista duplici conditione, scilicet per modum: *Quo est*, & *Quod est*, & unitas quidem siue identitas secundum speciem, vel genus est veniens a parte eius. *Quod est*, *Quo*, secundum diuersos status, siue completionem maiorem, & minorem. Unitas vero, vel diuersitas secundum numerum venit a parte ipsius. *Quod est*, secundum esse, siue prout est in supposito indiuiduo. Sic autem ista duo cōiuncta sunt in omnibus, quod numerato ipso, *Quod est*, necesse est numerari ipsum, *Quo est*. Cum ergo in omnibus quæ differunt numero numeretur ipsum, *Quod est*, necesse est, quod in illis multiplicetur ipsum, *Quo est*: quia ad diuersitatem secundum numerum concurrunt diuersitas ipsius *Quo est*, & *Quod est*, & *Qui est*, id est, naturæ, rei naturæ, & suppositi, siue hypostasem, sed principaliter ipsius, *Quod est*. Cum ergo in diuinis, *Quo est*, siue essentia propter summam simplicitatem nullo modo sit multiplicabilis: ideo necesse est quod ipsum, *Quod est*, similiter remaneat indistinctum: & ideo impossibile est quod cadat ibi diuersitas secundum numerum, nec tamen est vnum numero, quia ipsum, *Quod est*, in creaturis non est dicibile de pluribus: sed in diuinis ipsum, *Quod est*, quamuis sit vnum, est tamen de pluribus dicibile. Et ratio huius est, quia idem est ibi, *Quo est*, & *Quod est*, quantum ex parte rei. Et ideo sicut *Quo est*, est communicabile pluribus, quamuis non multiplicabile, ita ipsum *Quod est*. Vnde possumus dicere quod pluralitas personarum mediū tenet inter idem numero, & diuersum. Quamnis enim ipsum, *Quod est*, non numeretur: numeratur tamen ipse, *Qui est*. Vnde sunt hi plures, *Qui*.

Lib. 3. c. 6.
in princ.

Cap. 21.

1. Et hoc vult dicere Damasc. cum dicit: Numero, non natura differunt hypostasēs. Per hanc enim additionē, *Non natura*, ipse contraxit differentiam secundum numerum, siue distinxit ad differentiam ratione, ut ipse dicit in lib. primo: Oporteret, inquit, scire quod aliud est differre re, aliud ratione. In omnibus creaturis hypostasem diuisione consideratur, cōmunitas vero ratione: in summa v. & in supersubstantiali Trinitate, est econuerso. Vnde cum diuersitas secundum numerum faciat, siue notet diuersitatem in re & natura, proprie loquendo, nisi nomen diuersitatis secundum numerum distrahatur ad distinctionem suppositorum, non est concedendum quod sit ibi diuersitas secundum numerum personarum, siue hypostasum. Et hoc vult dicere Damascenus, quando dicit quod hypostasēs differunt numero, non, inquam, numero qui dicit diuersitatem in re, & natura, sed qui dicit differentiam in proprietatibus, & relatione, natura lemper manente vnica, & indiuisa. Ex hoc pater illud Damasceni.

2. Ad illud quod secundo obiicitur quod numero differunt ea quæ numerantur, dicendum quod verum est,

A quia eo modo differunt, quo modo numerantur: sed nō numerantur nisi quantum ad personas, & ita non differunt, nisi numero hypostasum, & proprietate.

3. Ad illud quod obiicitur quod quæ differunt, &c. Distinguendum est in hoc nomine *Re*, quia potest dicere naturam, siue essentiam: & potest dicere personam. Si dicat essentiam & naturam, verum est. Si personam, falsum est, & non habet locum illa diuissio.

4. Ad illud quod obiicitur quod vnitas numero respicit identitatem suppositi, dicendum quod si suppositum dicatur ipsum quod est, tunc veritatem habet. Si autem dicatur ipse qui est, siue persona, non habet veritatem, nisi in his in quibus differt, *Quo est*, & *Quod est*. Vnde proprie loquendo, diuersitas secundum numerum sequitur ipsum *Quod est*, & in diuinis non habet locum.

5. Ad illud quod idem & diuersum sufficienter diuidunt ens, ergo in idem numero, vel diuersum, dicendum quod illud verum est in ente quod natum est numerari, sicut ens creatum, sed in ente increato hoc deficit. Vnde Hilarius de Trinitate Deum ex Deo natum, nec eundem natiuitas, nec alium esse natura permittit: & ita sicut dictum est, tenet medium inter idem & diuersum numero.

DISTINCT. XX.

OSTENSO QVOD ALI-
QVA PERSONARVM ALIAM
NON SVPERAT, MAGNITVDINE.
NVNC OSTENDITVR QVOD
ALIA NON EXCELLIT
aliam, potentia.



VNC ostendere restat, quo modo aliqua harum personarum aliam non excellat potentia: ut sicut una & indifferens est magnitudo trium, ita una & indifferens mōstretur potentia trium. Sciendum est ergo, quia non est potentior Pater Filio, nec Filius, vel Pater Spiritu sancto, nec maiorem potentiam habent duo vel tres simul, quam singulus eorum: Quia nec plus potest Pater & Filius simul, quam solus Spiritus sanctus: nec hi tres simul plus possunt quam singulus eorum. Quia omnipotentiam quam habet Pater & Filius accepit nascendo, & Spiritus sanctus procedendo. Quod Augustinus rationibus & auctoritatibus probabiliter astruit in lib. 3. contra Maximinum, qui dicebat Patrem meliorem, ac potentiores Filio.

Cōcl. quæ est tertia pars conclusionis principalis habitæ in præcedenti dist.

Ca. 14. 10. 6

Non potest minus Filius, quam Pater.

Nihil, inquit, patre minus habet ille qui dicit: Omnia qua habet pater, mea sunt. Nam si minus habet in potestate aliquid quam pater: non sunt eius omnia qua habet pater. Sed etius sunt omnia qua habet pater: tantam ergo habet potestatem Filius quantam pater: equalis ergo est patri. Non enim potest qui accepit, inaequalis esse ei qui dedit. Tu autem hoc de potentia sapis quod potens sit Filius, sed potentior pater: ut secundum doctrinam vestram potens potentem potuerit generare vel gignere, & non omnipotens omnipotentem. Habet ergo pater omnipotentiam quam non habet Filius. Et si hoc est: falsum est quod ait Filius: Omnia qua habet Pater, mea sunt.

Lib. 3. c. 14. ad fin. 10. 6.

Ibid. c. 12. in princ. 10. 6.

Ioan. 16. d

Hoc verum

Hoc verum fatebatur hæreticus, ex quo progrediebatur ad falsa.

Sed, inquit, Pater potentiam à nemine accepit, Filius autem à Patre. Fatemur & nos Filium accepisse potentiam ab illo de quo natus est potens: Patri vero potentiam nullus dedit, quia nullus eum genuit. Gignendo enim dedit Pater potentiam Filio, sicut omnia quæ habet in substantia sua, gignendo dedit ei, quem genuit de substantia sua.

Quæstio Augustini qua artat hæreticum.

*In Aug. sic
Quo modo
quæcunque
Pater facit
hæc & Fi-
lius simili-
ter facit.*

Sed queritur, utrum ei tantam quanta ipsi est, potentiam Pater Filio dederit, an minorem. Si tantam, non solum potentem, sed etiam omnipotentem genuisse omnipotens intelligitur: si vero minorem, quo modo omnia quæ habet Pater, Filij sunt? Si Patris omnipotentia Filij non est, non omnia proculdubio quæ habet Pater, Filij sunt. At omnia quæ habet Pater, Filij sunt: omnipotentia ergo Patris etiam est Filij: Non est ergo Pater potentior Filio.

Aliter probat Filium æqualem Patri.

*Lib. 3. c. 7.
10. 6. & in
lib. 83. q. 9.
50. 10. 4.*

Itē alio modo probat Filiū æqualem Patri contra Maximum, ita dicens: Tu dicis quod Pater genuit Filium minorem seipso, in quo & Patri derogas: Qui si Filium unicum minorem genuit, aut non potuit, aut non voluit gignere æqualem. Si dicis, quia non voluit, eum invidum esse dixisti: si autem non potuit, ubi est omnipotentia Dei Patris? Prorsus ad hunc articulum res colligitur, ut Deus Pater æqualem sibi gignere Filium, aut non potuerit, aut noluerit. Si non potuit, infirmus: si noluit, invidus inuenitur. Sed utrumq; hoc falsum est: Patri ergo Filius verus æqualis est. Genuit ergo Pater sibi æqualem Filium, & ab utroque procedit utrique æqualis Spiritus sanctus. Si enim formam suam (ut ait Augustinus contra eundem) Pater in unico Filio plenam gignere potuit, nec tamen plenam genuit, sed minorem, cogimini patrem invidum dicere. Plenum ergo Deum, & æqualem sibi genuit Filium.

Lib. 3. c. 15.

Per simile ostenditur quod non minorem Pater Filium genuit.

Ibidem.

Hoc autem per similitudinem humanam ita esse demonstrat, inquit: Homo pater si potuisset, æqualem Filium genuisset. Quis ergo audeat dicere quod hoc omnipotens non potuit? Addo etiam, si posset homo, maiorem melioremq; seipso gigneret Filium. Sed maius vel melius Deo quidquam esse non potest. Deus ergo cur non æqualem (ut ait) Filium genuit, cui nec anni necessarij fuerunt, per quos adimpleretur æqualitas, nec omnipotentia defuit. An forte noluit? ergo (quod absit) invidus: sed non invidit: æqualem ergo genuit Filium? Credamus ergo Filium esse æqualem.

Opinionem hæretici ponit, ut destruat.

*Ex eod. lib.
3. c. 28. 10. 6*

Sed forte dicis, eo ipso Pater est maior Filio, quia de nullo genitus, genuit tamen æqualem. Ad quod cito respondabo: immo ideo non est Pater maior Filio, quia æqualem sibi genuit. Originis enim quæstio ista est, quis de quo sit: æqualitatis autem, qualis aut quantus sit: quod est dicere: Ad originem pertinet quæstio qua queritur,

A quis de quo sit: ad æqualitatem vero illa qua queritur, qualis aut quantus quis sit. Nec cum dicitur Filius à Patre genitus, ostenditur inæqualitas substantia, sed ordo natura, non quo alter prior est altero, sed quo alter est ex altero. Non ergo, secundum hoc quod Pater genuit, & Filius genitus est, vel Spiritus sanctus ab utroque procedit, æqualitas vel inæqualitas ibi existit: quia non secundum hoc alia persona alij æqualis vel inæqualis dicitur. Ecce æqualitas Trinitatis, & una eademq; substantia, quantum breviter potuimus, demonstrata est in superioribus: qualiter scilicet aliqua trium personarum quamlibet aliam nec æternitate, nec magnitudine, nec potentia excellas.

*Li. 3. c. 24.
inter med.
& fin.*

*Distin. 19.
hinc usque.*

DISTINCT. XX.

De trium personarum æqualitate quantum ad potestatem.

Nunc ostendere restat quo modo aliqua harum personarum, &c.

Expositio textus.

*S*Vpra ostendit Magister æqualitatem personarum quantum ad magnitudinem, hic ostendit quantum ad potentiam & virtutem. Et habet hæc pars, tres partes. In prima proponit quod intenditur, scilicet quod alia persona non excedit aliam, potentia. In secunda probat ibi: Nihil, inquit, Patre minus habet, &c. In tertia dubium siue objectionem in contrarium soluit, ibi: Sed forte eo ipso maior est, &c. Prima & ultima parte manentibus indiuisis, media diuiditur in tres, secundum tres probationes siue rationes, quarum prima sumpta est ab auctoritate Domini: Quia quæ habet Pater, mea sunt. Secunda sumpta est per deductionem ad impossibile, quia si non genuit æqualem, aut potuit, aut noluit, & ita fuit invidus. Aut voluit & non potuit, & ita fuit impotens, & hæc ponitur, ibi: Item alio modo probat Filium æqualem Patri. Tertia ratio est ostensua sumpta per simile in generatione creata, & ponitur, ibi: Hoc autem per similitudinem humanam.

Diuisio.

Joan. 16. b

Omnia quæ habet Pater, mea sunt, &c.
Dub. I.

Ex littera formatur prima ratio, quod aliqua personarum non excellit aliam, potentia: & tali modo. Omnia quæ habet pater, filius habet: ergo quantam potentiam habet pater, habet filius. Istud argumentum non videtur valere, quia mutatur quid in quantum: nam, omnia, distribuit pro substantia, quantum, autem dicit quantitatem.

R e s p. Dicendum quod quamvis talis modus arguendi non valeret si differret quantitas & substantia: tamen ubi idem est, omnimodam habet necessitatem: & quia hoc in diuinis, ideo argumentum bonum. Posset tamen dici quod prædictum argumentum in qualibet materia est bonum. Habere enim non dicitur aliquis solum substantialia, sed etiā proprietates: ergo sequitur cum, omnia, distribuat pro omnibus habitibus, quod habeat & etiam proprietates: ergo cum nullam potentiam habeat vnus, quam non habeat alter, ergo nihil potest vnus quod non potest alter: ergo si vnus omnipotens, & alter: & ita patet quod hic non est figura dictionis, quia omnia, distribuit hic pro rebus omnium generum.

Non enim potest qui accipit, inæqualis esse ei qui dedit. Dub. II.

Videtur dicere falsum, quia si hoc, cum omnis creatura sit accipiens, nulla esset inæqualis Deo: sed hoc falsum: ergo & primum.

R e s p.

RESP. Dicendum quod Augustinus non loquitur generaliter & de quolibet accipiente, siue de quolibet modo: sed de eo qui accipit omnia, & talis accipiens non potest esse inæqualis.

Non potuit: ubi est ergo omnipotentia Dei Patris?
Dub. III.

Ex littera formatur secunda ratio ad idem tali modo. Si pater non potuit gignere Filium æqualem: ergo pater non est omnipotens. Videtur male arguere, quia similiter posset argui de Filio, & Spiritu sancto, si non potuit Filium æqualem producere: ergo, &c.

RESP. Ad hoc quod non competit generatio nisi hypostasi Patris, sicut alibi tactum est, ideo non valet, nec est simile.

Potuit producere, &c. Dub. IV.

ITEM dubitatur de alia parte rationis, quia illud argumentum non videtur valere: Potuit producere æqualem & non produxit siue genuit: ergo invidus fuit: quia similiter potest argui: potuit istam creaturam facere meliorem & non fecit, ergo invidit. Si tu dicas quod invidia semper considerat parem vel superiorem, sicut dicit Gregorius super illud Iob: Parvulum occidit invidia: obicitur tunc, quia si filium genuisset minorem, non habuisset ibi locum invidia: ergo videtur quod ista solutio non soluit. Item in creaturis non valet: Iste artifex potuit facere istam rem meliorem & non fecit. ergo fuit invidus: quare etiam non tenet in Deo.

RESP. Dicendum quod invidia artificis producentis non attenditur in productione rei inæqualis vel minus bonæ: sed ubi res de sui natura exigit tale esse: tunc enim necessario concluditur quod aut produciens non potuit, aut invidit: si potuit & non produxit, quia non fecit ut debuit: & quoniam filius eo ipso quo filius est, natus est perfecte imitari, si non genuit Filium in perfecta imitatione, concluditur quod aut produciens impotens fuit aut invidit: & ideo patet quod non est simile de creatura & Creatore, arca & artifice.

Homo pater si potuisset, &c. Dub. V.

Ex littera formatur tertia ratio ad idem tali modo. Homo pater si potuisset, æqualem Filium genuisset: ergo & Deus, CONTRA: Illud argumentum non valet: Homo habet alium hominem sibi æqualem vel habere potest: ergo & Deus similiter: quoniam Deus de sua nobilitate, hoc habet quod nullus potest ei æquari: & ita videtur ratio Augustini non valere.

RESP. Dicendum quod si equalitas poneret de necessitate in æqualibus diuersitatem in natura, quod tunc non valeret. Sed supposito quod Deus generet Filium connaturalem sibi, de necessitate sequitur, quod si homo æqualem genuit, quod Deus multo fortius. Quamuis enim imperfectionis sit æquari diuerso in natura, tamen æquari connaturali, perfectionis est: alioquin diuina natura esset in aliquo imperfecte, quod si hoc est impossibile, pater, &c.

Equalitati autem qualis aut quantum sit.
Dub. VI.

CONTRA: Videtur dicere falsum, quia quale dicitur qualitate, & secundum eam attenditur similitudo non æqualitas, quia proprium est qualitatis secundum eam simile vel dissimile dici.

RESP. Dicendum quod de qualitate est loqui dupliciter. Vno modo prout dicitur denominans. Alio modo prout dicitur dispositio nobilitatis: & secundum hanc attenditur maior & minor nobilitas, & ita nobilior res dicitur. Et quia in spiritualibus idem est maius & melius: ideo questio de qualitate spectat ad æqualitatem, non

A ex propria ratione nominis, sed ex consequenti, ut visum est.

ARTICULVS I.

AD intelligentiam eorum quæ dicuntur in presenti distinctione duo principaliter queruntur. Primo queritur, utrum in diuinis sit ponere potentiam adæquationem. Secundo utrum in diuinis sit ponere ordinem. Quantum ad primum queruntur duo. Primo queritur utrum in diuinis sit ponere adæquationem quantum ad extensionem possibilem. Secundo utrum sit ibi æquatio quantum ad intensionem potentie.

QUESTIO I.

An in diuinis adæquatio potentie quo ad possibilem extensionem ponenda sit.

Alex. Alens. 1. p. q. 21. Membr. 3.
S. Thomas 1. p. q. 42. art. 6.
Et 1. Sent. dist. 20. q. 1. art. 2.
Scot. 1. Sentent. dist. 20. q. unica.
Ægid. Rom. 1. Sent. dist. 20. q. 1. c. 3.
Henricus in summa art. 52 per totum.
Richardus 1. Sent. dist. 20. q. 1.
Franciscus de Mayr 1. Sent. dist. 20. q. 2.
Thom. Arg. 1. Sent. dist. 20. q. 1. art. 3.
Marsilius Inguen. 1. Sent. q. 23. art. 2.
Gabriel Biel 1. Sent. dist. 20. q. unica.

QVod sit ibi ponere adæquationem potentie quantum ad possibilem extensionem, ostenditur sic: Quæcumque habent eandem naturam, habent eandem potentiam naturalem: sed quæcumque habent omnino eandem potentiam, quidquid potest vnum, & alterum: sed pater & filius & Spiritus sanctus habent eandem potentiam: ergo, &c.

ITEM quæcumque habet omnino eandem operationem, nihil potest vnum operari sine altero: sed Pater & Filius habent eandem operationem: ergo nihil potest pater sine filio: Quæcumque pater facit: hæc omnia similiter Filius facit.

ITEM nullus potest plura omnipotente: sed verbum Dei est omnipotens, sicut dicitur: Omnipotens sermo tuus Domine. Maior pater, quia qui omne dicit, nihil excipit.

ITEM infinitis non est ponere aliqua esse plura, sed filius potest infinita, quia non potest tot quin plura: ergo pater non potest plura quam Filius, pari ratione nec quæ Spiritus sanctus.

1. CONTRA: Quanto producta sunt magis distantia, tanto potentia produciens est latior, siue amplior: sed potentia Patris se extendit ad creatum & increatum, potentia Filii ad creatum tantum, & magis distat creatum, & increatum quam creatura solum: ergo, &c.

2. ITEM Filius Dei & creatura sunt aliud, & aliud, quia creatura est quid creatum: sed Filius est essentia increata: ergo filius & creatura sunt aliud, & aliud: ergo plura: ergo potentia quæ potest in Filium & creaturam, potentior est quam quæ potest in creaturam tantum, siue potens est in plura: sed potentia patris est talis: ergo, &c.

3. ITEM tantum vel æque magnum vel maius est producere personam æqualem, sicut creaturam, sed pater potest sine Filio producere personam: ergo & producere creaturam: ergo videtur quod potentia in patre se extendat ad plura.

5. ITEM quamuis Spiritus sanctus & Filius non sint aliquid plus, tamen plures sunt quam Filius solus: ergo cum in patre potentia possit in productionem vtriusque, in Filio in alteram tantum, in plura potest potentia in patre quam in filio: ergo extensione possibilem est maior.

* *

CONCLV-

CONCLUSIO.

In diuinis est ponenda potentia essentialis secundum numerum possibilem adæquatio.

RESP. ad arg. Dicendum quod loquendo de potentia essentiali quæ est respectu actus essentialis siue productionis ad nihil se extendit in patre, ad quod pariter non extendat se in filio. Et ideo quia æqualitas personarum consistit quantum ad potentiam essentialem, concedendum est sine calumnia quod Pater & Filius æqualiter sint potentes quantum ad extensionem possibilem.

1. AD illud ergo quod obiicitur in contrarium quod latior est potentia quæ potest in magis distantia, dicendum quod istud verum est de potentia eodem modo dicta, & quantum ad consimilem modum producendi: sed patrem posse producere quid creatum, est potentia essentialis & operis creationis: patrem vero posse producere filium, est potentia ut in persona, & generationis: ideo illa ratio non valet.

2. AD illud quod obiicitur quod creatura & filius sunt plura, dicendum quod verum est quod sunt plura, tamen non plura producta: quamuis enim filius sit aliud quam creatura, tamen non est aliud productum: filius enim est essentia & natura, sed tamen non essentia vel natura producta, quia producere filium non est producere aliquid, sed aliquem: & ideo non sequitur quod producere filium & creaturam sit posse producere plura quam posse producere alterum.

3. AD illud quod obiicitur quod producit personam sine filio, dicendum quod non est simile, quia cum producere creaturam sit producere essentiam, tam productio quam potentia est essentialis: & quia essentia est indiuidua in patre & filio: ideo & potentia & actio: proinde & illa productio: quia vero producere filium est producere personam, ideo productio illa & potentia dicit quid personale: & quoniam pater & filius non conueniunt in persona, sed in essentia: pater, &c.

4. AD illud quod obiicitur quod Filius & Spiritus sanctus sunt plures, &c. dicendum quod verum est quod potest etiam in plures: sed quantum ad hoc non attenditur æqualitas, vel inæqualitas, ut visum est.

QVÆSTIO II.

An in diuinis æqualitas quo ad potentia intensiorem ponenda sit.

Ægid. Rem. 1. Sent. dist. 20. q. 2.

Richardus 1. Sentent. dist. 20. q. 2.

Thomas Argent. 1. Sentent. dist. 20. q. 1. art. 1.

Gab. Biel 1. Sent. dist. 20. q. unica. dub. 3.

Fundamenta.

UTrum in diuinis sit æqualitas quantum ad intensiorem potentia. Et quod sic, ostenditur hoc modo. Nihil est potentius sua virtute: sed Christus est Dei virtus: ergo pater non est potentior filio: similiter pari ratione, nec Filius Spiritui sancto.

ITEM substantia æque nobili æque nobilis & excellens est potentia: sed substantia æque nobilis est in filio, ut in patre: ergo & potentia: æque nobilis: ergo nihil potentius potest Pater quam filius.

ITEM ea potentia qua quis potest supra infinitam & summam distantiam nihil est potentius: sed potentia verbi potest super infinitam & summam distantiam, quæ est inter ens & non ens, quia per ipsum omnia facta sunt: ergo, &c.

ITEM ea potentia cui nil potest resistere, nec aliquid potest eam retardare, nihil est potentius: sed potentiam Filii nihil potest retardare, nec aliquid potest ei resistere, quia subito facit & libere: pater, quia dixit & facta sunt: ergo, &c.

Ad oppositum.

1. CONTRA: Potentior est potentia in eo qui solum potest agere, quam in eo qui agere & pati: sed in pa-

tre est solum agere, in filio agere & pati: ergo, & ceter.

2. ITEM potentius aliquid potest quod est primum principium, quam quod non est primum, quia omnis causa primaria prius influit quam secunda: sed Pater est primum principium: ergo vnum & idem potestius potest Pater, quam Filius.

3. ITEM potentius potest qui habet potentiam à se, quam qui ab alio. Qui enim aliquid à se habet, multo melius habet quam si ab alio recipiat: ergo cum filius habeat posse à patre, pater autem per se & à se: ergo, &c.

4. ITEM plus potest aliquis, qui potest & per se & per alium, quam qui tantum per se: sed pater potest operari per Filium, Spiritus sanctus non potest per Filium, nec etiam ipse Filius proprie loquendo: ergo, &c.

CONCLUSIO.

Persona diuina sunt æquales quantum ad intensiorem potentia, cum in omnibus sit æque nobilis atque summa.

RESP. ad arg. Dicendum quod potentia in Patre & Filio est æque intensa. Quia in utroque summa est, & æque nobilis: quia in utroque vna per naturam non degenerans: similiter & in Spiritu sancto est. Et hoc loquendo de Filio secundum diuinam naturam, secundum quæ æqualis est patri.

1. AD illud ergo quod obiicitur quod Filius potest pati, dicendum quod istud non est secundum potentiam diuinam: sed secundum infirmitatem humanam, & secundum illam inferior est patre & minus potens: secundum autem diuinam non potest pati sicut nec pater.

2. AD illud quod secundo obiicitur quod primum principium magis potest, dicendum quod primum principium aut solum dicit ordinem, aut substantialem differentiam. Si solum ordinem, cum vnum & idem sit utrobique, non est potentius hic quam ibi. Si autem differentiam substantialem cum ordine, sic verum est quod potentius est primum quam secundum, quia secundum addit aliquid supra primum: quod dum facit magis compositum, magis reddit limitatum, & ita minus potens.

3. AD illud quod obiicitur tertio, iam solutum est: quia habere ab alio, hoc est aut differente substantialiter, aut personaliter. Si substantialiter, sic verum est, quia cum habeat ab alio per essentiam, non habet essentialiter sed participatione: sed quando habet ab alio personaliter, eodem tamen essentialiter, tunc habet æque nobiliter, quia totaliter & essentialiter. Vnde dicitur sicut pater habet vitam in semetipso, sic dedit & Filio, &c.

4. AD illud quod obiicitur quarto quod pater potest per se & per alium, dicendum quod posse per alium est dupliciter: aut per aliquam causam inferiorem simul agentem: aut per aliam personam. Primo modo potentius est posse per se & per alium, quam per se tantum: quia posse per alium dicit dominium, & ita potestatem: sed posse per alium, per personam consubstantialem non dicit dominium, sed tantum auctoritatem. Auctoritas autem non dicit maioritatem: sed solum dicit originem, sicut posse ab alio & non ab alio, non dicit minoritatem in potentia: sed solum subauctoritatem & originem: & sic intelligendum est in proposito de posse per alium, & non posse per alium.

ARTICVLVS II.

CONsequenter est quæstio secundo loco de secundo articulo, utrum in diuinis sit ordo. Et circa hoc quaruntur duo. Primo queritur, utrum in diuinis sit ordo ponendus. Secundo utrum in diuinis sit ordo naturæ.

§: §:



QVÆSTIO

QVÆSTIO I.

An inter diuinas personas ordo sit ponendus.

*Alexand. Alensius 1. p. q. 46. Membr. 1.
Egid. Rom. 1. Sent. dist. 20. q. 4.
Richard. 1. Sent. dist. 20. q. 3.*

Funda-
menta.
Lib. 3. c. 14.
post. med.
tom. 6.

Quod in diuinis sit ordo, ostenditur primo per Augustinum ad Maximinum ubi dicit: Cum dicitur filius à patre, non significatur inæqualitas substantiæ, sed ordo naturæ.

I T E M hoc videtur auctoritate Ecclesiæ, quia Ecclesia nominationem Trinitatis exprimit ordinate. Dicitur enim in nomine Patris, & Filii, & Spiritus sancti, & hic ordo nunquam mutatur: ergo, &c.

Lib. de cō-
sol. phil.
prosa 2.

I T E M ordo dicit rationem completi esse & boni: esse enim, ut dicit Boetius, est quod ordinem retinet, seruatque naturam, similiter & bonum: sed in diuinis est perfectissime ratio boni & esse: ergo ibi est ratio ordinis.

I T E M ubicumque sunt plures inter quos non est ordo, sunt inordinati: sed in diuinis personis est pluralitas, ergo si non est ibi ordo, est inordinatio & confusio: sed inordinatio & confusio repugnat diuinis, ergo est ibi ordo.

Ad oppo-
situm.

1. CONTRA: per Eusebium: In diuinis est numerus, sed non ordo.

Lib. de Ciu.
Dei 19. ca.
13. 10. 5.

2. I T E M hoc ipsum videtur ex ratione ordinis. Aug. de Ciu. Dei dicit: Ordo est partium disparium, sua vnicuique tribuens loca, dispositio: sed in diuinis non est distinctio locorum: ergo, &c.

3. I T E M ordo contrariatur simultati: ergo ubi est ordo, non est omnimoda simultas: sed ubi non est omnimoda simultas, non est perfecta æqualitas: ergo cum in diuinis sit omnimoda & perfecta æqualitas, nullus est ibi ordo.

4. I T E M si ordo est in diuinis, aut est quid essentialle, aut notionale. Non essentialle, quia ubi ordo ibi distinctio: in diuinis autem non est distinctio secundum essentialiam: ergo, &c. Nec quod notionale, quoniam idem est notio & proprietas: sed ordo nullius personæ est proprietas, ergo, &c.

5. I T E M ubi est ordo, ibi est dependentia & inclinatio, nihil enim ordinatur ad aliquid, nisi ad illud habeat inclinationem: in diuinis autem nulla est dependentia: ergo ibi nullus omnino ordo.

6. I T E M ordo præsupponit numerum: sed in diuinis non cadit differentia secundum numerum, ut ostendunt est supra: ergo nec ordo.

C O N C L U S I O.

Cum inter personas diuinas sit ratio producentis, & producti, inter eas ordo originis est ponendus.

Resp. ad
duo argu-
menta.

R E S P. ad Arg. Dicendum quod triplex est ordo, scilicet secundum positionem, secundum antecessorem, & secundum originem. Ordo secundum positionem, dicitur aliquorum, quorum vnum est superius, aliud inferius. Et hoc potest esse dupliciter: vel in loco, vel in dignitate: & hic ordo non cadit in diuinis, sicut ostendit prima ratio sumpta ab Eusebio, & secunda sumpta ab Augustino, sicut patet.

3. Ordo vero secundum antecessorem dicitur esse eorum quorum vnum prius est, alterum vero posterius, & hoc dicitur dupliciter: aut quia antecedit duratione siue tempore: aut prius naturali intelligentia siue cognitione: & hic ordo non est in diuinis, sicut probat ratio tertia, quia hic ordo tollit æqualitatem, & simultatem, quorum utrumque perfecte est in diuinis. Ordo autem secundum originem siue secundum emanationem, est producentis ad productum: Et iste ordo est in diuinis, quia ibi est ordo principii, & principii, siue producentis, &

A producti: & hunc ordinem esse in diuinis probant rationes primæ.

4. Ad illud quod obiicitur quarto quod ordo non est quid notionale, nec essentialle, dicendum quod est notionale: sed notionem cōtingit dupliciter significare, aut sub propria ratione, ut cum dicitur generatio: aut sub cōmuni ratione, communitate inquam rationis, ut cum dicitur ordo, notio, proprietas, sicut indiuiduum est communis intentio, & sub hac communitate non distinguit, tamen in suis inferioribus distinctionem supponit.

5. Ad illud quod obiicitur: Vbi est ordo ibi dependentia, dicendum quod ordo importat habitudinem, & quia habitudo in creaturis ratione imperfectionis dicit dependentiam, ideo in creaturis importat dependentiam: in diuinis autem solum ponit comparisonem & connectionem, & nullam dependentiam & inclinationem.

6. Ad illud quod ultimo obiicitur quod ordo præsupponit numerum, dicendum quod sicut in diuinis numerus distrahit à ratione numeri, quia ibi est distinctio hypostasum tantum, ita ordo à ratione ordinis simpliciter, quia quamuis sit ibi ordo non tamen est ibi antecessio, sed solum originis emanatio. Vel aliter dicendum quod non semper præsupponit distinctionem secundum numerum, nisi intelligatur de ordine locali, siue secundum positionem. Nam ordo secundum naturam & secundum naturalem intelligentiam, attenditur inter superius, & inferius, inter quæ non cadit numerus. Et ita patet illud.

QVÆSTIO II.

An in diuinis sit ordo natura.

*Alex. Alensius 1. p. q. 46. Membr. 2.
S. Thom. 1. p. q. 42. art. 3.
Et 1. Sent. dist. 20. q. 1. art. 1.
Et de potentia q. 10. art. 3.
Richardus 1. Sentent. dist. 20. q. 4.*

Vtrum in diuinis sit ordo naturæ. Et quod sic, videtur per Augustinum, qui dicit in littera, quod cum dicitur filius à patre, non dicitur inæqualitas substantiæ, sed ordo naturæ.

I T E M ubi est naturalis origo, ibi est naturalis ordo: sed in diuinis est naturalis origo: ergo & naturalis ordo: ergo est ibi ordo naturæ.

I T E M ubi est causa & effectus, ibi est prius & posterius, sed ubicumque hoc, ibi est ordo naturæ: ergo cum in diuinis contingat reperire causam & effectum, sicut dicit Chrysostomus, super principium ad Hebræos: & Damasc. lib. 1. Pater est causa Filii, patet, &c.

1. CONTRA: Cuiuscumque est ordo, ipsum ordinatur: ergo si in diuinis est ordo naturæ, natura ordinatur: sed quod ordinatur, distinguitur, & numeratur. Si hoc: ergo in diuinis natura distinguitur & numeratur: sed hoc falsum: ergo, &c.

2. I T E M in diuinis idem est natura & essentia, quia natura nomen est essentialle: sed in diuinis nullo modo ponitur ordo essentialle: ergo nec naturæ.

3. I T E M ubi est ordo naturæ ibi est prius & posterius secundum naturam: ergo si in diuinis est ordo naturæ, ibi est prius & posterius: sed hoc nullo modo recipitur: ergo nec ordo naturæ. Quod autem in diuinis non sit prius & posterius, ostenditur sic. Relatiua sunt simul natura: ergo pater, & filius secundum quod pater & filius, simul sunt natura: & quia relationes in diuinis non sunt aduenientes, nec tantum sunt ratio referendi, sed etiam existendi: ergo pater & filius secundum suas hypostasies, simul sunt natura: ergo non est ibi ordo naturæ.

4. I T E M in cautis creatis videmus gradus, quia substantia creata quanto citius potest, velocius operatur. Vnde quædam operantur in tempore, quædam repente, quædam subito. Et illa causa quæ operatur subito, aliquando non præcedit tempore, sed natura. Si ergo Deus producit filium secundum omnem nobilitatem, & virtutem suæ potentie: & virtus suæ potentie infinita ma-

Funda-
menta.
Lib. 3. cō-
tra Max. c.
14. 10. 6.
Super Gen.
ad l. c. 34.
Et 35. Et ca.
orat. de
quinque
Hæresibus
a med. 10. c.
Cap. 8.

Ad oppo-
situm.

Arist. 4.
metaph.
context. 43.

In post pra-
dicam. cap.
de Priori.
Arist. in
prædic. 6.
Relat.

ior est quam finitæ : non ergo tantum simul duratione : sed etiam simul natura producit : ergo non est ibi ordo naturæ.

5. Item videmus in cognoscibilibus quod quædam habent sui cognitionem inuestigando, & posterius tempore, & loquor de actuali, nō de habituali, ut anima humana, & quædam simul duratione ut Angelus : ergo si Dei cognitio & dictio siue locutio non est accidens, sed multo nobilius & virtuosius quam omnis creatura, habet verbum intelligentiæ, non tantum simul duratione, sed etiam natura: ergo, &c.

CONCLUSIO.

Divina persona habent ordinem naturæ, non quod altera sit posterior altera, sed quod altera ex altera : vel ordinem naturæ, id est, naturalis originis.

*Arist. lib. 1.
mag. Mor.
cap. 10.*

R^{esp.} ad arg. Dicendum quod ordo dicitur esse alicuius dupliciter. Aut sicut ordinati, aut sicut rationis ordinandi. Ordo in diuinis sicut ordinati dicitur personæ Patris & Filii & Spiritus sancti: sicut rationis ordinandi, dicitur naturæ. Natura enim dicit vim productiuam secundum quod dicit Philosophus, quod est vis insita rebus ex similibus similia procreans. In diuinis autem est ordo secundum productionem, ideo dicitur ibi ordo naturæ, id est naturalis originis. Vnde genitiuus ille, non construitur subiectiue sicut cum dicitur albedo parietis, sed ex vi declarationis essentiæ, ut cum dicitur albedo claritatis. Et ideo resoluitur in duos ut sit sensus, ordo naturæ, id est naturalis originis.

1. 2. Ex hoc patet primum quod obiicitur quia obiicit, ac si diceretur ordo esse naturæ ut rei ordinatæ. Patet etiam secundum quod essentia dicitur in absolutione omnimoda, non ut alterius principium: natura vero dicit ut alterius principium: ideo dicitur comparatione ad productionem siue emanationem naturalem. Vnde ulterius attendendum, quod ordo secundum naturalem originem in his inferioribus duo dicit, scilicet emanationem, & antecessionem: & ratio huius est, quia emanatio in his inferioribus ponit diuersitatem substantialem. Vnde omne quod emanat in his inferioribus est effectus: & quod producit, est causa: & ideo dicitur causa ad cuius esse sequitur aliud: & quia aliud in natura, ideo posterius in natura. In diuinis autem est emanatio ad quam non consequitur essentiæ diuersitas, vel natura, ideo nec prius nec posterius natura, sed simul natura, & ideo in diuinis non accipitur ratio causæ, vel effectus secundum Latinos: sed nomen principii, quamuis græci extenso nomine vtantur nomine causæ pro nomine principii: & ideo in diuinis est ordo naturæ, non quo alter sit posterior altero, sed quo alter ex altero. Et hoc est quod dicit Augustinus in littera.

3. Ex hoc patet quod tertio obiicitur: quamuis enim in creaturis ordo posterioritatem ponat, non tamen in Deo. Et quamuis non sit ibi posterioritas, nō sequitur quin bene sit ibi ordo. Ex his patent obiecta ad utramque partem. Concedendum est ergo quod aliquo modo reperitur in diuinis ordo naturæ, sicut ostendunt primæ rationes. Tertia tamen ratio deficit, quia nomen causæ non reperitur in diuinis secundum Latinos proprie. Quod obiicitur ad oppositum patet, quia ordo non est naturæ, ut rei ordinatæ.

4. PATER etiam quod obiicitur de diuina essentia, quia est nomen absolutum, nec importat rationem originis.

5. Vltimum patet, quia non est ibi ordo naturæ, quo alter prior altero, sed quo alter ex altero.



DISTINCT. XXI.

QVÆRITVR QVO MO-
DO POSSIT DICI, SOLVS
PATER, VEL SOLVS FILIVS, VEL
SOLVS SPIRITVS SANCTVS,
CVM SINT INSEPA-
rabiles.

IC oritur quæstio trahens originem ex prædictis. Dictum est enim supra quod tantus est solus Pater, vel solus Filius, vel solus Spiritus sanctus, quantum simul illa tres: & quod dux vel tres persona simul, non sunt maius aliquid, quam una persona sola. Ideo querit Aug. in 6. lib. de Trin. Quo modo hæc sane dici possint, cum nec Pater sit solus, nec Filius, nec Spiritus sanctus, sed semper & inseparabiliter & Filius cum Patre, & Pater cum Filio, & Spiritus sanctus cum utroque: inseparabiles enim sunt hæc tres persona. Ad quod ita respondet August. in eodem: Solum Patrem dicimus Patrem, non quia separatur à Filio, vel à Spiritu sancto, sed hoc dicentes significamus, quia illi simul cum eo non sunt Pater. Solus enim Pater, Pater est. Quid non dicitur quia ipse sit solus, id est, sine Filio, vel Spiritu sancto, sed per hoc Filius vel Spiritus sanctus à paternitatis consortio excluduntur. Ita & cum dicitur: Solus Filius Filius est, vel solus Spiritus sanctus est Spiritus sanctus, non dicitur Filius à Patre, vel Spiritus sanctus ab utroque, sed à consortio filialis proprietatis excluduntur Pater, & Spiritus sanctus: & à consortio processibilis proprietatis Pater & Filius. Cum ergo dicitur. Tantus est solus Pater, quantum simul illa tres: per hoc quod dicitur: Solus, non separatur Pater ab alijs, sed hic est sensus: Solus Pater, id est Pater, qui ita Pater est, quod nec Filius, nec Spiritus sanctus, tantus est, &c. Similiter intellige, cum dicitur: Solus est Filius, vel solus est Spiritus sanctus. Solus ergo Pater dicitur, ut ait August. in eodem, quia non nisi ipse ibi Pater est: & solus Filius, quia non nisi ipse ibi Filius est, & solus Spiritus sanctus, quia non nisi ipse ibi Spiritus sanctus est.

Vtrum possit dici, solus Pater est Deus, solus Filius est Deus, vel solus Spiritus sanctus est Deus, vel Pater est solus Deus, vel Spiritus sanctus est solus Deus.

Post hæc queritur, utrum sicut dicitur, Solus Pater est pater, vel solus Filius est filius, ita possit dici, solus Pater est Deus, vel solus Filius est Deus, ita & de Spiritu sancto. Aut, pater est solus Deus, filius est solus Deus. Ad quod dicimus, quia Pater & Filius & Spiritus sanctus dicitur, & est unus Deus: Et hæc Trinitas simul proprie dicitur esse solus Deus, sicut solus sapiens, solus potens. Sed non videtur debere dici a nobis verbis nostris utentibus, nisi ubi sermo auctoritatibus occurrit, Solus pater est Deus, vel pater est solus Deus, ita de Filio & Spiritu sancto dicimus. Vnde August. in sexto lib. de Trin. ait: Quoniam ostendimus quo modo posset dici solus pater, vel solus Filius, consideranda est illa sententia qua dicitur, Deum verum solum non esse Patrem solum, sed Patrem & Filium & Spiritum sanctum. Ecce habes, quia non solus pater dicendus est esse verus Deus. Item in eodem: Si quis interrogat utrum pater solus sit Deus, quo modo respon-

debimus

Dist. 19.

Dist. 20.

Cap. 7. in 1.
tom. 3.

Ibi Aug.
non facit
mentionem
de Spiritu
sancto.

Lib. 6. c. 9.
in princ.
tom. 3.

Sensus ho-
rum habet-
ur cap. 7.
2. sed præ-
cipue in ca.
9. tom. 3.

Ibid. cap. 9.
in princ.
tom. 3.

Ibid. im-
mediatè
post.

debimus non esse, nisi forte dicamus ita, *Esse quidem patrem Deum, sed non esse solum Deum? Esse autem solum Deum dicamus Patrem & Filium & Spiritum sanctum.* Ecce & hic habes, quia pater non debet dici solus Deus: Atque hic solum in parte subiecti tantum accipere quidam volunt, in parte vero predicati sic concedunt, quod pater est solus Deus. Sed ex verbis Augusti videtur ostendi quod proprie solus Deus dici debeat tota Trinitas. Hæc Trinitas, ut ait Augusti, contra Maximinum, intelligitur, cum Apostolus dicit: *Beatus & solus potens.* Et ibi: *Soli sapienti Deo.* Et ibi: *Inuisibili soli Deo.* Non enim de solo patre hæc accipienda sunt, ut contendebat Maximinus, & alij heretici, sed de Trinitate. Sicut & illud: *Solus habet immortalitatem, quia secundum rectam fidem, ipsa Trinitas est unus solus Deus, beatus, potens, sapiens, inuisibilis.* Vnde Aug. in eodem: *Cum unus Deus sit Trinitas, hæc sit nobis solutio questionis, ut intelligamus solum Deum sapientem: solum potentem Patrem & Filium & Spiritum sanctum qui est unus & solus Deus.*

Quo modo dicitur Trinitas solus Deus, cum ipsa sit cum Spiritibus & animabus sanctis.

Sed iterum queritur, quo modo ipsam Trinitatem dicimus solum Deum, cum sit cum Spiritibus & animabus sanctis. Ad quod respondet Augusti. in lib. de Trin. dicens: *Trinitatem dicimus Deum solum, quamuis semper sit cum Spiritibus & animabus sanctis, sed solum dicimus, quia non aliud quam ipsa Trinitas Deus est. Non enim illi cum illa Deus sunt, vel aliqua alia, sed ipsa Trinitas tantum, non illi, vel alia Deus est.*

Et si de Patre solo prædicta dicerentur, non tamen excluderentur Filius & Spiritus sanctus.

Veruntamen, ut ait Augusti. & si de solo Patre prædicta dicerentur, non tamen excluderetur Filius, vel Spiritus sanctus, quia hi tres unum sunt: sicut in Apocalypsi de Filio legitur quod habet nomen scriptum quod nemo scit nisi ipse. Non enim inde separatur Pater, vel Spiritus sanctus. Et cum dicitur: *Nemo novit Patrem nisi Filius:* non inde separatur Pater, vel Spiritus sanctus, quia inseparabiles sunt. Aliquando etiam nominantur Pater, & Filius, & tacetur Spiritus sanctus: ut Veritas ad Patrem loquens ait: *Ut cognoscant te, & quem misisti Iesum Christum esse unum verum Deum.* Cur ergo (inquit Augusti.) tacuit de Spiritu sancto? Quia consequens est, ut ubicumque nominatur unus, sicut Pater & Filius, tantæ pace uni adherens intelligatur etiam ipsa pax, quamuis non commemoretur. Vno ergo istorum nominato, etiam reliqui intelliguntur, quod in pluribus scriptura locis occurrit, ut ibi exemplificat Augustinus.

DISTINCT. XXI.

Qualiter dictiones exclusivæ accipiantur in divinis.

Hic oritur questio trahens originem ex prædictis.

Expositio textus.

SVpra probavit Magister æqualitatem personarum, hic quia in probatione dubias rationes dixerat propter dictiones exclusivas, mouet illas dubitationes, & soluit. Et habet hæc pars tres partes, secundum tria dubia, quæ proponit. Primo enim querit de hac ratione: *Tantus est solus Pater, quantus Pater & Filius.* Secundo proponit hanc, siue querit de hac: *Solus Pater est Deus, & hoc facit ibi: Post hoc queritur, utrum sicut dicitur solus Pater,*

A &c. Tertio queritur de hac: *Trinitas est solus Deus: & hoc facit, ibi: Sed iterum queritur quo modo ipsam Trinitatem.* Et in qualibet istarum partium primo mouetur dubitatio, secundo soluitur.

Hæc Trinitas simul proprie dicitur esse solus Deus.

Dub. I.

CONTRA: Videtur per hoc velle negare istam: *Pater est solus Deus: sed videtur hæc esse vera per expositionem, quia pater est Deus, & non alius à Deo, vel aliud: ergo: &c.* I T E M prædicatum quod dicitur de tota Trinitate, non potest esse nisi prædicatum essentiale, quia aliter nõ diceretur de tota Trinitate: & essentiale prædicatum dicitur de qualibet persona sigillatim: ergo pater est solus Deus.

B R E S P. Dicendum quod quando *Solus* per se additur ad prædicatum, ita quod non intelligitur à parte subiecti, improprius est sermo, siue dicatur de Trinitate tota, siue de Patre. Nec vult dicere Augustinus quod solus Deus prædicetur de tota Trinitate, ita quod non de patre. Sed in illis locutionibus: soli Deo honor & gloria, & consimilibus, *solus Deus* non accipitur pro vnica persona, excludendo alias personas: sed pro tota Trinitate, excludendo alias naturas, & Magister ita accipit, ac si Augusti. vellent dicere, non quod hoc, scilicet *solus Deus*, prædicaretur de Trinitate, & non de patre: sed ipse vult quod supponat pro ipsa Trinitate. Pro Patre vero si supponat, non tamen præcise supponit pro solo patre: & ideo Augustinus concedit quod sola Trinitas est solus vnus Deus, non tamen solus Pater. Vnde & Magister non dicit quod Pater non sit solus Deus, sed quod non proprie dicitur: & illud manifestum est, si inspicatur qualiter *Solus* debet addi ad prædicatum.

Quo modo ipsam Trinitatem dicimus solum Deum, cum sit cum Spiritibus, & animabus sanctis.

Dub. II.

Queritur cum inseparabilis sit à rebus aliis, & intimus omnibus, propter quid magis dicitur esse cum sanctis, quam cum aliis.

R E S P. Dicendum quod quamuis Deus sit cum omnibus, & in omnibus, tamen specialiter dicitur esse cum sanctis, propter effectum gratiæ inhabitantis, per quam ipsi conformantur, & chari, & similes ei fiunt. Vnde: *De licia meæ esse cum filiis hominum, dicit sapientia Dei.* Vnde, *Dominus vobiscum, dicitur hominibus, non bestiis.*

Nemo novit Patrem nisi Filius. Dub. III.

CONTRA: Cum, *Nemo*, componatur ex non, & homo, ergo, *Nemo*, idem est quod nullus homo: sed dictio exceptiva non excipit nisi contentum sub termino. Vnde nihil est dictum: *Nullus homo currit nisi asinus.* Cum ergo pater nõ contineatur in suppositione huius nominis, *homo*, pater, &c. Si tu dicas quod ampliatur ex vsu distributionis importata per istum terminum, *nemo*, ultra quam ad homines: tunc ego quero pro quo stat, aut pro creato, aut pro increato. Si pro creato, nulla est exceptio, quia simpliciter vera: & præterea pater non est ibi contentum. Si pro increato, simpliciter & totaliter est falsa: ergo per exceptionem non potest verificari. Si tu dicas quod pro utroque, quo modo potest hoc esse, cum nihil habeant commune? Et si habent commune, aut hoc quod hoc est, *nemo*, distribuit pro essentiis, aut pro personis. Si pro essentiis, ergo non debet excipi Pater. Si pro personis, ergo debet excipi Spiritus sanctus, sicut & Pater, alioquin locutio est falsa.

R E S P. Dicendum quod, *Nemo*, distribuit communiter pro communi cognoscente, siue habente vim cognitiuam: & distribuit, non pro supposito tantum, siue pro persona, sed pro natura. Vnde Pater non excipitur, quia persona, sed quia eiusdem naturæ cum Filio: & ideo implicatur in illa exceptione Filius & Spiritus sanctus: & ideo locutio habet veritatem. Vel dic q. *Nemo*, distribuit pro omnibus, & tenetur ly, *Nisi*, nõ exceptiue, sed aduersatiue, sicut dicitur: *Ad nihil vile est, nisi ad subuersionem audierium.*

ARTICVLVS I.

AD intelligentiam huius partis est hic quaestio de di-
ctionibus exclusiuis. Et circa hoc principaliter
quaerenda sunt duo. Primo quaeritur: Vtrum dictio ex-
clusiua in diuinis vere addatur termino substantiali. Se-
cundo vtrum vere addatur termino relatiuo. Et quan-
tum ad primum quaeruntur duo. Primo: Vtrum dictio
exclusiua vere addatur termino substantiali à parte sub-
iecti. Secundo, si vere addatur à parte praedicati.

QVÆSTIO I.

An vere dicatur: Solus Deus est Pater.

Alex. Alenf. 1. p. q. 65. Membro 3. art. 1.
S. Thom. 1. Sent. dist. 21. q. 1. art. 3.
Scot. 1. Sentent. dist. 21. q. unica.
Ægid. Rom. 1. Sent. dist. 21. q. 3.
Richard. 1. Sent. dist. 21. q. 3.
Durandus 1. Sent. dist. 21. q. 1.
Franciscus de Mayr dist. 21. q. 1.
Thom. Arg. 1. Sent. dist. 21. q. 1. art. 3.
Marsilius Inguen. 1. Sentent. q. 24. art. 1.
Steph. Brulef. 1. Sent. dist. 21. q. 1.
Petrus de Tarantaf. 1. Sent. dist. 21. q. 1.
Gabriel Biel 1. Sent. dist. 21. q. 1.

Funda-
menta.

QUOD vere ly, *solus*, addatur huic termino, *Deus*, à
parte subiecti, ostenditur hoc modo: Deus habet
aliquid proprium, sed proprium est quod inest soli, ergo,
&c. Et quia constat quod exclusio vere additur termino
substantiali respectu praedicati essentialis, vnde bene di-
citur: Solus Deus creat. Quaeritur, vtrum vere addatur
ei respectu praedicati proprii, sicut termini relatiui: vtrum
scilicet vere dicatur: Solus Deus est Pater. Et quod sic,
videtur per suam expositionem quæ est: Solus Deus est
Pater, id est, non alius quam Deus est Pater: ergo solus
Deus est Pater. Et quod sit ista eius expositio, hoc habet-
ur à communi vsu, & à Philosopho, qui dicit quod solus
idem est quod non cum alio.

Arist. 1. E-
lenec. c. 4.

ITEM hoc videtur à conuertibili, quoniam istæ duæ
conuertuntur. Nihil præter Petrum currit, ergo solus Pe-
trus currit: ergo & istæ duæ, nihil præter Deum est Pater,
ergo solus Deus Pater. Sed prima est vera, quia hæc est
falsa: Nihil est Pater, & non habet instantiam nisi in
Deo, ergo, &c.

ITEM à quocumque remouetur hoc quod est in plus,
remouetur quod est in minus: sed esse in Deum, est in plus
quam esse Patrem: ergo à quocumque remouetur Deus,
& Pater. Sed quæcunque sic se habent quod à quocun-
que remouetur vnum, & alterum: vnum præcise prædi-
catur de altero, nec habet instantiam: ergo Pater præci-
se prædicatur de Deo: sed si præcise, ergo cum exclusione,
ergo, &c.

Ad oppo-
sitionem.
Lib. 4. de
Trin. non
multo ante
medium.

1. CONTRA: Terminus accidentaliter implicat rem
suam circa suum subiectum, vt patet cum dicitur: Homo
albus currit, circa hunc terminum *homo*, implicatur al-
bedo: ergo similiter cum dicitur solus Deus est Pater, cir-
ca Deum implicatur *Solitudo*. Sed Hilarius dicit quod
Deus non est solitarius confitendus, ergo &c. Et ratio ista
concludit quod non possit vere addi nec cum praedicato
proprio, nec communi.

2. ITEM ostenditur quod non possit vere addi respec-
tu praedicati communis, vt cum dicitur: Solus Deus
creat, hoc enim nomen *Deus*, de se habet suppositionem
quasi indefinitam respectu personarum: ergo reddit lo-
cutionem veram pro aliquo: sed pro quolibet est falsa.
Hæc est enim falsa: Solus Pater creat: ergo cum omne præ-
dicatum essentialiter conueniat tribus, & non solum vni,
nullo potest modo addi dictio exclusiua respectu talis
praedicati subiecto communi.

3. ITEM quod non respectu proprii, videtur. Quia
si hæc est vera: Solus Deus est Pater: ergo à simplici
conuersa, & hæc: Solus Pater est Deus: sed ista est falsa:

A ergo, &c. Si dicas quod non conuertitur simpliciter,
CONTRA: Habet intellectum vniuersalis negatiuæ, &
particularis affirmatiuæ, & vtrique conuertitur simpli-
citer, & cet.

CONCLUSIO.

Hæc dictio, *Solus*, categorematice, id est, prout dicit solitu-
dinem in diuinis non dicitur: syncategorematicè
vero, ita vt vel personali, vel substan-
tiali iungatur praedicato, vtri-
que dici potest.

RESP. ad arg. Dicendū quod hæc dictio, *Solus*, potest
esse categorema, vel syncategorema. Secundum quod est
categorema, sic est nomen adiectiuum absolutum po-
nens rem suam circa suum substantiuum, & res sua est
solitudo. Vnde tantum valet hic, *Solus*, quantum soli-
tarius. Et quia solitudo nullo modo recipitur in diuinis
quantum ad substantiam, quia est in multis personis,
hoc nomen *Solus*, non recipitur in diuinis substantiali-
bus, sicut ostendit prima ratio. Si autem accipiat in-
quantum est syncategorema, sic priuat associationem, &
importat aliquam negationem. Et sic, cum aliquod præ-
dicatum & substantiale & personale præcise dicatur de
nomine substantiali: sic vere dicitur in diuinis & respec-
tu praedicati substantialis, vt cum dicitur: Solus Deus
creat. Et respectu personalis, vt cum dicitur: Solus Deus
est Pater.

Arist. 1.
Elenec. c. 4.

1. AD illud ergo quod obiicitur de albo quod ponit
rem suam circa substantiuum, dicendum quod non est
simile secundum quod hoc nomen *Solus*, tenetur synca-
tegorematice, quia *albus*, est dispositio subiecti absoluta,
vnde absolute ponit rem suam circa terminum: sed *Solus*,
ratione negationis non absolute, & ideo non ponit soli-
tudinem, sed præcisionem.

2. AD illud quod obiicitur secundo quod terminus
substantialis debet reddere locutionem veram pro ali-
qua persona, dicendum quod terminus, cui additur ex-
clusio, respectum habet ad praedicatum, & respectum
habet ad exclusionem: & licet respectu praedicati possit
habere suppositionem personalem, vt cum dicatur: Solus
homo currit, tamen regula est apud sophistas quod per
comparationem ad dictionem exclusiuam talis terminus
habet suppositionem simplicem, vnde nullo modo licet
descendere. Et hoc est quod dicitur in libro de regulis fi-
dei quod dictio exclusiua facit exclusionem quantum ad
genus rei, non quantum ad rem generis: quia ratione
formæ communis, quæ est genus rei, non ratione suppo-
siti, quæ est res generis.

3. AD illud quod obiicitur ultimo quod conuersa est
falsa, dicendum quod illa non est sua conuersa: quia ista
Solus Deus est Pater, habet intellectum affirmatiuæ, sci-
licet Deus est Pater, & hæc conuertitur simpliciter: habet
etiam intellectum negatiuæ huius: Nullus alius à Deo
est Pater. & hæc similiter conuertitur simpliciter: sed hæc
non est sua conuersa: Nullus alius à Patre est Deus, sed
hæc: Nihil quod est Pater, est aliud à Deo: idem enim
quod subiiciebatur in prima, debet prædicari in secunda,
& sic patet illud.

QVÆSTIO II.

An dictio exclusiua vere addi possit termino substan-
tiali à parte praedicati.

Alex. Alenf. 1. p. q. 65. Membro 3. art. 3.
S. Tho. 1. p. q. 31. art. 3.
Et 1. Sent. dist. 21. q. 1. art. 1.
Ægid. Rom. 1. Sent. dist. 21. q. 1.
Richard. 1. Sentent. dist. 21. q. 2.
Thom. Argent. 1. Sentent. dist. 21. q. 1. art. 2.
Marsilius Inguen. 1. Sent. q. 24. art. 2. dub. 2.
Petrus de Tarantaf. 1. Sent. dist. 21. q. 2.

Vtrum dictio exclusiua vere possit addi termino
substantiali à parte praedicati. Et quod sic ostendi-

Funda-
menta.

tur hoc

Aug. 7. de
Trin. c. 7. &
9. in princ.
tom. 3.
Lib. 3. c. 9.
1118. 6.

tur hoc modo. Augustinus 7. de Trinitate: Patrem dicimus esse Deum, sed non esse solum Deum: esse autem solum Deum dicimus Patrem, & Filium, & Spiritum sanctum. Si tu dicas quod ly *solum*, intelligitur à parte subiecti, obicitur expressius per hoc quod dicit Augustinus contra Maximinum: Ipsa Trinitas est vnus solus verus Deus: constat quod ly *solum*, non potest esse dispositio ex parte subiecti, quia sic esset sermo incongruus, ergo &c.

ITEM hoc videtur per expositionē. Trinitas est Deus, & non aliud quam Deus: ergo Trinitas est solus Deus: præmissæ sunt veræ, ergo & conclusio.

ITEM ratione videtur per simile: Quando prædicatum non inest alii quam subiecto vere, hæc dictio *solum*, accipitur ex parte subiecti: ergo quando subiectum non subest alii quam prædicato, vere accipitur à parte prædicati, sed istud subiectum, *Trinitas*, non inest alii quam Deo, ergo &c.

Ad oppositum.

1. CONTRA: Hæc dictio *solum*, est dispositio subiecti, sicut hoc signum *omnis*: sed quando *omni* additur ad prædicatum, locutio est falsa, & impropria: ergo similiter quando hæc dictio, *solum*.

2. ITEM hæc dictio *solum*, addita alicui termino, excludit alium. Vnde sensus est: Solus homo, homo & non alius: sed *alius*, respicit suppositum, & terminus subiicitur ratione suppositi, & prædicatur ratione formæ: ergo hæc dictio, *solum*, de sui ratione respicit subiectum: ergo falso, & improprie additur prædicato.

3. ITEM secundum quod additur prædicato, aut tenetur categorematice, aut syncategorematice. Si categorematice, tunc est nomen adiectiuū, & non recipitur in diuinis. Si syncategorematice, sic importat negationem implicitam: sed negatio antecedit quod negat: ergo necesse est quod antecedit compositionem quam negat: sed cum dicitur: Pater est solus Deus, non sequitur compositionem, ergo videtur quod non possit ipsam negare, ergo, &c.

4. ITEM ego quæro quid excludat, quando additur ad prædicatum. Si aliud à prædicato vt sit sensus: Est solus Deus, id est, Deus, & non aliud, tunc est ibi superfluitas, quia forma prædicati excludit aliam formam disparatam quantum est de se Vnde sequitur: Iste est homo, ergo non est aliud ab homine: ergo videtur quod dictio exclusiua faciat superfluitatem, & nugationem, non ergo tenetur exclusiue: & ita videtur quod teneatur adiectiue solum, & quod importet solitudinem circa hūc terminū Deus, & sic istæ sunt falsæ.

CONCLUSIO.

Dictio exclusiua potest addi ad prædicatum termini substantialis vere, sed non proprie, nisi cum additione termini partitiui, & numeralis.

Responso aliorum.

RESP. ad Arg. Ad hoc voluerunt aliqui dicere quod hæc dictio, *solum*, proprie non debet addi ad prædicatum, sed tantum ad subiectum: & cum additur prædicato improprie sunt locutiones, & tunc idem est dicere, *solum*, & *tantum*: sed tamen si aliquis inspiciat, non tantum cum hac dictione, *solum*: sed cum hac dictione *tantum* videbit improprietatem, & superfluitatem. Quid enim aliud est dicere: Trinitas est tantum Deus, nisi est Deus, & non aliud quam Deus: hoc improprie factum est, quia hoc ipso, quod Deus est, excluditur quod non sit aliud à Deo. Si enim Deus est, ergo non est aliud à Deo. Et nullus hæreticus vmquam dixit, Trinitatem esse Deum, qui diceret aliud ipsam esse à Deo: & ideo non videtur magnum quid Augustinus dicere, si hoc voluit dicere. Propterea aliter dicendum est quod hæc dictio, *solum*, dupliciter potest addi termino substantiali à parte prædicati, aut per se, aut cum termino numerali, siue partitiuo. Per se improprie additur, & si addatur secundum vocem, tamen secundum intellectū stat à parte subiecti. Idem enim est dicere: Homo albus est, & est albus homo. Vnde sensus est, non dicimus Patrem esse solum Deum,

Responso propria.

A id est nō dicimus solum Patrem esse Deum. Si autem aliter ponatur, videtur sermo habere superfluitatem, & improprietatem, quia hoc excludit quod excludebatur ex natura ipsius prædicati. Aliter additur hæc dictio, *solum*, termino substantiali cum termino numerali, sicut cum termino, *vnus*: & tunc excludit pluralitatem, & hoc modo bene additur prædicato, & sic accipit Augustinus contra Maximinum cum dicit: Trinitas est vnus solus verus Deus, ita quod non plures, & tunc est verus sermo, & proprius, & contra hæreticos qui dicebant Trinitatem esse plures Deos: & importatur per istū terminum, *solum*, priuatio multitudinis, & ita distinctio: & magis proprie dicitur de Trinitate quod Trinitas sit vnus solus Deus, quam de Patre, cum tamē posset dici de vtroque. Et nullus vmquam dixit, Patrem esse plures, sed de Trinitate, siue de tribus aliqui dixerunt: & ideo congruentius dicitur: Trinitas est vnus solus Deus. Concedendum est ergo quod, *solum*, potest addi ad prædicatum termini substantialis vere in diuinis, sed non proprie, nisi cum determinatione, & adiunctione termini partitiui.

Aug. lib. 3. ca. 9. 10. 6.

1. AD illud ergo quod obicitur quod, *solum*, est dispositio subiecti, sicut hoc signum, *omni*, dicendum quod non est ita propria dispositio subiecti sicut hoc signū, *omni*. Quia *omni* distribuit pro suppositis, pro quibus terminus subiicitur, non pro quibus prædicatur, saltē simul sumptis. *solum* autem, nō solum dicitur ratione suppositi verum etiam ratione formæ, quia excludit alium, & etiam potest excludere aliud.

2. Et per hoc pater sequens, quia non semper excludit alium masculine: sed etiam potest excludere aliud neutraliter, vel etiam pluralitatem, quando additur termino numerali, vt visum est.

3. AD illud quod quæritur, vtrum teneatur syncategorematice, vel prout est nomen importans formam dominantem, vt idem sit *solum*, quod *solus*, dicendum quod syncategorematice. Quod obicitur quod sequitur compositionem, dicendum quod, *solum*, importat duo in se, scilicet intellectum huius nominis, *alius*, & intellectum negationis. Quantum ad intellectum huius nominis, *alius*, respicit terminum circa quem ponitur, & sequitur actum. Quantum ad intellectū negationis præcedit, & hoc nō est conueniens quantum ad diuersa præcedere, & sequi: hoc pater exponenti. Si enim dicam: Video solum Conradum: Sensus est: Video Conradum, & non video alium à Conrado. Similiter intelligendum est in proposito.

4. AD illud quod quæritur quid excludit cum additur prædicato, dicendum quod quando additur sine determinatione, excludit aliam formam, & tunc re vera est ibi superfluitas, & improprietas, est nihilominus veritas sed quando additur cum termino partitiuo, tunc excludit pluralitatem, & tunc potest locutio habere veritatem: pater enim & Filius sunt vnus Deus & non plures, & ita vnus solus Deus, &c.

ARTICVLVS II.

Consequenter secundo loco est quæstio de secundo articulo quæstionis, scilicet vtrum dictio exclusiua possit addi termino relatiuo. Circa hoc quærentur duo. Primo quæritur, vtrum dictio exclusiua vere addatur termino personali respectu prædicati proprii. Secundo, vtrum vere addatur termino personali respectu prædicati communis, vt vere dicatur: Solus Pater est Deus.

QVÆSTIO I.

An dictio exclusiua, Solus, vere addatur termino personali respectu prædicati proprii.

Egid. Rom. 1. Sent. dist. 21. q. 2.
Henricus in summa p. 2. in fine.
Richard. 1. Sent. dist. 21. q. 4.
Ioan. Bacon. 1. Sent. dist. 21. q. unica.

Thomas Argent. 1. Sentent. dist. 21. q. 1. art. 1.
 Marfilus Inguen. q. 24. art. 2. dub. 1.
 Steph. Brulef. 1. Sent. dist. 21. q. 2.
 Petrus de Tarantaf. 1. Sent. dist. 21. q. 3. § 1.

Funda-
 menta.

Aug. 7. de
 Trin. c. 9. in
 prin. 10. 3.

Ad Oppo-
 situm.

Quod respectu prædicati proprii vere addatur, ut scilicet hæc sit vera: Solus Pater est Pater. Videtur per August. 7. de Trinitate sic: In illa Trinitate solus Pater dicitur Pater, quia nullus nisi ipse est ibi Pater.

ITEM hoc videtur per expositionem, quia persona Patris est Pater, & nulla alia est Pater: ergo hæc est vera: Solus Pater est Pater.

ITEM Nihil est magis proprium alicui, quam quod est idem sibi re & ratione: sed Pater est idem sibi re & ratione: ergo propriissime dicitur de se: sed quod proprie conuenit alicui, conuenit soli: ergo Pater dicitur de solo Patre.

1. **CONTRA**: Solus, ut vult Philosophus, idem est quod non cum alio: sed impossibile est. Patrem non esse cum alio: ergo semper quando additur huic termino, Pater, vel alii termino personali, est locutio falsa.

2. **ITEM** Solus, excludit alium: sed alio est Deus, alio est Pater: ergo addita huic termino Pater, excludit Deum: ergo si hæc est vera: Solus Pater est Pater, & hæc similiter: Deus non est Pater: quod si hæc est falsa, ergo & prima.

3. **ITEM** Solus, excludit hoc relatiuum, alius, sed alius, ita est relatiuum diuersitatis quod nihilominus implicat aliquam identitatem. Vnde sequitur: Iste vadit cum alio homine, ergo iste est homo: si ergo excludit alium ab hoc quod est Pater, aut alium Patrem, aut alium Deum: sed quocumque modo dicatur, est locutio falsa, & implicatio falsa, ergo, &c.

CONCLUSIO.

Hæc dictio, Solus, categorematice, id est, prout dicit solitudinem in diuinis non dicitur: syncategorematice vero, ita ut vel personali, vel substantiali iungatur prædicato, vti que dici potest.

RESP. ad arg. Dicendum quod secundum quod hæc dictio Solus, tenetur syncategorematice, importat priuationem associationis, & locutio simpliciter est vera, excluso illo sensu quo importat solitudinem, quia sic non accipitur in diuinis, sicut supra dictum est. Secundum enim quod importat priuationem associationis vera est. Quia cum tripliciter possit eam importare, in quolibet sensu locutio est vera. Potest enim hæc dictio Solus, importare priuationem associationis respectu formæ termini subiecti, ut dicatur solus Pater, id est, ille qui est solus Pater, & sic absque dubio veritatem habet: Solus Pater est Pater. Vel potest importare priuationem associationis respectu prædicati, & hoc dupliciter, vel in participando, ut quia alii non conueniat, & adhuc vera est, quia hoc prædicatum quod est Pater, soli personæ Patris conuenit: illa enim proprietas Patri conuenit, & ita quod nulli alii. Vel potest importare priuationem associationis in comparticipando, ut cum dicitur: Petrus comedit solus, vel vadit Romam solus, non quia alius non eat Romam, vel non comedat: sed quia nullus comparticipat cum eo, quamuis participet, & sic locutio adhuc est vera, quia persona Patris non participat. vel comparticipat cum alia in proprietate paternitatis: & ideo secundum quod solus exclusiue tenetur, iudicatur locutio vera.

1. **AD** illud ergo quod obiicitur quod Solus, idem est quod non cum alio, dicendum quod negatio illa non simpliciter excludit alium in eo existendo, sed excludit aliud respectu formæ subiecti, vel prædicati, in comparticipando, ut visum est: & quamuis Pater cum aliis existat, & non possit sine alio esse, quia tamen proprietatem paternitatis cum alio non communicat, ideo habet simpliciter locutio veritatem.

A 2. **AD** illud quod obiicitur quod alio est Deus, alio est Pater, dicendum quod sicut dictum est supra, aliud dicit diuersitatem secundum rationem dicendi, vel intelligendi in verbo proposito: sed in expositione huius dictionis, Solus, dicit diuersitatem, siue distinctionem in supposito. Et quia Deus in supposito non differt à Patre, immo supponit pro Patre: ideo non sequitur quod dictio exclusiua addita Patri, excludat Deum.

3. **AD** illud quod obiicitur quod, alius, implicat formam aliquam secundum quam conueniat: dicendum quod istud non oportet, quod ista sit forma per terminum importata, vere enim dicitur: Homo est aliud ab asino, nisi quando aduenit illi termino immediate, ut cum dicitur alius asinus, includitur conuenientia in natura communi: sed cum dicitur: Solus Pater, non est dicere quod Pater, & non alius Pater, sed Pater, & non alius à Patre: & ideo non importatur conuenientia in forma proprietatis paternitatis cum alietate, sed sufficit quod sit alia persona: Pater enim est alia persona, vel etiā alia essentia: & ista excludit hoc quod non est Solus, & sic pater illud.

QVÆSTIO II.

An dictio exclusiua, Solus, vere addatur termino personali respectu prædicati communis.

S. Thom. 1. p. q. 31. art. 4.
 Et 1. Sent. dist. 21. q. 1. art. 2. § 4.
 Et de Pot. q. 10. art. 4. ad 12.
 Scotus in Reportatis 1. Sentent. dist. 21. q. 1.
 Egid. Rom. 1. Sent. dist. 21. princ. 2. q. 1.
 Richardus 1. Sent. dist. 21. q. 5.
 Thom. Arg. 1. Sent. dist. 21. q. 1. art. 4.
 Marfilus Inguen. 1. Sent. dist. 24. art. 2. dub. 1.
 Steph. Brulef. 1. Sent. dist. 21. q. 3.
 Petrus de Tarantaf. 1. Sent. dist. 21. q. 4.

Vtrum dictio exclusiua vere addatur termino personali respectu prædicati communis, ut vere dicatur: Solus Pater est Deus. Et quod sic, videtur auctoritate & ratione. Auctoritate sic: Ecclesia cantat: Tu solus altissimus Iesu Christe. Et illud: Deo Patri sit gloria, eiusque soli Filio, &c. & consimiles multæ inueniuntur.

2. **ITEM**: Nemo nouit Filium nisi Pater: sed nemo nisi Pater & solus Pater conuertuntur: ergo solus Pater nouit, & hoc prædicatum est essentiale, ergo, &c.

3. **ITEM** ratione videtur. quia dictio exclusiua addita alicui, non excludit nisi alium: sed tres personæ non habent alietatem respectu prædicati substantialis: ergo addita vni non excludit aliam respectu talis prædicati: sed si non excludit, locutio est vera, ergo, &c.

4. **ITEM** dictio exclusiua addita alicui, non excludit quod est in eo ut pars, ut si dictio exclusiua additur Petro, non excludit pedem Petri: ergo cum maiori identitate sit Filius in Patre quam pes in Petro, dictio exclusiua addita Patri non excludit Filium.

CONTRA: Nec Pater solus, nec Filius solus, nec Spiritus sanctus solus Deus est: ergo non vere additur respectu termini communis.

ITEM omnis propositio in qua prædicatum communis est subiecto addita exclusionem ad subiectum est falsa, quia nullum tale præcise conuenit subiecto: sed talis est hæc, & consimiles. Solus Pater est Deus: ergo, &c.

ITEM dictio exclusiua addita alicui, excludit omne illud quod ponit associationem cum termino, & hoc pater, quia priuat associationem: sed Filius ponit associationem cum Patre, unde Pater cum Filio, est Pater cum alio.

ITEM dictio exclusiua excludit omne aliud, & maxime oppositum, sed relatiua sunt vna differentia oppositionis, ergo addita vni relatiuo, excludit aliud: ergo addita Patri excludit Filium, & si hoc, omnes tales sunt falsæ.

CONCLV.

Explicatio per distinctionem.

Ad oppositum.

Mat. II.

Fundamenta.

CONCLUSIO.

Dictio exclusiua vere additur termino personali respectu prædicati communis, si faciat exclusionem compositionis intellecta circa subiectum, non autem exclusionem respectu compositionis principalis.

Respon-
sio
aliorum.

RESP. Ad Arg. Hic est duplex positio. Quidam enim simpliciter & sine distinctione concedunt has & confirmiles: Solus Pater est Deus, & positio eorum est quod dictio exclusiua addita vni relatiuorum non excludit reliquum. Et ratio huius positionis est, quia non excludit quod consequitur ad terminum, & intelligitur in termino, ut addita homini, non excludat animal: sed vnum relatiuorum intelligitur in altero, & consequitur alterum: ergo addita vni, non excludit alterum. Et si opponatur quod, *Solus*, excludit oppositum, dicunt quod relatiua sunt differentie oppositionis & entis. Oppositionis, secundum quod ad idem, & sic addita vni excludunt aliud. Vnde sequitur: Iste est tantum Pater, ergo non est Filius. Secundum quod ad diuersos comparantur, sunt differentie entis. & sic posito vno, ponitur & reliquum, & vnum non excluditur ab alio, quia dictio exclusiua illa, *solus*, aliud excludit quod non necessario concomitatur. Sed hæc positio non videtur conueniens. Dictio enim exclusiua priuat associationem, ergo excludit omne illud quod ponit circa ipsam associationem: & ideo addita Patri, excludit Filium. Et propter hoc alia est opinio quod dictio exclusiua addita Patri, excludit Filium, & hæc positio magis est probabilis. Secundum hanc positionem procedendo, distinguendæ sunt huiusmodi locutiones, secundum quod distinguit Augustinus, & Magister tangit, quia, *Solus*, potest facere exclusionem respectu compositionis intellectæ circa subiectum, vel respectu compositionis principalis. Si primo modo, tunc est sensus: Solus Pater est Deus, id est, ille qui solus est Pater est Deus: & tunc remouet formam termini subiecti ab aliis, non formam prædicati, & sub hoc sensu veræ sunt omnes.

Improbatio.

Respon-
sio
propria.

Aug. 6. de
Trin. cap. 8.
tom. 3.

1. Et sub hoc sensu accipit Augustinus: Solus Spiritus sanctus est tantus, quantus est Pater & Filius. Si autem faciat exclusionem respectu principalis compositionis, locutio est falsa, & omnes falsæ sunt, proprie loquendo, nisi addatur determinatio ut artetur exclusio, ut patet cum dicitur: Tu solus altissimus Iesu Christe cum sancto Spiritu, & sic patet primum.

2. Ad illud quod obiicitur secundo quod solus Pater æquipollet huic: *Nemo nisi Pater*, dicendum quod falsum est, quia, *Nemo*, distribuit pro natura, non pro persona: *Solus* autem additur termino personali, ideo excludit personam, ideo proprie loquendo, hæc est falsa: Solus Pater nouit Filium, quamuis hæc sit vera: Nemo nouit Filium nisi Pater, quia sensus est: *Nemo*, id est, nulla creatura, nisi ille qui est eiusdem naturæ, ut Pater.

3. 4. Ad illud quod obiicitur quod dictio exclusiua excludit alium: dicendum quod excludit omne aliud vel alium, quod non prædicatur, nec subiicitur, sed associatur, siue sit aliud in forma, siue in supposito: & quoniam Pater cum Filio respectu prædicati substantialis associantur: ideo respectu illius excluduntur inuicem: & quia pars non associatur, ideo non excluditur. Vnde identitas maior vel minor nihil facit ad exclusionem, sed ratio associandi, vel non associandi. Et si obiicitur quod dictio exclusiua addita diffinito non excludit diffinitionem, & antecedenti non excludit consequens, breuiter dicendum quod si consequens ita sequitur quod non ponat associationem, & diffinitio non claudat in se diuersum, tunc non excludit. Si vero aliter est, tunc excludit, & contradictorie opposita implicantur in antecedente. Vnde hic implicatur contradictio: Tantum Pater est. Huic autem positioni concordat Augustinus qui negat hanc: Solus Pater est Deus, & consimiles.

Libro 7. de
Trin. c. 9. in
pr. tom. 3.

DISTINCTIO XXII.

DE NOMINVM DIFFERENTIA, QVIBVS VTIMVR LOQVENTES DE DEO.



POST prædicta nobis differendum videtur de nominum diuersitate, quibus loquentes de Unitate ac Trinitate inefabili utimur. Deinde demorstrandum est, quibus modis de ea aliquid dicatur. Illud ergo præcipue teneamus, quadam esse nomina distincte ad singulas personas pertinentia, ut ait Augustinus in 8. de Trinitate quæ de singulis tantum dicuntur personis. Quadam vero unitatem essentia significantia sunt, quæ & de singulis sigillatim, & de omnibus communiter dicuntur: Alia vero sunt quæ translatiue, ac per similitudinem de Deo dicuntur. Vnde Ambrosius in secundo libro de Trinitate, ait: Quo purius niteat fides, tripartita videtur deriuanda distinctio. Sunt enim nomina quadam, quæ euidenter proprietatem, personamque deitatis ostendunt. Et sunt quadam, quæ perspicuam diuinæ maiestatis exprimunt unitatem. Alia vero sunt quæ translatiue & per similitudinem de Deo dicuntur. Proprietatis itaque indicia sunt, Generatio, Filius, Verbum, & huiusmodi: Unitatis vero æterna, sapientia, virtus, & veritas, & huiusmodi. Similitudinis vero, splendor, character, speculum, & huiusmodi.

Sex nominum differentie. In prin. prologi ad sensum.

In prin. prologi c. 4.

Hebr. 1. a
Sap. 7. d

Præmissis addit quadam esse nomina, quæ temporaliter Deo conueniunt, & relatiue dicuntur.

His adiciendum est, quadam esse nomina, ut Augustinus ait in 5. lib. de Trinitate, quæ ex tempore Deo conueniunt, & relatiue ad creaturam dicuntur: quorum quadam de omnibus dicuntur personis, ut Dominus, Creator, Refugium: quadam autem non de omnibus, ut donatus, datus, missus.


Cap. 16.
tom. 3.

De hoc nomine, Trinitas, addit.

PRÆTEREA est vnum nomen, quod de nulla persona sigillatim dicitur, sed de omnibus simul, id est, Trinitas, quod non dicitur secundum substantiam: sed quasi collectivum pluralitatem designat personarum.

De aliis omnibus quæ temporaliter Deo congruunt, & non relatiue dicuntur.

Sunt etiam quadam nomina, quæ ex tempore Deo conueniunt, nec relatiue dicuntur, ut humanatus, incarnatus, & huiusmodi. Ecce sex nominum differentias assignauimus, quibus utimur loquentes de Deo. De quibus singulis agendum est.



Quod nomina, quæ ad singulas pertinent personas, proprie relatiue dicuntur, ea vero quæ unitatem essentiae significant, ad se dicuntur, & de singulis, & de omnibus communiter dicuntur personis, & singulariter non pluraliter in summa accipiuntur.

Sciendum est ergo, quod illa quæ proprie ad singulas personas pertinent, relatiue adinuicem dicuntur, sicut Pater, & Filius, & utriusque donum, Spiritus sanctus. Ea vero quæ unitatem essentiae significant, ad se dicuntur. Et ea quæ ad se dicuntur, substantialiter utique dicuntur, & de omnibus communiter, & de singulis sigillatim dicuntur personis, & singulariter non pluraliter accipiuntur in summa, ut Deus, bonus, potens, magnus, & huiusmodi. Quæ autem relatiue dicuntur, substantialiter non dicuntur. Vnde Augustinus in 5. lib. de Trinitate ait: Quidquid ad se dicitur, præstantissima illa, & diuina sublimitas substantialiter dicitur. Quod autem ad aliquid dicitur, non substantialiter dicitur, sed relatiue. Tantaque est vis eiusdem substantiæ in Patre & Filio, & Spiritu sancto, ut quidquid de singulis ad seipsos dicitur, non pluraliter in summa, sed singulariter accipiat. Dicimus enim, Pater est Deus, & Filius est Deus, & Spiritus sanctus est Deus, quod secundum substantiam dici nemo dubitat. Non tamen dicimus hanc Trinitatem esse tres deos, sed unum Deum. Ita dicitur Pater magnus, Filius magnus, & Spiritus sanctus magnus: non tamen tres magni, sed unus magnus. Ita enim omnipotens Pater, omnipotens Filius, omnipotens Spiritus sanctus: non tamen tres omnipotentes, sed unus omnipotens. Quidquid ergo ad seipsum dicitur Deus, & de singulis personis similiter dicitur, & simul de ipsa Trinitate, non pluraliter, sed singulariter dicitur. Et quoniam non est aliud Deo esse, & aliud magnum esse, sed idem est illi esse quod est magnum esse: propterea sicut non dicimus tres essentias, sic non dicimus tres magnitudines: sed unam essentiam, & unam magnitudinem.

Quod Deus magnus est ea magnitudine, qua Deus est, sic de bonitate, & de omnibus quæ secundum substantiam dicuntur.

Deus enim non est magnus ea magnitudine, qua non est quod ipse, ut quasi particeps eius sit, alioquin maior esset illa magnitudo quam Deus: Deo autem non est aliquid maius: ea ergo magnitudine magnus est qua ipse est. Ideoque nec tres magnitudines dicimus, sed unam magnitudinem: nec tres magnos, sed unum magnum: quia non participatione magnitudinis Deus magnus est, sed seipso magno magnus est, quia ipse est sua magnitudo. Ita & de bonitate, & æternitate, & omnipotentia Dei dicendum est, & de omnibus omnino quæ de Deo possunt pronunciar substantialiter: quibus ad seipsum dicitur, non translative ac per similitudinem, sed proprie, si tamen de illo proprie aliquid ore hominis dici potest. Ecce aperte docui quod nomina unitatem diuinæ maiestatis significantia, & ad se dicuntur de Deo, id est, sine relatione, & de omnibus personis communiter, & de singulis diuisim dicuntur, nec pluraliter, sed singulariter in summa accipiuntur. Illa vero nomina, quæ proprie ad singulas pertinent personas, relatiue, non substantialiter dicuntur. Quod enim proprie singula in Trinitate persona dicitur, ut ait Augustinus in eodem, nullo modo ad seipsum, sed ad aliam inuicem, vel

A ad creaturam dicitur. Et ideo relatiue non substantialiter dici manifestum est.

DISTINCTIO XXII.

De Trinitate & Unitate secundum quod credita & intellecta rationabiliter & catholicè exprimitur.

Post prædicta nobis differendum videtur de nominum diuersitate.

Expositio textus.

B Vpra egit Magister de sacra Trinitate, secundum quod catholicè creditur & intelligitur. In hac parte agit de ea, secundum quod credita & intellecta per Catholicos sermones exprimitur. Vnde sicut ipse Magister dicit in littera, intendit hic agere de nominum diuinorum diuersitate. Et hæc pars habet duas partes. In prima parte determinat de nominibus diuinis in generali. In secunda in speciali, & hoc dist. 23. Prædictis adiciendum est, quod cum omnia nomina, &c. Prima pars diuiditur in duas. In prima parte ponit Magister multiplices nominum diuinorum differentias. In secunda omnes reducit ad duas, secundum illud Boetii in libro diuisionum, quod omnis diuisio est bimenbris, vel ad bimenbreni reducibilis, & hoc ibi: Sciendum est igitur, quod illa quæ proprie pertinent. Itē, prima diuiditur in duas. In prima ponit Magister differentias nominū diuinorū secundum Augustinū, & secundum Ambrosiū. In secunda ad maiorem explanationē superaddit alias tres differentias, ibi: Huius adiciendum est quodam nomina esse, &c. Similiter secunda pars in qua reducit hæc membra ad duo, habet duas partes. In prima ostendit quod nomina in diuinis quedam dicuntur relatiue, & hæc pertinent ad personas: quedam ad se, & hæc dicuntur de omnibus simul. In secunda ostendit hoc esse verum ibi: Deus enim non est magnus ea magnitudine.

Huius adiciendum est, quodam etiam nomina, &c.

Dub. I.

Obicitur, quia aut diuisiones Augustini & Ambrosii sunt sufficientes aut non. Si sic, ergo Magister superflue addit. Si dicantur insufficientes, pro inconuenienti est habendum.

RESP. Dicendum quod nec diuisio Augustini, nec Ambrosii est diminuta, nec additio Magistri superflua. Nam membra diuisionis Magistri includuntur in membris diuisionis Ambrosii: illa enim est per immediata: cum enim sit trimembris, reducitur ad has diuisiones, quia omne nomen Dei aut est proprium, aut translative. Si proprium, aut spectat ad substantiam, aut ad personas. Magister autem ista membra magis specificat, quia nomen ali quod potest spectare ad unitatem substantiæ, vel ab æterno, vel ex tempore similiter ad personas vel ab æterno vel ex tempore. Et ad personas dupliciter, vel diuisim, vel hoc nomen, Pater: vel simul & coniunctum, ut hoc nomen, Trinitas, & ista sunt sex membra.

Quasi collectiuum.

Dub. II.

Videtur male dicere quod Trinitas est quasi collectiuum, quia unitas collectiua, ut dicit Bernardus, est minima unitas: sed unitas Trinitatis arcem tenet inter omnes unitates, ergo, &c.

RESP. quod hoc nomen, Trinitas, differt in duobus à nomine proprie collectiuo. Primo, quia illa quæ nomen collectiuum colligit, habent simpliciter diuersitatem: & secundo, quia habent unitatem secundum quid, & contra est in nomine Trinitatis. Tamen in hoc est similitudo,

quia

Cap. 6. & 8.
tom. 3.

Sequitur in
ca. 10. tom. 3.

Cap. 11. in
prim. & im-
mediate
post prædi-
cta in ca. 10.
tom. 3.

Li. 3. de con-
sider. post
medium.
tom. 2.

quia sicut nomen collectivum plures simul dicit, & de nullo per se prædicatur, ita nec hoc nomen, *Trinitas*, prædicatur de aliqua personarum, & tamen omnes simul importat: ideo Magister non dicit quod sit collectivum simpliciter, sed quasi.

Sciendum est ergo quod illa que proprie, &c.

Circa hoc notandum quod ex verbis Augustini quæ hic ponuntur & in libro de Trinitate, eliciuntur quedam regulæ de nominibus divinis. Prima est hæc: Omne nomen quod dicitur de Deo, dicitur vel secundum substantiam, vel secundum relationem, excepto hoc nomine, *homo*. Secunda est hæc: Omne nomen, quod dicitur de tribus personis, ita quod de qualibet singulariter, dicitur secundum substantiam, exceptis nominibus partitivis. Tertia est hæc: Omne nomen dictum secundum substantiam, prædicatur de tribus personis simul sumptis singulariter, excepto hoc nomine, *persona*. Quarta est hæc: Omne nomen dictum de Deo respectu creaturæ, indicat essentiam, exceptis his quæ pertinent ad unionem. Quinta est hæc: Omne nomen quod dicitur de Deo ex tempore, & non dicitur de personis singulis, prædicat notionem vel quasi, & hoc dicitur propter hoc nomen, *missus*, quod dicit esse ab alio.

Non tamen tres omnipotentes, &c.

Dub. III.

Contra, quia cum dicamus tres potentes, videtur quod pari ratione possumus dicere tres omnipotentes.

R E S P. Dicendum quod verbum semper adiectivum & in adiectiva significat, & ideo semper trahit numerum à supposito. Similiter participium manens participium, quia habet naturam verbi. Sed nomen, quia in quiete significat, aliquando substantivatur: & quando numeratur, tunc numeratur sicut nomen substantivum à parte suæ formæ. Et ideo quia potens, potest esse participium, omnipotens est nomen tantum, ideo non sic recipitur. *Tres omnipotentes*, sicut, *Tres potentes*, nisi omnipotens sit adiectivum, & adiectivum tantum. Ratio autem quare omnipotens non potest esse participium, est propter compositionem quam non admittit verbum. Participium enim, ut dicit Grammaticus, transit in nomen quatuor modis, compositione, ut indoctus: comparatione, ut doctior: constructione, ut amans illius: temporis amissione, ut amandus, secundum quod idem significat vel idem sonat, quod amari dignus.

Deus enim non est magnus ea magnitudine, &c.

Dub. IV.

Queritur de ista ratione Augustini. Si Deus est participatione magnus, ergo magnitudo est maior quàm Deus. Et videtur ista ratio non valere. Non enim valet: Iste est albedine albus per participationem: ergo albedo est albius quam ipse.

R E S P. Dicendum quod ratio Augustini bona est, & fundatur supra ipsam nominis expositionem, quia participare est partem capere, etsi partem capit, ergo minus est quam totum. Quod ergo obiicitur de albedine, dicendum quod est maius dupliciter, vel quantum ad esse, vel quantum ad posse: dicendum ergo est quod participatio subiecti attenditur respectu formæ univærsalis, & quamvis ipsa sit tota in subiecto quantum ad esse, non tamen quantum ad posse, quia potest in aliis esse: Deo tamen nihil potest esse maius nec quantum ad esse, nec quantum ad posse, & ideo argumentum Augustini bene tenet quod Deus nihil possit participare. Aliiter potest dici quod argumentum Augustini bene tenet in his formis quæ nate sunt aliquid denominare per essentiam, & in

talibus, quod est per participationem, reducitur ad illud quod est per essentiam: & quandoque sic est, illud quod est ens per essentiam, excellit illud quod est ens per participationem. Si ergo magnitudo est magna per essentiam, & Deus per participationem, necessario sequitur quod magnitudo est maior quam Deus. Non sic est de albedine, quia non est nata se denominare, nec de aliquo per essentiam prædicari denominando illud.

ARTICULVS I

AD intelligentiam eorum quæ in hac parte dicuntur de nominibus divinis, quatuor queruntur. Primo queritur utrum Deus sit nominabilis. Secundo, utrum solo nomine vel pluribus debeat nominari. Tertio, supposito quod plura sint nomina divina, queritur utrum omnia dicantur translativæ, aut etiam quedam dicantur proprie. Quarto, utrum nomina dicta de Deo dicantur secundum substantiam, an etiam aliquo alio modo.

QVÆSTIO I.

An Deus nominabilis sit.

Alexand. Alensis 1. p. q. 48. Membrum 1.

S. Thom. 1. p. q. 13. art. 1.

Et 1. Sent. dist. 22. q. 1. art. 1.

Scotus 1. Sent. dist. 22. q. unica.

Ægid. Rom. 1. Sent. dist. 22. q. 1.

Henricus in summa q. 1. c. 3.

Richard. 1. Sent. dist. 22. q. 1.

Durandus 1. Sent. dist. 22. q. 1.

Franciscus de Mayr. 1. Sent. dist. 22. q. 1.

Thom. Arg. 1. Sent. dist. 22. q. 1. art. 1.

Marsilius Inguen. 1. Sent. q. 23. art. 2.

Petrus de Tarantasia. 1. Sent. dist. 22. q. 1.

Gab. Biel. 1. Sent. dist. 22. q. 1. dub. 2.

Quod Deus sit innominabilis ostenditur auctoritatibus & rationibus. Auctoritatibus sic. Dionysius de divinis nominibus: Deum neque dicere, neque intelligere possibile est.

2. **ITEM:** Dei neque nomen est, neque verbum, neque ratio, neque opinio, neque phantasia: ergo Deus est omnino innominabilis.

3. **ITEM** Philosophus in libro de causis: Prima causa superior est omni narratione: sed quod est superius omni narratione, est innarrabile, & omne tale innominabile, ergo, &c.

4. **ITEM** ratione ostenditur sic: Nomen proportionem, & similitudinem aliquam habet ad nominatum, ut vox ad significatum: sed Deus est infinitus omnino, vox autem omnis finita: ergo cum nulla sit proportio finiti ad infinitum, nulla per vocem erit expressio, ergo nec nominatio.

5. **ITEM** omne nomen imponitur à forma aliqua, sed in Deo non est ponere certam formam. Vnde Augustinus: Deus qui omnem formam subterfugit, intellectui peruius esse non potest, ergo, &c.

6. **ITEM** omne nomen significat substantiam cum qualitate: sed in Deo est substantia mera sine quantitate, & qualitate: ergo non convenit Deum significari per nomen.

7. **ITEM** quod nec Deus sit nominabilis per pronomen. Pronomen enim non habet significationem determinatam nisi per demonstrationem, vel relationem. Demonstratio autem fit mediantibus accidentibus quæ possunt oculis conspici: sed hæc non sunt in Deo, ergo videtur quod Dei neque sit nomen, neque pronomen.

CONTRA per Psalmum: Dominus nomen est illi. Et iterum: Quam admirabile est nomen tuum in univærsa terra, ergo Deus habet nomen.

Ad Oppositum.

Cap. 1. c. 3.
Et libello de Myst. Theologia c. 5.

Auctor libro de causis propositione 6.

Aristot. 8. phys. cōtex. 15. Et 1. de Caelo cōtex. 12.

Super Ioannem form. 38. 39. 40.

Fundamenta.
Psalm. 67. a
c. 8. a

ITEM

ITEM Dionysius fecit librum de diuinis nominibus. A
Aut ergo Deus est nominabilis, aut scientia ibi tradita
cassa est & inutilis.

ITEM ratione videtur, quia omne quod se exprimit
verbo, potest se exprimere signo verbi: sed signum verbi
est vox: ergo cum Deus suo verbo exprimitur, potest ex-
primi voce: sed quod potest voce exprimi, potest nomi-
nari, ergo, &c.

ITEM quod conuenit intelligi, conuenit significari siue
enunciari: sed contingit Deum à nobis cognosci, hoc cer-
tum est, & supra probatum est, ergo, &c.

ITEM quod conuenit laudare, conuenit & nominare:
sed Deum conuenit laudare, imò ipse summe laudabilis,
ergo & nominabilis.

CONCLUSIO.

*Deus, licet secundum perfectam expressionem innominabilis sit,
secundum tamen semiplenam nominationem, no-
minabilis dicitur.*

RESP. Ad Arg. Dicendum quod sicut intelligere dicitur
dupliciter, sic effabile & nominabile. Vno enim mo-
do intelligere dicitur per perfectam comprehensionem.
Alio modo per semiplenam cognitionem. Sic effabile
dupliciter dicitur. Vno modo per perfectam expressio-
nem. Alio modo per semiplenam narrationem. Sic etiam
nominabile.

*Scotus vult
quod ali-
quid distin-
ctius possit
significari,
quam in-
telligi. Dist.
22. q. 1.
Concordat
cum S. Bon.
S. Thom. 1.
cōtra gent.
ca. 30. 1. p. q.
13. art. 1.*

1. Si dicatur effabile siue nominabile secundum perfe-
ctionem expressionis, sic dicendum quod sicut Deus sibi
soli est intelligibilis, sic sibi soli est effabilis & nominabi-
lis, non alio nomine quam ipse sit, nec alio verbo quam
ipse sit: & sicut nobis est incomprehensibilis, ita & inef-
fabilis, ita etiam & innominabilis, & per hunc modum
loquitur Dionysius & Philosophus. Si vero dicatur effa-
bile & nominabile secundum qualemunque nomina-
tionem: sic quemadmodum Deus est nobis cognoscibili-
lis, ita & effabilis & nominabilis, & qui melius cogno-
scit, melius effatur, & melius nominat & expressius. Vnde
expressius nominat Fides, & Scriptura quæ fidei suf-
fragatur, ut sacra Scriptura, quam ratio vel philosophia.
Et hoc modo procedunt rationes & auctoritates ad se-
cundam partem.

2. 3. AD illud ergo quod secundo obiicitur de Dionysio,
& Philosopho iam patet responsio, per hoc quod loqui-
tur de nominatione in qua est perfecta expressio.

4. AD illud quod obiicitur quod vox in homine est pro-
portionabilis verbo interiori, siue significato, dicendum
quod hoc intelligitur de nominatione quæ totam rei si-
gnificationem includit, aliter non habet veritatem, nisi
intelligatur esse proportio ad rem sub ratione cognosci-
bilis, & sic potest esse nominabilis: quamuis enim Deus
sit infinitus, tamen finite cognoscitur à nobis.

5. AD illud quod obiicitur quod Deus non habet for-
mam, dicendum quod non habet formam peruiam no-
stro intellectui, cuiusmodi est forma, cuius est imago in
sensu: habet tamen formam, quia ipse est forma quæ est
ratio cognoscendi, quoniam etiam nos non cognoscimus in
se, ipse cognoscit se in se, & nos eum in forma creata. Vnde
à forma creata nos nomina imponimus, quam intelli-
gimus & videmus.

6. 7. AD illud quod obiicitur quod nomen significat
substantiam & qualitatem, dicendum quod substantia &
qualitas non accipiuntur proprie, sed communiter, pro-
ut substantia dicitur quod cognoscitur, qualitas dicitur
quo cognoscitur, & hoc per modum quietis, & hoc dico
propter verbum, & participium, & aduerbium quod est
dispositio verbi. Et quoniam in creaturis ut plurimum
differt quod cognoscitur, & quo, ideo nomen in creatu-
ris ut plurimum hoc importat per diuersitatem. In Deo
vero idem est cognitum & ratio cognoscendi quantum
est de se, ideo significat nomen diuinum illa duo per in-
differentiam rei: & ita saluatur ibi ratio substantiæ, & qua-
litatis, ut congruit nomini.

QUESTIO II.

An Deus habeat vnum nomen, vel plura.

Alex. Alensis 1. p. q. 48. Memb. 3.

S. Thom. 1. p. q. 13. art. 4.

Et de Pot. q. 7. art. 6.

Egidius Rom. 1. Sent. dist. 22. q. 2.

Richardus 1. Sent. dist. 22. q. 2.

Franciscus de Mayr. 1. Sent. dist. 22. q. 2.

Thom. Arg. 1. Sent. dist. 22. q. 1. art. 2.

Marsilius Inguen. 1. Sent. q. 25. art. 3. dub. 1.

Petrus de Tarantaf. 1. Sent. dist. 22. q. 2.

Vtrum Deus habeat vnum solum nomen, an plura.
Et quod plura, videtur auctoritate Scripturæ, quæ
ipsum diuersis nominibus appellat. Legitur in Exodo:
Nomen meum magnum, Adonai, non indicaui eis.

*Funda-
menta.
Exod. 6. 4.*

ITEM: Omnipotens nomen eius. Et in psalmo: Domi-
nus nomen illi. Si ergo ista sunt diuersa nomina, patet au-
thoritate Scripturæ quod Deus habet plura nomina.

*Exod. 15. 4.
Psalm. 67. 4.*

ITEM Dionysius in lib. de diuinis nomin. plura assignat
nomina Dei, & Ambrosius similiter in lib. de Tr. & Ma-
gister similiter in litera.

*Ex princ.
prologi lib.
2. de fide ad
Gratianum
tom. 4.*

ITEM hoc ipsum ratione videtur, quia nullum nomen
sufficiens exprimit esse diuinum, nec in se, nec in com-
paratione ad intellectum. Quod patet, quia omnis perfe-
ctio & est, & intelligitur esse in Deo, & nullum nomen
exprimit omnis conditionis perfectionem: ergo cum non
possit fieri per vnum, indigemus pluribus.

ITEM illud in quo res conueniunt & in quo differunt,
aut necesse est pluribus modis dicere, aut necesse est vnum
æquiocari. Sed æquiocatio generat ambiguitatem, &
tollenda est: ergo congruum est diuersis exprimere nomi-
nibus: cum ergo in diuinis sit commune & proprium, &
hoc in pluribus, necesse est plura nomina esse.

ITEM quamuis sit veritas vna, tamen articuli fidei sunt
multi: si ergo fides de Deo multos articulos credit, & q-
corde creditur ad iusticiam, oportet ore confiteri ad salu-
tē, multos potest & debet articulos ore cōfiteri, sed multi
articuli vno nomine non expresse & explicite exprimum-
tur, ergo oportet habere plura nomina.

1. CONTRA per Hilarium: Non sermoni res, sed rei ser-
mo est subiectus: ergo cum in Deo sit omnimoda realis
vnitas, ergo & vocis & nominis.

*Ad oppo-
situm.*

*Hilar. 4. de
Tri. in me-
dio.
Idem ex 1.
Perihern.
c. in Prad.
c. de Subst.*

2. ITEM omne quod est in Deo est Deus: ergo quod si-
gnificat aliquid quod est in Deo, est Deus: sed Deus vnus
est, ergo diuina nomina habent vnum significatum: sed
omnia talia sunt synonyma, nominibus autem synony-
mis non plus dicitur pluribus quam vno, ergo videtur
quod omnia alia ab vno non sint necessaria.

3. ITEM multiplicatio diuinorum nominum aut venit
à parte rei, aut à parte intellectuum, aut à parte effectuum.
Si à parte rei, tunc bonitas & veritas non sunt nomina di-
uersa, quia res omnino vna. Si à parte effectuum: tunc er-
go vnitas, & æternitas non sunt diuersa, cum non conno-
tent effectum. Si à parte intellectuum solum: ergo vide-
tur quod huiusmodi nomina cassa sint & vana, cum non
habeant aliquid correspondens in re.

4. ITEM in Scriptura nomen Dei singulariter proponi-
tur siue additur vni, ut cum dicitur: Dominus nomen illi.
Siue pluribus, ut cum dicitur: In nomine Patris, & Filii, &
Spiritus sancti: ergo cum eadem sit ratio rei, & vnus rei:
& nominis, & vnus nominis: ergo Deus tantum vnum
habet nomen.

Psalm. 67. 1.

CONCLUSIO.

*Deus est vnum nomen, si nomen capiatur pro re significata essen-
tiali, & pro ratione innotescendi ex parte Dei: plura si pro
voce, & pro significato personali, & pro ra-
tione innotescendi ex parte
creaturarum.*

RESP. Ad Arg. Dicendum quod in nomine tria sunt,

scilicet

scilicet vox, & significatio, & ratio innotescendi. Vnde & nomen multipliciter accipitur. Aliquando pro voce significante, ut cum dicitur. Petrus est nomen Apostoli, & sic constat quod in Deo sunt plura nomina. Aliquando nomen accipitur pro re significata: ut cum dicitur, bonū, & honestum sunt idem nomine, & sic in diuinis quodam modo est dicere nomen vnum, quodam modo plura. Si enim res significata dicatur essentialiter, sic omnia vnum. Si personaliter, sic plures, & plura nomina correspondentia. Aliquando nomen accipitur pro ipso notamine, siue ratione innotescendi, & sic dicendum quodam modo nomen vnum, quodam modo plura. Si enim accipitur ratio innotescendi ex parte Dei, sic innotescit per virtutem quæ vna & magna est, & sic vnum nomen Dei est, & magnum siue maximum. Vnde Hieremias: Magnus es tu & magnum nomen tuum, id est, quantum ad rationem innotescendi, siue virtutem per quam innotescit, secundum quod dicitur in psalmo: Notus in Iudæa Deus, in Israel magnum nomen eius. Si autem accipiat ratio innotescendi ratione effectuum siue creaturarum, sic diuersa sunt nomina. Nam Deus innotescit nobis tripliciter, scilicet per causalitatem, per ablationem, & per excellentiam, & secundum hoc est multitudo nominum. Si enim nominetur per causalitatem, multa sunt nomina, quia multos habet effectus. Si per ablationem, multa sunt nomina, quia multa remouetur, scilicet omnia creata. Si per excellentiam, multa, quia in multis, in omnibus, scilicet conditionibus nobilitatis excedit creaturas.

Ex prædictis patent obiecta. Quod enim obicit quod Scriptura nomen Dei exprimit singulariter, dicendum quod Scriptura, ut plurimum nomen Dei prædicat magnum, admirabile, sanctum, & laudabile, & sic non loquitur de nomine, secundum quod vox, sed secundum quod ratio innotescendi a parte Dei, & sic vnum: tamen non sequitur: Loquitur singulariter, ergo vnum solum: quia frequenter quod dicitur singulariter, dicitur & vniuersaliter, ut patet in multis exemplis in lege cum dicebatur, homo de Israel, vel homo qui fecerit hoc vel illud, intelligebatur de quolibet homine.

Ad illud quod obicitur quod pluralitas a parte rei est, dicendum quod pluralitas a parte rei est ut accipiat res pro persona. Si autem pro natura, & sic si non sit pluralitas in se, tamen inquantum innotescit. Et ideo plura nomina.

Ad illud quod obicitur quod nomina talia sunt synonyma, dicendum quod tunc sunt synonyma cum dicuntur a parte vocis solum. Hic autem est differentia, secundum rationem innotescendi, & ideo non synonyma. Alia ratio dicta fuit supra in primo problemate.

Ad illud quod obicitur quod si venit a parte intelligendi solum: ergo talia nomina sunt vana, dicendum quod non venit ab hoc solum, quoniam illi rationi innotescendi respondet pluralitas in creaturis, & in Deo respondet vera unitas complectens illam totam pluralitatem. Vnde quia intelligimus Dei potentiam, & sapientiam per diuersa, diuersimode nominamus: & quia in Deo vera est sapientia, & potentia, ideo non est ibi vanitas.

QVÆSTIO III.

An omnia diuina nomina translative sint.

Alexand. Alexs. 1. p. q. 48. Memb. 1. art. 1.

S. Thom. 1. p. q. 13. art. 3.

Es. 1. Sent. dist. 8. q. 4. art. 3.

Es. dist. 22. q. 1. art. 3.

Es. de Pot. q. 7. art. 4.

Egid. Rom. 1. Sent. dist. 22. q. 3.

Henricus in summa art. 32. per totum.

Richardus 1. Sent. dist. 22. q. 4.

Thom. Arg. 1. Sent. dist. 22. q. 1. art. 3.

Marsilius Inguen. 1. Sent. q. 25. art. 3. dub. 3.

Petrus de Tarentas. 1. Sent. dist. 22. q. 3.

Ad oppo-

Vtrum omnia nomina diuina dicantur translative, an etiam quedam dicantur proprie. Et quod omnia

dicantur translative, videtur. In regulis fidei dicitur: Omne simplex proprie est, & improprie dicitur: sed quod improprie dicitur, improprie nominatur: cum ergo Deus sit simplex, nominatur improprie: sed improprietas reducit ad proprietatem: ergo nomina diuina de Deo dicuntur improprie, de aliis proprie: sed quod dicitur de aliquo improprie, dicitur translative: si de alio proprie, ergo, &c.

2. ITEM vnumquodque sicut contingit intelligere, contingit & significare: sed non contingit Deum intelligi nisi per proprietates, & conditiones creaturarum, ergo nec nominare: sed quod nominatur secundum alienas proprietates, semper translative nominatur, ergo, &c.

3. ITEM non est nisi duplex theologia scilicet mystica & symbolica secundum quod vult Dionysius: sed utraq; Deum nominat translative. Nam mystica per creaturas spirituales & inuisibiles: sed symbolica per corporales: ergo omnis nominatio Dei translative est.

4. ITEM omne nomen diuinum est impositum propter nostram instructionem: sed omnis nostra doctrina incipit a sensu: ergo omne nomen Dei accipitur secundum aliquod sensibile: sed in Deo nulla est proprietas sensibilis secundum veritatem, sed solum translative, ergo, &c.

CONTRA hoc dicit Apostolus loquens de Deo: Ex quo omnis paternitas in celo & in terra nominatur: sed si paternitas in terris nominatur, a paternitate Dei: ergo Deus proprius & principaliter dicitur Pater, quam alia. non ergo translative: hoc ipsum dicit Dionysius, & Damascenus innitentes huic auctoritati Apostoli. Inquit enim Damasc. Sciendum quod non est a nobis translatus ad beatam deitatem paternitatis, & filiationis, & processionis nomen, sicut ait diuinus Apostolus: Ex quo omnis paternitas, ergo, &c.

ITEM beatus Ambrosius dicit & habetur in litera quod triplex est nominum diuinorum differentia, & vna ex illis sunt nomina translative: non ergo omnia dicuntur translative.

ITEM quedam dicuntur de Deo quæ habent oppositum in omni creatura, ut æternitas, & immensitas: sed nomen translative attenditur secundum aliquam similitudinem: ergo talia nomina non sunt translative.

ITEM quedam dicuntur de Deo quorum significatum est proprie in solo Deo, ut hoc nomen, Bonum, & Qui est: Nemo bonus nisi solus Deus. Et Augustinus dicit quod solus Deus vere est, cuius comparatione cætera non suat.

CONCLUSIO.

Non omnia nomina quæ de Deo dicuntur translative censeri debent, cum quedam proprie dicantur, licet nonnulla secundum similitudinem de ipso verificentur.

RESP. Ad arg. Ad hoc voluerunt quidam dicere quod quedam sunt nomina quæ Deus sibi imposuit: quedam quæ nos ei imposuimus. Si loquamur de nominibus quæ Deus sibi imposuit, cum ipse se proprie intelligat, huiusmodi nomina sunt propria, & talia dicuntur esse, Bonum, & Qui est. Vnde Dionysius videtur velle quod illud nomen, Bonum, solum sit proprium & principale. Damascenus quod illud nomen, Qui est, solum est proprium & principale, & vnus attedit in nomine perfectionem, alter ab solutione, vterque tamen proprietatem. Si autem loquamur de nominibus quæ nos ei imposuimus, sic cum nos non cognoscamus Deum nisi per creaturas, nos eum non nominamus nisi per nomina creaturarum ideo solum translative, siue quia prius & prius conueniunt creature: siue quia prius imposita sunt creature, quamuis non proprius conueniant creature. Et hæc est translatio quedam, quamuis proprie loquendo sit translatio, quando proprius conueniunt iis a quibus transferuntur, ut ridere hominibus proprius, quam pratis. Sed hæc positio non videtur stare. Cum enim nos cognoscamus Deum tripliciter, scilicet per effectum,

Dionysius
Epist. 9. ante
mediū de
diuinis
nom. c. 1. &
lib. de myst.
Theol.

Funda-
menta.
Ephes. 3. c.

Damasc. de
fide orth. li.
1. c. 9.

In prolo-
gio. 1. de fi-
de ad Gra-
tianum
tom. 4.

Matt. 19. b
Ex. de Tr.
cap. 2. & ex
lib. 23. q. 17.

De diu. no-
min. ib. c. 1. in
pr. Damasc.
lib. 1. de or-
tho. fide ca.
12.

Concordat
S. Tho. 1. p.
q. 13. art. 6.

effectum, per excellentiam, & per ablationem, constat quod omnibus his modis contingit Deum nominare. Si per effectum, nulla est ibi translatio. Pariformiter si per excellentiam. Similiter si per ablationem. Quoniam translatio attenditur secundum aliquam similitudinem. Omnes enim transferentes, secundum aliquam similitudinem transferunt. Et propterea aliter dicendum quod quædam sunt nomina quæ significant rem, cuius veritas est in Deo, & oppositum in creatura, ut immensus & æternus, & talia nullo modo transferuntur, nec secundum rem, nec secundum impositionem. Quædam significant rem cuius veritas est in Deo, & similitudo eius in creatura, ut potentia, sapientia, & voluntas, & talia nomina transferuntur à creaturis ad Deum, non secundum rem, sed secundum impositionem, quia prius imposita sunt creaturis quàm Deo, licet prius sint in Deo. Quædam sunt nomina quæ significant rem cuius veritas est in creatura, & consimilis proprietas in Deo, ut lapis & leo, res enim significata est in creatura, sed similitudo proprietatis, ut stabilitas & fortitudo est in Deo, & ista sunt proprie translativa. Concedendum ergo quod in diuinis sint aliqua nomina translativa, non omnia.

1. Ad illud ergo quod obiicitur quod simplex improprie dicitur, dicendum quod dicere ibi non est nominare, sed enunciare, quia in simplici non est compositio in essendo: sed compositio est in enunciando, & ideo improprie, non sic in nominando. Vel dic quod non omne dictum improprie, est dictum translatiue.

2. Ad illud quod obiicitur quod solum per creaturas intelligitur, dicendum quod quamuis intelligatur solum per creaturas, non tamen solum per similitudinem, immo per negationem, & dissimilitudinem est cognoscibilis.

3. Ad illud quod obiicitur quod symbolica & mystica Theologia nominat Deum translatiue, dicendum quod quamuis mystica nominet Deum translatiue, quantum ad proprietates excellentiæ, non tamen solum sic nominat, sed etiam per abnegationem, & ideo non solum translatiue.

4. Ad illud quod obiicitur quod omnis nostra doctrina incipit à sensu, dicendum quod verum est quod omne nomen habet aliquid sensibile secundum vocem, ut audiat, sed non oportet quod habeat sensibilem significationem, quia verbum intelligentiæ quod est insensibile, induit vocem sensibilem.

QVÆSTIO IV.

An nomina dicta de Deo secundum substantiam dicantur.

Alex. Alens. 1. p. q. 46. Memb. 4. art. 3.

S. Thom. 1. p. q. 13. art. 2.

Et 1. Sent. dist. 22. q. 1. art. 2.

Et de Pot. q. 10. art. 1.

Ægid. Rom. 1. Sent. dist. 22. q. 4.

Richard. 1. Sent. dist. 22. q. 3. & 5.

Thom. Arg. 1. Sent. dist. 22. q. 1. art. 4.

Marsilius Inguen. 1. Sent. q. 25. art. 3. dub. 2.

Petrus de Tarentas. 1. Sent. dist. 22. q. 4.

Steph. Brulef. 1. Sent. dist. 22. q. 4.

Funda-
menta.
Cap. 6. & 8.
tom. 3.

Idem Aug.
5. de Trin. c.
5. in fine.
tom. 3.

Vtrum omnia nomina dicta de Deo dicantur secundum substantiam. Et quod non, imo aliter ostenditur auctoritate August. 5. de Trin. Illud præcipue teneamus quidquid ad se dicitur, præstantissima illa, & diuina sublimitas, substantialiter dicitur: quod autem dicitur ad aliud, non substantialiter, sed relatiue dicitur, sed pater, & Filius dicitur ad aliud, ergo, &c.

ITEM Boetius in lib. de Trinitate. Deus est sine quantitate magnus, sine qualitate bonus, sed non est sine relatione relatus: ergo relatio vere, & proprie manet in Deo, ergo & modus dicendi relatiue.

ITEM hoc ipsum videtur ratione, quia in diuinitate sunt aliqua nomina incommunicabilia, ut patet in omni-

bus personalibus: sed substantia est communicabilis, cum sit vna in tribus: ergo talia nomina non indicant substantiam: ergo in diuinis est alius modus dicendi quam secundum substantiam.

ITEM in diuinis est alio, & alio modo se habere, quia aliter se habet ad Patrem Filius, quam Spiritus sanctus: sed non est aliud, & aliud esse siue subsistere: ergo cum hoc contingat intelligere, & intellectum dicere, necesse est quod sit ibi alius modus dicendi, & intelligendi, quam secundum substantiam, ergo, &c.

1. CONTRA: Omne quod dicitur, aut dicitur secundum substantiam, aut secundum accidens, quia substantia, & accidens sufficienter diuidunt ens: sed in diuinis nihil dicitur secundum accidens, ergo secundum substantiam.

2. ITEM omne quod dicitur, aut dicitur per se aut non per se. Si per se, tunc secundum substantiam si non per se, tunc ergo per aliud, & in alio: sed omnia quæ dicuntur de Deo dicuntur per se, ergo omnia dicuntur secundum substantiam.

3. ITEM dici secundum substantiam, aut secundum relationem, aut dici diuersitate à parte rei, aut à parte modi intelligendi, siue modi dicendi. Si à parte rei, ergo in Deo est diuersitas & compositio. Si à parte modi dicendi, tunc cum diuersus sit modus dicendi, in hoc quod est bonus, & in hoc quod est magnus, & in hoc quod est Deus, quia si quæretur quantus est Deus, responderetur magnus, non responderetur bonus; similiter si quæretur, qualis est Deus, responderetur bonus, non magnus: ergo non tantum essent duo modi, sed etiam multo plures quam duo.

4. ITEM quod responderetur ad quæstionem factam per quid, dicitur secundum substantiam & quantum ad rem, & quantum ad modum: sed nomina relatiua responderetur ad quæstionem factam per quid de Deo: ergo dicuntur secundum substantiam. Probatio minoris: Augustinus in libro de Doctrina Christiana. Si quæretur quid est Deus, conuenienter responderetur, Pater, & Filius, & Spiritus sanctus.

5. ITEM cum quædam sint in diuinis, quæ non dicuntur secundum substantiam, sed nec secundum relationem, ut hoc nomen, incarnatus, hoc nomen, ingenitus, videtur quod ista diuisio non complectatur omnia nomina diuina.

CONCLUSIO.

Nomina quæ de Deo dicuntur, non omnia secundum substantiam de ipso prædicantur, cum quædam secundum relationem de ipso vere & proprie dicantur.

RESP. Ad Arg. Ad prædictorum intelligentiam est notandum quod est dici diuersimode, secundum triplicem differentiam. Vno modo dici diuersimode attenditur secundum diuersum modum essendi qui est per se, & per accidens: & hoc quidem modo non est dici diuersimode in diuinis, quia ista diuersitas modi ponit diuersitatem essentialem in re dicta: & quantum ad hoc vnus solus modus dicendi est in Deo. Nam omnia quæ dicuntur de Deo, sunt ipse Deus, & eius substantia. Alio modo dici diuersimode est secundum diuersum modum intelligendi, qui quidem attenditur secundum aliam, & aliam rationem, siue modum cognoscendi, & sic non tantum est dici diuersimode in nominibus diuinis, imo omnimode: quia Deus non tantum cognoscitur per diuersa, imo per omnia rerum genera: & sic nomina dicta de Deo quædam dicuntur per modum substantiæ ut Deus: quædam per modum qualitatatis, ut bonus, & sic de aliis omnibus. Tertio modo dici diuersimode est secundum diuersum modum se habendi, quod quidem attenditur quantum à absoluto, & ad comparatum, siue relatum, & hic quidem modus diuersitatis minor est quam primus, & maior quam secundus. Minor quam primus, quia secun-

dum primum attenditur diuersitas essentialis, & compositio. Maior quam secundus quia secundum illum non omnino attenditur in re distinctio. Secundum autem istum modum attenditur in eo vnitas, & pluralitas: Vnitas secundum absolutum, pluralitas secundum respectum. Et quantum ad hunc modum solum sunt duo modi dicendi, scilicet secundum substantiam ad se: & secundum relationem, ut illa quæ dicuntur ad aliquid. Quia vero hæc non dicunt alium modum essendi, ideo hæc prædicantur de illis, & sunt vnum. Et quia dicunt alium modum se habendi, ideo secundum illa vnitas, secundum hæc pluralitas. Ex his patent obiecta.

1. QVONIAM enim obiicitur quod omne quod dicitur, dicitur secundum substantiam, vel secundum accidens: dicendum quod in diuinis habet instantiam, ubi relatio non est accidens, nec tamen dicitur secundum substantiam.

2. AD illud quod obiicitur secundo quod omne quod dicitur in diuinis, est ens per se, dicendum quod verum est; sed tamen non sequitur, dicitur ut ens per se, ergo secundum substantiam: quia non dicitur nomen dici secundum substantiam, ut substantia dicitur per se, sed ut dicitur ad se.

3. AD illud quod obiicitur, qualis sit hæc diuersitas, aut secundum rem, aut secundum modum intelligendi, dicendum quod secundum modum habendi, qui non tantum est in nostro intellectu, sed etiam in re.

4. AD illud quod obiicitur quarto, quod nomina relatiua respondentur ad interrogationem factam de substantia, dicendum quod substantia dicitur dupliciter, aut ens per se, aut ad se. Si ut ens per se, tunc omnia, & relatiua & absoluta dicuntur de Deo substantiam: & quia hoc modo substantia responderetur ad questionem factam per quid, ideo omnia possunt responderi. Si autem dicatur substantia ut ens absolutum non comparatum, sic dicitur secundum substantiam quod dicitur ad se. Et sic non accipit Augustinus, & sic Pater, & Filius, & relatiua secundum substantiam non dicuntur.

5. AD illud quod ultimo obiicitur quod multa dicuntur de Deo, quæ non dicuntur secundum substantiam nec secundum relationem: dicendum quod dici relatiue in diuinis potest esse dupliciter. Quædam enim nomina dicuntur relatiue ex principali nominis intellectu, quædam ex consequenti. Prima differentia diuiditur in tres: Quia quædam significant relationem, & dicuntur relatiue, ut Pater: quædam significant relationem, ut paternitas, quæ non dicitur ad alterum, sed est ipsum quo alterum refertur. Quædam dicuntur relatiue, quia priuant relationem, ut ingenuus, improcessibilis, tamen ista non est priuatio pura ut infra videbitur. Quæ autem important relationem ex consequenti intellectu, similiter sunt secundum triplicem differentiam. Quædam enim dicuntur dici relatiue, quia ponuntur pro relatiuis: ut cum dicitur, Deus generat Deum, id est, Pater Filium. Quædam dicuntur relatiue, quia claudunt in suo significato interius relationem, ut cum dicitur incarnatus, sensus enim est, id est, carni vnitus: vnio enim dicit relationem, quæ singularem personam respicit, siue assumere carnem, & huiusmodi. Quædam dicuntur relatiue, quia claudunt relationem in suppositis, ut similis & æqualis, non enim sunt similes, nisi qui referuntur, & distinguuntur.

¶

¶

A

DISTINCT. XXIII.

DE HOC NOMINE QVOD EST PERSONA, QVOD CVM SECVNDVM SVB- STANTIAM DICATVR, TAMEN

PLVRALITER NON SINGVLARITER IN SVMMMA ACCIPITVR.

R

Radictis adiciendum est quod cum omnia nomina, quæ secundum substantiam de Deo dicuntur, singulariter, & non pluraliter de omnibus in summa dicantur personis, ut supra ostensum est, est tamen vnum nomen, scilicet persona, quod secundum substantiam dicitur de singulis personis, & pluraliter, non singulariter in summa accipitur. Dicimus enim: Pater est persona, Filius est persona, Spiritus sanctus est persona, & hoc secundum substantiam dicitur. Nec tamen dicitur Pater, & Filius, & Spiritus sanctus sunt una persona, sed tres persona. Hoc ergo nomen excipitur à prædicta regula nominum, quæ secundum substantiam de Deo dicuntur, quia cum hoc ad se dicatur, & secundum substantiam, pluraliter tamen, non singulariter in summa accipitur.

B

Auctoritas quod persona ad se dicatur, & secundum substantiam.

C

Quod autem persona secundum substantiam dicatur. Augustinus ostendit in 7. lib. de Trinitate, dicens: Non aliud Deum esse, aliud personam esse, sed omnino idem. Item in hac Trinitate cum dicimus personam Patris, non aliud dicimus quam substantiam Patris. Quæcirca ut substantia Patris ipse Pater est, non quo Pater est, sed quo est: ita & persona Patris, non aliud quam ipse Pater est. Ad se quippe dicitur persona, non ad Filium, vel Spiritum sanctum: sicut ad se Deus dicitur, & magnus, & bonus, & iustus, & huiusmodi. Et quemadmodum hoc est illi esse, quod Deum esse, quod magnum esse, quod bonum esse: ita est hoc illi esse, quod personam esse. Ecce expresse habes, quod persona secundum substantiam dicitur, ut cum dicitur: Pater est persona, hic sit sensus, Pater est diuina essentia. Similiter cum dicitur: Filius est persona, Spiritus sanctus est persona, id est, essentia diuina.

D

Cur Pater, & Filius, & Spiritus sanctus non dicantur vna persona, ut vna substantia, & vnus Deus.

Ideo oritur hic questio difficilis quidem, sed non inutilis, qua queritur: Cur non dicantur hi tres vna persona, sicut vna essentia, & vnus Deus. Quam questionem Augustinus diligenter tractat, atq; congrue explicat in 7. li. de Trin. ita dicens: Cur non hæc tria simul vnā personā dicimus, sicut vnā essentiam, & vnum Deum: sed dicimus tres personas, cum tamen tres Deos, aut tres essentias non dicamus. Quia volumus vel vnum aliquod vocabulum seruare huic significationi, qua intelligitur Trinitas, ne omnino taceamus interrogati; quid tres essent, cum tres esse fateamur. Cum ergo queritur, quid tres, ut ait Augustinus in lib. 5. de Trinitate: Magna prorsus inopia humanū laboras eloquium: dictum est tamē, Tres, personæ, non ut illud diceretur, sed ne taceretur omnino. Non enim rei ineffabilis eminentia hoc vocabulo explicari valet. Ecce ostendit qua necessitate dicatur pluraliter, personæ; videlicet ut hoc vno nomine quærentibus de tribus respondeamus.

E

Ca. 6. in pr. tom. 3.

Ca. 6. in pr. tom. 3.

Ca. 9. in fine tom. 3.

Qua necessitate dictum sit, Tres personæ; à Latinis: & à Græcis, Tres hypostases, vel substantiæ.

Qua necessitate non solum Latinus sermo, sed etiam Græcus, eadem pene super hac re laboras nominum penuria coartatur. Vnde Augustinus quid à Græcis, vel Latinis necessitate de ineffabili Trinitate dictum sit, aperiens in 7. libro de Trinitate ait: Loquendi causa de ineffabilibus, ut fari aliquo modo possemus, dictum est à Græcis, una essentia, tres substantia, id est, una usia, tres hypostases. Aliter enim Græci accipiunt substantiam quam Latini. A Latinis autem dictum est, vna essentia, vel substantia, Tres personæ: quia non aliter in sermone nostro, id est, Latino, essentia quam substantia solet intelligi. Et ut intelligatur saltem in enigmate, placuit ita dici, ut diceretur aliquid cum quaereretur quid tria sint. Quæ tria, esse tria, fides vera pronunciat, cum & Patrem non dicit esse Filium, & Spiritum sanctum, scilicet donum Dei, nec Patrem dicit esse, nec Filium: Cū ergo quaeritur, quid Tria, vel quid Tres, conferimus nos ad inveniendum aliquod nomen, quo completamur hæc tria. Neq̃, occurrit animo, quia supereminentia diuinitatis usitati eloquij facultatem excedit. Verius enim cogitatur Deus, quam dicitur, & verius est, quam cogitatur.

Quid hoc nomine, Tres, significetur.

Pater ergo, & Filius, & Spiritus sanctus, quoniam tres sunt, quid Tres sint, quæramus, & quid commune habeant. Non enim possumus dici tres Patres, quia tantum Pater ibi Pater est: nec tres Filii, cum nec Pater ibi sit Filius, nec Spiritus sanctus: nec tres Spiritus sancti, quia Spiritus sanctus propria significatione, qua donum Dei dicitur, nec Pater est, nec Filius. Quid ergo tres? Si tres personæ esse dicuntur, commune est eis id quod personæ est. Certe enim quia Pater est personæ, & Filius est personæ, & Spiritus sanctus est personæ: ideo tres personæ dicuntur. Propterea ergo dicimus tres personas, quia commune est eis id quod personæ est. Ex prædictis aperte intelligi potest, qua necessitate dictum sit à Latinis, tres personæ, cum personæ secundum substantiam dicatur. Vnde & tribus commune est id quod personæ est, id est, hoc nomen personæ.

Quare non dicamus tres Deos esse, Patrem, & Filium, & Spiritum sanctum, ut dicimus tres personas, cum id quod Deus est, sit eis commune: quia Pater est Deus, & Filius est Deus, & Spiritus sanctus est Deus.

Sed quaeritur hic, cum dicamus Patrem, & Filium, & Spiritum sanctum esse tres personas, quia commune est eis quod personæ est, id est, quia Pater est personæ, & Filius est personæ, & Spiritus sanctus est personæ: cur non dicamus similiter tres Deos, cum & Pater sit Deus, & Filius sit Deus, & Spiritus sanctus sit Deus. Quia scilicet illud scriptura contradicit: hoc autem, & si non dicit, non tamē contradicit. Vnde Augustinus hanc mouens questionem, atq̃, definiens in libro septimo de Trinitate ait: Si ideo dicimus Patrem, & Filium, & Spiritum sanctum esse tres personas, quia commune est eis id quod personæ est: cur non etiam tres Deos dicimus? Certe, ut prædictum est, quia Pater est personæ, & Filius est personæ, & Spiritus sanctus est personæ, ideo tres personæ dicuntur. Quia ergo Pater est Deus, & Filius est Deus, & Spiritus sanctus Deus, cur non dicuntur tres Dī? Ecce proposuit hanc questionem. Attende quid respondeat subdens: An ideo non dicuntur tres Dī, quia Scriptura non dicit tres Deos? Sed nec tres personas alicubi

Scriptura textus commemorat. An ideo licuit, loquendi & disputandi necessitate, tres personas dicere, non quia Scriptura dicit, sed quia Scriptura non contradicit? Si autem diceremus tres Deos, contradiceret Scriptura dicens: Audi Israel, Deus tuus Deus unus est. Ecce absolutio questionis: quare potius dicamus tres personas, quam tres Deos, quia scilicet illud non contradicit Scriptura.

Alia questio, tū non dicamus tres essentias, ut tres personas, cum Scriptura non contradicat.

Verum & hic alia emergit questio, quam Augustinus consequenter annectit dicens: Cur (inquit) & tres essentias non licet dicere: quod similiter scriptura sicut non dicit, ita non contradicit? At si dicis quod propter unitatem Trinitatis non dicuntur tres essentia, sed una essentia: quæro, cur non propter eandem unitatem Trinitatis dicantur una personæ, & non tres personæ. Vt enim est illis commune nomen essentia, ita ut singulus quisq̃, dicatur essentia: sic illis commune est personæ vocabulum. Quid igitur restat, nisi ut faseamur loquendi necessitate à Græcis & Latinis, paria hæc vocabula aduersus insidias, vel errores hereticorum? Cumq̃, conaretur humana inopia loquendo proferre ad hominum sensus, quod in secretario mentis de Deo tenet, siue per piam fidem, siue per qualemcūq̃, intelligentiam, timuis dicere tres essentias, ne intelligeretur in illa summa aequalitate vlla diuersitas. Rursum nō poterat dicere, nō esse tria quadam: quod quia dixit Sabellius, in hæresim lapsus est. Quæ sunt ergo, quid tria diceret? & dixit tres personas, siue tres substantias secundum Græcos.

Sicut nos dicimus tres personas, ita Græci tres substantias, quas dicunt hypostases, aliter accipientes substantiam quam nos.

Quid enim de personis secundum nostram, hoc de substantiis secundum consuetudinem Græcorum oportet intelligi. Sic enim illi dicunt tres substantias unam essentia, id est, tres hypostases unam usiam, quemadmodū nos dicimus tres personas unam essentia, vel substantia. Quamquam & illi si vellent, sicut dicunt tres substantias, tres hypostases, posset dicere tres personas, tria + prosopa. Illud autem maluerunt dicere, quia fortasse secundum linguæ suæ consuetudinem aptius dicitur.

Quod in Trinitate non est diuersitas, nec singularitas, vel solitudo: sed Vnitas, & Trinitas, & distinctio, & identitas.

Ita sufficienter (ut patet) ostensum est, qua necessitate dicamus tres personas, & quare nō similiter tres Deos, vel essentias: quia, scilicet in altero obuiat Scriptura, in altero diuersitatis intelligentia, quia ibi nulla penitus est diuersitas, sicut nec singularitas vel solitudo, sed Vnitas & Trinitas. Vnde Aug. in li. 7. de Tr. ait: Humana inopia querens quid diceret tria, dicit tres personas, vel substantias. Quibus nominibus non diuersitatem voluit intelligi: sed singularitatem noluit, ut non solum ibi Vnitas intelligatur ex eo quod dicitur una essentia: sed Trinitas, ex eo quod dicuntur tres personæ. Hilarius quoq̃, in lib. 7. de Trin. ait, Dominus dicit: Qui me videt, videt & Patrem. Cum hoc dicitur, excluditur singularitas, atq̃, vni. i. id est, solitaria intelligentia. Nam nec solitarium sermo significat, & indifferenter tamen naturam professio docet. Visus est enim in Filio Pater per naturam unitatem similitudinem. Vnum enim sunt natus, & generans: vnum sunt neque vnus. Non itaque solitarius Filius est, nec singularis,

nec dispar

Paulo post. nec dispar. item in eodem: Sicut in patre, & Filio credere duos Deos impium est: ita Patrem, & Filium singularem Deum predicare sacrilegum est. Nihil in his nouum, nihil diuersum, nihil alienum, nihil separabile est: De hoc etiam Augustinus in lib. questionum veteris ac noue legis ait: Vnus est Deus, sed non solitarius. Item Ambrosius in lib. de fide ait: Quod vnius est substantia, separari non potest: etsi non sit singularitatis, sed unitatis, Deus vnus cū dicitur, nequaquam deitatis Trinitatem excludit: & ideo non quod singularitatis, sed quod unitatis est predicatur. Ecce ex predictis ostenditur, quia nec singularis, nec diuersus, nec vnus, vel solitarius confitendus est Deus, quia singularitas, vel solitudo personarum pluralitatem excludit, & diuersitas unitatem essentia tollit. Diuersitas inducit separationem diuinitatis, singularitas adimit distinctionem Trinitatis. Ideo Ambrosius in secundo lib. de fide ait: Non est diuersa, nec singularis aequalitas. Nec iuxta Sabellianos, patrem filiumque confundens: nec iuxta Arianos patrem, filiumque discernens. Pater enim & filius distinctionem habent, separationem vero non habent. Item in eodem: Pater & Filius diuinitate sunt vnus, nec est ibi substantia differentia, nec ulla diuersitas: alioquin quomodo vnus Deum dicimus? Diuersitas enim plures facit. Constat ergo ex predictis, quia in Trinitate nulla est diuersitas: Si tamen aliquando in Scriptura inuenitur dictum: Tres diuersa persona, & huiusmodi, diuersas dicit distinctas.

Quod non debet dici Deus multiplex.

Cap. 2. ap. 1. tom. 4. Et sicut in Trinitate non est diuersitas, ita nec multiplicitas, & ideo non est dicendus Deus multiplex, sed Trinus & simplex. Vnde Ambrosius in 1. lib. de fide ait: Est in Patre & Filio non discrepans, sed vna diuinitas: nec confusum quod vnus est, nec multiplex esse potest quod indifferens est: Multiplex itaque Deus non est.

DISTINCTIO XXIII.

De substantialibus nominibus diuinis in speciali.

Prædictis adiendum est, quod cum omnia nomina quæ secundum substantiam, &c.

Expositio textus.

Diuisio. **S**upra egit Magister de diuersitate diuinorum nominum in generali. Hic incipit secunda pars in qua agit de eadem in speciali. Et quoniam quædam sunt nomina substantialia, quædam relatiua, & hæc contingit considerare absolute, & ad se inuicem; ideo hæc pars habet tres partes. In prima agit de nominibus substantialibus. In secunda de relatiuis, infra distinct. 26. Nunc de propriis personarum quas frequenter, &c. In tertia de substantialibus, & relatiuis ad inuicem, infra distinct. 33. Post prædicta inueniuntur considerari. Et quoniam inter nomina substantialia, hoc nomen, persona, excipitur à generali regula, quæ est, quod substantiale dicitur de tribus singulariter, ideo nomen istud primo à generali regula excipit, ostendens quod debemus dicere tres personas, & hoc in præsentis distinctione. Secundo determinat quid significetur per hoc nomen, Tres, & per hoc nomen, Personas, cum dicimus tres personas, infra distinctione proxima ibi: Hic diligenter inquiri oportet. Prima pars habet quatuor. In prima Magister illud nomen excipit à generali regula. In secunda rationem huius exceptionis inuestigat, ibi: ideo oritur hic questio difficilis, ostendens quod fuit inopia humani eloquii. In tertia Magister contra assignationem op-

A ponit, & determinat ibi: Sed quaritur, cum dicamus Patrem & Filium & Spiritum sanctum: In quarta epilogat determinata, ut addat, ibi: iam sufficienter, ut patet, ostensum est. Harum partium subdiuisiones per se patent.

Vna vsia, tres hypostases.

Videtur hoc esse contra id quod dicit Hieronymus: Taceamus tres hypostases: non bonæ suspicionis nomen est, igitur non debet dici. Præterea videtur quod nomen hypostasis nullo modo debeat recipi, vel nomen vsia, quia Boetius dicit super libro prædicamentorum quod hypostasis est materia, vsiosis forma, vsia compositum: sed in diuinis non recipitur materia nec compositum, igitur, &c.

B R. s. p. Dicendum quod Hieronymus non dicit non tres esse hypostases, quia falsum esset vel erroneum. Sed quia nomen erat insuetum, & videbatur sonare idem quod substantia: & substantia, secundum communem acceptionem, non dicitur pluraliter de personis: & ideo volebat tunc taceri, ne hæretici acciperent occasionem malignandi. Nunc autem illud nomen specificatum est & expressum: ideo modo conceditur.

Ad illud quod obiicitur secundo, dicendum quod huiusmodi nomina aliter accipiuntur in Philosophia, aliter in Theologia, & hoc patet per Boetium qui aliter accipit loquens ut philosophus, aliter loquens ut Theologus in libro de duabus naturis, & vna persona Christi.

Verum enim cogitatur Deus, quam dicitur.

Dub. II.

Videtur falsum, quia omnis fidelis cogitat Deum esse Trinum & Vnum, & nihil est verius isto: igitur non est verius quam cogitatur.

ITEM videtur falsum quod dicit, quod verius cogitatur quam dicatur: multa enim dicimus quæ non intelligimus, igitur plus se extendit veritas sermonis quam interioris cogitationis.

ITEM ego dico Deum esse summe verum: sed nihil potest verius hoc cogitari: nec esse magis verum summe vero, igitur, &c.

R. s. p. Dicendum quod sermo Augustini est duplex. Potest enim esse comparatio entis ad ipsum cogitatum, & cogitari ad dictum, & sic non habet veritatem: quia vnus & idem est Deus qui est, & qui cogitatur, & qui dicitur, & æqualiter verus. Potest iterum fieri comparatio ad actum essendi, & cogitandi, & loquendi, & sic habet sermo Augustini veritatem: quoniam Deus in suo esse habet summam veritatem. Cogitatio vero nostra cum sit creata, & exemplata à summaveritate, non potest esse summe vera, similiter nec locutio, & ideo minus de veritate habet. Et rursus cum magis assimiletur summo vero actus cogitandi interior quam actus loquendi exterior, magis habet de veritate cogitatio quam locutio, quia Deo est similior. Rationes vero ad oppositum procedunt secundum primam viam.

An ideo licet loquendi disputandine necessitate tres personas dicere; &c. quia Scriptura non contradicit.

Dub. III.

CONTRA: Quia Scriptura non contradicit, igitur licet dicere Patrem, Filium & Spiritum sanctum non esse tres personas: sed non licet dicere nisi verum, igitur huius oppositum est falsum.

R. s. p. quod ista non fuit tota ratio dicti, sed Augustinus subiecit patrem causam. Ratio enim fuit sicut ipse aperit in sequentibus, quia ratio consonabat, & scriptura non contradicebat. Nam si scriptura contradiceret, quantumcunque ratio diceret, non esset dicendum, & propter hoc non licuit dicere tres essentias, quia ratio non consonabat.

Hier. tom. 3. ad Damas. epist. Quoniam vnus, circa med.

Quare autem ratio magis consonet in hoc nomine, *persona*, quam in hoc nomine, *essentia*, patet si attendatur significatum utriusque ex verbis Augustini quæ Magister dicit. Quare dictum est ab Ecclesia: Tres personæ: patet quia triplex fuit ratio. Prima fuit, quia necessitas imminabat. Secunda, quia ratio consonabat. Tertia, quia Scriptura in nullo contradicebat, immo etiam consonabat. Vnde minus dicit, & plus intelligit, quando dicit quod Scriptura non contradicit.

Ibi nulla penitus est diuersitas, sicut nec singularitas.

Dub. IV.

CONTRA: Quia si hoc est verum, igitur ibi est omnis identitas, igitur naturæ, & personæ.

R. S. P. Dicendum quod facienda est vis in verbo. Diuersitas enim attenditur quantum ad principia essentialia siue substantialia. Quia igitur in diuinis quantum ad substantialia nulla cadit differentia, ideo dicit quod nulla diuersitas: ideo non sequitur, quod penitus omnino est identitas, nisi addatur determinatio, scilicet quo ad essentialia, & sic patet illud.

ARTICVLVS I.

AD intelligentiam eorum quæ dicuntur in præsentia distinctione de his nominibus, *Persona*, *Substantia*, & *Essentia*, duo principaliter queruntur. Primo queritur de translatione istorum nominum ad diuina. Secundo, de numeratione eorum in diuinis. Circa primum queruntur tria. Primo, utrum ad diuina debeat transferri nomen personæ. Secundo vero, utrum nomen substantiæ. Tercio, utrum nomen essentialis.

QVÆSTIO I.

An nomen persona ad diuina transferri debeat.

Alexand. Alensis 1. p. q. 57. Memb. 1.

S. Thom. 1. p. q. 29. art. 3.

Et 1. Sent. dist. 23. q. 1. art. 2.

Et de Pot. q. 9. art. 3.

Ægid. Rom. 1. Sent. dist. 23. q. 2.

Henricus in Summa art. 53. q. 1. c. 2.

Richard. 1. Sent. dist. 23. q. 1.

Thom. Argent. 1. Sentent. dist. 23. q. 1. art. 2.

Marsilius Inguen. 1. Sent. q. 26. art. 2.

Ad oppositum.
Lib. 7. c. 4.
tom. 3.

UTrum debuerit transferri nomen personæ ad diuina. Et quod nomen personæ non debeat dici in diuinis, ostenditur sic: Aug. in lib. de Trin. & habetur in littera: Dictum est: Tres personæ, non ut illud diceretur, sed ne taceretur: ergo videtur quod solum ad fugam hæreticorum & non secundum veritatem & proprietatem dicatur persona in diuinis.

1. ITEM hoc ipsum videtur ratione, quia persona nominat particulare, & non quodcumque, sed rationalis naturæ: sed à quocumque remouetur superius, & inferius: ergo cum in diuinis non sit dicere particulare, similiter nec erit dicere personam.

3. ITEM particulare rationalis creaturæ est compositissimum inter omnia creata. Nam compositum est ex substantia corporali & spiritali: & rursus, corporalis inter omnes videtur habere maiorem compositionem: ergo cum persona sit nomen particularis, & hoc summe compositi, & in diuinis est summa simplicitas, patet quod in diuinis non oportet dici nomen personæ.

4. ITEM vocabula nostra debent respondere Græcis, ut veritas fidei ostendatur: sed Græci non vtuntur vocabulo, *prosopon*, in diuinis, quod est idem, quod persona: ergo cum ipsi proprius habeant vocabula quam nos, & non vtuntur, nec nos debemus uti.

CONTRA: Persona dicitur quasi per se sonans, siue per se vna: sed per se vnum propriissime recipitur in Deo: ergo & persona secundum suum nomen.

Argumentum.

Fundamenta.

ITEM persona dicitur habens suam naturam intellectualem ab aliis distinctam: sed in Deo est ponere habentem naturam intellectualem ab aliis distinctam, sicut supra ostensum est de pluralitate personarum: ergo &c.

ITEM persona nominat mihi vltimum in genere rationalis naturæ: sed rationalis, siue intellectualis natura est nobilior inter creata: & rursus, vltimum in illa est completissimū, quia ei nulla potest fieri additio: ergo si quidquid completionis est, ponendum est in Deo propriissime: ergo patet, &c.

ITEM persona dicit dignitatem. Vnde in Ecclesiis personæ dicuntur habentes dignitatem aliquam notabilem: ergo cum dignitas propriissime sit in Deo, nomen personæ propriissime in Deo ponendum est.

CONCLUSIO.

Persona nomen, non incongrue Spiritu sancto dictante, ad supposita diuina est translatum, cum in illis dignitas & distinctio vere reperiantur.

R. S. P. Ad Arg. Dicendum quod persona de sui ratione dicit suppositum distinctum proprietate ad dignitatem pertinens. Et hoc patet in sua etymologia, & in æquipollenti suo. In etymologia, quia persona dicitur quasi per se vna: per se autem vnum, proprie dicitur vnum, quod est omnino distinctum ab aliis, & in se indistinctum. Rursus, persona dicitur à personando, quasi per se resonando, resonare autem dicitur quod in sono præminet aliis, & ideo persona dicitur suppositum distinctum habens dignitatem: & ratione huius dignitatis cum deberet per naturam vocabuli dici persona penultima correpta, dicitur persona penultima producta. Similiter ratio huius significationis accipitur ab æquipollenti in lingua Græca, quod est *prosopon*. Apud Græcos *prosopon* dicebatur, sicut narrat Boetius, homo laruatus, qui quidem solebat fieri in tragædiis, & hoc fiebat propter duo. Vna ratio erat ad distincte representandum eum de quo fiebat sermo. Alia ratio erat ad melius personandum, vel resonandum, & ista duo conueniunt prædictis duabus proprietatibus: & ideo ab hoc nomine, *prosopon*, apud Græcos, tractum est hoc nomen, *persona*, apud Latinos. Et quia in Ecclesiis maxime attenditur distinctio dignitatum, tractum est primo ad significandum honorem in Ecclesiis: deinde quia indiuiduum rationalis naturæ distinctum est ab aliis, & hoc, proprie dignitatis inter creaturas, hinc est quod extensum est ad significandum suppositum rationalis naturæ. Deinde quia in Deo est repetire suppositum distinctum proprietate nobilissima, Spiritu sancto dictante, translatum est ad diuina, quia ibi res nominis propriissime inuenitur, quamuis ipsum nomen prius aliis sit impositum. Concedendum est ergo quod in diuinis proprie & conuenienter nomen personæ accipitur.

1. AD illud ergo quod obiicitur quod dictum est, non ut diceretur, dicendum quod Augustinus loquitur de tempore illo in quo nomen personæ secundum vsum æquiualebat substantiæ: & ideo dictum est non ut diceretur quod persona consueuerat significare: sed dictum est quasi translatum ne taceretur, id est, ne confessio fidei diminuta esse probaretur.

2. AD illud quod obiicitur quod persona nominat particulare, dicendum quod particulare de ratione sui nominis importat partem, & imperfectionem: sed persona de ratione sui nominis importat completionem: ideo ponitur in diuinis quamuis non particulare, & bene: quia in diuinis nomen speciei proprie dicitur, & nomen generis improprie.

3. AD illud quod obiicitur quod persona nominat compositissimum, dicendum quod hoc accidit, quia indiuiduum rationalis naturæ creatæ est in genere, & ideo multis differentiis distat, cum distinguatur qualitate: sed in diuinis est distinctio sola origine, & præterea non est in genere: & ideo non oportet quod sit ibi aggregatio differentiarum.

4. AD illud quod obiicitur quod Græci non vtuntur æquipollenti, scilicet *prosopon*, dicendum quod ratio vtendi apud Latinos non tam fuit proprietas quam penuria,

quia non

Persona
quasi per
se vna, vel
per se so-
nans.

S. Tho. 1. p.
q. 29. art. 1.

Argumentum.
De dua-
bus natu-
ris & vna
persona
Christi.

quia non habebant quod responderent: & ratio huius fuit, quia substantia secundum communem usum idem sonat, quod essentia: Græci autem habebant proprium vocabulum scilicet hypostasis, quo utuntur: & ideo non sunt, ut nos, coacti transferre.

QVÆSTIO II.

An in diuinis nomine substantia, & subsistentia utendum sit.

Alex. Alens. 1. p. q. 57. Memb. 1.
S. Tho. 1. p. q. 29. art. 2.
Et 1. Sent. dist. 23. q. 1. art. 3.
Et de Pot. q. 9. art. 1.
Ægidius Rom. 1. Sent. dist. 23. q. 1.
Richardus 1. Sent. dist. 23. q. 2.
Thom. Arg. 1. Sent. dist. 23. q. 1. art. 3.
Marfilus Inguen. 1. Sent. q. 26. art. 3.

Vtrum nomen substantiæ dici debeat in diuinis, vel etiam subsistentiæ. Et quod sic, videtur per August. lib. 5. de Trin. Deus absque vlla dubitatione dicitur substantia, vel, si melius appellatur, essentia.

ITEM tam Boetius quam August. de Trinit. dicunt quod aliorum nominum genera, ut magnitudo, bonitas, &c. transeunt in substantiam: si ergo substantia non transeat in aliud, constat substantiæ nomen proprie dici: nam si non proprie, eque bene diceretur quod substantia transeat in alia, sicut econuerso.

ITEM ratio substantiæ secundum Philosophum est, quod est ens per se: sed solus Deus propriissime est per se.

ITEM ratio substantiæ secundum Augustinum est dici ad se, & absolute: sed ibi est proprie dici ad se, ubi nulla est dependentia: ergo si hoc est in Deo: ergo, &c.

1. **CONTRA:** per Augustinum de Trinit. Inconueniens est dicere de Deo quod subter bonitati suæ: sed si de bonitate, eadem ratione & de qualibet proprietate: ergo simpliciter loquendo, inconueniens est dicere ipsum esse substantiam.

2. **ITEM** Boetius in lib. de Trin. Deus non est substantia, sed supra omnem substantiam: ergo hoc nomen, substantia, proprie est in creaturis & non in Deo.

3. **ITEM** hoc ipsum videtur ratione: Omne quod substantat, habet aliquid inhærens: sed in Deo non est inhærens, neque inhærentia, ergo nec substantia.

4. **ITEM** omne quod substantat, aliquid illi componitur: ergo ubi non est compositio, nec nomen compositionis, ibi nec nomen substantiæ: ergo cum in diuinis non sit compositio, parer, &c.

CONCLUSIO.

Quamuis substantia ut à per se stando dicitur, in Diuinis vere & proprie dicatur: non tamen, ut dicitur à substando.

RESP. Ad Arg. Dicendum quod nomen substantiæ à duplici proprietate potest dici, videlicet à per se stando, non per aliud: si sic, proprie est in diuinis, & magis proprie quam in creaturis: Vel à substando alij vel aliis. Et hoc est tripliciter. Vel alij inhærenti: & sic false & improprie dicitur in diuinis: quia proprietates in diuinis non sunt accidentes, nec inhærentes. Vel alij distinguendi: & sic dicitur in diuinis non omnino improprie, nec omnino proprie, quia proprietates illæ non inhærent, & ideo non faciunt subsistere siue substat quasi sub alio stare, sed existere, quasi ab alio esse: & hinc est quod Richardus dicit in lib. de Trin. quod melius dicitur existentia quam substantia. Vel quia substantat ut perficienti, & sic dicitur res natura substat respectu essentie. Et iste modus magis est circa nostrum intelligere, quam circa diuinum esse, & sicut patet in sequenti problemate, ex nostro intellectu euēnit talis modus dicendi, non ex proprietate diuini esse.

QVÆSTIO III.

An in diuinis nomine essentia utendum sit.

Alex. Alens. 1. p. q. 57. Memb. 2.
S. Thom. 1. p. q. 39. art. 1.
Richardus 1. Sent. dist. 23. q. 3.
Marfilus Inguen. 1. Sent. q. 26. art. 4. dub. 1.

Vtrum nomen essentiæ dici debeat in diuinis. Et quod sic, videtur per August. de Tr. essentia vere ac proprie dicitur in diuinis, ita ut forte solum Deum dici oporteat per essentiam.

ITEM hoc nomen, *Qui est*, est nomen quod ipse Deus sibi imposuit: ergo si ipse proprie se nominat, Deus proprie dicitur, *Qui est*. Sed de quocumque proprie dicitur, *Qui est*, proprie potest dici de ipso, essentia: ergo & in diuinis dicitur essentia.

ITEM inter omnia nomina, nomen essentiæ est absolutissimum. Vnde essentia secundum Auicennam dicitur rei quidditas nomine absoluto: cum ergo in diuinis sit omnimoda absolutio, ergo nomen essentiæ.

1. **CONTRA:** Non intelligimus Deum nisi in creaturis & per creaturas: sed nominatio Dei est propter nostrum intelligere: ergo nullum absolutum nomen omnino debet poni in Deo.

2. **ITEM** quæro in quo differant nomen substantiæ, & nomen essentiæ. Nam substantia aut dicit commune, aut suppositum. Si suppositum: ergo superfluit nomen personæ. Si commune: ergo superfluit nomen essentiæ: ergo cum debeamus labia nostra circumcidere in loquendo de Deo, nequaquam debet poni hoc nomen in Deo.

3. **ITEM** quæritur gratia huius de necessitate & sufficientia, & differentia istorum quatuor nominum: Essentia, Subsistentia, Substantia, & Persona.

CONCLUSIO.

Essentia nomen, quod vsia Græco vocabulo correspondet, sicut vsios substantia, hypostasis subsistentia, & prosopon persona, congrue in diuinis dicitur.

RESP. Ad Arg. Ad intelligentiam prædictorum est notandum quod ista quatuor nomina, siue vocabula respondent quatuor vocabulis in Græco, quæ sunt Vñia, Vñiosis, Hypostasis, & Prosopon, ut vñia respondeat essentiæ: vñiosis, substantiæ: hypostasis, subsistentiæ: prosopon, personæ. Ratio autem & sufficientia istorum quatuor nominum aliquando accipitur sic. In diuinis est accipere communicabile & incommunicabile, & hoc ex veritate & necessitate fidei, quæ dicit Deum Trinum & Vnum: & cum debeamus intelligere in Deo, quod vere est per illud quod videmus in his inferioribus, maxime secundum notabiles & primas & præcipuas condiciones, cum in communi in inferioribus inueniatur, *Quod est*, & *Quo*, ratione cuius significatur in concrectione & in abstractione, ut dicatur homo, & humanitas, sic in diuinis intelligimus, quæuis non intelligamus indifferentia illa duo: ideo & in abstractione significatur per hoc nomen, *Deitas*, & in concrectione per hoc nomen, *Deus*: & ideo imposuimus ei nomen quo significarem ipsam, *Quo est*, & hoc est essentia, & ipsum: *Quod est*, & hoc est substantia, & ita hæc duo nomina accipiuntur ex parte communis. Et est in diuinis accipere, quod est incommunicabile & hoc est quid distinctum, siue quis distinctus. Et hoc quidem dupliciter contingit intelligi siue significari. Vel in quantum distinguibile, & hoc per nomen subsistentiæ siue hypostasis. Vel in quantum distinctum, & hoc per nomen personæ. Et licet in Deo nihil differat distinguibile & distinctum, quia potentia in eo semper actui est coniuncta, tamen contingit duplici nomine significari. Vnde differunt ista quatuor nomina secundum modum intelligendi sicut, *Quo est*, &

Fundamenta.
Li. 7. de Tr.
cap. 5. in fi.
rom. 9.

Ad oppositum.

Fundamentum
responsionis.

*Quod est, & Qui est, & Quis est, & quoniam in Deo idem est, Quo est, & Quod est, ex vna parte, & distinguibile & distinctum, ex alia secundum rem, Sancti accipiunt & substantiam & essentiam pro eodem: similiter & hypostasis nomine vtuntur Græci pro supposito actu distincto. Vnde distinctio per, *Quo*, & *Quod est*, & per distinguibile & distinctum, in omnibus diuinis non facit diuersitatem nisi secundum rationem intelligendi. Fuerunt etiam alii volentes dicere quod substantia & essentia accipiuntur ex parte communis: sed differenter, quia illud commune contingit intelligi sub duplici ratione. Vna est quod omnia indigent eo vt sint. Alia est quod ipsum non eget aliis. Primo modo dicitur essentia a qua, & per quam omnia sunt. Secundo modo substantia, quoniam per se stat, aliis circumscriptis. Subsistentia vero siue hypostasis, & persona accipiuntur ex parte incommunicabilis, & differunt: quamuis enim vtrunq; nomen dicat quid distinctum, tamen hypostasis dicit suppositum substantiæ distinctum: sed persona dicit distinctum proprietate nobili. Fuerunt alii qui voluerunt dicere quod ista quatuor nomina distinguuntur per communicabile & incommunicabile, secundum quod potest vnumquodque dupliciter significari, scilicet vel in abstractione, vel in concretionem. Nam communicabile potest significare in abstractione, & sic dicitur essentia: vel in concretionem ad suppositum, & sic dicitur substantia. Similiter incommunicabile potest significari in abstractione, & sic dicitur subsistentia siue hypostasis: vel in concretionem, & sic dicitur persona. Sed tamen omnes isti modi habent calumniam. Primus quidem qui sumitur per distinguibile & distinctum, quia Græci vtuntur vocabulo hypostasis, vbi nos vtimur persona, & ita pro supposito distincto. Et Damascenus dicit, quod hypostasis est substantia cum proprietatibus, & ita significat actu distinctum. Secundus modus similiter habet calumniam, quia essentia non videtur aliquo modo significari vt in ratione causæ respectu aliorum, cum sit nomen absolutissimum. Tertius modus habet calumniā, quia substantia significatur in abstractione sicut essentia: & præterea est dubium, vtrum sit intelligere hypostases, abstractis proprietatibus: & ideo si non est intelligere, quo modo contingit significare? Et propterea quartus modus dicendi est quod cum fides dicat Deum esse Trinum & Vnum: in quantum dicit vnum, non possumus intelligere vnum, quin intelligamus, *Quod est*, & *Quo est*, vnum: & *Quo est* vnum, est id, *Quo est*: & *Quod est*, vnum, est illud, *Quod est*. Primum est Essentia: secundum Substantia. Si intelligamus Trinum, necesse est quod intelligam⁹ eum, qui distinguitur, & quo distinguitur. Quo distinguitur, est proprietas: ille autem qui distinguitur semper significatur vt distinctus. Et hoc potest esse dupliciter, vel vt distinctus proprietate quacunq; vel vt distinctus proprietate nobili. Primum significatur nomine subsistentiæ, quæ dicitur prima substantia: & non tantum conuenit indiuiduo hominis, sed etiam asini. Secundum significatur per hoc nomen, *persona*, quod importat nobilem proprietatem, & non conuenit nisi supposito rationalis creaturæ: Pro qua Græci vtuntur hypostasis nomine, sicut nos nomine personæ: vt dicit Boetius qui ait quod Græci vtuntur nomine hypostasis pro supposito rationalis creaturæ. His visis patent obiecta.*

Damas. lib.
1. cap. 10. de
fide Orth.

123. Quod autem obicitur quod non debemus Deū nominare absolute, dicendū quod quamuis nominemus Deum per creaturas, tamen etiam per creaturas cognoscimus eum habere esse absolutum. Alia patent.

ARTICVLVS II.

Consequenter est questio de numeratione nominū prædictorū: & supposito quod numeretur hoc nomen, *Persona*, quæritur vtrum in diuinis numeretur hoc nomen, *Substantia*. Secundo, quæritur, si numeretur, *Essentia*. Tertio, si hoc nomen, *Deus*, vtrum scilicet Catholicè possimus dicere plures Deos.

QUESTIO I.

An nomen substantia in diuinis numeretur.

Alex. Alenf. 1. p. q. 55. Membro 3.

S. Thom. 1. p. q. 30. art. 1. ad 4.

Marsilius Inguen. 1. Sent. q. 26. art. 3. dub. 3.

Quod numeretur hoc nomen, *Substantia*, ostenditur sic. Hilarius de Synodis: Sunt quidem per substantiam Trias: sed Vnum per consonantiam.

Fundamenta.

ITEM per Anselmum in fine Monolog. Aptius tres dicuntur substantiæ.

ITEM Boetius in lib. de duabus naturis & vna persona Christi: Dicimus vnam essentiam, & tres substantias.

Boetius c. 3. in fine.

ITEM hoc ipsum videtur ratione, quia substantia est medium inter essentiam & personam: sed medium sapit naturam extremorum: ergo pari ratione qua dicitur vna substantia ab vnitatem essentiæ, poterit dici, *plures*, a pluralitate personarum.

ITEM omnis numerus ad substantiam reducitur originaliter, nunquam enim accidentia vel proprietates numerantur nisi per substantiam: sed actus numerantur, & pluraliter dicuntur in diuinis: ergo necesse est ponere numerum secundum substantiam, quod autem pluraliter dicantur, patet: dicitur enim: Pater & Filius & Spiritus sanctus creant.

ITEM idem est relatiuum substantiæ, sicut talis & qualis qualitatibus: sed hæc est falsa: Pater est idem cum filio, quia dicit Hilarius quod non possumus dicere Deum eundem: ergo necesse est quod cadat distinctio in substantia: si ergo propter distinctionem personarum dicamus plures personas: ergo & plures substantias.

1. CONTRA. Nihil magis dicitur secundum substantiam quam hoc nomen *Substantia*: si ergo nomina substantialia dicuntur de omnibus singulariter, sicut pater ex regula Augustini supra posita: ergo, &c.

Ad oppositum.

2. ITEM inter quæcumque cadit distinctio secundum substantiam, cadit vera diuersitas: sed inter Patrem & Filium non est confitenda diuersitas: ergo nec numerus secundum substantiam: ergo non est dicere plures substantias.

Lib. 5. de Tr. c. 8. 10. 3.

3. ITEM per Augustinum dicitur quod idem est Deo subsistere & esse: ergo cum vnum sit esse, vnum subsistere est: ergo sicut ab vno esse dicitur vna essentia vel conuerso, ita & ab vno subsistere debet dici vna substantia, siue subsistentia.

Lib. 7. de Tr. c. 4. circa finem.

4. ITEM Hieronymus ad Damasum Papam: Quis vnquam nisi ore sacrilego tres substantias prædicauit.

CONCLUSIO.

Substantia, vt dicit naturam vel vnam, numerari eam, non est dicendum: quod si ad proprietatem habeat respectum, cum tantundem valeat hypostasis, numeratur & pluraliter.

RESP. Ad Arg. Dicendum quod tam nomen substantiæ quam subsistentiæ dupliciter accipitur in diuinis: quia quodlibet istorum habet in se intellectum actus, & præpositionis, potest ergo dici substantia, quasi per se stans, & quasi stans sub alio, siue sub proprietate. Primo modo, vna tantum est, siue non numeratur, quia vnum est ibi quod est. Alio modo prout dicit respectum ad proprietatem, tunc numeratur siue pluraliter. Primo modo tantum valet quantum vltio: secundo modo tantum valet, quantum hypostasis. Omnino eodem modo distinguitur subsistentia, & secundum alterum intellectum æquipollet vltio, & secundum alterum hypostasi. Et secundum alterum pluraliter, secundum alterum vero minime. Et quia substantia dicitur dupliciter, & subsistentia: ideo venit diuersas modi loquendi inter Doctores: Nam Tullius &

lius &

Boetius de
duobus na-
turalibus.Lib. 7. de
Trinitate.

lius & Boetius dicunt quod substantia & substan-
tia æquipollent hypostasi: & ideo dicit ipse Boetius
eam plurificari, & secundum hunc modum loquitur Hi-
larius, Anselmus, & Boëtius. sed Hieronymus, & Augu-
stinus volunt quod substantia æquipolleat vñsio: & ideo
dicunt eam non plurificari: & substantia hypostasi: &
ideo dicunt eam plurificari. Ex his patet responsio ad v-
tramque partem. Patet etiam quare Græci non translu-
erunt nomen, *Prosonon*, sicut Latini, quia oportuit nos
transfere nomen, *Persona*, propter ambiguitatem: & ideo
maluit Ecclesia etiam respondere, *Tres personas*, quam
Tres substantias, siue *substantias*.

TAMEN ad Argumentum quod facit quod substantia
tenet medium, dicendum quod substantia prout æqui-
poller hypostasi, plus se tenet cum persona, & ideo nu-
meratur sicut persona siue plurificatur: prout tamē æqui-
poller vñsio, plus se tenet cum essentia, & ideo non nu-
meratur, nec plurificatur, sicut nec essentia. Omnes au-
tem illæ rationes præcedentes & sequentes loquuntur de
substantia, prout æquipollent hypostasi, siue supposito, &
hoc modo plurificatur.

Resp. ad
Arg.

RATIONES autem ad oppositam partem currunt se-
cundum aliam acceptionem huius nominis, *Substantia*.
Similiter iudicandum est de hoc nomine *Substantia*. Sed
quoniam Augustini auctoritas, & mos vñsientium nomi-
ne illo *Substantia* scilicet, accipitur magis in illa acceptione
in qua dicit ipsum, *Quod est*, siue vñsio, siue ipsum com-
mune: ideo communiter non recipitur, vt dicantur *Tres*
substantia in diuinis.

QVÆSTIO II.

An nomen essentia in diuinis numeretur.

Alex. Alens. 1. p. q. 57. Memb. 2.

S. Thom. 1. p. q. 13. art. 2.

Et 1. Sent. dist. 24. q. 1. art. 2.

Egid. Rom. 1. Sent. dist. 23. princ. 3. q. 1.

Funda-
menta.

DE enumeratione illius nominis, *Essentia*. Et quod
non numeretur ostenditur sic, quia in diuinis est v-
nitas absolutissima quæ non multiplicatur: ergo cum
nullum nomen sit adeo absolutum sicut nomen essentie,
ergo per illud significatur vnitas non multiplicata: ergo
nomen essentie non numeratur, & hoc est quod dicit
Augustinus quod ratio repugnat.

ITEM hoc ipsum videtur a minori. Hoc enim nomen
Deus est nomen essentie in comparatione ad personam:
sed secundum scripturam in lege, scilicet Deus dicitur
vnus & non plures, & secundum symbolum, non tres
dii sed vnus est Deus: ergo hoc nomen *Essentia* minus plu-
rificatur, cum dicatur absolutus.

ITEM natura diuina non multiplicatur in tribus:
sed hoc nomen *Essentia* est nomen naturæ diuinæ, vt hoc
nomen *Substantia*: ergo nec essentia, nec substantia mul-
tiplicatur sub propriis nominibus, vt videtur.

Ad oppo-
situm.Lib. 6. c. 4.
tom. 3.

Ibid. in fin.

1. CONTRA: per Augustinum lib. de Trinit. Cur
hæc tria non dicantur vna persona, & loquitur de tribus
personis: sed *Trina* in neutro genere, respicit essentiam pro-
prie: ergo, cum dicantur tria: ergo tres essentie.

2. ITEM ratione videtur: Aug. in eod. lib. dicit quod
Pater & Filius & Spiritus sanctus dicuntur tres personæ,
quia commune est eis hoc quod est *Persona*, sed hoc nomen
Essentia est commune: ergo potest dici, *Tres essentie*.

3. ITEM Ibidem dicit & habetur in littera quod ideo
dicuntur tres personæ, quia Pater est vna persona, & Fi-
lius vna persona, & Spiritus sanctus vna persona. Simili-
ter tres essentie sunt, quia pater est essentia, &c.

4. ITEM Pater & Filius sunt entes: ergo plures ha-
bent entitates. Sequitur enim: Sunt plures dii: ergo
plures deitates. Similiter: Pater & Filius sunt:
ergo plura esse: ergo plures
essentie.

* *

CONCLUSIO.

Quamuis in creaturis plurificatis habentibus eandem naturam,
ipsa quoque essentia multiplicetur: in diuinis tamen propter
summam simplicitatem, multiplicatio personæ,
essentia non multiplicatur, neque
numeratur.

RESP. ad arg. Dicendum quod in omni substantia
cuius est esse, & operari, necessario intelligimus natu-
ram, & habentem naturam. Cum ergo hoc sit in Deo,
intelligimus in Deo naturam, & habentem naturam. Et
naturam dicimus essentiam vel substantiam: habentem
naturam, dicimus personam. Quo modo ergo in crea-
tura rationali contingit, vnam personam habere plures
naturas. scilicet corporalem & spiritalem: sic & a con-
trario sensu, contingit in Deo propter summam simpli-
citatem vnam naturam haberi a pluribus, quia contin-
git eam haberi alio & alio modo, & hoc non potest esse
ab eodem. Quia ergo eadem est natura tantum habita
& non numerata, ideo tantum dicitur vna substantia &
essentia: Quia vero plures habentes, ideo plures personæ,
nulla omnino repugnantia existente.

1. 2. AD illud ergo quod obiicitur de essentia per hoc
quod Augustinus dicit: *Hæc tria*, dicendum quod minus
expresse loquitur & improprie: & ideo verbum eius est
exponendum.

3. AD illud quod obiicitur quod ideo *Tres*, quia per-
sona est commune & qualibet est persona, &c. dicen-
dum quod non dicit totam rationem, sed partem quan-
tum ad verbum exterius: ideo oportet intelligere quod
ibi additur, quia est commune quod distinguitur. Vn-
de Pater est persona, & Filius est persona, non eadem, sed
alia & alia.

4. AD vltimum quod obiicitur, dicendum quod ens
aliquando dicitur substantiæ, & sic non trahit nume-
rum aliunde. Aliquando tenetur adiectiue, & sic trahit
numerus a supposito, & sic non numeratur forma: &
hoc modo non sequitur quod sint plures entitates, nec
de hoc verbo, quod plura esse.

QVÆSTIO III.

An catholice dicere plures Deos possimus.

Alex. Alens. 1. p. q. 14. Memb. 2.

S. Tho. 1. p. q. 11. art. 3. & 4.

Scotus 1. Sent. dist. 2. q. 3.

Egidius Rom. 1. Sent. dist. 2. q. 1.

Henricus in summa art. 25. q. 1.

Durandus 1. Sent. dist. 2. q. 1.

Thom. Arg. 1. Sent. dist. 2. q. 1. art. 3.

Vtrum catholice possimus dicere plures Deos, &
quod sic, ostenditur hoc modo. Hoc nomen, *Deus*,
recipit distinctum terminum ratione suppositionis, vt
cum dicitur, Deus generat Deum: ergo cum eadem di-
stinctio importetur per hoc quod est *Generat*, & per hoc
quod est *Tres*, quia personalis: ergo hæc pari ratione est
Catholica: Tres dii sunt.

Ad oppo-
situm.

2. ITEM idem est Deus quod habens deitatem: sed
plures sunt habentes Deitatem, hoc dicitur Catholice:
ergo similiter plures dii sunt.

3. ITEM hoc nomen, *Deus*, quamuis sit substantiale,
tamen impositum est ab operatione. Sed contingit ope-
rationem pluraliter dici de personis, vt patet: Faciamus
hominem, &c. ergo hoc nomen, *Dij*.

Gen. 1. c.

4. ITEM ad numerationem alicuius veram, non
plura requiruntur quam vera multiplicatio suppositorum
& formæ: sed hæc est in Deo, quia tres sunt personæ di-
uinæ, *Persona*, dicit suppositum, *Diuina*, dicit formam:
ergo, &c.

5. ITEM cum omne generale contingat specificari,
& persona sit nomen generale, videtur quod possit speci-

Funda-
menta.
Deut. 6.4

ficari cum dicitur: Tres personæ, ut dicatur adhuc specialius, qui tres: sed hoc non potest esse nisi addatur nomen commune tribus, nec est aliud dare quam hoc nomen, *Deus*, ergo, &c.

CONTRA: Quod cum dicatur Catholice patet ex mandatis: Audi Israel, Deus tuus Deus unus est. Unde in Symbolo: Non tres Dii, sed unus est Deus.

ITEM hoc ipsum videtur ratione, quia hoc nomen, *Deus*, dicit diuinam naturam: sed diuina natura non numeratur siue specificatur: ergo nec hoc nomen, *Deus*.

CONCLUSIO.

Catholice, plures Deos non possumus dicere, tamen si unaqueque persona sit Deus, cum forma importata per hoc nomen, Deus, non multiplicetur.

RESP. ad arg. Dicendum quod non est dicere plures Deos catholice, quia numerus pluralis significat plurificationem termini secundum suppositum: & formam in nomine substantiuo, cum plurale geminet suum singulare: & ideo, cum forma importata per hoc nomen, *Deus*, non sit multiplicata, non debet dici: Plures Dii.

1. Ad illud quod obiicitur quod catholice dicitur: Deus generat, dicendum quod non est simile, quia *Generat*, simul importat distinctionem cum conuenientia: sed, *plures Deos*, simpliciter importat distinctionem quantum ad suppositum & formam.

2. Ad illud quod obiicitur quod idem est Deus, & habens deitatem: Respon. quod ista locutio est duplex, quia habens deitatem vno modo potest dici neutraliter, & sic est vnum solū, & æquipollet ei, quod est *Deus*, quod quidem dicit, quod est. Alio modo masculine, & sic non habet æquipollens, & sic multiplicatur. Potest tamen aliter dici, quod *Deus* non significat habentem, sed significat deitatem in comparatione ad habentem, & ideo non multiplicatur.

3. Ad illud quod dicitur de operatione, dicendum quod nomen, vel potest significare operationem per modum adiacentis, & sic trahit numerum aliunde: vel per modum substantiuo, & sic non multiplicatur, & taliter significat hoc nomen, *Deus*.

4. Ad illud quod obiicitur quod ibi est multiplicatio suppositorum & formarum, dicendum quod hoc nomen diuinum est quasi possessiuum: unde imponitur à duplici forma scilicet possessionis & possessoris. Et forma diuinitatis est in ratione possessoris, & forma possessoris, existente indiuisa, numeratur forma possessionis, ut oues Socraticæ, & sic in proposito. Unde non numeratur forma habita.

5. Ad illud quod obiicitur quod generale contingit specificari, dicendum quod persona cum nominat indiuiduum intellectualis naturæ, dupliciter potest specificari, scilicet per propria personarum, ut cum dicitur: Tres personæ, id est Pater, Filius, & Spiritus sanctus, potest etiam specificari per naturæ determinationem, ut si dicatur: Personæ diuinæ, vel angelicæ, vel humanæ. Et si tu quæris, quare non specificatur per, *Vnum*, nomen, sicut est in creaturis ubi tres personæ angelicæ dicuntur tres angeli: RESPONDERI potest quod hoc est propter inopiam humani eloquii: qua laborat tam lingua Græca quam Latina, sed magis Latina. Vel potest dici quod hoc non permittit natura ipsorum nominum, quoniam nomen speciale à speciali forma imponitur. Aut igitur impositum est à natura communi, aut à proprietate personæ. Si est impositum à natura communi, cum illa non multiplicetur, non potuit per vnum nomen specificari. Si autem est impositum à proprietate personæ, tunc cum illa non conueniat tribus, non potest per illud specificari: & ideo Ecclesia, compulsa necessitate, imponit nomen generale, siue quod importat communitatem nominis, quod est commune & multiplicabile: & ideo non est quærenda specificatio per aliud nomen nisi per nomē adiectiuum, & per nomina personarum.

DISTINCT. XXIV.

QVID SIGNIFICETVR
HIS NOMINIBVS VNVS VEL
VNA, DVO VEL DVÆ, TRES
VEL TRIA, TRINVS VEL TRINITAS,
PLVRES VEL PLVRALITAS, DISTIN-
ctio vel distinctio, cum his vtimur
de Deo loquentes.

IC diligenter inquiri oportet, cum in Trinitate non sit diuersitas, vel singularitas, nec multiplicitas, vel solitudo, quid significetur his nominibus, scilicet *Vnus* vel *vna*, *Duo* vel *duæ*, *Tres* vel *tria*, *Trinus* vel *Trinitas*, *Plures* vel *pluralitas*, *Distincta* vel *distinctio*, cum dicitur *unus Deus*, *duæ personæ*, vel *tres personæ*, *plures personæ*, *distincta sunt personæ*. Vel cum dicitur, *distinctio personarum*, *pluralitas personarum*, *Trinitas personarum*, & huiusmodi. Videmur enim hoc dicentes, numerorum quantitates, & rerum multitudinem, & multipliciter in Deo ponere. Quid ergo ista sibi significant, ipso de quo loquimur aperiente, insinuare curemus.

Magis illa dicuntur ad excludendum ea quæ non sunt in Deo, quam ad ponendum aliqua.

Si diligenter pramissis auctoritatem verbis insidimus, ut dictorum intelligentiam capiamus, magis videtur horum verborum usus introductus ratione remouendi, atque excludendi à simplicitate deitatis, quæ ibi non sunt, quam ponendi aliqua.

Quid per vnum significetur cum dicitur, vnus Deus.

Cum enim dicitur, *vnus Deus*, multitudo Deorum excluditur, nec numeri quantitas in diuinitate ponitur: tamquam si diceretur, *Deus est*, nec multi sunt, vel plures Dii. Unde Ambrosius in lib. de fide ait. Cum vnum dicimus Deum: vnitas excludit numerum Deorum, nec quantitatem in Deo ponit, quia nec numerus, nec quantitas ibi est.

Quo sensu dicitur, vnus est Pater, vel vnus est filius.

Similiter cum dicitur, *vnus est Pater*, vel *vnus est Filius*, & huiusmodi: ratio dicti hæc est, quod non sunt multi Patres, vel multi Filij, ita & de similibus. Item cum dicimus plures esse personas, singularitatem atque solitudinem excludimus: nec diuersitatem, nec multipliciter ibi ponimus, quasi diceretur: Sine solitudine, ac singularitate personas confitemur. Unde Hilarius in lib. 4. de Trin. sic ait: Dixit Deus: Faciamus hominem ad imaginem, & similitudinem nostram. Quæro nunc, an solum Deum sibi locutum existimes, an hunc sermonem eius intelligas ad alterum extitisse. Si solum fuisse dicis, ipsius voce argueris, dicentis. Faciamus, & Nostram. Sustulit enim singularitatis, ac solitudinis intelligentiam professio consortij, quia aliquod consortium esse non potest ipsi solitario, neque solitudo solitarij recipit, Faciamus, nec alieno à se diceret, Nostram: Attende lector his verbis, & vide, quia nomine consortij pluralitatem significa-

Lib. 1. c. 2.
& lib. 3. de
Spiritu
sancto c. 14.

Quid vnus
Pater.

Quid plures
personæ.

In medio.
Gen. 1. 6

uit. Professio ergo consortij est processio pluralitatis, quam professus est dicens, Faciamus, & Nostram. Pluraliter enim utrumque dicitur. Sed hac professione pluralitatis non diuersitatem, vel multitudinem posuit, sed solitudinem, & singularitatem negauit. Sic ergo cum dicimus plures personas, vel pluralitatem personarum, singularitatis, & solitudinis intelligentiam excludimus.

Quid per ternarium significetur cum dicitur
Tres personæ.

Ita etiam cum dicimus tres personas, nomine ternarij non quantitatem numeri in Deo ponimus, vel aliquam diuersitatem: sed intelligentiam, non ad alium nisi ad Patrem, & Filium, & Spiritum sanctum dirigendam significamus, ut sit huius dicti intelligentia: Tres personæ sunt, vel tres sunt Pater, & Filius, & Spiritus sanctus, id est, nec tantum Pater, nec tantum Filius, nec tantum Pater, & Filius in deitate sunt, sed etiam Spiritus sanctus, & non alius ab his. Similiter non tantum est ibi hæc persona, vel illa, vel hæc & illa, sed hæc, & illa, & nō alia. Et hoc fore ita intelligendum Augustinus satis ostendit, ubi dicit, quod illo nomine, non diuersitatem intelligi voluit, sed singularitatem noluit.

Quid per duo, cum dicitur: Duæ personæ, vel
Pater, & Filius duo sunt.

Similiter cum dicitur, duo sunt Pater, & Filius, non dualitatis quantitatem ibi ponimus, sed hoc significamus quod non est tantum Pater, nec tantum Filius: sed Pater, & Filius, & hic non est ille: ita & de alijs huiusmodi. Ita etiam cum dicimus: Pater, & Filius sunt duæ personæ, hoc significamus, quod non tantum Pater est persona, nec tantum Filius est persona, sed Pater est persona, & Filius est persona, & hæc non est illa.

Ex quo sensu dicitur in personis distinctio,
vel personæ distinctæ.

Cum autem dicimus, distincta persona, vel distinctio est in personis, confusionem, atque permutationem excludimus, & hanc non esse illam significamus. Cumq; addimus, distincta sunt persona proprietatibus, siue differētes proprietatibus, aliam esse hanc personam, & aliam illam suis proprietatibus significamus. Et cum dicimus, aliam, & aliam, non diuersitatem, vel alienationem ibi ponimus, sed confusionem Sabellianam excludimus.

Quo modo ibi accipitur discretio.

Ita & cum dicuntur discreta persona, vel cum dicitur discretio in personis esse, eandem intelligentiam facimus. Eodem enim modo ibi accipitur distinctio, quo discretio. Es congrue dicitur ibi esse discretio, vel distinctio, non diuersitas, vel diuisio, siue separatio. Vnde Ambrosius in 1. lib. de Trinit. Non est ipse Pater, qui Filius, sed inter Patrem & Filium expressa distinctio est.

Quo modo Trinitas ibi accipitur.

Cum vero dicitur, Trinitas, id significari videtur quod significatur, cum dicitur, Tres personæ: ut sicut non potest dici Pater est Tres personæ, vel Filius est Tres personæ, ita non debet dici Pater est Trinitas, vel Filius est Trinitas.

Hoc videtur contrarium esse prædictis.

Hic non est prætermittendum quod cum supra dictum sit Deum nec singularem, nec multiplicem esse confitendum, idque Sanctorum auctoritatibus sit confirmatum, in contrarium videtur sentire Isidor. dicens: Distinguentum est inter Trinitatem, & Vnitatem. Est enim Vnitas simplex & singularis, Trinitas vero multiplex, & numerabilis, quia Trinitas est trium Vnitas. Ecce unitatem dicit esse singularem, & Trinitatem multiplicem, & numerabilem. Sed ad hoc dicimus, quia singularem accepit, sicut & alij accipiunt unum: multiplicem vero & numeralem, sicut dicunt Trinum.

DISTINCT. XXIV.

Quid significetur per nomen numerale, cum
loquimur de diuinis.

Hic diligenter inquiri oportet, cum in Trinitate.

Expositio textus.

Supra excipit Magister hoc nomen persona, à generali regula nominum substantialium, ostendens quod dicendum est: Tres personæ, non tres essentiae, vel tres Dij, vel tres substantiæ. Hic incipit secunda pars, in qua determinat quid significetur, cum dicitur. Tres personæ, & hæc pars habet duas partes. In prima ostendit quid significetur per nomen numerale, siue per dictionem numeralem. In secunda quid significetur per hoc nomen, Persona dist. 25. Considerandum est cum hoc nomen, Persona, ut prædictum est. Prima pars iterum habet duas. In prima querit, & soluit generaliter. In secunda solutionem suam adaptat nominibus distinctis in speciali ibi: Cum enim dicitur vnus Deus. Et hæc pars habet quatuor partes. In prima determinat quid significetur per vnus, & plures. In secunda quid significetur per duo, & tres, ibi: Ita etiam cum dicimus tres personas nomen ternarij. In tertia quid significet discretus, & distinctus, ibi: Cum autem dicimus: distincta sunt persona. In quarta quid significant Trinitas, & Trinus, ibi: Cum vero dicitur Deus Trinus.

Cum dicimus plures esse personas, singularitatem, atque
solitudinem excludimus.

Notandum quod in diuinis recipimus vnitatem, non singularitatem, nec solitudinem, quia singularitas excludit communicabilitatem, solitudo excludit pluralitatem, & nos ponimus vnā essentiam in pluribus: ideo hoc non recipimus. Similiter notandū ex parte pluralitatis quod recipimus ista quatuor, alietatem, pluralitatem, discretionem, atq; distinctionem: sed hæc quatuor e contrario non recipimus, scilicet diuersitatem, multiplicitatem, diuisionem, & separationem. Ratio autem huius est, quia separatio supponit diuisionem, diuisio multipliciter, multiplicitas diuersitatem, diuersitas autem ponit formam vel naturam distinctionem. Et quia in diuinis est naturæ omnimoda vnitatis, ideo cum nō recipiatur diuersitas, nec aliquod istorum quatuor. E contra, discretio supponit distinctionem, distinctio pluralitatem, pluralitas alietatem. Alietas autem non tantum attenditur, quantum ad formam, sed etiam quantum ad suppositum: & quia sunt plures hypostases, ideo prædicta quatuor in diuinis recipiuntur. Distinctio autem nominum prædictorum hæc est. Nam de primis quatuor alietas, & pluralitas, important distinctionem à parte rei: sed distinctio & discretio per comparisonem ad nostram cognitionem: sed alietas per modum substantiæ, pluralitas per modum quantitatis, quamuis non sit ibi vere quantitas. Distinctio autē, & discretio differunt, quia discretio dicitur in cōparatione ad visum: sed distinctio in cōparatione ad tactum

Dist. 23. &
in princ.
huius dist.
In lib. 1. E-
symol. c. 4.

Dist. 25.

Lib. 7. de
Trin. c. 4.
com. 3.

Amb. lib. 1.
de Trin. c.
2. in sensu.

Ca. 10. 4.

tactum

tactum. Alia autem quatuor differunt sic, quia diuersitas attenditur secundum substantiam, multiplicitas quantum ad veram quantitatem: diuisio quantum ad positionem, siue ad discontinuationem: sed separatio quantum ad vbi. Vel aliter, diuersitas quantum ad principium intrinsecum, multiplicitas quantum ad numerum, diuisio ad terminum, separatio vero attenditur quantum ad medium interiectum.

ARTICVLVS I.

AD intelligentiam eorum quæ dicuntur in præfenti distinctione est quæstio de terminis numeralibus qualiter accipiantur in diuinis. Et circa hoc principaliter tria quærentur. Primo quæritur de termino numerali & partitio, sicut est hoc nomen, *Vnum*. Secundo de termino simpliciter numerali, sicut est hoc nomen, *Tres*. Tercio de nomine completente vtrumque, sicut hoc nomen *Trinus*. Et quantum ad primum duo quærentur. Primo quæritur vtrum hoc nomen, *Vnum*, dicatur positivè, vel priuatiue in diuinis. Secundo vtrum dicatur secundum substantiam, vel secundum relationem.

QVÆSTIO I.

An nomen hoc, Vnum, positivè, vel priuatiue dicatur in diuinis.

*Alex. Alenf. 1. p. q. 45. Memb. 1.
S. Thom. 1. p. q. 30. art. 3.
Et 1. Sent. dist. 24. q. 1. art. 3.
Et de Pot. q. 9. art. 7.
Scotus 1. Sentent. dist. 24. q. unica.
Egid. Rom. 1. Sent. dist. 24. q. 1.
Henricus in Summa art. 25. q. 5.
Richard. 1. Sent. dist. 24. q. 1.
Durandus 1. Sent. dist. 24. q. 1.
Franciscus de Mayr 1. Sent. dist. 24. q. 1. art. 1.
Gregor. Arim. 1. Sent. dist. 24. q. 1. art. 2.
Thomas Argem. 1. Sentent. dist. 24. q. 1. art. 1.
Marfilus Inguen. 1. Sent. q. 27. art. 1.
Gab. Biel 1. Sent. dist. 24. q. 1.*

Ad oppositum.
*Arist. 10.
Metaph.
contex. 4.*

*Tract. 3.
Metaph.*

QUOD priuatiue dicatur in omnibus videtur per rationem. Nam Philosophus dicit quod vnum est quod non diuiditur: sed ista ratio data est per priuationem, igitur vnum dicitur priuatiue.

2. **I**TEM Commentator dicit super Metaphysicam quod vnum, & multa opponuntur sicut priuatio, & habitus: quia vnum dicit priuationem, multitudo dicit habitum quod si verum est, vnum non tantum in Deo: sed in omnibus dicit priuationem.

3. **I**TEM hoc ipsum videtur ratione, quia vnum opponitur ei quod est multa: aut ergo contradictorie, aut relatiue, aut contrarie, aut priuatiue. Non contradictorie, hoc patet.

4. **I**TEM nec relatiue, quia relatiua sunt simul, & vnum dependet ab alio mutuo, sed vnum non dependet à multis. Nec contrarie, quia vnum contrariorum non est alterius principium. Sed vnum est principium multorum, igitur per locum à diuisione, opponitur priuatiue. Sed constat quod, *Multa*, dicit positionem, igitur vnum non dicit nisi priuationem.

5. **I**TEM quod in Deo specialiter dicatur priuatiue, videtur: quia vnum quod dicitur positivè est principium multitudinis, & quantitatis: sed in Deo nulla est omnino quantitas, igitur nec vnum positivè dicitur.

6. **I**TEM hoc ipsum videtur: quia si Deus est positivè vnus, & lapis est vnus, videtur igitur quod lapis, & Deus sunt duo, igitur Deus & creatura constituunt numerum: & si hoc, Deus est pars numeri, quod supra improbatum est. Si dicis quod non sequitur, quia vnum non dicitur vniuocè, illud certe nihil est. ut videtur: quia si aliquid ponit, cum illud etiam possit conuenire creaturæ, ad minus analogice, & secundum analogiam attendatur numeratio, ut cum dicitur humanitas, & albedo sunt duæ essentia: ergo hoc non soluit.

A CONTRA: Ab eodem habet aliquid esse, & vnum: quoniam forma, quæ dat esse, dat esse distinctum: si igitur ens non dicitur priuatiue, sed positivè, pari ratione nec vnum de aliquo dicitur priuatiue.

ITEM quod sonat in complementum, sonat in habitum, non priuationem: sed vnum sonat in complementum, quia quanto aliquid perfectius, tanto magis accedit ad unitatem: igitur vnum non priuatiue dicitur.

ITEM si vnum est priuatiuum, constat quod non nisi respectu multitudinis. Sed contra: Nulla priuatio antecedit habitum naturaliter, sed vnum naturaliter antecedit multa: igitur vnum non est priuatio.

ITEM nulla priuatio constituit suum habitum, nec saluatur in illo: sed vnum saluatur in multis, & illa constituit: igitur non opponitur ut priuatio: igitur non accipitur priuatiue.

CONCLUSIO.

Vnum in Deo positivè dicitur, & non priuatiue, quin immo, cum vbi sit vnum omnino secundum formam, solum de Deo positivè dicitur.

RESP. ad Arg. Quod quorundam opinio fuit, & Magistri principaliter, quod quidquid sit in creaturis de hoc nomine, *Vnum*, in Deo non dicitur positivè, sed priuatiue, ut dicitur in littera, & assumit auctoritatem ab Hilario, quamvis Hilarius non dicat expresse, nisi quod horum nominum usus in Deo inuentus est magis causa priuandi, quam aliquid ponendi. Et ratio sua fuit, quia vnum positivè dictum est principium quantitatis, & numeri: Deus autem in se non habet quantitatem, nec in se est numerabilis, nec alii connumerabilis. Sed quamvis hæc positio probabilis habeatur, tamen communiter non tenetur. Et ratio huius est, quia cum vnum multo completius sit in Deo quam in creaturis, multo formalius ibi dicitur positivè. Et rursus, cum omnis unitas ad primam unitatem reducat, & non est reductio habitus ad priuationem, necesse est quod vnum in Deo aliquid ponat. Et propterea dicendum quod est loqui de hoc nomine *Vnum*, in creaturis, vel quantum ad rem intellectam, vel quantum ad rationem intelligendi. Si enim loquamur quantum ad rationem intelligendi, sic dico quod dicitur priuatiue: unde & ratio eius assignatur per priuationem diuisionis, siue multitudinis: & hoc est quia vnum est primum, & prima non habent intelligi à nobis, & notificari nisi per posteriora, & inde est quod priuatiue dicitur vnum: unitas autem in substantia, quantitate, & qualitate, quia habet aliquid prius, per quod possit intelligi, dicitur positivè, ut identitas, æqualitas, similitudo, & eorum opposita priuatiue. Si autem loquamur quantum ad rem intellectam, si vnum habet respectum ad materiam, & habet respectum ad formam. Ratione respectus ad materiam, est in se indiuisum, tamen potentia diuisibile, & quia potentia materialis se habet per modum priuationis, similiter & vnum. Ratione respectus ad formam, quæ dat esse distinctum, & limitatum, sic dicitur positivè. Quoniam igitur in Deo est vnum omnino secundum formam, in creaturis attenditur & secundum formam, & secundum materiam, hinc est quod solum in Deo positivè, in creaturis vero aliquando accipitur positivè, aliquando priuatiue, secundum rem.

1. Ad illud quod obiicitur primo quod diffinitur siue notificatur priuatiue, patet responsio, quia secundum rationem sui nominis, eo quod primum, sic debet notificari.

2. Ad illud quod obiicitur secundo quod opponitur ut priuatio, dicendum quod vnum per respectum ad materiam accipitur priuatiue, & sic accipit Commentator. Per respectum ad formam contrarie accipitur secundum quod multitudo formaliter accipitur. Per respectum ad actum consequentem, qui est mensurare, accipitur relatiue, & secundum genus relatiuorum, in quo

vnum

Fundamenta.

Aristot. 1. physic. cont. 42. & Averroes in Postprædic.

Aug. 1. super Gen. 1. 10. 10. 3.

vnum non dependet ab altero, sicut patet in scientia, & scibili, & sic diuersæ super hoc opiniones sunt veræ.

3. 4. 5. 6. Ad illud quod obiicitur quod in Deo non est principium numerandi, &c. dicendum quod vnum dicit priuationem multitudinis secundum generalem nominis rationem: sed illa priuatio, & si nomine tenus est priuatio, tamen realiter est positio: quia quanto magis est priuatio diuisionis in aliquo, tanto illud est completius, & perfectius: cum igitur in Deo sit perfectissima vnitas, ibi accipitur secundum omnimodam priuationem multitudinis: hoc autem modo dicitur vnum quod non habet actu multitudinem, nec est in potentia ad multitudinem, neque per diuisionem, neque per aggregationem. Hoc autem vnum est perfectissimum, & summum, & infinitum, & illud non est in potentia ad numerum, & hoc non est alii connumerabile, & hoc modo est in solo Deo. Et sic patet quod dicitur: Deus vnus positue, & quo modo differat vnitas eius à creatura.

Quod igitur obiicitur quod vnum est principium multitudinis, dicendum quod verum est in vnitate creatura: sed non est verum in vnitate perfecta, & increata, dico principium intra se sicut pars. Vnde non est verum si dicatur: Deus & creatura sunt duo, aut hoc improprie dictum est, & duo, cadit à ratione numeri secundum rem. Aut si dicat numerum, hoc est solum à parte intelligentis, quia cum intelligit diuersa, & distincta, accipit sub ratione numeri, sicut cum intelligit intellectus noster, concernit tempus.

QVÆSTIO II.

An Vnum, in diuinis secundum substantiam, vel secundum relationem dicatur.

Alex. Alenf. 1. p. q. 65. Memb. 2.

Aegid. Rom. 1. Sent. dist. 24. q. 4.

Richardus 1. Sent. dist. 24. q. 2.

Franciscus de Mayr 1. Sent. dist. 24. q. 3.

Io. Bacon. 1. Sent. dist. 24. q. unica.

Marsilius Inguen. 1. Sentent. q. 27. art. 3. dub. 4.

Petrus de Tarentis. 1. Sent. dist. 24. q. 3.

Ad oppositum.
Arist. 4. Metaph. cōtex. 3.
Ex 10. Metaph. cōtex.
8. Boetius de Hebdomadibus, siue de vni-
tate, c. 1.
vno.

Vtrum vnus dicatur secundum substantiam, an secundum relationem. Quod secundum substantiam videtur, quia ens & vnum conuertuntur sicut vult Philosophus, & Boetius: sed ens dicitur secundum substantiam, igitur & vnum.

2. ITEM hæc conceditur: Pater & Filius, & Spiritus sanctus sunt vnus Deus: sed si sunt vnus Deus, cum Deus non diminuat de ratione vnus, ergo sunt vnus. Sed nihil dicitur in summa de tribus singulariter, quod non dicatur substantialiter: igitur, &c. Si dicatur quod quando adiectiue tenetur, tunc non dicitur substantialiter.

CONTRA: Eadem est significatio termini quando tenetur substantiue, & quando tenetur adiectiue. ITEM cū substantiatur, in neutro genere dicitur substantialiter: cum igitur eadem sit significatio termini in masculino, & in neutro, cum eadem sit impositio, igitur dicitur substantialiter in masculino. Præterea alia nomina in masculino dicuntur substantialiter, vt hoc nomen, *Æternum*. Vnde in Symbolo: Non tres æterni: sed vnus æternus: similiter ergo vnus.

3. ITEM cum dicitur: Pater est vnus, aut tenetur substantialiter, aut notionaliter. Si substantialiter: habeo propositum. Si notionaliter: sed Pater habet duas notiones: igitur non debet vnus dici, sed duo.

4. ITEM notio & proprietates sunt idem: igitur cum proprietates dicatur quod conuenit vni soli, nulla notio potest dici de tribus: sed hoc nomen, *vnum*, prædicatur de qualibet persona, igitur non dicitur notionem.

CONTRA: Regula est superius habita dist. 22. Omne quod prædicat substantiam vel essentiam, dicitur de tribus singulariter in summa: sed hoc non conuenit huic nomini: *vnum*: igitur, &c.

A) ITEM nihil pertinet ad essentiam, siue substantiam multiplicatur, siue plurificatur: sed hoc quod est *vnum*, plurificatur, quia Pater est vnus, & Filius est vnus: & sunt duo, quia vnus, & vnus: ergo, &c.

ITEM idem est esse vnum, & esse distinctum: sed cum dicitur pater est distinctus: hoc quod est, *distinctus*, non dicitur substantialiter: igitur nec hoc quod est, *vnum*.

ITEM respectu cuiuscumque termini est dicere alium in diuinis, ille terminus dicit relationem, vnde non dicitur alius Deus: sed respectu eius, quod est *vnum*, est dicere alium. Nam Pater est vnus, & Filius est alius: ergo, & cet.

CONCLUSIO.

B) *Vnum in diuinis potest dici & secundum substantiam, si cum essentia concipiatur: & secundum relationem, si cum persona intelligatur.*

RESP. ad arg. Dicendum quod cum ratio vnitatis sit ratio distinctionis cum indiuisione, in diuinis autem ponamus essentiam distinctam ab aliis essentiis per seipsam: & personam distingui ab aliis per proprietatem. Necesse est etiam in diuinis ponere & vnitatem essentialem, & personalem. Quoniam igitur persona non est aliud ab essentia: Vnitas essentia, & personæ non sunt duæ vnitates secundum rem, sed vna ratione differens. Ideo vnitas de hac & illa non dicitur æquiuoce, quoniam nec illi, nec isti imponitur specialiter: quia ergo concretum accipit specialem significationem ab abstracto: Hoc nomen, *vnum*, importat in diuinis vnitatem essentialem, & personalem. Et cum adiectiue tenetur, indifferenter importat vtramque: determinatur autem per adiunctum: cum enim additur termino essentiali, importat essentialem: cum additur termino notionali, importat personalem: cum autem substantiatur, necesse est quod seipso determinetur. Et ideo cum neutrum genus importet quod dicit sub indistinctione: in neutro conuenienter attributum est, siue appropriatum vnitati essentiali. In masculino vero, quia importat distinctionem, & suppositum certum, & quia dicit rationem producentis, appropriatum est vnitati personali. Et ideo patet quod sic non accipitur vt ens, neque vt cōuertibile cum eo: sed solum in neutro. Patet etiam secundum quod ibi est fallacia figuræ dictionis ex mutatione istius termini, *vnum*. Quamuis enim non varietur significatio per substantiationem, neque per generis diuersitatem, potest tamen nihilominus diuersificari modus supponendi, maxime si vsus hoc facit, & ratio sit conueniens vsui.

1.2. Ad illud quod obiicitur quod æternus dicitur essentialiter, patet responsio, quia æternitas dicitur solum essentialiter, sed vnitas personaliter. Aliqui tamen dicunt quod hoc est speciale in hoc nomine, *vnum*: quia est nomen partituum, & habens in se articulum.

3. Ad illud quod obiicitur, aut prædicat notionem, &c. dicendum quod prædicat notionem: sed attendendum quod non quamcumque, sed personalem, quæ facit esse vnum, & illa est vna in qualibet persona.

4. Ad illud quod obiicitur, notio dicitur de vno, dicendum quod est significare notionem sub ratione propter hoc nomen, *Paternitas*. Et communiter, vt per hoc nomen *Relatio, notio, vnitas & proprietates*, quæ idem dicunt sub rationibus diuersis: sensus est enim persona vna, id est vnica personali proprietate in se indistincta, & ab aliis distincta.

ARTICVLVS II.

Secundo principaliter quæritur de nominibus pure numeralibus, vt sunt, *Duo, & Tres, &c.* Et circa hoc similiter quæruntur duo. Primo, vtrum dicantur positue, aut priuatiue. Secundo vtrum dicantur secundum substantiam, aut secundum relationem.

QVÆSTIO

Fundamenta.

Athana. sum.

QVÆSTIO I.

An nomina pure numeralia in diuinis positiue vel priuatiue dicantur.

Alex. Alems. 1. p. q. 51. Membro 2.

S. Tho. 1. p. q. 13. art. 1.

Egid. Rom. 1. Sent. dist. 24. q. 2.

Richard. 1. Sent. dist. 24. art. 2. q. 2.

Steph. Brulef. 1. Sent. dist. 24. q. 3.

Petrus de Tarantaf. 1. Sent. dist. 24. q. 5.

Ad Oppositum.

QUOD dicantur priuatiue solum, videtur auctoritate Magistrum qui dicit quod horum usus magis est in ductus causa priuandi, quam ponendi: & videtur per auctoritates aliorum firmari auctoritas Magistrum. Dicit enim Boetius in lib. de Trinit. Illud vere est vnum in quo nullus est numerus: sed in diuinis vnum est verissime, igitur in diuinis non est numerus: ergo isti termini in diuinis aut falso dicuntur, aut non prædicant numerum. Sed non dicunt aliud quam numerum si aliquid ponunt, igitur &c.

Isid. lib. 3. Etymol. circa princ.

2. **ITEM** per Isidor. dicitur: Numerus virtus est meritis, id est diuisionis secundum Etymologiam: sed in Deo non cadit diuisio: ergo numerus: igitur idem quod prius.

Arist. 3. Metaph. contr. 10.

3. **ITEM** dicit Philosophus quod numerus est multitudo mensurata per vnum: sed in Deo non cadit mensura ratio, cum ipse sit immensus, igitur, &c.

4. **ITEM** videtur hoc per rationem: A quocumque remouetur genus, & species: sed genus quantitatis remouetur à Deo: ergo, &c.

Arist. 2. Topic.

5. **ITEM** in quocumque est genus, necesse est ponere aliquam speciem, igitur si numerus est in Deo, vel ibi est trinaris, vel binarius, vel aliquis aliorum. Sed sancti omnes species negant, igitur & genus, igitur idem quod prius.

Fundamenta.

CONTRA: Si tantum priuatiue, *Tres*, diceretur, quia non sunt vnus, vel duo, tunc igitur pari ratione posset dici: *Chimæra* sunt tres, quia non sunt vna, vel duæ: sed illud non dicitur, igitur, &c.

ITEM quod dicat numerum videtur. Eusebius dicit: In diuinis est numerus, sed non ordo. Sed si est ibi numerus, tunc contingit illum significare: & si hoc, ergo positiue tenentur dictiones quæ illum significant.

ITEM Bernardus: Si vna est essentia, & tres personæ, quis numerum neget? quasi dicat nullus, igitur, &c.

ITEM hoc ipsum videtur ratione, quia discreta quantitas est maioris abstractionis, quam continua, igitur discretio magis quam duratio. Sed nomen dicens in diuinis durationem, dicit positiue, vt æternus, igitur & nomen dicens discretionem.

ITEM in quocumque est ponere speciem positiue, est ponere genus: sed in Deo est ponere Trinitatem, igitur & pluralitatem.

CONCLUSIO.

Nomina numeralia, vt duo, & tres, non tantum priuatiue, vt censuit Magister, sed etiam positiue in diuinis prædicantur.

Prima positio quæ est Magistri.

RESP. ad arg. Ad prædictorum intelligentiam, notandum quod positio Magistrum fuit, quod huiusmodi nomina numeralia non ponerent aliquid in diuinis, sed priuarent, sicut patet in littera. Et ratio huius positionis fuit, quia huiusmodi nomina si aliquid ponunt, vtique numerum ponunt: sed numerum non esse ponendum in diuinis, & ratio dicit, & auctoritas Sanctorum confirmat. Cum enim in diuinis non sit diuisio & separatio, non sit etiam aggregatio, non sit etiam mensuratio, & numerus separationem importat antecedenter, & aggregationem & mensurationem consequenter, numerus in diuinis non est ponendus: ideo etiam dictiones numerales in diuinis

A non dicunt aliquid, sed magis priuant, maiorem scilicet numerum & minorem. Sed nec positio, nec ratio positionis videtur esse conueniens, si interius attendatur. Positio enim destruit seipsam. Ponit enim quod nomina designantia pluralitatem dicantur priuatiue, similiter & nomina significantia vnitatem. Et si hæc sic inuicem opponuntur, vt vtrumque sit priuatio alterius, erit ibi circulario in notificando: & si vtrumque, alterius priuatio est, cum priuatio non sit priuationis, sed habitus: vtrumque aliquid ponit, & ita si dicuntur priuatiue, dicuntur positiue, & sic positio non est conueniens. Ratio similiter positionis non est conuenienter assumpta. Nam numerus importat distinctionem, & super hoc compositionem aggregationis: & quamuis in diuinis non sit aggregatio, nihilominus est distinctio, ideo numerus non simpliciter remouendus est à diuinis, sed numerus talis. Et Magister omnino remouet: ideo in positione sua defecit. Et in illo articulo communiter non tenetur à Magistris Parisien. Concedendum igitur quod huiusmodi nomina dicuntur positiue, sicut probant rationes ad hoc inducunt. Et concedendum quod in diuinis aliquo modo est numerus, aliquo modo non. Nam secundum quod dicit distinctionem personalem secundum originem, sic dicendum est, numerum esse in diuinis: secundum autem quod aggregationem & diuisionem substantialem dicit, non est ponendus numerus in diuinis.

1. 2. 3. 4. Ex his patet obiecta. Nam rationes ad primam partem procedunt de numero, secundum eam acceptionem qua sumitur in istis inferioribus quantum ad conditiones prædictas. Vnde in sensu suo verum concludunt quod ibi non est numerus. Similiter rationes ad partem oppositam procedunt secundum quod numerus distinctionem certam importat, & hoc quidem est ponere in diuinis: & ideo verum concludunt in suo sensu Vnde in diuinis negandum est, esse numerum simpliciter, sed concedendum est numerum esse personarum.

Ad illud tamen quod obiicitur de quantitate continua, & specie numeri, dicendum quod nec quantitas continua est in Deo, quia æternitas non est quantitas, nec Trinitas est species numeri.

QVÆSTIO II.

An item nomina numeralia in diuinis secundum substantiam, vel secundum relationem dicantur.

Alex. Alems. 1. p. q. 52. Membr. 1.

S. Thom. 1. p. q. 13. art. 2.

Et de Pot. q. 7. art. 4. & 5.

Richard. 1. Sent. dist. 24. art. 2. q. 3.

Steph. Brulef. 1. Sent. dist. 24. q. 5.

Petrus de Tarantaf. 1. Sent. dist. 24. q. 6.

Vtrum prædicta nomina dicantur in diuinis secundum substantiam, aut secundum relationem. Et quod secundum substantiam videtur, quia sicut dicit Boetius, & Augustinus: Quantitas in substantiam transit: sed numerus quantitatem dicit: ergo transit in substantiam: ergo dictiones numerales secundum substantiam dicuntur.

2. **ITEM** omne nomen quod dicitur ad se, dicitur secundum substantiam: sed *Duo* & *Tres* est nomen quod dicitur ad se, non ad aliud: ergo dicuntur secundum substantiam.

3. **ITEM** cum dicitur. Pater, & Filius, & Spiritus sanctus sunt hoc, quod est, *tres*, aut dicitur notionaliter aut essentialiter. Non notionaliter, quia nulla est notio quæ communiter dicatur de tribus, igitur dicitur essentialiter.

4. **ITEM** notiones sunt quinque: sed termini numerales important pluralitatem notionum, igitur erit numerus quinquarius in diuinis, igitur non tres, sed quinque sunt: sed hoc est falsum, igitur non dicuntur notionaliter: sed dicuntur essentialiter, siue substantialiter.

CONTRA: Omne nomen pertinens ad substantiam

Ad oppositum.

Boet. in li. de Trin. Aug. 7. de Trin. 6. 10. tom. 3.

Fundamenta.

non dici-

non dicitur pluraliter, sed singulariter: sed *Tres*, tantum dicitur pluraliter: ergo nullo modo dicitur secundum substantiam: ergo dicitur secundum relationem.

ITEM omne nomen substantiale praedicatur de qualibet persona: sed, *Tres*, de nulla persona praedicatur: ergo, &c.

ITEM si hoc nomen, *Tres*, secundum substantiam dicitur: ergo licet addere terminum substantialem: igitur possumus dicere tres Deos, vel tres substantias, quorum utrumque est contra fidem.

CONCLUSIO.

Nomina numeralia dicuntur in diuinis secundum relationem, & notiones important.

RESP. ad arg. Dicendum quod aliqui voluerunt dicere quod huiusmodi termini numerales nihil aliud dicant in Deo, quam hoc nomen personarum pluraliter. Vnde si dicatur: Personae sunt tres, idem subiicitur, & praedicatur. Et ratio & modus intelligendi hic est, quia si ponerentur formae esse ab aeterno, sicut imponitur Platoni quod posuit, tunc plures essent, & in aliquo certo numero: sed numerus ille nec esset proprietas, nec passio consequens, sed ipsae formae numeratae. & per hunc modum dicere *Tres* in diuinis, non est dicere nisi tres personas. Sed illud non oportet dicere, quoniam si idem esset omnino, tunc videretur esse nugatio, si diceretur: *Tres personae*, una persona: & videretur non plus dici, cum dicitur: Tres sunt personae, quam personae sunt personae. Et propter hoc alius modus dicendi est quod huiusmodi termini numerales dicuntur secundum relationem, & important notiones. Et hoc patet, quia in diuinis important distinctionem, distinctio autem est a proprietatibus. Vnde *Tres*, important proprietatem trium personarum in coactione. Notio autem in quantum conuenit soli, dicitur esse proprietas: in quantum vero ab alio distinguit, dicitur esse unitas. Vnde dicuntur personae tres tribus proprietatibus distinctae. Et si tu quaeris, quid dicitur quando dicitur: *Tres* notiones, dicendum quod seipsis distinguuntur proprietates, ideo non dicit nisi notiones ipsas.

1. Ad illud igitur quod obiicitur quod quantitas transit in substantiam, dicendum quod numerus in creaturis est quantitas, sed in Deo dicit relationem, & hoc patet sic. Distinctio in creaturis est per alicuius proprietatis, vel qualitaris appositionem, & ita per additionem: ubi autem additio, ibi limitatio: ubi limitatio, ibi unius ab alio diuisio: & ubi haec sunt, ibi aggregatio diuersorum, & mensuratio: & quia quantitas est mensurare, ad distinctionem in inferioribus sequitur numerus, & est modus essendi consequens materiam cum forma. In diuinis autem est distinctio per originem, non per additionem alicuius, & ideo nulla additio, nulla limitatio: & ubi hoc non est, nec mensuratio, & ideo nec quantitas. Sed ubi origo, ibi habitudo & relatio, & ideo in diuinis numerus non dicit quantitatem, sed magis relationem: sed quoniam relatio non transit in substantiam, igitur nec termini numerales.

2. Ad illud quod obiicitur quod dicuntur ad se, dicendum quod nomen dici ad aliud, potest esse dupliciter. Vno modo intra, vel extra: vel implicite, vel explicite. Et illud nomen substantialiter dicitur quod non dicitur ad aliud, nec intra, nec extra, nec implicite, nec explicite. Sed terminus numeralis dicit relationem ad aliquid intra, quia importat distinctionem numeratorum, & implicat relationem.

3. Ad illud quod obiicitur: Nulla notio dicitur de tribus, dicendum quod verum est, nulla notio determinata: sed commune ad notiones secundum rationem dicitur de tribus, ut hoc nomen *relatum*, & hoc nomen *distinctum*, & alia nomina consimilia.

4. Ad illud quod obiicitur quod notiones sunt quinque, dicendum quod *Tres*, non quascumque notiones importat, sed solum personales. Illa enim notio quae fa-

cit illam personam esse personam, & ab omnibus distinctam, illa dicitur unitas personae in quantum dat esse distinctum: & illa notio est una unius, sicut una est unitas unius, & illae sunt tantum tres: & ideo cum sint tres unitates in tribus personis, hinc est quod personae solummodo tres dicuntur.

ARTICVLVS III.

TERtio principaliter quaeritur de differentia nominum numeralium, sicut est hoc nomen, *Trinus*, vel, *Trinitas*. Et circa hoc quaeruntur duo. Primo, utrum huiusmodi nomina importent unitatem. Secundo, dato quod sic, quaeritur cuiusmodi sit illa unitas quam important.

QUESTIO I.

An nomina numeralia unitatem importent.

Alex. Alens. l. p. q. 65. Memb. 2.

Richardus 1. Sent. dist. 24. art. 3. q. 2.

Franciscus de Mayr 1. Sent. dist. 24. & 25. q. 4.

QVod importent unitatem, videtur primo per etymologiam: Trinitas enim dicitur quasi trium unitas, similiter & trinus.

ITEM hoc videtur, quia in diuinis reperitur hoc nomen, *Trinitas*, sed non hoc nomen, *Trinarius*. Sed haec duo eandem pluralitatem important: ergo hoc nomen, *Trinitas*, si recipiatur in diuinis, hoc non est ratione pluralitatis: ergo hoc nomen, *Trinitas*, ultra pluralitatem aliquid importat, & non nisi unitatem, ergo, &c.

ITEM in diuinis recipitur hoc nomen, *Trinus*, sed non recipitur hoc nomen, *Triplex*: non enim dicitur Deus triplex, sicut dicitur multipliciter in littera: sed fides communiter dicit Deum trinum: igitur aliquid dicit ultra hoc, quod est triplex, sed non pluralitatem, igitur unitatem.

ITEM Magister dicit supra: Trinitas est nomen quasi collectivum: sed nomen collectivum non tantum importat pluralitatem, sed etiam unitatem, ergo, &c.

1. CONTRA: Ex tribus personis nihil unum fit, sed ex pluribus unitatibus creatis aliquid fit, siue resultat: ergo numerus in creaturis dictus, potius debet importare unitatem quam in diuinis: sed cum dicitur in creaturis binarius vel trinarius, ita importat numerum quod nec unitatem: ergo nec hoc nomen *Trinitas*, debet in diuinis importare.

2. ITEM si Trinus & Trinitas important pluralitatem & unitatem, cum nullum nomen sit distinctum & indistinctum, nec habeat pluralitatem distinctionis, & unitatem indistinctionis, de nullo nomine in diuinis poterit dici.

3. ITEM si unitatem importat: ergo cum idem non debeat sibi copulari, male & nugatorie dicitur in hymno Confessorum in fine:

*Qui supra Calis residens cacumen,
Totius mundi machinam gubernat
Trinus & vnus.*

CONCLUSIO.

Nomina numeralia in diuinis important unitatem & pluralitatem: non tamen sunt nomina collectiua, sed quasi collectiua, ut dicit Magister.

RESP. ad arg. Dicendum quod quia in diuinis singulari modo est numerus scilicet ex distinctione suppositorum cum unitate formae, speciali debuit exprimi nomine, quod simul dicit pluralitatem & unitatem. Quia ergo huiusmodi nomina important pluralitatem & unitatem, ideo sunt similia nominibus collectivis. Sed quia unitas collectivorum est unitas aggregationis quae con-

Fundamenta.

Ad oppositum.

sequitur pluralitatem: hic autem est vnitas formæ quæ non est pluralitatem consequens, ideo non est collectivum tale nomen. Et ideo dicit Magister quod est quasi collectivum. Et per hoc patet primum in contrarium. Concedendum ergo quod importat pluralitatem & unitatem.

1.2. Ad illud quod obiicitur, nullum nomen importat simul unitatem, & pluralitatem, dicendum quod hoc verum est ratione formæ: sed cum sit vnum in forma, potest habere pluralitatem suppositorum, & hoc non est inconueniens vel impossibile.

3. Ad illud quod obiicitur de nugatione, dicendum quod sicut hoc verbum, *cede*, habet intellectum huius verbi dandi & loci: sed cum dicitur *cede* locum cadit ab intellectu alterius: similiter in proposito, & similiter intelligendum de relatiuis cum dicitur: Filij Pater.

QVÆSTIO II.

An Vnitas importata per hoc nomen, Trinitas, vel Trinus, Essentia vel Suppositi Vnitas sit.

S. Thom. 1. Sent. dist. 24. q. 1. art. 1.

Richard. 1. Sentent. dist. 24. art. 3. q. 3.

Franciscus de Mayr. 1. Sent. dist. 24. c. 25. q. 2.

Marsilius Inguen. 1. Sent. q. 27. art. 3. dub. 2.

Steph. Brulef. 1. Sent. dist. 24. q. 6.

Petrus de Tarentas. 1. Sent. dist. 24. q. 4.

Gabriel Biel. 1. Sent. dist. 24. q. 2.

Funda-
menta.

Cuiusmodi sit illa vnitas quam importat hoc nomen, *Trinitas* vel *Trinus*, vtrum videlicet suppositi vel essentia. Et quod essentia videtur: quia hoc quod est, *Trinitas*, dicitur de omnibus simul in singulari. Sed hoc conuenit solum termino importanti unitatem substantialem, ergo, &c.

ITEM nulla vnitas est trium nisi essentia vel essentialis vnitas, sed *Trinitas* est trium vnitas; ergo hoc nomen, *Trinitas*, dicit essentialem unitatem, pari ratione, & hoc nomen, *Trinus*.

ITEM ne hoc nomen, *Trinitas*, ne hoc nomen, *Trinus*, dicitur de persona: ergo non importat unitatem personalem. Non enim hæc conceditur: Persona est trina, vel persona est *Trinitas*.

Ad Oppo-
sitionem.

1. CONTRA: Huiusmodi nomina simul important unitatem & pluralitatem: sed sola vnitas personæ est plurificabilis non essentia, ergo importat unitatem personæ.

2. ITEM vnitas essentia prædicatur de Patre, sed neque hoc nomen, *Trinus*, neque hoc nomen, *Trinitas*, prædicatur de Patre, ergo, &c.

3. ITEM vnitas essentia prædicatur de essentia: sed nequaquam dicitur essentia diuina est trina, igitur non dicit unitatem essentialem. Quæritur igitur quam unitatem importent, & vtrum dicantur ista nomina secundum substantiam, an secundum relationem. Et cum dicantur de omnibus simul in singulari, videntur dici secundum substantiam: cum iterum non dicantur de aliquo sigillatim, non videntur dici secundum substantiam.

CONCLUSIO.

*Nomen numerale quod est, Trinitas, significat unitatem
trinum: non autem trinam unitatem, vel
vnum ter.*

RESP. ad arg. Ad prædictorum intelligentiam, dicendum quod ad hoc conuenit dici quod hoc nomen, *Trinitas*, duplicem habet etymologiam: Vno modo *Trinitas* dicitur *Vnitas ter*, & sic nomen numerale cadit in eo ut complementum, & sic dicitur secundum relationem, sicut termini numerales: & vnitas quam importat, est vnitas personalis, non essentialis, quia illa plurificatur. Alia etymologia est, *Trinitas* est *Vnitas trium*,

& tunc vnitas non numeratur, sed significatur ut communicabilis tribus: & quoniam hæc vnitas est essentialis, ideo importat unitatem essentialem. Et hæc quidem etymologia absque dubio habet veritatem. Sed prima non videtur habere veritatem: Nam cum eandem significationem habeat *Trinus* & *Trinitas*, si illa est etymologia: *Trinitas Vnitas ter*, tunc *trinus* diceretur *vnus ter*. Hoc autem non potest dici de Deo, videlicet *Ter vnus*, cum tamen dicatur *Trinus*. Propter quod dicendum quod huiusmodi nomina important unitatem formalem siue essentia, cum pluralitate suppositorum, & ideo habent quodam modo naturam termini substantialis in hoc, quod dicuntur de tribus singulariter: & termini numeralis in hoc quod dicuntur de nullo per se.

1. Ad illud quod obiicitur quod sola vnitas personæ est plurificabilis, dicendum quod *Trinitas* non importat pluralitatem circa unitatem in recto, sed solum in obliquo, quod sit trium vel in tribus, & hoc est essentia.

2. Ad illud quod obiicitur quod vnitas essentia prædicatur de Patre, dicendum quod verum est, sed non ratione hac, qua plures in ea conueniunt: sicut animal prædicatur de homine non ea ratione qua diuersa specie in eo conueniunt: & quia *Trinitas* importat illam unitatem ut in pluribus, ideo, &c.

3. Ad illud quod obiicitur quod non dicitur essentia trina, neque *Trinitas* trina, dicendum quod hoc nomen *Trinus*, importat unitatem ut in concrectione, & ita ut in hærentem pluribus. Et ideo de eo solo dicitur quod importat unitatem ut in concrectione; ut hoc nomen *Deus*, quod quidem supponit personas: & quia tale est hoc nomen, *Deus*, ideo conceditur: *Deus* est *Trinus*, non *deitas* est *Trina*: quia *deitas* non supponit personam, similiter nec hoc nomen, *Trinitas*, & sic patet obiecta.

DISTINCTIO XXV.

**QVID SIGNIFICATUR
CVM DICTUR PLURALITER:
TRES PERSONÆ, VEL DVÆ
PERSONÆ. ET CVM DICTUR SINGV-**

**LARITER: ALIA EST PERSONA
Patris, alia Filij, alia Spi-
ritus sancti.**

PRÆTEREA considerandum est, cum hoc nomen persona, ut prædictum est, secundum substantiam dicatur, qua sit intelligentia dicti cum pluraliter profertur: Tres persona, vel dua persona: & cum dicitur: Alia est persona Patris, alia est persona Filij, alia est persona Spiritus sancti. Si enim in his locutionibus persona vocabulum essentia intelligentiam facit, plures essentias confiteri videretur, & ita plures deos. Si vero essentia significationem ibi non tenet, alia est huius nominis ratio, cum dicitur: Pater est persona, vel Filius est persona, & alia cum dicitur: Pater & Filius & Spiritus sanctus sunt tres persona: & cum dicitur: Alia est persona Patris, alia Filij, & huiusmodi.

Quod videtur secundum essentiam dici: Alia est persona Patris, alia Filij, siue Tres persona, ut cum dicitur: Pater est persona, Filius est persona.

Persona enim, ut supra ait Augustinus, ad se dicitur, & ideo est Deo esse personam quod esse: sicut idem est ei esse, quod Deum esse. Unde manifeste colligitur quod essentiam diuinam prædicamus, dicentes: Pater est persona, Filius

Filius

Filius est persona, Spiritus sanctus est persona, id est essentia diuina: & omnino unum & idem significatur nomine persona, id est essentia diuina, cum dicitur: Pater est persona, & Filius est persona, quod significatur nomine Dei, cum dicitur: Pater est Deus, Filius est Deus. Ita etiam idem significatur, cum dicitur: Deus est Deus, & Deus est persona. Vtrogue enim nomine essentia diuina intelligitur, quia utrumque secundum substantiam dicitur. Cum vero dicitur: Pater & Filius & Spiritus sanctus sunt tres persona, quid nomine persona significamus, an essentiam? Hoc enim videtur, si supra posita verba Augustini diligenter scrutemur. Supra enim dixit quod ideo tres personas dicimus, quia id quod persona est, commune est tribus. Et item, quia Pater est persona, & Filius est persona, & Spiritus sanctus est persona, ideo tres persona dicuntur. Videtur ergo eandem tenere significationem hoc nomen Persona, cum dicitur: Tres persona, quam habet, cum dicitur: Pater est persona, Filius est persona, Spiritus sanctus est persona. Quia, ut ostendit Augustinus, hoc dicitur, id est, Tres persona. propter illud, quia id quod persona est, commune est eis. Id ergo quod commune est eis, id est, Patri & Filio & Spiritui sancto, videtur significari nomine persona, cum dicitur: Tres persona.

Aliter etiam videtur posse ostendi, quod secundum essentiam dicatur etiam, cum pluraliter profertur.

Aliter etiam videtur posse ostendi, quod ibi nomine persona significetur essentia, cum dicitur, Tres Personæ. Ut enim supra dixit Augustinus: Ea necessitate dicimus tres personas, ut responderemus querentibus quid Tres, vel quid Tria. Cū ergo queritur quid Tres, vel quid Tria, conuenienter respondetur, cum dicitur: Tres persona. At cum queritur, quid Tres, vel quid Tria, per quid de essentia queritur. Non enim inuenitur quid illi tres sint, nisi essentia. Si ergo questioni recte respondemus oportet ut respondendo, essentiam significemus: alioquin non ostendimus quid tres sint. Si vero respondentes, essentiam significamus, ipsam essentiam persona nomine intelligimus, cum dicitur: Tres persona.

Opinio quorundam, qui putant essentiam significari nomine personæ cum dicimus, Tres personas.

Quibusdam videtur quod nomine persona significetur essentia cum dicitur: Tres persona. propterea quia Augustinus dicit ideo dici tres personas, quia commune est eis id quod est persona: ut sit talis intelligentia: Pater & Filius & Spiritus sanctus sunt tres persona, id est, sunt tres id habentes commune quod est persona, id est, tres sunt quorum quisque est persona, id est, essentia. Sed quo modo iuxta hanc intelligentiam dicitur: Alia est persona Patris, alia Filij? Et hoc etiam ita volunt intelligere, scilicet alius est Pater, & alius est Filius, id tamen commune habentes quod est persona. Et hoc confirmant auctoritate Augustini qui in 7. lib. de Trinit. ait: Tres personas eiusdem essentia, vel tres personas unam essentiam dicimus. Tres autem personas ex eadem essentia non dicimus: quasi aliud ibi sit quod essentia est, aliud quod persona est. Hac auctoritate & præmissis conantur asserere in prædictis locutionibus nomen persona essentiam significare. Sed quid respondebunt ad id quod ipse Augustinus in lib. de fide ad Petrum dicit, scilicet quod alius est Pater in persona siue personaliter, alius personaliter Filius, alius personaliter Spiritus sanctus? Quo modo enim alius personaliter Pa-

ter, alius personaliter Filius, alius personaliter Spiritus sanctus, si in, esse personam, omnino conueniunt, id est, si persona essentia tantum intelligentiam facit? Ideo nobis videtur aliter hoc posse dici congruentius iuxta catholicorum Doctorem auctoritates.

Quod hoc nomen, Persona, tripliciter in Trinitate accipitur: & hæc est utilis & catholica doctrina de persona & personis.

Sciendum est igitur quod hoc nomen Persona, multiplicem intelligentiam facit, non unam tantum. Et ut Hilarius ait in lib. 4. de Trinitate: intelligentia dictorum ex causis est assumenda dicendi, quia non sermoni res, sed rei sermo subiectus est. Discernentes ergo dicendi causas huius nominis scilicet, persona, significationem distinguimus dicentes quod hoc nomen, scilicet persona, proprie secundum substantiam dicitur, & essentiam significat, sicut supra ostendit Augustinus, cum dicitur: Deus est persona, Pater est persona. Quadam tamen necessitate, ut supra dixit Augustinus, translatus est hoc nomen, ut pluraliter diceretur: Tres persona, cum quaereretur, quid Tres, vel quid Tria: ubi non significat essentiam, id est naturam diuinam qua communis est tribus personis, sed substantias vel hypostasies secundum Græcos. Græci quippe, ut supra dicit Augustinus, aliter accipiunt substantiam, id est, hypostasim, autem nos. Nos enim substantiam dicimus essentiam siue naturam. Personas autem dicimus, sicut illi dicunt, substantias, id est, hypostasies. Sic ergo nos ita accipimus personas, ut illi accipiunt substantias vel hypostasies, & illi aliter accipiunt hypostasies, quam nos substantiam: aliter ergo nos accipimus personas, quam substantiam. Cum ergo dicimus, Tres personas, non ibi persona nomine essentiam significamus. Quid ergo dicimus? Dicimus quia Tres persona sunt, id est, tres substantia, scilicet tres entes: pro quo Græci dicunt Tres hypostasies.

Ostendit, verba Augustini conuenire huic sententiæ.

Es hic sensus adiunatur ex verbis Augustini præmissis, si interius intelligantur. Quia enim Pater est persona, id est, essentia, & Filius persona, & Spiritus sanctus persona: ideo dicuntur Tres persona, tres substantia, tres entes. Non enim possent dici tres substantia vel entes, nisi singulus eorum esset persona, id est, essentia. Quia ergo eis commune est id quod est persona, id est, essentia: ideo recte dicuntur Tres persona, id est, substantia vel substantia: ut sicut essentia qua est eis communis, vere ac proprie est: ita illi tres ac proprie substantia vel entes intelligantur. Ideoque Augustinus causas dictorum discernens, dicit Tres personas esse unam essentiam, vel eiusdem essentia, non ex eadem essentia: ne aliud intelligatur ibi esse persona, aliud essentia. Tres enim persona, id est, substantia, una sunt essentia, & unius essentia, non autem sunt una persona, vel unius persona: licet persona secundum substantiam dicatur aliquando. Nam si hoc diceretur, confusio fieret in personis.

Obiectioni illorum hic respondet, qua nituntur probare personas secundum essentiam accipi: quia respondemus querentibus quid Tres, vel quid Tria.

Ad hoc autem quod illi dicunt, cū queritur, quid Tres, vel quid Tria, de essentia queritur, quia non inuenitur

Inter prin. & mediū.

Dist. 5.

Dist. 23. ca. Pater ergo Et 17. de Trin. c. 4. in fine. 10. 3. Libro 7. de Trin. c. 4. in fine. 10. 3.

Dist. 23.

Lib. 7. de Trin. c. 4. in fine. 10. 3.

Cap. 6. in medio. 10. 3.

Cap. 1.

10an. 10. f

7. 10. 5. b

quid illi Tres sint nisi essentia: per hoc volentes nos inducere ut nomine Persona essentiam intelligamus, cum respondemus: Tres personas, ita dicimus. Indubitabiliter verum est, quia non inuenitur unum aliquid quod illi Tres sint, nisi essentia. Vnum enim sunt illi Tres, id est, essentia diuina. Vnde Veritas ait: Ego & pater unum sumus. Veruntamen cum queritur, quid Tres, vel quid Tria, non de essentia queritur, nec ibi quid ad essentiam refertur. Sed cum fides catholica Tres esse profiteretur, sicut Ioannes in epistola canonica ait: Tres sunt qui testimonium perhibent in celo: quarebatur quid illi Tres essent, id est, an essent Tres res, & quae Tres res, & quo nomine illa Tres res significarentur. Et ideo loquendi necessitate inuentum est hoc nomen, Persona, ad respondendum, ut dictum est: Tres persona.

Quid tres res, & quid vna res hic dicatur.

Ca. 3. & 5.
tom. 3.

Non autem te moueat quod dicimus Tres res. Non enim hoc dicentes diuersarum rerum numerum ponimus in Trinitate, sed ita Tres res dicimus, ut easdem esse vnā quandam summam rem confiteamur. Vnde Augustinus in 1. lib. de doctrina Christiana sic ait: Res quibus fruendum est, nos beatos faciunt: Res ergo quibus fruendum est, sunt Pater & Filius & Spiritus sanctus. Eademque Trinitas vna quadam summa res est, communisq; fruentibus ea, si tamen res, & non rerum omnium causa sit. Non enim facile potest inueniri nomen, quod tanta excellentia conueniat: nisi quod melius dicitur: Trinitas haec vnus Deus. Sicut ergo Tres res dicuntur, & haec sunt vna res: ita Tres substantia dicuntur, & haec sunt vna essentia. Ecce ostensum est quae sit intelligentia huius nominis, Persona, cum dicimus Tres personas.

Ex quo sensu dicatur: Alia est persona Patris, alia Filii, alia Spiritus sancti.

Nunc inspiciamus, utrum secundum eandem rationem, & causam dicatur: Alia est persona Patris, alia Filij, alia Spiritus sancti. Quod utique sane intelligi potest, ut sit sensus talis: Alia est substantia vel hypostasis Patris, alia substantia Filij, alia substantia Spiritus sancti. Et alia substantia Pater, alia Filius, alia Spiritus sanctus.

Quo modo haec intelligantur: Alius in persona Pater, alius Filius, alius Spiritus sanctus.

Deinde queritur, utrum secundum eandem rationem accipiat, cum dicitur: Alius est Pater in persona, alius in persona Filius, alius in persona Spiritus sanctus: siue, alius personaliter Pater, alius personaliter Filius, alius personaliter Spiritus sanctus. Ad quod dicimus, quia etsi possit eodem modo accipi, congruentius tamen ex ratione dicti alia variatur intelligentia, ut hic personae nomine proprietates personae intelligatur, ut sit sensus talis: Alius est in persona vel personaliter Pater, id est, proprietate sua Pater alius est quam Filius, & Filius proprietate sua alius quam Pater: paterna enim proprietate distinguitur hypostasis Patris ab hypostasi Filij, & hypostasis Filij filiali proprietate discernitur a Patre, & Spiritus sanctus ab utroque processibili proprietate distinguitur.

Quo modo secundum hunc modum etiam in praedictis locutionibus potest accipi.

Hoc etiam modo sane potest accipi persona in praemissis

locutionibus cum dicitur. Alia est persona Patris, alia Filij, id est, alia est proprietas, quia Pater est Pater: alia quia Filius est Filius, alia quia Spiritus sanctus est Spiritus sanctus. Ita etiam nomine personae quidam proprietates intelligere volunt, cum dicuntur tres persona, sed melius est ut substantias vel hypostasies intelligamus, cum dicimus Tres personas. Ex praedictis colligitur nomen, Personae, in Trinitate triplicem tenet rationem. Est enim ubi facit intelligentiam essentia, & est ubi facit intelligentiam hypostasis, & est ubi facit intelligentiam proprietatis.

Auctoritatibus Sanctorum ostenditur quod dictum est.

Quod autem secundum substantiam dicatur, & essentiam aliquando significet, supra ex dictis Augustini aperte ostendimus. Quod vero pro hypostasi atque proprietate accipiat, ex auctoritatibus Sanctorum ostendi oportet, ne coniecturis nostris aliquid ausi dicere videamur. De hoc Hieronymus in expositione fidei Catholica ad Damasum ita ait: Non est prorsus aliquis in Trinitate gradus, nihilq; quod inferius superiusue dici possit, sed tota diuinitas sui perfectione aequalis est, ut exceptis vocabulis, quae proprietatem indicant personarum, quidquid de vna persona dicitur, de tribus possit dignissime intelligi. Atque ut consuetudine Arrium, vnā eandemque Trinitatis dicimus esse essentiam vel substantiam, & Deum vnum in tribus personis fatemur: ita etiam impietatem Sabellij declinantes, Tres personas expressas sub proprietate distinguimus: non ipsum sibi Patrem, ipsum sibi Filium, ipsum sibi Spiritum sanctum esse dicentes, sed aliam Patris, aliam Filij, aliam Spiritus sancti esse personam. Non enim nomina tantummodo, sed etiam nominum proprietates, id est, personas, vel, ut Graeci exprimunt, hypostasies, id est, substantias confitemur. Nec Pater Filij, vel Spiritus sancti personam aliquando excludit. Nec Filius, vel Spiritus sanctus Patris nomen, personamq; recipit, sed Pater semper Pater, & Filius semper Filius, & Spiritus sanctus semper Spiritus sanctus. Itaque substantia vnum sunt, sed personis ac nominibus distinguuntur: Ecce hic aperte dicit Hieronymus, proprietates esse personas, & personas esse substantias. Vnde manifestum fit quod diximus, scilicet personae nomine significari & hypostasim & proprietatem: Ioannes etiam Damascenus, personas dici esse hypostasies, & eas dicit entes, ita inquit: In deitate vnā naturam confitemur, & tres hypostasies secundum veritatem entis, id est, personas.

Dist. 23. in
prim.In 10. 4. in
Symboli
explicatione.Lib. 3. de
orthodoxa
fide cap. 1.

DISTINCT. XXV.

Quid significet hoc nomen, Persona.

Praeterea considerandum quod cum hoc nomen Persona, & cet.

Expositio textus.

Supra respondet Magister quid significetur per terminum numeralem cum dicitur: Tres personas, hic subdit quid significetur per istum terminum, Persona. Et diuiditur haec pars in duas. In prima querit & opponit. In secunda soluit ibi: Quibusdam videtur quod nomine Personae. Prima pars habet tres partes. In prima mouet dubitationem. In secunda opponit per auctoritatem Augustini, ostendens qd dicitur secundum substantiam, ibi: Persona enim, ut supra Augustinus. Tercio opponit per rationem, ibi: Aliter etiam videtur posse ostendi quod nomine Persona: ubi monstrat illud idē. Similiter secunda pars, in qua soluit diuiditur in duas. In prima soluit secundum opinionem aliorum qui dicunt

Diuisio.

qui dicunt

qui dicunt quod persona accipitur secundum essentiam, tamen relata ad suppositum. In secunda soluit secundam opinionem suam per distinctionem, ibi: *Sciendum est igitur quod hoc nomen, Persona, multiplicem intelligentiam facit.* Et hæc pars diuiditur in duas. In prima parte ostendit quo modo accipiat hoc nomen, *Persona*, in plurali. Secundo quo modo accipiat in singulari, cum dicitur: *Alius est Pater, alius est Filius, ibi: Nunc inspicimus verum secundum eandem rationem.* Prima pars habet tres partes. In prima ponit distinctionem per quam soluit. In secunda confirmat per auctoritatem Augustini, ibi: *Et hic sensus adiunatur ex verbis.* In tertia ad obiectionem respondet, ibi: *Ad hoc autem quod illi dicunt.* Similiter sequens pars habet tres partes. In prima determinat quo modo accipiat persona, cum dicitur: *Alia est persona Patris.* Secundo quo modo accipitur cum dicitur: *Alius est Pater in persona.* Tertio hoc confirmat auctoritatibus. Primum facit ibi: *Nunc inspicimus, &c.* Secundum ibi: *Deinde queritur, verum secundum eandem rationem.* Tertium, ibi: *Quod autem secundum substantiam dicatur.*

Tres persona, id est, substantia.
Dub. I.

Contrarium dicit Boetius in libro de duabus naturis & vna persona Christi, assignans differentiam inter subsistere, & subistere, quod subsistit illud quod non indiget alio ad hoc quod sit. Substat vero quod subiectum aliis, ut esse valeat, subministrat. Videtur ergo quod subsistere sit idem quod essentia, ergo nullo modo potest dici quod sint plures substantiæ.

RESP. Dicendum quod Boetius accipit ibi hoc nomen *Subsistentia*, secundum Marcum Tullium, prout accipit significationem secundum actum subsistendi, siue per se standi, & sic tantum vna est substantia. Sed nunc Doctores Scripturæ accipiunt prout magis importat respectum ad proprietatem cui subest, & sic plurificatur. Ratio autem huius est communis usus. Quia accipiunt substantiam pro natura rei: ideo pro supposito magis voluerunt accipere substantiam.

Tres personas esse vnā essentiam, vel eiusdem essentia, non ex eadem essentia.
Dub. II.

Videtur hoc falsum, quia Pater generat Filium de sua substantia, & spirat Spiritum sanctum: ergo videtur quod omnes personæ sint de eadem substantia. Item queritur quare non conceditur ista: Personæ sunt ex eadem essentia, sicut conceditur ista: personæ sunt eiusdem essentia. Et videtur quod debeat concedi. Quia *Ex*, dicit in diuinis habitudinem originis, & similiter genitiuus originem importat. Si tu dicas quod propter transitiones. CONTRA: Sicut præpositiones sunt transitivæ, ita & obliqui casus sunt transitivi. Præterea hæc recipitur: Personæ sunt in eadem essentia, & tamen hoc quod dico *In*, est præpositio.

RESP. Dicendum quod aliquando aliquid comparatur ad aliud, ut informans, siue denominans, & tamen non ponitur propter hoc diuersitas, siue distinctio vnius ad alterum: sic enim comparatur Deitas ad Deum. Alio modo comparatur aliquid ad aliud, sicut principium ad principiatum, & tunc de necessitate importatur distinctio. Quoniam ergo hæc præpositio *Ex*, importat habitudinem causæ, vel saltem principii: ideo de necessitate dicit distinctionem inter extrema: ideo hæc non potest esse vera quod personæ sint ex eadem essentia. Sed quia genitiuus non tantum construitur in ratione principii, immo ex vi declarationis essentia, cum dicitur: *Mulier egregiæ formæ*, ut dicit Priscianus: ideo cum genitiuo hæc est vera, Tres personæ sunt eiusdem essentia.

Tres res. Dub. III.

Accipit hoc ab Augustino in lib. 1. de doctrina Chri-

stiana. Et videtur male dicere, dicendo: *Tres res*, quia res est nomen absolutum, & generale: ergo videtur quod si aliquid dicat in diuinis quod dicat essentiam, siue substantiam: ergo sicut nullo modo accipitur, *Tres essentia*, ita nullo modo debet recipi, *Tres res*. Et si tu dicas. *Tres entes*, hic non est simile, quia ens est participiū, & ita trahit numerum aliunde & non numeratur secundum formam propriæ entitatis: res autem est nomen substantiū. Si tu dicas mihi quod res nominat formam a parte animæ, vel istud nomen impositum est a parte animæ, & hoc nihil est, quia illa sunt nomina intentionum, & res diuiditur contra intentionem.

RESP. Dicendum quod res potest considerari tripliciter. Aut secundum proprietates, quas habet in propria natura: aut secundum modum, per quem fit apud animam: aut secundum proprietatem communem, quæ inest ei ab actibus animæ, qui sunt subicere, & prædicare, componere, & diuidere: secundum hanc ergo triplicem acceptionem contingit rem tripliciter nominari. Vno modo per nomen, quod indicat existentiam a parte suæ nature, sicut dicitur album, & nigrum, & huiusmodi. Alio modo secundum quod anima accipit per modum entis, hoc modo nominat res. Vnde omne illud res dicitur quod anima cogitat, ut existens in natura. Alio modo contingit nominare per intentiones secundas, sicut dicitur, genus, species, subiectum, prædicatum. Quoniam ergo hoc nomen *Res*, dicit medium inter nomen quod dicit pure formam naturæ, & nomen quod dicit formam intentionis, ideo non tantum essentia conuenit, sed etiam personis: & ideo, *Tres res*, dicimus *Tres personas*, non sic tres essentias, & huic significationi adludat ipsum nomen. Res enim dicitur a reor reris, quod dicit actum a parte animæ: & alio modo res venit ab hoc quod est ratum quod dicit stabilitatem a parte naturæ: & sic res dicit stabilitatem, siue ratitudinem ex parte entitatis: Et sic patent obiectiones, quia vno modo est nomen naturæ, alio modo est nomen rationis.

Non est prorsus aliquis in Trinitate gradus.
Dub. IV.

Videtur hic Hieronymus dicere contra illud quod dicit Augustinus 9. Confess. Pater & Filius non differunt substantia, sed causa, & gradu. Item in diuinis est substantia: igitur ibi est *Sub*, sed *Sub* dicitur relative ad superius, igitur ibi est *Sub*, & *Super*: ergo inferius, & superius, igitur gradus. Item, vbicunque est auctoritas, & subauctoritas, ibi est gradus: sed hæc est in Patre, & Filio, ergo, &c.

RESP. Dicendum sicut dicit Glossa: Non ascendas per gradus ad altare, &c. Per gradus ascendit ad altare, qui dicit Patrem maiorem Filio, & Filium Spiritu sancto sicut Arrius dixit. Vnde cum gradus de ratione sui nominis tollat personarum æqualitatem, ideo bene dicit Hieronymus quod non est prorsus in diuinitate gradus, nihilominus ponitur ordo. Differunt enim gradus & ordo, sicut punctus & vnitas. Nam punctus est substantia posita: ideo solum est in corporalibus. Vnitas vero est substantia non habens positionem, ideo est in spiritualibus. Sic gradus dicit superpositionem, vel loci, vel dignitatis. Ordo vero dicit habitudinem ad principium sine positione. Ad illud igitur quod dicit Augustinus: Dicendum quod improprie loquitur in vtroque verbo, & causa sumitur ibi pro principio, gradus vero sumitur pro ordine. Ad illud quod obiectiones de *Sub*, dicendum quod *Sub*, in diuinis non dicit inferioritatem, sed solum habitudinem secundum rationem intelligendi. Ad illud quod obiectiones de auctoritate, dicendum quod verum est secundum quod auctoritas sonat in rationem dominii, quod ponit gradum: sed sic non est in diuinis, sed solum prout sonat in rationem principii: & hoc ponit ordinem in cognoscendo.

Res vnde dicatur.

Exo. 20. d

Punctus. Vnitas.

Ordo.

ARTICVLVS I.

AD intelligentiam huius partis duo principaliter quærentur. Primo quæritur de quidditate huius nominalis, *Persona*. Secundo quæritur de communitate eiusdem. Quantum ad primum duo quærentur. Primo de persona secundum rem quid sit. Secundo quid sit secundum diffinitionem.

QVÆSTIO I.

An nomen Persona, secundum substantiam, vel secundum relationem in diuinis dicatur.

Alex. Alex. 1. p. q. 56. Membr. 1.

S. Thom. 1. p. q. 29. art. 4.

Et 1. Sent. dist. 23. q. 1. art. 2.

Et de Pot. q. 9. art. 4.

Scotus 1. Sent. dist. 25. q. 1.

Egid. Rom. 1. Sent. dist. 23. q. 3.

Henricus in summa art. 53. q. 4.

Richard. 1. Sent. dist. 25. q. 1.

Durandus 1. Sent. dist. 22. q. 1.

Franciscus de Mayr. 1. Sent. dist. 25. q. 4.

Marfilus Inguen. 1. Sent. q. 28. art. 1.

Gab. Biel 1. Sent. dist. 25. q. 1.

Ad oppositum.
Cap. 1.

QUOD persona dicatur secundum substantiam, videtur ex verbis Aug. in 7. de Trin. Idem est Deo esse, & personam esse. Et iterum, cum dicimus personam patris, non aliud dicimus, quam substantiam patris: ergo persona dicitur secundum substantiam.

1. **ITEM** Ansel. in fine Mono. quot sunt personæ tot sunt substantiæ, igitur nomen personæ dicitur secundum substantiam.

3. **ITEM** Hugo de sancto Victore in lib. de sacramentis, in prima parte libri tertii: Vnum solum nomen est substantiale quod de singulis dicitur singulariter. In summa tamen non dicitur singulariter, sed pluraliter pronuntiatur, ut persona: igitur hoc nomen, *persona*, est nomen substantiale.

4. **ITEM** Boetius in lib. de duabus naturis, & una persona Christi, personam diffiniens dicit, quod est rationalis naturæ substantia indiuidua: sed si substantia prædicatur in recto, & non per accidens, sed secundum se, tunc ergo persona dicit substantiam secundum omnes Doctores.

5. **ITEM** hoc ipsum videtur ratione, & hoc per diffinitionem. Boetius enim venando diffinitionem personæ dicit, quod aut est substantia, aut accidens: & dicit quod non est accidens, ergo substantia. Si ergo persona in his inferioribus dicit substantiam, & quid per se existens, ergo & in Deo.

6. **ITEM** hoc ipsum videtur per eius absolutionem, quoniam omne nomen quod dicitur ad se, dicit substantiam in diuinis, quia tale non secundum relationem dicitur: sed hoc nomen, *persona*, est huiusmodi, ut patet. Et August. dicit 7. de Trin. Ad se quippe dicitur persona, ut bonus magnus, &c.

7. **ITEM** hoc etiam videtur per Ecclesiæ responsionem, quia omne nomen quod conuenienter respondetur ad interrogationem factam per *quid*, indicat substantiam: quia *quid*, quærit substantiam: sed hoc nomen *persona* ab Ecclesiâ hæreticis responsum est quærentibus quid *Tres*, sicut dicit Augustinus & Magister: ergo indicat substantiam.

8. **ITEM** hoc ipsum videtur relationis abstractione. Intelligamus, quod nulla relatio sit in diuinis, & quod in una sola hypostasi sit natura diuina, sicut intelligunt Gentiles: tunc contingit, quod adhuc est intelligere naturam intellectualem, & habentem illam: ergo & personam, & naturam: igitur si circumscripta omni relatione saluus est intellectus personæ: persona non dicitur secundum relationem: & dicitur secundum relationem,

Cap. 4.
Lib. 7. de Trin. 6. 4.

A vel secundum substantiam, ergo dicitur secundum substantiam.

CONTRA: per Boetium in lib. de Trinitate, in fine: Si personæ diuine sunt, necesse est vocabulum quod ex personis trahit originem, ad substantiam non pertinere. Si ergo quæ trahunt originem à personis non pertinent ad substantiam: multo fortius nec nomen personæ. Vnde Richardus de sancto Victore dicit quod persona idem est, quod per se existens, iuxta quendam singularis existentie modum naturæ rationalis: sed singularis modus existentie est relatio in diuinis, &c.

ITEM ratione videtur, quia omne nomen quod recipit multitudinem, vel plurificationem, pertinet ad relationem, quia secundum omnes substantia remanet indiuisa. Et Boetius dicit quod substantia continet unitatem: relatio multiplicat trinitatem: si ergo nomen personæ est multiplicabile, patet quod dicitur secundum relationem.

ITEM omne nomen de se importans distinctionem dicitur secundum relationem: sed nomen personæ importat distinctionem, quia persona est hypostasis proprietate distincta. Et Boetius dicit quod est indiuidua, & indiuiduatio non est aliud, quam distinctio, ergo, &c.

CONCLUSIO.

Persona in diuinis dicitur secundum substantiam, & secundum relationem: principaliter tamen secundum substantiam, quam secundum relationem.

C **R**ESP. ad arg. Dicendum quod aliqui voluerunt soluere distinguendo significationem personæ secundum diuersitatem numeri, ut in singulari diceretur secundum substantiam, in plurali secundum relationem. Sed hæc solutio neque valet in se, neque valet ad propositum. In se quidem non valet: quia omne plurale geminat suum singulare, ergo non mutat significationem. Ad propositum non valet, quia dicitur in singulari: Alia persona patris, alia filii, quod dici non posset si esset terminus substantialis, cum non sit alia substantia patris, alia filii. Alii voluerunt per distinctionem significationem soluere secundum diuersa tempora, videlicet, quod ante responsionem Ecclesiæ diceretur substantialiter, & secundum substantiam, post responsionem diceretur secundum relationem. Sed hæc solutio non valet nec in se, nec ad propositum. In se non valet, quia Ecclesiâ aliqua ratione respondet magis illud nomen, quam aliud substantiale, & tunc non imposuit significationem: ergo responsio Ecclesiæ nihil facit ad mutationem significationis. Ad propositum non valet, quia secundum significationem, quam habet post responsionem Ecclesiæ, loquuntur Doctores, & currunt rationes ad utramque partem. Et propterea est intelligendum, quod persona dicitur rationalis naturæ suppositum proprietate distinctum, secundum omnes qui intelligunt eius significationem specialem; sed suppositum rationalis naturæ constat esse substantiam: proprietatem distinguente constat esse relationem: ergo cum persona utrumque importet, scilicet suppositum, & proprietatem: Necesse est dici secundum substantiam, & secundum relationem. Et cum dicatur secundum substantiam, & secundum relationem, principaliter dicitur secundum substantiam quantum est de generali, & primo nominis intellectu. Persona enim dicit suppositum certum substantiæ, siue in Deo, siue in creaturis. Et huic consonat modus dicendi à parte nominis. Sed quantum est de speciali, & ultimo nominis intellectu, quia dicit suppositum distinctum proprietate, quæ est relatio: dicitur in Deo secundum relationem. Et hinc est quod Sancti, & Doctores dicunt nomen personæ secundum substantiam dici, licet etiam secundum relationem dicatur. Sed obiiciet aliquis: Cum isti modi, dici secundum substantiam, & dici secundum relationem, diuidant nomina diuina ex opposito, ut videtur, aut non poterunt inueniri

Fundamenta.

Richard. 3. de Trin. 1. 23.

De duabus naturis.

inueniri in eodem, aut illud nomen implicat in se opposita. Et propterea intelligendum sicut dicit Richardus de sancto Victore, dici secundum substantiam, est dupliciter. Aut indicando substantiam secundum naturam communem, & sic dicitur homo secundum substantiam. Aut indicando substantiam, ut suppositum certum, ut quidam homo. Primo modo dicere substantiam est dicere quid, secundo modo est dicere aliquem. Dico ergo quod nomen essentiae, vel substantiae dicitur secundum substantiam, quia indicat naturam communem: sed persona dicitur secundum substantiam, quia indicat suppositum certum, & distinctum. Natura aut communis non multiplicatur, nec refertur, & ideo quod dicit substantiam secundum naturam communem, ita dicitur ad se, quod nullo modo potest dici secundum relationem, & hoc quidem modo diuiditur ex opposito. Suppositum autem, siue hypostasis, natum est plurificari, & ad aliud comparari, & ita referri. Et quod sic dicitur secundum substantiam, nihil impedit ratione relationis superadditæ dici secundum relationem, & hoc vult dicere Richardus de sancto Victore.

1. 2. 3. 4. 5. 6. Patet ergo responsio ad obiecta secundum utramque partem. Concedendum est enim nomen, *Persona*, secundum substantiam dici, ut explicatum est, sicut dicunt sancti, & rationes probant. Ita enim intelligit dici secundum substantiam. Concedendum est nihilominus dici secundum relationem, licet non ita principaliter, sicut probant rationes sequentes, quoniam multitudo relationum plurificat ipsam personam.

7. Ad illud tamen quod obiicitur quod responderetur ad interrogationem factam per quid, & ex hoc potest concludi quod non tantum dicit substantiam, ut suppositum, sed etiam, ut naturam communem: Dicendum quod *Quid*, aliquando querit essentiam, supposito quid est quod per nomen dicitur, ut quid est homo: & quod responderetur ad hanc questionem indicat substantiam pure, & essentiam, quando est questio de substantia. Aliquando supposita voce indeterminate querit quid per nomen dicitur, sicut si dicatur: Brunellus currit, & queratur quid Brunellus, utrum scilicet homo, vel alius. Aliquando supposita quidditate, & significatione, querit de eo, respectu cuius dicitur nomen dependens, ut si dicatur albi currunt: & si queratur quid albi, potest responderi: homines, vel alii, & hoc modo quaesierunt haeretici quid *Tres*, quia beatus Ioannes dicit in Canonica: Tres sunt qui testimonium dant, &c. quaesierunt quid *Tres*, cum sit adiectiuum, sine substantiuo, & tunc magis querit suppositum quam essentiam: & ideo suppositum, est responsum, & sic per hoc nomen, *Persona*. Vnde Spiritu sancto suggerente peroptime, & nobiliter, & catholice, sicut dicit Richardus, responderet Ecclesia, & valde bene: & instinctu Spiritus sancti, sicut dicit Richardus, magis responderet hoc nomen quam aliud. Sed tunc posset queri, quare haeticus non quaesivit per hoc interrogatiuum, *Qui*, & videtur quod debuisset. Si enim quaerebat de supposito, & qui querit de supposito, debuit querere qui *Tres*. Et ad hoc est responsio quod qui querit de supposito certo, siue reali, & de illo non quaerebant, quia in eadem auctoritate subditur: Pater, Verbum, & Spiritus sanctus, sed quaerebant de supposito respectu cuius hoc quod est *Tres*, significat in adiacentia: & ideo magis quaesierunt quid *Tres*, quam qui *Tres*. Sic enim oportuit vnico nomine respondere, & ipsi hoc quaerebant.

8. Ad vltimum argumentum quod non recte procedat, patebit melius infra, responsio. Tamen potest dici quod etsi intellectus personae possit abstrahi ab hac proprietate determinare, tamen de suo generali intellectu, claudit intellectum proprietatis, & quia in diuinis proprietates est relatio: ideo de speciali intellectu claudit relationem. Vnde sicut haec persona in diuinis, quae est Pater, non potest abstrahi à paternitate, quae est relatio personalis, salua sua personalitate, sic nec persona à relationis intellectu in speciali. Et sic patet quod non sequitur quod dicatur secundum substantiam tantum.

QVÆSTIO II.

An Persona sit rationalis natura indiuidua substantia.

Alexand. Alensis 1. 2. q. 30. Memb. 3.

S. Thom. 1. 2. q. 29. art. 1.

Es 1. Sent. dist. 25. q. 1. art. 2.

Et de Pot. q. 9. art. 2.

Egid. Rom. 1. Sent. dist. 25. q. 3.

Richardus 1. Sentent. dist. 25. q. 2. & 3.

Thomas Argent. 1. Sentent. dist. 23. q. 1. art. 2.

Steph. Brulef. 1. Sent. dist. 25. q. 2.

Petrus de Tarantaf. 1. Sent. dist. 25. q. 1.

Marsilius Inguen. 1. Sent. q. 28. art. 3. dub. 2.

Gab. Biel 1. Sent. dist. 23. q. 1.

DE hoc nomine, *Persona*, quid sit secundum diffinitionem, & diffinit eam Boetius sic: Persona est rationalis naturae indiuidua substantia. Sed quod ista diffinitio sit conueniens diuinæ personae, ostenditur per intentionem Auctoris: quia Boetius intendit agere de persona Christi: constat autem personam Christi esse increatam: ergo intendit assignare rationem personae diuinæ, siue increatae.

ITEM quod haec sit ratio in diuinis videtur. Nam in Deo constat ponendum esse suppositum incommunicabile, & hoc suppositum est substantia diuina, & hoc etiam est rationalis naturae, & non conuenit ei nisi de quo dicitur persona: igitur est eius ratio, ut videtur.

1. CONTRA: Omnis diffinitio dicit aggregationem, cum constet ex pluribus, alioquin esset ibi nugatio. In simplici autem nulla est aggregatio: igitur nullum simplex est diffinibile: sed persona in diuinis est omnino simplex, ergo, &c.

Si dicas secundum quod dicunt aliqui quod quamuis sit simplex secundum rem, tamen non est simplex secundum rationem.

CONTRA: Aut illi rationi respondet aliquid in re, aut nihil. Si aliquid: ergo aliqua compositio est in re. Si nihil: ergo ratio omnino vana est, sed propter rationem vanam non est aliquid diffiniendum, ergo, &c.

2. ITEM ratione suarum partium non videtur conuenire diuinæ personae. Nam rationale est differentia animalis: ergo cui non conuenit esse animal, non conuenit natura rationalis. Sed animal non conuenit Deo cum sit species corporis, ergo nec hoc quod est rationale.

3. ITEM videtur quod substantia non dicatur in recto de persona, quia multiplicato diffinito, necesse est multiplicare diffinitionem, & partes diffinitionis: ergo si persona est substantia, cum sint plures personae, igitur plures substantiae.

Si tu dicas quod substantia stat ibi pro hypostasi. Contra: Hypostasis dicitur substantia indiuidua, sicut dicit Boetius: ergo sicut est nugatio, si diceretur: homo rationalis, sic & in praedicta notificatione. Queritur ergo, utrum hoc nomen, *Substantia*, stet pro communi, vel pro hypostasi.

4. ITEM videtur esse non conuertibilis. Nam anima hominis est naturae rationalis substantia indiuidua: ergo, &c. Vltimo queritur cum diuersae sint diffinitiones, siue assignentur de persona, quo modo differant.

CONCLUSIO.

Persona est rationalis natura indiuidua substantia, est definitio, quae conuenit diuinis personis.

RESP. Ad Arg. Dicendum quod sicut patet ex intentione auctoris, haec diffinitio conuenit, & assignatur diuinæ personae.

1. AD illud vero quod obiicitur quod simplex non est diffinibile, dicunt aliqui quod dupliciter est aliquid diffinibile. Vno modo in recto & per differentiam dicentem positionem, ut cum dicitur: Homo est animal rationale, mortale: & hoc modo verum est quod diffinitio dicit aggrega-

Fundamenta.
Boetius de duabus naturis.

Ad Oppositum.

Aristot. 7.
Metaph.

gationem, & compositionem, & hoc modo solum aggregatum est diffinibile. Alio modo contingit aliquid diffiniri in obliquo, & per differentiam dicentem priuationem, ut cum dicitur limitas est curuitas nasi: & tunc non significatur substantia rei aggregari ex diuersis, quoniam quod ponitur in obliquo non intrat essentiam de necessitate. Vltimus, differentiam priuans non ponit aliquam compositionem, siue appositionem, & talis est dicta ratio. Nam hoc quod est *rationalis natura* cadit in obliquo, & hæc differentia *indiuia* non ponit, sed priuat. Sed hæc responsio non potest stare. Primum quidem quia quod diffinitur per obliquum, aut diffinitur sicut accidens per substantiam, aut sicut per rem eiusdem generis: sed siue sic, siue sic, est ibi additio. Nam diffinitiones accidentium, sicut dicit Philosophus sunt ex additamento. Similiter si per rem eiusdem generis: tunc ergo intrat essentiam, & non dicit totam, cum sit pars diffinitionis: ergo necesse est illud quod apponitur aliquid addere secundum rem, & ita siue in recto, siue in obliquo necesse est dicere aggregationem. Et propterea dicendum aliter quod hæc ratio intellecta de persona creata, est notificatio dicens aggregationem. In Deo autem non dicit aggregationem secundum rem, sed secundum intelligendi rationem: quæ tamen non est vana, eo quod omnia quæ dicuntur in ratione personæ inueniuntur in Deo, licet non per diuersitatem, & hoc quidem potest intelligi sic. In creaturis specificatio per additionem complementem est, indiuiduatio per additionem, siue appositionem contrahentem. Et ideo cum dicitur *substantia indiuidua*, indiuiduum realiter addit supra substantiam, vnde & substantia indiuidua supra naturam: & ideo necesse est esse compositam personam in creatura. Sed indiuiduatio, vel distinctio est in Deo per solam originem. Et quia persona oritur seipsa, & ideo nulla est ibi additio, sed plurificatio, & per plurificationem distinctio, & indiuiduatio, & ideo nec *indiuia* addit supra substantiam, nec substantia supra naturam: ideo vere dicitur, & vera est ratio intelligendi: & notificatio ista conuenit personæ diuinæ, nec significatur in ea aliqua compositio, vnde tenet rationem cuiusdam notificationis, & cadit à ratione diffinitionis: quia nec Deus, nec diuina persona est diffinibilis, est tamen cognoscibilis, & notificabilis.

2. Ad illud quod obiicitur de differentiis positis, siue de membris, dicendum quod rationale dicitur vno modo, quod habet potentiam discernendi bonum à malo, verum à falso, & sic Deo, & creaturæ conuenit. Alio modo quod habet potentiam discernendi per inquisitionem, & collationem & discursum, & hoc est animæ coniunctæ carni: & sic differentia talis, primo modo ponitur in diffinitione, sed secundo modo obiicitur.

3. Ad illud quod obiicitur, substantia indiuidua dicitur in recto, dicendum quod numeratur, sicut persona, quia sicut dicit Anselmus, plures substantiæ sunt indiuiduæ, sicut plures personæ.

Ad illud quod queritur, vtrum hoc nomen, *Substantia*, stet pro communi, aut pro hypostasi, consuevit dupliciter responderi. Primo modo quod substantia stet pro communi. Et si tu obiicis quod illa non indiuiduatur, dicunt quod differentia adueniens respicit substantiam ratione suppositi, & non ratione formæ, ut patet cum dicitur, indiuiduum animal. Hæc autem responsio non videtur conueniens, quia hoc nomen substantia secundum quod stat pro communi, non supponit personam. Vnde hæc est falsa: Essentia generat: Similiter hæc, substantia generat. Secundo modo dicitur quod ibi substantia tantum valet, quantum hypostasis, nec est nugatio. Nam indiuiduatio attenditur in persona quantum ad triplicem incommunicabilitatem, scilicet per prædicationem, & hæc conuenit hypostasi. Et per compositionem: quia non est alteri componibilis. Et per vnionem, prout aliquid vnitur digniori. Et ista differentia indiuidua dicit istas duas incommunicabiles. Vnde patet quod non est ibi nugatio: patet etiam quod diffinitio est conuertibilis. Per istam duplicem incommunicabilitatem excluditur anima hominis, quæ

Hanc accipit doctrinam Scot. 3. sent. dist. 1.

est alteri componibilis, & humana natura in Christo, quæ est vnita digniori. Sed tamen illud licet rationabiliter sit dictum, adhuc restat quæstio de hypostasi. quia hypostasis est substantia indiuidua. Queritur similiter quo modo ibi accipiat substantia, & non potest accipi nec pro communi, nec pro hypostasi. Et propter hoc dicitur tertio quod hoc nomen, *Substantia*, stat ibi secundum quod hoc nomen, *Substantia*, diuiditur in primam, & secundam, & ita in quadam communitate ad substantiam vniuersalem, & particularem, & illud colligunt ex verbis Boetii, quando venatur diffinitionem personæ per prædictam diuisionem substantiæ, ut ibi patet. Vnde hoc nomen, *indiuia*, coartat illam indifferentiam illius nominis substantia, ut stet pro substantia prima, & sic non est ibi nugatio, nec substantiæ communis indiuiduatio.

4. Ad illud quod vltimo queritur de assignatione diffinitionum, dicendum quod persona diffinitur à Boetio: Persona est rationalis naturæ indiuidua substantia. Richardus sic: Persona est intellectualis naturæ incommunicabilis existentia. Diffinitur etiam alio modo sic: Persona est existens per se iuxta singularem quandam rationalis existentie modum. A Magistris diffinitur sic: Persona est hypostasis distincta proprietate ad nobilitatem pertinnente. Et notanda est differentia harum diffinitionum, quia Boetius & Magistri diffiniunt personam, secundum quod communiter dicitur in Deo, & in creaturis: sed Boetius magis considerat rationem rei: Magistri vero addunt rationem translationis. Diffinitiones vero Richardi sunt personæ, prout est in diuinis præcipue, sed vna est propria assignatio, alia vero diffinitionis Boetii expositio, siue correctio. Posset tamen dici quod omnes idem dicunt, differunt tamen secundum modum dicendi, quia diffinitio Boetii fuit data, & videbatur improprietatem sonare, ideo posuit Richardus aliam magis per propria verba, & sic vsque ad quartam.

Lib. de duabus naturis cap. 2. Rich. lib. 4. de Tr. c. 23.

ARTICVLVS II.

Secundo queritur de secundo articulo, scilicet de communitate huius nominis, *Persona*. Et circa hoc queruntur duo. Primo queritur, vtrum hoc nomen, *Persona*, sit vere commune personis increatis: secundo, vtrum sit commune vniocum personis creatis, & increatis.

QVÆSTIO I.

An nomen, *Persona*, sit commune personis increatis.

Alex. Alensis 1. p. q. 58. Memb. 4. art. 2.
S. Tho. 1. p. q. 30. art. 4.
Et 1. sent. dist. 25. q. 1. art. 3.
Et de Pot. q. 8. art. 3.
Ægidius Rom. 1. sent. dist. 25. q. 1.
Richard. 1. sent. dist. 25. ar. 2. q. 1.
Thom. Arg. 1. sent. dist. 25. q. 1. art. 1.
Marsilius Inguen. 1. sent. q. 28. art. 2.
Steph. Brulef. 1. sent. dist. 25. q. 4.
Petrus de Tarantaf. 1. sent. dist. 25. q. 2.

Quod hoc nomen, *Persona*, sit vere commune personis increatis, ostenditur per Augustinum 7. de Trinitate. Ideo, inquit, dicuntur Tres personæ, quia commune est eis, quod est persona: sed constat quod ad plurificationem non sufficit communitas nominis solum: ergo vere est commune secundum rem.

Item hoc ipsum videtur ratione, quia omne nomen quod recipit supra se nomen distributiuum, est vere commune ad illa in quæ distribuitur: sed tale est hoc nomen, *Persona*, ergo est commune ad tres.

Item omne quod secundum idem nomen est, & secundum eandem rationem dicitur de pluribus, est vere commune ad illa: sed persona est huiusmodi, ergo, &c.

Item cum dico: Pater est persona, hoc nomen, *Persona*,

prædica-

Fundamenta. Ca. 4. in fine com. 3.

prædicatur: aut ergo tanquam ens de ratione Patris, aut tanquam accidentale. Constat quod non tanquam accidentale, ergo tanquam ens de ratione Patris: aut ergo dicit totum quod est Pater, aut non. Si totum, sicut ergo Pater prædicatur de solo Patre, ita & persona: quod falsum est: ergo non dicit totum, ergo in plus est hoc quod est persona, quam Pater: & in plus quod est de ratione Patris, & similiter de ratione Filij, ergo est vere commune.

1. CONTRA: Omne commune ad aliqua, quod numeratur in illis est vere vniuersale ad illa, maxime si non dicitur accidentaliter de illis: hoc patet, quia Augustinus dicebat supra quod non ob aliud essentia non est vniuersale, nisi quod non numeratur in singularibus. si ergo persona est commune ad Tres, & vltius numeratur siue plurificatur in illis: ergo est vniuersale, ergo in diuinis est ponere vniuersale: quod est contra prædeterminata & contra Augustinum, qui vult quod in diuinis non sit vniuersale, nec particulare.

2. ITEM nihil est commune quod de sua ratione, & nomine priuat communitatem: sed persona dicit indiuiduum, siue incommunicabile de ratione sui nominis, ergo, &c.

3. ITEM omne quod dicitur secundum substantiam, & est commune, dicitur secundum substantiam commune: sed nihil quod dicitur secundum substantiam commune plurificatur, ergo persona non plurificatur. Constat autem quod plurificatur: & tamen dicitur secundum substantiam, ergo non dicit quid commune.

4. ITEM si dicit quid commune, aut nominis tantum: aut nominis, & rationis tantum: aut nominis, & rationis & rei: si tantum nominis, ergo est æquiocatio, ergo non est commune: si tantum nominis, & rationis, ita quod nihil est commune in re, ergo est analogum: si vero nominis, & rationis, & rei: & communitas realis, ut vult Damascenus, non est nisi communitas substantiæ, & naturæ, & hæc nullo modo plurificatur: ergo hoc nomen, *Persona*, nullo modo potest esse commune.

CONCLUSIO.

Persona nomen est vere commune personis increatis: quæ communitas cum sit diuersa ab ea quæ est diuina essentia, dicit communitatem priuationis, & proportionis.

RESP. Ad arg. Ad prædictorum intelligentiam est notandum quod persona absque dubio est communis tribus, & essentia communis: sed tamen alius modus communitatis est in essentia, & persona, & huius signum est quod plurificatur persona, non essentia: differentia autem communitatum differenter accipitur ad diuersis. Quidam enim dicunt quod dupliciter contingit aliquid esse commune scilicet secundum positionem, & secundum priuationem. Secundum positionem dicunt animal esse commune ad hominem, & asinum. Secundum priuationem vero, ut non animal est commune ad lapidem, & ad lignum, & dicunt quod communitas secundum positionem, est in natura, & essentia, & in nomine hoc significante. Communitas vero secundum priuationem est in persona, quia dicitur persona quasi incommunicabilis, id est, secundum priuationem communitatis. Alii dicunt quod duplex est communitas. Quædam secundum unitatem naturæ absolutæ: quædam secundum similitudinem habitudinis comparatæ. Communitas secundum unitatem naturæ absolutæ, est humanitas respectu Petri, & Pauli: quia vna natura vniuersalis reperitur in vtrisque. Communitas vero secundum similitudinem habitudinis relatæ, est illa quæ attenditur in consimili operatione, sicut modus regendi communis est naturæ ad regendam nauem, & doctoris ad regendas scholas, quia vterque non debet esse sorte, sed arte peritus. Et primus quidem modus attenditur in essentia. Secundus vero attenditur in persona. Nam persona dicitur quasi proprietate

distincta, & ita dicit habitudinem ad proprietatem, quæ consimilis est in qualibet personarum. Non enim dicit quantum est de se vnam formam naturalem, nisi in obliquo: sed substantia siue essentia dicit formam, & naturam absolutam in qua communicant. Alii dicunt tertio modo quod duplex est communitas, rei scilicet & rationis. Rei, sicut vniuersale ad singularia. Rationis vero sicut aliqua intentio accepta ab anima secundum consimilem modum accipiendi: & sic hoc nomen indiuiduum est commune secundum rationem ad Petrum, & ad Paulum. Primo modo dicunt essentiam esse communem. Secundo modo dicunt esse communem personam. Quia hoc dicit persona in diuinis quod indiuiduum in creaturis. Omnes autem isti modi dicendi si diligentius attendamus, conuenientes sunt, & sumpti sunt ex significatione huius nominis quod est persona, siue ex distinctione. Persona enim dicit incommunicabile secundum rationem, & hoc dicit priuationem communitatis. Persona vltius, quia incommunicabilitatem habet ratione eius quod subest proprietati distinguendi, dicit habitudinem ad proprietatem, sicut per nomen hypostasis. Rursus ex his habetur quod persona ponit circa suppositum, de quo dicitur intentionem subiiciendi, & non prædicandi de pluribus. Et ita patet quod de ratione sui nominis importat communicabilitatis priuationem, & intentionem rationis. Et quia communitas eius accipitur secundum rationem nominis, ideo importat communitatem secundum priuationem, & proportionem, siue analogiam, & rationem. Tamen inter omnes hos modos medius magis accedit ad naturam rei, quia re vera priuatio illa in persona magis est positio quam priuatio. Rursus nominis intentio fundamentum & radicem habet in re. Concedenda ergo sunt rationes quod persona dicit commune in diuinis.

1. AD illud quod obiicitur quod plurificatur, iam patet responsio, quia vniuersale dicit communitatem secundum positionem & secundum unitatem naturæ, & secundum rem, non solum secundum rationem: & quoniam persona hoc modo non importat communitatem, ideo non est vniuersale. Nihilominus tamen ratio non valet: quia vniuersale plurificatur, & vere numeratur propter veram additionem propter quam contrahitur ad indiuiduum, & hic persona non addit supra essentiam, quoniam ut prædictum est, non est distinctio in diuinis per additionem, sed per originem: ideo persona nec vere numeratur, nec trahitur in partem illo modo quo vniuersale.

2. AD illud quod obiicitur quod priuat communitatem, dicendum quod illud quod priuat communitatem, non est commune secundum illam communitatem, quam priuat: sed persona priuat communitatem rei, sed non communitatem rationis, & secundum illam non est communis, sed secundum communitatem rationis.

3. AD illud quod obiicitur quod est commune, & dicitur secundum substantiam communem, dicendum quod hic est accidens, sicut hic est albus, & iste est monachus: ergo est albus monachus: ergo aliam rationem denominandi importat iste terminus albus in præmissa, & in conclusione. Sic recte dicendum de hoc termino, *Commune*, quia primo secundum habitudinem, secundo secundum naturæ unitatem accipitur.

4. QVOD quæritur, aut est communitas rei, aut nominis, aut rationis, dicendum quod omnibus his modis: sed communitas realis duplex est, sicut visum est, scilicet secundum naturæ unitatem, & secundum similem habitudinem, & primo modo loquitur Damascenus, & ideo patent cetera.

Vide Damascen. dist. 23 q. 1.

QVÆSTIO II.

*An persona vniuoce dicatur de creatis, & increa-
tis personis.*

Alex. Alens. 1. p. q. 56. Memb. 4. art. 1.

Ægid. Rom. 1. Sent. dist. 25. q. 4.

Henricus in summa art. 53. q. 3.

Richard. 1. Sent. dist. 25. art. 2. q. 2.

Thom. Arg. 1. Sent. dist. 25. q. 1. art. 2.

Marsilius Inguen. 1. Sent. q. 28. art. 3.

Steph. Brulef. 1. Sent. dist. 25. q. 3.

Petrus de Tarantaf. 1. Sent. dist. 25. q. 3.

Ad oppo-
situm.

Vtrum hoc nomen, *Persona*, sit commune vniuocum creatis, & increatis personis. Quod sic, videtur: quia eadem est ratio, & idem nomen, *Persona*, secundum quod dicitur de his, & de illis.

2. ITEM hoc videtur, quia communitas personarum est cōmunitas consimilis habitudinis: sed consimilis habitudo quæ reperitur in Deo, reperitur & in creatura. Quia sicut Pater est suppositum diuinæ naturæ, ita Petrus humanæ, ergo, &c.

3. ITEM complementum rationis personarum consistit in incommunicabilitate: sed incommunicabilitas communis est personis diuinis, & creaturis, ergo, &c.

CONTRA: Deus, & creaturæ summe distant: ergo nihil habent commune, ergo nihil vnicum.

ITEM persona est substantia: ergo quæ vniuocantur in persona, vniuocantur in substantia. Sed creator, & creatura non vniuocantur in substantia, quia tunc Deus esset in genere, ergo nec in persona.

ITEM quæ vniuocantur in aliquo, æqualiter sunt in illo: sed nihil participat æqualiter creatura cum Deo, ergo hoc ipsum, quod est persona, non dicitur vniuoce de Deo, & creatura.

ITEM quæritur de quo per prius dicatur persona. Et videtur quod per prius persona dicatur de creatura, quia inde translatus est ad diuina. Contra: Natura intellectualis, & substantia, & distinctio est in Deo per prius quam in creaturis, & non sunt plura de ratione personarum, ergo, &c.

CONCLUSIO.

*Persona dicitur analogice de creatis atque increatis personis: quia tamen analogia respicit res diuerorum generum: in diuinis vero personis nequaquam, id-
eo ibi non est prius neque
posterius.*

RESP. Ad Arg. Dicendum quod hoc nomen, *Persona*, sicut prius visum est: non dicit nisi cōmunitatem habitudinis, super quam fundatur cōmunitas rationis. Quoniam ergo cōsimilis habitudo reperitur in personis creatis, & increatis, hinc est quod hoc nomen, *Persona*, non dicitur æquiuoce, sed analogice. Sed attendendum quod communitas habitudinis potest esse per respectum ad res eiusdem generis, & tunc est vniuocatio, & analogia secundum æqualitatem: ut Petrus est indiuiduum, & Paulus, & æqualiter conuenit eis ratio indiuidui. Potest etiam esse per comparisonem ad res diuersorum generum: ut Petrus & albedo Petri, in hoc quod est esse indiuiduum, vniuntur: & per prius conuenit ratio indiuidui Petro, quam eius albedini. Sic dicendum quod hoc nomen, *Persona*, dictum de personis diuinis, quia dicitur secundum comparisonem rerum eiusdem naturæ, ideo analogice, & æqualiter, & ideo quodam modo vniuoce. Similiter cum dicitur de personis creatis. Cum autem dicitur de personis creatis, & increatis, dicitur per comparisonem rerum diuersarum naturarum, & ideo per prius & per posterius. Et sic persona prius dicitur de personis creatis secundum nomen, sed secundum rem nominis per prius dicitur de personis increatis. Et quod quæritur, utrum per-

A sona sit communis personis creatis & increatis, dicendum quod si dicatur commune vniuocum, non. Et rationes ad hoc concedendæ sunt.

1. Quod ergo obiicitur quod eadem est ratio, & cet. Dicendum quod non est eadem ratio, nisi secundum analogiam, quia longe nobilior, & aliter est natura intellectualis, & hypostasis, & distinctio, & proprietas in Deo, quam in creaturis.

2. Ad illud quod obiicitur quod est habitudo consimilis, dicendum quod non est similitudo æqualitatis, & præterea talis similitudo non facit vniuocationem, sed analogiam solum.

3. Ad illud quod obiicitur de incommunicabilitate, dicendum quod non est pura priuatio immo importat distinctionem: & cum alia ratio distinguendi distans multum ab illa sit in Deo, & hoc non tantum secundum rem, imo etiam secundum rationem rectam, intellectus non attribuit Deo modum distinguendi, qui competit compositis. Ideo nec ratione vniuocum est, sed solum analogum.

DISTINCT. XXVI.

DE PROPRIETATIBVS PERSONARVM, SED PRIVS DE HOC NOMINE, HYPOSTASIS.



VNC de proprietatibus personarum, quas frequenter in hoc Tractatu commemoramus, aliquid loqui nos oportet. Sed primum audiamus quid de hoc nomine, Hypostasis, Hieronymus dicat: Ait enim sub hoc nomine venenum latere. Sed hoc dicit secundum quod hæretici eo utebantur ut simplices seducerent, scilicet pro persona, & pro essentia, ut siue diceretur una tantum hypostasis, si Tres, minus peritos ad inconueniens deducerent: cum non erat hoc nomen ita apud Catholicos vulgatum, nec ita eius significatio determinata ut modo. Et ideo Hieronymus dicit hoc nomine non utendum fore sine distinctione vel expositione, tunc scilicet, quando cum hæreticis contendebatur, ita scribens de fide Catholica ad Damasum Papam: Ab Arrianorum præfule hypostasion nouellum nomen à me homine Romano exigitur. Interrogamus, quid Tres hypostases arbitrentur intelligi: Tres personas subsistentes, aiunt. Respondemus nos ita credere. Non sufficit eis sensus: ipsum nomen efflagitant: quia nescio quid veneni in syllabis latet. Clamamus: Si quis tres hypostases, id est, tres subsistentes personas non confitetur, anathema sit. Si quis autem hypostasim vsiam intelligens, non tribus personis unam hypostasim indicit, alienus à Christo est: qui scilicet tres hypostases dicens, sub nomine pietatis, tres naturas conatur asserere. Sufficiat nobis dicere unam substantiam, & Tres personas perfectas æquales: taceamus tres hypostases, si placet: Nomen hoc non bona suspicionis est, cum in eodem verbo sensus dissentiant. Aut si rectum putatis, tres hypostases cum interpretationibus suis debere nos dicere, non negamus. Sed mihi credite, venenum sub melle latet. Transfiguratur enim se angelus Satana in angelum lucis. His verbis non negat utendum esse nomine hypostasis, sed hæreticos eo prauè vsos ostendit: contra quos cautela opus erat in distinctione significationis: Alioquin sibi contradiceret, qui supra tres Hypostases confitetur.

To. 2. epist. 57. ad Damasum: cuius initium est: Quomodo veneno.

2. Cor. 11. 4.

De proprietatibus personarum, & de nominibus earum relatiuis.

Iam de proprietatibus personarum videamus, quae etiam notiones siue relationes in Scriptura plerumque dicuntur, in illa sancta Trinitate: quae ideo à nobis repetitur, ut cordi nostro tenacius infigatur. Ait Augustinus in libro de fide ad Petrum: Aliud est genuisse quam natum esse: aliudque est procedere quam genuisse, vel natum esse. Vnde manifestum est quod alius est Pater, alius Filius, alius Spiritus sanctus. Et est proprium solius Patris, non quia non est natus ipse: sed quia unum Filium genuerit: propriumque solius Filij, non quia ipse non genuit: sed quia de Patris essentia natus est. Proprium vero Spiritus sancti est, non quia nec natus est ipse, nec genuit, sed quia solus de Patre filioque procedit. Ecce breuiter assignauit tres proprietates trium personarum: quarum una non est alia. Hoc enim significauit, cum dixit: Aliud est genuisse quam natum esse, aliudque procedere: id est, alia proprietates siue notio, est generatio: & alia natiuitas, alia processio, quae aliis nominibus dicuntur paternitas, filiatio. Has proprietates designant nomina personarum, scilicet Pater, Filius, & Spiritus sanctus. Quae relatiua sunt: & ad se inuicem dicuntur, quia notant relationes. Quae non sunt Deo accidentales, sed in ipsis personis ab aeterno sunt immutabiliter, ut non modo appellationes siue relatiuae, sed etiam relationes siue notiones in rebus ipsis, scilicet in personis sint.

Quod non omnia quae de Deo dicuntur, secundum substantiam dicuntur: quaedam enim secundum relationem dicuntur, nihil tamen secundum accidens.

Quocirca sciendum est, non omne quod dicitur de Deo, dici secundum substantiam, quia quaedam dicuntur secundum relationem, quae non est accidens, quia non est mutabilis. Vnde Augustinus in 1. lib. de Trinitate ait: Nihil in Deo secundum accidens dicitur, quia nihil ei accidit. Nec tamen omne quod dicitur de Deo, secundum substantiam dicitur. In rebus creatis atque mutabilibus, quod non secundum substantiam dicitur, restat ut secundum accidens dicatur. In Deo autem nihil quidem secundum accidens dicitur, quia nihil in eo mutabile est aut amissibile: nec tamen omne quod dicitur de Deo, secundum substantiam dicitur. Dicitur enim ad aliquid, sicut Pater ad Filium, & Filius ad Patrem, quod non est accidens: quia & ille semper est Pater, & ille semper est Filius, & ita semper: quia semper natus est Filius, nec cepit umquam esse Filius. Quod si aliquando esse cepisset, aut aliquando desineret esse Filius, secundum accidens diceretur. Et quia Pater non dicitur pater, nisi ex eo quod est ei Filius: & Filius non dicitur Filius, nisi ex eo quod habet Patrem: non secundum substantiam haec dicuntur, sed adinuicem ista dicuntur: neque tamen secundum accidens: quia & quod dicitur pater, & quod dicitur Filius, aeternum atque incommutabile est eis. Ecce aperte his verbis ostenditur, quaedam dici de Deo secundum substantiam, quaedam secundum relationem, nihil tamen secundum accidens. Ostenditur etiam proprietas Patris esse, quod habet Filium: & proprietas Filij, quod habet Patrem. Idemque cum dixerit aeternum & incommutabile esse quod Pater dicitur, & quod Filius dicitur: ita intelligi voluit, id est, proprietates, quae Pater est Pater: & proprietates, quae Filius est Filius, aeterna est & incommutabilis: quia & Pater semper Pater, & Filius semper Filius. Vnde & Hilarius pro-

A prietates personarum assignans in 12. lib. de Trinit. ait: Si semper Patri proprium est quod semper est Pater, necesse est semper Filio proprium esse quod semper est Filius. Vbi enim semper Pater est, semper & Filius est: ergo qui non semper Pater est, non semper genuit. Item in eodem: Nato Deo manifestum est proprium esse quod Filius est.

Quare dicatur esse proprium Vnigeniti quod est Filius Dei, cum etiam homines sunt Filij Dei.

Hic queritur, quo modo dicatur proprium nato Deo quod est Dei Filius vel genitus ex Deo: cum etiam homines Filij Dei dicantur, & fiant secundum illud, Filij excelsi omnes. Et ad Moysen de populo Israel Dominus ait: Filius meus primogenitus Israel. Sed magna est distantia. Homines enim Filij Dei sunt factura, non natiuitatis proprietate: Deus autem Filius originis proprietate Filius est, & veritate natiuitatis, non factura vel adoptione: & illi quidem ante sunt, quam Filij Dei sint: fiunt enim, non nascuntur Filij Dei. Vnde Hilarius solum Deum natum originis proprietate Dei filium ostendens, inter ipsum & homines filios Dei euidentissime distinguit in 12. lib. de Trinit. ita dicens: Vero Patri solus qui ex eo nascitur vere Filius est: & nos quidem Filij Dei sumus, sed per facturam. Fuimus enim aliquando Filij iracundiae, sed filij Dei per adoptionem effecti sumus potius quam nascimur. Et quia omne quod fit, antequam fiat, non fuit: nos cum Filij non fuisset, efficiamur. Ante enim non filij eramus, sed per gratiam facti sumus, non nati neque generati, sed acquisiti. Acquisiuit enim nos Deus sibi, & per hoc dicitur nos genuisse. Genuisse enim Deum filios nunquam cum proprietatis significatione cognoscimus dici. Ex adoptione. n. homo factus est Filius Dei, non ex generatione: neque ei proprietates est, sed nuncupatio: ac per id non vere Filius est, quia nec proprie natus dicitur, nec semper fuit Filius. Vnigenitus autem Deus nec fuit aliquando non Filius, nec fuit aliquid antequam filius, nec quidquam ipse nisi filius. Atque ita qui semper est Filius, nascibilitatis proprietate ac veritate filius est eius solus, qui genuit, & ille tantum qui genuit, Pater ipsius est: quia sicut ille filius origine, ita ille pater generatione.

Quod homo dicitur Filius Trinitatis, & Trinitas potest dici Pater hominum.

Homo vero, qui filius Dei est factura, non tantum Patris, sed Filij, & Spiritus sancti Filius est, id est, totius Trinitatis: & Trinitas ipsa Pater eius dici potest. Vnde Aug. in 5. lib. de Tr. dicit: Non potest dici Trinitas Pater, nisi forte translatiue ad creaturam, propter adoptionem filiorum. Quod enim scriptum est: Audi Israel, Dominus Deus tuus Deus vnus est: non vtrig, excepto Filio aut Spiritu sancto oportet intelligi: quem vnum dominum Deum nostrum recte dicimus, etiam Patrem nostrum, per gratiam suam nos regenerantem. De hoc etiam Hilarius in 6. lib. de Tr. ait: Omnibus per fidem Deus Pater est, quibus est Pater per eam fidem, qua Iesum Christum Dei Filium confitemur. Ecce ostensum est, quare proprium dicatur esse Dei nati, quod filius est, quia scilicet ipse solus natus proprie dicitur. Vnde Hilarius in lib. 3. de Tr. ait: Dominus dicens, clarifica filium tuum, non sola nomine contestatus est se esse filium, sed & proprietate. Nos filij Dei sumus, sed non talis hic filius. Hic enim verus & proprius est filius origine, non adoptione: veritate, non nuncupatione: natiuitate, non creatione.

Circa mod.

Pf. 81. a
Exod. 4. f

Aug. in lib. de nat. boni aduersus Manicheum paulo post principium habet idem in sensu.
Eph. 2. a

Inter haec multa alia verba interponuntur apud Hilarium

Ca. 25. 10. 3.

Deut. 6. a

Paulo post med.
10. 17. a

Quod

Quod Spiritus sanctus dicitur proprie donum Dei, quia proprietate est donum, ut Filius natiuitate: & utroque modo dicitur relatiue, & secundum eandem relationem.

Differentia inter donum quod est Spiritus sanctus, & alia dona.

Cap. 11.
tom. 3.

Ita etiam de Spiritu sancto dicendum est, qui proprie dicitur donum Dei, cum tamen & alia plura sint dona Dei. Sed Spiritus sanctus ita proprietate immutabili & aeterna donum est, sicut Filius proprietate est Filius. Eo enim dicitur donum, quo Spiritus sanctus, & utroque utique nomine relatiue dicitur: eademque relatione dicitur Spiritus sanctus & donum: licet ipsa relatio non ita appareat in hoc nomine, Spiritus sanctus, sicut in hoc nomine, donum. Vnde Augustinus in 5. lib. de Trinitate ait: Spiritus sanctus, qui non est Trinitas, sed in Trinitate intelligitur, in eo quod proprie dicitur Spiritus sanctus, relatiue dicitur, cum ad Patrem & Filium refertur: quia Spiritus sanctus & Patris & Filii Spiritus est. Sed ipsa relatio non apparet in hoc nomine, apparet autem cum dicitur donum Dei. Donum enim est Patris & Filii, quia à Patre procedit & à Filio. Ergo Spiritus sanctus ineffabilis quadam Patris Filiique communio est. Et ideo fortasse sic appellatur, ut iam diximus, nec iterare piget, quia Patri & Filio potest eadem appellatio conuenire. Nam hoc ipse proprie dicitur, quod illi communiter, quia etiam Pater Spiritus, & Filius Spiritus, & Pater sanctus, & Filius sanctus. Ut ergo ex nomine quod utrique conuenit, utriusque communio significetur, vocatur donum amborum Spiritus sanctus: Ecce habes quare Spiritus sanctus proprie dicitur donum, & quod relatiue dicitur, siue donum, siue Spiritus sanctus, & quod nomen sibi proprium tenet, quod communiter Patri & Filio conuenit, sed diuisim. Et est sciendum quod cum Pater vel Filius dicitur Spiritus, siue sanctus, neutrum relatiue dicitur, sed secundum substantiam.

An Pater, vel Filius: vel Trinitas ipsa possit dici Spiritus sanctus.

Ibidem.

Ioann. 4. c.

Hic queri potest, utrum Pater, vel Filius, vel etiam ipsa Trinitas possit dici Spiritus sanctus, sicut diuinitas dicitur Spiritus & sanctus. De hoc Augustinus in 5. lib. de Trin. sic ait: Trinitas nullo modo potest dici Filius: Spiritus uero sanctus potest quidem uniuersaliter dici, secundum id quod scriptum est: Quoniam Deus Spiritus est. Itaque Pater & Filius, & Spiritus sanctus, quoniam unus Deus est, & utique Deus sanctus est, & Deus Spiritus est: potest appellari Trinitas, & Spiritus sanctus. Sed tamen tunc Spiritus sanctus relatiue non dicitur, sed secundum essentiam, quia proprie Spiritus sanctus, qui non est Trinitas, sed Trinitate dicitur relatiue.

Quidam putant, Spiritum sanctum non dici relatiue ad Patrem & Filium: quia non uicissim respondent sibi vocabula, sed falso.

Quidam tamen putant Spiritum sanctum, vel donum non dici relatiue ad Patrem vel ad Filium. Si enim, inquit, hac relatiue ad se dicuntur, suis inuicem sibi respondentibus uocabulis: ut sicut dicitur pater filii pater, & filius patris filius, ita dicatur Pater Spiritus sancti, vel doni Pater: & Spiritus sanctus vel donum patris spiritus vel donum. Sed non ita est in omnibus relatiuis. Non enim omnia quae relatiue dicuntur, suis ad se inuicem respondentibus uocabulis: Vnde Augustinus horum elidens opinio-

Cap. 12.
tom. 3.

A nem, in 5. lib. de Trinitate. Non te moueat, inquit, quoniam diximus Spiritum sanctum non ipsam Trinitatem: sed cum qui est in Trinitate, relatiue dici, licet non eue-
B spondeat uicissim uocabulum eius ad quem refertur. Dicimus enim Spiritum sanctum Patris, sed non uicissim dicimus Patrem Spiritus sancti, ne Filius eius intelligatur Spiritus sanctus. Item dicimus Spiritum sanctum Filii: sed non dicimus Filium Spiritus sancti, ne Pater eius intelligatur Spiritus sanctus. In multis enim relatiuis hoc contingit, ut non inueniatur uocabulum quo sibi uicissim respondeant. Cum ergo dicimus donum Patris & Filii, non quidem possumus dicere patrem doni aut filium doni: sed ut hac uicissim respondeant, dicimus donum donatoris, & donatorem doni: quia hic potuit inueniri uisatum uocabulum, illic non potuit. Donum ergo donatoris, & donator doni cum dicimus, relatiue utrumque, ad inuicem dicimus: Donator tamen non fuit Deus, nisi ex tempore, cum Spiritus sanctus sit donum, & ab aeterno.

Augustinus ibid. c. 11. ad finem. ibid. ca. 15. & 16.

DISTINCT. XXVI.

De his quae proprie, & aeternaliter dicuntur de Deo secundum relationem, siue proprietatem personalem, secundum quod ipsis personis assignatur.

Nunc de proprietatibus personarum quas frequenter, &c.

Expositio textus.

Supra Magister multipliciter egit de his quae dicuntur de Deo secundum substantiam. Hic secundo agit de his quae dicuntur de eo secundum relationem. Diuiditur autem haec pars in duas. In prima agit de his quae dicuntur de Deo proprie, & aeternaliter. In secunda agit de his quae dicuntur de Deo proprie, & temporaliter, infra distinct. 30. Sunt enim quaedam quae ex tempore. Prima pars iterum diuiditur in duas. Quia quaedam sunt proprietates, siue relationes personales, & de his agit primo. Quaedam non personales, & de his agit secundo infra distinct. 28. Prater ea considerari oportet, quod non tantum tres, &c. Prima pars iterum diuiditur in duas. In prima assignant proprietates personarum secundum quod in personis assignantur. In secunda uero agit de ipsis secundum quod eas contingit diuersis nominibus exprimi: infra distinct. 27. Hic queri potest utrum proprietates, &c. Prima pars habet duas. In prima Magister assignat proprietates personarum. In secunda uero circa assignationem mouet dubitationem, ibi: Hic queritur, quo modo proprium dicatur esse nato, &c. Prima pars habet tres partes. In prima determinat quibus assignentur proprietates, quia hypothesis. In secunda assignat quae sint illae proprietates, ibi: Iam de proprietatibus personarum videamus. Tercio ostendit quid sint illae proprietates, quoniam sunt relationes, siue dictae secundum relationem, non tamen secundum accidens, ibi: Quocirca sciendum est non omne. &c. Similiter secunda pars in qua mouet dubitationes iuxta praedictas assignationes, habet duas. In prima mouet dubitationes contra assignationem proprietatis Filii. In secunda contra assignationem proprietatis Spiritus sancti, ibi: Hic queri potest, utrum Pater. Prima pars habet duas. In prima proponit quaestionem, & soluit auctoritate Augustini, & Hilarii. In secunda illam solutionem applicat etiam circa proprietatem Spiritus sancti quae est donum, ibi: Ita etiam de Spiritu sancto dicendum est. Similiter secunda pars habet duas partes. In prima quaerit, & soluit. In secunda quorundam positionem improbat. Primum facit ibi: Hic queri potest, utrum Pater, &c. Secundum facit ibi: Quidam tamen putant Spiritum sanctum.

Diuisio.

Ab Ar-

Ab Arrianorum præsule hypostafion nouellum nomen à me homine Romano exigitur.

Dub. I.

1. Tim. 6. d.

Obiicitur, si est nouellum nomen, cum Apostolus dicat ad Timotheum, vocationes nouitates esse vitandas, nullo modo debuit concedere. Præterea Damas. dicit quod hypostasis est substantia cum accidentibus: sed in diuinis non cadit accidens, igitur nec nomen hypostasis, igitur, &c.

RESP. Dicendum quod nouitas vno modo sonat in vitium, alio modo non. Quando est talis adinuentio, quod sententiam etiam facit quæ non habet ortum ex veritate antiqua, tunc est vere nouellum, & sic dicit Apostolus esse fugiendum, vnde addit prophanas: sed illud verbum quantum ad intellectum sanum, non erat nouum, sed quantum ad intellectum quem hæretici supponebant. Quod obiicitur de auctoritate Damasceni, dicendum quod nomen hypostasis de se nõ importat respectum ad accides, sed solum ad proprietatem distinguentem, quæ quia in creaturis est accidens, ideo dicit subiectum cum accidentibus, non sic autem est in Deo.

Venenum sub melle latet, &c.

Dub. II.

Obiicitur, quia cum hoc non dicat nisi per errorem coniunctum, videtur, quod talia nomina omnino essent fugienda.

RESP. Dicendum quod venenum non latebat sub nomine, sed sub eorū intentione, siue occasione, qui ex hoc occasionaliter volebant inducere in hæresim. Vel potest dici, quod venenum latebat non quantum ad significationem, sed propter dubitationem: ideo nunc cum determinata sit eius significatio, absque dubio est tenendum.

Aliud est genuisse, quam natum esse.

Dub. III.

Videtur maledicere, quia cum, *aliud*, dicat diuersitatem in essentia, secundum hoc, quod generatio actiua & natiuitas differant per essentiam, quod est contra fidem.

RESP. Dicendum quod *aliud* non dicit ibi diuersitatem à parte rei absolutæ, sed per comparisonem ad dicentem & intelligentem, quasi dicat aliud est intelligere, siue dicere, patrem generare, & huiusmodi: & huic alietati non subest diuersitas essentia, sed alietas proprietatis.

Et est proprium solius patris, non quia non est natus ipse.

Dub. IV.

Videtur dicere contra illud, quod dicitur infra dist. 28. vbi dicitur quod hoc, quod est, *ingenitus*, est proprium patris, sed ingenitum non est aliud dicere, quam non genitum.

RESP. quod Aug. loquitur de hoc quod est, *non natus*, secundum quod dicit puram negationem, & sic non dicit proprietatem. Ingenitus enim prout est proprietas, non est pura negatio.

Nihil in Deo secundum accidens dicitur, quia nihil est in Deo mutabile, aut amissibile.

Dub. V.

Videtur ista ratio non valere, quia aliqua sunt accidentia inseparabilia, & talia non sunt amissibilia.

Aug. lib. 5. de Trin. c. 4. & 5. c. 3.

RESP. dicendum, sicut ipse Augustinus dicit, omne accidens aut est per suam naturam mutabile, aut amissibile, aut potest circa subiectum suum intendi, vel remitti. Et ipse non dicit quod sit accides tantum, quia potest amitti.

S. Bonau. Tom. 4.

A ti, sed quia potuit aduenire rei prius existenti, vel recedere à re iam existente, vel saltem intendi, vel remitti, siue variari. Et si tu obiicias, quod accidentia non possunt variari, secundum Boetium, verum est de alteratione à subiecto in subiectum, tamen certum est, quod in eodem intenduntur, & remittuntur. Aliter potest dici quod accidens potest comparari ad subiectum primum, & ad subiectum proximum. Et habito respectu ad subiectum primum, omne accidens dicitur adueniens, quod est possibile etiam abesse, quamuis non respectu subiecti, quod est subiectum, & causa. Tertius modus dicendi est iste, quod solum est per naturam immutabile, quod est omnino simplex. Si igitur Deus est omnino immutabilis, igitur est omnino simplex: & in nullo simplici est accidens: igitur in nullo immutabili accidens est ponere. Si igitur pater est immutabilis, & in eo est paternitas, igitur non est accidens.

Homines enim filii Dei sunt factura.

Dub. VI.

Obiicitur, quod secundum illum modum dicendi, cum asinus sit factus, videtur quod possit dici Dei filius. Et similiter quod arca, quæ facta est ab artifice, possit dici filia artificis, quorum neutrum conceditur. Si tu dicas quod oportet, quod sit ad imaginem Dei factus: Contra: Diabolus est ad imaginem Dei factus, igitur Diabolus est filius Dei.

RESP. Dicendum quod hoc quod dico, *filius*, duo dicit, scilicet ortum, & imitationem. Dicendum igitur, quod est imitatio per omnimodam assimilationem, & sic filius naturalis imitatur patrem: & quia non habet socium in imitando, sic ideo solus ipse est filius naturalis. Et iterum est imitatio expressa, & hæc consistit in imagine, & hæc tenet adhuc rationem filii, & facturæ. Est iterum imitatio longinqua, & hæc tenet tantum rationem facturæ, non filii. Sed attendendum est quod imitatio expressa, vt consistit in sua conditione, aut est insignita vltimus sua perfectione, & decore, aut est priuata honore, & deformata à sua conditione. Primo modo dicitur filius factura. Secundo modo filius factura & adoptione. Tertio neutro modo dicitur filius, nisi valde improprie, & cum additione distrahente: quia Dominus dicit, peccatores habere patrem diabolum, propterea quod à Deo recedunt, & imitantur eum.

1. Ioan. 8. f.

Hic enim verus & proprius est Filius origine.

Dub. VII.

Ponit tres proprietates nominum, quibus Deus Filius Dei est, scilicet originem, veritatem, & natiuitatem: quaritur ergo de distinctione illorum nominum, dicendum quod tria dicit ad excludendum tres hæreses.

Contra Fotinum dicit, *origine*, non *adoptione*: quia Fotinus dicebat Christum esse filium Dei adoptionis. Contra Sabellium dicit, *veritate*, non *nuncupatione*, quia ipse dicebat quod idem ipse primo Pater nuncupabatur, postea filius. Contra Arrium dicit, *nuncupatione*, non *creatione*, quia Arrius dicebat esse Dei Filium creaturam.

Sed cum quis est in Trinitate relatiuo dici, licet non ei respondeat vicissim vocabulum.

Dub. VIII.

Videtur hoc falsum, quia proprium est relatiuorum dici ad conuertentiam: ergo si non dicuntur ad conuertentiam, non dicuntur relatiue.

Aristot. in Præd. c. de Relat.

RESP. dicendum quod illud verum est, si nomen positum est vtriq; extremo: alioquin si deficit ex vna parte, non dicitur: vt si dicatur remus nauis. Similiter vult dicere Augustinus sub istis nominibus: Pater & Filius non referuntur ad Spiritum sanctum. Sed tamen vbi deficient nomina, decet fingere: sed in diuinis melius est tacere, quam fingere propter vitandum errorem.

S

Quia

Quia hic potuit inueniri vsitatum vocabulum: illis non potuit. Dub. IX.

Videtur hoc falsum, quia ita bene spirator dicitur ad Spiritum, sicut donator ad donum.

RESP. Vnus modus dicendi est quod Augustinus non loquitur simpliciter de hoc nomine, *Spiritus*: sed de hoc toto, *Spiritus sanctus*: Vel aliter, hoc dicit, quia spirator tunc non erat nomen vsitatum, vt donator.

Donator tamen non fuit Deus, nisi ex tempore. Dub. X.

Obiicitur, quia secundum hoc nec donum dicitur nisi ex tempore, cum relatiua sint simul natura.

Ad hoc dicendum quod potest dici ab actu donandi, vel ab habitu. Primo modo dicitur solum ex tempore, & sic donum. Secundo dicitur ab æterno.

ARTICVLVS I.

AD intelligentiam eorum, quæ in ista distinctione dicuntur, quatuor quærentur. Primo vtrum in diuinis sit ponere proprietates personarum. Secundo, dato quod sic: Quæritur quid sint illæ proprietates. Tertio, quæritur quis sit actus ipsarum. Quarto & vltimo, quæritur de numero ipsarum.

QVÆSTIO I.

An in diuinis ponenda sint proprietates personales.

Alex. Alanf. 1. p. q. 38. Memb. 1.

S. Thom. 1. p. q. 40. art. 1.

Et 1. Sent. dist. 26. q. 2. art. 1.

Egid. Rom. 1. Sent. dist. 26. q. 1.

Richardus 1. Sent. dist. 26. q. 1.

Marfilus Inguen. 1. Sent. q. 29. art. 1.

Petrus de Tarantasia. 1. Sent. dist. 26. q. 1.

QUOD in diuinis sit ponere proprietates personarum, non solum vocaliter, sed etiam realiter, ostenditur sic: Hieronymus dicit, & habetur in fine præcedentis dist. Non tantum nomina, sed etiam nominum proprietates confitemur, ergo, &c.

ITEM Augustinus dicit in lib. de fide ad Petrum: Proprium est Patris quod vnum filium genuit: ergo à coniugatis, generatio est proprietas Patris: sed constat quod generatio realiter est in Deo, & constat quod comenit soli Patri: ergo secundum rem est proprietas Patris.

ITEM proprietatis est distinguere: ergo vbi est vera distinctio, ibi est vera proprietas, sed in diuinis est vera distinctio: vnde per Damascenum: Differentiâ hypostaseon, id est, personarum in tribus proprietatibus, paternali, filiali, & processibili cognoscimus.

ITEM hoc ipsum videtur ratione, quia sicut est alius modus quærendi de essentia, & persona, ita est alius modus quærendi de essentia & proprietate. De essentia enim quæritur per *Quid*, de proprietate per, *Quo modo*, se habet: ergo sicut ponitur essentia in diuinis, & persona secundum veritatem, ita debet poni proprietates.

ITEM supra probatum est quod differunt generatio, & processio realiter, alioquin non differrent personæ: ergo generatio, & spiratio differunt realiter: sed tam generatio, quam spiratio est in vna persona non multiplicata, vt est in persona patris: ergo cū persona sit realiter vna, & proprietates realiter plures, ergo est ponere proprietates realiter in diuinis differentes: sed non differentia essentiali, nec personali, cum sint in eadem persona: ergo notionali. Quod si non differunt generatio, & spiratio, sicut hæc est vera: Pater spirat Spiritum sanctum: & hæc, Pater generat Spiritum sanctum, & tunc sequeretur quod Spiritus sanctus esset Filius.

A ITEM Pater, & Filius sunt vnum principium Spiritus sancti, hoc supra probatum est, & est ratio in promptu, quia vnus omnino est qui spiratur. Et hoc quod est, *vnum*, dicit vnitatem, non essentiam, nec personam: ergo oportet, quod proprietatis: & si hoc, necesse est poni proprietates in diuinis realiter, non nominaliter, nec tantum in voce.

ITEM in Patre est paternitas, & innascibilitas: aut ergo eadem proprietas, aut alia. Si eadem proprietas: ergo & relatio eadem: sed secundum paternitatem refertur ad filium: ergo & secundum innascibilitatem: sed hoc est falsum, igitur alia: & persona est vna: ergo necesse est ponere proprietates in diuinis personis, etiam realiter differentes.

B 1. CONTRA per Hilarium de Trinit. Pater, & Filius, & Spiritus sanctus solis differunt nominibus: igitur si differunt solis nominibus, non sunt ibi reales proprietates, sed vocales.

2. ITEM Damascenus dicit in lib. 1. Oportet scire quod aliud est differre re, aliud ratione: & dicit quod in creaturis est differentia re, & conuenientia ratione: sed in diuinis e contrario: cum ergo sit distinctio secundum proprietates, videtur igitur quod sint ibi solum secundum modum loquendi, vel intelligendi, non à parte rei.

3. ITEM hoc ipsum videtur ratione, quia in summo simplici non cadit differentia aliqua: sed diuina persona est summe simplex. Aut igitur ibi non est proprietas, aut solo modo loquendi: ergo, &c.

C 4. ITEM ita simplex est persona, sicut essentia: sed proprietates essentiae non differunt nisi solo modo loquendi, non secundum rem: ergo similiter proprietates personæ.

5. ITEM diuina essentia propter summam simplicitatem seipsa refertur ad creaturam: & ideo relatio essentialis solo modo loquendi differt ab essentia, vt cum dicitur, *Dominus*, omnino enim in substantiam transit: ergo pari ratione persona seipsa refertur ad personam.

6. ITEM creatura propter essentialem comparisonem ad suum principium, seipsa refertur ad suum Creatorem. Alioquin inter creaturam, & Creatorem caderet mediū, quod non esset nec creatura, neque Creator: ergo si multo essentialior est comparatio personæ ad personam, ergo seipsa refertur: & si hoc, igitur videtur quod ipsa proprietas, vel relatio non differat nisi solo modo loquendi, à persona.

CONCLUSIO.

Proprietates personales non solum secundum vocem sunt in diuinis, sed realiter à se inuicem, & personis aliquo modo differentes.

E RESP. Ad Arg. Dicendum quod omnes catholici Tractatores posuerunt proprietates personarum in diuinis. Cum enim sint plures personæ, & distinctæ, necesse est quod sit ibi distinguens: hoc autem proprietatem appellamus, sed diuersificati sunt in modo positionis. Quoniam ergo viderunt aliqui summam simplicitatem in persona, sicut in essentia: posuerunt quod sicut in essentia omnino est idem *Quo est*, & *Quod est*, ita in persona omnino idem est, *Qui*, distinguitur, & *Quo*, & ita suppositum, & proprietas omnino est idem, differens autem solo modo loquendi: sicut si dicatur: Rogo te benignum, vel benignitatem tuam. Sed ista positio non potest stare, quoniam sicut in opponendo probatum est, in eadem persona sunt proprietates differentes, non solum modo loquendi, sed & realiter. Videmus etiam quod vno modo vna persona comparatur ad vnam, vt pater ad filium, & videmus vnam personam, vno modo siue vna habitudine comparari ad plures, & Spiritus sanctus ad Patrem, & Filium. Et iterum vnam personam pluribus modis comparari ad plures, vt Filius ad Patrem, & Spiritum sanctum. Similiter videmus plures personas eodem modo com-

parari

Fundamenta.
In exposit.
symb. ad
Damasc.
10. q. 17.
Ca. 1. to. 8.

Lib. 1. de or.
tho. fide ca.
11.

Dist. 13. q. 3.

parari ad vnam, ut pater, & filius ad Spiritum sanctum: ergo unitas habitudinis non potest accipi à parte essentiae: certum est, nec à parte personæ, quæ refertur, nec ex parte personæ ad quam refertur. Restat ergo, quod sit alius modus dicendi à parte rei sumptus. Et ideo nunc communis opinio tenet in diuinis esse proprietates personarum realiter differentes à se inuicem, & per hoc etiam differentes à personis aliquo modo. Sicut enim quia in vna essentia non plurificata, plures ponimus personas, modi dicendi essentialiter, & personaliter differunt, non solum differentia sumpta à parte nostra, sed etiam à parte rei. Sic est dicendum de modo dicendi personaliter, & notionaliter. Et ideo distinguunt Magistri tres modos dicendi in diuinis, qui sunt à parte rei, scilicet essentialem, personalem, notionalem. Et dicitur communiter, quod tres sint modi prædicandi, in diuinis, scilicet in *quid*, in *quo*, & in *qua*, siue in *quo modo* se habet. Et incidit in peccatum, scilicet figuram dictionis ex commixtione horum modorum, sicut in creaturis ex commutatione prædicamentorum. Sicut igitur in diuinis vera est essentia, & veræ sunt personæ, ita veræ sunt personarum proprietates.

1. Ad illud quod obiicitur in contrarium, primo de Hilario, dicendum quod ipse non accipit nomina propriis vocibus, sed pro intellectibus, siue significatis importatis per illa tria nomina. Importat enim proprietates. Nam solum ibi non excludit proprietatis veritatem, sed excludit diuersitatem formæ, vel substantiæ, vel naturæ.

2. Ad illud quod obiicitur de Damasceno, quod differunt solum ratione, dicendum quod differre ratione est tripliciter. Vno modo à parte nostræ apprehensionis, sicut differunt in Deo bonitas, & magnitudo. Alio modo differre ratione est secundum differentiam attributionis, quia aliquis modus ponitur circa vnum, vel attribuitur vni, qui non attribuitur alteri, & sic differunt ratione, essentia, persona, & notio. Tertio modo differre ratione, est differre secundum pluralitatem distinctionis, quæ non inducit diuersitatem in essentia, vel in natura, tamen tantam inducit differentiam, quod vnum non dicitur de altero: & sic differt ratione, persona à persona, & proprietates à proprietate. Et prima quidem differentia secundum rationem est minima: quia nihil ei respondet à parte rei, sed vltimæ respondet. Non vult Damascenus igitur diuidere rem contra rationem, nisi secundum quod res accipitur pro natura, nec etiam sic omnino diuidit, sed quasi à principali denominat. Nam, in creaturis non solum est communitas rationis, imo etiam naturalis. Nam Petrus & Paulus non tantum in ratione conueniunt, sed etiam in natura communi.

3. Ad illud quod obiicitur, quod hæc tollit summam simplicitatem, dicendum quod differentia rationis quædam fundatur super quid absolutum, siue substantiale, siue accidentale. Quædam autem super respectum, siue modum se habendi. Et prima differentia omnino repugnat simplicitati, & non potest esse in Deo: secunda vero non repugnat: nam videmus respectum aliquem de nouo esse circa aliquid, illo nullo modo mutato. Videmus etiam aliquid habere plures respectus, ipso sine compositione existente. Dicendum igitur, quod proprietates personales sunt respectiue non absolutæ: & ideo possunt differre ratione respectuum, quia persona, suppositum siue hypostasis, dicitur: sed proprietates dicuntur habitudinem ad alterum.

4. Ex hoc patet sequens. Quia enim proprietates essentialiter sunt absolutæ, non possunt dicere realem differentiam, nisi essentialiter habeant: ideo solo modo loquendi differunt. Non sic proprietates personales. Vnde proprietates essentialiter omnino transeunt in essentiam, sed personales non.

5. Ad illud quod obiicitur, quod essentia seipsa refertur. Dicendum quod essentia diuina non potest referri nisi ad aliam essentiam: ad aliam autem non refertur quoniam ratio dicit ordinem, & habitudinem. Sicut autem

A vult Philosophus, Deus non ordinatur ad res, sed res ad ipsum: & ideo ibi non est relatio nisi solo modo loquendi: sed cum persona ad personam refertur, ibi vere est ordo originis: & ideo habitudo, & ideo vera relatio: & sic patet illud.

6. Ad illud quod obiicitur, quod creatura seipsa refertur. Dicendum quod referri seipso potest intelligi tripliciter. Aut quia inter rei respectum, & essentiam non cadit medium, quia ipsa essentia essentialiter dependet: & sic quidem reperitur in creaturis: sic enim refertur materia ad formam, & forma ad materiam. Vnde dicit Philosophus, quod materia hoc ipsum quod est, ad alterum est: tamen nec materia est suus respectus, nec forma est suus respectus, quia non habet omnimodam simplicitatem. Alio modo est referri seipso, quia inter id quod refertur, & suum correlatiuum non cadit aliquod medium, quod non sit alterum illorum, & sic Pater refertur seipso ad Filium, & econuerso. Nam Pater est sua paternitas, & hoc propter summam simplicitatem. Tertio modo referri seipso est, quia ipsum quod refertur non est nisi relatio, & respectus purus, & hoc est impossibile, esse neque in Deo, neque in creatura. Quia sicut dicit Augustinus, omne quod refertur est aliquid, excepto eo quod relatiue dicitur. Alioquin relationis esset relatio, & sic patet quod omnis proprietas relatiua, siue sit in Deo, siue in creaturis, necessario differt aliquo modo ab eo cuius est proprietas, & magis in creatura quam in Creatore. Et intelligantur omnia hæc, sicut prius assignatum est, quoniam omne respectuum fundatur super aliquod absolutum.

QVÆSTIO II.

Quid sint in diuinis proprietates personales.

Alex. Alenf. 1. p. q. 38. Memb. 2.
S. Thom. 1. p. q. 32. art. 2.
Ægid. Rom. 1. Sent. dist. 26. q. 2.
Richardus 1. Sent. dist. 26. q. 2.
Marfilus Inguen. 1. Sent. q. 29. art. 2.
Petrus de Tarantasia. 1. Sent. dist. 26. q. 2.

D E proprietatibus quid sint. Et quod sint relationes videtur, quia dicit Hilarius 12. de Trinitate: Proprium est Deo nato esse filium, sed filiatio est relatio: igitur, &c.

ITEM Damascenus: Dicamus diuinam verbi hypostasis, natiuitatis modo, & habitudine à paterna hypostasi differentem: sed modus habitudinis est relatio, igitur, &c.

ITEM Richardus de sancto Victore, in libro de Trinitate dicit quod personæ distinguuntur proprietate originis: sed origo in diuinis non est motus, sed habitudo: ergo & relatio.

ITEM hoc ipsum videtur ratione, quia proprium est quod conuenit soli: sed nihil absolutum est incommunicabile in diuinis, & conueniens soli: igitur omnis proprietas personalis est relatio.

1. CONTRA: Sicut paternitas est relatio, sic magnitudo quantitas, & bonitas qualitas: sed magnitudo Dei non est quantitas, nec bonitas qualitas: igitur nec paternitas est relatio: sed paternitas est proprietas: igitur, &c.

SI dicas quod non est simile, quia alia transeunt in substantiam, relatio non: contrarium ostenditur primo sic: Sicut quantitas est vnum genus distinctum à substantia, ita & relatio: sed quia in Deo non cadit diuersitas, ideo necessario genus quantitatis transit in substantiam, cum ibi non sit accidens, nec diuersitas generum: igitur pari ratione relatio.

2. ITEM: Sicut Deus est sua magnitudo, ita Deus est sua paternitas: sed quia Deus est sua magnitudo, ideo quantitas non differt à substantia, sed in eam transit: ergo & paternitas similiter.

3. ITEM videtur quod relatio magis transit, quia inter omnia genera accidentium, relatio importat maiorem dependentiam, quia ad obiectum, & subiectum: sed Deus

Arist. 2. Metaph. contr. 32.

2. Phys. contr. 25.

Fundamenta. Cap. 9.

Damasc. lib. 1. c. 11.

Lib. 4. ca. 13. c. 15.

Ad oppositum.

Auer. 12.
Metaph.
com. 19.
Concordas
S. Tho. 1. p.
q. 4. art. 1.

omnino est independens, igitur & relatio minime manet in Deo.

4. ITEM: Inter omnia genera entium, relatio minus habet de entitate: sic patet, quia aduenit, & recedit sine mutatione illius quod refertur: sed in summo ente non debet poni nisi quod multum habet de entitate, igitur, &c.

CONCLUSIO.

Proprietates personales sunt relationes, cum incommunicabiles sint, solique conueniant, & realiter differant.

RESP. Ad Arg. Dicendum quod proprietates personales necesse est esse relationes. Et hoc duplici ratione, tum quia sunt incommunicabiles, & soli conueniunt: tum etiam quia realiter differunt, ut ostensum est prius. Sola autem relatio manet in diuinis.

Ad cuius intelligentiam notandum quod relatio in aliquibus conuenit cum aliis predicamentis, in aliquibus differt: Conuenit enim in hoc, quod est predicamentum, & genus entis, & in hoc quod est accidens: & disconuenit in hoc, quod præter alia genera habet respectum non solum ad subiectum, sed etiam ad obiectum, secundum habitudinem, & dependentiam. Quantum ad primas conditiones impossibile est relationem manere in diuinis, sicut alia genera, & hoc propter summam simplicitatem. In Deo enim relatio non est predicamentum, nec accidens, sed substantia est. Quantum vero ad conditiones quas habet respectu obiecti, necesse est quodam modo manere, & hoc propter veram distinctionem, quæ est in diuinis, & veram originem, & habitudinem. Et necesse est quodam modo non manere, scilicet quantum ad dependentiam, & hoc propter omnimodam absolutionem, quæ est in diuinis. Alia igitur genera simpliciter transiunt, sed relatio quodam modo manet, & quodam modo transiit. Quia alia genera respectum solum ad subiectum dicunt, & secundum illum transiunt. Sed relatio ultra dicit respectum ad obiectum. Et secundum illum respectum dicit pluralitatem, quæ vere est in diuinis, & ita relatio manet. Patet etiam quo modo transiit, videlicet quantum ad omne quod dicit compositionem. Vnde non est genus, neque in genere, nec est accidens, nec aliud.

1. 2. 3. Et sic patet prima tria obiecta circa hoc, quia vnum sumitur à natura generis, aliud à natura accidentis, tertium à prædicatione identitatis. Patet etiam quo modo manet, scilicet quantum ad illud quod dicit distinctionem, non quantum ad illud quod dicit dependentiam, & inclinationem, quia sic prius absolutionis perfectione, & per hoc patet quartum argumentum, quod obicit de dependentia relationis.

4. Ad illud quod obicitur, quod minus habet de ente. Dicendum quod hoc est verum cum differt essentialiter à substantia: in Deo non sic est. Posset tamen præter rationem prædictam hæc ratio reddi, quod non transiit: quia enim minimum habet de ente, ideo minimam vel nullam facit compositionem, & tamen manet secundum suam proprietatem. Alia vero quæ habent aliquid de ente absolute, faciunt compositionem, & hinc est quod relatio melius valet in summo simplici, quam aliquod aliorum.

QVÆSTIO III.

An actus personalium proprietatum sit hypostases distinguere, vel distinctas ostendere.

S. Tho. 1. p. q. 40. art. 2.
Et 1. Sent. dist. 26. q. 1. art. 1.
Et de Pot. q. 8. art. 3.
Scotus 1. Sent. dist. 26. q. unica.
Ægid. Rom. 1. Sent. dist. 26. q. 3.
Richard. 1. Sent. dist. 26. art. 2. q. 2.
Durandus 1. Sent. dist. 26. q. 1.
Franciscus de Mayr 1. Sent. dist. 26. q. 1.

Thom. Argent. 1. Sent. dist. 26. q. 1. art. 2.
Gregor. Arim. 1. Sent. dist. 26. q. 1.
Io. Bacon. 1. Sent. dist. 26. q. 2.
Marfilus Inguen. 1. Sent. dist. 26. q. 29. art. 3.
Gab. Biel 1. Sent. dist. 26. q. 1.

DE proprietatibus quantum ad actum. Et quaeritur utrum actus huiusmodi proprietatum sit hypostases distinguere, aut distinctas ostendere. Et quod sit distinguere, videtur per Boetium in libro de Trinitate: Substantia continet unitatem, relatio multiplicat trinitatem: sed si multiplicat, igitur distinguit.

ITEM Richardus de sancto Victore de Trinitate dicit, quod persona distinguitur proprietate originis: sed proprietas dicit originem, & relationem, igitur, &c.

5. ITEM hoc ipsum videtur ratione, quia cum personæ distinguantur, aut distinguuntur per aliquod absolutum, aut respectuum. Per absolutum non, quia sicut vult Augustinus, quod ad se dicitur, de singulis dicitur: igitur necesse est quod differant per aliquod respectuum.

ITEM proprietas patris aut accedit ipsi hypostasi, aut est consubstantialis ei: quia si accedit, igitur sunt ibi accidentia, igitur est ibi aliqua compositio. Si autem est consubstantialis, & connaturalis: igitur cum non consequatur esse hypostasis, non tantum est ratio innotescendi: sed etiam distinguendi.

ITEM in summo simplici idem est omnino ratio essendi, & cognoscendi: sed persona Patris est summe simplex: igitur eodem modo distinguitur, quo distinguatur cognoscitur: hoc autem est per proprietatem: igitur, &c.


1. CONTRA: Omne respectuum reducitur ad absolutum: sed quod reducitur ad aliquid secundum rationem intelligendi, sequitur illud: igitur cum proprietates sint respectuæ, hypostases absolute, proprietates reducuntur ad hypostases: igitur hypostases sunt priores. Sed quod prius est, non distinguitur eo quod est posterius, quia ab eodem est esse, & esse distinctum: ergo, &c.

2. ITEM omne quod distinguit aliquid, dat ei tale esse, quale ipsum est, vel habet: sed proprietates habent de se solum esse respectuum: igitur si hypostases per proprietates distinguuntur, habent solum esse respectuum: sed hoc est falsum, quia cum sint supposita essentia, habent esse substantia absolute.

3. ITEM in diuinis personis est plurificatio per originem: igitur & distinctio. Sed origo dicit emanationem, vel exitum: relatio autem per se non emanat nisi prius alio emanate, quia in ad aliquid non est motus: igitur prius oritur hypostasis ab hypostasi secundum rationem intelligendi, quam sic intelligere relationem esse: & si hoc, relatio consequitur esse distinctum in hypostasis: ergo, &c.

4. ITEM omne quod relative dicitur, est aliquid, excepto eo quod relative dicitur, sicut ratio dicitur, & Augustinus ait in lib. de Trin Sed Pater, & Filius dicuntur relative: igitur uterque eorum est aliquid, excepto eo quod relative dicitur, igitur abstracta relatione contingit aliquid intelligere. Quaero igitur, quid sit illud, aut essentia, aut hypostasis. Si essentia, igitur relatio est in essentia, igitur multiplicat eam. Si hypostasis, aut igitur vna, aut dua. Non vna, quia impossibile est intelligere, quod Pater, & Filius, sint vna hypostasis: igitur dua: & si hoc, patet, &c.

5. ITEM abstrahis omnibus proprietatibus duorum indiuiduorum, scilicet Petri & Pauli, solis hypostasis remanentibus, adhuc contingit intelligere remanere distinctionem: igitur pari ratione in hypostasis diuinis: quod si verum est, tunc igitur sunt solum ratio distinguendi quo ad nos.



CONCLUSIO:

Proprietates personales sunt rationes non tantum innoscendi distinctionem, verum etiam distinguendi.

RESP. Ad Arg. Dicendum quod circa hoc duplex opinio fuit. Quidam enim dixerunt quod abstractis proprietatibus, impossibile est intelligere hypostasim distinctionem, quia huiusmodi proprietates in diuinis non solum dant personis innoscere, imo dant etiam esse, unde ipsi abstractis abstrahitur esse, & esse distinctum. Aliorum opinio fuit, quod proprietatibus abstractis, adhuc est intelligere distinctionem in hypostasis, quoniam proprietas secundum ipsos non est ratio distinguendi secundum rem. Vnde dicunt quod abstracta paternitate, & filiatione, adhuc contingit intelligere *qui ab alio*, & *a quo alius*. Et si quæras quo modo distinguuntur, dicunt quod seipsis, sicut principia & generalissima seipsis distinguuntur, & differunt. Vnde hæc est immediata: Substantia non est quantitas. Et si respiciamus interius, utraque opinio continet aliquid probabilitatis, & hoc patet. In diuinis enim hypostasis intelligimus originem, siue emanationem, intelligimus etiam habitudinem. Secundum rationem intelligendi, origo præcedit ipsum qui oritur, & secundum rationem intelligendi, relatio consequitur ipsum qui refertur. Potest igitur proprietas relatiua importare solum habitudinem, & hoc modo consequitur rationem distinctionis, & est ratio innoscendi distinctionem, non distinguendi, sicut secunda opinio dicit, & probant rationes inductæ ad secundam partem de ipsa relatione. Potest enim intelligi tunc distinctio, quia intelligitur *qui ab alio*, & *a quo alius*. Potest etiam ad utrumque proprietas importare, scilicet habitudinem, & originem: & tunc non tantum est ratio innoscendi, sed etiam distinguendi. Circumscripita enim origine, siue emanatione: impossibile est in diuinis intelligere pluralitatem: imo sicut essentia est vna, sic & intelligitur hypostasis vna. Et sic procedit prima opinio, & rationes ad primam partem. Sed notandum quod cum idem sit personis diuinis oriri, & esse, & ad alterum se habere, tamen secundum rationem intelligendi sunt ordinata, ut primum sit oriri, deinde esse intelligatur in his quæ habent esse ab alio: & deinde se ad alterum habere. Quia vero idem sunt in Deo: ideo eodem nomine designantur. Vnde generatio dicit originem, & habitudinem: Tamen proprie loquendo generatio dicit originem, & paternitas habitudinem. Quoniam igitur proprietas diuina secundum communem vsum loquendi importat habitudinem, & originem, ideo tenendum quod proprietates non solum sunt ratio innoscendi distinctionem, sed etiam distinguendi.

1. Et ad illud quod obiicitur quod respectuum reducit ad absolutum, dicendum quod reduci ad aliquid est dupliciter: aut sicut ad principium, aut sicut ad terminum. Proprietas originis his duobus modis reducit ad absolutum. Ad hypostasim Patris reducit in nascibilitatem sicut ad principium, ad hypostasim autem geniti, & spirati, sicut ad terminum. Quoniam igitur quod reducit ad aliquid sicut ad principium ipsum consequitur, ideo abstracta origine, solum intelligitur Deus innascibilis, non ens ab alio, & ita in vnitatem hypostasis: quia vero quod reducit ad aliud sicut ad terminum, intelligitur præcedere, hinc est, quod abstracta origine, iam non est intelligere hypostasim procedentem. Vel illud intelligendum ubi respectuum dicit dependentiam, ratione cuius deficit summa simplicitas, quod non est in Deo.

2. Ad illud quod obiicitur, quod esse respectuum solum dat esse respectui, dicendum quod hoc verum est de respectu quod dicit solum habitudinem: sed non est verum de respectu, quod dicit originem.

3. Ad illud quod obiicitur quod relatio non oritur per se, dicendum quod relatio est proprietas secundum

A quod ipsa est: origo vero prout est id quod oritur: & quia origo proprie non oritur, sed est illud quo oriens oritur: ita quod non consequitur tempore, vel natura, sed secundum rationem intelligendi, vel est simul necessario, vel præcedit: ideo patet illud.

4. Ad illud quod obiicitur quod omne quod relatiue dicitur, est aliquid, excepto eo quod relatiue dicitur, dicendum quod illud non habet veritatem in summo simplici, quod sic differat esse, & referri, quod vnum possit ab altero separari siue abstrahi secundum rem, quia ibi vnum sunt: sed solum secundum intellectum nostrum, nec adhuc intellectus noster sic abstrahit, ut intelligat hypostasim distinctas, abstractis proprietatibus, & relationibus. Si enim ab hypostasi patris abstraheretur paternitas, vel econuerso, iam non haberet aliquid speciale, quod sit principium intelligendi ipsam, & ita consideratur sub ratione generali, & incompleta. Vnde & bene videtur mihi dicere qui dicunt, quod remanet intellectus huius nominis *res*, secundum quod est generale vocabulum, & sic patet quod abstractis proprietatibus non remanet distinctio nec re, nec intellectu, & ideo utroque modo sunt ratio distinguendi.

5. Ad illud quod ultimo obiicitur quod Petrus & Paulus distinguuntur abstractis proprietatibus, dicendum quod non est simile. Nam distinctio est ibi a parte propriæ materiæ, & a parte propriæ formæ, quæ innoscitur per proprietates accidentales: sed in diuinis solum est distinctio per originem. Ideo patet illud.

QUESTIO IV.

Quot sint proprietates personales in diuinis.

Alex. Alenf. 1. p. q. 58. Memb. 7.

S. Tho. 1. p. q. 28. art. 4.

Et quaest. 32. art. 3.

Egid. Rom. 1. Sent. dist. 26. pr. 2. q. 2.

Richard. 1. Sent. dist. 26. ar. 2. q. 3.

Henricus in summa art. 55. q. 2. 83.

Thom. Arg. 1. Sent. dist. 26. q. 1. art. 4.

Petrus de Tarantaf. 1. Sent. dist. 26. q. 2.

D E proprietatibus quantum ad numerum. Et videtur quod sint infinitæ, quia proprietates sunt respectus per quos Deus innoscitur: sed illi sunt infiniti, sicut patet ex respectibus idealibus: ergo, &c.

2. ITEM Pater, & Filius adinuicem assimilantur secundum omnes conditiones essentielles: igitur secundum omnes comparantur, & secundum omnes innoscunt nobis: sed illæ sunt in numero infinito: ergo, &c.

3. ITEM Quanto aliquid est simplicius, tanto plures habet respectus, ut punctus quam linea, & linea quam superficies: sed diuinum esse est simplicissimum: igitur in eo sunt infiniti respectus: sed omnes sunt ratio innoscendi, igitur notiones sunt infinitæ. Sed quod tres sint tantum, videtur per Damascenum, qui dicit quod in diuinis omnia sunt vnum præter generationem, ingenerationem, & processionem: sed istæ non sunt nisi tres proprietates, igitur, &c.

4. ITEM Videtur ratione, quia proprietas conuertitur cum eo cuius est proprietas, sed proprietas est personæ: sed personæ sunt tres, igitur, &c.

5. ITEM fiat talis ratio: Omnis persona est aliqua trium, hæc est vera. Omnis notio est persona: igitur omnis proprietas, siue notio est aliqua trium, igitur, &c.

Quor autem sint plures tribus, sic ostenditur. Notiones, siue proprietates sunt relationes. In omni autem habitudine sunt duæ relationes secundum duo extrema: sed in diuinis sunt duæ origines, igitur saltem quatuor relationes.

ITEM proprietas est quæ conuenit vni soli: sed innascibilitas conuenit soli Patri. igitur est proprietas, & non est aliqua illarum quatuor relationum, igitur sunt quinque. Quaritur ergo sufficientia, & numerus notionum in diuinis, & penes quid accipiantur, & utrum sit idem numerus proprietatum, & relationum.

Ex his patet, falso sciri imponere S. Bonau. quod personæ constituantur per absolutam dist. 26. q. v. sic ibi. Tertia opinio.

Ad oppositum.

Damas. lib. 1. cap. 9. 10. 11.

Fundamenta.

CONCLUSIO.

Proprietates in diuinis non sunt infinitæ, sed secundum numerum notionum numerari debent, quæ notiones quinario numero complectuntur.

*Sentit idem
S. Tho. 1. p.
q. 41. ar. 1.*

*Opinio-
nes tres.*

Opin. 1.

Opin. 2.

Opin. 3.

*Improb. 1.
Improb. 2.
Doct. o-
pin.*

RESP. AD ARG. Norandum quod vis consuevit fieri inter ista tria nomina, Proprietas, Relatio, & Notio. Nam proprietas dicitur inquantum conuenit soli: relatio inquantum dicitur habitudinem ad alterum: notio inquantum principium cognoscendi. Et quia omnis proprietas est ratio cognoscendi, similiter & omnis relatio: & ideo nomen notionis est in plus quam ista duo. Et quia quædam proprietas est relatio, vt paternitas: quædam non, vt innascibilitas, quæ non dicit respectum, sed priuat. Similiter quædam relatio est proprietas, vt filiatio: quædam non, vt actiua spiratio: ideo quia pluribus, non vni soli conuenit. Et hinc est quod nomen proprietatis, & nomen relationis habent se vt excedentia, & excessa. Nomen vero notionis est in plus. Vnde plures sunt notiones quam proprietates, plures etiam quam relationes. Sed proprietates & relationes mutuo se excedunt, & æqualiter: ideo sunt numero æquales: non tamen oportet facere vim. Nam omnis relatio distinguit aliquo modo ab alio, & ita est aliquo modo proprietas. Similiter omne quod distinguit, aliquo modo importat relationem, igitur omnis relatio proprietas, & omnis proprietas relatio. Sed omnis notio est proprietas, vel relatio, igitur omnis notio est proprietas, & similiter relatio. Et ita extenso nomine sunt æqualia: ideo idem est numerus, & eadem ratio assignandi numerum in omnibus istis nominibus. Intelligendum igitur quod circa numerum proprietatum tres fuerunt opiniones. Quidam dixerunt quod infinitæ: quidam quod tres: quidam quod quinque. Ratio autem diuersa opinionis fuit, quia diuersimode notiones considerauerunt. Qui considerauerunt illas in comparatione ad eos quibus innotescunt, dixerunt eas infinitas esse, quia per infinitas comparationes & similitudines & respectus Deus nobis innotescit. Qui vero considerauerunt in comparatione ad hypostasies quæ distinguuntur, vel innotescunt, dixerunt tantum tres, quia tantum tres sunt persone: ideo tantum tria sunt propria per quæ sufficienter innotescunt. Qui vero considerauerunt quantum ad rationes quibus innotescunt, dixerunt esse quinque. Eadem enim est ratio innotescendi, & distinguendi. Sed ratio distinguendi accipitur à parte originis, aut igitur positue, aut priuatue. Si priuatue, aut priuat originem per modum producentis, & hoc non dicit nobilitatem, scilicet non producere: ideo non est notio. Aut priuat originem per modum producti, & hoc vel specialiter, vel generaliter. Si specialiter, non dicit nobilitatem. Si generaliter, sic dicit nobilitatem, & ideo notio priuatua est vna sola, scilicet innascibilitas. Si autem accipiat a parte originis positue, cum duplex sit origo, & cuilibet respondeat de necessitate duplex habitudo, de necessitate erunt quattuor, generatio actiua, & passiua, & spiratio actiua, & passiua, & in vniuerso quinque. Prima opinio sumpsit rationem magis è longinquo, & ideo magis veritati recessit. Secunda magis de propinquo, ideo magis veritati appropinquauit. Tertia sicut debuit: ideo veritatem dixit, posuit, & inuenit. Et hæc est positio, quam tenet communis opinio Magistrorum notiones esse quinque: & ratio huius prius visa est.

1. AD illud igitur quod obiicitur de respectibus, & comparationibus infinitis, dicendum quod nec proprietates, nec relationes sunt notiones, nisi quæ important respectum distinguentem personam à persona, & hoc est respectus originis, qui tantum quinque modis spectantibus ad dignitatem potest comparari: ideo patet illud.

3. AD illud quod obiicitur quod tantum tres per Verbum Damasceni, dicendum quod sub generatione comprehendit duas relationes, similiter sub processione.

4. AD illud quod obiicitur quod proprietas debet conuerteri cum persona, dicendum quod verum est de illa quæ est proprietas personalis faciens personam esse personam: tamen non sequitur, si conuertitur, quod tot sint, & non plures, quoniam vnum & idem potest habere plura conuertibilia.

5. AD illud quod obiicitur de syllogismo illo, dicendum quod in processu illo est fallacia accidentis sicut hic: Pater est innascibilitas, & pater est paternitas, igitur paternitas est innascibilitas: quia quod attribuitur subiecto siue hypostasi, attribuitur habitudini. Posset tamen poni figura dictionis ex modi prædicandi mutatione, quia in diuinis essentia prædicatur vt quid, persona vt qui, notio vt quæ, & proceditur à persona ad notionem.

DISTINCT. XXVII. PARS I.

AN EASDEM PROPRIETATES ASSIGNENT
AVGVSTINVS, ET HILARIVS:
ET AN ISTÆ SINT QUÆ DICUNTUR: PATERNITAS, FILIATIO, ET PRO-
CESSIO.



HIC queri potest, utrum proprietates, quas Hilarius supra assignauit, scilicet, quod Pater semper est Pater, & Filius semper est Filius, sint illæ eadem proprietates, quas Aug. superius distinxit, dicens: proprium esse Patris, quod genuit Filium, & proprium Filii quod genitus est à Patre, & Spiritus sancti quod ab utroque procedit. Ac deinde utrum & ista sint illæ quæ dicuntur: Paternitas, Filiatio, Processio. Videtur quod non sint eadem proprietates, quas ponit Hilarius: & illæ, quas ponit Aug. Si enim eadem sunt: idem est ergo Patri esse patrem, & genuisse filium: quod utique quidam concedunt. Si autem hoc est, cui ergo conuenit vt sit Pater, ei conuenit genuisse filium. Natura ergo diuina si pater est, genuit filium: si vero non genuit, Pater non est. Sed quis audeat dicere, aut quod ipsa genuit filium, aut quod ipsa pater non sit: Si autem ipsa pater est, nec filium genuit: non est ergo idem dicere aliquid esse patrem, & gignere filium. Et ita non videbitur vna eademque esse proprietas.

Responsio, vbi ostendit eadem esse proprietates.

Ad quod sine præiudicio aliorum dicimus, quod easdem proprietates notauit uterque, licet diuersis verbis. Quod enim Hilarius ait, ita intelligi debet: Proprium patris est quod semper pater est, id est, proprietas patris est, quæ semper pater est, semper vero pater est, quia semper genuit filium. Ita & proprium filii est, quod semper filius est, id est, proprietas filii est, quæ semper filius est. Filius vero semper est, quia semper genitus est. Ergo proprietas quæ pater, pater est, est quia semper genuit: & hæc eadem dicitur paternitas, vel generatio. Et proprietas, quæ filius semper est filius, est quia semper genitus est à patre, & hæc eadem dicitur filiatio, vel genitura, vel natiuitas, vel origo, vel nascibilitas. Sic & proprietas quæ Spiritus sanctus est Spiritus sanctus vel donum, est quia procedit ab utroque: & hæc eadem dicitur processio. In præmissis ergo locutionibus eadem significata sunt proprietates.

—S:50—



Quo mo-

Quo modo non est omnino idem dicere, esse Patrem & genuisse, vel habere Filium, ita & de aliis.

Nec tamen videtur nobis omnino esse idem dicere aliquid esse patrem, & genuisse filium, vel aliquid esse Filium, & habere Patrem: vel esse Spiritum sanctum, & procedere ab utroque. Alioquin Pater non esset nomen hypostasis, id est, persona, sed proprietatis tantum: similiter Filius, & Spiritus sanctus: & ita per haec tria nomina non significarentur tres persona: ideoq; dicimus, quia patris nomen non tantum relationem notat, sed etiam hypostasim, id est substantiam significat, ita & Filius, & Spiritus sanctus. Relationum vero vocabula, scilicet paternitas, filiatio, processio, vel gignere, gigni, procedere, ipsas tantum relationes, non hypostasies significant, siue habere filium, & habere patrem. Ut verbi gratia, cum dicimus Deus est pater, nomine patris & relationem notamus, & diuinam hypostasim significamus: ut sit intelligentia talis, Deus vel diuina essentia est pater, id est, ille qui genuit, id est, hypostasis quae habet filium. Similiter, Deus est Filius, id est hypostasis genita vel habens patrem. Ita etiam Deus est Spiritus sanctus, id est, hypostasis procedens ab utroque, siue ille qui procedit. Cum vero nomina relationum ponimus in praedicatis, notiones ipsas tantum significamus, non hypostasies: ut cum dicimus: Deus genuit, id est, habet filium: & Deus genitus est, id est, habet patrem. Et tunc oportet intelligi in subiectis hypostasestantum, non essentiam, quae illis proprietatibus determinantur.

Quod proprietates determinant hypostasies, non substantiam, id est naturam.

Ille enim proprietates singula singulis proprie conueniunt personis, & per eas persona determinantur, & a se inuicem differunt: sed a se non secedunt. Vnde Ioannes Damascenus: Non differunt ab inuicem hypostasies secundum substantiam, sed secundum characteristica idiomata, id est, determinatiuas proprietates. Characteristica vero, id est determinatiua sunt hypostasies, & non naturae: etenim hypostasies determinant. item: Esse quidem in temporaliter & aeternaliter dicimus diuinam verbi hypostasim, simplicem, omnia habentem, quae habet Pater, ut eius homouision, id est, consubstantialitatem, natiuitatis modo & habitudine a paterna hypostasi differentem, numquam vero a paterna hypostasi secedentem. Idem apertius exprimens personales proprietates, in eodem ait: Differentiam hypostasies, id est, personarum in tribus proprietatibus, id est, paterna & filiali & processibili recognoscimus. Insecessibiles autem ipsas hypostasies & indistabiles inuicem & unitas quidem inconfusibiliter: tres enim sunt, etsi unita: diuisas autem indistanter. Etenim singula perfecta est hypostasis, & propriam proprietatem, scilicet, existentiam modum proprium possidet: sed unita sunt substantia, & non distant neque secedunt a paterna hypostasi. Ecce hic habes distinctas tres illas proprietates, quae supra diuersis significata sunt modis.

DISTINCT. XXVII. PARS I.

Quod sunt alia nomina personarum easdem proprietates notantia, scilicet genitus, Genitor, Verbum, Imago:

Hic non est praetermittendum, quod sicut Pater & Filius & Spiritus sanctus nomina personarum sunt, & pro-

prietates personales designat: ita etiam sunt & alia nomina personarum, id est, quae ipsas personas significant, & earum proprietates denotant, & easdem quas & nomina praedicta, unde & relatiue dicuntur, scilicet Genitor, Genitus, Verbum, Imago. Vnde Augustinus in 5. libr. de Trinit. ait: Videndum est, inquit, hoc significari, cum dicitur genitus, quod significatur, cum dicitur filius. Ideo enim filius, quia genitus, & quia filius utique genitus. Sicut autem filius ad patrem, sic genitus ad genitorem refertur, & sicut pater ad filium, ita genitor ad genitum. Idem in 6. libr. de Trin. Verbum quidem solus filius accipitur, non simul pater & filius, tanquam ambo sint unum verbum. Sic enim verbum dicitur, quo modo imago, non autem pater & filius simul ambo imago: sed filius solus est imago patris, quemadmodum filius. Idem in 7. libr. de Trinit. Verbum, secundum quod sapientia est & essentia, hoc est quod pater: secundum quod verbum, non hoc est quod pater, quia verbum non est pater, & verbum relatiue dicitur, sicut filius. Item in eodem, Si autem filius ad patrem refertur, ita & verbum ad eum cuius est verbum refertur, cum dicitur verbum. Et propterea non eo verbum, quo sapientia dicitur: quia verbum non ad se dicitur, sed tantum relatiue dicitur ad eum cuius est verbum, sicut filius ad patrem. Eo quippe est filius, quo verbum: & eo est verbum quo filius, sapientia vero, quo essentia: & ideo pater & filius sunt una essentia, & una sapientia. Item in eodem: Non est pater ipse verbum, sicut nec filius, nec imago. Quid autem absurdius quam imaginem ad se dici? Idem in 5. Dicitur relatiue filius, relatiue dicitur verbum, & imago, & in omnibus his vocabulis ad patrem refertur, nihil autem horum pater dicitur.

Epilogus praedictorum.

Aperte ostensum est, quod sicut filius vel genitus relatiue dicitur ad patrem, ita verbum & imago: & quod eo dicitur verbum siue imago, quo filius, id est, eadem proprietate, siue notione dicitur verbum & imago quae filius, sed non eo quo verbum, dicitur sapientia vel essentia, quia non notione qua dicitur verbum, dicitur sapientia. Nam sapientia dicitur secundum essentiam, non secundum relationem.

Regula Generalis.

Et est hic aduertenda quadam generalis regula eorum quae ad se, & eorum quae relatiue dicuntur de patre & filio. Quidquid enim ad se dicuntur, ut ait Aug. in 6. li. de Trin. non dicitur alter sine altero, id est, quicquid dicuntur quod substantiam eorum ostendat, ambo simul dicuntur. Ergo nec Pater est Deus sine Filio, nec Filius sine Patre, sed ambo simul Deus, sed non ambo simul pater, non ambo simul filius, vel verbum, vel imago.

An secundum substantiam dicatur Deus de Deo, & huiusmodi.

Hic quaeritur, cum dicitur Deus de Deo, lumen de lumine, & huiusmodi, utrum dicantur secundum substantiam. Nam secundum relationem constat ista non dici. Si vero secundum substantiam dicuntur: simul ambo, scilicet Pater & Filius, possunt dici Deus de Deo, lumen de lumine, secundum praedictam regulam. Ad quod dicimus, quia licet Deus secundum substantiam dicatur & lumen, & sapientia, & huiusmodi: & nunquam relatiue accipiantur: aliquando tamen pro relatiuis, id est, pro personis, sed non relatiue

Cap. 7. in princ.
Ibid. in fi.

Ca. 2. to. 3.

Ca. 3. to. 3.

Lib. 7. de Trin. c. 2.

Aug. lib. 7. de Trin. c. 1.

Lib. 5. c. 19. in princ. c. 3.

Ca. 2. to. 3.

accipiuntur, ut cum dicitur: Deus genuit Deum, alterum pro patre, alterum pro filio ponimus: similiter cum dicitur: Deus de Deo, lumen de lumine. In aliis quoque locutionibus saepe reperiuntur nomina essentia ad significationem personarum deducta, ut cum dicitur: Deus natus, Deus mortuus, Deus passus, ubi Filius tantum significatur. Ita & de solo filio intelligitur cum dicitur: Deus de Deo, & huiusmodi. Vnde Augustinus querens quo modo huiusmodi dicantur, in 6. lib. de Trin. ait: Quo modo Deus de Deo, lumen de lumine dicitur? Non enim simul ambo Deus de Deo, sed solus Filius de Deo, scilicet patre: nec ambo simul lumen de lumine, sed solus Filius de lumine Patre.

Lib. 6. ca. 2.
to. 3.

Quod tantum secundum nomen substantiae dicatur illud de illo, non secundum nomina personarum.

Et est sciendum quod secundum nomina substantiae tantum dicitur illud de illo, licet ibi illa nomina substantiam non significant. Secundum vero eadem nomina personarum numquam dicitur illud de illo, sicut Verbum de Verbo, vel Filius de Filio: quia huiusmodi nomina diversis personis convenire non possent: Quod Augustinus, licet obscure, in eodem lib. ita dicit: Hoc solum de eis dici non potest illud de illo, quod simul ambo non sunt: id est, illo solo nomine non possumus uti ad ostendendum unum de uno, quod simul ambobus non convenit: sicut Verbum de Verbo dici non potest, quia non simul ambo Verbum, nec imago de imagine, nec Filius de Filio, quia non simul ambo Filius vel imago. Et sicut nomina substantiae aliquando intelligentiam personarum distinge faciunt, ita etiam interdum totius Trinitatis simul. Vnde Augustinus in quinto libro ait: In patris nomine, ipse Pater per se pronuntiatur: in Dei vero nomine, & ipse Pater, & Filius, & Spiritus sanctus, ut cum dicitur: Nemo bonus nisi solus Deus, quia Trinitas est unus solus Deus.

Ibidem.

Cap. 8. to. 3.
Luc. 18. d.

DISTINCT. XXVII. PARS I.

De proprietatibus personarum secundum quod diversis nominibus exprimuntur per vocabula magis usitata.

Hic quari potest, Vtrum proprietates, &c.

Expositio textus.

Divisio.

Supra assignavit Magister proprietates personales, hic agit de ipsis proprietatibus secundum quod per diversa vocabula exprimuntur. Et quoniam contingit eas exprimi per vocabula magis usitata, & minus usitata: ideo haec pars habet duas partes. In prima agit de expressione proprietatum per vocabula magis usitata. In secunda per vocabula minus usitata, infra dist. eadem. Hic non est praetermittendum. Prima pars habet quatuor. Cum enim Hilarius & Augustinus, proprietates aliis & aliis vocabulis assignent, uterque tamen consuetis, quia unus scilicet Augustinus per generare, & generari: alter scilicet Hilarius, per esse Patrem, & esse Filium. Et ideo Magister primo querit, utrum sint eadem proprietates ab utroque assignatae. Secundo soluit, ostendens quod sint eadem, ibi: Ad quod sine prauidicio aliorum. Tertio ne credat aliquis, quod omnino sint eadem, ostendit quod re eadem sunt, sed differunt quantum ad modum significandi, id est in concrectione, & in abstractione, ibi: Nec tamen videtur nobis omnino idem. Quarto vero, quia dixerat proprietates significari in concrectione, quari posset respectu cuius, & ostendit, quod respectu hypostatum, ibi: Illa enim proprietates singula singulis.

Proprium Patris est, quod semper est Pater.
Dub. I.

Videtur dicere falsum. Omnis enim proprietas differt ab eo cuius est proprietas, vel re, vel ratione: sed Pater, & Pater conveniunt re, & ratione, & nomine: ergo unum non est proprietas alterius.

RESP. Dicendum quod in Patre intelligimus & illum qui est Pater, & quo est pater. Quando ergo pater praedicatur de se, ratione unius subiicitur; & ratione alterius praedicatur. Similiter quando assignatur esse Patrem proprium patris, quia assignatur ut in ratione attributi, ideo ratione ipsius proprietatis attribuitur ipsi hypostati. Vnde dicit quod esse Patrem est proprium patris, non quod pater sit pater.

Vel natiuitas, vel origo. Dub. II.

Videtur dicere contra illud, quod dictum est supra distinct. 3. cap. de vestigio. Et tractum est ab Augustino de vera Religione, scilicet, quod origo appropriatur patri.

Cap. 7. to. 1.

RESP. Dicendum quod origo semper dicitur relatio. Potest ergo accipi origo, vel respectu creaturae, vel respectu personae. Si respectu creaturae, sic est respectu totius Trinitatis, & appropriatur Patri. Si autem respectu personae, sic potest accipi active, vel passive. Si active, sic est Patris, & Filij: sed appropriatur Patri. Si passive, sic Filij, & Spiritus sancti, & appropriatur Filio, non secundum quod simpliciter dicitur, sed secundum quod origo dicit emanationem per modum naturae. Sic enim cum id sit proprium Filij, similiter & origo secundum quod sic accipitur, & hoc modo accipitur hic, & ideo non est contra illud.

Gignere, vel gigni, vel procedere, ipsas tantum relationes non hypostasas significant.
Dub. III.

Videtur hoc falsum, quia relationes significant in concrectione, & ideo non tantum important relationes, sed etiam suppositum. Sed quando tantum important relationes, significant abstracte. Si ergo hoc quod est gignere, non importat relationem abstracte, sed concrete, videtur quod non tantum important relationes.

RESP. Dicendum quod differenter importatur concrectio. Aliter enim importatur per verbum, aliter per nomen adiectivum. Quia enim verbum importat actum, ut egredientem: ideo in quadam distantia, & ideo importat sub quadam inclinatione. Et propter hoc quia in distantia importat, non claudit intra se suppositum, immo oportet quod addatur extra, nisi locum exterioris additionis suppleat demonstratio, quae est in actu proprie primae, & secundae personae, quoniam semper sunt praesentes, & demonstrativae. Et ideo quamvis importet in concrectione, tamen non importat nisi relationem quantum est de se, non suppositum: sed nomen adiectivum idem significans, significat ut proprietatem informantem: & ideo in quadam unione, & indistantia: & ideo formam simul importat & suppositum, ut cum dicitur album, nisi significet formam in abstractione, ut cum dicitur albedo. Hoc attendens Magister dicit, quod Paternitas, & Filiatio: gignere, & gigni dicunt tantum relationes.

Cum vero nomina relationum ponimus in predicato, notiones ipsas tantum significamus, non hypostasas. Dub. IIII.

CONTRA: Quia si hoc verum est, quando dicitur: Essentia est pater, cum pater ponatur in predicato, stat tantum pro notione: ergo idem est dicere: Essentia est Pater, ac si diceretur: Essentia generat: sed haec est falsa: ergo, &c.

RESP. Di-

R E S P. Dicendum quod quædam ponuntur in prædicato per naturam propriam, & significationem, & talia sunt quæ important compositionem, sicut verba, & de talibus loquitur Magister. Quædam ita ponuntur in prædicato, quod sunt nata subiici, ut hoc nomen *Pater*, & hoc nomen filius: & talia, quia non solum nata prædicari, verumetiam subiici, possunt importare intellectum hypostasis. Vnde verbum Magistri intelligendum est cū præcisione, scilicet de illis quæ ita nata sunt prædicari quod non subiici, & ita non habet instantiam.

Characteristica vero, id est, determinatiua sunt hypostaseon, & non natura, &c.

Dub. V.

Videtur male dicere, quia proprietates quæ non determinant naturam, sunt non naturales: quia omnis proprietas naturalis, eo ipso quod naturalis est, naturam determinat: ergo si proprietates in diuinis non determinant naturam, non sunt naturales: ergo præter naturam: ergo accidentales.

R E S P. Dicendum quod sicut ordo naturæ dicitur dupliciter, aut quo natura ordinatur, aut in quo natura est ratio ordinandi, sicut etiam de proprietatibus intelligendum: & quoniam dicimus proprietatem naturalem, non oportet quod proprietas habeat naturam ut subiectum, sed quod sit consonans naturæ ipsius subiecti, sicut filius naturalis non dicitur, quia sit a natura vel essentia, sed a patre naturaliter producente: sic & in proposito est intelligendum.

A R T I C V L V S I.

AD intelligentiam huius partis quatuor quærun-
tur. Primo, quæritur utrum, *esse patrem, & genera-
re*, sit vna notio. Secundo, quæritur quæ illarum sit al-
terius ratio. Tertio, utrum proprietates contingat abstra-
hi. Quarto, utrum circa eas liceat contrarie opinari.

Q V Æ S T I O I.

*An esse Patrem, & generare, vna & eadem
notio sit.*

Alex. Alenf. 1. p. q. 59. Memb. 3.

Scotus in Reportatis 1. Sent. dist. 27. q. 2.

Richard. 1. Sent. dist. 27. q. 2.

Petrus de Tarantaf. 1. Sent. dist. 27. q. 2.

Gabriel Biel. 1. Sent. dist. 27. q. 1.

QUOD sit eadem notio, ostenditur sic. Vna sola pro-
prietates est hypostasis, quæ dat esse distinctum. (Nā
non est in ratione accidentis, sed formæ: sed illa est vna
sola vnus:) sed *generare* est proprietas, per quam hypo-
stasis Patris distinguitur, similiter & *esse patrem*: igitur ibi
eadem est notio.

I T E M Patris ad Filium est vna sola relatio, quia vna
tantum origo, & vnus modus emanandi. Sed generare
dicit relationem Patris ad Filium, similiter & *esse patrem*:
igitur eadem relatio, vel notio. Vel si sint diuersæ pro-
prietates: tunc igitur notiones erunt plures, quam quin-
que, immo infinitæ. Sicut enim ad generare sequitur ef-
fe patrem, ita sequitur ad referri ad patrem, distinguere
a patre, &c. quæ si sint notiones aliæ, tunc igitur infinitus
est numerus notionum: hoc autem est inconueniens,
& sequitur: si illæ proprietates sint diuersæ: er-
go, &c.

1. CONTRA: Si eadem proprietas est, esse patrem, &
generare, igitur omnino idem importatur nomine patris,
& nomine genitoris: igitur sicut quis est baptizatus, si ba-
ptizetur in nomine Patris, ita si in nomine Genitoris: sed
hoc communiter negatur.

2. I T E M proprietates, & notiones sunt diuersæ, &
cognoscuntur esse diuersæ, quia de diuersis prædicantur,
quia de vno prædicatur vna, de quo non prædicatur alia:

A sed hæc conceditur: Essentia est Pater: & hæc negatur:
Essentia generat: igitur, &c. Si dicas quod hoc est pro-
pter diuersum modum significandi. **CONTRA:** Hoc ni-
hil est: quia tam *esse Patrem*, quam *Generare*, utrumque in
concrectione dicitur.

3. I T E M diuersæ probantur esse proprietates: quia v-
na de alia non prædicatur ut paternitas, & innascibilitas:
sed *generare*, ut patebit infra, non dicitur de paternitate:
hæc enim non admittitur: Paternitas generat: igitur sunt
diuersæ.

C O N C L U S I O.

*Paternitas & generatio sunt vna Notio secundum rem,
licet generatio vario modo significetur.*

R E S P. ad arg. Dicendum quod omnino sunt eadem
proprietates secundum rem. Huius ratio manifeste ap-
paret. Nam vna dicitur de altera non solum in concre-
ctione, ut pater generat, sed & in abstractione, ut pater-
nitas est generatio: quod non esset, si differrent. Cum au-
tem eadem sit proprietas, differenti tamen modo signi-
ficatur, & hoc quantum ad tria. Primum quidem, quia
generatio proprietatem personæ generalius exprimit
quam hoc, quod est Pater. Nam sicut dicit Augustinus,
& habetur in lib. 3. dist. 5. Ad esse Patrem sequitur gene-
rare, sed non conuertitur. Homo enim dicitur generare
pediculos, non tamen est pater eorum. Alia ratio est,
quia hoc, quod est Pater, importat intra se hypostasim,
circa quam notat proprietatem. Sed hoc verbum *gene-
rat*, non importat hypostasim, immo eget sibi apponi ab
extra, & hanc ponit Magister in littera. Tertia est, quia cū
proprietas duo importet, scilicet emanationem & habi-
tudinem, quæ quamuis idem re, differunt tamen ratione
intelligendi. Hoc quod est *generare*, importat produ-
ctionem, & generatio emanationem: Sed hoc quod est
esse Patrem proprie importat habitudinem.

1. Ex his patent obiecta. Nam quod non sit baptizatus
in nomine Genitoris, hoc non est propter diuersitatem
rei, sed modi exprimendi, & utrumque consideratur ibi,
sicut patebit in quarto.

2. Ad illud quod obiicitur quod non prædicatur.
Dicendum quod hoc est propter diuersum modum si-
gnificandi. Nam hoc quod est *generare*, quia non habet
suppositum intra, ponit rem circa essentiam, & id-
eo ipsam significat distinguere, non autem sic hoc quod
est Pater cum habeat suppositum intra, sensus enim est:
Essentia est Pater, id est ille qui generat.

3. Ad illud quod ultimo obiicitur quod vna non præ-
dicatur de altera, dicendum quod est prædicatio per mo-
dum denominationis, & hæc est per concrectionem. Et est
prædicatio per modum identitatis, & hæc est per abstra-
ctionem: quoniam ergo generare, & *esse Patrem* est vna &
eadem proprietas: ideo non secundum modum deno-
minandi tantum, sed per abstractionem prædicatur, ut
paternitas est generatio.

Q V Æ S T I O II.

An generatio sit ratio Paternitatis, vel conuerso.

Alex. Alenf. 1. p. q. 59. Membr. 3.

S. Thom. 1. p. q. 40. art. 4.

Et 1. Sent. dist. 27. q. 1. art. 2.

Et de Pot. q. 10. art. 3.

Ægid. Rom. 1. Sent. dist. 27. q. 1.

Henricus in summa art. 58. q. 1. c. 3.

Richardus 1. Sentent. dist. 27. q. 3.

Petrus de Tarantaf. 1. Sent. dist. 27. q. 3.

Gab. Biel 1. Sent. dist. 27. q. 2.

QUÆ istarum sit ratio intelligendi alteram, id est v-
trum hypostasis Patris siue Pater, ideo generet quia
Pater est: vel ideo sit Pater, quia generat. Et quod id-
eo sit Pater quia generat, hoc videtur auctoritate Magi-
stri in littera. Semper est Filius, quia semper est genitus,

ideo

*De cognis.
vera vita
cap. 18.*

*Dist. 1. p. 1.
art. 2. q. 8.*

Funda-
menta.

Ad oppo-
sitionem.

Funda-
menta.

ideo generatio passiva est ratio essendi Filium: igitur pari ratione generatio activa est ratio essendi Patrem.

ITEM secundum rationem intelligendi prius est generari quam esse: & prius est esse quam referri: igitur prius est generari quam esse Filium: igitur pari ratione prius est generari quam esse Patrem secundum ordinem intelligendi. Si igitur prius est ratio posterioris, & non econverso: igitur, &c.

ITEM hypostasis Patris est Pater: aut ergo quia Deus, aut quia Deus generans. Non quia Deus, quia pari ratione & Filius: ergo quia Deus generans: igitur, &c.

Ad oppositum.

1. CONTRA: Non generat nisi persona distincta, quoniam *generare* non convenit essentiae, sed personae: sed persona Patris non est distincta nisi per paternitatem: igitur non convenit *generare* illi hypostasi nisi per paternitatem. igitur non generat nisi quia Pater.

2. ITEM: In his quae non acquiruntur per actum, prius est habitus quam actus secundum rationem intelligendi: quia enim non sumus boni per opus, sed magis econverso: prius etiam sumus boni quam operemur bona: sed paternitas non acquiritur in Deo per actum: ergo prius ordine intelligendi intelligitur esse Pater, quam generet.

3. ITEM: Pater generat, iste est quidam actus divinus, qui per se inest soli Patri: quæro per quid. Aut enim quia Deus, aut quia Deus Pater, aut quia innascibilis. Non quia Deus, quia tunc etiam inest Filio. Non quia innascibilis: quia innascibilitas dicit natiuitatis priuationem, non positionem: igitur à divisione, quia Deus Pater.

CONCLUSIO.

Cum generatio originem dicat, paternitas vero habitudinem, generatio est ratio paternitatis, & non econverso.

RESP. ad arg. Ad intelligentiam huius notandum quod hic est duplex opinio. Quidam dicunt quod cum proprietates relatiue contrario sint in Deo quā in creaturis: quia in creaturis, ut aduenientes, in Deo ut insistentes. In creaturis enim actus est relationis ratio. Vnde in inferioribus ideo est Pater, quia generat. Sed in diuinis econtrario, relatio est ratio actus. Vnde simpliciter concedunt quod Pater generat, quia Pater: & negant conuersum. Sed quamuis illud posset aliquo modo capi ab intellectu ex parte Patris, tamen si illud consideramus in Filio, omnino non videtur intelligibile quod ideo sit Pater, quia Filius generetur. Nam communiter dicitur, & ratio concordat quod Filius, & quod sit: & quod Filius sit, hoc habet per generationem: igitur generatio secundum rationem intelligendi præcedit filiationem, & relatiua sunt simul natura in intelligendo, non tantum in essendo: igitur generatio est ratio dicendi paternitatem in Deo Patre. Sicut enim se habet generatio passiva ad filiationem, ita activa ad paternitatem. Et propterea est alia opinio quod ideo est Pater, quia generat. Et quod illud sit bene dictum patet per differentiam assignatam inter generationem, & esse Patrem. Nam secundum propriam rationem, generatio dicit emanationem, siue originem: paternitas dicit habitudinem. Constat autem quod origo est ratio habitudinis, non habitudo ratio originis est. Et ideo generatio est ratio paternitatis, non econverso: ideo conceduntur rationes ad hoc.

1. Ad illud igitur quod obiicitur in contrarium quod non generat nisi persona distincta, dicendum quod verum est secundum rationem intelligendi. Necesse est enim ante generationem esse hypostasim (secundum rationem intelligendi loquor) sed non oportet præintelligere eam actu distinctam, quia ipsa distinguitur per proprietatem generationis distinctione completa, sicut melius patebit infra: tamen secundum rationem intelligendi ratio distinguendi inchoatur in innascibilitate: ideo generat, non ut prius distincta quodam modo innascibilitate.

2. Ad illud quod obiicitur, quod non acquiratur per actum, dicendum quod in diuinis nulla proprietas acquiratur: quia quælibet est essentia: tamen secundum rationem intelligendi, origo siue emanatio originis, est ratio relationis, sicut in his inferioribus est ratio secundum esse. Vnde sicut actus generationis est æternus, ita & proprietas paternitatis æterna. Vnde quamuis non acquiratur per actum, inest tamen per actum: vnde illa propositio est falsa, & debet generaliter exponi sic: In his quæ non insunt per actum, &c. & tunc minor est falsa. Potest tamen dici quod illud est verum de actu, qui elicitur ex habitu, sicut opus meritorium ex gratia: sed actus generationis non elicitur, nec intelligitur elici ex paternitate, ideo non oportet præintelligere paternitatem ad hoc quod intelligatur generare.

3. Ad illud: Aut generat, quia Deus, aut quia pater, &c. dicendum, quod generat, quia Deus innascibilis: & spirat, quia improcessibilis. Quod obiicitur, quod innascibilitas dicitur secundum priuationem, dicunt aliqui, quod priuatio non est ratio habitus, scilicet pura: sed priuatio aliqua cum habitu substrato, est ratio. Vnde sicut aliquis homo liberalis inuitat ad comedendum, quia solus, sic pater generat ex liberalitate, & ne sit solus: & ideo cum semel generauit, & spirauit, non amplius generat, quia iam non amplius est solus, quamuis sit liberalis. Aliter tamen est dicendum sicut dictum fuit, quod innascibilitas est priuatio, quæ secundum rem est perfecta positio. Innascibilis enim dicitur pater, quia non est ab alio, & non esse ab alio est esse primum, & primitas est nobilis positio. Primum enim ratione primi, adeo dicit nobilem positionem, & conditionem, ut videbitur, quod ad positionem primi sequitur positio secundi. Vnde quia primum, ideo principium, quia principium, ideo vel actu, vel habitu est principiatum. Quoniam igitur ratio primitatis in aliquo genere est ratio principiatum in illo, ideo quia pater est primum respectu emanationis, generationis, & processionis, generat, & spirat. Et quoniam esse primum in genere generationis, quia innascibilis, est esse primum in genere spirationis, quia Deus improcessibilis: ideo generat, quia Deus innascibilis, & ultra non est ponere quare est innascibilis. Cum enim innascibilitas dicat primitatem, & status sit in primo, ideo, &c. Et hoc est quod dicitur infra dist. 29. circa principium. Pater est principium totius diuinitatis, quia à nullo: & hoc est, quod in pluribus locis supra positum est.

QVOD autem mouet ad hoc, dicendum primum: Est antiqua positio magnorum Doctorum, qui dixerunt quod innascibilitas in patre dicit fontalem plenitudinem. Fontalis autem plenitudo consistit in producendo. Sed constat quod non ideo quia creaturam producit, dicitur in eo fontalis plenitudo, quia hoc conuenit tribus: nec ideo quia producit Spiritum sanctum, quia hoc conuenit filio: igitur fontalis plenitudo in patre ponit generationem in eodem. Si ergo innascibilitas est fontalis plenitudo, pater, &c.

MOUET etiam communis opinio, quæ dicit innascibilitatem esse proprium patris, sed non potest esse proprium, & maxime proprium quod importat notionem, secundum quod importat puram priuationem, sic enim conuenit essentiae, & Spiritui sancto: igitur aliquid ponit. Non absolutum, constat quia ratione illius non potest esse proprietas: sed non potest ponere respectum posituum respectu producentis, igitur de ratione sua ponit respectu producti. Sed secundum rationem intelligendi, prima ratio respiciendi aliquem, ut productum, est generatio: ergo ad innascibilitatis positionem sequitur positio generationis: igitur, &c.

MOUET etiam verbum Hilarii 12. de Trinitate, ubi dicit quod pater est auctor filii. Constat autem, quod per auctorem intelligit non factorem, sed genitorem. Eo ergo conuenit patri esse genitorem, quo conuenit ei esse auctorem: auctorem autem esse conuenit ei per id quod dicit auctoritatem esse in patre. Sed summa auctoritas est in patre ratione innascibilitatis: ergo conuenit hypostasi

patris

Instat Scot. contra hoc dictum q. 4. ibi. Contra istam rationem.

Aug. lib. 4. de Trin. 20. 10. 3.

Dist. 2. 11.

*De Lib. de
causis.*

Dist. 7.

C

D

Arist. 1. Po-
ster. con-
tex. 12.

E

**Funda-
menta.**

Asst. S. de
ani. com. S.

Ad Oppo-
ſitum.

Replic.

Boetius de
Trin. in fi.

est ve-

vere quantitas & quantum, ibi vera abstractio, non tantum à parte intellectus, sed etiam à parte rei: ergo etiam pari ratione ubi est vera relatio, & vere relatus, ibi est abstractio.

5. ITEM: Quodcumque aliqua proprietas habet distinguere ab alia secundum rem à qua non distinguitur secundum suppositum, ibi est abstractio non solum à parte intellectus sed etiam à parte rei: sed paternitas differt ab innascibilitate, non autem differt ab innascibili Patre, ergo vere & proprie est abstrahibilis proprietas, siue notio à persona, non solum à parte nostra, sed etiam à parte rei.

CONCLUSIO.

In diuinis personis realis abstractio non reperitur, quamuis secundum quendam modum intelligendi abstrahatur communicabile ab incommunicabili.

RESP. AD ARG. Dicendum quod abstrahi aliquid ab aliquo est dupliciter. Vno modo, abstractione, quæ habet totum à natura rei, & sic abstrahitur vniuersale à particulari, & forma à materia, quoniam utrobique est compositio, & diuersitas. Alio modo est abstractio, quæ totum habet ab intellectu nostro. Intellectus enim noster cum intelligit, aliquid completum, de necessitate dupliciter intelligit, siue sub duplici ratione, scilicet modum ipsius quod est, & ipsius quo. Semper enim cum aliquid intelligit, considerat ipsum intelligibile per aliquam relationem, per quam etiam ipsum capit, & ita intellectus noster est resolubilis in intellectum ipsius quod est, & ipsius quo, quia compositio erat circa ipsum. Quoniam igitur realis abstractio præsupponit compositionem, quæ nullo modo est in Deo, nec quantum ad essentiam, nec quantum ad personam, ideo nullo modo est ibi abstractio à parte rei. Rursus: Quoniam Deum intelligimus secundum possibilitatem intellectus nostri, intellectus noster intelligit Deum per modum ipsius quod, & ipsius quo, & intellectus noster est resolubilis: & quia resolubilis, etiam compositus, quamuis res non sit composita: quantum ad ipsum potest esse abstractio, & separatio, ut intelligat ipsum quod est, quod est non intellecto. Et quoniam modus significandi consequitur modum intelligendi: ideo contingit significare ipsum quo in abstractione, & hoc ex parte communicabilis, ut cum dicitur Deitas, & ex parte incommunicabilis, ut cum dicitur paternitas. Concedo ergo, sicut manifestant primæ rationes quod non est ibi realis abstractio.

1. 2. 3. Ad illud quod obiicitur in contrarium de significatione, dicendum quod aliquid responderet à parte nostri intellectus, nec oportet quod respondeat abstractio. Sicut enim intellectus noster, licet sit compositus, vere intelligit simplex per modum compositi, quia ponit illam compositionem circa se, non circa rem intellectam, ita est omnino intelligendum de abstractione. Et ita patent duo sequentia, quæ sunt sumpta à ratione intelligendi.

Ad Replic.

Non placet
ista Soto
q. 1. quoli.

Ad illud quod obiicitur quod tunc differunt solum modo loquendi, dicendum quod sicut tactum fuit in distinctione precedenti, relatio secundum comparisonem ad subiectum transit: secundum comparisonem ad obiectum, siue terminum manet, quia abstractio est forma à subiecto, non à termino: quia paternitas abstrahit à Patre non à Filio, & quantum ad comparisonem ad subiectum est omnino idem, ideo nullo modo est abstrahibilis à parte rei. Nihilominus tamen differre potest aliquo modo per comparisonem ad obiectum, quæ quidem differentia sumitur à parte rei: sed sicut illa differentia nihil facit ad compositionem, ita nihil facit ad abstractionem.

4. 5. Et sic patent duo sequentia, quia relatio manet, & distinguitur ab alia: sed hoc est per comparisonem ad obiectum non ad subiectum.

QVÆSTIO IV.

An liceat contrarie opinari de notionibus.

Alexand. Alensis 1. p. q. 68. Memb. 1. art. 2.

S. Thom. 1. p. q. 33. art. 4.

Et 1. Sent. dist. 32. q. 1. art. 5.

Egidius Rom. 1. Sent. dist. 34. p. 2. q. 2.

Vtrum peccatum sit, contrarie de notionibus, siue proprietatibus opinari. Et quod non videtur, quoniam Sancti contrarias opiniones habuerunt de Scripturis, & tamen non peccauerunt, sed solum erat eis pena. Vnde Augustinus: Falsa pro veris approbare non est natura hominis instituti, sed pena damnati.

ITEM Hieronymus: Quod de Scripturis veritatem non habet, eadem facilitate contemnitur, qua probatur: sed notiones non habent veritatem à Scripturis, sed inuentæ sunt à Magistris: ergo licet multa ibi eadem ratione contemnere, qua probare.

ITEM hoc videtur ratione, quia numerus notionum, & huiusmodi non sunt de illis, quæ sunt necessaria ad salutem: sed contraria opinari licet in his quæ non spectant ad viam salutis, & hoc sine peccato.

ITEM: Si est ibi peccatum, ergo aut fidei, aut morum. Non fidei, quia non est contra articulos. Non morum, quia credere falsum non respicit mores: ergo nullo peccatum.

1. CONTRA: De duobus contrarie opinantibus circa notiones, necessarium est alterum dicere falsum circa diuina: sed mendacium circa diuina est mendacium in Christiana religione, & hoc est grauissimum peccatum: ergo, &c.

2. ITEM: Duobus contrarie opinantibus circa notiones, necesse est alterum decipi, & errare: sed error circa diuina est periculosissimus. Vnde Augustinus de Trinitate: Nec periculosius alibi erratur, nec fructuosius aliquid inuenitur. Si ergo error circa humanitatem Christi est peccatum: ergo & circa notiones multo fortius.

3. ITEM: Cum proprietates sint ipse Deus, qui dicit vel credit proprietates esse quod non sunt, vel non esse quod sunt, dicit de Deo quod non est: sed qui dicit Deum non esse quod est vel econuerso, errat errore peccati: ergo cum alter opinantium sit huiusmodi: ergo, &c.

4. ITEM Sicut dicit Augustinus, non solum ille mentitur qui dicit falsum, sed etiam qui asserit dubium: sed vterque opinantium dicit quid dubium, quia nulla opinio duorum est certa, ergo vterque mentitur: sed qui mentitur circa verum peccat mortaliter, vel venialiter, sed plus qui mortaliter: ergo vterque peccat.

CONCLUSIO.

De notionibus licet aliter opinari sine peccato, non tamen asserere, quia ubi est præsumptio, non deest peccatum.

RESP. ad arg. Dicendum quod contrarie opinari, vel potest esse circa ea quæ spectant ad doctrinam Christianæ religionis, vel circa ea quæ spectant ad doctrinam humanæ inquisitionis. Circa ea quæ spectant ad doctrinam humanæ inquisitionis licet contraria opinari, & asserere, quia illa non faciunt ad salutem. Asserere autem contraria in his quæ spectant ad doctrinam Religionis distinguendum est. Nam quædam sunt de necessitate fidei, quædam de necessitate Scripturæ, quædam sunt his annexa, ut sunt quæ faciunt ad fidei explicationem, & Scripturæ expositionem. Circa ea quæ sunt de necessitate fidei opinari contraria simpliciter est peccatum in altero, scilicet qui falsum opinatur. Et si sit simplex opinio, est peccatum erroris: si autem asseritio, & defensio, non tantum error, sed hæresis dicenda est. In his autem quæ sunt de certitudine Scripturæ, ignorantes Scripturas licet contrarie opinari, nec est culpa, ut si vnus simplex homo credat, quod Iacob fuit Pater Isaac, alter non

Funda-
menta.Aug. lib. 1.
Retract. 1.
p. 1. lib. 3.
de lib. arb.
c. 18. to. 1.
Hieron. su-
per Mat. 1.
23. in qua-
dam Hom.Ad oppo-
sitionem.

Ca. 1. n. 1.

alter non

alter non, sed e conuerso. Et primus quidem licet suspicetur, vel opinetur falsum, tamen non peccat, quia ignorat Scripturam. Scienti autem Scripturam non licet: immo peccat si simpliciter opinetur. Si autem defendat, hæreticus est iudicandus: quoniam contradicit Scripturæ sacræ. In his autem quæ sunt annexa fidei, vel Scripturæ, aut vna opinio sequitur ad fidem, vel Scripturam, & ad alteram sequitur oppositum, & tunc dicendum quod ante percontationem licet contrarie opinari, sed post percontationem non licet; immo peccatum est, sicut in his quæ determinata sunt per fidem, & Scripturam, sicut fuit de opinione Porretani circa proprietates. Dicebat enim illas non esse Deum, & ad hoc consequitur contrarium fidei. Cum enim Ecclesia adoret proprietatem, tunc adoraret non Deum, & non Deus esset adorandus. Vnde postquam ostensum est sibi inconueniens, nisi retractasset errorem, fuisset ab Ecclesia hæreticus iudicatus: sed hoc retractauit in concilio Rhemenensi, vt dicit Bernardus: In his quæ sunt annexa fidei, & non sequuntur nec repugnant ei, quia dubia sunt, licet opinari: sed non licet asserere dubium circa Deum, quia opinari est rationis conferentis, sed asserere dubium circa Deum, est rationis superbientis. Concedendum ergo quod uterque opinans si asserat, peccat, non propter errorem, sed propter præsumptionem, & sic concedendum quod licet ibi contrarium opinari.

1. Ad illud quod obiicitur quod mendacium in Christiana religione, &c. Dicendum quod non est mendacium, quia neuter dicit contra credulitatem in Christiana religione, quia non est de necessitate fidei, vel motum.

2. Ad illud quod obiicitur, quod error ille est periculosus, dicendum quod verum est in quantum est contrarius fidei: sed si est de his quæ non spectant ad fidem, non est verum.

3. Ad illud quod obiicitur quod peccat qui dicit Deum non esse quod est, &c. Dicendum quod illud verum est si sit determinatum per fidem vel Scripturam, aliter non peccat nisi asserat, vel defendat.

4. Quod ultimo obiicitur concedendum est: nam qui propria auctoritate de Deo asserit vel affirmat quod nec scriptura nec fides dicit, nec ad illa sequitur, præsumptuosus est iudicandus etiam si verum dicat: & si dubitet corde, & asseret ore, mandax est si utroque modo asserit, superbus est.

DISTINCT. XXVII. PARS II.

De proprietatibus personarum secundum quod diuersis nominibus exprimuntur per vocabula minus vsitata.

Hic non est præmittendum quod sicut Pater, & Filius, &c.

Expõsitio textus.

Diuisio.

SUPRA egit Magister de proprietatibus personalibus secundum quod exprimuntur per nomina magis vsitata, hic agit secundo de eisdem prout exprimuntur per vocabula minus vsitata. Et habet hæc pars quatuor partes. In prima Magister assignat nominum differentias, per quæ conuenit ipsas proprietates exprimi, auctoritatibus confirmans nomina illa esse propria. In secunda vero assignat quandam regulam in qua discernuntur propria a communibus, ibi: *Et hic est aduertenda quedam generalis regula*. In tertia opponit contra prædictam regulam, & determinat, ibi: *Hic queritur cum dicitur Deus de Deo*. In quarta ex illa solutione elicit aliam regulam, ibi: *& est sciendum quod secundum nomina substantia*.

Secundum quod sapientia est, & essentia, hoc est quod Pater: secundum quod verbum, non hoc est quod Pater.

Dub. I.

Contra, quia aut hoc tenetur essentialiter, aut personaliter. Si essentialiter, non solū secundum quod sapientia est vnū per essentiam cum Patre, sed etiam in quantum verbum. Si personaliter, tunc est falsum quod secundum quod sapientia, sit hoc quod personaliter Pater. Item: Cum hoc sit neutri generis, videtur quod stet pro essentia, & ita verbum semper est hoc quod Pater, scilicet vnū per essentiam vel substantiam.

RESP. Dicendum quod hoc stat ibi pro significato termini, vt sit sensus: Verbum secundum quod sapientia, hoc est, quod Pater, quia secundum quod sapientia aliquid ei attribuitur quod etiam Patri, scilicet significatum huius nominis, *sapientia*. Similiter altera est vera, Filius secundum quod verbum non est hoc, quod Pater, quia aliquid attribuitur Filio secundum quod verbum quod non conuenit Patri. Vnde *secundum* dicit ibi habitudinem sub ratione formali, & pronomen hoc importat & demonstrat proprium significatum termini: & ideo quia sapientia significat essentialiter, tenetur in prima essentialiter: quia significatum verbi est personale, tenetur in secunda personaliter. Vel aliter potest dici quod tenetur essentialiter, & secundum quod dicit habitudinem per modum formalis, vnde sicut alio est Deus, alio est Pater, quia diuinitate est Deus, paternitate Pater, ita quod nec paternitate Deus, nec deitate Pater, ita accipit Augustinus, cum dicit secundum quod verbum non est hoc quod Pater, vt non negetur vnitas in natura: sed vt negetur habitudo eius, quod est *secundum*, quia verbum in quantum verbum non dicit vnitatem essentia, sed distinctionem personarum, e contra sapientia.

Eadem proprietate siue notione dicitur Verbum, & imago, quia Filius. Dub. II.

Contra: quia si hoc est verum, ergo ibi est synonymia, vel inculcatio verborum, aut aliqua differentia.

RESP. Dicendum quod differentia est, & vna differentia potest accipi sic, vt verbum dicatur, quod procedit ab interioribus: imago, quod imitatur in exterioribus, & Filius complectitur vtrumque, & ideo magis & communius dicitur Filius quam aliquid aliorum. Vel aliter: Omnia hæc tria important similitudinem alterius: sed si Filius importat illam similitudinem naturaliter emanantem, imago vt expresse imitantem, verbum vt aliis exprimentem quantum est de se siue natum exprimere, ideo Filius frequentius nominatur illa persona propter hoc quod ipsam emanationem & habitudinem illam nomine importat proprio. Vel aliter: Imago importat illam similitudinem vt conformem, verbum importat illam vt mentalem, siue spiritualementem: sed Filius connaturalis, & sic patet diuersa ratio significandi eandem habitudinem, & illa eadem proprietates est, nec tamen synonymia. Et in prima acceptione præit intentio Verbi. In secunda intentio Filii. In tertia intentio Imaginis. Tamen inter omnes, modus medius est conuenientior:

Ita & de solo Filio, &c. Dub. III.

Videtur falsum dicere quod solus Filius est Deus de Deo, quia Spiritus sanctus est Deus de Deo, non ergo solus Filius.

RESP. Dicendum quod ista exclusio artatur ex modo loquendi. Quod patet; quia non dicit simpliciter hoc: sed loquens de Patre & Filio dicit, non ambo Deus de Deo, sed solus Filius; ita quod ex ipso modo loquendi solus artatur ad faciendam exclusionem pro Patre.

*Secundum nomina substantia tantum
dicitur illud de illo.*

Dub. IV.

Videtur hoc falsum, quia bene dicitur Filius de Patre per nomina quæ non sunt nomina substantiæ. Si tu dicas quod intelligit secundum idem nomen. Obiicitur quod bene dicitur procedens de procedente, & principium de principio, siue spirans de spirante, hæc tamen nomina non dicuntur secundum substantiam. Itē quæritur de hoc quod statim addit: ibi: *Licet illa nomina substantiam non significant*, quia si hoc, ergo significat relationem, ergo hoc nomen, *Deus*, significat relationem. Et iterum si non significat substantiam, sed relationem: ergo possent pro eis poni nomina relatiua: ergo Pater de Patre.

RESP. Dicendum quod dici hoc de hoc, est dupliciter scilicet secundum idem nomen, vel secundum aliud. Secundum idem non potest esse nisi conueniat duobus: & quia nomina duabus personis conuenientia fere omnia sunt essentialia, licet aliqua sint notionalia, ideo regula Magistri vt in plurimum veritatem habet. Tamen quidam libri habent *maxime*. In quibus non est, potest poni pro Glosa: & sic cessat obiectio, quia Magister non intendit excludere nisi nomina propria quæ dicuntur de vno solo. Quod obiicitur quod nomina non significant substantiam, dicendum quod significationem accipit pro suppositione, & tantum valet non significant, quantum non supponunt.

ARTICVLVS I.

AD intelligentiam eorum, quæ dicuntur de verbo, in parte ista quatuor quærentur. Primo de verbi significatione. Secundo de connotatione. Tertio de ipsius comparatione. Quarto de translatione.

QVÆSTIO I.

*An Verbum in diuinis dicatur essentialiter,
vel notionaliter.*

Alex. Alensis 1. p. q. 62. Memb. 2.

S. Thom. 1. p. q. 34. art. 1.

Et de Verif. q. 4. art. 2. & 4.

Scotus in Reportat. 1. Sent. dist. 27. q. 4.

Egid. Rom. 1. Sent. dist. 27. p. 2. q. 2.

Richard. 1. Sent. dist. 27. art. 7. q. 2.

Franciscus de Mayr. 1. Sentent. dist. 27. q. 4.

Thom. Argent. 1. Sent. dist. 27. q. 1. art. 4.

Gab. Biel 1. Sent. dist. 27. q. 3.

Vtrum verbum dicatur essentialiter, vel notionaliter. Et quod dicatur notionaliter ostenditur primo auctoritate per canonicam beati Io. elegantissime exprimentis incarnationem: Verbum caro factum est, sed vnio non est facta nisi in persona filii, ergo verbum non exprimit nisi personam filii, & proprie, ergo, &c.

ITEM August. 15. de Trin. In Trinitate non dicitur verbum nisi filius, neque donum nisi spiritus sanctus.

ITEM Anselm. in Monol. Apertissimum est, quia nec ille cuius est verbum potest esse verbum suum, nec verbū potest esse ille cuius est verbum.

ITEM ratione videtur, quia verbum est quod emanat a mente per modum conceptionis: ergo verbum de se dicit conceptum: sed esse conceptum, & genitum sunt idē: sed genitum est notionale, ergo, &c.

ITEM Verbum dicitur, quod emanat per modum perfectæ expressionis: sed esse imaginem est proprium filii, ergo & verbum.

ITEM omne verbum dicit respectum ad dicentem, sed esse respectuum in diuinis est notionaliter dictum, si dicat respectum ad personam: sed dicens non potest esse nisi persona, &c.

CONTRA: quod dicatur essentialiter, ostenditur sic. Sicut dicit August. 9. de Trinitate: Verbum est cum amore notitia, sed notitia est essentialiter dictum, ergo, &c.

A 2. ITEM verbum est quo res manifestatur, & exprimitur, sed manifestari est cuiuslibet personæ, & manifestatio est essentialis, ergo & verbum. Si tu dicas quod non dicitur manifestatio simpliciter, sed manifestatio alteri, obiicitur tunc, quia Spiritus sanctus est manifestatiuus filii per Ioannem: Ille me clarificabit, &c.

3. ITEM hoc ipsum ostenditur per comparisonem ad dicentem, quia verbum dicitur respectu dicentis: sed dicentes sunt tres, sicut dicit Ansel. in Monol. Vnusquisq; in Trinitate se dicit, ergo verbum est trium: sed nihil est trium nisi essentialiter, ergo, &c.

4. ITEM sicut dicit Anselmus in Monol. Dicere nihil aliud est quam cogitando intueri, sed hoc est essentialiter, ergo & verbum. Si dicas, quod dicere secundum quod essentialiter dicitur non habet correspondens verbum. Contra: Sicut dicit Anselmus, Pater se dicendo, generat verbum: sed omnis actus secundum quem persona reflectitur supra se est essentialis, ergo & dicere prout est essentialiter respondet verbum, ergo, &c.

5. ITEM hoc ostenditur per comparisonem ad id quod per verbum dicitur. Nihil medium inter creaturā, & Creatorem est notio, vel notionale, quoniam mediū, qualiter distat ab extremis: sed verbum est medium, quoniam omnia per verbum facta sunt, ergo, &c.

CONCLUSIO.

*Verbum æternum in diuinis tantum notionaliter, & non
essentialiter dicitur.*

C RESPOND. ad Arg. Ad hoc dixerunt aliqui quod dicere, tripliciter accipitur in diuinis. Vno modo dicere, est idem quod intelligere. Alio modo, quod generare. Vnde Augustinus exponit illud Genes. 1. Dixit, id est, filium genuit in quo omnia disposuit. Tertio modo Dicere idem est quod creare, & verbum non respondet ei, quod est Dicere in quantum increatum, nisi secundum quod Dicere idem est, quod generare, & ita conuenit soli Patri. Sed istud non videtur intelligibile, quod sit loqui sine verbo, & quod aliquid sit dicere, cui non respondeat verbum, sicut nec generare sine genito, nec nosci sine notitia. Et hoc etiam ipse modus loquendi & intelligendi abhorret, quod dicat & loquatur sine omni verbo. Ideo voluerunt aliqui dicere, quod cum dicere accipitur essentialiter, & personaliter, quia tres sunt qui dicunt, & qui dicuntur, sicut dicit Anselmus. Ideo verbum dicitur essentialiter & personaliter. Et secundum istam viam soluere nituntur obiecta ad vtramque partē. Sed hoc est contra Augustin. & contra Ansel. expresse.

Nam August. dicit quod verbum eo ipso quod verbum, dicitur ad alterum. Similiter Ansel. Apertissimum est quod verbum non est ille cuius est verbum. Et hoc patet etiam per auctoritates August. quas Magister adducit in littera, & Anselmus in Monolog. hoc expresse negat. Propter hoc intelligendum, quod Dicere, est idem quod loqui: Loqui autem est dupliciter, vel ad se, id est apud se, vel ad alterum. Loqui ad se, nihil aliud est quam aliquid mente concipere. Mens autem concipit intelligendo: & intelligendo aliud, concipit simile alii: intelligendo se, concipit simile sibi, quia intelligentia assimilatur intellecto. Mens igitur dicendo se, apud se concipit per omnia simile sibi, & hoc est verbum conceptum. Loqui autem siue dicere ad alterum, est conceptum mentis exprimere, & huic dicere respondet verbum prolatum. Dicendum ergo, quod sicut in nobis dupliciter accipitur Dicere, ita in Deo. Nam Dicere Dei apud se, vel ad se, hoc est intelligendo, concipere, & hoc est generare prolem similem: & huic Dicere respondet verbum natum, id est, verbum æternum. Alio modo Dicere est exterius se exprimere, & sic idem est Dicere, quod se per creaturam declarare, & huic dicere respondet verbum creatum, & verbum temporale. Concedendum ergo quod verbum sicut & Dicere dupliciter accipitur, scilicet æternaliter, & temporaliter. Et verbum temporaliter

est creatum

Funda-
menta.

Cap. 1. b.

Cap. 11.

Cap. 17.

Ad oppo-
situm.
Cap. 10.

16. 16. b.

Cap. 28.

Cap. 60.

Anselmus
Repl. in
Monol. 31.

Aug. lib. 7.
Trin. 2.
Cap. 1.

Ex Ansel.
Monol. 31.

est creatum, nec est Deus; nec est in Deo; sed creatura respectu Dei. Verbum æternum est Deus, & est illius solius cuius est concipere, sicut *Dicere*, est illius solius cuius est concipere. Ideo rationes probantes verbum dici notionaliter, sunt simpliciter concedendæ.

1. 2. Ad illud quod obiicitur, quod verbum est notitia, & verbum est manifestativum. Dicendum, quod ista non est tota ratio verbi, sicut nec nosse est tota ratio *Dicere*, & manifestare, sed necesse est quod cadat ibi conceptum: & quia notitia concepta & manifestatio per conceptum super solum filium non Spiritum sanctum, ideo patet illud quod obiicitur secundo.

Ad illud quod obiicitur de verbo in comparatione ad dicentem. Dicendum quod dicere non dicitur essentialiter nisi secundum quod dicitur respectu verbi creati, & secundum quod notat effectum temporalem: secundum vero quod dicit respectum æternum, sic solus vnus est dicens.

Quod ergo obiicitur, quod dicere non est aliud quam cogitando intueri. Dicendum quod verum est ubi intuitus non est sine conceptu, ut in nobis, & in Patre, sed in Filio non est, nec similiter in Spiritu sancto. Quâvis enim se intelligant, tamen non concipiunt prolem, quia non est in eis fecunditas ad generandum. Si quæras rationem huius: Augustinus te docet 15. de Trinitate, quia nos non intelligimus nisi per intelligentiam, & illa semper est genita. In illa autem Trinitate beata, aliter est quam in imagine, quia quælibet persona intelligit. Et ideo intelligere non dicitur ibi rationem concipiendi, ac per hoc non complectitur totam rationem dicendi, vel verbi in Deo, ut in nobis.

4. Ad illud quod obiicitur quod actus reflexus supra se, &c. Dicendum quod siue dicatur apud se, siue exterius ad alterum, utroque modo implicat apud se actum absolutum, & respectum. Dicere enim apud se est cogitando, siue intelligendo se, conceptum gignere, & ratione primi est reflexio, sed ratione secundi est relatio. Similiter dicere exterius, est se, vel conceptum declarando aliquid extra formare. Vnde dicere utroque modo reflectitur supra dicentem & dictum. Supra dicentem, ratione absoluti: supra dictum, ratione comparati, & sic manifesta est illa obiectio, quoniam dicere non tantum est absolutum: & ideo non est essentialiter semper.

5. Ad illud quod obiicitur quod verbum est mediū, dicendum quod duplex est medium, scilicet essentia, intelligentia, & verbum non est medium in essendo, sed extremum, quoniam ipsum verbum omnia fecit: sed solum in intelligendo, quia Pater per Verbum omnia fecit: & hoc infra melius dicitur.

QVÆSTIO II

An nomine Verbi importetur respectus ad creaturas.

Alexand. Alensis 1. p. q. 62. Memb. 1. art. 4.

8. Thom. 1. p. q. 34. art. 3.

Et 1. Sent. dist. 27. q. 2. art. 2.

Et de Veris. q. 7. art. 5.

Scotus in Reportatis 1. Sent. dist. 27. q. 5.

Ægidius Rom. 1. Sent. dist. 27. princ. 2. q. 4.

Richardus 1. Sentent. dist. 27. art. 2. q. 3.

Franciscus de Mayr. 1. Sent. dist. 27. q. 3.

Gab. Biel. 1. Sent. dist. 27. q. 3. dub. 1.

DE Verbi æterni connotatione, & est quæstio utrū Verbum æternum connotet aliquid ex parte creature. Et quod sic, videtur primo auctoritate Psalmi: Dixit, & facta sunt: ergo cum *dicere*, non sit aliud quam Verbum proferre, & ad *dicere* sequatur *facere*, & ad *facere* ipsum *factum*, ergo ad verbum sequitur factum: ergo videtur quod verbum connotet aliquid creatum. Si tu dicas hoc esse dictum de *dicere* prout accipitur temporaliter, & respondet ei verbum creatum. CONTRA: August. 11. confessionū: Verbo tibi coæterno dicis quæcūq; dicis, & fit quicquid dicis, ut fiat, nec aliter quā dicendo facis: ergo videtur quod illud sit intelligendum de Verbo æterno.

A I T E M: Augustinus in lib. 83. q. tractans illud Evangelii: In principio erat Verbum, dicit: Melius in hoc loco Verbum interpretamur, ut signetur non tantum ad Patrem respectus, sed etiam ad ea quæ facta sunt operativa potentia, ergo Verbum dicit respectum ad facta: sed constat quod de Verbo æterno loquitur, scilicet quod erat in principio.

I T E M super illud Psalmi: Semel locutus est Deus, dicit Augustinus: id est, Filium genuit in quo omnia disposuit. Si ergo Verbum non tantum importat generationem, imo etiam dispositionem omnium, ergo ad omnia dicit respectum.

I T E M Anselmus in Monolog. Cum summus Spiritus seipsum dicit, dicit omnia quæ facta sunt: ergo eodem verbo dicit se, & creaturas: sed Verbum dicit respectum ad illud quod per Verbum dicitur, ergo non tantum ad Patrem, sed etiam ad ea quæ facta sunt, dicit respectum: ergo, &c.

1. CONTRA: Omne quod connotat temporale, dicitur temporaliter: sed verbum non dicitur temporaliter in diuinis, quia in principio erat verbum: ergo Verbum non connotat temporale, quia omnis creatura vel creatum temporaliter incipit, accipiendo large tempus: ergo verbum nihil connotat in comparatione ad creaturas. Si tu dicas quod connotat in habitu non actu, sicut æterna dispositio & prædestinatio. CONTRA: Si nunquam aliquid fieret, vel fiendum esset, adhuc Pater seipsum diceret: ergo & verbum mente conciperet: ergo verbum esset si numquam vlla creatura esset futura vel præsens: ergo, &c.

2. I T E M: Dicere verbum est necessarium, quoniam sicut in præcedentibus probatum fuit, productio personæ est necessaria: sed productio creature est contingens. Vnde cum producit eam, posset non producere: si ergo simpliciter necessarium non claudit in se contingens, verbum non dicit respectum aliquem ad creaturam.

3. I T E M: Creator & creature summe sunt distantia, ergo in nulla communicant: si ergo verbum Patris est vnum, & summe vnum, ergo illo verbo cum dicatur Deus Pater, impossibile est creaturam dici: ergo si creatura non dicitur illo verbo, non ergo dicit respectum ad creaturam.

4. I T E M Si verbum dicit respectum ad creaturam: ergo poterit dici verbum creature: quod expresse negat Anselmus in Monolog. verbum quod creaturam dicit nequaquam est verbum creature. Si tu dicas mihi quod dicit respectum ad dicentem principaliter: vnde non potest dici nisi verbum Patris; eadem ratione cum Spiritus dicat respectum ad spirantem principaliter, non poterit dici Spiritus Moyse, vel Helie, quod est contra Scripturam.

5. I T E M si dicit respectum ad creaturam, cum omne nomen dicent respectum ad creaturam, sit essentialiter, non personale, verbum nullo modo dicitur personaliter, quod est contra prædeterminata.

CONCLUSIO.

Verbum æternum de se connotat respectum ad creaturam per modum exemplaritatis, dispositiue virtutis, & operatiue in potentia, & non in actu.

R E S P. ad arg. Dicendum est, sicut dicit Augustinus: Tunc verbum dicitur vel generatur, quando mente similitudo, vel imago alicuius cognoscibilis concipitur: & verbum illud respicit quod respicit similitudinem concepta. Quoniam igitur mens nostra, nec simul, nec vno & eodem vider se, & alia: ideo alio verbo dicit se, & alio alia, imo aliis: tot enim in eo sunt verba quot intellecta. Summus autem Spiritus in Patre, se & omnia vno aspectu & eodem cognoscit: & cum intelligit se & alia, cognoscit ut aliorum principium: & quia in ipso vis conceptiua concipit similitudinem omnia circumplectentem sub intuitu vno, siue aspectu: concipit, siue generat vnum verbum, quod est similitudo Patris imitativa, & similitudo

Quæst. 69. tom. 4. Ioan. 1. 4

Psalm. 61. b

Ca. 3. 10. 3.

Ad Oppositum. Ioan. 1. 4

Dist. 6.

Cap. 32.

Ex 15. de Trin. 6. 10. & 11. 10. 8.

Ex Ansel. Monol. 3. tom. 3.

rerum exemplatiua, & similitudo operatiua: & ita tenet quasi medium: & dicitur Pater operari per verbum: & ulterius ipsi verbo attribuitur quod sit Dei virtus, & Dei sapientia. Et ita patet quod verbum diuinum dicit respectum ad Patrem, dicentem ipsum, à quo generatur per omnia non similem. Dicit etiam respectum ad creaturam per modum exemplaritatis dispositiue & virtutis operatiue. Et quia ista non dicunt respectum in actu, sed solum in habitu: & dico quod sicut exemplar dicit respectum in habitu, & potentia similiter, quia multa scit Deus, & potest, quæ non facit, sic & verbum æternum. Vnde sicut supra dictum est de dono, ita etiam nunc intelligendum de verbo. Concedenda igitur sunt rationes probantes, quod dicit respectum, sed non connotat effectum actualiter. Vnde prima ratio quæ probat de effectu actuali, soluenda est sicut in opponendo tactum est, quia ibi loquitur de dicere secundum quod ei respondet verbum creatum quod est quasi verbum prolatum, sed tamen illud dicere est per verbum increatum, sicut pater dicitur operari per filium, & hoc est quod dicit August. quod æterno verbo dicis quæcumque dicis, & sic quidquid dicis. Potest tamen dici, quod illud dicere est æternum, & tantum valet quantum *disponere*: sed hoc non dicit effectum, sed respectum in habitu, & hoc concessum est, quod verbum dicit. Et quod iste sit intellectus Augustini, patet per litteram sequentem, & simul & sempiternæ dicit. Nec tamen simul & sempiterna fiunt quæcumque facis. Ex hac auctoritate patet veritas responsionis, quod verbum dicit habitualem respectum.

Ad illud quod obiicitur in contrarium, quod nullum æternum connotat temporale, dicendum quod verum est in actu, vnde verbum proprie loquendo non connotat effectum, sed dicit respectum, non ad creaturam iam existentem, vel etiam futuram tantum, verum etiam possibilem fieri, & sic patet responsio ad instantiam quam inducit in contrarium.

2. Ad illud quod obiicitur, quod productio verbi est necessaria & æterna, sed creatura, contingens, dicendum quod quamuis actualis productio creaturæ sit voluntaria, tamen potentia producendi, & scientia, est necessaria. Impossibile enim est, Deum non posse: & impossibile est Deum nescire creaturas producere.

3. Ad illud quod obiicitur, quod non communicant in aliquo, dicendum quod verum est de communitate essentiali, & prædicatione, & hoc modo non communicant in verbo, quia verbum est Deus, non creatura: nihilominus tamen secundum aliquam rationem possunt habere respectum ad idem. Nihil enim impedit, quod vnus & eiusdem Deus sit principium, & creatura sit effectus, & ita est de verbo æterno quod dicit respectum ad Patrem, vel ad principium, ad creaturam autem, vt ad effectum.

4. Ad illud quod obiicitur, quod tunc potest dici verbum creaturæ, dicendum quod sicut patet ex ratione nominis, verbum dicit respectum, vt ad producentem, quia dicitur verbum dicentis, similiter donum: & quia principalis respectus importatus per nomen, solum dicitur respectu personæ, ideo nec Filius dicitur verbum creaturæ, nec Spiritus sanctus donum creaturæ. Et si tu obicias de hoc nomine *Spiritus*, dicendum quod prout de spiritu Heliz dicitur, non accipitur sub actu personali, quia Spiritus sanctus dicitur spiritus Patris, & Filii tantum, sed accipitur ab actu spirandi. De quo Ioannes: Spiritus ubi vult spirat, & iste est actus essentialis, vnde sicut dicitur Deus Heliz, quia fouet Heliam, vel ab aliquo alio actu, ita dicitur spiritus Heliz, quia spirat Heliz: ita etiam posset dici Spiritus sanctus Heliz, sicut dicitur in Daniele: Suscitauit Deus Spiritum sanctum pueri iunioris. Nec hoc est contra Magistrum, quia ipse loquitur de spiritu prout est nomen impositum à proprietate personali, & magis determinatum est illud totale nomen, quod stet pro persona quam hoc nomen *Spiritus* per se, & ideo frequentius inuenimus spiritum dici alicuius hominis quam Spiritum sanctum alicuius ho-

minis: attamen inuenitur alicubi, quia sicut dicitur spiritus Heliz, quia in eum spirat, & inspirat, ita Spiritus sanctus Heliz, quia ei sancta inspirat: & ideo fortassis ibi dictum est, quod suscitauit Spiritum sanctum, quia non fuit ad futura prædicendum, sed ad iniquum iudicium retractandum.

5. Ad illud quod obiicitur, quod nomen dicens respectum ad creaturam non est notionale: dicendum, quod verum est si illum pure dicat: sed verbum non tantum ipsum dicit, nec principaliter dicit, sed principaliter dicit respectum ad Patrem, sicut & de dono dictum est. Magis autem Filius & Spiritus sanctus nominantur nominibus dicentibus respectum ad creaturam quam Pater: quoniam secundum rationem intelligendi, & appropriandi, quasi medium sunt inter nos & Deum, & secundum rationem appropriandi sunt reducetes ad Deum. Vnde secundum August. Pater est principium ad quod reducimur: Filius forma quam sequimur, & Spiritus sanctus gratia qua reconciliamur. Vnde & ipsi magis proprie nobis dari dicuntur quam Pater, &c.

Q V Æ S T I O III.

An prius sit, secundum rationem intelligendi, Verbum, an sapientia, siue notitia.

Alex. Alenf. 1. p. q. 62. Memb. 1. art. 2.

S. Thom. 1. p. q. 34. art. 2.

Es de Verit. q. 3. art. 3.

Es 1. Sent. dist. 27. q. 2. art. 1.

Richard. 1. Sent. dist. 27. art. 2. q. 4.

Steph. Brulef. 1. Sent. dist. 27. q. 3.

DE comparatione verbi ad sapientiam. Et cum filius sit verbum & sapientia, queritur quod istorum sit prius secundum rationem intelligendi. Et quod sapientia prius sit, videtur per August. 9. de Trin. cap. 10. Verbum est cum amore notitia: ergo verbum secundum rationem intelligendi addit supra notitiam: sed quod se habet per additionem ad aliud, præsupponit illud, ergo, &c. Item notitia dicit essentialia, sed verbum personale: ergo cum essentialia sit communis, & esse communis secundum rationem intelligendi sit prius, ergo, &c.

ITEM verbum dicit respectum ad creaturas, sapientia autem dicit quid absolutum de ratione sui nominis: ergo cum absolutum secundum rationem intelligendi sit prius respectiuo, ergo & sapientia quam verbum.

CONTRA per Eccl. 1. Fons sapientiæ verbum Dei in excelsis, fons dicit rationem principii: ergo verbum est principium sapientiæ: sed quod est principium, est prius secundum rationem intelligendi necessario, ergo verbum prius quam sapientia.

2. ITEM verbum sicut dicit Aug. in lib. 83. questionum dicit operatiuam potentiam: sed potentia sicut dicit Richardus, secundum rationem intelligendi prior est quam sapientia, ergo, &c.

3. ITEM verbum dicit similitudinem interius conceptam, sapientia dicit habitum, vel habilitatem ad cognoscendum. Sed conceptio similitudinis & specierum præcedit ipsam habilitatem, ergo & verbum præcedit sapientiam in intelligendo. Iuxta hoc queritur, cum filius dicatur verbum & sapientia, propter quid sapientia solum est appropriatum non proprium, verbum autem est proprium. Et iterum, cum filius sit filius, & imago, & verbum proprie, queritur quæ sit differentia istorum nominum. Si enim non est differentia nisi in voce, tunc videntur esse nomina synonyma.

C O N C L U S I O.

Notitia atque sapientia intellectus in filio, est prior secundum rationem intelligendi, ipsum verbi intellectus.

RESP. ad arg. Dicendum quod in intellectu verbi cadunt istæ conditiones. scilicet intelligētis cognitio, similitu-

Dist. 18.

Lib. 17. com. 7. cap. 7. tom. 2.

De vno Relig. 2. ss. circa finem. tom. 1.

Fundamenta. Eccl. 1. 6

Ad oppositum. Eccl. 1. 6

Aug. 83.

Ioan. 3. b

Sup. d. 18. Dan. 13. a

Fundamenta. dinis

dinis conceptio, & alicuius expressio. Et hoc patet si consideremus generationem verbi secundum Anselm. in suo Monol. qui dicit sic: Cum cogito notum hominem abientem, format acies cognitionis in se talem imaginē eius qualem illam per visum oculorum in memoriam attraxi, quæ imago in cogitatione verbum est eiusdem hominis quem cogitando dico. Haber igitur mens rationalis cum cogitando se, intelligit secum imaginem suam ex se natam id est, cogitationem sui ad sui similitudinem quasi sua impressione formatam: quæ imago eius verbum est. Hoc itaque modo quis negat summam sapientiam cum se dicendo, intelligit, gignere consubstantialē sibi similitudinem, id est, verbum suum? Verbum autem non est aliud quam similitudo expressa, & expressiva, concepta vi spiritus intelligentis, secundum quod se, vel aliud intuetur. Vnde patet, quod intellectus verbi præsupponit intellectum notitiæ, & generationis, & imaginis: intellectum notitiæ, intuitu spiritus intelligentis: intellectum generationis, in conceptione interiori: intellectum imaginis, in similitudine per omnia conformi, & superaddit his omnibus intellectum expressionis. Quoniam igitur intuitus intelligentis non dicit respectum, ideo ipsa sapientia & notitia non dicit proprium. Sed quoniam conceptio & similitudo dicunt respectum, ideo necesse est tam nomen filii, quam imaginis, quam etiam verbi proprie dici. Et rursus patet ordo in dicendo, & patet etiam differentis modi dicendi ratio. Nam sapientia, vel notitia dicit primum in intelligendo, deinde filius qui dicit ipsam emanationem siue conceptionem, deinde imago quæ dicit modum expressum emanandi, & tertio loco verbum, quod dicit hæc omnia, & superaddit rationem exprimendi, & manifestandi. His visis, facile est ad obiecta respondere. Concedo enim, quod secundum rationem intelligendi, intellectus notitiæ & sapientiæ sit prior.

1. Ad illud quod obiicitur, quod est fons sapientiæ, dicendum quod illud intelligitur de sapientia creata.

2. Ad illud quod obiicitur, quod dicit potentiam operatiuam, dicendum quod Verbum, etsi habeat omnipotentiam sicut Pater, tamen ipsum Verbum non dicit potentiam operatiuam de ratione sui nominis, nisi in quantum illa potētia est operatiua, præiua dispositione: & quoniam dispositio est actus sapientiæ, ideo sapientia prior in intelligendo est.

3. Ad illud quod obiicitur, quod similitudo est prior habilitare in intelligendo, dicendum quod istud verum est in quibus est sapientia per acquisitionem, sicut in nobis, sed non sic in Deo, immo econuerso, quia ex intuitu mentis summe sapientis oritur Verbum quod dicitur esse summa sapientia, ita quod similitudo concepta non dat sapientiam concipienti, immo magis accipit. Quod ultimo queritur iam determinatum est.

QVÆSTIO III.

An nomen verbi recte sit translatum ad diuina.

Alex. Alens. 1. p. q. 82. Membr. 1. art. 1.

Richard. 1. Sent. dist. 27. art. 2. q. 1.

Steph. Brulef. 1. Sent. dist. 27. q. 4.

Ad oppositum.

DE translatione huius nominis Verbum ad diuina. Et quod nullo modo debeat transferri, videtur. Omnis translatio est secundum similitudinem: sed nihil in creatura vanius est verbo, quia statim dum fit, transit, & non est. Verbum autem Domini manet in æternum, ergo &c.

2. ITEM cum sit verbum intelligibile & sensibile secundum duplex dicere, queritur, quod istorum transferatur. Et quod non exterius vult Aug. 15. de Trin. Verbum exterius non est verbum, sed signum verbi: ergo si Verbum diuinum est verum verbum, ergo, &c.

3. ITEM exterius verbum exit a dicente, Verbum autem diuinum semper est in dicente: quia ego in patre, dicit Veritas: ergo, &c.

ITEM videtur quod nec ad similitudinem interioris cognitionis, quia dicit Augustin. 16. de Trinit. Cogitatio est quid volubile, in Deo autem nihil est volubile, ergo, &c.

4. ITEM cogitationes mortalium timidæ sunt & incertæ providentiæ nostræ: sed in verbo diuino nulla est falsitas, nulla dubietas, ergo, &c.

5. ITEM multa cogitamus quæ nobis displicent: sed Verbum diuinum est per omnia placens, ergo, &c. Item multa cogitamus quæ non possumus: sed verbum diuinum est omnipotens, ergo, &c.

CONTRA: Inter omnia creata imago est expressior, ergo inter omnes emanationes ea est expressior quæ est in imagine: sed emanatio similis verbo increato in imagine, est emanatio verbi a mente, ergo expressiva, ergo conuenienter transfertur.

ITEM quod dicatur per comparisonem verbi intellectus, hoc videtur per comparisonem ad res extra, quoniam Ecclesiasticus secundum aliam translationem 70. Principium omnis operis verbum: sed per Dei filium omnia sunt facta, ergo, &c.

ITEM quod verbum vocis sit simile, videtur quia verbum dicitur, quia expressivum, & manifestativum, vnde nec patrem quis nouit nisi filius, & cui voluerit filius reuelare, sed hoc maxime est in verbo vocis. Nam verbum interius non patet nisi per verbum vocis: ergo verbum increatum dicitur ad similitudinem exterioris verbi.

ITEM Basilii: Filio Dei attribuitur sensus, sapientia, virtus, verbum, & lumen. Sensus quo cogitantur omnia, sapientia qua omnia disponuntur, virtus qua cuncta fiunt, verbum quo annunciantur, lumen quo clarescunt. Si ergo verbum dicitur ratione annunciationis, & hoc pertinet ad verbum vocis, patet quod illud verbum dicitur ad similitudinem verbi prolati.

CONCLUSIO.

Verbi creati interioris nomen conuenienter ad diuina dicitur translatum.

RESP. Ad Arg. Dicendum quod sicut ratio paternitatis per prius reperitur in Deo quam creaturis, tamen ipsum nomen est translatum a nobis ad Deum; sic ratio lucis, sic sapientiæ, & horum similitum, sic etiam ratio verbi: & significatum per prius & nobilius est in Deo quam in hominibus, vel in nobis: tamen nomen translatum est a nobis ad Deum: Translatio autem fit propter duo. Vna ratio est propter similitudinem expressam. Alia ratio est propter instructionem nostram, & hæc duo hic sunt. Primum quidem est expressa similitudo verbi creati ad increatum ad quam insinuandam distinguit beatus Aug. in lib. 15. de Trin. verbum secundum triplicem differentiam, Nam vnum est verbum sensibile, aliud est verbum intelligibile, tertium est verbum medium. Verbum sensibile attenditur in prolatione vocis, verbum intelligibile in cogitatione rei, verbum medium in cogitatione vocis. Et est ordo, quia primo cogitat aliquid homo quid sit, secundo qualiter debeat cogitatum pronunciare, tertio pronunciat. Sicut ergo ratio Trinitatis reperitur in sensu, reperitur in ratione conuersa ad sensum, reperitur in ratione secundum se, sic & ratio verbi: Et quemadmodum trinitas, in qua consistit expressa similitudo, non est in sensu, nec in inferiori parte rationis, sed in ratione secundum se, sic cum tripliciter dicatur verbum, in nullo consistit similitudo expressa nisi in verbo intelligibili, & hoc est verbum quod ad nullam pertinet linguam. Vnde dicit, quod qui hoc potest videre, aliquo modo videt illius verbi similitudinem. Similitudinem autem istius verbi ad illud assignat quantum ad tria, scilicet quantum ad emanationem siue originem, quantum ad dispositionem, quantum ad vnionem. Nam hæc tria in filio Dei est considerare: Originem, secundum quam dicitur Filius: dispositionem æternam, secundum quam

Cap. 16. tom. 3.

Sap. 9. a

Fundamenta.

Ecc. 97. e

Matth. 11. d

Basilii. contra Eunom. lib. 2.

Fundamenta.

Cap. 10. in fine, & c. 11 tom. 3.

11. de Trin. cap. 2. & 3. 9. de Trin. c. 4. & lib. 10. cap. 11.

Aug. lib. 15. cap. 11. hæc omnia quæ sequuntur.

dicatur mundus archetypus & ars plena omnium rationum viventium: & vnionem, secundum quam dicitur homo factus. Similitudo est in origine. Nam sicut filius per modum naturæ procedit per omnia Patri similis, sic verbum intellectus à mente procedit per modum naturæ per omnia ei simile & æquale, unde dicitur mentis conceptus. Quantum ad dispositionem est similitudo, nam sicut homo nihil operatur rationabiliter quod non præcogitet & mente concipiat, sic Deus Pater in verbo omnia disposuit. Et sicut dispositio nostra vel præconceptio potest esse etiam si non sequatur opus, sic & dispositio æterna, & præcognitio non ab opere dependet. Quantum vero ad vnionem, est similitudo. Nam sicut verbum mentis vnitur voci ut innotescat, & tamen non transit in vocem, sed manet integrum in mente, sic per omnia in verbo æterno intelligendum est quod vnitum est carni, & non transit in carnem, sed manet integrum apud Patrem, & hæc igitur est similitudo. Sed tamen hæc similitudo non attenditur in verbo mentis generaliter. Nam sicut dicit idem Augustinus, frequenter cogitamus quæ nescimus, & sic verbo nostro coniuncta est fallacia. Frequenter quæ nolumus, & tunc coniuncta est displicentia: Frequenter quæ nō possumus, & tunc iuncta est impotentia. Diuinū autem verbum est verissimum, placentissimū; omnipotentissimum, ideo expressa eius similitudo non consistit in verbo nostro nisi sit verbum certæ notitiæ, & complacentiæ, & potentiæ, & hoc est verbum quod consistit in cogitatione iuncta sibi affectiua, & operatiua. Vnde Augustinus 9. de Trinitat. Verbum est cum amore notitia, & si addatur virtus, tunc est ratio perfecta, & sic verbum est cum amore, & virtute, & notitia. Transfertur igitur verbum à verbo interiori secundum prædictas similitudines, & prædeterminatas condiciones, & hæc est ratio ex parte rei. Ratio autem ex parte nostra est, quia diuina intelligimus per creatura: quoniam ergo cum audimus Patrem & Filium, cogitamus de Patri carnali & Filio, ut subleuemur ad cogitandum generationem spiritualem, ideo diuinissimus Ioannes qui totus erat in contemplatione diuinitatis eleuatus, verbi nomine vsus est dicens: In principio erat Verbum: quod Verbum qui intelligit, multum proficit in cognitione Filii Dei.

His visis, patent obiecta. Concedo enim, quod verbum exterius non habet expressam similitudinem, tum quia vanum, tum quia procedit exterius, tum etiam, quia non est verbum, sed verbi signum, verbum autem interius habet horum opposita. Concedo etiam quod verbum interius dubium, vel falsum, vel impotens, vel displicens non habet expressam similitudinem, sed verbum quod habet oppositas condiciones.

1. 2. 3. 4. 5. Ad illud quod obiicitur ad oppositum, quod verbum intelligibile habet similitudinem, concedendum est. Quod autem obiicitur de verbo sensibili, dicendum quod aliquam habet similitudinem: sed non expressam, ideo translatio non est secundum ipsum, sed secundum interius quod est similis, ut patet. Nullum autem verbum potest per omnia illi assimilari, nam illud solum habet cum dicente identitatem substantialem, & simultatem naturalem, quia est simul natura & duratione: quæ condiciones, ut dicit B. Augustinus, non insunt nostro verbo, & ideo quamuis sit similitudo, est tamen nonnulla dissimilitudo: & ideo potest recte dici translatio, quia non est per omnia similis, & sic omnia patent.



DISTINCT. XXVIII.

QVOD NON TANTVM
TRES PRÆDICTÆ PRO-
PRIETATES SVNT IN PERSONIS,
SED ETIAM ALIÆ QVÆ DE ALIIS
SIGNIFICANTVR NOMINIBVS,
VT INGENITVS.

PRÆTEREA considerare oportet quod non tantum tres prædictæ proprietates siue notiones in personis sunt, verum etiam alia, quæ alijs notantur nominibus. Nam etiam hoc nomen, ingenitus, relative dicitur de patre tantum, & aliā

designat notionem quam Pater vel Genitor. Non est enim idem esse Patrem & esse Ingenitum, id est, non ea notione Pater dicitur quia ingenitus. Pater enim, ut prædictum est, dicitur secundum proprietatem generationis, ingenitus autem secundum proprietatem innascibilitatis. Differt ergo Pater à Filio auctoritate generationis, differt etiam proprietate innascibilitatis, id est, quia ingenitus. Vnde Augustinus distinguens inter proprietatem qua Pater dicitur, & illam qua dicitur ingenitus in 5. libro de Trinitate, sic ait: Non est hoc dicere ingenitum quod est Patrem dicere: quia etsi filium non genuisset, nihil prohiberet dicere eum ingenitum. Et si signat quisque filium, non ex eo ipse est ingenitus, quia geniti homines gignunt alios. Non ergo ideo dicitur Pater quia ingenitus. Idem: Cum de Deo Patre utrumque dicitur, alia notio est qua intelligitur genitor, alia qua ingenitus. Genitor enim dicitur ad genitum, id est, filium. Cum vero ingenitus dicitur, non quid sit, sed quid non sit, ostenditur. Hoc exemplis planum faciendum est: Quod dicitur ingenitus, hoc ostenditur quod non sit filius: sed genitus, & ingenitus commode dicuntur: Filius autem latine dicitur, sed ut dicatur, infilius, non admittit loquendi consuetudo: nihil tamen intellectui demitur si dicatur, non filius: quemadmodum etiam si dicatur non genitus, pro eo quod dicitur ingenitus nihil aliud dicitur. Ideo non est in rebus considerandum quid vel sinat, vel non sinat dici vsus sermonis nostri, sed quis rerum ipsarum intellectus eluceat. Non ergo iam tantum dicamus ingenitum, sed etiam non genitum quod tantum valet. Nunquid ergo aliud dicimus, quam non filium? Negatiua porro particula non id efficit, ut quod sine illa relative dicitur, eadem præposita, substantialiter dicatur, sed id tantum negatur quod sine illa aiebat: sicut in alijs predicamentis cum dicimus: Homo est, substantiam designamus. Qui ergo dicit: Non homo est, non aliud genus predicamenti enunciat, sed tantum illud negat. Sicut ergo secundum substantiam aio. Homo est: sic secundum substantiam nego, cum dico: Non homo est: At si tantum valet quod dicitur genitus, quantum valet quod dicitur Filius: tantumdem ergo valet quod dicitur non genitus, quantum valet quod dicitur non Filius. Relatiue autem negamus dicendo, non genitus. Ingenitus porro quid est, nisi non genitus? Non ergo receditur à relatiue predicamento, cum ingenitus dicitur. Sicut enim genitus non ad se dicitur, sed quod ex genitore sit: ita cum dicitur ingenitus, non ad se dicitur, sed quod ex genitore non sit, ostenditur. Vtrumque tamen relative dicitur. Quod autem relative pronuntiatur, non indicat substantiam. Quamuis ergo diuersum sit genitus, & ingenitus, non tamen indicat

Ca. 10. 10. 3.

Ioan. 1. 4

Lib. 15. de
Trin. ca. 11.
tom. 3.

Cap. 6. 10. 3.

Eodem ca.

Ibid. infra.

Lib. 5. c. 7.
infra.Lib. 5. cap.
eisd. infra.Lib. 5. cap.
eisd. infra.

diuersam.

diuersam substantiam, quia sicut filius ad Patrem, & non Filius ad non Patrem refertur, ita genitus ad genitorem, & non genitus ad non genitorem referatur necesse est. Ecce euidenter ostendit quod ingenitus relatiue dicitur, & de solo Patre accipitur: alia notio est qua dicitur ingenitus, alia qua pater. Atq; tantum valet cum dicitur ingenitus: quantum non genitus, vel non filius.

An sicut solus Pater dicitur ingenitus, dici debeat non genitus, vel non Filius.

Idco solet queri: Vtrum sicut solus pater dicitur ingenitus, ita ipse solus debeat dici non genitus, vel non Filius: ut nec etiam Spiritus sanctus possit dici non Filius, vel non genitus. Quibusdam videtur quod Pater solus debeat dici non genitus, vel non Filius: Spiritus vero sanctus sicut non dicitur ingenitus, ita inquit, non est dicendus non genitus, vel non filius. Debet quidem dici, & credi Spiritus sanctus non esse genitus, vel non esse filius, sed non debet dici esse non genitus, vel non Filius. Aliis autem videtur quod cum Spiritus sanctus non possit dici ingenitus, potest tamen dici non genitus, vel non filius. Quod autem Augustinus supra ait, tantum valere cum dicitur, ingenitus, quantum cum dicitur non genitus, vel non filius, etymologiam nominis ostendendo cum hoc dixisse dicunt, non ratione predicationis.

Qua sit proprietas secundum quam dicitur Pater ingenitus.

Si autem vis scire qua sit proprietas secundum quam dicitur pater ingenitus, audi Hilariu ipsam vocantem in masculinitatem in s. lib. de Trinitate, ita aientem: Est unus ab uno, scilicet ab ingenito genitus, proprietate videtur in unoquoq; & originis, & in masculinitatis. Significata ergo in scripturis personarum intelligentia, & distinctio in masculinitatis, naturaeque sensu, solitarius Deus non est opinandus. Discretio ergo, vel distinctio personarum in scripturis posita est, in nullo autem natura distinctio.

Arriani nitebantur probare alterius substantiae Patrem, alterius Filium, quia ille ingenitus: iste genitus: quibus respondens Ambrosius, dixit se hoc nomen in scripturis non legisse diuinis.

Illud etiam taceri non oportet, quod Arriani ex eo probare nitebantur alterius substantia esse Patrem, alterius Filium, quia ille ingenitus, & iste genitus dicitur, cum diuersum sit esse ingenitum, & esse genitum. Vnde Ambrosius eorum quaestioni respondens, dicit se in diuinis scripturis hoc nomen, scilicet, ingenitus, non legisse, ita inquit in libro de incarnationis Dominica sacramento. Cum dudum audierint quidam, dicentibus nobis filium Dei qui generatus est, Patri qui genuit in aequalem esse non posse, quamuis ille generatus sit, iste genuit, quia generatio non potestatis, sed est natura, aduersus quidem illam quaestionem vocem sibi arbitrantur oclusam, sed tergiuersione damnabili in eodem loco vestigium verunt, ut putent mutationem fieri quaestione mutatione sermonis, dicentes: Quo modo possunt esse ingenitus, & genitus unus natura atq; substantia? Ergo ut respondeam mihi proposita quaestioni: Primo omnium in diuinis scripturis, ingenitus, nusquam inuenio, non legi, non audiui. Cuius ergo mutabilitatis sunt homines huiusmodi, ut nos dicant ea usurpare, qua non sunt scripta, cum ea qua

sunt scripta dicamus, & ipsi obiciant quod scriptum non sit? Nonne ipsi aduersantur, & auctoritatem calumnia sua derogant? Attende lector, quoniam hoc nomine, ingenitus, nolebat uti Ambrosius propter haereticos. Ita & nos subticere quadam oportet propter calumniantium insidias, qua catholicis ac aliis lectorib. secure credi possunt. Sunt etenim quadam qua non tanta sunt religionis, & auctoritatis, ut eis nos oporteat semper confitendo ac recipiendo inservire. Verum silentio aliquando prateriri queunt, nec illius tamen sunt peruersitatis, quin, cum opportunum fuerit, eis uti liberum habeamus.

An diuersum sit esse Patrem, & esse Filium.

Præterea queri solet, cum supra dictum sit, quia aliud est dicere ingenitum, aliud Patrem, & quod diuersum sit genitus, & ingenitus, utrum similiter diuersum sit esse Patrem, & esse Filium, an idem. Ad quod dicimus, quia ex eodem sensu quo dicitur diuersum genitus, & ingenitus, & quo dicitur non esse idem dicere genitum, & ingenitum potest dici non esse idem, sed diuersum, esse Patrem, & esse Filium, vel esse Spiritum sanctum: quia non ea notione Pater est Pater, qua Filius est Filius, vel qua Spiritus sanctus est Spiritus sanctus. Ideo ex hoc sensu concedimus quod aliud est esse patrem, & aliud est, esse Filium, quia alia notio est, qua Pater est Pater, alia qua Filius est Filius. Sed si transponas, ut dicas, aliud est Patrem esse, aliud Filium esse, variatur intelligentia: & ideo non conceditur. Est. n. sensus talis, ac si dicatur, aliud est quo Pater est, non quidem Pater, sed est: aliud quo Filius est, non quidem Filius, sed est: quod penitus falsum est. Eo enim Pater est, quo Pater Deus est, id est, per essentiam, vel naturam: at Filius eo Deus est, quo Pater Deus est. Eo ergo Filius est, quo Pater est, & ita idem est Patrem esse, quod Filium esse: sed non est idem esse Patrem, & esse Filium. Vnde Augustinus in quinto libro de Trinitate ait: Quamuis diuersum sit esse Patrem, & esse Filium, non est tamen diuersa substantia, quia non hoc secundum substantiam dicitur: sed secundum relationem, quod tamen relationum non est accidens, quia non est mutabile. Ecce diuersum esse dicit esse Patrem, & esse Filium: quod iuxta rationem praedictam accipi oportet, quia scilicet alia notio est qua est Pater, alia qua est Filius. Non enim secundum essentiam Pater dicitur Pater, vel Filius, Filius, sed secundum relationem.

Quo modo dicatur sapientia genita, vel nata, an secundum relationem, an substantiam.

Sciendum quoque est quod sicut solus Filius dicitur verbum, vel imago, ita etiam ipse solus dicitur sapientia nata, vel genita. Et ideo queritur utrum hoc relatiue dicatur, & si relatiue dicitur, an secundum eandem relationem qua dicitur verbum, & imago. De hoc Augustinus in septimo libro de Trinitate, ita ait: Id dici accipiamus cum dicitur verbum, ac si dicatur nata sapientia, ut sit & Filius, & Imago. Et haec duo cum dicuntur, id est, nata sapientia in uno eorum, eo quod est nata, & Verbum, & Imago, & Filius intelligatur. Et in his omnibus nominibus non ostendatur essentia, quia relatiue dicuntur. At in altero quod est sapientia, etiam essentia demonstratur, quoniam & ad se dicitur. Seipsa enim est sapiens, & hoc est eius esse quod sapere: unde Pater & Filius simul una sapientia, quia una essentia. Caue lector qualiter hoc intelligas quod hic dicit Augustinus. Videtur enim dicere quod cum dicitur

nata sapientia, ibi sapientia, essentiam significet, & nata, relationem notet. Quod si ita est, cogimur dicere essentiam diuinam esse natam: quod superioribus repugnat. Sed ad hoc dicimus quod in altero, id est, in eo quod nata est, eadem notio intelligatur, quae notatur cum dicitur verbum, & imago. In altero vero, scilicet sapientia, demonstratur essentia, id est, demonstratur quod Filius sit essentia, quia sapientia secundum essentiam dicitur. Et ideo cum dicitur nata sapientia, intelligitur quod ipse, qui natus est, essentia est: ibi tamen sapientia non pro essentia, sed pro hypostasi facit intelligentiam, ut sicut quando dicitur verbum, vel Filius, intelligitur hypostasis cum sua proprietate: Ita cum dicitur nata sapientia, idem intelligitur, id est, genita hypostasis. Ideo vigilanter ait idem esse intelligendum cum dicitur verbum, & cum dicitur nata sapientia, id est, eadem relatio, eademque hypostasis: cui inest illa proprietas. Et ex hoc adiunatur illud quod superius diximus, scilicet cum dicitur Pater, vel Filius, vel Spiritus sanctus, non tantum illa proprietates significantur, ut cum dicitur paternitas, filio, sed etiam hypostases cum suis proprietatibus.

Quod imago aliquando dicatur secundum essentiam.

Illud etiam sciri oportet, quia cum supra dictum sit, imaginem relatiue dici de Filio, sicut verbum, vel Filius, interdum tamen reperitur secundum substantiam dici. Vnde Augustinus in libro de fide ad Petrum dicit, quod vna est sancta Trinitatis essentialiter diuinitas, & imago, ad quam factus est homo. Hilarius etiam in quinto libro de Trinitate ait: Homo fit ad communem imaginem. Nomen non discrepat, natura non differt. Vna est enim, ad quam homo creatus est, species. Ex his verbis ostenditur quod imago aliquando essentia intelligentiam facit, & tunc ad se dicitur, & non relatiue.

DISTINCT. XXVIII.

De his quae proprie, & aeternaliter dicuntur de Deo, secundum relationem, seu proprietatem non personalem, quae est innascibilitas.

Præterea considerari oportet, quod non tantum, &c.

Expositio textus.

Diuisio. **S**upra egit Magister de proprietatibus, quae sunt personarum, & personales; hic incipit secunda pars, in qua agit de proprietatibus, siue relationibus non personalibus. Et diuiditur hæc pars in duas, quia proprietas non personalis est duplex, scilicet innascibilitas, & communis spiratio, quae significantur per hoc nomen principium. Ideo primo agit de innascibilitate, secundo de communis spiratione infra distinct. 29. Est præterea aliud nomen, &c. Prima pars habet duas. In prima determinat de proprietate innascibilitatis. In secunda, quia opposita circa opposita clarius elucescunt, tangit incidenter de proprietate innascibilitatis, & nascibilis infra distinctione eadem: Sciendum quoque est, quod sicut filius. Item prima pars habet quatuor partes. In prima ostendit quid sit significatum huius nominis *ingenitus*, in se ostendens, quod sit proprium personae patris, & differens à paternitate, & dictum secundum relationem. Secundo determinat significationem in æquipollenti, sicut in hoc nomine *non genitus*, & in hoc nomine *innascibilis*. ibi: Ideo solet quæri vtrum, sicut solus, &c. Adiungens quae sit proprietas secundum quam pater dicitur ingenitus, ibi: Si autem vis scire.

A Tertio determinat huius nominis vsum, ostendens quod quamuis non habeat ortum ex scriptura, quod tamen licet eo uti, quamuis Ambrosius videatur dicere contrarium hoc enim facit ad reprehendendum hæreticos, & hoc facit ibi: Illud etiam tacere non oportet. In quarta vero determinat quoddam dubium quod ex prædeterminatis habet ortum, ibi: Præterea quæri solet, &c. Similiter secunda pars, in qua incidenter determinat de proprietate filii, siue nati, habet duas, secundum duo quae ibi tangit. Quia enim supra dictum fuerat, quod sapientia diceret commune, & imago proprium: ideo quia hoc posset generare dubium, quia inuenimus e contrario aliquando: ideo primo ostendit, quod sapientia nata proprie dicitur de filio. Secundo vero ostendit quod imago aliquando accipitur essentialiter, ibi: Illud etiam sciri oportet.

Si filium non genuisset, nihil prohiberet dicere eum ingenitum.

Dub. I.

Videtur secundum hoc quod accidat personae ingenitae generare, & ita esse patrem. Item ex hoc videtur sequi, quod remota paternitate adhuc remaneat persona patris, & ita paternitas non est proprietas personalis.

RESP. Dicendum, quod est loqui de intentione huius nominis *ingenitus* & pater, vel simpliciter, vel prout ponitur in persona diuina. Si loquamur simpliciter, sic diuersae sunt intentiones, & vna præter aliam est intelligibilis, & separabilis secundum rem, sicut patet in generatione hominum. Alio modo est loqui de his prout ponuntur circa personam diuinam, & sic dicitur aliam rationem innotescendi, & illae duae secundum rem omnino sunt inseparabiles, tamen secundum intellectum vna potest accipi præter alteram, & sic loquitur Augustinus non quod re separari possit, sed quantum ad intellectum nostrum.

Sed quod possit intelligi aliquid præter alterum, hoc potest esse multipliciter, aut quantum ad intellectum apprehendentem, aut quantum ad intellectum resoluente. Si primo modo, sic non potest intelligi aliquid sine aliquo quod est ei ratio intelligendi, sicut Deus præter deitatem, & homo præter humanitatem: potest tamen intelligi effectus, non intellecta causa, & inferius non intellecto superiori, quia potest quis apprehendere hominem non intellecto aliquo superiorum, sicut dicit Philosophus, quod qui vnum dicit, quodam modo multa dicit, non simpliciter, sed quodam modo, quia implicite. Alio modo contingit aliquid intelligere præter alterum, intellectu resoluente: & iste intellectus considerat ea, quae sunt rei essentialia, sic potest intelligi subiectum sine propria passione. Et hoc potest esse dupliciter, aut intellectu resoluente plene, aut intellectu semipleno, & deficiente.

D Intellectu resoluente semiplene, potest intelligi aliquid esse non intellecto primo ente. Intellectu autem resoluente perfecte, non potest intelligi aliquid, primo ente non intellecto. Secundum hunc triplicem intellectum, de comparatione patris & ingeni, contingit loqui tripliciter: si enim loquamur de intellectu apprehendente, possibile est vnum istorum duorum intelligi altero non apprehenso, eo quod aliud est signatum vnius, aliud alterius. Si loquamur de intellectu resoluente, adhuc semiplene resoluit, accipiendo intellectum huius nominis *ingenitus* solum priuatiue, sicut accipiunt gentiles: sic potest intelligi vnum sine altero. Si loquamur de intellectu plene resoluente, cum *ingenitus* secundum quod est proprietas patris non dicatur solum priuatiue, imo ponat respectum positium, de necessitate ponit paternitatem, & sic verum est, quod ad esse *ingenitum*, necessario ponatur esse pater, cum ponatur plenitudo fontalis per ipsum tantum. Quando ergo dicit Augustinus quod non ideo dicitur pater, quia ingenitus: ipse loquitur de intellectu apprehendente, quia vnum non est propria ratio & prima intelligendi alterum: immo vtrumque scilicet *ingenitus* & pater, dicunt aliam rationem innotescendi, tamen secundum plenam resolutionem vna ponit aliam necessa-

rio. Vnde

rio. Vnde distinctio personæ patris quasi inchoatur in innascibilitate, & cōsummat in paternitate, & ideo nō intellecta paternitate, non potest intelligi persona illa complete distincta: & ideo paternitas est notio personalis, quamvis in ratione intelligendi prius cadat innascibilitas.

Negativa porro particula non id efficit, ut quod sine illa, &c.
Dub. II.

Videtur hoc falsum: quia homo dicitur secundum substantiam: tamen albedo potest dici non homo: ergo quia homo, & non homo contradictorie opponuntur, & de quolibet affirmatio, vel negatio: ergo albedo est non homo, & albedo est qualitas, ergo, &c.

Si tu dicas quod Augustinus loquitur secundum quod facit negationem in genere, tunc obicitur de hoc quod est non substantia, constar quod non potest facere negationem in genere: ergo cum non substantia non dicatur nisi de aliis generibus, patet, &c.

RESP. Dicendum quod modus dicendi secundum substantiam circa terminum negatum, siue infinitum, est dupliciter accipere: aut quantum ad significatum, aut quantum ad suppositum. Si quantum ad significatum, quoniam tunc terminus negatus trahit significationem ab affirmato, idem est modus dicendi quantum ad significationem in termino negato, & affirmato. Vnde sicut homo dicitur secundum substantiam quantum ad significationem, ita & non homo. Quando enim dicitur hoc est homo, substantiam prædico. Quando autem dicitur, hoc est nō homo, substantiam remoueo. Si autem loquamur quantum ad suppositum, tunc pro alio supponit terminus negatus, & affirmatus: sic opponit, & sic non intelligit Augustinus.

Non genitus ad non genitorem refertur.
Dub. III.

Videtur dicere fallum: quia omnis relatio ponit duo extrema: ergo si non genitus refertur ad non genitorem, necesse est ad hoc quod aliquis sit ingenuus, quod sint duo, quorum vnus sit non genitus, alter non genitor.

CONTRA: Esto per impossibile quod nullus esset nisi vnus solus, ille vtique esset non genitor.

RESP. Dicendum quod referri ad aliquem, hoc potest esse dupliciter, aut secundum rationem existendi, aut secundum rationem intelligendi. Secundum rationem existendi, quando importatur habitudo realis: secundum rationem intelligendi, quando priuatur habitudo realis. Ad hoc enim quod intelligatur priuatio habitudinis, necesse est intelligere habitudinem: & ad hoc quod habitudo intelligatur, necesse est intelligi duo extrema, vt affirmata: & ita ad hoc, vt intelligatur priuatio habitudinis, siue relationis, necesse est intelligi duo extrema negata: & quantum ad hoc dicit Augustinus, non genitum referri ad non genitorem, quia non potest capi intellectus eius nisi per intellectum illius: & ita quantum ad rationem dicendi, dicitur secundum relationem, sicut non homo dicitur secundum substantiam.

Cum dicitur nata sapientia, ibi sapientia essentiam significat.
Dub. IV.

CONTRA: Ergo secundum hoc licebit loco sapientiæ ponere essentiam, cum faciat eius intellectum: quod falsum est.

RESP. Dicendum quod est loqui de nomine sapientiæ vel quantum ad significatum, vel quantum ad suppositum. Quantum ad significatum, dicit essentiam: sed tamen supponit personam, & ita adiectiuum respicit ipsum ratione suppositi, cum dicitur sapientia nata, non ratione significati: nec sequitur propter hoc, quod loco

A sapientiæ poni possit essentia, quia cum sapientia sit de nominibus mediis, potest supponere pro persona, & trahi ad suppositum: sed essentia cum sit abstractissimum nomen, non.

Imago aliquando essentia intelligentiam facit, &c.
Dub. V.

Videtur hoc falsum, quia imago semper connotat imaginatum: sed non potest esse idem imago & imaginatum: ergo semper dicitur relatiue.

RESP. Dicendum quod imago semper dicit respectum ad increatum, vel ad creatum, & quando dicit respectum ad increatum, dicitur personaliter, & relatiue, secundum rem. Quando autem respectum creaturæ, essentialiter dicitur & ad se, non quantum ad modum dicendi: sed quia toti Trinitati conuenit.

ARTICVLVS I.

AD intelligentiam eorum quæ dicuntur in presenti distinctione, quatuor queruntur. Primo queritur, vtrum hoc nomen, *ingenitum*, siue *innascibile*, dicatur secundum substantiam, vel secundum relationem. Secundo, supposito quod secundum relationem dicatur, queritur, vtrum dicat eandem relationem, quam hoc nomen, *Pater*. Tercio queritur vtrum innascibilitas sit proprietas, siue relatio personalis personæ Patris. Quarto, & vltimo queritur, vtrum improcessibilitas dicat aliquam notionem in Patre.

QVÆSTIO I.

An ingenuus, siue innascibilis secundum substantiam vel relationem dicatur.

Alex. Alexf. 1. p. q. 69. Membr. 1.

Scotus 1. Sent. dist. 28. q. 3.

Regid. Rom. 1. Sent. dist. 28. q. 2.

Richardus 1. Sent. dist. 28. art. 2. q. 1.

Franciscus de Mayr. 1. Sent. dist. 28. q. 3.

QVod hoc nomen, *ingenitum*, dicatur secundum relationem, ostenditur per Augustinum qui dicit in li. 10. de Trin. & habetur in litera, non receditur a relatione prædicamento cum ingenuus dicitur: ergo dicitur secundum relationem.

ITEM in eodem libro, sicut dicitur genitus ad genitorem, ita ingenuus ad non genitorem: sed quod dicitur ad aliud, dicitur relatiue, siue secundum relationem: ergo, &c.

ITEM hoc ipsum videtur ratione, quia omne illud in quo differt persona a persona, dicitur secundum relationem, hoc patet: sed secundum hoc quod est ingenuus, differt Pater a Filio: ergo, &c.

ITEM nulla negatio priuat modum significandi, siue dicendi, sed genitus secundum relationem dicitur: ergo addita negatione, adhuc dicitur, ergo, &c.

1. CONTRA: Omnis relatio in diuinis aliquid ponit, illud certum est: sed ingenuus nihil ponit: ergo, &c. Probatio media, si hoc nomen aliquid ponit, aut ergo secundum quod negatiue, aut secundum quod priuatiue tenetur. Nō secundum quod negatiue, hoc constat. Si ergo secundum quod priuatiue tenetur, sed priuatio tollit actum, & ponit aptitudinem: ergo secundum hoc *ingenitum* idem erit quod aptus generari: sed nondum genitus, sed hoc nulli conuenit: ergo, &c.

2. ITEM omnis relatio in diuinis in concretionem significata importat distinctionem: & ideo nulla dicitur de essentia secundum modum denominationis: hæc enim est falsa: Essentia generat: sed ingenuus dicitur de essentia, nam diuina essentia est non genita, cum eius oppositum de essentia non prædicetur, scilicet genitus: ergo, &c.

3. ITEM

Fundamenta.
Ca. 7. 2. 3.

Ad Oppositum.

3. ITEM negationes se habent e contrario affirmationibus: sed genitus est in minus quam relatus, & generatio quam relatio: ergo ingenuus est in plus quam non relatus, & ingeneratio quam non relatio, sed non relatus vel non relatio non dicitur secundum relationem, quia tunc opposita implicaret: ergo cum in plus sit hoc quod est ingenuus, non est in genere relationis: ergo, &c.

4. ITEM omnis relatio in diuinis aut est respectu principii, aut respectu principii: ergo si hoc quod est ingenuus dicitur relationem, aut respectu principii, aut respectu principii. Sed non respectu principii, quia tunc pater haberet principium, quod est inconueniens. Si respectu principii, tunc non eius est negatio cuius fuit affirmatio, nam genitus dicitur respectu principii, quia ab aliquo: ergo si ingenuus non dicitur respectu principii, tunc negatio non dicitur respectu eius, respectu cuius fuit affirmatio: ergo non dicitur relationem ad principium, quia non permittit nomen: nec ad principium, quia non permittit res.

CONCLUSIO.

Nomen, Ingenium, dicitur secundum relationem priuatiue, & positue, secundum quod proprie ipsi personæ Patri conuenit.

Rasp. Ad Arg. Dicendum est quod circa hoc diuersæ sunt positiones, omnes enim posuerunt, quod hoc quod est, *ingenium*, dicitur secundum relationem, sed differenter. Quidam enim dixerunt, quod *ingenium* solum dicitur relationis priuationem, & illud solum sufficit ad hoc quod dicatur notionaliter, quoniam priuatio potest esse principium distinguendi & innotescendi, sicut ouis non signata à signata. Et iterum negatio dicit nobilitatem, sicut non regi in rege, non causari in causa, non produci in principio. Sed ista positio non potest stare, quia pura negatio nec distinguitur nec dicit nobilitatem, nec distinguit. Non distinguitur: nam negatio relationis dicitur de essentia. Non dicit nobilitatem, nam omnis nobilitas ponit aliquid per modum positionis. Non distinguit, quia non est relatio. Alii posuerunt quod hoc quod est *ingenium*, dicitur secundum relationem, & positue, quia priuando unam, ponit aliam, sicut inæquale priuat æqualitatem, & ponit relationem illi oppositam. Similiter & hoc quod est dissimile, unde & relationem importat positue. Sic hoc quod est *ingenium*, priuando relationem ad genitorem, ponit relationem oppositam ad non genitorem, & hoc dicunt sentisse Augustinum qui dicit, quod sicut genitus ad genitorem, ita non genitus ad non genitorem dicitur. Sed ista positio non potest stare, quia non genitus, aut dicitur ad principium, aut ad principium. Si ad principium, ergo respectu illius non potest dici hoc nomen, *ingenium*, cum genitus dicatur in respectu ad principium, & idem significatum sit in hoc nomine *genitus*, & *ingenitus*, & *ingenitus* differat sola negatione: ergo necesse est quod hoc nomen, *ingenium*, dicatur respectu principii. Si autem hoc est verum: ergo secundum hoc poneretur Pater habere principium respectu cuius dicatur, & iterum illud principium dicitur non genitor, sed non generare non dicit principium, sed priuationem illius. Tertius modus dicendi est quod hoc nomen, *ingenium*, secundum quod assimilatur notio patris, dicitur secundum relationem partim priuatiue, partim positue. Propter hoc notandum, quod sicut dicit Augustinus idem est ingenuus, & uo genitus. Non genitus autem tripliciter potest accipi, sicut non album, quia potest esse negatio in genere, vel extra genus, vel partim in genere, & partim extra genus. Et secundum quod est negatio extra genus, sic generaliter priuat, & non ponit aliquam qualitatem, sicut potest dici non album, quod non est in genere coloris, vel qualitatis. Secundum quod est negatio in genere, sic priuat albedinem, & ponit qualitatem contrariam ut non album, quia caret albedine, sed tamen est nigrum. Secundum quod partim in genere, partim extra genus, in

genere scilicet, & extra genus proximum, sic non album dicitur quod caret tam albedine quam colore, habet tamen qualitatem. Per hunc modum intelligendum est in proposito, nam hoc quod est *ingenium*, importat ordinem in ratione genetis remoti, & ordinem ad principium in ratione proximi, & ordinem talem per modum naturæ in ratione completiui. Si igitur *ingenium* sit negatio extra genus, sic dicitur *ingenium* quod non generatur, nec etiam habet ordinem vel relationem, & hoc modo pure dicit priuationem, & dicitur de essentia, nec dicitur secundum substantiam, nec secundum relationem, eo quod priuatio solum est. Alio modo potest esse negatio in genere, & tunc *ingenium* dicitur quod non generatur, habet tamen ordinem ad principium, & hoc modo dicit relationem substratam: sed tamen ex hoc non dicit nobilitatem, & sic conuenit Spiritui sancto, nec tamen est notio. Tertio modo potest esse negatio quodam modo in genere, quodam modo extra genus, & sic dicitur *ingenium* quod non generatur, habet tamen ordinem: sed non ad principium, & hoc modo dicit priuationem relationis respectu principii. Si enim habet ordinem, & non ad principium: ergo ipsum est primum & principium, & hoc modo dicit nobilitatem, sicut & principium: & decuit illam per negationem significari, quia prima cognoscuntur per negationem, & hoc modo est notio. Sed quoniam *ingenium* de ratione sui nominis non videtur dicere nisi priuationem vel negationem generationis. Propter hoc dicendum est quarto modo quod hoc nomen, *ingenium*, secundum quod conuenit Patri proprie, dicit relationem priuatiue, sed ex hoc ipso ex consequenti dicit relationem positue. Quod patet sic. Non generari enim dicitur qui simpliciter non generatur, & sic conuenit non tantum Patri, sed essentia, & Spiritui sancto, sed ultra hunc intellectum, prout proprie conuenit Patri, addit, quia Pater non generatur, nec per generationem accipitur, & sic excluditur essentia quæ per generationem accipitur, sed adhuc conuenit Spiritui sancto. Propter autem conuenit soli Patri, sic dicitur *ingenium*, quia non generatur, nec per generationem accipitur, nec generationem consequitur. Per primum membrum excluditur Filius, per secundum Essentia, per tertium Spiritus sanctus, cuius processio præsupponit generationem secundum ordinem originalem, quia procedit ut nexus à Patre, & Filio. Quamuis enim in diuinis non sit prius & posterius, tamen secundum originem, & rationem intelligendi prior est generatio filii quam processio Spiritus sancti, ut supra ostensum fuit, & tamen sunt simul natura. Sic ergo large accepto verbo consequendi, cum ibi proprie non sit præcedere & sequi, tripliciter dicitur aliquis esse *ingenium*, aut quia non producit per generationem: nec per generationem accipitur, siue habetur: aut quia nec producit, nec accipitur, nec consequitur: hoc igitur modo *ingenium* importat nullo modo esse ab alio, & ita primitatem, ac per hoc fontalem plenitudinem, sicut ostensum fuit in principio dist. præcedentis, & sicut patet ex principio dist. sequentis, ubi dicitur quod Pater est principium totius diuinitatis, quia à nullo est, & ita in principali intellectu dicit relationem priuatiue, ex consequenti positue, & ita non dicit negationem quæ nihil ponit. Unde concedenda sunt rationes ad hoc.

1. Ad illud quod obiicitur quod nihil ponit secundum quod negatiue, dicendum quod falsum est, quia non est negatio extra genus, sicut si dicitur chimæra est ingenua, imo est negatio cum constantia subiecti, & talis negatio in subiecto summam relinquit nobilitatem.

2. Ad illud quod obiicitur quod dicitur de essentia, dicendum quod verum est: sed secundum quod solam dicitur priuatiue, & sic non est proprietas Patris, secundum autem quod proprietas Patris, non dicitur de essentia.

3. Ad illud quod obiicitur quod negationes e contrario se habent affirmationibus, dicendum quod illud non semper est verum de negatione in genere: sed extra genus. Non album enim prout est negatio in ge-

nere, non

Aug. 5. de
Tr. 6. 7. 20. 3.

Aug. 5. de
Tr. 6. 7.
& 9. 10. 3.
Hic impu-
gnatur à
Sco. dist. 28.
q. 2. ar. 2. &
q. 4. quolib.
ibi. Contra
istam ratio-
nem.

Videtur co-
cordare S.
Th. 1. 2. 1.
1. 1.

Dist. 12. q.
1. 1.

Quæst. 2. ad
1. 1.

Art. I.

tere, non dicitur superius ad hoc quod est non quale: si-
militer *ingenitum* ad hoc quod est non relatum non est
superius.

Aug. 5. de
Tr. 6. 7. 50. 3.

QVÆSTIO II.

*An innaſcibilitas eandem relationem dicat,
quam paternitas.*

Henricus in summa art. 55. q. 3.

Steph. Brulef. 1. Sent. dist. 28. q. 2.

Petrus de Tarantasia. 1. Sent. dist. 28. q. 6.

**Funda-
menta.**

Lis. de Tr.
60.10.3.

ITEM relationes diuersificantur penes terminos, quia relatio secundum quod huiusmodi ad alterum est, sed *ingenuus* dicitur per priuationem prioris, scilicet Patris, & Pater secundum positionem germinis vel Filii: ergo dicunt respectum secundum aliam, & aliam partem: ergo, &c.

ITEM plus differt generatio & ingeneratio, quam generatio, & spiratio: nam hic est oppositio propria, ibi autem solum disparatio: sed alia relatio est generatio, & spiratio: ergo & generatio & ingeneratio: sed generatio, & paternitas est eadem, ut supra ostensum est: ergo innascibilitas & paternitas non sunt eadem relationes.

Ad oppo-
situm.

2. ITEM relationes in diuinis personis non accidunt, sed esse tribuunt personæ: ergo si vnius personæ vnicum est esse, vnica eius erit relatio: sed Pater est vna persona, & conuertitur ei innascibilitas, & paternitas: ergo, &c.

3. ITEM sicut se habet nascibilitas in Filio ad filiati-
onem, ita in nascibilitas in Patre ad paternitatem, sed in fi-
lio eadem est relatio, nascibilitas, & filiatio, ergo, &c.

4. ITEM Philosophus ait: Primum & principium idē dico: sed innaſcibilis dicit illud quod dicit ratione primi, pater in ratione principij : ergo dicunt eandem habitudinem, & relationem: ergo non ſunt duæ relationes, ſed

§:§

Quæst. I.

CONCLUSION.

Innascibilitas aliam rationem importat in persona Patris, siue quantum ad principalem, siue quantum ad consequentem intellectum, cum ex principali dicat respectum ad principium per modum privationis: Pater vero dicit habitudinem ad principium per modum positionis.

Obicit cō-
tra hac Sco.
q.2.art 2.
dist.28.-

1. Ad illud ergo quod obiicitur quod dicit respectu
personę ad personam, dicendum quod priuatiue siue ne-
gatiue non dicit respectum ad personam. Et quod dicit
quod omnis relatio dicit respectum ad personam, intel-
ligitur de illa quę dicit positionem. Secundum autem
quod accipitur quantum ad consequentem intellectum,
dicit respectum ad vtramque personam. Quod obiicitur
quod non est vna communis relatio, dicendum quod
verum est quantum ad principalem intellectum, tamen
bene potest esse quantum ad consequentem, vti quod
nomen dicat plenitudinem respectu vtriusque.

2. Ad illud quod obiicitur quod relatio dat personæ
existere, dicendum quod non quæcumque, sed quæ est
relatio personalis. Quæ autem sit illa, infra patebit.

3. Ad illud quod obiicitur q̄ in filio idē est nascibi-
litas & filiatio: ergo, &c. dicendū quod nō sequitur, quia
non opponuntur eodem genere oppositionis: quia pa-
ternitas & filiatio opponuntur relatiue, non sic nascibi-
litas, & innascibilitas, immo magis contradictorie vel
contrarie.

4. Ad illud quod obiicitur quod primum, & principium est idem, dicendum quod primum dicitur dupliciter, aut per priuationem prioris, & sic primum, & principium idem sunt in re, & non ratione. Alio modo primum dicitur respectu secundi, & sic primum & principium idem sunt re, & ratione, & sic non significatur primum per hoc nomen *innascibile*, importat enim primatatem per priuationem prioris, vt patet ex ipsa nominis impositione.

QVÆSTIO III.

*An inaccessibilitas vel Paternitas Patris proprietas
vel relatio sit.*

Alex. Aiensis 1. p. q. 69. *Membro 3*

S. Tho. i. p. q. 33. art. 4.

Et 1. Sent. dist. 28. q. 1. art. 1.

Scotus 1. Sent. dist. 28. q. 1. & 2.

Agid. Rom. i. Sent. dist. 28. q. 1. C.

Richard: Sentent diff 28 art 2 = 2

Dutardus 1. Senr diff 18 a 2

Franciscus de Marr. t. Sent. diff. 28 a r.

Thom. Arg. 1. Sent. dist. 28. q. 1. art. 1.

Gabriel Biel. 1. Sent. dist. 28. q. 1.

Vtrū innascibilitas sit proprietas, siue relatio personalis personę Patris, an paternitas. Et quod sit paternitas,

ternitas,

ternitas, videtur, quia illa est proprietas personalis per quam personæ ab omnibus separatur: sed talis est hæc relatio, paternitas: ergo, &c.

ITEM illa est proprietas personalis per quam persona propriissime nominatur & exprimitur: sed persona patris propriissime exprimitur per paternitatem: ergo, &c.

ITEM sicut filiatio se habet ad filium, sic paternitas ad patrem, sed filiatio est personalis relatio personæ filii, ergo & paternitas patris.

ITEM illa est proprietas personæ quæ dicitur per modum positionis, & propriæ habitudinis: sed inter omnes relationes quæ dicuntur de patre, sola paternitas est talis, & ergo &c.

Ad oppositum.

1. CONTRA: Proprietas siue relatio personalis dat esse personæ: sed paternitas non dat esse personæ patris, quia nihil habet esse ex hoc quod alteri dat esse: sed persona patris dicitur pater, quia alteri dat esse, ergo &c.

2. ITEM non intellecta proprietate personali, impossibile est intelligere personam, sed non intellecta paternitate est intelligere habentem diuinitatem, & innascibilitatem: cum ergo innascibilitas sit proprietas personæ patris, ergo &c.

3. ITEM proprietas personalis debet dicere totum esse personæ: sed paternitas non nominat personam patris secundum omnem plenitudinem fecunditatis, sed innascibilitas, ergo &c.

1. de orth. fide. Cap. 9. ad 11.

4. ITEM Damasc. In diuinis omnia sunt vnum præter generationem, ingenerationem, & processionem. Constat quod non nominat omnes proprietates, ergo solum personales, ergo ingeneratio est proprietas personalis, & non nisi patris, ergo, &c.

CONCLUSIO.

Paternitas, & non innascibilitas est proprietas siue relatio personæ patris, cum primam dicat habitudinem per modum positionis, & completionis.

Fundamenta. Hil. 12. de Trin. post principium li. 5. de Tr. c. 9. Aug. de fide ad Pet. c. 2. in prin. tom. 3.

RESP. Ad Arg. Dicendum quod sicut dicit communis opinio & habetur ex verbis Magistri & Sanctorum scilicet Hilarij & August. paternitas est notio personalis patris. Ad hoc enim quod aliqua relatio sit personalis, oportet quod dicat illius personæ primam, & propriam habitudinem, & per modum positionis, & completionis: sed constat quod innascibilitas quantum ad primum intellectum non dicit positionem: quantum ad consequentem intellectum non dicit specialem relationem, sed fontalem plenitudinem. Similiter spiratio non dicit propriam relationem, & ideo necesse est quod paternitas dicat: unde & rationes ad hoc inductæ concedendæ sunt.

1. Ad illud ergo quod obiicitur, quod proprietas dat esse personæ: Dicendum quod illud non est intelligendum de esse simpliciter, sed de esse personali, siue de esse distincto, & ipsa paternitatis auctoritas in diuinis non accidit illi hypostasi, immo dicit illius personæ complementum, ratione cuius est hoc. Quamuis ergo pater non habeat esse ex hoc quod dat alteri esse, tamen nihil impedit ipsum ex hoc esse personam distinctam.

2. Ad illud quod obiicitur quod est intelligere personam patris, &c. Dicendum quod intellectu plene apprehendente & rationabiliter procedente, non est intelligere personam patris, vel hypostasim sine paternitate, quia si intelligatur innascibilis, & ita quod non adsit paternitas, innascibilis dicit priuationem, nec aliquid dicit circa patrem quod non dicat etiam circa essentiam, & ideo non intelligitur ut proprietas personalis, nec est alia: immo sunt proprietates naturales, & ideo non intelligitur persona Patris, ut distincta, siue hypostasis illa. Nam proprietas innascibilitatis, ut proprietates, includit proprietates, & relationes respectu principii: alioquin (ut supra ostensum est) non est proprietas.

Ad illud quod obiicitur quod proprietas personalis dicit totum esse personæ, dicendum quod si dicatur totum

esse, id est perfectum, completum, & proprium, sic habet veritatem. Si autem intelligatur, quod dicit totum esse, id est omnem habitudinem, sic falsum est: quia non debet dicere omnem: sed necesse est, quod dicat vnā determinatam, aut nullam determinate diceret, & ita non erit notio personalis.

4. Ad illud quod obiicitur de Dama. dicendum quod non enumerat omnes proprietates personales, secundum quod personales, sed intendit relationes sub illis comprehendere, & sub generatione duas personales comprehendit: sub processione duas, vnā personalem, aliā non personalem: sed sub ingeneratione dicit solum innascibilitatem, quæ proprietas est, licet non personalis.

QUESTIO III.

An improcessibilitas sicut innascibilitas notionem dicat in Patre.

Alex. Alex. 1. p. q. 69. Memb. 4.

Steph. Brulef. 1. Sent. dist. 28. q. 4.

Petrus de Tarantaf. 1. Sent. dist. 28. q. 2.

Ad oppositum.

Verum improcessibilitas sit notio Patris, sicut innascibilitas. Et quod sic, videtur: quia sicut Pater differt à Filio per innascibilitatem, ita à Spiritu sancto per improcessibilitatem: ergo sicut innascibilitas est notio Patris, similiter videtur quod improcessibilitas.

2. ITEM sicut nobilitas est Patris, non generari, ita est non spirari: ergo si propter rationem nobilitatis, est patris non generari, ita est non spirari: ergo si propter rationem nobilitatis ponitur innascibilitas eius notio, similiter debet poni improcessibilitas.

3. ITEM sicut generare conuenit Patri per hoc quod innascibilis, ita & spirare per hoc quod est improcessibilis siue inspirabilis: ergo sicut innascibilitas notio est, quia non tantum dicit priuationem, sed etiam positionem, ita videtur quod improcessibilitas. Si tu dicas quod improcessibilitas clauditur sub innascibilitate, obiicitur: quia filio conuenit improcessibilitas, & tamen numquam innascibilitas: ergo est alia notio saltem in filio, ergo saltem in eo debet esse notio. Si tu dicis quod non dicit nobilitatem.

CONTRA: Omne quod dicitur in diuinis ad nobilitatem pertinet, alioquin non dicitur ibi: ergo si dicitur improcessibilitas de filio, videtur sonare nobilitatem.

IVTA hoc queritur, cum pater communicet alicui improcessibilitatem siue inspirabilitatem, quare non similiter communicet innascibilitatem.

CONTRA: Si improcessibilitas est notio: ergo notiones plures sunt quam quinque, quod est contra communem opinionem.

ITEM si improcessibilitas est notio, aut hoc est quia simpliciter priuat esse ab aliquo, aut quia priuat spirationem. Si primo modo, non differt ab innascibilitate. Si secundo modo, tunc non differt à spiratione actiua, quia non spiratur qui spirat.

ITEM si non procedere, esset notio, eadem ratione non producere: sed hoc est falsum, ergo, &c.

Si dicatur quod non est simile, quia non producere non dicit nobilitatem. CONTRA: Non producere personam, dicit statum emanationis: & sicut ratio principiante quod non est aliquid dicit nobilitatem, similiter ratio status ultra quem non est procedere: ergo nobilitatem dicit: si ergo non est aliud quare non dicatur notionaliter, videtur quod non producere,

sit notio, ut non spirari.

—S:—



Fundamenta.

CONCLV-

CONCLUSIO.

Improcessibilitas, notio ipsius patris dici non debet, cum neque primo, neque ex consequenti positivè significet aliquid.

Fundamenta.

RESP. Ad Arg. Ad prædictorum intelligentiam est notandum, quod nihil potest esse notio in divinis nisi dicat respectum positivum, vel ex primo intellectu, vel ex consequenti. Si enim solum priuat relationem, ita dicitur de essentia sicut de persona. Vnde sicut dicitur quod Pater non producit, nec Spiritus sanctus personam producit: ita etiam essentia produci non dicitur, & etiam personam non producere: & sicut non potest esse notio hoc quod est *ingenitus* nisi ponat respectum positivum, ex consequenti & hunc ponit sicut visum est: similiter nec hoc quod est *inspirabilis* potest esse notio nisi ponat respectum positivum: hunc autem non ponit nisi secundum quod ponit primatatem respectu inspirationis, sicut innascibilitas respectu generationis: ut sicut innascibilis dicitur qui nec generatur, nec generationem consequitur: ita improcessibilis qui nec procedit, nec processionem consequitur. Et quoniam omnis emanatio vel est generatio, vel ad generationem consequitur: quia generatio dicit primum emanationem: ideo innascibilis priuat omnem emanationem: & ideo dicit fontalem plenitudinem, nec tantum respectu generationis, sed inspirationis: & ideo innascibilitas nec generatio est, nec spiratio. Sed improcessibilis dicitur, quia nec spiratur, nec spirationem consequitur, & sic non excluditur filius siue generatus. Filius enim generatur, & tamen non spiratur, nec spirationem consequitur. Improcessibile igitur non priuat nisi unam solam emanationem: & ideo dicit solum partem istius fontalis plenitudinis: & ideo improcessibilitas non potest esse notio distincta in Patre ab innascibilitate, nec in filio à spiratione, nec importat fontalem plenitudinem, sed solum in spirando.

1. 2. 3. QUAMVIS igitur improcessibilitas possit dicere nobilitatem; tamen quia non distinguit ab aliis assignatis, ideo non ponit in numerum cum aliis: & sic patent tria prima obiecta quod improcessibilitas distinguit, & dicit nobilitatem, & dicit fecunditatem: quia rationes non valent, eo quod hoc totum in aliis rationibus assignatis clauditur: ideo contra alias non distinguitur.

Ad dub. later.

AD illud quod quaeritur, quare non communicatur innascibilitas, sicut improcessibilitas, dicendum quod sicut patet, quia improcessibilitas non claudit in suo intellectu non esse ab alio, sicut facit innascibilitas: sed solum dicit non spirari. Pater autem nulli potest communicare, quod non sit ab alio: potest tamen communicare alij, quod non spiretur.

Ad ult. fundamentum.

AD illud quod obiicitur quare non producere non est notio: dicendum quod non est nobilitatis: & esto quod esset, quia illud non videtur principaliter considerari in ratione sui nominis, dicendum quod illud est ratio, quia non dicit respectum positivum quantum est de ratione sui nominis: & ideo simpliciter potest convenire essentia, & ideo non est notio. Non sic autem est de innascibilitate, ut in præcedentibus visum est.



A

DISTINCT. XXIX.

DE PRINCIPIO QVOD RELATIVE DICTVR, ET MVLTIPlicEM NOTAT RELATIONEM.



ST præterea aliud nomen multiplicem notans relationem, scilicet principium. Dicitur enim principium semper ad aliquid. Et dicitur Pater principium: & Filius principium, & Spiritus sanctus principium: sed differenter. Nam Pater dicitur principium ad Filium, & ad Spiritum sanctum. Vnde Augustinus in lib. 4. de Trin. ait: Pater est principium totius divinitatis, vel si melius dicitur, deitas: quia ipse à nullo est. Non enim habet de quo sit, vel de quo procedat, sed ab eo & Filius est genitus, & Spiritus sanctus procedit: Non ergo dicitur principium totius Deitatis, quod vel sui, vel divina essentia principium sit, sed quia principium est Filii, & Spiritus sancti, in quibus singulis tota divinitas est. Filius ad Spiritum sanctum dicitur principium. Spiritus vero sanctus non dicitur principium nisi ad creaturas: ad quas Pater etiam dicitur principium, & Filius, & Trinitas ipsa simul, & singula personarum principium dicitur creaturarum. Pater ergo principium est sine principio: Filius principium de principio: Spiritus sanctus principium de utroque, id est, de Patre & Filio.

Quod ab æterno Pater est principium, & Filius, sed Spiritus sanctus non: imo cœpit esse principium.

Et Pater ab æterno principium est Filii, & Pater & Filius principium Spiritus sancti: quia Filius est à Patre, & Spiritus sanctus ab utroque. Spiritus vero sanctus non ab æterno principium est, sed esse cœpit: quia non dicitur principium nisi ad creaturas. Cum ergo creatura esse cœperunt, & Spiritus sanctus esse cœpit principium earum. Ita etiam Pater & Filius esse cœpit cum Spiritu sancto unum principium creaturarum: quia creatura esse cœperunt à Patre: & Filio, & Spiritu sancto: Et dicuntur hi tres, non tria, sed unum principium omnium creaturarum: quia uno eodemque modo principium rerum sunt. Non enim aliter sunt res à Patre, & aliter à Filio, sed penitus eodem modo. Ideo Apostolus intelligens hanc Trinitatem esse unum principium rerum ait: Ex ipso, per ipsum, & in ipso sunt omnia. Cum vero audimus omnia esse ex Deo, ut ait Augustinus de natura boni, omnes utique naturas intelligere debemus, & omnia quæ naturalia sunt. Non enim ex ipso sunt peccata, quæ naturam non servant, sed viciant, quæ ex voluntate peccantium nascuntur. Omnium ergo quæ naturaliter sunt, unum principium est Pater cum Filio & Spiritu sancto, & hoc esse cœpit. Ab æterno autem Pater principium est Filii generatione, & Pater & Filius unum principium Spiritus sancti. Vnde Augustinus in quinto libro de Trinitate ait: Dicitur relative Pater, idemque relative dicitur principium. Sed Pater ad Filium dicitur, principium vero ad omnia quæ ab ipso sunt. Et principium dicitur Filius. Cum enim diceretur ei: Tu quis es? Respondit, Principium, qui & loquor vobis. Sed numquid Patris principium est? immo Creatorem se voluit ostendere, cum se dixit esse principium: sicut & Pa-

Cap. 20. inter post medium. Ibid. in sententia circa med.

Rom. 11. d

Cap. 28. rom. 6.

Ibidem.

Cap. 13.

Ioan. 8. c

Aug. super
Psal. 109.
10.8.

1. Co. 12.6

ter principium est creatura, quia ab illo sunt omnia. Cum vero dicimus & Patrem principium, & Filium principium, non duo principia creatura dicimus, quia Pater & Filius simul ad creaturam unum principium est, sicut unus Creator. Si autem quidquid in se manet & gignit, vel operatur aliquid, principium est eius rei quam gignit, vel eius quam operatur, non possumus negare etiam Spiritum sanctum recte dici principium: quia non cum separamus ab appellatione Creatoris: quia scriptum est de illo, quod operetur, & utique in se manens operatur. Non enim in aliquid eorum qua operatur, ipse mutatur & vertitur. Vnum ergo principium ad creaturam cum Patre & Filio est Spiritus sanctus, non duo vel tria principia. Ecce aperte ostendis Augustinus Patrem & Filium & Spiritum sanctum esse unum principium rerum creaturarum, id est, uno eodemque modo esse principium, & illum modum satis aperit, quia scilicet operantur omnia, & quia similiter operantur hi tres, ideo unum principium esse dicuntur.

Hic ostenditur quo modo Pater sit principium Filii, & ipse & Filius principium Spiritus sancti.

Deinde in eodem libro continue ostendit quo modo Pater dicatur principium ad Filium, & ad Spiritum sanctum ipse & Filius, dicens, ideo esse Patrem principium Filii, quia genuit eum, & Patrem & Filium esse principium Spiritus sancti, quia Spiritus sanctus procedit vel datur ab utroque, ait enim ita: Si gignens ad id quod gignitur principium est, Pater ad Filium principium est, quia genuit eum. Verum autem & ad Spiritum sanctum principium sit Pater, quia dictum est: de Patre procedis, non parva questio est. Quod si ita est, non iam principium eius tantum erit rei quam gignit, vel facit, sed & eius quam dat, & quae procedit ab ipso. Si ergo quod datur vel quod procedit principium habet à quo datur vel procedit, fatendum est Patrem, & Filium unum principium esse Spiritus sancti, non duo principia. Sed sicut Pater & Filius ad creaturam relative unus Creator & unus Dominus dicitur, sic relative ad Spiritum sanctum unum principium. Ad creaturam vero Pater & Filius & Spiritus sanctus unum principium sunt, sicut unus Creator & unus Dominus. Ecce habes quod Pater principium Filii dicitur, quia genuit eum. Quae ergo notione est Pater, ea principium Filii dicitur, id est, generatione, secundum quam etiam dicitur auctor Filii. Unde Hilarius in quarto libro de Trinitate ita ait: Ipso, quo Pater dicitur, eius, quem genuit, auctor ostenditur, id nomen habens, quod neque ex alio perfectum intelligatur, & ex quo is, qui genitus est substituisse doceatur. Non ita Ecclesia unum innascibilem Deum, novis Unigenitum Dei Filium. Confitetur Patrem ab origine liberum, confitetur & Filii originem ab initio, non ipsum ab initio, sed ab initiabili: non per se ipsum, sed ab eo, qui à nemine est, natum ab aeterno, natiuitatem scilicet ex paterna aeternitate sumentem. Edita est hic fidei professio, sed professionis ratio nondum exposta est: & ideo querenda, scilicet quo modo intelligendum sit quod ait, filii originem esse ab initio, & non ipsum esse ab initio, sed ab initiali. Hoc utique subdens determinauit, quo modo acceperit initium, inquit, originem Filii esse ab initio, ac si diceret: Non ita intelligas originem Filii esse ab initio, quasi ipse Filius habeat initium, sed quia ipse est ab initiabili, id est, à Patre à quo sunt omnia. Nam licet Filius sit principium de primi-

Aug. lib. 5.
de Tr. c. 14.
com. 3.

Non longe
à primo.

Ibidem super
primam.

incipio, non est tamen concedendum quod Filius habeat principium. Cumque Filius sit principium de principio, & Pater principium non de principio, non est principium de principio, principium sine principio, sicut Filius non est Pater, neque tamen duo principia, sed unum, sicut Pater, & Filius, non duo Creatores, sed unus Creator.

Cum Pater, & Filius sint unum principium Spiritus sancti, quaeritur an eadem notione.

Unum autem principium sunt Pater & Filius, non tantum creaturarum, ut dictum est supra, sed etiam Spiritus sancti, ideo queri solet, utrum eadem notione Pater sit principium Spiritus sancti, & Filius, an sit alia notio, qua Pater dicatur principium Spiritus sancti, & alia qua Filius. Ad quod dicimus, cum Pater dicatur principium Spiritus sancti, & Filius, quia Spiritus sanctus procedit vel datur ab utroque, nec aliter procedit vel datur à Patre quam à Filio, sane intelligi potest Patrem & Filium eadem relatione, vel notione principium dici Spiritus sancti. Si vero queritur quae sit illa notio, quam ibi notat principium, nomen eius non habemus, sed non est ipsa paternitas vel filiatio, immo notio quadam Patris est & Filii, quae ab aeterno Pater, & Filius unum principium est Spiritus sancti. Donator autem (ut praedictum est) dicitur Pater vel Filius ex tempore, sicut Spiritus sanctus datum vel donatum.

† Docet
est in Con-
cilio Lugdun.
& habetur
in c. de sum-
ma Trinit.
quod dica-
tur spiri-
tus.

DISTINCT. XXIX.

De his quae proprie & aeternaliter dicuntur de Deo secundum relationem seu proprietatem seu personalem, quae est communis spiratio significata per hoc nomen principium.

Est praeterea aliud nomen multiplicem notam relationem.

Expositio textus.

Supra egit Magister de proprietate non personali, quae est innascibilitas. Hic secundo agit de proprietate, sive notione non personali, quae est communis spiratio significata per hoc nomen, principium. Et quoniam illud nomen non tantum notionaliter accipitur, immo etiam essentialiter: ideo distinguit primo huius nominis multipliciter, secundo manifestat huius nominis unitatem secundum quod dicitur de Patre & Filio respectu Spiritus sancti ostendens quod sunt unum principium Spiritus sancti, & hoc ibi deinde in eodem libro, continue. Prima pars habet duas. In prima distinguit huius nominis multipliciter. In secunda vero membra suae distinctionis explanat, ostendens per auctoritates quod principium habet omnes illas acceptiones, & hoc, ibi: Est Pater ab aeterno principium est Filius. Similiter secunda pars, in qua agit de hoc nomine, principium, specialiter prout dicitur notionaliter, & essentialiter, habet duas. In prima ostendit quod Pater, & Filius sunt unum principium, ibi: Deinde in eodem libro. In secunda, qua unitate sunt unum, scilicet unitate notionis, ibi: Unum aut principium sunt, &c. ubi ostendit quod eadem notione sunt principium, & quod illa notio est spiratio.

Diuisio.

¶ S. S.



Pater est principium totius diuinitatis, &c.

Dub. I.

Quæritur pro quo stat ibi hoc nomen, *principium*. Non enim potest stare pro essentia, nec pro persona, quia vtrumque dicit quantum est de se absolutum: aut ergo stat pro paternitate, & hoc falsum, quia non est Pater Spiritus sanctus. Nec pro spiratione, quia spiratio non est respectu Filii. Nec communiter ad vtrumque, quia nihil habent commune nisi essentiam. Nec pro innascibilitate, quia innascibilitas non dicit respectum ad personam, sed priuationem respectus: ergo omni modo est falsa.

RESP. Dicendum quod sensus locutionis hic est: Pater est principium totius deitatis, id est, omnium personarum in deitate, & est distributio accommodata, sicut dicitur cælum continet omnia, se scilicet excepto. Si autem quæretur pro quo stat hoc nomen, *principium*, dicendum quod stat pro paternitate simul, & spiratione, quia per paternitatem est principium Filii, per spirationem principium Spiritus sancti: per vtrumque principium vtriusque. Quod ergo obiicitur quod non habent commune, dicendum quod non conueniunt in notione vnica conuenientia formali: tamen conuenientia originali, in eadem persona, & eiusdem persone proprietate. Quia enim persona patris à nullo est ut dicitur in littera: ideo enim modo productionis producit, & ideo est principium totius deitatis. Vnde idem importatur nomine principii cum dicitur principium deitatis intellectu principali, quod importatur nomine innascibilitatis quantum ad intellectum consequentem, & ex hoc verbo, & ex hac ratione verbi confirmationem recipit ista positio, quæ dicit quod innascibilitas dicit in Patre plenitudinem fontaliter, siue fontalem plenitudinem, licet ex consequenti intellectu.

Pater ergo principium est sine principio, &c.

Dub. II.

Quæritur de huiusmodi locutionibus qualiter accipitur ibi hoc nomen, *principium*, cum dicitur, principium sine principio, principium de principio. Aut enim accipitur essentialiter, aut personaliter. Non personaliter, ut videtur, quia Spiritus sanctus dicitur esse principium de principio, & principium non conuenit ei nisi temporaliter. Præterea sicut dicit Magister distinct. 27. Non potest dici hoc de illo nisi quantum ad nomina substantia: ergo principium non potest accipi notionaliter. Et iterum pro qua notione acciperetur cum dicitur, Filius principium de principio: quia non pro filiatione, quia hoc conuenit Spiritui sancto, scilicet esse principium de principio. Non pro communi spiratione, quia communis spiratio conuenit Patri, cui non conuenit esse principium de principio.

Si tu dicas quod accipitur essentialiter. CONTRA: Essentia non est personæ principium, nec dicit respectum ad personam: ergo cum principium dicat respectum ad personam, non potest accipi essentialiter: & ita nullo modo.

RESP. Posset dici quod hoc nomen, *principium*, accipitur in comparatione ad creaturam, & trahitur ad personas per præpositiones additas, sicut cum dicitur Deus de Deo, & Deus non de Deo, & consimilia, & sic cessant obiectiones. Aliter potest dici quod hoc nomen, *principium*, non est impositum ad significandum respectum essentialem, vel personalem quantum est de se: sed indifferenter se habet ad vtrumque, & eius acceptio determinatur per adiunctum. Quando ergo dicitur de Patre, stat pro notione paternitatis, & spirationis communiter, & artatur per proprietatem innascibilitatis per hoc quod dicitur non de principio. Similiter in Filio stat pro communi spiratione cum filiatione, quæ importatur per hoc quod dicitur de principio. De Spiritu sancto vero dicendum quod stat essentialiter tantum, & hoc artatur ad personam per hoc quod dicitur de vtroque.

S. Bonau. Tom. 4.

Spiritus sanctus esse cepit principium eorum, scilicet creaturarum.

Dub. III.

Videtur dicere contra illud quod dictum est supra dist. 3 Ex perpetuitate creaturarum intelligitur Conditor æternus: si ergo Spiritus sanctus est æternus conditor: ergo æternaliter principium. Item in hymno:

Æternæ rerum Conditor.

Item ratione videtur quia res ab æterno fuerunt in Deo, sed non nisi sicut in principio: ergo ab æterno fuit principium.

RESP. Dicendum quod nomina, quæ dicunt effectum in creatura, possunt illum dicere actu, vel habitu. Si actu, ex tempore dicuntur. Si habitu, possunt dici æternaliter. Et quoniam principium potest sonare in actu, vel in habitu: ideo non potest dici solum temporaliter, imo etiam æternaliter: sed quoniam vsus magis accipit hoc nomen, *principium*, prout dicitur in actu, quam in habitu: ideo dicit Magister quod dicitur temporaliter. Quod obiicitur quod dicitur Conditor æternus, dicendum quod locutio duplex est. Tum ex parte eius quod est Conditor, quia potest dicere actu, vel habitu. Tum ex parte eius quod est æternus, quia potest teneri adiectiue, vel substantiue. Et si æternus teneatur substantiue, sic non ponit æternitatem circa conditionem, sed circa suppositum, & est locutio vera. Si adiectiue, & Conditor tenetur habitualiter, adhuc est locutio vera. Si actualiter, tunc falso. Sensus sunt manifesti. Nam vno modo sensus est, æternus conditor, id est, conditor, qui est æternus. Alio modo æternus conditor, id est, ab æterno potest condere in tempore. Et tertio modo æternus conditor, quia æternaliter condidit. Duobus primis sensibus est vera locutio, sed tertio sensu est falsa.

Ab æterno autem Pater principium est Filii.

Dub. IV.

Obiicitur: Pater, & Filius, & Spiritus sanctus non sunt principium nisi ex tempore: ergo secundum hoc, cum æternum sit ante temporale, per prius dicitur principium notionaliter in diuinis quam essentialiter.

SED CONTRA: Omne essentialiter dictum est communius: & quanto aliquid communius tanto prius: ergo per prius debet dici principium essentialiter, quam notionaliter.

RESP. Dicendum quod dupliciter est loqui de hoc nomine, *principium*, aut respectu se habet, sic cum intellectus essentia sit ante intellectum personæ, sic principium essentialiter dictum secundum rationem intelligendi præit principium notionaliter dictum, sicut opponit. Si autem respectu termini, sic principium essentialiter dictum respicit quod est diuersum per essentiam, & creatum: sed principium notionaliter dictum respicit personam consubstantialem, & increatam, & æternam: & ideo principium notionaliter dictum, dicitur æternaliter, & quantum ad hanc viam prius dicitur in Deo non solum quantum ad intellectum, sed etiam quantum ad rem: & sic patet de qua acceptione hoc nomen *principium*, dicitur per prius secundum diuersas comparationes.

Creatorem se voluit ostendere.

Dub. V.

Videtur falsum quod cum filius se dixerit principium, Creatorem se voluit ostendere, quia ipse respondit ad questionem Phariseorum quærentium: Tu quis es? Sed quærit de persona: sed principium secundum quod pro Creatore accipitur, tenetur essentialiter: ergo aut Dominus non respondit conuenienter, aut principium non stat pro Creatore ibi. Si dicas quod appropriatur filio.

CONTRA: tam ratio creationis quam ratio principii appropriatur Patri: ergo non Filio.

V 2

RESP.

Hymn. in Dom. ad Laudes ex S. Ambr. tom. 3.

Ioan. 8. d

RESP. Dicendum quod principium tenetur essentialiter, sicut dicitur in littera: sed tractum est ad personam Filii. Sed quod obicitur quod appropriatur patri, dicendum quod principium de ratione sui nominis non appropriatur filio, nisi per additionem, & sic in proposito, quia appropriatur per actum Verbi. Non enim dixit simpliciter: ego principium, sed ego principium, qui & loquor vobis.

Nam licet Filius sit principium de principio, non est tamen concedendum, quod Filius habeat principium.

Dub. VI.

CONTRA: Videtur debere concedi, quia omne relatiuum debet habere correlatiuum sibi correspondens: ergo si Filius cum dicitur principium de principio dicitur relatiue, debet habere correlatiuum quod est principium.

RESP. Dicendum quod habere principium dicitur dupliciter. Aut sicut correlatiuum, sicut Filius dicitur habere Patrem, & sic filius habet principium. Aut sicut dispositionem sui, & sic dicitur habere principium quod incipit esse, & sic filius non incipit esse, quia non incipit. Vel aliter. Est habere principium essendi, aut durandi. Primo modo filius habet principium, secundo modo, non.

ARTICVLVS I.

AD euentiam eorum, quæ dicuntur in presenti distinct. duo quærentur de hoc nomine. *principium*. Primo quæritur de ipso quantum ad multipliciter. Secundo, quantum ad unitatem. Et quantum ad primum, duo quærentur. Primo, supposito quod hoc nomen, *principium*, accipitur essentialiter, quæritur, utrum possit accipi personaliter, siue notionaliter. Secundo dato quod essentialiter, & notionaliter: quæritur, utrum de illis duobus modis accipiatur vniuoce, vel æquiuoce.

QVÆSTIO I.

An nomen hoc, Principium, personaliter vel notionaliter accipi possit in diuinis.

Alex. Alen. 1. p. q. 70. Membr. 2.

S. Thom. 1. p. q. 33. art. 1.

Et 1. Sent. dist. 29. q. 1. art. 2.

Scot. 1. Sent. dist. 29. q. 1.

Ægid. Rom. 1. Sent. dist. 30. q. 4.

Richardus 1. Sent. dist. 29. q. 4.

Durandus 1. Sent. dist. 29. q. 1.

Thom. Arg. 1. Sent. dist. 29. q. 1. art. 1.

Steph. Brulef. 1. Sent. dist. 29. q. 1.

Petrus de Tarantaf. 1. Sent. dist. 29. q. 1.

Fundamenta.

Ca. 16. 10. 3.

QVOD hoc nomen, *principium*, accipitur notionaliter videtur sic per Aug. 5. de Tr. Pater ad Filium principium est quia genuit eum: ergo idem importatur nomine principii quod nomine generationis: ergo tenetur personaliter, siue notionaliter.

ITEM hoc videtur ratione, quia ubicunque est ratio emanationis, & originis, ibi est vera ratio principii: sed in diuinis vere & proprie est ratio emanationis: ergo ibi vere & proprie est ratio principii.

1. CONTRA: Principium & primum sunt idem, ergo ubi cadit ratio principii, est dicere primum, & ubi est dicere primum, est dicere prius, quia superlatiuum præsupponit comparatiuum: & ubi prius, ibi posterius: ergo a primo, ubi est ratio principii, ibi est ratio posterioris: sed in diuinis nullo modo recipitur quod vna persona sit posterior alia: ergo nullo modo persona est principium personæ.

2. ITEM in creaturis idem est principium & initium, sicut patet per Philosophum, ergo ubi non recipitur initium, nec principium: sed omnes personæ in diuinis sunt sine initio, ergo & sine principio: ergo principium non dicit respectum personæ ad personam: ergo non accipitur personaliter, siue notionaliter.

3. ITEM idem est causa, & principium re, differens ratione, quia principium dicitur quantum ad fieri, causa quantum ad esse: ergo si maioris nobilitatis est esse, quam fieri, proprius debet ibi accipi ratio causæ, quam princi-

Ad oppositum.

Arist. 1. poster. contex. 13.

Aristot. 5. Metaph. contex. 2.

A prius: sed non recipitur quod vna persona sit causa, & alia sit effectus: ergo nec debet ibi recipi intentio principii.

4. ITEM Deus est alpha, & omega, principium, & finis, & utrumque est æqualis nobilitatis. Sed intentio finis ita dicitur de Deo essentialiter, quod nullo modo personaliter: Deus est enim ita finis creaturæ quod non est finis personæ: ergo similiter videtur quod ita est principium creaturæ quod nullo modo sit principium personæ.

Apo. 22. c.

CONCLUSIO.

Principij nomen absque vlla imperfectione recipitur in diuinis: ibidemque cum notionaliter, cum essentialiter accipi potest.

B RESP. ad arg. Dicendum quod in diuinis est vera origo, siue emanatio, non tantum vera, sed etiam completissima. Ad hoc autem quod sit perfectissima, necesse est quod emanans habeat cum producente æqualitatem omnimodam, ac unitatem in substantia, quia nihil potest æquari Deo nisi Deus: si ergo emanatio, & origo debet exprimi conuenienter, & catholice, debent recipi nomina dicentia originis veritatem, & non recipi nomina importantia imperfectionem, vel diuersitatem, vel inæqualitatem. Quoniam ergo principium, & principiatu dicunt originis veritatem, ideo utrumque recipitur in diuinis, maxime autem intentio principii. Sed quoniam posterius dicit imperfectionem, & initium similiter, quia dicit imperfectam durationem, scilicet inceptionem, & intentio causæ importat diuersitatem, quia causa est ad cuius esse sequitur aliud, & intentio finis inæqualitatem, quia finis melior est his, quæ sunt ad finem: Ideo nec intentio prioris, & posterioris, nec initii & initiati, nec causæ & effectus, nec finis & eius quod est ad finem, recipitur in persona respectu personæ: sed intentio producentis & producti, quia possibile est quod productus sit summe perfectus, & æquetur producenti, ideo recipitur in diuinis, similiter & intentio principii.

Dam. princip. vocat maiorem & causam lib. 1. c. 9.

1. AD illud quod obicitur quod ad principium sequitur prius, & ad prius posterius, dicendum quod sicut dicitur secundum Hilarium, Pater maior est Filio, nec tamen Filius minor, quia sonat imperfectionem hoc quod est minor: ideo quamuis recipiatur quod Pater sit prior Filio, quia iste est ab illo, non econuerso: non tamen recipitur quod iste sit posterior. Attamen nec ratio prioris omnino recipitur proprie, quia cum in diuinis sit ordo & origo, proprius est origo, & minus proprie ordo, nec est nisi solum ratione originis. Quoniam ergo principium principaliter importat originem, & prius ordinem, ideo simpliciter recipitur intentio principii. Intentio vero prioris minus proprie, & cum determinatione. Intentio autem principii prout priuat antequam, propriissime recipitur in Deo, maxime quantum ad personam Patris: & ideo non sequitur quod ita proprie dicatur prius, quod tantum dicit respectum ad posterius.

Hilar. 9. de Trin. 10. 3. & Damasc. lib. 1. c. 9.

2. AD illud quod obicitur de initio: dicendum quod initium vno modo accipitur large ad principium essendi, & durandi. Alio modo proprie ad principium durandi, ut illud dicatur habere initium quod incipit esse. Primo modo potest accipi in diuinis, & sic accipit Hilarius in littera: secundo vero modo non potest, & sic non æquiualeat principio.

3. AD illud quod obicitur de causa quod idem est quod principium, dicendum quod in creaturis idem est principium & causa, & hoc est, quia productum differt a producente: & ideo potest dici effectus eius, & istud potest dici causa, & in idem concurrunt intentio causæ, & principii, & similiter nomen: sed non ita in diuinis, quia ibi potest esse vnius substantiæ producens cum producto: ideo non valet illud.

4. AD illud quod obicitur de fine, iam patet responsio, quia finis quantum est de se dicitur excessum bonitatis respectu eius quod est ad finem, non sic principium respectu eius quod est ex illo, & ideo Deus non potest esse finis

nisi crea-

nisi creaturæ inæqualis: potest tamen esse, & est principium personæ omnino æqualis: & ideo vna persona non est finis alterius, est tamen principium.

QVÆSTIO II.

An hoc nomen, Principium, essentialiter, vel notionaliter sumptum vniuoce, vel æquiuoce dicatur.

*Alexand. Alex. 1. p. q. 70. Memb. 1.
Scot. in Repert. 1. Sent. dist. 2. q. unica.
Ægid. Rom. 1. Sent. dist. 29. q. 4.
Richardus 1. Sent. dist. 29. q. 2.
Steph. Brulef. Sent. dist. 29. q. 2.
Gab. Biel 1. Sent. dist. 29. q. unica.*

Ad oppositum.

Vtrum hoc nomen principium, cum accipitur essentialiter, & notionaliter, dicatur vniuoce, vel æquiuoce. Et quod vniuoce, videtur. Basilius dicit, quod Filius Dei accipere, cum creaturis est commune: sed habere per essentiam, proprium. Si igitur commune est accipere: ergo & dare, & si hoc, cum penes hoc accipitur ratio principii, respectu Filii, & respectu creaturæ, videtur quod dicatur vniuoce.

1. ITEM sic differt principium essentialiter dictum, & notionaliter, sicut sapientia, & sapientia genita: sed non dicitur æquiuoce sapientia sic & sic: ergo, &c.

3. ITEM nihil dicitur multipliciter ex hoc quod dicitur de genere, & de specie, siue ex hoc quod habet vnū suppositum, & plura, & hoc quia multiplicitas respicit significationes diuersas, non supposita: sed principium essentialiter dictum est in plus, & pluribus conuenit quam notionaliter & conuenit eisdem ipsis: ergo non dicitur multipliciter: sed vniuoce.

4. ITEM quod non dicatur analogice, videtur, quia vbi est analogia, ibi est prius, & posterius: sed in diuinis nō est prius, & posterius: ergo nec analogia. Et iterum quod nec æquiuoce. Quia vbi est æquiuocatio, ibi est diuersitas significationis: sed persona, & essentia non sunt diuersæ: ergo nec potest dici æquiuoce.

SED contra: Quod dicatur multipliciter, videtur primo per Magistrum in litera, qui dicit quod hoc nomen, principium, multiplicem facit intelligentiam: ergo dicitur multipliciter.

ITEM hoc ipsum videtur ratione, quia isti actus generare, spirare, creare, sunt ipsius principii secundum quod differenter accipitur: sed non est vnā communem rationem inuenire ad istos actus: ergo nec ad principium quod dicit respectum sic differentem.

ITEM regula est Philosophi, quod si aliquid in vna sui acceptione habet vnum oppositum, & in alia aliud, dicitur multipliciter: sed principium essentialiter dicitur respectu creati, & notionaliter respectu increati: ergo multipliciter sic, & sic.

ITEM principium essentialiter dictum dicitur temporaliter, notionaliter dictum dicitur æternaliter, sed nihil est commune vniuoce æterno & temporali, ergo, &c.

CONCLUSIO.

Principii nomen secundum quod commune est ad notionale, & essentialiter dictum, non vniuoce, neque æquiuoce, sed analogice dicitur.

RESP. Ad Arg. Dicendum quod nomen accipi differenter in diuinis potest esse tripliciter. Aut quantum ad suppositum, aut quantum ad significatum, aut quantum ad connotatum. Primo modo accipitur differenter hoc nomen *Deus*, cum dicitur Deus est Trinitas, & Deus generat: quia in prima stat pro natura, in secunda pro persona, & illud non inducit aliquam multipliciter. Alio modo contingit terminum differenter accipi quantum ad significatum secundum quod ipse terminus in vna sui acceptione significat essentiam: in alia, personam, sicut hoc nomen *Pater* prout Deus dicitur Pater Filii, & prout dicitur Pater noster, & hoc inducit æquiuocationem, quia est di-

S. Bonau. Tom. 4.

Aueritas significationis non in re ipsa, sed in significando. Tertio modo contingit differenter accipi ratione connotati, utpote hoc nomen, principium, dictum essentialiter, connotat effectum creatum, dictum personaliter, nihil connotat creatum, & illud inducit multipliciter secundum analogiam, non secundum æquiuocationem. Secundum analogiam quidem, quia accipitur pro diuersis, siue diuersa importat, quæ nō habent nisi unitatem proportionis, & ideo necessario oportet quod incidat ibi analogia: sed non æquiuocatio, quia æquiuocatio habet plures institutiones, & determinate accipitur pro qualibet, sicut patet in hoc nomine *canis*: sed non sic se habet hoc nomen, principium. Nam principium de sua impositione impositum est ab actu producendi, nō creandi, nec generandi. Vnde sicut producere, de productione Filii & creaturæ non dicitur æquiuoce, sed analogice, ita & hoc nomen, principium, secundum has tres accipitur cōparationes differenter. Concedo ergo quod ibi est multiplicitas quædam, quamuis non sit multiplicitas simpliciter, sicut æquiuocationis proprie dictæ, & concedendæ sunt rationes ad hoc, quia non concludunt, quod sit æquiuocatio vera. Tamen illud verbum Philosophi intelligitur quando nomen habet diuersa opposita, quæ nō vniuntur in aliquo, nec vniuoce, nec analogice, quod sit illi termino oppositum: sed primo, & per se, opponuntur, non sic autem est in proposito, quia principium non dicitur primo ad filium, vel ad creaturam, sed ad quod est productum, siue principiatum, quod quidem dicitur de Filio, & creatura, quamuis non vniuoce, sed analogice.

1. AD illud quod obiicitur de Basilio, dicendum quod Basilius accipit commune pro analogo, quod est medium inter pure vniuoce, & æquiuoce.

2. 3. AD illud quod obiicitur de sapientia, & sapientia nata, dicendum quod non est simile, quia ibi non est diuersificatio nisi solum quantum ad suppositum, hic autem est quantum ad connotatum, & per hoc patet sequens.

4. AD illud quod obiicitur ultimo quod non cadit prius ibi, &c. dicendum quod quamuis non cadat ibi prius, & posterius in se; cadit tamen respectu effectus, quia in cōparatione ad effectum accipitur analogia. Quod autem dicitur quod non est ibi diuersitas, dicendum quod verum est in re, tamen in significando, & intelligendo aliud est intelligere essentiam, aliud intelligere personam, ita & dicere: ac per hoc & significare, & ideo quamuis non sit diuersitas à parte rei absolute, nihilominus potest esse à parte significationis.

ARTICULVS II.

Consequenter est quæstio de secundo articulo, scilicet de unitate huius nominis *Principium*, & circa hoc queruntur duo. Primo queritur, utrum Pater, & Filius possint dici vnum principium Spiritus sancti. Secundo, utrum possint dici vnus Spirator, vel idem principium Spiritus sancti.

QVÆSTIO I.

An Pater & Filius vnum principium Spiritus sancti dici possint.

*Alex. Alex. 1. p. q. 70. Memb. 3. Art. 3.
S. Thom. 1. p. q. 30. Art. 4.
Scot. 1. Sent. dist. 12. q. 1.
Ægid. Rom. 1. Sent. dist. 29. q. 3.
Richardus 1. Sent. dist. 29. q. 1.
Durandus 1. Sent. dist. 11. q. 3.
Franciscus de Mayr. 1. Sent. dist. 12. q. 1.
Ioan. Bacon. 1. Sent. dist. 12. q. 1.
Thom. Arg. 1. Sent. dist. 11. q. 1. Art. 1. c. 2.
Petrus de Tarentas. 1. Sent. dist. 29. q. 3.
Steph. Brulef. 1. Sent. dist. 29. q. 3.*

Quod possunt dici vnum principium esse Spiritus sancti, videtur in litera vbi dicitur: Patendum est Patrem & Filium vnum principium esse Spiritus sancti.

ITEM ratione videtur, quia vnus principiat vnū est prin-

Fundamenta.

V 3

cipium

Idem sententia S. Th. hic art. 2.

Scot. dist. 12. q. 1. videtur declinare ad eam partem videlicet quod sit æquiuocum.

cipium in vno genere: sed Spiritus sanctus vnus est: ergo habet vnum principium: ergo si immediate. & perfecte est à Patre, & Filio, sunt ergo Pater, & Filius vnum principium.

ITEM Pater, & Filius spirant, aut ergo vna potentia, aut duabus. Constat quod vna, quia cum in eis est vna essentia, est & vna potentia: ergo cum ipsi dicantur esse principium ratione potentia, & vna sit potentia in Patre, & Filio, pater, &c.

ITEM sicut tres personæ vnica creatione creant, ita due vnica spiratione spirant: sed tres, quia vnica creatione creant, sunt vnum principium creaturæ: ergo duæ, vnum principium Spiritus sancti.

Ad oppositum.

1. CONTRA: Cum dicitur, sunt vnum principium Spiritus sancti, aut vnum dicit unitatem essentia, aut unitatem personæ, aut notionis. Non essentia, quia tunc Spiritus sanctus esset principium Spiritus sancti. Non personæ, quia tunc Pater, & Filius, essent vna persona. Ergo notionis.

SED Contra: Si Pater & Filius propter unitatem notionis dicuntur vnum principium: ergo ab oppositis Pater propter pluralitatem notionis potest dici plura principia.

2. ITEM si Pater est principium Spiritus sancti, & Filius principium, & hoc principium non est illud: ergo duo principia.

3. ITEM Pater & Filius sunt vnum principium, ergo vnum principium est Pater, & Filius: & si hoc, ergo Pater est Filius.

4. ITEM si vnum sunt principium, aut vnum quod est Pater, aut vnum quod non est Pater. Si vnum quod est Pater: ergo Pater, & Filius sunt Pater. Si vnum quod non est Pater: ergo principium Spiritus sancti non est Pater: ergo Pater non est principium Spiritus sancti.

CONCLUSIO.

Recipitur à patribus orthodoxis hæc sententia: Pater, & Filius sunt vnum principium Spiritus sancti, quod quidem principium dicit unitatem communis notionis, in comparatione ad essentia, & vni spiratiua unitatem.

RESP. Ad Arg. Dicendum quod omnes istam concedunt: Pater, & Filius sunt vnum principium Spiritus sancti, quoniam Augustinus istam proponit, & dicit: sed in modo intelligendi diuersificantur. Nam quidam dicunt quod hoc nomen, *principium*, non dicit ibi essentiam, nec notionem, nec personam: sed dicit conuenientiam duarum personarum in vnica notione. Et dicunt quod sicut hoc nomen, *Trinus*, specialiter est impositum ad insinuandam Trinitatem suppositorum, vt conueniunt in unitate naturæ, sic in proposito dicunt se habere. Sed tamen cum non sit facile huiusmodi positionem siue translationem ex virtute vocabuli accipere, hæc positio nullam dignoscitur habere firmitatem. Et ideo fuerunt alii qui dixerunt quod hoc nomen, *principium*, importat notionem in adiacentia, & est nomen adiectiue tenent, & ideo hoc adiectiuum nominis numerale quod est vnum, cadit à ratione nominis & tenetur aduerbialiter, vt sit sensus: Pater & Filius sunt vnum principium, id est, vno modo producant siue spirant Spiritum sanctum: sed quoniam hoc nomen, *principium*, de sua impositione est nomen substantiuum, vt patet, non videtur adhuc positio ista rationabilis. Et ideo fuerunt tertii qui dixerunt quod hoc nomen, *principium*, quantum est de se, stat pro essentia, & contingit ipsum per additionem trahi ad personam. Et cum dicitur: Pater est principium Filii, trahitur ad personam Patris: quando vero dicitur: Pater, & Filius vnum sunt principium Spiritus sancti, stat pro essentia vel natura: in quantum tamen est in duabus personis, & illud videtur consonare Anselmo dicenti quod Pater & Filius spirant in quantum vterque idem Deus. Et dicunt quod vnum dicit unitatem circa hunc terminum *principium* non perso-

Explic. 1.

Explic. 2.

Explic. 3.

In Epist. de process. Spiritus sancti.

na: sed essentia vel natura vt est in duabus personis. Sed quoniam Augustinus videtur dicere quod principium dictum de Patre & Filio dicat notionem communem, similiter Magister dicit ultimo capit. quod dicit unitatem notionis, & principium importat relationem, & essentia non refertur: ideo nec iste modus est adhuc omnino conueniens, licet sit aliis probabilior. Et ideo est quartus modus, dicendi quod hoc nomen *principium*, stat pro notione, non tamen in comparatione ad suppositum, sed ad naturam, & vim spiratiuam: & vnum importat unitatem circa ipsum, secundum quod competit eius acceptioni. Et hoc patet sic: Cum enim Pater & Filius spirent Spiritum sanctum in quantum vnus Deus improcessibilis, & in quantum vnus Deus sit in eis voluntatis unitas, in quantum improcessibilis sit voluntatis fecunditas, in quantum Deus improcessibilis sit voluntatis vna fecunditas, & vna fecunditas dicat unitatem principii, dicendum quod sine distinctione concedendum, est quod Pater & Filius sunt vnum principium Spiritus sancti. Et ad illud quod queritur, quam unitatem dicat hoc quod est vnum circa principium, dicendum quod cum hoc nomen, *principium*, de pluribus simul dicatur, non potest stare pro persona: & cum iterum dicat respectum ad personam, non potest stare pro essentia, ergo necesse est quod stet pro notione. Cum ergo dicitur Pater & Filius sunt vnum principium, vnum dicit unitatem notionis, in comparatione tamen ad unitatem naturæ, & vis spiratiuæ, sicut patebit in alio problemate, & patet ex prædictis.

Explic. Doctoris.

1. Ad illud quod obiicitur postmodum quod hoc principium non est illud, demonstrato Patre & Filio, responderi potest dupliciter. Primo quod non potest dici hoc, & illud, quia in regulâ non cadit distinctio nisi ubi est ex diuersis causis vnio, quoniam igitur vnio omnimoda est in nomine principii, ita quod non multiplicetur: ideo non est ibi hoc & illud. Aliter potest dici quod cum dicitur hoc & illud, aut demonstrat formam, aut suppositum, aut vtrumque. Si formam, falsa est. Si suppositum, vel vtrumque, vera est ratione suppositi: & ideo non sequitur quod duo, quia forma non multiplicatur. Similiter potest argui in hoc nomine, *Deus*.

2. 3. Ad duo sequentia respondent quidam quod hoc nomen, *principium*, non potest subiici, nec ad ipsum potest fieri relatio, quia tenetur adiectiue. Sed illud nihil est, quia nomen est substantiuum: ergo potest subiici & prædicari, & ad eum relatio fieri. Et si dicant quod ad hoc inuentum est illud, nihil est, quia non potest probari, & iterum inuentio debet habere rationem, & nos videmus quod potest fieri relatio, vt si dicatur. In principio erat Verbum, in quo principio erat Spiritus, quia non in alio erat, sed in eodem. Etiam potest subiici, quia si Pater est principium, Spiritus sanctus à simplici conuersa, principium Spiritus sancti est Pater. Propter quod aliter respondendum est, quia cum dicitur vnum principium, vnum dicit unitatem notionis, quæ communis est duobus, & quia unitatem dicit communem: ideo est hic consequens, vnum principium Spiritus sancti est Filius & Pater: ergo Filius est Pater, sicut hæc, vnus Deus est Pater & Filius: ergo Pater est Filius.

Item. 1. 4.

4. Ad vltimum quod obiicitur, aut vnum quod est Pater, &c, dicendum quod quia vnum dicit communem spirationem vt est in pluribus: ideo non contingit diuidere aut vnum quod est Pater, aut vnum quod non est Pater, vt si dicatur, omnis homo est animal, aut animal quod est albus, aut animal quod non est albus, neutrum est dari, quia animal communiter stat pro animali albo & non albo, ita quod pro vtroque simul reddit locutionem versâ. Similiter in proposito, principium stat pro principio quod est Pater & quod est Filius: & ideo non licet ibi diuidere & descendere, imo est ibi figura dictionis ex mutatione suppositionis, &c.

Q V Æ S T I O II.

An hæc propositiones sint admittendæ: *Pater & Filius sunt vnus spirator. Pater & Filius sunt idem principium Spiritus sancti. Pater & Filius sunt principium Spiritus sancti.*

Alex. Alensis 1. p. q. 70. Memb. 3. art. 5.

Scotus 1. Sent. dist. 12. q. 2.

Egid. Rom. 1. Sent. dist. 11. q. 4.

Richard. 1. Sentent. dist. 11. q. 5.

Franciscus de Mayr. 1. Sentent. dist. 12. q. 1. ibi: Nunc secundum, &c.

Thom. Argens. 1. Sent. dist. 11. q. 1. art. 3.

Ad oppo-
situm.

VTrum sint istæ concedendæ: *Pater & Filius sunt vnus spirator*, vel sunt idem principium Spiritus sancti. Et quod hæc sit concedenda, sunt vnus spirator, videtur, quia *Pater & Filius* non sunt vnum principium nisi quia spirant vnica spiratione: ergo cum hoc nomen *spirator*, importet ipsam spirationem, *Pater & Filius* sunt vnus spirator.

1. **I**TEM quia *Pater & Filius* vnica creatione creant, non tantum dicuntur vnum principium creaturæ: sed etiam vnus creator: ergo cum similiter vnica spiratione spirant, sunt vnus spirator.

3. **I**TEM quod sint idem principium, videtur, quia vnitas non multiplicata facit identitatem omnimodam: sed *Pater & Filius* sunt vnum principium Spiritus sancti: ita quod vnitas principii nullo modo multiplicatur: ergo sunt idem principium.

4. **I**TEM hæc est vera: *Pater & Filius eadem spiratione spirant*, sed idem importatur hoc nomine *principium*, quod hoc nomine *spiratio*, ergo ab æquipollenti, *Pater & Filius* sunt idem principium.

CONTRA: *Spirator & qui spirat æquipollent*: ergo si est vnus spirator: ergo vnus & qui spirat: sed hæc est falsa: Vnus spirat, quia non vnus, sed duo sunt qui spirant: ergo &c.

ITEM spirator importat ipsam spirationem in concretionem ad suppositum: aut ergo illud est essentia, aut persona. Non essentia, ergo persona: ergo si *Pater, & Filius* sunt vnus spirator, sunt vna persona vel hypostasis.

ITEM quod non sit concedendum quod sint idem principium, videtur. Si enim sunt idem principium, sunt idem, sed hæc est falsa, quod *Pater & Filius* sunt idem, ergo & prima est falsa. Quod autem sequatur, manifestum est, bene enim sequitur: sunt idem animal, ergo idē. Quod iterum hæc sit falsa: sunt idem, patet, quia sunt distincti, ergo non sunt idem.

ITEM hoc quod est idem, est pronomen relatiuum: ergo cum pronomen certam designet personam, & relatiuum sit notans identitatem in eo, pro quo refert, significat identitatem in supposito: sed illud non est essentia, sed persona, ergo significat quod sint eadem persona: quod cum sit falsum, restat quod illa locutio sit falsa.

C O N C L U S I O .

Tamen si concedatur quod *Pater atque Filius* sint vnum principium Spiritus sancti, non tamen illud est concedendum quod *Pater & Filius* sint vnus spirator.

RESP. ad Arg. Dicendum quod hæc locutio: *Pater & Filius* sunt vnum principium Spiritus sancti, simpliciter recipitur: hæc autem, *Pater & Filius* sunt vnus spirator, non recipitur. Et hæc similiter non admittitur, *Pater & Filius* sunt idem principium: quamuis enim videatur æquipollere illi, non tamen æquipollent. Different enim modo in his locutionibus spirationis notio significatur. Propter quod notandum quod notio potest significari dupliciter, scilicet in abstractione, vel in concretionem. In abstractione, vt si dicatur spiratio. In con-

Acretionem, vt si dicatur, principium vel spirator. In concretionem autem potest significari vel in comparatione ad subiectum in ratione suppositi, vel in comparatione ad subiectum in ratione actiui, vel vtroque modo. Significatur ergo notio spirationis in concretionem ad subiectum in ratione suppositi per hoc nomen spirator, quod est nomen verbale, & quia suppositum huius notionis est persona, & non vna persona, sed duæ: ideo dicimus spiratores, non vnum. Nec est simile de hoc quod est Creator: quia cum sit nomen essentiale significat in concretionem ad subiectum quod est substantia, & illud est vnum in tribus, sed notio ad personam, quæ de se multiplicatur: ideo non est vna in duabus. Significatur etiam notio in comparationem ad subiectum in ratione actiui, vt per hoc nomen principium quod dicit originem: & quoniam subiectum agit per virtutem, & virtus respicit naturam, cum in Patre, & Filio sit vna natura & vna virtus non multiplicata, per hoc nomen principium significatur notio spirationis, vt nullo modo multiplicata. Ideo dicimus: *Pater & Filius* sunt vnum principium Spiritus sancti, vt vnum dicat unitatem notionis, & vis spiratiuæ, & naturæ in spirantibus. Hinc est quod *Pater* non dicit plura principia, licet plures habeat notiones, quia non habet secundum diuersas vires & naturas. Significatur etiam notio in comparationem ad subiectum, vt in ratione suppositi & actiui, cum dicitur idem principium, quoniam pronomen idem quod certam desiderat personam significare, respicit suppositum: & principium, sicut dictum est, respicit ipsum, vt actiuum: & quoniam suppositum non est idem, nec vnum: ergo hæc est falsa, *Pater & Filius* sunt idem principium. Hæc igitur est vera, *Pater & Filius* sunt vnum principium. Hæc autem est falsa, *Sunt vnus spirator*. Hæc iterum falsa, *Sunt idem principium Spiritus sancti*, & ratio horum omnium patet ex prædictis.

1. Ad illud ergo quod obiicitur primo quod sint vnum principium, quia vnica spiratione spirant, dicendum quod hæc non est tota ratio: sed hæc est tota ratio, quia vnica spiratione, & vnica virtute, & in unitate naturæ spirant eundem: & principium hoc modo importat illam notionem, & ideo sunt vnum principium. Non sic autem significatur illa notio per hoc nomen, *spirator*, quod est nomen verbale, & descendit à verbo quod cernit suppositum personale. Spirator enim dicitur ille qui spirat, & ille est persona.

2. Ad illud quod obiicitur de creatione, iam patet responsio, quia creatio non tantum habet vna virtute fieri: sed etiam habet vnum suppositum, & ipsum est substantia: *Pater* enim non creat tamquam proprium subiectum, sed ipsa substantia diuina quæ vnica est: sed suppositum spirationis non potest esse substantia, sed persona, ideo non dicitur quod *Pater & Filius* vnus sunt spirator.

3. Ad illud quod obiicitur quod identitas est vnitas non multiplicata, dicendum quod illud non sufficit nisi sit talis vnitas quod non multiplicetur, nec compatiatur secum pluralitatem suppositorum, quam excludit identitas: & quia vnitas principii compatiatur pluralitatem personarum, ideo patet illud.

4. Ad illud quod obiicitur quod eadem spiratione spirant, dicendum quod non sequitur ex hoc quod sint vnus spirator, quamuis enim eadem sit notio, tamen suppositum non est idem. Et cum dicitur idem principium, notatur identitas in vtroque. Cum dicitur eadem spiratione, notatur identitas in altero: ideo hæc non sequitur ex illa, nec vna infert aliam.

§:§:



DISTINCT. XXX.

DE HIS QUÆ TEMPO-
RALITER DE DEO DICVN-
TUR, ET RELATIVE SECUNDUM
ACCIDENS, QVOD NON DEO,
SED CREATURIS
ACCIDIT.

Ca. 13. 10. 3.
Cap. 16. in
fine.

SVNT enim quedam quæ ex tempore de Deo dicuntur, eiq. temporaliter conveniunt sine sui mutatione: & relative dicuntur secundum accidens, non quod accidit Deo, sed quod accidit creaturis, ut Creator, Dominus, refugium, datum, vel donatum, & huiusmodi. De his Augustinus in 5. lib. de Trin. ait Creator, relative dicitur ad creaturam, sicut Dominus ad servum. Item: Non aliquem moveat quod Spiritus sanctus cum sit coæternus Patri & Filio, dicitur tamen aliquid ex tempore: veluti hoc ipsum quod donatum diximus. Nam sempiternus Spiritus sanctus est donum, temporaliter autem donatum. Et si dominus non dicitur, nisi cum habere incipit servum, etiam ista appellatio relativa ex tempore est Deo. Non enim sempiterna creatura est, cuius ille dominus est: ergo dominum esse non sempiternum habet, ne cogamur etiam creaturam sempiternam dicere: quia ille sempiternus non dominaretur, nisi etiam ista sempiternus famularetur. Sicut autem non potest esse servus qui non habet dominum, sic nec dominus qui non habet servum.

Oppositio quod non ex tempore sit dominus, quia est dominus temporis, quod non est ex tempore.

Ibid. post
immediat.

Sed hic aliquis dicit quod non ex tempore competit Deo hac appellatio qua dicitur dominus, quia non est factum dominus rerum qua ex tempore ceperunt, sed etiam illius rei qua non capit ex tempore, id est, ipsius temporis quod non capit ex tempore, quia non erat ante tempus quam inciperet: & ideo non capit esse dominus ex tempore. Ad quod dici potest, quia licet non ceperit ex tempore dominus esse temporis, capit tamen esse dominus temporis: quia non semper fuit tempus: & ipsius hominis ex tempore capit esse dominus. De hoc Augustinus in eodem libro continue ita ait: Quisquis extiterit qui æternam Deum solum dicat, tempora vero non esse æterna propter varietatem & mutabilitatem: sed tamen ipsa tempora non in tempore esse cepisse, quia non erat tempus antequam tempora inciperent: & ideo non in tempore accidere Deo, ut dominus esset, quia ipsorum temporum dominus erat, quæ utique non in tempore esse ceperunt: quid respondebit de homine qui in tempore factus est, cuius utique dominus non erat antequam esset? Certe ut dominus hominis esset, ex tempore accidit Deo: & ut omnis amoveatur controuersia, certe ut tuus dominus esset vel meus, qui modo esse cepimus ex tempore habuit. Quo modo ergo obtinebimus nihil secundum accidens dici de Deo, nisi quia ipsius natura nihil accidit quo mutetur: ut ea sint accidentia relativa, quæ cum aliqua mutatione rerum de quibus dicuntur, accidunt: sicut amicus relative dicitur. Non enim amicus esse incipit, nisi cum amare ceperit. Fit ergo aliqua mutatio voluntatis, ut amicus dicatur. Nummus vero cum dicitur pretium, re-

Alatius dicitur: nec tamen mutatus est cum esse ceperit pretium, nec cum dicitur pignus & huiusmodi. Si ergo nummus potest nulla sui mutatione toties dici relative, ut neque cum incipit dici, neque cum desinit, aliquid in eius natura vel forma qua nummus est, mutationis fiat: quanto facilius de illa incommutabili Dei substantia debemus accipere, quod ita dicatur relative aliquid ad creaturam, ut quamvis temporaliter incipiat dici, non tamen ipsi substantia Dei accidisse aliquid intelligatur, sed illi creatura ad quam dicitur? Qualiter etiam refugium nostrum dicitur? Refugium enim nostrum dicitur Deus relative, ad nos enim refertur: & tunc refugium nostrum fit, cum ad eum refugimus. Nam quid tunc fit aliquid in eius natura, quod antequam refugeremus ad eum, non erat? **B**In nobis ergo fit aliqua mutatio, qui ad eum refugiendo efficiuntur meliores: in illo autem nulla. Sit & Pater noster esse incipit, cum per eius gratiam regeneramur, qui dedit nobis potestatem filios Dei fieri. Substantia ergo nostra mutatur in melius, cum filij eius efficiuntur. Similiter & ille Pater noster esse incipit, sed nulla commutatione sue substantia. Quod ergo temporaliter dici incipit Deus, quod antea non dicebatur, manifestum est relative dici: non tamen secundum accidens Dei, quod aliquid ei acciderit: sed plane secundum accidens eius ad quod dici aliquid Deus incipit relative. Ex his aperte ostenditur quod quedam de Deo temporaliter dicuntur relative ad creaturas, sine mutatione deitatis, sed non sine mutatione creaturae. & ita accidens est in creatura, non in Creatore: & appellatio qua creatura dicitur relative ad Creatorem, relativa est, & relationem notat quæ est in ipsa creatura. Appellatio vero illa qua Creator relative dicitur ad creaturam, relativa quidem est, sed nullam notat relationem quæ sit in creatore.

Psal. 9. a

Ioan. 1. b

Hic soluitur questio qua quærebatur, utrum Spiritus sanctus dicatur datum relative ad se, cum ipse det se.

Hic potest solui questio superius proposita, ubi quærebatur, cum Spiritus sanctus datum dicatur vel donatum, quod autem datur, refertur & ad eum qui dat, & ad illum cui datur, & cum Spiritus sanctus det seipsum, utrum ad se ipsum relative dicatur, cum dicitur dari vel donari. Cui questionis respondentes, dicimus Spiritum sanctum dici datum vel donatum relative ad dantem, & ad illum cui datur. Dans autem sue dator, est Pater cum Filio & Spiritu sancto. Nec tamen dicimus Spiritum sanctum referri ad se, sed appellatio dati vel donati refertur & ad dantem & ad recipientem: quia non potest aliquid dici datum, nisi ab aliquo, & alicui detur. Cum autem Spiritus sanctus dari a se, vel datus a se dicitur, relative quidem dicitur ad illum cui datur, & est appellatio relativa: & in illo cui datur mutatio fit, non in dante.

Dist. 18.

DISTINCT. XXX.

De his quæ proprie & temporaliter dicuntur de Deo.

Sunt enim quedam quæ ex tempore de Deo dicuntur.

Expositio textus.

SUPRA egit Magister de rebus quæ conveniunt Deo proprie, & æternaliter. Hic agit de his quæ conveniunt Deo proprie & temporaliter, & habet hæc pars duas. In prima Magister agit de rebus quæ ex tempo-

Diviso.

re de

Dist. 3.

re de Deo dicuntur. In secunda de his quæ pluribus personis conueniunt, sed tamen appropriari possunt, vt similis & æqualis, infra: *Præterea considerari oportet, cum tres persona.* Prima pars habet quatuor partes. In prima ostendit aliqua nomina dici de Deo ex tempore exemplificans de pluribus. In secunda quia exemplum videbatur inconueniens de hoc nomine, *Dominus*, opponit & soluit, ibi: *Sed hic aliquis diceret quod non ex tempore.* In tertia vero quia dictum videbatur falsum quod aliquid ex tempore diceretur de Deo, & ideo mouet & soluit dubium, ibi: *Quo modo ergo obtinebimus nihil secundum accidens.* In quarta vero ex prædeterminatione soluit quoddam dubium in præcedentibus quæsitum, ibi: *Hic potest solui quæstio superius proposita.*

Creator Dominus, &c. Dub. I.

Videtur quod Magister false dicat ista nomina Deo ex tempore conuenire, quia dominium, vt dicit Boetius, est potestas coercendi subditos: sed hoc est in Deo ab æterno, ergo, &c. Item Dominus, vt dicit Ambrosius, est nomen naturæ: ergo si natura est æterna, ergo & dominium. Item de hoc nomine Creator obicitur, quia non dicitur lector quia actu legit, sed quia habilis est ad legendum: sed Deus ab æterno habilis est ad creandum: ergo, &c. Iuxta hoc quæritur de horum nominum significatione, & connotatione, & vnde habuit rationem connotandi, cum diuina essentia sit principale significatum.

RESP. Dicendum quod quamuis diuina essentia nō habeat vere respectum ad creaturam, tamen contingit eam intelligere & significare per modum respectus, nec tamen intellectus est vanus propter hoc quod totam rationem respectus realis ponit in creatura. Quoniam igitur huiusmodi nomina dicunt respectum, a quo imponuntur, quamuis imponantur essentiæ, ideo dicuntur secundum exigentiam illius respectus: ideo intelligendum quod quædam dicunt respectum solum, vt dominus: quædam etiam effectum, vt Creator & iustus; & vtraque sunt sub duplici differentia, quia aut important respectum ad rem præsentem aut ad rem futuram, siue ad rem in actu vel habitu. Primo modo, quia ponunt creaturam in actu, dicunt solum respectum, cum creatura incipit. Secundo modo ab æterno. Secundum hoc ergo, si Dominus & Creator important respectum in actu, ab æterno non possunt dici. Si autem in habitu, possunt. Tamen vsus communis accipit huiusmodi nomina vt connotant in actu: & ideo dicit Augustinus ea dici cum tempore. Quod ergo dicit Boetius, intelligendum quod non est potestas coercendi subditos habitos, sed habendos. Quod dicit Ambrosius patet quod non cogit, quia quamuis imponatur naturæ, tamen imponitur a proprietate naturæ, vt dicit respectum ad creaturas, & ideo connotat quid creatum, & sic patent omnia, quia ratio connotandi est modus significandi.

Temporis quod non cæpit ex tempore, &c. Dub. II.

Videtur hoc falsum, quia omne quod incipit, est temporale, & omne temporale mensuratur tempore, & omne tale cæpit in tempore, &c. Si tu des instantiam in perpetuis, obicitur quod nihil magis est variabile quam tempus: sed omne tale est temporale: ergo, &c. Item, si tempus non incæpit in tempore, ergo cæpit extra tempus, ergo fuit tempus extra omne tempus.

RESP. Dicendum quantum ad præsens pertinet, quia de initio temporis debet dici in secundo, differt incipere ex tempore, & in tempore, & cum tempore. Quia ex, dicit ordinem, & ita præsupponit tempus tamquam antè, & ideo nihil cæpit ex tempore nisi quod sequitur tempus. In tempore dicit temporis existentiam, sed tempus non fuit in sui initio cum sit successuum, ideo quæ sunt equalis durationis cum tempore, non cæperunt, nec ex tempore, nec in tempore, sed cum tempore, i. cum

A tempus cæpit. Si quæras, quo modo tempus cæpit, breuiter dicendum quod nullo prædictorum modorum, sed cæpit in sui principio, & ideo non cæpit extra tempus. Ad illud quod obicitur, quod ex tempore mensuratur temporale, dicendum quod temporale quod exceditur a tempore, mensuratur, & incipit a tempore: sed illud non exceditur quod incipit cum tempore, & ratio prædicta est.

Nummus vero cum dicitur pretium, &c. Dub. III.

B Videtur false dicere, quod nummus mutatus non est, cum cæperit esse pretium, quia esse pretium est accidens nummi, & modo inest, & prius non inerat, ergo nummus mutatus est.

RESP. Dicendum quod relatio non prædicat quid absolutum, sed prædicat ordinem ad alterum: ordo autè respicit dispositionem ordinatorum. Quædam igitur sunt ordinabilia, ita quod vtrumque est in potentia: & tunc relatio introducit per mutationem factam in vtroque. Quædam sunt ordinabilia ita quod alterum quantum est de se, in actu est, sed alterum in potentia, sicut patet de duobus, quorum vnus qui est actu albus, actu habet proprietatem secundum quam attenditur similitudo: & ideo altero de non albo facto albo fit perfecta similitudo. Non ergo oportet quod relatio semper inducat mutationem in vtroque extremorum propter sui corruptionem vel defectionem, sed sufficit quod in altero. Et ratio visa est, quia respicit duplex extremum. Et quia vnum potest esse de se in actu, altero existente in potentia, sicut in nummo qui est in potestate possidentis quod sit pignus, vel pretium, vel arrha, secundum mutationem factam in ipso. Nec aduenit nummo aliquid absolutum, sed ordo qui ex parte nummi erat in actu, ex parte illius quod erat in potentia fit in actu: ideo mutatur illud non mutato nummo.

Accidens est in creatura. Dub. IV.

C Obicitur: Cum relato sit creaturæ ad Creatorem, videtur hoc falsum: quia contingit rem intelligi accidentè remoto: ergo si relatio ad Creatorem accidit creaturæ, ergo illo remoto contingit rem creatam intelligi esse, circumscripto respectu ad Creatorem. Itè relatio qua creatura refertur ad Creatorem, est accidens: cum illud sit creatum refertur, & ita per accidens: & sic de alio, & ita est abire in infinitum.

D RESP. Dicendum quod creatura quantum ad esse primum essentialiter dependet, & talis relatio quæ exprimit illam dependentiam non est creaturæ accidentalis, sed magis essentialis. Quantum autem ad esse secundum siue ad bene esse, dependet accidentaliter, quia illud bene esse accidentale est: ideo talis relatio secundum accidens dicitur, vt filiatio secundum quod dicit adoptionem, & de tali intelligit Augustinus.

E Ad illud quod obicitur quod relatio relatione alia refertur: aliqui volunt dicere quod creatura seipsa refertur: tamen illud non videtur esse dicendum, quia nulla creatura est sua relatio, cum non sit summe simplex, imo hoc ipsum quod refertur aufert simplicitatem: ideo dicendum quod sicut relatiua referuntur proprie, quæ dicunt rem substratam cum respectu: ipsæ autem relationes siue respectus non referuntur, immo magis alia referunt, quia non sunt entia sed entium. Sic in proposito, dicendum quod ipsæ relationes per se non referuntur, sed cum subiectis, ita quod vnum cum alio & per aliud: ideo non est ultra quærere aliud quo referuntur.

Nec tamen dicimus Spiritum sanctum referri ad se. Dub. V.

Contra: Videtur posse referri ad se, quia Spiritus sanctus est

Boetius ad Symmac. ante suum.

Lib. 3. de Trin. c. 10. tom. 3.

ctus est donum: & donum refertur ad donantem, & ipse est donans: ergo necessario concluditur quod refertur ad se.

R E S P. Dicendum quod hoc nomen, *Spiritus sanctus*, dicit relationem secundum esse: & ideo quia relatione secundum esse nihil refertur ad seipsum secundum idē, nullo modo Spiritus sanctus inquantum spiritus ad se refertur: sed donum non tantum importat relationem secundum esse, ut puta cum dicit auctoritatem in dante: sed etiam secundum modum dicendi, ut quando dicit largitatem & potestatem in donante: & quia taliter potest secundum modum intelligendi comparari ad se, datum inquantum datum dicitur ad se, inquantum dans, non: ideo concedit quod appellatio dati vel donati refertur ad Spiritum sanctum, non autem Spiritus sanctus.

ARTICVLVS I.

AD intelligentiam eorum, quæ dicuntur in hac distinctione, tria quærentur. Primo utrum aliquid dicatur de Deo ex tempore. Secundo dato quod sic, quæritur utrum ea quæ dicuntur de Deo ex tempore dicantur per se vel per accidens. Tertio utrum dicantur secundum substantiam, an secundum relationem.

QVÆSTIO I.

An de Deo nomen aliquod ex tempore dicatur.

Alex. Alenf. 1. p. q. 53. Memb. 1.

S. Thom. 1. p. q. 13. art. 7.

Et 1. Sent. dist. 30. q. 1. art. 1.

Scotus 1. Sent. dist. 30. q. 1.

Egidius Rom. 1. Sent. dist. 30. q. 1.

Richard. 1. Sent. dist. 30. q. 1.

Durandus 1. Sentens. dist. 30. q. 1.

Franciscus de Mayr. 1. Sent. dist. 30. q. 1.

Io. Baccou. 1. Sent. dist. 30. q. unica.

Thomas Argent. 1. Sentens. dist. 30. q. 1. art. 1.

QUod aliqua dicantur de Deo ex tempore, ostenditur sic. Non est dominus nisi habeat seruum, sicut dicit Augustinus: sed Deus dicitur dominus, & non habuit ab æterno seruum, ergo ex tempore, ergo, &c.

I T E M actioni responder passio, ita quod sunt simul: sed Deus creat. ergo aliquid creatur: sed non creatur aliquid nisi ex tempore, ergo non creat nisi ex tempore: ergo, &c.

I T E M nulli conuenit esse hominem nisi ex tempore, eo quod esse humanum habet principium: sed Deo conuenit esse hominem, ergo ex tempore.

I T E M sicut se habet temporale ad temporale, ita æternum ad æternum: ergo mutata proportionem. sicut se habet æternum ad temporale, ita temporale ad æternum: sed æternum sic se habet quod dicitur de temporali, ut cū dicitur: Petrus est prædestinatus: ergo & temporale poterit dici de æterno.

1. CONTRA: Omne temporale est creatum: sed Deus est increatus, & horum est summa distantia: sed illorum inter quæ est summa distantia, vnum non prædicatur de altero, ergo, &c.

2. I T E M omne temporale est mutabile & variabile: sed omne illud de quo prædicatur mutabile, ipsum est mutabile: cum igitur Deus non sit mutabilis & variabilis, patet, &c.

3. I T E M nihil æternum est ex tempore, sed omne quod prædicatur de Deo, est Deus, & ita æternum: ergo nihil potest tale dici ex tempore.

4. I T E M omne quod est aliquid ex tempore, incipit esse aliquid quod non erat prius: & omne tale est mutabile, ergo nihil tale est in Deo, ergo, &c.

Si dicas quod non prædicatur aliquid de Deo ex tempore prædicatione per essentiam vel inhaerentiam: sed per causam quæ non ponit aliquid in Deo, sed in effectu.

C O N T R A: Cum dicitur, Deus est Creator, hoc dici-

Atur ex tempore, & non per causam: ergo responsio illa nulla. Probario: Omne quod dicitur de aliquo per causam, de alio dicitur per essentiam, vel inhaerentiam: sed Creator de nullo alio à Deo dicitur, nec per essentiam, nec per inhaerentiam, ergo, &c.

I T E M quod dicitur de alio per causam, potest inferri per modum habitudinis causalis, ut dies est sol lucens super terram, ergo dies est à sole: ergo si per causam Deus est Creator, par ratione Deus à creatura, vel e converso.

I T E M quod prædicatur solum per causam, non est idē illi de quo prædicatur: sed cum dicitur Deus creat, actio Dei est Deus, ergo non prædicatur per causam.

I T E M cum dicitur Deus, Dominus, vel consimilis, dominus non dicit aliquod genus causæ, & tamen dicitur de Deo: ergo prædicta responsio non est sufficiens.

C O N C L V S I O.

Nihil est incommodi quod de Deo qui æternus est, aliqua nomina ex tempore dicantur, quæ ex principali significatione essentiam in respectu ad creaturas significant.

R E S P. ad Arg. Dicendum quod aliquid dici ex tempore, est dupliciter: aut quia ipsum est temporale, aut quia dicit respectum ad temporale. Primo modo, nihil prædicatur de Deo per essentiam vel per inhaerentiam, licet probant quatuor rationes ad hoc inductæ: prædicatur tamen per causam, ut si dicatur: Deus est paterfamilias meus: vel per vnionem, ut si dicatur: Deus est homo: & hoc non ponit mutationem, vel esse temporale circa Deum, sed circa creaturam. Alio modo dicitur aliquid ex tempore, eo quod de ratione sui nominis dicitur comparationem ad aliquid temporale, ut Dominus & Creator: sed tamen de sua principali significatione importat essentiam: nam dominus importat dominium, quod est potestas coercendi subditos: & hæc est diuina essentia. Similiter Creator, importat diuinam actionem, quæ est diuina essentia: utrumque tamen significat in respectu ad creaturam: & ita connotat creatum & temporale. Quoniam ergo quod implicat in se contingens & necessarium, denominatur totum contingens: similiter quod æternum & temporale totum denominatur temporale propter naturam totius copulat, quod ponit utramque partem, & falsificatur pro utraque parte, & pro altera. Hinc est quod talia dicuntur ex tempore non ratione principalis significati, sed ratione connotati in creatura, & per hoc patent quatuor argumenta sequentia. Concedendum enim est quod non omne quod ex tempore dicitur de Deo, dicitur per causam, sed vel dicitur per causam, vel per vnionem, vel per quandam comparisonem ad temporale, & sic patet omnia.

1. 2. Ad illud ergo quod obiicitur quod temporale est creatum & mutabile, dicendum quod loquitur de temporali primo modo, & hoc non dicitur de Deo nisi per causam vel vnionem.

3. Ad illud quod obiicitur quod omne quod prædicatur de Deo est æternum, dicendum quod hæc est duplex, quia æternum potest teneri adiectiue, vel substantiue. Si adiectiue, sic falsa est. Aliquid enim prædicatur de Deo, cuius duratio non est æterna. Si substantiue, vera est, & sic est sensus: omne quod prædicatur de Deo est aliquid æternum. Nec tamen sequitur: Est æternum, immo est ibi fallacia accidentis: sicut hic, creatio est Deus, & Deus est æternus, ergo creatio est æterna, ita in prædicta. Aliquid enim quod est æternum ratione principalis significati, id est, quod est aliquid æternum, ratione connotati dicitur temporale.

4. Ad illud quod obiicitur quod illud quod est ex tempore, incipit aliquid esse, dicendum quod illud non est in Deo propter mutationem aliquam factam in ipso, sed in creatura: & illud determinatum est supra distinctione 8.

Fundamenta.
Aug. 15. de
Trin. c. 16.
tom. 3.
Aristot. in
prædicationibus
8. phys.

Ad oppositum.

Resp.

Repl.

QVÆ-

QVÆSTIO II.

An nomina qua de Deo ex tempore dicuntur, per se, vel per accidens dicantur.

*Alex. Alenf. 1. p. q. 13. Memb. 4.
S. Thom. 1. p. q. 13. art. 3.
Seco. 1. Sens. dist. 30. q. 2.
Egid. Rom. 1. Sens. dist. 30. q. 3.
Richardus 1. Sens. dist. 30. q. 2.
Henricus in Quod. q. 1.
Franciscus de Mayr. 1. Sens. dist. 30. q. 2.
Thom. Argens. 1. Sens. dist. 30. q. 1. art. 2.
Gab. Biel 1. Sens. dist. 30. q. 5.*

Ad Oppo-

Cap. 16.
tem. 3.Aristot. 1.
Topic.Aristot. 1.
Post. com-
tex. 5.Aristot. 1.
Top.Funda-
menta.
Cap. 15. q.
16. 10. 3.Aristot. 1.
Met. 1. 23.August. 1.
de Trin. 4.
16. 10. 3.

Secundo quaeritur, vtrum quæ dicuntur de Deo ex tempore, dicantur per se vel per accidens. Et quod secundum accidens, ostenditur hoc modo: Augustinus 5. de Trinit. & habetur in littera quod dominus esset hominis, ex tempore accidit ei.

2. **I**TEM hoc ipsum videtur ratione: quia omne quod adest & abest præter eius, de quo dicitur, corruptionem, prædicatur secundum accidens, hæc est per se nota: sed omnia hæc quæ temporaliter dicuntur de Deo, sunt huiusmodi: ergo, &c.

3. **I**TEM quod prædicatur per se de aliquo, semper inest illi: ergo ab oppositis: Quod prædicatur de aliquo, & non semper inest, prædicatur non per se, ergo per accidens: sed talia sunt huiusmodi nomina: ergo, &c.

4. **I**TEM omne quod prædicatur de aliquo, aut est conuertibile cum subiecto, aut de ratione subiecti aut prædicatur per accidens: sed huiusmodi nomina nec sunt de ratione Dei, nec conuertibilia, vt patet de hoc nomine, Dominus, ergo, &c.

CONTRA: Augustinus 5. de Trinitate, nihil secundum accidens dicitur de Deo.

ITEM ostenditur ratione: quia in quocumque est ponere accidens, est ponere compositionem, & per consequens varietatem: sed neutrum est in Deo: ergo, &c.

ITEM omne per accidens reducitur ad per se: sed reductio est posterioris ad prius, non e conuerso: Deus autem non habet prius, nec simpliciter, nec secundum quid: ergo nihil de Deo dicitur secundum accidens.

ITEM omne quod dicitur de duobus, de vno per se, de altero per accidens, perfectiori modo dicitur de eo, de quo dicitur per se: sed quidquid dicitur de Deo, dicitur perfectissime, ergo nihil dicitur de Deo secundum accidens: ergo huiusmodi nomina non dicuntur de Deo per accidens, ergo per se.

CONCLUSIO.

Quæ de Deo ex tempore dicuntur, prædicantur per accidens, pro quanto de eo non necessario dicuntur.

RESP. ad arg. Dicendum quod dici secundum accidens est tripliciter. Vno modo accidens dicitur per oppositum ad substantiam: & sic dicitur accidens proprietas alii inherens, quæ non est de rei essentia. Et hoc quidem modo nihil dicitur de Deo secundum accidens, sicut dicit Augustinus eo quod hoc modo accidens ponit compositionem & varietatem in eo de quo dicitur. Alio modo dici secundum accidens, est per oppositionem ad per se: & sic dicitur secundum accidens, aut quod dicitur per aliud in essentia, vt si dicatur paries disgregat: aut per aliquid cui est quodam modo idem, quodam modo diuersum, vt puta cum dicitur de superiori per inferius, vt figura habet tres, vel de inferiori per superius, vt Isocheles habet tres. Hoc modo non est aliquid dici de Deo secundum accidens. Hoc enim dici per accidens ponit in aliquo posterioritatem & imperfectionem, sicut ostendunt rationes ad hoc inductæ: Deus autem nihil habet imperfecte, nihil habet ab alio quod sit omnino aliud, nec a superiori vel inferiori, quia hæc non cadunt in Deo.

A Tertio modo dici secundum accidens, est per oppositionem ad necessarium, vt illud dicatur accidere quod necessario non inest. Et hoc modo huiusmodi dicuntur de Deo secundum accidens, quia non dicuntur de ipso necessario, sed dicuntur de ipso per se, quia per comparisonem ad creaturam. Comparatio autem ad creaturam per se est, quia Deus est sua actio: sed tamen quia Deus agit per voluntatem quæ non semper, nec de necessitate coniuncta est actui, ideo non necessaria: & quantum ad hoc cadit ibi ratio dicendi secundum accidens. Vnde hic modus dicendi per accidens, opponitur per se in creaturis ratione eius quod ad dici per se sequitur necessarium in creaturis. In Deo autem non: quoniam idem seipso facit, & voluntarie facit: & ideo in Deo non habet oppositionem ad per se. Rationes ergo ostendentes quod non dicuntur de Deo secundum accidens, procedunt secundum primam & secundam acceptionem.

1. **Q**UOD autem obiicitur quod esse Dominum accidit: sic intelligendum est, id est, non est necessario, nec semper conuenit.

2. **A**D illud quod obiicitur quod absunt præter corruptionem: dicendum quod ista diffinitio est accidentis secundum quod abesse est per inhaerentiam: sed sic non conuenit Deo vt visum est, sed solum creaturis: vnde patet illud.

3. 4. **A**D illud quod obiicitur de per se: dicendum quod loquitur de per se in creaturis. Ad per se enim in creaturis sequitur necessarium, sed non sic in Deo.

QVÆSTIO III.

An nomina qua de Deo ex tempore dicuntur realem in Deo dicant relationem.

*Alex. Alenf. 1. p. q. 13. Memb. 4. art. 2.
S. Tho. 1. p. q. 13. art. 2.
Et de Pot. q. 7. art. 4.
Egid. Rom. 1. Sens. dist. 30. q. 4.
Richardus 1. Sens. dist. 30. q. 3.
Franciscus de Mayr. 1. Sens. dist. 30. q. 5.
Thom. Arg. 1. Sens. dist. 30. q. 1. art. 3.
Gabriel Biel 1. Sens. dist. 30. q. 1.*

Vtrum ea quæ sic dicuntur de Deo ex tempore, dicantur secundum substantiam, an secundum relationem quæ sit vera relatio. Et quod secundum relationem, videtur hoc modo: Sicut Pater seipso generat, ita seipso creat: tamen quamuis seipso generet, generatio, & paternitas dicitur vere in ipso secundum relationem: ergo pari ratione quamuis seipso creet, & dominetur, tamen quia sunt ad alterum, dicuntur realiter relatiue.

2. **I**TEM: Huiusmodi nomina, aut pure dicunt diuinam substantiam, aut superaddunt aliquem respectum. Si pure diuinam substantiam dicunt (sed substantia est æterna, & ab æterno) ergo dicuntur de Deo ab æterno quod falsum est: ergo superaddunt aliquem respectum, ergo relationem. Si dicas quod non addunt respectum secundum rem, sed secundum modum.

3. **C**ONTRA: Aut illi modo respondent aliquid in re aut nihil. Si aliquid in re, ergo realiter dicuntur relatiue. Si nihil, ergo falsus est modus intelligendi, & inconueniens modus dicendi.

4. **I**TEM: Sunt quædam relatiua secundum esse, quædam secundum dici. Sed in relatiuis secundum dici, est modus respectus: in relatiuis secundum esse, & veritas respectus: sed seruus, & Dominus sunt relatiua secundum esse: ergo vtrumque importat respectum, non tantum secundum modum, sed etiam secundum rem: ergo, &c.

5. **I**TEM: Dominium dictum de Deo, ita bene dicit superpositionem, sicut dictum de creatura: illa igitur superpositio, aut ponitur in Deo aut in creatura. Non in creatura, constat, quia tunc idem sibi superponeretur: ergo ponitur in Deo: sed superpositio est vere relatio ergo, &c.

Ad oppo-
situm.Aristot. in
Præd. cap.
Ad ali-
quid.

6. I T E M: Cum dico, Deus creat, hic notatur duplex respectus, scilicet causæ ad effectum, & econverso. Aut ergo uterque est in creatura, aut uterque in Deo: aut vnus in Deo, alter in creatura. Constat quod impossibile est vtrumque esse in Deo, quia Deus non est effectus, & similiter in creatura, quia creatura non est sui causa; ergo necesse est quod alter sit in Deo: ergo, &c.

7. I T E M: Cum dico, Deus creat, Deus verissime est causa: & si vera ratio causæ ponit veram relationem, huiusmodi nomina dicta de Deo ponunt veram relationem.

Funda-
menta.

C O N T R A Per Dionysium: In causalibus, & causis non recipimus reciprocationem: ergo cum Deus sit causa perfectissima creaturæ, non refertur ad creaturam, quamuis econverso creatura referatur ad ipsum.

Aristot. 5.
Metaph. 6.
de Aliquid.

I T E M Philosophus dicit quod scientia secundum esse refertur ad scibile, sed non conuertitur: ergo si minor est dependentia Dei ad creaturam, quam scibilis ad scientiam, ergo nulla in eo est relatio.

I T E M ratione videtur, quia huiusmodi nomina si dicunt relationem circa Deum, aut illa est pure diuina essentia, aut aliquid superadditum. Si pure Dei essentia, ergo æternum quid, ergo respectus huiusmodi nominum est æternus: ergo de necessitate dicuntur ab æterno. Si autem dicunt aliquid superadditum: ergo in Deo est aliqua compositio.

I T E M omnis relatio dicit aliquam dependentiam, vel saltem ordinem & habitudinem ad illud, respectu cuius dicitur: sed Deus non ordinatur nec terminatur: ergo nihil de Deo dicitur relatiue respectu creaturæ.

C O N C L V S I O.

Nomina qua de Deo ex tempore dicuntur, non important aliquam relationem secundum rem in Deo, sed solum secundum modum intelligendi.

idem lib. 2.
dist. 2. q. 2.
art. 2.

Aristot. 1.
Phys. con-
tex. 60. &
12. Metaph.
contex. 14.

R E S P. ad Arg. Ad hoc intelligendum, est sciendum quod dici secundum relationem, dupliciter est, aut secundum rem, aut secundum modum. Realis autem relatio triplex est. Aliquando enim fundatur super proprietatem accidentalem, ut similitudo in duplici albedine. Aliquando super dependentiam essentiali, sicut respectus, vel relatio materiæ ad formam. Nam sicut dicit Philosophus: Materia hoc ipsum quod est, ad alterum est. Aliquando super originem naturalem, sicut effectus ad causam, & Filii ad Patrem. Prima relatio non potest esse in Deo, quia in Deo nulla est proprietas accidentalis. Secunda non potest esse in eo, quia nulla in Deo est dependentia. Tertia est in Deo, sed non respectu creaturæ, sed respectu personæ: hæc enim non dicit compositionem, nec dependentiam inclinationem, sicut prima, & secunda, sed ponit distinctionem, & ordinem: & quoniam vere vna persona ordinatur ad aliam, & habitudinem habet, & alio modo secundum rem se habet ad vnam quam ad aliam, ideo hæc relatio est in persona respectu personæ, non respectu creaturæ. Nam Deus ad creaturam non habet ordinem, nec habet aliam & aliam habitudinem. Et ideo nullo modo est realiter in Deo relatio respectu creaturæ. Creatura autem ad Deum habet ordinem, & habitudinem mediante proprietate accidentali, & dependentia essentiali, & origine naturali, ideo secundum omnem modum refertur creatura ad Deum. Quoniam igitur intellectus noster cum intelligit aliquid referri ad aliquid, intelligit etiam comparari illud ad aliud, ideo intelligit Deum per modum respectus & relationis, cui respectui in Deo nihil responderet nisi diuina essentia: ex parte tamen creaturæ bene aliquid responderet, & ideo non est vanus. Concedendum ergo quod huiusmodi nomina dicta de Deo non important relationem in Deo secundum rem, sed solum secundum modum intelligendi. Ex his patent quæ sita.

Dissentit
hic à Scot.
dist. 30. q. 1.
lib. primi.

Idem sen-
tit S. Tho.
q. de poten.
q. 7. art. 10.

1. Quid enim obiicitur de Patre, dicendum quod non

est simile, quia Patris ad Filium est ordo, & habitudo, & alia habitudo ad Filium quam ad Spiritum sanctum: Deus autem sicut dicit Philosophus in Metaph. non habet ordinem, nec aliquam habitudinem, nam primæ causæ eodem modo se habet ad omnia, quamuis alia alio & alio modo se habeant ad ipsam, ut in prima Philosophia dicit quod primum & summum bonum non ordinatur ad hæc creata.

Aristot. 11.
Metaph.
contex. 36.
& seq.
ibidem.

2. Ad illud quod obiicitur, si non dicunt relationem, ergo pure substantiam, dicendum quod pure circa Deum dicunt substantiam secundum rem, sed relationem secundum modum intelligendi, in creatura vero secundum esse.

3. Et quod obiicit quod vanus est intellectus, dicendum quod falsum est, quia intellectus fundatur super aliquid, scilicet super relationem creaturæ, cui responderet relatio secundum dici in Deo.

4. Ad illud quod obiicitur, quod quædam sunt relatiua secundum esse, &c. Dicendum quod quædam sunt relatiua secundum esse ex parte vtriusque extremi, ut Dominus, & seruus in creatura: quædam ex parte alterius, ut scibile, & scientia, & mensurabile, & mensura, sic in proposito.

5. Ad illud quod obiicitur, quod Dominus dicit superpositionem, & similiter creatio causalitatem, dicendum quod superpositio in Deo est vere superpositio, & vere causalitas, quia vere alij superponitur Deus, & vere efficit. Tamen illa superpositio non est vere relatio, similiter nec causalitas, sed est vere diuina essentia, quia seipsa superponitur, & efficit.

6. 7. Ad illud quod obiicitur, quod est ibi respectus causæ, & effectus, dicendum quod respectus effectus ibi est vere respectus, & vere relatio, sed respectus causæ non est respectus, nec relatio in Deo secundum rem: sed secundum modum intelligendi, secundum rem vero substantia, vel essentia.

DISTINCT. XXXI. PARS I.

QVOMODO DICATUR
FILIVS ÆQUALIS PATRI
AN SECUNDVM SVBSTANTIAM,
AN SECUNDVM RELATIONEM, ITA
ET SIMILIS: ATQVE INCIDENTER
de appropriatis agitur.

RÆTEREA considerari oportet, cum tres persona coæuales sibi sint, utrum relatiue hoc dicatur, an secundum substantiam: & si relatiue, utrum secundum relationem, an secundum essentiam considerata sit æqualitas, deinde quid sit ipsa æqualitas. Ad quod dicimus, quia sicut simile nihil sibi est: similitudo enim (ut ait Hilarius) sibi ipsi non est. ita & æquale aliquid sibi non dicitur, ac per hoc sicut simile, ita & æquale relatiue dicitur. Dicitur ergo relatiue filius æqualis patri, & vtrique Spiritus sanctus. Est tamē æqualis patri Filius, & vtrique Spiritus sanctus, propter summam simplicitatem essentie, & unitatem. Æqualis est ergo filius Patri secundum essentiam, non secundum relationem. Vnde August. 5. li. de Trin. ait: Querimus secundum quid æqualis sit patri filius. Non secundum quod ad patrem dicitur filius, æqualis est patri: restat ergo, ut secundum id æqualis sit, quod ad se dicitur. Quidquid autem ad se dicitur, secundum substantiam dicitur. Restat ergo, ut secundum substantiam sit æqualis. Eadem ergo est vtriusque substantia. Item in 6. libro: Scitis est videre, nullo modo Filium æqualem esse Patri, si in aliquo, scilicet quod pertineat ad significandam eius sub-

Lib. 3. circa
finem.

Cap. 1. ad
finem.

stantiam

stantiam, inaequalis inuenitur. In omnibus ergo equalis est Patri Filius, & est eiusdem substantia. Aequalis est etiam Spiritus sanctus Patri & Filio, & in omnibus aequalis propter summam simplicitatem illius substantia. Ex his perspicuum fit, quod secundum substantiam Filius est aequalis Patri, & utrique Spiritus sanctus, & appellatio tantum relatiua est. Aequalitas ergo Patris, & Filij non est relatio, vel notio, sed naturalis unitas, & identitas.

Hic quo modo dicatur similis, & quid sit similitudo.

Hoc idem etiam dicimus de simili & similitudine. Cum enim dicitur Filius similis Patri, relatiue quidem dicitur, sed similis est Patri propter unitatem essentiae. Est ergo appellatio tantum relatiua, similitudo vero indifferens essentiae. Unde quibusdam non in docte videtur nomine aequalitatis, vel similitudinis non aliquid poni, sed remoueri, ut ea ratione dicatur Filius aequalis Patri, quia nec maior est eo, nec minor, & hoc propter unitatem essentiae. Ita & similis dicitur, quia nec diuersus, nec alienus, nec in aliquo dissimilis, & hoc propter essentiae simplicitatem. Non ergo secundum quod Filius est genitus à Patre, aequalis, vel inaequalis est Patri, nec similis, vel dissimilis, sed aequalis & similis secundum substantiam.

DISTINCT. XXXI. PARS II.

De sententia sancti Hilarii, qua in Trinitate personarum propria ostendit.

Non est igitur hic pratermittendum, quod vir illustris Hilarius proprietates personarum assignans, dicit in Patre esse aeternitatem, speciem in imagine, usum in munere. Quae tanta difficultatis sunt verba, ut in eorum intelligentia, atque explanatione vehementer laborauerit Augustinus, ut ipse ostendit in sexto libro de Trinitate ita dicens: Quidam cum vellet breuissime singularum in Trinitate personarum insinuare propria: Aeternitas est, inquit, in Patre, species in imagine, usus in munere. Et quia non mediocri auctoritatis in dictatione scripturarum, & assertionem fidei vir extitit, (hac enim Hilarius in libris suis posuit) horum verborum, id est, patris, & imaginis, & muneris, aeternitatis, speciei, & usus, abditam scrutatus intelligentiam, quantum valeo, non eum secutum arbitror in aeternitatis vocabulo, nisi quod pater non habet patrem de quo sit: filius autem de patre est ut sit, atque ut illi coaeternus sit. Imago enim, si perfecte implet illud cuius imago est, ipsa coaequatur ei, non illud imaginis suae, in qua imagine speciem nominauit. Credo propter pulchritudinem, ubi tanta est congruentia, & prima aequalitas, & prima similitudo nulla in re dissidens, & nullo modo inaequalis, & nulla ex parte dissimilis, sed ad identitatem respondens ei cuius imago est, ubi est prima & summa vita, cui non aliud viuere, & aliud esse. sed idem & primus ac summus intellectus, cui non est aliud viuere, & aliud intelligere, sed idem hoc unum tamquam verbum perfectum, cui non desit aliquid, & ars quadam omnipotentis, & sapientis Dei plena omnium rationum viuentium incommutabilem, & omnes unum in ea, sicut ipsa unum de uno, cum quo unum, ibi nouit omnia Deus quae fecit per ipsam.

Hic de Spiritu sancto quare usus dicatur.

Est autem ineffabilis quidam complexus Patris, & imaginis, qui non est sine perfinitione, sine charitate, sine gaudio. Illa ergo dilectio, & delectatio, felicitas vel bea-

titudo (si tamen aliqua humana voce digne dicitur) usus ab illo appellata est breuiter, & si in Trinitate Spiritus sanctus non genitus, sed genitoris genitig, suauitas, ingenti largitate atque ubertate perfundens omnes creaturas pro capto earum. Itaque illa tria, & à se inuicem determinari videntur, & in se infinita sunt. Qui videt hoc vel ex parte, vel per speculum in enigmate, gaudeat cognoscens Deum, & gratias agat. Qui vero non videt, tendat per pietatem fidei ad videndum, non per cecitatem ad calumniandum, quoniam unus est Deus, sed tamen Trinitas. Ecce habes qualiter verba Hilarii praemissa accipienda sint, licet tanta sint profunditatis, ut etiam adhibita expositione vix aliquatenus ea intelligere valeat humanus sensus, cum & ipsa eorum explanatio, quam hic Augustinus edidit, plurimum in se habeat difficultatis, & ambiguitatis.

Quod secundum hanc expositionem non distinguuntur ibi proprietates personarum tres.

Non enim secundum praemissam expositionem distinguuntur hic tres illae proprietates superius assignatae, sed ipsa hypostases distinctae ab inuicem monstrantur: aeternitas tamen nomine eadem videtur designata proprietas, quam notat hoc nomen, ingenitus. Sed videamus quid sit quod ait: Imago si perfecte implet, cuius imago est, ipsa coaequatur ei, non illud suae imaginis? Videtur enim dicere, quod filius qui est imago Patris, Patri coaequatur, non Pater Filio, cum & Filius dicatur aequalis Patri in scriptura, & Pater Filio: sed Filius hoc habet à Patre, ut sit aequalis, Pater autem non habet à Filio, & tamen Filius plene, ac perfecte aequalis est Patri, id est, imago ei, cuius est imago.

Quare dicatur Hilarius propria personarum assignasse in verbis praedictis: cum ibi non sint expressae proprietates.

Propria ergo personarum in praedictis verbis assignasse dicitur Hilarius quia relatiua nomina personarum posuit, scilicet imaginis, & muneris, quae relatiue dicuntur de personis, & proprietates notat, quibus distinguuntur personae. Ita enim dicitur Spiritus sanctus munus relatiue, sicut donum. Veruntamen ipsas proprietates alijs tribus nominibus non significauit. iuxta praedictam Augustini expositionem, nisi solo nomine aeternitatis, quo non ipsam paternitatem, sed eam voluit intelligi notionem qua dicitur ingenitus.

Quod earundem personarum distinctionem notat Augustinus alijs verbis sine expressione trium personarum.

Illud etiam sciri oportet, quod earundem trium personarum distinctionem Aug. ostendere volens sine expressione illarum trium proprietatum superius commemoratarum, ut in 1. lib. de doctr. Christiana, sic ait. In Patre est unitas, in Filio aequalitas, in Spiritu sancto unitatis, aequalitatisque concordia. Et haec tria unum, omnia propter patrem, aequalia omnia propter Filium, connexa omnia propter Spiritum sanctum. Itaque Pater, & Filius, & Spiritus sanctus, & singulus quisque horum Deus est, & simul omnes unus Deus, & singulus quisque horum plena substantia est, & simul omnes una substantia. Pater nec Filius est, nec Spiritus sanctus: & Filius nec Pater est, nec Spiritus sanctus: Spiritus sanctus nec pater est, nec filius, sed pater tantum pater, & filius tantum, & Spiritus

trius est Filius: & quia imago est, ut rei imago sit, speciem necesse est, & naturam, & essentiam, secundum quod imago est, in se habeat auctoritatis.

Ca. 55. 10. 11.

Ibidem ante praecedentia verba.

sanctus, tantum Spiritus sanctus. Eadem tribus eternitas, eadem incommutabilitas, eadem maiestas, eadem potestas. In his verbis aperte insinuatur personarum trium distinctio.

Quare Patri attribuitur vnitas, & Filio æqualitas.

Hilarius in lib. de Synodis. proposit. 26. Si quis inna- scibilem & sine initio dicat filium, quasi duo sine principio, & duo inna- scibiles, & duo innata di- catur, duos faciat Deos.

Sed plurimos mouet quod Patri attribuit unitatem, Filio æqualitatem. Cum enim unitas dicatur secundum substantiam, non tantum in Patre est, sed etiam in filio, & in Spiritu sancto: & æqualitas una est Patris & Filij & Spiritus sancti. Cur ergo Patri attribuitur unitas, & Filio æqualitas? Forte eadem ratione attribuitur Patri unitas secundum Augustinum, quæ supra eidem eternitas secundum Hilarium, quia videlicet Pater ita est, ut ab alio non sit, & quia filium genuit unum secum Deum, & Spiritus sanctus ab eo procedit unus cum eo Deus. Unitas ergo in Patre esse dicitur, quia nec est aliquid aliud à quo sit. Non enim ab alio est, nec ab eo aliquis, vel aliquid sit. Caput enim quod unum cum eo non sit: filius enim & Spiritus sanctus unum sunt cum patre. Vnde veritas ait: Ego & Pater unum sumus.

caput autem, quod est principium Christi, Deus. Sic enim ad unum in ininitabile om- nium initium per filium uniuersa referimus. Filium inna- scibilem confiteri, impiis- simum est. Iam enim non erit unus Deus: quia Deum unum predicari, natura v- nius inna- scibilis Dei exigit. Cui ergo Deus vnus sit, duo inna- scibiles esse non possunt: cū idcirco Deus vnus sit, cū pater Deus sit, & Filius Dei Deus sit, quia inna- scibilitas sola penes unum sit: filius autem idcirco Deus, quia ex inna- scibili essentia natus ex- stat. Respicit ergo inna- scibilem filium predicari fides sancta, ut per unum inna- scibilem, Deum unum predicet, ut naturam vni- genitam ex inna- scibili genitam essentia, in vno inna- scibilis Dei nomine complectatur. Caput enim omnium filius est: sed caput filij Deus est: & ad unum Deum omnia hoc gradu, & hac confessione referuntur, cum ab eo sumant uniuersa principium, cum ipse principium sit. Idem in eodem, proposit. 24. Omnibus creaturis substantiam voluntas Dei contulit: sed naturam dedit filio ex inna- scibili ac non nata substantia perfecta natiuitas. Talia enim cum- da creata sunt, qualis Deus esse voluit. Filius autem natus ex Deo, subsistit talis, qualis Deus est, nec dissimilem sui edidit natura naturam: sed ex substantia Dei ge- nitus, nature secundum originem attulit essentiam, non secundum creaturam vo- luntatis essentiam.

Quare Pater & Filius dicantur esse vnum, vel vnus Deus, sed non vnus, quia res eiusdem nature recte possunt di- ci vnum simpliciter esse, & cum adiectione: res vero diuerse nature, non possunt di- ci vnum, nisi dicitur quid vnum.

Hilarius in lib. de Syno- dis, aliqua- tum ante Synodu continente proposit. 27. Minus for- te expresse videtur d. indifferenti- similitudi- ne patris & filij fides lo- cuta esse, maxime cū de Patre & Filio & Spi- ritu sancto ita senserit significata in nomini- bus proprie- tatis cuius- que nomi- natorum. substantia, & ordinem, vident qui- dam per substantiam

Hic dici oportet, quod Pater & Filius, & Spiritus san- ctus recte dicuntur esse vnum & vnus Deus, sed non vnus. Res enim due, vel plures recte possunt dici vnum esse, si sint vnus essentia, & earum vna sit natura. Vnus au- tem, vel vna non potest dici de diuersis rebus, nisi addatur quid vnus, vel vna: quo addito, recte potest dici de rebus & vnus & diuersa substantia. Vnde August. in 6. lib. de Trinit. cap. 3. sic ait: Nescio utrum inueniatur in scri- pturis dictum, unum sunt, quorum est diuersa natura. Si autem & aliqua plura sunt eiusdem nature, & diuersa sentiant, non sunt unum in quantum diuersa sentiunt. Cum ergo sic dicitur vnum, ut non addatur quid vnum, & plura vnum dicuntur, eadem natura, atque essentia: non dissidens, neque dissentiens significatur. Vnde Pau- lus & Apollo 1. Cor. 3. qui & ambo homines erant, & i- dem sentiebant, vnum esse dicuntur, cum dicitur 1. Cor. 6. Et qui plantat, & qui rigat vnum sunt. Cum vero ad- ditur quid vnum, potest significari aliquid ex pluribus vni factū, quāvis diuersa natura: sicut anima, & corpus non possunt vtrique dici vnum, quid enim tam diuersum? nisi addatur, vel subintelligatur quid vnum, scilicet vnus homo. Vnde Apostolus. Qui adheret, inquit, Domino, spiritus vnus est. Non dixit vnus est, vel vnum sunt, sed

addit: spiritus. Diuersi sunt enim natura spiritus ho- minis, & spiritus Dei, sed inherendo fit spiritus homi- nis vnus spiritus cum Deo, quia particeps fit veritatis, & beatitudinis illius. Si ergo de his quæ diuersa substantia sunt, recte dicitur quod sint vnus spiritus, quanto magis qui vnus substantia sunt recte dicuntur vnus Deus esse? Pater ergo & filius vnum sunt vtrique secundum unita- tem essentia, & vnus Deus. In quo & Arriana heresis damnatur, quæ Patrem, & Filium, & Spiritum sanctū, ut ait Augustinus in libro de hæresibus Tomo 6. art. 49. non vult esse vnus eiusdemq. substantia, atque natura, vel ut expressius dicatur, essentia, quæ Grace dicitur vñia, sed filium esse creatum. Nec non & Sabelliana, quæ, ut ait Augustinus in eodem lib. eodem 10. art. 41. dicebat Christum eundem ipsum, & Patrem & Spiritum san- ctum esse: ut esset Trinitas nominum sine subsistentia personarum. Vtramque pestem, ut ait Aug. super Ioan. tom. 9. tract. 36. elidit Veritas dicens: Ego & pater vnum sumus. Vtrumque audi, & aduerte & vnum, & sumus, & à Charybdi, & à Scylla liberaberis. Quod enim dixit vnum, liberat te ab Arrio: quod dixit lu- mus, liberat à Sabellio. Si vnum, ergo non diuersum: si sumus, ergo pater & filius. Sumus, enim non diceret de vno, nec vnum de diuerso. Erubescant ergo Sabellia- ni, qui dicunt ipsum esse Patrem, qui est filius, confunden- tes personas, qui & dicti sunt Patripassiani, qui dicunt patrem fuisse passum. Arriani vero dicunt aliud patrem esse, aliud filium, non vnā substantiam, sed duas: patre maiorem, filium minorem. Noli hoc dicere tu catholice. In medio ergo nauiga, vtrumque periculosum latus deu- ta: & dic, Pater, Pater est: & Filius, Filius est: alius pater, alius filius, sed non aliud, imo hoc ipsum, quia vnus Deus. Ecce ostensum est quare unitas in patre esse dicatur, cum tres illi vnum sint.

sancti diuersitate dissimilis essentia separantes. Quod autem dictum est, ut sint quidem per substantiam tria, per consonantiam vero vnum: non habet calumniam: quia cognominato spiritu, id est, paracleto, consonantia potius quam essentia per si- militudinem substantia predicari conuenit unitatem, in eodem. Item cum Deum Patrem confitemur, & Christum Dei filium predicamus, & inter hac diuortium Deorum sit irreligiosa confessio: non possunt secundum naturam indifferentiam, & nomen indifferens, non vnum esse in essentia generatione: quorum essentia nomen non licet esse nisi vnum. Non enim religiosa unitas nominis ex indifferentis natura essentia constituta personam genita ademit essentia: ut vnica ac singularis Dei substantia per unionem nominis intelligatur, cum vtriusque essentia nomen v- num, id est vnus Deus, ob indifferetia in vtroque natura indissimilem substantiam predicetur.

Quare dicatur esse æqualitas in filio, cum sit vna æqualitas trium.

Nunc videamus quare æqualitas dicatur esse in Filio, cum vna & summa æqualitas sit trium. Hoc ideo forte dictum est: quia Filius genitus est à Patre æqualis gigen- ti, & dono, quod ab vtroque procedit, & ideo illa tria di- cuntur esse æqualia propter Filium. Filius enim habet à Patre, ut sit ei æqualis & Spiritui sancto: & Spiritus sanctus ab vtroque habet, ut sit æqualis vtrique. Hoc autem sine assertionis supercilio, & maioris intelligentia præiudicio dicimus, valentes in apertione tam clausorum sermonum peritiores audire, quam aliquid alijs influere.

Quare in Spiritu sancto dicatur esse vtriusque concordia vel connexio.

Quod autem in Spiritu sancto dicitur esse vtriusque concordia, & per eum omnia connexa, facilius est intelli- gentia, nobis præmissa ad mentem reuocantibus. Supra enim secundum auctoritates sanctorum dictum est, quod

SPIRITUS

Spiritus sanctus amor est quo Pater diligit Filium & Filius patrem. Recte ergo Spiritus sanctus dicitur connexio vel concordia Patris & Filij, & per eum omnia connexa. Vnde August. in 5. libro de Trinit. cap. 11. Communio quaedam consubstantialis Patris & Filij est amborum Spiritus sanctus. Idem in 6. lib. de Trin. cap. 3. Spiritus sanctus est summa charitas utrumque coniungens, nosque subiungens.

DISTINCT. XXXI. PARS I.

De significatione relatiuorum, quæ communiter & æternaliter de Deo dicuntur, ut similis & æqualis.

Præterea considerari oportet, cum tres personæ æquales sibi sint, &c.

Expositio textus.

IN præcedenti proxima particula egit Magister de relationibus quæ dicuntur de Deo proprie, & temporaliter. In hac parte agit de his quæ dicuntur de Deo communiter & æternaliter. Et quoniam hæc sunt appropriabilia, ideo hæc pars habet duas partes. In prima determinat eorum significationem. In secunda eorum appropriationem ibi: *Non est igitur hic prætermittendum.* Prima pars habet duas. In prima determinat significationem huius nominis æqualis. In secunda huius nominis similis, ibi: *Hoc etiam dicimus de simili & similitudine.*

Præterea considerari oportet. Dub. I.

Dubitatur de situ huius partis, quia cum supra dist. 19. actum est de æqualitate, videtur hic Magister superflue repetere.

R. & S. P. Dicendum quod de æqualitate, & similitudine, est loqui dupliciter, scilicet a parte rei, & a parte nominis. Et primo modo agitur de æqualitate & similitudine in præcedentibus, secundo modo hic.

Simile nihil sibi est. Dub. II.

Videtur hoc falsum, quia aliquis differt à se, sicut Sorites senex à se puero, ergo pari ratione potest esse aliquid simile sibi. Item: Christus homo est sibi similis, quia nullus est beatus nisi sit Deo assimilatus, sed Christus est maxime Deo assimilatus, ergo, &c.

R. & S. P. Dicendum quod sicut differentia aliquando notat alietatem suppositi à supposito, ut cum dicitur Petrus est alius à Paulo. Aliquando alietatem in natura, ut cum dicitur Christus secundum quod homo differt à Deo. Aliquando alietates status à statu, ut Petrus senex differt à se puero. Per hunc modum intelligendum de similitudine. Quando igitur similis dicit similitudinem suppositi ad suppositum, non potest esse idem similis sibi: quando vero dicit similitudinem naturæ ad naturam, vel status ad statum, potest idem esse sibi similis, quia hæc concurrunt in eadem persona, & ita intelligit Magister.

Æqualitas ergo Patris & Filij, non est relatio vel notio.

Dub. III.

Obiicitur, quia statim prædixit quod simile & æquale est relatiuum: ergo similitudo est relatio.

R. & S. P. Dicendum quod Magister intelligit de notione quæ est personæ proprietates, non de relatione communiter intellecta. Vel aliter dicendum, quod verbum Magistri est causaliter intelligendum, sicut patet ex præcedentibus, quia æqualitas non consistit in proprietatibus personalibus, sed magis in essentialibus, quæ supra visa sunt.

S. Bonau. Tom. 4.

ARTICVLVS I.

AD intelligentiam huius partis est questio de his nominibus *similis & æqualis*, & circa hæc tria quærentur. Primo quæritur, utrum hæc nomina dicantur secundum positionem, an secundum priuationem. Secundo quæritur, utrum dicantur secundum substantiam, an secundum relationem. Tertio quæritur, utrum dicantur mutuam relationem in patre & filio.

QVÆSTIO I.

An æqualitas & similitudo positive vel priuatiue de Deo dicantur.

*Alex. Alens. 1. p. q. 54. Memb. 1. art. 1.
S. Thom. 1. p. q. 42. art. 1.
Et 1. Sent. dist. 19. q. 1. art. 1.
Scotus 1. Sent. dist. 31. q. unica.
Ægid. Rom. 1. Sent. dist. 31. q. 8.
Richard. 1. Sent. dist. 31. q. 1.
Durandus 1. Sentent. dist. 31. q. 1.
Franciscus de Mayr. 1. Sent. dist. 31. q. unica.
Ioan. Batton. 1. Sent. dist. 31. q. 1.
Thomas Argent. 1. Sentent. dist. 31. q. 1. art. 2.
Gabriel Biel. 1. Sent. dist. 31. q. 1.*

QUOD dicatur secundum priuationem videtur per auctoritatem Magistri in littera. Quibusdam videtur nomine æqualitatis & similitudinis non aliquid poni, sed remoueri, ut dicatur filius æqualis patri, quia nec maior nec minor est eo.

2. ITEM hoc potest probari sic: Euclides diffinit æquale sic: *Æquale est quod alteri suppositum non excedit, nec exceditur: ergo tunc hæc diffinitio sit data secundum priuationem, pater, &c.*

3. ITEM: *Æquale & simile non tantum dicunt unitatem, sed etiam diuersitatem, sed non est ponere diuersitatem in diuinis, ergo huiusmodi nomina non dicuntur secundum positionem, sed secundum priuationem.*

4. ITEM: *Æquale secundum quod dicit positionem, dicit commensurationem, sed in diuinis non est commensuratio, nec excessus, ergo dicuntur per priuationem excessus, non per positionem.*

CONTRA: *Similitudo & æqualitas in his inferioribus, dicuntur positive: sed hæc completius sunt in Deo: quia ut dicit Augustinus in filio primo reperitur ratio similitudinis & æqualitatis, ergo multo fortius in Deo dicuntur positionem.*

ITEM *Omnis negatio quæ non est pura negatio, fundatur supra positionem: ergo cum hoc quod dico æquale, importet remotionem excessus, & non importet puram negationem, quia tunc chimæra esset æqualis Deo, oportet quod importet positionem.*

ITEM: *Hæc est falsa, pater & filius sunt inæquales: ergo hoc quod est inæquale, aliquid priuat quod est in Deo: sed hoc non est nisi importatum per æqualitatem: ergo æqualitas aliquid ponit: quia si eius oppositum priuat, necesse est ipsum ponere.*

ITEM: *Hæretici dicunt hanc falsam: Pater est æqualis filio, aut quia aliquid ponitur, aut quia aliquid remouetur. Non quia remouetur: quia dicunt hanc veram: Pater est inæqualis, quæ remouet: ergo quia aliquid ponitur, ergo, &c. & fundatur vtraque istarum positionum supra oppositionem inæqualis ad æquale. Si enim æquale & inæquale acciperentur remotiue, tunc eorum opposita acciperentur positive.*

CONCLUSIO.

Æqualitas, & similitudo non dicuntur de Deo priuatiue ut opinatus est Magister, sed positive.

R. & S. P. Dicendum quod secundum quod in littera innuitur & doctores antiqui dicunt, positio Magistri fuit,

Ad oppositum.

Fundamenta.

Positio Magistri.

X 2

quod

Improbatio.

quod nomina quæ non dicunt personalem proprietatem, vel essentiam unitatem, priuatiue accipiuntur. Vnde quia similis & æqualis dicit respectum patris ad filium, & ille respectus non est personalis proprietas, nec essentia: voluit ponere quod omnia talia secundum priuationem dicerentur, sicut duo, tres, similes, & æquales, & similia. Tamen ista positio stare non potest, sicut supra probatum est de unitate & pluralitate nominum diuinorum. Si enim in diuinis est unitas positue, & pluralitas, & hæc duo faciunt similitudinem & æqualitatem, necesse est hæc positue accipi in diuinis. Et concedenda sunt rationes ad hoc inductæ.

1. Ad illud ergo quod obiicitur, quod æquale est quod non excedit. Dicendum quod illi negationi subternitur affirmatio, & posito, quæ notificatur per priuationem oppositi, scilicet excessus.

2. Ad illud quod obiicitur, quod non est diuersitas in diuinis. Dicendum quod non indicant diuersitatem nisi suppositi, non formæ de se: & quia in diuinis est pluralitas suppositorum, pater, &c.

3. Ad illud quod obiicitur, quod secundum quod dicuntur positue dicuntur commensurationem. Dicendum quod in diuinis non est commensuratio simpliciter, sed tamen est commensuratio respectu infiniti, & hæc non ponit simpliciter commensurationem. Aliter potest dici quod æquale & simile de suo primo intellectu ponunt unitatem quantitatis & qualitatis.

Quod autem ponat commensurationem, hoc quod est æquale, est quia quantitas illa est mensurata: quoniam ergo in diuinis est immensa, dicit ibi conuenientiam in quantitate virtutis, quamuis non ponat ibi commensurationem.

QVÆSTIO II.

An æqualitas & similitudo secundum substantiam, vel secundum relationem in diuinis dicantur.

Alex. Alens. 1. p. q. 34. Memb. 1. art. 3.

S. Thom. 1. p. q. 42. art. 4.

Et de Pot. q. 2. art. 3.

Scotus in Reportatis 1. Sent. dist. 31. q. 1.

Ægid. Rom. 1. Sent. dist. 31. q. 1.

Richard. 1. Sent. dist. 31. q. 2.

Petrus de Tarentasia. 1. Sent. dist. 31. q. 2.

Thomas Argent. 1. Sentent. dist. 31. q. 1. art. 3.

Ad oppositum.

Lib. 3.

Aristot. in Præd. ca. de qualitatibus & quantitatibus.

Fundamentum.

Vtrum nomina prædicta dicantur secundum substantiam, an secundum relationem. Et quod secundum substantiam, videtur auctoritate Magistri in littera. Æqualitas, inquit, non est relatio vel notio, sed naturæ unitas vel identitas. Et Hilarius, de Trinitate. Similitudo est indifferens essentia: ergo tam similitudo quam æqualitas dicit diuinam essentiam.

2. ITEM: Æqualitas dicitur secundum quantitatem, similitudo secundum qualitatem, sed in diuinis qualitas & quantitas transeunt in substantiam, ergo, &c.

3. ITEM: Omne quod dicitur secundum relationem, importat distinctionem de suo principali intellectu: sed simile & æquale dicunt conuenientiam, ergo non dicuntur secundum relationem.

4. ITEM: Nihil quod dicitur secundum relationem, dicitur de duobus, nisi importet relationem in communi, hoc dico propter hoc nomen *relatio* & *distinctio*, sed simile & æquale important relationem specialem, si eam, inquam, important, quia non est assignare speciales sub ipsis, & dicuntur de pluribus, ergo, &c.

CONTRA: Hilarius de Trinitate. Similitudo sibi non est: sed omne quod dicitur secundum substantiam dicitur ad se, ergo, &c.

ITEM omne quod dicitur secundum substantiam, dicitur de pluribus singulariter: sed similis & æqualis, dicitur pluraliter, ergo, &c.

ITEM: Æqualitate refertur pater ad filium, & filius

A ad patrem, sed non essentia: ergo æqualitas non dicit essentiam.

ITEM: Aut pater est æqualitas filii ad patrem, aut non. Si sic, ergo cum filius æqualitate illa sit æqualis patri, pater est æqualis sibi, quod non conceditur: quod si pater non est æqualitas filii ad patrem, ergo æqualitas non dicitur de omnibus, ergo non dicit essentiam. Essentia enim filii est pater.

CONCLUSIO.

Æqualitas, & similitudo dicuntur in diuinis secundum relationem formaliter, sed secundum substantiam causaliter, relatione nihilominus principaliter, secundum substantiam vero ex consequenti.

B

RESP. Dicendum quod secundum communem omnium opinionem cum simile & æquale dicant conuenientiam plurium in vno, de se important distinctionem in suppositis, & unitatem siue unitatem in essentia. Et quia distinctio personarum spectat ad modum dicendi secundum relationem, unitas essendi ad modum dicendi secundum substantiam. Ideo huiusmodi nomina nec omnino dicuntur secundum substantiam, nec omnino secundum relationem, sed quodam modo secundum substantiam, quodam modo secundum relationem. Sed quia non possunt secundum hunc duplicem modum dici principaliter, necesse est quod secundum alterum. Ideo ulterius oportet querere, secundum quem modum accipiendi, accipiuntur principaliter in diuinis. Et hic sunt diuersæ opiniones. Quidam enim dicunt quod

C

huiusmodi nomina secundum cōcretionem significata, dicuntur principaliter secundum relationem. Nam similes dicuntur habentes eandem qualitatem. Quia ergo respicit suppositum per se, secundum quod concretum, ideo dicitur secundum relationem. Sed in abstractione, quia similitudo est unitas naturæ, vel essentia, quia respicit unitatem formæ primo, non distinctionem suppositorum nisi ex consequenti, principaliter dicitur secundum substantiam. Sed iste modus soluendi non est conueniens. Nam est eadem significatio in concreto & in abstracto in principali significato: ergo si dicitur secundum substantiam vnum, & reliquum similiter, ergo hoc non tollit quod dictum est. Secunda opinio, quod huiusmodi nomina & in concrectione & in abstractione dicuntur principaliter secundum substantiam, & connotant distinctionem in suppositis. Et ratio ipsorum est, quia cum similitudo respiciat ista duo, scilicet conuenientiam & differentiam, immediatius & completius respicit conuenientiam. Dicuntur enim differentes esse similes in quantum conueniunt, conuenientes vero non dicuntur similes in quantum differunt. Respicit ergo similitudo distinctionem per modum materiæ, sed per modum formæ respicit unitatem essentia, & ideo completius dicitur secundum substantiam tam similitudo, quam similis. Sed ista positio non potest stare. Certum enim est quod similitudo dicitur respectus aliquorum ad inuicem, sed in diuinis non est nisi respectus personæ ad personam. Respectus autem personæ ad personam, non potest dici secundum substantiam: ergo necesse est quod hoc nomen simile quod a similitudine imponitur secundum substantiam non dicatur. Et ideo est tertia opinio, quod huiusmodi nomina dicantur secundum relationem, formaliter loquendo: dicunt enim respectum suppositorum distinctorum conuenientiam in aliquo vno: & ita respectus cadit ibi per modum formalis, sed unitas essentia & pluralitas suppositorum cadit per modum causæ. Ideo proprie & principaliter secundum relationem, ex consequenti vero secundum substantiam dicuntur, causaliter loquendo. Et hoc magis patet si consideremus significationem horum nominum in creaturis, unde fit translatio. Similitudo enim est relatio secundum qualitatem, similiter & æqualitas secundum quantitatem, & similitudo dicit relationem formaliter, sed qualitatē cau-

D

E

Opinio 1.

Improbatio.

Opinio 2.

Improbatio.

Opinio Doctoris.

saliter.

saliter. Similiter æqualitas dicit quantitatem causaliter, sed relationem formaliter. Non enim est similitudo qualitas, sed relatio quæ attenditur secundum qualitatem.

1. Ad illud quod obiicitur de Magistro & Hilario quod est essentia, dicendum quod causaliter intelliguntur omnes tales sermones.

2. Ad illud quod postea dicitur, quod æquale dicitur secundum quantitatem, dicendum quod secundum dicit causam efficientem, non formam: sic de simili.

3. Ad illud vero quod obiicitur, quod relatiua important distinctionem, dicendum quod quædam in diuinis dicuntur secundum relationem quæ sunt distinctiua relatorum, ut pater & filius, & talia important respectum distinguentem, & talia important distinctionem ut exercitam. Quædam autem dicuntur secundum relationem, quæ sunt relatiua distinctorum, ut similis & æqualis, & talia important respectum: sed ille respectus non est notio distinguens, sed consequens distinguentem. Importat enim distinctionem ut non exercitam, sed ut conceptam. Nam respectus distinguens est vnius personæ ad aliam secundum quod est ab illa. In huiusmodi vero nominibus importatur respectus vnius personæ ad aliam secundum quod communicant vnā naturam. Et quia respectus est relatio, ideo plurificatur: quia vero respectus vnius essentia, ideo dicitur de pluribus.

4. Et ideo pater vltimum quod dicitur, quod nullo relatiuum dicitur de pluribus nisi dicat relationem in communi, dicendum enim quod hoc non solum est in his nominibus quæ important distinctionem in communi, ut relatus & distinctus, verum etiam in his quæ dicunt respectum plurium, ut communicant in aliquo. Tale enim nomen dicit respectum in communi specificatum tamen ratione communicationis in vno, unde similes dicuntur adinuicem relati participantes vnā qualitatem.

QVÆSTIO III.

An æquale & simile secundum mutuam relationem in diuinis dicantur.

Alexand. Alensis 1. p. q. 54. Memb. 1. art. 2.

Scot. in Report. 1. Sent. dist. 31. q. 2.

Ægid. Rom. 1. Sent. dist. 31. q. 2.

Steph. Brulef. 1. Sent. dist. 31. q. 3.

Petrus de Tarantaf. 1. Sent. dist. 31. q. 7.

Vtrum prædicta nomina, scilicet *æqualis*, & *similis* dicant mutuam relationem, secundum quam pater filio, & filius patri sit æqualis. Et quod non, videtur, quia secundum Dionysium: In causalibus non recipimus reciprocationem, sed pater est principium filii, ergo non cadit ibi reciprocatio, ut dicatur pater æqualis filio.

2. ITEM hoc videtur ratione, quia enim filius similis est patri, ideo dicitur similitudo patris: ergo si econuerso pater est similis filio perfecte, ergo pater est similitudo filii, hæc autem non recipitur, ergo, &c.

3. ITEM Qui est æqualis alii, secundum æqualitatem sibi adæquatur: si ergo pater est æqualis filio, ergo si adæquatur, quæro à quo: aut à se aut ab alio. Non à se, quia quicumque æquat se alii aliquid agit in se, sed pater nihil agit in se, ergo non adæquat se, nec alii adæquatur, ergo non est æqualis filio.

CONTRA: Simile, & æquale sunt relatiua æquiparantia: sed ista denominant vtrumque extremum, ergo si filius est similis patri, pari ratione pater est similis filio.

ITEM Ratio similitudinis est conuenientia vel indifferentia in qualitate vel substantia. Sed conuenientia æqualiter respicit vtrumque extremum, & indifferentia: si ergo filius est indifferens patri, & econuerso, pater est similis filio.

ITEM: Omne plurale geminat suum singulare, sed hæc conceditur, pater & filius sunt similes & æquales, ergo pater est similis: quæro cui, aut sibi aut alii. Nō sibi, ergo alii.

CONCLUSIO.

Æquale & simile, prout conuenientiam in quantitate & qualitate dicunt, reciprocant & mutuam dicunt relationem: si vero rationem originis superaddant, nequaquam.

RESP. ad Arg. Dicendum quod *similis*, & *æqualis* dupliciter accipiuntur. Aut prout dicunt conuenientiam in quantitate, vel qualitate: aut prout supra conuenientiam addunt imitationem vel expressionem perfectam. Primo quidem modo sunt relatiua æquiparantia, & dicuntur ad conuertentiam secundum quod probant rationes secundo inductæ. Alio modo *similis* & *æqualis* addunt super hoc rationem originis. Vnde *æqualis* dicitur quasi adæquatus, & similis quasi assimilatus: hoc modo non conuenit nisi ei qui est ab altero, & hoc modo procedunt primæ rationes, quod pater non dicitur similitudo filii per imitationem, nec æquatur Filio per emanationem ab alio, sed æquat sibi Filium. Quod tamen dicit Dionysius quod non recipimus reciprocationem, & cet. loquitur de causa proprie & prout differt ab effectu per essentiam: hoc autem modo Pater non est causa Filii, immo bene est habitudo Filij ad Patrem, sicut econuerso, & sic patent omnia.

DISTINCT. XXXI. PARS II.

De appropriatione relatiuorum quæ communiter, & æternaliter de Deo dicuntur, ut similis, & æqualis.

Non est igitur hic prætermittendum quod vir illustris Hilarius.

Expositio textus.

Terminata parte illa in qua agit de significatione horum nominum *similis* & *æqualis*, hic incipit secunda pars in qua agit de horum nominum appropriatione, & habet hæc pars duas partes. In prima assignat appropriationes: In secunda mouet & soluit dubitationem quæ ex huiusmodi appropriatione habet originem, infra dist. 32. Hic oritur quæstio ex prædictis deducta. Prima pars diuiditur in duas partes. In prima assignat appropriationem secundum Hilarium. In secunda secundum Augustinum, ibi: *Illud etiam scire oportet quod earundem trium personarum distinctionem*. Prima pars habet tres. In Prima assignat Hilarius appropriationem & eius explanationem propter sui obscuritatem. In secunda ostendit quod illa quæ Hilarius assignat, non sunt propria sed appropriata, ibi: *Non enim secundum præmissam expositionem*. In tertia vero ostendit quod illa quibus hæc appropriat, sunt propria. Appropriatio enim est communis respectu proprii, & hoc facit ibi: *propria igitur personarum*. Similiter secunda pars in qua assignat Magister appropriationem Augustini, habet duas. In prima ponit ipsam appropriationem. In secunda ponit eius expositionem, ibi: *Sed plures mouet quod Patri attribuit*, &c. Et hæc pars habet tres secundum illa tria appropriata. In prima ostendit qualiter Patri appropriatur vnitas, ostendens etiam incidentaliter, qualiter aliqua dicuntur vnum, ibi: *Hic duo oportet*. In secunda vero ostendit quo modo Filio appropriatur æqualitas, ibi: *Nūc videamus qualiter æqualitas*. In tertia vero ostendit quo modo Spiritui sancto approprietur concordia, ibi: *Quod autem in Spiritu sancto dicitur esse vtriusque concordia*.

Non est igitur hic prætermittendum.

Dub. I.

Cum Magister agat de appropriatione dist. 24. & de appropriatis dist. 25. vsque ad finem, videtur quod male traher hic tractatum de appropriatis.

R E S P. Dicendum quod duplici de causa ponit hic Magister tractatum de appropriatis. Vna est, quia egerat de nominibus quæ dicunt relationem secundum relationem communem, secundum quam appropriatio attenditur, sicut sunt *similis*, & *aqualis*, & ita incidenter hæc pars hic introducitur. Alia ratio est, quia appropriata faciunt ad euidenciam propriorum, & ideo statim post tractatum de propriis, egit de appropriatis, & hoc maxime prout faciunt ad euidenciam propriorum, ideo de his agit hic quæ non dicunt respectum ad creaturas. Infra vero agit de his appropriatis quæ respectum ad creaturas dicunt, patet ita & distinctio huius partis ab illa: unde tria appropriata Hilarij manifestant personarum emanationem. Tria vero appropriata Augustini nobis manifestant personarum ordinem, si quis inspiciat.

Imago est eius rei ad quam imaginatur species indifferens.
Dub. II.

Primo videtur quod ratio ista quam Hilarius ponit in notula, non sit conuertibilis, quia totum videtur conuenire Spiritui sancto.

ITEM species aut accipitur personaliter, aut essentialiter. Si essentialiter, ergo idem sensus est qui est species indifferens: qui esset etiam si diceretur essentia indifferens, sed hoc conuenit Patri non tantum Filio. Item essentia non dicitur ut alicuius, si stat pro persona, ergo sensus est idem, species indifferens, qui est cum dicitur persona indifferens, hoc autem falsum.

Imago ergo est rei ad rem coequandam, & imaginata & indiscreta similitudo.
Dub. III.

Videtur hoc falsum, quia frequenter imago non coequatur ei cuius est imago.

ITEM si est ad rem coequandam tunc videtur esse æqualitas, non similitudo.

ITEM videtur falsum dicere cum dicit, indistincta similitudo, quoniam omnis imago & similitudo distinguitur ab eo cuius est imago.

ITEM cum vnius rei vna sit diffinitio, queritur quo modo differenter istæ rationes assignentur, dicendum quod hic diffinitur imago increata, prout est proprium solius Filii, & sic semper dicit respectum ad Patrem, & ideo in prima ratione ponitur genitius ut in ratione principii: in secunda, ut in ratione termini, quoniam imago debet comparari ad Patrem, non solum tanquam ad aliquam rem, siue ad quid, siue in quid ducit, sed etiam a quo emanat, & ita patet harum diffinitionum ratio & ordo. Et prima ratio tres condiciones continet. Per primam notatur Filius esse ab alio, cum dicitur imago eius rei ad quam imaginatur, & per genitium & verbum quod est passiuum. Per secundam notatur quod est secundum modum expressum emanandi, scilicet per hoc quod dicitur species, quæ includit perfectam similitudinem cognoscendi. Per tertiā vero notatur quod sit indifferens secundum substantiā, scilicet per hoc quod est indifferens. Et per primam conditionem differt a Patre, & ab essentia: per secundam a Spiritu sancto, & per tertiā ab imagine creata. Et per hoc quod species, et si de se sit essentialis, tamen accipitur hic ut tractum est ad personam: & indifferens non dicit indistinctionem in hoc nomine species, sed in substantia, & sic patent obiecta de ratione prima. Hac visā similiter patet ratio secunda quæ datur in comparatione ad ipsum Patrem ut ad terminum, & hoc patet cum dicitur ad rem coequandam rei, id est, personam Filii personæ Patris, & per hoc excluditur persona Patris, & per hoc quod dicitur imaginata excluditur persona Spiritus sancti. Per hoc quod dicitur indiscreta excluditur ipsa imago creata. Et indiscreta non dicit indifferenciam personalem, sed solum essentialem.

Ad illud ergo quod obiicitur de æqualitate, dicendum quod illud non est necessarium de creata imagine. Et rursum, quoniam imago dicit de ratione sui nominis quali-

tatem in quantitate, ideo prima dicitur similitudo ad rem coequalem, id est, similitudo secundum quam res coequatur rei.

Et quia imago, &c. **Dub. IV.**

Queritur de differentia horum trium nominum quæ attribuit, scilicet speciem, naturam, & essentiam, quo modo hic distinguantur.

Dicendum quod vniuscuiusque forma substantialis & completiua, dicitur species, natura, & essentia, & hoc secundum triplicem considerationem. Potest enim considerari in se, & sic dicitur essentia. Potest considerari in comparatione ad operationem propriam, & sic dicitur natura. Potest iterum considerari in comparatione ad nostram cognitionem, & sic dicitur species. Speciem ergo habet imago auctoris, eo quod similitudo est eius: naturam autem habet, quia similitudo genita vel imaginata naturaliter: essentiam vero, quia similitudo indiscreta per substantiam.

Ars quadam omnipotentia, &c. **Dub. V.**

Videtur male dicere quod Verbum Dei est ars quadam omnipotentis & sapientis Dei, quia vnusquisque non intellecta arte est iners, ergo si filius est ars Patris, non intellecto Filio esse, Pater est iners, ergo videtur quod rationabiliter operari habeat Pater a Filio suo.

R E S POND. Dicendum quod facienda est vis in verbo, quia non dicit quod sit ars simpliciter, sed quod sit ars quidam, quia non est ars qua Pater nouit, sed ubi nouit. Non est ars Patris qua Pater sit sapiens, sed quæ est a Patre sapiente per quam Pater omnia operatur, quia omnia produxit per Filium. Et notandum quod cum ars includat & intentionem virtutis & sapientiæ, & similiter verbum, ramen differenter, quia verbum dicit emanationem & respectum, ideo est proprium, ars autem appropriatur.

Ingeni largitate, atque vbertate perfundens omnes creaturas. **Dub. VI.**

Obiicitur: Ergo secundum hoc videtur quod omnibus donetur Spiritus sanctus.

R E S P. Dicendum quod Spiritus sanctus non dicitur dari ratione cuiuslibet effectus, sed proprie ratione eius qui facit Spiritum sanctum haberi, & ita inhabitare in aliquo ut in templo: & quia huiusmodi rationalis creatura capax est, & soli iusti capiunt, ideo patet quod illis solis Spiritus sanctus datur. Ideo autem Spiritus sanctus dicitur perfundere ceteras creaturas, non quia ei attribuitur actus creandi, sed quia attribuitur ei actus conseruandi.

Si quis innascibilem & sine initio dicat Filium.
Dub. VII.

Videtur quod Hilarius non dicat bene. Quod qui dicit duos innascibiles, dicit duos Deos, quia innascibilitas in diuinis non est proprietas essentiæ sed personæ, ergo non sequitur quod si sunt duo innascibiles, quod duæ essentiæ, sed quod duæ personæ. **ITEM** innascibilitas dicit priuationem eius quod est natus, unde tantum valet innascibilis, quantum non filius: sed non sequitur, sunt duo Filii in diuinis, ergo duo Dii: ergo pari ratione non sequitur, sunt duo innascibiles, ergo duo Dii.

R E S P. Dicendum quod innascibilis, sicut supra dictum est, priuat, siue negat esse ab alio, & ex hoc ponit fontalem plenitudinem in illo qui innascibilis dicitur. & ex vtraque parte concluditur, quod si sint duo innascibiles, quod sint duo Dii. Sequitur enim: Sunt duo quorum quilibet non est ab alio: ergo non distinguuntur per originem, ergo necesse est quod distinguantur per substantiam. **ITEM** si sunt duo in quorum quolibet est fontalis plenitudo, ergo quilibet potest esse Trinitatis prin-

cipium,

cipium, & principium totius deitatis, sicut dicitur de Patre: sed si principia sunt distincta, & principiata: ergo si quilibet est principium totius deitatis, & sunt duo, ergo duæ deitates: quamvis ergo ingenuus non sit proprietatis substantiæ, sed personæ, quia tamen est primæ personæ, & in vnica persona non potest esse nisi vna innascibilitas: ideo de necessitate ponit Deorum diuersitatem.

Caput enim omnium Filius est.

Dub. VIII.

Videtur male dicere, quia aut dicitur caput ratione deitatis, aut ratione conformitatis in natura. Si ratione deitatis, eadem ratione Spiritus sanctus potest dici caput.

ITEM si ratione deitatis, tunc Filii caput non potest dici Deus: quia caput superexcellit, & maiorem nobilitatem tenet, quam non habet Pater respectu Filii. Si tu dicas quod caput non dicit nobilitatem, siue superexcellitiam, obicitur ex littera sequenti, ubi dicitur quod hoc gradu omnia differunt: sed constat, quia inter Patrem & Filium ratione deitatis non est gradus: ergo non potest accipi ratione deitatis. Si ratione conformitatis, Filius cum non habeat conformitatem in natura cum omnibus, sed tantum cum hominibus, non erit caput omnium.

RESP. Dicendum quod caput secundum quod proprie accipitur importat rationem influentiæ, & conformitatis naturæ: ideo dicitur Christus caput esse totius Ecclesiæ: sed Hilarius extensiori modo accipit, prout caput dicit originale principium: & quoniam Deus pater est principium Filii, & Filius principium omnium, ita quod Filius producit, & producit, ideo caput est, & habet caput. Sed Pater quoniam caput non habet cum sit innascibilis, est caput omnium, & ideo dicitur fontale principium à quo omnia, & in quem omnia per Filium reducuntur: & in hac reductione gradus est, comparando creaturas ad Filium, sed ultra comparando Filium ad Patrem non est gradus, sed ordo, & origo. Et ideo Hilarius non dicit his gradibus, sed hoc gradu. Quod obicitur de Spiritu sancto, dicendum quod ipse Spiritus sanctus cum procedat à Filio, per Filium cum aliis ad Patrem reducitur, & propterea Filio appropriatur reductio.

Vt sint quidem per substantiam tria, per consonantiam vero vnum.

Dub. IX.

Videtur hæc confessio fidei non esse conueniens: quia de tribus hominibus concordantibus potest illud dici quod per substantiam sunt tria, per consonantiam vero vnum.

Quia cognominato Spiritu sancto, id est, paraclito, consonantia potius quam essentia per similitudinem substantia predicari conuenit unitatem.

Dub. X.

Videtur illud falsum quod debeat dici per consonantiam propter Spiritum sanctum, quia Spiritus sanctus est eiusdem essentia cum Patre, sicut Filius.

RESP. Dicendum quod sicut Hilarius intendit ostendere catholicam patrum confessionem, cum dixerunt quod sunt per substantiam tria, per consonantiam vnum, sancti Patres volentes elidere hæresim Sabellianam, quæ eludebat, id est, euacuabat veritatem Patris & Filii per nominationem solum, quam dicebat ibi esse, non rem, confessi sunt adeo expresse pluralitatem, vt minus expresse confiterentur essentia unitatem, non tamen recesserunt à veritate, quia per tria, tres res intelliguntur, id est, tres hypostases. Per substantiam vero, non vna intelligitur, sed

persona: & ideo ex hac parte verum dixerunt. Ex parte consonantiæ similiter verum dixerunt, & irreprehensibiliter. Nam sicut per Patris & Filii nomen innuitur vnitas naturæ, quia Filius est connaturalis Patri, ita per Spiritum sanctum qui est amor, datur intelligi vnitas consonantiæ, & ideo verbum hoc non habebit calumniam, & propter hoc ipsum dixerunt, & hoc vult dicere Hilarius, cum dicit quod potius consonantiæ quam essentia: non quia vtrumque non sit verum, sed quia hoc est expressius, & habet minorem calumniam: tamen adhuc sequitur illud, quod si Pater & Filius vnum ex se producant Spiritum, ratione cuius est ibi vnitas per consonantiam, necesse est quod vnitatem habeant in essentia.

ARTICVLVS I

AD intelligentiam eorum quæ dicuntur in hac parte, duo principaliter queruntur. Primo queritur de appropriatione Hilarii. Secundo de appropriatione Augustini. Et quantum ad primum queruntur tria. Primo queritur vtrum imago dicatur in diuinis secundum substantiam, an secundum relationem. Secundo dato quod secundum relationem, queritur vtrum imago sit proprium Filii. Tertio queritur de ratione appropriationis illorum trium, scilicet æternitatis, speciei, & vsus.

QUESTIO I.

An imago in diuinis secundum substantiam, vel secundum relationem dicatur.

Alex. Alenf. 1. p. q. 61. Membro 2.

S. Tho. 1. p. q. 35. art. 1.

Et 1. Sent. dist. 28. q. 2. art. 2.

Egid. Rom. 1. Sent. dist. 28. pr. 2. q. 3.

Richard. 1. Sentent. dist. 28. art. 3. q. 1.

QVOD imago dicatur secundum substantiam, ostenditur hoc modo. Hilar. 4. de Tr. Deus ad communem tibi cum Deo imaginem, eandemque similitudinem reperitur hominem operari.

2. ITEM Beda super illud: Faciamus hominem, &c. In hoc quod dicit imaginem, notatur vna & æqualis substantia Trinitatis: ergo imago cum pertineat ad communem & vnitatem substantiæ, dicitur secundum substantiam.

3. ITEM hoc ipsum videtur ratione, quia illud idem dicitur exemplar actiue, dicitur imago passiue: sed exemplar in diuinis dicitur secundum substantiam, non secundum relationem, ergo, &c.

4. ITEM imago consistit in representando aliquid, non tantum in substantia, sed etiã in distinctione, & ordine distinctiorum: si ergo in diuinis nõ cadit distinctio in vna persona, necesse est quod in diuinis attendatur imago secundum quod vnitas essentia est in tribus personis: ergo non notionaliter, sed essentialiter dicitur imago in diuinis.

CONTRA per Augustinum in 7. de Trin. Quid absurdius quam imaginem dici ad se: sed omne quod dicitur secundum substantiam dicitur ad se: ergo cum imago nõ dicatur ad se, non dicitur secundum substantiam.

ITEM Hilarius 4. de Trin. Imago sola non est: ergo imago in diuinis est cum alio, sed essentia non est cum alio: ergo, &c.

ITEM hoc ipsum videtur per diffinitionem imaginis: quia Hilarius dicit, quod imago est rei ad rem coequatio: sed res quæ coequatur rei est persona, ergo imago est personæ ad personam: sed quod dicit respectum ad alterum, dicitur secundum relationem: ergo imago.

ITEM hoc videtur per etymologiam. Imago enim dicitur quasi imitatio: ergo vbi est ratio imaginis, ibi est imitatio: sed diuina essentia non imitatur aliquid: quia omne tale est ab aliquo: ergo imago non dicitur secundum substantiam, vel essentiam.

Ad oppositum.

Gen. 1. 8

Fundamenta. Ca. 3. 10. 3.

Lib. de Synod. prop. 1. 1.

CONCLUSIO.

Imago proprie in diuinis dicitur notionaliter, cum dicat expressionem alterius in vnitate naturæ & respectum ad aliam personam.

RESPON. AD ARG. Dicendum quod sicut exemplar secundum proprietatem vocabuli dicit expressionem per modum actiui, vnde exemplar dicitur ad cuius imitationem fit aliquid, sic e contrario, imago per modum passiu: & dicitur imago quod alterum exprimit, & imitatur. Et hoc modo accipitur imago dupliciter, secundum quod duplex expressio, scilicet vel in naturæ vnitate, vel in naturæ diuersitate. In naturæ communitate, siue vnitate, sicut filius Imperatoris dicitur imago patris. In naturæ diuersitate, sicut imago Imperatoris est in nummo. Sic respectu Dei dicitur imago per expressionem secundum identitatem naturæ; & sic est imago increata, & dicitur notionaliter, siue secundum relationem: quia imago dicit emanationem, emanatio autem in vnitate naturæ non est nisi personæ. Dicitur etiam imago per expressionem in diuersitate naturæ: & sic dicitur imago creata respectu Trinitatis: & sic patet quod imago in diuinis accepta dicitur secundum relationem personæ ad personam, & hoc secundum vocabuli proprietatem, sicut probant rationes ad hoc inductæ. Sed quoniam contingit abuti nomine exemplaris, vt etiam dicatur exemplar quod ad imitationem alterius fit, sic e contrario contingit abuti imagine, vt dicatur imago ad cuius expressionem fit aliquid: & sic cum creatura fiat ad expressionem vnitatis essentia in Trinitate personarum, potest dici imago de tota Trinitate, & sic dicitur imago ipsum imaginans: cum de ratione nominis dicatur imaginatum, sicut exemplar dicitur exemplatum abusiue, quamuis exemplar sit exemplans: & secundum istum modum dicitur accepisse Hilarius, & Beda, vt dicit Magister 16. dist. 2. libr. Tamen potest dici quod vterque loquitur de imagine creata, quæ cum sit respectu vnus essentia, est communis imago trium personarum, & indicat vnitatem substantia in tribus. Vnde numquam imago pure dicitur ad se, quia semper dicit respectum, vel personæ ad aliam personam, vel essentia ad creaturam, siue creaturæ ad diuinam naturam. Numquam etiam dicitur pure secundum substantiam, quia semper notat vel distinctionem interius, vel exterius. Vnde imago non dicatur essentia simpliciter, sed essentia vt in tribus personis considerata. Tamen proprietatem sermonis seruando, imago dicitur secundum relationem personalem, prout dicitur imago æterna.

1. 2. Et concedendæ sunt auctoritates, & rationes ad hoc. Ad auctoritates in oppositum patet responsio.

3. Ad illud ergo quod obicitur, quod exemplar dicitur essentialiter, ergo, &c. dicendum quod non est simile, quia tota Trinitas est principium. Et ideo quia exemplar rationem producentis dicit, vnde secundum substantiam dicitur, & conuenit toti Trinitati, sed non tota Trinitas est principata: & quia imago dicit rationem producti proprie, ideo non conuenit toti Trinitati, nec dicitur secundum substantiam.

4. Ad illud quod obicitur quod ad hoc quod sit imago debet exprimere distinctionem, & ordinem, dicendum quod illud verum est in imagine quæ est imago rei habentis distinctionem & ordinem, sicut habet homo in partibus, & tota Trinitas in personis: sed cum res, cuius est imago, non habeat distinctionem, vt puta vna persona, non oportet sic exprimi. Vel potest dici quod illud verum est quando imago substantialiter differt. Tunc enim ad hoc quod expresse exprimat, necesse est imitari in conditionibus consequentibus substantiam, sed cum imitatur in eadem forma substantia, non oportet.

★ ★

QVÆSTIO II.

An imago in diuinis proprie de Filio dicatur.

Alex. Alensis 1. p. q. 61. Membr. 3.

S. Tho. 1. p. q. 35. art. 2.

Et 1. Sent. dist. 31. q. 3. art. 1.

Ægidius 1. Sent. dist. 29. q. 3.

Henricus Quol. 4. q. 2.

Steph. Brulef. 1. Sent. dist. 31. q. 4.

Vtrum imago sit proprium Filij. Et quod sic, videtur per Hilarium in proposita appropriatione. Æternitas in Patre, species in imagine, vltus in munere, Pater dicitur proprie similiter munus, ergo si recte ponuntur, ex æquo imago dicitur proprie de Filio.

ITEM Augustinus 6. de Tri. Solus Filius est imago Patris, & eo expressius Filius quo imago, & Verbum. ergo secundum hoc cum Filius dicat personalem relationem, patet, &c.

ITEM imago est similitudo expressa, & in diuinis similitudo expressissima: sed similitudo expressissima non potest esse plurium distinctorum: si ergo Filius est ab vno Spiritu sancto æqualiter à duobus, ergo non poterit esse imago.

ITEM imago in diuinis attenditur secundum imitationem personæ, non essentia, quia persona non est imago essentia, sed personæ: ergo ad hoc quod vna persona sit imago alterius, necesse est quod illam imitetur in eo quod respicit personam, vt personam: sed emanatio vel productio personæ respicit personam vt personam: nam productio creaturæ respicit substantiam. Cum ergo solus Filius imitetur Patrem in productione personæ, solus Filius est imago.

1. **CONTRA:** Damascenus dicit quod Spiritus sanctus est imago Filij: ergo non est Filij proprium, esse imaginem.

2. **ITEM** hoc videtur per vtramque definitionem Hilarij, & prima est. Imago est eius rei ad quam imaginatur species indifferens: sed hoc conuenit Spiritui sancto, ergo & imago.

3. **ITEM** hoc videtur per rationem, quia ad imaginem ista duo sufficiunt, scilicet imitatio secundum similitudinem, & secundum æqualitatem: sed hæc duo est reperire in persona Spiritus sancti, ergo, &c.

4. **ITEM:** Sicut Filius procedit à Patre, vt exprimens Patrem, ita Spiritus sanctus à Filio, vt exprimens Filium: ergo quemadmodum Filius est imago Patris, ita Spiritus sanctus est imago Filij.

CONCLUSIO.

Imago cum dicat expressionem in summo, quia est vnus ad vnum & secundum omnem modum proprie solum dicitur de Filio.

RESP. AD ARG. Dicendum quod imago in diuinis non tantum dicit expressionem personæ, sed etiam expressionem in summo. Expressio autem in summo duo ponit, scilicet quod sit vnus ad vnum, & quod sit secundum omnem modum. Quod sit vnus ad vnum ponit per hoc quod illud quod per superabundantiam dicitur vni soli conuenit, & si sit essentialiter, essentia: si personale, personæ. Nam vnum in summo, non potest exprimere plura, vel plures, vnum inquam, in quo nulla est diuersitas. Similiter vnum summe non potest exprimi à pluribus, vt plures sunt, quia tunc omnino differentes essent. Ponit etiam aliud, videlicet, vt sit expressio secundum omnem modum. Nam si ex aliquo respectu non habet exprimere, non exprimeret summe. Propter primam rationem: Solus Filius est imago, quia solus ab vno procedit: Spiritus autem sanctus à duobus, & ideo æqualiter vtrumque exprimit, & neutrum in summo. Propter secundam rationem: Solus Filius est imago, quia secundum omnem respectum habet rationem exprimendi, & in quantum

compa-

Funda-
menta.

Lib. 6. & 7.
de Trin. ca.
2. 10m. 3.

Li. 2. de or-
tho. fide. ca.
18.

Hilary de sy-
nod. prop. 1.
Ex senten.
Aug. lib. 83.
q. 9. 73. in fi-
ne & 74. in
princip.

comparatur ad illum à quo est, & in quantum comparatur ad illum qui ex ipso est. In quantum comparatur ad illum à quo est: quia exit per modum naturæ, & ita per modum verbi, & speciei, & per modum similitudinis expressæ. In quantum comparatur ad illum qui est ex eo, quia per omnia, & eodem modo spirat Filius, ut Pater: Spiritus sanctus autem in nullo horum convenit, ideo ratio imaginis est in solo Filio, quia ab uno tantum procedit, & quia per modum naturæ: quia etiam consimiliter producit sanctum Spiritum. Media tamen ratio, quia per modum naturæ est ratio propria, aliæ vero faciunt ad congruitatem. Concedendum igitur quod solus Filius, proprie loquendo est imago, & eo quo Filius, eo est imago, & eo ipso Verbum: sed & Filius dicit solum respectum ad Patrem, imago principaliter ad Patrem, sed consequenter respectum ad aliam personam. Verbum principaliter respectum ad Patrem, & consequenter respectum ad creaturam. Vnde eadem notio sunt ipsius Filii, tamen alio, & alio modo significata. Vnde non est superfluitas.

1. Ad illud ergo quod obiicitur de Damasceno, dicendum quod Damascenus fuit Græcus: Græci autem non ita proprie accipiunt rationem imaginis, ut Latini, quia nec de origine personarum sic sane intelligunt. Vel potest dici quod sermo Augustini, & Damasceni causaliter intelligitur, quia reformat nos ad imaginem Christi.

2. Ad illud quod obiicitur quod definitio imaginis convenit Spiritui sancto: dicendum, sicut infra patebit, quod species, ut ubi accipitur, convenit soli Filio.

3. 4. Ad illud quod obiicitur de assimilatione, & æqualitate, dicendum quod Filius non dicitur imago propter assimilationem in substantia, sed propter modum emanandi, & secundum hoc non habet Spiritus sanctus expressissimam similitudinem nec cum Filio, nec cum Patre: ideo nullius est imago.

QVÆSTIO III.

An æternitas approprietur Patri, species imagini, & usus muneris.

Alex. Alenf. 1. p. q. 67. Memb. 1.

S. Thom. 1. p. q. 39. art. 8.

Et 1. Sent. dist. 31. q. 2. art. 1.

Ægid. Rom. 1. Sent. dist. 31. pr. 2. q. 1.

Richardus 1. Sent. dist. 31. art. 2. q. 1.

Ad Oppositum.
De Tri. lib. 2. post initium.

Vtrum æternitas approprietur Patri, species imagini, & usus muneris. Videretur quod non sit bona appropriatio Hilarii: quia omnes diuinæ personæ simul æternæ sunt, & coæquales, & æternitas abstrahit ab actu personæ: ergo non est appropriabilis.

1. ITEM quæritur quare species appropriatur imagini. Aut enim sumitur ibi species, ut species dicitur forma, aut pulchritudo. Si forma, sed sicut natura nulla est appropriabilis, sic nec species. Si autem pulchritudo, sed pulchritudo imaginis refertur ad prototypum: ergo ad patrem, ergo illi debet appropriari.

3. ITEM Hilarius dicit quod oportet imaginem habere essentiam, & naturam, & speciem auctoris: quare ergo magis diffinit imaginem per speciem, quam aliquod aliorum?

4. ITEM: Non est utendum Deo, sed solum creaturæ: ergo usus nulli personæ est appropriabilis, ergo nec Spiritus sanctus.

5. ITEM Dionysius dicit quod bonum, & pulchrum idem est: ergo cum bonitas sit appropriabilis Spiritui sancto, ergo & pulchritudo.

CONCLUSIO.

Congrue appropriatur æternitas Patri propter æternitatem principij. Vsu, ut dicitur generaliter actum voluntatis Spiritui sancto, propter modum emanationis, id est, secundum voluntatem.

Filio autem species, quia species dicit similitudinem,

rationem cognoscendi, & pulchritudinem: quæ omnia illi congruunt,

quia emanat per modum naturæ.

RESPONDETUR Ad Argum. Dicendum quod illa appropriatio Hilarii fuit ad explicandum personarum originem, siue emanationem. Quoniam ergo persona Patris emanatione, & origine caret: ideo id debuit ei appropriari: quod importat priuationem principij. Tale autem est hoc nomen æternitas. Æternum enim est quod principio caret. Et licet de suo nomine non dicat nisi priuationem initij durationis, per appropriationem tamen dicit priuationem omnis principij. Et sic patet prima obiectio. Spiritus vero sanctus procedit per modum voluntatis, & amoris: & ita debuit ei appropriari nomen quod actum exprimit voluntatis, hoc autem est hoc nomen usus. Nam uti est assumere aliquid in facultatem voluntatis, siue ad utendum, siue ad fruendum. Quoniam ergo assumptio ad fruendum est per amorem, similiter ad utendum, quia amor est pondus, & ordo: ideo usus recte appropriatur Spiritui sancto. Et sic patet ultimo quæsitum, scilicet quod usus accipitur hic non prout diuiditur contra fruitionem, sed prout dicit amoris complexum, & actum liberum: Filius vero emanat per modum naturæ: ideo emanat per modum perfectæ, & expressæ similitudinis. Nam natura producit sibi simile, & æquale. Et quia habet in se rationem expressæ similitudinis, ideo & cognitionis, quia expressa similitudo est ratio cognoscendi. Et quia per modum perfectæ similitudinis, & rationis, habet in se rationem cognoscendi, & exemplar omnium: inde est quod habet rationem perfectæ pulchritudinis. Quia enim est perfecta, & expressa similitudo: ideo pulcher est in comparatione ad eum quem exprimit. Quia vero rationem cognoscendi habet, & non vnus tantum, sed totius vniuersitatis: ideo pulchrum pulcherrimum ipse mundum mente gerens, ut ait Boetius, pulchritudinem habet in comparatione ad omnem pulchritudinem extraneam. Ex his duobus relinquitur perfectissima pulchritudo. Sicut enim dicit Augustinus: Pulchritudo non est aliud, quam æqualitas numerosa. Quoniam igitur in comparatione ad Patrem habet pulchritudinem æqualitatis, quia perfecte exprimit sicut pulchra imago: in comparatione vero ad res habet omnes rationes secundum quod dicit Augustinus quod est ars plena omnium rationum viuientium: ita patet quod in filio recte reperitur ratio omnis pulchritudinis. Eo igitur quo Filius per modum naturæ emanat, habet rationem perfectæ & expressæ similitudinis. Eo quod habet rationem perfectæ similitudinis, habet rationem cognitionis: & ratione vtriusque habet rationem pulchritudinis. Quoniam igitur nomen speciei importat similitudinem, & importat cognoscendi rationem, & importat pulchritudinem, ut species quidem Priami digna est imperio: ideo elegantissime appropriatur Filio. Patet ergo quare illud nomen magis appropriat Hilarius filio quam aliud, quare etiam magis diffinit imaginem per illud nomen quam aliquod aliud.

2. Ad illud ergo quod obiicitur quod pulchritudo imaginis refertur ad prototypum, dicendum quod verum est, sed tamen aliter refertur honor, aliter pulchritudo. Quia honor imaginis, siue picturæ ita refertur ad prototypum quod in ipsa non est secundum se honor, sicut patet si honoretur iconia beati Nicolai. Sed pulchritudo ita refertur ad prototypum quod nihilominus est in imagine pulchritudo, non solum in eo cuius est imago.

Aug. lib. 1.
de Tr. c. 11.
tom. 3.

Boetius de
consol. lib. 3.
Metro. 9.

Super Ioan.
ca. 1. c. 6. de
Trin. c. 10.
tom. 3.

Ex Isagoge
Porphyr. c.
de Specie.

De symod.
propos. 1.

De diuin.
nom. cap. 4.
post mediū.

Et po-

Et potest ibi reperiri duplex ratio pulchritudinis, quamuis in eo cuius est, non nisi una inueniatur. Quod pater, quia imago dicitur pulchra quando bene protrahitur est, dicitur etiam pulchra, quando repræsentat illum ad quem est. Et quod ista sit alia ratio pulchritudinis, pater, quia contingit vnam esse sine alia: quemadmodum dicitur iconia beati Noli pulchra, quia decorem illius repræsentat, & tunc placida est: & imago diaboli pulchra, quando bene repræsentat fœditatem diaboli, & tunc fœda est. Et ideo Hilarius approprians speciem, siue pulchritudinem Filio, magis appropriat sub nomine imaginis quâ sub nomine Filii.

Ad illud quod obiicitur quod idem est bonum, & pulchrum, dicendum quod Dionysius non vult dicere quod sint vnum ratione. Sed quod sint vnum re: sed quoniam ratione differunt, ideo alicui potest ita appropriari vnum, cui non approprietur alterum, &c.

ARTICVLVS II.

Consequenter est quæstio principalis de appropriatione Augustini quæ est in Patre vnitas, in Filio æqualitas, in Spiritu sancto vnitatis æqualitatisq; concordia. Et ita hic quærentur tria. Primo quæritur vtrum Deus possit dici esse vnum cum creatura. Secundo vtrum creatura possit dici vnum cum alia creatura. Tertio de ratione appropriationis illorum trium.

QVÆSTIO I.

An Deus vnum cum creatura esse, dici possit.

Alex. Alenf. 1. p. q. 10. Memb. 1.

S. Thom. 1. p. q. 2. art. 1.

Steph. Brulef. 1. Sem. dist. 31. q. 7.

Ad oppositum.

1. Cor. 6. d.

Quod Deus possit dici esse vnum cum creatura, ostenditur per auctoritatem Apostoli ad Corinthios: Qui adhæret Deo vnus Spiritus est: Si vnus Spiritus, ergo vnum ens, & vna res: & si hoc: ergo vnum.

1. ITEM: Homo qui adhæret Deo, vnus Spiritus est: aut ergo creatus, aut increatus. Non creatus, quia Deus non est creatura: ergo ad minus increatus: sed Spiritus increatus est omnino vnus: ergo homo adhærendo Deo est simpliciter vnum cum Deo.

3. ITEM: Magis vnitur medium extremo, quam extremum extremo: sed Spiritus sanctus est medium vnus viros iustos, & viri iusti per ipsum vniti sunt. Vnde Ioannes: Vt sint vnum, sicut & nos vnum sumus: ergo iustus vir cū Spiritu sancto potest dici vnum.

4. ITEM: Magis vnitur membrum capiti, quam membrum cum membro: ergo cum Christi membra sint vnum in Christo, multo fortius membrum est idem Capiti, sed Christus est caput non tantum secundum humanitatem, sed etiam secundum diuinitatem: ergo, &c.

CONTRA: Ex illo verbo quod dicitur in Ioann. Ego & Pater vnum sumus, impugnant sancti hæresim Arrianam, & maxime Augustinus, ex hoc concludens Arrium errare qui dicit Filium aliam habere naturam. Si ergo ratio Augustini bona est, vnum dicitur vnitatem in natura: sed tali modo non est vnum Creator cum creatura: ergo, &c.

ITEM hoc videtur alia ratione, quia quæ maxime distant, minime sunt vnum: sed Creator & creatura maxime distant: ergo non possunt simpliciter dici vnum.

ITEM: Si sunt vnum, ergo aliquid vnum: sed si aliquid vnum sunt: ergo Deus, & creatura habent aliquod commune: & si hæc, vniuocantur in aliquo: ergo cum vniuocum simplicius sit quam quæ vniuocantur in ipso, aliquid est simplicius Deo.

ITEM: Si Deus & creatura sunt vnum, cum in infinitum distet à qualibet, qua ratione dicitur vnum cum vna, &

A cum qualibet: sed quæcunque vni, & eidem sunt eadem, inter se sunt eadem: ergo secundum hoc omnia sunt vnum.

CONCLUSIO.

Deus non potest absolute dici vnum cum creatura quantum in voluntate cum eo conformata: cum determinatione, vnum Spiritum, potest dici.

RESP. ad Arg. Dicendum quod sicut dicit Augustinus, ad hoc quod aliqua sint vnum, non sufficit conformitas voluntatis, sed necesse est præsupponi conuenientiam in natura. Cum ergo Deus, & creatura summe differant in natura, ideo non debent dici vnum, sicut probant rationes ad hoc inductæ. Quia vero vir iustus conformatur per charitatem voluntati diuinæ, & ei adhæret magis quam alicui alii, recte dicitur vnum cum determinatione, vnum vnus Spiritus. Spiritus enim voluntas dicitur, & amor: unde qui adhæret Deo vnus Spiritus est, quia vnus, & conformis voluntatis est.

1. Ad illud quod obiicitur, est vnus Spiritus: ergo vnus res, dicendum quod ibi est fallacia secundum quid, & simpliciter. Nam vnus, distrahitur à ratione sua per hoc quod est Spiritus, & dicit ibi vnitatem non per indiuisiōnem siue vnitatem naturæ, sed per conformitatem voluntatis.

2. Ad illud quod obiicitur, aut vnus Spiritus creatus, aut increatus, &c. Dicendum quod nec creatus, nec increatus. Nam Spiritus non stat ibi pro substantia, sed pro actu voluntatis: & vnus non importat nisi conformitatem affectus humani ad diuinam voluntatem, siue ad diuinum amorem, quia amor transformatur amantem in amatum.

3. Ad illud quod obiicitur quod Spiritus est medium vnus, dicendum quod vnus quantum ad voluntatē, sed non quantum ad conformitatem naturæ: & non dicuntur vnum ratione conformitatis voluntatis solum, ideo non valet, quia ligamen Spiritus non est tota causa quod sint vnum.

4. Ad illud quod obiicitur quod membra Christi sunt vnum, dici potest quod membra Christi non dicuntur vnum simpliciter, sed vnum corpus: & sic etiam Christus est vnum commembrum: sed hoc est ratione humanitatis assumptæ, &c.

QVÆSTIO II.

An creatura cum creatura simpliciter vnum dici possit.

Steph. Brulef. 1. Sem. dist. 31. q. 2.

Vtrum vna creatura possit dici vnum cum alia, & quod sic ostenditur hoc modo. Apostolus dicit: Qui plantat, & qui rigat vnum sunt: sed alius erat plantans, vt Paulus: alius rigans, vt Apollo: ergo secundum hoc patet quod omnis creatura potest dici vnum cum alia.

2. ITEM Augustinus dicit, & Magister ponit in littera quod recte dicuntur vnum, quæ conueniunt in natura, & voluntate: sed hoc habet vna natura cum alia: ergo, &c.

3. ITEM: Dominus ait: Itaque iam non duo, sed vna caro, hæc dicit de viro, & vxore: sed si sunt, & non sunt due: ergo sunt vnum: ergo vir cum vxore potest dici vnum, & sic, &c.

4. ITEM: Ab vnitate principii materialis venit vnitas simpliciter, quæ est vnitas numero: sed corpus est materiale principium in homine: qui autem adhæret meretrici, vnum corpus efficitur, sicut dicitur: ergo vnum simpliciter, & sic, &c.

CONTRA: Idem simpliciter dictum, stat pro eodem, numero:

Aristot. 1. phys. c. 12.

Vide tract. 36. c. 37. m. 10. sem. 9.

Lib. 1. de Doctr. Chr. c. 5. 30. 1.

Ioan. 17. d.

Fundamenta. De Tr. li. 4. ca. 9. 30. 3. Et contra Maximin. li. 3. c. 20. 30. 6.

Ad oppositum.

1. Cor. 3. 6.

6. de Tr. c. 3. rom. 3.

Mat. 19. 4.

Aristot. 1. Met. c. 1. de v. no. context. 12.

1. Cor. 6. d. Fundamenta.

numero: ergo vnum simpliciter dictum, stat pro vno, numero: sed duæ creaturæ non sunt vnum numero quantumcunque conueniant: ergo non debent dici vnum.

ITEM: Si aliqua dicuntur vnum propter conuenientiam in natura, tunc ergo cum homo, & alius conueniant in natura, sunt vnum: quod non conceditur. Si dicas quod ultra requiritur conformitas voluntatis.

CONTRA: Cum ergo viri peccatores conueniant & in natura, & in voluntate, ergo debent dici vnum: quod cum non dicantur, non sufficit ergo conformitas nature, & voluntatis.

ITEM: Si homo ex coniunctione meretricis sit vnum, cum omnis vnitas sit à prima vnitate, hæc vnitas erit à prima vnitate: sed talis vnitas est detestabilis: ergo prima vnitas facit vnitatem detestabilem: ergo ipsa est vituperabilis.

CONCLUSIO.

illa qua natura, voluntatis, & operationis conformitatem retinent, vnum possunt commode dici simpliciter: aliqua tamen istarum conditionum deficiente, nequaquam.

RESP. AD ARG. Dicendum quod duæ creaturæ distinctæ non possunt habere vnitatem nisi per conformitatem: quælibet autem conformitas non facit dici vnum simpliciter, sed illa quæ est conformitas simpliciter, non secundum quid. Ad plenam autem conformitatem requiritur triplex conformitas, scilicet in natura, in voluntate, & in operatione: & quando illa tria concurrunt ad aliqua duo, dicuntur vnum. Sicut Paulus, & Apollo in natura erant conformes. quia vterque homo: in voluntate similiter, quia vterque salutem fidelium cupiebat, actione similiter, quia vterque ad eam procurandam se exercebat, ille plantando, & hic rigando: & vtraque actio conformis, quia vtraque erat per diuini Verbi prædicationem: Verbum enim diuinum primo iactatum, est semen, deinde accipit irrigationem pluuiæ. Si autem sit conformitas in natura solum, non debet dici vnum nisi secundum quid, scilicet cum determinatione diminuentem, vt vnum genere, vel specie. Si solum in voluntate, tunc sunt vnus Spiritus qui dicit amorem. Si vnum in natura & voluntate, tunc vnum corpus & vna anima. Si vnum in natura & actione, possunt dici vnum cum determinatione, vt fornicator cum meretrice potest dici vnum corpus, tamen non potest dici vnum simpliciter, sicut vir & vxor. Nec viri mali ita vnum, sicut viri boni, quia disconueniunt in volitis principaliter intentis. Quilibet enim malus bonum proprium querit, & non commune.

RESP. AD ARG. Dicendum quod quæ sita. Concedendum enim est, aliqua duo dici vnum simpliciter, si habeant conformitatem, sicut dictum est, sicut probant primæ rationes tres.

AD illud quod quarto obiicitur, dicendum quod non concludit, quia fornicator, & meretrix non dicuntur vnum corpus ratione substantiæ corporalis: sed ratione operis carnalis in quo vniuntur: & ideo non sequitur quod debeant dici vnum simpliciter.

RESP. AD ARG. Dicendum quod illud quod obiicitur de vno in numero, dicendum quod duplex est vnitas, scilicet indiuisibilis, & conformitatis. Vnitas indiuisibilis attribuitur in vno numero, & hæc vnitas est simpliciter. Vnitas vero conformitatis non est in vno numero: sed in his quibus contingit aliis conformari, vt dictum est.

AD illud quod obiicitur, si propter conformitatem in natura dicuntur vnum, &c. dicendum quod propter conformitatem in natura, & voluntate, & in natura non solum secundum quod est rei essentia, sed ex qua pullulat pullulans, hoc est in quantum est operationis principium, sic patet quod homo & alius non dicuntur vnum. Patet etiam quod mali homines non dicuntur vnum: quia etsi concordant in fine propinquo & in opere, differunt tamen in remoto, quia quilibet querit quod suum est: lusti autem econuerso: si enim aliquando dissentiant vo-

luntates eorum in fine propinquo, conueniunt in remoto.

AD illud quod obiicitur quod vnitas meretricis nullo modo est à Deo, siue à prima vnitate, dicendum quod sicut in peccato est substantia actionis, & hæc est à Deo: & deformitas, & hæc non est à Deo: sic in vnitate tali intelligendum est, &c.

QUESTIO III.

An vnitas approprietur Patri, æqualitas Filio, Concordia Spiritui sancto.

Alex. Alensis 1. p. q. 67. Membr. 2.

Egidi. Rom. 1. Sent. dist. 31. pr. 2. q. 2. c. 3.

Richardus 1. Sentent. dist. 31. art. 2. q. 2.

Steph. Brulef. 1. Sent. dist. 31. q. 9.

Petrus de Tarantasia 1. Sent. dist. 35. q. 7.

DE ratione appropriationis trium nominum prædictorum, & primo de vnitate. Et quod non sit appropriabilis, videtur, quia vnum, & ens conuertuntur: ergo vnitas, & essentia: sed essentia nulli est appropriabilis: ergo nec vnitas.

2. ITEM si appropriatur, cum Spiritus sanctus sit amorum vnitas, vt dicit Augustinus, videtur quod debeat appropriari personæ Spiritus sancti.

3. ITEM obiicitur de æqualitate quæ appropriatur Filio. Nihil enim magis est indifferens in rebus æqualibus quàm ipsa æqualitas: sed indifferens non est appropriabile: ergo nec æqualitas est appropriabilis.

4. ITEM si appropriatur, debet patri appropriari, quia æqualitas non est aliud quam vnum, siue vnitas in quantitate: sed vnitas appropriatur Patri: ergo æqualitas.

5. ITEM obiicitur de concordia quæ appropriatur Spiritui sancto. Si enim concordia plures reducit ad vnitatem, videtur potius de proprio facere commune quam de communi proprium: ergo si appropriari est de communi facere proprium, concordia nulli est appropriabilis.

6. ITEM videtur quod debeat appropriari Filio, quoniam Filius est pax nostra, qui fecit vtraque vnum.

7. ITEM: Pacificans per sanguinem crucis eius, siue quæ in terris sunt, siue quæ in cœlis sunt.

8. ITEM obiicitur contra rationem Augustini: Omnia æqualia propter Filium, &c. ergo Pater est æqualis propter Filium: ergo habet aliquid à Filio quod falsum est.

9. ITEM quæro quam causam dicit, propter, vtrum efficientem: aut finalem, quamcunque harum dicat, cum tota Trinitas sit efficiens, & finis omnis rei, tam vnitas, quam æqualitas, quam concordia est propter Patrem, similiter propter Filium: ergo nulla est ratio appropriandi.

CONCLUSIO.

Cum Patris persona ea sit, antequam non est alia, & ipsa non ex alia producat, earatione proprie sibi appropriatur vnitas.

RESP. AD ARG. Intelligendum est quod sicut appropriatio Hilarii fuit ad explicandam personarum originem, sic ista est ad explicandum ordinem. Quoniam igitur persona Patris est prima, antequam non est alia, & quæ non est ex alia: ideo appropriatur ei vnitas, quæ est prima in numero, & antequam nihil est in numero.

1. 2. 3. 4. 5. 6. 7. Ex hoc patet responsio ad duo prima, quia accipitur hic vnitas secundum rationem qua dicit primitatem, non essentiam indiuisibilem, quia sic conuertitur cum ente, aut voluntatis conformitatem, quia sic appro-

Ad oppositum.

Li. 6. de Tr. c. 3. 10. 3.

Ephes. 2. 1.

Colos. 1. c.

Lib. 1. de Doctr. Chr. c. 5. tom. 1.

priatur Spiritui sancto. Ut prima autem, Patri appropriatur. Similiter quia persona Filii secundum rationem intelligendi est secunda, & perfecte exprimens Patrem, & hoc facit æqualitatem: ideo æqualitas ratione ordinis primo reperitur in Filio. Tunc enim primo intelligitur, cum Filius intelligitur nasci, & ex hoc patet obiectum. Quod enim æqualitas approprietur, hoc non est ratione unitatis, sed ratione primæ associationis, & perfectæ. Æqualitas enim tunc primo intelligitur, quando intelligitur associatio: & hæc intelligitur primo in Filio, qui est secunda persona. Similiter quia persona Spiritus sancti secundum rationem intelligendi est tertia: concordia autem ponit duos concordabiles, & etiam concordantem, ideo primo incipit concordia, ubi primo intelligitur oriri persona tertia. Et sic patet illud quod concordia appropriatur alicui, non quia de communi aliquid faciat proprium, sed quia distinctos cōnectit, & hoc secundum rationem suæ emanationis, quod non conuenit Filio ratione emanationis, sed ratione mediationis, quia mediator Dei, & hominis. Ex his patent omnia obiecta.

8.9. Ad illud vero quod ultimo quæritur, omnia sunt æqualia propter Filium, dicendum quod si omnia, distribuat pro creatis, tunc, propter, dicit causam formalem exemplarem secundum rem, & appropriationem, quia omnis æqualitas habet exemplar in æqualitate Filii, & sic de aliis. Si autem distribuit pro creatis, & increatis: tunc, propter, dicit causam formalem exemplarem secundum rationem intelligendi appropriatam, quia intellectus noster non intelligit æqualitatem in Patre, nisi propter hoc, quod habet Filium per omnia exprimentem eius naturam, & potentiam, similiter, & de aliis, & tunc propter, non dicit causam exemplaritatis secundum rem, sed secundum rationem intelligendi. Et sic non notatur quod Pater habet aliquid à Filio, sed quod intellectus noster aliquid cognouit de Patre, per hoc, quod cognoscit Filium.

DISTINCT. XXXII.

VTRVM PATER VEL
FILIVS PER SPIRITVM
SANCTVM DILIGAT, ET SIT SA-
PIENS GENITA SAPIENTIA, SIMI-
LESQVE ALIÆ QVÆ-
STIONES.

Icoritur quæstio ex prædictis deducta. Dictum est enim supra, atq. sanctorum auctoritatibus ostensum, quod Spiritus sanctus est communio Patris & Filii, & amor quo Pater & Filius se inuicem diligunt. Ideo quæritur, utrum Pater vel Filius per Spiritum sanctum diligat. Quod utique videtur oportere dici secundum auctoritates supra positas: quibus ostenditur, Spiritum sanctum esse, quo genitus à gignente diligitur, genitoremque suum diligit. Sed contra: Si Pater vel Filius dicatur diligere per Spiritum sanctum, videtur esse per Spiritum sanctum: quia non est aliud Deo esse, & aliud diligere, sed idem: quia ut ait Augustinus in 15. lib. de Trin. Quidquid secundum qualitates in illa simplici natura dici videtur, secundum essentiam est intelligendum, ut bonus, magnus, immortalis, sapiens, diligens, & huiusmodi. Ideoque si Pater vel Filius diligit per Spiritum sanctum, per ipsum Spiritum esse videtur: neque tantum essentia sua diligit, sed etiam dono.



Hæc quæstio insolubilis est humanum superans sententiam: in qua auctoritates sibi occurrunt.

Huic quæstioni, cum altitudinem nimiam profunditatis contineat, id solum respondemus, quod Augustinus significare videtur, scilicet quod Pater & Filius se diligant, & unitatem seruent non solum essentia sua, sed suo dono proprio: quod licet supra positum sit, iterare tamen non piget, quia sic expedit. Ait ergo Aug. in 6. lib. de Tr. ita: Manifestum est quod non aliquis duorum est, quo uterq. coniungitur, quo genitus à gignente diligitur, genitoremque suum diligit, sintq. non participatione, sed essentia sua, neque dono superioris alicuius, sed suo proprio seruantes unitatem pacis. Ecce hic dicit quod essentia sua, & dono suo seruant unitatem. Idem in 15. lib. de Tr. ait: In illa Trinitate quis audeat dicere, Patrem nec se, nec Filium, nec Spiritum sanctum diligere, nisi per Spiritum sanctum? Huc aperte ostendit, Patrem non tantum per Spiritum sanctum diligere, non autem simpliciter dicit Patrem non diligere per Spiritum sanctum.

Vtrum Pater sit sapiens sapientia quam genuit, sicut diligit amore qui ab ipso procedit.

Præterea diligenter inuestigari oportet utrum pater sapiens sit sapientia quam genuit, quæ tantum Filius est. Quod videtur à simili posse probari. Si enim pater diligit amore qui ab ipso procedit, cur non & sapientia vel intelligentia, quam ipse genuit, sapit, vel intelligit? Hanc quæstionem virgere videtur, ut ait Aug. in 7. lib. de Tr. quod scripsit Apostolus, dicens Christum Dei virtutem & Dei sapientiam. Vbi quæritur, utrum ita sit pater sapientia & virtutis sue, ut hac sapientia sapiens sit quam genuit, & hac virtute potens, quam genuit. Sed absit ut ita sit: quia si hoc est ibi esse quod sapere, non per illam sapientiam quam genuit sapiens dicitur pater: alioquin non ipsa ab illo, sed ille ab ipsa est. Si enim sapientia quam genuit, causa est illi ut sapiens sit, etiam ut sit, ipsa illi causa est: quod fieri non potest, nisi gignendo eum, aut faciendo: sed nec genitricem, nec conditricem patris ullo modo quisquam dixerit sapientiam. Quid enim est insanius? Ergo & pater ipsa sapientia est, qua sapiens est. Filius vero dicitur sapientia patris, & virtutis patris: non quia pater per eum sit sapiens vel potes, sed quia filius sapientia & virtus est de patre sapientia & virtute. Ex his ergo patet quod pater non est sapiens sapientia genita, sed seipso sapientia ingenita.

Vtrum Filius sit sapiens sapientia genita vel ingenita.

Post hæc quæri solet à quibusdam utrum filius sit sapiens sapientia genita, vel ingenita. Si enim non est sapiens sapientia genita, nec seipso sapiens est: si vero sapientia genita sapiens est, non videtur sapiens esse sapientia ingenita: & ita non videtur esse sapiens à patre, cum à patre habeat omnia. Ad quod dicimus, quod una est sapientia Patris & Filii & Spiritus sancti, sicut una essentia: quia sapientia in illius naturæ simplicitate est essentia: & tamen filius tantum est sapientia genita, & pater tantum est sapientia ingenita: & sapientia genita est de sapientia ingenita, vel à sapientia ingenita. Et cum idem sit ibi esse, quod sapientem esse, relinquitur ut sapientia genita sit sapiens de sapientia ingenita. Non ergo Filius dicitur sapientia Dei, tantumquam ipse solus intelligens sit, vel sapiens sibi & Patri &

Li. 15. de Tr.
c. 7. 10. 3.

Spiritus sancto: quia, ut ait Augustinus in 15. lib. de Trinitate. Si solus ibi Filius intelligit & sibi & Patri & Spiritui sancto: ad illam reditur absurditatem, ut pater non sit sapiens de seipso, sed de filio: nec sapientia sapientiam genuerit, sed ea sapientia pater dicatur sapiens esse quam genuit. Vbi enim non est intelligentia, nec sapientia potest esse. Ideoque si Pater non intelligit ipse sibi, sed Filius intelligit Patri, profecto filius patrem sapientem facit. Et si hoc est Deo esse quod sapere, & ea illi est essentia qua sapientia, non filius a patre, quod verum est, sed a filio potius pater habet essentiam: quod absurdissimum atque falsissimum est. Est ergo Deus pater sapiens ea, qua ipse est, sua sapientia: & filius sapientia patris, est sapiens de sapientia qua est pater, de quo est genitus filius. Ita & pater est intelligens, ea, qua ipse est, sua intelligentia. Non enim esset sapiens, qui non esset intelligens. Filius autem intelligentia patris, de intelligentia genitus est, qua est pater: de qua & intelligens est. Proinde pater est sapientia, & filius sapientia, & uterque una est sapientia, & tamen solus pater est ingenta sapientia, & filius solus genita sapientia, nec tamen alia sapientia pater, alia sapientia filius, sed una eademque est: sicut pater est Deus ingentus, & filius est Deus genitus, neque Deus genitus, est Deus ingentus, non ideo tamen alius Deus est pater, alius Deus filius: sed unus Deus uterque, non autem unus. Alius est enim genitus, alius ingentus, sed non alius Deus, immo uterque unum, siue unus Deus. Ita non est sapientia genita, sapientia ingenta: sed alia est sapientia genita, alia ingenta: non tamen est alia sapientia, sed una eademque sapientia. Ex predictis constat, quod filius non est sapiens a se, neque de se, sed de patre, & a patre.

An Filius sit sapiens seipso, vel per seipsum.

Queri autem solet, utrum filius sit sapiens seipso, vel per seipsum. Quidam dicunt multiplicem hic fieri intelligentiam, & ideo distinguendum fore: ita ut cum dicis filium esse sapientem seipso, vel per seipsum, si sui natura & essentia sapientem intelligas, verus sit intellectus: si vero a seipso vel de seipso sapientem esse intelligas, falsitati subiectam habes intelligentiam. Alij vero simpliciter & absque determinatione concedunt huiusmodi locutiones: Filius est sapiens per se, sed non a se, vel de se: & filius est Deus per se, & est per se, sed non a se, vel de se. Hoc confirmantes verbis Hilarii, qui filium non a se, sed per se agere, in lib. 9. de Trinitate ait: Natura, inquit, cui contradicunt heretice, hac unitas est, ut ita per se agat filius, ne a se agat. & ita non a se agat, ut per se agat. Intellige filium agentem, & per eum patrem agentem. Non a se agit, cum pater in eo manere monstratur. Per se agit, cum secundum naturam filii agit ipse qua placita sunt. Infirmitas sit non a se agendo nisi a Deo ipse agat: non sit vero in unitate natura, si qua agit & in quibus placet non per se agit. Sicut ergo, inquit, filius per se agit, sed non a se, ita & filius debet dici sapiens per se, sed non a se. Sic & ipse per se Deus est, vel esse dicendus est, ut aiunt, sed non a se vel de se.

An una tantum sit sapientia Patris.

Post hac a quibusdam solet quari, utrum una tantum sit sapientia patris. Quod non esse nituntur probare hoc modo: Filius, inquit, est sapientia patris genita, qua pater sapiens non est: est igitur aliqua sapientia patris, qua sapiens non est. Est autem & sapientia patris ingenta, & ea pater

A sapiens est. Est ergo quedam sapientia patris, qua sapiens est: & ipsa non est illa sapientia patris, qua pater sapiens non est: non est ergo una tantum sapientia patris. Item sapientia ingenta est sapientia patris: & sapientia genita est sapientia patris, non est autem sapientia ingenta, sapientia genita, non est igitur una tantum patris sapientia. Hac & his similia, tanquam Sophistica & a veritate longinqua, cunctisq; in Theologia peritis patentia abucimus, responsio indigna aduertentes. Id tamen adiicientes, quia una est tantum sapientia patris, sed non uno modo dicitur. Nam sapientia patris dicitur illa quam genuit, & sapientia patris dicitur ea qua sapiens est: diuersa est ergo ratio dicti. illa enim dicitur patris, quia eam genuit: & ea dicitur sapientia patris, quia ea sapit. Una est tamen sapientia patris, quia sapientia genita est eadem sapientia, & ea qua sapiens est, siue ea qua sapiens est, intelligatur persona patris, siue essentia patris, quia persona patris qua intelligitur cum dicitur sapientia ingenta, & persona filii qua significatur cum dicitur sapientia genita, una eademque sapientia est, qua essentia diuina intelligitur communis tribus personis.

Quod in Trinitate est dilectio quæ est Trinitas: & tamen Spiritus sanctus est dilectio quæ non est Trinitas: nec ideo duæ sunt dilectiones, ita & de sapientia.

C Et sicut in Trinitate dilectio est, qua est Pater, Filius, & Spiritus sanctus, qua est ipsa essentia deitatis, & tamen Spiritus sanctus dilectio est, qua non est Pater vel Filius, nec ideo duæ dilectiones sunt in Trinitate, quia dilectio qua proprie Spiritus sanctus est, est dilectio qua Trinitas est, non tamen ipsa Trinitas est: sicut Spiritus sanctus est essentia qua Trinitas est, non tamen ipsa Trinitas est, ita in Trinitate sapientia est, qua est Pater & Filius & Spiritus sanctus, qua est essentia diuina: & tamen Filius est sapientia, qua non est Pater vel Spiritus sanctus. Nec ideo duæ sapientia ibi sunt: quia sapientia, qua proprie est Filius, est sapientia qua est Trinitas, ipsa tamen non est Trinitas, sicut Filius est essentia qua est Trinitas, ipse tamen non est Trinitas.

D Qua ratione Pater non dicitur sapiens ea sapientia quam genuit, eadem videtur debere dici quod non sit diligens Pater vel Filius dilectione quæ ab utroque procedit.

E Præterea diligenter notandum est quod ea ratione qua Pater non dicitur sapiens ea sapientia quam genuit, videtur fore dicendum quod Pater non diligit Filium, vel Filius Patrem ea dilectione qua ab utroque procedit, scilicet qua proprie Spiritus sanctus est. Sicut enim idem est Deo sapere quod esse, ita est ei idem diligere quod esse. Ideoque sicut negatur Pater esse sapiens sapientia quam genuit, quia si ea diceretur sapiens, non ipsa ab eo, sed ipse ab ea intelligeretur esse, ita videtur non debere concedi, quod Pater vel Filius diligit dilectione qua tantum Spiritus sanctus est, quia si ea diligit Pater vel Filius, non Spiritus sanctus videtur esse a Patre & Filio, sed Pater & Filius a Spiritu sancto, quia idem est ibi diligere quod esse. At supra dictum est, atq; auctoritate Augustini sanctum quod in Trinitate tria sunt, unus diligens eum qui de illo est, & unus diligens eum de quo est, & ipsa dilectio, & non est aliquis duorum quo genitus a gignente diligitur, & genitorum suum diligit. Quibus verbis aperte significauit Patrem Filium, & Filium Patrem diligere, ea scilicet dilectione qua non est aliquis eorum, sed tantum Spiritus sanctus. Cum idem

Aug. li. 6. de Tr. c. 3. in fine. Ibidem in principio.

ergo sit ibi diligere quod esse, quo modo dicitur Pater vel Filius non esse ea dilectione qua alter alterum diligit, cum ideo Pater negetur sapere sapientia quam genuit, ne ea esse intelligatur?

Quod & hæc quaestio inexplicabilis est, quæ excellit infirmitatem hominum.

In medio.

Difficillimam mihi fateor hanc quaestionem, præcipue cum ex prædictis oriatur, quæ similem videntur habere rationem, quod mea intelligentia attendens infirmitas turbatur, cupiens magis ex dictis Sanctorum referre, quàm afferre. Optimus enim lector est, inquit Hilarius in 1. libro de Trinitate, qui dictorum intelligentiam expectat ex dictis potius quam imponat: & retulerit magis quam attulerit, neque cogat id videri dictis contineri, quod ante lectionem præsumpserit intelligendum. Cum ergo de rebus Dei sermo est, concedamus Deo sui cognitionem, dictis quæ eius pia veneratione famulemur. Inuestiget ergo diligenter pius lector rationem dictorum, si forte dictorum aliquam valeat reperire causam, quæ nota, ipsa præmissa quaestio aliquatenus explicari valeat. Ego autem hanc quaestionem non absolvens, sed errorem excludens, profiteor non esse dictum, Patrem diligere Filium, vel Filium Patrem, ea dilectione qua ab utroq; procedit: quæ non est aliquis eorum, sed tamen Spiritus sanctus, tanquam ea dilectione Pater sit, vel Filius. Sed sic ea Patre diligit Filium, & Filius Patrem: ut etiam pater per se ea, quæ ipse est, dilectione diligit, sic & Filius: non autem sic, ut Pater per se non diligit, & Filius, sed per eam tantum. Quis hæc, in illa Trinitate, inquit Augustinus, opinari vel affirmare præsumat? Eam tamen quaestionem lectorum diligentia plenius dijudicandam atque absolvendam relinquimus, ad hoc minus sufficientes.

Lib. 15. de Tr. c. 7. 20. 3.

DISTINCT. XXXII.

Mouet & soluit dubitationem ortam ex appropriatione qua Spiritui sancto appropriatur concordia, in fine præcedentis distinct. ibi: Quis autem in Spiritu sancto.

Hic oritur quaestio ex prædictis deducta.

Expositio textus.

Diuisio.

Supra posuit Magister multipliciter appropriata, in quorum explanatione dixit Spiritum sanctum esse concordiam, quia Pater & Filius diligunt se Spiritu sancto, ideo hic mouet quaestionem de illa locutione. Et hoc facit in ista distinctione. Habet autem hæc distinctio tres partes. In prima mouet Magister principalem quaestionem prius positam scilicet vtrum Pater & Filius diligant se Spiritu sancto. In secunda vero mouet aliam quaestionem huic consimilem quæ facit ad eius explanationem, & hoc facit, ibi: Præterea diligenter inuestigari oportet, & est illa quaestio: Vtrum Pater sit sapiens sapientia genita, vel sapientia quam genuit. In tertia redit ad principalem quaestionem determinandam, & hoc facit, ibi: Præterea diligenter notandum est. Prima pars habet duas partes. In prima mouet Magister quaestionem, & opponit. In secunda respondet quaestioni, sed non respondet obiectioni, ibi: Huc quaestioni cum altitudine, &c. Similiter secunda pars in qua determinat Magister quaestionem annexam, scilicet vtrum Pater sit sapiens, scilicet vtrum Filius sit sapiens sapientia genita, vel sapientia quam genuit, diuiditur. Et quia ad determinationem huius quaestionis tria alia dubia concurrunt, ideo habet hæc pars quatuor partes secundum quatuor dubitationes quas mouet & determi-

nat, & prima determinat istam quaestionem: Vtrum Pater sit sapiens sapientia quæ genuit, vel sapientia genita, quod idem est: quam determinat in partem negatiuam. Secundo mouet hanc quaestionem. Vtrum Filius sit sapiens sapientia genita vel ingenita. Et determinat eam affirmatiue quantum ad primam partem, scilicet quod sit sapiens sapientia genita, ibi: Post hæc quæri solet, &c. Tertio mouet hanc quaestionem, vtrum Filius sit sapiens per seipsum vel seipso, quam determinat per distinctionem quod seipso potest teneri originaliter, & formaliter, & hoc ibi: Quæri autem solet vtrum Filius. Quarto hanc mouet quaestionem: Vtrum Pater duplicem habeat sapientiam: quam determinat in partem negatiuam, ostendens hanc quaestionem & eius rationem non esse responsione dignam, & hoc facit ibi: Post hæc quæri solet à quibusdam: Vtrum vna sit tantum sapientia. Et determinat cum hoc quod in Trinitate est dilectio quæ est Trinitas, & in Spiritu sancto est dilectio quæ non est Trinitas. Et hoc ibi: Et sicut in Trinitate. Similiter tertia pars in qua redit Magister ad quaestionem primo positam, habet duas partes. In prima obicit accipiens rationem ex determinatione alterius quaestionis. In secunda vero loco solutionis suam insufficientiam ostendit, & hanc quaestionem determinandam lectori relinquit, & hoc ibi: Difficillimam mihi hanc quaestionem fateor.

Hæc sapientia sapiens, &c.

Dub. I.

Ex litera elicitur talis ratio Augustini: Si Pater est sapiens sapientia genita quam genuit, & hoc est ei esse quod sapere, ergo est sapientia genita. Videtur illud argumentum non valere, quia illud non valet: hoc est Patri esse quod operari, sed operatur per Filium, ergo est per Filium: ergo nec similiter illud argumentum valet.

Si tu dicas quod non est simile, quia operari connotat effectum, obicitur quod idem est Patri esse quod esse Patrem: sed tamen illud argumentum non valet, Pater deitate est Deus, ergo deitate est Pater: ergo similiter non valet hoc argumentum: Est sapiens sapientia genita.

RESP. Dicendum quod argumentum Augustini est necessarium: quoniam esse sapientem, & esse, in diuinis non differunt modo dicendi à parte rei, sed solum à parte nostra: non sic autem est esse & operari: quoniam et si operari quantum ad principale significatum sit idem quod esse, tamen quantum ad connotatum differt, & potest esse extraneum, & ita potest ibi esse accidens: tamen hoc quod est esse Deum, & esse Patrem, quamuis non differant quantum ad essentiam vel modum essendi, differunt tamen quantum ad modum se habendi: quod est vere in diuinis absolutum, & comparatum: & ideo non transit paternitas in substantiam, sicut sapientia: ideo habet aliud modum dicendi, qui potest esse extraneus respectu alicuius attributi: ideo ibi est accidens, non autem in argumento Augustini.

Pater non est sapiens sapientia genita, sed seipso sapientia ingenita. Dub. II.

Videtur male dicere, quia sicut eternitas appropriatur Patri, ita sapientia Filio: sed eternitas non debet dici genita, sicut dicit Anselmus in libro de incarnatione verbi: ergo nec sapientia debet nec potest dici ingenita. Item si potest dici ingenita sapientia, pari ratione potest dici sapientia procedens, & ita videtur quod sapientia sit appropriabilis Spiritui sancto, sicut & Filio. Iuxta hoc quaeritur quare non dicitur potentia de potentia, sicut sapientia de sapientia.

RESP. Dicendum quod sapientia est de nominibus mediis quæ sunt nata supponere pro persona. Et ideo sicut dicitur de Deo Deus, & Deus genitus & ingenitus, ita dicitur etiam sapientia, non tamen ita proprie, quia nomen abstractum est quodam modo: magis tamen dicitur sapientia de sapientia quæ eternitas de eternitate, quæ eternitas significat in maiori abstractione quæ sapientia, & ideo magis

abstra-

abstrahit à ratione originis. Secundum hoc etiam est cōcedendum quod possit dici sapientia procedens, licet adhuc minus proprie. Nec valet istud argumentum, quamvis enim sapientia non sit appropriabilis, Spiritus sanctus tamen per determinationem adiunctam potest trahi.

Ad illud quare non dicitur potentia de potentia: dicendum quod non ita proprie dicitur sicut sapientia de sapientia. Quoniam sapientia appropriatur Filio, qui est ab alio, & ab alio habet omne quod habet, ergo & sapientia ab alio, ideo sapientia genita ex sua appropriatione presupponit sapientiam ingenitam: sed potentia appropriatur Patri qui non est ab alio: ideo non sic dicitur potentia de potentia, vel potentia genita.

Sed melius istam questionem postea in libro de Trinitate tractavi.

Dub. III.

Videtur Augustinus ista verba in notula posita male & inconuenienter recitare, quia cum comparatio in utroque extremorum presupponat rem sui positiui, si ibi melius, ergo utrobique bene: ergo si ibi dicit quod Pater est sapiens sapientia quam genuit, videtur quod dicat verum.

RESP. Dicendum quod abusua est comparatio, quoniam in lib. de Trin. dicit contrarium huius, & ideo si ibi bene, constat quod hic male. Quantum ad hoc tamen quod aliqua vera dixit in lib. 83. q. de hac questione, ideo non omnino male, sed quodam modo bene, quodam modo male: & ideo dicit quod ibi melius, innuens quod aliquid ibi sit male dictum: qui enim vnum oppositorum astringit, per consequens destruit alterum.

Sapientia genita sit sapiens de sapientia ingenita.

Dub. IV.

Videtur ista ratio non esse bona, quia non videtur respondere ad questionem. Non enim queritur de sapientia genita, siue an Filius sit de Patre, sed hoc queritur, utrum Filius sit sapientia ingenita.

RESP. Dicendum quod Magister respondet, licet in verbis paucis, in quibus innuit hanc distinctionem quod aliquem esse sapientem aliquo, hoc est dupliciter. Aut ita quod ablatius teneatur formaliter, & sic Filius est sapiens sapientia genita, & Pater sapientia ingenita. Aut ita quod teneatur originaliter, & sic cum sapientia genita sit de sapientia ingenita, Filius est sapiens sapientia ingenita. Sed quia ablatius ut plurimum construitur in ratione formæ: ideo Magister caute locutus dixit quod Filius qui est sapientia genita est de sapientia ingenita sapiens, ut verbum non haberet calumniam, & ideo bene respondet.

Uterque vna est sapientia, & tamen solus Pater sapientia est ingenita.

Dub. V.

Videtur hic dicere duo opposita, quia istæ duæ proprietates sapientiam contrahunt: & cum sint proprietates distinctæ distinguunt, & hoc patet, quia solus Pater est sapientia ingenita, quia si sapientia distinguitur, ergo est alia, & alia sapientia, ergo non vna. Item videtur falsum dicere cum dicit quod solus Pater est sapientia ingenita: aut enim dicitur sapientia essentialiter, aut personaliter. Si personaliter, ergo non vna sapientia est genita, & ingenita, cum Pater & Filius non sint vna persona. Si vero essentialiter, non ergo solus Pater est sapientia ingenita.

RESP. Dicendum quod in hoc nomine *sapientia*, duo est considerare, scilicet significatum & suppositum. Et quantum ad significatum dicitur essentialiter: sed suppositum est persona. Et illæ determinationes *genita*, & *ingenita*, nō respiciunt significatum, sed suppositum, & ita distinguunt suppositum manente eadem vnitate in significato, siue in forma: & sapientia genita & ingenita est alia & alia per-

sona, sed non est alia & alia sapientia, sicut non est alia essentialiter: & ideo Magister bonum exemplum ponit in hoc termino *Deus*, quod significat essentialiter, & supponit personam. Quando ergo queritur utrum dicatur essentialiter, aut personaliter, dicendum quod quantum ad significatum, dicitur essentialiter, sed quantum ad suppositum, dicitur personaliter, & ita nulla est controuersia.

Non à se agit, cum Pater in eo manere monstratur.

Dub. VI.

Obiicitur contra, quia similiter & Filius manet in Patre: ergo pari ratione Pater à se non agit. Item videtur falsum dicere, cum dicit: Infirmus sit non à se agendo, nisi à Deo ipse agat, quia secundum hoc, cum omnis creatura agat à Deo, tunc videtur esse agens infirmum, nec in hoc videtur Filius differre ab aliis.

RESP. Dicendum quod Hilarius duo intendit ostendere in his verbis Domini in Ioannem, & illa duo ostendit deducendo ad impossibile. Ipse enim Dominus dicit: Verba quæ ego loquor vobis à meipso non loquor: Pater enim in me manens facit opera. Ex hoc ergo arguit quod Filius non agit à se, sed à Patre manente in se, non tantum ut consubstantialis, sed ut principium: sic autem non manet Filius in Patre, sed tantum ut consubstantialis. Alia est auctoritas Domini, ubi dicit: Qui misit me nō reliquit me solum, quia quæ placita sunt ei facio semper. Si ipse agit semper vna cum Patre: ergo est vna virtus eius & Patris, & sic agunt vna virtute, tunc ergo per se agit, hæc duo probat per deductionem ad impossibile: quia omnis potentia est à prima potentia, quæ primo residet in Patre: ergo si Filius nō potest à Deo, simpliciter est impotens vel infirmus, quia infirmus habet potentiam deficiendi à se, non à Deo. Item si Filius non agit per se, non agit per virtutem propriam sibi cōnaturalem, ergo alia est virtus Patris, & alia Filii. A se enim & non à se, nō facit distinctionem in natura, sed solum in persona, quia dicitur rationem principii, vel originis. Per se autem & non per se, quia per se dicitur contra per accidens, siue contra per aliud, ponit diuersitatem in natura, & ideo Filius agit per se, quamuis non à se.

Vna est tantum sapientia Patris, sed non vno modo dicitur.

Dub. VII.

Videtur male dicere, quia sapientia semper est essentialiter: ergo falsum dicit, cum dicit, nō vno modo dicta.

RESP. Magister non vult quod sapientia sit dicta multipliciter: sed quod sapientia Patris, quia genitiuus potest construi in ratione originis, & sic dicitur Filius sapientia Patris, vel ipsa sapientia genita sapientia Patris, quia est à Patre. Vel potest intelligi in ratione subiecti, ut dicatur sapientia Patris, sicut albedo Patris, & sic sapientia genita non dicitur esse Patris, sed Filii. Quia ergo ratio passiva importata per hoc adiectiuum *genita*, non est in persona Patris & Filii vna, falsa est locutio ratione determinationis non ratione eius quod est sapientia, quia vna & eadem est sapientia Pater & Filius & Spiritus sanctus: & illa est sapientia Patris & Filii & Spiritus sancti.

ARTICVLVS I.

AD intelligentiam presentis distinctionis duo principaliter queruntur secundum duas questiones quas determinat Magister. Primo queritur de hac locutione, Pater & Filius diligunt se Spiritu sancto. Secundo queritur de ista alia, Pater est sapiens sapientia genita. Quantum ad primum duo queruntur. Primo queritur utrum illa locutio sit admittenda. Secundo queritur in qua habitudine construatur ille ablatiuus.

§. 5.

§.

Y 2

QVAE-

Q V Æ S T I O I.

An Pater & Filius diligant se Spiritu sancto.

Alexand. Alensis 1. p. q. 67. Memb. 3. art. 3.

S. Thom. 1. p. q. 37. art. 2.

Et 1. Sent. dist. 32. q. 1. art. 1.

Et de Pot. q. 2. art. 10. & 11.

Scot. 1. Sent. dist. 32. q. 1.

Egid. Rom. 1. Sent. dist. 32. q. 1.

Richardus 1. Sent. dist. 32. q. 1.

Durandus 1. Sent. dist. 32. q. 1.

Franciscus de Mayr. 1. Sent. dist. 32. q. 1.

Thom. Argent. 1. Sent. dist. 32. q. 1. art. 1.

Steph. Brulef. 1. Sent. dist. 32. q. 1.

Petrus de Tarantasia 1. Sent. dist. 32. q. 1.

Gab. Biel 1. Sent. dist. 32. q. 2.

Funda-
menta.
Cap. 5. 60. 3.

Hierony.
Ps. 13. 10. 7.

Bernardus de
Amore Dei
c. 7. 10. 2.

Quod ista locutio, Pater & Filius diligunt se Spiritu sancto, sit admittenda, ostenditur auctoritate, & ratione. Primo auctoritate sic: Augustinus 7 de Tr. Non est aliquis duorum quo genitus à gignente diligitur, genito remque suum diligit: si ergo est aliquis, & non est Pater vel Filius, ergo est Spiritus sanctus.

ITEM Hieronymus super Psalmum: Spiritus est amor Patris ad Filium, & Filii ad Patrem: sed amore qui est Patris ad Filium, Pater amat Filium, & econverso: ergo, &c.

ITEM Bernardus de amore Dei: Amas te, inquit, amabilis Domine, cum à Patre & Filio procedit Spiritus sanctus, amor Patris ad Filium, & Filii ad Patrem: & tantus amor ut sit unitas.

ITEM idem ostenditur ratione sic: Magister Hugo de sancto Victore facit talem rationem in quadam epistola ad Bernardum: Si recte diceris amare amore qui à te procedit, cur non Pater & Filius recte dicuntur amare amore qui ab ipsis procedit? Et iterum ibidem: Si Spiritus sanctus esset amor cordis tui ac Patris & Filii, quis quæso posset negare Spiritu sancto, hoc est, amore tuo te diligere?

ITEM alia ratio formatur sic: Sicut se habet verbum ad dicere, sic amor ad diligere: sed Pater verbo suo quod ab ipso procedit, seipsum dicit: ergo Pater & Filius amore qui ab ipsis procedit seipsos diligunt.

ITEM sicut Filius non potest produci nisi generando, sic nec amor nisi diligendo: ergo Pater & Filius diligendo se, producant Spiritum sanctum qui est amor personalis: aut igitur diligendo amore qui est Spiritus sanctus, aut qui non est Spiritus sanctus. Si amore qui non est Spiritus sanctus, aut amor ille est personalis, aut essentialis. Nō personalis, quia tunc essent duæ personæ in diuinis, quibus conueniret amor proprie: quod est impossibile. Similiter nec essentialis, quia ille est Spiritus sanctus. Et iterum, si essentialis, tunc ergo cum cōueniat Spiritui sancto, Spiritus sanctus similiter produceret. Restat igitur quod producant Spiritum sanctum diligendo se amore qui est Spiritus sanctus. Aut igitur diligendo se, aut diligendo aliud à se. Non aliud, quia tunc aliud exigeretur ad productionem Spiritus sancti: ergo diligendo se Spiritu sancto producant Spiritum sanctum: ergo Pater & Filius diligunt se Spiritu sancto.

Ad oppo-
sitionem.

1. SED contra: Diligere idem est quod velle bonum, & velle idem quod esse: ergo cum hæc sit falsa, Pater & Filius sunt Spiritu sancto, hæc similiter, diligunt se Spiritu sancto.

2. **ITEM** sicut se habet sapere ad Patrem respectu Filii, ita diligere ad Patrem, & Filium respectu Spiritus sancti: sed hæc est falsa: Pater est sapiens sapientia genita: ergo & illa similiter.

3. **ITEM** omne plurale infert singulare: sed hæc est falsa: Pater diligit se Spiritu sancto: ergo & prima. Si dicas quod diligere tenetur notionaliter.

Replie.

CONTRA: Nulla notione contingit mutuo reflecti vnam personam super aliam: sed secundum dilectionem est mutua reflexio in prædicta locutione: ergo diligere non tenetur notionaliter: ergo idem quod prius.

4. **ITEM** nulla notio conuenit tribus: sed diligere Spiritu sancto conuenit tribus. Nam Pater diligit Spiritu sancto, & Filius diligit Spiritu sancto, & Spiritus sanctus diligit Spiritu sancto, quia seipso: ergo non tenetur notionaliter: ergo idem quod prius.

5. **ITEM** Pater & Filius amore eodem diligunt se, & nos: sed dilectio Dei ad nos est essentialis, cum connotet effectum in creatura: ergo similiter cum diligunt se.

6. **ITEM** Si tenetur notionaliter, quæro pro qua notione: non est dare nisi spirationem: ergo aut passiue, aut actiue. Si actiue: ergo idem est, diligunt se, quod spirant: sed hæc falsa: Spirant se: ergo & prima. Si passiue, contra: Illa notio non prædicatur de Patre & Filio: sed de solo Spiritu sancto. Si dicas quod denominatiue prædicatur, contra: Omnis proprietas quæ de persona prædicatur in diuinis in concrectione, prædicatur & in abstractione: ergo cū processio non conueniat Patri & Filio in abstractione: ergo nec denominatiue.

Replie.

C O N C L U S I O.

Patrem & Filium se diligere Spiritu sancto concedere possumus, si dilectionem notionaliter intelligamus: quod si essentialiter eam sumamus, falsum red-detur sermo.

R E S P O N D. Ad Argum. Ad prædictorum intelligentiam est notandum, quod quidam prædictam locutionem simpliciter negauerunt, & dixerunt omnes consimiles esse retractatas à beato Augustino in sua simili, in hac, scilicet: Pater est sapiens sapientia genita. Sed hæc solutio non potest stare, quia non solum eam dicit Augustinus, sed etiam sancti alii, quorum dicta Augustinus nō retractat. Ideo fuerunt alii qui eam simpliciter concesserunt dicentes hanc locutionem debere intelligi per appropriationem, non per proprietatem, ut sit sensus: Pater, & Filius diligunt se amore, qui appropriatur Spiritui sancto. Sed ista solutio non potest stare, quia tunc similiter hæc esset concedenda: Pater, & Filius sunt boni, Spiritu sancto, cum Spiritui sancto approprietur bonitas, quæ tamen nullo modo conceditur. Igitur prima opinio non potest stare, quæ simpliciter tales locutiones negat, cum multiplex auctoritas eas dicat. Similiter sequens, quæ eas simpliciter concedit, non potest stare, cum multiplex ratio contradicat. Restat igitur eligere opinionem mediam, scilicet quod vno modo sit vera, alio modo falsa. Nam hoc quod est diligere, potest teneri essentialiter, vel notionaliter. Secundum quod tenetur essentialiter, sic dicit voluntatis complacentiam, quæ communis est tribus. Secundum quod tenetur notionaliter, sic dicit voluntatis fecunditatem ad producendam personam ex se, quæ quidē fecunditas solū est in duobus, quamuis voluntas sit in tribus. Si ergo tenetur essentialiter: falsa est locutio, quia tunc sequitur quod Pater & Filius sunt Spiritu sancto. Et in hoc sensu, pronomen cū verbo cōstruitur reciproce. Si autē notionaliter, vera est, sicut probant rationes ad oppositū. Et in hoc sensu pronomen cōstruitur cū verbo retranstitiue. Vnde sensus est: Pater & Filius diligunt se, id est, Pater diligit Filium, & Filius Patrem, & tunc vera est locutio, quia amor, qui est Spiritus sanctus, est amor necens Patrem cum Filio, & econverso, & tunc non licet inferre: ergo Pater diligit se Spiritu sancto.

1. 2. 3. Ex hoc patent tria prima. Nam primum procedit secundum quod diligere tenetur essentialiter. Secundum etiam similiter: nam sapere non dicitur notionaliter, sicut diligere: sed vel est commune, vel appropriatum. Tertium similiter, quia procedit secundum quod obliquus cōstruitur reciproce, & tunc diligere tenetur essentialiter.

4. **A D** illud quod obiicitur quod non possit teneri notionaliter: intelligendum est quod sicut generatio dupliciter potest significari, vno modo, ut dicatur emanationem, alio modo, ut dicatur modum emanandi superaddita expressione: & primo modo per hoc verbum generare: secundo modo per hoc verbum dicere si-

gnifica-

Lib. 2. retractat. 26. tom. 1. Scot. resp. ad 1. p. 1. p. 1. d. 32. inquit quod negat per se essentialiter, quæ notionaliter tenetur. Quod etiam resp. S. Bernardus. resp. ad pen.

gnificatur, sic & spiratio dupliciter potest significari. Primo modo per hoc verbum, quod est *spirare*: secundo modo per hoc verbum, quod est *diligere*. Quemadmodum enim dicere importat generationem, & ulterius quandam expressionem circa personam, sic & diligere. Vnde sicut *dicere*, importat actum generandi, & dicendi, siue exprimendi, & ratione actus dicendi, siue exprimendi dicitur: Pater se dicit verbo, hoc est dicendo, siue exprimendo generat verbum, vel generando verbum, se exprimit verbis; sic in proposito: *Diligere* actum importat connectendi, siue concordandi, & spirandi, & ratione actus connectendi dicitur: Pater & Filius diligunt se Spiritu sancto, hoc est inuicem concordando spirant Spiritum sanctum, vel spirando Spiritum sanctum inuicem connectuntur. Ex his patent obiecta.

Ad replic. Quid enim obiicitur de mutua reflexione, patet responso, quia hæc est ratio actus notionalis communiter intellecti.

5. Ad illud quod obiicitur quod diligere Spiritu sancto conuenit tribus, & dicitur respectu creaturæ, dicendum quod non conuenit tribus ratione spirationis, quam importat: & ideo quamuis dicatur respectu creaturæ, non tamen dicitur essentialiter omnino: sed connotat aliquid essentialiter, dicit tamen notionem respectus quem importat ad personam, sicut supra dictum est de verbo, & dono.

6. Ad illud quod obiicitur pro qua notione stat: patet quod stat pro communi spiratione, tamen non licet pro ea ponere verbum spirandi, quia alio modo importat illam notionem. Vnde sicut conceditur hæc: Pater dicit verbo, non tamen hæc Pater generat Filio, & tamen dicere importat ipsam generationem. Sic in proposito intelligendum est.

QUESTIO II.

Pater & Filius diligunt se Spiritu sancto, in qua habitudine constituatur.

Agid. Rom. 1. Sent. dist. 32. q. 2.

Richardus 1. Sentent. dist. 32. q. 2.

Franciscus de Mayr. 1. Sent. dist. 32. q. 3.

Petrus de Tarantasia. 1. Sent. dist. 32. q. 3.

Funda-
menta.

IN qua habitudine constituatur ille ablatius cum sic dicitur: Pater & Filius diligunt se Spiritu sancto. Et quod in habitudine formæ videtur per simile, quia Pater diligit amore à se procedente formaliter: ergo pari ratione Pater, & Filius diligunt se formaliter Spiritu sancto.

ITEM nihil denominat aliquid ad quod comparatur, ut ad principium solum, nisi comparatur, ut informans. Nam quamuis cursus sit à Deo, non tamen Deus dicitur currere: sed amor est à Patre, & Filio, & illi dicuntur amare: igitur amor est in ratione formæ.

ITEM omni nexu aliqui necluntur formaliter: sed Spiritus sanctus est nexus: ergo aliqui illo necluntur, & non nisi Pater, & Filius, &c.

ITEM omni albedine aliquis est albus formaliter: ergo omni amore aliquis est amans formaliter: sed non est amans formaliter amore, nisi ille cuius est amor: cum ergo Spiritus sanctus sit amor Patris, & Filii, patet. &c.

1. CONTRA: Omne quod diligit formaliter alio à se, habet diligere solum per participationem: ergo si Pater, & Filius diligunt formaliter aliquo alio à se: ergo diligunt per participationem: sed hoc est inconueniens: ergo, &c.

2. ITEM si aliquis diligit aliquo formaliter, illo circumscripto, impossibile est intelligere amorem in eo, siue ipsum amare: ergo si Pater, & Filius diligunt se Spiritu sancto, impossibile est intelligere Patrem amare, non intellecto Spiritu sancto: sed hoc est falsum: ergo & primum.

3. ITEM nulla hypostasis est forma: sed amor, qui est Spiritus sanctus, est hypostasis: ergo non est forma: ergo nullus illo amore diligit formaliter.

4. ITEM nullum relatiuum potest esse forma sui correlatiui, quia ex forma & formato fit vnum: relatiuum autem distinguitur à correlatiuo: sed amor, qui est Spiritus sanctus, correlatiue se habet ad Patrem, & Filium: ergo, &c.

5. ITEM omnis forma est ante illud cuius est forma: ergo si Pater & Filius diligunt se Spiritu sancto formaliter, amor ille præcedit diligere Patris, & Filii: sed hoc est falsum, quia dilectio producit: ergo, &c.

CONCLUSIO.

Cum dicimus Patrem, & Filium se inuicem Spiritu sancto diligere, ablatius ille construi debet in ratione quodam modo effectus, vel producti, & quodam modo in ratione forma non inhaerentis.

RESP. Ad Arg. Dicendum quod aliquorum positio fuit quod ille ablatius construitur in ratione signi, non in ratione formæ. Nam Spiritus sanctus se habet per modum producti respectu dilectionis Patris, & Filii: ideo illius est signum. Vnde dicunt quod is est sensus locutionis: Pater & Filius diligunt se, & huius signum est quod concorditer spirant Spiritum sanctum, qui est amor vnicus, & indiuisus. Sed hæc positio est insufficiens. Nam si ablatius posset construi vere in ratione signi cum verbo, hæc esset vera: Pater & Filius diligunt se amore creato, quia amor creatus signum est illius: quam nullus concedit.

Si tu dicas quod illud non est signum propinquum, obiicitur: quia tunc hæc esset vera simpliciter: Pater est sapiens sapientia genita, cum sapientia genita sit maxime signum sapientiae in Patre generante. Aliorum positio fuit quod ablatius ille construit in ratione formæ. Dicunt enim quod diligere se, nihil aliud est dictu de Patre & Filio, quam inuicem connecti. Et quoniam nexu formaliter connectuntur, & Spiritus sanctus est ille nexus; ideo formaliter loquendo, ista est vera: Pater & Filius diligunt se Spiritu sancto, sicut hæc formaliter est vera: Pater & Filius necluntur nexu. Sed hæc positio non potest omnino stare, quia cum dicitur: Pater & Filius necluntur, aut necluntur dicit aliquid quod sit in Patre & Filio à Spiritu sancto; aut quod est in eis, ut principium Spiritus sancti. Si quod est in eis à Spiritu sancto, ergo Pater & Filius aliquid recipiunt à Spiritu sancto. Si aliquid, cum non possit recipere partem, ergo totum: ergo sunt à Spiritu sancto, quod est inconueniens. Restat ergo quod hoc quod est, necluntur, dicat aliquid quod est in Patre, & Filio, ut principium Spiritus sancti: quamuis enim sit passiva secundum modum, actiua tamen est secundum rem. Et si hoc, Spiritus sanctus comparatur ad connexionem, ut ad principium: non ergo ut in ratione formæ omnino. Patet ergo quod prima positio dicit minus sufficienter: secunda dicit nimis abundanter, quia nimis exprimit. Et prima fuit Magistri Simonis Tornacensis. Secunda fuit Magistri Guilielmi Altisiodorensis. Et licet neutra sit omnino sufficiens, tamen utraque habet in se aliquid veritatis. Nam prima dicit, quod Spiritus sanctus se habet ad Patrem, & Filium per modum producti, & hoc quidem verum est. Secunda dicit quod amor comparatur ad amantes, ut in ratione formæ, & hoc quidem verum est. Et ideo ex his duabus positionibus quarum una est insufficiens, alia excedens, colligitur media positio sobria, & sufficiens, scilicet quod ille ablatius, construitur in ratione effectus formalis, si licet nominare effectum: quod est ex principio. Et hæc fuit positio Magistri Hugonis de sancto Victore, qui hæc clare vidit veritatem. Vnde redarguit illos, qui reputant hanc quæstionem insolubilem. Vnde dicit, quod sicut cum dicitur: Ego diligo te amore à me procedente, ibi est constructio in ratione effectus formalis, sic in proposito. In hoc tamen est differentia, quia amor à re procedens, est in re requiescens, ut vnians, & inhaerens, quia est accidens: sed in diuinis amor à Patre, & Filio procedens, est in eis requiescens,

Simon Tornacensis.
Opin. 1.

Improbatio.

Opin. 2.

Improbatio.

Opin. 3.

Opin. S. Th.
1. p. q. 37.
art. 2.

Scotus, insurgit hoc in loco q. 2. dist. 32. arguens contra S. Th.

ut vntens, non tamen ut inhærens, quia non est accidens, sed substantia, & hypostasis: & ideo adhuc minus habet rationem formæ. Cōcedendæ sunt igitur rationes ad hoc inductæ, quia ablatius habet aliquo modo rationē formæ. Quod tamen vltimo loco obiicitur, non valet, quia omnis albedo est forma: sed aliquis amor non est forma, sed est hypostasis.

1. Ad illud ergo quod obiicitur quod formaliter diligunt, ergo per participationem, dicendum quod diligere alio per essentiam, facit participationem: sed aliter personalis non. Vnde Hugo: Animus humanus amor nō est, sed ab ipso procedit amor: ideo seipso non diligit: Pater vero amor est, & Spiritus sanctus eius est amor: ideo diligit seipso, diligit etiam Spiritu sancto, & ideo patet quod non per participationem: & ideo patet sequens. Quia enim Pater seipso diligit amore essentiali, ideo potest intelligi amare Pater, Spiritu sancto non intellecto, non sic autem est de amore notionali.

2. 3. 4. RATIONES sequentes procedunt de forma, secundum quod habet perfectum actum formæ. Formæ enim est inhære: & ideo non est hypostasis: ideo etiam non distinguit. Ibi vero ablatius cadit ab actu formæ, qui est inhære, & tenet actum formæ, qui est venire.

5. Ad illud quod obiicitur quod forma præcedit illud cuius est forma, dicendum quod loquitur de forma secundum quod habet rationem causæ, quia sic præcedit: sed ablatius cadit à ratione causalitatis, quia construitur per modum effectus formalis. Pater ergo quod quodā modo est ibi ratio formæ, quodam modo ratio signi, & in hoc patet responsio ad omnia quæ sita.

ARTICVLVS II.

Consequenter est quæstio de hac locutione. Pater est sapiens sapientia genita. Et circa hoc queruntur duo. Primo quæritur vtrum illa locutio sit admittenda. Secundo, ad intellectum huius, vtrum sit hæc admittenda: Pater est potens virtute quam genuit.

QVÆSTIO I.

An recte dici possit: Pater est sapiens sapientia genita.

Alexand. Alensis 1. p. q. 67. Memb. 3. art. 2. § 3.

Scot. 1. Sent. dist. 32. q. 2.

Ægid. Rom. 1. Sent. dist. 32. pr. 2. q. 1.

Richardus 1. Sent. dist. 32. art. 2. q. 1.

Franciscus de Mayr. 1. Sent. dist. 32. q. 4.

Thom. Argent. 1. Sent. dist. 32. q. 1. art. 3.

Marfilus Inguen. 1. Sent. q. 34. art. 2.

Gab. Biel 1. Sent. dist. 32. q. 1.

Ad oppositum.

1. Cor. 1. d.

Ca. 10. paulo post initium.

Ca. 14. 10. 3.

Ca. 7. in fi. Monol. c. 28.

Quod prima locutio sit admittenda, ostenditur hoc modo: Christum dicimus Dei virtutem, & Dei sapientiam: sed vnusquisque est sapiens sua sapientia: ergo si Christus est sapientia Patris, & sapientia genita, Pater est sapiens sapientia genita.

2. ITEM per Aug. 6. de Tr. Filius est ars quædam omnipotentis, & sapientis Dei, vbi omnia nouit: sed vnusquisque artifex est sapiens sua arte: ergo Pater est sapiens Filio: ergo, &c.

3. ITEM hoc videtur ratione per simile, quia omnia amans à quo procedit amor, est amans amore à se procedente: ergo omnis sapiens à quo procedit sapientia, est sapiens sapientia à se emanante: sed Pater est huiusmodi: ergo, &c.

4. ITEM Aug. 15. de Tr. Nouit Deus Pater omnia in seipso, nouit & in Filio: sed idem est nosse omnia, & sapientem esse: si ergo omnia nouit in Filio, non tantum seipso, sed etiam Filio est sapiens.

5. ITEM Deus Pater omnia dicit verbo, sicut dicit Aug. 11. Confes. Verbo tibi coæterno dicis quæcunq; dicis. Sed dicere, ut dicit Ansel. est intelligere: ergo Pater omnia intelligit mediante Verbo: ergo cum idem sit esse sapientem, & intelligere, patet, &c.

CONTRA: In diuinis sapere est esse: ergo si Pater est sapiens sapientia genita: ergo est sapientia genita: hoc autem falsum: ergo & primum.

ITEM non intellecta generatione, adhuc est intelligere Deum sapientem: ergo sapientia genita non est ratio sapientia Dei.

CONCLUSIO.

Cum esse sapientem, dicatur essentialiter solum (licet sapientia Filio approprietur) nihilominus hæc sententia nullatenus est admittenda: Pater est sapiens sapientia genita.

RESP. Ad Arg. Dicendum quod sine distinctione, cum esse sapientem dicatur essentialiter, quod locutio est simpliciter falsa: etsi alicubi legitur, ab aliquo sancto est exponenda. Vnde Augustinus in lib. Retractationum illa retractat dicens, quod melius illam quæstionem in libro de Trinitate tractauit, vbi scilicet dicit contrarium, ostendens illam rationem non valere. Si Pater fuit sine Filio, cum Filius sit eius sapientia, Pater fuit insapiens: quia sapientia non tantum conuenit Filio, sed Patri & Filio, & Spiritui sancto. Et hoc ipsum in lib. de Tr. dicit in pluribus locis: sed maxime in 6. & 15.

1. Ad illud ergo quod obiicitur quod Filius est sapientia, & virtus Patris, dicendum quod ista conceditur: Filius est sapientia Patris sapientis, nec tamen ista, Pater est sapiens sapientia genita. Vnde norandum quod cum dicitur sapientia alicuius, hoc dicitur dupliciter. Aut sicut subiecti, ut albedo Petri: aut sicut principii, genitiue enim originem importat: quoniam ergo filius est sapientia habens originem à Patre, ideo hæc est vera: Filius est sapientia Patris. Cum autem dicitur. Pater est sapiens sapientia genita, ablatius construitur in ratione alicuius causalitatis, vel in habitudine formæ, vel principii, & maxime formæ, & ideo falsa, quia Filius nec forma, nec principium est Patris. Si tu quæras quare non construat in ratione formalis effectus, sicut amor cum amante à quo procedit, dicendum quod non est simile: & huius duplex est ratio, vna communis, & alia specialis. Communis, quæ sumpta est à creaturis, quoniam quidam sunt actus qui dicuntur motum à rebus ad animam, ut sapientia: quidam ab anima ad res, ut amare: ideo comparatio amoris est ad amantem in ratione exeuntis, non in ratione impartientis: & ideo amor de se importat formam, & effectum. Sed sapientia, quia dicitur, ut ad intelligentem, non ut ab intelligente, ideo ablatius tantum importat formam, non effectum: & ideo est locutio falsa. Et alia ratio est specialis in diuinis, quia amor procedens est amor proprie, non per appropriationem. Et diligere est similiter dictum notionaliter, vnde importat originem, ut supra monstratum est: sed sapientia semper essentialiter: & hoc quod est esse sapientem, nullo modo dicitur notionaliter, quia nullo modo importat originem: & ideo locutio est falsa.

2. 3. 4. Ad illud quod obiicitur quod Pater nouit omnia in Filio, dicendum quod differunt dicere: nouit Filio, & in Filio. Nam cum dicitur: nouit Filio, ablatius importat rationem formæ, vel principii cognoscendi: & ideo falsa est simpliciter. Hæc tamen est distinguenda, nouit in Filio, quia præpositio, in, cum suo causali potest determinare hoc verbum nouit, in comparatione ad subiectum, & tunc est locutio falsa: est enim sensus quod Filius sit Patri ratio cognoscendi. Vel potest verbum determinare in comparatione ad obiectum, & tunc vera est, & est sensus, quod Filius sit in rebus cognitis ratio, & exemplar, & causa exemplandi. Et quod iste possit esse sensus locutionis, patet. Qui enim perfecte cognoscit aliquid, cognoscit omne quod est in illo: si ergo Pater perfecte cognoscit Filium, & in Filio sunt omnia: ergo omnia cognoscit in Filio: nec tamen ex hoc sequitur quod sit sapiens Filio, quia tunc significatur, quod Filius sit ratio cognoscendi ipsi Patri.

5. Ad illud quod obiicitur vltimo quod Pater dicit omnia verbo, dicendum quod hoc quod est dicere, importat ori-

Fundamenta.

Hoc dixerat Aug. lib. 83. q. 23. 10. 4. ed. retract. cap. 1. 26. 10. 1. 14. 7. de Tr. cap. 1. tom. 3.

rat ori-

rat originem, importat etiam effectum in creatura, que dicit per verbum, siue efficit: sed *intelligere* non importat de se nisi solummodo actum essentialem, ita quod, nec importat de se respectum ad personam, nec ad creaturam: ideo non omnino idem est dicere, dicit omnia verbo, & intelligit omnia verbo: dicere enim idem est, quod intelligere, sed amplius importat.

QVÆSTIO II.

An recte dictum sit: Pater est potens potentia, siue virtute, quam genuit.

*Marfilius Inguen. 1. Sent. q. 35. art. 1.
Steph. Brulef. 1. Sent. dist. 32. q. 4.*

Ad oppositum.

Vtrum hæc locutio sit admittenda: Pater est potens potentia quam genuit, siue virtute. Et videtur quod sic. Quia quicumque operatur per aliquem, & non potest operari sine eo, habet potentiam ab eo: sed Pater operatur per Filium, & non potest operari sine Filio, ergo, &c.

2. **ITEM** in diuinis idem est virtus, & operatio: ergo cum Pater operetur per Filium, potest per Filium: sed quicumque potest per alterum, est potens potentia illius: ergo Pater est potens potentia genita.

3. **ITEM** sicut se habet nosse ad sapientiam, ita operari ad potentiam: sed bene sequitur: Ille nouit per illum, ergo est sapiens per illum: ergo bene sequitur: Ille operatur per illum, ergo habet potentiam ab illo, siue per illum: ergo, &c.

4. **ITEM** cum dicitur: Pater operatur per filium, hæc præpositio, *per*, aut importat causam, aut instrumentum. Non instrumentum, quia tunc Filius non vere cooperaretur Patri. & iterum esset indigens si ageret per instrumentum: ergo in ratione causæ: & si hoc, ergo Filius dat operari Patri: ergo & potentiam. Si tu dicas quod non dicitur rationem causalitatis, sed subauctoritatem: cum ergo similiter habeat Spiritus sanctus subauctoritatem in operando sicut Filius, qua ratione dicitur Pater operari per Filium, eadem ratione per Spiritum sanctum. Si tu dicas quod hoc est dictum per appropriationem, quaero rationem appropriandi. Cum enim operatio sit per potentiam, & potentia approprietur Patri non Filio, non ergo Patri poterat appropriari operari per Filium.

5. **ITEM** cum immediata causa operationis sit voluntas, & illa approprietur Spiritui sancto, videtur quod magis debeat dici operari per Spiritum sanctum, quam per Filium.

Fundamenta.

CONTRA: Idem est esse potentem quod esse: ergo si Pater est potens potentia genita: ergo habet esse ab illa.

ITEM potentia appropriatur Patri: ergo nec per proprietatem, nec per appropriationem conuenit Filio: ergo talis locutio magis est impropria, quam ista: Pater est sapiens sapientia genita.

ITEM potentia qua aliquis est potens, secundum ordinem intelligendi antecedit posse: sed generatio ordine intelligendi sequitur posse: ergo hæc omnino falsa: Pater est potens potentia genita.

CONCLUSIO.

Tamen concedere debemus quod Pater per Filium operetur, non tamen quod sit potens per Filium, cum hic auctoritas, ibi vero subauctoritas significetur.

RESP. ad arg. Dicendum quod hæc est falsa simpliciter: Pater est potens potentia genita, & magis impropria quam aliqua prædictarum. Ad intelligentiam autem prædictorum notandum quod hæc regula consuevit dari de hac præpositione, *per*, quod cum verbo abso-

luto importat auctoritatem, ut cum dicitur: Ille est bonus per illum, vel sapiens, vel potens. Cum verbo vero transitiuo, importat subauctoritatem, ut Rex punit per balliuum, dicendum est igitur quod hæc est falsa: Pater est potens per Filium: hæc est vera, Pater operatur per Filium. Et non valet argumentum. Operatur per illum, ergo potest per illum, quia, *per*, primo importat causalitatem respectu effectus, & postmodum respectu Patris.

1. Ad illud ergo quod primo obiicitur quod qui operatur per aliquem potest per illum, dicendum quod falsum est, quia hoc non est quod habeat potentiam ab illo, sed quod habeat potentiam cum illo indiuisam, & dat illi posse: ideo per illum operatur, & non potest sine illo.

2. Ad illud quod obiicitur quod non differt operatio, & potentia in Deo, dicendum quod verum est per comparisonem ad Deum, differt autem quantum ad effectum connotatum.

3. Ad illud quod obiicitur quod sequitur: Nouit per Filium: ergo, &c. dicendum quod non est simile de *nosse*, & *operari*: quamuis enim nosse sit verbum transitiuum, tamen non connotat effectum sicut operari: & ideo præpositio, *per*, non potest cum ipso importare subauctoritatem, ubi enim est subauctoritas, notatur quod aliquid sit à duobus, & ab uno per alterum, & sic patet illud.

4. 5. Ad illud quod obiicitur, utrum dicat rationem causæ, vel instrumenti, dicendum quod neutrum dicit proprie: sed subauctoritatem, quæ importat rationem vtriusque, quantum ad illud quod est ibi completionis.

QUOD obiicitur quod Filio appropriatur operari per ipsum: Respon. quod operatio est per virtutem, & virtus appropriatur Filio, sicut dicitur ad Corinth. Christum dicimus Dei virtutem, & Dei sapientiam. Ratio autem quare virtus Filio approprietur, est, quia virtus est vltimum potentia, siue est potentia vltimata: quoniam igitur Filius producit à Patre secundum omnimodam perfectionem potentia, quia generare est actus perfectæ potentia: perfectum est enim vnumquodque quando potest generare tale quale ipsum est: quia igitur Filius accipit potentiam producendi æque perfectum sicut ipse & Pater est, ut Spiritum sanctum: ideo virtus ei appropriatur: ideo dicitur virtus Patris, & brachium, & dextera, & Pater operari per filium. Aliter potest dici, quod virtus dicit immediatiorem ordinem ad actum, quam potentia, quia potentia ordinatur ad opus per dispositionem, & Filio appropriatur dispositio: ideo & potentia disposita, & sic patent omnia quæ sita.

Ad replic.

1. Cor. 1. d.

DISTINCT. XXXIII.

VTRVM PROPRIETATES PERSONARVM SINT IPSÆ PERSONÆ, VEL DEVS, ET DIVINÆ ESSENTIA.

POST prædicta: interius considerari atque subtiliter inquiri oportet, utrum proprietates personarum, quibus ipse persona determinatur, sint ipsæ personæ, & sint Deus, id est, diuina Essentia: an ita sint in personis, ut non sint personæ, ac per hoc nec diuina Essentia. Quod enim in personis sint proprietates, nemo inficari audet, cum aperte clamet auctoritas quod in personis est proprietates, & in essentia unitas. Superius quoque multis Sanctorum testimonijs astruximus, personas per proprietates distinguere atque determinari, ipsasque proprietates, tres scilicet proprijs expressimus vocabulis. Cum ergo proprietates ipse ab æterno fuerint, quibus ipse persona de-

terminantur, & differunt: quo modo essent si in eis non essent, & quomodo in eis essent, & ipsa persona non essent, quin ibi esset multiplicitas? Quocirca sicut proprietates esse in personis, ita & eas personas esse confitemur: sicut supra auctoritate Hieronymi, ut non pigeat reuocare ad mentem, prestatum sumus, in expositione fidei ita dicentis, Sabellij haeresim declinantes: Tres personas expressas sub proprietate distinguimus. Non enim nomina tantummodo, sed etiam nominum proprietates, id est personas, vel (ut Graeci exprimiunt) hypostases, hoc est subsistentias confitemur. Ecce aperte dicit personas proprietatibus distinguere, & ipsas proprietates esse personas: cuius hic verba perstringimus, quia supra latius posuimus.

Quod proprietates sint personae, & diuina Essentia.

Cumq; de simplicitate deitatis supra differeremus, auctoritatibus Sanctorum, scilicet Augustini, Hilarij, Isidori, nec non & Boetij euidenter monstrauimus, Deum hoc esse omnino quod in se habet: excepto quod Pater habet Filium, nec est Filius: Filius habet Patrem, nec est Pater, & sic esse in natura trium, ut qui habet, hoc sit quod habet, & totum quod ibi est, unum esse, unam vitam esse: qua modo non iteramus, ne fastidium lectori ingeramus. Si ergo proprietates ibi sunt, singula earum est id in quo est, & unum eademq; vita singula sunt. Fateamur ergo & proprietates esse in tribus personis, & ipsas esse personas atq; diuinam essentiam.

Auctoritate astruit, quod proprietates sint naturae.

Quod enim proprietates etiam diuina natura sit, ostendit Hilarius, dicens natiuitatem Filij esse naturam. & inde in lib. 7. de Trinitate ait: Vtriusque natura non differt: unum sunt Pater & Filius. Habet ergo hoc Sacramenti natiuitas, ut complectatur in se & nomen, & naturam, & potestatem: quia natiuitas non potest non esse ea natura, unde nascatur Filius. Idem in 6. Natiuitas est, proprietates est, veritas est. Idem in 7. dicit quod natura natiuitas sit intelligenda esse in natura Dei. Supra enim dixit, quod proprium Patris est, quod semper Pater est, & proprium Filij est, quod semper Filius est, significans quod proprietates Patris est Pater: & proprietates Filij est Filius. His alijsq; pluribus auctoritatibus aperte significari videtur, quod proprietates Filij Filius sit, sic & Deus: ita & proprietates Patris, & proprietates Spiritus sancti.

Quidam negant, scilicet proprietates esse personas & diuinam naturam, & quare.

Hoc autem aliqui negant, dicentes quidem proprietates in personis esse, sed non esse personas ipsas: quia ita dicunt esse in personis vel essentia diuina, ut non sint interiorius sicut ea sunt qua secundum substantiam dicuntur de Deo, ut bonitas, iustitia: sed extrinsecus affixae sunt. Atque ita esse rationibus probare contendunt. Si enim, inquirunt, proprietates sunt personae, non eis personae determinantur. Contra quod dicimus, quia etiam seipsas personae differunt, sicut supra Hieronymus loquens de Patre & Filio & Spiritu sancto dicit: Substantia unum sunt, sed personis ac nominibus distinguuntur. Sed iterum addunt: Si proprietates ipsae diuina Essentia sunt, cum essentia non differant tres personae, nec proprietatibus differunt. Quo modo enim differt Pater a Filio, eo quod diuina essentia est, cum in essentia unum sint?

Responsio ad praemissa, auctoritate nitens.

Horum doctrinis nouis & humanis commentis, verbo Hilarij respondeo: Immensum est quod exigitur & incomprehensibile: extra significantiam est sermonis, extra sensus intentionem: non enunciat, non attingitur, non tenetur: verborum significantiam rei ipsius natura consumit, sensus contemplationem imperficabile lumen obacat, intelligentia capacitatem quod sine nullo continetur, excedit. Mihi ergo in sensu labes est, in intelligentia stupor est, in sermone vero non iam infirmitatem, sed silentium confitebor, periculosum nimis est de rebus tantis ac tam reconditis aliquid ultra praescriptum caeleste proferre, ut ultra praefinitionem Dei, sermo de Deo sit. Forma fidei certa est. Non ergo aliquid addendum est, sed modus constituendus audacia: quidquid ultra queritur, non intelligitur.

Quo modo improbi haeretici insistant alia addentes.

Ceterum haeticorum improbitas instinctu diabolica fraudulentia excitata, nondum quiescit: sed in tanta rerum questione addit: Si paternitas & filiatio in Deo, siue in diuina essentia sunt, eadem ergo res est sibi Pater & Filius. Nam in quo paternitas est, Pater est: & in quo filiatio est, Filius est. Si ergo una eademq; res habet in se paternitatem & filiationem, ipsa generat & generatur: quod dicentes in Sabellianam haeresim pertrahuntur, extendentes Patrem in Filium, cum ipsum sibi Filium proponant & Patrem. Si vero negauerint in una Dei essentia paternitatem esse & filiationem: quo modo ergo dicunt esse Deum? Huius atque alij argumentorum aculei utuntur in suae opinionis assertionem, ut veritatis formam dissecent.

Responsio contra hanc eorum oppositionem, ubi traditur, proprietates non penitus ita esse in Dei Essentia, sicut in Hypostasibus dicuntur.

Quorum audacia resistentes, atque ignorantia prouidentes, audebimus aliquid super hoc loqui. Paternitas & filiatio non ita esse omnino in diuina substantia dicuntur, sicut in ipsis hypostasibus: in quibus ita sunt, quod eas determinant, ut ait Ioan. Damasc. Characteristica idiomata sunt, id est, determinatiuae proprietates hypostases, & non naturae: etenim hypostasim determinant & non naturam. Ideoq; licet paternitas & filiatio sint in diuina Essentia, cum eam non determinent: non ideo potest dici quod diuina Essentia & generet & generetur, vel quod eadem res sit sibi Pater & Filius. Itaque proprietates determinat personam, ut hac proprietate hypostasis sit generans, & illa alia hypostasis sit genita: & ita non idem generat & generatur, sed alter alterum.

Queritur quo modo proprietates possint esse in natura, ut tamen eam non determinent.

Sed forte queres, cum haec proprietates non possint esse in personis, quineas determinent, quo modo in diuina Essentia esse possint, ita ut non eam determinent. Respondeo tibi, & hic cum Hilario: Ego nescio: non requiro, sed consolabor me tamen: Archangeli nesciunt, Angeli non audierunt, saecula non tenent, Propheta non sensit,

Apostolus

Dist. 25.
To. 9. in
explan-
atione Sym-
onis ad Da-
masc. episc.
7.

Dist. 8.

In medio
libri.

Ante fin.
Circa med.

Dist. 25.
o. 9. loco
praesignato.

Lib. 2. de
Trin. sta-
tim a prin.

Eccl. 43. 4

Lib. de or-
thodoxa
fide cap. 6.

Lib. 2. de Tri-
nitate mod.

Apostolus non interrogauit, Filius ipse non edidit. Cesset ergo dolor querelarum: non putet homo sua intelligentia generationis Sacramentum posse consequi. Absolute tamen intelligendus est Pater, & Filius, & Spiritus sanctus. Stat in hoc fine intelligentia verborum: Est filius à Patre, qui est unigenitus ab ingenito, progenies à parente, uinus à uino, non natura deitatis alia & alia, quia ambo unum. Hoc credendo incipe, percurrere, persiste, etsi non perueniarum sciam, tamen gratulabor profecturum. Qui enim pie infinita prosequitur, etsi non contingat, aliquando tamen proficiet procedendo. Sed ne te inferas in illud secretum & arcanum inopinabilis natiuitatis, ne te immergas, summam intelligentia comprehendere presumens, sed intellige incomprehensibilia esse. His alijsq. multis euidenter ostenditur nobis nullatenus licere maiestatem perscrutari, imo ponere potestati, modum circumscribere infinito.

Quibus auctoritatibus opinionem suam, scilicet quod proprietas Patris vel Filii non sit Deus, nunciant.

Verumtamen nondum desistunt impatientia spiritu agitati, sed opinionem suam etiam Sanctorum auctoritatibus munire conantur, quibus ostendere volunt proprietatem qua Pater est Pater, & proprietatem qua Filius est Filius, non esse Deum, ad hoc inducentes uerba Augustini super illum locum Psalmi: Et non est substantia, ita dicentis: Deus enim quadam substantia est. Vnde etiam in fide Catholica sic edificamur, ut dicamus Patrem & Filium & Spiritum sanctum unius esse substantia. Quid est unius substantia? Quidquid est Pater quod Deus est, hoc est Filius, hoc est Spiritus sanctus. Cum autem Pater est, non illud est quod, vel quo est. Pater enim non ad se, sed ad filium dicitur: ad se autem Deus dicitur. Eo igitur quod, vel quo Deus est substantia est. Et quia eiusdem substantia est Filius, proculdubio & Filius est Deus. At uero quod Pater est, quia non substantia nomen est, sed refertur ad Filium, non sic dicimus Filium Patrem esse, sicut dicimus Filium Deum esse. Ex his uerbis significari dicunt, quod proprietas Patris vel proprietas Filij non sit Deus vel Essentia diuina. Cum enim dicit: eo quod Deus est, substantia est: sed quod Pater est, substantia non est: aperte, inquit, ostendit id esse substantiam, quo Deus est, id uero quo Pater est, non esse substantiam. Item cum ait: Pater non illud est, quod est, ostendit eum non esse Patrem, eo quod substantia est. Non enim simpliciter dixit: Pater non est illud quod est, sed ait, cum Pater est, non est illud quod est, significans quo Pater est non esse illud quo est, id est essentiam. Hæc illi ita exponentes, sua commenta simplicibus & incautis, uera uideri faciunt. Nos autem aliter fore ista intelligenda dicimus. Dicens enim: eo quod Deus est, substantia est: sed quod Pater est, substantia non est, hoc intelligi uoluit, quia Essentia Deus est, & deitate substantia est. Eo enim substantia est, quo Deus est, & e conuerso, cuius ea est deitas qua est substantia, & substantia qua deitas: sed quod Pater est, non est substantia, id est, non quo Pater est, eo substantia est, quia proprietate generationis Pater est, qua substantia non est. Ipsam tamen proprietatem substantiam esse non negauit. Ita etiam illud intelligendum est quod ait: Cum Pater est, non illud est quod est, id est, non illo Patre est, quod vel quo ipse est, id est, essentia, sed notione.

Aliis etiam uerbis Augustini videntur, ut asserant quod dicunt, scilicet proprietates personarum non esse Dei substantiam.

Item illis uerbis Augustini vehementer insistent superius positis, scilicet quod uerbum secundum quod sapientia est & essentia, hoc est quod Pater, secundum quod uerbum, non hoc est quod Pater. Si, inquit, uerbum non est hoc quod Pater, secundum hoc quod est uerbum, id ergo quo uerbum est, non est illud quo Pater est, proprietas ergo qua uerbum est, non est quod Pater est, non est igitur diuina essentia. Ad quod dicimus, quia licet secundum quod uerbum, non sit hoc quod Pater est, ea tamen proprietas qua uerbum est, est id quod Pater est, id est, diuina essentia, sed non est hypostasis Patris.

DISTINCT. XXXIII.

De nominibus substantialibus, & proprietatibus in comparatione secundum conuenientiam, & differentiam ad essentiam, & personas.

Post supradicta interius considerari, &c.

Expositio textus.

Supra egit Magister de nominibus substantialibus, & proprietatibus per se & sigillatim. Hic tertio loco agit de his in comparatione, & hoc secundum conuenientiam, & differentiam, & habet pars ista duas partes. In prima querit Magister de proprietatibus in comparatione ad essentiam & personas. In secunda uero agit de comparatione personarum, siue rei naturarum ad naturam, infra distinct. 34. Predictis adijciendum est, &c. Prima pars habet duas partes secundum duo opera sapientis. Quorum primum est non mentiri, de quibus nouit. Et secundum est mentientem posse manifestare. Vnde in prima parte primo ostendit, & probat ueritatem. In secunda eam defendit contra falsitatem, ibi: Hoc autem aliqui negant. Prima pars habet quatuor partes. In prima ostendit quod proprietates sunt personarum, & in personis per naturam ipsius proprietatis, quia æterna est, & distincta. In secunda ostendit illud idem per uolentiam auctoris Sabellii, ibi: Sabellij hæresim declinantes, ubi ponit auctoritates Hieronymi. In tertia ostendit hoc ipsum per naturam diuinæ simplicitatis, ibi: Cumque de simplicitate diuinitatis. In quarta ostendit quod proprietates non tantum sunt personarum, sed etiam diuina essentia. Et hoc probat efficacia auctoritatis, ibi: Quod uero proprietates etiam diuina natura sit, ubi ponit auctoritatem Hilarii. Similiter secunda pars in qua ponit Magister ueritatis probatæ defensionem ponendo aliorum rationes, & suas responsiones, secundum quod duplex est modus impugnandi ueritatē, scilicet per rationes & auctoritates, ita hæc pars habet duas partes. In prima ponit rationes, & responsiones. In secunda auctoritates, ibi: Verumtamen nondum desistunt, &c. Prima pars habet quatuor partes. In prima ponit obiectionē quod proprietates non sint personarum, & quia rationalis erat, respondet ad ueritatē. Secundo uero subiungit aliam rationē, & quia curiosa uidetur, respondet ad hominem non ad rationē, ibi: Sed iterum addunt, &c. Tertio adhuc resumit rationem illorū, & respondet ad ueritatem, ibi: Ceterum hæreticorum improbitas, &c. Quarto & ultimo subiungit eorum interrogationem, & quia curiosa erat, præfigit terminū humanæ inquisitioni, ibi: Sed forte quæres, cum hæc proprietates, &c. Et quælibet istarū partium posset subdividi, scilicet quod primo ponit oppositionem, & secundo responsionem, & illud manifestū in littera est. Ultima pars in qua respondet Magister auctoritatibus quas inducunt, similiter habet duas partes secundum duas auctoritates August. quas inducit, & prima sumpta est ab expositione Psalmistæ, secunda uero sumpta est ab Aug. Prima pars ponitur ibi: Ver-

Aug. lib. 6.
de Trin.

tamen nondum desistunt. Et secunda ponitur ibi: *Item in verbis Augusti.* Et quælibet harum potest subdividi, quia primo ponit auctoritatem suæ rationem, secundo vero dissolvit.

Horum doctrinis novis & humanis, &c.
Dub. I.

Videtur insufficienter respondere quia non soluit argumentum: sed dicit quod est incomprehensibile: & videtur quod ista evasio nulla sit, aut enim argumentum necessario concludit, aut sophistice. Si necessario, tunc ergo cum procedit ex veris, conclusio est vera. Si non necessario, tunc ergo sophisticum est, sed vnum sophisma non est incomprehensibile, & ita videtur quod male applicet auctoritatem Hilarii.

RESP. Dicendum quod ad argumentum facile est respondere, quia ibi est sophisma secundum accidens: proprietas est essentia & essentia non distinguit, ergo nec proprietas, sed hoc Magister non dicit incomprehensibile, sed dimittit tamquam sophisticum, & indignum discussione maiorum. Sed illa questio veritatis, quæ sequitur, incomprehensibilis est secundum statum viæ, quoniam si per omnimodam identitatem prædicatur essentia de proprietatibus, & econverso; hæc distinguit, & illa non, & hoc est nobis incomprehensibile. Quia enim videmus per speculum, intelligimus per similitudinem sumptam à creaturis, & hoc nullum sub cælo habet simile, immo solius Dei proprium propter summam simplicitatem, ideo dicit Magister esse incomprehensibile. Nec est simile de genere, & differentia, quia genus prædicatur de differentia, & hæc distinguit, & illud non, quia non prædicatur per identitatem. Ideo cum Hilarius dicit quod est incomprehensibile, & describit incomprehensibilitatem quantum ad triplicem vim: Quantum ad receptivam, cum dicit incomprehensibile, &c. Quantum ad expressivam, cum dicit extra sermonis significationem. Quantum ad indicativam, cum dicit extra sensus intensionem: & alia quæ sequuntur, his tribus aptantur, ut patet inspicienti.

Quorum audacia resistentes, &c.
Dub. II.

Dicit quod proprietates quæ sunt in hypostasis, & eas determinat, in essentia sunt, sed eam non determinat. Videtur esse oppositio, quia omnis proprietas est determinativa eius in quo est, alioquin in illo non est: ergo si proprietates non determinat essentiam, non sunt in essentia.

RESP. Dicendum quod Magister bene respondet, quia hæc præpositio, *in*, notat diuersas habitudines. Aliter enim dicitur Pater in Filio, aliter paternitas in Patre. Pater enim in Filio esse dicitur non sicut proprietas distinctiva, sed sicut persona consubstantialis: paternitas vero in Patre, sicut proprietas distinctiva. Sic vult dicere Magister quod aliter sunt, siue dicuntur esse proprietates in essentia, quam in persona. Nam in essentia dicuntur esse propter identitatem, ita quod *in*, omnino dicit identitatem. In personis dicuntur esse, sicut veteræ proprietates in hypostasis, & determinationes in determinatis. In creaturis autem non est vnus modus sine alio, quia proprietas non omnino idem est cum eo cuius est proprietas, & ideo in creaturis non dicitur esse proprietas in aliquo nisi in eo cui inhaeret, non sic in diuinis.

Respondeo tibi, & hic cum Hilario, &c.
Dub. III.

Videtur falsum quod dicit quod solutionem istius questionis Archangeli nesciunt, cum enim sint comprehensores, constat quod omnia cognoscunt quæ sunt de substantia gloriæ: ergo cognoscunt distin-

ctionem personarum, & essentiae unitatem & modum: ergo videtur quare proprietates determinat hypostasis, non essentiam. Et iterum, si comprehensio erit de quibus est modo fides, & nos modo fide tenemus: ergo in patria cognoscemus.

RESP. Dicendum quod sicut dicit Augustinus de Trin. sicut fouea dicitur esse cæca, non quod ipsa non videat, sed quia quod habet, non ostendit aliis: sic Angeli dicuntur ignorare, & sancti, propter hoc quod non reuelant talia, sed magis intelligibilia, & quia talia non habent simile in creatura, immo magis dissimile, dicuntur nobis incomprehensibilia. Et remouet Hilarius triplicem cognitionem quam habemus de rebus diuinis. Vna est per Angelorum reuelationem, alia per Prophetarum illustrationem, tertia per Apostolorum prædicationem. Et dicit Angelos non audire, quia ipsi recipiunt reuelationem à maioribus, & nobis non exprimunt. Magister ergo bene respondet, ostendendo insufficientiam. Si enim quæritur quare proprietas est in persona, ut distinguens, in essentia non: respondetur quod persona se habet ad aliam, & refertur, & distinguitur: & si hoc respondeatur, adhuc manet questio quare persona refertur: ergo respondetur quia vna est essentia, tres personæ. Si tu quæras huiusmodi omnino simile, non inuenies, & ideo in fundamento fidei oportet sistere.

Nos autem aliter fore ista intelligenda, &c.
Dub. IV.

Notandum super ista solutione Magistri quam ponit hic quod locutiones istæ quas proponit Augustinus, scilicet Pater non est eo substantia, quo est Pater & consimiles, duplices sunt, quia ablatiuus importat habitudinem in ratione formæ, siue causæ formalis, quamuis in diuinis non cadat vere habitudo causæ quantum ad rem, tamen quantum ad rationem intelligendi. Potest ergo causalitas cadere sub negatione, ut sit negatio causalitatis, & tunc locutio est vera, & in hoc sensu accipit Augustinus, & Magister exponit. Est enim sensus: Non eo est Deus quo Pater, quia paternitas est Pater tamquam ratione dicendi vel intelligendi: non sic autem paternitas est ratio dicendi ipsum esse Deum vel intelligendi, & tunc locutio vera est, & nihil facit pro Porretano. Potest iterum esse causalitas negationis, & tunc est falsa, & est sensus: Non eo est Deus quo Pater, id est, quantum ad id quod est Pater, non est Deus, & in hoc sensu accipit Porretanus, & ita est falsus intellectus, & sic non accipit Augustinus.

ARTICVLVS I.

AD intelligentiam præsentis distinctionis quatuor quærentur. Primo quæritur de comparatione ad personam. Secundo de comparatione proprietatis ad essentiam. Tertio de comparatione vnius proprietatis ad aliam. Quarto de comparatione eiusdem proprietatis ad seipsam.

QUESTIO I.

An proprietas sit persona.

E Alex. Alensis 1. p. q. 68. Memb. 5. art. 1.
S. Tho. 1. p. q. 40. art. 1.
Et 1. Sent. dist. 26. q. 2. art. 1.
Scotus 1. Sent. dist. 33. q. unica.
Egid. Rom. 1. Sent. dist. 33. q. 1.
Richard. 1. Sent. dist. 33. q. 2.
Franciscus de Mayr. 1. Sent. dist. 33. q. 2.
Thom. Arg. 1. Sent. dist. 33. q. 1. art. 2.
Marsilius Inguen. 1. Sent. q. 36. art. 1.
Gabriel Biel 1. Sent. dist. 33. q. unica.

DE comparatione proprietatis ad personam. Et quæritur utrum proprietas sit persona. Et quod non, ostenditur hoc modo: Vbi cumque est vere determinans & determinatum secundum rem, ibi determinans dif-

Ad Oppositum.

ferat

fert à determinato. Nam si non differt, non est determinans vere, sed totum est determinatum: sed persona in diuinis est vere determinatum, & proprietas vere determinans, quia proprietas vere, & non secundum modum dicendi solum distinguit personam: ergo proprietas differt à personâ: sed differentia non prædicatur de se in abstractione: ergo nec proprietas de persona, vel econuerso.

2. ITEM: Vbi cumque est vere abstractum & concretum, ibi differt quod abstrahitur ab eo à quo abstrahitur: sed proprietas significatur in concretionem ad personam cum dicitur, Pater: & in abstractione cum dicitur, Paternitas, & non tantum est differentia in modo loquendi, quia aliquid dicitur de Patre quod non de paternitate: ergo vere differt paternitas à personâ: sed quod vere differt ab alio, non prædicatur de eo in abstractione: ergo, &c.

3. ITEM: Vbi cumque est absolutum & respectuum, absolutum non est ipse respectus quantumcumque seipso referatur. Vnde quamuis materia seipsa referatur ad formam, tamen non est ipse respectus ad formam: ergo cum in diuinis persona fere sit substantia absoluta, relatio sit verus respectus, quantumcumque seipsa referatur persona, non est verus respectus, siue ipse respectus, nec econuerso: ergo proprietas non est ipsa persona. Ex his tribus suppositionibus arguebat Porretanus quod persona non est proprietas, nec econuerso: & quia omne quod est in persona, est persona propter summam simplicitatem, arguebat ulterius quod proprietates non sunt in personis, sed assistunt. Et quod ista positio sit cōueniens: videtur auctoritate Boetii de Trinitate. Dicit enim quod relatio in eo quod est esse, consistit, sed in comparatione.

4. ITEM: Hoc ipsum ostenditur ratione, quia omne quod aduenit alicui, & recedit sine sui mutatione, non prædicat aliquid quod sit in illo, sed solum est assistens, sed relatio est huiusmodi, ut patet in dextro & sinistro, ergo, &c. Cum ergo proprietates sint relationes, non sunt personæ, nec in personis, sed assistunt.

3. CONTRA: Omne simplicissimum est id quod habet, excepto eo ad quod relative dicitur. Hæc est Augustini in 11. de Trinit. & per se nota est: sed diuina persona est simplicissima, aliter non esset Deus, & non dicitur relative ad proprietatem: ergo est proprietas.

ITEM: Omne perfectissimum est omne illud à quo perficitur, & denominatur, hæc est per se nota, quia aliter denominans & perficiens esset perfectus eo. Et Augustinus istam proponit 6. de Trin. dicens quod ipse Deus est maximus, ideo est sua magnitudo: sed persona diuina est perfectissimum quid, & denominatur sua proprietate: ergo persona est sua proprietas, & Pater est paternitas.

ITEM: Omne simpliciter primum est, quidquid habet excepto eo quod est ex illo. Nam si habet aliquid quod non sit ab ipso, vel quod non sit ipsum, illud est æque primum ut ipsum: ergo ipsum non erit simpliciter primum: sed Pater habet paternitatem, & paternitas non est ab ipso, & ipse est simpliciter primus, ergo Pater est paternitas, eadem ratione Filius est filiatio, & Spiritus sanctus processio. Ex his concluditur quod proprietates non sunt tantum personæ, sed etiam in personis. Et quod istud verum sit, videtur auctoritate Hieronymi in lib. de expositione fidei catholice: Tres, inquit, personas expressas sub proprietatibus distinguimus.

ITEM hoc videtur ratione. Quia omne quod est, aut est ens per se, aut in se, aut in alio. Proprietates igitur aut sunt per se entes, & ita substantia: aut in alio. Si in alio, non nisi in personis, quia proprietas non est nisi in eo cuius est proprietas. Si per se, ergo proprietas est substantia: aut ergo creata, aut increata, aut media. Sed non creata, nec media, istud constat, ergo restat quod increata: ergo sunt personæ.

CONCLUSIO.

Proprietas & persona licet in modo se habendi differant, proprietas tamen est persona, & in persona.

RESP. ad arg. Dicendum quod de comparatione proprietatis ad personam triplex fuit opinio. Prima positio fuit quod proprietates non sunt personæ, nec in personis: sed assistunt personis, sicut relationes. Et ratio quæ mouit istos, fuit personarum pluralitas, & diuina simplicitas. Quia enim personæ plures sunt, plures habent proprietates, quæ vere differentes sunt. Et quia differentes sunt: si essent in persona, auferrent ei simplicitatem. Quæ cum non possit auferri à diuinis, posuerunt proprietates esse assistentes personis, & non esse personas. Et huic videtur consonare natura relationis, quæ non videtur esse in substantia, nec prædicare aliquid in subiecto, sed dicere respectum ad aliud. Et hæc positio est rationabilis aliquo modo fuit, tamen stare non potest, quia ponebat relationes in diuinis, nec Deum esse, nec creaturam. Vnde et si in principio sui modicum continet errorem, tamen ducebat ad magnum, & ideo retractata fuit in concilio Remensi, & Magister Gilbertus Porretanus ore proprio retractauit. Ideo fuit secunda opinio multum differens ab ista, videlicet quod proprietates omnino sint personæ, nec differant nisi solummodo in modo loquendi, & tantum sunt tres proprietates, sicut sunt tres personæ. Et ista positio fundata est similiter super diuinam simplicitatem. Quia enim personæ sunt simplicissimæ, seipsis distinguuntur, & ipsæ sunt suæ proprietates, nec habent alias differentes re, sed solo modo loquendi. Et ista positio fuit Magistri Præpositiui, & magis est probabilis quam præcedens. Attamen ipsa improbata est supra dist. 26. quia vna persona plures habet relationes, quæ sunt veræ relationes: & plures personæ habent vnā proprietatem: & vna persona alio & alio modo se habet ad Filium, & ad Spiritum sanctum, etiam secundum rem. Ex quo necessario sequitur quod realiter aliquo modo differt proprietas à personâ, & non solum in modo loquendi, sicut dicebat Magister Præpositiuius. Et propter hoc intelligendum, quod vtrique prædictarum positionum aliquid veri dicar, & in aliquo deficiat. Nam prima quæ dicebat quod proprietates aliquo modo differant à personis, verum dixit: sed in hoc male quod dixit simpliciter differre. Sequens quæ dixit quod proprietates sint personæ, verum dixit: sed in hoc excessit quod dixit quod nullo modo differant à personis. Ideo ex his duabus positionibus conflatur vna vera, & communis positio quam tenent modo Magistri communiter quod proprietates sunt personæ, & in personis, tamen aliquo modo differunt à personis. Et quod ista positio sit conueniens, patet, si quis inspiciat naturam proprietatum. Dictum enim est supra, cum quærebatur quid esset proprietas in diuinis, quod erat relatio. Dictum est etiam quod relatio ratione comparationis quam habet ad subiectum, transit in substantiam in diuinis, & ideo de subiecto suo omnino vere prædicatur, ut Pater est paternitas. Ratione vero comparationis quam habet ad obiectum, manet verissime in diuinis, & habet quodam modo differentiam à personâ. Nec facit secundum hoc compositionem sed distinctionem respectu cuius est. Compositio enim attenditur per comparationem proprietatis ad subiectum, distinctio respectu obiecti. Et ex hoc patet quod proprietas est persona, & in persona, quia idem est per essentiam siue modum essendi, differt tamen quantum ad modum se habendi. Concedendæ igitur sunt rationes quod proprietates sunt personæ, & in personis. Et patet ex dictis responsio.

1. Ap. primum argumentum. Quia enim aliquantulum habent differentiam proprietas & persona penes modum se habendi, ideo proprietas vere determinat, & distinguit: hoc tamen non tollit prædicationem, quia modus ille non addit aliam essentiam.

Opin. 1.

Improbatio.

Opin. 2.

Improbatio.

Opin. 3. Communis.

Dist. 26. q. 2.

2. Ad illud quod obiicitur secundo de abstractione. Dicendum quod non est abstractio secundum rem, sed solum secundum modum intelligendi, & loquendi, quia abstractio respicit subiectum in quo, & secundum illum respectum transit in substantiam. Quia tamen manet in comparatione ad terminum, hinc est quod relatio non tantum modo loquendi differt, nec tamen oportet quod sit vera abstractio.

3. Ad illud quod obiicitur tertio quod absolutum non dicitur de respectivo. Dicendum quod verum est in creatura, quia respectus ipse verus aut est alius per essentiam, aut in comparatione ad aliud per essentiam, ut materia & forma, quorum neutrum est in diuinis: unde respectus in creaturis ponit dependentiam, & ideo priuat summam simplicitatem, & ideo non prædicatur in creatura. Omne enim simplicissimum est independens omnino. In diuinis autem relationes dicunt respectum sine dependentia, & ideo non priuant summam simplicitatem, & ideo dicuntur de hypostasi.

4. Ad illud quod obiicitur quod omnes relationes sunt assistentes, dicendum quod esse in comparatione dicuntur à Boetio, non quia non sint in re, sed quia cum sint in re, non sint in ea absolute, sed in comparatione ad alterum: quo quidem mutato & corrupto, contingit relationem pariter corrumpi & desinere, propter hoc quod non est in subiecto absolute, sed ad alterum, nihilominus est in subiecto. Ex hoc patet responsio ad illud quod obiicit. Nam illud non habet veritatem nisi in ente absolute, non respectivo. Et trahitur ex ratione & verbis Boetii. Ex ratione, quia quando dico hoc esse ordinatum ad aliquid, non nihil dico de illo de quo dicitur, & quando de aliquo quod non habet ordinem fit habens ordinem, quia non erat illud ad quod ordinaretur, & ideo ordo erat in potentia in hoc non ratione sui: sed ratione eius ad quod est, quantum ex parte sui erat in actu: tunc nulla mutatione facta in ipso, sed in obiecto, introducit in esse & desinit, & hoc patet ex verbis Boetii, quia Boetius non negat simpliciter quod relatio non in eo quod est esse consistit, sed non totaliter consistit. Unde dicit, non potest prædicatio relatiua quidquam rei de qua dicitur per se addere, vel minuere, vel mutare: quia non tota in eo quod est esse consistit. Ex hoc innuit quod aliquo modo consistit, & ideo nec in creaturis, nec in Deo verum est dicere quod relatio non sit in aliquo: sed verum est dicere quod non tota est in aliquo absolute.

QVÆSTIO II.

An proprietates sit essentia.

Alex. Alenf. 1. p. q. 68. Memb. 5. art. 2.

S. Thom. 1. p. q. 40. art. 2.

Scotus 1. Sent. dist. 34. q. unica.

Ægid. Rom. 1. Sent. dist. 33. q. 2.

Richardus 1. Sent. dist. 33. art. 2. q. 1.

Franciscus de Mayr. 1. Sent. dist. 33. q. 3.

Thomas Argent. 1. Sent. dist. 33. q. 1. art. 2.

Gregor. Arim. 1. Sent. dist. 33. q. 1.

Marfilus Inguen. 1. Sent. d. 36. art. 2.

Gabriel Biel. 1. Sent. dist. 33. q. unica.

Fundamenta.

De consideratione lib. 5. in med. 10. 2.

Secundo quaeritur de comparatione proprietatis ad essentiam. Et quaeritur utrum proprietates sit essentia. Et quod sic videtur, quia Ecclesia cantat: In personis adoretur proprietates: sed nihil est adorandum latria, nisi diuina essentia, ergo, &c. Unde Bernardus: Illam proprietatem quæ Deus non est, non mihi adorabilem credo.

ITEM: Essentia est in persona, similiter & proprietates: aut ergo sunt ibi per differentiam, aut per indifferentiam. Si per differentiam: ergo persona est composita: quod est inconueniens. Si per indifferentiam omnimodam, ergo proprietates est essentia, & essentia est proprietates.

ITEM: Proprietates aut est aliquid, aut nihil. Si nihil: ergo aut persona non distinguitur, aut distinctio personæ nihil est. Si aliquid est: sed omne quod est aliquid est ef-

sentia vel creatura, vel increata: sed proprietates non est essentia creata, hoc manifestum est, ergo increata.

ITEM: Omne quod est, aut est Deus, aut melius Deo, aut minus bonum, aut maius. Proprietates ergo aut est Deus, aut melius, aut maius, aut minus. Sed maius non potest esse, quia Deus est quo maius excogitari non potest. Minus non potest esse quia tunc Pater esset minor quam sit ipse: ergo Deus est.

CONTRA: Augustinus dicit & habetur supra: Non eo est Deus quo Pater, sed deitate est Deus, paternitate est Pater, ergo deitas non est paternitas, immo aliud & aliud.

2. ITEM hoc videtur ratione. Hæc est conceptio animæ per se vera quod non est idem principium distinguendi, & vniendi, formaliter loquendo: sed essentia est ratio vniendi, proprietates est ratio distinguendi: ergo essentia & proprietates non sunt idem.

3. ITEM: Nulla proprietates proprie prædicatur de aliqua essentia siue substantia, nisi sit in illa: ergo si proprietates dicuntur de diuina essentia: ergo sunt in illa: sed proprietates ponit rem suam circa subiectum in quo est: ergo cum rei proprietates sit respectus, & ad respectum sequatur distinctio, de necessitate proprietates ponunt distinctionem circa diuinam essentiam, si sunt in illa: sed hoc est inconueniens: ergo, &c.

4. ITEM: Si essentia est proprietates, aut ergo per se, aut per accidens. Si per se: ergo cuicumque inest essentia, & paternitas: sed hoc est falsum: ergo si est vera, est vera per accidens: ergo cum in diuinis non sit ponere accides, nec per accidens, patet, &c.

5. ITEM: Si proprietates est diuina essentia, cum diuina essentia, vel substantia sit creatrix & creetur: ergo proprietates creat quod non conceditur. Quaeritur ergo, quare conceditur quod paternitas sit essentia, & quod etiam sit adoranda, non tamen quod sit creatrix, vel sapiens.

CONCLUSIO.

Quaquam essentia & proprietates habeant diuersum modum se habendi, quia essentia dicit absolute, proprietates vero respectum ad terminum: essentia nihilominus est proprietates, & vice versa.

RESP. ad Arg. Sicut Magister tangit in littera, aliorum positio fuit, & imponitur Pictauiensi quod proprietates nec sit essentia, nec in essentia, sed solum assistens. Sed ista positio manifeste improbata est, quia necesse est quod si diuina essentia, si est aliquid, propter hoc ad intelligentiam obiectorum intelligendum, sicut prænotatum est quod relatio ratione comparationis ad subiectum transit in substantiam, & ideo proprietates est diuina substantia. Ratione vero comparationis ad terminum siue obiectum, remanet, & quantum ad hoc est distincta, & differt ab essentia, non quia dicat aliam essentiam, sed alium modum se habendi, qui per comparationem ad essentiam, vel personam solum dicit modum nihil addens. In comparatione vero ad correlatiuum, vere dicit rem & distinctionem, & ideo non est vnitas in ratione intelligendi, nec compositio in re: sed vera distinctio. Et quoniam iste respectus non dicit aliud, quam essentiam ipsi comparatus, similiter nec aliud quam personam, ideo vere est essentia & persona. Sed quia ulterius respectus ille non est essentia ad aliud, sed personæ ad personam, ideo respectus ad relationes proprie loquendo, sunt in personis, non in essentia: quia personæ secundum eos referuntur & distinguuntur, essentia autem nec refertur, nec distinguitur. Sunt tamen in essentia diuina loquendo communiter & improprie, ut dicatur in diuina essentia esse, omne quod est diuina essentia, vel omne quod est in essentia, vel persona.

1. Ad illud ergo quod obiicitur, quod alio est Deus, alio est Pater. Dicendum quod ablatius dicit rationem dicendi, vel denominandi, unde & alias per ablatiuum

significata

Ad oppositum. Dist. 18.

Diffinitio Scot. dist. 2. par. 2. q. 1. & 4. dist. 8. de attributis, & d. 13. primi de distinctione emanationum.

significata, attenditur solum quantum ad modum, non quantum ad essentiam, ut patet.

2. Ad illud similiter quod obiicitur quod non idem est principium distinguendi, & uniendo, patet responsio, quia proprietas distinguit in eo quod differens, non essentia, sed modo: qui modus non dicit compositionem quia transit in substantiam, nec dicit solum intellectum, quia res est & manet respectu obiecti.

3. Ad illud quod obiicitur quod non prædicatur de substantia quod est in substantia, dicendum quod non prædicatur de substantia ut de subiecto, nec per inhærentiam, sed solum de persona sic prædicatur. Vnde de essentia prædicatur, quia essentia & proprietas sunt vnum in persona, non quia vnum sit in alio.

4. Ad illud quod obiicitur, utrum prædicetur per se, aut per accidens, dicendum quod non per se, quia per personam. Non per accidens, quia persona non est aliud ab essentia. Quoniam igitur sicut res diuinæ superexcedunt res inferiores, sic & prædicatio prædicationem.

5. Ad illud quod ultimo obiicitur quod si essentia creat, & proprietas. Dicendum est ad hoc, quod quævis proprietas sit essentia, tamen essentia non supponit proprietatem, nec econuerso. Vnde non sequitur quod illud quod conuenit essentia, conueniat personæ, vel econuerso, aliqua tamen conueniunt essentia, & proprietati, aliqua non. Vnde notandum quod quædam dicuntur de diuina essentia in se, ut puta illa, quæ dicuntur in oppositione ad creaturam, ut immensa, increata, & huiusmodi, & hæc dicuntur de proprietatibus. Aliqua dicuntur de diuina essentia, ut in personis, ut esse communicabilem, & esse in tribus vnam. Talia conueniunt essentia, ut habent rationem formæ, & in hoc differt ratio essentia, & proprietatis, & talia non dicuntur de proprietatibus. Rursus aliqua dicuntur de essentia ut esse principium operationum, ut esse potentem, sapientem, volentem, & creare, & talia non dicuntur de proprietatibus. Vnde notandum quod adiectiua essentialia, quæ essentiam in se respiciunt, ut diuersam à creatura, dicuntur de proprietatibus: quæ autem de ipsa formaliter, siue ut est forma, vel ut est principium, non dicuntur, & sic patent omnia quæ sita.

QVÆSTIO III.

An notio de notione prædicetur.

Alex. Alensis 1. p. q. 68. Memb. 5. art. 4.

Egid. Rom. 1. Sent. dist. 33. q. 4.

Richardus 1. Sent. dist. 33. art. 3. q. 1.

Thomas Argent. 1. Sentent. dist. 33. q. 1. art. 2.

Franciscus de Mayr. 1. Sent. dist. 33. q. 3.

Ad oppositum.

Arif. 1. Priorum.

Repli.

DE comparatione vnius notionis ad aliam. Et quæritur utrum vna notio, siue proprietas vnius personæ prædicetur de alia: Et quod sic, videtur syllogismo expolitorio. De necessitate enim sequitur, ut dicitur in arte priorum: hoc A est B, hoc A est C eodem demonstrato: ergo C est B, & fundatur iste syllogismus super illud principium per se notum: Quæcumque vni, & eidem sunt eadem, inter se sunt eadem. Fiat ergo talis syllogismus: Pater est paternitas, Pater est innascibilitas, ergo paternitas est innascibilitas. Si tu dicas quod accidens peccat contra istam consequentiam, & contra istud principium, ut patet hic: Petrus est indiuiduum, Petrus est homo, ergo homo est indiuiduum.

CONTRA hoc obiicitur, quia ubi est accidens, ibi est accidentalis prædicatio: sed cum dicitur, Pater est paternitas, Pater est innascibilitas, non est accidentalis prædicatio, quia est in abstractione: ergo non est ibi accidens.

2. **I**TEM: Bene sequitur concretive, Pater generat, Pater est innascibilis: ergo innascibilis generat, & tamen sic magis importatur prædicatio per modum accidentis: ergo multo fortius sequitur in abstracto: ergo hæc est vera, paternitas est innascibilitas.

3. **I**TEM hoc ostenditur à minori sic: Maior est vnio proprietatum in vna persona, siue in supposito incommunicabili, quam proprietatum in vna natura communi: sed tanta est vnio proprietatum in vna natura communi quod vna est alia, ut bonitas est sapientia: ergo multo fortius in persona vna proprietas prædicatur de alia.

4. **I**TEM: Maior est vnio proprietatum in vna persona, quam proprietatis, & essentia in persona, quia ibi vnio quantum ad rem est æqualis, & quantum ad modum magis conuenit proprietas cum proprietate, quam proprietatis cum natura, siue essentia: sed tanta est vnio essentia, & proprietatis in persona quod vna de alia prædicatur, ut paternitas est deitas, ergo, &c.

5. **I**TEM: Maior est vnio proprietatis in vna persona, quam duarum naturarum in eadem persona: Sed propter conuenientiam naturarum in vna persona Christi est communicatio idiomatum, quia Deus est homo, & homo Deus: ergo pari ratione propter conuenientiam proprietatum in vna hypostasi, vna de alia prædicatur.

CONTRA: Sicut se habet persona ad personam, ita notio ad notionem: sed vna persona non prædicatur de alia persona: ergo nec vna notio de alia notione.

ITEM: Quod prædicatur de aliquo in abstractione non facit numerum cum illo: ergo si notio de notione prædicatur, non sunt plures: sed vna.

ITEM: Si notio prædicatur de notione: ergo spiratio est generatio, & spirare est generare: ergo cum hæc sit vera, Pater spirat Spiritum sanctum: & hæc erit vera, Pater generat Spiritum sanctum.

C O N C L U S I O.

Due notiones vnius persone, in concreto de se inuicem prædicari possunt, in abstracto vero nequaquam.

RESPOND. ad Arg. Dicendum quod est prædicatio per identitatem, & prædicatio per inhærentiam. Prædicatio per inhærentiam est in concretionem, & hoc est ratione suppositi, ut album est musicum. Prædicatio vero per identitatem est in abstractionem, & ratione formæ, non suppositi, ut iustitia est bonitas. Dico ergo quod notio ad notionem dupliciter potest comparari, vel in concretionem, vel in abstractionem. Si in concretionem, sic vna prædicatur de alia, ut generans est spirans, & Pater est innascibilis, & hoc quia conueniunt in supposito. Si autem in abstractionem, quia tunc notio pure importat ipsum respectum, & in vna eademque persona sunt diuersi respectus sine sui compositione, & hoc secundum diuersas comparationes. Sic vna de alia non prædicatur.

1. Ad illud ergo quod obiicitur de syllogismo. Dicendum quod contra illum syllogismum peccat accidens, sicut patet in exemplo prius posito, vnde non valet forma syllogismi. Similiter illud principium intelligendum est secundum idem. Non enim sequitur quod si aliqua duo sunt similia vni quod sint similia inter se, nisi sint similia secundum idem. Similiter etiam oportet in relationibus ad hoc quod sit identitas vnius ad aliam quod non tantum eadem sint & sint secundum idem, verum etiam ad idem sint. Quoniam ergo relationes diuersæ in eadem persona non sunt ad idem, siue ad eundem, ideo non sequitur quod si conueniant in supposito quod propter hoc conueniant inter se, & sic patet quod nec syllogismus, nec principium conuenit.

2. Ad illud quod obiicitur quod non est ibi accidens. Dicendum quod fallacia accidentis non solum attenditur quantum ad prædicatum accidentale, sed etiam attenditur quantum ad prædicati variationem, ita quod in vna sola acceptione conueniat, in alia sit extraneum, sic est in proposito. Nam Pater secundum aliam com-

Fundamenta

Resp. ad 2. Et ad Repl.

parationem est innascibilitas, secundum aliam est paternitas: ita quod paternitas nullo modo dicit comparationem ad prius, nec positiue, nec priuatiue, quantum est de sua ratione: & ideo patet, &c.

3. 4. Ad illud quod obiicitur per similitudinem vniuersalis duorum in tertio. Dicendum quod prædicatio per identitatem potest esse tripliciter. Aut ita quod essentia comparetur ad essentiam, aut essentia ad proprietatem, aut proprietates ad proprietatem. Quando ergo est prædicatio per identitatem per comparationem essentiarum ad essentiam, notatur identitas essentialis, ut cum dicitur, magnitudo est bonitas. Quando iterum per comparationem essentiarum ad proprietatem. Similiter notatur identitas essentialis. Quando vero est comparatio proprietatis ad proprietatem, quia proprietates non importat nisi rationem, & relationem, siue respectum, tunc notatur identitas rationis. Et hinc est quod vna proprietates essentialis prædicatur de altera, & proprietates de essentia, quia vniuersalis modus prædicandi est in his ad se inuicem, & ad illud in quo conueniunt, quia per identitatem essentiarum. Sed non sic est cum proprietates prædicatur de proprietate. Nam cum proprietates prædicatur de persona, notatur conuenientia in substantia, & essentia, & supposito. Cum autem prædicatur de alia proprietate, notatur conuenientia in ratione, & respectu. Et ideo non est simile, immo est ibi accidens: conueniunt in substantia, ergo in respectu.

5. Ad vltimum de conuenientia naturarum in vna persona patet responsio, quia non est communicatio idiomatum in abstractione, sed in concrectione, quia deitas non est humanitas: sed Deus est homo, similiter in proposito est, ideo patent omnia.

QVÆSTIO IV.

An notiones siue proprietates seipsas denominare possint.

*Alex. Alenf. 1. p. q. 68. Memb. 5. art. 5.
Egid. Rom. 1. Sent. dist. 33. p. 2. q. 1.
Richardus 1. Sentent. dist. 33. art. 3. q. 2.
Thom. Arg. 1. Sent. dist. 33. q. 1. art. 4.*

Ad oppositum.

DE comparatione eiusdem proprietatis ad seipsam. Quæritur ergo vtrum eadem proprietates siue notio prædicetur de se de nominatiue. Et quod sic, videtur per simile, quia adiectiua essentialia denominant abstracta, ut magnitudo est magna, & bonitas est bona: ergo pari ratione generatio generat, & spiratio spirat.

2. **ITEM:** Quia in primis est status, ideo seipsas denominantur, unde vnitates seipsas est vna, ergo cum proprietates personales non habeant priores, immo ipsæ primæ sint, seipsas denominant.

3. **ITEM:** Indefinita affirmatiua æquipollet particulari, ergo simpliciter conuertitur: sed hæc simpliciter conceditur, generans est paternitas, siue generatio: ergo generatio est generans.

4. **ITEM:** Si hæc non conceditur, Paternitas est generans, aut hoc est propter repugnantiam à parte rei, aut à parte modi. Non à parte rei, quia eadem res est. Non à parte modi, quia eadem proprietates, & relatio importatur: ergo nullo modo est ibi repugnantia: ergo locutio simpliciter est vera.

Fundamenta.

CONTRA: Sicut proprium proprietatis est distinguere, sic proprium est personarum aliam producere: sed hæc est falsa, persona distinguit, quia non distinguit, immo distinguitur, ergo hæc est falsa, proprietates generat.

Aug. 7. de Trin. c. 1. a medio.

ITEM: Omne quod refertur, est aliquid, excepto eo quod relatiue dicitur: sed proprietates non est nisi relatio, ergo proprietates non refertur: sed generare est referri, ergo proprietates non generat.

ITEM: Proprietates importat originem, & relationem: ergo si supra se reflectitur, & seipsam denomi-

nat, tunc ergo originis erit origo, & relationis relatio, quod habet Philosophus, & omnis ratio pro inconuenienti.

ITEM: Dum dicitur, generatio generat, aut verbum construitur ratione suppositi, aut ratione formæ: non formæ, quia respectus non agit: nec ratione suppositi, quia supposita notione non supponitur persona, aliquid enim conuenit personæ quod non notioni, ut supra ostensum est: ergo locutio simpliciter est falsa.

q. 2. huius art.

CONCLUSIO.

Notione, & proprietates personales non possunt seipsas denominare: cum tales denominationes notionum emanationem, qua ad personam terminatur, conueniunt.

R E S P. ad Arg. Dicendum quod prædictæ locutiones sunt falsæ: nulla enim notio denominat seipsam. Et ratio huius est, quia denominatio notionis importat emanationem ut actum, importat & relationem. Et quoniam productio proprie & suppositi non formæ, similiter relatio est alicuius ut suppositi: ideo omnis talis denominatio concernit suppositum. Non sic est de proprietatibus essentialibus vel ut est de primis, ut de vno, & vero, immo respiciunt formam, ideo denominant seipsas. Quod quia non est in huiusmodi adiectiuis notionalibus, non possunt locutiones esse veræ ratione formæ. Ratione vero suppositi non possunt esse veræ, quia notio non supponit personam, quia plures notiones sunt in eadem persona. Essentia tamen supponit substantiam, quia est vna essentia, & vna substantia: & ideo hæc est vera, deitas creat, quia Deitas supponit Deum: hæc autem falsa, paternitas generat, quia non supponit patrem.

1. 2. Quod obiicitur de conditionibus essentialibus, & de primis, patet quod non est simile ratione iam dicta. Potest tamen nihilominus alia ratio assignari, quia respectus reflexus supra absolutum ibi quietatur: itaque absolutum respectui dat fundamentum, & respectus dat complementum: sed cum respectus reflectitur supra se, quia vterque dicit comparationem ad alterum vnus non potest dare fundamentum, nec alter complementum: & ideo non potest reflecti, sed in simplicibus primis cuiusmodi est veritas, quia aut non importat relationem, aut si importat, importat relationem quæ communiter respicit substantiam, & eius proprietates, ut puta esse à Deo, ideo supra se reflectuntur, non sic in proposito, quia productio respicit personam.

3. Ad illud quod obiicitur quod hæc est vera, generans est paternitas. Dicendum quod generans subiicitur ratione hypostasis, & ita notatur prædicatio per identitatem: sed cum prædicatur, accipitur ratione formæ, ideo mutatur modus accipiendi, ideo non sequitur. Si tamen intelligeretur ratione suppositi prædicari, vera esset, tunc enim esset sensus, paternitas est ille qui generat: sed tunc non sequitur, generatio generat, immo est ibi accidens.

4. Ad illud quod obiicitur, quod repugnantia non sit ibi: Dicendum quod ibi est repugnantia à parte modi intelligendi, nam notio non denominat nisi suppositum, unde talis modus non conuenit notioni. Unde sicut hæc est falsa, albedo est alba

sic in proposito est intelligendum.

¶ S. S. ¶



DISTINCT. XXXIV.

ERROR DICENTIVM

NON IDEM ESSE PERSONAM, ET ESSENTIAM: VEL NATURAM ET EANDEM ESSENTIAM

NON POSSE ESSE PATREM, ET FILIVM, ET SPIRITVM SANCTVM.

Docet autem Magister, quod quamvis dicatur vna essentia trium personarum, & tres personæ vnius essentiae, non dicitur tamen vnus Deus trium personarum, nec tres personæ vnius Dei. Et supradicta in pluribus distinctionibus concludens ait quod attributa de Deo dicuntur secundum substantiam, eorum tamē quædam personis appropriantur, & huius appropriationis rationem assignat, demum de nomine homouision, ac nominibus translatiuis.

PRÆDICTIS autem adijciendum, est, quod quidam peruersi sensus homines in tantam profilierunt insaniam, ut dicerent nō idem esse naturam Dei, & personam, siue hypostasim, dicentes eandē essentiam non posse esse Patrem, & Filium sine personarum confusione. Si enim, inquit, ea essentia, quæ Pater est, est Filius, idem sibi Pater est, & Filius. Si hanc rem dicis esse Patrem, aliquam quare quā dicas esse Filium. Si vero aliam non quaesieris, sed eandem dixeris, idem genuit & genitus est. Propter hac & huiusmodi inter naturam, & personam diuidunt, ita ut nō recipiant vnā deitatis naturā, & simplicem esse tres personas. Idq; testimonio Hilarij defendere nituntur, qui in 8. lib. de Trinitate querens, utrum Apostolus spiritum Dei nominans, & spiritum Christi, idem significauerit utroq; verbo, inquit ita: Gentium predicator volens naturā vnitatem in Patre, & Filio docere ait: Spiritus Dei in vobis est. Si quis autem spiritum Christi non habet, hic non est eius. Si autem spiritus eius, qui suscitauit Iesum, &c. Spirituales omnes sumus, si in nobis est Dei spiritus, sed & hic spiritus Dei est, & spiritus Christi. Et cū Christi spiritus in nobis est, eius spiritus in nobis est, qui suscitauit Christum. Et cum eius, qui suscitauit Christum, in nobis est spiritus, & spiritus in nobis est Christi, nec tamen non Dei est spiritus, qui in nobis est. Discerne ergo o heretice, spiritum Christi à spiritu Dei, & excitati à mortuis spiritum Christi à spiritu Dei Christum à mortuis excitantis. Cum qui habitat in nobis spiritus Christi, spiritus Dei sit, & spiritus Christi à mortuis excitati spiritus Dei tantum sit Christum à mortuis excitantis. Et quero nunc, in spiritu Dei utrum naturam, an rem naturā significatam existimes. Non est enim idem natura, quod res natura, sicut non idem est homo, & quod hominis est, nec idem est ignis, & quod ipsius ignis est, & secundū hoc non est idem Deus, & quod Dei est. Huius dicti occasione præsati heretici dogmatizauerunt non idem esse personam, & naturā Dei, asserentes naturam Dei non esse tres personas, intelligentes in his præmissis verbis Hilarij per rem naturā personam, & nomine naturā diuinā naturam. Et ideo dicunt Hilarium interrogasse hereticum, utrum per spi-

ritum Dei putaret significatam esse naturam, an rem naturā, ut sic ostenderet distinguendum esse inter naturam, & rem naturā, id est personam.

Hic docet quo modo eis obuiat ipsius Scripturæ circumstantia, & qualiter prædicta intelligi debeant, & quod Spiritus sanctus est res vnius naturæ Patris & Filii, & est ipsa natura.

Hoc quidem dicunt, non intelligentes pia diligentia Scripturæ circumstantiam, qua considerata, percipi potest quo modo præmissa dixerit Hilarius. Subsequenter enim in eadem serie ostendit in spiritu Dei aliquando significari Patrem, ut cum dicitur, spiritus Domini super me. Aliquando significari Filium, ut cum dicitur: In spiritu Dei eicio demonia, natura sua potestate se demones eicere demonstrans. Aliquando Spiritum sanctum, ut ibi: Effundam de spiritu meo super omnem carnem. Quod dicit consummatum fuisse, cum Apostoli spiritu sancto misso, omnibus linguis locuti sunt. Deinde quare hanc distinctionem fecerit, & quod in superioribus per verba Apostoli idem Spiritus sanctus significatus sit, & quod ipse sit res vnius naturæ Patris, & filij, aperte ostendit inquit ita: Hac idcirco sunt demonstrata, ut quacumque parte heretica falsitas se contulisset, finibus veritatis concluderetur. Habitat enim in nobis Christus, quo habitante habitat Deus, & cum habitat in nobis spiritus Christi, non aliud habitat quam spiritus Dei. Quod si per Spiritum sanctum Christus in nobis intelligitur esse, hunc tamen ita spiritum Dei, ut spiritum Christi esse noscendum est. Et cum per naturam Dei natura ipsa habitat in nobis, indifferens natura filij creditur esse à Patre, cum Spiritus sanctus, qui est spiritus Christi, & Spiritus Dei res natura demonstratur vnius. Quero nunc ergo quo modo non ex natura vnum sunt. A Patre procedit Spiritus veritatis, à Filio mittitur, & à Filio accipit. Sed omnia quæ habet Pater Filij sunt. Idcirco qui ab eo accipit, Dei spiritus est, & idem spiritus Christi est. Res natura Filij est, sed & eadem res & natura Patris est, & Dei excitantis Christum à mortuis spiritus est, & idem spiritus Christi est à mortuis excitati. In aliquo differt Christi, & Dei natura, ne eadem sit, si præstari potest, ut spiritus, qui Dei est, non sit etiam Christi. Est ergo in nobis spiritus Dei, & est in nobis spiritus Christi: & cum spiritus Christi inest, inest spiritus Dei. Ita cum quod Dei est, & Christi est, & quod Christi est, Dei est, non potest quid aliud diuersum Christus esse, quam Deus est. Deus igitur Christus est vnus cū Deo spiritus, secundum illud: Ego & Pater vnum sumus. In quo docet veritas unitatem esse naturā, non solitudinem vniōis. Ecce si hac verba diligenter attendas, inuenis Spiritum sanctum rem naturā dici Patris & Filij, & eundem dici esse naturam Dei, ubi dicitur, per naturā Dei natura ipsa habitat in nobis, si per Spiritum sanctum Christus est in nobis. Itaque in Trinitate non ita distinguendum est inter naturam, & rem naturā, sicut in rebus creatis, quia, ut ait Hilarius, comparatio terrenorum ad Deum nulla est: & si qua comparationum exempla interdum afferuntur, nemo ea existimet absolute in se rationis perfectionem continere. Non enim humano sensu de Deo loquendum est.

Quod propter res creatas illud dixerit, non idem est natura, & res natura.

Ad naturam ergo rerum creatarum respiciens, inquit: Non idem est natura quod res natura, subiiciens exempla de ipsis creaturis. Inde ostendens errorem esse sub mē-

Paulo inferius.

Isai. 61. a

Matt. 12. c

Ioel. 2. g

Eph. 3. d

1. Cor. 3. c

Hilarius paulo inferius.

Ioan. 1. f

Lib. 1. de Trin. in medio.

Hilar. li. 8. ante mod.

Iura creaturarum metiri Creatorem, addit: Et secundum hoc non idem est Deus, & quod Dei est, ac si diceret: Si ad instar creaturarum de Creatore sentis, cogere fateri, quia non idem est Deus, & quod Dei est: quod dicere impium est, cum spiritus Dei Deus sit, & Dei filius sit Deus.

Quod non aliud est Deus, & quæ sua sunt, ita ut insunt: alia enim sunt quæ insunt, alia quæ non insunt.

Non ergo secundum corporales modos, ut in eadem subdit serie, accipienda sunt hæc quæ de Deo dicuntur. Vbi euacuans opinionem eorum qui ita putant: aliud Deum esse, & aliud quod Dei est, aliudque naturam Dei, & rem naturæ, ut est in creaturis, aperte docet non aliud esse Deum, & aliud quod Dei est, aliudque naturam Dei, & quæ sua sunt, ita ut insunt illi, sic dicens: Homo, aut aliquid ei simile cum alicubi erit, alibi non erit: quia id quod est, illic continetur ubi fuerit in forma, ut non ubique sit qui insistens alicubi sit: Deus autem immensa virtutis, viuens potestas, quæ nusquam non adsit, nec desit usquam: quæ se omnem per sua edocet, & sua non aliud quam se esse significat, ut ubi sua insunt, ipse esse per sua intelligatur. Non autem corporali modo cum alicubi sit, non etiam ubique esse credatur, cum per sua in omnibus esse non desinat. Non autem aliud sunt quam quod ipse est, quæ sua sunt. Et hæc propter naturam intelligentiam dicta sunt. His verbis aperte significatur (si tamen intelligis heretice) quia diuina natura non aliud est ab his, quæ sua sunt, ita ut insunt, & per illa in omnibus suis est, quæ non insunt. Sua enim sunt etiam quæ non insunt, id est, omnes creaturæ: & sua sunt, quæ insunt, ut tres personæ, quæ sunt eiusdem naturæ, & eadem natura, sicut supra Augustini testimonio firmauimus dicentis, Tres personas esse eiusdem essentia, vel eandem essentiam, sed non ex eadem essentia, ne aliud intelligatur essentia, aliud persona. Non tamen diffitemur aliquam distinctionem habendam fore secundum intelligentiæ rationem, cum dicitur hypostasis, & cum dicitur essentia: quia ibi significatur quod est commune tribus, hic vero non. Est tamen hypostasis essentia, & e converso. Fateamur ergo unum atque idem esse tres personas secundum essentiam, differentes autem proprietatibus. Vnde Augustinus super locum prætaxatum Psalmi ait: *Quæris quid sit Pater? Respondetur, Deus. Quæris quid sit Filius? Respondetur, Deus. Quæris quid sit Pater & Filius? Respondetur, Deus. De singulis interrogatus, Deum responde. De utroque interrogatus, non Deos, sed Deum responde. Non sic in hominibus. Tanta enim est ibi substantia unitas, ut æqualitatem admittat, pluralitatem non admittat. Si ergo tibi dictum fuerit, cum dicis Filium Dei esse quod Pater est, profecto Filius Pater: Responde: Secundum substantiam tibi dixi hoc esse Filium quod Pater est, non secundum id quod ad aliud dicitur. Ad se enim dicitur Deus, ad Patrem dicitur Filius. Rursumque, Pater ad se dicitur Deus, ad Filium Pater dicitur. Quod dicitur ad Filium Pater, non est Filius: quod dicitur Filius ad Patrem, non est Pater: quod dicitur Pater ad se, & Filius ad se, hoc est Pater & Filius, id est, Deus.*

Vtrum ita possit dici vnus Deus trium personarum, vel tres personæ vnus Dei, ut dicitur vna essentia trium personarum, & tres personæ vnus essentia.

Hic considerandum est: cum Deus sit diuina essentia, & ita dicatur vnus Deus esse tres personæ, sicut vna ef-

sentia dicitur tres personæ, vtrum ita valeat sane dici, vnus Deus trium personarum & tres personæ vnus Dei: sicut dicitur vna essentia trium personarum: & tres personæ vnus essentia. In his locutionibus Scriptura vsus nobis emulandus videtur, ubi frequenter reperitur ita dictum: Vna est essentia trium personarum, & tres sunt personæ vnus essentia: nusquam autem occurrit legisse, vnum Deum trium personarum, vel tres personas vnus Dei. Quod ideo puto sanctos doctores vitasse, ne ita forte acciperetur in diuinis personis, ut accipitur cum de creaturis simile quid dicitur. Dicitur enim Deus Abraham, Isaac, & Iacob, & Deus omnis creatura. Quod utique dicitur propter principium creationis, vel gloriæ priuilegium, vel creaturæ subiectionem, vel seruilem. Cum ergo in Trinitate nihil sit creatum, vel seruile, vel subiectum, non admisit fides in Trinitate talem locutionis modum. Ita etiam e converso, non dicitur de Dei essentia, quod ipsa sit essentia Abraham, Isaac, & Iacob, vel alicuius creaturæ, ne Creatoris & creaturæ naturam confundere videamur.

Quod licet potentia, sapientia, bonitas de Deo secundum substantiam dicantur in Scriptura: tamen solent hæc nomina distincte ad personas interdum referri.

Ex prædictis constat, quod sicut essentia, ita potentia, sapientia, bonitas de Deo dicuntur secundum substantiam. Quæ autem secundum substantiam de Deo dicuntur, tribus personis pariter conueniunt. Vna est ergo potentia, sapientia, bonitas Patris & Filij & Spiritus sancti, & hi tres eadem potentia, eadem sapientia, eadem bonitas. Vnde aperitur in Trinitate summa esse perfectio. Si enim ibi deesset potentia, vel sapientia, vel bonitas, non esset summum bonum. Sed quia ibi est perfecta potentia, infinita sapientia, incomprehensibilis bonitas, recte dicitur & creditur summum bonum. Cumque, vnum & idem peritus sit in Deo potentia, sapientia, bonitas: in sacra tamen Scriptura frequenter solent hæc nomina distincte ad personas referri, ut Patri potentia, Filio sapientia, Spiritui sancto bonitas attribuitur. Quod quare fiat, non est ociosum inquirere.

Quare Patri potentia, Filio sapientia attribuitur.

Id ergo sacri eloquij prudentia facere curauit, ne Dei immensitatem similitudine creaturæ metiremur. Dixerat enim Scriptura sacra, quia Deus Pater est, & quod Deus Filius est: & audiuit hoc homo qui hominem Patrem viderat, Deum Patrem non viderat: cogitare capit ita esse in Creatore, ut viderat esse in creaturis, à quibus hæc nomina translata sunt ad Creatorem: in quibus Pater est prior Filio, Filius est posterior Patri, & ex antiquitate in Patri defectus, ex posteritate in Filio imperfectio sensus solet notari. ideo occurrit Scriptura dicens, Patrem potentem, ne videatur prior Filio, & ideo minus potens, & Filium sapientem, ne videatur posterior Patri, & ideo minus sapiens.

Quare Spiritui sancto bonitas attribuitur.

Dictus est etiam Spiritus sanctus Deus, & dictus est habere spiritum Deus: & videbatur hoc quasi nomen inflationis, & tumoris. Vnde humana conscientia ad Deum pro rigore & crudelitate, accedere metuit. ideoque scriptura

temperauit

Hilar. li. 8. de Trin. in loco superioris significationis, & lib. 4. in princ.

Exo. 3. 6

Dist. 22. 29.

Dist. 5. & dist. 25.

Tomo. 8. in explanatio ne 68. Psalmi super illo, & non est substantia.

temperavit sermonem suum, spiritum bonum nominans, ne crudelis putaretur qui mitis erat: Non quod Pater solus sit potens vel magis potens, & Filius solus sapiens vel magis sapiens, & Spiritus sanctus solus bonus vel magis bonus. Vna est ergo potentia, sapientia, bonitas trium, sicut una essentia. Ideoq, sicut dicitur Filius hominis, id est, consubstantialis Patri, ita & omnipotens.

De hoc nomine homousion, ubi in auctoritatem receptum sit, & quid significet.

Cap. 14.
Tom. 6.

Hic non est pratermittendum quod Augustinus in libro 3. contra Maximinum dicit de hoc nomine homousion, quo Latini tractatores frequenter utuntur. Pater, inquit, & Filius unius sunt eiusdemq, substantia. Hoc est illud homousion, quod in concilio Nicano adversus hereticos Arrianos à catholicis Patribus veritatis auctoritate firmatum est. Quod postea in Concilio Ariminensi, propter novitatem verbi minus quam oportuit intellectam (quam tamen fides antiqua pepererat) multis paucorum fraude deceptis, heretica impietas sub heretico Imperatore Constantino labefactare tentavit. Sed post non longum tempus libertate fidei catholica praevalente, postquam vis verbi, sicut debuit, intellecta est, homousion illud catholica fidei sanitate longe lateq, diffusum est & diffusum. Quid enim est homousion, nisi unius eiusdemq, substantia? Quid est, inquam, homousion, nisi ego & Pater unum sumus? Non ergo inter profanas vocum novitates hoc vitandum est.

Joan. 10. f

De nominibus quæ translativæ & per similitudinem de Deo dicuntur.

Præterea sciendum est, quod in assignatione distinctionis nominum, inter alia quæ supra diligenter executi sumus, quadam diximus translativæ & per similitudinem de Deo dici, ut speculum, splendor, character, figura & huiusmodi. De quibus pio lectori brevis trado quod sentio, ut scilicet ratione similitudinis considerata ex causis dicendi, dictorum intelligentiam assumat, sed catholicam.

Nihil dignum excellentia ineffabilis Trinitatis se tradidisse dicit ad alia transiturus.

De sacramento unitatis atque Trinitatis summa ineffabilis multa iam diximus. Nihil tamen eius ineffabilitate dignum tradidisse profiteamur, sed potius ex nobis mirificam eius scientiam nec potuisse nos ad illam pervenire.

DISTINCT. XXXIV.

De comparatione personæ, siue rei naturæ ad naturam. Vel de comparatione personarum ad essentiam.

Prædictis adiendum est, quod quidam perverſi sensus homines, &c.

Expositio textus.

Divisio.

Supra egit Magister de comparatione proprietatum ad personas & essentiam, hic secundo agit de comparatione personarum ad essentiam. Et hoc facit in hac distinctione, quæ in tres partes dividitur. In prima agit de comparatione secundum prædicationem. In secunda secundum appropriationem, ibi: Ex prædictis constat quod sicut essentia, ita potentia, &c. In tertia annectit ca-

A pitulum de translatione, ut sic tractatum istum perducatur ad consummationem, & hoc ibi: Præterea sciendum est quod in assignatione. Prima pars habet quatuor partes. In prima ponit errorem quorundam dicentium personas non esse naturam, & hoc cum summa confirmatione, scilicet auctoritate Hilarii. In secunda ipsius auctoritatis sanum intellectum ex verbis Hilarii sequentibus elicit, per quæ etiam errorem illorum elidit, ibi: Hoc quidam dicunt non intelligentes, &c. In tertia quandam questionem incidentem dissolvit, quare non dicuntur tres personæ unius Dei, sicut dicuntur tres personæ unius essentia, ibi: Hic considerandum est cum Deus sit divina essentia, &c. Similiter secunda pars in qua Magister agit de appropriatione habet tres partes. In prima dicit & ostendit quod communia appropriantur. In secunda ratione reddit appropriationis, ibi: id ergo sacri eloquii, &c. In tertia: quia hoc nomen homousion dicit comparationem essentia, siue naturæ ad personas, usum eius determinat esse catholicum, & veritati fidei esse consonum, ibi: Hic non est pratermittendum quod Augustinus, &c. Item tertia pars in qua agit Magister de nominum translatione, posset dividi contra totum tractatum præcedentem de divinis nominibus. Sed quia Magister parum aut nihil determinat de his nominibus, ideo potius incidenter cum epilogatione est posita. Vnde hæc particula duas habet partes. In prima quandam generalem de nominibus translativis tradit instructionem. In secunda vero ponit prædictorum epilogationem, in qua tractatum de sacramento Trinitatis & Unitatis finit, ostendens se in hoc tractatu potius defecisse propter materiam altitudinem, & hoc facit ibi: De sacramento Unitatis atque Trinitatis, &c.

B

C

D

E

Huius dicti de occasione præfati heretici, &c.
Dub. I.

Videtur quod Magister male reputet hereticos illos, qui dicebant naturam non dici de personis. Quia videtur Damasceus dicere idem quod illi dicebant cum dicit, de hypostasi non est deitatem dicere: ergo cum deitas dicat naturam, patet, &c.

RESPON. Dicendum quod verbum Damascei simpliciter intellectum, generat sinistram intellectum, & qui sic intelligeret sicut sonat, hereticus esset: sed ipse Damasceus intelligit cum præcisione, scilicet quod deitas non dicitur de unica hypostasi tantum, immo de omnibus.

In spiritu Dei aliquando significari Patrem, sicut illud: Spiritus Domini super me, &c.

Dub. II.

Videtur male dicere, quia Hieronymus dicit ibi in Glossa, quod de illo spiritu intelligitur de quo dicitur: Requiescet super eum: & constat quod ibi accipitur pro persona Spiritus sancti. Item hoc videtur alia auctoritate, quia alius Evangelista dicit: Si in digito Dei eicio demonia. Glossa exponit digito pro Spiritu sancto qui est tertia in Trinitate persona.

RESP. quod istæ rationes non concludunt contrarietates, quia una scriptura pluribus modis potest exponi. Nam in illa auctoritate in qua dicitur: Spiritus Domini super me, &c. agitur de missione filii: & quoniam filius potest intelligi missus secundum divinam naturam, & sic intelligitur (proprie loquendo) missus à Patre solum, ideo Spiritus Domini, stat ibi pro Patre. Si autem intelligatur de missione secundum humanam naturam, sic intelligitur de Spiritu sancto, prout est tertia in Trinitate persona. Similiter intelligendum de auctoritate sequenti quod potest intelligi utroque modo, sed tamen spiritus accipitur aliter & aliter.

**

Videtur infra q. 2. f. de sacramento primo oppositum dicere, sed Graci per substantiam intelligunt substantiam.

Isai. 61. a

Isai. 11. a

Luc. 11. c

Isai. 61. a

In aliquo differt Christi, & Dei natura, ne eadem sit, si praestari potest, ut spiritus qui Dei est, non sit etiam Christi. Dub. III.

Videtur sic male dicere, quia argumentum hoc non valet: Filius est filius Patris, & non Spiritus sancti, ergo differt natura Patris & Spiritus sancti: ergo cum Spiritus dicat personam, argumentum illud non valet quod fecit Hilarius.

RESP. Potest dici quod Hilarius loquitur de spiritu secundum quod nominat naturam, sic autem non habet instantiam suum verbum. Nihilominus tamen si intelligatur de spiritu prout dicitur personaliter, adhuc veritatem habet: nam cum verbum non possit esse sine spiritu, tunc haberent Pater & suum Verbum duos spiritus, & ita non essent vnus naturæ. Præterea si spiritus Patris non esset Filii, non oriretur à Christo: & si non procederet ab eo, non distingueretur originaliter, ergo essentialiter: sed spiritus Dei & Deus sunt vnum essentialiter, ergo oporteret quod spiritus & Deus essentialiter differrent, siue distinguerentur.

Non idem est natura quod res naturæ: hanc sententiam intelligit Hilarius solum in creaturis.

Dub. IV.

CONTRA: Videtur illa solutio non esse conueniens: quia Hilarius loquitur de spiritu Dei prout significat naturam, & rem naturæ: quod si nulla est differentia, nullā deberet vim facere ut videtur: quod si facit vim in spiritu, prout significat naturam & rem naturæ, ergo videtur distinctio inter huiusmodi facienda.

RESP. Dicendum, quod cum dicitur ab Hilario: aliud est natura, aliud res naturæ, aut intelligitur de alietate à parte rei, sic illi hæretici intelligebant, & sic habet veritatem solum in creaturis. Alio modo potest dicere alietatem, siue differentiam secundum rationem, & sic habet veritatem in diuinis, & sic intelligit Hilarius, & dicit Augustinus quod aliud est esse Patrem, aliud esse Deum: non, inquam, aliud secundum rem, sed aliud secundum rationem significandi, & intelligendi, & se habendi.

Vtrum ita valeat sane, &c. Dub. V.

Innuat hic Magister quod non debet dici: Tres personæ vnus Dei, quia nihil est in Trinitate creatum, vel seruens, vel subiectum. Videtur hoc male dicere, quia genitiuus de sui ratione non importat subiectionē nec dominium, ergo non videtur sufficiens ratio. Si dicas quod hoc venit à parte termini, nihil est, quia terminus de se non importat respectum dominii. Item quæritur, quare hoc nomen *essentia*, non importat superexcellentiā in genitiuo, sicut hoc nomen *Deus*. Item, quare non dicitur: Tres personæ essentia, sicut vnus essentia.

RESP. Dicendum quod ad hoc quod genitiuus vere construatur & proprie, necesse est aliquam habitudinē importari, vel secundum rem, vel secundum modum intelligendi. Genitiuus autem importat habitudinem principiati ad principium, vel econuerso, ut possidentis ad possessum, vel formæ ad formatum, vel specificantis ad specificatum: habitudinem autem formæ non importat nisi cum termino abstracto: quod significat per modum formæ, & quoniam forma se habet per modum exprimentis & declarationis, ideo talis constructio non attenditur nisi cum genitiuo nominis abstracti alio determinato. Vnde conuenienter dicitur mulier egregiæ formæ, sed nihil est dictū mulier formæ, ideo bene dicitur: Tres personæ vnus essentia: Deus autem non est nomen abstractum, ideo non construitur cum genitiuo in habitudine subiecti, ut forma Dei: vel in habitudine specificantis, ut persona Dei, sicut creatura salis: vel in habitudine principii, ut creatura Dei. Et quoniam quando dicitur: Tres personæ vnus Dei, nulla habitudinum im-

A portatur proprie, nisi habitudo principii siue possessoris. Hinc est quod cum in illo sensu sit falsa locutio, non est recipienda. Alia ratio est ista, quia locutio quæ est in vi declarationis essentia conuertitur, ut cum dicitur mulier egregiæ formæ, potest dici egregia forma mulieris: ergo si diceretur: Tres personæ vnus Dei, diceretur vnus Deus trium personarum. & iste intellectus non est sanus, ut videtur: sic enim posset intelligi, sicut si dicitur vnus Deus trium hominum.

Sed quia ibi est perfecta potentia, &c. Dub. VI.

Innuat Magister quod in istis tribus consistit summum bonum, scilicet potentia, sapientia, bonitate. Contra: Videtur hoc male dicere, quia summum bonum specificat bonum: ergo si bonitas distinguitur contra potentiam & sapientiam, pari ratione summum bonum. Item non videtur in his tribus esse, quia summum bonum est aggregatiuum omnium bonorum & collectiuium: ergo non tantum horum trium.

RESP. Dicendum quod vno modo distinguitur contra sapientiā & potētiā, alio modo non. Si enim accipitur pro bonitate moris, sic consistit in voluntate, & distinguitur contra alia duo. Si autem bonum accipitur communiter, sic complectitur omnia: est enim bonum naturæ, & hoc ad potentiam, & bonum gratiæ: & hoc aut perficit intellectum, & ita est scientia: aut affectum, & ita bonitas, & hæc tria complectitur bonum in sua vniuersalitate, & summum in sua integritate: quoniam ergo omne bonum ad hoc reducibile est, ideo summum bonum in his tribus consistit.

Ideo occurrit scriptura, &c. Dub. VII.

Innuat Magister quod scriptura appropriat Patri potentiam, ne videatur minus potens. Contra: Videtur hoc plus debere dici de filio quod minus potens est, cū fuerit passus & mortuus, ergo magis deberet ei potentia appropriari.

RESP. Dicendum quod quia propter passionem visus est fecisse stultitiam, & habuisse impotentiam, propter quod Iudeis prædicatio crucis erat in scandalum, & Græcis in stultitiam: ideo ipse Apostolus egregius doctor non tantum sapientiam appropriat Christo, immo etiā virtutem, ut sic excludat à diuinitate infirmitatē: & maluit ei appropriare virtutem quam potentiam, quia virtus dicit potentiam ultimam, & summum de potentia, sicut vult Philosophus quod virtus est ultimum de potentia, ideo maluit ei appropriare virtutem, nec est inconueniens ex diuersis considerationibus idem modo appropriare vni, modo alii, cum æqualiter conueniat tribus, vnde Patri attribuius potentiam, ne videatur impotēs propter antiquitatem. Filio virtutem, ne videatur impotens siue debilitatus propter assumptam humanitatem. Nihilominus tamen faciendā est vis inter potentiam, & virtutem, sicut dictum est dist. 32.

ARTICVLVS I.

AD intelligentiam præsentis distinctionis quatuor quærentur. Primo quæritur, vtrum in diuinis sit ponere additionem. Secundo vtrum in diuinis sit ponere prædicationem. Tertio, vtrum sit ponere appropriationem. Quarto, vtrum sit ponere translationem.

QVÆSTIO I.

An in diuinis res naturæ addat supra naturam.

Richardus 1. Sententiarum. dist. 34. q. 3.

Steph. Brulef. 1. Sent. dist. 34. q. 1.

Petrus de Tarentasia. 1. Sent. dist. 34. q. 3.

Vtrum sit ponere in diuinis additionem. Vtrum scilicet res naturæ addat supra naturam: & quod sic, videtur

Ad Oppositum.
Lib. 3.

sic, videtur hoc modo: Hilarius in Trinitate, ait: Aliud est natura, aliud res naturæ: sed intellectus naturæ clauditur in re naturæ: ergo si est aliud, necesse est quod in ratione alicuius additi.

2. ITEM Boet. de duabus naturis & vna persona Christi: Natura & persona distinguenda sunt, & propriis nominibus separanda: sed quorum diffinitiones sunt diuersæ, ipsa sunt diuersa: ergo cum natura cadat in diffinitione personæ, necesse est quod diuersitas veniat à ratione additi, ergo, &c. Si dicas quod diffinitiones naturæ, & personæ non sunt diuersæ re, sed secundum rationem intelligendi, tunc concluditur quod intellectus ille cassus est & vanus, cum in re sibi nihil respondeat.

3. ITEM hoc videtur ratione, quia quanto aliquid in pluribus inuenitur, tanto simplicius est: sed essentia vel natura est in pluribus, persona vero in vno solo, ergo natura simplicior: sed non est aliquid minus simplex quam aliud, nisi per aliquam additionem, ergo, &c.

4. ITEM quanto aliquid est maioris abstractionis, tanto simplicius est: sed natura est maioris abstractionis quam persona, quoniam abstractis proprietatibus est intelligere naturam, sed non personam: ergo persona addit supra naturam: ergo, &c.

5. ITEM hoc est principium per se notum: De nullo eodem, & secundum idem vera est affirmatio & negatio: sed aliquid vere affirmatur de persona, vt distingui, quod negatur de natura, ergo non secundum idem, ergo in persona aliquid est quod non est in natura, vel econuerso: et si hoc, ergo vnum addit supra alterum.

6. ITEM hoc est principium per se notum: Quæcunq; sunt eadem vni, & eidem secundum omnimodam indifferentiam, etiam inter se sunt eadem: cum ergo natura sit eadem & vna, si personæ omnino idem sunt cum natura, & nihil addunt: ergo personæ ad inuicem sunt eadem, & sic credit error Sabellii quod vna persona secundum rem sit alia, ergo, &c.

CONTRA: Non est aliud Deo esse, & aliud personam esse: ergo persona nihil addit supra esse, ergo nec supra naturam.

ITEM in summe simplici nulla potest esse additio: sed diuina persona siue res naturæ est summe simplex, ergo, &c.

ITEM quæcunq; duo sic se habent, quod quidquid est in vno, est alterum per essentiam, vnum nihil addit super reliquum: sed quidquid est in persona est deitas, ergo, &c. Maior manifesta est, minor patet sic. In persona non est nisi substantia, & proprietas, & substantia illa est deitas, quia est Deus, & Deus non alio quam seipso, quia tunc esset per participationem: ergo seipso est Deus & deitate est Deus, & substantia quæ est intellectu personæ, est ipsa natura per essentiam, & similiter proprietas est essentia, vt supra probatum est. Restat ergo primum, quod nihil addit.

ITEM si addit, aut addit aliud, aut idem. Addere idem sibi, non est intelligibile. Si aliud, aut ergo aliud substantialiter, aut accidentaliter. Non accidentaliter, quia non est accidens in diuinis. Nec substantialiter, quia tunc essentia differret à persona, & hoc est manifeste falsum.

ITEM, si addit aliquid, aut illud est materiale, aut formale. Non materiale, quia Deus est purus actus. Non formale, quia formale non est, nisi respectu materialis. Ergo cum in Deo non sit aliquid materiale, non poterit addi aliquid formale: ergo nullo modo.

ITEM si aliquid addit supra diuinam naturam, aut est melius diuina natura, aut æquale, aut minus. Nō melius, constat. Etiam non minus, quia tunc esset creatura.

Non æquale, quia nihil potest æquari diuinæ naturæ: ergo omnino nihil.

CONCLUSIO.

Persona, siue res naturæ nihil omnino addit secundum rem supra naturam, licet secundum modum intelligendi aliquid ultra dicat persona, quod non dicit natura.

RESP. Dicendum quod cum queritur vtrum persona, siue res naturæ addat aliquid supra naturam, respondendum est quod est loqui de additione dupliciter, aut quantum ad rem, aut quantum ad intellectum. Si quantum ad intellectum, cum intellectus huius nominis persona siue hypostasis, siue rei naturæ includat intellectum naturæ, adhuc tamen dat intelligere aliquid quod necessario est, compositio circa intellectum, & additio. Et hoc patet: Persona enim dicitur suppositum rationalis naturæ distinctum proprietate. Ecce intellectus personæ ex pluribus intellectibus componitur, & cadit ibi intellectus naturæ: ergo constans est, quod quantum ad intellectum addit persona supra naturam. Iste autem intellectus falsus non est, quia nec naturam per illam additionem distinguit, nec componit personam. Non distinguit naturam, quoniam etsi addat supra intellectum naturæ proprietatem, non tamen addit in recto, vt intelligas personam esse naturam proprietate distinctam: sed in obliquo est intelligendum personam esse suppositum rationalis naturæ distinctum, siue quod est hypostasis distincta, & ideo non ponit distinctionem circa naturam, nec intelligit eam distingui. Rursus, personam non componit, nec aliquid ei quod non sit in ipsa imponit: & hoc patet, quia intellectus sanus & fidelis intelligit, & credit personam esse simplicissimam, intelligit eam nihilominus esse perfectissimam. Vnde sicut circa essentiam propter hoc quod perfectissima est, intelligit omnes conditiones nobilitatis & vere, quia ibi sunt, & tamen illas conditiones quamuis intelligat vt multas, scilicet potentiam, sapientiā, bonitatem, cum credat & sciat omnia hæc in Deo vnum esse, intellectus nec est falsus, nec vanus, quia non ponit in Deo quod non sit, nec componit Deum. Per hunc modum se habet circa intellectum personæ. Vnde ipsam dicit simplicem, quia quamuis in ipsa dicat naturam esse & vere naturam, & suppositum quod est vere suppositum, & proprietatem quæ vere est proprietas, tamen dicit hæc omnia esse vnum, & vnum esse alterum: re ergo existente simplicissima vere est additio, & compositio circa intellectum sine vanitate & falsitate. Si autem loquamur à parte rei, sic dicendum, quod cum additio ex parte rei ponat compositionem, & diuina persona simplicissima sit, quod impossibile est omnino quod ibi sit aliqua additio, & ita secundum verum illud addit res naturæ supra naturam. Sed tamen videtur illud non intelligibile, quod persona sit distincta secundum rem, & essentia non: & cum hoc nulla est additio, & nulla differentia secundum rem inter personam, & naturam. Et ad hoc qualitercunque intelligendum, cum hoc sit supra vires humani intellectus, notandum sicut vult Richar. quod est distinctio per qualitatem, & distinctio per originem. Distinctio per qualitatem est in creaturis, nec potest esse sine additione, quia hæc distinctio habet ortum ex additione materiæ ad formam. Distinctio a. per qualitatem dicitur, quia vnus distinguitur ab alio per proprietates absolutas, vt patet cum vnus est albus & alter niger. Distinctio per originem, est cum vnus producit, & alter producit. Et quemadmodum distinctio per qualitatem vera distinctio est, & secundum rem, ita distinctio per veram originem vera est distinctio. Sicut enim vnus non potest simul esse albus & niger, ita non potest vnus, & idem producere seipsum. Quoniam ergo in diuinis intelligitur esse vera origo, ideo intelligitur ibi esse vera distinctio. Rursus, cum intelligo Patrem producere, intelligo ipsum seipso producere, sicut cum intelligo diuinam substantiam agere, intelligo ipsam seipsa agere: pari ratione & filium seipso produci: ergo productio nihil addit. Similiter non ponit aliquam compositionem circa fillum: ergo

*Rich. 4. de Tr. c. 2.
Ex hoc patet
S. Bon. non
tenere per-
sonas consti-
tui per ab-
soluta.*

cum ubi est vera origo, ibi sit vera distinctio: & origo intelligitur ibi esse sine additione, & distinctio sine additione intelligitur ibi esse. Quamvis autem persona siue res naturæ non se habeat ad naturam per additionem, tamen nihilominus differt secundum rationem, alioquin non esset intelligibile, quod plurificaretur persona, natura existente vnica. Differentia autem secundum rationem est, quia essentia non oritur ab essentia, nec se habet ad aliam essentiam, sed persona bene oritur à persona, & se habet ad illam. Si tu quæras rationem huius. Respondeo, quia vnitas & nobilitas diuini esse non admittit circa essentiam plurificationem, sicut circa personam, & huius ratio tacta est supra dist. 9. Quoniam ergo modus se habendi ad alium, & oriendi ab alio, non ponit compositionem in persona secundum rem, sed distinctionem realem ab alia persona: ideo modus ille comparatus ad essentiam, vel personam cuius est, modus tantum est: comparatus vero ad illum ad quem est, cum faciat distinctionem secundum rem, vere res est: & ita vno modo facit differre re, alio modo ratione: Hinc est quod quamvis vna persona non sit alia, tamen res naturæ est natura. Pater ergo quod ista sunt compossibilia, quod persona simplex sit, & nihil addat supra naturam, nec differant nisi ratione: & tamen hæc est communicabilis, scilicet natura: illa incommunicabilis, scilicet persona: hæc distincta: illa indistincta. Concedendæ ergo sunt rationes probantes quod persona, siue res naturæ nihil omnino addat secundum rem supra naturam.

1. 2. Ad illud quod obiicitur quod aliud est res naturæ, aliud natura, & similiter quod aliam habent rationem persona & natura, potest dici, quod Boetius & Hilarius loquuntur in creaturis. Si autem intelligamus in Deo, tunc dicemus, quod est diuersitas rationis quæ fundatur non super absolutum, sed super respectuum, quod nullam inducit compositionem. Nam essentia non refertur, persona autem refertur & oritur, nec tamen est composita, quia ipsa est suus respectus.

3. Ad illud quod obiicitur quod simplicius est quod in pluribus reperitur, dicendum quod reperiri in pluribus, hoc est dupliciter. Aut ita quod vnum illorum alicubi potest esse ubi non est alterum, ut homo est in pluribus hominibus, & sic habet propositio veritatem. Aut ita in pluribus quod vnum non est sine alio, & sic est in personis, nam vna non est sine alia, & sic non habet veritatem. Nam sicut natura est semper, & vbique, ita & persona, & sic patet quod nihil addit, à quo arretur.

4. Ad illud quod obiicitur quod maioris est abstractionis, &c. dicendum quod illud habet veritatem, ubi illud à quo abstrahitur, aliquam facit compositionem cum eo quod abstrahitur, sic autem non est in Deo.

5. Ad illud quod obiicitur quod affirmatio & negatio non est simul vera de eodem, dicendum quod quantalibet differetia rationis sufficit ad affirmationem, & negationem. Vnde intelligenda est propositio de eodem, re & ratione, & persona aliquo modo differt à natura licet non per additionem realem.

6. Ad illud quod obiicitur quod quæcunque sunt eadem vni & eidem, inter se sunt eadem, &c. Dicendum quod illud fallit ubi est conuenientia plurium tanquam in comuni, ut differentiarum in genere. Fallit etiam ubi aliqua plura distinguuntur per suas origines, ut radii diuersarum stellarum in vno puncto aeris vniuntur, & tamen ad inuicem distinguuntur. Quoniam ergo diuinæ personæ in natura conueniunt tanquam in vno communi: & personæ distinguuntur ad inuicem per originem, ideo patens est quod non valet. Potest tamen dici quod regula ubique vera est si sane intelligatur. Propter quod notandum quod quædam sunt absoluta, quædam respectiva. Diuersitas autem in respectibus venit non tantum à parte subiecti, verum etiam rei ad quam referuntur, in his non tenet regula nisi intelligatur ad idem. Quoniam ergo personæ per suas proprietates referuntur, quamvis vnum sint in natura, quia tamen non sunt ad vnum, ideo non sequitur quod sint idem, & sic patet illud.

QVÆSTIO II.

An in diuinis persona prædicetur de natura: & natura de persona.

S. Thom. 1. p. q. 39. art. 3.

Richard. 1. Sent. dist. 34. q. 1.

Egid. Rom. 1. Sent. dist. 34. q. 1.

Steph. Brulef. 1. Sent. dist. 34. q. 2.

Petrus de Tarantasia. 1. Sent. dist. 34. q. 3.

Vtrum in diuinis sit ponere prædicationem, scilicet ut res naturæ, siue persona prædicetur de natura, vel econuerso. Et quod non, videtur per Boet. in lib. de Tri. Deus est forma sine subiecto: sed ubi non est subiectum, non est prædicatum: ergo, &c.

2. ITEM Dionysius dicit quod negationes de Deo sunt veræ, affirmationes vero incompatibiles: sed ubi est vere aliquid de aliquo prædicare, est & vere affirmare: sed in Deo non contingit vere affirmare: ergo, &c.

3. ITEM hoc ipsum videtur ratione: quia vbicumque est prædicatio, ibi est complexio: ergo & compositio: sed in Deo nulla est complexio: ergo & nulla compositio: ergo & nulla prædicatio.

4. ITEM in omni prædicatione subiectum se habet ad modum materiæ: sed in diuinis nec est reperire materiam, nec modum materiæ: ergo nec prædicationem.

5. ITEM si est ibi prædicatio: aut prædicatur idem de eodem, aut aliud de alio. Si idem de eodem: nullus ex hoc capitur intellectus alius, quā si non esset prædicatio, ut patet cum dicitur: homo est homo. Si aliud de alio: ergo in diuinis est aliud, & aliud: ergo compositio.

6. ITEM si est ibi prædicatio, aut prædicatur res naturæ de natura, aut econuerso. Res naturæ non potest prædicari de natura: quia res naturæ se habet per modum suppositi: ergo eius est subiecti, non prædicari: ergo si prædicatur, tunc ergo natura de re naturæ.

SED contra: Natura est forma, sed omnis forma dicitur relative ad informatum: nullum autem relatiuum dicitur de suo correlatiuo: ergo natura non prædicatur de re naturæ: ergo non est prædicatio.

7. ITEM quæ habent oppositas proprietates, vnum non prædicatur de altero, sed essentia vel naturæ proprietates est communicabilitas, personæ vero incommunicabilitas: ergo vnum de altero non prædicatur, nec vna persona de altera: constat ergo ibi nullam esse prædicationem.

CONTRA per Damascenum: Substantia de hypostasibus prædicatur.

ITEM ratione videtur: quia fides habet obiectum verum, & habet obiectum Deum: ergo verum est ponere in diuinis: sed falsitas & veritas circa compositionem sunt: veritas, inquam, circa quam est credulitas vel opinio: ergo in diuinis est ponere compositionem: ergo & prædicationem.

ITEM vbicumque est vere commune & proprium, ibi est vere ponere prædicationem: sed in diuinis est vere reperire commune & proprium, quia natura vere est communis: & persona, proprium siue incommunicabile, ergo, &c.

ITEM hoc verbum, *Est*, est nota identitatis, sed omnis prædicatio est mediante hoc verbo, *est*: ergo omnis prædicatio signum est identitatis: sed ubi vere est significatum, vere est & signum: sed in Deo propriissime & verissime est identitas, sicut probatum est, quia res naturæ non addit supra naturam: ergo propriissime prædicatio. Et hoc est quod dicit Boetius quod nulla est verior prædicatio illa, in qua idem de se prædicatur: si ergo hoc est in diuinis: ergo omnes prædicationes in diuinis sunt verissimæ.

* *

CONCLV-

CONCLUSIO.

Prædicatione identica, persona prædicatur de natura: hæc enim est vera: Pater est essentia, & vice versa: formali vero, commune de proprio.

RESP. Ad Arg. Dicendum quod est prædicatio per identitatem, & est prædicatio per inhærentiam: & utramque est in Deo reperire. Per inhærentiam, ut cum dicitur: Pater generat, vel Deus creat. Per identitatem, ut cum dicitur: Pater est generatio, vel Deus est creatio. Prædicationem autem per identitatem, est reperire in Deo propriissime, propter ipsius rei qualitatem, quoniam ibi est summa identitas: unde omnes locutiones importantes unitatem, ibi sunt verissimæ. Prædicationem autem per inhærentiam est ibi reperire propter intellectus nostri defectibilitatem. Quoniam licet actus in diuinis sit Dei substantia & ipsa proprietas etiam, tamen quia intellectus noster intelligit per res inferiores, & enunciat per vocabulum rerum inferiorum, tenet modum enunciandi quæ habet circa inferiora: & ideo prædicat per modum inhærentiæ, quamuis omnia quæ in Deo sunt realiter habeant modum substantiæ. Intellectus tamen iste non est falsus: quoniam quemadmodum intellectus abstrahens lineam à materia non est falsus, quia modum illum non ponit circa rem, sed circa suum intelligere: similiter intellectus noster in diuinis compositionem non ponit circa rem, sed circa suum intelligere, & suum exprimere. Quamuis enim in Deo sit summa simplicitas, tamen exprimi non potest nisi per compositionem, & ideo bene dicit Augustinus quod verus est Deus, quam cogitur: & verius cogitur, quam dicitur. Nam etsi intellectus aliquo modo per intelligentiam ascendat ad contuitum simplicitatis: non tamen potest hoc exprimere voce simplici, sed composita.

1. Ad illud ergo quod obiicitur quod in Deo non est subiectum, dicendum quod verum est quantum ad rem, est tamen quantum ad modum intelligendi, siue enunciandi.

2. Ad illud quod obiicitur quod affirmationes sunt incompactæ, dicendum quod hoc dicitur, quia nullum nomen exprimit diuinam essentiam, sicut est, omnino. Vel dic, quod in affirmatione notatur identitas: & hæc vere est in Deo à parte rei, & est compositio: & respectu huius est incompactio, quia nulla est ibi realis compositio.

3. Ad illud quod obiicitur de compositione, vel complexione, dicendum quod illa complexio in sermone significat compositionem in intellectu, sed unitatem in re.

4. Ad illud quod obiicitur quod modus materiæ non cadit in Deo, dicendum quod verum est, quia non cadit modus materiæ, ut ex qua: modus autem, ut de quo, & in quo, bene addit.

5. Ad illud quod obiicitur: Aut idem prædicatur de eodem, dicendum quod aliquando idem est re, diuersum tamen secundum rationem intelligendi, & dicendi, ut bonitas, & substantia. Aliquando idem secundum substantiam, diuersum secundum modum se habendi, ut persona est substantia, siue relatio est substantia, & Deus generat: & ideo aliquis intellectus capitur ex complexione, qui non capitur ex simplici voce.

6. Ad illud quod quaeritur, utrum res naturæ prædicatur de natura, dicendum quod prædicatione per identitatem utrumque de altero prædicatur: nec est prædicatio ratione formæ, nec ratione materiæ: si autem per inhærentiam, tunc commune prædicatur de proprio, ut Pater est Deus. Quod ergo obiicitur quod natura est forma, respondeo quod forma vno modo dicitur relatiue ad informatum, & sic non est accipere in Deo. Alio modo absolute, quod caret materia, & sic est in Deo, & sic patet illud. Aliter potest dici quod dici relatiue est dupliciter, vel secundum esse, vel secundum dici. Secundum dici, ut videns ad visum, & intelligens ad intellectum, & sic vnum

A de altero prædicatur. Secundum esse, ut Pater ad Filium: & sic non prædicatur. Natura enim non dicit respectum ad personam secundum esse, sed secundum dici, & talis respectus importatur, cum dicitur quod natura est forma respectu rei naturæ, hinc est quod dicitur ratione illius respectus, tres personæ vnius essentiae vel naturæ, & vna natura trium personarum, non tamen dicitur: Tres personæ vnius Dei. Nam hoc nomen, *Deus*, non importat respectum secundum dici ad personam, sed solum ad creaturam. Ideo dicitur Deus Abraam, Isaac, & Iacob.

7. Ad vltimum dicendum quod communicabilitas & incommunicabilitas non sunt oppositæ proprietates: sed sic differunt, sicut habere proprietatem, & non habere. Quia enim persona habet proprietatem relatiuam: ideo distinguitur, & est incommunicabilis: sed quia essentia caret illa proprietate: ideo communis est, & communicabilis pluribus: & ideo non distinguuntur ad inuicem. Vel potest dici quod communicabilitas non est proprietas distinguens etiam in creaturis. Vnde quamuis homo sit commune, & Petrus proprium, non tamen impeditur quin homo dicatur de Petro: quanto magis in Deo. Illa autem propositio intelligitur de proprietatibus separatibus, & distinguentibus illa in quibus sunt, ab inuicem.

QUESTIO III.

An in diuinis sit ponere appropriationem.

Richard. 1. Sent. dist. 34. art. 2. q. 2.

Steph. Brulef. 1. Sent. dist. 34. q. 3.

Petrus de Tarantasia. 1. Sent. dist. 34. q. 1.

Et alii supra citati dist. 31. p. 2. art. 2. q. 3.

Vtrum in diuinis sit ponere appropriationem. Et quod sic, videtur, quia per communia est deuenire ad intellectum proprium, sicut patet quod per memoriam, intelligentiam, & voluntatem venit in cognitionem Trinitatis: similiter per unitatem, per veritatem, & bonitatem in quibus consistit ratio vestigi: sed non deuenitur à communibus ad propria, nisi communia aliquo modo approprientur, cum ergo sit deuenire in diuinis per communia ad cognitionem proprii: est ibi appropriatio. Ad hoc est auctoritas sacre Scripturæ, quæ appropriat communia personis, ut potentiam Patri, sapientiam Filio, & bonitatem Spiritui sancto.

1. SED CONTRA: Sicut se habet proprium ad commune, ita commune ad proprium: sed proprium non potest communicari nisi fallo: ergo nec commune appropriari: sicut ergo proprium Patris nunquam aliis fit commune, sic nec commune proprium.

2. ITEM appropriatio in diuinis, aut est secundum rem, aut secundum intellectum. Si secundum rem, tunc ubi est appropriatio secundum rem, aliquid per prius dicitur de illo cui appropriatur: ergo in diuinis est prius, & posterius quantum ad essentialia, quod est inconueniens. Si secundum intellectum, cum intellectus illi appropriatur, cui magis iudicat conuenire: ergo cum magis iudicet intellectus inesse sapientiam patri tanquam antiquiori, illi debet appropriari: sed appropriatur in contrarium: ergo appropriatio est contra intellectum, non ergo attenditur secundum intellectum.

3. ITEM ubi est appropriatio, prius est secundum rationem intelligendi proprium quam appropriatum: ratio enim appropriationis per prius est in proprio: ergo cum appropriatum sit commune, secundum rationem intelligendi, prius erit proprium quam commune, quod est inconueniens.

§. 5.



CONCLUSIO.

Communia quæ in diuinis reperiuntur quantum ad id quod significant, vni non sunt appropriabilia persona: quo vero ad eorum ordinem propter quandam conuenientiam vni persona possunt congrue appropriari.

RESP. Ad Arg. Dicendum quod de appropriatis est loqui dupliciter. Aut quantum ad id quod significant: aut quantum ad ordinem quem connotant. Si quantum ad significatum, cum illud sit commune, & omnibus conueniat personis per indifferentiam, non conuenit appropriari ratione sumpta à parte rei, appropriatur tamen ratione sumpta à parte intellectus nostri, propter errorem amouendum. Quoniam enim intellectus carnalis in patre carnali videt defectum potentie, & in filio defectum sapientie, & in Spiritu intelligit furorem iracundie: ideo spiritualis intellectus, ut eleuet à carnalitate, potentiam Patri attribuit, quamuis non magis conueniat ei: sed ne minus videatur conuenire, & sic de aliis. Si autem loquamur quantum ad ordinem, vel originem quem connotant, sic appropriantur à parte rei propter conuenientiam cum propriis personarum: Vnde quia Pater à nullo est, & Filius à Patre, & Spiritus sanctus ab utroque: & huiusmodi ordo attenditur in potentia, & sapientia, & bonitate: ideo patet ratio appropriandi. Vnde illa quæ non connotant aliquo modo ordinem, vel originem, non sunt appropriabilia.

1. Ad illud ergo quod obiicitur quod proprium non communicatur: ergo, &c. dicendum quod non est simile, quia ex hoc quod commune appropriatur, non attribuitur nisi ei cui conuenit: sed si proprium fiat commune, tunc attribuitur ei cui non conuenit: & ideo non est simile.

2. Ad illud quod queritur, utrum appropriatio sit secundum rem, vel secundum intellectum, dicendum quod per hoc quod est, secundum, potest dici vis appropriatiua, siue principium approprians, vel potest hoc quod est, secundum, importare rationem appropriandi. Si primo modo, sic cum appropriare sit virtutis cognoscentis, sic appropriatio est secundum intellectum nostrum. Si autem, secundum, dicat rationem appropriandi, sic vno modo est secundum rem, scilicet quantum ad ordinem connotatum: alio modo secundum intellectum quantum ad significatum. Vnde intellectus appropriatur propter intellectum: sed non idem intellectus propter se: sed intellectus sanus, & fidelis, propter intellectum carnalem, non ut cum eo concordet, sed ut ei obuiet. Et ideo cum intellectus carnalis credat parum de potentia in Patre, spiritualis appropriat ei potentiam. Nec tamen intellectus est falsus: quia non intelligit plus esse de potentia in Patre, & minus in Filio. Si autem potentia appropriaretur Filio, tunc intellectus carnalis plus crederet esse in Filio: & ideo falsus est, & sic patet illud.

3. Ad vltimum, dicendum quod appropriatum secundum id quod est, prius est secundum rationem intelligendi, quam proprium: appropriatum autem sub hac intentione, consequitur rationem proprii, & hoc nullum est inconueniens.

QVÆSTIO IV.

An in diuinis sit ponere translationem.

*Egid. Rom. 1. Sent. dist. 34. p. 2. q. 1. & 2.
Richard. 1. Sentent. dist. 34. art. 3. q. 1. & 2.
Steph. Brulef. 1. Sent. dist. 34. q. 4.
Petrus de Tarantaf. 1. Sent. dist. 34. q. 8.*

Funda-
menta.

Vtrum in diuinis sit ponere translationem. Et quod sic, videtur per Ambrosium in li. de Trinitate: Sunt nomina quæ translatiue, & per similitudinem de Deo dicuntur.

ITEM per Dionysium de diuinis nominibus: Theologi tanquam innominabilem Deum laudant & omni nomine: sed hoc non potest esse nisi per translationem: ergo in diuinis est ponere translationem.

*S. Ambr. in
pr. prolog. li.
2. de fide ad
Gratianum
10. 4. Dion.
de diu. nom.*

A **ITEM** hoc videtur ratione, quia sacra Scriptura dicit Deum irasci, & dolere: sed hoc non potest dici proprie: ergo necesse est quod dicatur translatiue: sed inter omnia quæ contingit nominare, dolor, & ira, maxime distant à Deo: ergo si hæc contingit transferre, & omnia alia nomina.

ITEM per quæ contingit rem intelligere, contingit & significare: & quæ contingit significare, contingit & nominare: sed per omnia creata contingit Deum intelligere: ergo & nominare.

1. **SED** contra: Omnes transferentes secundum aliquam similitudinem transferunt: sed Dei ad creaturam nulla est similitudo, cum sit summa distantia: ergo, &c.

2. **ITEM** similitudo est relatio æquiparantiz: ergo si propter similitudinem contingit nomina creaturarum transferre ad Creatorem, pari ratione & econuerso: sed illa non transferuntur: ergo nec ista.

3. **ITEM** similitudo est ratio translationis: ergo nomina rerum magis Deo similia, magis debent ad Deum transferri: alia autem sunt nomina Angelorum: ergo illa transferuntur: queritur ergo quæ nomina debeant transferri, & quæ non.

CONCLUSIO.

Vt laudibus Deum possimus extollere, atque ad Dei cognitionem promoueamur, necessaria sunt nobis translationes ad diuina.

RESP. Ad arg. Dicendum quod ratio, vel finis translationis duplex est. Vna in qua est laus Dei: alia manu-ductio intellectus nostri. Propter laudem Dei, necessaria est translatio. Et quoniam Deus multum est laudabilis, ne propter inopiam vocabulorum contingeret cessari à laude, sacra Scriptura docuit nomina creaturarum ad Deum transferri: & hoc in numero indefinito, ut sicut omnis creatura laudat Deum, sic Deus laudetur ex omni nomine creaturæ: & qui non poterit vno nomine laudari, tanquam superexcellens, omne nomen, laudaretur ex omni nomine. Alia ratio est manu-ductio intellectus nostri. Quia cum per creaturas ad cognoscendum Creatorem venimus, ut plurimum, fere omnes creaturæ habent proprietates nobiles, quæ sunt ratio intelligendi Deum, ut Leo fortitudinem, Agnus mansuetudinem, Petra soliditatem, Serpens prudentiam, & consimilia: ideo oportuit plura nomina transferri ad Deum. Quoniam ergo finis imponit necessitatem his quæ sunt ad finem, cum translatio sit ad laudem Dei: ideo nomina importantia deformitatem non debent transferri: ut diabolus, bufo, vulpes, quia magis transferuntur ad vituperium, quam ad laudem. Rursus quia translatio est propter nostram instructionem, & similitudo incipiens à notiori, est via cognoscendi: ideo est translatio à creaturis tanquam à notioribus ad Creatorem: sed non conuertitur: & quia magna similitudo mater est falsitatis, ideo non transferuntur nomina multum similia, sicut sunt nomina Angelorum, ne forte Angelus credatur esse Deus. Per hoc patet quod translatio est in diuinis quantum ad nomen multiformitatem, ratione cuius dicitur Deus omninominalis, & patent omnia præter primum.

E 1. **Q**uod enim obiicitur quod nulla est similitudo, quia summa est distantia, dicendum quod si non est similitudo per vnius naturæ participationem, est tamen similitudo secundum analogiam, & habitudinem, & hoc in comparatione ad effectus. Sed de hoc magis alibi habitum est.



DISTINCT. XXXV.

DE QVIBVSDAM QVÆ
SECUNDVM SVBSTANTIAM
DE DEO DICVNTVR, QVÆ SPE-
CIALEM EFFLAGITANT TRACTATVM,
SCILICET DE SCIENTIA, DE PRAE-
SCIENTIA, DE PROVIDENTIA, DE DISPO-
SITIONE, PRAEDESTINATIONE,
VOLVNTATE, ET
POTENTIA.



Vnusque supra differuerimus, ac plura dixe-
rimus de his qua communiter secundū sub-
stantiam de Deo dicuntur: eorum tamē que-
dam specialem efflagitant tractatum: de
quibus modo tractandum est, id est, de Sci-
entia, Praescientia, Providentia, Dispositione, Praedestina-
tione, Volvntate, & Potentia. Sciendum est ergo quod sa-
pientia, vel scientia Dei cum sit una, & simplex, tamen
propter varios rerum status, & diuersos effectus, plura ac
diuersa sortitur nomina. Dicitur enim non tantum scientia,
sed etiam praescientia, vel providentia. Et est praescien-
tia, siue providentia de futuris tantum, sed de omnibus,
de bonis scilicet, & de malis. Dispositio vero, de faciendis,
Praedestinatio, de omnibus saluandis, & de omnibus bo-
nis, quibus & hic liberantur, & in futuro coronabuntur.
Praedestinauit enim Deus ab aeterno homines, ad bona eli-
gendo, & praedestinauit, eis bona praeprando. Quod ho-
mines praedestinauit: Apostolus ostendit dicens: Praeesti-
nauit quos praesciuit fieri conformes imaginis Filii sui. Et
alibi: Elegit nos ante mundi constitutionem, ut essemus
sancti, & immaculati. Quod autem bona eis praeprauit,
Propheta Esaias ostendit dicens: Oculis non vidit Deus
abque te, qua praeprasti diligentibus, vel expectantibus
te. Ergo ab aeterno praedestinauit quosdam futuros bonos,
& beatos, id est, elegit, ut essent boni, & beati, & bona eis
praedestinauit, id est, praeprauit. Providentia autem est gu-
bernandorum, qua utiq; eodem modo videtur accipi, quo
dispositio: interdum tamen providentia accipitur pro pra-
escientia. Sapientia vero, vel scientia de omnibus est, scili-
cet bonis, & malis, & de praesentibus, praeteritis & futuris,
& non tantum de temporalibus, sed etiam de aeternis. No-
enim ita scit Deus ista temporalia, ut seipsum nesciat: sed
ipse solus seipsum perfectie nouit, cuius scientia compara-
tione omnis creaturae scientia imperfecta est.

Vtrum scientia, vel praescientia, vel dispositio, vel praede-
stinatio potuerit esse in Deo, si nulla fuisset
futura.

Hic considerari oportet, utrum scientia, vel praescien-
tia, vel dispositio, vel praedestinatio potuerit esse in Deo, si
nulla fuissent futura. Cum enim praescientia sit futurorum,
& dispositio faciendorum, & praedestinatio saluandorum,
si nulla essent futura, si nihil esset facturum Deus, vel ali-
quos saluaturus, non videtur potuisse in Deo esse praescien-
tia, vel dispositio, vel praedestinatio: potuit autē Deus nulla
praescire futura: potuit non creare aliquid, vel non saluare
aliquos, potuit ergo in Deo non esse praescientia, vel disposi-
tio, vel praedestinatio. Ad hoc autem ita a quibusdam oppo-
nitur: Si, inquit, potuit praescientia Dei non esse in Deo
ab aeterno, & potuit non esse: si vero potuit non esse, cum

A praescientia Dei sit eius scientia, & scientia sit eius essentia:
potuit ergo non esse ab aeterno, id quod est eius diuina Es-
sentia. ita & de dispositione, & praedestinatione, qua est
diuina Essentia, obuiunt. Addunt quoq; & alia, ita loque-
tes: Si potuit Deus non praescire aliqua, cum idem sit Deo
praescire quod scire, & scire quod esse: potuit ergo non esse.
Item, cum idem sit Deum praescire esse, & Deum esse, si
potuit non esse praescius, potuit non esse Deus. Potuit autem
non esse praescius, si potuit nulla praescire. At potuit nulla
praescire, quia potuit nulla facere.

Responsio quod praescientia, & dispositio, & praede-
stinatio quasi relatiue dicuntur ad futuras res,
vel ad faciendas.

B Ad hoc iuxta modulum nostrae intelligentiae ita dici-
mus: Praescientia, vel dispositio, vel praedestinatio ad ali-
quid dici videntur. Sicut enim Creator ad creaturam re-
latiue dicitur, ita praescientia, vel praescius ad futura refer-
ri videtur, & dispositio ad facienda, ac praedestinatio ad
saluanda. Verumtamen Creator ita relatiue dicitur, ut es-
sentiam non significet. Praescientia vero, vel praescius, &
in respectu futurorum dicitur, & essentiam designat: ita
etiam dispositio, & praedestinatio. Ideoque cum dicitur: Si
nulla essent futura, non esset in Deo praescientia, vel non
esset Deus praescius, quia varia est ibi causa dicendi, distin-
gui oportet rationem dicti. Cum ergo dicis: Si nulla essent
futura, non esset in Deo praescientia, vel non esset praescius,
si in dicendo, hanc causam attendis, scilicet quia nulla es-
sent subiecta eius praescientia, unde ipsa possit dici praesci-
entia, vel ipse praescius, quod utrumque dicitur propter fu-
tura: verus est intellectus. Sin autem ea ratione id dicis,
quod non sit in eo scientia qua praescit futura, vel quod ipse
non sit Deus, qui est futurorum praescius, falsa est intelli-
gentia. Similiter & illa locutiones determinanda sunt.
Potuit non esse praescientia Dei, vel potuit non esse praescius,
& potuit Deus non praescire aliqua, id est, potuit esse quod
nulla futura subiecta essent eius scientia, & ita non posset
dici praescius, vel praescire, vel scientia eius praescientia, non
tamen eo minus ipse esset, vel eius scientia. Sed non posset
dici praescius, vel praescire, vel praescientia, si eius scientia
futura nulla forent subiecta. Similiter de dispositione, &
de praedestinatione, vel providentia. Haec enim, ut dictum
est, ad temporale referuntur, & de temporalibus tantum
sunt.

Quod scientia Dei non tantum est de temporalibus,
sed etiam de aeternis.

Scientia vero, vel sapientia non tantum de temporali-
bus, sed etiam de aeternis est. Ideoque, et si nulla fuissent futu-
ra, esset tamen in Deo scientia eadem, qua modo est, nec mi-
nor esset, quam modo, nec maior est, quam esset. Sciuit ergo
Deus ab aeterno aeternum, & omne quod futurum erat, &
sciuit immutabiliter. Scit quoque non minus praeterita, &
futura quam praesentia, & sua aeterna sapientia & immu-
tabilitate ipse omnia qua sciuntur. Omnis enim ratio su-
perna, & aeterna sapientia, ut ait Ambrosius, in eo est,
quia omnem sapientiam, & essentiam capit sua immensa
scientia.

Quare omnia dicantur esse in Deo, & quod factum
est habet vitam in eo.

Propterea omnia dicuntur esse in Deo, & fuisse ab ae-
terno. Vnde Augustinus super Genesim: Hac visibilia,
inquit, antequam fierent, non erant. Quo modo ergo no-
ta Deo erant, qua non erant? Et rursus: Quo modo ea fa-
ceret, qua sibi nota non erant? non enim quidquam fe-

cit igno-

Lib. de fide
t. 8. ro. 4.

Li. 5. de Ge-
n. si ad lit.
c. 18. ro. 3.

Iac. I. c.

Ioan. I. d.

Rom. 4. 6

Lib. 5. c. 8.

tom. 4.

Aug. in Ps.

49 to. 8.

cit ignorans. Nota ergo fecit, non facta cognouit. Proinde antequam fierent, & erant, & non erant. Erant in Dei scientia, non erant in sui natura. Ipsi autem Deo non audeo dicere alio modo innotuisse cum ea fecisset, quam illo quo ea nouerat, ut faceret, apud quem non est transmutatio, nec vicissitudinis obumbratio. Ecce hic habes quod hac visibilia antequam fierent, in Dei scientia erant. Ex hoc ergo sensu omnia dicuntur esse in Deo: & omne quod factum est dicitur uita esse in ipso: non ideo quod creatura sit Creator, uel quia ista temporalia essentialiter sint in Deo: sed quia in eius scientia semper sunt, quæ uita est.

Quod eadem ratione dicuntur omnia ei præsentia.

Inde est etiam quod omnia dicuntur ei præsentia esse, non solum ea, quæ sunt, sed etiam ea, quæ præterierunt, & ea, quæ futura sunt, secundum illud: Qui uocat ea, quæ non sunt, tanquam ea, quæ sunt. Quia, ut ait Ambrosius in lib. de Trin. ita cognoscit ea, quæ non sunt, ut ea, quæ sunt. Et hac ratione omnia dicuntur esse in eo, uel apud eum, siue ei præsentia: Vnde Augustinus super illum locum Psalmi: Et pulchritudo agri mecum est, ideo, inquit, mecum est, quia apud Deum nihil præterit, nihil futurum est. Cum illo sunt omnia futura, & ei non detrahuntur iam præterita. Cum illo sunt omnia cognitione quadam ineffabili sapientia Dei. Ecce hic aperit Aug. ex qua intelligentia accipienda sint huiusmodi uerba, omnia sunt Deo præsentia, in Deo sunt omnia, uel cum Deo, uel apud Deum, uel in eo uita, quia ineffabilis omnium cognitio in eo est.

DISTINCT. XXXV.

De scientia Dei in generali secundum se.

Cumque supra differuerimus, ac plura dixerimus.

Expositio textus.

SUPRA egit Magister de Sacramento Trinitatis, & Unitatis: in hac parte agit de conditionibus, secundum quas est in Deo ratio causalitatis, quæ sunt Potentia, Sapientia, & Voluntas. Habet autem hæc pars tres partes. In quarum prima agit de scientia. In secunda de potentia, infra distinct. 42. Nunc de omnipotentia Dei agendum est. In tertia de voluntate, infra dist. 45. Iam de voluntate Dei, &c. Prima pars habet tres. In prima agit de scientia in generali secundum se. In secunda agit de modis diuinæ cognitionis, utrum Deus cognoscat mutabiliter, uel immutabiliter, & quo modo, distinct. 38. Nunc ergo ad propositum reuertentes. In tertia uero agit quantum ad speciales effectus, infra distinct. 40. Prædestinatio uero est de bonis salutariis. Prima pars diuiditur in tres. In prima Magister determinat de ipsa Dei scientia. In secunda, quia res agnitæ sunt in sciente per modum scientis: ideo determinat quo modo res sunt in Deo, infra distinct. 36. Solet hic queri, cum omnia dicantur esse in Dei cognitione. In tertia uero incidenter determinat quo modo Deus est in rebus, infra distinct. 37. Et quoniam demonstratum est ex parte. Prima pars quæ continet præsentem distinctionem, tres habet partes. In prima, cum Dei scientia sit una, determinat quo modo sortitur plura nomina. In secunda cum Dei scientia, uel præscientia sit æternitas, determinat quo modo se habeat ad temporalia, uel creata, ibi: Hic considerari oportet uerum scientia, uel præscientia. In tertia cum Dei scientia sit ens, quo modo cognoscat non entia, ibi: Propter ea omnia dicuntur esse in Deo, &c. In prima parte seipsum

A continuans dicit quod diuina Essentia plura habet nomina propter nomina connotata. In secunda dicit quod Dei scientia esset, si nihil futurum esset, & esset scientia: sed non diceretur præscientia. In tertia ostendit, quod omnia habent rationes in Deo, per quas cognoscuntur, & sunt in ipso, & ita omnia sunt sibi præsentia, & sic patet diuinitas, & sententia. Subdiuisiones enim partium manifestæ sunt in litera.

Eorum tamen quadam specialem efflagitant tractatum.
Dub. I.

CONTRA: Aut enim ista efflagitant specialem tractatum, quia sunt difficilia, aut quia sunt appropriata. Si, quia sunt difficilia, alia etiam sunt difficilia, sicut simplicitas, ueritas, immutabilitas. Si, quia sunt appropriata, similiter etiam unitas, & æqualitas.

RESP. Dicendum quod ista efflagitant specialem tractatum triplici ex causâ quia sunt difficilia, tum quia multa de ipsis in Scriptura sunt determinata: tum etiam, quia dicuntur respectum ad creaturam, & secundum has conditiones attenditur ratio causæ in diuina natura. Ideo, quia debebat facere transitum ad creaturas, siue ad creationem, & ad hæc præexigitur in causa posse scire, & uelle, quæ faciunt causam esse perfectam, ideo tractatum istum in medio collocauit inter tractatum de Trinitate, & tractatum de rerum uniuersitate: sed quia huiusmodi plus se tenent cum Deo, & à Deo, cum sint Deus: ideo tractatus iste in primo libro ponitur.

A modo tractandum est, id est, de scientia, &c.
Dub. II.

Videtur hic male dicere, quia potentia præcedit scientiam & voluntatem: ergo male ordinat in proposito, & male in exequendo.

RESP. Dicendum quod dupliciter est loqui de istis, aut in sua generalitate, aut ut concurrunt ad unum effectum. Si in sua generalitate, sic cum scientia sit respectu bonorum & malorum faciendorum & non faciendorum, prior est secundum rationem intelligendi, quam potentia. Et potentia cum sit respectu faciendorum & non faciendorum, prior est voluntate quæ est respectu faciendorum bonorum tantum. Si autem loquamur de his prout concurrunt ad unum effectum: sic potentia, in quantum potens, est prima: in quantum est exequens, est ultima: prius enim est posse, deinde scire, & post uelle, & postremo est facere quod est ipsius potentie. Et quantum ad hunc tractatum Magister ponit hic ultimo loco potentiam, sed in executione considerat ordinem, secundum maiorem generalitatem, & minorem.

Sapientia uel scientia Dei, &c.
Dub. III.

Diuerfa sortitur nomina, quæ scilicet sunt, Scientia, Præscientia, Prouidentia, Dispositio, Prædestinatio: Queritur quo modo distinguuntur hæc nomina, & uidetur quod insufficienter enumeret, quia non solum est ponere in diuinis prædestinationem, uerum & reprobationem.

RESP. Dicendum quod huiusmodi nomina distinguuntur sic: Diuina cognitio potest considerari aut in se, aut in comparatione ad creaturas. Si in se, aut prout dicitur pure cognitionem per modum speculationis, aut prout dicitur speculationem iunctam affectioni. Primo modo est scientia: secundo modo est sapientia. Vel sic, aut dicitur cognitionem simplicem, aut per rationem nobilissimam, siue per causas nobilissimas, quæ ipse Deus sunt. Primo modo est scientia, secundo modo est sapientia. Si autem consideretur comparatione ad res, hoc potest esse dupliciter. Aut connotat euentum, & sic est præscientia: aut effectum, & hoc dupliciter, aut in conseruando, siue gubernando, & sic est prouidentia: aut in efficiendo, & hoc

dupli-

dupliciter, aut quantum ad bonum naturæ, & sic est dispositio: aut quantum ad bonum superadditum, & sic est prædestinatio: aut quantum ad eius priuationem, & sic reprobatio. Sed quia priuatio gratiæ non est effectus, sed defectus, ideo reprobatio non hic numeratur, sed continetur sub præscientiæ nomine, & ipsum sibi appropriat. Vnde diuisio potest sic formari: Cognitio Dei aut est in se, aut in comparatione: si in se, aut per rationem nobilissimam, & sic sapientiæ: aut per qualemcumque rationem, & sic est scientia. Si in comparatione, aut euentum, & sic præscientiæ: aut euentuum & effectuum, & hoc vel in gubernando, & sic est prouidentia: vel in efficiendo, & sic, si respectu cuiuscumque naturæ, sic est dispositio: si respectu rationalis, sic prædestinatio: aut euentuum, & effectuum, & defectuum, & sic reprobatio, quæ est præscientia nominata per appropriationem.

Creator ita dicitur relatiue, vt essentiam non significet.

Dub. IV.

Videtur dicere falsum: nam creatio significat modum actionis, non relationis: ergo Creator similiter: ergo non dicitur secundum relationem à parte modi, nec à parte rei, istud constat: ergo nullo modo.

ITEM videtur falsum dicere, cum dicit quod essentiam non significat, quia Creator significat aliquid: aut ergo creatum, aut increatum. Si creatum: ergo non dicitur de Deo. Si increatum: ergo cum non significet personam, significat essentiam.

RESP. Dicendum quod relatiue dici aliquid, est dupliciter. Aut quia significat relationem, sicut nomina quæ sunt in prædicamento relationis. Aut quia habet respectum annexum: sic, cum omnis actio dicat respectum ad passum siue factum, & passum ad agentem, sic dicitur relatiue, & sic intelligit Magister de hoc nomine *Creator*, & bene.

AD illud etiam quod dicit quod non significat essentiam, dicit propter hoc, quod quamuis imponatur diuinæ Essentiæ, (& ideo de sola essentia dicitur secundum omnes) tamen de eo à quo imponitur fuit controuersia. Quidam enim volunt dicere quod nomina sex generum non prædicant aliquid in Deo, sed comprædicant. Vnde actio non videtur dicere aliquid in agente, sed ab agente. Et huic videtur consonare ratio, quia actio & passio videntur esse eadem. Et iterum huic videtur consonare verbum Boetii de Trinitate quod alia genera rerum nec de Creatore nec de creaturis prædicantur. Ista opinio fuit satis probabilis, & huius fuit Magister, & ideo dicit quod præscientia ratione sciendi importat essentiam: sed Creator tantum relationem. Verum tamen illud hodie communiter non teneretur. Dicimus enim Deum esse suam actionem vtputa creationem. Et quoniam essentia est diuina actio, & hoc nomen, *Creator*, imponitur ab actione: ideo non tantum impositum est essentiæ, verum etiam ab essentia: sed illam significat in relatione. Nec Boetius intendit dicere quod talia non prædicantur, sed quod non prædicantur absolute. Si tamen velimus sustinere Magistrum secundum communem opinionem, dicamus quod Magister non vult dicere, quod creatio non importet diuinam Essentiā, sed quantum ex vi vocabuli non dicit Essentiā absolute: sed per modum relationis, siue sub appellatione relatiua. Sed præscientia duo dicit, & scientiam & præcessionem. Ratione scientiæ, dicit essentiam absolutam, vnde manet scientia, re ipsa non manente. Non sic est de creatione, non enim est creatio, nisi etiam sit creatura, & secundum hoc verbum Magistri non habet calumniam.

Si nulla fuissent futura, esset tamen in Deo scientia eadem.

Dub. V.

Videtur male dicere, quia scientia nostra ponit res, & quando non ponit, non est scientia, sed opinio, vel alia acceptio minus nobilis: ergo cum de nobilitate scientiæ sit ponere rem, videtur multo fortius quod diuina scientia ponat quæ est nobilissima.

A RESP. Ad hoc breuiter dicendum quod est scientia qua habeo cognitionem de re, & est scientia qua scio rem esse. Prima scientia, nec in nobis, nec in Deo ponit existentiam rei in proprio genere: nec de presenti, nec de futuro: quod patet, quia artifex habet cognitionem faciendi domum quam nunquam faciet. Secundo vero scientia ponit rem tam in Deo quam in nobis: sed in nobis, quia dependet: in Deo, quia connotat: & quantum ad primum modum loquitur Magister quod eadem scientia esset: sed non respectu eiusdem, & respectu tot, respectu quot modo est quantum ad secundum modum.

Inde est etiam, &c.

Dub. VI.

B Vult Magister quod omnia sint in Deo præsentia non solum quæ sunt, sed etiam quæ præterierunt. Quo modo ergo intelligitur illud: Aut enim intelligitur de præsentia secundum veritatem, aut de præsentia secundum cognitionem. Primo modo falsum est. Constans enim est quod Antichristus non est in Deo secundum veritatem præsens. Si secundum cognitionem, quia habet cognitionem præsentium, præteritorum, & futurorum: sed si sic, cum hanc habeat etiam anima: ergo similiter omnia sunt ei præsentia.

RESP. Dicendum quod non omnia dicuntur esse præsentia Deo secundum veritatem existentiam rerum, sed secundum cognitionem, quia actu cognoscit præsentia, præterita, & futura, & circa actum suæ cognitionis semper est præsentia, ita quod nulla successio cognitionis Dei est in nunc quod complectitur omnem successionem sine inmutatione: & ideo omnia sunt ei præsentia ex hac duplici causa. Quamuis autem creatura habeat cognitionem de præsentibus, præteritis, & futuris, quia tamen cognitio eius transit in præteritum, & futurum, & noua generatur cognitio ex rei existentia, ideo non dicitur quod omnia sint præsentia creaturæ, sicut dicitur quod omnia præsentia sunt Deo: & ideo non ponitur memoria in Deo, quoniam memoria respicit præteritum, vt præteritum, nec tantum in re, sed vt etiam actus illius cognitionis transit in præteritum: sed præscientia non dicit rationem siue actum scientiæ vt futurum, & ideo in Deo conuenienter ponitur.

ARTICVLVS I.

C AD intelligentiam præsentis distinctionis queritur de ratione diuinæ cognitionis, quæ idea consuevit appellari. Primo queritur, vtrum in Deo sit ponenda ratio idealis. Secundo dato quod sic, queritur vtrum habeat pluralitatem secundum rem. Tertio, vtrum habeat pluralitatem secundum rationem. Quarto, vtrum habeat pluralitatem secundum numerum vniuersalium, an singularium. Quinto, vtrum habeat pluralitatem secundum numerum finitum vel infinitum. Sexto, vtrum in ideis sit pluralitas secundum numerum ordinatum vel confusum.

QUESTIO I.

An ponere sit Ideas in Deo.

E Alex. Alens. 1. p. q. 23. Memb. 4. art. 1.
S. Tho. 1. p. q. 15. art. 1.
Et 1. Sent. dist. 36. q. 2. art. 2.
Et de Verit. q. 3. art. 1.
Scot. 1. Sent. dist. 35. q. unica.
Aegid. Rom. 1. Sent. dist. 36. p. 2. q. 1.
Henricus Quod. 7. q. 1.
Richard. 1. Sent. dist. 36. art. 2. q. 1.
Thom. Arg. 1. Sent. dist. 36. q. 1. art. 1.
Stroph. Brulef. 1. Sent. dist. 35. q. 1.
Franciscus de Mayr. 1. Sent. dist. 47. q. 1.

Vtrum in Deo sit ponere ideas. Et quod sic, ostenditur primo auctoritate Augusti. lib. 83. q. quod ideas

Opin. Magistri.

Defensio pia pro Magistro.

Funda-
menta.
Qu. 1. 46.
in medio.

sunt formæ æternæ & incommutabiles, quæ in diuina intelligentia continentur. Ex his tribus conditionibus concluditur, quod idea sit in Deo.

ITEM ratione ostenditur sic. Omne agens rationabiliter non à casu vel ex necessitate, præcognoscit rem antequam sit: sed omnis cognoscens habet rem cognitam vel secundum veritatem, vel secundum similitudinem: sed res antequam sint, non possunt haberi à Deo secundum veritatem: ergo secundum similitudinem: sed similitudo rei per quam res cognoscitur & producitur, idea est ergo, &c.

ITEM omne quod determinate ducit in alterum cognoscendum, habet penes se similitudinem cogniti, vel ipsum est eius similitudo: sed speculum æternum mentes se videntium ducit in cognitionem omnium creatorum, sicut dicit Augustinus, quod rectius ibi cognoscunt quam alibi: ergo restat quod in eo resident similitudines: & constat quod sunt in eo sicut in cognoscente: quia non tantum aliis representat, sed sibi: sed hæc est tota ratio ideæ, ergo, &c.

ITEM quia res à Deo producuntur, ideo, sunt in Deo tanquam in efficiente, & Deus verissime est efficiens: similiter quia ab ipso finiuntur, ideo verissime est finis: ergo pari ratione, quia ab ipso cognoscuntur & exprimuntur, per seipsum Deus est verissime exemplar: sed exemplar non est nisi in quo sunt rerum exemplatarum ideæ, ergo, &c.

1. CONTRA per Dion. de diu. nom. Cognoscit diuinus intellectus, sed ex seipso & per seipsum, non secundum ideam singulis innitens: sed secundum vnam excellentiæ causam omnia noscens & continens: ergo Deus singula non cognoscit per ideam.

2. ITEM ratione videtur: quia idea dicit rationem similitudinis, & similitudo dicit rationem conuenientie: Dei autem ad creaturam cum sit summa distantia, nulla est ibi conuenientia: aut si est, minima est: ergo aut nulla similitudo, aut minima: aut ergo non est idea in Deo, aut si est, secundum rationem imperfectam est: sed nihil imperfectum ponendum est in Deo: ergo, &c.

3. ITEM nobilissimus modus cognitionis est Deo attributus: sed cognitio per rei essentiam est nobilior quam per similitudinem rei: ergo Deus cognoscit per essentiam rei, non per similitudinem: sed idea est similitudo, non essentia rei: ergo, &c.

4. ITEM idea non est necessaria nisi ad dirigendum in cognoscendo, & regulandum in operando: sed nihil indiget dirigente vel regulante nisi quod potest errare & deuiare, Deus autem nullum horum habet: ergo frustra ponuntur in Deo ideæ.

CONCLUSIO.

Deus habet rationes, atque similitudines omnium rerum quas ipse cognoscit: quæ similitudines ideæ à Theologia, & à Philosophis nuncupantur.

Opinio a-
liorum,

Dionysius
diuinus no-
minib. c. 7.
in mod.

Opinio
propria.

RESP. ad Arg. Dicendum quod circa hoc duplex fuit opinio. Quidam enim dixerunt, quod Deus non cognoscit secundum rationem ideæ, sed secundum rationem causæ. Et ponunt simile, sicut si punctus cognosceret suam virtutem, cognosceret lineas, & circumferentiam. Similiter si vnitas haberet potentiam cognitiuam per quam conuerteret se supra se, cognosceret omnes numeros. Per hunc modum dicunt in Deo esse. Quoniam enim Deus virtutem habet producendi omnia, & cognoscit totam suam virtutem: ideo cognoscit omnia. Et hoc dicunt Dionysium sensisse cum dixit quod non secundum ideam, sed secundum vnam excellentiæ causam cognoscit omnia. Sed hæc positio non potest stare. Primum quidem, quia Deus cognoscit non per collationem deueniendi à principio ad principiatum, sed simplici aspectu. Et iterum, omne cognoscens in quantum huiusmodi, simile est cognoscibili: ergo habet eius similitudinem, vel ipsum est similitudo. Rursus, omnis cogno-

scens ideo distincte producit, quia distincte cognoscit, non econuerso: ergo ratio producendi non est ratio cognoscendi. Et iterum, aliqua cognoscit quæ ab ipso non sunt. Propter hæc & similia, est aliter dicendum. Ideo est alia positio, & secundum Sanctos, & secundum Philosophos, quod Deus cognoscit per ideæ, & habet in se rationes, & similitudines rerum quas cognoscit: in quibus non tantum ipse cognoscit, sed etiam aspicientes in eum: & has rationes vocat Augustinus ideæ, & causas primordiales.

Ad intelligentiam autem obiectorum, intelligendum quod idea dicitur similitudo rei cognitæ. Similitudo autem dupliciter dicitur. Vno modo secundum conuenientiam duorum in tertio, & hæc est similitudo secundum vniuocationem. Alio modo est similitudo secundum quod vnum est similitudo alterius, & hæc similitudo non concernit conuenientiam in aliquo communi, quia similitudo seipsa est similis, non tertio, & hoc modo dicitur creatura similitudo Dei, vel econuerso Deus similitudo creature. Hoc modo sumendo similitudinem, similitudo est ratio cognoscendi, & hæc dicitur idea. Sed aliter est in nobis, aliter in Deo. In nobis quidem ratio cognoscendi est similitudo, cognitum est veritas. Nam in nobis est similitudo accepta & impressa ab extrinseco, propter hoc quod intellectus noster respectu cogniti, est passibilis, & non actus purus: ideo fit in actu per aliquid cogniti, quod est similitudo eius. In Deo autem est econuerso, quia ratio cognoscendi est ipsa veritas: & cognitum est similitudo veritatis, scilicet ipsa creatura. Et quia ratio cognoscendi consistit in ipsa veritate prima, ideo ratio cognoscendi in Deo est summe expressiua. Et quoniam omne id quod summe exprimit, perfectissime assimilat cognitum assimilatione competente cognitioni, ideo patet quod ipsa veritas, ex hoc quod facit cognoscere, est similitudo expressiua, & idea. Econtrario est in nobis, quia eo ipso quod est similitudo, facit cognoscere. Ex his patent obiecta.

1. Quid enim obicitur quod non est secundum ideam singulis innitens, dicendum quod Dionysius ex hoc non vult remouere rationem ideæ à Deo, sed vult dicere quod non sic est similitudo, & differentia idearum secundum singula, sicut in nobis.

2. Ad illud quod obicitur quod nulla est conuenientia, vel minima, dicendum quod est similitudo vniuocationis siue participationis, similitudo imitationis, & similitudo expressionis. Similitudo participationis, nulla est omnino, quia nihil est commune. Similitudo imitationis est modica, quia in modico potest finitum imitari infinitum, unde semper maior est dissimilitudo quam similitudo. Similitudo vero expressionis est summa, quia causatur ab intentione veritatis, ut visum est, quæ est ipsa expressio, ideo Deus summe omnia cognoscit.

3. Ad illud quod obicitur tertio quod nobilior est cognitio per essentiam, dicendum quod est similitudo causata à veritate rei extra, & de hac verum est quod nunquam ita perfecte exprimit rem, sicut ipsa res, si præsentialiter esset apud animam, & hac similitudine non cognoscit Deus. Et alia similitudo, quæ est ipsa veritas expressiua cogniti: & eo similitudo quo veritas, & hæc similitudo melius exprimit rem quam ipsa res seipsam exprimat, quia res ipsa accipit rationem expressionis ab illa, & secundum hanc est perfectior cognitio. & hæc cognoscit Deus.

4. Ad illud quod obicitur quod idea est ad regulandum & dirigendum, dicendum quod regulari & dirigi potest esse dupliciter, aut per regulam differentem à directo & regulato, & hæc ponit imperfectionem & possibilitatem erroris. Aut per regulam, quæ est idem quod regulatum, & hæc ponit impossibilitatem erroris. Quia enim regula errare non potest, & Deus est ipsa regula, & idea, ideo impossibile est eum errare, & sic patet quod idea in Deo non ponit defectum & imperfectionem, sed complementum.

QVÆSTIO II.

An vnam, vel plures Ideas ponere sit in Deo.

Alexand. Alensis 1. p. q. 23. Memb. 4. art. 1. §. 1.

S. Tho. 1. p. q. 15. art. 2.

Et 1. Sent. dist. 36. q. 2. art. 3.

Et de Veris. q. 3. art. 2.

Ægid. Rom. 1. Sent. dist. 36. p. 2. q. 2.

Henricus Quol. 9. q. 2.

Richard. 1. Sent. dist. 36. q. 3. art. 2.

Thom. Argent. 1. Sent. dist. 36. q. 1. art. 2.

Steph. Brulef. 1. Sent. dist. 35. q. 2.

Franciscus de Mayr. 1. Sent. dist. 47. q. 2.

Ad opposi-
tum.
Lib. 8. q. 9.
46. 10. 4.

Vtrum sit ponere pluralitatem in Ideis secundum re. Et quod sic videtur, quia Augustinus dicit quod ideæ sunt formæ æternæ & incommutabiles: sed si sunt formæ, sunt plures: & cū forma dicat ipsum quod est idea absolute, tunc videtur quod sint plures secundū id quod sunt absolute.

2. ITEM idea est similitudo exprimens ideatum secundum totum: sed quæcunque vni & eidem secundum totum sunt similia, nullo modo differunt ab inuicem: ergo si idea omnium secundum id quod est, esset vna, tunc omnia essent indifferentia.

3. ITEM si idea est vnum quid, aut vna communis, aut vna propria similitudo. Si vna communis: ergo per ipsam nunquam res distinguuntur. Si vna propria: ergo per ipsam nunquam plura cognoscuntur.

4. ITEM si idea est ratio cognoscendi: cum vnū quodq; cognoscens cognoscat secundum exigentiam rationis cognoscendi: ergo si idea est vnum quid, cum in vno nō cadat distinctio, Deus non cognoscit res distincte, sed indistincte.

Fundamenta.

CONTRA: Augustinus 6. de Trinitate: Filius est ars quædam omnipotentis Dei plena omnium rationum viuentium, & omnia in ipso vnum sunt.

ITEM quod perfectius est, Deo est attribuendum: sed perfectius est vno posse cognoscere plura, & operari quā pluribus. ergo Deo est attribuendum: ergo Deus vna idea cognoscit.

Aristot. 2.
Phys. cons.
68.

ITEM in omni genere causæ, status est in vno simplici, utpote in genere efficientis & finis: ergo cum Deus sit exemplar in quo est omnimode status: ergo in Deo est summa vnitas: sed exemplar quod continet multa non est omnino vnum & simplex, ergo in diuino exemplari nō est nisi vna idea secundum rem.

CONCLUSIO.

Idea in Deo cum secundum rem sit ipsa diuina veritas, non plurificatur realiter, sed re ipsa omnes ideae sunt vnum.

RESP. Ad Arg. Ad intelligentiam prædictorum est notandum quod hic fuit duplex opinio. Quidam enim dixerunt, quod ideæ in Deo secundum rem habent distinctionem. Dixerunt enim quod est considerare vniuersitatem formarum in Deo, in anima, & in mundo, siue in materia. Et in materia siue in vniuerso, habent distinctionem, & compositionem, & oppositionem, quia sunt ibi materialiter. In anima vero humana habent distinctionem & compositionem, sed non habent oppositionem: & hoc quia sunt ibi aliquo modo spiritualiter: non tamē omnino, quia sunt à rebus extra: ideo est compositio: differunt enim ab anima. In Deo habent distinctionem, sed non compositionem, nec oppositionem propter summā simplicitatem. Et quamuis in Deo sint distinctæ, sunt tamen vnum exemplar, sicut plures formæ particulares in sigillo faciunt vnum sigillum. Sed ista positio quamuis in sui initio videatur probabilis, in fine tamen continet errorem. Nam si in Deo esset ponere ideas realiter differentes siue distinctas, tunc esset ibi alia pluralitas realis quam

A sit pluralitas personalis: quod abhorret aures pie. Si dicas quod non est pluralitatem absolutam ponere, sed respectiuam, tunc quæro de illo respectu, aut est aliquid, aut nihil. Si nihil: nulla est ibi realis distinctio. Si aliquid: non est dare nisi diuinam essentiam: sed omnia essentialia in Deo vnum sunt. Et ideo est alia positio, quod ideæ sunt vnum secundum rem: & hoc patet sic: Idea in Deo dicit similitudinem, quæ est ratio cognoscendi: illa autem secundum rem est ipsa diuina veritas, sicut supra monstratum est: & quia illa est vna, patet quod per eam omnes ideæ vnum sunt. Et hoc dicit Augustinus expresse, quia in illa arte omnia sunt vnum.

1. Ad illud ergo quod obiicitur quod sunt formæ, dicendum quod forma duplex est, scilicet forma quæ est perfectio rei, & forma exemplaris. Et Augustinus accipit ideæ in ratione formæ pro forma exemplari: vtræque tamen relatiue dicitur: illa ad materiam quam informat, sed ista ad exemplatum: & ideo quia forma dicitur ut ad alterū, sicut similitudo: quando dicuntur plures formæ, non ex hoc notatur quod in ideis sit pluralitas secundum rem, siue secundū id quod sunt, sed secundum id ad quod sunt, id est, ad ea quæ sunt extra, scilicet ratione connotatorum, ut sunt ipsa ideata.

2. Ad illud quod obiicitur quod idea est similitudo exprimens secundum totum: ergo, &c. Ad hoc est vnus modus dicendi quod idea non dicit similitudinem aliquam per quam cognoscens assimilatur aliis, sed cui multa assimilatur, & multa possunt assimilari vni: sicut si à forma sigilli eadem fiat expressio figuræ in cera, possunt esse ab eadem forma vna multa, & variæ impressiones secundum quod sigillum magis & minus imprimitur. Sic in Deo intelligunt: quoniam multitudo in rebus venit secundum gradus, & approximationem ad ipsum esse diuinum. Sed illud non sufficit dicere: quia Deus facit omnia diuersa secundum formam, non tantum secundum gradum & dignitatem: & illa cognoscit per vnum secundum rem: quod quidē est similitudo cogniti. Si tu dicas quod hoc est, quia Deus seipso cognoscit, sicut seipso agit: ideo sicut vno agit multa, ita vno cognoscit multa. Adhuc non est solum: quia adhuc manet quæstio, quo modo ipse Deus possit assimilari multis. Propter hoc dicendum quod similitudo quædam est secundum proprietatem generis: & de hac non est dubium quod non potest esse vna plurium genere differentium: & hæc est similitudo quæ exprimitur & causatur à re generis determinate. Alia est similitudo simpliciter extra genus: & hæc quia ad hoc genus non artatur, qua ratione est huius, eadem ratione est & illius: & qua ratione est huius secundum partem, eadem ratione secundum totum: & talis similitudo est diuina veritas, & idea in Deo. Si tu quæras, quo modo hoc possit intelligi. Aliqualiter intelligi potest, quamuis non possit aptari omnino simile. Cum enim illa similitudo sit actus purus, & ipsa veritas, sicut dictum est, & omnia alia cognoscibilia quantumcunque nobilia secundū id quod sunt, comparentur ad ipsam per modum possibilis, sicut vnum secundum formam potest assimilari pluribus, secundum materiam diuersis: sic in proposito, vna realis similitudo potest esse omnium cognoscibilium: Et potest poni exemplum in luce aliquo modo: quæ vna secundum numerum exprimit multas & varias species colorum. In cognitione autem nostra, quoniam se habet per modum possibilis respectu cogniti, & quodam modo informabilis ab illo, non potest inueniri similitudo, imo inuenitur dissimilitudo: & ideo aspiciendo ad cognitionem nostram videtur nobis in Deo non esse intelligibile.

3. Ad illud quod quæritur, vtrū illa similitudo sit propria vel communis, dicendum quod Deus non dicitur causa vniuersalis, nec particularis simpliciter: sed aliquid habet de nobilitate causæ vniuersalis, quia potest in plurimos effectus. Similiter aliquid de causa particulari, quia immediate & sufficienter potest in effectum quemlibet. Sic in cognitione Dei intelligendum quod nec omnino est in vniuersali, nec omnino in particulari. Similiter de similitudine & idea intelligendum est, quod communis

Li. 6. de Tr.
c. 10. to. 3.S. Bon. con-
sentis S.
Tho. 1. con-
tra gent. ca.
52.

est quantum ad indifferentiam, & amplitudinem: propria vero quantum ad discretissimam expressionem. Ratio huius est, quia est similitudo exprimens, non impressa, nec expressa. Quia omnino exprimens: ideo summe exprimit, & secundum omnes conditiones. Et rursus, ex hoc quod non est expressa, ideo non est artata nec limitata, sed extēdit se ad omnia, sicut diuina essentia: quamuis tota sit in vno, non tamen sic est in vno, sic quod non sit in alio.

4. Ad illud quod obiicitur vltimo quod cognoscit secundum exigentiam rationum, dicendum quod sicut ratio cognoscēdi est vna, & tamen plura cognita distinctissime repræsentat secundum proprias conditiones: sic diuina cognitio, quantum ad modum cognoscendi qui est in ipsa, est vna, & simplex, non distincta: sed in comparatione ad obiectum distincte cognoscit. Quando ergo dicitur: Deus cognoscit omnia distincte, si distinctio ponitur in cognitione per comparationem ad cognoscentem, falsa est: si autem per comparationem ad cognitum, sic habet veritatem.

QVÆSTIO III.

An Idea plures sint secundum rationem.

Richard. 1. Sent. dist. 36. art. 2. q. 2.

Franciscus de Mayr. 1. Sent. dist. 47. q. 3.

Steph. Brulef. 1. Sent. dist. 35. q. 3.

Funda-
menta.
Lib. 83. q. 9.
46. 10. 4.

Aug. ibid.

Ad oppo-
situm.

Vtrum in ideis sit pluralitas secundum rationem. Et quod sic, ostenditur hoc modo: August. lib. 83. questionum dicit: Alia ratione conditus est homo, alia equus: ergo si idea dicit ipsam rationem cognoscendi, necesse est quod plurificetur secundum rationem.

ITEM hoc ipsum ostenditur ex modo loquendi & diffiniendi: quia August. loquitur in plurali, & diffinit in plurali ipsas ideas, dicens quod sunt formæ: ergo plurificantur re, vel ratione: sed non re, ergo ratione.

ITEM idea dicit similitudinem ad cognitum: sed similitudo quamuis in Deo sit quid absolutum, habet tamen modum dicendi ad alterum, siue respectum: sed plurificatio similitudinis relatiuæ est à re cui assimilatur: ergo cū res ideatæ sint plures, ideæ sunt plures secundum rationem dicendi.

ITEM Deus antequam res producat, distincte cognoscit, & actu: sed non est distinctio in Deo cognoscente, nec in cognito: ergo oportet quod sit in ratione cognoscendi.

1. CONTRA: Si est plurificatio secundum rationem, cum non sit re, tunc videtur illa pluralitas non esse aliud quam vanitas.

2. ITEM si est in hoc nomine, *idea*, pluralitas, aut ratione eius quod est, aut ratione eius ad quod est. Non ratione eius quod est: quia est diuina essentia. Si ratione eius ad quod est: ergo cum verbum, & exemplar, & ars dicant respectum ad creaturam, saltem secundum nomen debent plurificari, quod tamen falsum est.

3. ITEM si ideæ sunt plures, non propter significatum, sed propter connotatum: tunc quæro, aut connotatum illud est æternum, aut temporale. Si æternum: ergo videtur quod plura sint ab æterno. Si temporale: ergo videtur quod idea non dicatur de Deo nisi ex tempore, sicut nec Dominus nec Creator dicuntur nisi ex tempore.

4. ITEM ideæ si sunt plures propter ideata: aut ergo secundum esse quod habent ideata in Deo, aut in proprio genere. Si propter esse quod habent in Deo:

CONTRA: In Deo sunt vnum, ergo ratione illius esse, non possunt dici plures. Si propter esse quod habent in proprio genere: sed non habent nisi ex tempore: ergo vel ideæ non sunt plures nisi ex tempore, vel temporale est causa æterni: quorum vtrumque est inconueniens.

5. ITEM idea aut dicit aliquid, aut nihil. Si nihil: ergo nec

pluralitatem habet, nec vnitatem. Si aliquid dicit: ergo si sunt plures ideæ, sunt plures res: ergo si plures ideæ sunt ab æterno, plures res sunt ab æterno: sed non plures res personaliter, quia idea non dicit quid personale, ergo plures essentialiter.

C O N C L U S I O.

Idea cum sit similitudo rei cognita, mediumq. inter cognoscens & cognitum, plurificatur in Deo secundum rationem, licet non re ipsa.

RESP. Ad Arg. Dicendum quod sicut patet ex prædictis, quamuis in Deo nullus sit respectus ad creaturam à parte rei, tamen contingit ipsam essentiam significati in respectu ad creaturam per multa nomina. Nectamē hoc nomen siue vocabulum, *Idea*, est vanum. Intelligendum igitur est quod hoc nomen, *idea*, significat diuinam essentiam in comparatione, siue in respectu ad creaturam. Idea enim est similitudo rei cognite. Quæ quamuis in Deo sit quid absolutum, tamen secundum modum intelligendi dicit respectum medium inter cognoscens & cognitum. Et quamuis ille respectus secundum rem plus se teneat ex parte cognoscentis, quia est ipse Deus, tamen ratione intelligendi siue dicendi, similitudo plus se tenet ex parte cogniti. Et quoniam cognoscens est vnum, & cognita sunt multa. Ideo omnes ideæ in Deo sunt vnum secundum rem: sed tamen plures secundum rationem intelligendi siue dicendi. Vnde concedendæ sunt omnes rationes in Deo esse vnum quid: sed non vnam ideam siue rationem, sed plures.

1. Ad illud ergo quod obiicitur quod isti rationi nihil subest ex parte rei, dicendum quod falsum est, quia respectui subest ex parte Dei essentia, non respectus: ex parte vero creaturæ subest verus respectus, & ideo respectus ille signatus non inducit falsitatem: sic pluralitati respectuum; quamuis non sub sit pluralitas ex parte Dei, subest tamen ex parte connotatorum, vnde respectus ille sic plurificatus non habet falsitatem nec vanitatem.

2. Ad illud quod obiicitur quod verbum & ars dicunt respectum, dicendum est quod dicunt: sed aliter quam idea vel ratio, quia idea siue ratio cognoscendi plus se tenet secundum rationem intelligendi ex parte cogniti. Similitudo enim secundum quod huiusmodi non dicit respectum ad id in quo est, sed cuius est: sed verbum plus se tenet à parte dicentis, similiter & ars & exemplar ex parte producentis: & quia multa sunt cognita & vnum cognoscent, ideo ideæ sunt plures, & ars tantum vna. Vel aliter, ratio & idea dicunt respectum ad res in quantum distinctæ sunt, non sic alia vocabula.

3. Ad illud quod obiicitur quod connotata sunt plura ab æterno, dicendum quod pluralitas est in ideis ratione connotatorum, sed de connotatis est loqui dupliciter, aut in quantum sunt, aut in quantum connotata. In quantum sunt, sic sunt solum ex tempore: in quantum autem connotantur, sic possunt connotari & æternaliter, & temporaliter. Æternaliter, quando respectus importatur in habitum, sicut per hoc nomen *predestinatio*, ideo predestinatio est æterna, quia connotat effectum non in actu, sed in habitu. Temporaliter vero, quando respectus importatur in actum, sicut per hoc verbum *creare*. Quoniam ergo sic connotatur temporalia, vt futura sunt, & futura sunt multa, ideo connotantur vt multa: sed tamen sic connotata, quamuis ab æterno connotentur, non tamen sunt ab æterno, sed ex tempore. ita multitudo connotatorum quamuis ab æterno dicatur, tamen non ponit realem multitudinem nisi ex tempore.

4. Ad illud quod queritur, vtrum secundum esse ideatorum sint ideæ plures, dicendum quod sic, secundum esse quod habituræ sunt res ideatæ in proprio genere: & quibus illud non habeat nisi ex tempore, tamen ab æterno fuerunt habituræ, & ideæ sunt rerum, vt futuræ sunt: ideo intelliguntur non tantum plures ex tempore, verum etiā ab æterno. Sic dicitur predestinatione fuisse ab æterno, & reprobatione, non ratione ei quod

fuit

fuit ab æterno, sed ratione eius quod futurum erat ex tempore.

5. Ad illud quod obiicitur, si plures ideæ, ergo plures res, dicendum quod idea non dicit tantum quid est, sed respectum ad id quod futurum est, vel etiam potest esse: & ratione illius respectus recipit plurificationem. Et quia ille nihil ponit in actu, sed solum in potentia, hinc est quod pluralitas idearum æterna non ponit aliquam pluralitatem actualem, sicut non ponitur si dicatur quod potest facere plura. Sed hoc nomen, *Res*, absolute importat quod dicit: & ideo cum dicit plures res esse, ponitur pluralitas in actu, & ideo argumentum non valet, & ideo est ibi quid, & simpliciter. Sicut si dicatur plura sunt possibilia Deo, vel plura sunt cognita, ergo plura sunt. Sic nec valet, plures ideæ sunt, ergo plures res sunt, quia ideæ non sunt plures ratione eius quod sunt, sed ratione eius ad quod sunt.

QVÆSTIO IV.

An idea plurificentur in Deo secundum plurificationem ideatorum in specie tantum, vel etiam in indiuiduo.

S. Thom. 1. p. q. 15. art. 3.

Et 1. Sent. dist. 26. q. 2. art. 3.

Et de Verit. q. 3. art. 4. 5. 6. & 7.

Egid. Rom. 1. Sent. dist. 36. q. 4.

Richard. 1. Sent. dist. 36. art. 2. q. 4.

Franciscus de Mayr. 1. Sent. dist. 47. q. 4.

Steph. Brulef. 1. Sent. dist. 35. q. 3.

Vtrum ideæ plurificentur per comparisonem ad ideata secundum multitudinem ideatorum quantum ad diuersitatem vniuersalium, vel singularium. Et quod singularium videtur, quoniam per ideas est ratio distinguendi: sed Deus non tantum distinguit vniuersale ab vniuersali, sed etiam singulare à singulari. Sed quia distinguit vniuersale ab vniuersali, ideo habet plurimum vniuersalium ideas & rationes. Vnde alia ratione conditus est equus, alia ratione conditus est homo: ergo, &c.

ITEM cognitio rei verissima, est rei secundum totalitatem, sed singulare aliquid addit supra vniuersale: ergo cum Deus totum cognoscat, non tantum habet ideam vniuersalis, sed etiam super additi, scilicet singularis, similiter & alterius singularis: ergo si addita sunt diuersa secundum rationem, siue multitudinem idealem, &c.

ITEM Deus quosdā ex hominibus prædestinat, quosdam reprobat: sed alia ratione quosdam prædestinat, & alia ratione quosdam reprobat: ergo secundum aliam rationem & ideam sunt præsciti, & prædestinati in Deo: sed hæc est diuersitas indiuidualis, siue numeralis: ergo, &c.

ITEM idea multiplicatur in diuinis ratione respectus & relationis ad ideatum: ergo multiplicato vno, multiplicatur & reliquum: & cum homo qui est ideatum multiplicetur in diuersis indiuiduis secundum rem, multiplicabitur idea respectu illorum secundum rationem.

1. CONTRA per Augustinum ad Nebridium: Dico quantum ad hominem faciendum pertinet, tantum quandam hominis nō meam, vel tuam, ibi esse rationem: ergo multiplicatio vel distinctio ideatorum attenditur solum secundum diuersitatem vniuersalium.

2. ITEM artifex creatus per vnam ideam producit multa: ergo cum hoc sit nobilitatis, Deus per vnam ideam re, & ratione multa, diuersa numero producit.

3. ITEM singulare vt singulare, est compositius vniuersali: ergo si est idea in Deo singularis vt singularis, tunc ergo est vna idea altera simplicior, sed hoc est inconueniens: ergo, &c.

4. ITEM singulare magis proprium est quam vniuersale: si ergo in Deo est idea vniuersalis vt vniuersalis, & singularis vt singularis, ergo vna idea cōmunis, altera propria: sed cōmune prius est & simplicius est, quā propriū: ergo vna idea est altera prior, & simplicior: ergo in Deo est ponere ordinem, & compositionem essentialem, &c.

CONCLUSIO.

Idea, non solum quo ad ipsum vniuersale, sed respectu etiam singularium plurificantur.

RESP. Ad arg. Dicendum quod idea in Deo secundum rem est diuina veritas, secundum rationem est similitudo cogniti. Hæc autē similitudo est ratio expressiua cognoscendi nō tantum vniuersale, sed etiam singulare, quamuis ipsa non sit vniuersalis nec singularis, sicut nec Deus: & ideo non tantum est similitudo vniuersalis vt vniuersale est, sed etiam singularis vt singulare: & ideo quia similitudo est vtrorumque, non solum multiplicatur secundum multitudinem vniuersalium, sed etiam singularium. Et hoc est quod dicit Augustinus ad Nebridium, dico quantum ad hominem faciendum pertinet, hominis tantum esse rationem: quantum vero ad ordinem temporis, varias hominum rationes in illa sinceritate viuere.

1. Ex hoc patet solutio illius verbi Augustini, quia Augustinus dicit quod quamuis vniuersalis vt vniuersale est, vna sit idea: tamen singularium vt singularia, sunt plures. Vnde ibidem dicit quod si quis velit facere angulum, sufficit habere anguli rationem. Si quis autem velit pingere quadrangulum, necesse est quod rationem habeat quatuor angulorum.

2. Ad illud ergo quod obiicitur quod artifex creatus producit multa per vnam ideam, dicendum quod hoc facit per applicationem ipsius ad diuersas materias. Vnde si habet solum ideam vnam, impossibile est intelligere quod secundum illam simplici aspectu cognoscat diuersa: Deus autem simplici aspectu cognoscit singularia vt diuersa, ita quod secundum totum & secundum proprias differentias & proprietates, ideo non est simile.

3. 4. Ad illud quod obiicitur de compositione, & prioritatem, dicendum quod nec secundum rem, nec secundum rationem oportet, quod idea habeat ideati proprietates. Nam rei corporalis est similitudo spiritualis, & compositi est similitudo, simplex etiam in creaturis: ideo non oportet quod vna idea sit simplicior vel prior. Similitudo tamen secundum rationem intelligendi, habet proprietatem ideati secundum distinctionem, tum propter correlationem, quia oportet quod vno relatiuorum multiplicato multiplicetur & reliquum, saltem secundum rationem vbi est relatio secundum rationem: tum etiam, quia similitudo illa est ratio exprimendi, & distinguendi, & ideo quamuis recipiatur proprietas distinctionis, non oportet tamen de aliis.

QVÆSTIO V.

An Idea in Deo sint finita, vel infinita numero.

Richard. 1. Sent. dist. 36. art. 2. q. 5.

Steph. Brulef. 1. Sent. dist. 35. q. 5.

Vtrum in Deo sit ponere multitudinem idearum secundum numerum finitum vel infinitum. Et quod secundum numerum infinitum, videtur Augustinus 9. de Ciuitate Dei. Vna est sapientia, in qua infiniti sunt thesauri omnium rerum intelligibilium.

ITEM Augustinus 6. de Trinitate dicit quod Filius est ars plena omnium rationum viuentium: sed constat quod ars illa est infinita: ergo non impletur nisi infinitis, ergo sunt ibi infinitæ rationes.

ITEM ratione videtur, quia constat quod Deus cognoscit omnes species numeri, ergo omnes habent ideas in Deo: sed species numeri sunt infinitæ: ergo, &c.

Si dicas quod sunt infinitæ species quo ad nos, non secundum rem.

CONTRA: Ponatur quod omnes species numeri sint in re: hoc posito, de necessitate sequitur quod infinita simpliciter actu sint: ergo si omnium specierum numeri sunt in Deo ideæ, & sunt infinitæ actu, patet, &c.

ITEM Deus potest infinita producere: sed nihil potest producere cuius non habeat cognitionem & ideam: ergo habet ideas infinitorum: sed plurium sunt ideæ plures: ergo infinitorum sunt infinitæ.

ITEM omnibus finitis possunt excogitari plura: quia omni finito potest excogitari aliquid maius: sed nec Deus, nec homo habet plura cogitare his quæ Deus cognoscit, quia tunc Dei scientia non esset summa: etsi hoc, cum cognoscat per ideas, patet, &c.

1. CONTRA per Aug. de ciuitate Dei: Quidquid scitur, scientis comprehensione finitur: sed constat quod rationes cognoscendi sciuntur: ergo finiuntur: sed quæcunque finiuntur, sunt finita: ergo, &c.

2. ITEM multitudo idearum est secundum multitudinem ideatorum: sed constat omnia alia à Deo de necessitate esse finita actu: ergo similiter & ideæ.

3. ITEM ubi est infinitas, ibi est confusio & inordinatio: sed in exemplari æterno nulla cadit confusio & inordinatio: ergo, &c.

4. ITEM ponere infinitatem actu in creatura, est ponere imperfectionem. Vnde omne creatum eo est finitum quo perfectum: sed omnis conditio imperfectionis est à Deo releganda: ergo, &c.

CONCLUSIO.

Idea cum sint rationes cognoscendi in Deo, cuius sapientia non est numerus, infinito numero poni non debent.

RESP. ad arg. Dicendum quod sicut dicitur in Psalmo: Diuinæ sapientiæ non est numerus: ac per hoc nec ratio-num per quas diuina sapientia cognoscitur: & quoniam non habent numerum, non sunt numerabiles, ideo non sunt in numero finito. Et concedendæ sunt rationes & auctoritates ad hoc inductæ.

1. AD illud quod obiicitur quod omne scibile est finitum, dicendum quod omne scibile per comprehensionem est finitum comprehendenti: rationes autem æternæ per comprehensionem à solo Deo sciuntur: ideo soli Deo sunt finitæ, sed quemadmodum non sequitur: Hoc equatur infinito, ergo est finitum, imo est ibi quid & simpliciter, & potius sequitur oppositum, ergo non est finitum: sicut etiam in proposito iudicandum. Rationes autem illæ non sunt comprehensibiles ab aliquo intellectu finito: ideo patet illud.

2. AD illud quod obiicitur quod multitudo idearum est à multitudine ideatorum, dicendum quod sicut dictum est, non venit à multitudine ideatorum inquantum creatæ, sed inquantum connotata: idea autem ideatum connotat non secundum actualem existentiam, sed solum secundum potentiam: & quia Deus potest facere infinita, quæuis nunquam faciat nisi finita, ideo ideæ vel rationes cognoscendi sunt in Deo infinitæ, quia non tantum sunt entium vel futurorum, sed omnium Deo possibile. Nihil enim potest Deus quod non actu cognoscat.

3. AD illud quod obiicitur quod infinitas ponit confusionem, dicendum quod est ponere infinitatem secundum diuersitatem realem: & sic priuat & distinctionem & ordinem si ponatur actu: sed multitudo idearum non est rerum diuersarum, sed dicit immensitatem diuinæ veritatis in exprimendo & cognoscendo omne quod est Deo possibile: & hoc quidem secundum rem & actum, est vnum: ideo non est confusio.

4. AD illud quod obiicitur quod imperfectionis est infinitas in creatura, dicendum quod quamuis sit imperfectionis in creatura, non tamen est in Creatore, quia est intelligere infinitatem per defectum, & per excessum. Infinitas per defectum, potest esse in creatura ut in materia, & hoc est imperfectionis: hoc autem nullatenus est in Creatore. Infinitas autem per excessum non potest simpliciter esse in creatura, quoniam habet esse creatum, & compositum, & limitatum: Deus autem nihil horum habet,

& ideo habet infinitatem, & hoc est summæ perfectionis.

QVÆSTIO VI.

An Idea ordinem habeant.

Scot. in Reportatis 1. Sent. dist. 36. q. unica.

Richardus 1. Sent. dist. 38. q. 6. art. 2.

Steph. Brulef. 1. Sent. dist. 35. q. 8.

Io. Bacon. 1. Sent. dist. 36. q. unica.

Vtrum in ideis sit ponere numerum ordinatum. Et quod sic, videtur per Augustinum: Alia ratione conditus est homo, quam equus, quia alius est homo, alius equus: ergo cum homo sit nobilior equo, pari ratione nobiliori idea, vel ratione est conditus homo quam equus: sed ubi est magis nobile & minus, ibi est ordo: ergo, &c.

2. ITEM: Sicut Deus per ideas cognoscit, & producit res distinctas, ita cognoscit, & producit res ordinatas: ergo sicut ponitur pluralitas in ideis ex pluralitate cognitionum, & ideatorum, ita debet poni ordo ex ordine.

3. ITEM: Vbi est pluralitas, siue distinctio, aut est ordo, aut inordinatio: sed in Deo non cadit inordinatio, nec confusio: ergo in Deo habent ordinem.

CONTRA: Ideæ sunt plures, quia per eas Deus distincte cognoscit: sed Deus non cognoscit vnum post aliud, sed omnia simul: ergo ideæ habent in Deo simultatem.

ITEM: Si est ordo, aut ergo prioritatis, aut dignitatis, aut originis. Non prioritatis: quia tunc esset vna idea altera posterior, quod est inconueniens dicere. Non nobilitatis, quia quælibet in Deo est summe nobilis. Non originis, quia si vna de altera oriretur, tunc esset ibi vere distinctio secundum rem, ergo nullo modo, ut videtur, est in eis ordo.

ITEM: Omnis infinitas aut omnino priuat ordinem, aut tollit perfectionem ab ordine, quia tollit statum, & complementum: sed in ideis est infinitas, ut visum est in alio problemate: ergo aut nullus ordo, aut incompletus: sed non incompletus, ergo nullus.

CONCLUSIO.

Inter ideas nullus est ordo, cum vna non sit altera prior, nec nobilior, nec vna originetur ex alia.

RESP. ad Arg. Dicendum sicut tactum est in opponendo, non est ordo in ideis siue rationibus cognoscendi ad inuicem, nec secundum originem, nec secundum rationem prioritatis, aut dignitatis. Habent quippe ordinem ideæ ad ideata, sed ad inuicem non: quo nec est vna prior altera, nec posterior: nec est vna ab alia, nec nobilior est: & ideo non ponitur ibi ordo. Et ratio huius est, quia ideæ dicunt respectum ad res cognitæ de ratione sui nominis. Et quia illæ sunt plures, ideo ideæ ex primo respectu nominis plures sunt. Sed ordo dicit nouum respectum & nouam habitudinem, cum vna idea comparatur ad aliam. Et quoniam illo respectu circumscripto qui est ad ideata, in Deo ideæ simpliciter sunt vnum, nec habent ordinem ad inuicem: ideo non est concedendum quod ideæ habent pluralitatem cum ordine ad inuicem.

1. AD illud quod obiicitur quod alia & alia est idea, quia alius est homo, alius est equus, &c. dicendum quod non est simile. Similitudinem enim eo quod ad alterum comparatur, habet distinguere: sed non habet nobilitari ab illo ad quod comparatur, nisi aliquid recipiat ab illo: & quoniam idea hominis nihil recipit ab homine, nec idea equi ab equo: ideo vna non dicitur altera nobilior.

2. AD illud quod obiicitur quod Deus cognoscit res ordinatas, dicendum quod quamuis res ordinatas cognoscat, tamē simul, & æque nobiliter cognoscit: & ideo sic ut ponebatur distinctio in ideis, quia distincte per eas co-

gnosce-

gnoscere debet, ita debet poni similitudo, & æqualis nobilitas, quia simul & æque nobiliter cognoscit: & ita non debet poni ordo. Sicut enim quamvis Deus cognoscat res alias, non sunt idem alibi in Deo, sic quamvis cognoscat ordinatas, non oportet quod sint in Deo ordinatæ.

3. Ad illud quod obiicitur quod ubi est pluralitas sine ordine, est confusio & inordinatio, dicendum quod falsum est, quia potest ibi esse similitudo, & sic est in ideis: vel dicendum quod illud habet locum, ubi est pluralitas realis, non est autem talis in ideis: quia omnes unum sunt, & ideo non potest esse inordinatio.

DISTINCT. XXXVI.

VTRUM CONCEDENDUM SIT, OMNIA ESSE IN DEI ESSENTIA, VEL IN EO PER ESSENTIAM, VT OMNIA DICUNTUR ESSE IN DEI COGNITIONE, VEL PRÆSCIENTIA.

SOLET hic queri, cum omnia dicantur esse in Dei cognitione, seu præscientia, vel in Deo per cognitionem, & eius cognitio, vel præscientia sit diuina essentia, utrum concedendum sit, omnia esse in diuina essentia, vel in Deo per essentiam. Ad quod dicimus, quia Dei cognitio eius utique essentia est, & eius præscientia, in qua sunt omnia, ipsius cognitio est, nec tamen omnia, quæ sunt in eius præscientia vel cognitione, in eius essentia esse dici debent. Si enim hoc diceretur, intelligeretur esse eiusdem cum Deo essentia. In Deo enim dicitur esse per essentiam, quod est diuina essentia, quod est Deus. Habet ergo Deus apud se in præscientia sua, quæ non habet in sui natura. Vnde Augustinus de verbis Apostoli ita ait: Elegit nos ante mundi constitutionem. Quis sufficit hoc explicare? Eliguntur qui non sunt, nec errat qui elegit, nec vane elegit: Elegit tamen, & habet electos quos creaturus est eligendos, habet autem apud semetipsum non in natura sua, sed in præscientia sua. Nondum erat quibus promittebatur, sed & ipsi promissi sunt, quibus promittebatur. Ecce hic aperte dicit Deum apud semetipsum habere electos ante mundi constitutionem, non in natura sua, sed in præscientia sua, cum tamen eius præscientia non aliud sit, quam eius natura, quia ipsius præscientia, eius est notitia. Potest tamen ad electos referri cum ait: In natura sua, id est, illorum. Illos quippe habuit ab æterno apud se, non in natura sui, id est, illorum, qui nondum erant, sed in sua præscientia, qui eos ita nouit ac si essent.

Vtrum mala debeant dici esse in Deo, ubi sunt omnia bona, cum utraque sint in eius cognitione, & præscientia, omnia enim cognoscit.

Post prædicta queritur, cum omnia dicantur esse in Deo non per essentiam naturæ, sed per cognitionem scientiæ, & Deus sciat bona, & mala, utrum concedendum sit simpliciter mala esse in Deo, siue esse in Deo per cognitionem. Scit enim Deus, & sciuit semper omnia, tam bona, quam mala, etiam antequam fieret, & præsciuit ab æterno ea futura. Ideo quæ cum omnia bona diximus esse in Deo propter præscientiam cognitionis, eadem ratione videtur dicendum, omnia mala esse in eo, cum ea semper nouerit, & per cognitionem ei præsentia fuerint. Præcognouit enim Deus ab æterno quosdam futuros malos, & eorum

A malitiam, ut ait Augustinus: Præsciuit, sed non præparauit. Cum ergo peccata omnium sciat, nunquid intelligendum est ea includi in illa generalitate locutionis, quæ dixit Apostolus, omnia esse in Deo? Ex ipso, inquit, & per ipsum, & in ipso sunt omnia. Sed quis, nisi insanus dixerit mala esse in Deo? Illa enim esse in Deo intelliguntur, quæ ex ipso, & per ipsum sunt: ea vero per ipsum sunt, & ex ipso, quorum auctor est, sed non est auctor nisi bonorum. Non ergo ex ipso, & per ipsum sunt, nisi bona: ita ergo non in ipso sunt nisi bona, non ergo mala in Deo sunt: quia licet ea noscat, non tamen ita omnino noscit, ut bona. Mala ergo quasi de longe cognoscit, ut ait Propheta: & alta à longe cognoscit, id est, superbiam. Et alibi ad Deum loquens de malis ait: De absconditis tuis adimpletus est venter eorum. Quod exponens August. Abscondita, inquit, peccata sunt, quæ à lumine tuæ veritatis absconduntur. Sed quomodo peccata à lumine veritatis diuina absconduntur, cum à Deo sciuntur? Si enim non sciret, quo modo de illis iudicaret, & pro illis malos damnares? Alibi Propheta: Quia neque ab Oriente, neque ab Occidente decet. Quod exponens Cassiodorus, inquit, Neque à bonis, neque à malis decet Deus, sed omnibus præsens, & cognitor est. Cognoscit ergo Deus, & bona & mala per scientiam, sed bona cognoscit etiam per approbationem, & per beneplacitum: mala vero non. Vnde Cassiodorus super Psalmum dicit: Peccata abscondita Deo sunt, quia non nouit, id est, non approbat. Et ex eo sensu Augustinus dixit ea abscondita à lumine Dei. Qui etiam in lib. ad Heluidium insinuat cognitionem Dei varijs modis accipiendam, inquiens: † Si ad scientiam referas, non ignorat Deus aliquos, vel aliqua, qui tamen in iudicio quibusdam dicit: * Non noui vos, sed eorum improbatio, hoc verbo insinuata est. Ecce non cognoscere dicitur Deus, qui non approbat, quæ ei non placent. Apparet itaque verum esse quod diximus, scilicet quia quodam modo cognoscit Deus bona, quo non cognoscit mala. Pariter quidem utraque eodem modo noscit quantum ad notitiam, sed bona etiam approbatione, & beneplacito cognoscit.

Hic aperit quare bona tantum dicantur esse in Deo, & non mala.

Et inde est, quod bona tantum dicuntur esse in Deo non mala, & illa prope, hæc longe, quia licet in Deo aliqua dicantur esse propter cognitionis præsentiam, & Deus bona, & mala cognoscat, mala tamen non cognoscit nisi per notitiam: bona vero non solum per scientiam, sed etiam per approbationem, & beneplacitum. Et ob talem cognitionem aliqua dicuntur esse in Deo scilicet, quia ita scit, ut etiam approbet, & placeant, id est, ita scit, ut eorum sit auctor.

Quod idem est omnia esse ex Deo, & per ipsum, & in ipso.

E Proinde si diligenter inspiciamus, idem videtur esse ex Deo, & per ipsum, & in ipso. Vnde Ambrosius in 3. lib. de Spiritu sancto: Hæc tria, ex ipso, & per ipsum, & in ipso, omnia unum esse supra diximus. Cum dicit per ipsum esse omnia, non negauit in ipso esse omnia. Eandem vim habent omnia hæc, scilicet cum ipso, & in ipso, & per ipsum, & unum in his atque consimile, non contrarium intelligitur. Ecce habes, quia ex eadem intelligentia scriptura dicit esse omnia in ipso, & per ipsum, & ex ipso, & cum ipso. Cum ergo ex eadem ratione omnia dicantur esse ex Deo, vel per ipsum, non solum quia scit, sed etiam quia eorum auctor est, consequitur, ut

Lib. i. de prædest. sanctorum c. 10. in sensu Rom. 11. d

Psal. 137. b
Psal. 16. d

In Ps. 16. 10. 8.

Psal. 74.

Cassiod. super Psal. 14. circa illum versum: De absconditis tuis, &c. † Ep. 102. tom. 2. * Mat. 7. d

Ephes. 1. a
Tomo 10.
Sermo 11.
inter principium & medium sermonis.

eadem ratione ea esse in Deo dicantur, scilicet quia & eorum auctor esse dicitur, quia in illo viuimus, & mouemur, & sumus, quia eo auctore sumus, mouemur, & viuimus. Cum ergo non sit auctor nisi bonorum, merito sola bona in eo esse dicuntur, sicut ex ipso, & per ipsum. Cum ergo in eius cognitione, vel præscentia sint omnia, scilicet bona, & mala, in eo tamen non dicuntur esse nisi bona, quorum auctor est. Vnde Augustinus in lib. de natura boni: Cum audiuimus, inquit, ex Deo, & per ipsum, & in ipso esse omnia, omnes utique naturas intelligere debemus, & omnia quae naturaliter sunt. Neque enim ex ipso sunt peccata, quae naturam non seruant, sed vitiant, quae ex voluntate peccantium nascuntur omnia. Hic aperte dicitur quod illa generalitate locutionis bona tantum continentur.

Quod omnia ex Patre, & per Patrem, & in Patre sunt, ita & de Filio, & de Spiritu sancto est dicendum, licet propter personas fiat distinctio.

Præterea sciendum est, quod licet ibi indicetur distinctio personarum cum dicitur, ex ipso, & per ipsum, & in ipso, omnia tamen ex Patre, & per Patrem, & in Patre sunt. Similiter de Filio, & de Spiritu sancto accipiendum est. Vnde August. in 1. lib. de Trinitate: Non confuse, inquit, accipiendum est quod ait Apostolus, ex ipso, & per ipsum, & in ipso. Ex ipso dicens propter Patrem: per ipsum, propter Filium: in ipso, propter Spiritum sanctum. Vigilanter autem attende: ne quia Patrem volens intelligi dixit ex ipso, sic intelligas omnia esse à Patre, ut neque omnia esse ex Filio, vel ex Spiritu sancto, cum ex Patre, & per Patrem, & in Patre omnia esse sane dici possunt; similiter & de Filio, & de Spiritu sancto dicendum est.

Quod non omnia quæ ex Deo sunt, etiam de ipso sunt: sed e conuerso.

Illud etiam hic annectendum est, quod non omnia, quæ dicuntur esse ex Deo, etiam de ipso esse dici debeant. Quia, ut ait Augustinus in libro de natura boni. Non hoc significat penitus, ex ipso, quod de ipso. Quod enim de ipso est, potest dici esse ex ipso: sed non omne quod ex ipso est, potest dici esse de ipso, quia non est de sua substantia. Et ex ipso enim sunt cælum, & terra, quia ipse fecit ea: non autem de ipso, quia non de substantia sua. Sicut aliquis homo si generat Filium, & faciat domum, & ex ipso est Filius, & ex ipso est & domus: sed Filius de ipso, domus vero de terra, & ligno, non de se ipso.

Quæ dicta sunt summatim colligit.

Ex præmissis apertum est, quod in Dei cognitione, siue præscentia sunt omnia, scilicet bona, & mala, sed non omni modo sunt ibi mala, quia bona: & quod in Deo bona tantum sunt, sicut ex ipso, & per ipsum, non mala. Et ex quo sensu hæc accipienda sint assignatum est. Et quod de ipso non dicitur esse proprie, quod aliud est ab ipso. Ex ipso autem esse dicuntur omnia, quæ eo auctore sunt.



DISTINCT. XXXVI.

Quo modo res sint in Deo.

Solet hic quæri cum omnia dicantur esse in Dei cognitione.

Expositio textus.

Supra egit Magister de cognitione Dei, quia cognoscit creata omnia. Et quoniam cognitum dicitur esse in cognoscente: ideo determinat hic modum quo modo res sunt in Deo. Et quoniam res creatæ non tantum dicuntur esse in Deo, sed etiam ex Deo, & per Deum: ideo primo agit de existentia rerum in Deo; secundo vero comparat ad alias habitudines, scilicet ex ipso, & per ipsum, ibi: Proinde si diligenter inspiciamus. Prima pars habet duas. In prima ostendit qualiter res dicantur esse in Deo à parte eius in quo sunt, vtrum scilicet sint in Dei essentia sicut sunt in Dei præscentia. In secunda qualiter dicantur esse in Deo à parte ipsarum rerum, ibi: Post prædicta queritur, cum omnia dicantur esse in Deo, vbi querit, vtrum mala sint in Deo, & soluit quod non. Quilibet harum partium potest diuidi: quoniam primo querit, & opponit, & postmodum determinat, & partes manifestæ sunt in littera. Secunda quoque pars, in qua comparat hoc quod esse in Deo ad alias habitudines importatas per alias præpositiones, habet quatuor partes. In prima ostendit horum trium conuenientiam. In secunda, differentiam, & appropriationem, ibi: Præterea sciendum est. In tertia differentiam eius quod dicitur de ipso ad hoc quod dicitur ex ipso ostendit, ibi: Illud etiam hic annectendum. In quarta breuiter prædicta epilogat, ibi: Ex præmissis apertum est. Et hæc pars potest diuidi contra totam præcedentem. Intellectus partium patet in littera.

Dei cognitio eius utique essentia est, nec tamen omnia, quæ sunt in cognitione, &c. sunt in eius essentia.

Dub. 1.

Videtur hic male dicere, quia hoc argumentum videtur esse necessarium, si aliqua duo sunt omnino eadem, si aliquid est in vno, & in alio. Si dicas quod differunt penes connotata, videtur falsum, quia Dei præscentia non connotat. Vel si dicas quod præscentia connotat, obiicitur de hoc nomine Deus, quod non connotat, & tamen dicuntur omnia esse in Deo: ergo pari ratione, & in essentia. Præterea contra Magistrum videtur esse verbum Anselmi in Monolog. quod creatura in Creatore est creatrix essentia: ergo videtur quod vere sint in Dei essentia.

RESP. Dicendum, quod hæc præpositio, in, aliquando notat inhærentiam, vt si dicatur accidens in subiecto. Aliquando notat identitatem, vt si dicatur, idem rerum sunt in Deo, quoniam sunt Deus, non à Deo. Aliquando notat causalitatem, vt si dicatur, creaturæ sunt in ipso Deo. Et potest hæc præpositio, in, dici secundum quatuor genera causarum: sed in Deo non dicitur nisi secundum tria. Quoniam ergo causa dicit respectum ad creaturam secundum rationem intelligendi: ideo hæc præpositio, in, secundum quod dicit causalitatem, non additur nisi terminis dicentibus respectum ad creaturam. Et quoniam nomen substantiæ, vel naturæ, vel essentia non dicit respectum: ideo si dicatur: Creaturæ sunt in Dei substantia, hæc præpositio, in, aut notat identitatem, aut inhærentiam, quorum vtrumque falsum est: & ideo tales locutiones non recipiuntur, & in illo argumento est sophisma secundum accidens: ideo dicit Magister quod non valet: quamuis enim idem sint re, differunt tamen in modo significandi, & intelligendi, Ad illud quod obiicitur quod Deus non dicit respectum,

dicendum

Damas.
li. 1. de fide
vrb. c. 12.

Aug. lib. 5.
de Gen. ad
lit. c. 18.
103. & in
p. 49. 10. 8.

dicendum quod falsum est, quia imponitur ab actu quæ habet ad creaturam, sicut dicit Damascenus. Vnde bene dicitur: Deus creaturarum. Ad illud quod obiicitur quod creatura in Creatore est creatrix essentia, dicendum quod creaturam in Creatore esse, est ideam, vel similitudinem eius apud Deum esse: & Anselmus vult dicere, quod similitudo illa est creatrix essentia, non quod illa creatura sit essentia: vnde bene concedendum, quod ideæ rerum sunt in diuina essentia, quia, in, notat identitatem, & vere: sed hoc non potest dici de creatura secundum esse quod habet in proprio genere.

Illæ enim esse in Deo intelliguntur, quæ ex ipso, & per ipsum sunt. Dub. II.

Videtur male dicere, quia cum talia non sint nisi præsentia: ergo in Deo non sunt nisi ea quæ præsentia liter existunt, quod est manifeste falsum, & contra Augustinū qui dicit, quod res sunt in Deo ab æterno. Si dicas, quod accipit esse in Deo, vt in conseruante, quia sic accipit Apostolus in præfata auctoritate: Ex ipso, & per ipsum, & in ipso: tunc nihil facit ad propositum, quia Magister accipit, esse in, secundum quod dicuntur res esse in Deo æternaliter. Si tu dicas, quod res actualiter sunt ex Deo, vel per Deum ex tempore, sed habitualiter ab æterno: tunc quæto qualiter actualiter sunt in Deo ab æterno, & non ex Deo, vel per Deum.

RESP. Dicendum, quod esse ex Deo, vel per Deum, potest accipi, vel secundum aptitudinem, vel secundum actum, vel secundum habitum. Si secundum actum, sic prædicta auctoritas non est intelligenda præcise, quod illa sola sint in Deo, quæ sunt ex Deo, vel per Deum, quia multa Deus cognoscit, quæ sunt in Deo, quæ tamen non sunt ex ipso, nec per ipsum, nec erunt. Potest iterum accipi secundum habitum, & sic adhuc non est intelligenda præcise, quia multa Deus cognoscit, & potest facere, quæ non faciet, & tamen sunt in ipso, nec vnquam erunt ex ipso, nec per ipsum. Potest iterum intelligi, secundum aptitudinem, & tunc præcise habet veritatem, quia nihil est in Deo, nisi sit aptum esse ex ipso & per ipsum, & sic valet ad propositum, & sic intelligit Magister, & per hoc excluduntur mala, quia Deus non potest facere mala, nec mala possunt esse ex ipso, nec per ipsum. Quod quæritur, quare non dicuntur res æternaliter esse ex Deo, &c. Dicendum quod non est simile, quia aliæ præpositiones significant per modum fieri, & motus & actus, sed hæc præpositio, in, per modum quietis. Et quoniam Deus nō fecit nisi ex tempore, nec fuit causa actualiter causans nisi ex tempore, licet habitualiter ab æterno: ideo magis dicuntur res æternaliter in Deo, quam ex Deo.

Mala non sunt in Deo: & paulo post subiungit: bona cognoscit etiam per approbationem, & per beneplacitum: mala vero non, supple cognoscit Deus per approbationem. Dub. III.

Videtur male dicere, quia approbatio respicit voluntatem: sed esse in Deo respicit ab æterno exemplaritatē: ergo notitia approbationis nihil ad hoc facit. Item Magister videtur insufficiens in diuisione diuinæ cognitionis, quia sicut bona cognoscuntur notitia approbationis, ita mala notitia reprobationis. Item approbatio aut nihil, aut aliquid addit supra notitiam simpliciter, aut non. Et si non: ergo non est in Deo distinguere notitiam, & notitiam approbationis. Item si nihil addit, ergo sicut sunt in Deo, quæ cognoscit approbando, ita etiam illa quæ cognoscit simpliciter. Si aliquid addit: ergo videtur, quod diuina notitia sit composita. Si dicas, quod addit secundum intellectum, sed intellectus noster non facit res esse in Deo: ergo nec notitia approbationis.

RESP. Dicendum quod approbatio supra cognitionem, secundum intellectum addit beneplacitum voluntatis: hic autem beneplacitum connotat bonitatem in Deo respectu cuius est, quia Deo non placet nisi bonum, & ef-

se bonum in quantum huiusmodi Deo simile est: si ergo idea dicit rationem cognoscendi secundum assimilationem, omnia quæ Deus cognoscit notitia approbationis, sunt in ipso. Sed notandum quod approbatio potest connotare bonitatem in actu, & sic non est præcise verum, quod omne quod est in Deo, sit cognitum notitia approbationis. Potest iterum connotare bonitatem in potentia, sicut exemplar connotat reientitatem, non quia sit: sed quia Deus potest eam facere, & sic nihil est in Deo nisi quod cognoscit notitia approbationis, quia sic cognoscit omne bonum quod est, vel quod potest facere, & illius habet exemplar, & ideo illud tantum est in Deo. Quod ergo obiicitur quod voluntas non facit quod sint in Deo. Dicendum quod hoc non est, quia voluntas in actu, sed quia Deus nihil potest facere quod non approbet tamquam bonum: vnde approbatio totius dicit ibi iudicium rationis, quam affectum voluntatis. Quod quæritur, si addit. Dicendum quod addit à parte nostri intellectus, & à parte connotati, à parte ipsius Dei non. Non sic autem addit reprobatio: ideo Magister non ponit notitiam reprobationis pro membro.

Eandem vim habent omnia hæc, scilicet ex ipso, & in ipso, & per ipsum. Dub. IV.

Obiicitur contra hæc Ambrosii verba, quod si habent eandem vim: ergo videtur hic esse inculcatio verborum. Item aut accipitur esse in ipso sicut in exemplari, aut sicut in causa conseruante. Si tamquam in exemplari, constat quod aliud est esse in ipso, & ex ipso, sicut præostensum est. Si tamquam in conseruante, adhuc est aliud produci, aliud conseruari. Item, si eandem vim habent, sicut ex ipso appropriatur Patri, ita potest appropriari filio, & similiter Patri erit appropriare in ipso.

RESPOND. Dicendum quod est loqui de illis tribus circumlocutionibus quantum ad illud quod significant, aut quantum ad ordinem quem connotant. Si loquamur quantum ad illud quod significant, sic omnia dicuntur esse ex Deo, tamquam ex principio primo non aliunde moto. Omnia dicuntur esse per Deum, tamquam per principium sufficientissimum, quod omnia agit per seipsum. Omnia dicuntur esse in Deo, tamquam in principio infinito, quod nō potest facere aliquod extra se, sed omnia ambit eius virtus, & in his tribus circumlocutionibus significatur quod Deus est principium primum, & sufficientissimum, & infinitissimum. Et quia omnia hæc in Deo sunt vnum, & conueniunt tribus: ideo quantum ad significatum dicit Ambrosius quod habent eandem vim, nec tamen est inculcatio, quia diuersimode important secundum rationem intelligendi. Si autem loquamur quantum ad ordinem quem connotant præpositionum habitudines, sic sunt appropriatæ tribus. Quia ex ipso, dicit rationem primi: & per ipsum, dicit rationem medii: & in ipso, dicit rationem vltimi, siue quietatiui. Et ideo, ex ipso, appropriatur personæ Patris, quæ est prima in Trinitate: per ipsum, appropriatur filio quæ est persona media: & in ipso, Spiritui sancto qui est persona tertia. Ex his patent obiecta.

ARTICVLVS I.

AD intelligentiam huius partis quæritur de existentia rerū in Deo, & circa hoc tria principaliter quærentur Primo vtrum creaturæ fuerint in Deo æternaliter. Secundo quæritur de modo existendi ipsarum rerum in Deo. Tertio quantum ad generalitatem rerum in Deo existentium, vtrum scilicet omnia quæ Deus præcognoscit, fuerint & sint in Deo. Ita quod primo de existentia. Secundo de modo. Et tertio de numero. Quantum ergo ad primum articulum duo quærentur. Primo quæritur, vtrum res fuerint in Deo ab æterno. Secundo vtrum sint in Deo ratione essentiae, vel personæ.

* *

QVA-

QVÆSTIO I.

*An res fuerint in Deo ab æterno.**Alex. Alensis 1. p. q. 23. Membro 4. art. 1. §. 6.**S. Thom. 1. p. q. 14. art. 1.**Et de Ver. q. 3. art. 1.**Scot. 1. Sent. dist. 36. q. 1.**Egid. Rom. 1. Sent. dist. 35. q. 3.**Richardus 1. Sent. dist. 35. q. 4.**Durandus 1. Sent. dist. 36. q. 2.**Steph. Brulef. 1. Sent. dist. 36. q. 1.*

Fundamenta.

QUOD res fuerint in Deo ab æterno, videtur quia agens cognoscens agit per speciem rei quam penes se habet: sed res est in anima, quia similitudo eius est in ea: ergo & in Deo similiter. Si dicas quod illud exemplar nihil est rei: ergo secundum illud non deberet dici res esse in Deo. Contra: Plus facit ad esse rei exemplar, quod est cognitivum & productivum, quam quod est productum a re: si ergo ratione exemplaris producti a re, res est in anima, multo fortius debet dici in Deo esse ratione exemplaris producentis, sed hoc ab æterno: ergo, &c.

ITEM similitudo producta non est vere aliquid, sed aliquid: sed exemplar per quod cognoscit Deus vere est ipse Deus: ergo verius est exemplar rei in Deo quam in anima: ergo multo fortius res in Deo quam in anima, & sic, &c.

ITEM quia res potest exire de materia, res est in materia, & tamen non taliter est in potentia materiae, imo agentis: ergo si res quæ sunt in potentia Dei totaliter ibi sunt, multo fortius debent dici esse in ipso, sic, &c.

Ad oppositum.

1. CONTRA: Quod exit per creationem, omnino nihil est antequam creetur: sed creaturæ sic exeunt: ergo omnino nihil sunt antequam producantur: sed quod non est, nec est hic, nec ibi: ergo non est in aliquo, & ita nec in Deo.

2. ITEM quod est in aliquo, est in illo vel secundum se, vel secundum aliquid suum: sed res non est in Deo secundum se, quia tunc essentialiter esset in Deo: nec secundum aliquid sui, quia nihil de ipsa est æternum, sed totum ex tempore: ergo, &c.

3. ITEM quod est in aliquo, est in illo secundum esse actuale vel potentiale: sed creatura non est in Deo secundum esse actuale, quia tunc actu esset: ergo si est in Deo, est secundum esse potentiale: sed omne esse potentiale secundum quod huiusmodi, est permutabile: si ergo creatura ab æterno est in Deo secundum esse potentiale, ab æterno est in Deo secundum esse mutabile: sed hoc est falsum, ergo & primum.

4. ITEM si creatura dicitur esse in Deo, quia potest esse a Deo: ergo cum ab æterno esse a Deo sit impossibile, non erit creatura ab æterno in Deo ratione potentiae.

CONCLUSIO.

Res sunt in Deo ab æterno secundum similitudinis præsentiam, atque secundum causativam potentiam, licet non secundum realem existentiam.

RESP. ad Arg. Dicendum quod aliquid dicitur esse in aliquo tripliciter, vel secundum actualem existentiam, vel secundum similitudinis præsentiam, vel secundum causativam potentiam. Primo modo sunt res in universo. Secundo modo in cognitiva substantia. Terrio modo in sua causa. His duobus modis ultimis res sunt in Deo, quia est cognoscens res antequam fiant, & potens producere. Vnde quia ab æterno cognoscit, & potentia qua produxit ex tempore, in Deo fuit ab æterno, ideo dicuntur res fuisse in Deo ab æterno.

1. AD illud quod obiicitur: Quod nihil est, non est in

A aliquo. Dicendum quod verum est secundum primum modum existendi, sed falsum secundum secundum, & secundum tertium: quia illud quod nihil est modo, Deus potest facere.

2. AD illud quod obiicitur quod illud quod est in aliquo est in illo secundum se, &c. Dicendum quod quantum ad secundum modum res sunt in Deo secundum aliquid sui, quia secundum exemplar. Sed aliquid rei potest dici tripliciter, scilicet essentialiter, effectue, & causative, scilicet sicut pars, effectus, & causa. Hoc tertio modo est illud exemplar aliquid rei, videlicet ut causa, scilicet quantum ad tertium modum scilicet potentia causativam, est res secundum se non in actu, sed potentia, quia suum esse potest produci a Deo. Similiter ad sequens, dicendum quod ratione exemplaritatis res actualiter sunt in Deo: ratione creationis, potentialiter, quia possunt produci.

3. QVOD obiicitur: Quod est in Deo est immutabile, dicendum quod hoc est verum de eo quod est actu in Deo: sed quod potest produci a Deo est mutabile. Vel dicendum quod potentia se habet per comparisonem ad divinam potentiam quæ est immutabilis, & sic est immutabile. Vel ad connotatum temporale extra, & sic habet esse mutabile.

4. AD illud quod obiicitur de creatione, dicendum quod quamvis actus creandi non potuerit esse ab æterno, tamen potentia creandi fuit in Deo ab æterno.

QVÆSTIO II.

*An res ratione essentiae, vel personae sint in Deo.**S. Thom. 1. p. q. 14. art. 6.**Et 1. Sent. dist. 35. q. 1. art. 3.**Et dist. 36. q. 1. art. 1.**Et de Veris. q. 2. art. 4.**Steph. Brulef. 1. Sent. dist. 36. q. 2.*

VTRUM res sint in Deo ratione essentiae, vel personae. Et quod ratione essentiae videtur, quia quod inest ratione personae est proprium: quod inest ratione essentiae, est commune: si ergo hoc est commune tribus, patet, &c. Præterea res in Deo sunt ratione exemplaritatis, sed exemplar creaturæ in Deo est divina essentia, quia Deus seipso producit & cognoscit: ergo, &c.

ITEM regula est, quod quicquid de Deo dicitur in relatione ad creaturam, est essentialiter dictum: sed res esse in Deo est taliter dictum: ergo, &c.

1. CONTRA quod ratione personae videtur, quia res sunt in Deo in quantum possunt ab ipso exire: sed producere cum sit actus, est ipsius suppositi: ergo personae.

2. ITEM sicut dicit Augustinus: Verbum dicitur operativam potentiam: si ergo res sunt in Deo ratione potentiae operativae, sunt in eo ratione verbi: ergo cum verbum sit persona, sunt in Deo ratione personae.

3. ITEM Augustinus dicit quod cum dicitur: Dixit, ut fiat, intelligitur Pater in verbo dicendi Filius, in visione Spiritus sanctus: ergo cum eius sit producere in quo sunt: pater ergo quod sunt ratione personae.

CONCLUSIO.

Res sunt in Deo non ratione essentiae, nec ratione personae, sed sunt in Deo, ut in causa.

RESP. ad Arg. Dicendum quod in divinis est considerare essentiam, quæ est communis ut communis, & absoluta: est considerare proprietates, & est considerare commune ut in relatione ad propria. Primum dicitur in omnimoda absolutione, secundum scilicet proprietates dicit relationem ad personam: tertium dicit relationem ad res, & illa appropriata significant Deum ut causam. Cum ergo quaeritur, utrum res sint in Deo ratione essentiae, vel personae, dicendum quod proprie loquendo nec

Fundamenta.

Ad oppositum.

Aug. lib. 23. q. 64. 10. 1.

Aug. lib. 11. de civ. Dei. c. 24. 10. 3.

do nec sic, nec sic, sed sunt in Deo ut in causa, & sic ratione appropriatorum, quæ sunt essentialia considerata in personis. Cum ergo obiicitur quod sunt in essentia, dicendum quod illæ rationes concludunt quod sunt in essentia communiter dicta, secundum quod comprehendit appropriata, non secundum quod in omnimoda absolute consideratione consideratur.

1. 2. 3. Quid obiicitur ad oppositum non concludit de persona ratione propriorum, sed ratione appropriatorum.

ARTICVLVS II.

Consequenter quantum ad secundum articulum queritur de modo existentie rerum in Deo, & circa hoc queruntur duo. Primo queritur, utrum omnia quæ sunt in Deo sint in ipso vita. Secundo queritur, utrum res verius sint in Deo quam in vniuerso, siue in proprio genere.

QVÆSTIO I.

An omnia sint vita in Deo.

Alexand. Alex. 1. p. q. 23. Memb. 4. art. 1. §. 4.

S. Tho. 1. p. q. 18. art. 4.

Et de Veris. q. 4. art. 8.

Steph. Brulef. 1. Sent. dist. 35. q. 3.

Quod omnia sint in Deo vita, videtur: Quod factum est, in ipso vita erat: sed omnis creatura est facta: ergo omnis creatura est in ipso vita.

ITEM Augustinus super Genesim ad litteram: Omnia dicuntur in ipso fuisse vita, non in sua natura, quia omnia nouerat antequam fierent.

ITEM ratione videtur, quia diuina essentia est vita: ergo quod diuina essentia est, etiam vita est: sed creatura in Deo est diuina essentia: quia quidquid est in Deo est Deus: ergo est vita, & hoc est quod dicit Anselmus in Monolog. quod creatura in Deo creatrix est essentia.

ITEM intelligere est vna differentia eius quod est viuere, cum viuere dicatur quadrupliciter secundum Philosophum: si ergo intelligere est viuere, omnis ratio intelligendi est ratio viuendi: sed res sunt in Deo secundum suas rationes intelligendi, ergo sunt in Deo viuentes: sed non per participationem, ergo sunt vita simpliciter.

1. CONTRA: In ipso viuimus, mouemur, & sumus. Ergo si quia viuimus, sumus in Deo vita: ergo & quia mouemur, sumus in eo motus: sed hoc non dicitur: ergo nec illud debet dici.

2. ITEM si res dicuntur in Deo vita, aut ergo ratione potentie, aut notitie, aut voluntatis. Non ratione potentie, quia res ex hoc quod potest produci per creationem, antequam producat nihil omnino est, quia secundum totum producit: si nihil est, ergo nec vita. Nec ratione notitie, quia tunc cum mala sint à Deo cognita, tunc mala essent in Deo vita, quod absurdum est. Nec ratione voluntatis, cum voluntas Dei non sit nisi futurorum: sic enim sola futura viuerent in Deo: sed alia quam futura sunt in Deo per ideam: ergo non omne quod est in Deo, est in ipso vita.

3. ITEM hoc videtur, quia exemplar æternum repræsentat res expressissime secundum quod sunt, & ab ipso exeunt: ergo cum quædam viuant, quædam non, quædam repræsentat per modum viuentiū, quædam per modum non viuentiū: ergo quædam sunt in Deo vita, quædam non.

4. RATIONE huius queritur, quare magis dicuntur res esse in Deo vita, quam sapientia, vel essentia, vel intelligentia.

CONCLUSIO.

Quia res sunt in Deo tamquam in exemplari, propterea quæcumque in ipso sunt, vita in eo sunt.

Ad arg. hoc voluerunt quidam dicere quod non om-

nia quæ dicuntur esse in Deo, sunt in illo vita, sed ea solum quæ sic sunt in Deo ut disposita fieri. Et ratio huius est, quoniam verbum, & ita dicunt actum, vel dispositionem, & ideo dicit Anselmus: Quoniam verbum non est nisi eorum quæ sunt, vel futura sunt: & ideo ea solum sunt in Deo vita. Et ideo dicunt quod ad rationem dicendi vitam concurrat necessarium, quod res sint in Deo quantum ad potentiam, notitiam, & voluntatem producendi. Sed hoc non potest stare secundum Augustinum: Filius enim, ut ipse dicit lib. de Trinitate, est ars plena omnium rationum viuentium, sed constat quod non impletur nisi rationibus infinitis: ergo infinitæ rationes rerum viuunt in Deo: ergo non solum præsentium, vel futurorum, sed etiam omnium possibilem. Et iterum Augustinus dicit quod ratio est etiam, si nunquam aliquid per illam fiat, sed constat quod ratio in mente artificis viuunt, non quia res extra producit, viuunt enim etiam si res corrumpatur, & exterius esse, omnino nihil facit ad vitam. Et ideo patet quare non solum præsentia vel futura viuunt in Deo. Et propterea aliter dicendum, quod res tripliciter sunt in Deo, videlicet, ut in principio producente, & sic sunt ibi ratione potentie. Ut in exemplari exprimente, & sic sunt ibi ratione notitie. Et ut in fine conseruante, & sic sunt ibi ratione voluntatis. Primo modo quia sunt in Deo sicut in principio producente, cum totum ex nihilo producat Deus, nihil omnino sunt in Deo, nec vita, nec aliquid. Quia vero sunt in Deo tamquam in fine conseruante, cum conseruentur secundum esse quod habent, sic sunt quædam vita, quædam non. Vnde quædam sunt tantum, quædam sunt & mouentur, quædam (ut homines) & sunt & mouentur, & viuunt. Quia vero sunt in Deo ut in exemplari exprimente, sic sunt in ipso vita. Et quia non solum in illo exemplari exprimentur entia, sed entia omnia cognoscibilia, ideo omnia sunt in Deo vita quæ in ipso sunt. Et ideo dicit beatus Ioannes: Quod factum est, in ipso vita erat. Et sic patet quod esse in Deo attenditur secundum triplex genus causæ: & similiter patet, quo modo ratione potentie, & notitie, & voluntatis. Et sic soluitur illa quæstio secundum quod genus causæ, vel secundum quam trium conditionum dicuntur res esse in Deo. Patet etiam quod in Deo dicuntur vita, omnia quæ sunt in ipso, tamquam in exemplari.

1. Ad illud ergo quod obiicitur quod in Deo mouemur, &c. intelligendum est quantum ad tertium modum essendi in Deo, scilicet per conseruationem. Deus enim conseruat in nobis vitam, & operationem, & essentiam: & quantum ad hoc intelligitur dictum illud verbum.

2. Ad illud quod obiicitur, cuius ratione res dicuntur in Deo vita, &c. Dicendum quod ratione potentie, & notitie simul: quia ista duo concurrunt ad rationem exemplaris: non enim est exemplar Deus nisi eorum quæ cognoscit, & potest.

3. Ad illud quod obiicitur, quod res in illo exemplari repræsentantur ut sunt. Dicendum quod verum est: tamen non oportet quod ratio repræsentationis sit talis omnino quale est repræsentatum, sicut supra ostensum est: & ideo sicut corporalium est idea spiritalis, ita non viuentium viuens.

4. Ad illud quod ultimo queritur, quare magis dicuntur res esse in Deo vita quam alia. Dicendum quod quævis prædictum verbum multas habeat expositiones, quo dicitur: Quod factum est, in ipso vita erat: tamen specialiter circa hoc verbum consideranda est veritas dicti, & ratio dicendi. Veritas dicti ut dicit Augustinus, est quod omnes res factæ à Deo, vel etiam possibile fieri, habent rationes per quas intelliguntur: quæ quidem rationes viuere dicuntur, quia sunt in substantia viuente secundum quod viuens: & sunt etiam ratio intelligendi qui est actus vitæ: & ideo in artifice creato dicuntur viuere, sed in Deo non tantum dicuntur viuere, sed etiam ipsa vita, quia ipsa ratio cognoscendi est ipsa intelligentia. Ratio autem dicendi fuit hæc: Cum enim res habeant esse in Deo, & in vniuerso, & diuersimode: quia aliquas proprietates habent

Opinio aliorum.

Improbatio.

Aug. lib. 6. de Trinit. cap. 10. August. li. 83. q. 9. 40. rom. 4.

104.1.6

Consensit S. Thom. hoc art. 2. q. 1.

Lib. 83. q. 9. 40. 10. 4.

habent secundum existentias in mundo, quæ non competunt eis secundum quod sunt in Deo: ideo non solum dixit: Quod factum est, in ipso erat: sed vita, ut omnes illæ conditiones excluderentur. Creaturæ enim in mundo habent esse corporale, variabile, & corruptibile. Quoniam enim vita est actus spiritualis, & continuus fluens ab ente quieto & sempiterno, dictum est quod res sunt in Deo vita, ut per spiritualitatem excludatur corporeitas, per quietem variabilitas, per sempiternitatem corruptibilitas.

QVÆSTIO II.

An res verius esse habeant in Deo, quam in proprio genere.

*S. Tho. 1. p. q. 14. art. 5.
Et 1. Sent. dist. 35. q. 1. art. 2.
Et de verit. q. 2. art. 4.
Egid. Rom. 1. Sent. dist. 35. q. 3.
Richardus 1. Sent. dist. 35. q. 3.
Steph. Brulef. 1. Sent. dist. 36. q. 4.
Petrus de Tarantaf. 1. Sent. dist. 36. q. 4.*

Ad oppositum.
Aug. lib. 5. cap. 15.

Aristot. 2. Metaph. conseq. 4.

Lib. 3. de anima cō- seq. 4.

Funda-
menta.

Vtrum res sint in Deo verius quam in vniuerso siue in proprio genere. Et quod verius sint in Deo, videtur per Augustinum super Genesim ad litteram: Omnia prius quam fierent erant in notitia facientis: & utique ibi veriora, vbi æterna, & incommutabilia.

1. **I**TEM vnumquodque sicut se habet ad esse, ita ad cognitionem: sed creaturæ verius cognoscuntur in Deo, quam in proprio genere: ergo & verius sunt in Deo.

3. **I**TEM omne quod est in aliquo, est in eo per modum eius in quo est: sed Deus est in infinitum nobilior mundo: ergo in infinitum nobiliori & veriori modo sunt res in Deo, quam in vniuerso.

4. **I**TEM nobilior & verius est esse vitæ quam non viuientis: sed omnia viuunt in Deo, ut supra monstratum est: non autem in genere proprio: ergo, &c.

CONTRA: Verius est res vbi est simpliciter, quam vbi est solum secundum quid: sed in Deo solum dicitur esse secundum quid, quia non sequitur: alius est in Deo, ergo alius est: sed in proprio genere sunt simpliciter: ergo verius.

ITEM verius est res, vbi est secundum principia intrinseca & proxima, quam vbi est in principio extrinseco, & remoto: sed res in mundo sunt secundum principia intrinseca, in Deo autem ut in principio extrinseco: ergo, &c.

ITEM verius est res vbi est secundum propriam entitatem, quam vbi solum secundum similitudinem: sed in Deo est homo & lapis, & alia secundum similitudinem: ergo, &c.

C O N C L U S I O.

Res si comparentur ad seipsas secundum diuersum modum existendi, habent verius esse in proprio genere quam in cognoscente: si vero conferantur cum sua similitudine qua in Deo est, tunc similitudo verius habet esse quam ipsa res in mundo.

RESP. Dicendum quod triplex est existentia rerum, scilicet in exemplari æterno, & in intellectu creato, & in ipso mundo. In exemplari æterno, & in intellectu creato sunt res secundum similitudinem. In ipso mundo secundum entitatem propriam. Quando ergo queritur, in quo sint verius, hoc dupliciter potest queri, aut ita quod fiat comparatio eiusdem rei ad se secundum diuersum modum existendi, ut sit sensus, ut lapis verius habet esse, vel cum est in cognoscente, vel producente, vel cum est in se, & hoc modo concedendum est quod verius est vtriusque res in proprio genere quam in Deo, sicut pro-

Abant rationes ad hoc inductæ. Alio modo potest fieri comparatio rei ad suam similitudinem, ut sit sensus questionis, quid habet esse verius & nobilior, vtrum ipsa res, vel eius similitudo: & hoc modo simpliciter concedendum quod similitudo rei verius & nobilior esse habet in Deo, quam ipsa res in mundo ratione eius quod est, quia est ipse Deus, & concedendæ sunt rationes ad hoc inductæ. Adhuc similitudines rerum in intellectu creato verius & nobilior habent esse, quam res in vniuerso, ut dicit August. in lib. de Trinit. non ratione eius quod sunt, sed ratione eius in quo, quia sunt nobiliori & spiritualiori modo similitudines in intellectu cognoscente, quam sint ipsæ res in mundo contentæ. Et sic patent rationes ad vtramque partem.

2. Tamen ad illud argumentum quod fit de comparatione esse ad cognoscere. Dicendum quod illud generaliter intellectum quod res ibi est verius, vbi verius cognoscitur, non habet veritatem. Contingit enim cognoscere quod non est. Et ideo sicut ad cognosci non sequitur esse, ita nec ad vere cognosci, vere esse: nec ad verius cognosci, verius esse. Quando ergo dicitur quod vnumquodque sicut se habet ad esse, ita ad cognitionem, hoc intelligitur, quia eadem principia quæ sunt principia essendi, sunt etiam principia cognoscendi: sed tamen principia conferunt esse per seipsa: sed cognitionem non conferunt per se, sed per suas similitudines.

A R T I C V L V S III.

Tertio loco est questio de tertio articulo scilicet generalitate existente rerum in Deo, & circa hoc queruntur duo. Primo queritur, vtrum mala sint in Deo. Secundo vtrum in Deo sint imperfecta secundum quod huiusmodi.

QVÆSTIO I.

An mala sint in Deo.

*S. Thom. 1. p. q. 15. art. 3.
Et de Verit. q. 3. art. 4.
Egid. Rom. 1. Sent. dist. 36. p. 2. q. 4.
Henricus Quod. 7. q. 1.
Richard. 1. Sentent. dist. 36. q. 2.
Steph. Brulef. 1. Sent. dist. 36. q. 5.
Petrus de Tarantaf. 1. Sent. dist. 36. q. 8.*

Quod mala non sint in Deo, videtur per Augustinum de li. ar. In tantum res recte vituperantur, in quantum earum vituperator artem, in qua facta sunt, videt, ut hoc in eis vituperet quod in arte non videt. Si ergo vituperantur quantum ad malitiam, siue in quantum mala, & hoc modo non videntur in Deo: ergo hoc modo non sunt in Deo.

ITEM omne quod est in Deo, est ex ipso & per ipsum, ut dicit Augustinus, & Magister in littera: sed mala nunquam sunt ex Deo, nec per Deum: ergo nec in Deo.

ITEM omne quod est in Deo, aut est sicut in principio producente, aut sicut in exemplari exprimente, aut sicut in conseruante: sed constans est quod Deus non est principium producens mala, nec etiam conseruans.

ITEM non est exemplar exprimens, quia ratio exemplaris attenditur secundum assimilationem: sed Dei ad malum nulla est assimilatio: ergo mala nullo modo sunt in Deo.

ITEM quanto aliquid melius est, tanto magis distat à malo: sed Deus est optimus, quo nihil melius potest cogitari: ergo tanta distantia differt, quanta nulla maior potest cogitari: sed magis distat à malo quod nec habet veritatem malitiam, nec similitudinem, quam quod habet saltem similitudinem, & in quo nullo modo est malum, quam in quo, aliquo modo est: ergo, &c.

1. **C**ONTRA: Omne quod cognoscitur ab aliquo qui est sua cognitio, est in illo tamquam in cognoscente: sed Deus cognoscit mala, quia ea punit & reprobatur, &

Deus

*Idem ha-
ber S. Tho.
de verit.
q. 4. art. 6.
Et 1. p. q.
15. art. 4.
ad 3.*

Funda-
menta.
*Lib. 3. de li.
arb. c. 15.
in princip.
10. 1.*

*Aug. li. 1. de
predest.
sanct. c. 10.
rom. 7.*

Ad oppo-
situm.

Deus est sua cognitio : ergo mala sunt in Deo. Minor patet, maior similiter, quia omne cognitum est in cognitione : si ergo idem est cognitio & cognoscens : ergo si est in cognitione, & in cognoscente.

2. ITEM omne quod cognoscitur in aliquo, est in illo in quo cognoscitur : sed mala cognoscuntur in Deo : ergo sunt in Deo. Probatio minoris. Mala cognoscuntur à Deo, constat, aut intra se, aut extra. Non extra, hoc constat, quia diuinus aspectus non exit extra, tunc enim indigeret alio ad cognoscendum. Restat ergo quod intra se, & iterum Angeli cognoscunt mala in Deo. Vnde Augustinus super Genesim ad litteram : Angeli vident in illo bona nostra quæ eis placent, & mala nostra quæ eis displicent.

3. ITEM omne quod cognoscitur in aliquo, & non per accidens, est aliquo modo in illo sicut in exemplari : sed mala cognoscuntur à Deo, sed non per accidens, quia nihil per accidens cognoscit, sed omnia per se : ergo mala sunt in Deo.

4. ITEM omne quod cognoscitur ab aliquo non per priuationem, cognoscitur per similitudinem, & ideam : sed in Deo non cadit cognitio per priuationem, quia nulla potest in illo exemplari esse priuatio, cum sit purus actus : ergo si cognoscit mala, non cognoscit per priuationem, sed per similitudinem : sed similitudo est idea in Deo : ergo mala habent ideam in Deo.

CONCLUSIO.

Licet Deus mala cognoscat, ipsa tamen non sunt in Deo, atque ob id potissimum, quod eum causam non habeant exemplarem.

RESP. ad Arg. Dicendum quod mala à Deo cognoscuntur, non tamen in Deo existunt secundum quod mala, quia sic loquimur in proposito. Ideo, inquam, cognoscuntur, quia sicut rectum est iudex sui & obliqui, sic summa veritas, & lux, & actus est ratio cognoscendi non tantum veritatem & lucem & actum, sed etiam obliquitatem tenebram & priuationem. Vnde lux seipsa tenebram cognoscit. Non sunt autem mala in Deo, quoniam illa dicuntur esse in Deo ad quæ cooperatur Deus secundum aliquod genus causæ, & maxime secundum genus causæ formalis, & exemplaris : malum autem non habet Deum pro causâ formali, & pro exemplari : quia malum ratione malitiæ dicit solum priuationem, exemplar autem secundum quod huiusmodi dicit assimilationem. Hinc est quod nec malum nec falsitas habet ideam in Deo : suum autem oppositum est assimilabile. Vnde cum vno & eodem cognoscat Deus bonum & malum sibi oppositum, bonum cognoscit secundum rationem assimilationis : & ideo bonum est in Deo ut in exemplari, & ut cognitum per se, & per modum positionis. Malum autem cum cognoscatur à Deo, non habet in ipso ideam, ideo non est in Deo, quamuis sit in Dei cognitione, quia quamuis cognoscatur à Deo, non tamen cognoscitur per ideam sui, sed boni cuius est priuatio : & ideo dicitur cognosci per accidens & per priuationem.

1. Ad illud ergo quod obiicitur quod malum est in Dei cognitione, & cognitio est Deus, igitur, &c. Dicendum quod hic est fallacia secundum accidens. Quamuis enim idem sit cognitio Dei quod Deus, tamen aliud connotat, sicut potentia, & sapientia. Vnde sicut non sequitur : Est in Dei notitia, ergo & in potentia : imo est ibi accidens & consequens : sic & in proposito.

2. Ad illud quod obiicitur quod malum cognoscitur in Deo. Dicendum quod illud non sequitur, plus enim dicit esse in Deo, quam cognosci à Deo, vel in Deo. Cum enim dicitur aliquid cognosci à Deo, per hoc intelligitur quod Deus sit ratio cognoscendi illud : sed cum additur quod hoc sit in Deo, significatur quod Deus sit ratio cognoscendi ut exemplar, & per assimilationem, & ideo est ibi consequens.

3. Ad illud quod obiicitur quod cognoscit non per

accidens mala, &c. dicendum quod cognosci per accidens hoc est dupliciter, aut à parte cognoscentis, aut cogniti. In Deo nulla cadit cognitio per accidens à parte cognoscentis, quia omnia cognoscit seipso, tamen cadit à parte cogniti, quoniam aliquid cognoscit per similitudinem suam, ut bonum : aliquid per similitudinem sui oppositi, & ita est ibi per accidens, non in discurrendo, sed in assimilando : cum enim Deus cognoscit malum, non intelligitur assimilari ei, sed suo opposito.

4. Similiter soluendum est de priuatione, quia cognoscere per priuationem est dupliciter. Aut ita quod sit priuatio in virtute cognoscente, sicut cognoscit aliquis silentium & tenebram per aurem & oculum, & sic ponit imperfectionem. Aut ita quod sit priuatio in cognito non in cognoscente, sicut lux cognosceret tenebram si haberet vim cognitiuam, sonus silentiū : & sic cognoscit Deus, quoniam est actus purus, & lux, & veritas.

QVÆSTIO II.

An imperfecta sint in Deo.

Steph. Brulef. 1. Sent. dist. 18. q. 6.

UTrum imperfecta secundum quod huiusmodi sunt in Deo. Et videtur quod non, quia mala ut mala non possunt habere similitudinem cum summo bono : ergo pari ratione cum imperfecta non habeant similitudinem cum perfectissimo, non sunt in Deo.

2. ITEM illa sola sunt in Deo quæ possunt esse à Deo, & per Deum : sed imperfecta à Deo non sunt, quia dicitur : Dei perfecta sunt opera.

3. ITEM specialiter obiicitur de materia & potentia, diuersitate & compositione. Cum enim exemplar sub ratione exemplaris sit forma, sit actus purus, & ita omnino simplex, videtur quod rationes materiæ, & passionis, & diuersitatis, & compositionis repugnent exemplari : & si hoc, cum nihil dicatur esse in Deo, nisi ratione exemplaritatis, patet, &c.

4. ITEM sicut veritas est generalis conditio entium, ita & vnitas : sed oppositum veritatis non habet ideam in Deo, similiter & bonitatis : ergo pari ratione oppositum vnitatis : sed oppositum vnitatis est multitudo : ergo, &c.

CONTRA : Augustinus ad Nebridium : Quia totum condidit, non potuit & partium non habere rationes : ergo cum partes sub ratione partium sint imperfectæ, patet quod habet rationes imperfectorum.

ITEM omnis cognitio diuina est à priori, cum ergo in omni creatura prius cadat ratio imperfecti quam perfecti, ut materiæ quam formæ, principiorum quam principati, partium quam totius : ergo per prius hæc cognoscit Deus : ergo si perfecta habent ideam in Deo, necesse est quod habeant etiam imperfecta.

ITEM diuinum exemplar exprimit rem secundum totum, alioquin non perfecte cognosceret : sed materia est de rei constitutione, & imperfectum de constitutione perfecti : ergo, &c.

ITEM omnis effectus assimilatur suæ causæ aliqua assimilatione : sed minima assimilatio sufficit ad rationem exemplaris : ergo omne quod est à Deo, habet ideam in Deo, per quam, priusquam fiat, est exemplar in Deo : sed materia est à Deo, & passio, & compositio, & diuersitas, quia omnia dicunt ens, ergo omnia sunt in Deo.

CONCLUSIO.

Imperfecta sunt in Deo, non ratione imperfectionis, quæ priuationem dicit : sed ratione illius, quod imperfectioni subest.

RESPOND. ad Arg. Ad hoc dixerunt aliqui quod imperfecta non sunt in Deo, nec cognoscuntur à Deo per aliquam ideam propriam, sed per ideam suorum op-

Ad oppositum.

Dent. 32.

Fundamenta. To. 2. epist. 115.

Positio aliorum.

Improbatio.

Positio propria.

positorum, ut materia per ideam formæ, potentia per ideam actus, multitudo per ideam unitatis. Sed illud stare non potest. Cum enim ista dicantur entitati aliquam, & ita veritatem, de necessitate aliquam assimilationem habent ad primam veritatem, & ita rationem exemplaritatis, & ideo necessario sunt in Deo. Propterea intelligendum quod cum quaeritur, utrum imperfecta habeant ideam in Deo, hoc dupliciter potest intelligi, aut ratione ipsius quod subest, aut ratione imperfectionis. Si ratione imperfectionis, cum imperfectio sit priuatio, & priuatio non dicat ens, nec aliquid à Deo, nec assimilabile, sic non habet ideam. Si autem ratione eius quod subest, sicut materia dicitur quid imperfectum, & materia aliquam essentiam dicit, habet ideam: sed non imperfectam. Quia sicut non viventium est idea vivens, & corporaliū spiritualis, sic temporalium æterna, & imperfectorum perfecta: nec tamen malorum est idea bona. Vnde notandum quod idea, sicut supra dictum fuit in quaestione de ideis, dicit assimilationem extra genus. Prima autem assimilatio est in ratione entitatis in Deo. Omne igitur quod de se dicit rationem entitatis, siue sit compositum, siue imperfectum, siue materiale, siue passibile, siue in actu, siue in potentia, potest Deo assimilari & produci, & ideo habet esse in Deo. Quod autem dicit priuationem, hoc ipso amittit rationem effectus, & rationem assimilationis, & ideo falsitas & malitia ideam non habent, nec sunt à Deo, nec in Deo. Ex his patet quod imperfecta sunt in Deo, patent etiam quaesita. Quod enim obiicitur de malo, patet responsio, quia malum dicit simpliciter priuationem in eo quod malum, non sic imperfectum.

1. Ad illud quod obiicitur quod imperfecta non sunt à Deo, dicendum quod imperfecta secundum id quod sunt, à Deo sunt, licet in eis non remaneat imperfectio, quia Deus perficit.

2. Ad illud quod obiicitur quod non habent assimilationem, dicendum quod quamvis non habeant in conditionibus specialibus, habent tamen in generalibus, & hoc sufficit. Omnia enim habent rationem boni, & pulchri, & entis.

3. Ad illud quod obiicitur de opposito unitatis dicendum quod non est simile: nam unitas saluatur in multitudine, non sic bonitas in malitia, nec veritas in falsitate, quia illæ sunt priuationes: non sic autem unitatis priuatio est multitudo, & ideo patet totum.

DISTINCT. XXXVII. PARS I.

QVIBVS MODIS DICATVR DEVS ESSE IN REBVS.

Quoniam demonstratum est ex parte, quod modo omnia dicantur esse in Deo: addendum videtur hic quibus modis dicatur Deus esse in rebus, si tamen id humana mens vel ex parte digne valeat cogitare, vel lingua sufficiat eloqui. Sciendum ergo est quod Deus immutabiliter semper in se existens, praesentialiter, potentialiter, essentialiter est in omni natura siue essentia siue sui definitione, & in omni loco siue circumscriptione, & in omni tempore siue mutabilitate. Et praeterea in sanctis spiritibus & animabus est excellentius, scilicet per gratiam inhabitans: & in homine Christo excellentissime: in quo plenitudo diuinitatis corporaliter inhabitat, ut ait Apostolus. In eo enim Deus habitauit, non per gratiam adoptionis, sed per gratiam unionis. Ne autem ista (quia capacitatem humana intelligentia excedunt) falsitatis arguere aliqui presumant, sanctorum auctoritatibus munienda mihi vi-

Coloss. 2. b

A dentur. Beatus Gregorius super Cantica Cant. inquit: Licet Deus communi modo omnibus rebus insit praesentia, potentia, substantia: tamen familiariori modo per gratiam dicitur esse in illis qui misericordiam operum Dei acutius & fidelius considerant. De hoc enim eodem Augustinus ad Dardanum in libro de praesentia Dei ait: * Cum Deus sit natura incorporea & incommutabiliter viua, aeterna stabilitate in seipso manens, totus adest rebus omnibus, & singulis totus: sed in quibus habitat, habent eum pro sua capacitatis diuersitate, alij amplius, alij minus: quos ipse sibi dilectissimum templum gratia sua bonitatis aedificat. Hilarius quoque in libro 8. de Trinitate apertissime docet Deum ubique esse. Deus, inquit, immensa virtutis, viuens potestas, qua nusquam non adsit, non desit usquam, se omnem per sua edocet, ut ubi sua sint, ipse esse intelligatur. Non autem corporali modo cum alicubi sit, non etiam ubique esse credatur, cum & in omnibus esse non desinat. Ambrosius 1. lib. de Spiritu sancto: Spiritum sanctum probat non esse creaturam, quia ubique est, quod est proprium diuinitatis, ita dicens: Cum omnis creatura certis natura sua sit circumscripta limitibus: quo modo quis audeat creaturam appellare Spiritum sanctum, qui non habet circumscriptam determinatamque virtutem, qua & in omnibus, & ubique semper est? quod utique diuinitatis & dominationis est proprium. Item in eodem: Domini est omnia complere qui dicit: Caelum & terram ego compleo. Si ergo Dominus est qui caelum complet & terram, quis ergo potest Spiritum sanctum iudicare dominationis & diuinae potestatis exortem, qui repleuit orbem? & quod plus est, repleuit & Iesum, totius mundi Redemptorem. Ex his aliisque pluribus auctoritatibus aperte monstratur, quod Deus ubique in omni creatura essentialiter, praesentialiter, & potentialiter est.

Quod Deus in sanctis non modo est, sed etiam habitat: qui non ubicunque est, ibi habitat.

D In sanctis vero etiam habitat, in quibus est per gratiam: Non enim ubicunque est, ibi habitat, ubi vero habitat, ibi est. In solis bonis habitat qui sunt templum eius, & sedes eius. Vnde per Isaiam Dominus ait: Caelum mihi sedes est, terra autem scabellum pedum meorum: quia in electis qui sunt caelum, habitat Deus & regnat: qui eius voluntati deuoti obtemperant: malos vero qui sunt terra, iudicii distinctione calcant. Vnde in lib. Sapient. dicitur: Thronus sapientiae anima insit: quia in iustis specialius est quam in alijs rebus, in quibus tamen omnibus totus est. Quemadmodum anima (ait Augustinus in epist. ad Hieronymum de origine anima) per omnes particulas corporis tota adest simul, nec minor in minoribus, nec maior in maioribus, sed tamen in alijs intensus, & in alijs remissius operatur, cum in singulis particulis corporis essentialiter tota sit: Ita & Deus cum sit in omnibus essentialiter ac totus, in illis tamen plenius esse dicitur quos inhabitat, id est, in quibus ita est, ut faciat eos templum suum. Et hi tales cum eo sunt iam ex parte, sed in beatitudine perfecte. Mali vero, etsi ibi sint ubi ipse est qui nusquam deest, non tamen sunt cum eo. Vnde Augustinus super Ioannem. Non satis fuit dicere: Vbi ego sum, & illi sint: sed addit, mecum, quia & ibi miseri possunt esse ubi & ille est qui nusquam deest. Sed beati sunt cum illo, quia non sunt beati nisi ex eo quod cum illo sunt, qui fruuntur eo, & vident illum sicut est. Mali vero non sunt cum illo,

Non inuenitur super Cantica, sed ad secundum lib. 2. Mor. c. 8.

* To. 2. epist. 57.

Non longe à medio li. c. 7. in prin.

Hier. 23. d

Isai. 66. a

Sap. 7. d & 9. a

To. 2. epist. 28. post principium.

Ioan. 17. d Tom. 9. tract. 111 in medio in sententia par sim.

ut caci

ut taci in luce nō sunt cum luce. Nec boni ita nunc sunt cum eo ut videant per speciem, et si sunt aliquo modo cum eo per fidem. Quo modo autem Deus habitet in bonis, ex illis aliquatenus intelligere valebis, quæ supra dicta sunt, cum de Spiritus sancti processione temporali ageretur, ubi (licet ex parte) exponitur: Ex parte enim cognoscimus, & ex parte prophetamus, quo modo Spiritus sanctus habitet in nobis qui non sine Patre, & Filio inhabitat.

Vbi erat vel habitabat Deus antequam esset creatura.

Si autem quæris, ubi habitabat Deus antequam sancti essent. Dicimus quia in se habitabat: unde Aug. in lib. 3. contra Maximinum: In templo, inquit, suo habitat Deus, scilicet in sanctis qui sunt templum Dei, modo secundum fidem ambulantes, & templum Dei erunt aliquando secundum speciem, qualiter etiam nunc templum Dei sunt Angeli. Sed dicit aliquis: Antequam faceret Deus cælum, & terram, antequam faceret sanctos, ubi habitabat? In se habitabat Deus, apud te habitat, & apud se est. Nō ergo sancti sic sunt domus Dei, ut ea subtracta cadat Deus. Immo sic habitat Deus in sanctis, ut si ipse discesserit, cadant.

Multa hic breuiter docet, quæ confirmant prædicta.

Sciendum est etiam, quia (ut ait Augustinus in libro ad Dardanum) dici nisi stultissime nequit, Spiritum sanctum non habere locum in nostro corpore, quod totum anima nostra impleuerit. Stultius dicitur etiam angustis alicubi impediri Trinitatem, ut Pater, & Filius, & Spiritus sanctus alicubi simul esse non possint. Verum illud est multo mirabilius, quod cum Deus ubique sit totus, non tamen in omnibus habitat. Quis porro audeat opinari, nisi inseparabilitatem Trinitatis penitus ignoret, quod in aliquo possit habitare Pater, & Filius, in quo non habitet Spiritus sanctus? aut in aliquo Spiritus sanctus, in quo non habitet Pater, & Filius? Fatendum ergo est ubique esse Deum per diuinitatis præsentiam, sed non ubique per inhabitationis gratiam. Propter hanc enim inhabitationem gratiæ non dicimus: Pater noster qui es ubique, cum & hoc verum sit: sed qui es in cælis, id est, in sanctis, in quibus est quodam excellentiori modo.

Quod Deus inhabitator est quorundam nondum cognoscentium Deum, & non quorundam cognoscentium.

Illud quoque mirabile est, quia, ut ait Augustinus in eodem, Deus est inhabitator quorundam nondum cognoscentium Deum, & non quorundam cognoscentium Deum. Illi enim ad templum Dei non pertinent qui cognoscentes Deum non sicut Deum glorificant. Ad templum Dei pertinent paruuli sanctificati sacramento Christi, & regenerati Spiritu sancto qui nondum valent cognoscere Deum. Ergo quem potuerunt illi nosse, nec habere, isti potuerunt habere antequam nosse. Beatissimi sunt illi, quibus hoc est Deum habere quod nosse. Hic aliquatenus aperit Augustinus quo modo Deus habiter in aliquo, id est, habeatur, cum videlicet ita est in aliquo, ut ab eo cognoscatur, & diligatur.

* *

Quo modo Deus totus ubique sit per essentiam, non potest intelligi ab humano sensu.

Ex prædictis patet quod Deus ubique totus est per essentiam, & in sanctis habitat per gratiam. Cumq; superius, licet tenuiter, ostensum sit, quæ ratione dicatur habitare in quibusdam, tunc efflagitaret ordinis ratio id etiam assignari, quo modo ubique per essentiam, & totus sit, nisi huius considerationis sublimitas, atque immensitas humana mentis sensum omnino excederet. Ut enim ait Chrysostomus super epistolam ad Hebr. Sicut multa de Deo intelligimus, quæ loqui penitus non valemus; ita multa loquimur, quæ intelligere non sumus idonei. Verbi gratia quod ubique Deus est, scimus, & dicimus: quo modo autem ubique sit, intellectu non capimus. Idē quod est incorporea quædam virtus est omnium causa bonorum scimus, quo modo autem, vel quæ ista sit, penitus ignoramus.

Quorundam opinio qui præsumunt ostendere quo modo Deus ubique sit per essentiam, potentiam, præsentiam.

Quidam tamen immensa ingenio suo metiri præsumētes, hoc ita fore intelligendum tradiderunt quod Deus ubique per essentiam esse dicitur, non quod Dei essentia proprie sit in omni loco, & in omni creatura: sed quia omnis natura, atque omne quod naturaliter est, in quocunque loco sit, per eum habet esse, & omnis locus in quo illud est. Idē etiam dicunt ideo Deum ubique dici esse per præsentiam, vel per potentiam, quia cuncta loca sunt ei præsentia, & quæ in eis sunt, nec in eis aliquid operari cessat. Nam & ipsa loca, & quidquid in eis est, nisi ipse conseruet, manere non possunt. In eis ergo per substantiam Deus esse dicitur, ut aiunt, quia per virtutem propria substantia sua facit, ut etiam loca sint, & omnia quæ in eis sunt. Sed licet hæc vera sint, quæ afferunt in explanandis intelligentiis prædictorum, in illis tamen verbis quibus dicitur Deus ubique esse per essentiam, plus contineri credendum est: quod homo viuens capere non valet.

Quod Deus cum sit in omnibus rebus, non tamen sordibus rerum inquinatur.

Solet etiam ab eisdem quæri, quo modo Deus substantialiter insit omnibus rebus, & corporalium sordium iniquationibus non contangatur. Quod tam friuolum est, ut nec responsione sit dignum, cum etiam spiritus creatus sordibus corporeis etiam leprosi, vel quantumcumque polluti inquinari non possit. Sol quoque radios suos sine sui pollutione effundit super loca, & corpora non solum munda, sed etiam immunda, ac sordibus fætentia, quorum contactu homines, & aliæ quædam res insciantur: solis vero radij impolluti, & incontaminati ea contangentes existunt. Nō est ergo mirandum si essentia diuina omnino simplex, & incommutabilis omnia repleat loca, & omnibus creaturis essentialiter insit, nec tamen cuiusquam rei sordibus contaminatur, vel contangitur. Vnde Augustinus in libro de natura boni: Cum in Deo, inquit, sint omnia quæ condidit, non tamen inquinant eum illi qui peccant. De cuius etiam sapientia, quæ attingit a fine usque ad finem fortiter, dicitur: Attingit omnia, propter suam munditiam, & nihil inquinatum in eam incurrit. Timent quidam quod fieri non potest, scilicet ne humana carne veritas, & substantia Dei inquinetur, & tamen predicant

Hom. 2. ibi, qui cum sit splendor gloria.

Aug. de Agone Christiano c. 18. sententia l. 10. 3.

To. 6. c. 23. Sap. 8. a Aug. lib. de Agone Christiano c. 18. 10. 3.

istum visibilem solum radios suos per omnes faeces, & fordes spargere, & eos mundos, & sinceros seruari. Si ergo visibilia mutata à visibilibus immundis contangi possunt, & non inquinari, quanto magis inuisibilis, & incommutabilis veritas? Postremo respondeant quid potius de Deo respondendum existiment, vel quod nusquam per essentiam sit, vel quod ubique, vel alicubi, ita quod non ubique? Sed quis audeat dicere quod nusquam diuina essentia sit, vel quod alicubi, & non ubique sit? Si enim ita est alicubi quod non ubique, ergo localis est. Est ergo ubique tota qua continet totum, & penetrat totum, qua nec pro sui simplicitate diuidi, nec pro sui puritate maculari, nec pro sui immensitate ullo modo comprehendi potest. Vnde Augustinus: Deus ubique est, cui non locis, sed actionibus propinquamus.

DISTINCT. XXXVII. PARS II.

Quod Deus ubique sit, & in omni tempore, non tamen localis est, non circumscriptibilis, nec loco, nec tempore mouetur.

Cumque diuina natura veraciter, & essentialiter sit in omni loco, & in omni tempore, non tamen mouetur per loca, vel per tempora, nec localis, nec temporalis est. Localis non est, quia penitus non circumscribitur loco, quia nec ita est in uno loco quod non sit in alio, neque dimensionem habet, sicut corpus, cui secundum locum assignatur principium, medium & finis, & ante, & retro, dextrum, & sinistrum, sursum, & deorsum quod sui interpositione facit distantiam circumstantium. Duobus namque his modis dicitur in Scriptura aliquid locale, siue loco circumscriptibile, & econuerso scilicet, vel quia dimensionem capiens longitudinis, altitudinis, & latitudinis distantiam facit in loco, ut corpus: vel quia loco definitur, ac determinatur, quoniam cum sit alicubi, non ubique inuenitur: quod non solum corpori, sed etiam omni creato spiritui congruit. Omne ergo corpus omni modo locale est. Spiritus vero creatus quodam modo est localis, & quodam modo non est localis. Localis quidem dicitur, quia definitione loci terminatur, quoniam cum alicubi praesens sit, totus alibi non inuenitur. Non autem ita localis est, ut dimensionem capiens, distantiam in loco faciat. Diuina ergo sola essentia omnino illocalis, & incircumscriptibilis est, qua nec locis mouetur aliquo modo, scilicet, vel determinatione finita, vel dimensione suscepta, nec temporibus, scilicet affectu & cognitione mouetur. His enim duobus modis, scilicet loco vel tempore, fit mutatio creatura, qua longe est a Creatore. Vnde Augustinus super Gene. Deus, inquit, omnipotens incommutabili aeternitate, voluntate, veritate, semper idem, mouet per tempus creaturam spiritualem: mouet etiam per tempus & locum creaturam corporalem, ut eo motu naturas quas condidit administret. Cum ergo tale aliquid agit, non debemus opinari eius substantiam qua Deus est, temporibus locisque mutabilem, siue per tempora, & loca mobilem, cum sit ipse & interior omni re, quia in ipso sunt omnia: & exterior omni re, quia ipse est super omnia: & antiquior omnibus, quia ipse est ante omnia: & nouior omnibus, quia ipse idem post omnia, scilicet post omnium initia. Ecce hic aperte ostenditur quod nec locis, nec temporibus mutatur, vel mouetur Deus. Spiritus autem creatura per tempus mouetur, corporalis vero, etiam per tempus, & locum.

Quid sit mutari secundum tempus.

Mutari autem per tempus est variari secundum qualitates interiores, vel exteriores, qualesunt in ipsa re, qua mutatur, ut quando suscipit vicissitudinem gaudij, doloris, scientiae, obliuionis, vel variationem formae, siue alicuius qualitatibus exterioris. Hac enim mutatio, qua fit secundum tempus, variatio est qualitatum, qua fit in corporali, vel spiritali creatura, & ideo vocatur tempus.

Opinio quorundam qui dicunt, spiritus creatos non moueri loco, nec esse locales.

De mutatione vero loci, magna inter conquirentes disceptatio versatur. Sunt enim qui dicunt nullum spiritum aliquo modo posse mutari loco, ab omni spiritu locum vniuersaliter remouere volentes: quoniam secundum dimensionem tantum, & circumscriptionem locum constare asserunt, atque id solum esse locale, vel in loco esse dicunt quod dimensionem recipit, & distantiam in loco facit. Et hoc dicunt Augustinum sensisse, mutationem temporis tantum spiritali creatura tribuentem: loci vero & temporis, corporeae.

Hic respondetur eis.

Sed, ut supra diximus, dupliciter dicitur esse res localis, vel circumscriptibilis, scilicet vel quia dimensionem recipit, & distantiam facit, vel quia loci termino definitur, quorum utrumque conuenit corporeae creaturae, alterum vero tantum spiritali. Nam, ut supra diximus, corporalis creatura ita est localis, vel circumscriptibilis quod determinatur definitione loci, & quod dimensionem recipiens distantiam facit. Spiritus vero tantum definitione loci concluditur, cum ita sit alicubi quod non alibi: sed nec dimensionem recipit, nec distantiam in loco facit, quia si multi essent spiritus hic, non eo coangustarent locum, quo minus de corporibus contineretur. Ideoque Augustinus attribuit mutationem loci corpori non spiritui, quia licet spiritus transeat de loco ad locum, non tamen ita ut dimensionibus circumscriptus, interpositione sui faciat distantiam circumstantium, sicut corpus.

Conclusio ex praedictis quod spiritus creati sunt locales, & circumscriptibiles quodam modo, spiritus vero Dei omnino incircumscriptibilis.

Sunt ergo spiritus creati in loco, & transiunt de loco ad locum, & quodam modo locales, & circumscriptibiles, sed non omni eo modo, quo creatura corporea. Spiritus autem increatus qui Deus est in loco quidem est, & in omni loco: sed omnino illocalis est, & incircumscriptibilis. Vnde Beda super Lucam ait. Cum ad nos Angeli veniunt, sic exterius implent ministerium, ut tamē ante Deum interius per contemplationem assistant, quia etsi Angelus est spiritus circumscriptus, sumus tamen spiritus qui Deus est, incircumscriptus est: intra quem currit Angelus quocumque mittatur. Ecce hic dicitur, quia spiritus angelicus circumscriptus est, spiritus autem qui Deus est, incircumscriptus. Alibi etiam * Ambrosius distantiam ostendens inter spiritum increatum, & spiritum creatum, dicit Seraphin de loco ad locum transire, inquit is in libro de Trinitate. Dixit Isaias: Quia missus est ad me

Commentariorum lib. 1. ad cap. 1. circa illud ego sum Gabriel qui esto ante Deum. Et Gregor. Hom. 34. super Luc. 15. cap.

* Lib. 1. de Spiritu sancto cap. 9. & 10.

Isa. 6. b.

Lib. 1. de Doctr. Christiana. c. 10. in sententia 10. 1.

Lib. 8. c. 22. 23. & 24. com. 3.

unus de Seraphin. Et Spiritus quidem sanctus dicitur missus: sed Seraphin ad unum, spiritus vero ad omnes. Seraphin mittitur in ministerio, spiritus operatur mysterium. Seraphin de loco ad locum transit: non enim complet omnia: sed ipse repletur à spiritu. Hic aperte ostenditur quod Angeli quodam modo locales sunt.

Cum repetitione superiorum confirmat auctoritatibus Deum esse ubique sine locali motu.

Fateamur itaque diuinam naturam pro immensitate sui nusquam deesse, eamque solam omnino illocalem, & omnino incircumscriptibilem, nullo concludi loco, sed à fine usque ad finem attingere, non tamen spatiose magnitudine, nec locali motu, sed immensitate, atque immobilitate sua essentia. Vnde August. ad Dardanum ait: Non quasi spatiose magnitudine opinemur Deum per cuncta diffundi, sicut fumus, aut lux ista diffunditur: sed potius sicut in duobus sapientibus, quorum alter altero corpore grandior est, sed sapientior non est: una sapientia est, nec est in maiore maior, nec in minore minor, nec minor in uno quam in duobus: ita Deus sine labore regens, & continens mundum, in caelo totus est, in terra totus, & in utroque totus, & nullo contentus loco: sed in seipso ubique totus. Idem quoque super Psal. ait: Ad verbum Dei pertinet non esse in parte: sed ubique esse per seipsum. Hec enim est sapientia Dei, qua attingit a fine usque ad finem fortiter, non tamen motu locali: sed immobilitate sui: veluti si moles aliqua saxea impleat aliquem locum, dicitur quod attingit a fine illius loci usque ad finem, cum tamen alterum non deserat alterum occupando. Non ergo habet motum localem verbum illud: & sapientia illa solida est, & ubique: Ex predictis innotescit, quod Deus est ita ubique per essentiam, quod non spatiose magnitudine diffunditur, nec uno deserto loco alium occupat, quia localem motum, non habet. Ideoque Augustinus volens praescindere à Dei puritate omnem localem motum, & localem circumscriptionem, potius dicit omnia esse in illo quam ipsum esse alicubi, nec tamen ipsum esse locum, qui non est in loco, in lib. 83. quaest. ita inquit: Deus non alicubi est. Quod enim alicubi est, continetur loco, quod continetur loco, corpus est: Deus autem non est corpus: non ergo alicubi est. Et tamen quia est, & in loco non est, in illo sunt potius omnia quam ille alicubi, nec tamen ita in illo, ut ipse sit locus. Locus enim in spatio est, quod longitudine, & latitudine, & altitudine corporis occupatur, nec Deus tale aliquid est. Et omnia ergo in ipso sunt, & locus non est: locus tamen Dei, sed improprie, dicitur templum Dei, quod eo contineatur. Id autem nihil melius quam anima mundi intelligitur? Ecce hic dicit Deum non esse in loco. Sed intelligendum est eum non esse in loco localiter, scilicet quia nec circumscriptionem, nec localem motum habet.

Oppositio, quia videtur probari quod Deus mutetur loco.

Ad hoc autem solet opponi sic: Quotidie sunt creaturae, qua ante non erant, & in eis Deus est, cum ante non esset in eis: est ergo ubi ante non erat, ideoque mutabilis esse videtur. Sed licet quotidie incipiat esse in creaturis, in quibus ante non erat: quia illa non erant: hoc tamen fit sine sui mutatione, qualiter in mundo cepit esse quem fecit, tamen sine sui mutabilitate: & similiter desinit esse in quibus ante erat sine sui mutatione, nec tamen ipse deserit locum, sed locus desinit esse.

Epilogus, ubi exponitur quare in praedictam venerit discepcionem.

Tam sufficienter demonstratum esse videtur, quo modo omnia dicantur esse in Deo, & Deus in omnibus: quam discepcionem quasi incidenter suscepimus, quia id videbatur postulare res, circa quam noster versabatur sermo. Disserebamus enim de scientia, sine sapientia Dei, & cum diceremus Deum scire omnia: quaesitum est, utrum propter cognitionem quam de omnibus habet, dicerentur omnia esse in Deo, an alia ratione hoc diceret Scriptura. Huius ergo quaestionis occasio in praemissam nos deduxit disputationem.

DISTINCT. XXXVII.

Quo modo Deus est in rebus & locis corporalibus.

Et quoniam demonstratum est ex parte quo modo omnia dicantur esse in Deo.

Expositio textus.

SVpra egit Magister, quo modo omnia sunt in Deo. Hic secundo agit quo modo Deus sit in rebus & in locis corporalibus. Et quoniam ad esse in loco & in re mutabili, sequitur mutatio in eo quod in illo est, ideo agit de Dei immutabilitate quantum ad locum, infra eadem distinctione: Cumque diuina natura: &c. Prima pars habet tres partes. In prima narrat quo modo Deus est in locis & in rebus, & per auctoritates confirmat. In secunda nititur doctorum aperire intelligentiam, ibi: Quo modo autem Deus habitet in bonis, &c. In tertia ostendit intellectus nostri ad hoc capiendum insufficientiam, ibi: Ex predictis patet quo modo Deus ubique totus est. Prima pars habet tres partes. In prima ostendit modos essendi Deum in rebus. In secunda vero confirmat auctoritatibus quod Deus est ubique per essentiam, ibi: Ne autem ista quia capacitatem humana intelligentia, &c. In tertia ostendit quod Deus in solis sanctis habitat per gratiam, ibi: In sanctis vero etiam habitat in quibus, &c. Similiter secunda pars in qua recitat doctorum intelligentiam, habet tres partes. In prima rationabiliter manuducit. In secunda stultam rationem excludit, ibi: Sciendum est etiam, quia ut ait Augustinus. In tertia in admirationem erigit, ibi: Illud quoque mirabile est, sacramenta enim diuina magis sunt mirabilia quam intelligibilia. Item tertia pars in qua ostendit insufficientiam ad cognoscendum quo modo Deus est ubique per essentiam, habet tres partes. Primo enim ostendit quod intellectus nostri non sufficiunt. Secundo excludit eos qui praesumptuose soluunt, ibi: Quidam tamen immensa ingenio suo metiri, &c. Tercio vero abiicit eos qui irrationabiliter quaerunt, ibi: Solet etiam ab eisdem quaeri quo modo Deus, &c. Vbi ostendit quaestionem eorum esse friuolam & responsione indignam.

Mali vero non sunt cum illo, &c.

Dub. I.

CONTRA: Videtur male dicere, quia mali sunt in Deo, quia in illo viuunt, mouentur, & sunt: ergo si non importatur maior conuenientia per hoc quod est esse cum aliquo, quam in aliquo, videtur quod sicut mali dicuntur esse in Deo, ita debeant dici esse cum Deo. Item. Quae est magis impropria, Deus est cum malis, vel mali cum Deo: videtur quod haec, Mali sunt cum Deo. Vnde Augustinus in lib. Confess. Mecum eras, & tecum non eras, loquitur pro statu peccati. Sed contra: Cum, dicit auctoritatem in casuali, ergo videtur quod melius dicitur homo cum Deo, quam econuerso.

RESP. Dicendum quod haec praepositio, cum dicit associationem. In societate autem considerantur duo, scilicet

cet mutuū auxilium, & conformitas voluntatis: quoniam ergo soli boni habent voluntatem conformem, & sunt coadiutores Dei, ideo de eis solis proprie dicitur, quod sint cum Deo, & econverso, quia tunc hoc quod est *cum*, non dicit auctoritatem. Quia vero mali non conformantur, nec auxiliantur Deo in sua salute, sed contradicunt, & tamen Deus adiuuat eos in multis, ideo dicit Augustinus: *Mecum eras, &c.*

In se habitabat Deus, &c. apud se est.
Dub. II.

Videtur male dicere, quia præpositiones sunt distinctiue, quia transitiue: si ergo Deus à se non distinguitur, male dicitur quod apud se erat. Si tu dicas quod transitionem solum dicunt quantum ad modum. Contra est Glossa super illud Ioannis: *Apud Deum: quæ dicit quod, apud*, notat distinctionem Patris ad Filium.

R E S P. Dicendum quod Deus non solum est in creaturis, sed etiam apud se. Vnde Augustinus in libro Confess. Deus est in se ut alpha, & omega: in mundo, ut Creator & Rector: in angelis, ut sapor & decor: in liberatis vel electis, ut liberator & adiutor: in reprobis, sicut terror & horror. Quod obiicitur quod præpositio dicit transitionem, & distinctionem, dicendum quod quantum est de virtute sue significationis, non dicit transitionem quantum ad modum: quod autem dicit quantum ad rem, hoc est ratione materiæ, siue terminorum quibus additur.

Quo modo Deus habet in aliquo, &c.
Dub. III.

Videtur non bene dicere, quia habitat in paruulis, qui eum non cognoscunt: ergo non videtur hæc ratio conueniens.

R E S P. Est cognoscere actu, & est cognoscere habitu, & quamuis paruuli non cognoscant actu, cognoscunt tamen habitu, eo quod gratiam habent, & habitum virtutum, sicut dicitur in quarto libro.

Quo modo autem ubique sit, intellectus non capimus.
Dub. IV.

Videtur falsum dicere, quia quod intelligimus debetur rationi, sicut dicit Augustinus: sed habemus rationes per quas scimus Deum esse in rebus potèntialiter, præsentialiter, & essentialiter. Si tu dicas quod non comprehendimus. Obiicitur quod similiter nec alia quæ dicuntur de Deo, comprehendimus: ergo non magis de hoc quam de supradictis deberet dicere Magister quod sit ineffabile.

R E S P. Dicendum quod quædam sunt pure intelligibilia, & talibus non contradicit imaginatio, sed deficit. Quædam sunt sensibilia & in talibus sufficit: Quædam sunt quodam modo imaginabilia, & quodam modo intelligibilia, & in talibus frequenter intellectus deficit, & imaginatio contradicit, & deficit, ut cum cogitamus Deum esse ubique, Deum solo intellectu capimus, locum autem imaginamur: & quoniam nostra imaginatio non capit quod aliquod vnum sit in pluribus locis, & intellectus claritatem lucis non aspicit: hinc est quod talia nobis non intelligibilia iudicantur magis quam alia.

Spiritus creatus sordibus, &c. Dub. V.

Sapient. 9.

Videtur contrarium esse ei quod dicitur: Corpus quod corrumpitur aggrauat animam. Et iterum: Anima contrahit originale à carne, & inficitur ab illa.

R E S P. Sicut generatio vniuoca est, quæ est similis ex simili, & æquiouoca quæ est rei dissimilis, ita est infectio secundum rationem vniuocam, ut leprosus facit leprosum, & secundum rationem æquiouocam, ut infectio generat infectionem: primo modo loquitur Magister, quia anima leproli non est leprosa, secundo modo obiicitur.

Cum in Deo, inquit, sint omnia quæ condidit, non tamen inquinant eum, &c. Dub. VI.

Videtur male dicere, quia sordes corporales inquinantes corporales, ergo sordes spirituales res spirituales. Item si Deum non inquinant: ergo videtur quod posset dici quod Deus est in diabolo: quod est contra omnem usum.

R E S P O N. Dicendum quod sicut tangit Magister in littera, sordes corporales non coinquinant corpus spirituale, quia nec communicant in materia, nec dependent, ut patet in radio, qui non inficitur fæcibus, quia nec dependet, nec comunicat in transmutabili materia, & quoniam Deus neutrum habet: ideo non valet illud. Quod obiicitur quod Deus est in peccatoribus, dicendum quod nullum inconueniens esset dicere: tamen quia hoc videbatur sonare in contumeliam, ideo ponenda est determinatio, ratione cuius sermonis intellectus sanus appareat: ut si dicatur, Deus est in diabolo, vel in adultero quantum ad conseruationem naturæ.

ARTICVLVS I.

AD intelligentiam huius partis quæritur de existentia Dei ubique: & circa hoc tria principaliter quærentur. Primo quæritur utrum esse ubique conueniat Deo. Secundo, utrum esse ubique sit proprium Dei. Tercio qualiter conueniat Deo esse ubique. Et quantum ad primum, quia esse ubique potest distribuere pro omnibus rebus, & pro omnibus locis, duo quærentur. Primo, utrum Deus sit in omnibus rebus. Secundo, utrum sit in omnibus locis.

QVÆSTIO I.

An Deus sit in omnibus rebus.

Alex. Alenf. 1. p. q. 9. Membro 3.

S. Tho. 1. p. q. 8. art. 1.

Et 1. Sent. dist. 37. q. 1. art. 1.

Egid. Rom. 1. Sent. dist. 37. q. 1.

Richardus 1. Sent. dist. 37. q. 1.

Sepp. Brulef. 1. Sent. dist. 37. q. 7.

Petrus de Tarantaf. 1. Sent. dist. 37. q. 1.

QUOD sit in omnibus rebus, ostenditur sic. Philosophus in prima philosophia: Quando aliquid simplicius, tanto à pluribus indiget, & in pluribus inuenitur: sed Deus est simplicissimus in fine simplicitatis, ergo inuenitur in omnibus: sed non reperitur nisi ubi est, ergo est in omnibus.

ITEM: Quanto causa prior, tanto vniuersalior: ergo causa prima est vniuersalissima: sed quanto aliquid vniuersalius, tanto influit in plura: ergo cum prima causa sit vniuersalissima, influit in omnia: sed omne quod influit in aliquid, est illi præsens secundum virtutem: nusquam enim, & nunquam operatur agens, nisi per præsentiam virtutis: sed Deus propter suam simplicitatem est idem quod sua virtus: cum ergo virtus Dei sit in omnibus, & substantia est in omnibus.

ITEM hoc videtur per impossibile: quia omne quod est in vna re limitata, ita quod non est in alia, est limitatum, & artatum: sed hoc est impossibile circa Deum: ergo non est in vna re, quin in omnibus sit.

ITEM: Si Deus est in vna re, ita quod non in alia, aut potest esse in illa in qua non est, aut non: si non potest, ergo non est omnipotens. Si potest esse & non est, cum res non mutetur: ergo mutari potest: ergo si Deus non est in omnibus rebus, aut non est omnipotens, aut mutabilis, quorum utrumque est impossibile.

1. CONTRA: Quanto aliquid magis seiungitur à natura tenebrosa, tanto est impermixtius, & sub nobiliori luce cognoscit: sed Deus clarissime cognoscit, ergo maxime à natura tenebrosa seiungitur: sed omnis creatura tene-

Funda-
menta.
12. Metaph.

Ad oppo-
situm.

ratenebra, ergo Deus, aut in nullis, aut in paucissimis est rebus creatis.

2. ITEM: Quanto motor magis distat à mobili, tanto sufficientius mouet. Vnde sufficientius mouet anima quam forma materialis vel naturalis, & intelligentia quam anima: sed Deus est motor, & operator sufficientissimus: ergo summe distat ab omni mobili: ergo aut in nullis est rebus, aut in paucis.

3. ITEM: Omnis virtus vnita plus est infinita quam multiplicata: sed diuina virtus est infinitissima, ergo vnitissima: sed quāto aliquid magis est vnitum, tanto minus diffusum, & in paucioribus repertum: ergo, &c.

4. ITEM: Queritur quæ necessitas est Deum ponere in rebus omnibus. Videtur quod nulla ex parte Dei. Nobilitatis est enim in agente, quod possit agere vbi non est: similiter quod possit facere effectū per se tantē: alioquin opera Dei magis sunt debilia quam opera artificum creatorum, quæ saluantur in esse ipsis absentibus: ergo si nulla necessitas est, videtur ergo esse superfluitas: sed impossibile est in Deo esse superfluitatem: ergo, &c.

CONCLUSIO.

Deum cum sit summe simplex, in omnibus est: quia cum creatura vanitatem habeant, eius virtus & præsentia conseruantur.

RESP. ad Arg. Dicendum quod Deus in omnibus rebus est, sicut ipse Dauid testatur, dicens: Si ascendero in cælum, tu illic es, &c. Necessitas autem existendi Deum in omnibus, sumitur tum à parte perfectionis ipsius, tum à parte indigentia rerum. A parte ipsius, propter summam immensitatem, & summam potestatem: & vtriusque ratio est summa simplicitas. Quia enim summe simplex est, ad nihil artatur: ideo in omnibus inuenitur tanquam inmensum. Quia summe simplex, ideo in infinitum virtuosissimum: & ideo virtus eius in omnibus: & virtus idem est quod substantia, & ideo necesse est, quod sit in omnibus. Ex parte creaturæ est necessitas, quia creatura habet in se possibilitatem, & vanitatem, & vtriusque causa est, quia producta est de nihilo. Quia enim creata est, & accepit esse ab alio, qui eam fecit esse, cum prius non esset, ex hoc non est suum esse: & ideo non est purus actus, quia habet possibilitatem: & ratione huius habet fluxibilitatem, & variabilitatem, ideo caret stabilitate: & ideo non potest esse nisi per præsentiam eius qui dedit ei esse. Et exemplum huius apertum est in impressione formæ sigilli in aqua, quæ non conseruatur ad momentū nisi præterente sigillo. Et iterum, quia creatura de nihilo producta est, ideo habet vanitatem: & quia nihil vatum in seipso fulcitur, necesse est quod omnis creatura sustentetur per præsentiam veritatis: & est simile, si quis poneret corpus ponderosum in aere, quod est quasi vanum, non sustentaretur. Sic & in proposito.

1. Ad illud ergo quod obiicitur de distantia, & permutatione, dicendum quod tripliciter vnitur quid alicui. Aut secundum præsentiam tantum, aut secundum præsentiam, & dependentiam, aut secundum præsentiam, & dependentiam, & concomitantiam in materia. Primo modo est radius in aere: secundo modo anima in corpore: tertio modo liquor in liquore. Quod primo modo est in aliquo, non permiscetur: similiter quod secundo modo est, non permiscetur proprie, sed solum quod tertio. Et primo quidem modo est Deus in rebus, non secundo, vel tertio.

2. Ad illud quod obiicitur de distantia Motoris à mobili, dicendum quod est distantia per absentiam: & hæc impedit, & non iuuat ad motum. Et est distantia per independentiam, & hæc iuuat: quia quanto Motor perfectior est & absolutior, minus dependet, & est sufficientior, & hoc modo distat etiam Deus præsens.

3. Ad illud quod obiicitur quod virtus vnita est magis infinita, &c. Dicendum quod vnitio virtutis quæ facit ad eius magnitudinem, per se attenditur respectu subiecti,

per accides respectu obiecti. Respectu autem subiecti attenditur per subiecti simplicitatem: respectu autem obiecti per indistantiam à virtute, quia virtus tanto potentior, quanto obiecto propinquior. Quoniam ergo virtus diuina in substantia est simplicissima, & nunquam à substantia elongatur, ideo in multis est infinitissima, quia vnitissima in multis, vt in vno: vbiq; enim est centrum illius potentia, sicut dicit Trismegistus. Quod vltimo obiicitur iam solutum est, quia necessitas est ex parte Dei, & creaturæ, sicut visum est.

4. Quid ergo obiicitur quod agens creatum vbi non est, operatur, & effectum producit qui sine ipso stat, dicendum quod non est simile in Deo. Nam si attendatur hoc in artifice creato, hoc venit ex defectu perfectionis, quia enim agens creatum limitatum est, & differt à sua virtute, potest operari per virtutem vbi non est. Rursus, quoniam agit ex suppositione & non potest in totum, ideo effectus non totaliter dependet ab ipso: Deus autem habet condiciones oppositas, quia infinitus, & idem est in eo virtus, & substantia, & totum producit, ideo non est simile.

QUESTIO II.

An Deus sit vbiq;.

*Alex. Alens. 1. p. q. 9. Memb. 1.
S. Thom. 1. p. q. 8. art. 2.
Et 1. Sent. dist. 37. q. 2. art. 1.
Scotus 1. Sent. dist. 37. q. unica.
Ægid. Rom. 1. Sent. dist. 37. p. 2. q. 1.
Richard. 1. Sentent. dist. 37. q. 4.
Durandus 1. Sent. dist. 37. q. 2.
Franciscus de Mayr. 1. Sent. dist. 37. q. 1.
Thom. Arg. 1. Sent. dist. 37. q. 1. art. 1.
Steph. Brulot. 1. Sent. dist. 37. q. 8.
Petrus de Tarantasia. 1. Sent. dist. 37. q. 4.*

UTrum Deus sit vbiq; localiter, id est, vtrum sit in omnibus locis. Et quod non, videtur. Boetius in libro de Trinitate: Deus ita esse vbiq; dici videtur, non quod in omni loco, sed quod omnino in loco esse non potest.

ITEM hoc ipsum videtur ratione, quia, sicut vult Philosophus, locus ad locatum magis comparatur in ratione formæ quam in ratione alterius generis causæ: sed Deus est forma excellentissima, ergo respectu eius nulla est forma, ergo nullus locus.

ITEM alia ratione videtur, quia quadruplex est conditio loci in respectu ad locatum, scilicet continere, saluare, mensurare, & terminare. Continet, vt vas. Mensurat, vt quantitas. Saluat, vt natura. Terminat, vt finis: sed Deus secundum nullam harum conditionum comparatur ad locum: ergo, &c.

ITEM: Prima & propria passio essendi in loco est dimensio: ergo quod magis recedit à dimensione, minus est in loco: & quod maxime, minime: & quod omnino recedit, nullo modo est in loco: sed Deus est huiusmodi: ergo, &c.

1. CONTRA per Hieremiam dicitur: Cælum, & terram ego impleo: sed omne quod est in loco ipsum implendo, est in loco secundum quod locus.

2. ITEM hoc videtur ratione, quia loci secundum quod locus est indigentia ad locatum, vt ab ipso repleatur: sed omnis creatura vanitas, vanitas autem non implet nisi per veritatis præsentiam: ergo ad hoc quod locus repleatur, necesse est Deum adesse. sed hoc posito, ponitur Deus esse in loco, vt locus est.

3. ITEM: Maior est indiuisio formæ ad materiam, quam locati ad locum: sed forma non vnitur materiæ, nec permanet, nisi per Dei præsentiam: ergo multo minus nec locatum loco: sed quia per Dei præsentiam forma vnitur materiæ, Deus est in qualibet re, vt natura: ergo cum per Dei præsentiam vnitur, & saluetur locatum in loco, Deus est in loco vt est locus.

Ad Quæst. incident.

Fundamenta. Boetius ad Symmach. circa mod.

Aristot. 4. Phys. cont. 14. Et 4. cat. c. 35.

Ad oppositum. Hier. 23. 6.

4. ITEM: Est presentia, & simultas secundum locum, & secundum tempus: sed Deus perfectissime est presens cuiuslibet rei: ergo secundum locum, & tempus, sed quæ sunt presentia secundum tempus, sunt in eodem tempore: ergo & illa quæ sunt presentia secundum locum, sunt in eodem loco: si ergo Deus est presens omni loco, Deus est in loco, non tantum ut est res, sed etiam ut est locus.

CONCLUSIO.

Deus cum ab alio nun conferuetur, neque mensurabilis sit, loco non ambitur: est tamen in omni loco, quia per presentiam suam supplet loci indigentiam.

RESP. ad Arg. Dicendum quod triplex est conditio secundum quam comparatur locatum ad locum. Vna secundum quam locatum excellitur, & hæc est proprietas saluationis. Si enim locatum indiget loco, & locus complet eius indigentiam, & conseruat naturam, & secundum hanc proprietatem sola corporalia sunt in loco, non autem spiritalia, quia non recipiunt influentiam à loco corporeo. Alia est proprietas, secundum quam locatum æquatur & proportionatur loco, & hæc est proprietas commensurationis, & secundum hanc conditionem proprie corporalia sunt in loco: quia illa sunt commensurabilia, unde circumscribuntur. Spiritalia autem minus proprie: nam non sunt commensurabilia respectu partium, sunt tamen diffinibilia respectu totius. Tertia est conditio, secundum quam locatum excellit locum, videlicet quod per sui presentiam replet, & supplet indigentiam loci. Locus enim sine locato priuatus est, & indigens, sicut concauitas oculi sine organo. Quoniam ergo Deus ad nullam creaturam comparatur, nec secundum rationem inferioritatis, nec æqualitatis, sed superioritatis, & excellentiæ: Deus non est in loco quantum ad primam, & secundam proprietatem, sed solum quantum ad tertiam, scilicet quod per presentiam supplet loci indigentiam. Nam locatum per presentiam replet distantiam vacuitatis: Deus autem per presentiam replet vacuitatem essentiae, & illa quidem sine hac esse non potest.

Solutio
argum.
pro utraq;
parte.

Ex his patet responsio ad obiecta. Nam rationes probantes Deum esse in loco, ut est locus, procedunt secundum tertiam conditionem, ut patet: rationes vero ad oppositum secundum primam & secundam, scilicet saluationis, & terminationis.

ARTICULVS II.

Consequenter quantum ad secundum articulum queritur. Vtrum esse vbique sit proprium Dei. Et quia proprium est quod soli conuenit, & semper, ideo quantum ad hoc, duo queruntur. Primo, vtrum esse vbique conueniat soli Deo. Secundo, vtrum conueniat ei semper, siue ab æterno.

QUESTIO I.

An esse vbique soli Deo conueniat.

*Alex. Alensis 1. p. q. 6. Membros.
S. Thom. 1. p. q. 9. art. 4.
Scot. 1. Sent. dist. 37. q. 2. art. 2.
Scot. in Report. 1. Sent. dist. 37. q. unica.
Egid. Rom. 1. Sent. dist. 37. p. 2. q. 2.
Richard. 1. Sent. dist. 37. q. 3.
Alfiodorensis 1. Sent. c. 15. q. 1.
Steph. Brulef. 1. Sent. dist. 37. q. 3.
Petrus de Tarentis 1. Sent. dist. 37. q. 3.*

Funda-
menta.

Lib. 1. c. 7. in
pr. 10. 4.

Qvod soli Deo conueniat, videtur. Augustinus in libro de Symbolo: Vbiq; esse est Deum esse, sed nulli creaturæ conuenit Deum esse, imo hoc est Dei propriissimum: ergo nulli creaturæ conuenit esse vbique.

ITEM Ambrosius in lib. de Spiritu sancto: Cum omnis

creatura certis suæ naturæ sit circumscripta limitibus, esse vbique, & in omnibus rebus Dei virtutis est, & dominationis est proprium.

ITEM hoc ipsum videtur ratione, quia omnis creatura per se existens & in se, est hoc aliquid: sed omne quod est hoc aliquid est singulare, & omne singulare est hic, & nunc, & nihil tale natum est esse vbique: ergo solius Dei est esse vbique.

ITEM: Conditio est qua Deus est vbique, conuenit Deo ratione suæ immensitatis: sed immensitas est proprietas solius Dei, quæ nulli creaturæ potest conuenire, ergo nec esse vbique.

1. CONTRA: Hoc obicitur de vniuersali, quoniam vniuersale est semper, & vbique, & tamen non est Deus.

Si tu dicas quod est vbique respectu suorum singularium, & non simpliciter. Obicitur tunc quod aliquid est vniuersale cuius singularia sunt vbique: & impossibile est aliquid fieri quod non sit eius singulare, vel in singulari: ut hoc vniuersale substantia: ergo est vbique.

2. ITEM obicitur de numero, qui est in omnibus entibus, & nihil potest fieri in quo non sit numerus, & præterea in omnibus entibus est vnus numerus: ergo cum numerus non sit Deus, esse vbique non est proprium solius Dei.

Si dicas quod non est ibi totus, sed secundum partem, obicitur de voce quæ est in auribus diuersorum tota, & in toto aëre, esto quod vox esset ita magna, quod per totum mundum audiretur, tunc esset vbique tota, & vna prolatio: quia si multæ, cum infinitæ sint partes aeris, & vox sit in qualibet parte: tunc ergo infinitæ sunt voces actus: quod est impossibile.

3. ITEM obicitur de anima quæ est in qualibet parte animalis tota, ut supra monstratum est: esto ergo quod fieret animal giganteum ita magnum quasi totus mundus, tunc anima esset vbique: ergo quod non sit, hoc est propter defectum corporis, & non suum.

Si dicas quod esset in pluribus tanquam in vno loco, unde nunquam vna anima est nisi in vno corpore: Obicitur de corpore Christi quod totum & integrum est in diuersis altariis distinctis.

4. ITEM obicitur per rationem. Cum enim de natura singularis sit esse hic & nunc, tamen alicui dat Deus semper esse, ut angelis: ergo pari ratione alicui dabit esse vbique.

5. ITEM: Si aliqua duo inseparabiliter sunt vnita, vbiqueq; est vnum, & alterum: sed humana natura, & diuina in Christo inseparabiliter sunt vnita: ergo vbi est diuina, est & humana: sed diuina natura est vbique: ergo & humana. Et sic, &c.

CONCLUSIO.

Soli Deo proprie & singulariter conuenit esse vbique, & nihil aliud à Deo, vbique potest esse.

RESP. ad Arg. Dicendum quod esse vbique, sicut dicunt sancti, conuenit soli Deo proprie & singulariter, ita quod nulli conuenit alii, nec intelligi potest conuenire si recte intelligatur. Nam Deus dicitur esse vbique, ita quod ex parte Dei intelligitur identitas, & totalitas, ex parte loci pluralitas, & vniuersalitas. Per conditionem identitatis excluditur vniuersale, quod quamuis sit in omnibus singularibus, tamen secundum aliud & aliud suppositum, & ita numeratum. Per conditionem totalitatis excluditur numerus. Nam quamuis numerus sit vbique, tamen secundum aliam & aliam partem. Per conditionem pluralitatis à parte loci excluditur Spiritus creatus, qui quauis sit in pluribus partibus corporis, non tamen in omnibus nisi ut vnitis. Per conditionem vniuersalitatis excluditur corpus Christi sub sacramento, quod quamuis sit in pluribus non tamen est in omnibus, nec esse potest, quia hoc solū conuenit ei sub sacramento. Et ita patent primæ instantiæ.

Solutio:
arg. patet
ex corp.
quæst.

Qvod

Resp. ad
Repl.

Quod tamen obiicitur de voce, intelligendum quod generatio sensibilium in medio est per diffusionem, unde non numeratur vox sicut nec lux nisi ad numerationem susceptibilis: unde quot sunt aures, tot sunt voces, quoniam vox in aere erat multiplicabilis, & non multiplicata: & ideo patet quod nec tota ubique ante numerationem, sicut nec lux diffusa, nec eadem vox post numerationem, & ideo exemplum de existentia vocis non est multum simile.

Ad illud quod obiicitur quod Deus dat sempiternitatem, dicendum quod tam esse ubique, quam semper, importat quandam infinitatem, & infinitas sempiternitatis est infinitas durationis, quæ est secundum potentiam, & hæc repugnat creaturæ, quia non impedit durationem creaturæ esse finitam actu, & infinitam potentia, & ideo omni durationi creaturæ necesse est aliquid adiacere. Sed esse ubique, dicit immensitatem actu, quia importat similitudinem locorum, & hoc repugnat creaturæ, & ideo non potest ei omnino communicari: communicatur tamen secundum possibilitatem creaturæ, secundum quod participat maius & minus de natura spiritualitatis. Nam nihil est omnino spirituale, nisi solus Deus, sicut dicit Augustinus de Moribus Ecclesiæ: Solus Deus est incorporeus, quia omnia replet. Creaturæ autem quædam sunt spirituales per abstractionem, ut vniuersale & numerus, & ita possunt esse in pluribus propter communitatem ad plura, & ita secundum sui plurificationem. Quædam spirituales sunt per separationem à materia corporali, ut animæ, & istæ sunt in pluribus, tamen non multiplicatis. Quædam autem spirituales per vnionem, ut corpus Christi est cibus spiritualis animæ, quamuis sit verum corpus, & ideo quali est medium inter animam, & Deum, & ideo in quantum cibus plus sapit naturam spiritualitatis, & ideo est in pluribus, ut sunt plura loca, non tamen in omnibus: quia ratio cibationis non se extendit ad omnia, & sic patet quare sub sacramento est in pluribus.

4. Quod obiicitur de inseparabilitate vnitis, soluendum est per interemptionem, cum alterum excedit alterum, ut patet in genere, & specie.

5. Quod obiicitur per vnionem. Homo est Deus, dicendum quod hoc intelligitur per communicationem idiomatum. Similiter & esse ubique conuenit per idiomatum communicationem.

Q V Æ S T I O II.

An esse ubique ab æterno Deo conueniat.

Alex. Alensis 1. p. q. 9. Memb. 4.
S. Thom. 1. Sent. dist. 37. q. 1. ar. 5.
Egid. Rom. 1. Sent. dist. 37. p. 2. q. 3.
Alfiodorensis 1. Sent. c. 15. q. 4.
Franciscus de Mayr. 1. Sent. dist. 37. q. 2.
Steph. Brulef. 1. Sent. dist. 37. q. 5.
Petrus de Tarantasia. 1. Sent. dist. 37. q. 5.

Ad oppo-
sitionem.

Verum esse ubique conueniat Deo semper siue æternaliter. Et quod sic videtur, quia sicut semper se habet ad tempus, ita ubique ad locum: sed ante omne tempus Deus fuit semper, ergo ante omnem locum fuit Deus ubique.

2. ITEM: Proprium Dei essentialius ei conuenit, quam propria passio alicui subiecto: sed propter necessariam conuenientiam passionis ad subiectum, distributio suppositorum includit distributionem temporum, unde dici de omni est, quod non est in quodam sic, in quodam non, nec aliquando sic, aliquando non, sed in quolibet, & semper: ergo similiter hoc quod est ubique, includit sempiternitatem: ergo esse ubique semper conuenit Deo, ergo ab æterno.

3. ITEM: Res sunt in Deo, & Deus in rebus, sed res sunt in Deo ab æterno: ergo à rebus cum dicantur hæc ad conuenientiam, Deus est in rebus ab æterno, sed non nisi in omnibus: ergo, &c. Si dicas quod non dicuntur correlatiue. CONTRA: Cum dicitur Deus est in rebus, non significatur respectus, nec dependentia Dei ad res, sed rerum ad

Deum: ergo nihil aliud est dicere, Deum esse in rebus, quam res esse in Deo.

4. ITEM: Si Deus non fuit ubique ab æterno, & fuit, ergo fuit alibi, quam ubique, & modo est ubique, ergo mutauit locum: ergo in Deo eadit mutatio: sed hoc falsum, ergo primū. Si tu dicas quod mutatio est in connotato.

CONTRA: Cum dicitur Deus est in loco, non notatur effectus, sed solum Dei præsentia: ergo videtur quod secundum hoc non significetur mutatio in connotato, sed solum in ipso Deo: testat ergo per impossibile, quod Deus est ubique æternaliter.

CONTRA: Vbiq; præsupponit vbi, & vbi præsupponit locum, & locum non est ponere, nisi ex tempore: ergo & Deum esse ubique, non est ponere nisi ex tempore.

ITEM bene sequitur: Deus est ubique, ergo est in cælo: ergo destructo conueniente, destruitur & antecedens. sed ab æterno non fuit in cælo: ergo, &c.

ITEM bene sequitur: Deus est ubiq; ergo in ista domo: sed ista domus non fuit nisi ex tempore, & post initium temporis, ergo & esse ubique.

C O N C L U S I O.

Esse ubique, conuenit Deo æternaliter, prout dicit præsentia-tem diuinæ immensitatis per quam est præsens omni ei quod est, siue sibi, siue alii: temporaliter vero prout connotat locum certum siue rem.

RESP. ad Arg. Dicendū quod esse ubiq; dupliciter potest accipi de Deo, sicut & esse semper. Vno enim modo, semper, importat diuinam immensitatem secundū durationem, & sic idem est quod æternitas, & conuenit Deo æternaliter. Alio modo connotat similitudinem temporis, & sic conuenit ei à principio temporis. Sic esse ubiq;, vno modo importat præsentialem diuinæ immensitatis, per quam est præsens omni ei quod est, siue sibi, siue alii, & sic idem est esse ubique, quod Deum esse immensum.

1. Et sic conuenit Deo æternaliter, & secundū hoc procedit prima ratio. Alio modo prout connotat locū creatum, siue rem. Et sic conuenit ei ab initio rerum, & locorum propter connotatum, & conuenit semper, & adhuc est proprium, quia conuenit soli, & semper vno modo, licet non æternaliter: sicut etiam est in demonstratiuis.

Et sic procedit secunda ratio. Et iste modus accipiendi Deum esse ubiq;, est vltimior, & secundum hunc modum non conuenit ei æternaliter.

3. Quod vero obiicitur contra hoc, quod conueniat æternaliter per suam conuersam, dicendum quod non est sua conuersa. Cum enim dicitur quod res sunt in Deo, hoc intelligitur ratione exemplaritatis, & nihil connotatur actu: sed cum dicitur Deus esse in rebus, connotatur aliquid creatum. Nam nihil est in eo quod non est: ergo si Deus est in rebus & locis, res & loca sunt: non ens tamen secundum se bene est in exemplari tanquam in principio. Vnde hæc: Deus est in rebus, non est conuersa huius, res sunt in Deo, sed hæc: Deus est exemplar rerum, & vtraque est vera æternaliter. Et huius, Deus est in rebus, conuersa est, res continentur à Deo, & conseruantur ab ipso.

4. Ad illud quod obiicitur quod si Deus non fuit ubique, & modo est, ergo est mutatus: dicendum quod non sequitur, quia hoc non est propter mutationem Dei, sed rerum.

Quod obiicitur quod ubiq; non connotat effectum, sed solum præsentiam: dicendum quod præsentia importat habitudinem ad duo, scilicet eius qui præsens est, & cui est præsens, & ideo potest esse inceptio ratione rei cui præsens est, non noui effectus.

Quod obiicitur ad oppositum, procedit secundū quod ubique connotat locum creatum.

Quod tamen vltimo obiicitur non valet, immo est ibi fallacia accidentis, sicut hic: Ille triangulus incipit habere tres: non ergo omnis triangulus semper habuit tres: quia non fuit distributio de tribus ut nunc, sed ut simpliciter, &c.

Funda-
menta.

Ad Repl.

Solutio
ad argum.
pro fun-
dam.

Repl.

ARTICVLVS III.

DE tertio articulo principaliter queritur, scilicet qualiter Deus sit in rebus. Et circa hoc duo queruntur. Primo queritur, utrum Deus sit in omnibus rebus æqualiter, siue vniformiter. Secundo queritur quibus modis, & qualiter Deus sit in rebus.

QVÆSTIO I.

An Deus æqualiter sit in omnibus rebus.

Alex. Alenf. 1. p. q. 9. Memb. 2.

Richard. 1. Sent. dist. 37. q. 2.

Steph. Brulef. 1. Sent. dist. 37. q. 6.

Petrus de Tarantaf. 1. Sent. dist. 37. q. 2.

Funda-
menta.
Prop. 24. &
12. Metaph.
32.

QUOD sit vniformiter, videtur, quia sicut dicit Philosophus: Prima causa vno modo se habet ad omnia, licet omnia non habeant se vno modo ad ipsam: sed omnia in Deo sunt vniformiter, quia sunt vita, & creatrix essentia: ergo multo fortius Deus in omnibus rebus est æqualiter & vniformiter.

ITEM: Quod est vbique totum, est æqualiter & vniformiter: sed cum Deus sit simplicissimus, est vbique totus, ergo æqualiter & vniformiter est in omnibus rebus.

ITEM: Vnicuique rei intima est materia & forma: sed forma non vnitur materiæ nisi mediante appetitu, appetitus autem ortum habet ab essentia: sed hoc non posset nisi per Dei præsentiam: ergo Deus magis est intimus omni rei quam sua forma: sed forma vnicuique rei est summe intima: ergo Deus intimior intimus, est intimus cuiuslibet: sed quod habet esse in intimo, est vniformiter: ergo, &c.

ITEM: Hoc ostenditur per impossibile: quia si Deus non est æqualiter in rebus: ergo cum magis intime est in vna quam in alia, ergo in aliqua non est summe intima: ergo aliquid est in re intrinsecum in quo non est Deus: ergo Deus non est in omni quod est: sed hoc est impossibile, ergo & primum.

Ad oppositum.
Aristot. 3. de
ani. 18. Boet.
in 5. de conf.
prosa. 4.

1. SED contra: Omne quod recipitur in aliquo, est ibi per modum recipientis, & non recepti: sed creaturæ non sunt æqualiter capaces Dei, ergo non est æqualiter in eis Deus.

2. ITEM: Sicut se habet intellectus ad primam lucem, licet ad primam essentiam, & viuens ad primam vitam: sed maior intellectus magis participat diuinam lucem: ergo perfectius ens, & perfectius viuens diuinam essentiam & vitam: ergo Deus perfectius est in vno quam in alio.

3. ITEM: Existencia Dei in rebus est conseruatio rerum: sed non omnes res æqualiter conseruantur, ergo non est æqualiter in omnibus.

4. ITEM cum Deus sit vbique, solum dicitur habitare in iustis: sed hoc non esset si æqualiter & vniformiter esset in omnibus: ergo, &c.

CONCLUSIO.

Deus secundum præsentialem vniformiter est in omnibus rebus, secundum vero connotationem effectus, & impressionem suæ similitudinis, difformiter.

RESP. ad Arg. Ad prædictorum intelligentiam est notandum quod Deum esse in rebus dupliciter potest intelligi. Vno modo ut idem sit quod esse præsentem cuiuslibet rei, non connotando effectum: & sic vniformiter est in omnibus rebus, eo quod intimus est cuiuslibet rei, & summe præsens, & totus in qualibet re. Alio modo potest connotare effectum, sicut artifex dicitur in artificia-

Ato esse per connotationem effectus, & per impressionem suæ similitudinis: & sic cum vni creaturæ plus det quam alii, magis est in vna quam in alia. Et hoc potest esse dupliciter, scilicet extensiuè quantum ad ea quæ habent esse diuturnius, ut in corpore incorruptibili plus quam in anima sensibili. Vel intensiuè quantum ad ea quæ habent esse nobilius, ut in anima sensibili, quam in corpore incorruptibili. Vel utroque modo, ut in anima rationali, quam in corpore corruptibili. His visis patent obiecta ad utramque partem. Procedunt enim his duabus viis ut patet, exceptis duabus primis ad utramque partem.

QUOD enim obicitur quod Deus vniformiter se habet ad omnes res, si intelligatur vniformitas ex parte diuini esse, verum est: si autem intelligatur ex parte effectus, falsum est. Quoniam Deus vniformiter & stabiliter existens, cetera mouet, & multos & varios effectus producit, & efficiendo diuersa in rebus, facit quod res non se habeant vniformiter ad ipsum. Quoniam ergo cum dicitur Deus esse in rebus, vno modo connotatur effectus, alio modo non: ideo vno modo conceditur quod sit vniformiter, alio modo non. Similiter econuerso cum dicitur, omnia sunt in Deo, vno modo potest connotari effectus, sicut patet in prædestinatione, & reprobatione, & sic non est vniformiter: alio modo non connotatur effectus, & sic vniformiter.

QUOD obicitur iterum ad oppositum quod omne quod recipitur, est per modum recipientis: dicendum quod verum est, ubi receptum dependet à recipiente, ut species à virtute cognoscente: in proposito autem non sic est. Vnde diuina essentia existens in re, non accipit modum rei, & sic patet illud.

QVÆSTIO II.

Quibus modis Deus in rebus esse dicatur.

Alex. Alenf. 1. p. q. 9. Memb. 1.

S. Tho. 1. p. q. 8. art. 3.

Et 1. Sent. dist. 37. q. 1. art. 2.

Scot. 1. Sent. in Report. dist. 37. q. 2.

Egid. Rom. 1. Sent. dist. 37. q. 2.

Alfiodorensis 1. Sent. c. 15. q. 2.

Marsilius Inguen. 1. Sent. q. 39. art. 1.

Steph. Brulef. 1. Sent. dist. 37. q. 2.

Petrus de Tarantaf. 1. Sent. dist. 37. q. 6.

Gab. Biel 1. Sent. dist. 37. q. unica.

QUibus modis, & qualiter sit Deus in rebus. Et assignat Magister duplices modos existendi Deum in rebus. Et vnum modum accipit ab Augustino de præsentia Dei ad Dardanum, qui dicit quod aliter est Deus in omnibus creaturis, aliter in sanctis, aliter in Christo per vñionem. Alium modum accipit à Gregorio qui dicit super quintum cap. Cantic. quod Deus est in rebus tripliciter, scilicet potentialiter, præsentialem, & essentialiter. Queritur ergo de distinctione, sufficientia, & ordine istorum modorum. Et obicitur contra assignationem Augustini: Aut enim accipiuntur modi illi quantum ad diuinam substantiam, aut quantum ad creaturam, aut quantum ad effectus. Si quantum ad effectus, cum innumerales sunt modi essendi. Si quantum ad creaturam suscipientem: cum solum duplex sit suscipiens, scilicet natura, & voluntas, videtur quod tantum duo sint modi, scilicet per naturam, & per gratiam. Si quantum ad Dei substantiam: cum in ea non cadat diuersitas, erit tantum vnus modus.

ITEM sicut oratio est effectus superadditus naturæ, ita operatio miraculosa: ergo sicut in habentibus gratiam est aliter Deus quam in non habentibus, ita & in re in qua operatur miraculose, ut in asina Balaam, erit alio modo essendi.

ITEM sicut gratia gratum faciens est supra naturam, ita gratia gratis data, ut prophetia, ita etiam poena, & gloria: ergo cum ista differant genere, & specie, debent secundum hoc

Ad arg. pro
Funda-
ment.

Ad arg.
in oppos.

Ad oppositum.
Epist. 57.
tom. 2.

In ca. 5. non
inuenitur.
sed in sensu
id dicere
proprie vi-
detur in 2.
Mor. c. 8.

dum hoc diuersi modi essendi distinguuntur: ergo non distinguunt Magister sufficienter.

ITEM obiicitur contra assignationem Gregorii: Aut enim illa assignatio est secundum effectus, aut condiciones & proprietates Dei. Si secundum effectus: tunc cum essentia nullum connotet effectum, non deberet poni. Si secundum condiciones Dei: sed non tantum est Dei potentia, sed etiam sapientia, & voluntas: ergo videtur quod insufficienter assignet.

ITEM videtur esse præposteratio in ordine. Nam secundum rem & rationem intelligendi, essentia præcedit potentiam, & potentia præsentiam: ergo male ordinat.

ITEM verborum inculcatio videtur: quia in Deo idem est potentia, essentia, & præsentia: quæritur ergo distinctio.

C O N C L U S I O .

Vtraque assignatio modorum essendi Deum in rebus conueniens est, tam illa qua est Augustini, quam qua Gregorii: illa enim respicit diuersitatem modorum essendi in rebus, hæc condiciones eorundem modorum.

RESP. Ad Arg. Dicendum quod assignatio Augustini respicit diuersitatem modorum essendi Deum in rebus: sed assignatio Gregorii respicit condiciones modorum essendi. Vbi quicunque enim est Deus siue per naturam, siue per gratiam, est essentialiter, potentialiter, præsentialiter. Diuersitas autem modorum essendi accipitur penes diuersitatem effectuum, & non qualem cunque, sed solum trimembrem. Quidam enim est effectus secundum quem comparatur res ad Deum per modum exeuntis: & hi omnes continentur sub modo naturæ, extenso nomine. Quidam per modum redeuntis: & hic est effectus gratiæ inchoatæ, vel consummatæ, ut gloriæ & quantum ad hunc est secundus modus essendi. Quidam est effectus secundum quem comparatur creatura ad Deum, ut perueniens, vel perficiens: & hic est effectus vniõis, in qua vniuntur in vnitæte personæ creatura, & Creator, ut homo & Deus. Quoniam ergo tres sunt modi effectuum, secundum quos creatura diuersimode comparatur ad Deum: ideo tantum tribus modis dicitur esse in rebus. Et primus qui attenditur quantum ad exitum, assimilatur lineæ rectæ. Secundus quantum ad reditum, lineæ reflectæ. Tertius quantum ad perfectionem assimilatur circulo. Et primus quidem modus similis est lineæ: secundus, quia includit primum, similis est superficiæ: tertius, quia vtrunque, similis est soliditati. Et ideo optime dicit Apostolus quod in Christo tota diuinitas habitat corporaliter: est enim perfectissime in eo, quia est ad modum circuli quæ est figura perfectæ, & per modum altitudinis quæ est quantitas perfectæ. Ex his patet sufficientia, & distinctio, & solutio obiectorum. Assignatio autem beati Gregorii accipitur quantum ad condiciones modorum essendi. In his enim tribus circumloquitur beatus Gregorius perfectionem modorum existendi Deum in omnibus in quibus est hoc modo. Aliquid enim est in aliquo secundum præsentialitatis indistantiam: ut contentum in continente, ut aqua in vase. Aliquid secundum virtutis influentiam, ut motor in mobili. Aliquid secundum intimitatis existentiam, ut illud quod est continens intra, ut anima in corpore. Et omne quod perfecte est in re, necesse est esse quantum ad hanc triplicem conditionem, & hoc modo est Deus. Et ideo dicitur esse potentialiter, præsentialiter, & essentialiter: quia secundum præsentialitatis indistantiam, secundum virtutis influentiam, secundum intimitatis existentiam, & sic patet distinctio, sufficientia, & ordo. Quoniam secundum rationem intelligendi condiciones istæ se habent per additionem, & ideo bene ordinat beatus Gregorius primo præsentialiter, &c. Aliqui tamen huiusmodi condiciones volunt distinguere penes substantiam, virtutem, & operationem. Sed licet modus existendi essentialiter respondeat sub-

stantiæ, & potentialiter virtuti: tamen præsentialiter principaliter non responderet operationi: nam præsens est aliquis alicubi, etiam si non operetur. Aliqui accipiunt penes genera causarum. Sed nec illud videtur conueniens, quia essentialiter consistere, non connotat genus causalitatis. Aliqui penes Trinitatem vestigii, scilicet modum, speciem, & ordinem: sed omnia hæc præcedit essentia secundum rationem intelligendi.

DISTINCT. XXXVII. PARS II.

De Dei immutabilitate quantum ad locum.

Cumque diuina natura veraciter, & essentialiter.

Expositio textus.

SUPRA ostendit Magister qualiter Deus sit in locis, & in rebus omnibus, & quoniam ad existentiam in loco sequitur circumscriptibilitas, & locabilitas in creatura locata: ideo intendit hic a Deo has condiciones remouere. Et diuiditur hæc pars in duas. In prima ostendit Deum incircumscriptibilem, & immutabilem. In secunda vero concludit, & per auctoritates confirmat, ibi: *Fateamur itaque diuinam naturam*, &c. Prima pars habet tres partes. In prima ostendit quod immobilitas, & incircumscriptibilitas conuenit Deo. In secunda hoc remouet a natura Angelica, & omni natura creata, ibi: *Spiritus vero creatus quodammodo*, &c. In tertia ponit opinionem quorundam, qui dicunt Spiritus creatos non moueri loco, nec esse locales, ibi: *De mutatione vero loci*, &c. In quarta suam conclusionem infert, quod solus Spiritus increatus est incircumscriptus, ibi: *Sunt ergo Spiritus creati*, &c. Item secunda pars in qua suam refumit conclusionem, ut addat, habet tres partes. In prima concludit prædeterminatam, & auctoritatibus confirmat. In secunda vero mouet oppositionem, & soluit illam, ibi: *Ad hoc autem solet opponi*. In tertia breuiter epilogat prædeterminatam, & ostendit rationem sicut præsentis capituli, ibi: *Ita sufficienter demonstratum est*.

Neque dimensionem habet sicut corpus, &c.

Dub. I.

Videtur male dicere, quia dicitur: Ut possitis comprehendere cum omnibus Sanctis, quæ sit longitudo, &c. & Glossa exponit illud de Deo.

RESP. Magister loquitur proprie ad litteram, sed Apostolus loquitur metaphoricè. Vnde multipliciter exponuntur illa verba. In Deo enim longitudo est longanimitatis, latitudo charitatis, sublimitas misericordiæ, & profundum iustitiæ, siue sapientiæ, quantum ad Dei iudicia.

Mouet etiam per tempus & locum creaturam corporalem.

Dub. II.

Videtur mala ista diuisio Augustini: Primo quia a Philosopho ponitur nulla mutatio secundum tempus. Et iterum sua diuisio non videtur sufficiens, quia Philosophus ponit sex species motus.

RESP. Dicendum quod secundum Philosophum omnes species motus ad hunc duplicem motum reducuntur, scilicet ad motum ad situm, & ad motum ad formam: Augustinus autem motum ad situm intelligit per motum secundum locum, qui est entis completi, & perfecti, siue de inuolutione circa qualitatem, siue proprietatem substantiæ, eatenus quæ ad situm est, nisi pariter sit ad formam: motum autem ad formam, qui subdividitur per quinque species, comprehendit sub mutatione secundum tempus: propter hoc, quod de se dicit mensuram variabilem, & rei variabilis. Vnde omnem mutationem, quæ est secundum proprietates rei absolutas, & intrinsecas, siue secundum qualitates corporales, siue secundum spirituales, ut sunt affectiones in animabus, ipse vocat mutationem secundum tempus, & ita patet ratio diuisionis, & sufficientia.

Spiri.

Diuisio.

Ephef. 3. d

Aristot. 3.
Phy. cont. 6.
Aug. li. 8. de
Tr. c. 26.
tom. 3.

Spiritualis autem creatura per tempus mouetur.
Dub. III.

Videtur falsum dicere, quia spiritualis creatura mensuratur æuo, cum sit perpetua: ergo si mouetur, non per tempus mouetur, sed per æuum.

I T E M intellectus Angelicus est deiformis, sicut vult Philosophus: ergo intelligit in instanti, pari ratione, & afficitur: non ergo in tempore. Præterea, tempus per prius est mensura motus primi mobilis: ergo illud solum mensuratur tempore quod subiacet illi motui: sed tale non est Angelus, nec eius motus: ergo, &c.

R E S P. Ad præsens norandum quod tempus vno modo dicitur proprie, & sic dicit mensuram rei mutabilis in quantum mutabilis, tamen sub ratione continui: & quoniam motus primi mobilis est motus maxime euidentis, & continuus inter omnes: ideo tempus hoc modo dicitur proprie esse in primo mobili, sicut in subiecto, in quo primo est, & in quo primo apparet. Alio modo dicitur tempus mensura cuiuslibet rei mutabilis, secundum quod mutabilis, siue moueatur instantanee, siue continue, & sic non tantum est in motu primi mobilis, & in his, quæ ei subiacet, sed etiam in omni creato, circa quod accidit variatio, & sic est in Angelis. Et per hoc patent obiecta.

Quod enim obiicit de æuo, dicendum quod æuum est mensura Angelorum quantum ad esse substantiale, quod est inuariabile, & incorruptibile: sed tempus quantum ad proprietates, quæ variantur, & quædam subito, quædam successiue, sicut patet in Angelis per naturam paulatim intendi aliquam affectionem, & sic patent cætera.

In duobus sapientibus quorum alter altero, &c.
Dub. IV.

Videtur falsum dicere quod eadem sapientia est in duobus neque maior, neque minor, quia sapientia est accidens, & qualitas sapientis, & accidens per subiecta numeratur.

R E S P. Dicendum quod ad hoc voluerunt aliqui dicere quod eadem sapientia creata esset in duobus sapientibus, & hoc dant intelligere per duas suppositiones. Vna est quod species rei in anima non differant per essentiam à re extra. Alia suppositio est quod eadem rem nosse possunt duo sapientes, scilicet vnum enunciabile quod dictum est singulare, & hoc vltimum non indiget persuasione: sed prius quod species in anima non differat à re extra secundum essentiam, ostendunt sic, quia per eadē, res cognoscitur, per quæ res habet esse: si ergo per formam suam habet esse: ergo & cognosci, & forma rei vere est in anima: & cum intellectus sit sciens per illam formam, & contingat aliquos duos omnino idem scire, & cogitare, illa non est tantum vera forma, sed etiam vna. Et quod hoc verum sit, persuadent per hoc quod si forma potest secundum veritatem consimilem formā in materia producere, & seipsam facere in aliena materia, quare non est simile in anima, quæ habilior est ad recipiendum? Vnde & hoc dicunt sensisse Augustinum. Vnde dicunt quod sapientia non est ad modum aliarum proprietatum. Sed hæc positio deuiat ab Augustino, quia Augustinus vult, & alii Sancti quod esse in pluribus omnino distinctis non conuenit vni, & eidem creaturæ, nisi per miraculum, & ideo positio ista super falsum fundatur, & fundata est. Quia si veritas asini esset in anima, quare non diceretur anima esse asinus? Et iterum. Si esset veritas, adhuc non esset eadem, quia nulla forma cum generat se, generat se omnino eandem: sed de necessitate plurificatur essentia in generante, & generato, præterquam in Deo: & ideo non valet ad propositum. Et ideo secundus modus dicendi est quod Augustinus intelligit de sapientia increata, quæ est in sapientibus, & attingit vbiq; propter sui mundiciam. Sed cum Augustinus intendit ponere exemplum

*August. ad
Dard. epist.
57. tom. 2.
Ambr. li. de
Spiritu sancto
c. 7. so. 4.*

*August. ad
Dard. epist.
57. tom. 2.*

A in creaturis, non videtur adhuc hoc esse secundum eius intellectum. Et iterum ipse dicit quod ipsa sapientia est æqualis in duobus, qui sunt æqualiter sapientes, non autem in aliis: ergo videtur loqui de habitu. Et ideo est tertius modus quod ipse loquitur de vnitatem per conformitatem. Sed illud adhuc non est sufficienter dictum, quia tunc maior esset in duobus, quam in vno, sicut patet in duobus diuitibus qui sunt in diuitiis conformes, & æquales. Propter hoc dicendum quod similitudo, siue intentio in anima habet comparari ad animam, in qua est, & ad illud cuius est: & quoniam ortum habet ab eo, cuius est, & ad illud dicitur: ideo similitudines vnius rei in animabus pluribus, quia in vnam, & eandem veritatem ducunt, est tantum vna, quantum duæ: hinc est quod per comparisonem ad illud, cuius sunt, habent vnitatem, nec maius sunt duæ quam vna, similiter nec sapientia. Sed in comparatione ad animas quæ per illas cognoscunt, habet pluralitatem, & plus sunt duæ quam vna, & ideo patet quod non potest poni omnino simile, quia res differunt ab intentione, siue similitudine sua: in Deo autem in quo non differunt, patens est, quod vnus potest esse in multis, & sic patent cætera obiecta.

ARTICVLVS I.

AD intelligentiam huius partis, duo principaliter quæritur. Primo quæritur de incircumscribilitate, siue illocalitate Dei. Secundo, de mutabilitate Spiritus Angelici per locum: hæc enim duo prosequitur in littera. Quantum ad primum articulum, quæritur tria. Primo quæritur, vtrum Deus sit localis intra locum. Secundo, vtrum sit mutabilis de loco ad locum. Tertio, vtrum sit separabilis à loco, siue sit extra omnem locum.

QVÆSTIO I.

An Deus sit localis.

Steph. Brulef. 1. Sent. dist. 37. q. 8.

Petrus de Tarantasia. 1. Sent. dist. 37. q. 8.

QUOD Deus sit localis, ostenditur hoc modo: Esse in loco, & esse locatum conuertuntur: sed Deus est in loco, vt in præcedentibus probatum est, ergo Deus est locatum: sed omne locatum est locale: ergo Deus est localis.

2. I T E M quod est in vno loco tantum, locale est: ergo si plus possunt omnia loca, quam vnum: & magis sapit naturam rei quod habet esse in toto, quā quod in parte habet: multo magis est locale quod est in omni loco: sed Deus est in omni loco, quia vbiq;: ergo videtur maxime esse localis.

3. I T E M Deus est vbiq;: ergo est hic: sed quod hic est, est in loco determinato: & quod est in loco determinato est locale: ergo, &c.

4. I T E M Deus est in loco aliquo determinato: aut ergo secundum totum, aut secundum partem: si secundum partem ergo habet partem & partem, quod est inconueniens. Si secundum totum, sed quod secundum totum est in aliquo, comprehenditur ab illo, & quod comprehenditur ab aliquo loco determinato, est locale: ergo Deus est localis.

CONTRA: Magister in littera: Localis non est, quia penitus non circumscribitur loco.

I T E M ratione probatur sic: Nihil dicitur temporale, nisi quod exceditur à tempore. Temporalia enim in tempore sunt corruptibilia: ergo nihil dicitur locale, nisi quod exceditur à loco: sed Deus non exceditur à loco: ergo, &c.

I T E M locus est accidens: ergo non denominat illud nisi ad quod comparatur, vt accidens: sed ad Deum non potest comparari, vt accidens: ergo non denominat Deum: ergo Deus non est localis.

*Ad oppositum.
Art. medi.
ante præced.*

ITEM

Aristot. in
prædic. c. de
quantis.

ITEM locus est quantitas continua diuisibilis, punctus autem est principium quantitatis indiuisibilis: ergo magis conuenit cum Deo punctus, quam locus quantum ad proprietates: sed Deus non dicitur punctualis, nisi improprie, & falso: ergo non debet dici localis.

CONCLUSIO.

Deus, quoniam sic præfens est loco, ut nihil ab eo omnino recipiat, sed solum eius indigentiam repleat, detque ei virtutem continendi, localis non est.

RESP. Ad Arg. Dicendum quod locale dicitur quod sequitur leges loci, sicut temporale quod sequitur leges temporis. Leges autem loci sunt quantum ad actum continendi, mensurandi, saluandi, terminandi, secundum quas locus se habet ad locum per modum impatiens, & locum se habet ad locum per modum suscipiens. Et quoniam Deus sic est præfens loco, ut nihil ab eo omnino recipiat: sed solum eius indigentiam suppleat, & det loco virtutem continendi, & locato virtutem replendi. Hinc est quod Deus nullo modo dicendus est localis, sicut dicit Magister in litera, & rationes ad hoc inductæ concedendæ sunt.

1. AD illud ergo quod obiicitur quod esse in loco, & esse locum conuertuntur, dicendum quod conuertuntur ratione materiæ circa ipsum corpus, tamen ratione virtutis vocabuli non. Nam hæc determinatio in loco, ad hoc quod habeat veritatem locutio, non exigit, nec ponit nisi præfentialitatem, & indistantiam: sed esse locum ponit ambitum, & continentiam, esse locale ponit idoneitatem ad proprietates loci, & indigentiam aliquam, & ideo hæc conceditur: Deus est in loco, quamuis aliquid habeat improprietatis: propter hoc quod hæc præpositio, non videtur importare continentiam ambientem: sed hæc est magis impropria: Deus est locus. Et adhuc ista est plus impropria: Deus est localis, & ideo non est recipienda, sed exponenda.

2. AD illud quod obiicitur: Quod est in vno loco, est locale, dicendum quod illud est, quia locus superexcellit ipsum locum. Vnde illud determinat, & diffinit, sed quando est, in omnibus, ipsum superexcellit omnia loca. Et ideo super hoc non tantum possunt omnia loca, quantum potest vnus locus super illud quod est tantum in vno loco: & ideo non est localis dicendus Deus.

3. AD illud quod obiicitur quod Deus est hic, &c. dicendum quod, hoc potest teneri dupliciter. Aut demonstratiue tantum, aut demonstratiue, & discretiue. Si tantum demonstratiue: sic verum est: Deus est hic, quia non est signum locum, cui Deus non sit præfens. Si autem discretiue, falsum est esse hic, & non sequitur ex prima, & hoc sententia procedit sua ratio.

4. AD illud quod quaeritur, aut Deus est secundum totum, &c. dicendum quod in Deo sunt simul simplicitas, & infinitas: quando ergo apponitur circa Deum nomen importans totalitatem, potest dupliciter apponi, vel ratione simplicitatis, & sic priuat partem, & partem & sic significatur per nomen, Totum, ut si dicatur: Totus Deus: & quoniam Deus in omni loco simplex est: & quolibet est capax simplicitatis diuinæ: ideo ratione simplicitatis Deus est in quolibet totus. Potest iterum totalitas apponi ratione infinitatis: & hoc fit per aduerbium: ut si dicatur: Deus est totaliter in loco hoc, siue secundum totum, & sic cum diuina infinitas à nullo loco includatur: Deus in nullo loco est secundum totum. Quando ergo quaeritur, aut secundum partem, aut secundum totum, dicendum quod non diuidit per immediatam, quia Deus non secundum partem, quia simplex: nec secundum totum, quia infinitus: & ideo dicendus est totus in quolibet loco, non tamen totaliter.

* *

QVÆSTIO II.

An Deus sit mutabilis secundum locum.

Alex. Alenf. 1. p. q. 13. Memb. 3.

Steph. Brulef. 1. Sent. dist. 37. q. 9.

Petrus de Tarentaf. 1. Sent. dist. 37. q. 7.

UTrum Deus sit mutabilis secundum locum. Et quod non, videtur sic. Magister in litera dicit, & accipit ab Augustino super Genesim: Deus est in omni tempore, & in omni loco: non tamen mouetur per loca, vel tempora.

ITEM ratione ostenditur, quia motus est actus imperfectus: sed in Deo nulla est imperfectio: ergo nec secundum locum mutatio.

ITEM per omnem motum aliquid acquiritur: sed Deus nullum locum potest acquirere, quia est vbique: ergo impossibile est, Deum secundum locum mutari.

ITEM nobilior dispositio est quies quam motus, sed quod nobilior est, Deo est attribuendum: ergo impossibile est Deum secundum locum mutari: sed semper quiescit.

1. CONTRA per Augustinum ad Orosium: Deus mouet se sine tempore & loco: ergo videtur quod Deus moueatur: sed perfectissimus motuum est motus secundum locum: ergo, &c.

2. ITEM Isidorus: Cum sit illocalis Deus, localiter tamen ambulat in Sanctis: ergo saltem videtur mutari per accidens.

3. ITEM hoc videtur ratione, quia mouentibus nobis, mouentur ea, quæ in nobis sunt. Hoc dicit Philosophus, & dicit propter formas, quæ non sunt in vno determinate: ergo si Deus est in nobis, Deus mouetur in nobis saltem secundum accidens.

4. ITEM quamuis Deus quantum ad existentiam, per essentiam non determinet locum, tamen quantum ad habitationem diffinit est in aliquibus, ita quod non in aliis: ergo saltem quantum ad hunc modum est mutabilis.

CONCLUSIO.

Deus propter suam summam immensitatem, vel incipiat, vel desinat esse in rebus, nullo modo mutabilis est.

RESP. Ad Arg. Dicendum quod sicut dicit Magister in litera, Deus nullo modo mutatur per locum: & hoc verum est, quia nec per se, nec per accidens mutatur: & hoc est propter summam immensitatem, quia adest omnibus, & nulli abest. Et si incipiat esse in re, vel desinat, hoc solum est secundum rei mutationem, non secundum mutationem eius. Vt puta, si aere illuminato intelligatur creari crystallus, radius incipit esse in eo: & crystallo amoto, desinit esse, nulla facta mutatione in radio.

1. 2. AD illud ergo quod obiicitur quod Deus mouet se, &c. dicendum quod Augustinus non dicit simpliciter quod mouet se, sed cum his additionibus, sine tempore, & loco. Et quoniam omnis motus secundum Augustinum comprehenditur sub mutatione secundum tempus, & secundum locum: ideo tantum est hoc, quantum est dicere, mouet se sine motu, & ita non mouetur vere, nec implicatur contradictio. Sed cum in motu sint duo, scilicet quod est actus, & quod est variatio, siue imperfectio, vult dicere Augustinus quod mouet se sine motu, quia semper est in actu, sed non ita in actu imperfecto, imo perfecto. Quod dicit Isidorus, est intelligendum metaphorice, vel causaliter, quia sanctos facit ambulare, id est, proficere de virtute in virtutem.

3. AD illud quod obiicitur quod mouentibus nobis, &c. dicendum quod illud non habet veritatem nisi in illis, quæ sunt in aliis per dependentiam, & diffinitionem. Vnde quia radius est in aere, & non dependet ab aere, id.

Fundamenta.
Li. 8. ca. 21.
tom. 3.

Aristot. 3.
Phy. cõs. 15.

Aristot. 6.
Phy. cõs. 7.

Ad oppositum.

Aug. ad Oros. q. 4.
tom. 4.

Isid. lib. 1. de sum. bon. c. 2. §. 5.

Aristot. in prædic. ca. de Substantia. Et 2. Top. c. 3.

Aug. super Gen. ad lit. lib. 8. ca. 22.
23. to. 3.

Arist. 2. Top. pic. c. 5.

eo non mouetur moto aere: & quia anima est in manu, nec diffinitur manu: ideo nō mouetur, mota manu. De⁹ autem non dependet à rebus, nec diffinitur: ideo non mouetur ad motum rerum.

4. Ad illud quod obiicitur de habitatione Dei, dicendum quod determinate est in aliquibus non ratione immensitatis, sed ratione influentiæ gratiæ, & ideo non determinatur ipse Deus, sed effectus tantum: hinc est quod non per se, nec per accidens mouetur nec moueri potest, quia à nullo dependet, nec dependere potest: à nullo diffinitur, nec potest diffiniri; & non solum non est possibile, sed etiam non intelligibile. Obiiciet autem aliquis sic: Intelligamus corpus egredi à loco nullo introeunte, tunc remanet vacuum: aut ergo ibi est Deus, aut non. Si sic: ergo in eo est quod nihil est, quod stultum est dicere. Si nō est, & ibi prius fuit: ergo videtur esse mutatus, saltem per accidens: ergo videtur quod Deus exeat cum re, & cum re alia ingrediatur, quia si res tantum exiret, Deus exiret. Ad hoc respondeo quod si per impossibile ponatur, locum euacuari, tunc remanere intelligitur capacitas loci priuata: capacitas aliquid est, & in illa Deus est, priuatio autem nihil est, & in illa Deus esse non potest: non ergo definit Deus esse ab eo, quod remanet post recessum corporis, sed cum res priuatur, aufertur comparatio eius ad Deum. Quod enim nihil est, nullam habet comparationem: sed cum res mouetur, Deum non dimittit, nec ad Deum accedit, nec Deus cum re venit: quia sic est in re, ut sit extra rem idem, ideo nec res eum dimittit, nec nouum inuenit. Et hoc est intelligibile, si quis potest intelligere quod Deus sit simplex, & infinitus, & immensus. Quia enim est immensus, ita est intra, quod extra: quia simplex, secundum vnum & idem est intra, & extra: ideo nec dimittitur, nec acquiritur aliud in re, nec ab ipso itur ad ipsum, nec dimittitur, ut alibi, & alibi inueniatur.

QVÆSTIO III.

An Deus ab omni loco sit separabilis, & existat extra omnem locum.

Alex. Alensis i. p. q. 10. Memb. 1.

Richard. 1. Sent. dist. 37. q. 4.

Steph. Brulef. 1. Sent. dist. 37. q. 10.

Petrus de Tarent. 1. Sent. dist. 37. q. 8.

Vtrum sit Deus ab omni loco separabilis, vel extra omnem locum. Et quod non, videtur, quia extra omnem locum nihil est: ergo si Deus est extra omnem locum: ergo vel in nihilo.

ITEM hoc quod est, *extra*, aduerbium loci est: ergo si Deus extra omnem locum est, est in loco, & præter omnem locum: sed hoc est falsum & non intelligibile: ergo Deus non potest nec re nec intellectu separari ab omni loco.

ITEM cum dicitur: Deus est extra mundum, *extra* aut stat pro aliquo, aut pro nihilo. Si pro nihilo, ergo chimæra est, *extra mundum*. Si pro aliquo: ergo vel pro creato: vel increato. Non pro creato, constat: ergo pro increato, ergo esse extramundum, est esse in Deo: sed omnia sunt in Deo, ergo omnia sunt extra mundum.

ITEM in nullo est Deus quod non sit in ipso: sed nihil quod sit extra mundum est in Deo: ergo Deus non est extra mundum.

1. CONTRA, quod locus possit separari à Deo secundum intellectum, videtur, quia possibile est secundum intellectum locum priuari omni locato, & remanere vacuū: sed vacuum est priuatio. Deus autem in nullo est quod nō sit in ipso: priuatio autem non est in Deo, nec Deus in priuatione: ergo nec in vacuo, & sic est separabilis à loco.

2. ITEM quod Deus separatur à loco secundum rem, videtur, quia sicut se habet Dei æternitas ad omne tempus, ita & immensitas ad omnem locum: sed Dei æternitas fuit ante omne tempus: ergo Dei immensitas fuit extra omnem locum: sed quod est extra aliquid, est separatum ab eo: ergo, &c.

3. ITEM si Deus est tantum in locis creatis, cum illa sint

A finita dimensionis: & quod commensurat se finito est diffinibile, & finitum: ergo Deus esset finitus.

4. ITEM Deus est adeo bonus quod melior cogitari non potest: ergo adeo magnus, & immensus quod maior eo cogitari non potest: sed toto mundo potest cogitari linea maior, si intelligatur protendi extra circumferentiam cœli: ergo si ibi est Deus, Deus est extra, aut non est maximus.

5. ITEM Angelus potest esse extra mundum: sed non extra Deum: ergo Deus est extra mundum.

CONCLUSIO.

Secundum independentiam Deus à loco separabilis est, non tamen secundum distantiam: sed locus à Deo, neutro modo.

R^{ESP.} Ad Arg. Dicendum quod aliquid separari ab alio est dupliciter, vel secundum distantiam, vel secundum independentiam. Primo modo aliqua duo, quæ sunt in eodem loco separantur, cum vnum elongatur ab alio. Et hoc modo impossibile est esse, nec intelligi Deum separari ab omni loco. Nam ista separatio includit distantiam spaci, & hoc de necessitate includit locum, & ita implicatur duo opposita, scilicet quod Deus sit in loco, & distet ab omni loco. Si autem loquamur de separatione per independentiam: Sic dicendum quod Deus & re & intellectu est separatus à loco, quia in seipso omnino est independentis à loco, sicut ante productionem loci. Locus autem e contra non est separabilis à Deo nec re, nec intellectu, sicut probant rationes ad hoc inductæ.

2. 3. Similiter cum quaeritur vtrum Deus sit extra omnem locum, dicendum quod, *extra*, vno modo dicitur sitū, & positionem. Et sic est impossibile sicut impossibile est, si, *ante*, dicitur tempus, quod sit ante tempus. Alio modo, *ante*, & *extra*, dicuntur excessum, & superexcellentiā diuinæ eternitatis, & immensitatis respectu temporis, & loci: & sic concedendum quod Deus est ante tempus, & extra omnem locum. Nec ex hoc sequitur quod separatur à loco: sed quod summa immensitas superexcedat omnem locum, nec ad illum aratur: & hoc vult dicere Gregorius quod Deus est extra omnia, non exclusus, quia nō distat: & intra omnia, non inclusus, quia non aratur, quia in seipso est omnino immensus, ita quod extra ipsum nihil potest esse, nec cogitari: tunc nihil potest cogitari ita immensum, sicut Deus est in seipso. Ex hoc patet sequens, quia quod non est extra, non est propter limitationem suam, sed loci defectionem.

4. 5. Ad illud quod obiicitur de linea, dicendum quod statim dum intelligitur aliquid extra mundum, ex hoc datur intelligi quod Deus sit ibi. Sicut si intelligatur nouus mundus fieri, absque dubio Deus esset in illo, tamen non sequitur quod ibi sit, quia illud nihil est. Similiter si fieret Angelus extra, tunc Deus esset extra non secundum motum suum, sed Angeli: sed forte hoc est magis fictionis, quam veritatis quod Angelus extra vniuersum exeat, sicut patebit. Attamen illud cogitandum est quod diuinum esse, sicut non potest cogitari habere terminum in duratione, sic non potest cogitari, nec debet habere terminum in existentia, & præsentialitate. Et sicut non potest cogitari habere intercessionē in duratione, sic nec in præsentialitate. Hic intellectus est habendus: caueat tamen qualiter quis imaginetur, & exprimat per sermonem.

ARTICVLVS II.

Consequenter de secundo articulo quaeritur, scilicet de mutabilitate Angeli & circa hoc quaeruntur tria. Primo quaeritur, vtrum Angelus possit moueri localiter sine corpore. Secundo quaeritur, vtrum moueatur per medium, vel non. Tertio, vtrum pertranseat medium modo subito, vel successiuo.

QVÆSTIO

Funda-
menta.

Ad oppo-
sitionem.

Gregor. 11.
Moral. 1. 8.
tem. 1.

QVÆSTIO I.

An Angelus possit moueri localiter sine corpore.

*Alex. Alensis 1. p. q. 33. Memb. 1. & 3.
S. Tho. 1. p. q. 53. art. 1.
Et 1. Sent. dist. 37. q. 4. art. 1.
Ægid. Rom. 1. Sent. 2. p. dist. 37. q. 1.
Henricus Quol. 2. q. 9.
Richard. 1. Sent. dist. 37. art. 3. q. 1.
Thom. Argent. 1. Sent. dist. 37. q. 1. art. 2.
Franciscus de Mayr. 2. Sent. dist. 2. q. 10.
Steph. Brulef. 1. Sent. dist. 37. q. 11.
Petrus de Tarantaf. 1. Sent. dist. 37. q. 10.
Gab. Biel 2. Sent. dist. 2. q. 3.*

Ad opposi-
tum.
Bern. ferm.
1. super Cā-
tica in ini-
tio.
Aristot. 5.
Phy. cons. 1.

QUOD Angelus non possit moueri sine corpore, ostenditur sic per Bernard super Cantic. Discurrere, & de loco ad locum transire, non est nisi corporum: ergo si hoc conuenit Angelo, non conuenit nisi per corpus assumptum.

1. ITEM ratione videtur: Quia quod mouetur, aut mouetur per se, aut per accidens. Sed Angelus non mouetur per se localiter, quoniam hoc est proprium corporum, & illi soli inest res per se. cui inest proprie: ergo si mouetur, hoc est per accidens: sed quod per accidens mouetur, mouetur alio moto, ut nauta, mota nauis: ergo videtur quod Angelus non potest moueri nisi moto corpore, & ita corpore assumpto.

3. ITEM omne quod mouetur, mouetur propter indigentiam: sed in Angelis beatis nulla est indigentia: ergo, &c. Si tu dicas propter indigentiam nostram: ergo circumscripta indigentia nostra non videtur quod Angelus possit moueri: si ergo indigentia nostra nullam dat virtutem Angelo, patet, &c.

4. ITEM omne quod mouetur differt a motore sicut ponit Philosophus: sed Angelus non distat a se, ergo Angelus non mouetur a se, nec ab alio: ergo non potest moueri nisi mouendo aliud, sicut mouendo corpus.

CONTRA: Ad Hebræos dicitur: Omnes sunt administratores Spiritus missi propterea eos, &c. sed aliquod ministerium consequuntur sine corpore, ut suggerere bona, & reuelare secreta, & huiusmodi: ergo possunt sine corpore moueri.

ITEM per Damasc. confestim inuenitur ubi diuinus iussit: ita ut velocitate naturæ: si ergo velocitas est dispositio ad motum, ex sui natura sunt mobiles.

ITEM Angelus in vno loco tantum est, & ibi est, ubi operatur: ergo virtus eius aut est ad vnum tantum artata: aut si non est artata, nec substantia est artata ad vnum locum: sed non potest esse simul in pluribus: ergo cum in vno loco est, est in potentia ad alterum: sed quod est in potentia ad vnum, non fit actu in illo, nisi per motum secundum locum: ergo, &c.

ITEM quod moueatur sine corpore assumpto ostenditur per simile in anima. Anima enim exuta a corpore fertur in cælum, vel descendit in infernum localiter: sed constat quod anima non assumit aliud corpus quam suum: ergo mouetur sine corpore: ergo pari ratione Angelus.

ITEM Angelus in empyreo potest esse sine corpore, pari ratione & in terra: ergo si per eandem viam per quam quiescit in terra, facit se esse in terra, siue transfertur, ergo videtur quod sine corpore.

C O N C L U S I O.

Angelus mouetur non solum assumpto corpore, verum etiam corpore non assumpto.

RESP. Ad Arg. Dicendum quod Angelus, sicut dicit Scriptura, habet moueri: Mouetur autem non solum assumpto corpore, sed etiam corpore non assumpto, cum non sit minoris libertatis, nec virtutis, nec nobilitatis sine corpore, quam est cum corpore.

Ad intelligentiam autem obiectorum est notandum quod sicut esse in loco est dupliciter, siue esse localem, si-

Acut tangit Magister in littera, scilicet quia circumscribitur, & quia diffinitur, & illud proprie est locale quod circumscribitur, aliud autem quodam modo est locale, quodam modo non. Ita moueri per locum. Vno modo est per circumscriptionem ferri de loco ad locum, & sic est tantum corporum. Alio modo moueri est minus proprie secundum diffinitionem transire, & sic est spirituum. Proprie ergo per circumscriptionem non mouetur Angelus, nisi corpore assumpto, minus proprie per diffinitionem mouetur Angelus etiam sine corpore.

1. Ex hoc patet responsio ad primum obiectum, quia Bernardus accipit discurrere, & transire secundum proprietatem loci: quæ est circumscriptio.

2. Ad illud ergo quod quaeritur, vtrum per se aut per accidens, dicendum secundum prædictam diuisionem de motu, quod secundum primum motum non mouetur spirituale nisi per accidens, scilicet alio moto. Sicut enim nauta, mota nauis, mouetur, sic spiritus moto corpore in quo est. Quantum ad secundum motum sicut Angelus per se ipsum, & sine corpore diffinitur loco, ita per se ipsum transfertur, ita quod non alio mouente, nec per alium motum: ipse autem obicit de primo motu tantum, qui per se conuenit corpori soli.

3. Ad illud quod obicitur quod omne quod mouetur, mouetur propter indigentiam, dicendum quod illud verum est in motu naturali, in quo natura non mouet nisi per appetitum alicuius rei, qui ponit imperfectionem in natura: quia natura, habita perfectione sua quiescit: sed non est verum in motu voluntario in quo mouetur aliquis, siue propter aliud acquirendum, siue ad virtutem demonstrandam, sicut mouetur miles in stadio. Vel dicendum quod illud verum est in omni motu, generaliter accipiendo indigentiam ad suam indigentiam & alienam: suam autem quantum ad illud cuius priuatio ponit imperfectionem, vel cuius priuatio non imperfectionem ponit, sed limitationem, & sic est in Angelo. Angelus enim volens aliquid operari in terra, indiget transire ad terram, quia non potest simul esse in cælo, & in terra, propter hoc quod habet virtutem finitam: & sic patet illud quod limitatio non repugnat summæ perfectioni creaturæ.

4. Ad illud quod obicitur quod omne quod mouetur differt a motore, dicendum quod in naturali motu verum est, ubi nihil mouet se, quia nihil reflectitur supra se propter alligationem cum materia: sed non est verum in voluntate quæ est instrumentum seipsum mouens, & virtus quæ est in substantia spiritali, potest supra substantiam reflecti, & ita mouens idem est cum mobili, tamen non secundum idem, quia Angelus habilis est ad moueri ex parte ipsius quod est siue substantiæ vel materiæ, si habet materiam: sed ad mouere, ex parte formæ, siue ipsius quo est, vel virtutis actiue.

Ansel. li. de Concord. præscientia & lib. arb. longe ante fin.

QVÆSTIO II.

An Angelus moueatur per medium.

*Alexand. Alensis 2. p. q. 33. Memb. 3.
S. Thom. 1. p. q. 53. art. 2.
Et 1. Sent. dist. 37. q. 4. art. 2.
Ægid. Rom. 1. Sent. 2. p. dist. 37. princip. 2. q. 2.
Rich. 1. Sent. dist. 37. art. 3. q. 2.
Francisc. de Mayr. 2. Sent. dist. 2. q. 11.
Steph. Brulef. 1. Sent. dist. 37. q. 12.
Petrus de Tarantaf. 1. Sent. dist. 37. q. 13.*

VT RUM Angelus moueatur per medium, vel non. Et quod per medium, videtur per Damascenum, qui dicit quod Angelus cito pertransit velocitate, & potestate naturæ: sed pertransire est per medium transire: ergo, &c.

ITEM Angelus mouetur a termino a quo ad terminum in quem: aut ergo mouetur in termino a quo, aut in termino in quem, aut in spatio intermedio. Sed in termino a quo, est non motum esse: in termino vero in quem, est motum esse: ergo cum moueri sit medium inter vtrumque, oportet quod sit in spatio intermedio.

Fundamenta. Damasc. de fide orth. li. 1. c. 17.

I T E M quod possit moueri per medium videtur, quia certum est quod Angelus existens Parisiis potest esse Romæ eadem virtute, & in quolibet intermedio loco, & prius in propinquiore, & deinde in singulis locis consequenter se habentibus: sed hoc est transire per medium: ergo &c.

I T E M quodocumque inter aliqua extrema cadit medium quod habet naturalem ordinem ad extrema, impossibile est quod agens virtutis finitæ possit peruenire ab extremo in extremum sine medio, ut patet: quia inter album, & nigrum est medius color, impossibile est quod aliquid agens creatum faciat de albo nigrum, quin faciat per colorem medium: sed inter cælum & terram naturali ordine sunt alia corpora media: ergo impossibile est quod à cælo in terram veniat, siue moueatur sine medi transitio.

C O N T R A per Aug. super Gen. ad litteram, & Magister ponit in littera: Deus mouet creaturam spiritualem per tempora, non per loca: ergo quamuis fiat de vno loco in alium, hoc non est per locum medium.

2 I T E M conclusio probata est in sexto Physicorum, quod impossibile est impartibile moueri super magnitudinem: sed Angelus non assumpto corpore est impartibilis: ergo, &c.

3. I T E M ratione videtur quod si pertransit, aut ergo per simplicia, aut composita. Si per composita, ergo est compositus. Si per simplicia, sed illa sunt infinita in quolibet continuo, & impossibile est infinita pertransire: ergo, &c.

4. I T E M si per simplicia, sed ex simplicib. nō fit aliquid continuum: ergo motus ille non erit continuus: ergo pertransiendo illa nunquam pertransit spaciū: ergo si per medium mouetur, nunquam peruenit ad terminum.

5. I T E M impossibile est quod aliquid pertransit spaciū maius se, quin prius pertransit spaciū minus vel æquale: ergo si Spiritus Angelicus transit per spaciū, prius transit æquale sibi vel minus quam maius: sed æquale simplici non est nisi simplex: sed simplex additum simplici non facit maius: ergo in primo transitu tantū est ac si nihil transeat, similiter nec in secundo transitu: ergo nec in tercio, & sic nunquam pertransit spaciū aliquantum.

C O N C L U S I O.

Angelus dum mouetur, per medium moueri iure dicitur.

R E S P. Ad Arg. Notandum est hic quod circa hoc diuersimode dixerunt diuersi. Quidam enim dixerūt quod cum Angelus sit simplex, non potest medium pertransire. Vnde mouetur ab extremo in extremum sine medio, & omnis locus ad quem mouetur, se habet ad illum per modum immediati, vnde loci mutatio in Angelo non est motus: sed mutatio tantum sine medio. Sed ista positio non videtur conueniens. Certum enim est quod Angelus qui est custos hominis potest ita custodire quod non deserat ipsum, & sine corpore custodire potest: ergo potest inseparabiliter comitari eum, ergo homo cum vadit per medium, & Angelus non deserit eum, pariter & Angelus vadit per medium. Et ideo fuerunt alii qui dixerūt quod Angelus & per medium, & sine medio potest moueri, quia motus eius est ad nutum suæ voluntatis secundum virtutem diuinitus sibi collatam: & cum vult, facit se in extremum immediate, & cum vult pertransit. Et ponunt simile quod intellectus noster potest cogitare de Parisiis, & de Roma dupliciter, aut ita quod immediate cogitet de vno & post de alio, vel ita quod primo de vno, & post de via, & tercio de tercio: & quia Angelo ita facile est ferri sicut nobis cogitare, cum non sit alligatus corpori: dicūt quod sic, & sic habet moueri. Sed quidquid sit de positione exemplum non est conueniens, quoniam cogitās penes se habet speciem Romæ, & speciem Parisiorum, nec ista habent situm in anima, nec ordinem secundum sitū, imo quælibet æqualiter est præsens aspectui, & ideo ad libitum potest de vna & alia cogitare. Sed in re est ordo &

litus naturalis, & necessario interiacet medium intervnam ciuitatem, & aliam, & propter hoc exemplum illud non est conueniens. Nec propter hoc aperitur nobis via ad intelligendum. Et quoniam illud est intelligibile aliquo modo quod feratur per medium, & ratio concordat & auctoritas ideo videtur rationabiliter illud esse dicendum. Sed illud membrum quod dicit quod possit sine medio, arbitror reiiciendum non quia asseram esse falsū, sed quia non est auctoritas in promptu quæ hoc dicat, & ratio non cogit, imo non capit. Possibile tamen est quod Deus aliquid dederit substantiis illis spiritualibus, quod carnales intellectus non capiunt. Concedendæ ergo sunt rationes probantes quod Angelus moueatur per medium.

1. A D illud ergo quod obiicitur quod Deus non mouet per locum Angelum, dicendum quod faciēda est vis in verbo secundum intellectum Augustini: quod patet ex littera. Ipse enim Spiritus dixit non moueri per loca, quia proprietates loci scilicet circumscriptionem, & dimensionem non obinet cum transfertur de loco ad locum: sed proprietatem temporis quæ est variatio & innovatio aliqua, vere & proprie admittit Spiritus. Nam nouæ affectiones succedunt spiritibus per naturam, & cogitationes, & ulterius illæ intenduntur, & remittuntur, ita quod vere potest esse partibilitas à parte formæ, siue proprietatis acquirendæ.

2. A D illud de Philosopho quod impartibile non mouetur supra magnitudinem, dicendū quod Philosophus probat & concludit de impartibili quod habet situm in magnitudine, quod est impartibile & situatur situ impartibili: hoc enim non potest moueri supra magnitudinem, quia si mouetur, mouetur ad acquirēdum situm, & quod acquiritur, per modum acquiritur ita quod pars post partem, & situs impartibilis non potest acquiri, ita quod pars post partem acquiratur: & ideo verum est quod tale impartibile non potest moueri supra ipsam magnitudinem. Sed Angelus tale impartibile est quod non habet situm in partibili, nec est dicere quod Angelus sit in loco impartibili, sicut patebit: & ideo demonstrationes Philosophi non habent hic locum.

3. 4. 5. A D illud quod queritur, aut pertransit simplicia, aut composita.

R E S P. Dicendum est quod transit per composita, quia non est in loco simplici sed composito, hoc suppono ad præsens, sed suo loco probabitur. Nec valet: Transit per composita, ergo est compositus: sicut nec valet: Anima est in composito, ergo est composita, quia sic est in illo ut non sit pars in parte, sed ipsum totum simplex sit in quolibet parte, ita tamen quod istæ partes sint vnus locus. Posset tamen dici, si quis veller se huiusmodi implicare quod etiam si pertransiret per simplicia, non propter hoc pertransiret infinita, & hoc patet, quia si quis imagine-tur sphaeram moueri super planum, nō tangit nisi in puncto: ergo non tangit nisi per simplicia, nec tamen pertransit infinita actu, quoniam sphaera illa fertur super planum & non quiescit in quolibet situ, & ita nulli puncto committitur, sed nec numerat puncta in illo, sed cum sit in continua latione, respicit illa indiuisibilia ut vnita, & ita ut sunt in continuo: & sic cum continuum sit finitum actu, & infinitum in potentia, & illa potentia non reducatur ad actum, non pertransit infinita actu, quia non respicit illa ut actu numerata. Verum tamen quia exemplum habet calumniam, & dictum non videtur esse consonum dicto Philosophi, qui omnino dicit impartibile nō moueri, priori responsioni magis adhæreo, & per illam patet sequens. Obiicit enim ac si Angelus esset in puncto: quod omnino falsum credo, quia non esset in loco, cum punctus non sit locus, nec sit actu in continuo: sed hoc totum melius patebit in secundo libro.

Aristot. 6.
Phy. cōt. 32.

Ad oppos.
situm.
Lib. 8. c. 21.
rom. 3. c. 40.
Oros. q. 40.
rom. 4.
Aristot. 6.
Phy. cōt. 49.
c. 88.

Aristot. 6.
Phy. cōt. 89.

Aristot. 6.
Phy. cōt. 88.

Lib. 1. p. 2.
m. 2. q. 3.

QVÆSTIO III.

*An Angelus pertranseat medium modo subito,
vel successiuo.*

Alex. Alenf. 2. p. q. 35. Memb. 3.

S. Thom. 1. p. q. 33. art. 3.

Et 1. Sent. dist. 37. q. 4. art. 3.

Et Quol. 1. q. 3. art. 2.

Scotus 2. Sent. dist. 2. q. 9.

Ægid. Rom. 1. Sent. dist. 37. p. 2. q. 3.

Richard. 1. Sentent. dist. 37. art. 3. q. 3.

Franciscus de Mayr. 2. Sent. dist. 2. q. 12. Et 13.

Staph. Brulef. 1. Sent. dist. 37. q. 13.

Petrus de Tarentas. 1. Sent. dist. 37. q. 14.

Gab. Biel 2. Sent. dist. 2. q. 3. art. 3.

Funda-
menta.

Vtrum Spiritus angelicus pertranseat medium motu subito vel successiuo. Et quod successiuo, videtur. In aliquo instanti est in termino a quo, & in alio instanti est in termino ad quem: sed inter quolibet duo instantia cadit tempus medium, & in medio illorum instantium est moueri: ergo moueri ipsius Angeli est in tempore: ergo mouetur motu successiuo.

ITEM hoc ipsum ostenditur a parte spaciū sic: Angelus si pertransit medium in aliquo instanti, simul est in medio, & in partibus medii: sed impossibile est quod aliquod vnum præter Deum & corpus Christi simul & semel sit in pluribus locis: ergo impossibile est quod Angelus in eodem instanti sit in toto medio, & in fine: ergo non mouetur subito: ergo necessario oportet quod successiuo.

*Aristot. 6.
Phy. cōt. 12.*

ITEM hoc ostenditur a parte virtutis. Quia sicut vult Philosophus, si tanta virtus mouet in tanto tempore, & maior in minori, & maxima in minimo, & infinita in nunc, ergo secundum quod potentior est virtus, secundum hoc velocior est motus: sed instans excedit tempus improporcionabiliter: ergo virtus quæ mouet in instanti, superexcedit illam quæ mouet in tempore in infinitum: sed nulla virtus creata superexcedit aliam in infinitum, & virtus angelica est creata: ergo cum omnis motus naturalis localis sit successiuus, patet quod motus Angeli sit successiuus.

*Aristot. 1.
Phy. cōt. 7.
Et 9.*

ITEM si Angelus mouetur, aut ergo motus ille est vere motus, aut mutatio. Si mutatio: aut generatio vel corruptio: quod constat esse falsum. Si omnis motus proprie dictus habet prius & posterius, & situm & tempus, & omne tale est successiuum: ergo, &c.

*Ad oppo-
sitionem.*

1. CONTRA per Augustinum in lib. 5. Responsum: Radius non citius peruenit ad loca propinquiora quam loca remotiora, & constat quod pertransit medium: ergo si virtus angelica non est maius potens sed magis, patet, &c.

*Aristot. 4.
Phy. cōt. 66.*

2. ITEM Philosophus probat quod si esset vacuum non esset motus: sed idem facit ipsum spaciū Angelo quod facit vacuum corpori moto, quia ei nullo modo resistit sicut nec vacuum: ergo videtur quod ipse Angelus subito ipsum pertranseat.

*Aristot. 1.
Phy. cōt. 12.*

3. ITEM omne quod successiuo mouetur partim est in termino a quo, partim in termino ad quem: sed omne tale est partibile: ergo necesse est Angelum esse partibilem, aut non mouetur successiuo.

4. ITEM omne quod simul se transfert, & totum simul, non successiuo mouetur: sed Angelus simul se transfert, cum sit omnino simplex: ergo in instanti, & non successiuo mouetur.

5. ITEM motus successiuus est compositus & accidens, & nullum accidens compositum est in subiecto simplici: sed Angelus est simplex: ergo non est subiectum motus successiuo: sed mobile est subiectum motus, ergo, &c.

C O N C L U S I O.

Angelus mouetur per medium successiuo motu, tum propter distantiam medii, tum propter suam virtutis limitationem: & cum non sit ibi resistentia, successio illa dicitur imperfecta.

R E S P. Ad Arg. Dicendum quod circa hoc senserunt aliqui diuersimode. Quidam enim dixerunt quod quia Angelus est simplex, & spaciū compositum, quod tam Angelus quam eius virtus est spacio improporcionabilis: & ideo virtus eius omnino vincit supra spaciū, adeo quod subito & motu improporcionabili spaciū pertransit, & est huiusmodi motus supra naturam. Et quoniam difficile videtur intelligere quod pertranseat medium, quin sit in pluribus partibus medii: & ponere quod subito moueatur & sit in pluribus partibus medii, est ponere in illo motu quod sit pluribus in locis simul: & hoc omnino absurdum est dicere de Angelo, sicut dicunt sancti, & Philosophi, & doctores catholici in hoc concordant. Ideo dicendum est quod Angelus non mouetur per medium motu subito, sed successiuo. Propter quod notandum quod in motu qui successiuus est in successione perfecta, est successio ex quadruplici causa. Prima est medii distantia. Secunda medii resistentia. Tertia est partibilitas mobilis. Quarta est finitas virtutis, eo quod finitas virtutis proprie est mouere in tempore maxime per medium. Quinta potest esse finitas & limitatio mobilis. Concedendum est ergo quod motus Angeli per medium non est perfecta successione successiuus, quia deficit ibi resistentia spaciū, & partibilitas mobilis, est tamen successiuus ratione distantie spaciū, in qua non potest esse simul per totam, & ratione finitatis virtutis mouentis, quæ non excedit medium improporcionabiliter, ideo nec facit motum improporcionalem medio omnino. Et concedendæ sunt rationes probantes motum illum per spaciū esse successiuum. Tamen prima ratio Sophistica est: sed alibi dissoluetur cum agatur de transitione panis in corpus Christi, ubi habet locum suum.

*Li. 4. dist. 11.
q. 5.*

1. Ad illud quod obiicitur quod radius non citius peruenit, dicendum quod Augustinus loquitur secundum perceptibilitatem sensus: quod sensus non percipit radium citius peruenire ad propinquiora loca quam ad remotiora, non quia secundum rem non sit ibi vere prius & posterius. Vnde si dicatur radius moueri subito, intelligitur subito pro repente, & repentinum dicitur illud quod habet moueri in tempore imperceptibili. Aliter etiam potest dici quod lux subito mouetur, quia motus lucis in medio non est motus localis tantum, sed est motus diffusionis, qui est generatio, sicut generatur idolum ab obiecto, & quia lux simul est & lucet: simul cum est, generat splendorem, & ita in eodem instanti. Similiter de alio intelligi potest, & sic deinceps. Vnde si simul esset homo, & generaret, in primo instanti fuisset mundus plenus hominibus. Hoc modo potest respondere qui nescit melius.

2. Ad illud quod obiicitur de vacuo quod si esset vacuum, non esset motus, dicendum quod circa hoc multi dixerunt, quorum dicta longum esset dicere. Nunc autem Philosophum sustinendo dici potest quod si esset vacuum, non esset motus successiuus, recte intellecto vacuo secundum quod credo Philosophum intelligere quod dicit simpliciter priuationem, si esset vacuum ibi, ubi intelligimus vacuum, ibi intelligimus nihil esse: ergo non solum deest corporis resistentia, verum etiam nulla distantia est ibi: ubi autem nulla distantia est, non est prope nec longe: ubi autem est motus localis, necessario est approximatō vel elongatō: ergo si est vacuum, non est motus, non propter defectum resistentie, sed distantie. Sed quoniam medium comparatum ad Angelum habet rationem distantie, quia vere facit distantiam inter extrema, ideo sufficit ad successionem qualemcunque pro-

per distantiam: sed ubi est vacuum, non est distantia: & hoc præexigitur necessario ad localem motum. Partibilibus enim mobilis, & finitas virtutis non faciunt successi-
nem nisi sit prius & posterius in magnitudine, supra quam
est, siue in eo quod acquiritur per motum.

3. Ad illud quod obiicitur, illud quod mouetur suc-
cessiue partim est in termino à quo, & partim in termino ad
quem, dicendum quod in successiuo ubi est plena suc-
cessio est ponere partem & partem, & quantum ad magni-
tudinem substratam, & quantum ad magnitudinem mo-
tum, & quantum ad dispositionem acquirat. Quia natura-
lis motus ad situm, est motus ad formam quodam modo:
sed in motu Angeli non est successio secundum omni-
modam completionem, & ideo non secundum omnes
has differentias, sed solum secundum prioritatem & po-
sterioritatem magnitudinis supra quam. Quod ergo dici-
tur, quod partim est in termino à quo, partim in termino
ad quem, hoc non est secundum diuersitatem partium mo-
bilis, sed est solum per accessum & recessum.

4. Ad illud quod obiicitur quod simul se transfert to-
tum: dicendum quod quamuis ex parte sua se totum li-
mul transferat, non tamen transfert se simul super totum,
propter distantiam medii in qua tota non potest esse li-
mul.

5. Ad illud obiicitur quod compositum & accidens
non potest esse in re simplici, dicendum quod verum est
de composito quod habet partes actu: sed de composito
quod est in successione, non est verum. Sicut enim dura-
tio successiua potest esse in Angelo secundum quod ma-
net, eo quod de illa nunquam est nisi nunc, ita motus
successiuus potest esse in eo secundum quod fertur, & hoc
quidem secum nullum habet inconueniens. His uis, pa-
tent obiecta. Est enim prædictorum summa quod Ange-
lus mouetur line corpore assumpto, & quod mouetur in
medio siue per medium, & quod mouetur motu suc-
cessiuo, licet non omnimoda successione posita, ut prædi-
ctum est.

DISTINCT. XXXVIII.

HIC REDIT AD PRO-
POSITVM PRÆSCIENTIÆ, AN
VIDELICET SIT CAUSA RERVM,

VEL UT SIT CAU-

SA RERVM.

NUNC ergo ad propositum reuertentes cæ-
pto insistamus. Supra dictum est quod præ-
scientia Dei futurorum tantum est, sed o-
mnium tam bonorum quam malorum.

Scientia vero vel sapientia non modo de futuris, sed et-
iam de præsentibus & futuris: nec tantum de temporalibus, sed et-
iam de æternis, quia seipsum nouit Deus. Hic oritur quæ-
sio non dissimulanda, utrum scilicet scientia vel præsci-
entia sit causa rerum: an res sint causa scientia vel præsci-
entia Dei: Videtur enim præscientia Dei causa esse eorum
quæ ei subsunt, ac necessitatem eueniendi eis facere: quia
nec aliqua futura fuissent nisi Deus ea præscisset, nec pos-
sunt non euenire, cum Deus ea præsciuerit. Si autem im-
possibile est ea non euenire, quia præscita sunt, videtur ergo
ipsa præscientia quæ præscita sunt, eis esse causa eueniendi.
Impossibile est autem ea non euenire, cum præscita sint:
quia si non euenirent, cum præscita sint, falleretur Dei præ-
scientia. At Dei præscientia falli non potest. Impossibile est ergo
ea non euenire cum præscita sint. Sic ergo præscientia causa eo-
rum esse videtur quæ præscita sunt. Hoc idem & de scientia di-
citur, scilicet quod, quia Deus aliqua nouerit, ideo sint. Cui
sententia Augustinus attestari videtur in 15. libro de

Cap. 19.
tom. 3.

A Trinitate. dicens: Non ista ex aliquo tempore cognouit Deus,
sed futura omnia temporalia: atque in eis etiam quid &
quando ab illo petitori fueramus, & quos & de quibus
rebus vel exaudisurus, vel non exaudisurus esset, sine in-
itio ante præsciuit. Vniuersas autem creaturas & spiri-
tuales & corporales, non quia sunt, ideo nouit: sed ideo
sunt, quia nouit: Non enim nesciuit quæ fuerat creaturus:
Quia ergo sciuit, creauit, non quia creauit, sciuit: nec ali-
ter sciuit creata, quam creanda: Non enim eius sapientia
aliquid accessit ex eis: sed illis existentibus, sicut oportebat,
& quando oportebat, illa mansit ut erat. Unde in
Ecclesiastico: Antequam crearentur, omnia nota sunt illi,
sic & postquam consummata sunt. Ecce his uerbis uide-
tur Augustinus innuere scientiam, vel præscientiam Dei
causam esse eorum quæ fiunt, cum dicit, ideo ea esse, quia
Deus nouit. Idem quoque in sexto libro dicere uidetur.
Cum, inquit, decedant & succedant tempora, non decedit
aliquid vel succedit scientia Dei, in qua nouit omnia, quæ
fiunt per ipsam. Non enim hæc, quæ creata sunt ideo sciun-
tur à Deo, quia facta sunt: sed potius ideo facta sunt, quia
immutabiliter ab eo sciuntur. Et hic etiam significare ui-
detur Dei scientiam causam eorum esse, quæ fiunt, dicens,
non ideo Deum ea nouisse, quia facta sunt: sed ideo facta,
quia nouit ea Deus. Ideo, uidetur Dei scientia, vel præ-
scientia causa esse eorum, quæ nouit.

Eccl. 23. d.

Cap. 10.
tom. 3.

C Inconuenientia ostendit quæ sequerentur, si dice-
retur scientia vel præscientia causa
omnium rerum quæ ei
subsunt.

Quod si ita est, est ergo causa omnium malorum,
cum omnia mala sciuntur & præsciuntur à Deo: quod
longe est à ueritate. Si enim Dei scientia vel præsci-
entia causa esset malorum, esset utique Deus auctor ma-
lorum: quod penitus falsum est. Non ergo scientia vel præ-
scientia Dei causa est omnium quæ ei subsunt.

Quod res futuræ non sunt causa scientiæ, vel
præscientiæ Dei.

D Neque etiam res futura causa sunt Dei præscientiæ,
licet enim non essent futura nisi præscirentur à Deo, non
tamen ideo præsciuntur quia futura sunt. Si enim hoc ef-
ficeret, tunc eius quod æternum est, aliquid existeret causa,
ab eo alienum, ab eo diuersum, & ex creaturis depende-
ret scientia Creatoris, & creatum causa esset increati. O-
rigenes tamen super epistolam ad Romanos ait: Non pro-
pterea aliquid erit, quia id sciit Deus futurum: sed quia
futurum est, ideo scitur à Deo antequam fiat. Hoc ui-
detur præmissis uerbis Augustini obuiare. Hic enim signi-
ficari uidetur quod res futura causa sint præscientiæ, ibi
vero quod præscientia causa sit rerum futurarum.

In To. 4. ex-
p. anatione
ad Rom. 1. 2.
in lib. 7.

E Quid ex prædictis tenendum sit, cum determina-
tione auctoritatum.

Hanc igitur quæ uidetur repugnantiam de medio tol-
lere cupientes, dicimus res futuras nullatenus causam ef-
fe præscientiæ vel scientiæ Dei, nec ideo præsciri, vel sciri,
quia futura vel facta sunt: ita exponentes quod ait Ori-
genes, quia futurum est, ideo scitur à Deo, antequam fiat,
id est, quod futurum est, scitur à Deo antequam fiat, nec
sciretur nisi futurum esset, ut non notetur ibi causa, nisi
sine qua non fieret. Ita etiam dicimus scientiam,
vel præscientiam Dei non esse causam eorum,

Dist. 38. e.
Post præd-
icta.
L. 15. c. 13.

Ibi non
sunt verba
illa: Neq;
præscisset
mala eor-
um: nisi
ea habe-
rent.

qua fiunt, nisi talem, sine qua non fiunt, sitamen scien-
tiam ad notitiam tantum referamus. Si vero nomi-
ne scientia includitur etiam beneplacitum, atque disposi-
tio, tunc recte potest dici causa eorum, qua Deus facit. His
enim duobus modis (ut superius prætaxatum est) accipi-
tur cognitio, vel scientia Dei, scilicet pro notitia sola, vel
pro notitia simul, & beneplacito. Hoc modo forte accipit
August. dicens: Ideo sunt: quia novit, id est, quia scienti
placuit, & quia sciens disposuit. Hic sensus ex eo adiuna-
tur, quia de bonis ibi tantum ait: Augustinus scilicet
de creaturis, & de his qua Deus facit: qua omnia no-
vit non solum scientia, sed etiam beneplacito ac dispositio-
ne. Sic ergo ibi accipitur Dei cognitio, ut non modo noti-
tiam, sed etiam beneplacitum Dei significet. Mala vero
scit Deus & præscit antequam fiant: sed sola notitia,
non beneplacito. Præscit enim Deus & prædixit etiam qua
non est ipse factururus, sicut præscivit & prædixit infidelita-
tem Iudeorum: sed non fecit. Nec ideo quia præscivit, ad
peccatum infidelitatis eos coegit, nec præscisset vel prædi-
xisset eorum mala, nisi essent ea habaturi. Vnde Augusti-
nus super Ioannem: Deus, inquit, futurorum præscius per
prophetam prædixit infidelitatem Iudeorum, sed non fe-
cit, neque præscisset mala eorum, nisi ea haberent. Non n.
ideo quæquam ad peccandum cogit, quia futura hominū
peccata iam novit: illorum enim præscivit peccata, non sua.
Ideoque si ea qua ille præscivit, ipsorum non sunt: non ve-
re ille præscivit. Sed quia illius præscientia falli non potest:
sine dubio non alij, sed ipsi peccant, quos Deus peccatores
esse præscivit. Et ideo si non malum: sed bonum facere vo-
luisse, non malum facturi præviderentur ab eo qui no-
vit quid sit quisque factururus. His verbis aperte ostenditur,
si diligenter attendamus, præscientiam Dei non esse cau-
sam malorum qua præscit, quia non ea præscit tamquam
facturus, nec tamquam sua, sed illorum qui sunt ea factu-
ri vel habaturi. Præscivit ergo illa sola notitia, sed non be-
neplacito auctoritatis. Vnde datur intelligi quod Deus e-
converso præscit bona tamquam sua, tamquam ea qua fa-
cturus est, ut illa præsciendo simul fuerit ipsius notitia, &
auctoritatis beneplacitum.

Contra hoc quod dictum est, præscientiam Dei
non posse falli, oppositio.

Ad hoc autem quod supra dictum est, scilicet præscien-
tiam Dei falli non posse, solet à quibusdā ita opponi: Deus
præscivit hunc lecturum, vel aliquid huiusmodi, sed po-
test esse ut iste non legat, ergo potest aliter esse quam Deus
præscivit, ergo potest falli Dei præscientia. Quod omnino
falsum est. Potest equidem non fieri, aliquid, & illud ta-
men præscitum est fieri, non ideo tamen potest falli Dei
præscientia: quia si illud non fieret, nec a Deo præscitum es-
set fieri. Sed adhuc urgent quæstionem dicentes: Aut ali-
ter potest fieri quam Deus præscivit, aut non aliter: si non
aliter, ergo necessario cuncta eueniunt: si vero aliter, potest
ergo Dei præscientia falli vel mutari. Sed potest aliter fieri,
quia potest aliter fieri quam fiat, ita autem sit ut præscitū
est, aliter ergo potest fieri quam præscitum est. Ad quod di-
cimus illam locutionem multiplicem facere intelligentiam,
scilicet: Aliter potest fieri quam Deus præscivit, & huius-
modi, ut, Potest non esse quod Deus præscivit, & impossi-
bile est non esse quod Deus præscivit, & impossibile est nō
esse præscita omnia qua fiunt, & huiusmodi. Possunt enim
hæc coniunctim intelligi ut cōditio sit implicita, & dis-
iunctim. Si enim ita intelligas: Non potest aliter fieri quā Deus
præscivit, id est, non potest utrumque simul esse, scilicet q

A Deus ita præsciverit fieri, & aliter fiat: verum intelligis. Si
autem per disunctionem intelligas, ut dicas hoc aliter nō
posse euenire, quam euenit, & quo modo futurum Deus
præscivit, falsum est. Hoc enim aliter potest euenire, quam
euenit, & tamen Deus hoc modo futurum præscivit. Si-
militer & alia determinatio, scilicet, Impossibile est illud
non euenire, quod Deus præscivit, vel cum Deus præscie-
rit, si coniunctim intelligas, verum dicis: si disiunctim,
falsum. Ita etiam, & illud: Impossibile est non esse præsci-
tum omne quod fit, id est, non potest esse utrumque simul,
scilicet, ut fiat, & non sit præscitum, hic sensus verus est.
Si vero dicis Deum non potuisse, non præscire omne quod
fit, falsum est. Potuit enim facere, ut non fieret, & ita non
esse præscitum.

DISTINCT. XXXVIII.

De modis diuinæ scientiæ vel cognitionis. Vtrum Deus
cognoscat mutabiliter, vel immutabiliter,
& quo modo.

Nunc ergo ad propositum reuertentes cepto
insistamus, &c.

Expositio textus.

Hæc est secunda pars huius partis totalis, in qua agi-
tur de ipsa diuina scientia. Terminata enim prima
parte in qua agitur de ipsa quantum ad substantiam in
generali, hic agit de ipsa quantum ad modum. Et quoni-
am duplex est modus nobilis cognitionis, scilicet certi-
tudo & perfectio, siue infallibilitas & immutabilitas, id-
eo hæc pars habet duas partes. In prima agit de præscien-
tiæ infallibilitate siue certitudine. In secunda vero de eius
immutabilitate siue perfectione, infra distinct. 39. Præter-
ea queri solet utrum scientia Dei, &c. Prima pars spectat
ad præsentem distinctionem, in qua Magister intendit
querere & determinare utrum diuina præscientia infal-
libiliter ponat præscitum. Et habet hæc distinctio duas
partes. In prima parte rediens ad propositum propter di-
gressionem prius factam breuiter epilogat prædetermi-
nata. In secunda prosequitur suum principale proposi-
tum ibi: Hic oritur quæstio non dissimulanda, &c. Et hæc pars
habet duas. In prima Magister inquit utrum præscientia
ponat præscitum per modum causæ, vel effectus. In se-
cunda utrum per modum necessitatis, vel contingentiae,
vel infallibilitatis, ibi: Ad hoc autem quod supra dictum est,
&c. Prima pars duas habet. In prima opponit ad vtram-
que partem, scilicet quod præscientia est causa præsciti, &
etiam effectus, pro, & contra. In secunda soluit, ibi: Hanc
igitur, qua videtur repugnantiam, &c. Similiter & secunda
duas habet, in prima opponit, in secunda soluit, ibi: Ad
quod dicimus illam locutionem.

Nec aliter sciuit creata quam creanda.
Dub. I.

E Videtur hic Aug. male dicere, quia res si vere cognosca-
tur, cognoscitur sicut est: sed aliter fuerunt, cum fuerunt
creanda quam cum erant creata. Primo enim res fuerunt
in causa, & secundum quid, & postea in proprio genere
& simpliciter: ergo aut Deus non vere cognoscit, aut ali-
ter cognouit.

ITEM Angelus cognoscit res in verbo, cognoscit etiam
eas in proprio genere, & alius, & alius modus cognos-
cendi est hic ab illo: ergo cum non sit latere Deum quod
nouit Angelus, videtur quod Deus utroque modo co-
gnoscat, & ita aliter, & aliter.

R E S P O N. Dicendum quod cum dico rem aliter co-
gnosci, dupliciter potest intelligi, aut ita quod aduerbiū
dicat aliteratem quantū ad cognitionem, aut quantum ad

esse rei cognitæ. Si quantum ad esse rei cognitæ sic est verum, & est sensus: Deus cognoscit rem istam aliter esse, vel se habere quam se prius habuit, & sic non intelligit Augustinus. Si autem dicat aliteralem quantum ad cognitionem, sic est falsa, & est sensus: Deus cognoscit aliter rem factam quam prius faciendam cognouit, & ita est falsum, quia sic significatur diuina cognitio alterata, & quod aliquid receperit à re extra. Et per hoc patet obiectum primum. Quod obicitur quod Deus cognoscit res in proprio genere sicut Angelus, dicendum quod cognoscere res in proprio genere dupliciter intelligitur, aut ita quod esse illud quod habet in proprio genere cognoscatur, & hoc perfectionis est, & non latet Deum, & sic non dicit nouum modum cognoscendi à cognitione in verbo. Aut ita quod aspectus intelligentiæ siue vis cognitiuæ reflectatur supra rem ut est in proprio genere, & hoc est imperfectionis, quia vis cognoscens egreditur extra se, & hoc nullo modo potest poni in Deo, & ita facit in Angelo alium modum cognoscendi, & sic patet illud.

Tunc eius quod æternum est, aliquid existeret causa, & cetera.

Dub. 11.

Vult dicere quod præscientia dicat quid æternum: sed hoc videtur falsum: quia præscientia dicit respectum ad creaturam futuram, sed nihil est futurum, secundum esse quod habet in Deo, sed in proprio genere: ergo connotat aliquod temporale, ergo videtur quod dicatur ex tempore. Præterea, respectus ille nihil dicit à parte Dei, nisi solum nostrum modum intelligendi: ergo tunc cœpit ille respectus quando cœpit noster intellectus, non ergo fuit ab æterno.

R E S P. Dicendum quod, sicut dicit Magister, præscientia dicit quid æternum, & ab æterno: cum enim non importet nisi duo, scilicet antecessorem & scientiam, & antecessio omnis creaturæ sit ante omnem creaturam, & scientia naturaliter, patet quod præscientia quid æternum dicit. Quod ergo obicitur quod importat rei futuritatem, dicendum quod futuritio vno modo importat successorem temporis, & ita non est de ratione præscientiæ: hoc enim modo futurum cœpit cum tempore. Alio modo futurum importat ordinem temporalis ad æternum secundum consecutionem, sicut præscientia antecessorem: & quoniam iste ordo solum exigit primum extremum in actu, & illud fuit ab æterno, ideo futuritio & præscientia. Quod obicitur quod respectus à parte Dei nihil dicit secundum rem, dicendum quod falsum est, quia respectus ille est diuina essentia: sed verum est quod non dicit respectum siue dependentiam nisi solum secundum modum intelligendi, & ideo non cœpit secundum rem, sed solum modus significandi cœpit. Et quando Magister dicit quod præscientia dicit æternum, non loquitur de ratione nominandi, sed de eo quod significatur per nomen.

Scientiam, vel præscientiam Dei non esse causam, &c. Si tamen scientiam ad notitiam tantum referamus. Si vero nomine scientia includitur beneplacitum atque dispositio, tunc recte potest dici.

Dub. 111.

Videtur male dicere. Quia aut scientia hoc modo, & illo dicto dicit eundem modum sciendi, aut alium. Si eundem: ergo si vno modo est causa, & alio. Si alium modum: ergo in Deo est multiplex modus sciendi, non ergo vniformis per omnia. **ITEM:** Scientia simplicis notitiæ est Deus, & Deus est causa omnium: ergo scientia illa est causa omnium.

R E S P. Dicendum quod in nobis notitia simplex, & notitia beneplaciti dicunt diuersas cognitiones, & diuersos modos cognoscendi, & per consequens connotant diuersa: in Deo autem vna tantum cognitio est: sed illa vna facit Deus, quod nos multis, & ideo illa vna duplici-

Alter potest significari, scilicet per modum approbationis, & per modum notitiæ simplicis. Et cum significatur per modum approbationis, connotat effectum, & bonitatem: quando vero per modum simplicis notitiæ, solum euentum. Et quoniam esse causam alicuius connotat effectum, siue respectum, quamuis eadem sit scientia, siue sapientia à parte principalis significari, tamen diuersimode signatur: ideo dicitur quod hæc est causa illorum, quæ præscit, & illa non. Et hoc dicitur, non quia res significata non sit causa: sed quia, ut sic significata est, non significatur per modum causæ, quoniam comparatur ad ea, quæ nullo modo sunt à Deo, & ita patet illud.

Deus, inquit, supra, &c. Iudaorum.

Dub. IV.

B Obicitur, quia cum dictum Prophetæ fuerit verum certitudinaliter: videtur quod Deus reuelauerit Iudæis suum casum, siue damnationem: quod est contra ipsum super Gen. ad litteram, vbi dicit quod nulli debet reuelari, ne cogatur desperare.

R E S P. Dicendum quod casus potest prædicti: sed non propter hoc reuelatur, siue quia dicenti non creditur, siue quia dictum sub conditione intelligitur, siue intellectus intelligit de alio, non de seipso. Et quia verbum Isaie Prophetæ comminatorie, & generaliter erat dictum, & hominibus iam in parte incredulis non aduertentibus, omnibus his modis potuit intelligi ut esset prædictio, & non reuelatio.

ARTICVLVS I.

AD intelligentiam præsentis distinctionis duo principaliter quærentur. Primo de præscientia diuina quantum ad causalitatem. Secundo quantum ad necessitatem. Et primo quærentur duo. Primo, utrum præscientia diuina sit causa rerum. Secundo utrum sit causata à rebus.

QUESTIO I.

An præscientia diuina sit causa rerum.

Alex. Alenf. 1. p. q. 24. Membro 2.

S. Tho. 1. p. q. 14. ars. 8.

Et 1. Sens. dist. 38. q. 1. ars. 1.

Et de Verit. q. 2. ars. 14.

Egid. Rom. 1. Sens. dist. 38. q. 1.

Richard. 1. Sens. dist. 38. q. 1.

Thom. Arg. 1. Sens. dist. 38. q. 1. ars. 1.

Franciscus de Mayr. 1. Sentent. dist. 38. q. 19. q. 1.

Steph. Brulef. 1. Sens. dist. 38. q. 1.

Petrus de Tarentas. 1. Sens. dist. 38. q. 1.

Quod præscientia diuina sit causa rerum, ostenditur sic: Aug. de Trin. Ideo res futuræ sunt, quia Deus eas nouit.

2. ITEM: ratione sic: Omne illud quod antecedit aliud, & ipso posito ponitur aliud, ipsum est causa illius: hoc patet per diffinitionem causæ: sed diuina præscientia præcedit omne futurum, & iterum ponit futurum respectu cuius est: ergo præscientia est causa.

3. ITEM: Omnis res aut est à Deo, aut à natura, aut à lib. arb. & accipio causas istas large prout comprehendunt casum, & fortunam: sed nulla res à natura esse potest, nec à lib. arb. nisi operante Deo: ergo omnis res est à Deo, siue omne futurum: sed non est nisi à Deo agente, secundum artem & cognitionem: ergo, &c.

4. ITEM: Omne quod scitur, aliquo modo est in sciente, ut in sua causa: ergo quod præscitur à Deo est in Deo, ut in causa: sed omne quod est in Deo, est à Deo: ergo omne futurum præscitum necessario est à diuina præcognitione, ut causa: ergo, &c.

5. ITEM: Omne quod scitur aut scitur per causam, aut per speciem, aut per effectum: ergo si Deus præscit, ergo

aliquo

Ad oppositum.
Lib. 15. cap. 13. 103.

Fundamenta.

aliquo trium modorum Non per effectum, quia effectus sequitur. Non per speciem, siue similitudinem, quia illa est simul, vel est post rem, cuius est similitudo: ergo per causam, ergo diuina præscientia est causa præsciti.

CONTRA: Deus nullius est causa nisi per voluntatem: sed multa præscit ad quæ non est eius voluntas: ergo, &c. Probatio mediæ, præscit te mentiri, & tamen non est dicere quod velit te mentiri: ergo non est causa illius.

ITEM: Si præscientia est causa, aut ratione scientiæ, aut ratione antecessionis. Ratione antecessionis non, quia hoc quod est ante, non dicit nisi ordinem. Ratione scientiæ non, quia multa cognoscit Deus, quæ nunquam faciet: ergo nullo modo est causa.

ITEM: Si præscientia causa est præsciti, cum præsciat mala, Deus erit causa mali, hoc autem falsum.

ITEM: Si est causa, cum communicet alicui præscientiam rei creandæ, per consequens communicat causalitatem respectu illius: sed hoc est impossibile: ergo, &c.

Ansel. de Concord. præscien. & lib. arb.

ITEM: Ansel. de concordia præscientiæ, & lib. arb. dicit quod tantum est dicere: si Deus præscit, erit, quantum hoc: si erit, de necessitate erit. sed hic nulla notatur causalitas: ergo nec ibi.

CONCLUSIO.

Præscientia, & scientia diuina aliquo modo respectu futurorum est causa, licet in sua generalitate, non semper respectu præsciti dicat causam, vs respectu mali.

RESP. ad Arg. Dicendum quod præscientia dicit præcognitionem futuri. Est ergo loqui de præscientia, aut quantum ad rem significatam, aut prout significatur per illud nomen. Si quantum ad rationem nominis, sic non significat in ratione causæ. Si quantum ad rem importatam, sic dicit causam: sed tamen non semper respectu præsciti, siue futuri. Futurum enim in triplici differetia est. Quoddam enim est cuius Deus est tota causa, ut sunt illa quæ creantur. Quoddam, cuius creatura, aut eius voluntas est tota causa, ut sunt defectus, & peccata. Quoddam, cuius Deus, & creatura simul sunt causa, ut sunt opera naturalia, & opera moralia, quia Deus cooperatur creaturæ. Secundum hoc intelligendum quod respectu primi futuri, diuina præscientia est tota causa: respectu vero secundi futuri, nec est causa tota, nec causa: quia non habet causam efficientem, sed deficientem: est tamen causa sui oppositi: respectu vero tertii est causa, sed non tota. Concedendum ergo est quod diuina scientia, vel præscientia aliquo modo respectu futurorum est causa. Tamen si accipiatur in sua generalitate, dicendum quod diuina præscientia semper importat causalitatem aliquam, sed non semper respectu præsciti, ut puta cum præscitum est malum. Et in hac ratione procedunt argumenta ostendentia quod non sit causa.

1. Ad illud ergo quod primo obiicitur quod est causa præsciti per verbum August. dicendum quod August. loquitur de scientia rerum, siue bonorum quæ à Deo procedunt.

2. Ad illud quod obiicitur quod causa quæ præcedit, etiam ponit aliud: dicendum quod ponere aliud est dupliciter, scilicet secundum productionem, vel secundum consecutionem: & quod ponit secundum productionem, est causa vere in essendo: quod vero ponit secundum consecutionem, non est causa in essendo, sed solum in consequendo.

3. Ad illud quod obiicitur quod illud quod est à lib. arb. est à Deo: dicendum quod verum est de eo quod est à lib. arb. efficiente: sed vitia, & peccata sunt ab ipso deficiente.

Dist. 36. nr. 3. q. 1.

4. 5. Ad illud quod obiicitur quod de necessitate omne futurum scitur à Deo per causam: dicendum quod sicut supradictum fuit de cognitione mali, in omni cognitione est assimilatio: nihil autem assimilatur Deo nisi

quod est ab illo: & ideo est in omni cognitione Dei causalitas. Et si quidem est respectu eius, quod dicit entitatem simpliciter: respectu illius est causa, & idea: si autem respectu priuationis est præcognitio, & tunc ratio causalitatis, & ideæ est respectu oppositi. Dicendum ergo quod ad hoc quod aliquid cognoscatur, necesse est quod ipsum vel eius oppositum habeat esse in re, vel in causa: non solum autem oppositum mali, sed etiam ipsa voluntas, quæ est mali principium, est in Deo, ut in causa: tamen malum non est in Deo ut in causa, nec per se, nec per accidens, quia mutatur ratio cauſandi, sicut postea dicitur. Exemplum huius manifestum est: Si artifex operetur secundum materiam nodosam, quæ non esset idonea ad receptionem speciei, præsciret, quod defectus futurus est in imagine, sed non ab ipso. Similiter intelligendum in Deo, & libero arbitrio, quod facit vitium in opere, dum non conformat se & obedit Deo operanti: & ideo sufficit quod oppositum mali, siue illud, à quo est malum, sit in Deo tamquam in causa, ad hoc quod præsciat.

QUESTIO II.

An præscientia diuina sit causata à rebus

Alex. Alen. 1. p. q. 14. Membro 3.

Egid. Rom. 1. Sent. dist. 38. p. 2. q. 2.

Richard. 1. Sent. dist. 38. q. 2.

Steph. Brulef. 1. Sent. dist. 38. q. 2.

Petrus de Tarantaf. 1. Sent. dist. 38. q. 2.

Vtrum præscientia diuina sit causata à rebus. Et quod sic, ostenditur hoc modo: Orige. super epistolam ad Romanos dicit: Quia aliquid est futurum: idcirco scitur à Deo antequam fiat. Quia, ergo aut dicit causam essendi, aut consequendi. Si consequendi, sequitur: hoc est futurum, ergo præscitum, ita econuerso: ergo sicut dicit, quia futurum est, ideo præscitur: ita debet dicere econuerso, quia scitur ideo futurum est, & hoc negat in littera: Non propterea aliquid erit, quia scit Deus: ergo dicit causam essendi.

Ad oppositum.

2. **ITEM** ratione videtur, quia intellecto quod Deus nihil præsciat, potest intelligi aliquid futurum: sed non econuerso: ergo hæc est ratio, & causa illius.

3. **ITEM** hoc argumentum est bonum: Iste mentitur: ergo Deus præscit eum mentiri: ergo est ibi aliqua habitudo localis, & nulla potest inueniri nisi causæ ad effectum: sed Deus non est causa mendacii: restat ergo quod futurum est causa præscientiæ.

4. **ITEM:** Quæcumque duo sic se habent, quod inuicem se consequuntur, aut ambo causantur à tertio, aut vnum est causa alterius: sed sic habent ista duo, scilicet istum mentiri, & Deum præscire, & non est dicere, quod ambo causentur à tertio: ergo vnum est causa alterius.

CONTRA per Augustinum: Non enim quæ causata sunt, ideo Deus nouit, quia facta sunt.

ITEM ratione videtur, quod non sit causata à rebus, quia omnis causa nobilior est suo effectui. Si ergo diuina præscientia causatur à re aliqua, cum diuina præscientia sit increata, & res creata: ergo creatum nobilior increato.

ITEM: Præscientia est æterna: ergo cum res sit temporalis, si causatur à rebus, temporale est causa æterni: & cum causa sit prior effectui, ergo temporale prius æterno.

ITEM: Si res sunt causæ præscientiæ, aut ratione principalis significati: sed cum illud sit diuina essentia, ergo sunt res causæ Dei. Si ratione connotati: cum connotata sint res ipsæ, tunc sunt causa sui.

3: 50

Fundamenta. Lib. 15. de Trin. cap. 3. in medio.

CONCLV-

CONCLUSIO.

Præscientia diuina aliquorum est causa essendi, licet non omnino: præscita verò ipsa ipsius præscientia sunt causa illatiua, & secundum modum dicendi.

Positio aliorum.

RESP. ad Arg. Aliqui voluerunt dicere, quod causa dicitur dupliciter, proprie, & communiter. Proprie, quod dat alteri esse, & sic nullo modo res sunt causæ præscientiæ diuinæ. Alio modo dicitur causa communiter illud, sine quo res non est: & sic dicitur causa sine qua non, & hoc modo quia præscientia Dei non est quin res sint futura, ideo hoc modo dicuntur causa. Sed quoniam hoc nomen *causa*, semper importat honorabilitatem respectu cuius dicitur causa, & quandam superpositionem, ideo non videtur illud adhuc omnino sanum dicere, quod sit causa sine qua non. Et præterea illud non soluit auctoritatem Origenis, quia ipse negat conuersam. Est propterea aliter dicendum, quod est causam accipere secundum triplicem modum, scilicet secundum rationem essendi, & secundum rationem inferendi, & secundum rationem dicendi. Dico ergo, quod secundum rationem essendi, præscientia potest esse causa aliquorum præscitorum, licet non omnino, sed nullo modo e conuerso. Secundum rationem inferendi, sunt mutuo causæ, quia mutuo antecedunt, & consequuntur: & antecedens est causa consequentis. Secundum rationem dicendi, futurum est causa præscientiæ, & non e conuerso. Nam præscientia dicitur scientia ante rem. Constat ergo quod importat ordinem ad posterius, & quod si scitum esset semper præsens, esset scientia, sed non præscientia. Nam ad hoc, quod præscientia dicatur, venit ex futuritione rei. Et sic intelligit Origenes, & patet primum.

2. AD illud quod obiicitur secundo de habitudine locali, dicendum quod est locus à conuertibili.

4. AD illud quod ultimo obiicitur, dicendum, quod instantiam habet in proposito, & quia in hoc solo est instantia, ideo ferenda est. Ratio autem huius est, quia Dei præscientia est respectu veri, & respectu omnis veri: ideo ponit & ponitur. Et quia potest esse respectu veri quod non est ab ipso, nisi secundum id quod subest, nec e conuerso: ideo nec causa est, nec causatur. Quia ergo præscientia est respectu veri, quia diuina: respectu omnis veri, quia nihil latet Deum: ideo ponit, & ponitur. Rursus, quia scientia est quæ dicit simplicem notitiā, ideo non causat: quia diuina, ideo non causatur: ideo ponit, & ponitur, & non causat, nec causatur.

ARTICVLVS II.

Consequenter est questio de secundo articulo, scilicet de diuina præscientia quantum ad rationem necessitatis. Et circa hoc queruntur duo. Primo queritur utrum diuina præscientia ponat necessitatem circa præscitum. Secundo, utrum diuina præscientia habeat in se necessitatem.

QUESTIO I.

An præscientia Dei rebus præscitis necessitatem imponat.

Alex. Alenf. 1. p. q. 24. Memb. 5.

S. Thom. 1. p. q. 14. art. 15.

Et de Verit. q. 2. art. 3.

Scotus 1. Sent. dist. 38. q. unica.

Richard. 1. Sent. dist. 38. q. 4.

Marsilius Inguen. 1. Sent. q. 40. art. 1.

Franciscus de Mayr. 1. Sent. dist. 38. q. 3.

Steph. Brulef. 1. Sent. dist. 38. q. 3.

Petrus de Tarantaf. 1. Sent. dist. 38. q. 3.

Ad oppositum.

QVOD diuina præscientia ponat necessitatem, ostenditur sic: Anselmus in libro de concordantia præ-

scientiæ, & liberi arbitrii: Quæ præscit Deus necesse est futura esse.

2. ITEM ratione sic: Ex maiori de necessario, & minori de inesse semper concluditur de necessario, sicut dicit Philosophus in 1. Priorum. Fiat ergo talis syllogismus. Omne præscitum necesse est esse futurum. Hoc per Anselmum patet: sed hoc est præscitum, quolibet demonstrato, ergo necesse est esse futurum.

3. ITEM Omne quod Deus præscit, est verum: sed ut dicit Philosophus in 1. Perihermen. *Omne quod est, quando est, necesse est esse: ergo si præscitum est modo verum, necesse est hunc esse verum, & futurum est præscitum: ergo modo necessarium est esse futurum: ergo de necessitate eueniet.

4. ITEM hoc ipsum ostenditur per impossibile: Deus præscit aliquid in partem affirmatiuam: quæro ergo utrum illud non possit non esse. Si non: ergo est necessarium. Si sic, ergo potest aliter euenire, quam Deus præscit: ergo diuina præscientia est fallibilis, & incerta, & hoc est argumentum Augustini, & etiam Boetii, de consolatione. Si aliorum quam præscitæ sunt detorqueri valent res præscitæ, iam non erit firma futuri præscientia.

5. ITEM Deus præscit aliquid esse futurum: aut ergo possibile est non esse futurum, aut impossibile. Si impossibile non esse, ergo necesse est esse: si autem possibile: sed omne possibile ponibile, & falso possibili posito in esse, quod sequitur, non est impossibile: ponatur ergo hoc non esse, & Deus præscit hoc esse, ergo Deus præscit falsum: sed hoc est impossibile, ergo impossibile est aliquid præcedentium.

CONTRA quod non inferat necessitatem, ostenditur auctoritate Augustini sumpta à simili de libero arbitrio: Sicut mea memoria non cogit facta esse, quæ præterierunt: sic Dei præscientia non cogit facienda esse quæ futura sunt.

ITEM ratione ostenditur id idem: Intelligamus Deum nihil præscire: ergo ex hoc nihil accrescit libero arbitrio, ergo positio præscientiæ nihil ei aufert: ergo cum liberum arbitrium de se sit causa rerum ad utrumlibet contingentium, diuina præscientia hoc non tollit.

ITEM sicut supra probatum est, diuina præscientia in pluribus, aut non est causa, aut non est rota causa: sed quod dat alicui necessitatem, habet rationem causæ, quia à quo est esse, & esse necessarium: cum ergo diuina præscientia multorum futurorum non sit causa, ut malorum, nullam rebus imponit necessitatem.

ITEM diuina præscientia præscit res sicut sunt euenturæ, cum nihil præsciat nisi verum. ergo cum præscit aliquem peccaturum, cum peccatum non sit nisi per voluntatem, præscit istum per voluntatem hoc facere, & præscit aliud posse facere: ergo si omne quod præscit, est verum, verum est quod iste per voluntatem hoc faciet, & poterit aliud facere: & si hoc est contingens, ergo, si cum diuina præscientia est contingentia circa res, non ergo necessitas.

ITEM hoc ipsum ostenditur rationibus ducentibus ad impossibile. Si imponit præscientia rebus necessitatem: perit ergo casus, & fortuna. Secundum impossibile est, quod perit liberum arbitrium, & consilium. Tertiū, quod perit meritum, & demeritum. Quartum, quod perit laus, & vituperium.

CONCLUSIO.

Cum præscientia diuina sic res præcognoscatur modo quo futura sunt, rebus nullo pacto imponit necessitatem.

RESP. AD Arg. Dicendum quod tres circa hoc fuerunt positiones. Quidam enim dixerunt, quod præscientia necessario cum sit infallibilis, imponit necessitatem, & ideo abstulerunt liberum arbitrium, & peccatum: ista positio fuit hæretica, & iniqua, quia destruit bonos mores. Alia positio fuit, quod diuina præscientia si esset, necessita-

cessitatem imponeret, & sic omnis virtus, & laus periret. Et quia dilexerunt rem publicam, ideo abstulerunt Deo præscientiam, & à propositionibus de futuro abstulerunt veritatem. Et hæc hæretica fuit, & impia, quia derogavit nobilitati diuinæ. Tertia positio est catholica, quæ Deum honorat, & bonos mores conseruat: & ideo iusta, pia, & vera: quia diuina præscientia est, & tamen non imponit rebus necessitatem. Omnia enim sic præcognoscit esse euentura sicut euentura sunt: & ideo cum multa sint euentura contingenter, vt illa quæ sunt à libero arbitrio, & à casu, & fortuna, sicut præscit hæc esse futura ab istis, sic præscit modum contingentia secundum quem sunt ab istis.

1. Ad intelligentiam autem obiectorum notandum, quod duplex est necessitas, scilicet absoluta, & respectiua. Necessitas absoluta quæ opponitur contingentia, dicitur necessitas consequentis. Necessitas respectiua dicitur necessitas consequentia, & hæc non opponitur contingentia. Nam aliquod contingens necessario sequitur: vt si ambulat, necessario sequitur, quod mouetur. Dicendum ergo, quod in præscito non est necessitas absoluta, sed solum consequentia, quia necessario sequitur, Deus præscit hoc, ergo hoc erit: & hoc modo intelligitur auctoritas Anselmi, & consimiles auctoritates quæ proponuntur cum modo necessitatis, & sic patet primum.

2. Ad illud quod secundo obiicitur de syllogismo ex maiori de necessario, & minori de inesse, dicendum, quod sicut patet, & Philosophus exponit, hoc intelligitur de ea propositione, quæ est de inesse simpliciter, quod æquiualeat necessario: sed minor huius syllogismi scilicet, hoc est præscitum, non est de inesse simpliciter: licet enim infra patebit, non est necessaria.

3. Ad illud quod obiicitur de præscito, quod verum est, & si verum est necessario est: dicendum quod istam rationem facit Philosophus ad ostendendum, quod in futuris non est veritas, & est sophistica. Nam quando dicitur, omne quod est, quando est necessario est: intelligitur de eo, quod ponit aliquid in actu circa suppositum, quod ex quo positum est, impossibile est non esse positum: sed verum de futuro nihil ponit circa subiectum, quia non est verum pro præscienti, sed solum pro futuro: & ideo nulla est necessitas, neque simpliciter, neque vt nunc, quia nihil ponit, vt nunc.

4. Ad illud quod obiicitur per impossibile, quod si posset aliter esse, posset falli, &c. dicendum, quod sicut veritas venit ex concordia intellectus ad rem cognitam, hæc autem concordia non est aliud, quam adæquatio rei, & intellectus: sic falsitas venit ex discordia intellectus ad cognitum, similiter potentia fallendi ex potentia discordandi: dico ergo quoniam necessario præscitum sequitur ad præscientiam: ideo non possunt discordare: & ideo nunquam fallitur, nec potest falli.

5. Quod ergo obiicitur quod aliter potest esse: dicendum quod aliter potest esse, quia Deus potest aliter præscire: & cum ponitur quod aliter scit, ponitur quod aliter præscit. Quando ergo inferitur, potest aliter esse, quam sit, & Deus præscit sic, ergo aliter quam Deus præscit, distinguenda est conclusio, quia potest intelligi diuisionem, sic vera est. Et est sensus: Deus præscit hoc euenire, & possibile est illud non euenire. Si autem coniunctim, falsa est, & est sensus illud est possibile, quod Deus præscit vno modo, vt eueniat alio modo. Et est fallacia compositionis in illo processu, sicut hic: Currere potest non moueri ergo possibile est quod aliquis currat, & non moueatur, non sequitur. Similiter cum queritur: quod ponitur ponendum est, sed cum assumitur, Deus præscit, hoc est oppositum posito: & ideo est negandum.

QVÆSTIO II.

An necessario Deus præsciat quæ præscit.

Alex. Alenf. i. p. q. 24. Memb. 4.
S. Tho. i. p. q. 14. art. 9.

Et i. Sent. dist. 38. q. 1. art. 4.

Et de Verit. q. 2. art. 8.

Scotus i. Sent. dist. 39. q. 3.

Ægid. Rom. i. Sent. dist. 38. part. 2. q. 3.

Richardus i. Sent. dist. 38. q. 5. c. 6.

Thom. Argent. i. Sent. dist. 38. q. 1. art. 2.

Marsilius Inguen. i. Sent. q. 40. art. 2.

Franciscus de Mayr. i. Sent. dist. 38. c. 39. q. 4.

Steph. Brulef. i. Sent. dist. 38. q. 4.

Petrus de Tarant. i. Sent. dist. 38. q. 4.

Gabriel Biel. i. Sent. dist. 38. q. unica.

Vtrum diuina præscientia habeat in se necessitatem, hoc est, vtrum necesse sit Deum præscire quod præscit. Et quod sic, ostenditur primo per auctoritatem Anselmi lib. de concordia prædestinationis, & liberi arbitrii: Quod præscit Deus, impossibile est non præscire: ergo ab æquipollenti, necesse est præscire.

2. **ITEM**: Ratione videtur, quia omne dictum de præterito verum, est necessarium. Vnde si cucurrit, necesse est cucurrisse: sed si præscit, præsciuit: ergo cum hoc sit dictum de præterito, ergo necessarium.

3. **ITEM**: Licet de potentia Dei sit indifferens ad exeundum, & non exeundum, tamen ex quo exiit in actum, necesse est exisse. Vnde quamuis potuerit creare, & non creare antequam crearet, tamen ex quo creauit, necesse est creasse: ergo ex quo præsciuit, necesse est præscisse.

4. **ITEM**: Si homo voluit, & præsciuit aliquid, necesse est hominem sciuisse, & voluisse: ergo si circa scientiam Dei non est minor certitudo, immo maior, quam circa scientiam hominis, multo fortius est necesse. Si tu dicas, sicut aliqui dicunt, quod in hac: Deus præsciuit, totum ex futuro est secundum rem, quamuis intelligatur sub ratione præteriti. Vnde nihil plus est dicere, Deus præscit, nisi Deus est, & hoc erit. **CONTRA**: Tunc, esto, quod Deus nullam haberet cognitionem, dum tamen res esset futura, hæc esset vera: Deus præscit: quod manifeste est falsum. Præterea, esto, quod præscientia addatur actus transiens in præteritum, vt promissio, vel prædictio, vel prophetatio, ibi transit in præteritum aliquid, vt vere sit idem sophisma, & idem dubium, & hoc non soluit.

5. **ITEM**: Plus distat esse & non esse, quam necessariū & contingens: sed aliquid quod simpliciter non est, habet esse in Dei præscientia: ergo multo fortius aliquid quod in se contingens est, potest esse necessarium in præscientia Dei: ergo, &c.

6. **ITEM**: Omne immutabile est necessarium: sed cū dicitur: Deus præscit, est immutabile: ergo est necessarium. Prima est manifesta: secunda patet, quia cum dicitur: Deus præscit: si mutatur, vt fiat non præsciens, aut hoc erit secundum mutationem rei, aut Dei. Rei non, quia res adhuc nihil est: ergo non mutatur, nec mutari potest. Si secundum mutationem Dei: ergo Deus mutatur.

7. **ITEM**: Omne æternum est necessarium, quia vnum solum est æternum, & illud est, in quo non cadit contingentia, sed summa necessitas: sed præscire Dei est æternū: ergo necessarium est Deum præscire.

CONTRA: Regula est, si antecedens bonæ consequentia est necessarium, & consequens: & si consequens non est necessariū, nec antecedens. Sed sequitur: Si Deus præscit hoc esse futurum, hoc erit quocumque contingenti demonstrato, quia oppositum non potest stare: ergo cum consequens non sit necessarium, nec antecedens.

ITEM: Regula est quod necessarium comparitur se cū omni possibili. Omne enim repugnans necessario est impossibile. Demonstrato tamen aliquo qui præscitus est damnari, possibile est istum saluari: ergo ista duo possunt simul stare quod iste sit præscitus damnari, & saluetur, & hoc est impossibile, &c.

ITEM: Regula est quod oppositum contingentis est contingens, & oppositum, & necessariū est impossibile. Et regula iterum est quod si ad antecedens sequitur consequens, ad oppositum consequentis sequitur oppositū

antecedens

Ad oppositum.

Ansel. de Concord. prædest. & lib. arb.

Fundamenta.

anecedentis. Ex his arguo sic: Sit, A, contingens præscire a Deo, si Deus præscit A, erit ergo per regulam, si A non erit, Deus non præscit: sed A non esse fuit contingens, Deum non præscisse, fuit impossibile, ergo ad contingens sequitur impossibile, hoc est contra artem: necesse est ergo hoc esse contingens Deum, scilicet præscire hoc.

ITEM: Omnis diuina actio quæ respicit obiectum quod potest non esse, potest desinere. Vnde cum Deus conferuet rem creatam, potest desinere conferuare: ergo cum præscire sit respectu contingentis, erit contingens.

CONCLUSIO.

Licet præscire in Deo sit actus æternus, & necessarius, cum tamen versetur circa futurum contingens, ex parte futuritionis, dicitur contingens.

S. Tho. q. 4.
art. 13.

RESP. ad Arg. Dicendum quod sicut probatum est, illud constat, & non est dubium quod Deum præscire contingens aliquid cum antecedit ad contingens, & connotat aliquid quod habet veritatem contingentem quod ipsum iudicandum est contingens: sed aliqui voluerunt ipsum iudicare contingens, quia totum quod dicit, dicit de futuro. Sed illud improbatum est, quia falsum est, & non intelligibile. Omnis enim intellectus qui intelligit hoc, quamuis non intelligat tempus circa Deum, intelligit quod actus diuinæ præcognitionis ab æterno fuit in Deo, & ille differt à re futura: & propterea, sicut dictum est, hoc non soluit. Alii voluerunt iudicare contingens, quia cum sit dictum de præterito, pender tamen ex futuro. Et hoc dicunt in credito, & prophetico, & dicto à Christo, & consimilibus, quæ inferunt de necessitate propositionem de futuro. Et illud est improbable, ut videtur. Quoniam si actus diuinæ præcognitionis pender ex futuro, tunc cum in futuro, quantum est ex parte rei contingentis, nulla sit certitudo, nec in diuina præcognitione esset. Præterea, quo modo dependet, cum ab eo non causetur aliquo modo? Et iterum, quo modo dependet illud quod necessarium est fuisse, ut actus cognoscendi, & credendi, & prædicendi ab eo quod futurum est? Non videtur nec probabile, nec intelligibile. Et ideo alio modo dicendum, quod quoddam est dictum de præterito & pro præterito sicut si dicatur, Petrum legisse. Quoddam de præterito, sed pro futuro, ut antichristus fuit nasciturus. Quoddam pro præterito, tamen dependet ex futuro, ut hoc dictum, Petrum dixisse verum, nauale bellum fore: ad hoc enim quod dictum habeat veritatem, exigitur belli euentus, & ab illo dependet veritas nostræ assertionis quæ causatur à re. Quoddam est dictum de præterito quod non dependet, sed connotat veritatem circa illud futurum, sicut si dicatur: Deus præscit hoc futurum. Quia enim Dei scientia est solum respectu veri: ideo connotat veritatem circa illud dictum futurum, sed quoniam diuina cognitio non habet certitudinem à re, quia ab ipsa nec causatur, nec oritur, ideo ab illa non dependet: & propterea falli non potest quamuis connotet futurum. Vnde in præscientia hæc duo dicuntur, scilicet actus diuinæ cognitionis: & hunc necessarium est esse siue fuisse: & ordinatio futuri ad illum actum: & hæc ordinatio futuri ad illum actum, non est necessaria, & iudicanda est contingentia in totali dicto, non ratione totalitatis, siue principalis significati, sed connotati. Et si ponatur, Deum non præscire aliquid quod præscit, potest & debet intelligi non per remotionem principalis significati, sed ipsius connotati, siue illius ordinis ipsius temporalis ad æternum, qui quidem est contingens ratione alterius scilicet temporalis. Contingentia ergo est in totali dicto, quia connotat aliquid esse verum de futuro, quod quidem est contingens, & hoc patet sic. Cum enim dicitur: Deus præscit te saluandum: hic duplex includitur actus, & compositio, videlicet hic tu saluaberis, & hic, Deus habet cognitionem de salute tua, & habuit cognitionem ab æterno. Habere quidem cognitionem est actus æter-

Adversarius
S. Tho. q. 4.
art. 13.
d. 30. ad 4.
c. 5.

nus & necessarius, quia non dependet à re, sed saluari est actus futurus, & contingens. Quoniam ergo actus diuinæ cognitionis non dependet à cognito: ideo potest esse certitudo in ipso, re contingente existente. Sed quando significatur per modum præscientiæ, connotat futurum contingens, & omne dictum quod claudit in se contingens, iudicandum contingens est: ideo totale contingens iudicatur. Et ista solutio est vera, & generalis. Nam actus credulitatis, actus prophetationis, & diuinæ assertionis, per hoc quod currunt secundum illustrationem diuinæ præscientiæ, ideo connotant & non dependent: ideo certi, & infallibiles sunt de rebus in se non certis.

1. Ad illud ergo quod obiicitur de Anselmo, quod necesse est præscire quod præscit, dicendum quod hoc intelligit quantum ad actum præcognitionis quem necesse est fuisse: sed non quantum ad connotationem futuritionis.

2. 3. Ad illud quod obiicitur, quod dictum est de præterito, dicendum quod quantum est de ratione præteritionis, necessarium est: sed quoniam connotatur futurum, ideo est contingens. Et ex hoc patet sequens, quia quantum ad illud futurum non est adhuc potentia in actu, imo adhuc potest non exire, ideo, &c.

4. 5. Ad illud quod obiicitur quod est cognitio sine existentia rei, ergo necessitatis sine rei necessitate, dicendum quod verum est, quod in actu cognitionis est necessitas, sed non in toto. Nec est simile, quia præcognitio non connotat actualem rei existentiam, sed connotat rei futuritionem, & ad hoc quod dictum sit necessarium, necesse est quod sit necessitas in connotato.

6. Ad illud quod obiicitur, quod omne immutabile est necessarium, dicendum quod ad esse mutabilis duo concurrunt, quod se habeat vno modo prius, alio modo posterius. Et per oppositum immutabile potest dici dupliciter: aut quia nihil actu est, aut quia actu est, & non potest aliter se habere, & hoc conuertitur cum necessario: sed illud immutabile quod non est aliquid actu non conuertitur, & sic est verum contingens de futuro antiquam res sit. Et sic hoc dictum, Antichristum fore, est modo verum immutabile, quia si ponatur esse verum, ponitur quod semper fuerit, & similiter si falsum, & hoc quia nihil actu ponit: quoniam ergo Deum præscisse, connotat futurum contingens, ideo est dictum immutabile, nec ex hoc sequitur quod sit necessarium, ut visum est. Tamen aliqui volunt aliter dicere, quod Deum præscire hoc futurum contingens, est immutabile à parte præscientis, sed à parte rei præscitæ est mutabile, & ideo ex parte illa contingens. Sed tamen illud difficile est dicere, quod enim præscitur semel, semper præscitum fuit, & Deus non potest præscire futurum contingens ita quod nihil fiat circa futurum, & ita nulla mutatio. Et propter hoc modus alius dicendi est rationabilior.

7. Ad illud quod ultimo obiicitur, quod nihil æternum est contingens, dicendum quod ens æternum est dupliciter: aut pure æternum, aut connotat temporale de futuro, & pure æternum est necessarium: sed connotans temporale de futuro ratione connotati, potest iudicari contingens, sicut & ratione illius potest desinere. Summa dictorum est ista, quod Deum præscire futurum contingens, est quoddam dictum quod claudit in se actum diuinæ cognitionis æternum, & ordinationem dicit ad futurum contingens. Et quamuis actus diuinæ cognitionis ponat aliquid existens necessarium, & æternum, illa tamen ordinatio ponit futurum quod contingens est. Et iterum, quamuis dicat ordinationem, non tamen dicit dependentiam: sed solum connotationem, & ideo non ponit incertitudinem. Hinc est quod Deum præscire futurum est contingens ratione connotationis ad contingens. Est immutabile ratione ordinationis ad futurum, quod potest non esse nulla facta mutatione. Est certum ratione independentiæ ab eodem, & hoc patebit infra planius in distinctione de prædestinatione.

* *

DISTIN.

DISTINCT. XXXIX.

VTRVM SCIENTIA DEI
FOSSIT AUGERI VEL MI-
NUI: VEL ALIQUO MODO M-
TARI: VTRVMQVE ENIM
VIDETVR POSSE PRO-
BARI.

RÆTEREA quari solet, Vtrum
scientia Dei possit augeri, vel minui.
Vtrumque enim videtur posse probari.
Quod enim diuina scientia possit auge-
ri vel mutari, hoc modo probatur: quia
potest Deus scire quod nunquam scit. Est
enim aliquis qui non est lecturus hodie, & tamen potest ef-
se ut legat hodie: potest enim hodie legere. Nihil autem
potest fieri, quod non possit à Deo sciri. Potest ergo Deus
scire hunc lecturum hodie: potest ergo aliquid scire quod nō
scit: ergo potest eius scientia augeri vel mutari. Eademq;
videtur posse minui. Est enim aliquis hodie lecturus, que
Deus scit lecturum. At potest esse, ut non legat, ergo
potest Deus non scire hunc lecturum: potest ergo non sci-
re aliquid quod scit: ergo potest minui eius scientia, vel
mutari. Ad quod dicimus, quia Dei scientia omnino im-
mutabilis est, nec augeri potest, vel minui. Nam, ut
ait Augustinus in 15. lib. de Trinitate, Scientia Dei est
ipsa sapientia, & sapientia est ipsa essentia, siue substantia
Dei: quia in illius natura simplicitate mirabili, non est
aliud sapere, & aliud esse: sed quod est sapere, hoc est &
esse. Ideoq; nouit omnia verbum, que nouit Pater: sed
ei nōsse de Patre est, sicut esse: nōsse enim, & esse, illi v-
num est. Et ideo Patri sicut esse non est à Filio, ita nec nos-
se. Proinde tamquam seipsum dicens. Pater genuit ver-
bum sibi coequale per omnia. Non enim seipsum inte-
gre perfecteque dixisset, si aliquid minus, aut amplius ef-
set in eius verbo, quā in seipso. Hoc est ergo omnino verbū
q; Pater, non tamen Pater: quia iste Filius, ille Pater. Sciūt
ergo inuicem Pater & Filius, sed ille gignendo, iste nascen-
do. Et omnia qua sunt in eorum scientia in eorum sapien-
tia, in eorum essentia, unusquisque eorum simul videt,
non particulatim aut sigillatim velut alternante conspe-
ctu hinc illinc, & inde huc, & rursum inde, vel inde in
aliud atque aliud: ut aliqua videre non possit, nisi non vi-
dens alia: sed omnia simul videt, quorum nullum est
quod non semper videat, & sciat. Eius itaque scientia
inamissibilis, & inuariabilis est. Nostra vero scientia &
amissibilis, & variabilis, & receptibilis est, quia non hoc
est nobis esse, quod sapere, vel scire. Propter hoc sicut
nostra scientia illi scientia Dei dissimilis est, sic & nostrum
verbum quod nascitur de scientia nostra, dissimile est illi
verbo quod natum est de Patre scientia. Ex hac auctori-
tate clare ostenditur scientiam Dei omnino inuariabilem
esse, sicut ipsa essentia Dei omnino inuariabilis: & quod
Pater & Filius cum Spiritu sancto simul omnia sciunt &
vident. Sicut ergo nō potest augeri vel minui diuina es-
sentia, ita nec diuina scientia. Et tamen conceditur posse
scire quod non scit: & posse non scire quod scit, quia posset
aliquid esse subiectū eius scientia, quod non est, & posset
non esse subiectum aliquid quod est, sine
permutatione ipsius scientia.

¶

¶

A

Oppositio, an Deus possit nouiter vel ex tempore scire
vel prascire aliquid.

B

C

D

E

Hic opponitur à quibusdam ita: Si Deus potest aliquid
scire vel prascire quod nunquam sciuit vel prasciuit, potest
ergo ex tempore aliquid scire vel prascire. Ad quod dici-
mus: Potest quidem Deus scire vel prascire omne, quod po-
test facere, & potest facere, quod nunquam fiet. Potest er-
go scire, vel prascire, quod nunquam fiet, nec est, nec fuit.
Nec illud scit, vel sciuit, neque prascit vel prasciuit: quia
scientia eius non est nisi de his, qua sunt, vel fuerunt, vel
erunt: & prascientia non est nisi de futuris. Et licet pos-
sit scire, vel prascire, quod nunquam est, vel erit, non ta-
men potest, aliquid scire, vel prascire ex tempore. Po-
test utique scire vel prascire quod nunquam est, nec erit,
nec illud scitum vel prascitum est ab aeterno, nec tamen
potest incipere scire vel prascire illud, sed ita potest modo
scire vel prascire, sicut potest scisse vel prascisse ab aeterno.
Si enim dicas eum modo posse scire vel prascire quod ab a-
eterno non sciuit vel prasciuit, id est, ita quod ab aeterno nō
sciuerit vel prasciuerit, quasi vtrumque simul esse possit:
falsum est. Si vero dicas eum posse modo scire vel prasci-
re quod ab aeterno non sciuit vel prasciuit, id est, habere po-
tentiam sciendi vel prasciendi ab aeterno, & modo aliquid:
nec tamen illud prascitum est vel futurum, verum est.
Non potest ergo nouiter vel ex tempore scire vel prascire
aliquid, sicut non potest nouiter vel ex tempore velle ali-
quid, & tamen potest velle quod nunquam voluit.

Vtrum Deus possit scire plura quam scit.

Item à quibusdam dicitur Deus posse plura scire quam
sciat, quia potest omnia scire, qua scit, & potest aliqua fa-
cere, qua nunquam erunt, & illa potest scire. Non enim
aliqua incognita facere potest. Si vero omnia essent qua
modo sunt, & alia quadam faceret, qua non sunt, nec erūt,
& illa omnia sciret, pro certo plura sciret quam modo sciat.
Nec tamen eius scientia augeri potest, quia hoc totum fieri
posset sine mutabilitate scientia. Constat ergo Dei scien-
tiam omnino esse immutabilem, nec augeri posse vel mi-
nuī, sed ei subiecta.

Quod videtur aduersum illi sententia qua supra
dictum est, Deum semper & simul
scire omnia.

Ei vero quod pradiatum est, scilicet quod Deus omnia
semper videt & simul, videtur obuiare quod ait Hierony-
mus in expositione Abacuc. Absurdum est, inquit, ad hoc
deducere Dei maiestatem, ut sciat per momenta singula
quot culices nascantur, quotue moriantur, quota pulicum
& muscarum sit multitudo, quotue pisces nascent in aquis,
& similia. Non sumus tam fatui adulescentes Dei, ut dum
providentiam eius etiam ad ima retrudimus, in nos ipsos
iniuriosi simus, eandem irrationabilium & rationabilium
providentiam esse dicentes. Hic videtur dicere Hierony-
mus quod Deus illorum minimorum scientiam siue pro-
videntiam non habeat. Quod si hoc est, tunc non omnia
simul scit & semper. Ex tali itaque sensu illud dictum esse
nouerimus, ut Deum illa alternatim, vel particulatim sci-
re negat, nec per diuersa temporum momenta sic illa cognouit,
sicut per varia momenta illorum quadam deficiunt,
quadam incipiunt. Neque illis illis alijsq; irrationabili-
bus ita prouidet, quemadmodum rationabilibus. Num-

Tom. 6. in
explan-
atione capi-
tuli.
Abacuc.

2. Cor. 9.
Sap. 12. b

quid enim, ut ait Apostolus, cura est Deo de bobus? Et si-
cut non est cura de bobus, ita nec de alijs irrationabilibus.
Dicit tamen Scriptura, quia ipsi est cura de omnibus.
Prouidentiam ergo & curam vniuersaliter de cunctis qua
condidit, habet, ut habeat vnumquodq, quod sibi debetur
& conuenit. Sed specialem prouidentiam atque curam
habet de rationabilibus, quibus praecepta tradidit, eisq,
recte viuendi legem praescripsit, ac premia promisit. Hanc
prouidentiam & curam de irrationabilibus non habet.
Ideo dicit Apostolus, quia non est cura Deo de bobus.
Prouidet tamen omnibus, & curat, id est, gubernat om-
nia, qui omnibus solem suum facit oriri, & pluuiam dat
Scit itaque Deus, quanta sit multitudo pulicum, culicum,
& muscarum, & piscium, & quot nascentur, quot ve mo-
riantur: sed non scit hoc per momenta singula, immo si-
mul & semel omnia. Neque ita scit, ut eandem habeat
prouidentiam irrationabilium & rationabilium, id est, ut
eodem modo penitus prouideat irrationabilibus & rationa-
bilibus. Rationabilibus enim & praecepta dedit, & an-
gelos ad custodiam delegauit.

Breuis summa praedictorum, cum additio-
ne quorundam.

Simul itaque, & immutabiliter scit Deus omnia, quae
fuerunt, & sunt, & erunt, tam bona quam mala: praescit
quoque omnia futura tam bona quam mala.

• DISTINCT. XXXIX.

De immutabilitate, vel perfectione diuinæ scien-
tiae, vel cognitionis.

Præterea quæri solet, vtrum scientia Dei possit au-
geri, vel minui.

Expositio textus.

Arist. 3.
Phys. con-
tex. 63. Et
2. de Cælo
contex. 23.
Diuisio.

SVpra egit Magister, de scientiæ diuinæ certitudine,
hic agit de perfectione. Et quoniam vere perfectum
est, cui non est possibilis additio, ideo Magister quærit
vtrum diuina scientia possit augeri, vel minui. Et habet
hæc pars tres partes. In prima Magister quærit, & deter-
minat quod diuina scientia non recipit augmentum nec
diminutionem, nec alterationem, sed omnia simul, &
vno aspectu cognoscit. In secunda opponit contra hoc,
quod diuina scientia non potest augeri, per hoc quod
videtur aliquid posse scire ex tempore, & determinat, &
hoc facit, ibi: *Hic opponitur à quibusdam.* In tertia obii-
cit auctoritate Hieronymi contra hoc, quod dictum er-
rat, diuinam scientiam esse respectu omnium, & hoc ibi:
Ei vero quod prædictum est, scilicet quod Deus, &c. Et quæli-
bet harum trium partium potest subdividi, quia primo
in eis opponit, secundo soluit. Et ponit duplicem re-
sponsum, & in tertia post responsum epilogatio-
nem subiungit, ibi: *Simul itaque.*

Sciunt ergo, se inuicem Pater & Filius: sed iste gi-
gnendo, ille nascendo.

Dub. I.

Videtur male dicere, quia scire est essentialiter in diuinis,
ergo si scit nascendo, cum nasci dicat proprietatem per-
sonalem, proprietates personalis est ratio rei essentialis,
quod non est sane, neque vere dictum.

R E S P. Dicendum: Aliqui voluerunt dicere, quod
scire Dei relatum ad creaturas, ita quod vna persona sciat
seipsam, est dictum essentialiter. Si secundum quod vna
persona sciat aliam, dicit respectum personæ ad personam,
& est dictum notionaliter. Sed hoc non est conuenienter
dictum, quia sicut in præcedentibus habitum est, sapien-

Aria & sapere essentialiter tantum dicitur. Et propterea
dicendum, quod ablatius ille non tantum dicit causam
siue rationem dicendi, sed rationem concomitantiam. Ge-
rundia enim, sicut dicit Priscianus, habent exponi per si,
vel per dum, vel per quia, & primo modo dicit conueni-
entiam, secundo concomitantiam, & tertio causam.

*Et omnia quæ sunt in eorum scientia, in eorum sapientia,
& in eorum essentia, vnusquisque
eorum simul videt.*

Dub. II.

C O N T R A: Dictum est quod creaturæ sunt in Dei no-
titia, sed non in Dei essentia: ergo est contradictio.

R E S P. Dicendum est quod in diuina scientia sunt sci-
bilia, in diuina vero essentia sunt attributa, sicut poten-
tia, sapientia, & bonitas. Et Augustinus vult dicere quod
Pater & Filius simul vident omnia cognoscibilia creata
& creanda, & omnia essentiae attributa. Vnde littera le-
genda est diuim: Omnia quæ sunt in eorum scientia, ut
puta creata, simul scit quilibet: similiter omnia quæ sunt
in eorum essentia, utputa attributa, simul sciunt siue scit
quilibet, & ideo non vult dicere quod creaturæ sint in di-
uina essentia.

*Quia scientia Dei non est nisi de his quæ sunt vel
fuerunt vel erunt.*

Dub. III.

CVidetur hoc esse falsum, quia Deus scit omne quod
potest facere, sed potest facere quod nunquam fuit, nec
est, nec erit: ergo scientia Dei est de aliquo, quod nunquam
fuit, vel est, vel erit. Et præterea est infinitorum, sicut vult
Augustinus II. de Ciuit. Dei, non tantum quæ fuerunt,
vel erunt.

R E S P O N. Dicendum quod Magister loquitur de
scientia visionis, quæ est illorum tantum, quorum ab
æterno fuit præiudicio, sed iste obiiicit de scientia intelligen-
tiæ, quæ nullius connotat existentiam, quod pater. In-
telligit enim Deus omne quod potest, & ita non recte
currit obiectio.

Nec tamen potest incipere scire, vel præscire, &c.

Dub. IV.

DVidetur male dicere, quia nihil scitur nisi verum: er-
go antequam sit verum, non scitur: ergo si aliquid inci-
pit esse verum, aliquid incipit à Deo sciri: ergo Deus po-
test incipere aliquid scire. Item creatio est diuina essen-
tia, & tamen ratione connotati Deus potest aliquid inci-
pere creare: ergo similiter & aliquid scire.

R E S P. Scire dupliciter dicitur. Vno modo scire hoc
est quod habere cognitionem de aliquo, & sic non con-
notat actuale existentiam cogniti, & sic non potest
Deus aliquid incipere scire, id est alicuius cognitionem
incipere habere. Alio modo scire, hoc est, quod nosse
aliquid esse verum, & hoc tunc primo scitur esse verum
quando incipit esse. & sic incipit Deus scire, sic & desinit
præscire, non ratione principalis significati quod est sci-
entia, sed ratione connotati quod quidem est veritas rei
scitæ.

E*Non potest ergo nouiter ex tempore scire vel præscire aliquid,
sicut nec potest nouiter vel ex tempore velle aliquid, &
tamen potest velle quod nunquam
voluit.* Dub. V.

Videtur hic dicere duo contradictorie opposita, quo-
niam illud est nouum quod prius non fuit, & modo est:
ergo si posset quod prius non voluit, videtur quod inci-
piat velle.

R E S P. Dicendum quod cum dico Deum velle, hic
duo dico, & actum diuinæ voluntatis, & vterius ordina-
tionem ipsius effectus ad illum actum. Et primum quidē
est necessarium, & semper, nec potest incipere, vel de-
sinere: voluntas enim diuina est semper in actu suo, ita
quod

Supra dist.
30.

Aug. de ci-
uit. Dei lib.
11. c. 10. 30. 5.

quod nec potest illo carere, nec alium habere: sed ordinatio alicuius effectus ad illum actum, est ordinatio rei futuræ quæ nondum est, & ideo potest esse & non esse, & ordinari & non ordinari. Quando ergo dicitur quod Deus potest velle, quod nunquam voluit, & tamen non ex tempore: intellectus est quod effectus ille potuit ordinari ad diuinum velle, & quoniam ordinatio effectus est ordinatio rei futuræ, & quod est futurum, semper fuit futurum, & quod semel fuit ordinatum, semper fuit ordinatum ad illam. Quando ergo dicitur quod Deus potest velle aliquid, idem est dicere quod aliquid potuit esse futurum siue habere ordinem ad diuinam voluntatem: quod tamen non habet ordinem: sed si haberet, ab æterno habuisset, & ideo non incipit ex tempore, & ideo exemplum Magistri bonum est, si velle Dei importat ordinem ad volitum in ratione futuri: sed secundum quod importat concomitantiam in ratione præsentis, potest Deus ex tempore velle hoc esse, siue hoc approbare hodie, non quia non incipiat actus, sed quia incipiat connotatum.

Sed specialem providentiam atque curam habet de rationabilibus. Dub. VI.

Sep. 12. b

Obiicitur quod videtur esse contra illud quod dicitur: Aequaliter est illi cura de omnibus.

R E S P. Dicendum quod æqualitas non priuat ibi ordinem diuinæ distributionis: sed priuat acceptionem personæ. Et, omnibus, distribuit ibi tantum pro hominibus, tam pro magnis & parvis, pauperibus & diuitibus, & sic est ei æqualiter cura de omnibus, quia ita vult salutem pauperum, vt diuitum.

ARTICVLVS I.

AD intelligentiam præsentis distinctionis quæritur de perfectione diuinæ cognitionis, & circa hoc duo principaliter quærentur. Primo quæritur de perfectione diuinæ cognitionis quantum ad numerum cognoscibilium. Secundo quæritur de ipsa quantum ad modum cognoscendi. Quantum ad primum quærentur tria. Primo quæritur, vtrum Deus cognoscat alia à se. Secundo quæritur, vtrum Deus cognoscat omnia alia à se. Tertio, vtrum Deus possit scire, vel præscire plura quam sciat.

QVÆSTIO I

An Deus cognoscat alia à se.

*Alex. Alensis 1. p. q. 23. Memb. 3. art. 1.
S. Thom. 1. part. q. 14. art. 5.
Et 1. Sent. dist. 38. q. 1. art. 3.
Et de verit. q. 2. art. 9.
Scot. 1. Sent. dist. 39. q. 1.
Ægid. Rom. 1. Sent. dist. 39. q. 1.
Rich. 1. Sent. dist. 39. q. 1.
Steph. Brulef. 1. Sent. dist. 39. q. 1.*

Fundamenta.

Psal. 93. b

Ecl. 23. c

QUOD Deus cognoscat alia à se ostenditur auctoritate, & ratione. Auctoritate sic per Psalm. Qui plantauit aurem non audiet: aut qui finxit oculum non considerat? quasi dicat hoc est impossibile quod deus alius potentiam cognoscendi, & ipse non cognoscat.

ITEM Domino Deo antequam crearentur omnia sunt agnita, & post perfectum respicit omnia: ergo si non creat se, sed aliud, non tantum se cognoscit, sed etiam aliud.

ITEM probatur ratione ostensiva sic: Omne produciens res secundum ordinem & libertatem, producit eas præcognoscens: si enim producit ordinate, necesse est quod producat secundum sapientiam. Rursum si secundum libertatem, necesse est quod secundum sapientiam propriam non alienam: ergo in ipso est omnium cognitio.

Arist. 1. cali. context. 57.

ITEM in entibus est status: ergo pari ratione & in cognoscibilibus: sed primum ens in quo est status est principium à quo est omnis entitas, & sine quo nihil est, nec

aliquid est nisi ab eo: ergo eadem ratione in primo cognoscente, si status est, necesse est quod ab ipso sit omnis cognitio, & quod per ipsum omnia cognoscantur, & sine ipso nihil: si ergo propter quod vnumquodque, & illud magis, patet, &c.

Arist. 1. Po-ster. cont. 5.

ITEM hoc ipsum ostenditur per impossibile, quia si non cognoscit aliud à se, aut ergo quia non potest, aut quia non vult. Non quia non vult, quia in Deo voluntas non præcedit cognitionem: ergo quia non potest: sed omne cognoscens quod non potest cognoscere aliquid quod est cognoscibile, habet cognitionem deficientem, & artatum: quod impossibile est esse in Deo: ergo, &c.

ITEM nihil potest Deus nisi quod nouit, alioquin aliquid posset ignorans, quod absurdum est: ergo si non nouit aliquid aliud à se, nec potest supra aliud à se, nec in se potest, cum non sit supra se: ergo nihil in toto mundo potest: ergo Deus est impotentissimus, quod est absurdissimum dicere.

1. SED contra opponitur per rationem Philosophi: Intelligibile est perfectio intellectus: ergo si Deus intelligit aliud à se, intellectus eius perficitur ab alio: & si hoc, sequitur triplex inconueniens. Primum quod eius cognitio vilescit, cum perficiatur à re minus nobili quam sit Deus. Secundum quod eius cognitio, vel ipse Deus transmutatur: omne enim quod ab alio perficitur, habet potentiam passiuam quæ est principium transmutandi. Tertium inconueniens est quod Deus non sit sua actio, cum actio sit à perficiente: & Deus perficiatur, &c.

Ad oppositum. Metaph. li. 12. context. 52.

2. ITEM si Deus cognoscit aliud à se, cum non omne quod cognoscit Deus sit idē quod Deus, necesse est quod illud quod cognoscit sit extra Deum: ergo si cognoscit aliud, cognoscit aliquid extra se. Et ex hoc similiter oritur triplex inconueniens, scilicet quod cognitio eius sit indigens exteriori, sit etiam transmutabilis, & quod sit aliud quam ipse, quæ omnia sunt inconuenientia.

3. ITEM illud idem ostenditur per rationem cognoscendi, quoniam ratio cognoscendi est ipsa veritas: sed veritas idem est quod rei entitas, vt dicit August. ergo nihil cognoscitur à Deo nisi ens: sed Deus nihil cognoscit nisi ab æterno: ergo nihil cognoscitur ab ipso nisi ens quod est ab æterno: sed tale est vnum solum, scilicet ipse Deus: ergo, &c.

Lib. 2. Soliloq. 6. s. 10. 1.

4. ITEM ratio cognoscendi est assimilatio, vbi est enim cognitio, necesse est quod ibi sit assimilatio cognoscētis ad cognoscibile: ergo vbi summa cognitio, ibi summa assimilatio: & quia Dei cognitio est summa & perfectissima: ergo debet attendi secundum summam assimilationem: sed nihil summe assimilatur Deo nisi ipse: ergo solum seipsum cognoscit.

Arist. 1. de ani. context. 79.

5. ITEM videtur quod nulla necessitas sit ponere Deū cognoscere alia à se. Quoniam sicut potentia se habet ad productionem, ita & intelligentia ad cognitionem: sed Dei potentia, etiam si nihil producat, non est minus potens: ergo si intelligentia Dei nihil aliud à se cognoscit, nihilominus est summe intelligens.

6. ITEM bonitas creaturæ comparata ad bonitatem Creatoris est sicut punctus ad lineam: ergo similiter veritas ad veritatem. Sed si intelligatur punctus amoueri à linea, non est linea minor, nec imperfectior: ergo si Deus veritatem suam cognoscit sine veritate creaturæ, nihilominus sua cognitio perfecta est.

C O N C L V S I O.

Pium & necessarium est dicere, Deum alia à se cognoscere per se ipsum.

R E S P. ad Arg. Dicendum quod pium & necessarium est dicere quod Deus aliud à se cognoscat. Pium quidem, quia omnis rectus animus hoc dicit, quia non latet Deū quod cognoscit noster animus. Necessarium, quoniam non potest opus latere sapientissimum opificem. Et ideo oppositum est dicere impium, & impossibile. Et propterea ad intellectum obiectorum notandum quod co-

gnoſcere aliud eſt dupliciter, aut per aliud à ſe cognoscere, aut per ſe. Quando cognoscens cognoscit aliud, & per aliud, tunc verum eſt quod perfectionem habet aliud, & tunc eius intellectus eſt in potentia, & recipit aliud de perfectionem, & ideo additionem, & transmutationem, & hoc omnino impoſſibile eſt circa Deum. Eſt iterum aliud cognoscere per ſe, & tunc cognoscens eſt actus reſpectu cognoscibilis, & tunc non recipit perfectionem à cognoscibili: ſed magis econuerſo, & hoc modo ponimus Deum aliud cognoscere à ſe per ſeipſum, & ſic non procedit prima ratio, ſed ſecundum primam viam, & ita intelligit Philoſophus, ſi verum dixit.

2. Ad illud quod obiicitur ſecundo, quod ſi Deus cognoscit aliud à ſe, ergo aliquid extra ſe, dicendum quod cognoscere aliquid extra ſe eſt tripliciter. Aut per aliquid conceptum ab extra, & ſic dependet cognitio ab extrinſeco, & ſic non eſt poſſibile ponere in Deo. Aut eſt cognoscere aliquid extra, quia aſpectus cognoscentis deſectitur extra, ſicut cognoscit Angelus. Aut quia illud quod eſt aliud & diuerſum, habet ortū ab intra, & ita quod eſt extra, cognoscitur per omnino intrinſecum, & hoc modo cognoscit Deus, ſcilicet per exemplar, quod eſt idem: quod ipſe à quo res cognoscuntur: & hoc modo nihil valet obiectio.

3. Ad illud quod obiicitur tertio, quod ab æterno fuit vnum ſolum ens, dicendum quod duplex eſt rei eſſe, ſcilicet in ſe, & in ſua cauſa, id eſt in proprio genere, & in exemplari. Et ad cognitionem rei ſufficit eſſentia eius in cauſa, ſive in exemplari, & quia per exemplar repræſentatur ſicut futura eſt in proprio genere, ideo per eſſentiam in exemplari omnino cognoscitur ſicut futura eſt, nec aliter cognoscitur poſtquam facta eſt. Quod ergo obiicitur quod ab æterno fuit vnum ſolum ens, dicendum quod verū eſt in proprio genere, ſive in eſſe actuali, multa tamen fuerunt in cauſa: nec eſſe illud, erat ratio cognoscendi ſecundum vtrumque modum eſſendi.

4. Ad illud quod obiicitur quarto de aſſimilatione, dicendum, ſicut ſupra dictum fuit in quæſtione de idæis, quod ad cognitionem requiritur aſſimilatio, non per cōuenientiam in genere, vel ſpecie, ſed ſecundum rationem exprimendi: & quoniam diuina veritas vna, & ſumma expreſſione exprimit ſe, & alia: ideo ſumma aſſimilatio eſt, non tantum reſpectu ſui, ſed etiam reſpectu aliorum: & ita patet illud.

5. Ad illud quod obiicitur quod potentia dicitur perfecta etiam ſi nihil faciat: ergo, &c. dicendum quod non eſt ſimile de actu faciendi reſpectu potentie, & ſciendi reſpectu intelligentie. Nam facere eſt actus ut actus, & ut egrediens, qui non facit perfectionem: ſed conſequitur, & ei atteſtatur: ſed ſcire eſt actus ut habitus, qui ſignificatur ut perfectio potentie. Quoniam ergo diuina intelligentia eſt perfectiſſima: ideo nō tantum cognoscit aliqua: ſed omne quod poteſt cognosci, non autem facit omne quod poteſt fieri.

6. Ad illud quod obiicitur vltimo quod veritas creaturæ nihil facit ad primam veritatem, &c. dicendum quod verum eſt: & ideo æque nobilis & perfecta erat prima veritas ante creationem veritatum aliarum ſicut poſt: ſed tamen ponere quod aliqua veritas ſit, & non ſit à veritate æterna, eſt ponere primam veritatem non eſſe ſummā ſic ponere aliquam veritatem eſſe, & non eſſe cognitā, tollit rationem perfectæ veritatis, ut eſt ratio cognoscendi: & ideo patet quod de perfectione ſummæ veritatis eſt cognitio creaturæ, ſicut & potentia producendi.

QVÆSTIO II.

An Deus cognoscat omnia alia à ſe.

Alexand. Alenſis 1. p. q. 23. Memb. 4. art. 4.

Scotus 1. Sent. diſt. 39. q. 2.

Egid. Rom. 1. Sent. diſt. 39. p. 2. q. 2.

Richard. 1. Sent. diſt. 39. q. 2.

Thom. Arg. 1. Sent. diſt. 39. q. 1. art. 4.

Steph. Bruleſ. 1. Sent. diſt. 39. q. 2.
Petrus de Tarantaſ. 1. Sent. diſt. 39. q. 2.

Dato quod Deus cognoscat alia à ſe, quæritur vtrum cognoscat omnia alia à ſe. Et quod ſic videtur auctoritate Hieremiæ: Prauum eſt cor hominis, &c. & poſt: Ego Dominus ſcrutans corda, & renes: ſed nihil incertius, nihil oculius noſtris cogitationibus: ergo ſi has cognoscit, & omnia alia.

I T E M omnia ſunt nuda & aperta oculis eius ad quem nobis ſermo. Et iterum: Viuus eſt ſermo Dei & efficax, vſque ibi, & non eſt aliqua creatura inuiſibilis in conſpectu eius.

I T E M per Ioannem: Domine tu omnia noſti.

I T E M Auguſtinus; de Trin. Nihil ſit viſibile nec intelligibile, quod non de aula interiori atque inuiſibili ſummi Imperatoris aut iubeatur, aut permittatur, ſecundum ineffabilem iuſticiam pœnarum & præmiorum, & gratiarum & meritum. Et ſi hoc: ergo omnia cognoscit.

I T E M ratione videtur: quia quanto ſubſtantia eſt ſpiritualior atque ſimplicior, tanto plurium eſt cognitua: ſed Deus eſt ſubſtantia ſimpliciſſima & ſpiritualiſſima: ergo eſt omnium cognitua.

I T E M Deus eſt Creator, & remunerator: ſed in quantum Creator eſt artifex, in quantum remunerator iudex: ſed perfectus artifex cognoscit omnia producta, perfectus iudex omnia remuneranda: ſed omnis creatura ſpectat ad artificium, & omne bonum & malum ad iudicium: ergo Deus omnem creaturam cognoscit, & omnē bonitatem, & malitiam.

I T E M impoſſibile eſt aliquid eſſe in quo non ſit Deus per præſentiam eſſentiae, ut ſupra probatum eſt: ſed cuiusque præſens eſt per eſſentiam, & cognitionem: ergo impoſſibile eſt aliquid Deo eſſe incognitum.

I T E M ſi eſſet in vna re ita quod non in alia, eſſet eius eſſentia limitata: ergo ſi ita cognosceret quod aliqua eſſet incognita, eſſet eius cognitio limitata & artata, & ita imperfecta.

1. **S E D** contra: Omne nobilius Deo eſt attribuendum: ſed quædam melius eſt nescire quam ſcire, ſicut dicit Auguſtinus in Enchir. ergo necesse eſt ponere quod Deus illa non ſciat.

2. **I T E M** intellectus noſter propter ſui immaterialitatem non intelligit ſingularia. Vnde ut dicit Philoſophus, intellectus eſt vniuerſalium, & ſenſus ſingularium. Sed diuinus intellectus multo magis eſt immaterialis quam noſter: ergo ſi noſter non intelligit ſingularia, nec diuinus.

3. **I T E M** noſter habitus ſcientialis propter ſui certitudinem non eſt niſi neceſſariorum, & non contingentium: quia dicit Boetius quod ſcientia eſt eorum quæ ſui immutabilem eſſentiam ſortiuntur. Si ergo diuina cognitio eſt multo certior quam noſtra ſcientia, patet, &c.

4. **I T E M** ſicut Deus dicitur omniſciens, ita eſt omnipotens: ſed potentia mali non eſt de omnipotētia. nec de perfectione potentie naturaliter: ergo ſimiliter cognitio mali non eſt de perfectione ſcientie: ergo, &c.

5. **I T E M** hoc ipſum oſtenditur auctoritatibus. Et primo auctoritate Abacuc: Mundi ſunt oculi tui Domine. ne videant malum: ergo.

6. **I T E M** de malis dicitur: Nescio vos.

7. **I T E M** quæ neceſſitas eſt, Deum ponere cognoscere omnia. Et videtur quod nulla: quia cognitio noſtra non minus dicitur perfecta ſi non cognoscit vnam muſcam: ſi ergo diuina cognitio multo minus perfectura ſcibili, nō erit imperfecta ſi non cognoscit iſta vilia.

C O N C L U S I O.

Deus cognitione ſimplicis notitia omnia cognoscit bona, & mala: approbationis vero tantum bona.

R e s p. ad Arg. Dicendum ad intelligentiam obiectorum quod in Deo eſt cognitio approbationis, & ſimplicis

notitiæ

Funda-
menta.
Hier. 17. 1

Heb. 4. 4

1. Cor. 21. 4
Cap. 4. 10. 3

Diſt. 39.
Art. 3. q. 2.

Ad oppo-
ſitum.
Aug. in En-
chir. ca. 17.
tom. 3.
Colligitur
ex 1. Phyſ.
context. 64.
Ariſtot. 6.
Eth. 2. 11.

Abac. 1. 4

Mat. 25. 1

notitiæ. Et notitia approbationis connotat complacencia voluntatis. Hac non cognoscit Deus omnia; quia nec mala nec malos: sed tantum bona & bonos: & de hac intelliguntur duæ ultimæ auctoritates. Est alia cognitio simplicis notitiæ: & hæc quia habet rationem cognoscendi à veritate quæ est lux summa cui nihil potest occultari, nec etiam tenebræ obscurantur ab ipsa: ideo de necessitate cognoscit omnia, magna & parua, bona & mala, sicut ostendunt rationes ad primam partem.

1. Ad illud ergo quod primo obiicitur, quod omne nobilius Deo est attribuendum, dicendum quod est melius simpliciter, & est melius huic, & secundum statum. Dico ergo quod omnia scire, simpliciter melius & nobilius est: sed homini corrupto qui accipit occasionem peccandi ex cognitione, melius est quædam nescire: ideo non sequitur quod sit Deo attribuendum.

2. Ad illud quod obiicitur de immaterialitate intellectus, dicendum quod hoc quod non cognoscat singularia non tantum venit ex immaterialitate, immo & materialitate coniuncti, & immaterialitate sua. Quoniam enim coniungitur corpori, ideo habet potentias secundum quas dependet à corpore quantum ad operationem, & per quas intellectus quamdiu est in corpore exit ad exteriora, quia illæ sunt mediæ, scilicet sensus particularis, & imaginatio. Quoniam ergo singulare non peruenit ad intellectum nisi per istas potentias, & ascensus per has est secundum abstractionem & depurationem, & abstractio facit de singulari vniuersale: ideo non potest singularia cognoscere vt intellectus, nisi intellectus sit separatus vel diuinus.

3. Ad illud quod obiicitur de certitudine scientiæ, dicendum quod hoc non est propter certitudinem simpliciter, sed propter certitudinem causatam à re. Et quoniam causatur certitudo in nostra cognitione, vt pendet ex re: ideo non potest nostra cognitio esse certa nisi res sit necessaria Diuina autem cognitio quoniam à re non causatur, nec dependet, ideo potest esse certa de re contingenti.

4. Ad illud quod obiicitur quod potentia mali non est de omnipotentia: ergo, &c. dicendum quod non est simile, quia rectitudo manens rectitudo, est ratio cognoscendi malum: sed rectitudo non est causa mali, nisi declinando à rectitudine, & deficiendo: ideo scire malum est de perfectione scientiæ: sed posse malum non est de perfectione potentia.

5. Ad illud quod queritur quæ necessitas est cognoscendi Deum omnia, dicendum quod infinitas & immensitas veritatis quæ non patitur aliquid latere Deum, sicut immensitas diuinæ præsentia non patitur aliquid absentari Deo.

QVÆSTIO III.

An Deus possit scire plura, quam sciat.

Alexand. Alensis 1. p. q. 23. Memb. 4. art. 5.

S. Tho. 1. p. q. 14. art. 12.

Et 1. Sent. dist. 39. q. 1. art. 4.

Et de Veris. q. 2. art. 10.

Ægid. Rom. 1. Sent. dist. 39. q. 3.

Richard. 1. Sent. dist. 39. q. 3.

Thom. Arg. 1. Sent. dist. 39. q. 1. art. 3.

Steph. Brulef. 1. Sent. dist. 39. q. 3.

Petrus de Tarantaf. 1. Sent. dist. 39. q. 3.

Gab. Biel 1. Sent. dist. 39. q. unica.

Vtrum Deus possit scire vel præscire plura quàm sciat. Et quod possit plura scire ostenditur sic. Nihil scitur nisi ens & verum: sed multa possunt esse quæ non sunt, & verificari quæ falsa sunt: ergo multa possunt sciri à Deo, quæ tamen non sciuntur.

ITEM quod possit plura præscire, videtur: quia præscientia est tantum futurorum: sed multa possunt esse futura, quæ nunquam fient, nec erunt: ergo multa possunt præsciri, quæ non præsciuntur: ergo Deus potest plura præscire, quam præsciat.

1. SED contra: Quod non possit plura scire videtur, quia scientia Dei est infinitorum cum sit infinita, sicut probatum est supra: sed infinitis non possunt esse plura, nec cogitari: ergo, &c.

2. ITEM potest scire plura, aut plura incomplexa, siue plures res, aut plura complexa, siue enunciabilia. Non plura incomplexa, quia res scit Deus etiam si nunquam sint, scit enim omnia quæ possunt fieri. Similiter non plura complexa, quia cuiuslibet contradictionis semper altera pars est vera, altera falsa: ergo de complexis semper tot sunt vera quot sunt falsa: ergo qui scit omnia, non potest scire plura, quia non possunt esse plura vera.

3. ITEM quod non possit plura præscire, quam præsciat, videtur, quia quæcunque Deus præscit simul præscit, nec potest præscire nisi simul: si ergo potest plura præscire, quam præsciat: aut ergo simul, aut successiue. Simul est impossibile, successiue similiter impossibile: quia in æternitate non est successio: ergo nullo modo.

4. ITEM si potest plura præscire: ergo cum maior sit præscientia plurium saltem extensiue: & quod potest esse maius potest augeri: ergo diuina præscientia potest augeri: sed vbi augmentum, ibi mutatio, & variatio: ergo diuina scientia potest mutari, & variari.

CONCLUSIO.

Scientia Dei approbationis & visionis augeri potest: ea vero quæ est simpliciter intelligentia, nequaquam.

RESPOND. ad Arg. Dicendum quod cum queritur, vtrum Deus possit plura præscire, vel scire, aliter est iudicandum de præscientia, quam de scientia. Nam sicut dici consuevit, triplex est Dei cognitio, non quantum ad diuersitatem cognitionum, sed cognitorum, scilicet cognitio approbationis, intelligentiæ, & visionis. Cognitio approbationis est solummodo de eis ad quæ se extendit beneplacitum voluntatis, & hoc est solummodo de his, quæ sunt bona sunt. Et hæc absque dubio potest esse plurium. Cognitio vero intelligentiæ dicitur cognitio quæ Deus cognoscit omne possibile, & sibi & aliis, & hæc cognoscit Deus infinita. Et hæc nullo modo potest esse plurium. Cognitio visionis est eorum quorum ab æterno fuit præuisio, & hæc solum est eorum, quæ sunt, vel fuerunt, vel erunt: & hæc cognitio potest esse plurium, quam sit. Et quia eiusdem est hæc cognitio, cuius est præscientia, præscientia potest esse plurium. Concedendum ergo quod quædam scientia potest esse plurium, quædam non. Et per hoc patet responsio ad obiecta de scientia.

1.2. QVOD enim obiicit quod scientia Dei est infinitorum, & quod nihil connotat circa incomplexum, dicendum quod verum est de scientia intelligentiæ: sed non est verum de scientia visionis. Quod autem obiicitur de præscientia, concedendum est, quod potest esse plurium.

3. QVOD autem obiicitur ad oppositum quod si potest scire plura, aut simul, aut non simul, dicendum quod simultas potest attendi dupliciter. Aut quantum ad substantiam præscientiæ, siue cognitionem, sic est verum, quod simul, quia ab æterno præsciuit quædam, & ab æterno potuit præscire plura, & potuit præscisse. Si autem consideretur simultas quantum ad rationem paucitatis, & pluralitatis, sic est implicatio oppositorum & sic est sensus, quod simul præsciat plura, & pauciora, & primo sensu obiectio habet veritatem.

3. AD illud quod obiicitur, si potest plura præscire, quod potest præscientia augeri, dicendum quod esto quod præscita possint augeri, non tamen augetur præscientia, quia vno & eodem præscit Deus, & multa, & vnum & plura, & pauca: tamē quamuis præscita possint esse plura, non tamen possunt augeri, quia augeri est de paucioribus fieri plura: sed hæc posse esse plura, habet duas causas ve-

Ad oppositum.

ritatis, aut quia de paucioribus possunt fieri plura, aut quia ab initio potuerunt esse plura, & hoc ultimo sensu est oratio vera. Et ideo cum procedat à pluribus causis veritatis ad unam, facit sophisma secundum consequens.

ARTICVLVS II.

Consequenter est quæstio de secundo articulo, scilicet de modo diuinæ cognitionis. Et circa hoc quærun. ut tria. Primo quæritur, vtrum Deus cognoscat se, & alia vniuniformiter. Secundo, vtrum cognoscat mutabilia immutabiliter. Tertio, vtrum cognoscat omnia præsentia, vel præsentialiter.

QVÆSTIO I.

An Deus eadem cognitione cognoscat se
& alia à se.

Steph. Brulef. 1. Sent. dist. 39. q. 4.

Funda-
menta.

Arist. 12.
Metaph.
consec. 39.

Ad oppo-
situm.

Quod cognoscat se, & alia eodem modo, siue vniuniformiter, ostenditur sic: Scientia Dei est sua essentia, & suum scire est suum esse: ergo & modus cognoscendi est modus essendi: sed vnus est modus essendi in Deo essentialis: ergo & vnus modus cognoscendi.

ITEM Deus seipso, & non alio cognoscit se, & seipso. & non alio cognoscit alia: ergo vna & eadem ratione cognoscit se & alia: sed modus cognoscendi attenditur penes rationem cognoscendi: ergo si est eadem ratio cognoscendi se & alia, & idem modus, & sic, &c.

ITEM hoc ipsum videtur per impossibile, quia si alio modo cognoscit se, alio modo creaturas, ergo cum cognoscit se & creaturas, variatur in cognoscendo: ergo apud Deum est transmutatio. & vicissitudinis obumbratio.

ITEM si alio modo, tunc ego quæro, aut modus ille est Creator, aut creatura. Non creatura, quia cognitio & modus cognoscendi est æternus. Si creator, aut dicit quid personale, aut quid essenziale. Non personale, quia omnis cognitio est communis tribus: ergo dicit quid essenziale: ergo si alius, & alius modus: ergo alia, & alia essentia: sed hoc est impossibile: ergo & primum.

1. CONTRA: Deus cognoscendo alia à se, cognoscit per ideam, se autem non cognoscit per ideam: ergo si cognoscere per ideam, dicit modum cognitionis, & se non cognoscit per ideam patet, quod alio modo cognoscendi, licet, &c.

2. ITEM in cognitione qua cognoscit se, idem est cognoscens, & cognitum, & ratio cognoscendi: sed in cognitione qua cognoscit creaturam non est idem, ratio cognoscendi cum cognito: ergo non idem modus.

ITEM nihil est commune Creatori, & creaturæ, secundum rationem essendi: ergo neque secundum rationem cognoscendi: cum ergo aliud sit esse creaturæ, quàm Creatoris, & alius modus essendi: ergo alia cognitione, & alio modo cognoscitur quam Creator. Si ergo alio modo cognoscitur à Deo, & idem est creaturam cognosci, & Deum cognoscere: ergo Deus alio modo cognoscit se, & alia.

4. ITEM omnis cognitio in qua cognitum est nobilius, præsentius, & intelligibilius, est cognitio nobilior, scilicet quantum ad rem, & modum. Quantum ad rem quia de re magis nobili. Quantum ad modum, quia de re præsentiori. Sed in cognitione qua Deus cognoscit se, cognitum est nobilius, præsentius, & intelligibilius, quàm in cognitione creaturæ: ergo nobilior cognitio quantum ad rem & modum.

CONCLUSIO.

Deus cognoscendo se, omnia alia à se intuetur: & cum eius cognitio ipsemet sit Deus, eodem modo cognoscit se, atque alia.

RESP. ad Arg. Dicendum quod est quædam cogni-

tio quæ causatur, & ortum habet à cognoscibili, & hæc quoniam à cognoscibili causatur, & dependet, variatur secundum exigentiam cognoscibilis quantum ad rem, & modum. Et est alia cognitio, quæ secundum rem idem est quod cognoscens, & à cognoscibili non causatur, nec dependet, & hæc accipit identitatem quantum ad rem, & modum à parte cognoscentis, non à parte cogniti. Quoniam ergo diuina cognitio à rebus non dependet, nec causatur, sed est idem quod Deus, & Deus eadem essentia, & eodem modo se habens: Ideo vna cognitione, & eodem modo cognoscit Deus se, & alia à se, quia per seipsum nullo modo variatur, nec diuersificatur.

Ad intelligentiam autem obiectorum notandum quod per respectum ad cognoscentem, cognitio eodem modo comparatur, & eodem modo est: quia secundum illam comparisonem habet esse: & sic procedunt primæ rationes ostendentes quod eodem modo cognoscit se, & alia. Sed per respectum ad cognitum, licet sit eadem, tamen alio modo comparatur: nam ad Deum secundum rationem identitatis, ad creaturam secundum rationem diuersitatis, & causalitatis: & ideo ad creaturam secundum rationem ideandi, ad Deum vero minime, & hoc probant rationes inductæ ad secundam partem quod alio modo comparatur, & hoc modo sunt concedendæ. Si ergo inferas quod alio modo est sic ratio, non valet, quia cognitio Dei non recipit modum essendi, nec nobilitatem à cognito.

1. 2. Et sic patent duo obiecta de idea, & diuersitate.

3. Ad illud quod obiicitur tertio, nihil est commune Creatori, & creaturæ, dicendum quod verum est de communitate secundum eadem comparisonem, vel secundum aliam & aliam, nihil prohibet quod aliquid sit veritas creaturæ, & similitudo Dei: similiter quod aliquid sit veritas Dei, & similitudo creaturæ: & quoniam ratio cognoscendi accipitur penes vtrumque modum, ideo cognitio potest esse communis.

4. Ad illud quod obiicitur ultimo, dicendum quod tenet, cum cognitio causatur à cognito, non autem tenet, cum non causatur, sicut in proposito.

QVÆSTIO II.

An Deus mutabilia immutabiliter cognoscat.

Steph. Brulef. 1. Sent. dist. 39. q. 5.

Vtrum Deus cognoscat mutabilia immutabiliter. Et quod sic ostenditur auctoritate Dionysii de diuinis nominibus. Cognoscit Deus omnia materialia immaterialiter, impartite partita, vniuniformiter multa, immutabiliter mutabilia.

ITEM per August. de Trin. Eius scientia inamissibilis est, & inuariabilis: sed omne tale immutabile: ergo, &c.

ITEM hoc ipsum ostenditur ratione, quia quod nobilius est, Deo attribuendum est: sed nobilior est cognitio qua cognoscitur res immutabiliter, quam qua cognoscitur mutabiliter: ergo, &c.

ITEM quod est in aliquo, est in eo per modum eius, in quo est, & hoc verum est maxime in Deo, in quo omne quod est, est ipsum, siue ipse Deus: ergo cum scientia rerum, & ipsæ res cognitæ sint in Deo & ipse sit omnino immutabilis: sunt ergo in Deo immutabiliter.

ITEM ad hoc est ratio Augustini ducens ad impossibile: Dei enim scire est suum esse, & scientia sua, est sua essentia. Si ergo sciret mutabiliter, esset mutabilis: quod omnino in ipso est impossibile.

ITEM ubi est mutabilitas, ibi nulla est certitudo: si ergo Deus sciret res mutabiliter, sciret incerte. sed incertitudo est conditio de decorans cognitionem, ergo non haberet Dei cognitio perfectam nobilitatem.

1. CONTRA: Cum res est præsens, scit Deus eam esse præsentem: & cum præterita, scit eam esse præteri-

Funda-
menta.

Cap. 7.
Lib. 15. c. 13.
123

Arist. 3. de
anim. sens.
124.

Ad oppo-
situm.

tam &

ram: & cum futura, scit eam esse futuram, non præteritam: ergo videtur, quod sicut nos cognoscimus res mutabiles, ita & Deus cognoscat.

2. ITEM ad hoc quod scientia sit vera, necesse est scibile & scientiam proportionari, alioquin non est vera scientia: cum ergo mutabilis ad immutabile non sit proportio, sed mutabilis ad mutabile: ergo Deus non cognoscit res mutabiles immutabiliter, sed mutabiliter, alioquin non vere cognoscit, ut videtur.

3. ITEM quidquid scitur est verum: ergo quod immutabiliter scitur, immutabiliter est verum: sed res mutabiles non habent veritatem immutabilem: ergo non possunt sciri immutabiliter.

4. ITEM quia res sunt contingentes, ideo Deum præscire futura contingentia est contingens, sicut in præcedentibus ostensum est: ergo quia res sunt mutabiles, Deum scire res mutabiles, est mutabile: ergo mutabiliter cognoscit Deus mutabilia: aut si non est hoc verum, quare quare non. Et iterum, quo modo potest illud intelligi quod rei mutabilis scit scientia immutabilis.

CONCLUSIO.

Deus mutabilia immutabiliter cognoscit ex parte sua cognitionis, licet cognita obiecta mutabilia existant.

RESP. AD ARG. Dicendum quod cum queritur, utrum Deus sciat res immutabiliter: hoc est duplex, quia hæc est determinatio, *immutabiliter*, potest determinare actum, sciendi Dei, vel actum essendi rerum. Si actum sciendi Dei, sic omnino verum est, quod immutabiliter scit, quia circa eius actum, & cognitionem non cadit transmutatio, nec vicissitudinis obumbratio. Si autem determinet actum essendi rerum, sic falsum est de rebus mutabilibus, quia Deus scit eas mutabiles, & nouit ipsarum mutabilitatem, & scit se habere nunc aliter quam prius: sed tamen nouit immutabiliter. Et ratio huius est, quoniam in eius cognitione non est receptio, non est successio, nec est obliuio: & ideo quantumcunque res sint mutabiles, ipse non mutatur in cognoscendo mutabilitatem earum. Et quamuis nullum sit simile, potest tamen cogitari, si intelligatur, vel cogitetur oculus fixus in pariete, qui seipso videat transeuntes sine receptione, & vnico aspectu omnes videat, & omnes motus ipsorum, quantumcunque res mutantur, tamen nec oculus mutatur, nec eius cognitio, & sic est in Deo. Exemplum autem ad hoc intelligendum potest sumi à contrario sic. Quia enim scientia causata pendet à scibili, & non econuerso, ideo potest esse mutatio circa scientiam per obliuionem, & errorem, & successiuam considerationem, nulla facta mutatione in scibili. Sic contrario modo, quia scientia diuina non pendet ex re scita, potest esse mutatio circa scibile, nulla mutatione existente in diuina scientia, & tamen illa scientia totum scit.

1. Et per hoc patet responsio ad primum obiectum, de hoc quod scit fuisse, & esse: dicendum enim, quod hoc dicit mutationem à parte scibilis non scientiæ.

2. AD illud quod obiicitur de proportionem, dicendum quod in specialibus conditionibus non oportet proportionari etiam scientiam causatam, quia rei corporalis est scientia spiritalis: sed sufficit quod sit proportio in veritate.

3. AD illud quod obiicitur quod quidquid scitur est verum: ergo quod scitur immutabiliter, immutabiliter est verum, dicendum quod hic est accidens. Quamuis enim scientia requirat veritatem in scito de ratione suæ intentionis generalis, maxime scientia respectu enuncialis: tamen scientia non semper dicit conformitatem in immutabilitate, maxime diuina scientia, quæ à scibili non dependet.

4. AD illud quod obiicitur, quod futurum contingens non præscit Deus necessario, dicendum quod non est simile, tum ex parte actus præsciendi, tum ex parte dispo-

tionis. Ex parte actus non est simile, quia præscire semper notat euentum rei, sed scire non semper connotat rei existentiam, scit enim Deus quæ potest facere, & nunquam facit. Præterea non est simile de dispositione, quia modus immutabilitatis respicit actum, sed contingens respicit non tantum actum, sed ordinationem ad futurum, & actus quidem diuinæ cognitionis est immutabilis, & necessarius: sed comparatio ad futurorum contingens est contingens.

QVÆSTIO III.

An Deus cognoscat vniuersa præsentia.

Steph. Brulef. 1. Sent. dist. 39. q. 6.

UTrum Deus cognoscat omnia præsentia. Et quod sic videtur: Nam Glossa super illud: Mille anni, &c. ait: In agnitione diuinæ veritatis præterita, & præsentia, & futura æqualiter præsentia sunt.

ITEM per Aug. super Ioannem: In veritate quæ manet præteritum, & futurum non inuenio: sed solum præsens, & hoc incorruptum.

ITEM quanto res est præsentior, tanto cognitio est nobilior, quia hoc facit ad nobilitatē cognitionis: sed Deus omnia cognoscit nobilissime: ergo omnia quæ cognoscit, præsentissime cognoscit.

ITEM si non cognoscit omnia præsentia, ergo non cognoscit omnia simul: quod si simul, tunc ergo in eodem, *nunc*, cognoscit omnia, & ita præsentia. Si autem non cognoscit simul: ergo vnum post aliud: sed in omni tali cognitione est transmutatio: ergo in cognitione Dei caderet transmutatio, quod est omnino falsum, & impossibile.

1. CONTRA: Præscientia non est nisi futuri, & ut futurum est: ergo si Deus cognoscit omnia præsentia, ergo nihil omnino præscit: sed præscit, ergo, &c. Si tu dicas, quod improprie dicitur præscire. Contra: In præscientia non sunt nisi duo, scilicet scientia, & antecessio respectu cogniti: sed constat quod in Deo proprie est scientia: contans enim etiam est, quod in ipso proprie est antecessio, quia proprie antecedit Deus omnia alia: ergo responsio illa nulla est.

2. ITEM omne præsens secundum statum suæ præsentialitatis est necessarium: ergo si Deus omnia cognoscit præsentia, & semper præsentia: ergo omnia cognoscit necessario: sicut ergo quod præsens est non potest non esse, ita si Deus aliquid præscit, necesse est præsciuisse, & si præsciuit, erit: ergo necesse est esse.

3. ITEM hoc ostenditur per impossibile, quia si omnia cognosceret præsentia: ergo plura simul, ergo simul se conuertit ad multa: sed simplex ad quod se conuertit, totaliter se conuertit. ergo cum vnum intelligit, non potest in alterum.

4. ITEM si cognoscit omnia præsentia: ergo simul scit duo contradictorie opposita: sed quidquid scitur est verum: ergo duo contradictorie opposita sunt simul vera.

CONCLUSIO.

Deus cognoscit omnia præsentia cum omnium ideas habeat, non tamen sic quod cognoscat omnia esse vera præsentia.

RESP. AD ARG. Dicendum quod cognoscere omnia præsentia dupliciter potest intelligi. Aut quod notetur præsentialitas à parte cognitorū, & sic est falsa, quia non cognoscit omnia esse vera præsentia, & simul. Aut ita quod notetur præsentialitas à parte cognoscentis, & sic habet veritatem. Et ratio huius est, quia Deus omnium ideas habet præsentia, & simul, per quas cognoscit res futuras ita certitudinaliter, sicut si essent præsentia. Et iterum, super omnes illas simul, & præsentia se conuertit, & ita simul, & præsentia cognoscit. Et iterum, præsens suæ cognitionis est præsens simplicissimum quod circumplicetur omnia tem-

Fundamenta. 2. Pet. vii. b

Ad oppositum.

Idē S. Th. 1.
cōt. Ge. c. 67.
Et 1. p. 1. q.
14. ar. 1. 53.
Conatur
Scot. hunc
modum di-
cēdi destrue-
re dist. 39.
post respon-
sionem ad
quintā ibi.
Circa istas
quæstiones.

pora. Ex his tribus rationibus simul iunctis dicitur Deus omnia præsentem cognoscere. Et rationes istæ ortum habent ex hoc quod præsentia diuinæ cognitionis, quæ quidem æternitas est, & simplex, & infinita. Quia simplex est, ideo semper præsens. Quia infinita, ideo sunt ei omnia præsentia. Et exemplum huius ponitur in præsentia Dei quantum ad rerum existentiam secundum quam Deus totus est in vna: & ita est in vna, ut nihilominus sit & in alia, & hoc est, quia simplex est, & infinitus: ideo Deus iudicat aliquid esse futurum, sed non futurum sibi: & omnia præsentem cognoscit, & tamen nihilominus præscit.

1. 2. Et per hoc patet primum & secundum, quia procedunt secundum quod præsentia est dispositio rei cognitæ in sua natura, non in cognitione diuina.

3. PATET etiam tertium, quia hoc est simplex, & infinitum, & in vno multa cognoscit: ideo simul supra multa se conuertit.

4. QVOD obiicitur de oppositis, similiter patet, quia quamuis cognoscat opposita simul ex parte sua. tamen scit vnum alteri esse impossibile, & vnum scit alteri posse succedere.

DISTINCT. XL.

QVID SIT PRÆDESTINATIO, ET QVID REPROBATIO.



C. 10. 8. 7.

PRAEDESTINATIO vero de bonis salutaribus est, & de hominibus saluandis: Vt enim ait Augustinus in libro de prædestinatione Sanctorum, prædestinatio est gratia preparatio qua sine præscientia esse non potest. Potest autem sine prædestinatione esse præscientia. Prædestinatione quippe Deus ea præscit, quæ fuerat ipse factururus: sed præscit Deus etiam quæ non esset ipse factururus, id est, omnia mala. Prædestinavit eos, quos elegit, reliquos vero reprobauit, id est, ad mortem æternam præscit peccaturos.

An aliquis prædestinatorum possit damnari, vel reprobos saluari.

Cap. 13. in
10. 7.
Apoc. 3. c

Prædestinatorum nullus videtur posse damnari, nec reprobos aliquis posse saluari. Vnde Augustinus in libro de correctione, & gratia. In Apocalypsi, inquit, dicitur: Tene quod habes, ne alius accipiat coronam tuam. Si alius non est accepturus, nisi iste perdidit, certius est electorum numerus, id est, non potest augeri, vel minui. Ad hoc autem obiiciunt quidam, nitentes probare numerum electorum posse augeri, & minui, sic: Posset Deus non apponere gratiam quibus apponit, & posset subtrahere quibus non subtrahit. Quod si faceret, utique damnarentur. Posset ergo damnari isti, qui tamen saluabantur. Posset itaque minui electorum numerus: Ita etiam posset augeri, quia posset apponi gratia quibus non apponitur, per quam saluarentur. Posset ergo saluari habita gratia, qui tamen sine ea damnabuntur. Posset itaque augeri numerus electorum. Quibus respondemus ex ea ratione dictum esse, & verum esse numerum electorum non posse augeri, vel minui, quia non potest vtrumque simul esse, scilicet, ut aliquis saluetur, & non sit prædestinatus, vel ut aliquis prædestinatus sit, & damnetur. intelligentia enim conditionis implicite veritatem facit in dicto, & impossibilitatem in vero. Si vero simpliciter intelligatur, impossibilitas non

A **admittitur: ut cum dicitur: Prædestinatus potest, vel non potest damnari, & reprobos potest saluari. In his enim, & huiusmodi locutionibus, ex ratione dicti diiudicanda est sententia dictionis. Alia namque sit intelligentia, si per conjunctionem hac accipiantur dicta, atque si per disjunctionem, ut supra cum de præscientia agebatur, praxatum est. Si enim cum dicis: Prædestinatus non potest damnari, intelligas ita, id est, non potest esse, ut prædestinatus sit, & damnetur, verum dicis, quia coniunctim intelligis: falsum autem si disiunctim, ut si intelligas istum non posse damnari quem dico prædestinatum. Potuit enim non esse prædestinatus, & ita damnetur.**

Dist. 38. cap.
vlt.

Quo modo adhuc instant quæstioni.

B **VERVM TAMEN** adhuc instant, & secundum conjunctionem argumentando ita procedunt: Non enim inquit, potest esse, ut aliquis prædestinatus sit, & damnetur. Vtrumque istorum simul esse non potest: sed alterum horum non potest non esse, scilicet quin iste sit prædestinatus, ab æterno enim prædestinatus est, & non potest modo non esse prædestinatus. Cum ergo impossibile sit si mul vtrumque esse, & impossibile sit alterum non esse, videtur non posse alterum esse, scilicet ut damnetur. Quod si est, ergo non potest esse, ut non saluetur. In huius quæstionis solutione, mallet alios audire, quam docere: Dicimus tamen de præscientia similem posse moueri quæstionem. Ideoque tam hic, quam ibi, vnā facimus responsionem dicentes, determinandum fore illud cui innuitur tota hac quæstio, scilicet impossibile est alterum istorum non esse, scilicet quin iste modo sit prædestinatus: Ab æterno enim iste prædestinatus est. Distingendum enim est cum ait: Iste non potest modo non esse prædestinatus, vel non potest modo esse quin sit prædestinatus: Hoc enim coniunctim, vel disiunctim intelligi potest. Non enim potest esse ut ab æterno sit prædestinatus, & modo non sit prædestinatus: nec potest esse simul ut sit prædestinatus, & non sit prædestinatus: sed tamen potuit esse ab æterno quod non esset prædestinatus, & potuit ab æterno non esse prædestinatus. Et sicut ab æterno Deus potuit eum non prædestinare, ita conceditur a quibusdam quod & modo potest Deus eum non prædestinare. Ab æterno ergo potest Deus non prædestinare eum: ergo potest iste non fuisse prædestinatus. Si vero non fuisset prædestinatus, nec modo esset prædestinatus: Ergo modo potest non esse prædestinatus. Ita & de præscientia & de præcitis dicunt. Quod in actionibus vel in operationibus Dei & hominum nullatenus conceditur. Ex quo enim aliquid factum est vel dictum, non concedunt quod possit non esse vel non fuisse, imo impossibile est non esse vel non fuisse, quod factum est vel dictum, referentes possibilitatem vel impossibilitatem ad naturam rei existentis. Cum vero de præscientia vel prædestinatione Dei agitur, possibilitas vel impossibilitas ad potentiam Dei refertur, quæ semper eadem fuit & est: quia prædestinatio, præscientia, potentia, vnum in Deo est.

Quid sit reprobatio Dei, & in quibus consideretur, & quis sit prædestinationis effectus.

Cumque prædestinatio sit gratia preparatio, id est, diuina electio qua elegit quos voluit ante mundi constitutionem, ut ait Apostolus. Reprobatio econuerso intelligenda est præscientia iniquitatis quorundam, & preparatio damnationis eorundem. Sicut enim prædestinationis effe-

Eph. 1. 4

Am

Et illa gratia est, qua in presenti iustificamur, atque ad recte viuendum, & in bono perseverandum adiuvamur, & illa qua in futuro beatificamur: ita reprobatio Dei, qua ab eterno eligendo quosdam reprobavit, secundum duo consideratur: quorum alterum præsicit, & non preparat, id est, iniquitatem: alterum præsicit & preparat, scilicet æternam pœnam. Vnde Augustinus ad Prosperum & Hilarium, Hæc, inquit, regula inconcusse tenenda est, peccatores in peccatis præsitos esse non preparados, pœnam autem esse preparatam. Preparavit enim Deus, ut ait Augustinus in libro de bono perseverantia, in præscentia sua, quibus voluit bona sua: & quibuscumq; donat, proculdubio se donaturum esse præsivit. Preparavit etiam Deus, ut ait Fulgentius, malis ignem æternum: illis videlicet, quos iuste preparavit ad luenda supplicia: nec tamen preparavit ad facienda peccata. Preparavit enim Deus quod divina equitas redderet, non quod humana iniquitas admitteret. Non enim, sicut preparavit sanctos ad iustitiam percipiendam, sic preparavit iniquos ad iustitiam amittendam: quia pravitatis preparator nunquam fuit. Sicut ergo prædestinatio Dei proprie est præscentia, & preparatio beneficiorum Dei, quibus certissime liberantur quicumq; liberantur, ita reprobatio Dei est præscentia malitia in quibusdam non definienda, & preparatio pœna non terminanda. Et sicut prædestinationis effectus est gratia appositio, ita reprobationis æternæ quodam modo effectus esse videtur obduratio. Nec obdurat Deus, ut ait Augustinus ad Sixtum, impatiendo malitiam, sed non impatiendo gratiam, sicut nec digni sunt. Quibus enim non impartitur, nec digni sunt, nec merentur, potius ut non impartatur, hoc digni sunt, hoc merentur. Vnde Apostolus ait: Cuius vult miseretur Deus, & quem vult indurat: misericordiam appellans prædestinationem, & præcipue prædestinationis effectum, id est, gratia appositionem: obdurationem vero gratia priuationem. Non enim, ut ait Augustinus ad Simplicianum, intelligendum est quod Deus ita induret, quasi quemquam peccare cogat: sed tamē quibusdam peccatoribus misericordiam iustificationis suæ nō largitur, & ob hoc eos indurare dicitur, quia non eorū miseretur, non quia impellit ut peccent. Eorum autem non miseretur, quibus gratiam non præbendam esse aequitate occultissima, & ab humanis sensibus remotissima iudicat, quare non aperit, sed miratur Apostolus dicens: O altitudo divitiarum sapientiæ & scientiæ Dei.

DISTINCT. XL.

De scientia Dei quantum ad speciales effectus scilicet de prædestinatione & reprobatione.

Prædestinatio vero est de bonis salutaribus, &c.

Expositio textus.

Hæc est tertia pars in qua agit Magister de divina scientia cōtracta ad speciales effectus. Et dividitur hæc pars in duas partes. In prima agit de prædestinatione & reprobatione quantum ad causalitatem actiuam. In secunda inquit, vtrum habeant causalitatem passiuam, vtrum videlicet sint ex meritis nostris, infra dist. proxima: Si autem querimus meritum obdurationis, &c. Prima pars habet duas. In prima agit de prædestinatione. In secunda de reprobatione, ibi: Cumq; prædestinatio sit preparatio gratia, &c. Prima iterum pars dividitur in duas. In prima agit de prædestinationis quidditate. In secunda inquit de eius necessitate, ibi: Prædestinatorum autem nullus videtur posse, &c. In qua parte, primo mouet dubitationem, & opponit, & deinde soluit. Deinde opponit contra responsio-

nem. & ultimo soluit: partes manifeste apparent in litera. Similiter secunda pars dist in qua agit Magister de reprobatione habet duas. In prima ostendit quid sit, & quid cōnotet in quantum præcognitio. In secunda vero, cuius est causa, huc quis sit eius effectus, & hoc, ibi: Et sicut prædestinationis effectus est gratia appositio.

Prædestinatio vero est de bonis salutaribus.

Dub. I.

Queritur ergo quid intelligatur per bona salutaria. Si tu dicas quod gratia, & gloria: ergo sicut homo dicitur prædestinatus, ita gratia debet dici prædestinata.

RESP. Dicendum quod prædestinatio est præordinatio. In præordinatione autem tria concurrunt, quid ordinetur, & per quid, & ad quid. Primum est homo, secundum est gratia, tertium gloria, quoniam ille solus dicitur esse prædestinatus, qui prædestinatione ordinatur: ideo patet quod gratia & gloria non debet dici prædestinata: sed homo solum qui prædestinatur ad salutem.

Et de hominibus saluandis. Dub. II.

Videtur insufficienter dicere. Quia cum prædestinatio sit preparatio gratiæ, & gloriæ: ergo non tantum est hominum, sed etiam Angelorum.

RESP. Dicendum quod prædestinatio vno modo dicit præparationem boni, & sic conuenit hominibus, & Angelis, & etiam Christo. Alio modo dicit præparationem boni, & liberationem à malo, & sic dicitur prædestinatio propositum miserendi, & sic proprie est hominum, & sic accipit Magister hic.

Prædestinatio est gratia preparatio, qua sine præscentia esse non potest. Dub. III.

Videtur male dicere, quia præscentia est malorū. Vnde præciti dicuntur mali: sed prædestinatio bonorū: ergo potest esse prædestinatio sine præscentia, sicut econuerso. Si dicas mihi quod prædestinatio est speciale, sed præscentia est commune & speciale, tunc quæro, quare magis præscentia approprietur reprobationi quam prædestinationi. Ad hoc est vnus modus respondendi, quia prædestinatio addit, ideo habuit nomen propriū, reprobatio vero non: ideo retinuit nomen commune. Sed quo modo habet illud veritatem, cum reprobatio sit præscentia pœnæ, cuius Deus est causa?

Et propterea est dicendum quod non tantum addit, quod ita distrahat. Nam prædestinatio dat intelligere beneplacitum, quod trahit ipsam in genus scientiæ practice simpliciter, eo quod beneplacitum est simpliciter, & absolute respectu totius connotati: sed non sic est de reprobatione, quia voluntas nō est respectu mali culpæ, sed respectu pœnæ. Est & consequens, non antecedens, & quali tracta, & propter hoc quod minus distrahit à ratione scientiæ, retinuit sibi nomen præscentiæ.

Quibus respondemus ex ea ratione dictum esse, &c.

Dub. IV.

Videtur quod non soluat propter suam distinctionem ad quæstionem de augmento, quoniam demonstrato aliquo damnando, verum est dicere, istum posse saluari: ergo potest esse prædestinatus: ergo plures possunt esse prædestinati quam sunt: ergo potest numerus prædestinatorum augeri.

RESP. Dicendum quod Magister in hac prima responsione principaliter respondet ad quæstionem primā, vtrum prædestinatum sit possibile damnari, & bene scilicet per compositionem, & diuisionem, & per istam solutionem patet aliquo modo responsio ad illud de augmento, sed nō plene: ideo annectit solutionem sequentem quæ est explicatio huius in qua dicitur, quod aliquis non potest incipere esse prædestinatus, quis possit esse prædestinatus,

quia

Hoc habetur in Glo. ordinaria ad 8. cap. ad Rom. c. 17. 10. 7.

Ep. 7. 105. 10. 2. inter principium & mediū.

Rom. 9. d.

Lib. 1. fo. 4. quæst. 2. in medio.

Rom. 11. d.

Diuisio.

quia hoc est dicere quod ab æterno potuit. Et quoniam augmentum dicit maiorem numerum quam prius cum præsuppositione prioris & noua additione: ideo patet quod ex sui ratione distinctionem & successionem dicit in partibus. Vnde si aliquis statim cum est, esset ita magnus quantus futurus est, non diceretur augeri, sed tamen potuisset esse maior: ita in proposito intelligendum. Vel aliter solui potest per compositionem, & diuisionem sicut Magister soluit: possunt enim plures esse quam sint: ergo potest numerus augeri.

Intelligentia enim conditionis implicite veritatem facit in dicto, & impossibilitatem in vero. Dub. V.

Queritur quo modo sit intelligibile. Si enim idem non est causa oppositorum, & conditio implicita facit veritatem, quo modo facit impossibilitatem?

R E S P. Dicendum quod Magister vult dicere quod illud est falsum, demonstrato aliquo, istum damnari, vel saluari est impossibile: sed si addatur & implicetur conditio prædestinationis, facit veritatem in dicto, & impossibilitatem in vero, id est, facit illud dictum cum modo impossibilitatis esse verum, utpote si dicatur, istum damnari & esse prædestinatum simul, est impossibile: siue istum saluari & non esse prædestinatum, est impossibile. Vel aliter potest dici quod dictum falsum alicuius conditionis implicite verum sit: ut demonstrato reprobato, istum saluari, est falsum: adde conditionem prædestinationis, & fiet verum istum saluari, si est prædestinatus, est verum. Item: Eodem demonstrato, istum damnari est verum, adde conditionem prædestinationis, & fiet impossibile, istum damnari, si est prædestinatus, est impossibile, & hoc coniunctim intelligendo.

Ex quo enim aliquid falsum est vel dictum, non concedunt quod illud possit non esse, &c.

Dub. VI.

Videtur falsum: quia Christus dixit, Petrum peccatum: ergo postquam dixit, fuit necessarium dixisse, & necessario sequitur, si Christus dixit, hoc erit: quia da oppositum, & tunc sequitur Christum esse mentitum, quod est impossibile: ergo videtur, cum antecederet sit necessarium, quod necessarium fuit, Petrum negare.

R E S P. Dicendum quod in dictione Christi duo sunt, scilicet verbi prolatio, & assertio. Et verbi prolatio simpliciter est præterita, & necessaria, & ex illa non sequitur consequens. Non enim sequitur: Christus hoc dixit, ergo hoc erit: Protulit enim hoc verbum: Ero similis vobis mendax. Est iterum assertio, & illa sequitur illustrationem diuinæ præscientiæ. Sicut ergo diuina præscientia est certa, & infallibilis cui non potest subesse falsum, & tamen aspicit futurum, & connotat circa ipsum veritatem: ideo non est necessarium Deum præscisse quod præsciuisset, quamuis sit certum & infallibile. ita intelligendum de Christi assertionem quod certitudinem habet & infallibilitatem à diuina præscientia: sed tamen non est necessarium Christum hoc assertuisse, & ideo si ponatur hoc non contingere. ponitur & Christum non assertuisse. Et sic patet illud & cõsimilia. In assertionem enim Christi duo sunt, scilicet actus mentis, & relatio ad futurum contingens, siue ordinatio. Et quamuis vnum sit necessarium, reliquum tamen est contingens.

Sicut enim prædestinationis effectus illa gratia est qua in presenti iustificamur, &c.

Dub. VII.

Ex hoc ostenditur quod prædestinatio sit causa gratiæ. Queritur ergo in quo genere causæ. Cum enim sit scientia, videtur dicere causam exemplarem. Et iterum, hoc non videtur sufficere, quia exemplar non necessario in-

fert exemplatum, sed præscientia ponit. Et iterum sic: est causa, aut vniuersalis, aut particularis. Non vniuersalis, quia tunc indigeret particulari alia adiuvante. Non particularis, quia tunc determinata esset ad vnum effectum tantum. Et iterum, aut necessaria, aut contingens. Non necessaria, quoniam per voluntatem operatur. Non contingens, quia hæc est fallibilis & incerta.

R E S P. Dicendum quod prædestinatio est causa gratiæ sicut dicit, & tota causa: sed non causa salutis ut excludatur cooperans & disponens. Adiutores enim sumus, & nullus saluatur inuitus. Quod ergo queritur, in quo genere causæ sit, dicendum quod prædestinatio claudit in se scientiam & beneplacitum voluntatis, & dispositionem voluntatis per quam placuit Deo nos saluare, quæ est summa bonitas. Ratione primi, dicit causam in genere formæ, ratione secundi in genere efficientis, ratione tertii in genere finis. Quod queritur, utrum necessaria, vel contingens, vniuersalis, vel particularis, dicendum quod de omnibus istis modis causandi habet quod est perfectionis, non quod est imperfectionis. Nam de proprietate vniuersalis habet extensionem ad multa: de proprietate particularis, sufficientiam ad singula: de proprietate causæ necessariæ, immutabilitatem: de proprietate contingentis, habet arbitrii libertatem, quia potest facere, & potest non facere. Conditiones autem imperfectionis non habet, quia nec habet insufficientiam, sicut causa vniuersalis: nec limitationem, sicut causa particularis: nec inuitabilitatem, sicut causa necessaria: nec vertibilitatem, sicut causa contingens.

Prædestinationis effectus est gratia appositio.

Dub. VIII.

Videtur male dicere, quia causa & effectus sunt correlatiua: cum ergo relatiua simul sint natura, quandoque est prædestinatio, est gratiæ appositio: ergo nullus est prædestinatus, nisi qui habet gratiā. Sed contra hoc est, quia prædestinatio est non entium, sicut dicit Augustinus in lib. de fide ad Petrum.

R E S P. Dicendum, quod prædestinatio non semper est in actu causa, sed in habitu: & ideo non oportet quod respondeat effectus in actu, sed in habitu. Vnde ex hoc patet quod queri consuevit, utrum prædestinatio aliquid ponat in prædestinato, dicendum quod non necessario ponit aliquid de præsentem, siue mali, actu; quoniam multi sunt prædestinati, qui non sunt mali: & multi qui mali sunt: sed ponit aliquid secundum habitum, siue de futuro, ratione cuius homo potest gaudere scilicet, quia nomen eius scriptum est in cælo, & cum illud positum erit, erit magnum, & illud erit ratio persistendi in bono, & perueniendi ad magnum, & summum bonum, & ideo hoc bonum habituale præponendum est gratiæ, quæ est secundum præsentem iustitiam.

ARTICVLVS I.

AD intelligentiam præsentis dist. tria principaliter queruntur. Primo queritur de prædestinatione. Secundo de electione. Tertio de reprobatione. Primus articulus duo habet: Primo enim queritur de prædestinatione quantum ad entitatem. Secundo quantum ad necessitatem. De entitate autem duo queruntur. Primo queritur utrum prædestinatio sit quid æternum, aut temporale. Secundo quid sit prædestinatio secundum rem.

QVÆSTIO I.

An prædestinatio sit quid æternum vel temporale.

Alex. Alenf. 1. p. q. 28. Membro 1.

Richard. 1. Sens. dist. 40. q. 2.

Franciscus de Mayr. 2. Sens. dist. 40. q. 1.

Sseph. Brulef. 1. Sens. dist. 40. q. 1.

Petrus de Tarentas. 1. Sens. dist. 40. q. 5.

Q V O B prædestinatio sit quid æternum, videtur Quod est ante mundi constitutionem est quid æ-

ternum,

*Elicium
ex c. 34. m. 2.*

*Funda-
menta.*

Eph. 1. 6

Aug. 10. 7. de
bo. per. cuer.
cap. 14. Hæc
distinguitio
trahitur à
Paulo, di-
cente Ro. 9.
Cui vult
miseretur.
Et Ephes. 1.
Prædestina-
uit nos secū-
dum propo-
sitū volun-
tatis suæ,
nisi vñquā
in Augusti-
no reperti-
tur.
*Ad oppo-
situm.

ternum, prædestinatio est huiusmodi, quia prædestina-
tio est electio: Elegit nos ante mundi constitutionem: er-
go, &c.

ITEM prædestinatio est præscientia beneficiorum: sed
quidquid Deus præscit, æternaliter præscit, ergo cum o-
mnis præscientia sit æterna, & omnis prædestinatio est
scientia, omnis prædestinatio est æterna.

ITEM prædestinatio est propositum miserendi: sed pro-
positum est quid proponētis præcedens res quæ propo-
nuntur: ergo cum sit propositum Dei, & Deus æternaliter
proponit, patet, &c.

ITEM de ratione sui nominis prædestinatio dicit præ-
cessionem, siue antecessionem, sed non nisi prædestina-
tis ad prædestinatum: sed prædestinans est æternum: ergo
dicit ordinem, & antecessionem æterni ad temporale: sed
antecessio illa est æterna, ergo, &c.

*I. CONTRA: Prædestinatio importat relationē ad præ-
destinatum: sed omnis relatio ponit respectum verum,
vel in utroque extremorum, vel saltem in altero: sed præ-
destinatio non potest verum respectum ponere in præ-
destinante: ergo ponit respectum verum in prædestina-
to: sed verus respectus non fundatur nisi supra quid crea-
tum, & temporale.

2. ITEM prædestinatio importat actionem, & omni a-
ctioni responderet passio: cum ergo actio, & passio non sint
in eodem, quia non est idem prædestinans & prædestina-
tus, necesse est quod sit in alio: sed aliud non est nisi quid
temporale & creatum: ergo prædestinatio importat quid
temporale, & creatum: ergo non est æterna.

3. ITEM prædestinatio importat ordinem prædestinan-
tis ad prædestinatum, aut ergo secundum esse quod ha-
bet in Deo, aut secundum esse quod habet in proprio
genere. Non secundum esse quod habet in Deo, quia sic
est Deus, & non sequitur Deum: ergo secundum esse quod
habet in proprio genere: sed esse quod habet in proprio
genere est quid temporale, & creatum: ergo & prædesti-
natio similiter: & sic, &c.

4. ITEM omnis actus diuinus qui non reflectitur su-
pra essentiam, vel personam, transit extra: & omnis actus
transiens extra ex tempore dicitur de Deo: cum ergo præ-
destinatio non transeat in personam, vel essentiam, sed
extra: ergo est temporalis.

5. ITEM prædestinatio est præparatio: sed nihil dici-
tur præparari antequam incipiat aliquid fieri secundum
principia intrinseca: artifex enim non dicitur præparare
domum ante ligna, & lapides sola cogitatione: ergo ne-
cesse est quod ponatur in re.

C O N C L U S I O.

Prædestinatio cum importet ex principali significato diuinam
essentiam, & ex connotato gratiam & gloriam, creaturamque
saluandam cum antecessione vnius ad alterum, talis vero
antecessio sit æterna, ipsa quoque dici-
tur quid æternum.

R E S P. AD Arg. Dicendum quod in prædestinatione
non sunt nisi duo, scilicet connotatum & principale si-
gnificatum. Significatum principale est diuina essentia:
connotatum vero est creatura, vt gratia, & gloria, & per-
sona saluanda: & hæc duo importat prædestinatio cum
ordine antecessionis vnius ad alterum ratione præposi-
tionis. Quoniam ergo significatum principale est æter-
num, ita prædestinatio est quid æternum. Rursus, quoniā
importat antecessionem significati ad connotatum, & il-
la antecessio est ab æterno: ergo prædestinatio est quid æ-
ternū, & ab æterno Et concedendæ sunt rationes ad hoc.

1. AD illud quod obiicitur de relatione, dicendū quod
res, siue relatio potest significari in Deo dupliciter, vel re-
spectu existentis in actu, vel respectu existentis in poten-
tia, futuri aliquando in actu: & quando est respectu exi-
stentis in actu, tunc necesse est quod respondeat verus re-
spectus: quando vero respectu existentis in potentia, suf-
ficit quod respondeat in potentia, & talis fundatur supra
ens in potentia: & ideo actu nihil ponit nisi Deum.

2. AD illud quod obiicitur de actione, dicendum, quod
est actio secundum rem, & est actio secundum modū. A-
ctioni secundum rem quæ est principium efficiens ali-
quid, responderet passio differens secundum rem, vt crea-
tioni creatio, actioni passio. Actioni vero secundum mo-
dum non responderet nisi passio secundum modum diffe-
rens, vt cognitioni actione ipsius Dei responderet ipsum
cognosci, & hoc quidem realiter non est aliud secundum
modum: quoniam ergo prædestinatio non importat nisi
præcognitionem, siue actiue, siue passiue: ideo est quid æ-
ternum. & non est aliud quam Deus.

3. AD illud quod obiicitur de ordine, dicendum, quod
est ordo secundum nobilitatem, & secundum durationem,
& ordo secundum nobilitatem ponit extrema simul: or-
do vero secundum durationem eo ipso quod ordo est, po-
nit extrema non esse simul, & secundum rationem ante-
cedendi ordo simul est cum antecedente, siue cum præ-
cedente, similiter secundum rationem subsequendi si-
mul est cum subsequente. Quoniam ergo prædestinatio
importat ordinem secundum rationem præcedendi, ideo
æterna est, quamuis sit respectu temporalis: quoniam
non est simul cum illo, sed antecedit.

4. AD illud quod obiicitur quod prædestinatio transit
extra, dicendum quod transire extra est dupliciter, aut in
aliquid quod est extra, aut in aliquid quod est intra, sed
erit extra. Primo modo connotat aliud in actu, & dicit
quid temporale, vt creare, & conseruare, secundo modo
non vt prædestinare.

5. AD illud quod obiicitur de præparatione, quod an-
teceditur secundum principia intrinseca, non secundum
causam efficientem, dicendum quod quædam est causa
efficientis, quæ operatur secundum materiam præiacentē:
ista quidem quia alio indiget non dicitur præparare quā-
do solum vult, & disponit intus: sed quando materiam a-
ptat exterius. Quædam est causa efficiens, quæ nullo in-
diget ad operandum: sed statim cum vult operatur, & in
tali præparatione non est aliud quam disponere, & pro-
ponere, & talis est Deus, quia nullo alio indiget à se ad o-
perandum.

Q V Æ S T I O II.

An prædestinatio sit Dei scientia, vel voluntas.

Alex. Alenf. 1. p. q. 28. Memb. 1. art. 3.
Steph. Brulef. 1. Sent. dist. 40 q. 2.
Petrus de Tarantaf. 1. Sent. dist. 40 q. 2.
Franciscus de Mayr. 1. Sent. dist. 40 q. 3.

Q Vid sit prædestinatio: vtrum scilicet Dei scientia, vel
voluntas. Et supposito quod dicat aliquid quod sit
in utroque genere, est enim, sicut dicit Augustinus, præ-
scientia beneficiorum & propositum miserendi, quæ-
ritur quod istorum importet principalius, & per modum
complementi. Quod importet scientiam, videtur, quia
compositum trahit significatū à componentibus: sed de-
stinatio cum dicatur & missio, & ordinatio in ratione
prædestinationis accipitur vt ordinatio. Nam, sicut di-
cit Augustinus, prædestinare idem est quod præordinare:
sed artifex licet volens, & sciens præordinet, non tamen
ordinat in quantū volens, sed in quantū sciens: ergo, &c.

2. ITEM scientia non diuiditur secundum rationem ac-
cipiendi in virtutes, vel in ea quæ sunt voluntatis: sed in
ea quæ sunt cognitionis. Sed nos diuidimus diuinam sci-
entiam in prædestinationem, & reprobationem: ergo
prædestinatio, secundum quod huiusmodi, ad scientiam
spectat.

CONTRA: Prædestinatio est causa gratiæ, & gloriæ: sed
gratia, & gloria immediate sunt à voluntate: ergo præde-
stinatio de se dicit quid in genere volūtatis. Si dicas quod
ex vi nominis non importat illam causalitatem. Contra:
Esto quod Deus præsciret aliquem habiturum gratiam,
& gloriam aliunde quam ab ipso, non diceretur præde-
stinare: ergo de se dicit causalitatem.

Ad oppo-
situm.

Lib. 6. hy-
pogn. c. 1.

Funda-
menta.

ITEM

ITEM prædestinatio importat scientiam, & voluntatē: sed quotiens hæc duo in aliquo importantur, voluntas se habet per modum consequentis, & addentis ad scientiā: sed quod cōsequitur & addit, se habet per modum differentie, & complementi. & a tali est res denominanda: videtur ergo quod completius importet voluntatem, & ita quod male situer Magister.

C O N C L U S I O.

Prædestinatio importat essentiam diuinam, vt causam gratiæ & gloriæ, & hoc ordinate, ideo importat voluntatem, & potentiam diuinam: & cum talis causalitas tribuatur voluntati, vt efficiēti, principalius est in genere voluntatis.

RESP. AD ARG. Dicendum quod cum prædestinatio significet diuinam essentiam vt causam gratiæ, & gloriæ, & hoc secundum ordinatam distributionem gratiæ, & gloriæ, quantum est de se non tantum importat scientiam, sed etiam voluntatem, & potentiam: sed quoniam causalitas gratiæ, & gloriæ attribuitur proprie voluntati vt efficiēti, sed scientiæ vt disponenti, & potentiæ vt exequenti. Ideo etsi prædestinatio importat illa tria, tamen principalius est in genere voluntatis. Et ideo ab Augustino diffinitur prædestinatio per illa tria. Primo per illud quod respicit potentiam, in lib. de fide ad Petrum: Prædestinatio est gratuita donationis præparatio. Secundo per illud quod respicit scientiam, in li. de bono perseverantia: Prædestinatio est præscientia beneficiorum Dei. Tertio per illud quod respicit voluntatem, & propriissime, in lib. de prædestinatione sanctorum: Prædestinatio, inquit ibi, est propositum miserendi.

1. AD illud ergo quod obiicitur quod dicit ordinem, dicendum quod est ordo simplex. Vnus, dispositio rerum in vniuerso, & hic appropriatur scientiæ. Alius, directio in finem, & hic appropriatur bonitati, siue voluntati, & hoc modo est de ratione prædestinationis.

2. AD illud quod obiicitur, quod est pars præscientiæ, dicendum quod quemadmodum fides & prudentia sunt in genere cognitionis, tamen addunt supra cognitionem aliquid quod distrahunt in genus virtutis, quod respicit voluntatem, per hunc modum & in proposito est intelligendum: & quoniam scientia non tantum accipitur pro simplici notitia, sed etiam vt frequenter, pro practica, & hoc modo complectitur scientiam cum voluntate, & Magister sic accipit generaliter: ideo enumerat prædestinationem inter ea quæ sunt scientiæ. Volunt tamen aliqui dicere, quod principalius est in genere scientiæ, eo quod in ratione prædestinationis cadit scientia in recto: sed voluntas in obliquo. Est enim prædestinatio scientia beneplaciti. Vterque modus dicendi satis est probabilis: sed primus magis.

A R T I C V L V S II.

SECUNDO quantum ad hunc primum articulum quaeritur de necessitate prædestinationis. Et circa hoc quaeruntur duo. Primo, vtrum inferat necessitatem salutis lib. ar. Secundo, vtrum inferat certitudinem in euentu.

Q V A E S T I O I.

An prædestinatio inferat salutis necessitatem.

Alex. Alenf. 1. p. q. 25. Memb. 1. art. 2.

S. Tho. 1. p. q. 23. art. 6.

Et 1. Sent. dist. 40. q. 3. art. unico.

Et de Verit. q. 6. art. 3. c. 5.

Ægid. Rom. 1. Sent. dist. 40. q. 3. art. 2. 1.

Richard. 1. Sent. dist. 40. art. 2. q. 2.

Steph. Brulef. 1. Sent. dist. 40. q. 3.

Petrus de Taranaf. 1. Sent. dist. 40. q. 3.

QVOD inferat necessitatem, ostenditur sic: Omnis causa quæ necessaria est in se, & necessario ponit effectum, infert simpliciter necessitatem effectui: sed prædestinatio respectu salutis est huiusmodi: ergo, &c. Minor patet. Prædestinatio enim, cum sit Deus in se, dicit quid necessarium: & iterum necessario infert effectum, quia necessario sequitur: si est prædestinatus, saluabitur: ergo, &c.

2. ITEM omnis causa quæ nullo modo potest cassari, necessitatem ponit circa productionem effectus, nō causa dicitur cassari cum nullo ponit effectum: sed prædestinatio nullo modo potest cassari: ergo prædestinatio ponit necessitatem.

3. ITEM quotiescunq; duæ causæ concurrunt ad aliquem effectum, quas impossibile est discordare, si vna est immutabilis, necesse est alteram esse immutabilem, & effectum per consequens, hæc manifesta est per se, nam si altera est mutabilis, reliqua existente immutabili, possibile est eas discordare: sed impossibile est quod prædestinatio, & lib. ar. discordent, ergo cum prædestinatio sit causa immutabilis, necesse est quod lib. ar. sit immutabile: & similiter cum totum sit immutabile, restat ergo quod necessitatem imponat prædestinatio libero arbitrio & salutis.

4. ITEM videtur quod prædestinatus nullo modo possit damnari, etsi hoc, tunc necessario saluatur, & ostenditur hac ratione: Ista duo conuertuntur, esse præscitum & damnari, esse prædestinatum & saluari: sed prædestinatus non potest esse præscitus, ergo non potest damnari. Probatio mediæ. Quando aliqua duo sic se habent quod impossibile est vnum alteri succedere, nec possunt simul inesse, si alterum inest, impossibile est reliquum inesse: sed esse prædestinatum & esse præscitum sic se habent, quod impossibile est simul inesse eidem, impossibile etiam alterum alteri succedere scilicet quod homo primo sit prædestinatus, & postea præscitus: ergo cum est prædestinatus nullo modo potest esse præscitus: ergo, &c.

5. ITEM de omni quod æternum est, cum nō est, impossibile est esse: quia impossibile est quod non ens sit æternum: sed præscitus si est, æternaliter est præscitus: ergo illum qui non est præscitus, impossibile est esse præscitum: sed prædestinatus non est præscitus: ergo, &c.

6. ITEM de eo quod non est, idem est dicere, hoc posse esse, & posse incipere esse: sed præscitum est quid non ens respectu prædestinati: ergo idem est dicere prædestinatum posse esse præscitum, quod posse incipere præsciti, siue damnari: sed non potest incipere esse præscitus, ergo, &c.

CONTRA: Prædestinatio diuina nullum facit indigne saluari, ergo cum dignitas in saluando respiciat meritum, & meritum liberum arbitrium, ergo prædestinatio non tollit arbitrii libertatem secundum quod liberum arbitrium: ergo non imponit necessitatem.

ITEM prædestinatio nihil aufert libero arbitrio, sed tantum ponit in eo gratiam: sed gratia nullam infert libero arbitrio necessitatem: ergo nec prædestinatio: ergo cū salus pendeat ex libero arbitrio, patet, &c.

ITEM si prædestinatio imponit necessitatem, ergo in omni casu contingente necesse est, cum qui prædestinatus est, saluari: ergo frustra laborat aliquis benefacere: quia siue faciat bonum, siue malum, necesse est eum saluari.

ITEM nullus laudatur in eo, quod necessitatis est, neque vituperatur: si ergo necesse est, prædestinatum saluari, & præscitum damnari: neque prædestinatus laudandus est, si saluatur, neque præscitus vituperandus, si damnatur: quod est contra statum gloriæ, & poenæ.

3: 50

CONCLUSIO.

Prædestinatio importat rationem præscientiæ, & rationem causæ non tamen totalis, quia ad effectum suum concurrunt liberum arbitrium: ideo tum ratione causæ libere causantis, & causa libere cooperantis, salutis non imponit necessitatem.

RESP. Ad Arg. Dicendum quod prædestinatio non infert necessitatem salutis, nec infert necessitatem libero arbitrio. Quoniam prædestinatio non est causa salutis, nisi includendo merita, & ita saluando liberum arbitrium. Ad intelligentiam autem obiectorum notandum, quod prædestinatio duo importat, & rationem præscientiæ, & rationem causæ. In quantum dicit rationem causæ, non necessario ponit effectum, quia non est causa per necessitatem, sed per voluntatem: & iterum, non est tota causa, sed cum alia causa contingente scilicet cum libero arbitrio. Et regula est, quod quoriescunq; effectus pender ex causa necessaria & variabili, necessaria tanquā ab vniuersali, & variabili tanquā a particulari denominatur: a variabili, quia denominatio est a causa particulari: & effectus q; dependet a causa cōtingente est contingens. Et p̄ter rationē causæ importat rationē p̄scientiæ, & p̄scientia quidem totū includit in cognitione lib. arb. & eius cooperationē, & vertibilitatē, & totū. Et p̄terea non est nisi veri, & etiā de vero contingēte est infallibilis, sicut supra monstratū est in q̄stione de p̄scientia: ideo prædestinatio infert salutē, & non pōt cassari, nec discordare a libero arbitrio. Et quia præscientia nullā imponit necessitatē consequenti, sed solum consequentiā, similiter nec prædestinatio.

1. 2. 3. Ex hoc patēt prima obiecta de necessitate inferēdi, impossibilitate cassandi, impossibilitate discordandi: hæc. n. omnia dicunt necessitatē consequentiæ solū, quia insunt p̄destinationi non per rationē causalitatis, sed p̄ cognitionis, q̄ est concors, certa, & infallibilis. Concors, quia p̄scientia, siue p̄cognitio vera. Qui. n. cognoscit vere, cognoscit rē p̄sentem esse sicut est, & futurā sic euenire sicut eueniet. Est. n. veritas adæquatio rei ad intellectum. Est iterū certa: quia independens, quia nullo modo pender ex p̄cognito: non. n. secundū eius existētiā cognoscit, sed secundū exigentiā luminis, & claritatis æternæ, in qua nulla cadit dubietas, sed certitudo summa: & ideo de omnib. æqualiter certa est. Et iterū infallibilis: quoniā est totū posse p̄sciti circūplectens: & ideo in nullo potest falli, nec circūueniri. Et est exemplū Boet. in lib. de conso. q; si aliquis aspiceret de loco eminenti circūiacentem regionē ubi est multitudo viarum, quas omnes simul & vno aspectu videre: ambulans per locū suum, quis possit per diuersas vias ire, nō tamen posset visum eius latere, pro eo q; nullā viam posset ire, q̄ ille non videret. Si ergo intelligatur vnus esse visus qui posset omnes vias præuidere, & totum posse euntis, nullo modo quis eū præudentem circumuenire posset. Et talis est aspectus diuinæ præscientiæ, quia ab æterno cognouit q; cogitare poteramus, vel velle: & simul cum hoc vidit in quā partem nostra voluntas, & operatio inclinatur. Et quia totū posse, & velle, & agere complectitur: ideo non potest falli. Et quia prædestinatio claudit præscientiam, hinc est quod concordat cum libero arbitrio, & non potest discordare, & non potest cassari: & necessario infert salutem, sed non necessario efficit.

4. Ad illud quod quaeritur, vtrum prædestinatus possit damnari, dicendum, quod sic sine distinctione, quia quamuis hæc possit distinguere de re, vel dicto, prædestinatum damnari est possibile, sicut hæc, album possibile est esse nigrum: hæc tamen non est distinguenda secundum artem: prædestinatus potest damnari, sicut nec hæc, homo albus potest esse niger. Nō enim potest esse de dicto, cum non sit dictum. Propter quod intelligendum, quod ista habet tres causas veritatis, prædestinatus potest damnari: sicut hæc, prædestinatus potest esse præscitus. Aut quia forma prædicati potest inesse subiecto cum forma implicata, vel potest formam implicatam, vel sine forma implicata: quocumque enim modo prædicatum possit inesse, iudicanda est locutio simpliciter vera. Et dico quod in tertio sensu locutio est vera, prædestinatus potest esse

A præscitus: prædestinatus. n. potest non esse prædestinatus, & necesse est omnē hominem esse prædestinatum, vel præscitū, & ideo sequitur q; possit esse præscitus. Et hoc quidē necessariū est poni, nā fides dicit, & ratio, q; sequitur: si est p̄destinatus, saluabitur. Rursus fides dicit & ratio, quia istū saluari est contingens: & qui diceret contrariū & assereret, respuendus esse secundū omniū iudiciū certū. Et iterū, ars dicit q; si consequens est cōtingens, impossibile est antecedens esse necessariū, & hoc supra probatū est p̄ tres regulas, & qui diceret huius contrariū, totam artem syllogisticā destrueret, cuius vis illationis est, vt oppositū consequentis non possit stare cum antecedente. Certū est autem q; oppositum contingentis non stat cū necessario: istum ergo esse prædestinatum non est necessariū, & est necessariū, vel contingens, vel impossibile: & non est impossibile, vel necessariū: ergo est cōtingens: & cōtingens potest non esse: ergo iste qui est prædestinatus, potest nō esse prædestinatus. Et hoc quidē credo quod necesse sit poni: hoc tamen difficile est intelligi. Potest tamen sic capi, si p̄supponamus quatuor vera. Primū est q; præsens diuina æternitatis circūplectitur omne tēpus idem, & vniforme, & hoc dicit Ansel. in lib. de concordia præscientiæ, & liber. arb. quod sicut præsens tempus circūplectitur omnem locum, & omne quod in loco est, ita præsens æternitatis omne tempus, & hoc necessarium est poni, quamuis non possimus hoc plene intelligere. Videmus enim eius oppositum esse falsum, & impossibile: quia si hoc non esset, tunc mutaretur præsens diuinæ æternitatis. Secundum est illud, quod Deus vno & eodem cognoscit omnia: ita quod est vnica Dei cognitio qua cognoscit hoc, & qua cognoscit eius oppositum, & hoc supra probatum est auctoritate, & ratione, non solum quantum ad illud per quod cognoscitur, sed etiam quantum ad actum diuinæ cognitionis. Tertium est, quod cum dicimus diuinam cognitionem, vel voluntatem ordinari ad hoc cognoscibile & ad aliud: non ponitur ordo, vel respectus in Deo actu, sed solum ex parte rei creatæ vel cognitæ: & ille quidem, sicut præuisum est, non ponitur in actu, sed in habitu: nec de præsentī, sed de futuro. Quartum est, quod futurum sub ratione futuri quod ponitur semel esse verum, ponitur semper fuisse verum, & quod ponitur semel esse falsum, ponitur fuisse semper falsum: & ideo cum ponitur posse esse, non ponitur nec mutari, nec incipere. His præsuppositis facile est intelligere quod prædestinatus potest esse præscitus, & quod Deus quem præscit, potuit prædestinare. Constans enim est quod salus istius qui præscitus est potuit ab æterno præuideri, cum possit esse siue fieri in tempore: & si potuit ab æterno ordinari ad diuinam cognitionem, & voluntatem, potest & nunc. Etenim quia præsens totum est, & nihil transit in præteritum, & nihil factum est, quod sit necessarium esse factū, hinc est quod sicut potest cogitari vere potuisse, & non prædestinasse ab æterno, ita etiam q; possit nunc in suo scilicet nunc æternitatis non p̄destinasse: & hoc dicit Magister in litera. Actus tamen æternus diuinæ cognitionis nō potest cogitari non fuisse, vel ad hoc futurum contingens ordinatū non esse, & si hoc non ponitur, non ponitur aliqua mutatio in æterno præsentī: quia nulla ponitur successio, nec ponitur mutatio in cognitione, quia nō ponitur in Deo alia cognitio: nec in ordine ex parte cognoscentis, quia nō ponitur in Deo alius ordo: nec in ordine ex parte cogniti, quia ex parte illa nō ponitur nisi futurū: & illud cū non est, potest intelligi esse, & nō esse futurū sine mutatione. Et hoc totum clarius aperitur, si veniamus ad significationem horum vocabulorū, *præscitus*, & *prædestinatus*. Prædestinatus enim, & præscitus duo sunt vocabula, & quantum ad principale significatum important diuinam essentiam, quantum ad connotatum important futura contingentia. Quantum ergo ad principale significatum idem sunt: quantum vero ad connotatum, quia sunt contingentia quæ non de necessitate insunt, potest vnum esse alterum. Quia vero cōnotata non tantum sunt contingentia, sed etiam de futuro quæ nihil ponit actu, possunt non inesse, & inesse sine mutatione.

Dist. 38. ar.

2. q. 2.

Ansel. de
concor. præf.
lib. arb.Dist. præde-
stini ar. 2.
q. 1. & 2.

Cum enim ponuntur inesse vera de futuro, ponuntur semper fuisse, & c. sicut patet, & Anselmus dicit: Si dicatur aliquid esse futurum de contingenti, constar quod possibile est non esse futurum: etsi futurum est, semper verum fuit ipsum esse futurum: & ideo hæc est vera sine mutatione, & sine inceptioe, prædestinatus potest esse præscitus. Nulla enim repugnantia est nec ex parte significati, nec ex parte connotari, & hoc patet si resoluatur. Sensus enim est: iste est prædestinatus, id est, iste est à Deo præcognitus, & saluabitur per Dei gratiam. Similiter, iste est præscitus, sensus est. Iste est præcognitus, & damnabitur per suam culpam. Constat enim quod in diuina cognitione non est differentia in se, sed solum in connotato: cum ergo saluandus possit damnari, prædestinatus potest esse præscitus sine aliqua mutatione.

4. 5. 6. Ex hoc patent tria obiecta: nam primum, & ultimum intelligitur in formis quæ aliquid ponunt actu circa subiectum: secundum vero de eo quod est æternum quod nihil temporale connotat, talia autem non sunt esse præscitum, & esse prædestinatum. Et sic patent omnia.

QVÆSTIO II.

An prædestinatio ponat necessitatem in euentu.

Alex. Alenj. 1. p. q. 28. Membro 4. art. 2. & 3.

S. Thom. 1. p. q. 23. art. 3.

Et 4. Sent. dist. 40. q. 1. art. 1.

Scot. 1. Sent. dist. 40. q. unica.

Ægid. Rom. 1. Sent. dist. 40. q. 1.

Richard. 1. Sent. dist. 40. art. 2. q. 2.

Franciscus de Mayr. 1. Sent. dist. 40. q. 2.

Tho. Arg. 1. Sent. dist. 40. q. 1. art. 3.

Steph. Brulef. 1. Sent. dist. 40. q. 5.

Petrus de Tarrantaf. 1. Sent. dist. 40. q. 7.

Funda-
monta.

Ioan. 13. b
2. Tim. 2. d

1. Io. 2. c

Ca. 14. 10. 7.

Ioan. 14.

Supposito, quod prædestinatio non inferat necessitatem libero arbitrio, quod non possit aliter esse, queritur utrum ponat certitudinem in euentu, scilicet ut nunquam aliter eueniat, nisi sicut Deus prædixit. Et quod sic, ostenditur primo auctoritate: Ego scio quos elegerim. Et: Nouit Deus, qui sunt eius: ergo si diuina cognitio est certa, & infallibilis, & falleretur si non saluarentur illi quos nouit esse suos certitudinaliter: ergo verum est, quod sic eueniet sicut prædixit Deus, & sic, & c.

ITEM: Ex nobis exierunt, sed ex nobis non erant: ponit illud pro signo, scilicet quod illud est signum, quod homo non fuit electus, quando non perseverauit in bono finaliter: si ergo illud signum est rectum: certum est, quod omnes prædestinati, & soli in gratia finaliter perseverant: etsi hoc certum est, quod soli saluantur, & omnes: ergo certitudo est in euentu.

ITEM Augustinus in lib. de bono perseverantiae. Prædestinatio est præscientia beneficiorum Dei per quæ certissime liberantur quicunque liberantur. Si ergo liberantur certissime, patet quod certitudo salutis est respectu personarum, & sic, & c.

ITEM Augustinus in libro de correctione, & gratia: Certus est numerus electorum, qui non potest minui, nec augeri: ergo videtur, quod certitudo sit in quodam numero.

ITEM hoc videtur ratione, quia in domo Patris sunt multe mansiones, sicut dicitur in Ioanne: Aut ergo præuidit Deus, qui debeant ibi habitare, aut non. Constat quod præuidit qui debeant ibi esse: ergo si aliquis eorum desit, aliqua mansio vacua remanebit: sed hoc est inconueniens, & indecens in Ciuitate superna: ergo certum est, quod quilibet prædestinatus locum suum habebit.

ITEM numerus electorum à Deo præfinitus est, optima & decentissima ratione, & proportionem: si enim fecit omnia ordinatissime, multo fortius supernam ciuitatem:

A sed optima proportio scdatur, & perditur per augmentum, & diminutionem, ergo si non potest esse, ut sit ibi defectus ordinis, & proportionis congruentis, certitudinaliter tot saluabuntur, & non plures, nec pauciores, quot Deus præuidit.

1. **S**ED contra: Quod non sit certitudo euentus quantum ad personas videtur sic. Tene quod habes, ne alius accipiat coronam tuam. Glossa, ibi: Dum alius labitur, alius in locum eius subinducitur: ergo si vnus vendicat sibi locum alterius, non euenit sicut Deus ordinauit, imo tota die fit transmutatio.

2. **I**TEM super illud Iob: Conteret multos. Gregorius ibidem: Locum viræ aliis cadentibus, alii fortuntur.

B 3. **I**TEM quod non sit certitudo quantum ad numerum, videtur: Rumpatur rete. Glossa: Non tot intrant de ludæis quot sunt prædestinati: ergo pauciores saluantur, quam sunt prædestinati.

4. **I**TEM legitur in Deut. Addat Deus ad hunc numerum multa millia. Glossa: Ad hunc numerum prædixit in Dei præscientia, qui nouit, qui sunt eius: ergo si Deus addidit ad numerum prædixit, non est certitudo quantum ad numerum saluandorum.

5. Item quod quantum ad neutrum sit certitudo, videtur. Intelligamus enim A. B. C. esse numerum prædestinatorum. D. E. F. numerum præscitorum: tunc quæro A. ita bene potest damnari sicut & D. Et econuerso D. ita saluari sicut A. Ergo nulla est certitudo quantum ad personas. Rursus A. potest damnari, & tunc solum remanent duo: & D. saluari, & tunc erunt quatuor: ergo nulla est certitudo quantum ad numerum.

6. **I**TEM hoc ipsum ostenditur deducendo ad inconueniens. Si enim certum est, qui & quot saluabuntur, ita quod sic eueniet, & non aliter: ergo certum est, quod nullus prædestinatus damnabitur aliquo casu, vel euentu, & nullus præscitus saluabitur: ergo nullus debet curare vtrum faciat bene, vel male, quia si præscitus est, quidquid faciat, in fine dānabitur: si prædestinatus, quidquid faciat in fine saluabitur: stultus est ergo, qui non comedit, & lætatur, & non habet bona in vita sua.

CONCLUSIO.

Prædestinatio à parte rei euenientis, nullam ponit certitudinem in euentu, licet à parte Dei præcognoscentis, infallibilitatis, & immutabilitatis certitudinem ponat.

RESP. Ad Arg. Dicendum quod est dicere certitudinem à parte rei euenientis, & à parte Dei præordinatis. Si loquamur de certitudine à parte rei euenientis, cum hæc dicatur contra contingentiam, sic dico quod non est maior certitudo in numero electorum, quam sit in numero aliorum futurorum contingentium: quia pendet euentus nostræ salutis & damnationis ex nostri arbitrii libertate. Si autem loquamur de certitudine à parte Dei præcognoscentis, sic certus est euentus salutis, nostræ certitudine infallibilitatis, quia diuina præscientia non fallitur: & ideo euenit, ut præscit. Certus etiam est certitudine immutabilitatis, quia diuina dispositio, & ordinatio non variatur, ut modo eligat vnum, & modo alium: sed qui semel electus est, semper fuit, & erit, & non alius. Rationes ad primam partem inductæ procedunt de certitudine effectus euentus, non quantum ad necessitatem, sed quantum ad infallibilitatem præcognitionis, & quantum ad inuariabilitatem æternæ prædestinationis.

1. 2. Ad illud ergo quod obiicitur, quod alius alterius locum accipit & coronam, dicendum quod locus æternæ mansionis, & corona retributionis alicui debetur secundum reputationem præsentis iustitiæ, alicui secundum prædixit in præscientia. Et contingit quod vnus locus debetur alicui secundum præsentem iustitiam, & quod

illo ca-

Ad oppo-
situm.

Apo. 2. c.

Iob 34. c.

Luc. 5. b

Deut. 1. c.

Vide se-
cundum
Iob. 1. p.
q. 11. art. 3.

illo cadente alius intrat, cui debetur secundum prædifi-
 nitionem æternam. Quando vero alicui debetur locus se-
 cundum prædifi-
 nitionem æternam, potest quidem ca-
 dere, & locum perdere, & alius, qui non est prædestinatus
 potest acquirere: sed tamen hoc nunquam eueniet. Quia
 ergo præscitus iustus frequenter locum æternæ mansio-
 nis perdit, quem alius pariter meriti acquirit, & nemo scit
 vtrum sit præscitus, vel prædestinatus: ideo quamuis sciat
 se esse iustum, timere debet ne amittat locum. Et ad hunc
 timorem hortatur beatus Ioannes in prædicta auctorita-
 te Apocalypsis: Et hic timor bonus est omnibus, & præ-
 scitis, & prædestinatis: quia humiliat, & sollicitat. Contra,
 certitudo de electione eleuat in tumorem, & deprimit in
 torporem: ideo secundum ordinatissimam dispositio-
 nem hoc factum est, vt nulli reueletur an sit prædestina-
 tus, nisi sit à Deo confirmatus in bono, vt non possit ele-
 uari per superbiam, vel torpere per negligentiam. Pater
 ergo, quod illa auctoritas nō significat mutationem fieri
 in præscientia, vel aliter euenire, quam Deus præscit: sed
 quod qui actualiter iustus est, potest locum quo dignus
 est perdere perdendo iustitiam, & quod qui peccator est,
 potest sibi locum debitum acquirere acquirendo iustitiā,
 & hoc tota die contingit. Exemplum in veteri testamen-
 to manifestum fuit de Saule, & Dauid in regno, cui scilicet
 Sauli recte potuit dici: Tene quod habes, id est, humi-
 litatem, & iustitiam, ne alius accipiat coronam tuam tibi
 debitam secundum statum præsentem, alii tamen debi-
 tam secundum dispositionem æternam. Exemplum etiam
 est in coronis quadraginta martyrum.

3. 4. Ad illud quod obiicitur de diminutione, & au-
 gmento. Dicendum quod rotum referendum est illud ad
 statum præsentis iustitiæ. Nam illa Glossa: Non tot in-
 trant: intelligitur tempore primitiæ Ecclesiæ, quia mul-
 ti intrabunt in tempore finalis Ecclesiæ. Similiter quod
 dicitur, quod Deus addat ad hunc numerum, intelligitur
 iustificando plures, & vocando ad fidem.

5. Ad illud quod obiicitur, quod possunt esse plures,
 & pauciores, & alii quam sint præsciti: ergo ibi nō est cer-
 titudo: dicendum quod non est certitudo necessitatis, est
 tamen certitudo infallibilitatis: quamuis enim possint ef-
 se alii, & plures, tamen nunquam erunt, etsi essent, tūc ab
 æterno prædestinati essent: ideo non potest ibi cadere ali-
 qua mutatio.

6. Ad illud quod obiicitur, quod si ita euenit, tunc fru-
 stra laborat præscitus, & prædestinatus, dicendum quod
 illud est argumētum, quod ducit eos in torporem, & im-
 pietatis excusationem: & ideo primo ostendendum est
 eos stulte arguere inferendo à simili, dicendo sic: Deus
 prædestinauit vtrum tu debeas cras viuere an nō: ad quid
 ergo comedis, & bibis? Qui sic argueret, & tali rationi
 consentiret, argueretur dementia: similiter in proposito.
 Secundo respondetur argumentando. Tu dicis quod De-
 us prædestinat, & ego dico, quod Deus tanquam iustus iu-
 dex, iuste remunerat. Nullum bonum ergo irremunera-
 tum, nullum malum impunitum: ergo nullus laborat si-
 ne fructu, nullus torpet sine damno. Et propterea dicen-
 dum, quod prædicta argumentatio deficit: procedit enim
 ac si Deus prædestinaret, & præsciret in euētum omnem:
 sed non prædestinat hominem ad salutem, nisi per meri-
 ta: nec reprobatur, vt perueniat in damnationem sine meri-
 tis. Et ideo non solum est nostra salus ex parte Dei, sed ex
 parte nostra, & cum ipse velit omnes saluos fieri, & omni-
 bus gratiam impertiri, solum ex nostra malitia, vel negli-
 gentia venit defectus nostræ salutis.

ARTICVLVS III.

Consequenter quantum ad tertium articulum qua-
 ritur de diuina electione. Et circa hoc quaeruntur
 duo. Primo quaeritur, vtrum electio sit in Deo æter-
 naliter vel ex tempore. Secundo quaeri-
 tur, quid sit electio secun-
 dum rem.

S. Bonau. Tom. 4.

QVÆSTIO I.

An electio sit in Deo ab æterno, vel ex tempore.

Alex. Alenf. 1. p. q. 30. Memb. 1.

S. Thom. 1. p. q. 23. Art. 4.

Et 1. Sent. dist. 41. q. 1. Art. 1. & 2.

Et de verit. q. 6. Art. 1.

Egid. Rom. 1. Sent. dist. 41. q. 1.

Richard. 1. Sent. dist. 41. q. 1.

Steph. Brulef. 1. Sent. dist. 40. q. 6.

Petrus de Taranaf. 1. Sent. dist. 41. q. 1.

Quod electio in Deo sit æternaliter, ostenditur pri-
 mo auctoritate Apostoli. Elegit nos ante mundi
 constitutionem, vt essemus sancti, & immaculati coram
 ipso.

CONTRA: Ego scio quos elegerim: sed omnes elegerat
 temporaliter qui erant eius discipuli: ergo non est alia e-
 lectio in Deo quam temporalis.

ITEM quod electio sit in Deo, videtur per rationem,
 quia omnis agens discrete & ordinate, est agens per ele-
 ctionem: sed Deus est huiusmodi: ergo in Deo est ponere
 electionem.

ITEM quod ab æterno videtur, quia omnis dilectio,
 quæ est specialiter aliquorum, nō tantum est dilectio, sed
 etiam electio: sed prædestinatio Dei non est omnium homi-
 num, sed solum saluandorum: & prædestinatio nō est
 sine electione: ergo neque sine electione: sed illa ab æter-
 no, ergo & ista.

1. SED contra per Damascenum: Electio non cadit in
 Deum: quia diuina natura non est possibilis ad ignoran-
 tiam.

2. ITEM eligere est alterum alteri præoptare: sed Deus
 vult omnes homines saluos fieri: ergo videtur, quod ele-
 ctio non sit in Deo.

3. ITEM videtur quod solum sit in Deo temporaliter:
 electio enim non esset si homo perstitisset: ergo videtur,
 quod lapsus hominis facit ad electionem: sed temporale
 non facit ad esse æternum: ergo electio non est æterna,
 sed temporalis.

4. ITEM electio est dissimiliter entium: sed omnia in
 Deo æternaliter sunt vnum, & similiter: ergo electio est
 rerum existentium in proprio genere: sed in proprio ge-
 nere non sunt nisi ex tempore, ergo nec electio.

5. ITEM electio est præoptatio: sed Deus nihil præoptat
 alii quantum ad intentionem affectus: ergo solum quan-
 tum ad excellentiam effectus: sed effectum non est pone-
 re nisi ex tempore: ergo, &c.

6. ITEM in plus est vocatio, quam electio. Multi
 enim sunt vocati, pauci electi. Sed vocatio est tempora-
 lis: ergo videtur similiter quod electio. Consequenter er-
 go cum vocatio sit temporalis, prædestinatio vero æter-
 na: quaeritur, vnde hoc est, quod electio & temporalis est
 & æterna.

CONCLUSIO.

Electio, vt dicit dilectionem cum discretionem solum, æterna est:
 si vero dilectionem cum discretionem, deliberationem, & in-
 quisitionem præcedente, cum talis sit in creatura,
 temporalis est.

RESP. AD ARG. Dicendum quod electio dicitur du-
 pliciter. Vno modo prout dicit dilectionem cum discre-
 tione solum. Alio modo, vt dicit dilectionem cum discre-
 tione præcedente, & deliberationem, & inquisitionem.

1. ET primo modo est in Deo, secundo modo in crea-
 tura, in qua cadere potest ignorantia: & hoc secundo mo-
 do loquitur Damascenus.

2. AD illud quod obiicitur, quod voluntas Dei, &
 dilectio est sine discretionem, dicendum quod est volun-
 tas antecedens, & consequens. Antecedens, qua vult quan-
 tum in se est: consequens, qua vult cum præscientia nostræ

Funda-
 menta.
 Eph. 1. 4

Ioan. 15. 6

Ad oppo-
 situm.
 Damasc. li.
 2. de orho.
 fide cap. 22.
 post mediū.

Aristot. 3.
 Eth. 6. 2.

Mat. 22. 6

Voluntas
 quoru-
 plex.

Ec 2

salutis,

salutis, & prima quidem est omnium, secunda vero non. A
Secundum hunc modum est dilectio duplex. Una quæ respicit voluntatem antecedentem, & hac diligit omnes: & alia quæ respicit consequentem, & hac diligit omnes saluandos: & hæc est electio.

3. AD illud quod obiicitur, quod electio non esset si homo non peccasset: dicendum quod est electio qua eligitur, & separatur bonus à malo, & est electio qua separatur melior à minus bono. Hæc secunda esset, si homo non peccasset: prima. a. nō esset, si homo nō peccasset: nō quia lapsus aliquid faciat ad rationē eligendi, sed præuisio lapsus. Et quamuis lapsus hominis fuerit temporalis, præuisio tamen eius fuit æterna.

4. AD illud quod obiicitur, quod electio est dissimilium entium, dicendum quod sicut dilectio duplex est, quædam quæ oritur ex consideratione bonitatis, quædam quæ est principium bonitatis: sic electio duplex est. Quædam quæ causatur à diuersitate, & præeminentia eligibilium, & hæc consequitur eligibilia, ut electio humana. Quædam quæ est ratio diuersitatis in eligendo, ut diuina, & hæc est dissimilium, non quæ sunt, sed quæ futura sunt, & talis præcedit, & est æterna: nisi enim esset diuina electio, omnes essemus reprobī, & mali: & sic patet illud.

5. AD illud quod obiicitur, quod electio est præoptatio, dicendum quod præoptatio ratione maioritatis effectus potest esse dupliciter, aut per modum appropriationis, siue operationis, vel applicationis, aut per modum dispositionis, & præordinationis. Per modum appropriationis. ponit effectū in actu: per modum præordinationis, & dispositionis ponit in potentia tantum: & sicut dispositio est æterna, ita & præoptatio.

6. AD illud quod obiicitur de vocatione, quod solum est temporalis, dicendum quod vocatio dicit actum, ut exteriorem: electio dicit actum ut interiorem: prædestinatio dicit actum, ut anteriorem. Quoniam ergo actus, ut exterior connotat effectum ut exteriorem: ideo vocatio solum est temporalis. Rursus, quoniam actus, ut anterior, non habet rationem initiandi: ideo prædestinatio est solum æterna. Sed quoniam actus interior per manifestationem fit exterior: hinc est quod electio est æterna, & temporalis. Quod ergo obiicitur de vocatione, quod in plus est, ergo prior, dicendum quod prior est secundum rationem intelligendi tamquam communior: sed non quantum ad ordinem durandi: non enim est superius essentialē, sed effectū consequens: & sic patent omnia.

Q V Æ S T I O II.

An electio sit idem quod prædestinatio.

Alex. Alenf. 1. p. q. 30. Memb. 4.

Ægid. Rom. 1. Sent. dist. 41. q. 1. ar. 2.

Richardus 1. Sent. dist. 41. q. 2.

Steph. Brulef. 1. Sent. dist. 40. q. 7.

Petrus de Turant. 1. Sent. dist. 41. q. 2.

Quid sit electio, & quod sit idem quod prædestinatio, videtur. Magister enim dicit in littera: Cum autem prædestinatio sit electio, qua Deus elegit quos voluit ante mundi constitutionem: ergo, &c.

ITEM ratione videtur, quia omnis prædestinatus est electus, & omnis electus prædestinatus: ergo prædestinatio est electio, cum per se prædicentur adinuicem.

ITEM: Quorum opposita sunt eadem, ipsa sunt eadem: sed oppositum electionis est reprobatio: & hæc est oppositum prædestinationis: ergo, &c. *et cetera.*

1. CONTRA: Quæcunque sunt diuersorum, ipsa sunt diuersa: sed prædestinatio est solum bonorum, electio vero saluandorum, & aliquorum damnandorum: ergo, &c. Probatio minoris habetur in Ioanne: Nonne duodecim vos elegi, & vnus ex vobis diabolus est? Si tu dicas, quod illud intelligitur de electione temporali. CONTRA: Electio temporalis signum est æternæ: aut ergo concordant, aut est signum falsum.

2. ITEM: Si numquam esset aliquis malus, esset prædestinatio, sed non esset electio: secundum hoc ergo aliud obiectum respicit electio, aliud prædestinatio: ergo non sunt omnino idem.

3. ITEM: Agens secundum propositum dicitur agens per electionem, & non dicitur agere secundum prædestinationem: ergo differt prædestinatio, & electio. Quæritur ergo quæ sit differentia, & quod sit prius secundum rationem intelligendi.

C O N C L U S I O.

Electio secundum affectionem dilectionis, idem est quod prædestinatio: electio vero secundum effectum finalis gratificationis, est signum prædestinationis infallibile.

RESP. AD ARG. Dicendum quod electio tripliciter dicitur. Est enim electio secundum affectionem dilectionis, & secundum effectum finalis gratificationis, & secundum statum prælationis. Prima est æterna, & est idem quod prædestinatio. Secunda est temporalis, & signum primæ infallibile. Tertia similiter temporalis, nec est effectus, nec signum æternæ electionis. Multi enim præficiuntur mali, & reprobī, & vtinam non sint plures mali, quam boni.

1. AD illud quod obiicitur de verbo Domini, dicendum quod intelligitur de electione prælationis: & hæc nō est tantum bonorum, nec omnium bonorum: & ideo vere patet, quod non est idē quod prædestinatio. Et quod obiicitur quod est signum, dicendum quod non est signum certum, nec Deus dat pro signo, & stultus est, qui huic signo credit. Sed electio secundum effectum finalis gratificationis, hæc est signum certum simpliciter, sed nō est certum nobis. Et hæc differt à vocatione, quia multis datur gratia qui non perseuerant: ideo dicuntur vocati, sed nō electi, & de his dicitur: Multi sunt vocati, pauci vero electi.

2. AD illud quod obiicitur quod electio respicit malum, & conuenit omni agenti à proposito, non sic prædestinatio. Notandum quod in Deo idem sunt propositum, prædestinatio, & electio secundum rem, tamen differunt secundum rationem intelligendi. Nam propositum simpliciter dicit voluntatem faciendi aliquid. Ille enim dicitur proponere, qui firmiter vult facere aliquid. Electio vero, & prædestinatio addunt supra voluntatis conceptionem, sed differenter, quia prædestinatio addit ordinem, & directionem in finem: sed electio discretionem, siue separationem à suo opposito. Vnde propositum dicit firmam voluntatis conceptionem, prædestinatio cum cōceptione dicit præordinationem, & electio quamdam discretionem. Secundum ergo hoc patet, quod propositum est prius secundum rationem intelligendi, & deinde electio, quia prius est intelligendum aliquid separari à malo, siue à malitia, quam dirigi in finem, & sic patet diuersitas & ordo.

3. ET ex hoc patet illud quod vltimo quæritur, quare agens à proposito non semper dicitur agere secundum prædestinationem, sicut secundum electionem, quia omnis agens à proposito deliberans, alteram partem contradictionis præaccipit: ideo omnis talis dicitur eligere: sed non omnis agens sic ordinat effectum in finem, sed ut plurimum seipsum. Prædestinare autem est præordinare alterum in finem, & hoc quidem competit Deo proprie, & ideo patet illud. Prædestinatio enim tria connotat, scilicet præordinatum, & hoc est homo: & rationem præordinandi & hæc est gratia: & rationem finis, & hæc est gloria: & sic sunt tria, scilicet quod, & per quod, & ad quod.

A R T I C V L V S IV.

Consequenter est quæstio de quarto articulo, scilicet de reprobatione. Et cū ea quæ dicta sunt de prædestinatione

Funda-
menta.

Ad oppo-
situm.

Ioan. 6. g

Mat. 12. b

stinatione æterna, sint dicenda, vel aptari possint repro-
bationi, quæritur specialiter de obduratione quæ est eius
connotatum, de qua duo quærentur. Primum est, utrum
sit pœna, vel culpa. Secundum, utrum obduratio sit à
Deo.

QVÆSTIO I.

An obduratio sit pœna, vel culpa.

*Alex. Alensis 1. p. q. 29. Memb. 4. art. 1. §. 1.
Richard. 1. Sent. dist. 40. art. 3. q. 2.
Steph. Brulef. 1. Sent. dist. 40. q. 9.
Petrus de Tarantaf. 1. Sent. dist. 40. q. 10.
Gabriel Biel. 1. Sent. dist. 41. q. unica.*

Funda-
menta.

* Rom. 9. d
Aug. 1. ad
Simplicia-
num 9. 2. in
medio 10. 4.

QUOD autem obduratio sit pœna, sic ostenditur per
illud: * Cuius vult miseretur, &c. Glossa Augustini:
Obduratio est nolle misereri: sed nolle misereri non est
culpa, sed pœna: ergo, &c.

ITEM ibidem: Miseretur secundum gratiam quæ gra-
tis datur: obdurat autem secundum iudicium quod me-
ritis redditur: sed constat, quod non redditur bonis me-
ritis, ergo malis: sed quod malis meritis redditur est pœ-
na: ergo obduratio est pœna.

ITEM hoc ipsum videtur ratione, quia in hoc differt
culpa & pœna, quia culpa est affectio voluntaria, pœna
est affectio inuoluntaria. sed obduratio cordis est inuo-
luntaria, quia nullus vult dehabilitari, siue obdurari: er-
go, &c.

ITEM sicut se habet excæcatio ad intellectum, sic ob-
duratio ad effectum: sed excæcatio dicit pœnam, nō cul-
pam: ergo & obduratio.

Rom. 2. d
Ad oppo-
situm.

1. CONTRA: per illud Apostoli: Secundum duritiam,
&c. Glossa ait: Induratio est persecutio mentis in ma-
litia pertinaci, per quam fit homo impœnitens: sed hoc
dicit culpam: ergo, &c.

Li. de para-
diso 6. 8. 10. 1.

2. ITEM Augustinus de prædestinatione Sanctorum:
Obduratio nihil aliud est quam Dei obuiare mandatis:
sed obuiare mandatis dicit inobedientiam: sed peccatū,
vt dicit Ambrosius, nihil aliud est quam præuicatio le-
gis diuinæ, & cœlestium inobedientia mandatorū: ergo
obduratio dicit peccatum.

3. ITEM ratione videtur, quia nulla pœna temporalis
secundum quod huiusmodi opponitur gratiæ gratifican-
ti: sed obduratio opponitur gratiæ gratificanti, & maxi-
me gratiæ finali: ergo obduratio non est pœna, sed culpa.

De ver. Re-
lig. 2. 2. a
principio.
10m. 1.
Ca. 23. 10. 7.

4. ITEM in hoc est differentia inter pœnam & culpā
quia, vt dicit Augustinus, pœna est malū quod patimur,
culpa vero malum quod agimus: sed obdurationē vnus-
quisque facit sibi, sicut dicit Augustinus in lib. de gratia,
& libero arbitrio: Indurauit Deus Pharaone iusto iudi-
cio: sed ipse se per liberum arbitrium. Et quod obduratio
sit à nobis, patet: quia in Psalmo dissuaderur: Nolite ob-
durare corda vestra: ergo, &c.

Pf. 94. b

CONCLUSIO.

*Obduratio, vt dicit inhabilitatem ad impressionem gratiæ, sic
est pœna peccati: vt vero significat stabilitatem in peccato, est dis-
positio præcedentis peccati: vt vero dicit voluntatem impugnan-
di Deum, præcepta, & gratiam suam, est peccatum
in Spiritum sanctum.*

RESP. ad arg. Dicendum quod obduratio in spiritibus
est translatiue dicta ab obduratione in corporibus. In
corporibus autem duritiam sequitur triplex proprietas,
quamuis in sit corpori per eandem naturam: non sic spiri-
tui. Durum enim est quod est inhabile ad suscipiendum,
est stabile ad permanendum, est iterum forte ad rebellan-
dum, siue resistendum. Secundum hunc triplicem mo-
dum cor obdurari dicitur tripliciter. Primo modo dicitur
cor obdurari ex hoc, quod est inhabile ad impressio-
nem gratiæ suscipiendam: & hoc modo sonat in passionē.
Et est pœna consequens culpam. Secundo modo dicitur

Durum
quod mo-
dis.

Acor obduratum, quod est in peccato stabilitum, quod est
multum compactum ad amorem peccati: & hoc modo
obduratio est peccatum cum dispositione, siue dispositio
peccati præcedentis. Tertio modo dicitur cor obdura-
tum cor rebelle, quod vult Deum, & eius mandata, &
gratiam impugnare. Et hoc modo est speciale peccati ge-
nus, scilicet peccatum in Spiritum sanctum.

1. 2. Et secundum illum modum triplicem diuersæ au-
toritates procedunt de obduratione, quæ videntur sibi
obuiare: sed diuersis viis procedunt secundum membra
distinctionis prædictæ. Concedendum est ergo, quod ob-
duratio vno modo est pœna: concedendum nihilominus,
quod alius modis est culpa, siue dispositio culpæ.

3. Ad illud ergo quod obiicitur, quod pœna gratiæ non
repugnat, & etiam sonat in passionem: dicendum quod
triplex est pœna. Est enim quædam pœna inflicta, quædam
contracta, quædam acta. Pœna inflicta simpliciter est pas-
sio, & non repugnans gratiæ, vt fames, sitis, & ægrotudo.
Pœna contracta est fomes, & concupiscentia, & hæc qui-
dem passio est, & ideo pœna, sed tamen inclinatur ad actio-
nem malam: & ideo gratiæ repugnat, non quantum ad
substantiam, sed quantum ad inclinationem. Pœna acta
est sicut obduratio, & gratiæ expulsio, & hæc quidē pœ-
na est, quia passio est: sed quia ex mala actione, siue ex
peccato est, & illud concomitatur inseparabiliter, ideo
opponitur gratiæ: & ita patet, quod nihilominus est pœ-
na, & passio. Quamuis enim contingat per propriam a-
ctionem, nihilominus pœna est, sicut patet in scabioso,
qui in scalpendo se delectat, sed postea sentit in carne ar-
dorem.

QVÆSTIO II.

An obduratio sit à Deo.

Alex. Alens. 1. p. q. 29. Membr. 4. §. 5.

S. Thom. 1. Sent. dist. 40. q. 2. art. 3.

Richard. 1. Sent. dist. 40. art. 3. q. 3.

Steph. Brulef. 1. Sent. dist. 40. q. ultima.

Petrus de Tarantaf. 1. Sent. dist. 40. q. ultima.

Vtrum obduratio sit à Deo, siue sit effectus Dei re-
probantis. Et quod sic videtur: Cuius vult misere-
tur, & quem vult indurat: sed idem est aliquid fieri Deo
auctore, & Deo volente: si ergo obduratio est Deo volen-
te, ergo & Deo auctore.

Ad oppo-
situm.
Rom. 9. d

2. ITEM ibidem est Glossa: Obduratio est nolle misere-
ri: aut ergo hic est prædicatio per causam, aut per inhæ-
rentiam, aut per essentiam. Non per inhærentiam vel es-
sentiam, in Deo enim est voluntas non miserendi, nec ta-
men obduratio: ergo est dictum per causam: sed Deus nō
vult misereri aliquorum vt præcitorum, vt dicit Aug. er-
go ab ipso est eorum obduratio.

3. ITEM super illud Exodi. Ego indurabo cor eius, dicit
Augustinus: Indurauit Deus Pharaonē iusto iudicio: er-
go secundum hoc fuit iustum, Pharaonem indurari: sed
omne iustum à summa iustitia procedit, quæ Deus est: er-
go, &c.

4. ITEM ratione videtur, quia omne quod est aliquid,
est à Deo, obduratio est aliquid: ergo secundum id quod
est, est à Deo. Quod sit aliquid, patet: quia durū dicit na-
turalem potentiam: sed molle dicit impotentiam: ergo si
durities est & in corporibus, & spiritibus, est aliquid quod
habet Deum causam, patet, &c.

5. ITEM: Quicumque habet curam alicuius, si permittit
eum malefacere, cum possit prohibere, vel perire cū pos-
sit adiuuare, non inconuenienter dicitur causa sui male-
ficii, vel peccati, siue mali. Vnde prælatus qui subditos
non corrigit, causa dicitur malorum in subditis. Similiter
qui habet vnde pascat fame morientem, & non pascit,
causa est mortis eius, si ergo Deus potest prohibere vt af-
fectus noster duret, & potest pascere vt non deficiat, &
non facit, videtur quod sibi sit ratio & causa indurationis
attribuenda.

De gratia,
& lib. arb.
10m. 7.

6. ITEM Philosophus dat maximam: Si aliquid est causa alicuius, & oppositum est causa oppositi, ut si habere pulmonem est causa respirandi, non habere est causa non respirandi: sed velle misereri est causa gratificationis: ergo nolle misereri est causa obdurationis.

7. ITEM: Si aliquid per sui praesentiam causa est alicuius, per sui absentiam est causa oppositi, haec alia maxima est Philosophi, ergo si Deus per sui praesentiam est causa mollificationis cordis, per sui absentiam est causa obdurationis.

8. ITEM: Si aliqua duo sunt omnino similia, aut proprietates aliqua non inest uni quae non inest alii, aut si inest, aliunde inest. Ponantur autem hic duo paruuli Iacob & Esau. Deus vnum obdurat ut Esau, alterum non obdurat ut Iacob: ergo cum sint similes omnino quo ad naturam, & quantum ad merita, aliunde venit obduratio: sed non est dare nisi a Deo, ergo, &c. Si tu dicas quod a diabolo. CONTRA: Esto quod diabolus nullo modo se intromittat, nihilominus iste obdurabitur.

9. ITEM omnis effectus siue positivus, siue defectivus habet causam proximam, & immediatam: quare ergo quae sit causa obdurationis proxima: aut enim culpa originalis, aut actualis, aut usus liberi arbitrii, vel aliquod aliud. Non culpa originalis, quia tunc omnes obdurarentur. Similiter nec culpa actualis, quia tunc omnis actualiter peccans obduraretur. Nec usus liberi arbitrii, quia obduratio, ut est connotatum reprobationis, est in paruulis in quibus non est usus lib. arb. Restat ergo quod voluntas Dei sit causa, & hoc videtur, quia ea posita ponitur effectus. Si enim Deus non vult istius misereri, necesse est eum obdurari.

CONTRA: Omnis qui venit ad me non eiiciam eum foras: ergo paratus est Deus omnes complecti: ergo defectus illustrationis non venit ex parte Dei, sed ex parte nostra.

ITEM: Ecce sto ad ostium, & pulso, si quis mihi aperuerit, introibo ad eum, &c. Sed si peregrinus volens hospitari non recumbit in domo, non est causa ex parte sui, sed solum ostiarii: ergo similiter & obdurationis non est causa, nisi qui non recipit Deum pulsantem.

ITEM Augustinus super illud: Lux in tenebris lucet, dicit: Sicut caeco posito in sole est praesens lux, & ipse absens est luci, sic in omni iniquo qui caecus est corde, praesens est sapientia, & ipse est abiens: si ergo bonum est simile, cum caecitas, siue privatio actus videndi non sit a sole, patet quod nec obduratio est a Deo. Item Anselmus: Non ideo non habet homo gratiam, quia Deus non dat, sed quia homo non accipit: ergo non debet dici obduratio esse a Deo. Item ratione videtur, quia optimi est optima adducere: sed obduratio est pessimum inter omnia mala: ergo ipsam non efficit Deus qui est optimus. Item obduratio animae reddit animam impotentem ad bonum: ergo est defectus, sed defectus aut non habet causam, aut si habet, habet causam deficientem: Deus autem nullius est causa deficientis: ergo obduratio nullo modo est a Deo.

CONCLUSIO.

Obduratio pro defectu, non est effectus Dei: sed prout ordinatur a retribuente divina iustitia in mercedem culpa, est a Deo.

RESP. ad arg. Dicendum quod obduratio in quantum poena est, dicitur animae ineptitudinem, & ita dicitur defectum poenalem: & poena omnis in quantum talis, est iusta & ordinata: ideo dicitur defectum ordinatum. In quantum ergo defectus est, non habet causam nisi deficientem, haec autem non est Deus, quia Deus non est causa deficientis, sed liberum arbitrium destitutum. In quantum vero ordinatum habet causam merentem, scilicet ipsam culpam, & causam ordinantem, scilicet retribuente diuinam iustitiam.

1.2.3. ILLAE ergo tres auctoritates Apost. Aug. & Glossae, & contimiles, quae dicunt Deum obdurasse aliquem, intelliguntur quantum ad rationem ordinis, non quan-

tum ad rationem defectus, quia per comparisonem ad defectum solum comparatur in ratione permittentis, non efficientis. Et est exemplum: sicut si aliquis esset dignus fame perire, & alius posset eum pascere, & iusto iudicio nolleret eum pascere, si quaeretur quare fuit in isto causa mortis, responderetur quod defectus cibi, ille vero non diceretur occidisse, sed permisisse. Si rursus quaeretur, utrum iste iuste fecerit, diceretur quod sic, cum tamen nihil fecerit, quia ipsum non facere ordinatum fuit auctoritate eius ad merita illius, & per consequens ille ordinatus est in poena sibi debita: per hunc modum est intelligendum in proposito.

4. Ad illud ergo quod obiicitur, quod obduratio dicitur positionem: dicendum quod in corporibus dicitur positionem: quia per naturam suam nata sunt resistere: sed in spiritibus dicitur defectum, quia de naturali aptitudine spiritus debet esse habilis ad susceptionem influentiae divinae. Undeabilitas talis est potentiae, & habitus: sed contra, obduratio & ineptitudo est per modum praevisionis, & privationis.

5. Ad illud quod obiicitur quod qui permittit subditum perire, est causa, &c. dicendum quod verum est si tenetur, & debeat facere, sed si non tenetur, nec debet hoc facere, imo magis contrarium: nullatenus potest illi imputari periculum, sed iustitiae, & ita est in Deo.

6.7. Ad illud quod obiicitur, quod si aliquid est causa alicuius, quod oppositum est causa oppositi, dicendum quod illud tenet in naturalibus & necessariis, sicut in habere pulmonem, & non habere, & respirare & non respirare, non autem habet locum in voluntariis, sicut dicit Anselmus. Causa autem quare iste habet gratiam, est, quia Deus dat. Causa quare non habet, est quia non accipit. Sed ista solutio non videtur competens, quoniam si maxima Philosophi bona est, necesse est quod teneat in omni materia. Et propterea est dicendum, quod ipse loquitur de causa proxima, & immediata, & quae est tota causa non exigens aliam, & in omni tali tenet. Sed quamvis voluntas Dei sit causa efficiens gratificationis, tamen ad salutem concurrunt liberum arbitrium ut consentiens. Quia ergo ista duo concurrunt, quodlibet horum potest causare defectum, & non causat divina voluntas, quae est liberalissima, sed causat liberum arbitrium: quod quamvis non possit neque sufficere, potest tamen esse deficiens causa, quae sufficiens est ad defectum effectus: in bonis enim facilius est destruere, quam construere.

8. Ad illud quod obiicitur de absentia, dicendum quod cum absentia alicuius est malum, aut ille est causa suae absentiae, aut non. Si ille est causa suae absentiae, dicitur per consequens esse eius, quod incurritur ex absentia. Si autem ipse non est causa, imo quantum est de se semper paratus est praesens esse, tunc reuera nullo modo dicitur esse causa, sed illud ratione cuius iuste se absentat, ideo vere nostrum peccatum, & non Deus: peccata enim nostra diuiterunt inter nos & Deum nostrum, & sunt quasi nubes densissimae, auferentes nobis illustrationem gratiae.

9. Ad illud quod quaeritur, quare sit causa efficiens ratione cuius inest, dicendum quod causa meritoria est peccatum, siue originale, siue actuale. Causa vero deficiens, quae ponit defectum, est liberum arbitrium deficiens, & in defectu suo permanens, siue quia ipsum negligit, siue quia peccatis exigentibus, alius non succurrit. Quia vero duobus existentibus similibus potest alter habere subleuantem, alter non: ideo unus obduratur ex se, alter vero subleuatur ab alio, & per hunc modum intelligendum est in Iacob, & Esau. Esau enim iacuit propria infirmitate: sed Iacob releuatus est aliena virtute.

* *

DISTINCT. XLI.

QVOD SIT MERITVM
OBDVRATIONIS, MISERI-
CORDIÆ VERO NON: ET DE
SCIENTIA, ET PRÆ-
SCIENTIA.

SI autem quarimus meritum obduratio-
nis & misericordiae: Obdurationis meri-
tum inuenimus, misericordiae autem me-
ritum non inuenimus, quia nullum est
misericordiae meritum, ne gratia euacuetur, si non gratis
donetur, sed meritis reddatur. Miseretur itaque secun-
dum gratiam, quae gratis datur: obdurat autem secundum
iudicium, quod meritis redditur. Vnde datur intelligi, ut
sicut reprobatio Dei est nolle misereri, ita obduratio Dei sit
non misereri: ut non ab illo irrogetur aliquid quo sit ho-
mo deterior: sed tantum quo sit melior non erogetur. Ex
his aperte ostenditur quid misericordiam, quid obduratio-
nem intellexerit Apostolus, & quia misericordia nullum
aduocat meritum, obduratio vero non est sine merito, sed
habet nolle misereri. Et misericordia verbo hic accipitur
praedestinatio, & praecipue praedestinationis effectus: obdu-
rationis vero non ipsa Dei aeterna reprobatio, quia eius nul-
lum est meritum, sed gratia priuatio siue subtractio, quae
quodam modo est reprobationis effectus. Accipitur tamen
aliquando reprobatio pro obduratione, sicut & praedesti-
natio pro suo effectui, qui est gratia appositae. Gratia enim
quae apponitur, effectus est praedestinationis. Cum ergo
gratia quae apponitur homini ad iustificationem, nulla
sint merita, multominus & ipsius praedestinationis, quae
ab aeterno elegit Deus quos voluit, aliqua possunt existere
merita. Ita nec reprobationis, quae ab aeterno quosdam
praesciuit futuros malos & damnandos, sicut elegit Iacob
& reprobaui Esau, quod non fuit pro meritis eorum quae
tunc habebant, quia nulla habebant, quoniam nec ipsi exi-
stebant, nec propter futura merita quae praeuideret, vel il-
lum elegit, vel illum reprobaui.

Opinio quorundam, in qua fuit aliquando Augusti-
nus, sed postea retractauit.

Opinati sunt tamen quidam Deum ideo elegisse Iacob,
quia talem futurum praesciuit qui in eum crederet, & ei
seruiret. Quod aliquando Augustinus se sensisse dicit in
lib. Retract. ubi aperte ostendit quod si propter futura me-
rita electus esset, iam non ex gratia esset electio. Non ergo
ideo electus est à Deo, quia talis futurus erat, sed ex tali e-
lectione talis est factus, ita dicens: Disputans ergo quid ele-
gerit Deus in nondum nato, cui dixit seruiturum esse ma-
iorem, & quid in eodem maiore similiter nondum nato re-
probauerit, ad hoc perduxit ratiocinationem, ut dicerem:
Non ergo elegit Deus opera cuiusquam in praescientia, quae
ipse daturus est, sed fidem elegit in praescientia: & quem
sibi crediturum esse praesciuit, ipsum elegit cui Spiritum
sanctum daret, ut bona operando, etiam aeternam vitam
consequeretur. Ecce hic aperte dicit non propter opera eum
elegisse, sed propter fidem, quae eum praeuidit crediturum.
Sed quia & in fide meritum est, sicut & in operibus, hoc
retractauit dicens: Nondum diligentius quaesieram,
nec adhuc inueneram qualis sit electio gratiae, de qua dicit
Apostolus: Reliquia per electionem gratia salua fient: quae

A utique non ex gratia, si eam merita precedant, procedit
ut iam quod datur non secundum gratiam, sed secundum
debitum reddatur potius meritis, quam donetur. Proin-
de quod continuo dixi: Dicit enim idem Apostolus: Idem
Deus qui operatur omnia in omnibus. Nusquam autem
dictum est: Deus credit omnia in omnibus. Ac deinde
subiunxi. Quod ergo credimus, nostrum est: quod vero
bonum operamur, illius est qui credentibus dat Spiritum
sanctum. Profecto non dicerem, si scirem etiam ipsam fi-
dem inter Dei munera reperiri, quae dantur in eodem spi-
ritu. Vtrumque ergo nostrum est propter arbitrium vo-
luntatis, & utrumque datum est per spiritum fidei, &
charitatis. Et quod paulo post dixi: Nostrum enim est
credere & velle, illius autem dare credentibus, & volen-
tibus facultatem bene operandi per Spiritum sanctum, per
quem claritas Dei diffunditur in cordibus nostris, ve-
rum est quidem, sed eadem regula, & utrumque ipsius
est, quia ipse preparat voluntatem: & utrumque no-
strum, quia non fit nisi volentibus nobis: ergo & meritum
fidei de misericordia Dei venit. Non ergo propter fidem,
vel aliqua merita elegit Deus aliquos ab aeterno, vel appo-
suit gratiam sanctificationis in tempore, sed gratuita bo-
nitate sua elegit, ut boni essent. Vnde Augustinus in libro
de praedestinatione Sanctorum: Non quia futuros nos ta-
les esse praesciuit, ideo elegit, sed ut essemus tales per ipsam
electionem gratia sua, quae gratificauit nos in dilecto fi-
lio suo.

His videtur contrarium quod alibi ait
Augustinus.

His tamen aduersari videtur quod dicit Augustinus
lib. 83. questionum: Cui vult, inquit, miseretur Deus, &
quem vult indurat. Sed hac voluntas Dei iniusta esse
non potest. Venit enim de occultissimis meritis: quia &
ipsi peccatores cum propter generale peccatum unam mas-
sam fecerunt: tamen nonnulla inter eos est diuersitas.
Praedit ergo aliquid in peccatoribus, quo quamuis non-
dum sint iustificati, digni efficiantur iustificatione. Et
item praedit in alijs peccatoribus, quod digni sunt obtu-
sione. Ecce hic videtur Augustinus dicere quod & ipsa
Dei voluntas, quae alios eligit, alios reprobat, ex meritis
proueniat: sed occultissimis, id est quod pro meritis alios
voluerit eligere, alios reprobare, & quod pro meritis alijs
apponitur gratia iustificationis, alijs non, unde obtundun-
tur. Sed quid intelligere voluerit, ignoratur: nisi forte
hoc dicatur intellexisse quod supra diximus eum retractas-
se. Nam ibidem quadam alia continue subdit, quae in
lib. Retract. aperte retractat: quod utrumque legenti
patebit. Vnde verisimile est in praemissis etiam hoc
retractasse. Quidam tamen ex eo sensu accipiunt fore dic-
tum, non quia aliquis praedestinetur pro meritis, vel ius-
tificationis gratiam mereatur: sed quia aliqui non adeo
mali sunt, ut mereantur sibi gratiam non impartiri. Nul-
lus enim Dei gratiam mereri potest, per quam iustificatur:
potest tamen mereri ut non apponatur, ut penitus abijcia-
tur. Et quidem aliqui in tantum profundum iniqui-
tatis deuenerunt, ut hoc mereantur, ut hoc digni sint: a-
lii vero ita viuunt, ut et si non mereantur gratiam iustifi-
cationis, non tamen merentur omnino repelli, & gratiam
sibi subtrahi. Ideoque dixit in quibus iam peccatoribus
praeedere quo digni sunt iustificatione, & in alijs
quo digni sint obtusione. Sed hoc
friuolum est.

* *

E e 4

Opinio

Aug. lib. 1.
ad Simpli-
cium in
medio 10. 4.
Rom. 9. c

Mal. 1. a

Lib. Retra-
ctionum
1. Cap. 23.
habetur. Et
to. 4. li. ad
Simpli-
cium. Et in
libro de pra-
edestina-
tione Sancto-
rum. c. 3. sen-
tentiam
explanat.

Rom. 11. 4
1. Cor. 12.
d

Rom. 5. a

Cap. 19. in
10. 7.

Quaest. 68.
10. 4.

Aug. lib. 1.
ad Simpli-
cium q.
2. in medio
tom. 4.

Lib. 1. cap.
26. tom. 1.

Opinio quorundam falsa, de occultis Dei
differentium carnaliter.

Hoc refert
Augusti-
nus de Ver-
bis Apostol.
Rom. 7. ad
finem 10. 10.

Rom. 9. c

Aug. lib. I.
Retract.

1. Cor. 7. c

Multi vero de isto profundo quærentes reddere ratio-
nem, atque secundum coniecturas cordis sui inscrutabilem
altitudinem iudiciorum Dei cogitare conantes, in fabulas
vanitatis abierunt, dicentes quod anima sursum in cælo
peccant, & secundum peccata sua ad corpora pro meritis
diriguntur, & dignis sibi quasi carceribus includuntur.
erunt hi tales post cogitationes suas, & volentes disputa-
re de Dei profundo, versi sunt in profundum, dicentes a-
nimas in cælo ante conuersatas, & ibi aliquid boni vel
mali egisse, & pro meritis ad corporea terrena detrusas ef-
se. Hoc autem respuit catholica fides propter euiden-
tem Apostoli sententiam qua ait: Cum nondum nati es-
sent, aut aliquid boni, vel mali egissent, &c. Melior est
ergo fidelis ignorantia, quam temeraria scientia. Ele-
git ergo eos quos voluit gratuita misericordia, non quia fi-
deles erant, sed ut fierent. Ait enim Apostolus: Miseri-
cordiam consecutus sum, ut fidei lis essem. Non ait, quia
fidelis eram. Datur quidem fidei, sed data est etiam prius
ut esset fidelis. Ita etiam reprobat quos voluit, non pro-
pter futura merita quæ præuidet: veritate tamen reclusi-
ma, & a nostris sensibus remota.

Quæstio.

Sed quæritur, Vtrum sicut dicitur elegisse quosdam ut
boni fierent & fideles, ita etiam concedi debeat, reproba-
se quosdam, ut mali essent & infideles, & obdurare ut
peccent: quod nullatenus concedi oportet. Non enim re-
probatio ita est causa mali, sicut prædestinatio est causa
boni, neque obduratio ita facit hominem malum, quem-
admodum misericordia facit bonum.

An ea quæ semel scit & præscit, semper sciat &
præciat, & semper scierit vel
præscierit.

Præterea considerari oportet, vtrum ea omnia quæ se-
mel scit vel præscit Deus, semper scit & scierit, ac præciat
& præscierit: an olim scierit vel præscierit quod modo non
scit vel præscit. De præscientia primo respondemus, dicen-
tes, multa eum præscisse quæ modo non præscit. Cum e-
nim eius præscientia non sit nisi de futuris, ex quo illa quæ
futura erant, præsentia fiunt vel prætereunt sub Dei præ-
scientia esse desinunt, sub scientia vero semper sunt. Præ-
scit ergo Deus omnia ab æterno quæ futura erant, neque
præscire desinit, nisi cum futura esse desinunt. Neque cū
præscire desinit aliqua quæ ante præsciebat, minus ea no-
scit quam ante cognoscebat. Non enim dicitur ex defectu
scientiæ Dei quod aliqua præscierit aliquando, quæ modo
nō præsciat: sed ex ratione verbi quod est præscientia. Præ-
scire enim est ante scire aliquid quam fiat. Ideoque non po-
test dici Deus præscire, nisi ea quæ futura sunt.

An Deus semper sciat quæ semel scit.

De scientia autem aliter dicimus. Scit enim Deus sem-
per omnia quæ aliquando scit. Omnem enim scientiam
quam aliquando habet, semper habuit, & habet, & ha-
bebit. Ad hoc autem opponitur ita: Olim sciuit hunc ho-
minem nasciturum qui natus est, modo non scit eum na-
sciturum, sciuit ergo aliquid, modo non scit. Item sciuit
mundum esse creandum, modo non scit eum esse crean-
dum, aliquid ergo sciuit quod modo non scit, & alia huius-

A modi infinita dici possunt. Sed ad hoc dicimus: quod idem
de natiuitate huius hominis, & mundi creatione, nunc
etiam scit, quod sciebat antequam fierent, licet tunc &
nunc hanc scientiam eius diuersis exprimi verbis oportet.
Nam quod tunc futurum erat, nunc præteritum est: ideo
quæ commutanda sunt ad ipsum designandum. Sicut di-
uersis temporibus loquentes, eandem dicim modo per hoc
aduerbium, cras, designamus, dum adhuc futura est: mo-
do per hodie, dum præsens est: modo per heri, dum præ-
terita est. Itaque antequam crearetur mundus, sciebat
Deus hunc creandum: postquam creatus est, scit eum crea-
tum. Nec est hoc scire diuersa, sed omnino idem de crea-
tione mundi. Sicut antiqui patres crediderunt Christum
nasciturum & moriturum, nos autem credimus eum na-
tum & mortuum, nec tamen diuersa credimus nos & il-
li, sed eadem. * Tempora enim, ut ait Augustinus, varia-
ta sunt: & ideo verba sunt mutata, non fides. Indubi-
tanter ergo teneamus Deum semper omnia scire, quæ ali-
quando scit.

* Aug. in
sententia
10. 9. Tract.
43. in lo.
inter prin.
& mediū.

DISINCT. XLI.

Vtrum prædestinatio, & reprobatio sint ex
meritis nostris.

Si autem querimus meritum obdurationis
& misericordia, &c.

Expositio textus.

S V P R A egit Magister de causalitate actiua prædesti-
nationis, & reprobationis. In hac parte inquit de
causalitate passiua, vtrum scilicet prædestinatio & repro-
batio habeant in nobis causam meritoriam: & hoc qui-
dem principaliter intendit in ista distinctione, quæ duas
habet partes. In prima Magister inuestigat principale
propositum. In secunda mouet quandam quæstionem quæ
ex præcedentibus habet ortum, scilicet vtrum Deus de-
sinat aliquid scire, vel præscire. Ex cuius manifestatione
parefacit diuinæ scientiæ interminabilitatem, ibi: Præter-
ea considerari oportet. Prima pars quatuor habet partes. In
prima Magister determinat veritatem, ostendens quod
reprobatio habet causam meritoriam quantum ad con-
notatū quod est obduratio: non sic prædestinatio quan-
tum ad connotatū quod est gratificatio. In secunda vero
Magister remouet quandam opinionem quæ posset ho-
minem ducere in errorem, ibi: Opinati sunt tamen quidam.
In tertia remouet eius defensionem, ibi: Histamen aduer-
sari videtur, &c. In quarta remouet præsumptuosam in hac
quæstione inquisitionem, ostendens aliquos volentes red-
dere rationem de hoc profundo diuinæ prædestinati-
onis, lapsos esse in profundum erroris, ibi: Multi vero de isto
profundo quærentes reddere rationem, &c. Similiter secunda
pars in qua determinat Magister quæstionem, vtrum Deus
desinat aliquid scire, vel præscire, & similiter est quæstio,
vtrum desinat aliquem prædestinare, partes habet duas.
In prima determinat de præscientia quod contingit desi-
nere aliquid præscire. In secunda vero determinat de scientia,
ibi: De scientia autem aliter dicimus, vbi dicit quod Deus
nihil desinit scire: & in vtraque parte primo mouet quæ-
stionem, secundo determinat.

Diuisio.

Opinati sunt tamen quidam Deum ideo elegisse Iacob, quia
talem futurum præsciuit. Dub. I.

Videtur quod ista positio non sit opinio, sed hæresis
manifesta, quia qui hoc ponit, ponit gratiam homini nō
gratis, sed ex meritis dari a Deo, & iste est error pessimus,
scilicet error Pelagii.

R E S P. Dicendum quod hoc potest dicere causam
meritoriam, vel rationem congruitatis. Si dicat causam
meritoriam,

meritoriam, si quamvis prima fronte non dicat errorem, tamen ad ipsam sequitur error. Si vero dicat rationem congruitatis, si non dicit errorem: sed tamen temeritatem quandam habet, quia occulto Dei profundo nititur reddere rationem: & ideo utroque modo erat digna retractatione.

Reliquia per electionem gratia salva fient.

Dub. II.

Quæritur hic de illo verbo Apostoli quod assumit Augustinus in qua habitudine construatur ille genitiuus, quia gratia nec videtur eligens, nec electa, & iterum gratia est solum ex tempore: ergo & electio.

R E S P. Dicendum quod si intelligatur de electione temporali, tunc electio gratiæ dicitur, quia fit per gratiā. Si autem de æterna, sic dicitur electio, non ut gratia dicat habitum, sed ut construatur sicut genitiuus ex vi declarationis essentia, unde dicitur electio gratiæ, id est, gratuita, quæ merita non considerat. Et si obicitur quod unus genitiuus non construitur ex illa vi, dicendum quod verum est nisi habeat virtutem duorum. Unde bene dicitur vir sanguinis, & homo auctoritatis, similiter electio gratiæ, id est, gratuita bonitatis.

Præcedit ergo aliquid in peccatoribus quo, quamvis non sunt iustificati, digni efficiantur iustificatione. Dub. III.

Videtur falsum dicere, quia peccator ante iustificationem manet in peccato, & quamdiu est in peccato est indignus pane quo vescitur, sicut dicit auctoritas, ut etiam ipsa vita, ut puta Dei inimicus: ergo, &c.

R E S P. Dicendum quod verbum illud Augustini retractatum est, & retractatum intelligitur in præfata retractatione, quod ponitur in præcedenti capitulo. Aut dignitas ibi tantum valet quantum congruitas solum, & multæ possunt esse congruitates in peccatoribus ad gratiam gratum facientem, per multiplicem gratiam gratis datam.

Neque præscire definit, &c. Dub. IV.

Innuat Magister quod Deus præscire futura definit, cum futura esse desinant. Contra: Videtur falsum dicere, quia præscientia dicit quid æternum: sed nullum æternum: definit esse: ergo nec præsciens definit præscire. **I T E M**: Richardus dicit quod quatuor sunt combinationes: quia quoddam est quod habet principium & finem: quoddam quod caret principio & fine: quoddam quod habet principium, & non finem, ut anima: quantum quod habet finem, & non principium, est impossibile. Quod enim caret principio, non habet esse aliunde: quod autem tale est, seipso est: si ergo est omnino immutabile, ergo non potest desinere: si ergo præscire caret principio, necesse est quod careat fine.

R E S P. Dicendum quod absque dubio Magister bene dicit quod Deus definit aliqua præscire cum fiunt præsentia: si enim præsciebantur, quia futura, & iam desinunt esse futura, constans est quod desinunt præsciri, non ratione eius quod est scire, sed ratione præpositionis.

A D illud ergo quod obicitur de æterno, dicendum quod aliquid nomen, pure æternum importat: aliquid vero nomen importat æternum connotando temporale. Hoc nomen, *Deus*, pure æternum importat: sed hoc vocabulum, *præscire*, dicit æternum connotando temporale. Secundum hoc, notandum, quod quædam connotant temporale, ut ens in actu. Et quia tale temporale esse potest, & desinere potest, ideo tales actus circa Deum dicuntur habere initium, & terminum, ut puta si dicatur: Deus cōservat hanc rem, conservare dicit essentiam connotando actu effectum: ideo incipit, & definit cōservare. Quædam connotant temporale, ut non ens actu, ens tamen in potentia siue futurum: & quoniam temporale non potest

A incipere esse non ens, siue esse futurum antequam sit: sed potest desinere esse non ens, cum incipit esse ens, & desinere esse futurum cum incipit esse præsens: hinc est quod præscientia Dei respectu creati dicitur desinere, sed numquam incipere, & definit ratione temporalis non desinentis, sed incipientis. Et ex hoc patet illud Richardi, quia cum dicitur: Deus definit præscire, non significatur quod aliquod ens desinat, sed solum quod aliquid incipiat, & sic patet illud.

ARTICULVS I.

AD intelligentiam præsentis distinctionis duo principaliter quæritur. Primo quæritur de prædestinationis causalitate. Secundo de diuinæ scientiæ sempiternitate, siue interminabilitate. Quantum ad primum quæritur duo. Primo quæritur utrum prædestinatio, vel reprobatio in nobis habeat causam meritoriam. Secundo utrum habeat in Deo rationem motiuam.

QVÆSTIO I.

An prædestinatio, vel reprobatio habeant in nobis causam meritoriam.

Alexand. Alensis 1. p. q. 28. Memb. 3. art. 1.

S. Tho. 1. p. q. 23. art. 5.

Ægid. Rom. 1. Sent. dist. 41. q. 2. art. 1.

Rich. 1. Sent. dist. 41. art. 2. q. 1.

Steph. Brulef. 1. Sent. dist. 41. q. 1.

Petrus de Tarantaf. 1. Sent. dist. 41. q. 3.

Gab. Biel 1. Sent. dist. 41. q. unica.

QUOD autem habeant in nobis causam meritoriam, ostenditur sic: Primo de reprobatione, super illud: Esau odio habui. Glossa: Esau, subtrahita gratia, per iustitiam est reprobatus: sed iustitia respicit merita: ergo reprobatio est ex meritis.

1. I T E M: Per reprobationem non dicuntur nisi ista tria, scilicet odium æternum, obduratio temporalis, & damnatio finalis: sed omnia ista habent in nobis meritum, quia Deus neminem odit nisi propter demerita: nec obdurat, nec damnat: ergo, &c.

3. I T E M voluntate antecedente vult Deus omnes homines saluos fieri: si ergo aliquem reprobat, hoc est voluntate consequente, neminem enim de se creat ad supplicium: sed voluntas consequens est consequens ex nostra causa: sed non ex alia causa quam meriti: ergo, &c.

4. I T E M de prædestinatione similiter ostenditur. Gregorius dicit & Augustinus quod prædestinatio iuuatur Sanctorum orationibus: Sed plus valet unicuique fides sua quam fides aliena: ergo merito suo, & alieno potest quis impetrare, quod sit prædestinatus.

5. I T E M nullus est prædestinatus nisi finaliter in gratia perseverans, & e contra: sunt ergo conuertibilia: sed aliquis potest mereri finalem perseverantiam: ergo potest mereri quod sit prædestinatus.

6. I T E M quod potest in maius, potest in minus, vel æquale pari ratione: sed homo potest mereri habere Deum quod est maximum inter omnia, potest etiam mereri salutem quod est æquale ei quod est esse prædestinatum: ergo, &c.

S E D contra: Omne meritum antecedit illud cuius est meritum, quia disponit ad illud: sed prædestinatio, & reprobatio præcedunt nostrum esse: ergo non cadunt sub nostro merito.

I T E M omne meritum aliquo modo est causa eius quod meretur: sed prædestinatio, & reprobatio sunt æterna, merita vero sunt temporalia: ergo temporale est causa æterni: quod est impossibile.

I T E M specialiter de prædestinatione videtur: Non ex operibus iustitiæ quæ fecimus nos, sed secundum suam misericordiam saluos nos fecit.

I T E M gratia est effectus prædestinationis: sed prima gratia antecedit omne meritum, & est causa omnis meriti: ergo non cadit sub merito, & eo ipso gratia est, quia sine meritis datur: ergo nec prædestinatio.

Ad oppositum.
Rom. 9. 6

Fundamenta.

Ad Titum
cap. 3. 6.

CONCLV

CONCLUSIO.

Prædestinatio respectu æterni propositi non habet causam meritoriam, respectu vero gratia habet secundum quid: reprobatio similiter pro odio æterno non habet causam, pro temporali vero obduratione habet causam demeritoriam.

S. Thom. I.
par. q. 13.
art. 3.

RESP ad Arg. Ad hoc intelligendum, notandum quod in prædestinatione tria intelliguntur. Primum est propositum æternum. Secundum est temporalis gratificatio. Tertium vero æterna glorificatio. Similiter in reprobatione intelliguntur tria, scilicet æternum odium, temporalis obduratio, & æterna damnatio. Quantum ad primum, & ultimum similiter est iudicandum; nam ultima, scilicet pœna, & gloria simpliciter cadunt sub merito. Primum vero scilicet propositum æternum, eo ipso quo æternum est, meritum habere non potest. Quantum vero ad medium quod est gratificatio & obduratio, differenter est iudicandum. Nam obduratio simpliciter cadit sub demerito, siue sub malo merito: Gratificatio vero nec simpliciter sub merito, nec simpliciter extra. Est enim meritum congrui, digni, & condigni. Meritum congrui est, quando peccator facit quod in se est, & pro se. Meritum digni, quando iustus facit pro alio. Meritum condigni, quando iustus operatur pro se ipso, quia ad hoc ordinatur gratia de condigno. Gratia autem alteri promerenda non est omnino ex condigno, quia peccator omni bono est indignus. Nec solum ex cōgruo, quia iustus dignus est exaudiri. Gratificatio ergo sub merito congrui potest cadere quo ad ipsum gratificandum: sub merito digni, quantum ad alium virum sanctum: sub merito condigni, quantum ad neutrum, & hoc proprie loquendo est meritum. Respondendum est ergo ad quæstionem cum quaeritur, utrum prædestinatio, & reprobatio cadant sub merito, quod simpliciter loquendo quantum ad principale significatum, neutra cadit sub merito: quantum vero ad connotatum, reprobatio cadit sub merito simpliciter, prædestinatio vero secundum quid. Concedenda sunt ergo rationes probantes quod prædestinatio nō cadit sub merito. Similiter quod nec reprobatio.

1. AD illud quod primo obiicitur de Glossa: quod Esau per iustitiam reprobatus est, dicendum quod ibi accipitur reprobatio pro connotato: quod est obduratio.

2. AD illud quod obiicitur quod odium æternum cadit sub merito, dicendum quod odium æternum duo dicit, & principale significatum, & connotatum, quia neminem odit Deus quantum ad affectum, sed solum quantum ad effectum. Et primum non est ex meritis, sed secundum: quod patet si resoluitur, quia odium est propositum puniendi, propositum autem nullus meretur, sed pœnam.

3. AD illud quod obiicitur quod neminem reprobat voluntate consequente, dicendum quod voluntas consequens non dicitur, quia consequatur merita nostra ratione voluntatis, sed solum ratione voliti: Vult enim aliquid Deus quod nos metuimus, & ideo quia volitum est connotatum, patet, &c.

4. AD illud quod obiicitur de prædestinatione quod iuuatur orationibus Sanctorum, dicendum quod illud intelligitur ratione connotati quod est gratia quam sancti viri possunt aliis suis orationibus impetrare: nō tamen sequitur quod homo possit impetrare sibi, quia ad hoc quod impetret, necesse est quod sit dignus mereri, & hoc non est nisi per gratiam.

5. AD illud quod obiicitur quod idem est esse prædestinatum, & in gratia finaliter perseverare, dicendum quod non est idem, sed conuertibile. sed illud non sequitur quod si aliquis possit mereri vnum conuertibile quod possit & reliquum, sicut non sequitur, si aliquid est causa vnius conuertibile quod sit causa alterius, illud manifestum est.

6. AD illud quod obiicitur: Quod potest in maius potest in minus: dicendum quod verum est si æqualiter ordinatur ad vtrumque. Nam si habet ordinationem ad maius, & non habet ordinationem ad minus, quamvis possit in maius, non tamen sequitur quod in minus: similiter in proposito, gratia enim ordinatur ad merendum Deum, ut glorificantem, non ut prædestinantem, similiter ad gloriam, non ad primam gratiam.

QVÆSTIO II.

An prædestinatio & reprobatio habeant in Deo causam motiuam.

Alex. Alenf. 1. p. q. 28. Memb. 3. art. 3.

S. Tho. 1. Sent. d. 41. q. 1. art. 3.

Et de Verit. q. 6. art. 2.

Scot. 1. Sent. dist. 41. q. 1.

Ægid. Rom. 1. Sent. d. 40. p. 1. q. 2.

Richard. 1. Sent. d. 41. art. 2. q. 2.

Durandus 1. Sent. d. 41. q. 2.

Sicph. Brulef. 1. Sent. d. 4. q. 2.

Petrus de L. arant. 1. Sent. d. 41. q. 4.

UTrum prædestinatio, & reprobatio habeant in Deo rationem motiuam. Et quod sic videtur per Canonem. Dixit Dominus: Num celare potero Abraam quod gesturus sum, cum futurus sit in gentem magnam, & præcepturus domui suæ ut custodiat pactum meum? Dominus ergo voluit reuelare ipsi Abræ propter considerationem bonorum futurorum: ergo cum illa ab æterno provideat, pari ratione prædestinat ex præscientia bonorum futurorum.

ITEM Ambrosius super epistolam ad Romanos: Dabo gratiam ei quem sciuerō toto corde ad me post errorem reuerfurum, loquitur in persona Domini, ergo ratio quare Dominus proponit dare gratiam, est quia aliquod futurum præiudicet in homine.

ITEM ratione ostenditur, quia omnis voluntas eo ipso quod voluntas, est rationalis: ergo si hoc perfectionis est in voluntate quod sit ex ratione, hoc maxime reperitur in voluntate diuina: ergo cum prædestinatio dicat diuinum propositum, erit ex ratione.

ITEM omnis sapienter eligens eligit illos in famulos in quibus videt meliores mores præteritos, & similiter quos nouit fideliores fuisse, & si posset futura cognoscere, multo fortius eligeret, & respueretur propter præuisionem bonorum futurorum, & malorum, quam præteritorum. Si ergo Deus est sapientissime eligens: ergo rationem eligendi siue reprobandi accipit à præuisione, siue à præscientia.

ITEM: Nullus sapienter eligens, præeligit omnino indistincta seu indifferētia, maxime si possit accipere omnia æque congrue: sed Deus præfert vnum alteri in electione: ergo, &c.

ITEM: Si diuinum propositum, siue prædestinatio solum habet rationem, voluntatem Dei, & non aliam, tunc ergo videtur parcitas in diuina voluntate: si enim vellet omnes saluare, omnes saluarentur, & non est alia ratio nisi quia non vult: ergo voluntas eius non est liberalissima, nec optima.

ITEM: Si non esset alia ratio quam voluntas, ergo cum Deus reprobando proponit damnare, si sine omni ratione sola voluntate vellet damnare aliquem, ergo videtur crudelissimus, eo quod fecisset homines ad supplicium.

ITEM: Si sola voluntate prædestinat, & reprobat non præcognita ratione: videtur ergo secundum quod sit acceptor personarum: quod est contra illud quod dicitur: In veritate comperi quod non est acceptor personarum Deus.

1. SED CONTRA: Miserebor, cui miserebor, & clemens ero super quem placuerit mihi: ergo ratio prima & potissima diuinæ misericordiæ, & prædestinationis, est Dei beneplacitum, & voluntas.

Funda-
menta.
Gen. 12.

Inc. p. 10.

Ad. 10. f.

Ad oppo-
sitionem.
Exo. 33.

2. ITEM

2. ITEM in Matthæo dicit Filius: Reuelasti ea paruulis, & abscondisti hæc à sapientibus: ita Pater quoniam sic placitum fuit ante te: ergo si Filius reddit optimam rationem, solum diuinum beneplacitum est ratio.

3. ITEM Apostolus super hac quæstione dicit: Nunquid non habet figulus potestatem de eadem massa facere alia quidem vasa in honorem, alia in contumeliam? Si enim quæreretur ab artifice, quare de vna parte massæ facit vasa pulchra, & ex alia vilia, cum æque sit bona tota massa, nõ est alia ratio, nisi quia placet: ita enim bene faceret, si faceret econuerso: ergo, &c.

4. ITEM August. de prædestinatione Sanctorum: Non quia tales nos futuros sciuit, ideo elegit: sed vt tales essemus.

5. ITEM ratione videtur, quia voluntas Dei est causa causarum: ergo ibi est status: sed vbi est status, non est vltra quærere rationem: ergo, &c. Quod sit ibi status, patet. Quod etiam status non patiatur quærere rationem, videtur, quia quotiens causam, vel rationem quærimus, quærimus eam vt distantem: si enim omnino essent idem causa & cuius est ratio, statim illo viso videretur causa, & non quæreretur: sed non est status nisi in summe simplici, & ita nulla distantia: ergo nec ratio, nec quæstio.

6. ITEM: Si Deus prædestinat istum propter præuisionem, aut ergo bonorum, aut malorum, aut indifferentiũ. Non propter præuisionem indifferentium, & malorum: ergo propter præuisionem bonorum: sed bona nulla futura sunt in isto, nisi quæ Deus sua voluntate facturus est: ergo præuisionem est propter voluntatem, & non econuerso.

7. ITEM: Si quis quæreret, cum potuerit Deus producere vnum alium mundum similem huic, quare magis istum quam illum, nulla esset quæstio: quia hoc solum fuit, quia voluit: ergo pari ratione nulla est causa quare prædestinat, & reprobatur, nisi quia vult.

CONCLUSIO.

Prædestinatio, atque reprobatio quantum ad rationem voliti & ordinationem ad voluntatem diuinam, non habent causam meritoriam: habent autem causam congruentiam bona & mala opera in generali: quid vero sit causa in speciali, est ignotum.

RESP. AD ARG. Dicendum quod cum quæritur, vtum æternum Dei propositum, siue electio, vel reprobatio in Deo motiuam rationem habeat, hoc non intelligitur quantum ad voluntatem diuinam, vel eius actum qui Deus est: sed quantum ad ordinationem voliti ad eius voluntatem. Et si quærat ratio causalis, vel meritoria, responderetur quod dari non possit. Si autem quærat ratio congruitatis, & decentiæ: respondent quidam quod ipsa Dei voluntas sibi ipsi est ratio, nec est alia ratio quare istum elegit, nisi quia placet: & hæc est sufficiens per omnem modum, quia est causa causarum, & ratio rationum: & eo ipso quod placet, ideo rectum est propter summam ipsius voluntatis rectitudinem, quia non tantum est recta, sed etiam regula. Sed cauendum est, ne dum voluntatem Dei magnificare volumus, potius voluntati eius derogemus. Si enim non esset alia ratio, quare Deus istum elegit, & illum non, nisi quia placet, certe iam non occulta dicerentur diuina iudicia, sed manifesta, cum quilibet hanc rationem capiat, nec dicerentur mirabilia, sed potius voluntaria. Et propter hoc est dicendum quod propositum illud æternum, sicut dicit Augustinus, & habetur in littera, & voluntas illa est rationabilissima, & rationem habet, & sicut ab æterno fuit, ab æterno rationem habuit, non aliam propter essentiam, sed propter connotatum. Quid autem sit illud in electione hominum, vel reprobatione, nobis non est omnino notum, nec omnino ignotum. Propter hoc notandum quod quædam sunt opera, quæ exeunt à voluntate diuina cum alio ad hoc ordinato ordine necessitatis, siue necessitatem sumamus in causando, siue in merendo, vel disponendo, vt plueret, & remunerare, siue damnare, &

saluare, & respectu talium diuina voluntas habet rationem in generali, & speciali. Vnde si quærat, quare Deus vult plueret, responderetur, propter nostram vtilitatem. Similiter habet rationem in speciali, vt si quærat, quare vult Deus plueret in hieme, non in æstate: tunc responderetur, quia vapores aquosi magis in hieme abundant, quam in æstate. Similiter si quærat, quare magis voluit saluare Petrum, quam Iudam: Responderetur quod iste habuit bona merita, ille vero mala. Quædam autem sunt opera, quæ sunt à diuina voluntate cum alio ad hoc ordinato ordine congruitatis, sicut est nostra gratificatio, vel iustificatio, quæ est à diuina voluntate cum operatione, & præparatione lib. arb. & hoc, quia qui creauit te sine te, non iustificabit te sine te. Et hoc dictum est secundum congruentiam. Adiutores enim Dei sumus. Attamen Deus sine præparatione, & cooperatione iustificat, vt patet de sanctificatis in vtero, & vt dicunt de Paulo, & respectu talium operum habet rationem voluntatis in generali, & habet in speciali: sed in generali certam, in speciali occultam. Si enim quæritur, quare Deus vult iustificare: Responderetur ad misericordiam suam ostensionem. Et si quæritur, quare non vult omnes homines iustificare voluntate beneplaciti, dicendum quod hoc est propter iustitiam suam ostensionem. Vnde Augustinus de Ciuitate Dei: Si remanerent omnes in pœnis iustæ damnationis, non apparet misericors gratia redimentis. Rursus: Si omnes transferrentur de tenebris ad lucem, in nullo apparet seueritas vltionis: in qua propterea multo plures quam in illa sunt, vt sic appareret quid omnibus debebatur. Si quærat in speciali, quare magis vult iustificare vnum quam alium duobus similibus demonstratis: quia multæ possunt esse rationes congruentiæ: ideo non est certitudo à parte rei. Et ideo cum cognitio nostra pendeat à certitudine rei, nullus certam potest inuenire rationem, nisi habeat per reuelationem illius cui dubia sunt certa. Et quia non fuit nobis expediens ad salutem ista cognitio, sed vtilior fuit ignorantia propter humilitatem: ideo Deus noluit reuelare, & Apostolus non fuit ausus inquirere: sed ostendit defectum nostræ intelligentiæ cū exclamauit: O altitudo diuitiarum sapientiæ, & scientiæ Dei, quæ incomprehensibilia sunt iudicia eius, & inuestigabiles viæ eius, &c.

1. AD illud ergo quod quæritur, vtum prædestinatio habeat rationem. Dicendum quod habet in generali, similiter in speciali, & hæc ratio nota est diuinæ præscientiæ, non nobis ratione prædicta.

2. 3. AD illud quod obiicitur de sacra scriptura quod assignat beneplacitum pro ratione, dicendum quod quamuis assignet pro ratione, & aliam non exprimat, non tamen est ideo concludendum quod non sit alia: quia non sunt omnia scripta, sed nobis vtilia. Vtile autem fuit scire quod diuinum beneplacitum est causa, & ratio, vt discamus eum timere, & nihil meritorum nobis attribuere.

4. 5. AD illud quod obiicitur quod non elegit, quia præuidit tales, dicendum quod Augustinus negat secundum quod hoc quod est, quia dicit causam non secundum quod dicit rationem, quia quamuis diuina voluntas possit habere rationem, ex qua dicitur congruenter operari: tamen non causam, siue rationem causalem: cum sit causa causarum & maxime respectu voliti: quod quidem est ex mera Dei liberalitate, vt pote est gratia iustificans impium: & per hoc patet sequens de statu.

6. AD illud quod quæritur, propter quorum præuisionem, dicendum quod potest esse propter præuisionem bonorum, vt aliquo modo sunt à libero arbitrio: propter quorum tamen præuisionem nec scio determinare, nec volo quærere, nec est ratio nisi congruitatis. Vnde & alia potest esse, quam hæc.

7. AD illud quod obiicitur de mundi creatione, dicendum quod non est simile de mundi creatione, quia mundi creatio à diuina voluntate, & beneplacito est tamquam à tota causa. Et rursus per creationem non præsupponitur aliquid. Rationes vero ad oppositum probant quod diuina voluntas rationabiliter facit, siue quod ha-

August. de
verbis A-
post. ser. 15.
10. 10.

Lib. 1. Cap.
12. 10. 5.
In Ench. c.
99. in fine
10. 3.

Rom. 11. d.

betra-

Aug. lib. 1.
ad Simplic.
q. 2. in me-
dio. 30. 4.

bet rationem congruitatis ratione voliti. Et quia hoc verum est, ideo concedendæ sunt. Et quamvis aliquæ earum possint habere calumniam, tamen conclusio principalis non habet calumniam. Nam Augustinus dicit hoc in libro Retract. post omnes retractationes quod proponit, & eligit, & reprobatur veritate certissima, & à nostris sensibus remotissima. Et quia à sensibus nostris est remotissima, ideo nullus debet ipsam inquirere, quia in hac vita non possumus inuenire. Et ideo in nostræ intelligentiæ insufficientiâ, sermo de prædestinatione claudendus est, ut obstruatur omne os, & subditus fiat omnis mundus Deo, cuius iudicia non sunt scrutabilia, sed formidolosa, silentio veneranda.

ARTICULVS II.

Consequenter quantum ad secundum articulum queritur de secundo, scilicet interminabilitate diuinæ cognitionis. Et circa hoc queruntur duo Primo, quia dubium habet per comparationem ad complexa, queritur, utrum Deus cognoscat res per modum complexionis. Secundo queritur, utrum enunciabilia, siue quæ Deus semel cognoscit, semper cognoscat.

QVÆSTIO I.

An Deus cognoscat res per modum complexionis.

Alex. Alenf. 1. p. q. 23. Memb. 3. art. 1.
S. Tho. 1. p. q. 14. art. 9.
Et 1. Sent. d. 38. q. 1. art. 4.
Et de Verit. q. 2. art. 8.
Ægid. Rom. 1. Sent. d. 38. p. 2. q. 1.
Richard. 1. Sent. d. 41. ar. 3. q. 1.
Steph. Brulef. 1. Sent. d. 41. q. 3.
Petrus de Tarant. 1. Sent. d. 41. q. 7.

Funda-
menta.

Arist. de
sem. & sen.

Quod cognoscat Deus per modum complexionis ostenditur sic. Eandem rem quam cognoscit sensus, cognoscit intellectus: sed sensus per modum incomplexeionis, intellectus vero per modum complexionis: sed intellectus est potentior in cognoscendo quam sensus: ergo cognoscere per modum complexionis, est maioris potentiae: sed omne tale est Deo attribuendum ergo, &c.

ITEM: Differentet significatur res per vocem incomplexeam, & per complexionem, quia per vocem incomplexeam quantum ad esse simpliciter: sed per orationem quantum ad esse tale, vel tale: sed Deus non tantum cognoscit res quantum ad esse simpliciter, sed etiam quantum ad esse tale, vel tale: ergo cognoscit secundum complexionem.

ITEM: Ordo vnus rei ad alteram cui coniungitur in re, facit compositionem in cognitione, vel in sermone complexionem: sed Deus non tantum intelligit in se rem ipsam: sed etiam in ordine ad rem aliam cui vnitur: ergo non solum per modum simplicem, sed compositionis.

ITEM: Deus intelligit nostrum intelligere, & nostrum dicere: sed nos dicimus, & intelligimus rem per modum complexionis: ergo Deus hoc modo intelligit.

Ad oppo-
nitum.
Cap. 7. post
medium.

1. SED CONTRA per Dionysium de Diuin. nomin. Cognoscit Deus omnia immaterialiter materialia: impartite partita: vniformiter multa: immutabiliter mutabilia: ergo si partita cognoscit impartite: ergo composita per modum simplicem: sed modus simplicitatis & complexionis opponuntur: ergo non cognoscit per modum complexionis.

2. ITEM cum intellectus cognoscat per modum complexionis, aut modus ille est in re, aut in intellectu. Nō in re, quia cum sensus apprehendat eandem rem, apprehenderet eam per modum complexionis: ergo est in intellectu: sed omnis talis intellectus in quo est complexio realiter est complexus, & cōpositus: sed diuinus intellectus non est huiusmodi: ergo, &c.

3. ITEM si cognoscit res per modum complexionis, cum modus diuinæ cognitionis sit ei cōternus, ab æterno cognouit per modum complexionis: ergo complexio fuit ab æterno: sed multa intellexit, ergo multæ sunt complexiones ab æterno: ergo veræ, vel falsæ. Si veræ: ergo plura sunt vera ab æterno: si falsæ: ergo plura sunt falsa ab æterno.

4. ITEM si cognoscit per modum complexionis, cum eadem res modo vere significetur sub ratione futuritionis, modo sub ratione præteritionis, modo ratione præsentia: ergo his omnibus modis Deus cognoscit. SED contra: Omnia cognoscit, ut præsentia. Vnde dicitur: Vnus dies apud Deum sicut mille anni, &c. ergo non cognoscit omnibus his modis.

2. Pa. vi.
b.

CONCLUSIO.

Cognitio diuinæ rerum, non est per modum complexionis prout complexio cadit in intellectu: sed bene res complexas in se, vel complexas per intellectum nostrum cognoscit.

RESP. AD ARG. Dicendum quod cognoscere res per modum complexionis potest intelligi tripliciter. Aut enim modus complexionis cadit circa rem, & sic est sensus: Deus cognoscit res existere, vel se habere per modum complexionis, siue compositionis. Et hoc est verum: cognoscit enim res esse sicut sunt. Alio modo, ut modus complexionis cadat circa rem, ut expressa per intellectum nostrum, & tunc est sensus, quod Deus cognoscit res non tantum ut sunt, sed etiam ut intellectus exprimit: cognoscit enim res, & voces, siue intellectus illas significantes. Et hoc verum est. Tertio modo potest intelligi, ut modus complexionis cadat circa intellectum diuinum. Et hoc modo falsum est: hoc enim spectat ad intellectum, qui intelligit multa, & per multa, quæ oportet completi: Deus autem multa intelligit vno, & ita simplici modo, nec magis est simplex intellectus eius intelligendo vnum, quā multa. Vnde intelligere multa per modum complexionis, nec est omnino virtutis, nec omnino imperfectionis, & ideo non ponitur nec in cognitione infima, ut sensitua: nec in cognitione suprema, ut in diuina: & fortassis nō etiā est in cognitione suprema ipsius animæ quæ dicitur intellectiua, prout est in suo summo: cognoscit. n. per modum simplicis aspectus. Rationes probantes quod cognoscit per modum complexionis, procedunt secundum primam, & secundam viam: ideo verum cōcludunt præter primum, quod iam solutum est.

2. AD illud quod obiicitur quod complexio venit ab intellectu, dicendum quod complexio dupliciter potest comparari ad intellectum: aut sicut ad causam, aut sicut ad subiectum. Si ad subiectum in quo, & quod informat, & denominat, sic comparatur ad intellectum humanum à quo est complexio, qui etiam complectitur. Si ad causam, sic comparatur ad intellectum diuinum. Nam intellectus diuinus cognoscit complexione non circa se, sed circa nostrum intelligere: quoniam complexio non est ab intellectu nostro, nisi cooperante diuino in intelligendo.

3. AD illud quod obiicitur quod si cognoscit res per modum complexionis quod tunc complexiones sunt æternæ, dicendum quod ex primo, vel secundo sensu non sequitur quod complexiones sint æternæ, quia non est complexio circa Deum: sed bene sequitur quod veritas significata per aliquam complexionem est æterna, sicut veritas huius, mundum esse futurum: tamen propositio, & complexio est ab intellectu nostro intelligente illam veritatem æternam. Vnde sicut vox temporalis significat rem æternam, ut hoc nomen, Deus, non tamen sequitur, quod sit æterna: sic multa enunciabilia significant veritatem æternam, nec tamen sunt æterna.

4. AD illud quod obiicitur quod tunc cognoscit res sub ratione futuritionis, & præteritionis, dicendum sicut ratum est, quod modus diuinæ cognitionis potest accipi, vel secundum se, vel à parte cogniti. Si à parte cogniti, sic

dico

dico quod omnino cognoscit rem esse, & ita mutabiliter esse, & ita composito modo esse sicut est, & ita de omnibus: & sic cognoscit rem præteritam esse præteritam, & futuram esse futuram, & non præteritam esse præsentem. Potest iterum accipi à parte sui: & sic cum cognitio Dei sit omnino simplex, omnino præsens, omnia cognoscit per modum simplicitatis, & per modum præsentia litatis. Vnde quod dicitur: omnia sunt præsentia apud Deum: hoc dictum est quantum ad cognitionem, in qua nulla cadit successio: ideo nec nouum, nec verus, nec præteritum, nec futurum: in actu autem cognitionis angelicæ, & humanæ cadit successio: & ideo præteritum, & futurum. Et præterea non ita dicuntur omnia præsentia animæ cognoscenti, sicut Deo: & hoc manifestum est, quia nunc æternitatis quod est semper præsens, complectitur omnia temporalia: & ideo patet quo modo sit intelligendum.

QVÆSTIO II.

An enunciabilia qua semel Deus cognoscit, semper cognoscas.

Alex. Alex. 1. p. q. 23. Membro 3. art. 5.

S. Tho. 1. p. q. 14. art. 14.

Et 1. Sent. dist. 38. q. 1. art. 3.

Et dist. 41. q. 1. art. 5.

Et de Verit. q. 2. art. 7.

Ægid. Rom. 1. Sent. dist. 38. p. 2. q. 2.

Et dist. 41. p. 2. q. unica.

Richardus 1. Sent. dist. 38. q. 4.

Thom. Arg. 1. Sent. dist. 38. q. 1. art. 2.

Greg. Arim. 1. Sent. dist. 43. q. 1.

Franciscus de Mayr. 1. Sent. dist. 39. q. 1. art. 3. & 4.

Steph. Brulef. 1. Sent. dist. 41. q. 4.

Petrus de Tarantasia. 1. Sent. dist. 38. q. 4.

Ad oppositum.

VTRUM enunciabilia, siue complexa quæ Deus semel cognoscit, semper cognoscas, vel sciat. Et quod sic videtur: quia Deus non cognoscit enunciabile nisi ratione veritatis: sed veritas enunciabilis, quæ semel fuit, semper fuit, & est, & erit: ergo enunciabile quod semel cognoscit, semper cognoscit. Probatio mediæ: Omnis veritas complexi fundatur super rem complexam: sed eadem res primo est futura, postea præsens, deinde præterita, & una & eadem: ergo una & eadem veritas est in ea secundum omnes hos modos: sed necesse est, quod sit semper sub aliquo horum modorum: ergo, &c.

2. **I**TEM hoc ipsum videtur alia ratione, quia quicumque scit Deus, scit immutabiliter: alioquin, cum scire Dei sit suum esse, si mutaretur suum scire, & esse, quod est impossibile: sed omne quod habet immutabilitatem, habet sempiternitatem, quia si desinit, mutatur: ergo quod Deus semel cognoscit, semper cognoscit.

Exo. 32. 8.

3. **I**TEM quod scriptum est in illo libro, deleri non potest: sed Deus cognoscit non aspiciendo extra, sed legendo in libro suæ præscientiæ: ergo quod semel cognoscit, semper cognoscit. Præterea patet, quia super illud Exodi: Aut dele me de libro tuo, &c. Glossa. Securus hoc dicit, quia non delebitur. Et idem dicit super Psalmos.

Fundamenta.

4. **I**TEM quod desinit, vel perditur aliquo desinente, de necessitate pendet ex illo, sed diuina cognitio non dependet ex veritate creanda: ergo quamuis enunciabile desinat esse verum, tamen Deus non desinit illud scire: & si hoc: ergo quod semel scit, & semper.

SED CONTRA: Sicut præscire habet se respectu futuri, ut futurum est, sic scire respectu veri: si enim actu scitur, actu est verum: sed dicit Magister: Deus desinit præscire rem, cum res de futuro sit præsens: ergo similiter desinit scire, cum de vero sit falsum.

ITEM sicut diuina acceptio respicit bonitatem, ita visio veritatem: sed Deus desinit hominem acceptare, cum perdit bonitatem: ergo desinit rem cognoscere, siue enunciabile, cum perdit veritatem.

ITEM hoc ipsum ostenditur per impossibile, quia si quodcunque enunciabile sciuit, modo scit, & sciuit Christum esse moriturum, ergo & modo scit: sed quidquid

scit, est verum: ergo Christum esse moriturum est verum quod est contra fidem.

ITEM sic: Quidquid sciuit, modo scit: sed aliquando sciuit non esse te, cum non eras: ergo scit te non esse, & scit te esse, quia verum est: ergo scit simul duo contradictorie opposita: ergo duo contradictorie opposita sunt simul vera, quod falsum est, & impossibile.

CONCLUSIO.

In quantum scire dicit apprehensionem, quacumque Deus scit, semper scit: in quantum vero dicit assensum, quamuis scire Dei in se sit inuariabile, ratione tamen connotati quod est variabile, non quacumque semel scit semper scit.

RESP. AD ARG. Dicendum quod scire dicitur dupliciter. Vno modo prout reflectitur in se: & sic sensus est: iste scit hoc. id est habet cognitionem de hoc, & hoc modo dicendum quod scire nihil connotat à parte sciti actuale, nec veritatem, nec præsentiam. Deus enim de omni enunciatione habet perfectam cognitionem, vtrum sit enuntiatio perfecta, & congrua, vtrum vera, & cætera similia. Alio modo scire dicitur secundum quod est verbum proereticum, & sic transit in actum extra: & sic connotat veritatem in obiecto: tunc ergo scire enunciabile aliquod, idem est quod scire ipsum esse verum. Vnde scio te sedere, hoc est dicere: non tantum habeo cognitionem de hoc, sed etiam cognosco ipsum esse verum. Primo modo scire importat nudum intelligere. Secundo modo intelligere cum assensu. Si ergo scire accipiatur primo modo, sic dico, quod quidquid est, & omne enunciabile, & omne quod sciuit, adhuc scit, & habet cognitionem de illo, quia de omni eo quod est, & quod potest esse, habet cognitionem: nec sequitur, scit hoc, ergo hoc est verum: immo est ibi consequens. Si autem accipiatur scire secundo modo prout connotat veritatem circa enunciabile, sic fuerunt quidam qui dixerunt quod desinit aliquid enunciabile scire, quia posuerunt, quod enunciabile, quod est verum, potest esse falsum. Alii dixerunt contrarium, quia posuerunt quod enunciabile quod semel verum est, semper est verum, & ita semper scitur. Et ut melius pateat: videnda est eorū positio, & ratio positionis. Fuerunt qui dixerunt quod albus alba album, cum sint tres voces, & tres habeant modos significandi: tamen quia eandem significationem important, sunt vnum nomen. Per hunc modum dixerunt, quod vnitas enunciabilis, accipienda est non ex parte vocis, vel modi significandi, sed rei significatæ: sed vna res est, quæ primo est futura, deinde præsens, tertio præterita: ergo enunciare rem hanc primo esse futuram, deinde præsentem, tertio præteritam, non faciet diuersitatem enunciabilium, sed vocum. Rursus: Cum idē tempus sit primo futurum, deinde præsens, tertio præteritum, tempus scilicet quod est mensura rei quæ significatur per orationem, quamuis esse vel fuisse, vel fore consignificet tria tempora, ratione tamen significati non diuersificant enunciabile, sed variatur solum à parte temporis significati. Vnde si dicam semel: Sortes currit hodie, & cras dicam, cucurrit, cum hoc verbum non det intelligere aliud tempus, & ita nec aliam actionem, enunciabile non est mutatum quantumcunque mutata consignificatione, & quia retenta eadem significatione, enunciabile semper est idem, & non est idem, nisi cum eadem significatio retinetur: ideo dixerunt quod illud quod semel est verum, semper est verum: & ideo cum Deus nihil obliuiscatur, dicunt quod omne enunciabile quod Deus sciuit, scit. Et respondent illi rationi: Omne enunciabile quod sciuit, scit: sed sciuit te nasciturum, vel te esse nasciturum: ergo, &c. non debet sic inferri: ergo scit te esse nasciturum, sed sic: ergo scit te fuisse nasciturum. Aliter est ibi figura dictionis, quia procedit ab identitate in modo significandi, ad identitatem rei, & hoc modo soluit Magister. Et ista fuit opinio nominalium, qui dicti sunt nominaliales, quia fundabant positionem suam super nominis vnitatem. Sed ista fuit positio contra Philosophum,

Ca. de sub-
stantia circa
finem.

qui dicit in prædicamentis, quod eadem oratio primo est vera, postea falsa. Fuit etiam contra communem opinionem. Fuit etiam contra veritatem. Ratio huius est, quia nec bonum fundamentum habet, nec bonam adaptationem. Primo enim si quæzatur utrum albus alba album sint tria nomina, respondendum est: aut loqueris grammaticè, aut logicè: si grammaticè, cum grammaticus consideret impositionem nominis, & modum principalem significandi substantiam cum qualitate, sic dicit unum nomen esse: si logicè, cum logicus consideret nomen in quantum est vox expressiva, unde diffinit nomen, verbū, & orationem per vocem tanquam per genus, & multiplicato superiori necesse est multiplicari inferius: si sunt multæ voces significatiuæ, sunt de necessitate multa nomina: & ideo patet, quod male accipiebant nominis unitatem secundum quod congruit ad propositum. Mala etiam fuit adaptatio, quia enunciabile non significat rem, sed modum se habendi: & cum per verbum præsentis, præteriti, & futuri temporis significetur res alio modo se habere: patet de necessitate, quod aliud enunciabile est te esse nasciturum, & te esse natum. Rursus deficiebant in ultimo, quia sicut homo non significat istum hominem, vel illū, sic verbū præsentis temporis nō significat illud, vel illud præsens: sed præsens in cōmuni, siue copulet, siue significet. Et inde est, quod sicut homo nō habet aliā significationem, nec est aliud nomen, nec æquiucum, si modo supponat pro Petro, modo pro Conrado: sic nec verbum præsentis temporis, siue pronuncietur hodie, siue cras, habet aliam significationem, & ideo non facit aliud enunciabile. Et præterea patet, quod quocunque tempore proferatur te esse nasciturum, idem est enunciabile, quod prius fuit verum, modo falsum. Secundum ergo quod scire connotat veritatem circa enunciabile scitum: illud, quod sciuit, modo non scit, nulla facta mutatione in Dei scientia, sed solum iu connotato. Concedendum igitur quod in secunda acceptione non omne quod scit, semper scit.

1. Ad illud quod obiicitur quod veritas est una in præsentis, præteriti, & futuro, dicendum quod quamvis sit reducibilis ad unam rei veritatem sicut accidens ad subiectum, & modus essendi ad entitatem, tamen cum modus essendi habeat suam veritatem, & tres sunt modi essendi, ideo tres sunt veritates.

2. Ad illud quod obiicitur de indelebilitate, & immutabilitate, & independentia, dicendum quod iam solum est, quia nulla fit transmutatio in Dei cognitione, nec definit scire enunciabile propter mutationem in se, sed in connotato.

DISTINCT. XLII.

DE OMNIPOTENTIA DEI, QVARE VIDELICET DICATUR OMNIPOTENS: QVIA SCILICET OMNIA POTEST, ET QVO

MODO HOC INTEL-
LIGATUR.

Cap. 106. in
fine 10. 4.

Nunc de omnipotentia Dei agendum est. Vbi prima consideratio occurrit: Quo modo vere Deus dicatur omnipotens: an quia omnia possit, an tantum quia ea possit quæ vult. Quod enim Deus omnia possit, pluribus auctoritatibus comprobatur. Ait enim Augustinus in lib. quæst. veteris ac nouæ legis: Omnia quidem potest Deus: sed non facit nisi quod conuenit veritati eius, & iustitiæ. Idem in eodem: Potuit Deus cuncta facere simul: sed ratio prohibuit, id est, voluntas. Rationem nempe ibi voluntatem Dei appel-

A lauit, quia Dei voluntas rationalis est & æquissima. Faciendum est ergo Deum omnia posse.

Quo modo dicatur Deus omnia posse, cum nos multa possimus, quæ ipse non non potest.

B Sed quæritur quo modo omnia posse dicatur, cum nos quadam possimus quæ ipse non potest. Non potest enim ambulare, loqui, & huiusmodi, quæ a natura diuinitatis sunt penitus aliena, cum horum instrumenta nullatenus habere queat incorporea & simplex substantia. Quibus id respondendum arbitror, quod huiusmodi actiones, ambulationis scilicet, & locutio, & huiusmodi, a Dei potentia aliena non sunt, sed ad ipsam pertinentes. Licet enim huiusmodi actiones in se Deus habere non possit, non enim potest ambulare, vel loqui, & huiusmodi, eas tamen in creaturis potest operari. Facit enim ut homo ambulet, & loquatur, & huiusmodi. Non ergo per istas actiones diuina potentia detrahitur aliquid, quia & hoc potest facere omnipotens.

De aliis obiicitur.

C Sed sunt alia quadam quæ Deus nullatenus facere potest, ut peccata, non enim potest mentiri, non potest peccare. Sed non ideo omnipotentia Dei in aliquo detrahitur vel derogatur, si peccare non posse dicitur: quia non esset hoc potentia, sed infirmitas. Si enim hoc posset, omnipotens non esset. Non ergo impotentia sed potentia imputandum est, quod ista non potest. Vnde August. in 15. lib. de Trinit. Magna, inquit, Dei potentia est non posse mentiri. Sunt enim quadam quæ in aliis rebus potentia deputanda sunt, in alijs vero minime: & quæ in alijs laudabilia sunt, in alijs vero reprehensibilia sunt. Non ergo ideo Deus minus potens est, quia peccare non potest, cum omnipotens nullatenus possit esse, qui hoc potest.

Ca. 11. 10. 3

Item de aliis opponit.

D Sunt etiam & alia quadam quæ Deus non potest, unde videtur non omnia posse. Non enim potest mori, vel falli. Vnde Augustinus in lib. de Symbolo: Deus omnipotens non potest mori, non potest falli, non potest miser fieri, nec potest vinci. Hac utiq; & huiusmodi absit ut possit omnipotens. Si enim huiusmodi passionibus, atq; defectibus subiici posset, omnipotens minime foret. Et ideo monstratur omnipotens, quia ei hæc propinquare non valent: potest tamen hæc in alijs operari.

Aug. in lib.
de Symbolo
dei ad Ca-
secumenos
c. 1. in 10. 9.

Omnipotentia Dei secundum duo
consideratur.

E Hic ergo diligenter considerantibus, omnipotentia eius secundum duo apparet, scilicet quod omnia facit quæ vult, & nihil omnino patitur. Secundum utrumque Deus omnipotens verissime prædicatur: quia nec aliquid est quod ei ad patiendum corruptionem inferre valeat, nec aliquid ad faciendum impedimentum asserre. Manifestum est itaq; Deum omnino nihil posse pati, & omnia facere posse, præter ea sola quibus eius dignitas laderetur, eiusque excellentia derogaretur: in quo tamen non est minus omnipotens. Hoc enim posse non esset posse, sed non posse. Nemo ergo Deum impotentem in aliquo dicere præsumat, quia omnia potest quæ posse potentia est: & inde vere dicitur omnipotens.

Quibus-

Quibusdam auctoritatibus traditur, quod ideo dicitur omnipotens, quia potest quidquid vult.

Cap. 96. in
10.3.
Cap. 5. 31.
& ultimo.

Ps. 113. b
Rom. 9. c

EX quibusdam tamen auctoritatibus traditur, ideo vere dici omnipotens, quia quidquid vult potest. Vnde Aug. in Ench. Non ob aliud veraciter vocatur omnipotens, nisi quoniam quidquid vult potest: nec voluntate cuiuspiam creatura voluntatis omnipotentis impeditur effectus. Idem in lib. de Spiritu & Littera: Non potest Deus facere iniusta, quia ipse est summa iustitia & bonitas. Omnipotens vero est, non quod possit omnia facere: sed quia potest efficere quidquid vult, ita ut nihil valeat eius voluntati resistere quin compleatur, aut aliquo modo impedire eandem. Ioan. Chrysost. in Homil. quadam de expositione symboli ait: Omnipotens dicitur Deus, quia posse illius non potest inuenire non posse, dicente Propheta. Omnia quaecumque voluit, fecit. Ipse est ergo omnipotens, ut totum quod vult, possit. Vnde Apostolus, Eius (inquit) voluntati quis resistit? His auctoritatibus videtur ostendi, quod Deus ex eo tantum dicatur omnipotens, quod omnia potest quae vult, non quia omnia possit.

Determinatio praemissarum auctoritatum.

SED ad hoc potest dici, quod Augustinus, ubi dicit: Omnipotens non dicitur quod omnia possit, &c. Tam ample & generaliter accepit omnia, ut etiam mala includeret, quae Deus non potest, nec vult. Non ergo negavit cum posse omnia quae conueniunt ei posse. Similiter cum dicit: Non ob aliud veraciter dicitur omnipotens, nisi quoniam quidquid vult, potest: non negat cum posse etiam ea quae non vult: sed aduersus illos qui dicebant Deum multa velle quae non poterat, affirmat eum posse quidquid vult, & ex eo vere dici omnipotentem, non ob aliud, quam quia potest quidquid vult. Sed caue quomodo intelligas. Potest quidquid vult, an quidquid vult se posse, an quidquid vult facere, an quidquid vult fieri. Si enim dicas ideo omnipotentem vocari, quia potest quidquid vult se posse: ergo & Petrus similiter omnipotens dici potest, vel quilibet Sanctorum Beatorum, quia potest quidquid vult se posse, & potest facere quidquid vult facere. Non enim vult facere nisi quod facit, nec posse nisi quod potest: sed non potest facere quidquid vult fieri. Vult enim saluos fieri qui saluandi sunt: verumtamen eos saluare non valet. Deus autem quidquid vult fieri, potest facere. Si enim vult aliquid fieri per se, potest illud facere per se, & per se facit: sicut caelum & terram per se fecit, quia voluit. Si autem vult fieri per creaturam & per eam operatur: sicut per homines facit domos, & huiusmodi artificia. Et Deus quidem ex se, & per se potest: homo autem vel angelus, quantumcumque beatus est, non est potens ex se, vel per se.

Oppositio.

Sed forte dices, nec Dei Filius potest a se, nec Spiritus sanctus, sed solus Pater. Ille enim potest a se, qui est a se: Filius autem quia non est a se, sed a Patre, non potest a se, sed a Patre: & Spiritus sanctus ab utroque. Ad quod dicimus, quia licet Filius non possit a se, nec operetur a se, potest tamen & operatur per se: sic & Spiritus sanctus. Vnde Hilarius in lib. 9. de Trin. Natura (inquit) cui contradicere haeretice, hac unitas est, ut ita per se agat Filius, ne a se agat, & ita non a se agit, ut per se agat. Per se autem dicitur agere & potens esse, quia naturalem habet potentiam eandem quam & Pater, qui potens est & operatur: sed quia

Post medium
lib.

illam habet a Patre, non a se, ideo a Patre non a se dicitur posse & agere. Homo autem vel Angelus gratuitam habet potentiam, quae potens est. Ideo ergo vere ac proprie Deus Trinitas omnipotens dicitur, quia per se, id est, naturali potentia potest quidquid vult fieri, & quidquid vult se posse. Nihil enim vult fieri, quod non possit facere per se, vel per creaturas, & nihil vult se posse, quod non possit, & omne quod vult fieri, vult se posse: sed non omne quod vult se posse, vult fieri. Si enim vellet, fieret: quia voluntati eius nihil resistere potest.

DISTINCT. XLII.

De potentia Dei in comparatione ad possibilia quae potest.

Nunc de omnipotentia Dei agendum est.

Expositio textus.

SVpra egit Magister de scientia diuina, hic agit de potentia. Et quia potentiam tripliciter contingit considerari, scilicet quantum ad quidditatem possibilem, & quantum ad quantitatem, & quantum ad modum operandi: ideo haec pars tres continet partes, siue tres distinctiones. In prima determinat Magister de potentia in comparatione ad possibilia quae potest. In secunda determinat de potentia quantum ad quantitatem, ostendens eius immensitatem infra dist. 43. Quidam tamen de suo sensu gloriantes. In tertia determinat de ipsa quantum ad modum, infra dist. 44. Nunc illud restat discutiendum, utrum melius, &c. Prima pars quae continet praesentem distinctionem, habet quattuor partes. In prima Magister ostendit quod Dei potentia est omnipotentia, quia est respectu omnium possibilem quae possibile est esse. In secunda remouet illa possibilia, quae posse non est potentiae, ibi: Sed queritur quo modo omnia posse dicatur. In tertia ponit rationes quae attestantur diuinae potentiae, ibi: Hic ergo diligenter considerantibus, omnipotentia eius, &c. In quarta Magister alias rationes omnipotentiae docet ad praedictas duas reducere, ibi: Ex quibusdam tamen auctoritatibus traditur: ideo, &c. Et ibi primo ponit auctoritates, deinde docet eas exponere: & hoc, ibi: Sed ad hoc potest dici quod Augustinus, &c.

Diuisio.

Omnia quidem potest Deus: sed non facit nisi quod conuenit veritati eius, & iustitia.

Dub. I.

Videtur hoc verbum Augustini esse falsum, quia in Psalmo dicitur: Misericordia Domini super omnia opera eius: ergo magis deberet dicere, quod non facit nisi quod conuenit misericordiae. Et iterum, quae differentia est inter veritatem, & iustitiam.

RESP. Dicendum quod iustitia vno modo est idem quod exigentia meritorum, & sic diuiditur contra misericordiam. Alio modo dicitur concedentia bonitatis, & hoc modo comprehendit misericordiam, & iustitiam proprie dictam, & sic accipit Augustinus in praedicto verbo, & hoc modo differt a veritate secundum rationem dicendi, quamuis idem sit secundum rem. Nam veritas respicit vnamquamque rem secundum se: sed iustitia respicit vnam rem comparatam ad alteram secundum quod per leges debitas colligatur vna alteri.

Potuit Deus cuncta facere simul: sed ratio prohibuit. Dub. II.

Videtur male dicere, quia posse prohiberi est impotentiae: ergo si diuina potentia potest prohiberi, est impotens.

ITEM: Illa ratio autem est quid creatum, aut increatum.

Ecclesi. 18.4

Si creatum: ergo aliquid aliud à Deo prohibuit diuinam virtutem: ergo aliquid potest resistere Deo. Si increatum: quo modo potest prohibere, cum sit omnino idem? Preterea hoc non videtur prohibitum, quia dicitur: Qui viuit in æternum creauit omnia simul.

R E S P. Dicendum quod ratio hic vocatur voluntas rationalis, & rationabilitas in voluntate, & ista quamuis non dicat aliquid aliud quantum ad principale significatum à diuina essentia, connotat tamen aliquid, scilicet congruitatem in voluto, quæ quidem non reperitur in eius opposito. Quod patet. Si omnia simul producta essent quantum ad esse singulare, nulla creatura aliquid faceret, & non esset propter hoc cursus in vniuerso, qui est. Voluntas ergo rationalis hoc exigebat, vt Deus non faceret omnia simul quamuis posset: vnde prohibitio nõ accipitur hic pro repugnantia, sed pro artatione potentia quantum ad actum, non quantum ad posse. Et hæc est determinatio indifferentia ad hoc opus, non ad oppositum, & sic patent obiecta. Nam Ecclesiasticus intelligit quantum ad partes principales, siue priores: sed Augustinus loquitur quantum ad indiuidua.

*Deus omnipotens non potest mori, &c.
Dub. III.*

Augu. lib.
26. contra
Faust. c. 5.
ro. 6.

Queritur de differentia horum quattuor quæ remouet Augustinus à Deo, scilicet mori, falli, miserum esse, & vinci.

R E S P. Dicendum quod ista dicunt defectus ipsius hominis, siue animæ in corpore. Quadruplex autem est actus, & quadruplex potentia. Prima est viuificatiua, & huius actus est viuere, & contra hunc est defectus mori. Secunda est cognitiua, cuius actus est nosse, & contra hunc est falli. Tertia est affectiua, & huius actus est velle, siue amare, & delectari, & contra hunc est miserum esse. Quarta est operatiua, & huius actus est agere, & contra hunc est vinci, & superari. Et nota quod ex his quæ dicuntur, quattuor genera actuum remouentur à Deo, scilicet corporales siue instrumentales, vt currere. Actus culpabiles, vt peccare, mentiri. Actus passiuus, vt vinci, & superari. Actus defectiuus vt mori, & falli, quia habent potentiam coniunctam defectui. Et inde elicit Magister perfectam rationem potentia, quæ potest omnia facere, & nihil pati.

Tam ample & generaliter accepit omnia, vt etiam mala includeret. Dub. IV.

Videtur falsum dicere, quia aut malum includitur ratione substrati, aut ratione deformitatis. Non ratione substrati includitur, quia actio mala ratione actionis substrati est à diuina potentia. Non ratione deformitatis, quia cum illa sit simpliciter non ens, non videtur posse includi.

R E S P. Dicendum quod malum accipitur ratione deformitatis, & quoniam, omnia, distribuit ibi pro possibilibus, & possibile potest accipi generaliter tam à potentia actiua quam defectiua, sic accipitur ample, & comprehendit malum, & sic intelligit Augustinus. Alio modo vt possibile dicatur à potentia quæ secundum rem & modum est potentia, & tunc proprie accipitur, & tunc non continetur ibi malum, & sic accipitur in communi vsu cum dicimus Deum omnipotentem. Et sic patet quod quamuis non contineatur sub ente, non tamen est simile de potentia.

Homo autem, vel Angelus gratuitam habet potentiam quæ potens est. Dub. V.

Videtur male dicere, quia generatio est actus naturalis cum quis generet similem in natura: ergo est potentia naturalis: sed non Dei, quia Deus non naturaliter producit hominem: ergo est hominis: ergo homo habet potentiam naturalem.

R E S P. Dicendum quod naturale dicitur dupliciter. Vno modo dicitur naturale quod habetur à natura & secundum consonantiam naturæ, & sic creature multæ habent potentias naturales. Alio modo dicitur naturalis potentia, quæ inest alicui per propriam naturam, ita quod non per aliam nec dantem, nec conseruantem: & hoc modo sola virtus diuina est naturalis, omnis autem alia à Deo est liberaliter data, & liberaliter conseruatur, & adiunatur, vt agat, & ideo gratuita.

*Vere, ac proprie Trinitas Deus omnipotens dicitur.
Dub. VI.*

Videtur non verum dicere, quia non dicitur proprie omnisciens: ergo nec omnipotens. **I T E M:** Data est mihi omnis potestas in celo, & in terra. Et de aliis videtur, quia: Si potes credere, omniaabilia sunt credenti.

R E S P. Dicendum quod omnipotentia est solius Dei proprie: quia dicit potentiam infinitam, quæ in nulla potest esse creatura, nec in Christo, nec in alio secundum humanam naturam. Et hoc melius patebit alibi. Vnde si dicatur de Christo omnipotentia, hoc intelligitur secundum idiomatum communicationem. Si autem dicatur de credentibus, distributio est accommodata solum de miraculis, & sic patet illud.

A R T I C V L V S I.

A D intelligentiam huius distinctionis quattuor queruntur. Primo, vtum Deus possit aliquid aliud à se. Secundo, dato quod possit, queritur vtum possit in omne quod alij agenti est possibile. Tertio, vtum diuina potentia se extendat ad omne illud, quod alij agenti est impossibile. Quarto, vtum possibile dicatur aliquid simpliciter secundum causas superiores, siue secundum potentiam diuinam, vel secundum inferiores, siue secundum potentiam creatam.

Q V Æ S T I O I.

An Deus possit in omne aliud à se.

*Alex. Alex. 1. p. q. 21. Membr. 1. art. 1.
S. Tho. 1. p. q. 25. art. 1.
Es 1. Sent. dist. 42. q. 1. art. 1.
Et de Pot. q. 1. art. 1.
Scotus 1. Sent. dist. 42. q. unica.
Aegid. Rom. 1. Sent. dist. 42. q. 1.
Henricus in summa art. 15. q. 1.
Richardus 1. Sent. dist. 42. q. 1.
Durandus 1. Sent. dist. 43. q. 1.
Thom. Arg. 1. Sent. dist. 42. q. 1. art. 1.
Marfilus Inghen. 1. Sent. q. 42. art. 1.
Steph. Brulef. 1. Sent. dist. 42. q. 1.
Petrus de Tarentas. 1. Sent. dist. 42. q. 1.
Gabriel Biel. 1. Sent. dist. 42. q. unica.*

Q Uod autem non possit Deus aliud à se ostenditur sic: Omnis potentia quæ agit in aliud à substantia in qua est, vel cuius est, egreditur ab illa substantia, potentia enim non operatur, nisi vbi est. Si ergo diuina substantia operatur per suam potentiam in aliquid aliud à se, potentia eius incipit esse, vel fieri in alio: ergo egreditur à substantia: sed omnis potentia quæ egreditur à substantia, elongatur à substantia, & omnis potentia distans à substantia repugnat simplicitati: cum ergo hoc sit impossibile in Deo, videtur quod Deus non agat in aliud à se.

1. I T E M omnis potentia cuius opus est in aliud, habet dependentiam ab illo. Probatio: Opus enim quod transit in materiam subiectam, aliquo modo pender ex illa: sed potentia pender ex eodem ex quo pender actus, quia perficitur per actum: ergo si potentia diuina est in aliud, habet dependentiam.

3. I T E M

3. I T E M omnis potentia quæ est in aliquid quod nõ
semper est coniunctum suo actui, habet indigentiam:
non enim est perfecta nisi quando agit, & non agit nisi
cum obiectum est præsens: ergo quando non est semper
præsens, est incompleta, hoc autem repugnat potentie di-
uinæ: ergo, &c.

4. I T E M in Deo idem est posse, & esse: sed Deus nõ
est aliud à se: ergo nõ potest in aliud à se. Si tu dicas quod
potentia connotat, sed non essentia. Contra: Deus po-
test aliquid facere quod nec est, nec fuit, nec erit: ergo ni-
hil connotat. Si tu dicas, quod connotat quod est in po-
tentia, sed potentia Dei non est aliud quam Deus, &
quod est in Deo, est Deus: ergo nihil aliud connotat.

S E D C O N T R A: Bonum est diffusivum sui: sed dif-
fusio secundum quod huiusmodi est in aliud: ergo bo-
num secundum quod bonum potest in aliud: aut ergo
secundum potentiam suam, aut alienam. Si secundum
alienam: ergo non est perfecte bonum, cum non habeat
actum bonum per se. Si propter potentiam suam: ergo
bonum secundum quod bonum potest in aliud: sed Deus
est summe bonus: ergo, &c.

I T E M perfectio creature est in hoc quod possit aliud
à se producere: si ergo omne quod perfectionis est, Deo
est attribuendum, potentia producendi aliud, Deo est
attribuenda.

I T E M si nihil aliud à se potest: ergo nulli alij à se præ-
est: ergo nec aliquid Deo subest: ergo à nullo est colen-
dus, à nullo est adorandus, & nihil ab ipso omnino est
quærendum: quod est summum inconueniens secun-
dum omnes.

I T E M si nihil potest in aliud à se: ergo nihil est ad ip-
sum, neque propter ipsum: sed bonitas est in rebus, &
ordo per relationem ipsorum ad summum bonum à quo
est omne bonum: ergo secundum hoc nulla res est bona,
nec ordinata in vniuerso: hoc autem est summum incõ-
ueniens: ergo necesse est ponere quod possit in aliud à se.
Prima consequentia est manifesta. Ad illud enim solum
stat ultima resolutio in redeundo, in quo est prima origo
in exeundo, ut manifestum est.

C O N C L U S I O.

*Deus potest in aliud à se, & hoc absque elongatione potentia à
substantia, absque dependentia ab obiecto, & absque in-
digentia cum diuina essentia intime sit in omni-
bus, & potentia eius sit ab illa omnimoda
indiuisione indiuisa.*

R E S P. ad arg. Ad hoc intelligendū, notandū est quod
posse aliud, siue in aliud à se, hoc est dupliciter. Aut in al-
iud sicut indistinctum secundum essentiam, & remotū
secundum distantiam, sicut vnum contrarium agit in al-
iud: quia impossibile est duo contraria esse in eodem
subiecto: & hoc modo posse in aliud est per egressum
potentie à substantia, & ideo est ibi elongatio, & distan-
tia. Et quia elongatur à sua substantia, ideo pēdet à substantia
in quā agit, & ideo est ibi depēdētia: & quia distātia, & de-
pēdētia, ideo imperfectio & indigētia. Hoc modo posse
in aliud Deo nõ competit propter tres conditiones prædi-
ctas, sicut ostensum est: quia repugnat diuinæ potentie,
sicut distantia, dependentia, & indigentia. Alio modo
posse in aliud dicitur sicut indiuisum secundum formam
& essentiam, non tamen in remotum secundum aliquā
distantiam, quia diuina essentia dum operatur, intime
est in illo. Et hoc modo nec ponit distantiam, nec de-
pendentiam, nec indigentiam. Cum enim diuina Essen-
tia sit omni perfectione perfecta, & potentia eius sit om-
nimoda indiuisione indiuisa, à nullo alio depēdet, nul-
lo alio indiget: hoc ergo modo ponendum quod Deus
potest in aliud à se, siue aliud à se. Ex his patet primo
obiectum.

1. Q V O D enim obicit, potentia quæ est in aliud e-
greditur ab agente in passum, dicendū quod hoc verum
est ubi agēs in aliud non est in illo secundum veritatē: v-
bi autem est omnino, nulla necessitas est egrediendi.

2. A D illud quod obicitur, quod potentia quæ est in
aliud pendet ex illo, dicendum quod hoc verum de illo
cuius actio est in aliud tanquā in sustentans, diuina au-
tem potentia non indiget alio sustentante: quod patet,
quia non indiget materia subiecta, sed facit ex nihilo. Et
ratio huius est, quia cum potentia est omnino indiffe-
rens, & ab essentia, & actu, sicut essentia non indiget su-
stentante, sic nec potentia.

3. A D illud quod obicitur quod potentia quæ est in
aliud habet perfectionis indigentiam, dicendum quod
potentia agens in aliud est duplex. Quædam quæ est suus
actus, & talis nihil plus habet quando agit in aliud, quā
quando non agit, & hæc nullo modo indiget, & talis est
potentia diuina propter summam simplicitatem. Alia est
potentia agens in aliud per actum à se differentem: talis
plus habet quando agit quam quando non agit, & talis
est quæ habet indigentiam aliquo modo, ut potentia crea-
ta, non sic est de potentia diuina: & ideo quamuis sit in
aliud, quod non semper est præsens, propter hoc tamen
nec indigens est, nec incompleta.

4. A D vltimum dicendum quod potentia conno-
tat possibile, & possibile ampliatur ad ens, & ad non ens:
& sicut possibile ampliatur, ita & diuersitas connotati:
& ideo non tantum dicitur posse in aliud, quia potest in
aliud quod est: sed quia potest in aliud quod potest esse:
Deus autem à se non potest esse aliud: ideo patet il-
lud.

Q V Æ S T I O II.

*An Deus possit in omne, in quod potest agens
creatum.*

Alex. Alenf. 1. p. q. 21. Memb. 1. ar. 2.

S. Thom. 1. p. q. 25. ar. 3.

Et de pot. q. 1. ar. 6. & 7.

Agid. Rom. 1. Sent. dist. 42. p. 2. q. 1.

Richardus 1. Sent. dist. 42. q. 3.

Stephanus Brulef. 1. Sent. dist. 42. q. 2.

Petrus de Tarantaf. 1. Sent. dist. 42. q. 7.

Gabriel Biel 1. Sent. dist. 42. q. unica. dub. 1.

V T R V M Deus possit in omne illud in quod potest
omne agens creatum. Et quod sic videtur. Qui-
enim omne dicit, nihil excipit: sed non tantum dicimus,
& credimus Deum potentem, sed Deum omnipoten-
tem: ergo, &c.

I T E M quia Deus est omniscies, ideo scit omnia que-
cumque scit alius sciens. Si enim aliquis sciret aliquid
quod non sciret Deus, Deus non diceretur omniscies:
ergo pari ratione non diceretur omnipotens, nisi posset
omne quod potest omnis alius.

I T E M Deus non dicitur omniuolens, quia non vult
omnia quæ alij volunt: ergo pari ratione si non posset om-
nia quæ alij possunt, non esset omnipotens.

I T E M omne esse est à primo esse, ergo omne posse
est à primo posse: ergo omnis potentia potest quidquid
potest, propter diuinam potentiam: sed propter quod
vnumquodque, & illud magis: ergo, &c.

1. S E D C O N T R A: Aliqua creatura potest omnia recipere
corporaliter, ut materia: aliqua potentia potest omnia
recipere spiritualiter, ut spiritus rationalis creatur:
sed Deus nihil potest recipere, ergo non potest omne
quod potest aliud à se. Si dicas quod non est potentia,
sed impotentia, Contra: Nulla impotentia est à Deo, si-
ue à potentia diuina, ergo secundum hoc potentia ma-
teriz, siue animæ non esset à Deo.

2. I T E M homo potest pati miseriam, siue sustinere
pœnam: Deus non potest pati, ergo, &c. Si dicas quod il-
lud est impossibile. Cōtra: Nullum opus virtutis est im-
possibile: sed sustinere est opus fortitudinis, quæ pro-
priissime est virtus: ergo, &c.

3. I T E M homo potest peccare, Deus autem non
potest: ergo, &c. Quod si potest peccare, potest esse ma-
lus: quod est inconueniens. Si dicas quod hoc posse non

Li. 12. c. 1.
10.5.

est possibile. **C**ONTRA per Augustinum de Ciu. Dei. Melior est natura quæ potest peccare, quam quæ nõ potest peccare: ergo posse peccare spectat ad bonitatem, & perfectionem naturæ: ergo nõ dicit impotentiam. Item, homo potest currere, & comedere, Deus hoc nõ potest: ergo, &c. Si dicas quod hoc est impossibile. Contra: Omne illud quod dicit positionem, est à potentia quæ vere est potentia: sed currere & comedere nõ dicunt actus priuationis, sed positionis: ergo sunt à potentia in quantum potens est, non in quantum impotens: ergo manifestum, &c.

C O N C L U S I O.

Deus potest omne quod potest agens creatum, dummodo posse dicat potestiam, & non imperfectionem claudat, vel impotentiam significet.

Arist. 5.
Met. cons.
17.

Dur. 9.2.

RESP. Ad arg. Dicendum quod sicut dicit Philosophus in philosophia prima: Quædam sunt quæ dicunt potentiam quantum ad modum dicendi: dicunt tamen impotentiam à parte rei, vt posse mori, posse corrumpi. Propter hoc intelligendum: quod quædam sunt quæ posse est potentia simpliciter & perfectæ, vt posse intelligere, diligere, & operari. Quædam sunt quæ posse est potentia, tamen imperfectæ, vt currere & ambulare: isti enim actus dicunt simul actionem, & passionem, siue defectum in agente. Quædam quæ posse simpliciter est impotentia, vt priuationes, vt posse peccare, deficere, loquendo de his, ratione priuationis. Secundum hoc intelligendum, quod cum potentia Dei sit perfectissima illa potest Deus per se & in se, quæ sunt potentia simpliciter, vt intelligere, & operari: illa vero quæ sunt imperfectæ potentia, potest quidem non in se, sed per se. Per se potest ex hoc quod est ibi perfectionis, & potentia. In se non potest, propter illud quod est ibi impotentia & imperfectionis, quæ in eo non cadunt. Illa autem quæ sunt simpliciter impotentia, nec potest in se nec potest per se. Per se non potest, quia nihil est à Deo, quod nõ sit à Deo per se, & immediate, hoc autem quod est defectus, non potest esse in Deo, nec à Deo, quia Deus non deficit in essendo, nec in agendo. Si ergo quæretur, vtrum Deus possit omne quod potest aliud agens, respondendum est non simpliciter, sed cū determinatione, scilicet quod potest omne quod est potentia: & in se potest omne quod est potentia simpliciter, & perfectæ, in alio potest quod est potentia imperfectæ: nec in se nec in alio, quod est omnimodè impotentia, & hoc ipso dicitur omnipotens, quia potentia eius ad omnia sufficit: & in nullo deficit.

1. Ad illud ergo quod obiicitur, quod non potest recipere res, nec rerum similitudines, dicendum ad hoc & ad omnia de quibus obiicit, quod illa posse non est potentia perfectæ. Secundum hoc intelligendum, quod est potentia omnino sufficiens & actiua, vt potentia producendi res. Et est potentia pure passiua, vt potentia suscipiendi. Et est potentia defectiua, vt potentia peccandi. Et est potentia partim actiua, partim passiua: vt potentia ambulandi. Et est potentia partim actiua, & partim defectiua, vt potentia suscipiendi poenam. Et potentia partim passiua, & partim defectiua, vt potentia moriendi. Dicendum ergo quod nihil horum in se potest Deus, quævis enim hæc sint potentia alicuius, derogant tamen perfectioni potentia. Nec est simile de scientia, quia scitum non diminuit de ratione scientia, sicut possibile de ratione potentia, quia scitum non causatur à scientia, sicut possibile à potentia.

3. Ad illud tamen quod dicitur de potentia peccandi, intelligendum quod si peccare dicat effectum cum deformitate, siue actum, sic non tantum dicit potentiam defectiua sed actiua ratione actus substrati, & sic dicit nobilitatem. Si ratione deformitatis, sic dicit simpliciter defectum. Quocumque tamè modo dicatur, quia semper concernit defectum, nullo modo conuenit Deo.

Q V Æ S T I O III.

An Deus possit quicunque agenti creato impossibilia sunt.

Alex. Alensis 1. p. q. 21. Membr. 1. art. 4.

A. S. Tho. 1. Sent. dist. 42. q. 1. art. 5.
Scot. 1. sent. dist. 43. q. 1.
Egid. Rom. 1. Sent. dist. 42. p. 2. q. 2.
Rich. 1. Sent. dist. 42. q. 6.
Durandus 1. Sent. dist. 42. q. 2.
Franciscus de Mayr. 1. Sent. dist. 43. q. 1.
Steph. Brulef. 1. Sent. dist. 42. q. 3.
Petrus de Taranias. 1. Sent. dist. 42. q. 8.

VT RVM diuina potentia se extēdat ad omne illud quod alii agenti est impossibile. Et q sic, videtur. Dicitur enim aliquid impossibile propter naturæ ordinationē, vt de cæco fieri vidē. Aliquid propter præteritionē, vt te non fuisse, ex quo fuisti. Tertio propter oppositionē, vt idem esse nigrū, & album. Primū est impossibile secundum naturā: secundū secundum tempus, siue per accidens: tertium potest dici impossibile secundum disciplinā, quia omnis sciētia supponit illud principiū, q opposita nõ sunt simul vera de eodē. Ostenditur ergo q Deus possit omne tale impossibile. Nõ erit impossibile apud Deū omne verbū: sed omnia contingit verbo dicere: ergo nullum tale est impossibile apud Deum.

2. **I**TEM: Ei autē q potest facere supra quā possumus intelligere: ergo potest Deus plura facere quam possit intellegere fingere: sed potest fingere omne impossibile q potest enunciare: ergo & Deus potest illud facere.

3. **I**TEM Hilar. Perfectæ potestatis est id naturā posse facientis, quod potest significare sermo dicentis.

4. **I**TEM Basilius: Plus potest Deus facere quā tu potes intelligere: ergo per auctoritates Canonis, & Sanctorum, videtur quod Deus possit omne impossibile.

5. **I**TEM ratione videtur, quia illud est potentius, cui nihil omnino est impossibile, quā cui aliquid est impossibile: sed Deus est potētissimus in summo: ergo nihil omnino est ei impossibile.

6. **I**TEM si aliquid impossibile nõ est Deo possibile, aut hoc est propter priuationē, aut propter positionē. Si propter priuationē. Cōtra: Nulla maior priuatio quam omnino nõ entis: sed Deus de nihilo facit aliquid, nõ ergo propter priuationē. Si propter positionem: ergo videtur quod aliquid sit quod nõ subiaceat diuinæ potentia, quod & ei nõ obediatur: ergo potentia Dei habet resistēs.

7. **I**TEM ostēditur specialiter quod possit impossibile secundū naturā, vt de trunco facere virulū. Quia plus distat nõ ens ab ente, quam vnū ens ab alio: sed Deus de non ente facit ens: ergo de vno ente potest facere aliud.

8. **I**TEM quod possit impossibile secundū tempus videtur, quia illud est impossibile per accidēs, quod nullā ponit resistantiam, quia non est: ergo si Deus potest impossibile per se, & quod habet resistantiam cum illud sit magis impossibile: ergo potest impossibile per accidens.

9. **I**TEM quod possit impossibile secundū disciplinā, videtur, quia plus distat Creator à creatura, quam vnū ens creatū ab alio: sed Deus potuit facere quod creatura Creatori vniretur in eadē hypostasi simplicissima: ergo multo fortius potest facere quod opposita simul sint in eodē, vt quod aliquid sit simul albū & nigrum. & hoc videtur factū esse in Christo, quia vnus & idē erat æternus, & temporalis: passibilis, & impassibilis, visibilis, & inuisibilis, & sic de aliis.

10. **I**TEM Deus fecit virginem parere, quod est impossibile secundum naturam, quia potentia naturæ nullo modo est ad hoc, & est ibi impotentia secundum disciplinam, quia simul sunt opposita vera de eodem, & quod est maius impossibile quam impossibile secundum accidens, scilicet corruptam integrare, siue fieri virginem, magis enim videtur partus incompossibilis virginitati, quam coitus. ergo, &c.

11. **S**ED contra quod Deus non possit impossibile secundum naturam, videtur Augustinus dicere in lib. de vera Innocentia. Deus, inquit, ita est omnipotens, vt nūquam rationis suæ instituta euellat: ergo si aliquid est impossibile secundum institutionem naturæ, simpliciter est Deo impossibile.

12. **I**TEM ratione videtur, quia Deus nõ potest face-

Ad oppositum.

Luc. 1. d.

Eph. 3. d.

Hil. 9. de Tri. Lib. de fili.

Aug. de ci. 1. p. 1. c. 1.

re con-

re contra ordinē rationis rectæ, utpote mentiri, & consilia: ergo nō potest facere contra institutionē naturæ ordinatæ: non ergo potest impossibile secundū naturam.

Funda-
menta.

Ad Enst-
chiū epist.
22. 1000. 1.

Aug. li. 26.
c. in prin-
cipio. 6.

Sed contra: Quod non possit impossibile per accidens, videtur per Hieron. Cum cetera possit Deus, nō potest de corrupta facere virginē: sed constat q̄ hoc non dicitur q̄ nō possit reparare claustra, sed quia eā q̄ corrupta est, impossibile est non fuisse corruptam: ergo, &c.

Item per Aug. contra Faultum: Hanc sententiā quam dicimus præteritū fuisse, Deus falsam facere non potest. Et rationē reddit: Si enim hoc faceret, hoc esset facere, ut ea quæ vera sunt, eo ipso quod vera sunt, essent falsa, & ita esset contrarius veritati.

Aug. 3. de
lib. arb. c.
16. in sensu
10. 7.

Item quod non possit impossibile secundū disciplinā scilicet ut duo opposita sint simul in eodē, videtur. Quia sicut se habent opposita ad vñionem, ita vnita ad diuisionem: sed Deus non potest facere quod duo & tria nō sint quinq̄, quia dicit Aug. quod est verum veritate quæ non incipit, nec desinit: ergo pari ratione non potest facere quod opposita sint simul vera.

2. Tim. 2. 8.

Item Deus non potest facere contra veritatē iustitiæ. Fidelis permanet, negare seipsum nō potest: ergo potest facere contra ordinem sapientiæ: sed confundere opposita est facere contra ordinem sapientiæ: ergo, &c.

CONCLUSIO.

Deus potest omne illud quod creato agenti est impossibile propter limitationem virtutis, vel imbecillitatē intelligentiæ: nō autem quod est impossibile propter priuationem omnis existentie, & secundum illustrationem veritatis æternæ.

RESP. AD ARG. Ad prædictorum intelligentiam notandum, quod nos iudicamus aliquid impossibile quatuor causis. Vno modo per limitationem naturalis potentie, ut de trunco fieri vitulum, & virginē parere. mulier enim sine semine non potest concipere naturaliter. Item: Partus, clausa porta propter corpulentiam, nō potest exire, similiter natura statim non potest truncum in vitulum conuertere, cum habeat potentiam limitatam. Secundo modo dicitur impossibile non propter limitationem potentie, sed propter limitationem nostræ intelligentiæ, ut duo corpora esse in eodē loco, vel idem corpus in diuersis, vel maius in minori loco, quia nullo modo possumus capere cū nostra imaginatio semper dicat oppositum. Vnde etiam quando Deus sic facit in sacramento altaris, necesse est ut ratio contra se eleuetur, ut credat. Tertio modo dicitur impossibile propter priuationem omnis existentie secundū omnem comparationem scilicet principij, medij, & vltimi, ut præteritum nō fuisse præteritū. Omnis enim potentia quæ intelligitur aliquid facere, respicit ens vel in ratione principij vel termini, vel vtroque modo. Vnde de ente potest facere nō ens, & de cōuerso, & de vno aliud: sed de nō ente facere nō ens, hoc nullius omnino potentie est. Vnde quāuis Deus de omni ente creato possit facere quod nō sit, siue de oratione, siue de re: tamen de eo quod fuit, & non est, facere quod non fuerit, hoc omnino Deo est impossibile, quia hoc facere est nihil facere. sicut iam melius patebit.

Paulo inf-
rius.

Quarto modo dicitur impossibile, secundū illustrationē veritatis æternæ, & ordinem diuinæ sapientiæ, ut verbi gratia, quod duo opposita insint eidē, & secundū idem, hoc ipsa veritas æterna, eo ipso quod veritas est, iudicat, & illustrat, ut iudicetur impossibile: sicut & hoc, duo, & tria non esse quinque: Quando ergo quæritur, utrū Deo sit possibile omne impossibile, dicendū de impossibili, quod est impossibile propter limitationem potentie, vel propter limitationem intelligentiæ, quod Deo est possibile. Propter hoc quod eius potentia nō est limitata, sed infinita: & ideo supra naturā, & intelligentiā potest, quātrū vtrāq̄ est artata. Illud autē impossibile q̄ est impossibile propter priuationem omnis existentie, & propter illustrationem veritatis æternæ, non potest omnino. Primum quidem non potest, quia illud posse est nihil

A posse. Secundum non potest, quia illud est posse inordinate, & contra ordinem sapientiæ posse. Et quoniam Deus sic est omnipotens, ut nihil possit nisi quod decet suam potentiam, & non deordinat sapientiam: ideo hæc impossibilia non potest: Sed obiiciet aliquis, quod illud est falsum, scilicet, quod impossibile per accidens sit impossibile propter priuationem omnis existentie. Nam propositio de præterito est vera, & veritas illa non fundatur supra nihil, nec super ens increatum, cum incipiat esse vera: ergo supra ens creatum, & illud est præteritum: ergo præteritum dicit aliquo modo ens: sed omne creatum quantumcumque habeat parum de ente, potest illud amittere si Deus velit: ergo Deus potest facere, quod illud quod fuit, non fuerit. Et iterum, cum dico hoc esse præteritum, aut dico aliquid, aut nihil. B Si aliquid: ergo responsio nulla. Si autem nihil: dico quod ita tunc potest dici, quod chimæra sit præterita, & quod non præteritum quod nihil est, sit præteritum, quod manifeste falsum est: non ergo dicit priuationem omnis existentie. Et ita illud non videtur subtrahere quin subiaceat potentie diuinæ: nam futurum non dicit ens, & tamen Deus potest facere quod futurum secundum veritatem nunquam sit futurum. Similiter nō præsens nihil dicit entitatis: & Deus potest facere, quod illud quod nunquam est præsens sit præsens: Nec adhuc videtur euadi posse: quæri enim potest, utrum Deus possit facere de præterito præsens, & constar, quod in altero extremo ponitur ens: si ergo potest facere, quod præteritum sit præsens, & quod est præsens non est præteritum: potest facere de præterito, quod non sit præteritum: Propter hæc & his similia fuit opinio Gilberti

Gilberti
Porretani
opinio fal-
sa.

C Porretani, quod Deus potest super impossibile per accidens: potest n. facere quod præteritum nunquā fuerit. Et illud Beati Hieronymi exponunt, qui sequuntur eum, quod non potest facere de corrupta virginem, id est non ostendit se posse, cum nunquam fecerit. Et similiter illud de Augustino quod Deus sententiam de præterito non potest facere falsam, hoc intelligitur salua re. Sed certe huiusmodi expositiones valde sunt extraneæ. Si enim Hieronymus dicit quod non potest de corrupta facere virginem, id est non ostendit, similiter non potest de trunco vitulum facere, cum non ostendat: nō recte ergo dicit, cum cetera possit Deus, &c. Et iterum: Si sermo Augustini intelligitur, quod non potest facere Deus illam sententiam falsam supposito præterito, similiter nec sententiam de futuro salua futuritione. Et propter hoc cum auctoritates dicant magnorum Do-
D ctorum, quod Deus de eo quod fuit non potest facere, quod non fuerit, & intellectus in nullo dicat contrarium, nec fides ad hoc nos moueat, vel compellat: tanquam rationabilius & securius dicendum est cum sanctis, quod Deus de eo q̄ fuit non potest facere, quod non fuerit. Et huius rationem ad præsens aliam nescio, quam eam quæ prædicta est. Nisi forte dicatur hoc esse propter omnimodam indiuisiōnem, ut sicut opposita manentia opposita, non potest vnire, sic nec idem à se diuidere: & ideo, quod fuit, pro tempore quo fuit omnimode est vnitum, & similiter præsens in tempore, in quo est, siue in instanti. Vnde hoc esset idem à se diuidere, facere scilicet quod præteritū non fuerit præteritum, & hoc repugnat ordini diuinæ sapientiæ, sicut facere, quod sit triangulus, & non sit figura, & hoc claudit in se duo contradictorie opposita. Ratio tamen prædicta satis est cōueniens, si quis recte intelligat. Cum enim dicitur præteritum carere existentia: non dico propter hoc quod cū dicitur aliquid fuisse, dicatur omnino nihil: sed propter hoc quod aliquid est verū fuisse, quod habuit aliquādo esse, etiā si de eius esse nihil omnino remāserit. Vnde si totus Cæsar cesserit in nihil, verū est. Cæsarē fuisse. Et hoc dicit Anselm. quod si omnia creata omnino cedant in nihil, verum est mundū fuisse. Ob aliā etiam rationē dicitur carere existentia, quia nec est præsens, nec ordinatum ad præsens. Vnde veritas propositionis de præterito, non dicit à parte rei nihil omnino,

Opinio
propria.

Ratio Aug.
lib. 26. con-
tra Faustū
6.

Aug. ibid.

Anselm. in
Monol. c. 8.
som. 3.

nec vere ens in actu: sed aliud quod fuit, & non est, & hoc quidem non dicit quid creatum quod sit, sed quod fuit. Si ergo Deus dicatur posse aliquid super hoc, quod non fuerit, hoc est, aut quiescendo, liue nihil operando, aut faciendo aliquid, aut destruendo: si quiescit, & nihil facit, propter hoc nihilominus præterit, nec fuisse desinit: quia cum non sit nec actu, nec potentia, nec indiget cōseruante, nec indiget producēte. Secus est de futuro, quia futurū est ordinatū ad esse, ideo indiget producēte: & ideo si Deus nō velit facere futurū, nō sit: & ita nō erit futurū. Si ergo potest aliquid vt faciat hoc quod fuit nō fuisse, aut hoc erit faciēdo, aut destruēdo. Sed facere, quod non fuisset, est nihil facere: cum non fuisse non dicat ens: ergo Deus faciendo nihil facit, quod est imperfectio, & contradictionis implicatio. Similiter non est aliquid destruere, cum fuisse non dicat aliquid esse: ergo si destruendo hoc facit, destruendo nihil destrueret, quod est simile inconueniens. Non ergo potest nihil agendo, nec faciendo, nec destruendo: ergo de præterito, quod non fuerit præteritum, non potest facere. Patent ergo instantiæ. Nam veritas propositionis de præterito non necessario fundatur supra aliquid creatum quod sit, sed quod fuerit: & ideo manet, omni creato interempto. Patet etiam, quod præteritum non dicit omnino nihil: sed dicit aliquid quod fuit, & non est, nisi forte præteritum dicat successionem temporalem, quam vtique potest Deus destruere, sed largius accipitur hic fuisse. Patet etiam instantia in ipso futuro, quia non est simile. Patet instantia, quod præteritum potest fieri præsens, & esto quod nunc intelligatur hoc, adhuc nihilominus intelligatur fuisse. Patet etiam quod Deus potest destruere omnem propositionem, & omne dictum: sed salua propositione, & eius significatione, non potest ipsam falsificare, quoniam hoc non potest esse, nisi rem signatam mutaret: alioquin faceret orationem eo ipso quo vera est, esse falsam, & hoc esset contra tuam veritatem à qua habet quod sit vera: rem autem mutare nō potest, & ita nec orationem falsificare. Ex his quæ dicta sunt, satis potest præhabita responsio roborari.

1. 2. 3. 4. Ad illud ergo quod obiicitur, quod potest omne dicibile, & cogitabile. Dicendum quod hoc intelligitur de his solum, quæ dicuntur, & cogitantur secundum rationem recte intelligentem, & recte pronuntiantem: nihil enim rationabile potest dici, vel cogitari, q̄ Deus facere non possit, & etiam plus potest.

5. Ad illud quod obiicitur, quod potentius est illud, cui omnia sunt possibilia, dicendum, quod verum est de his, quæ posse est potentia nobilis: nam si posset aliquid quod non sit de nobilitate potentia, quanto magis illud posset, tātō magis aduersitas, & peruersitas possent in illum, secundū Anselmū, & ita tanto minus esset potens.

Anselm. de
casu Diaboli.
li. 6. 12. 10. 3.

6. Ad illud quod obiicitur, aut propter priuationem, &c. Dicendum, quod propter priuationem omnis existentia in vtroque extremo, & propter priuationem distinctionis. & propter positionem ex parte Dei: quia potentia Dei respicit aliquid vt obiectum effectum, & sapientia respicit ordinatum.

7. Ad illud quod obiicitur, quod possit impossibile secundum naturam: dicendum quod illud verum est.

8. Ad illud quod obiicitur, quod possit impossibile per accidens, quia nullam dicit resistantiam. Dicendum, quod hoc non est propter resistantiam. sed propter omnimodam non existentiam, ob quam posse illud, est nihil posse.

9. Ad illud quod obiicitur de Creatore, & creatura, dicendum quod omnis creatura est materialis, & passibilis respectu Dei, & Deus est in omni creatura: per intimitatem substantia, non sic oppositum respectu oppositi. Quod ergo obiicitur, quod magis distant, verum est quantum ad naturarum differentiam, quia in nullo communicant: sed non est verum secundum simultatis existentiam.

10. Ad illud quod obiicitur de hoc, quod est virginē

A parere, dicendum quod est impossibile secundum naturam, sed non impossibile secundum oppositionem, quia esse virginem, & parere non sunt opposita: similiter nec esse virginē, est concipere, sed iudicantur opposita propter naturæ impotentiam: sed ista sunt opposita, coisse, & esse virginem: & ideo patet illud.

11. Ad illud quod obiicitur, quod non potest impossibile secundum naturam propter ordinem. Dicendum, quod est ordo naturæ specialis, & generalis. Ordo naturæ specialis tranmutari potest, & destrui, quia potest in alteram differentiam res relabi, sed generalis non: sic dicendum, quod specialis ordo attenditur secundum potentiam naturæ specialis: generalis ordo secundum potentiam obedientia quæ est generalis: contra hunc ordinem non facit, sed contra alium.

B 12. Ad illud quod obiicitur, quod non potest contra dictamen rationis recte, dicendum quod verum est pro ut recta ratio dicit malum non esse faciendum, quia hoc facere est deficere: non sic autem deficit faciendum contra naturam, & ratio huius patebit infra.

QVÆSTIO III.

An possibile dicatur aliquid simpliciter secundum causas superiores, & inferiores.

Alex. Alenf. 1. p. q. 21. Membro 1. art. 4.

S. Thom. 1. p. q. 25. art. 3. ad 4.

Et de Pot. q. 1. art. 4.

Scotus 1. Sent. dist. 43. q. 1.

Ægid. Rom. 1. Sent. dist. 42. q. 3.

Richardus 1. Sent. dist. 42. q. 7. p. 2.

Stephanus Bruleff. 1. Sent. dist. 42. q. 4.

Petrus de Tarantasia. 1. Sent. dist. 42. q. 9.

Vtrum possibile simpliciter dicatur aliquid secundum causas superiores, vel secundum causas inferiores, hoc est secundum potentiam diuinam, an secundū potētiā creatam. Et quod secundū potētiā creatam, siue secundum causas inferiores, videtur. Ab eodem enim est in rebus possibilitas, à quā est necessitas, & contingentia simpliciter: sed necessitas, & contingentia attenditur in rebus non tantum secundum causas superiores, immo secundum inferiores causas proximas, & particulares: ergo & possibilitas.

Fundamenta.

ITEM sicut aliquid dicitur potēs à potestate actiua; ita dicitur possibile à possibilitate passiua: sed possibilitas passiua primo est in eo in quo primo est potentia ad fieri, & per illud in aliis: ergo cum hoc sit principium materiale, & causa creata, possibile simpliciter dicitur secundum causas inferiores.

ITEM si possibile simpliciter diceretur secundum causas superiores tantum, tunc cum apud Deum non sit impossibile omne verbum, nihil iudicandum esset impossibile.

Luc. 1. 6.

ITEM si secundum causas superiores, tunc cum Deus posset facere quod cæcus recipiat visum, possibile est cæcum videre: sed si possibile esset videre, posset videre, & si posset, haberet potentiam visuam: sed hoc falsum, ergo, &c.

1. CONTRA: Possibile dicitur denominatiue à potentia: ergo possibile simpliciter à potentia simpliciter: sed potentia quæ summe & simpliciter est potentia, est potentia diuina, quæ dicitur secundum causas superiores: ergo possibile simpliciter dicitur secundum causas superiores.

Ad oppositū.

2. ITEM mundum creari & animam Antichristi creari, vel esse, consimilia simpliciter dicuntur possibilia, & sunt possibilia solum secundum causas superiores: ergo, &c.

3. ITEM hoc ostenditur, quia si aliquid sequitur ad aliquid, si antecedens est possibile, vel consequens: sed demonstrato aliquo impossibili, vt truncum fieri ex vitulo, sequitur, Deum facere hoc, est possibile: ergo hoc scilicet truncum fieri ex vitulo, est possibile simpliciter.

4. ITEM

Arist. 2. Po-
riberm.

4. I T E M omne verum est possibile, & omne quod erit verum, potest esse verum: & omne quod potest esse verum, est simpliciter possibile, & est possibile solum secundum causas superiores: ergo, &c.

C O N C L U S I O.

Possibile dicitur aliquid simpliciter secundum causas superiores, & secundum causas inferiores ratione potentia actiua.

Arist. su-
per. 1. Cor. 1.
1. m. 5.

R E S P. ad arg. Dicendum quod circa hoc fuerunt diuersi modi dicendi. Quidam enim dixerunt quod secundum utrasque causas accipitur possibile simpliciter: & fundant se super illud: Stultam Deus fecit sapientiam, &c. Glossa: Stultam fecit, possibile declarando, quod ipse impossibile iudicat, quia possibile dicit commune ad utramque. Tamen illud non videtur conuenienter posse stare, cum non admittatur, quod possibile simpliciter sit de cæco fieri videntem, immo dicitur impossibile: ergo simul esset possibile, & impossibile, quod est inconueniens: nam illud est possibile secundum causas superiores. Et fundamentum positionis eorum non est conueniens, quia Glossa non dicit tantum declarando, sed etiam dicit faciendū possibile: ergo non erat possibile prius. Et iterum dicit, quod stulta facta est, quia sapientia mundana iudicabat ita impossibile, quod nulli esset possibile, & Deus declarauit sibi possibile esse. Et ideo est alia positio, quod secundum quod descendunt scientiæ, ita & nomina scientiarum, ita in naturali philosophia iudicandum est possibile simpliciter secundum causas inferiores: sed in Theologia secundum causas superiores. Tamen adhuc non videtur conueniens esse positio: quia ipse Anselmus, & Philosophus, & Theologus dicit, quod impossibile est de trunco fieri vitulum, & quod impossibilia simpliciter Deo suntabilia. Propter hoc aliter dicendum, quod possibile simpliciter potest dicere ordinem potentia ad illud respectu cuius est, ordinem, inquam, qui est, vel qui futurus est, siue potentiam præsentem, siue futuram. Si dicat futuram, tunc est sensus: Possibile est hominem currere, hoc est habere potentiam ad currendum. Si dicat potentiam præsentem, tunc est sensus: possibile est hominem currere: id est homo habet potentiam ad currendum, & iste duplex modus dicendi accipitur à Philosopho, qui istam exponit dupliciter. Omne B. contingit esse A. id est omne quod est B. vel omne quod potest esse B. contingit esse A. Prout autem dicit potentiam de futuro, sic potest accipi possibile secundum quascumque causas, siue superiores, siue inferiores. Hoc patet, quia nihil aliud dicitur tunc, nisi quod habebit potentiam ad hoc: & à quocumque habeat, siue à Deo, siue ab Angelo, siue à se, verum est quod potentiam habebit: & sic dicendum quod possibile est istum videre, demonstrato cæco illuminando, & virginem parere, & cetera talia, quia talibus dari potest potentia. Alio autem modo hoc quod est possibile, dicitur actualiter potentiam in re, quo signatur ad alterum ordinari, & sic generalis est regula, quod si in re cui attribuitur possibile simpliciter est potentia simpliciter, tunc dicitur possibile simpliciter. Si autem potentia secundum quid tunc dicitur possibile secundum quid: cum enim possibile dicat ordinem potentia ad actum, siue alicuius siue ad aliquid mediante potentia: ideo ratio dicendi in ipso possibili sumitur à potentia. Nomen autem potentia dicitur dupliciter, scilicet de potentia actiua, quæ est principium transmutandi aliud, & de potentia passiva, quæ est principium transmutandi ab alio. Et potentia actiua reperitur & in Deo, & in creatura, & utraque potentia est simpliciter completa respectu sui actus. Nam potentia actiua eo ipso quod actiua, dicit ordinationem completam ad actum quantum est de se. Potentia vero passiva reperitur solum in creatura. Et hæc quidem potentia potest esse actui propinqua, & ab actu remota: ideo potentia passiva dicitur simpliciter, & secundum quid. Quæ-

Arist. lib.
1. cor. Deus
homo c. 17.Arist. 1. po-
ter. c. 6 &
2. de gene-
ratione, cō-
tex. 68.

dam enim potentia est nata reduci ad actum à potentia inferiore cooperante superiori, ut quando est cum dispositione propinqua, ut potentia, quæ est in ligno ad combustionem. Quædam est nata reduci à potentia superiori aliquo modo consonante inferiori, ut puta impij ad iustificationem, & utraque dicitur propinqua. Quædam ita distat ab actu, quod si reducat, non potest nisi à potentia superiori reduci, & hoc quidem omnino deficiente, vel nullo modo consonante potentia actiua inferiori, ut pote, quod ex mortuo possit fieri viuus, & ex trunco fieri vitulus, & hæc est potentia secundum quid. Ex quo patet, quod potentia passiva simpliciter attenditur secundum inferiores, & superiores. Et quia secundum quid dicitur per defectum respectu simpliciter: potentia passiva, quæ potest reduci ad actum solum secundum causas superiores, deficiente potentia actiua creata disponente, vel consonante, dicitur potentia secundum quid, & dicitur potentia obedientia, & de hac dicit Augustinus, quod in costa erat, non unde fieret mulier, sed unde fieri posset, scilicet potentia obedientia. Possibile ergo quod dicitur à potentia non dicitur uniformiter, nec dicitur omnino æquiuoce, sed analogice, sicut sanum: & ideo eius acceptio determinatur per adiunctum. Potest ergo hoc quod est possibile dicere ordinem substantia ad agere, & tunc dicit potentiam actiuam, & hoc determinatur per adiunctum. Nam si dicat ordinem substantia increata ad actum, dicit potentiam secundum causas superiores: ut si dicatur Deum creare mundum est possibile, vel illuminare cæcum. Si autem dicat ordinem substantia creata ad actum, dicit potentiam actiuam creatam, ut si dicatur: possibile est antichristum currere, vel cæcum possibile est videre, signatur potentia in cæco: ideo falsa est simpliciter. Potest iterum dicere ordinem alicuius ad fieri: & hoc potest esse dupliciter. Aut in comparatione ad aliquid ex quo, aut sine comparatione. Si in comparatione ad aliquid ex quo, ut cum dicitur, possibile est ex aëre fieri ignem, tunc importat potentiam passiuam secundum rem, & si sit potentia passiva simpliciter, ut illa quæ est secundum causas superiores, & inferiores, dicitur possibile simpliciter. Si autem sit potentia passiva reducibilis solum secundum causas superiores, est solum possibile secundum quid, ut si dicatur: ex trunco possibile est fieri vitulum: & ideo negandum est simpliciter, nisi addatur determinatio contrahens: ut si dicatur possibile potentia obedientia, vel possibile Deo. Si autem dicit ordinem alicuius ad fieri sine comparatione ad principium ex quo, tunc importat potentiam passiuam secundum modum, sed actiuam secundum rem, ut si dicatur possibile est, animam antichristi creari, vel possibile est vitulum fieri, hoc est dicere, aliquis potest facere: & ideo sine determinatione est possibile, siue secundum causas superiores, siue secundum causas inferiores, quia ratione potentia actiua utrobique saluatur simpliciter. Potest etiam tertio hoc quod est possibile dicere ordinem, vel comparationem entis ad esse, ut cum dicitur, hoc potest esse, quocumque demonstrato: & sic nec potentiam actiuam, nec potentiam passiuam dicit determinate, nec secundum causas superiores, nec secundum causas inferiores: unde simpliciter dicitur, quocumque horum modorum sit possibile. Solum ergo in vno casu possibile secundum quid dicitur secundum causas superiores: videlicet cum dicit potentiam passiuam secundum modum, & rem, ut cum dicitur: ex cæco potest fieri videns, & ex trunco vitulus, & ex alio possibile est fieri hominem. Ex his patent omnia obiecta ad utramque partem: nam obiecta ad primam partem procedunt de possibili, secundum quod dicit potentiam passiuam.

1. A D illud quod obiicitur ad oppositum quod possibile dicitur denominatiue à potentia. Dicendum quod possibile potest dici denominatiue à potentia passiva, vel actiua: & quia in Deo proprie est potentia actiua; ideo dicitur possibile simpliciter secundum quod ab illa denominatur, non secundum quod à passiva.

2. A D illud

2. Ad illud quod obiicitur de hoc, quod est mundum creati, dicendum quod quamvis dicat potentiam per modum passionis: tamen secundum rem non dicit nisi potentiam actiuam, quia ante mundi creationem nihil est nisi potentia actiua: & ideo dicitur simpliciter secundum causas superiores.

3. Ad illud quod obiicitur, quod sequitur, si Deus potest facere, quod r. s. potest fieri, dicendum quod verum est secundum quod potest dicit eandem potentiam per modum passionis, & hoc cum simpliciter dicitur. Si autem vere dicat potentiam passiuam, non sequitur, quia variatur hoc quod est possibile: ut patet, si dicatur: Deus potest facere de cæco videntem: ergo cæcus potest esse videns, vel ex cæco potest fieri videns: prius enim dicebat potentiam actiuam simpliciter, & postmodum passiuam: & ideo non sequitur: ergo quando dicitur, si antecedens est possibile, & consequens: intelligendum est eadem possibilitate.

4. Ad illud ergo quod ultimo obiicitur, quod omne verum potest esse verum antequam sit, dicendum quod verum est, & demonstrato cæco hoc dictum: iste potest videre, esse verum est possibile, quia possibile accipitur ibi respectu veri, & dictum est quod possibile quando dicit ordinem ad esse, vel ad esse verum, dicit potentiam communiter ad actiuam, & passiuam superiorem, & inferiorem: sed tunc non sequitur de re, ergo iste potest videre, quia dicit potentiam passiuam creatam, scilicet potentiam visiuam. Nec sequitur: ergo de cæco poterit fieri videns, secundum quod potest, ponit potentiam actu in isto, quia dicit potentiam passiuam dispositam, immo est ibi fallacia consequentis: quia cum possibile accipitur in sua generalitate, habet tres causas veritatis, aut in cæco est potestas ad videndum, aut potestas ad recipiendum, aut quia in alio est potestas ad dandum: ratione huius dictum est possibile, & fiet aliquando verum, sicut patet, & ita patent cætera obiecta.

DISTINCT. XLIII.

OPINIO QVORVNDAM DICENTIVM, DEVM NIL POSSE NISI QVOD

FACIT, CVM PLVRIBVS
rationibus, quas omnes
soluit.



QUIDA M tamen de suo sensu gloriantes, Dei potentiam sub mensura coartare conati sunt. Cum enim dicunt, hucusque potest Deus, & non amplius: quid hoc est aliud quam eius potentiam, quæ infinita est, concludere & restringere ad mensuram? Aiunt enim: Non potest Deus aliud facere quam facit, nec melius facere id quod facit, nec aliquid pratermittere de his quæ facit. Istamque primam suam opinionem verisimilibus argumentis, causisque commentitiis, nec non & sacrarum auctoritatum testimonio munire conantur, dicentes: Non potest Deus facere nisi quod bonum & iustum est fieri. Non est autem iustum & bonum fieri ab eo, nisi quod facit. Si enim aliud iustum est & bonum eum facere quam facit: non ergo facit omne quod iustum est & bonum eum facere. Sed quis audeat hoc dicere?

Secunda ratio.

Addunt etiam, non potest facere, nisi quod iustitia eius exigit: sed non exigit eius iustitia, ut faciat nisi quod facit: non ergo potest facere, nisi quod facit. Eademque iustitia exigit, ut id non faciat quod non facit, non autem

A potest facere contra iustitiam suam, non ergo potest aliquid eorum facere quæ dimittit.

Responsio ad prius dictum.

His autem respondemus, duplicem verborum intelligentiam aperientes, & ab eis inuoluta euoluentes sic: Non potest Deus facere nisi quod bonum est & iustum, id est, non potest facere nisi illud quod si faceret bonum & iustum esset, verum est: sed multa potest facere quæ non bona sunt, nec iusta, quia nec sunt, nec erunt, nec bene fiunt, nec fient, quia numquam fient. Item quod secundo oppositum fuit: Non potest facere nisi quod iustitia sua exigit: & non potest id facere quod iustitia sua exigit, ut non fiat. Dicimus: quia exactionis verbum de Deo congrue non dicitur, nec proprie accipitur. Et in illis locutionibus duplex est sensus. Si enim intelligas, non potest facere nisi quod sua iustitia exigit, id est, nisi quod voluntas sua iusta vult, falsum dicis. Iustitia enim ipsius Dei aquisissima voluntas accipitur, qualiter accipit Augustinus illa verba Domini, in Genesi, loquentis ad Lot: Non possum quidquam facere donec illo introcas, exponens: Non posse, inquit, se dixit, quod sine dubio poterat per potentiam: sed non poterat per iustitiam: Quod poterat quidem, sed non volebat, & illa voluntas iusta erat. Si vero per hæc verba intelligis eum posse facere, nisi illud quod si fieret, iustitia eius conueniret, verum dicis. Similiter distingue illud: Non potest facere quod sua iustitia exigit ut non faciat, id est, non potest facere id quod ipse qui est summa iustitia, non vult facere, falsum est. Si autem his verbis intelligas eum non posse facere id quod iustitia eius conuenire non potest, verum dicis.

Tertia illorum ratio.

Addunt quoque & alia dicentes: Non potest Deus facere nisi quod debet, non autem debet facere nisi quod facit. Si enim debet alia facere, non ergo facit omne quod debet: si vero facit omne quod debet, nec potest facere nisi quod debet: non ergo potest facere nisi quod facit. Item: Aut debet dimittere quod dimittit ne faciat, aut non debet. Si non debet, non recte dimittit. Si vero debet dimittere: ergo non debet facere. Si autem non debet, nec decet, non oportet eum facere, & si non decet, nec oportet eum facere: ergo non potest facere: non ergo potest facere, nisi quod facit. Nec potest illud dimittere quod facit quin faciat, quia debet illud facere: & quod debet facere, non potest illud dimittere. Sed ut mihi videtur, hoc verbum, debet, venenum habet. Multiplicem enim & inuolutam continet intelligentiam: nec Deo proprie competit, qui non est debitor nobis, nisi forte ex promisso, nos vero ei debitores sumus ex commissio. Vt autem venenum euacuetur, distingue verbi sensus: Non potest Deus facere nisi quod debet, id est, nisi quod vult, falsum est: Sic enim potest ipse dici debere aliquid, quia vult illud. Si autem dicatur: Non potest nisi quod debet, id est, non potest nisi illud, quod si faceret, ei bene conueniret, verum est. Addunt quoque illi dicentes, nihil facit aut dimittit, nisi optima & rationabili causa, licet nobis occulta sit: secundum quam oportet eum facere ac dimittere, quæ facit vel dimittit. Ratio enim penes eum est: quia illa facit, & illa dimittit, quæ ratio æterna est, & semper manens, præter quam non potest aliquid facere vel dimittere. Illa ergo manente, non potest quod facit dimittere, nec quod dimittit facere, & ita non potest facere, nisi quod facit. Et ad hoc respondemus, ambiguitate locutionis determinantes. Cum enim dicitur: Ratio vel causa optima

Gen. 19. 1
In lib. com-
tra secun-
dam Gen-
densij epist.
ca. 23. 10. 7.

In Ench. c.
95. to. 3.
Mast. II c

Cap. 7. so. 7.
Ioan. II. f

Diuisio.

sa optima penes Deum est, qua facit cuncta que facit, & dimittit ea que dimittit, verum quidem est: quia in eo voluntas est aequissima & rectissima, qua facit, & dimittit que vult, contra quam facere non potest, nec prater eam facere potest. Nec utique contra eam faceret, nec prater eam, si ea que facit dimitteret, vel qua dimittit faceret: sed eadem manente ratione, & causa, alia potuit facere, et ista dimittere. Licet ergo ratio sit penes eum, qua alia facit, & alia dimittit, potest tamen secundum eandem rationem & dimittere qua facit, & facere qua dimittit. Ipsi etiam addunt. Ratio est, eum facere qua facit, & non alia, & non potest facere, nisi quod ratio est, eum facere, & ita non potest facere nisi quod facit. Item: Ratio est eum dimittere qua dimittit, & non potest non dimittere quod ratio est, eum dimittere, & ita non potest non dimittere quod dimittit. Et ad hoc dicimus, locutiones ambiguas esse, & ideo determinandas. Si enim cum dicitur, non potest facere nisi quod ratio est eum facere, intelligas eum non posse facere nisi ea que rationabilia sunt, & ea que si fierent, rationabilia essent, verus est sensus. Si autem intelligas eum non posse facere alia rationabilia & bona, nisi ea que vult & facit, falsus est intellectus. Item aliud adiungunt dicentes: Si potest Deus aliud facere quam facit, potest ergo facere quod non prasciuit, & si potest facere quod non prasciuit, potest sine prascientia operari: quia omne quod facturum se prasciuit, facit: nec facit aliquid quod non prasciuit. Quod si prater prascientiam eius aliquid fieri impossibile est: omne ergo quod prascitum est, fieri necesse est: ergo aliud fieri quam sit, nulla ratione possibile est: ergo non potest a Deo fieri nisi quod sit. Hac autem questio de prascientia facile determinari potest per ea que superius dicta sunt, cum de prascientia ageretur.

Auctoritatibus vtuntur in assertionem suæ opinionis.

HIS autem illi scrutatores, qui defecerunt scrutantes scrutinia, Sanctorum annectunt testimonia: dicit enim August. in libr. de Symbolo: Hoc solum non potest Deus quod non vult. Per quod videtur non posse facere aliquid nisi quod vult: sed non vult nisi quod facit, & ita videtur non posse nisi quod facit. Illud autem ita intelligendum est: Id solum non potest Deus quod non vult, scilicet se posse. Idem in 7. lib. confes. ad Deum loquens ait: Non cogaris inuitus ad aliquid, quia voluntas tua non est maior quam potentia: esset autem maior, si te ipso tu ipse maior esses. Ex hoc videtur quod Deus non possit plura quam vult, sicut non vult plura quam potest. Sicut enim voluntas non est maior potentia, ita nec potentia maior est voluntate. Ideoque sicut plura non vult quam potest, ita eum non plura posse quam velle dicunt. Sed ad hoc dicimus, quia nec voluntas potentia, nec potentia voluntate maior est, quia una & eadem res est potentia & voluntas, scilicet ipse Deus, qui esset maior seipso, si voluntas maior esset potentia, vel potentia voluntate. Nec hac auctoritate negatur, Deum plura posse quam velle, quia plura sunt subiecta eius potentia quam voluntati. Fateamur itaque Deum plura posse facere que non vult, & posse dimittere qua facit. Quod ut certius firmissq; teneatur, scripturae testimoniis asseramus, Deum plura posse facere quam facit. Veritas ipsa secundum Mattheum ait: An putas quia non possum rogare Patrem meum, & exhibebit mihi modo plus quam duodecim legiones Angelorum? Ex quibus verbis patenter innuitur, quia & Filius poterat rogare quod non rogabat, & pater exhibere, quod non exhibebat. Vterque ergo poterat facere quod non faciebat. Augustinus etiam in En-

chiridio ait: Omnipotentis voluntas multa potest facere qua non vult, nec facit: potuit enim facere ut duodecim legiones Angelorum pugnarent contra illos qui Christum ceperunt. Item in eodem: Cur apud quosdam non facta sunt virtutes, qua si facta fuissent, egissent illi homines penitentiam: & facta sunt apud eos qui non erant credituri? Tunc non latebit quod nunc latet. Nec utique iniuste Deus noluit saluos fieri, cum possent salui esse si vellet. Tunc in clarissima sapientia luce videbitur, quod nunc piorum fides habet, antequam manifesta cognitione videatur, quam certa & inmutabilis & efficacissima sit voluntas Dei: qua multa possit & non velit, nihil autem quod non possit, velit. Idem in libro de natura & gratia: Dominus Lazarum suscitauit in corpore. Nam quid dicendum est, non potuit Iudam suscitare in mente? Potuit quidem, sed noluit. His auctoritatibus, aliisque multis aperte docetur, qd Deus multa possit facere qua non vult: quod etiam ratione probari potest. Non enim vult Deus omnes homines iustificare, & tamen quis dubitat eum posse? Potest ergo Deus aliud facere quam facit, & tamen si aliud faceret, alius ipse non esset. Et potest aliud velle quam vult, & tamen eius voluntas nec noua, nec mutabilis aliquo modo potest esse. Quod etsi possit velle quod numquam voluit, non tamen nouiter, nec noua voluntate, sed sempiterna tantum voluntate velle potest. Potest enim velle quod ab aeterno potest voluisse: Habet enim potentiam volendi & nunc & ab aeterno, quod tamen nec modo vult, nec ab aeterno voluit.

DISTINCT. XLIII.

De potentia Dei in comparatione ad quantitatem ostendens eius immenlitate, siue quantum Deus possit.

Quidam tamen de sensu suo gloriantes.
Expositio textus.

SVpra ostendit Magister, quid Deus possit, in hac parte intendit ostendere quantum possit. Et quoniam quidam Dei potentiam limitabant, ideo intendit Magister ostendere huius opinionis falsitatem, & huius positionis falsitate ostensa, reperitur Dei potentia esse infinita. Et hac pars habet tres partes, in prima proponit siue narrat eorum erroneam opinionem. In secunda dissoluit multiplicem rationem eorum, ibi: Istamque prauam suam opinionem verisimilibus argumentis. In tertia concludit, & confirmat veritatis assertionem, quæ est in huius opinionis contrariam partem, ibi: Fateamur ergo Deum, &c. Prima & vltima parte remanentibus indiuisis, media pars diuiditur secundum numerum rationum quas adducit. Prima sumpta est a ratione boni, & iusti. Et hanc format duobus modis, & ponitur, ibi: Non potest Deus facere, nisi quod bonum & iustum est fieri. Secunda sumpta est a ratione debiti, & hac ponit, ibi: Addunt quoque & alia dicentes non potest, &c. Tertia sumpta est a ratione faciendi, & dimittendi, & hanc format duobus modis, ibi: Addunt quoque illi dicentes, &c. Quarta sumpta est ex ratione prascientie Dei, & hac ponitur, ibi: Item aliud adiungunt dicentes, &c. Quinta sumpta est ab auctoritate Aug. & hoc duplici auctoritate, & ponitur, ibi: Huius autem illi scrutatores. Et in qualibet harum partium Magister ponit primo obiectiones, secundo vero ponit solutionem, & partes manifestæ sunt.

Huius autem respondemus, duplicem verborum intelligentiam aperientes.
Dub. I.

Queritur unde veniat duplicitas huiusmodi, non potest Deus nisi quod iustum est. Si dicas quod hoc verbum,

est, po-

Sup. d. 38.
& 39.

Psal. 63. b
Lib. I. c. 1.
no. 9.

Cap. 4. so. 1.

Mat. 26. f

est, potest significare iustitiam quæ est, vel iustitiam quæ esset, si De^o faceret: hoc enim nihil videtur: quia si dicatur, iustum est hoc fieri, intelligitur iustum esse, ut nunc similiter in proposito.

R e s p. Dicendum quod distinctio Magistri est rationabilis. Ratio autem huius multipliciter est, quod hoc verbum, *est*, potest dicere præsens ut nunc, vel simpliciter, & ita iustitiam quæ nunc est, vel quæ esset si res fierent. Potest autem multipliciter assignari à tribus. Prima à ratione attributi, sicut enim hoc verbum, *currit*, per se dictum dicit præsens ut nunc: sed quando additur determinatio, potest stare pro præsentis simpliciter, ut puta si dicatur de equo iacente in stabulo: iste equus bene currit, ita potest esse de hoc verbo, *est*, ratione eius quoque additur bonum, & iustum: Aliter potest assignari à parte ampliationis huius verbi, *potest*, quia si ampliatio huius verbi, *potest*, totum dictum respiciat, ita quod implicatio cadat sub ampliatione, ita dicit præsens simpliciter. Si autem cadat extra, sic dicit præsens ut nunc, & secundum hoc accipitur duplex sensus, quem Magister assignat. Tertio modo potest assignari ratio à parte eius quod est, nisi quia potest teneri exceptiue, vel consecutiue. Si exceptiue, tunc stat actus, siue exceptum pro præsentis ut nunc, & est sensus: Non potest Deus nisi quod iustum est, id est, nihil potest Deus præter hoc quod est iustum. Vel potest teneri consecutiue. Et nunc necesse est quod hoc verbum, *est*, teneatur simpliciter, quia regula est quod termini in conditione ampliantur ad omne tempus, & tunc est sensus: Non potest Deus nisi quod iustum est, id est nisi sit iustum, & sic ampliatur ibi ad omne tempus. Ex quacunque tamen causa accipitur locutio, vere multiplex est.

Poterat per potentiam: sed non poterat per iustitiam.

Dub. II.

CONTRA: Quia iustitia stat ibi pro voluntate, videtur male dicere, quia nihil potest Deus facere quod non possit velle: ergo si iustitia Dei est voluntas, omne quod potest simpliciter, potest de iustitia, & econverso. Item: Possibili posito in esse, non sequitur impossibile: si ergo Deus poterat per potentiam Loth subvertere, siue comburere, ponatur: tunc quæro, aut hoc fuit iustum, aut non. Si sic: ergo poterat per iustitiam. Si non: ergo facit contra iustitiam, ergo inique: quod est omnino impossibile.

R e s p. Dicendum quod iustitia non stat ibi pro voluntate diuina simpliciter considerata, sicut enim poterat velle, quia & poterat facere: sed stat ibi pro voluntate penitente merita, & volente retribuere secundum merita. Et quoniam Loth non meruerat submergi cum illis peccatoribus, non poterat iuste submergi quantum fuit de exigentia meritorum: nihilominus tamen poterat Deus hoc facere, quia ex hoc laudem suam, & Loth utilitatem poterat elicere, cum non sit malum secundum se, iure iustum affligere: potest enim hoc Deus facere ad bonum suum. Et per hoc patet responsio ad illud quod obiicit. Posito enim quod hoc factum fuerit, ponitur etiam fuisse iustum quantum ad decentiam, licet non quantum ad merita. Contra enim exigentiam meritorum Deus potest facere, & facit. Vnde Glossa: Quod facere cogitabam propter iustitiam, non feci propter clementiam.

Hoc verbum, debet, venenum habet, &c.

Dub. III.

Innuat Magister quod hoc verbum, *debet*, proprie non conuenit Deo nisi forte dicatur ex promisso. Contra: Videtur male dicere, quia sicut qui debet ex commissio, obligatur ne incurrat ingratitude: ita qui debet ex promisso, si non reddit, incurrit falsitatem: ergo Deus vere est obligatus: ergo vere & proprie est debitor.

R e s p. Dicendum quod debitum ex commissio est debitum proprie, quia præit voluntatem, velit enim nolit, obligat^o est qui accepit beneficium, si necessarius eger beneficium: debitum autem ex promisso, quod est merz li-

Aberalitaris, est debitum quod sequitur largitate promittentis, & ideo secundum rem plus habet de ratione gratiæ quam debiti: & hoc modo Deus est debitor: primo modo non: ex sua enim liberalitate promittit ut alliciat, sed nihil recipit. Vnde obsequia nostra non acceptat propter indigentiam: ideo ratio debiti secundum quod obligationem dicit, proprie in Deo non cadit: si autem abutimur nomine, ut debitum sonet incondecentiam bonitatis Dei, sic recipitur in Deo.

Potest tamen secundum eandem rationem.

Dub. IV.

Innuat Magister quod eadem ratione manente, Deus potuit alia facere, & ista dimittere. Contra: Videtur hoc esse falsum, quia Augustinus dicit, alia ratione conditus est homo, alia ratione conditus est equus: ergo alia, & alia ratione fiunt opposita: ergo eadem ratione manente, non potuit facere opposita.

R e s p. Dicendum quod Magister vocat hic rationem, voluntatem Dei æquissimam: & sicut dictum est supra, quod quia Deus nouit omnia, ideo potest scire opposita sine inuolutione, scientiæ, ita etiam & de voluntate. Vnde non intelligitur voluntas mutari, quando Deus potest velle quod non vult: sed aliquod volitum ad ipsam comparari, ipsa vna & eadem & immutabili remanente: sed alio modo comparata, siue ad aliud & aliud: & ita intelligit Magister.

Hac autem questio de præscientia facile determinari potest per ea quæ superius dicta sunt.

Dub. V.

Quæritur per quid determinatur superius dictum. Videtur enim argumentatio necessaria: si ergo Deus nihil potest operari nisi illud præsciat, & non præscit nisi quæ facit: ergo, &c. dicendum est ad hoc, quod Deus potest præscire plura quæ præscit, sicut potest plura operari. Vnde huiusmodi solutio est, quod præscientia Dei potest esse alicuius, cuius non est: & ita Deus potest facere illud: & alicuius non esse cuius est, & ita Deus potest illud non facere, & numquam ponitur aliquid facere sine præscientia. Ex hoc manifestum est quod non est necessarium Deum præscire quod præscit: si enim hoc esset, tunc impossibile esset Deum aliud facere, quam illud quod facit: & hic est error manifestus.

An putas, quia non possum rogare Patrem, &c.

Dub. VI.

Videtur illud non bene dictum, quia aut Pater volebat dare, aut non. Si volebat, & Christus non volebat: ergo in voluntate discordabant. Si autem nolebat, & Christus poterat petere: ergo poterat à voluntate Patris discordare: ergo peccare: quod est contra veritatem aperte.

R e s p. Dicendum quod Pater nolebat dare, & Christus nolebat petere: sed pater poterat velle, & Christus si militer petere, & ita non discordare: tunc autem discordantia esset, si Christus posset petere, & Pater non posset velle: quo modo autem Deus possit aliquid velle quod non velit, supra habitum est.

Numquid dicendum est, non potuit Iudam suscitare in mente.

Dub. VII.

Ex hoc videtur quod Deus possit saluare Iudam: ergo pari ratione damnare Petrum. Contra: Iustus est, & negare seipsum non potest: ergo nec facere contra iustitiam. Si tu dicas, quod hoc non potest. Contra: Posset Deus destruere omnia quæ facit, quod maius est: ergo multo fortius hoc potest.

R e s p. Aliqui distinguunt hic potentiam Dei dupliciter, dicentes Deum posse aut potentia absoluta, & sic

Glossa in
20. ca. Hierem.

Epist. 115.
10. 2. ad
Nebriid.

Dist. 38. m.
116. 2.

Dist. 40. m.
116. 1. 4. 3.

Opin.

potest

potest ludam saluare, & Petrum damnare: aut de potestate ordinata, & sic non potest. Sed hæc distinctio non videtur esse conueniens, cum nihil possit Deus, quod non possit ordinare. Posse enim inordinate facere, est non posse, sicut posse peccare, & posse mentiri. Vnde nec potentia absoluta, nec ordinata potest mentiri. Aliter dicunt alij, quod potest saluare ludam, sed non damnare Petrum, quia misericordia eius super omnia opera eius, & misericordia super exaltat iudicium, & saluare ludam esset superabundantis misericordiae: sed damnare Petrum esset crudelitatis maximæ: sed tamen cum Deus summe iustus sit, summe misericors, sicut non potest facere contra misericordiam, sic nec contra iustitiam. Ideo aliter dicunt alij, quod Deus neutrum potest, & hoc non derogat eius potentiae, quia utraque essent iniustitia, & inordinatio, reuocare quem finaliter damnauit, & qui finaliter damnari meruit. Nec est simile de Traiano, quia Deus sic disposuerat ad honorem Sanctorum, & suum aliqua specialia facere, & ideo mors illa Traiani, & damnatio licet secundum causas inferiores finalis videretur, tamen secundum diuinam dispositionem, & consilium aliter erat. Sed tamen quis hoc audeat dicere quin Deus de Iuda hac dispositione potuerit quod disposuit de Traiano? & quin generaliter de omnibus possit facere quod probatur fecisse vni? Et iterum Augustinus dicit quod Deus ipsi diabolo bonam voluntatem posset dare. Propter hoc dicendum quod quando quaeritur, utrum Deus possit saluare ludam, & damnare Petrum, dicendum quod aut loqueris saluis meritis, aut non saluis. Si saluis meritis; sic dico quod non possit: hoc enim idem est dicere, & quaerere, ac si quaeretur, utrum posset iudicare iniuste: quod quidem absque dubio Deus non potest. Si autem intelligatur non saluis meritis, sic absque dubio posset saluare ludam auferendo per gratiam peccata, & demerita, & dando merita. Petro autem non potest dare merita mala: sed tamen sicut liberaliter dedit bonam voluntatem Petro, ita etiam liberaliter conseruat: similiter & naturam, & sic patent obiecta.

ARTICVLVS I.

AD intelligentiam præsentis distinctionis quaeritur de quantitate diuinæ potentiae, siue de infinitate. Et circa hoc quaeruntur quatuor. Primo quaeritur, utrum potentia Dei sit infinita. Secundo, dato quod sic, quaeritur utrum ipsa essentia diuina sit infinita, sicut potentia. Tertio, utrum Deus possit producere opus infinitum. Quarto, utrum ratio operandi sit infinita. Prima questio respicit infinitatem in possendo. Secunda in essendo. Tertia in operando. Quarta in ratione operandi.

QVÆSTIO I.

An potentia Dei secundum quod huiusmodi infinita sit.

Alex. Alenf. 1. p. q. 21. Membro 2.
S. Thom. 1. p. q. 25. art. 2.
Et 1. Sent. dist. 43. q. 1. art. 2.
Scot. 1. Sent. dist. 43. q. 1.
Ægid. Rom. 1. Sent. dist. 43. q. 1.
Henricus in summa art. 25. q. 6.
Richard. 1. Sent. dist. 43. q. 2.
Tho. Arg. 1. Sent. dist. 43. q. 1. art. 3.
Marfilus Inguen. 1. Sent. q. 42. art. 2.
Ioan. Baccan. 1. Sent. dist. 43. q. 1.
Steph. Brulef. 1. Sent. dist. 43. q. 2.
Petrus de Tarantaf. 1. Sent. dist. 43. q. 1.

Vtrum Dei potentia sit infinita, & quod ipsa potentia secundum quod huiusmodi sit infinita, ostenditur sic. Infinitum dicitur quod non habet terminum: sed diuina potentia quantum ad posse non habet terminum: ergo, &c. Prima manifesta est. Secunda patet per Chrysost. in quadam Homil. Omnipotens dicitur: quia eius posse non inuenit non posse: ergo si semper inuenit

A posse, & semper quantitatem potentiae accipientibus est ultra accipere: ergo infinita.

ITEM omnis potentia actiua quæ potest in effectus infinitos, est actu infinita, diuina potentia est huiusmodi: ergo, &c. Probatio primæ. Si potentia est pure in actu: ergo habet totum actualiter, quod potest habere: ergo si totum habet actualiter, & nihil potest ei accrescere, nec de nouo aliquid dare, & potentia ut potens se extendit ad infinita: ergo actu habet in se infinitatem. Minor patet, quia diuina potentia nunquam potest in tot effectus, quin adhuc possit in plures: ergo manifestum est quod sit infinita.

ITEM omnis potentia quæ potest in actum infinitum, si omnino est in actu, est simpliciter infinita: sed diuina virtus est huiusmodi: ergo, &c. Maior patet sic. Sicut se habet potentia ad potentiam, sic actus ad actum: sed actus infinitus excedit finem in infinitum: ergo & potentia potentiam: ergo si potentia est omnino in actu, est infinita. Minor patet, quia Deus dicitur durare in infinitum: & potest creaturam conseruare in infinitum: ergo, &c.

ITEM omnis potentia quæ potest super extrema in infinitum distantia, est infinita: sed potentia diuina est huiusmodi, quia de nihilo aliquid facit, & inter aliquid & nihil est infinita distantia: ergo, &c.

ITEM omnis potentia quæ omnino indifferens est ab essentia, est infinita: sed diuina potentia est huiusmodi: ergo, &c. Probatio primæ. Quodcumque aliqua duo sunt omnino indistantia, ubicunque est vnum, ibi & reliquum: ergo si potentia est omnino indifferens ab essentia, ubicunque est potentia, & essentia: sed ubi est essentia, ibi est centrum potentiae: ergo ubicunque potest potentia talis, potest in centro: ergo cum nulla potentia limitetur in centro suo: sed amplius possit, aut diuina potentia nihil potest, aut potest quantum vult: & sic in infinitum: ergo, quantum est de se, potentia illa potest in infinitum operari: sed potentia illa omnino est indifferens, & simplex: ergo idem est idem latum, & intensum: ergo si extensue est infinita, & intensue: ergo omnino est infinita. Et hoc est quod dicit Philosophus in lib. de causis: quod virtus quanto magis vnita, tanto magis infinita: cum ergo diuina potentia sit infinitissima, quia est omnino idem cum sua origine, ubique potest tanquam in sua origine: ergo nunquam inuenit non posse.

I. CONTRA: Omne illud est finitum, in quo est reperire statum: sed in diuina potentia est reperire statum, quia est assignare aliquid quod non potest (sicut supra ostensum est) ut actus corporales, & actus deformes: ergo, &c.

2. ITEM quod exceditur ab aliquo, est finitum, quia infinitum nullo modo exceditur: sed scientia excedit potentiam respectu scibilium, plurium enim est scientia, quam potentia, scit enim mala, & non potest: ergo, &c.

3. ITEM videmus in potentiis creatis, quod infinitas est à materia: sed finitas est à forma: ergo cum potentia Dei sit omnino forma, siue formalis, nihil omnino habens materialitatis: ergo simpliciter est finita, & nullo modo infinita.

4. ITEM inter contradictorie opposita est distantia infinita: sed creaturæ virtus vnum reducit ad alterum, ut non currentem facit currere, & tamen est finita: ergo.

5. ITEM video quod anima habet potentiam omnino indifferentem ab essentia, sicut potentia viuificandi corpus, habet etiam potentiam ad actum infinitum, sicut ad durandum siue permanendum infinitum: habet potentiam nihilominus ad actus infinitos, & tamen ipsa potentia est finita in se: ergo videtur pari ratione de diuina potentia, cum anima sit expressa imago Dei. Vnde videntur rationes prædictæ nihil valere.

* *

Vide Scot.
sup. dist. 2.
q. 2. lib. 10.

Auctor de
causis pro
posit. 18.

Ad oppositum.

Aristot. 3.
Physic. 601.
49.

CONCLUSIO.

Potentia diuina est infinita, in virtute, in actu, & in habitu.

R. s. p. ad arg. Dicendum quod diuinam potentiam est ponere omnino in actu, & in habitu infinitam, sicut probatum est per effectum à posteriori, quia habet effectum infinitum duratione, & infinitos appositione, ad quos comparatur ut actus purus, & ut tota causa & ratio habens in se plenam, & perfectam actualitatem respectu infinitorum: & necesse est cum habeat totum quod vnuquā habitura est, & ex se habeat quod ipsa infinita sit. Alia ratione ostenditur hoc à priori. Propter summam enim indiuisiōem virtutis cum essentia, & propter summam vnitatem ipsius virtutis: vbiūque potest, tota potest, & tantū in extremum mundi, quā in medio: & tantum in summo, quantum in latas, & omni modo infinitatis. Nec est consimilis ratio in aliqua creatura, nec quātum ad causalitatem effectus, nec quantum ad vnitatem. Nō quantum ad causalitatem effectus, quia nulla virtus creaturæ respectu durationis infinitæ est pure actiua, immo necesse est per diuinam influentiam conseruari. Similiter nec quantum ad productionem actus, vnde habet infinitatem passiua etiam in recipiendo, & ideo nulla est actu infinita, sed solum in potentia. Et quia infinitum in potentia pēdet ex infinito in actu: ideo omnis infinitas durationis creaturæ, & operationis pēdet ex infinitate virtutis increatæ. Et hoc est quod dicit Philosophus in lib. de causis, q. omnes virtutes infinitæ pendētes sunt per vnum infinitum primū, quod est virtus virtutum. Similiter non est simile de simplicitate, siue vnitatem. Nam potentia diuina est omnino in se simplex, & omnino habet essentiam, siue substantiam simplicem: Omnino etiā ab illa est indifferens, & ideo omnimoda vnione est vnitissima, & ideo infinita: sed nullius creaturæ quantumcūq; nobilis, potentia est omnino simplex, quia omnis talis potentia dicit aliquem respectum dependentiæ, nec fundatur in substantia omnino simplici, nec omnino est indifferens, quia nulla creatura est sua potentia, loquendo essentialiter. Et ideo quia deficit omnis creatura à ratione summæ simplicitatis, & infinitatis per consequens: & sic patet, quod diuina potentia est infinita, & quod sola est infinita, & ratio infinitatis est summa simplicitas. Et patet responsio ad vltimam rationem ostendentem prædictas rationes non valere.

1. Ad illud ergo quod obiicitur quod inuenit terminum, & quod inuenit excessum, dicendum quod diuina potentia est infinita respectu eorum quæ posse est potentia, respectu aliorum quæ posse est impotentia, nec est finita, nec infinita, quia nihil ex eis potest. Quando enim dicitur quod inuenit terminum, vel excessum, dicendum quod falsum est, quia excessus, & terminus rei attenditur secundum ea ad quæ res se extendit, & diuina potentia se extendit solum ad bona, & quātum ad alia nunquam est plurium scientia, quam potentia, nec quātum ad talia inuenit terminū, & ideo patet illud Potest tamen aliter dici, quod dupliciter est loqui de potentia, & scientia: aut in se, aut per comparisonem ad obiectum. Si in se, sic vna non excedit aliam, quia quidquid scit, potest scire: & quidquid potest, scit se posse. Vel per comparisonem ad obiectum, & sic est loqui dupliciter, aut secundum formam, siue speciem, aut secundum numerum. Si secundū numerum: sic cum potentia possit infinita, non exceditur à scientia. Si autem secundum formam: sic quia potentia est respectu bonorum tantum, scientia vero bonorū, & malorum, ideo exceditur, tamen ex hoc non sequitur quin sit infinita, & est exemplum. Si quis imaginetur duas lineas infinitas, plures sunt duæ quam vna, quia non habebunt vnā infinitatem secundum numerum, sed solum secundū longitudinē: & sic non sunt maiores, vel longiores duæ quā vna. Similiter in pposito intelligitur. Potentia enim dicitur infinita respectu obiectorum secundū numerū, sed non secundū qualitatem: quia non

potest in mala, vel priuatoria, & per hoc patet primū, & secundum. Quamuis enim inueniat terminum respectu mali, nō tamen respectu boni, & ille terminus, vel excessus potius facit ad infinitatē, quia non est posse, sed non posse: & ideo quamuis hoc videatur dare terminum secundum rationem intelligendi, secundum veritatem nō dat, quia quod non possit mala, hoc totum est propter immensitatem virtutis.

2. Ad illud quod obiicitur, quod infinitum est passio potentia materialis, dicendum, quod hoc verum est de infinito per priuationem completionis, siue cōpleti esse: sed non est verum de infinito per priuationem limitationis. Primum enim est infinitum potentia passiua, siue receptiua, & ita primo inest materia. Secundum est infinitum actu, & ideo in illo solo vere est, & proprie, qui tantum est actus, & actus purus, & perfectissimus.

3. Ad illud quod obiicitur, quod creatura potest super ea quæ summe distant, dicendum quod ens, & non ens non dicuntur summe distantia, quia opponuntur contradictorie: sed quoniam nihil habent commune, nec quātum ad genus subiectū, nec quātum ad genus prædicabile, sed quiescere, & moueri, vel moueri, & non moueri, & pro eodē accipitur, utroque modo habent cōmune: & ita non est distantia infinita, nec est simile.

4. Ad illud quod obiicitur de potentia viuificandi dicendum quod viuere vno modo dicit actum consequentem, sicut moueri: & sic est ab anima mediantibus potentiis differentibus ab ipsa essentia. Alio modo dicitur viuere secundū quod est actus primus, & est ab essentia animæ, ut in ratione formæ, non in ratione agentis: & propter hoc non consideratur ibi esse tantū in operando, sed in informando, sicut albedo se ipsa dealbat, ita quod non notatur ibi, nec est egressus alicuius, ut à potentia agente: nos autem hic loquimur de potentia ut agente, & producente aliquid: potentia vero animæ quantumcūque sit idem, tamen dicit aliquam inclinationem, & ideo dependentiam, & ideo priuat simplicitatem, ac per hoc priuat infinitatem: in Deo autem non sic: & ideo ratio illa non habet instantiam, recte intellecta.

QUESTIO II.

An diuina essentia siue potentia sit infinita.

S. Thom. in quæst. 1. de Pot. q. 1. art. 2.

Et 1. contra Gens. c. 43.

Richardus 1. Sent. dist. 43. q. 1.

Stephanus Brulef. 1. Sent. dist. 43. q. 2.

Petrus de Tarentasia. 1. Sent. dist. 43. q. 1.

Et omnes alii in superiori quæst. citati.

Vtrum essentia sit infinita, siue diuina potentia sit infinita quantum ad esse. Et quod sic videtur, quia nulla potentia nobilior est substantia: sed diuina potentia est infinita: ergo cum non sit nobilior, nec maior substantia, necesse est substantiam esse infinitam.

Item si aliqua duo (liceat sic dicere) sint omnino idē. si vnum est infinitum, & reliquum: sed substantia, & potentia sunt idem, & esse & posse: ergo cum diuinum posse sit infinitum, & esse, & ita essentia.

Item quodcūque aliqua duo sic se habent, quod ad nihil se extendit vnum, ad quod pariter se non extendat reliquum, si vnum est infinitum, & reliquum: sed ad nihil omnino se extendit potentia, ad quod se non extendat essentia: nunquam enim Deus potest facere tot, quin etiam substantia possit esse in tot, secundum quod dicitur. Si cælum & cæli cælorum, &c.

Item omni finito potest aliquid cogitari maius scilicet infinitum ipsum: sed diuina essentia est ita bona, & magna, quod nihil maius, nec melius cogitari potest, alioquin non esset Deus: ergo, &c.

Item omne finitum bonum, melius est cum alio bono quam per se tantum, quia finitum additum finito facit maius: ergo si diuina essentia est finita, maius aliquid

cum alio

cum hoc erit, quam per se tantum: ergo non est perfectissima, nec optima: quod omnino nefas est dicere.

ITEM omne finitum bonum, contingit aliquando æquari, & reddi per duplicationem finiti, ut patet in linea: & hoc dico, si illud quod duplatur facit maius, hoc dico propter punctum: si ergo diuina essentia est finita secundum nobilitatem, & bonitatem, si dupletur bonitas creaturæ ascendendo, aliquando peruenietur ad bonitatem æqualem diuinæ bonitati. hoc autem est falsum & impossibile, quod creatura sit proportionalis Creatori: & hoc dicit Augustinus de Trinitate ergo & illud ex quo sequitur scilicet quod diuina essentia sit finita.

1. Sed contra: Finitum, & infinitum, ut dicit Philosophus, sunt propriæ passionis ipsius quantitatis: sed essentia, ut essentia, non habet quantitatem: ergo si consideratur ut in abstractione à quantitate ut essentia, diuina essentia nec est finita, nec infinita.

2. ITEM omnis potentia quæ potest vnum solum ita quod non aliud, est potentia finita: ergo pari ratione omnis essentia quæ est vnum solum, ita quod nihil aliud est essentia finita: sed diuina essentia est Deus, & nihil aliud: ergo, &c.

3. ITEM omne illud quod est finitum summæ veritatis est simpliciter finitum: & hoc patet, quia prima veritas iudicat de vnoquoque, sicut est. Patet etiam in simili, ut hoc est album, & nigrum, & bonum Deo, ergo simpliciter bonum: sed diuina essentia est veritati diuinæ cognitionis finita, quia Deus ipsam comprehendit, & nouit perfecte: & quod scitur, ut dicit Augustinus, scientis comprehensione finitur, ergo, &c.

4. ITEM nullum infinitum finit aliud, quia nihil dat alij quod non habet: ergo si diuina essentia est infinita, ergo nihil finit, ergo nullus est finis: & si hoc, ergo nihil bonum.

5. ITEM nullum infinitum comprehenditur à finito: sed Deus comprehenditur à beatis, quia aliter non essent beati, nisi Deum perfecte cognoscerent, semper enim appetitus ferrentur ad amplius, & non quiescerent, & ita non essent beati: si ergo comprehenditur, non est infinitus.

6. ITEM nulla priuatio est habitu nobilior: ergo cum infinitum dicat priuationem, & finitum dicat habitum, & omne nobilius Deo est attribuendum, patet, &c.

CONCLUSIO.

Essentia diuina est infinita in actu quantum ad esse.

RESP. ad arg. Ad hoc voluerunt quidam dicere, quod diuina essentia sub ratione essentiae est finita: sub ratione potentiae est infinita. Nam essentia nominat Deum ut in se, & sic est finitus, quia perfectus: finitus etiam, quia comprehenditur à finito, ut à beatis, & hoc dixerunt propter essentiae simplicitatem, quam dixerunt totam videri. In quantum autem consideratur sub ratione potentiae, sic dicitur respectum ad effectus. Et quia non est status ibi, quia semper est aliquid extra accipere: dixerunt quod sub ratione potentiae erat infinita. Sed ista positio erronea fuit manifeste. Nam ista duo sunt impossibilia, quod potentia sit infinita, omnino existente substantia finita: & quia idem sunt omnino, & quia prior secundum rationem intelligendi est substantia, & quia ad quidquid se extendit potentia sub ratione potentiae, & essentia, ut ostensum est. Et propter hoc dixerunt aliqui quod est finitum simpliciter, & infinitum nobis. Et voluerunt dicere, quod tam essentia, quam potentia est finita secundum veritatem, quia est finita Deo qui est veritas, sed tamen utraque nobis est infinita: quia impropotionaliter nos excedit. Vnde Deus infinitus dicitur, quia nec loco, nec tempore, nec comprehensione comprehenditur, sicut dicit Damascenus. Sed iterum ista positio non potest stare, quoniam sicut supra probatum est de potentia, quod ipsa non habet statum in possendo, & iterum est omnino actus, & ideo ponitur infinita: sic etiam probari potest de essentia. Necesse est ergo quod omnino infinita sit a-

ctu. Et hoc concedendum est, vel tenendum est tanquam verum, eo quod magis est consonum fidei, quæ dicit Deum immensum, & magis est consonum auctoritatibus Sanctorum, quæ omnes dicunt ipsum infinitum. Vnde per Damascen dicitur quod Deus est quoddam pelagus substantiae infinitum: magis etiam consonum sententiis Magistrorum, magis etiam consonum rationi.

1. Ad intelligentiam ergo obiectorum in oppositum notandum quod infinitum dicitur per abnegationem finis. Potest ergo dupliciter dici infinitum scilicet à parte negationis, & similiter à parte finis. A parte finis, nam finis dicitur dupliciter, vno modo quod est complementum, & sic infinitum dicitur per priuationem complementi. & hoc modo infinitum dicitur in materia, & in genere substantiae, & in aliis generibus, & hoc modo non cadit in Deo: quia ipse est perfectissimus. Alio modo finis dicitur terminus sicut finis agri, & sic infinitum dicitur quod caret termino, & statu. Et hoc potest esse dupliciter secundum negationem, quia potest intelligi priuatiue, & negatiue. Priuatiue, quia non habet terminum: sed tamen natum est habere propter hoc quod habet esse limitatum, & hoc modo dicitur incompletionem, & non est in Deo. Alio modo negatiue, quod non habet terminum, nec etiam natum est habere, & hoc modo ponitur in Deo propter summam immensitatem.

2. Ad illud ergo quod obiicitur quod infinitum est passio quantitatis, dici potest quod sicut nomen quantitatis, extenditur ad quantitatem virtutis, similiter non est infiniti: quantitas autem virtutis non tantum attenditur: quantum ad opus, sed etiam quantum ad nobilitatem valoris, & hoc patet, quia dicit Augustinus: In spiritualibus idem est maius & melius.

3. Ad illud quod obiicitur quod est vnum ita quod non est aliud, dicendum quod aliquid comparari ad multa potest esse dupliciter, aut secundum comparisonem causalitatis, aut secundum comparisonem identitatis. Comparari ad multa sub ratione causalitatis hoc conuenit infinito quia infinitum: sed secundum rationem identitatis, non. Vnde quia infinitum in Deo se extendit ad multa, quia potentia, vel essentia eius comparatur ad multa, ex hoc tamen non sequitur quod sit multa. Vnde si essentia, vel potentia compararetur secundum rationem identitatis ad res, neutra est plurimum: vnde nec potentia diuina est alia potentia, nec essentia alia essentia: sed secundum rationem causalitatis sic conuenit & essentiae, & potentiae: nam sicut potentiae conuenit facere plura, sic essentiae in pluribus esse.

4. Ad illud quod obiicitur, illud quod est finitum summæ veritati, dicendum quod hæc est duplex. Autem finitum summæ veritati, quia veritas iudicat ipsum esse finitum, aut quia non excedit eius comprehensionem. Primo modo non est Deus sibi finitus, sed infinitus: vere enim scit se esse infinitum. Secundo modo est finitus, quia se non excedit cum sit finitus, & sic non valet argumentum, & est ibi fallacia secundum quid, & simpliciter: non excedit infinitum: ergo est finitum simpliciter.

5. Ad illud quod obiicitur quod infinitum non finit, dicendum quod infinitum per priuationem perfectionis non finit: sed infinitum per negationem limitationis habet rationem finiendi: quia cum sit summum, in ipso est omnis status: in hoc enim infinitas non repugnat simplicitati, nec complemento.

6. Ad illud quod obiicitur quod comprehenditur, dicendum quod non comprehenditur per inclusionem, comprehenditur autem per perfectam visionem, & dilectionem, & affectionem, & hoc à parte comprehendentis, & non comprehensibilis: & ideo quia perficitur res secundum suam capacitatem, quiescit, quamuis ultra non attingat.

7. Quod ultimo obiicitur solum est: obiicit enim de infinito secundum quod dicitur priuatiue, sed prout dicitur de Deo, non dicit priuationem secundum rem, sed solum quantum ad modum significandi, & respondet ei summa potentia: nihil enim dicitur immensum, nisi quod habet summam, & perfectissimam actualitatem, & nihil coar-

Damas. lib.
1. c. 12. de f.
de or. h.

Arist. 1. phy.
sic. cont.

Aug. lib.
de Tri. c. 8.
tom. 3.

Lib. 8. c. 2.
tom. 3.
Ad oppos.
tom.
Arist. 1. phy.
sic. cont. 15.

Aug. 12. de
Civ. Dei. c.
18. à med.
10. 5.
Erl. 83. q.
15. 10. 4.

Prima
positio.

Improp.
positio.

Damas. lib.
1. c. 4. de or.
h. f.
3. Positio
propria.

tans, & determinans : unde et si videatur dici priuatiue, tamen secundum veritatem excludit omnem priuationem.

QVÆSTIO III.

An diuina potentia possit in effectum actu infinitum.

Alex. Alenf. 1. p. q. 6. Membro 1.

S. Thom. 1. p. q. 7. art. 3.

Et 1. Sent. dist. 43. q. 2. art. 1.

Et de Pot. q. 1. art. 2.

Richardus 1. Sent. dist. 43. q. 4. & 5.

Franciscus de Mayr. 1. Sent. dist. 43. & 44. q. 10.

Marsilius Inguen. 1. Sent. q. 42. art. 3.

Steph. Brulef. 1. Sent. dist. 43. q. 3.

Petrus de Tarantasia. 1. Sent. dist. 43. q. 3.

Ad opposi-
tum.

DE infinitate diuinæ potentie quantum ad opus, vtrum videlicet diuina potentia possit in effectum actu infinitum. Et quod sic, ostenditur hoc modo: Potentia se habet proportionaliter ad opus, unde tanta potentia potest in tantum opus: ergo & maior in maius, & infinita actu in infinitum actu.

*Arist. 1. ca-
li. cons. 137.*

2. **I T E M** omnis potentia quæ operatur ex se tota, si est infinita, producit infinitum, cum operetur ex tota sua virtute: sed diuina potentia cum sit simplicissima, se tota operatur: ergo videtur quod producat effectum infinitum. Si tu dicas, quod hoc non potest esse propter defectum, & limitationem ipsius effectus.

*9. Metaph.
cont. 2.*

3. **C O N T R A**: Frustra est potentia quæ non reducit ad actum: unde & Philosophus dicit, quod frustra est potentia actiua, cui non responder passiva: ergo aut potentia diuina frustra est infinita: aut ei responder effectus infinitus, & potentia passiva infinita.

*1. Phys. con-
tex. 22.*

4. **I T E M** omnis potentia potest seipsam manifestare: ergo diuina potentia cum sit infinita potest suam infinitatem manifestare: sed infinitas non manifestatur, nisi in effectum infinito: ergo, &c. Si tu dicas, quod manifestatur in productione Filij, & Spiritus sancti, tunc obiicitur quod Spiritus sanctus habet potentiam infinitam: ergo potest ipsam manifestare, sed non in productione persone infinitæ: ergo in productione creaturæ.

*1. Priorum
Et 1. Phys.
contex. 9.*

5. **I T E M** omne possibile est ponibile in esse: sed Deus potest producere infinita: ergo infinita produci est possibile: ergo ponibile: sed ponibili posito in esse, nullum accidit inconueniens: ergo posito, quod Deus faciat infinita, nullum accidit inconueniens: sed Deus potest omne illud quod non est inconueniens posse, vel facere: ergo Deus potest facere quod sint infinita actu.

6. **I T E M** appelletur A, omne creabile: tunc quæro, A, aut est finitum, aut infinitum. Si finitum, & Deus non potest nisi A. ergo non potest nisi finita: ergo potentia eius est finita. Si infinitum, & Deus potest facere A. ergo potest facere aliqua actu infinita.

*Arist. 3.
Phys. cont.
31. & Aug.
11. de Tri. c.
10. in fin.
tom. 3.*

7. **I T E M** continuum est diuisibile in infinitum: quæro vtrum Deus possit reducere potentiam continui ad actum. Si non potest: ergo potentia continui excedit potentiam Dei, quod est absurdum, quia tunc potentia Dei esset finita. Si eam potest reducere ad actum omnino: sed hoc non est, nisi cum est actu, diuisum in partes infinitas: ergo, &c.

Funda-
menta.

S E D C O N T R A: Quod non possit in effectum inre-
sione infinitum videtur, quia infinito simpliciter nihil est maius: ergo si producit effectum infinitum: tunc ergo illo nihil est maius: ergo Deus non est maior. Si ergo hoc est summæ nobilitatis in Deo, quod nihil possit ei æquari, producere talem effectum est contra nobilitatem diuinæ potentie: ergo, &c.

I T E M omne quod est actu infinitum, est summe simplex. Nam si est aliqua compositio, tunc ibi est coartatio, & limitatio. Si ergo Deus produxit effectum infinitum, illud est simplicissimum. sed in simplicissimo idem est essentia, bonitas, & potentia: ergo si effectus est infinitus in potentia, & bonitate: ergo summum bonum: ergo non bonum propter aliud: ergo non bonum propter Deum: ergo nec à Deo, quia vniuersa propter semetipsum operatus est Dominus, & idem est finis quod & primū prin-

A cipium: ergo si est infinitus, non est à Deo: ergo non est effectus: & sic patet, &c.

I T E M si Deus potest in effectum actu infinitum, quæro à te, vtrum possit in aliud. Si non: ergo in agendo amittit potentiam, & sua potentia agendo debilitatur. Si ergo potest in effectum alium cōsimilem illi, esto quod faciat, ponatur ergo. Isti duo effectus sunt cōsimiles in natura: ergo sunt in eodem genere: tunc habent aliquod superius in quo conueniunt, & aliqua propria per quæ differunt: ergo exceduntur ab aliquo, & artantur per aliquod: sed omnia talia sunt finita: ergo, &c.

I T E M quod non possit facere infinita actu, ostenditur, quia non sunt plura infinitis: ergo si produceret infinita actu, non posset producere plura: ergo Deus est impotens: sed nihil potest facere Deum impotentem: ergo, &c.

I T E M ubi est infinitas actualis secundum numerum, ibi deficit status, & ordo, & distinctio: sed diuina sapientia non patitur Deum aliquid facere sine modo, & mensura: ergo, &c.

C O N C L U S I O.

Potentia diuina quamquam sit infinita, in effectum tamen infinitum non potest, cum id neque sibi, neque creatura conueniat.

R E S P. A D Arg. Dicendum quod duplex est infinitum, scilicet in actu, & in potentia. Infinitum, in potentia Deus potest facere, & facit. Infinitum in actu non potest facere, nec facit. Non potest, *inquam*, facere, quia nec conuenit sibi, nec conuenit creaturæ. Sibi non conuenit: cum enim summe bonus sit, non potest aliquid facere nisi bonum, & ita non potest facere nisi rem ad se ordinatam. Quoniam ergo ordo præsupponit numerum, & numerus præsupponit mensuram, quia non ordinantur ad aliud nisi numerata, & non numerantur nisi limitata: ideo necesse fuit Deum facere omnia in numero, pondere, & mensura: nec aliter facere potuit, nec potest, nec infinitum, nec infinita in actu. Ratio est etiam, quia hoc nullo modo conuenit creaturæ. Infinitum enim in actu, est actus purus, alioquin si aliquid haberet de limitatione, & artatione esset finitum: sed quod est actus purus, est suum esse per essentiam, & nihil tale accipit esse ab alia essentia, nec ex nihilo: si ergo creatura, eo ipso quod creatura aliud est, & ex nihilo, nullo modo potest esse actus purus, nullo modo potest esse infinita: & si non potest esse vna infinita, nullo modo possent esse infinitæ secundum numerum, quia necesse est illas plures ad aliquam vnam creaturam reduci: sed finita ad finitum reduci, est impossibile: patet ergo, &c. Et quod ad aliquod finitum reducuntur, patet: quia necesse est ponere ordinationem in creaturis, non tantum ad Deum, sed etiam ad se inuicem. Summa ergo rationis est, quia non decet Deum facere creaturam, nisi ordinem habeat, & mensuram ratio est ex parte creaturæ, quia necesse est omnem creaturam esse limitatam, eo quod ex nihilo, & eo ipso quod composita est.

1. **A D** illud ergo quod obiicitur quod potentia tanta potest in tantum effectum, siue opus, dicendum quod est opus operans, & opus operatum. Opus operans, ut creare: opus operatum, ut creatura. Dicendum ergo quod opus operans est infinitum, sicut ipse Creator: sed opus operatum necesse est esse finitum. Quod ergo obiicitur quod opus proportionatur potentie. Respondeo: Si intelligatur de opere operante, siue de actione generaliter, verum est. Si autem intelligatur de opere operato, non habet veritatem nisi cum causa, & effectus se habet per vniocationem, & sunt eiuldem generis: hoc autem non est hic.

2. **A D** illud quod obiicitur quod Deus operatur ex tota potentia, dicendum quod agens ex tota potentia, quoddam agit per naturam, & hoc agit tantum quantum potest, & tantum quantum ipsum est, ubi est productio similis. Quoddam agit per deliberationem, & voluntatem, & tale non agit nisi secundum ordinem, & quantum vult: unde ex eadem potentia facit magnum, & paruum, & sic agit Deus.

3. **A D** illud

3. Ad illud quod obiicitur quod frustra est potentia, quæ non reducitur ad actum: verum est de potentia quæ completur per actum: sed diuina potentia non completur per actum: & ideo non est frustra, etiam si non habeat potentiam passiuam correspondentem. Tamen illa propositio non intelligitur habere veritatem in potentia, quæ potest habere infinita, si intelligatur quod omnino reducatur in actum: reducitur tamen, & reduci potest secundum partem, & ideo non est frustra.

4. Ad illud quod obiicitur quod diuina potentia cum sit infinita, debet suam infinitatem manifestare in infinito effectu, dicendum quod Deus suam infinitatem manifestat in infinito secundum potentiam, sicut patet, quia sicut supra est monstratum, interminabilis duratio manifestat virtutem infinitam: in infinito autem secundum actum non potest manifestari simpliciter, quia non decet: sed proportionabiliter, quia ens in infinitum excedit non ens: & tamen Deus ex nihilo facit ens, inter quæ est distantia infinita. Vnde cum diuina potentia dicatur infinita, hoc est tripliciter. Durationis æternitate, virtutis immensitate, & effectum generalitate, siue numerositate. Prima manifestatur per infinitum duratione, quod est finitum actu, infinitum potentia. Secunda per creationem de nihilo, ubi est distantia infinita propter omnimodam improportionem. Tertia manifestatur partim per potentiam, partim per priuationem, quia tot fecit, & adhuc potest in plura, & non tot fecit, quin adhuc possit in plura, tamē hoc manifestatur alia infinitate duplici manifestata: & ita patet quod non oportet, quod sit infinitum actu. Potest tamē dici, sicut tactum est, quod virtus Patris manifestatur in productione Verbi, & per consequens tota virtus diuina, cum virtus Filii, & Spiritus sancti sit vna, & æquales sint in virtute.

5. Ad illud quod obiicitur de possibili quod potest poni, dicendum quod est possibile a potentia infinita, & possibile secundum potentiam finitam. Possibile secundum potentiam finitam potest poni, quia omnino potest esse ad actum reductum: sed possibile secundum potentiam infinitam non potest poni, quia semper est in reducendo, & nunquam in reductum esse.

6. Ad illud quod ponitur quod A, appelleretur omne creabile, & quod queritur, utrum A, sit finitum, vel infinitum, dico, quod infinitum: sed non est infinitum actu, sed potentia: & ideo non sequitur, quod si Deus possit A, quod possit in infinitum actu. Et si dicatur: ponatur quod Deus faciat A, dicendum, quod non est ponibile ratione prædicta.

7. Ad illud quod obiicitur, utrum possit potentiam continui reducere ad actum, dicendum quod sicut potentia in continuo passiuam infinita est ob diuisionem, sic in Deo actiuam infinita. Vnde sicut continuum potest diuidi in infinitum, tamen impossibile est, quod totaliter sit diuisum, alioquin non esset infinitum: sic diuidere in infinitum est possibile, ad actum reducere impossibile. Et sicut impossibile est diuinam potentiam terminari, ita impossibile est, quod sit in termino diuisionis. Vnde Deus potest potentiam continui reducere ad actum, quia potest esse in reducendo, & semper in reducendo, ita quod nunquam plus se extendat potentia, quam diuina actio: sed tamen continuum nunquam potest esse in reductum esse, sicut nec Deus in reduxisse. Concedendum ergo, quod impossibile est, quod sit aliquid actu in infinitum, nisi solum Deum, & eius potentiam: & hoc est quod dicit Hugo de sancto Victore: Sicut æternitatem Dei non æquat tempus, nec immensitatem locus: sic nec sapientiam sensus, nec bonitatem virtus, nec potentiam opus. Vnde quando dicitur, quod Deus potest facere infinita, notatur infinitas circa potentiam, non circa opus. Vnde aliqui distinxerunt hanc: Continuum potest diuidi in infinitum, quia illa determinatio potest determinare hoc verbum potest, vel hoc verbum diuidi, tamen quocumque modo distinguatur, semper intelligendum est infinitatem actualem, esse propriam solius Dei.

QVÆSTIO III.

An diuina potentia extendat se ad infinita.

Alex. Alens. 1. p. q. 6. Membro 2.

S. Thom. 1. p. q. 7. ar. 1. q. 2.

Et 1. Sent. dist. 43. q. 1. art. 2.

Et 1. contra Gent. cap. 43.

Egid. Rom. 1. Sent. dist. 39. q. 3.

Richard. 1. Sent. dist. 43. q. 6.

Franciscus de Mayr. 1. Sent. dist. 43. q. 44. q. 9.

Steph. Brulef. 1. Sent. dist. 43. q. 4.

Petrus de Tarantaf. 1. Sent. dist. 43. q. 4.

De infinitate diuinæ potentie quantum ad rationem operandi, an se extendat in infinitum. Et quod sic, videtur. Quia quidquid Deus potest, rationabiliter potest: sed potest infinita: ergo rationabiliter potest infinita. & si hoc, ergo ratio operandi ipsius potentie se extendit ad infinita.

ITEM sicut se habet ratio sciendi ad scientiam, ita ratio producendi ad potentiam: sed quia diuina scientia est infinita, habet in se rationes infinitas cognoscendi: ergo cum diuina potentia sit infinita, similiter & rationes producendi habet infinitas.

ITEM ratio operandi in Deo non est aliud quam bonitas, & sapientia: sed sapientia, & bonitas est infinita: ergo & ratio operandi.

ITEM ratio operandi in Deo, non est aliud quam Deus siue diuina essentia, quidquid dicat illa ratio: sed diuina essentia est infinita: ergo & ratio operandi.

1. CONTRA: Potentia se extendit ad opera secundum exigentiam rationis: nihil enim omittit de his quæ ratio exigit: ergo si ratio se extendit ad infinita: ergo videtur quod diuina potentia producat infinita, quod falsum est.

2. ITEM ratio operandi est ipsa diuina iustitia, quia vniuersa via domini misericordia, & veritas, &c. sed iustitia non est nisi finitorum: ergo videtur quod ratio operandi similiter.

3. ITEM ratio operandi est ipsa ars & dispositio: sed dispositio non est nisi finitorum: ergo ratio operandi non est nisi finitorum.

4. ITEM obiicitur de præscientia quæ similiter est ratio operandi, & est in plus quam potentia, quia respectu malorum: & tamen non est respectu infinitorum. Si tu dicas, quod dispositio, vel præscientia, vel iustitia non completitur plenam rationem, per quam potest operari diuina potentia. **CONTRA:** Si non totum completitur: ergo diuina potentia sine his potest rationabiliter operari: ergo possibile est Deum operari præter dispositionem, præter iustitiam, & præter scientiam: sed nullus talis operatur sapienter, nec recte: ergo, &c. Restat ergo, quod totam completitur rationem.

CONCLUSIO.

Ratio in habitu est ad infinita sicut potentia respectu actus quod est posse. Ratio in actu ad finita sicut potentia respectu actus qui est facere.

RESP. ad arg. Sicut dicit Magister in litera. Aliqui voluerunt dicere quod ratione diuinæ potentie est finita. Et ex hoc voluerunt diuinam potentiam limitare, tum quia nihil potest facere nisi ex optima ratione, nec dimittere: tum quia nihil potest facere nisi præsciens, nihil nisi iuste: & ideo cum hæc finitorum sint, reputa eorum, quæ facit, dixerunt diuinam potentiam non posse alia, quam quæ facit. Sed hæc positio est erronea sicut ostendit Magister in litera, quia nobilitari diuinæ potentie derogat, eius immensitatem limitando, & dicitur fuisse Magistri Petri Balaardi. Ratio autem huius stultæ positionis fuit: quia nescierunt distinguere rationem potentie, & actus eius. Actus enim potentie duplex est: vnus per modum habitus, scilicet posse, alius per modum actus, scilicet operari. Quando ergo queritur, utrum ratio diuinæ potentie sit infinita, dicendum quod sicut duplex est actus, ita etiam dupliciter potest accipi ratio. Respectu enim actus, qui est posse, accipitur ratio in habitu, scilicet diuina sci-

Fundamenta.

Ad oppositum.

Psalm. 24. b

Opinio aliorum.

Improbatio.

entia, & diuinæ bonitatis condecencia: Et hæc ratio extendit se ad infinita, quemadmodum & ipsa potentia respectu actus, qui est posse. Respectu vero actus, qui est facere accipitur ratio in actu, scilicet diuina dispositio, siue præscientia, & meritorum exigentia. Nihil enim facit, nisi quod disponit, nihil etiam retribuit nisi secundum quod merita exigunt, quando retribuit: quia nullā rem gubernat, nec regit aliter quam natura eius, siue iustitia naturalis exigat.

1. Et secundum hanc distinctionem patet responsio ad primo quaesitum, & rationes inductas: quædam enim procedunt secundum vnā viam, quædam secundum aliam.

2.3. Ad illud quod postea obiicitur de iustitia, dicendum quod iustitia secundum quod dicit condecenciam diuinæ bonitatis, & potestatis, sic est generalis ratio, quæ complectitur totum posse: sed in quantum connotat exigentiam à parte meritorū, sic non cōplectitur totū posse, nec totū agere. In quantum vero connotat condecenciā bonitatis respectu cuiuslibet operis in actu, sic complectitur agere: sed posse non. Dispositio similiter, & præscientia agere complectuntur, sed nō posse: sed agere est respectu finitorum, sicut & illa sunt: sed posse est respectu infinitorum.

4. Quod ergo obiicitur tunc, quod Deus potest sine eis rationabiliter operari, dicendum quod falsum est, nec sequitur ex illo. Quamuis enim Deus possit plura, quam velit, tamen non potest operari sine voluntate, cum nihil possit facere, quin possit velle, sicut & præscire, & disponere. Necesse est enim potentiam exequentem illis adæquari, scilicet dispositioni, & voluntati: sed non oportet de potentia, ut potente: & ideo non sequitur, ut possit facere sine illis.

DISTINCT. XLIV.

AN DEVS POSSIT FACERE ALIQUID ME- LIUS QVAM FACIT, VEL ME- LIORI MODO: POSSITQVE

SEMPER QVOD POTUIT
SEMEL.

Non illud restat discutiendum, utrum melius aliquid possit facere quam facit. Solent enim scrutatores dicere, quod ea quæ facit Deus, non potest meliora facere: quia si posset facere, & non faceret, inuidus esset, & non summe bonus. Et hoc ex simili astruere conantur. Ait enim Augustinus in lib. 83. q. Deus quem genuit, quoniam meliorem se generare non potuit, nihil enim Deo melius debuit æqualem. Si enim voluit, & non potuit, infirmus est. Si potuit, & noluit, inuidus. Ex quo conficitur, æqualem genuisse filium. A simili volunt dicere, quod si potest Deus rem meliorem facere quam facit, inuidus est. Sed non valet huius similitudinis inductio, quia filium genuit de substantia sua. Ideoque si posset gignere æqualem, & non gigneret, inuidus esset. Alia vero quæ non de substantia sua facit, meliora facere potest.

Quaestio qua illi artantur.

Verum hic ab eis responderi depono, cur dicunt rem aliquam siue etiam rerum vniuersitatem, in qua maior consummatio expressa est, non posse esse meliorem quam est: siue ideo, quia summe bona est, ita ut nulla

A omnino boni perfectio ei desit: siue ideo, quia maius bonum quod ei deest, capere ipsa non valeat. Sed si ita summe bonum dicitur, ut nulla ei perfectio boni desit, iam creatura Creatori aequatur. Si vero ideo non potest melior esse, quia bonum amplius quod ei deest, capere ipsa non valeat: iam hoc ipsum non posse, defectioris est, non consummationis: & potest esse melior si fiat capax melioris boni, quod ipse potest quædam facit. Potest ergo Deus meliorem rem facere quam facit. Vnde Augustinus super Genes. Talem potuit Deus hominem facere, qui nec peccare posset, nec vellet: & si talem fecisset, quis dubitat eum meliorem fuisse? Ex prædictis constat, quod potest Deus, & alia facere quam facit, & quæ facit meliora ea facere quam facit.

Vtrum alio, vel meliori modo possit facere quam facit.

B Post hæc considerandum est, utrum alio modo, vel meliori quam facit, possit ea facere quæ facit. Si modus operationis ad sapientiam opificis referatur, nec alius, nec melior modus esse potest. Non enim potest facere aliquid aliter, vel melius quam facit, id est alia sapientia, vel maiori sapientia: Nihil enim sapientius potest facere quam facit. Si vero referatur modus ad rem ipsam quam facit Deus, dicimus, quia & alius, & melior potest esse modus. Et secundum hoc concedi potest, quia ea quæ facit, potest facere melius, & aliter quam facit, quia potest quibusdam meliorem modum existendi præstare, & quibusdam alium. Vnde Augustinus in 13. lib. de Trinitat. dicit, quod fuit & alius modus nostræ liberationis possibilis Deo, qui omnia potest: sed nullus alius nostræ miserie sananda fuit conuenientior. Potest ergo Deus eorum quæ facit quædam alio modo meliori, quædam alio modo æque bono, quædam etiam mixtus bono facere quam facit: ut tamen modus referatur ad qualitatem operis, id est, creaturæ, non ad sapientiam Creatoris.

Vtrum Deus semper possit omne quod olim potuit.

C Præterea queri solet, Vtrum Deus semper possit omne quod olim potuit. Quod quibusdam non videtur dicentibus: Potuit Deus incarnari, & potuit mori, & resurgere, & alia huiusmodi, quæ modo non potest. Potuit ergo quæ modo non potest, & ita habuit potentiam, quam modo non habet. Vnde videtur potentia eius imminuta. Ad quod dicimus, quia sicut omnia semper scit quæ aliquando sciuit, & semper vult quæ aliquando voluit, nec unquam aliquam scientiam amittit, nec voluntatem mutat, quam habuit: ita omnia semper potest quæ aliquando potuit, nec unquam aliquam potentiam suam priuat. Non est ergo priuatus potentia incarnandi vel resurgendi, licet non possit modo incarnari, vel resurgere. Sicut enim potuit olim incarnari, ita & potest modo incarnatus esse, in quo eiusdem rei potentia monstratur. Vt enim olim sciuit se resurrecturum, & modo scit se surrexisse: nec est alia scientia, illud olim sciuisse, & hoc modo scire, sed eadē omnino: & sicut voluit olim resurgere, & modo surrexisse, in quo vnius rei voluntas exprimitur: Ita potuit olim nasci, & resurgere, & modo ipse potest natus fuisse, & surrexisse: & est eiusdē rei potentia. Si enim posset modo nasci, & resurgere, non esset idem posse. Verba enim diuersorum temporum diuersis prolata temporibus, & diuersis adiun-

Et aauer.

Quaest. 51.
10. 4. & lib.
3. contra
Maximin.
c. 7. 10m. 6.

Lib. 11. de
Genesi ad
litteram c.
in sensu 10.
3.

Ca. 10. 3.

Et aduerbiis eundem faciunt sensum: ut modo loquentes dicimus, iste potest legere hodie: Cras autem dicemus, iste potest legisse, vel potuit legere heri, ubique unius rei monstratur potentia. Si autem diuersis temporibus loquentes eiusdem temporis verbis, & aduerbiis utamur, dicentes hodie: iste potest legere hodie: & dicentes cras, iste potest hodie legere: non idem, sed diuersa dicimus eum posse. Fateamur ergo Deum semper posse quidquid semel potuit, id est, habere omnem illam potentiam quam semel habuit, & illius omnis rei potentiam cuius semel habuit: sed non semper posse facere omne illud quod aliquando potuit facere: potest quidem facere, aut fecisse aliquando quod potuit. Similiter quidquid voluit, & vult, id est, omnem quam habuit voluntatem, & modo habet: & cuiuscumque rei voluntatem habuit, & modo habet. non tamen vult esse, vel fieri omne quod aliquando voluit esse, vel fieri, sed vult fuisse, vel factum esse. Ita & de scientia Dei dicendum est.

DISTINCT. XLIV.

De potentia Dei in comparatione ad modum, siue qualitate rerum.

Nunc illud restat: discutiendum, &c.

Expositio textus.

SUPRA egit Magister de potentia in comparatione ad possibile secundum substantiam, & quantitatem. hic tertio agit de potentia quantum ad modum, siue qualitatem rerum. Et hæc pars habet duas partes. In prima agit Magister de potentia quantum ad qualitatem possibilem, quæ quidem est maior, & minor bonitas. Secundo, quantum ad qualitatem potentie, quæ quidem est immutabilitas, ibi: *Præterea queri solet utrum Deus, &c.* Prima pars habet duas. In prima querit, utrum Deus potuerit aliquid melius facere, quam facit. In secunda, utrum res quas fecit, possit facere meliori modo, vel alio modo, & hoc, ibi: *Post hæc considerandum est, &c.* Vbi agit quantum ad modum. Similiter secunda pars, ubi querit de diuinæ potentie immutabilitate, querens utrum Deus possit quidquid potuit, habet duas. In prima querit, utrum Deus semper possit omne quod olim potuit, & opponit quod non possit. In secunda vero soluendo contrarium asserit ibi: *Ad quod dicimus, &c.*

Non valet huius similitudinis inductio, quia filium genuit de sua substantia.

Dub. I.

Videtur responsio ista non esse sufficiens. Nam inuidia potest attendi respectu diuersi in substantia, & natura, sicut Angelus inuidit homini: ergo propter hoc non excluditur inuidia à Deo respectu creaturæ.

RESP. Dicendum quod ad inuidiam ista duo concurrunt, possibilitas scilicet ad æqualitatem, & exigentia rei factæ. Non enim inuidet aliquis alicui nisi quia parificatur ei alicui, vel excedit, vel quia timet ne parificetur. Itē. Artifex non dicitur inuidus nisi quando non facit rem secundum quod exigit, & ipse potest: & propter hoc, quia ex parte rerum non erat exigentia, & quia in nullo poterant parificari: ideo qualescumque faceret, non conuincitur in Deo esse inuidia, etiam si nullas res faceret: sed in filio Dei erat potentia ad æqualitatem, & ulterius exigentia, propter hoc quod erat de substantia patris. Hinc est quod non est simile, ut dicit Magister, & est responsio eius bona, ponit enim antecedens pro consequente, non quia velit dicere quod inuidia sit solum, vel possit esse respectu similis in natura: sed propter rationem prædictam exigentie scilicet, & æqualitatis quæ erant in generatione filij, quia erat de substantia patris.

A Talem potuit Deus hominem fecisse, qui nec peccare posset, nec vellet: & si talem fecisset, quis dubitat eum meliorem fuisse? Dub. II.

Videtur dici contrarium ei, quod dicitur: Potuit transgredi, & non est transgressus, hoc dicit in laudem sancti viri. Et Augustinus ipse dicit, super Genes. ad litteram, quod meliores iudicauit Deus homines, si ei liberaliter deferuissent. Et iterum in lib. de Civ. Dei dicit, quod melior est substantia quæ peccare potest, quā quæ non potest.

RESP. Dicendum quod melius dicitur dupliciter, aut simpliciter, aut in ordine ad finem. Si simpliciter loquamur, melior est homo confirmatus in gratia, quā potens labi. Si in ordinatione ad finem, quæ quidem consistit in perueniendo: sic melius fuit facere hominem in libertate peccandi: sed tamen primū melius est simpliciter, hoc autē est melius secundū quid. Et ideo verbum Augustini, simpliciter loquendo, habet veritatem. Quod autem dicitur de viro iusto, laus accidentaliter est, siue quantum ad gloriam accidentalem. Constat enim Christū non potuisse peccare, & tamen erat gloriosissimus. Similiter intelligendū est verbum illud Aug. super Gen. Sed quod dicitur, quod melior est natura quæ potest peccare, quā quæ non potest. Dicendū, quod non posse peccare, est duplici de causa, aut quia caret voluntate, aut veritabiliter volūtatis, & primo modo intelligit Augustinus, non secundo.

Potest Deus & alia, &c. Dub. III.

C Innuit Magister quod hominem potuit Deus meliorem facere quam fecit. Contra: Videtur istud non habere veritatem in omnibus, & specialiter in Christo, quem videtur nullo modo posse facere meliorem per illud quod dicitur: Dedit illi nomen quod est super omne nomen. Item: Datus est ei spiritus non ad mensuram: ergo quia nullo modo potuit Deus dare Christo plus de spiritu: ergo non potuit eum facere meliorem.

RESP. Dicendum quod Magister loquitur de vniuerso, & eius partibus, & quoniam Christus nec est de vniuerso, nec est eius pars: ideo non habet locū in ipso. Verum etiā adhuc in Christo habet dubitationem: si enim quidquid habet humanitas Christi finitū est: ergo cum Deus possit supra omne finitū, potuit maius. Et iterum Christus factus fuit passibilis & mortalis, & potuit fieri immortalis. Et propter hoc dicendū, quod tripliciter est loqui de Christo, aut quantum ad vnionem, aut quantum ad gratiā singularis personæ: aut quantum ad proprietates naturæ. Si quantum ad vnionem, nec Deus potest plus dare, nec creatura recipere, quia vnionis gratia ex parte alterius extremi est dignitatis infinitæ, scilicet quod homo sit Deus, quāuis ex parte humanitatis quidquid est ibi sit finitū, & ita non ponitur limitatio ex parte Dei, nec ex parte creature: capacitas infinita nisi per vnionem, videlicet, quia vnitur homo bono infinito, ita quod homo est Deus qui est bonitatis infinitæ. Si autē loquamur quantum ad gratiā singularis personæ, sic concedendū quod Deus potuit plus dare: sed rationalis creatura non potuit amplius recipere: non quia capacitas animæ ad gratiā per collationem gratiæ minuatur, quia nec minuitur, nec augetur: sed cōsummatur, & cōpletur: & ideo non est possibilis ad amplius. Si autem loquamur quantum ad proprietates naturæ, sic Deus plus potuit de bonitate dare, & rationalis creatura recipere quantum ad ea scilicet quæ sunt corporis, quia nunc plura habet quā quando factus est: sed non potuerunt fini & saluti naturæ effici congruentiores: numquam enim salus nostra potuisset per substantiam incorruptibilem, & immortalem ita reparari, sicut per mortem, & passionem eius reparata est: patet ergo quomodo melior potuisset esse Christus, & quo modo non.

ITEM obiicitur de B. Virgine. Videtur enim quod non potuerit fieri melior, quia Anselmus de conceptu virginali dicit: Decebat quod illius hominis conceptio fieret de matre purissima, qua puritate maior nequit sub Deo intelligi: ergo videtur quod non potuit fieri melior, & tamē ipsa fuit pars vniuersi. Itē: Super omnes choros Angelorum exaltata est in gloria: ergo facta est in sūma gratia

Eccl. 31. b

De vir. relig. cap. 14. tom. 1.

phil. 2. b
ioan. 3. d

Supra. dist. 17. art. 2. q. 4. li. 3. dist. 13. art. 1. q. 2.

Ansel. de concep. virg. in. c. 18.

Respondetur. Dicendum quod est loqui de B. Virgine quantum ad tres conditiones scilicet quantum ad gratiam conceptionis, quantum ad gratiam iustificationis, quantum ad naturam corporis. Si quantum ad conceptionem proles, sic quia fuit mater Dei quo nihil nobilius cogitari potest: & mater nobilissimi filij, sic tantam habuit bonitatis dignitatem, quod nulla mulier amplius capere potuit. Si enim omnes creaturæ, quantumcumque ascenderent in gradibus nobilitatis, essent præsentis, omnes deberent reuerentiam matri Dei. Si autem loquamur quantum ad gratiam iustificationis, tantam habuit quantum pura creatura humana siue rationalis, quæ facta est, sic recipere potuit. Si quantum ad corpus: naturalia optima habuit secundum quod fini competens fuit: simpliciter tamē meliora potuit recipere, & Deus dare, & ita patet quod in nullo creato habet instantiam hoc verbum Magistri, quod Deus ea quæ fecit, potuit facere meliora. Patet quod aliquibus capacitatem gratiæ compleuit & impleuit: sed in Christo per omnem modum: in matre secundum quod capit pura creatura rationalis: in sexu feminino quantum ad ea quæ spectant ad corpus: & in anima humana quantum ad ea quæ sunt gratiæ.

ARTICVLVS I.

Ad præsentis intelligentiam distinctionis, quæritur de modo, siue qualitate diuinæ potentie. Et circa hoc quærentur principaliter duo. Primo quæritur, utrum mundum Deus potuerit facere meliorem. Secundo quæritur de immutabilitate diuinæ potentie, utrum quod semel potest Deus, semper possit. Circa primum quærentur quattuor. Primo quæritur utrum Deus potuerit facere mundum meliorem quo ad substantiam partium integrantium. Secundo utrum potuerit ipsum facere meliorem quo ad partium integrantium proprietates. Tertio quæritur, utrum potuerit facere mundum meliorem quantum ad ordinem. Quarto utrum potuerit facere mundum antiquiorem.

QUESTIO I.

An Deus potuerit mundum facere meliorem quo ad substantiam partium integrantium.

*Alex. Alens. 1. p. q. 21. Memb. 3. art. 1.
S. Thom. 1. p. q. 25. ar. 6.
Et 1. Sent. dist. 44. q. 1. art. 1. & 2.
Et de Pot. q. 6. art. 16.
Scotus 1. Sent. dist. 44. q. unica.
Egid. Rom. 1. Sent. dist. 44. q. 1.
Richard. 1. Sent. dist. 44. q. 1.
Durandus 1. Sent. dist. 44. q. 1.
Thom. Arg. 1. Sent. dist. 44. q. 1. art. 1.
Marfil. Ingen. 1. Sent. q. 43. ar. 1.
Steph. Brulef. 1. Sent. dist. 44. q. 1.
Petrus de Tarantaf. 1. Sent. dist. 44. q. 1.
Gabriel Biel 1. Sent. dist. 44. q. unica.*

Funda-
menta.

Quod potuerit facere mundum meliorem quo ad substantiam partium integrantium, ostenditur sic: Partes integrantes mundum sunt finitæ bonitatis, & intensiue & extensiue: sed omni finito potest aliquid maius, & melius cogitari: sed Deus plus potest facere, quam homo possit intelligere: ergo, &c. Si tu dicas quod mundus non potuit amplius capere, hoc non soluit, quia Deus facit capacitatem: ergo maiorem potuit capacitatem dare, cum eius potentia sit infinita.

Item suprema creatura in vniuerso est finita: ergo distat à Deo in infinitum: sed in distantia infinita est ponere gradus infinitos: ergo ultra bonitatem creaturarum est intelligere creaturas, gradus bonitatis habentes, & ex his potuit integrari mundus: ergo, &c.

Item constat quod Deus potuit facere mundum ex partibus maioribus mole, ut cælum amplius, & terram latius: ergo si potuit facere maius mole, eadem ratione & maius virtute: & si hoc, ergo simpliciter melius.

Item materia secundum se tota capax est formæ nobilissimæ, ut patet: si ergo Deus dare potuit quod natura materie potuit capere: ergo potuit dare toti materie,

& omnibus partibus perfectionem formæ nobilissimæ, ut puta rationalis naturæ: ergo potuit facere mundum, qui constaret ex solis substantiis rationalibus: & si hoc, tunc mundus haberet omnes partes secundum substantiam meliores: ergo, &c.

1. CONTRA: Augustinus in libr. de lib. arb. Quidquid vera ratione melius tibi occurrerit, scias fecisse Deum, bonorum omnium Conditorum: non esse autem, quod vera ratione cogitas, non potest. Neque enim tu potes aliquid melius in creatura cogitare, quod creaturæ artificem fugerit. Ergo non potest aliqua creatura nobilis cogitari, quæ non sit de constitutione mundi.

2. ITEM Aug. 1x. confes. Duo fecisti domine, vnum prope te, aliud prope nihil, scilicet Angelicam creaturam, & materiam primam: sed non potest maior ambitus cogitari quam à propinquitate Dei ad nihil: ergo non potuit fieri mundus qui natus est amplecti plures naturas rerum: ergo non potuit mundus fieri melior quantum ad capacitatem. Sed constat, capacitatem illam non esse vacuum quantum ad aliquem gradum, alioquin nec mundus perfectus esset, nec vniuersum perfectum dici posset: ergo nec iste plus capere, nec alius capax potuit fieri.

3. ITEM materia prima est creata in omnimoda possibilitate, & in perfecta obedientia respectu Creatoris: ergo si capacitas ipsius materie attenditur secundum suam possibilitatem & obedientiam quam habuit ad Deum, & in summa possibilitate, & in summa obedientia est creata: ergo mundus quantum ad capacitatem non potuit fieri melior: si ergo dedit Deus vnicuique quantum capax erat: ergo nullo modo potuit fieri melior.

4. ITEM: Quantumcumque creatura fiat bona, necesse est esse finita: ergo necesse est aliquando ponere statum, ita quod creatura nullo modo possit fieri melior, in nullo derogando diuinæ potentie: sed quia ratione statum in aliqua specie creaturæ, statum in suprema specie creaturæ spiritualis: nulla ergo creatura vel species potest illa fieri nobilior, & si optimum in vno genere est melius optimo in alio, & simpliciter hoc illo melius: ergo si optimum in vniuerso est optimum omnis creaturæ, quæ possit esse creatura: & simpliciter mundus iste est ita bonus, quod eo non fieri potest melior.

CONCLUSIO.

Deus potuit facere hunc mundum meliorem quo ad augmentum substantiæ, non autem quantum ad specificam gradum nobilitatem.

Respondetur. Ad Arg. Dicendum quod excessus bonitatis substantialis in rebus potest attendi dupliciter. Aut quantum ad essentialium nobilitatem & gradus, & sic dicitur quod species hominis melior est, & nobilior specie asini. Aut quantum ad esse prout concernit additionem, siue augmentum, sic dicitur quod marca auri melior est vncia, non quia nobiliorem habet formam, vel essentialiam, sed quia plus habet de auri substantia, ac per hoc de bonitate & valore. Quando ergo quæritur, utrum Deus potuerit mundum facere meliorem quantum ad substantiam partium, si tu intelligas de excessu quantum ad primum modum, quod mundus constaret ex nobilioribus essentialibus, dico quod idem mundus qui est nunc, non potuit fieri melior, quia non esset iste, sed alius: sicut si iste qui factus est homo, fuisset factus Angelus, non esset ille qui est: quia tamen posse eius non est arratum, nec limitatum, non video quare non potuisset alium mundum meliorem facere hoc genere melioritatis. Si autem intelligas quantum ad secundum modum: sic dico, quod non solum alium, verum etiam hunc potuit facere meliorem sicut & maiorem: & si fecisset, non esset alius: sicut posset facere quod iste puer esset ita magnus ut gigas, & plus haberet de substantia & virtute, & tamen non esset alius quam est. Concedo ergo rationes probantes, quod Deus simpliciter potuit alium mundum quantum ad substantiam partium fecisse meliorem: & etiam hunc quantum ad magnitudinem partium & virtutem, non tamen quantum ad essen-

tiarum

Aug. lib. 3.
de lib. arb.
c. 5. tom. 1.

Aug. lib. 8.
q. 9. c. 10.
4. Es. 10. 6. li.
1. contra
aduer. leg.
et prophet.
lib. 3. c. 5.

tiarum nobilitatem maiorem. Et hoc vult Augustinus dicere in præmissa auctoritate de libero arbitrio, quod nulla essentia nobilior potest cogitari esse in hoc mundo rationabiliter, quæ non sit ibi: Nam si cogites meliores esse partes, hoc est, aut secundum totum, aut secundum partem: si secundum totum, iam non istum mundum cogitas, sed alium. Si secundum partem: tunc ergo tollis ordinem, & perfectionem de hoc mundo: ut si cogites quod Deus fecisset lunam ita lucidam ut esset sol, vel terram sicut cælum, non rationabiliter cogitas, quia perimis vniuersum: non enim esset omnia, si essent æqualia: & hoc est quod dicit August. de libero arbitrio: Non est vera ratio, sed inuidiæ infirmitas, cum aliquid melius faciendum fuisse cogitaueris, iam nihil aliud inferius fieri velle: tamquam si perfecto cælo nolles terram factam esse, vtrique omnino inique cogitares: & sic patet vltimâ obiectionem quo ad primam partem esse sophisticam, pro eo quod non competebar vniuerso ut materia secundum se totam perfecta esset forma nobilissima.

1. Ad illud ergo quod obiicitur in contrarium per auctoritatem Augustini de libero arbitrio, iam patet responsio, quia intelligitur de hoc mundo, & de melioritate secundum essentiam, ut patet ex textu.

2. Ad illud quod obiicitur quod summa distantia est in vniuerso, dicendum quod *prope Deum*, potest dupliciter intelligi, scilicet quantum ad immediatam receptionem & conuersionem in Deum, aut quantum ad summam imitationem, & assimilationem. Primo modo est natura Angelica prope Deum, simpliciter loquendo: sed secundo modo non nisi in comparatione, quia magis est dissimilis quam similis, & plus deficit, quam exprimit, immo infinitis gradibus distat, & ideo maior propinquitas est nobis cogitabilis, & Deo possibilis, quamuis nunc non sit.

3. Ad illud quod obiicitur quod materia prima est creata in omnimoda possibilitate, dicendum quod possibilitatem obedientiæ Deus in nulla creatura complet totaliter, quia hoc est secundum omnimodum imperiū Creatoris: sed complet capacitatem & possibilitatem, ut disponatur per alias dispositiones: & sic Deus complet materiam, quia eius capacitatem debitis dispositionibus limitauit, & illas formas completiuas, & perfectiuas adiunxit, ita quod nihil dimisit incompletum. Quis tamen audeat dicere, quin Deus nobilior disponere, & nobilioribus formis perficere posset, secundum suæ sapientiæ, & potentiæ infinitatem? Quando ergo dicitur: dedit vnicuique quantum erat capax, hoc intelligitur de capacitate non prout dicit longinquam possibilitatem, & obedientiam respectu Creatoris, sed prout cum hoc dicit dispositionem, & exigentiam: & hanc constans est Deum potuisse maiorem facere.

4. Ad illud quod obiicitur quod in creaturis necesse est stare, dicendum quod sicut numerus semper habet statum in actu, tamen numquam est dare statum aliquem, ultra quem diuina potentia non possit se extendere, sic intelligendum est in magnitudine molis, & bonitatis, & quantumcumque sit in creatura status & semper, quia finita, bene agit Deus hucusque, ita quod non agit amplius, numquam est dare ut credo: & ideo si alium mundum meliorem hoc fecisset, adhuc erit ultra querere, quare non fecit meliorem cum possit: & sic procedendo vltimius, & ita talis quæstio est irrationalis: & solutio non potest dari nisi hæc, quia voluit, & rationem ipse nouit. Attamen si non fecit, nemo potest arguere: quia hoc totum quod fecit, fuit gratia: nec erat aliqua exigentia, ratione cuius possit poni in eo fuisse inuidia.

QVÆSTIO II.

An mundus potuerit fieri melior quantum ad proprietates partium integrantium.

Alex. Alenf. 1. p. q. 21. Memb. 3. ar. 2.
S. Tho. 1. Sent. dist. 44. q. 1. art. 2.
Egid. Rom. 1. Sent. dist. 44. q. 2.
Scot. in Reportatis 1. sent. dist. 44. q. 1.
Rich. 1. Sent. dist. 44. q. 4.

Tho. Arg. 1. Sent. dist. 44. q. 1. art. 2.

Marfilius Inguen. 1. Sent. q. 43. art. 2.

Petrus de Tarant. 1. Sent. d. 44. q. 2.

VTRVM mundus potuerit fieri melior quantum ad partium integrantium proprietates. Et quod sic videtur: Erit lux Lunæ sicut lux solis, & lux solis sicut lux septem dierum: hoc erit, ergo potest esse: ergo Deus potest condere: & ita de aliis corporibus: & si hoc, essent vtrique res meliores: ergo, &c.

ITEM per Aug. super Gen. ad litteram, & Magister adducit hanc auctoritatem, Poruit, inquit, Deus talē facere hominē, qui nec peccare vellet, nec posset: & si talem fecisset, quis dubitat eum meliorem fuisse? ergo, &c.

ITEM: Melior est proprietas incorruptibilitatis, & quietis, quam corruptionis, & morus: sed omnia quæ fecit Deus aut fecit corruptibilia, aut aliquo modo mobilia: ergo omnia potuit facere meliora.

ITEM: Si non potuerūt creaturæ fieri meliores, hoc fuit, aut quia Deus nō potuit dare plus: aut quia creaturæ non potuerunt plus capere. Si quia Deus non potuit amplius dare: ergo diuina potentia est limitata. Si quia creaturæ non potuerunt amplius capere CONTRA: Videmus tota die creaturam meliorari, & deteriorari, salua substantia, & capacitate, ergo, &c.

1. CONTRA: Optimi est optima adducere, sicut dicit Dionysius: sed optimo nō potest esse melius: ergo si Deus cum sit optimus, adducit res optime: patet ergo, &c.

2. ITEM: Plato addit rationē, porro quia optimus est, ab optimo vero omnis inuidia relegata erat: & ideo dedit vnicuique creaturæ tantū de bonitate, quantum potuit capere. Si tu dicas quod Platonis verbum nō valet, quia inuidia non est respectu inferioris. CONTRA. Aug. super Genesim ad litterā: Si bona facere nō posset, nulla esset potentia. Si posset, sed nollet: magna esset inuidia: ergo par ratione, si posset facere meliora, & nollet, esset inuidus.

3. ITEM ratione videtur: quia omne agens ex tota sua substantia facit rem optimo modo quo potest fieri, si potentiam eius nihil omnino impedit: sed Deus est agens ex tota sua potentia in omni sua actione: & potentia eius nullam habet indigentiam, neque resistantiam: ergo quidquid facit, ita bonum facit, quod nullo modo potest fieri melius.

4. ITEM: Hæc est vera per se: Bonum est diffusiuum sui: ergo magis bonum, magis diffusiuum: & maxime bonum, maxime diffusiuum: sed Deus est agens maximæ bonitatis: ergo maxime se diffundit: ergo videtur quod vnumquodque optimum facit, & quantum ad substantiam, & quantum ad proprietates.

CONCLUSIO.

Partium integralium mundi quæ à Deo pendent immediate, proprietates si absolute considerentur, meliores fieri poterunt: si vero relative adinuicem & ad finem nequaquam.

RESPOND. AD ARG. Dicendum quod cum queritur de melioritate partium vniuersi, potest queri quantum ad duplex genus partium: aut quantum ad partes manentes, sicut natura intellectualis, rationalis, cælestis, & elementaris: aut quantum ad partes transeuntes, sicut hic homo, & hic equus. Si quantum ad partes transeuntes, sic sine distinctione concedo quod possunt, ut in pluribus quantum ad proprietates fieri meliores: quia non sunt de substantia vniuersi, nec sunt à solo Deo, sed à Deo simul operante cum agente particulari quod impeditur, & deficit. Si autem intelligamus de partibus quæ sunt de constitutione, & integritate mundi, & immediate sunt à Deo: cum queritur utrum potuerint fieri meliores quantum ad proprietates, distinguendum est: quia aut loqueris de ipsis absolute, aut de ipsis in relatione ad finem. Si de ipsis absolute: patet quod meliores conditiones potuerunt habere. Si de ipsis in relatione adinuicem, vel ad finem, optimas habuerunt proprietates: quod patet, quia sicut dicit Augustinus: Meliores iudicauit Deus homines, si ei liberaliter deseruissent. Similiter melius

fuit quod

Funda-
menta.
1. 4. 30. 6

Lib. 11. ca. 5.
10. 3.

Ad oppo-
situm.
Dion. de di-
uin. nomi. c.
4. ante me-
dium.

Aug. super
Gen. ad lis-
teram li. 4.
ca. 16. 30. 3.

fuit quod omnes homines essent ex vno, & ita quod haberent corpus animale, & secundum exigentiam eius necesse fuit alias creaturas corporales disponi in motu, & corruptibilitate. Ex his patent rationes inductæ ad primam partem: procedunt enim de proprietatibus rerum secundum se consideratarum.

1. Ad illud quod obiicitur in contrarium de Dionysio, dicendum quod illud intelligitur secundum ordinem, sicut iam patebit.

2. Ad illud quod obiicitur de Platone, dicendum quod non habet veritatem nisi intelligatur saluo ordine vniuersi: & hoc quantum ad bonitatem essentialem, considerata dispositione in materia: nec ratio sua est necessaria, sed solum persuasio in simili: sicut in homine qui potest alij bene facere, & non facit: quod ex hoc iudicatur inuidia, & frequenter dimittit propter inuidiam: & qui caret inuidia econuerso facit: & sic intelligitur verbum Augustini.

3. Ad illud quod obiicitur quod agens ex tota potentia producit optime, dicendum quod agens ex potentia tota quoddam agit secundum impetum, quoddam secundum artem, & sapientiam. Et quod secundum impetum agit, facit quanto melius potest. Quod agit secundum artem, & sapientiam, agit quantum vult, & quantum congruit, saluo ordine, quia sapientis est ordinare. Ideo quædam facit bona, quædam meliora, quædam optima: & sic patet quod illud non sequitur.

4. Ad illud quod obiicitur quod bonum summum summe se diffundit, dicendum quod hoc verum est de diffusionem naturali: sed de voluntario, siue à proposito, non est verum. Primo modo est diffusio in productione personarum: secundo modo in productione creaturarum.

QVÆSTIO III.

An Deus potuerit facere mundum meliorem quantum ad ordinem partium.

Alex. Alenf. 1. p. q. 11. Memb. 3. ar. 6.

S. Thom. 1. Sent. d. 44. q. 1. ar. 3.

Scot. in Reportat. 1. Sent. dist. 44. q. 2.

Egid. Rom. 1. Sent. d. 44. q. 3.

Richardus. 1. Sent. d. 44. q. 5.

Tho. Argent. 1. Sent. d. 44. q. 1. ar. 3.

Petrus de Tarent. 1. Sent. d. 44. q. 3.

Funda-
menta.
Gen. 1. d.

VTRUM Deus potuerit mundum facere meliorem quantum ad ordinem partium. Et quod non, primo videtur auctoritate: Vidit Deus cuncta quæ fecerat, & erant valde bona. Glossa Augustini: Singula quæque bona in se: sed in vniuerso optima: sed optimo nihil est melius, ergo, &c.

*Lib. 13. de
Tri. cap. 10.
103.*

ITEM Augustinus dicit quod alius quamuis modus nostræ liberationis esset Deo possibilis, nullus tamen fuit nostræ leuandæ miseriæ congruentior: sed sicut Deus fuit sapientissimus Redemptor, ita & sapientissimus Conditor: ergo si ordinatissime redemit, ita quod nullus modus melior, vel congruentior esse potuit: ergo similiter se habuit in faciendo res: & sic patet, &c.

ITEM: Si consideremus ordinem elementorum in mundo, constat ea optime esse ordinata: unde non potest cogitari quod illa quattuor corpora ordinentur melius, siue secundum qualitates, siue secundum formas nobiles, siue secundum proportionem numerales, sicut ligantur viij. & xxvij. qui sunt duo primi numeri solidi cubi, ligantur per duos intermedios, scilicet xij. & xvij. ergo, &c.

ITEM: Sapientis est ordinare: ergo summe sapientis summe, siue optime ordinare: ergo Deus res ita bene ordinauit quod nullo modo potuit ordinare melius.

*Arist. 1.
Metaph.
context. 2.
Ad oppo-
situm.*

1. **S**ED contra: Ordo ille est bonitatis finitus: ergo si sapientia Dei est infinita, & infinitum excedit finitum, ergo Deus sciuit melius ordinare: sed quidquid sciuit, potuit: ergo, &c.

2. **I**TEM: Melior est & nobilior ordo in quo nulla cadit inordinatio, quam in quo cadit: sed in vniuerso cadunt multæ inordinationes, & deformitates: ergo alius ordo potuit fieri melior.

3. ITEM: Quod propinquius est fini, melius est ordinatum: ergo si omnia sunt optime ordinata, omnia sunt æqualiter coniuncta fini: ergo omnia participant beatitudinem quod absurdum est.

4. ITEM: Bonitas ordinis pēdet ex bonitate partium, sicut respectuum ab absoluto: sed res secundum esse absolutum non sunt optimæ: ergo nec in ordine.

CONCLUSIO.

Deus non potuit partes primas vniuersi melius ordinare, neque secundum suam sapientiam, neque secundum finem.

RESPOND. AD ARG. Dicendum quod est ordo partium in toto, & est ordo partium in fine. Primus ordo respicit sapientiam, secundus ordo respicit bonitatem. Et sunt isti duo ordines ita coniuncti, ut vnus alteri conformetur, & ordo partium in vniuerso est propter ordinationem ad finem. Si autem loquamur de ordine partium in vniuerso, aut hoc est quantum ad partes primas & substantiales, & sic absque distinctione optime sunt ordinatæ, ita quod melius ordinari non potuerunt, quia in eis consistit ordo substantialis, & pulchritudo vniuersi immutabilis. Vel quantum ad partes corruptibiles, & remotas, & hoc dupliciter. Aut absolute, & ut nunc, & sic potuerunt melius ordinari, & aliquando erunt melius ordinatæ. Aut simpliciter & in relatione ad finem, & sic sunt res optime ordinatæ in vniuerso, secundum quod conuenit ordini in finem. Simpliciter enim optime ordinatæ sunt res in finem, saluo ordine vniuersi, quia vniuersum est tamquam pulcherrimum carmen quod decurrit secundum optimas consonantias, aliis partibus succedentibus aliis quoultque res perfecte ordinentur in finem. Unde sicut in productione rerum manifestatur potentia, sed in comparatione, siue in ordine non entis ad ens, ostenditur summa potentia creans ex nihilo, sic ordo rerum in vniuerso in se ostendit sapientiam, & ordo ad finem, bonitatem: sed in comparatione vnus ad alterum, ostenditur summa sapientia, & summa bonitas, quia nihil potest hunc ordinem deordinare, sicut melius infra patebit. Concedendæ ergo sunt rationes probantes quod res sunt optime ordinatæ, quia respiciunt vtrumque ordinem.

*Aug. lib. 11.
de Civ. Dei
cap. 18.*

1. **A**D illud quod obiicitur quod sapientia est infinita, dicendum quod quamuis sapientia est infinita, tamen res non sunt capaces nisi ordinis finiti: & ipsa sapientia summa, summum dat ordinem quem habere possunt.

2. **A**D illud quod obiicitur quod in vniuerso cadit inordinatio, dicendum quod si consideremus hos ordines, scilicet ad finem, & in vniuerso, ita se adinuicem completuntur quod non potest ibi esse inordinatio.

3. **A**D illud quod obiicitur de propinquitate, dicendum quod hoc est verum secundum propriam ordinationem: sed secundum decursum vniuersi necesse est quod res sit primo longe à fine, & post appropinquet.

4. **A**D illud quod obiicitur quod ordinis bonitas pēdet ex partibus, dicendum quod sicut aliqua contingetia in se habent esse absolutum contingens, sed ordinem necessarium, sic & in proposito intelligendum quod quamuis aliquid non sit optimum in se, tamen optime ordinatur. Et exemplum huius patet in partibus corporis, & in re artificiali in qua est consonantia. & harmonia, sicut in cithara. Quamuis enim nobilior sit situs oculi quam pedis, tamen si consideremus vtrumque secundum suum officium, tam oculus quam pes optime situati sunt in toto, ita quod nec oculus melius pede, nec econuerso, & ita dicit Augustinus super Ioannem quod sicut Angelus optime in celo, ita vermiculus optime in imo, sicut in terra. Et similiter apparet in cithara: possunt enim omnes chordæ ita proportionari quod si aliqua tendatur, ut detur ei melior sonus, numquam remanebit consonantia. Similiter dictiones possunt ordinari ad faciendum versum, ita quod ex illis dictionibus impossibile est fieri versum melius ordinatum, sic in proposito intelligendū.

Exem-
plum.

*Aug. in 10.
Tra. 8. in 1.
medio 10. 9.*

QVÆSTIO IV.

An Deus potuerit facere mundum antiquiorem.

Richardus 1. Sent. dist. 44. q. 3.

Stephanus Brulef. 1. Sent. dist. 44. q. 4.

Petrus de Tarentasi. 1. Sent. dist. 44. q. 4.

Funda-
menta.
2. Pet. vit.
6
Psal. 89. 4

VTRUM potuerit facere mundum antiquiorem. Et quod sic videtur: Mille anni apud Deum sicut vna dies. Et in psalmo: Mille anni ante oculos tuos tamquam dies hesternæ quæ præterit, pari ratione centum millia annorum: ergo si Deus potuit facere mundum ante diem hesternam, potuit per centum millia annorum ante: & si hoc esset antiquior: ergo, &c.

I T E M: Diuina potentia & operatio non dependet nec à materia, nec à tempore: ergo qua ratione potest in vno instanti, potest in alio: sed qua ratione in posteriori, eadem ratione in priori: & si hoc, mundus potuit fieri antiquior: ergo, &c.

I T E M: Diuina essentia & potentia fuit ante temporis principium, aut ergo fuit potens producere ante, aut nō. Si non: ergo erat impotens. Si sic: ergo potuit facere mundum antequam faceret.

I T E M: Ego quæro, vtrum potuerit facere post. Si sic: sed non est maior ratio de post, quam de ante: ergo pari ratione potuit facere ante. Aut si non potuit post, nec ante, & ita necesse fuit quod tunc: ergo videtur quod compulsus, & non voluntarius mundum fecit tunc.

Ad oppo-
sitū.

1. S E D contra: Ante principium temporis nihil erat nisi æternitas: ergo si potuit mundum facere ante principium temporis, potuit facere & in æternitate: sed quod habet esse in æternitate, caret principio, & nihil tale potest esse creatum ex nihilo: ergo, &c.

2. I T E M: Si potuit facere ante, ponatur: similiter ego quæro, vtrum ante: & sic in infinitum: sed infinitum à parte ante est æternum: ergo si potuit in infinitum ante facere, potuit etiam ab æterno: si ergo non potuit facere mundum æternum, quia non esset factus, ergo nec antiquiorem.

Arist. 3.
Phy. 56.

3. I T E M: Necesse est mundum habere finitam durationem à parte ante: sed in omni finito necesse est alicubi stare, ultra quod nō potest fieri progressus: sed qua ratione statur in aliquo instanti finito, statur in illo in quo cōditus est mundus: ergo, &c.

4. I T E M: Principio totius antiquitatis non potest aliquid fieri, vel cogitari antiquius: sed tempus, vel æuum quod incepit cum mundo, est totius antiquitatis principium: ergo etiam non potuit aliquid esse antiquius.

CONCLUSIO.

Deus potuit mundum antiquiorem creare in quantum potuit facere tempus ante hoc, & in illo facere mundum: non tamen sic facere quin haberet principium.

Opinio a-
liorum.

R E S P. A D Arg. Quod cum quæritur, vtrum Deus potuerit facere mundum antiquiorem: potest intelligi dupliciter. Aut ita quod ipsum creauerit ab æterno, cum produxerit ex tempore: & tunc esset antiquior. Aut ita quod mundus durasset tempore longiori, tamen finito. Primum credo impossibile simpliciter: quoniam implicat in se contradictionem. Ex hoc enim quod ponitur fieri, ponitur habere principium. Ex hoc autem quod ponitur æternus, ponitur non habere principium. Vnde idē est quædere, vtrum Deus potuerit ante mundum facere quod mundus habendo principium non haberet principium, hoc includit contradictionis vtramque partem. Similiter, quantum ad secundum sensum videtur aliquibus impossibile, quia implicat in se oppositionem: quoniam anterioritas siue antiquitas incipit simul cum tempore. Nam in æternitate non est ante, & post: & tempus incipit de necessitate simul cum mundo, sicut situs incipit cum loco, & locus cum orbe primo. Vnde sicut si quæreretur, vtrum primus orbis potuerit fieri altior, nulla esset omnino quæstio, immo implicat contradictionem, scilicet extra omnem locum esse locum: & venit ex falsa imagi-

A natione, quia imaginamur totū mundū esse in locali spatio: sicut imaginamur terram circumdari aqua: similiter intelligendum est in proposito quod est implicatio contradictionis, & venit ex falsa imaginatione: quia imaginamur ante principium mundi fuisse durationem temporis, in qua mundus potuisset ante fieri. Vnde si quærat: vtrum totus mundus potuisset extra totum mundum, vel supra, vel infra fieri, stulta est quæstio, & implicans opposita, & veniens ex mala imaginatione. Per hūc modum respondent, si quærat: vtrum mundus potuerit fieri ante, vel antiquior. Vnde dicunt quod si aliquid præcessisset ante mensurans temporaliter potuisset utique ante fieri. Similiter si locus esset extra, potuisset altior fieri. Ratio autem istius malæ imaginationis est: cum enim imaginamur æternitatem in infinitum ante tempus fuisse, intelligimus eam quasi durationem extensam, in qua sunt diuersa nunc, in quorum quolibet potuisset fieri tempus. Sed hoc omnino nihil est: quia æternitas est simplicissimum, in quo nulla omnino cadit diuersitas. Concedendum ergo, sicut probat rationes inductæ ad hoc: quod sicut non potuit mundum facere in loco altiore, quia non est in loco: sic nec ante, quia nulla est antiquitas nisi in eo.

Aug. lib. 11.
de Civ. Dei
cap. 5. & 6.
10m. 3.

A D illud quod obiicitur quod apud Deum non est vis aliqua in aliquanto tempore, & quod potentia eius non dependet, &c. Dicunt ad omnia vnica responsione quod quamuis diuina virtus ad nihil artetur, tamen principium non potest facere sine principio, & temporale non sine tempore, & primum temporale non potest facere, nisi in principio temporis, & principium temporis non nisi in principio temporis. Oppositum enim non dicit potentiam, sed magis contradictionem, & repugnantiam: nec tamen artatur ad sic faciendum, quia posset omnino non facere. Vnde sicut stulta est quæstio, si quærat: vtrum potuerit facere principium temporis ante principium temporis, similiter & prædicta. Sed quoniam durum videtur dicere, quod Deus non potuerit facere mundum antiquiorem, & quin alium mundum facere potuerit, sed tantum istum: propterea dicunt alij, quod sicut Deus potuit facere mundum ampliorem, ita potuit facere antiquiorem sine omni distinctione. Et tamen istud non est omnino simile: quia Deus posset facere cælum amplius & magis distare à terra, salua vtriusque natura: sed si Deus intelligatur fecisse quod illud nunc magis distat à principio temporis, intelligitur illud, nunc, esse aliud, quia etiā si intelligatur mundus factus ante, adhuc non esset antiquior respectu istius nunc: quia tantum distaret quantum distat à principio: & ita non esset antiquior. Et ideo non est simpliciter neganda, nec simpliciter concedenda, sicut nec ista, Deus potuit facere mundum altiorem. Si enim intelligas de hoc absolute, falsum est, sicut dicit prima opinio, & non intelligibile, & implicatio contradictionis. Si autem intelligas per concomitantiam alterius loci, scilicet quia Deus potuit facere alium mundum amplectentem istum, in quo situm posset habere magis alium, & minus verum est. Similiter iudicandum de antiquitate. Et ideo si quærat: vtrum Deus potuerit ante facere mundum, distinguendum sicut & hic: Vtrum Deus potuerit facere mundum in alio loco, vel alibi: quia aduerbialis determinatio potest cadere sub ampliatione verbi. vel extra. Si sub ampliatione verbi: tunc est vera, & est sensus quod Deus potuit alium locum facere, & in illo mundum istum totum ponere: potuit enim facere centum tales mundos, & adhuc vnum complectentem omnes, & vnū in loco altiori quam alium: sic & in tempore intelligendum est quod Deus potuit facere tempus ante hoc, & in illo facere mundum. Alio modo potest cadere aduerbialis determinatio extra ampliationem de ly potest, & est sensus: Deus potest facere mundū istum in alio loco, qui est extra mundū: & hic est implicatio falsi, quia nō est locus nisi intra mundū, & similiter de tempore intelligendū.

Opin. 2.

Opinio
propria.

1. A D illud quod obiicitur quod ante non erat nisi æternitas, dicendum quod verum est: sed tamen Deus poterat facere quod ante esset tempus.

2. A D

2. A d illud quod obiicitur de infinito à parte ante, dicendum quod infinitum à parte ante, potest esse apponendo, aut secundum actum, aut secundum potentiam. Primo modo dicit æternitatem, secundo modo minime, quia æternitas dicit infinitum actu.

4. A d illud quod obiicitur quod necesse est ponere statum, dicendum quod verum est: sed status possunt esse infiniti, & licet in potentia non sit ponere statum, tamen quia actus non consequitur totam potentiam, sed in aliquo statu est, ideo in statu finito. Si quæratur, quare magis in hoc quam in alio, ratio summa & potissima est voluntas facientis.

4. A d illud quod obiicitur quod antiquitas cæpit cum mundo, dicendum quod verum est: sed Deus potuit facere quod ante inciperet: ideo non valet ratio illa. Rationes ad oppositum sunt concedendæ, procedunt enim secundum primam viam.

ARTICVLVS II.

Consequenter quantum ad secundum articulum quæratur de immutabilitate diuinæ potentiæ: vtrum videlicet quod semel Deus potest, semper possit.

QVÆSTIO VNICA.

An Deus quod semel potest, semper possit.

Alex. Alenf. 1. p. q. 25. Memb. 4.

S. Thom. 1. Sent. q. 1. ar. 4.

Ægid. Rom. 1. Sent. d. 4. p. 2. q. 1.

Richard. 1. Sent. d. 4. ar. 4. q. 1.

Petrus de Tarent. 1. Sent. d. 4. q. 5.

Steph. Brulef. 1. Sent. d. 4. q. 5.

Ad oppositū.
3. Phyl. con-
tex. 32.

ET quod sic, videtur, quia omnis potentia quæ est idem cum essentia, habet idem posse quod esse: & omne illud cuius posse est idem quod esse, si habet esse immutabile, & æternum, habet & posse: sed quod Deus semel est, semper est, quia eius esse est immutabile: ergo & quod semel potest, semper potest.

2. I T E M: Omnis potentia quæ est infinita, & non potest non esse infinita, semper est respectu æqualium: quia si respectu paucorum esset, aliquando desineret esse infinita, & desineret esse omnipotens: sed diuina potentia semper est infinita, & omnipotens, ergo nihil possibile accrescit ei, nec decrescit: ergo quod semel potest, semper potest.

3. I T E M: Omnis potentia quæ est omnino sufficiens, & nullo modo dependens à possibili, omne quod potest, semper potest, si in seipsa maneat non mutata: sed diuina potentia est semper huiusmodi, & non mutatur in se: ergo, &c.

4. I T E M: Quidquid Deus potuit, adhuc potest, si nihil factum est quod non subsit eius virtuti: sed nihil potest fieri quod non subiaceat diuinæ virtuti: ergo propter illud factum non impeditur, quin adhuc possit: ergo potest quidquid potuit.

S E D contra: Si Deus potest semper quidquid potuit semel, sed potuit Christum resuscitare à mortuis, & mundum creare: ergo & modo potest: quod stultum est dicere. Item sic: Quidquid semel potest, semper potuit: sed modo potest mundum creare: ergo ab æterno potuit creare.

I T E M: Si quidquid potest semel, & semper: sed ante mundum potuit facere quod mundus non fuisset: ergo & modo potest facere quod mundus non fuisset.

I T E M cum dicitur: Deus potest hoc facere, aliquo demonstrato, aut connotatur aliquid, aut nihil. Si nihil: ergo æque vere potest dici quod Deus potest malum, vt bonum. Si autem aliquid connotatur: hoc non est nisi possibilitas ad fieri: sed quod factum est, idem ipsum non habet possibilitatem ad fieri: ergo Deus non potest facere quod factum est, & prius potuit: ergo non potest quidquid potuit.

Funda-
menta.

CONCLVSIO.

Quamuis Diuina potentia in se sit immutabilis, ratione tamen connotati quod fuit aliquando possibile, & postea factum est impossibile, non quidquid potuit, semper potest.

R S P. A d Arg. Ad hoc est duplex modus respondendi sicut ad sophisma de scientia. Concesso enim quod diuina potentia secundum veritatem omnino sit immutabilis, secundum positionem tamen nominalium concedunt hanc: Potest quidquid potuit: & respondent illationi, sed potuit Christum suscitare: ergo & modo potest, respondent quod non debet inferri sub illo tempore, sed sub alio, ergo potest Christum resuscitare. Et hoc enunciabile adiunctum verbis diuersorum temporum est idem: ideo dicunt quod propositio est veta: etsi aliter inferatur, assignant peccatum in processu secundum fallaciam figuræ dictionis, vel secundum accidens. Tamen, sicut supra probatum fuit, hæc positio non habet veritatem, quamuis illa positio videatur fuisse probabilis: & Magister fuit huius positionis, quia per hoc soluit: & iterum non soluit in proposito. Primum, quia si diceretur Deus posse quidquid potuit, quia potest fecisse quod potuit facere: pari ratione qui nunc est cæcus potest quidquid potuit: & truncatus, quia potest fecisse quod potuit facere: & potest nunc videre quod potuit videre. Præterea datem oppositum huius solutionis adhuc contingit soluere hoc modo formata ratione. Potest quidquid potuit: sed potuit non fecisse mundum antequam faceret: ergo & modo potest non fecisse: loco eius quod est non fecisse, non est aliud dare æquiualens: ergo illa responsio non soluit, maxime cum ipse Magister dicat in littera quod Deus non potest facere omne quod potuit aliquando facere, nec vult facere, vel esse, vel fieri quod aliquando voluit facere, esse, vel fieri. Ideo dicendum sicut dictum fuit de scientia, quod diuina scientia in se omnino immutabilis, desinit scire aliquod enunciabile ratione connotati: quia scibile desinit esse verum, & ipsa scientia siue scire, connotat vno modo in cognito veritatem. Similiter intelligendum quod diuina potentia connotat in eo, respectu cuius dicitur, possibilitatem, & talem inquam, possibilitatem quæ respicit potentiam agentem sub ratione potentie, non impotentie. Quoniam ergo ita est quod multa possibilia fiunt impossibilia per accidens, & multa impossibilia fiunt entia, & iam sunt impossibilia ad fieri (facere enim quod non ens non sit, nihil est facere, similiter facere quod factum est, nihil est facere, & ita impossibile est fieri) hinc est quod quia Deus non potest nisi possibile quod posse est potentie: & quia nulla mutatione facta in potentia, sed æqualiter Deo existente potente sit aliquid Deo impossibile propter mutationem à parte rei, hæc concedenda est quod diuina potentia est immutabilis: & hæc neganda est: quidquid Deus semel potest, semper potest.

2. A d illud ergo quod obiicitur quod diuinum posse est esse, & infinitum, & independens: torum illud concludit quod ipsa non mutetur: sed nihil sequitur de connotato. Verum est tamen quod posse Dei respectu connotati semper est infinitum, quia si auferatur finitum ab infinito, nihilominus remanet infinitum: & ideo quamuis desinat aliquid posse facere, semper tamen infinita potest.

3. A d illud quod obiicitur vltimo (quia alia patent) ex hoc quod diuina potentia dominatur omnibus quæ sunt, dicendum quod omnia ei subsunt, & tamen non sequitur quod possit facere quod factum est, potest tamen illud destruere: sed facere non potest, quia faciendo, aut facit aliquid, aut nihil. Si aliquid: ergo aliquid plus est nunc, quam prius: ergo non facit quod factum est. Si nihil: ergo faciendo nihil facit. Similiter de eo quod fuit, facere quod non fuerit, aut facit hoc quiescendo, aut operando, aut destruendo. Quiescendo non: si enim Deus nihil faciat, cum hoc est præteritum, semper est præteritum. Si vero faciat operando, cum nihil ex hoc

fiat, hoc

Sup. d. 41.
q. vltima.

Dist. 41.
q. 3. in fine.

Sup. d. 41.
q. 3. in fine.

fiat, hoc enim non fuisse præteritum non est aliquid: ergo faciendo, nihil facit. Si vero destruendo, cum præteritum, siue quod fuit non sit, nihil facit destruendo: & destruendo nihil destruit. Concedendum est ergo quod non potest quidquid potuit, quia fuit aliquando possibile quod factum est impossibile, non propter artationem potentia, sed propter hoc quod necessario connotat impotentiam: & sic patent obiecta.

DISTINCT. XLV.

DE VOLVNTATE
DEI, QVÆ ESSENTIA
DEI EST VNA ET ÆTER-
NA, ET DE SIGNIS

I I V S.

AM de voluntate Dei aliquid pro sensus nostri imbecillitate dicendum est. Sciendum est ergo, quia voluntas, siue volens, de Deo secundum essentiam dicitur. Non est enim ei alia velle, & aliud esse, sed omnino idem. Et sicut idem est ei esse bonum quod esse Deum, ita idem est ei esse volentem quod esse Deum. Nam voluntas qua semper volens est, non affectus vel motus est qui in Deum cadere non valet, sed diuina v'sia, qua volens est Deus, & huiusmodi.

Quod licet idem sit Deo velle quod esse, non tamen potest dici Deus, esse omnia quæ vult.

ET licet idem sit Deo velle quod esse, non tamen dicendum est Deum esse omnia quæ vult. Quod quidam de Dei voluntate non recte sentientes nobis obijciunt dicentes: Si idem est Deo velle quod esse, ergo cum dicimus Deum velle omnia, quæ facit, dicimus eum esse omnia quæ facit, alioquin non ibi illo verbo idem significatur quod significatur hoc verbo esse, cum de Deo dicitur. Et si ita est, non semper dicitur de Deo velle secundum essentiam. Si vero secundum essentiam non dicitur aliquando, quo modo ergo dicitur de Deo? Relatiue enim nunquam dicitur. Ad quod dicimus, quia licet idem penitus sit Deo velle quod esse, non tamen potest dici esse omnia quæ vult, sicut idem est Deo esse quod scire: nec tamen sicut dicitur scire omnia, ita quoque potest dici esse omnia.

Quis sit sensus horum verborum, Deus scit, vel Deus vult. Item Deus scit omnia, vel vult aliquid, & quid de Deo in his prædicetur.

ET Vbi cumque Deus dicitur scire, vel sciens, vel velle, vel volens, hæc de eo secundum essentiam dicuntur. Cum enim dicitur Deus scit, vel Deus vult, siue Deus est sciens vel volens, essentia diuina prædicatur, & Deus esse enunciatur. Cum autem additur: omnia, vel aliquid, vel aliqua, & dicitur Deus scit omnia, vel vult aliquid, vel aliqua: essentia quidem diuina prædicatur non simpliciter & absolute, sed ita ut scientia quæ ipse est, omnia subiecta monstrantur, & voluntati quæ ipsa eadem est, aliquid, vel aliqua subiecta esse dicantur: ut talis fiat sensus: Deus scit omnia, id est, Deus est cuius scientia, quæ ipsius essentia est, omnia subiecta sunt. Similiter Deus vult hæc, vel illa, id est, Deus est, cuius voluntati quæ ipse est, hæc, siue illa subiecta sunt. Volens ergo, siue velle dicitur Deus secundum essentiam, cuius voluntas essentia est sempiterna, & immutabilis, licet ea varientur, & transeant, quæ ei subiecta sunt, quæ non potest esse iniusta, vel mala, quia Deus est.

Quod Dei voluntas summe bona, causa est omnium quæ naturaliter sunt, cuius causa non est querenda, quia nullam habet, cum sit æterna.

HÆC itaque summe bona voluntas, causa est omnium quæ naturaliter sunt, vel facta, siue futura sunt, quæ nulla præuenta est causa, quia æterna est. Ideoque causa ipsius querenda non est. Qui enim eius causam querit, aliquid maius ea querit, cum nihil ea maius sit. Vnde Aug. in lib. 83. q. Qui querit quare voluerit Deus mundum facere, causam querit voluntatis Dei. Omnis autem causa efficiens maior est eo quod efficitur. Nihil autem maius est voluntate Dei. Non ergo eius causa querenda est. de in libro de Genesi contra Manichæos: Si qui dixerint, quid placuit Deo facere cælum & terram: Respondendum est eis: Qui voluntatem Dei nosse desiderant, causas voluntatis Dei scire querunt, cum voluntas Dei omnium quæ sunt ipsa sit causa. Si enim habet causam Dei voluntas, est aliquid quod antecedit voluntatem Dei quod nefas est credere. Qui ergo dicit, quare fecit Deus cælum & terram? Respondendum est illi, quia vult. Voluntas enim Dei causa est cæli, & terræ, & ideo maior est voluntas Dei, quam cælum, & terræ. Qui autem dicit, quare voluit facere cælum, & terram? maius aliquid querit quam est voluntas Dei: nihil autem maius inueniri potest. Compescat se ergo humana temeritas, & id quod non est, non querat, ne id quod est non inueniat. Ecce his auctoritatibus aperte insinuat quod voluntatis Dei causa nulla est, & ideo querenda non est.

Quod voluntas Dei prima & summa causa est omnium.

Voluntas ergo Dei, ut ait Augustinus in 3. lib. de Trin. prima, & summa causa est omnium specierum, atque motionum. Nihil enim sit quod non de interiori, atque intelligibili aula summi Imperatoris egrediatur secundum infabilem iustitiam. Vbi enim non operatur quod vult Dei omnipotentis sapientia, quæ pertingit à fine usque ad finem fortiter, & disponit omnia suauiter: & non solum facit ea quæ perseverantia consuetudinis admirationem amiserunt: sed etiam ea: quæ propter raritatem, & insolitum euentum mira videntur: ut sunt defectus luminarium, & terre motus, & monstruosi animantium partus, & his similia: quorum nihil sit sine voluntate Dei, sed plerisque non apparet. Ideoque licuit vanitati Philosophorum etiam causis aliis ea attribuire, cum omnino videre non possent superiorem ceteris omnibus causam, id est, voluntatem Dei. Itaque non nisi Dei voluntas causa prima est sanitatis, aegritudinis, præmiorum, atque poenarum, gratiarum, & retributionum. Hæc ergo sola est unde ortum est quidquid est, & ipsa non est orta, sed æterna.

Quibus modis accipiat Deus voluntas.

HIC non est prætereundum nobis, quod sacra scriptura de voluntate Dei varijs modis loqui consuevit, & tamen non est Dei voluntas diuersa, sed locutio diuersa est de voluntate, quia nomine voluntatis diuersa accipit. Nam voluntas Dei vere, ac proprie dicitur quæ in ipso est, & ipsius essentia est: & hæc una est, nec multipliciter recipit nec mutabilitatem, quæ inexpleta esse non potest: de qua Propheta ait: Omnia quæcumque voluit Dominus, fecit. Et Apostolus: Voluntati eius quis resistit? Et alibi: Ut probetis quæ sit voluntas Dei bona, & beneplacens, & perfecta. Et hæc voluntas recte appellatur beneplacitum Dei, siue dispositio.

Quest. 28.
10. 4.
Lib. 1. c. 2.
10. 1.

Cap. 4.
Aug. habet:
Aut iubetur, aut permittitur, eo cap. 1. in fi.
Sap. 4.
Eodem c. 2.
in princ.

Eodem c. 4.

Idem li. 8.

Pf. 113. 6
Rom. 9. c
Rom. 12. a

Quod secundum figuram dicitur voluntas Dei præceptio, prohibitio, consilium, permissio, operatio: & ideo pluraliter dicit Scriptura voluntates.

Ps. 110. a

Aliquando vero secundum quādam figuram dicendi voluntas Dei vocatur quod secundum proprietatem non est voluntas eius, ut præceptio, prohibitio, consilium, nec non permissio, & operatio. Ideoque pluraliter aliquando Scriptura voluntates Dei pronunciat. Vnde Propheta Magna opera Domini exquisita in omnes voluntates eius. Cum non sit nisi una voluntas Dei quæ ipse est, pluraliter tamen dicit voluntates: quia voluntas Dei varijs modis, ac pro diuersis accipitur, ut dictum est: Ita etiam idem Propheta propter multos effectus misericordiae, & iustitiæ pluraliter dicit: Misericordias Domini in æternum cantabo. Et alibi: Iustitiæ Domini rectæ, lætificantes corda: cum tamen in Deo una sit misericordia, una iustitia, & una eademque sit misericordia quæ iustitia, scilicet diuina vñia.

Ps. 88. a
Ps. 18. b

Quare præceptio, & prohibitio, & consilium dicuntur Dei voluntas.

Ideo autem præceptio, & prohibitio, atque consilium cum sint tria, dicitur tamen unumquodque eorum Dei voluntas, quia ista sunt signa diuinæ voluntatis, quemadmodum & signa iræ dicuntur ira, & dilectionis signa dilectio appellantur: & dicitur iratus Deus, & tamen non est ira in eo aliqua: sed signa tantum quæ foris sunt, quibus iratus ostenditur, ira ipsius nominantur. Et est figura dicendi, secundum quam non est falsum quod dicitur: sed verum quod dicitur sub tropi nubilo obumbratur. Et secundum hos tropos diuersæ voluntates Dei dicuntur, quia diuersa sunt illa quæ per tropum voluntas Dei dicuntur.

Vbi voluntas Dei pro præcepto, & consilio accipitur.

Matt. 6. d
Mat. 12. d
Cap. 33.
10. 3.

Pro præcepto Dei atque consilio potest accipi voluntas. ut ibi: Fiat voluntas tua sicut in celo, & in terra. Et alibi: Qui facit voluntatem patris mei qui in calis est, ipse frater meus, & soror, & mater est. Et contra hanc voluntatem multa fiunt. Vnde Aug. in lib. de spiritu & littera. Infideles, inquit, contra voluntatem Dei faciunt, cum eius Evangelio non credunt.

Quod Deus non vult hominibus fieri omnia quæ præcipit, vel non fieri quæ prohibet.

Gen. 22. a
Mar. 1. d

Et si illa tria dicuntur Dei voluntas, ideo quia signa sunt diuinæ voluntatis: non est tamen intelligendum Deum omne illud fieri velle quod cuiusque præcepit: vel non fieri quod prohibuit. Præcepit enim Abrahæ immolare filium, nec tamen voluit, nec ideo præcepit, ut id fieret: sed ut Abrahæ probaretur fides. Et in Evangelio præcepit sanato, ne cui diceret: ille autem prædicauit ubique, intelligens Deum non ideo prohibuisse quin vellet opus suum prædicari: sed ut daret formam homini laudem humanam declinandi.

De permissione, & operatione, vbi dicantur Dei voluntas.

Cap. 95. in
fine ca. 90.
in princ.
10. 3.

Permissio quoque Dei & operatio voluntas Dei appellatur, qualiter accipit Augustinus in Ench. dicens: Non fit aliquid nisi omnipotens fieri velit: vel sinendo ut fiat, vel ipse faciendo. Nec dubitandum est Deum facere bene etiam sinendo fieri quæcumque sunt mala: non enim hæc nisi iusto iudicio sinit, & profecto bonum est omne quod iustum

A est. Ecce hic manifeste habemus Dei voluntatem appellari ipsius operationem, vel permissionem, cum dicit non fieri aliquid nisi omnipotens fieri velit, ubi includit & bona, & mala omnia quæ fiunt. Ideoque aperte distinguit quomodo Deum velle dixerit, ne eadem ratione intelligeretur velle bona, & mala. subdens, vel sinendo ut fiat, hoc quantum ad mala dicit: vel ipse faciendo, hoc quantum ad bona. Mala enim sinit fieri, sed non facit: bona vero ipse facit. Ideoque dixit eum velle, quia & nolens, mala sinit: volens, bona operatur: & ob hoc permissio, & operatio voluntas Dei dicuntur.

Quinque supra sunt proposita, quæ dicuntur secundum tropum, ut ideo distinguat lector ubique pro quo eorum accipitur voluntas.

B

Quinque ergo supra posita sunt, quæ dicuntur secundum tropum Dei voluntas, quia signa sunt diuinæ voluntatis, quæ una est, & immutabilis, scilicet Dei beneplacitum. Ideoque diligenter distinguat lector ubi de voluntate Dei scriptura commemorat, iuxta quem modum accipi oporteat, utrum pro beneplacito Dei, an pro aliquo signorum eius. Magna enim est adhibenda discretio in cognitione diuinæ voluntatis, quia & beneplacitum Dei est voluntas eius, & signum beneplaciti eius dicitur voluntas eius. Sed beneplacitum eius æternum est, signum vero beneplaciti eius non: & consonat rerum effectibus beneplacitum ipsius, & ipsi effectus rerum ab illo non discordant. Fit enim cunctis quod beneplacito vult fieri: & omne quod non vult fieri, nequaquam fit. Non ita autem est de signis quia præcipit Deus multis, ea quæ non faciunt, & prohibet quæ non cauent, & consulit quæ non implent.

C

DISTINCT. XLV.

De quidditate voluntatis Dei.

Iam de voluntate Dei aliquid pro sensu nostri imbecillitate, &c.

D

Expositio textus.

SUPRA egit Magister de scientia, & potentia, hic iam Diuino. Tertio agit de voluntate. Et habet hæc pars tres partes. In prima agit de voluntate secundum suam quidditatem. In secunda secundum eius impletionem respectu operis, qualiter scilicet impleatur, infra distinct. 46. Hic oritur questio: dictum est enim. In tertia determinat qualiter voluntas nostra diuinæ conformatur, & hoc distinct. 48. Sciendum quoque est, quod aliquando mala est voluntas. Prima pars habet tres partes. In prima ostendit, quod voluntas Dei est ipsa diuina essentia. In secunda quod ipsa est omnium causa, ibi: Hæc itaque summe bona voluntas causa est. In tertia ostendit, quod ipsa voluntas Dei est multipliciter dicta, ibi: Hic non est prætermittendum nobis. &c. Prima pars habet duas. In prima ostendit, quod velle est in Deo esse, & voluntas est essentia. In secunda soluit dubitationem, ibi: Et licet idem sit Deo velle: Secunda pars similiter habet duas. In prima ostendit, quod diuina voluntas est causa prima. In secunda ostendit, quod est causa generalissima, ibi: Voluntas ergo Dei, ut ait Augustinus. Tertia pars, in qua agit de istius nominis multiplicitate, & hæc non est multiplicitas æquiuocationis, sed analogiæ: habet tres particulas. In prima ponit modum principalem accipiendi circa hoc nomen, quod est voluntas, quia scilicet accipitur pro voluntate beneplaciti. In secunda ponit modos non principales: sed tropologicos, secundum quod accipitur pro signo voluntatis: & hoc facit, ibi: Aliquando vero secundum quādam dicendi figuram, &c. In tertia breuiter epilogat prædeterminata, ibi: Quinque ergo supra posita sunt quæ dicuntur, &c.

E

Relati-

Relatiue enim voluntas nunquam dicitur.
Dub. I.

Videtur falsum, quia sicut Creator dicitur ad creaturam, & præscientia ad præscitum, ita velle dicitur ad volitum: sed est supra habitum dist. 35. quod illa dicuntur relatiue: ergo & velle.

R E S P. Dicendum quod Magister accipit hic relatiue, prout relatiuus modus dicendi distinguitur à modo dicendi secundum substantiam, & hic est personalis, & ita accipitur hic. Ipse autem obicit de relatione respectu creaturæ quæ est quantū ad modum intelligendi, nec distinguitur à modo dicendi secundum substantiā. Vel potest dici, quod Magister loquitur secundū generalem nominis intellectū, quia velle non est tantum respectu creati, vt præscire, & creare: sed etiam respectu Dei.

Deus scit omnia, &c. Dub. II.

Videtur male dicere, quia similiter diuinæ voluntati subiecta sunt omnia, quia voluntati eius nullus resistit: ergo Deus vult omnia, quod non conceditur.

I T E M ego quæro: cum omnia scibilia sint subiecta diuinæ scientiæ, & essentia, & similiter volita: quare non dicimus quod Deus volendo se, velit alia, sicut sciendo se, scit alia. Quod si tu concedis, tunc cetera essent æterna. Si tu dicas, quod non est simile, quæritur quare non: & videtur quod sit simile, quia sicut diuinæ scientiæ actus nō defectitur extra Deū, & ita sciendo se, scit omnia ita & de voluntate videtur.

R E S P. Dicendum quod subiecta diuinæ scientiæ non dicuntur, quia sunt inferiora, sed subiecta dicuntur respectu quorū est actus diuinæ cognitionis. & hæc quidem sunt omnia cognoscibilia: & ideo nouit omnia: similiter subiecta voluntati dicuntur, respectu quorū est actus diuinæ volitionis: & hæc non sunt omnia volibilia, ideo patet illud. Quod quæritur, vtrum volendo se, velit omnia, dicendum, quod velle vno modo dicit complacentiam. Alio modo dicit causam. Prout dicit complacentiam, credo quod bene potest dici, quod volendo se, velit omnia: quia omnia placeant ei quæ ab ipso, & ad ipsum sunt. Prout tamen dicit progressum effectus ab ipso, quia inuis actus non egrediatur, tamen res egrediuntur: & ideo dicit respectum ad extra. Vnde sicut non conceditur, possendo se, potest omnia, sic & in proposito.

Quare fecit Deus calum & terram. Respondendum est illi, quia voluit. Dub. III.

Ephes. I. b.

Videtur mala responsio, quia tunc videtur facile omnia determinare: videtur etiam quod voluntas Dei non habeat rationem. Sed cōtra, super illud ad Ephesios: Secundum consilium voluntatis suæ. Glossa: Voluntas Dei est ex ratione: ergo est quærere rationem.

R E S P. Dicendum quod voluntas nostra cum excutitur à volito, causam & rationem ab eo habet, & quantū ad volitum, maxime quando vult aliquid, quod est propter finem: sed voluntas Dei cuius actus est ipse, maxime cum vult se, quia non excitatur aliqua ratione alia à se, tamen causam quantum ad se habere non potest. Volitum autem aliquando habet aliam causam, quam voluntatem, & tunc respectu eius habet rationem & causam, aliquando solam voluntatem, vt in mundi creatione, & tunc voluntas habet rationem, sed non causam, quia non est irrationalis, vnde non habet rationem tanquam diuersum à se, sed idem re, & ideo voluntas Dei non potest esse irrationalis: & propter hoc in actibus qui totaliter sunt ab ipsa, sufficit ipsam scire, nec oportet ulterius aliam rationem quærere, & sic patet illud.

Voluntas ergo Dei, &c. Dub. IIII.

Videtur male dicere, quia tunc cum voluntas Dei sit agens per intentionem, videtur quod nihil fiat casu, & fortuna.

A R E S P. Dicendum quod Deus quamuis sit causa omnium, non tamen est tota causa: sed ipse cum causis creatis. Propter hoc notandum, quod effectus habet comparari ad causam supremam quæ Deus est, & sic nihil euenit casu, & fortuna. Habet etiam comparari ad voluntatem, siue causam creatam quæ est natura, vel intelligentia, & sic cum multa eueniant præter intentionem, multa fiunt casu, & fortuna.

Nihil enim fit, quod non de interiori, atque intelligibili aula summi Imperatoris, &c.
Dub. V.

Videtur falsum, quia peccata fiunt, & non egrediuntur ab ipso.

B R E S P. Dicendum quod Magister non assumit hanc auctoritatem sicut habetur in originali. Nam ibi dicitur, quod non iubeatur, aut permittatur, & ita non habet locum obiectio. Nihilominus potest dici quod materia restringit distributionem suam ad res quæ sunt aliqua natura. Vel dicendum, quod ampliat verbum egrediendi ad facere, & permittere.

Defectus luminarium, & terremotus, & monstrosi animalium, &c. Dub. VI.

Videtur falsum dicere, quia monstrum dicit de ordinationem aliquam in natura: ergo non est à causa suprema.

R E S P. Aliquibus dicendum videtur, quod monstrum dicit de ordinationem aliquam in natura: & dicit etiam substantiam aliquam. Substantia causam habet positiuam, quæ Deus est, inordinatio illa non habet causam positiuam, sed priuationem, & hæc est vt plurimum improprio virtutis agentis ad materiam. Aut enim materia superabundat, aut deficit secundum proportionem caloris operantis, & virtutis: & Augustinus loquitur de monstris quantum ad id quod habent substratum. Tamen aliter posset dici, quod monstra etiam sunt à Deo puniente, quando pœnæ sunt, & sic habent rationem ordinis. Quamuis enim Deus non faciat contra ordinem in finem, facit tamen contra solitum cursum naturæ frequenter, vel ad vindictam, vel ad misericordiam.

Placuit vanitati Philosophorum, &c. Dub. VII.

D Videtur quod non bene dicat, quia Philosophi causis aliis attribuerunt vere: ergo in hoc vani non fuerunt, vt pote luna eclipsatur, eo quod terra interponitur.

R E S P. Dicendum, quod non ideo dicuntur vani, quia aliis tribuerunt: sed quia sic aliis tribuerunt, vt ad causam præcipuam non referrent. Et ideo euauerunt, quia ad causam primam, & præcipuam non venerunt, quæ sola est causa simpliciter prima, & simpliciter generalissima.

Nam voluntas Dei, &c. Dub. VIII.

Videtur falsum dicere, quia plures sunt ideæ eo quod plurium ideatorū: ergo similiter plures voluntates, quoniam plurium volitorum.

R E S P. Dicendum quod non est simile, sicut patet in quæstione de ideis, quia voluntas dicit quod plus se tenet ex parte volentis & secundum esse, & secundum rationem dicendi: & ideo re, & ratione vna est voluntas beneplaciti: sed idea secundum rationem dicendi plus se tenet ex parte ideati, quia similitudinem eius dicit. Et cognitio secundum rationem intelligendi, & dicendi modum dicit in nobis à rebus ad animam secundum rem: sed in Deo secundum rationem intelligendi, voluntas autem non: ideo hac duplici ratione cōceditur de ideis, non de voluntate.

Nec mutabilitatem, &c. Dub. IX.

Videtur falsū, quia Deus nunc vult aliquid esse, quod postea non vult esse: ergo videtur quod desinat velle: & similiter incipiat: ergo videtur diuina voluntas mutari.

R E S P. Dicendum quod in huiusmodi locutionibus est solum respectu connotati mutatio, quod comparatur ad diuinam voluntatem, ratione cuius ponitur inceptio, & desinitio in actibus illis qui connotant aliquid de presenti. Si enim dicatur: Deus vult hoc esse futurum, ab æterno voluit: sed tamen causa in actu siue actualiter causans non fuit nisi quando facere voluit, id est, pro illo instanti, in quo actus voluntatis copulatur operi, non autem ipsi subiecto volenti, & sic patet quo modo sit causa actualis in tempore, nulla facta in ea mutatione, quia continue voluit, & ita in actu fuit: sed causans in actu non fuit: nisi pro tempore pro quo voluit, ita nulla circa Deum voluntas inceptit: sed solus effectus inceptit.

Dicitur iratus Deus, & tamen non est ira in eo aliqua, &c. Dub. X.

Videtur male dicere, quia in Deo est vis rationalis, & concupiscibilis: ergo pari ratione ponenda est in Deo irascibilis: ergo sicut vere in eo est actus cognitiue, & amoris, ita proprie actus furoris.

R E S P. Dicendum quod irascibilis aliquo modo sonat imperfectionem de ratione sui nominis, & ideo dicunt aliqui, quod nullo modo recipitur in Deo nisi transumptiue. Contra: actus huiusmodi vis in nobis sunt gloriari, & danari, & hi sunt in Deo, quare non similiter & hæc vis; Et est propterea dicendum, quod in Deo vere est vis gloriandi, & dominandi quæ est ipsa diuina substantia, tamen quia ira habet passionem coniunctam de ratione sui nominis, ideo non recipitur in Deo vis irascibilis, nec ira, nisi transumptiue, & sermone tropico. Et notandum, quod Deus habet signa iræ, non quæ significant iram in ipso, sed quæ significant iram in nobis, & vere quando in nobis sunt.

Præcipit enim Abrahæ immolare filium, nec tamen voluit, &c. Dub. XI.

Contra secundum hoc videtur quod præceptum falsum signum fuit.

R E S P. Dicendum quod voluntas Dei volebat fidem, & deuotionem Abrahæ manifestare in præparatione obediendi, & hoc Deus volebat, & hoc signum importabat, & vere: sed tamen secundum æstimationem Abrahæ plus importabat, & per illud plus quod Abrahæ intelligebat, Dominus fidem eius probabat: ita quod nec in signo falsitas, nec in Abrahæ deceptio fuit: sed probatio.

ARTICVLVS I.

Ad intelligentiam præsentis distinctionis tria principaliter quærentur. Primo de voluntate diuina quantum ad quidditatem. Secundo, quantum ad causalitatem. Tertio, quantum ad rationem significandi. Quantum ad primum duo quærentur. Primo, quæritur, utrum sit in Deo ponere voluntatem. Secundo, utrum ipsum sit dicere omniuiolentem sicut dicitur omnipotens.

QVÆSTIO I.

An in Deo sit ponere voluntatem.

*Alex. Alenf. 1. p. q. 34. Memb. 1.
S. Tho. 1. p. q. 19. ar. 1.
Et 1. Sent. dist. 45. q. 1. ar. 1.
Et de Veris. q. 23. ar. 1.
Ægid. Rom. 1. Sent. dist. 45. q. 1.
Henricus in sum. ar. 45. q. 1.
Richardus 1. Sent. d. 45. q. 1.
Tho. Argens. 1. Sent. d. 45. q. 1. ar. 1.
Stephanus Brulef. 1. Sent. dist. 45. q. 1.
Petrus de Tarent. 1. Sent. dist. 45. q. 1.*

Ad oppositum.

QUOD in Deo non sit ponere voluntatem, ostenditur auctoritate, & ratione. Primo, sic: Augustinus in lib. de libero arbitrio: Voluntatis est rationalis motus sensui præsidens, & appetitui: sed in Deo non est motus nec sensus, nec appetitus: ergo neque voluntas.

2. **I T E M** Augustinus in lib. de duabus animabus. Voluntatis est animi motus ad aliquid prosequendum, vel fugiendum: sed in Deo non est ponere fugam, nec prosecutionem: ergo nec voluntatem.

3. I T E M ratione videtur, quia voluntas est potentia in nobis maxime vertibilis, unde alia potentia non possunt in malum: sed sola voluntas est à qua est peccatum: sed in Deo nulla est omnino vertibilitas ad malum; ergo, &c.

4. I T E M voluntas, eo ipso quod voluntas, est ad opposita: eo quod ad opposita, est contingens & variabilis: in Deo autem nulla cadit contingentia, nec varietas: ergo, &c. Probatio primæ. Voluntatis eo ipso quod voluntas est, est potestas rationalis: sed potestates rationales sunt ad oppositum, sicut dicit Philosophus: ergo, &c. Similiter eo ipso quod est voluntas, est libera: & si hoc, non est determinata ad vnum: quia tunc non haberet libertatem, sicut nec potentia naturales: ergo est ad opposita, est igitur variabilis.

S E D contra dicit Apostolus: Secundum consilium voluntatis suæ: Et iterum ibidem, secundum propositum voluntatis suæ, & tota scriptura est plena hoc nomine voluntatis ut est in Deo: ergo, &c.

I T E M Philosophus in 12. concludit, quod voluntas est actio ipsius Dei.

I T E M ratione videtur, quia voluntas est illud penes quod residet inter creatura summa potestas: ergo si voluntas de se dicit potestatem, quia omnibus præsidet in regno anime, & nihil potest sibi imperare: sed Deus est potentissimus, & omne quod possibile est sibi attribuendum est: ergo, &c.

I T E M voluntas est in qua consistit voluptas summa, siue felicitas. Beatus enim est qui habet omne quod vult, unde nihil delectatur nisi habens voluntatem, vel aliquid simile voluntati: sed Deus est felicissimus, in quo est omnis felicitas, & iocunditas: ergo, &c.

I T E M voluntas est illud penes quod residet iustitia, & æquitas. Iustitia enim non est aliud, quam rectitudo voluntatis: unde non habentia voluntatem, non sunt capabilia iustitiæ, sed Deus est iustissimus secundum omnem intellectum ergo habet voluntatem.

I T E M voluntas est vis secundum quam attenditur summa liberalitas: omnis enim liberalitas venit ex amore, sed constat quod amor est actus voluntatis: in Deo autem ponere est summam liberalitatem: ergo & amorem, & voluntatem.

C O N C L U S I O .

Voluntas est in Deo quamuis non habeat conditiones sequentes voluntatem creatam, ut sunt appetitus, fuga, tristitia, vertibilitas, vel malitia.

R E S P. ad arg. Dicendum quod in Deo est ponere voluntatem, sicut ostendunt quatuor rationes prædictæ, propter quatuor conditiones, scilicet potestatis, voluntatis, æquitatis, & liberalitatis, quæ sunt circa voluntatem, & magis proprie in Deo, & completiori modo quàm in nobis. Voluntatis enim in nobis est per differentiam à substantia, & actu, & per distantiam à fine: in Deo autem per omnimodam indifferentiam horum, scilicet substantiæ, virtutis, actus, & finis. Et quia in nobis est per differentiam à substantia, & ab actu: ideo aliis præsidens, & secundum diuersos actus variabilis. Propter differentiam enim à substantia in qua possunt & alia potestates radicari, præsidet aliis potestates, ut sensui, & appetitui. Propter differentiam ab actu, est variabilis secundum alterationem affectionum: in Deo autem neutrum: ideo nec regit inferiores potentias, nec habet variari secundum affectiones varias. Et quia in nobis est per distantiam à fine: inde est quod est indigens, & ideo in ea est fuga, & appetitus: & cadit in ea tristitia, & malitia, quia potest à fine obliquari, cum non sit illi coniuncta. In Deo autem est omnino fini coniuncta: ideo nec fugam nec appetitum habet, nec tristitiam, nec malitiam: sed omnimodam lætitiā, & iustitiam. Et sic patet responsio ad prima tria, quia quamuis istæ conditiones appetitus, fuga, malitia, siue

verti-

vertibilitas, conditiones sint voluntatis creatæ, tamen omnino à voluntate diuina semotæ sunt.

4. Ad illud quod obiicitur, quod est contingens, & variabilis, dicendum quod est contingentia in actu, vel in effectu. Si loquamur de contingentia in effectu, non tantum est in effectu nostro, sed etiam in multis, quæ à Deo sunt. Multa enim facit Deus, quæ posset non facere nullo repugnante. Si autem loquamur de contingentia in actu, quod voluntas modo vult aliquid, modo definit aliquid velle, & incipit velle, modo vult aliquid, modo vult oppositum, hoc cadit in voluntate humana, quia inter voluntatem humanam, & actum, est differentia, vnde nec semper est in vno actu, nec in actu vniformi, diuina autem voluntas propter identitatem sui cum actu, omnino variari non potest, nec habet in se aliquam contingentiam, & ideo patet omnia quæ sita.

QVÆSTIO II.

An Deus dicatur omniuiolens, sicut omniſciens, & omnipotens.

Richardus 1. Sent. dist. 45. q. 5.

Stephanus Brulef. 1. Sent. dist. 45. q. 2.

Petrus de Tarant. 1. Sent. dist. 45. q. 3.

Ad oppositum.

SUPPOSITO quod in Deo sit ponere voluntatem: **Q**UÆRITUR, vtrum ipsam sit ponere omniuiolentem: & ita dicatur à voluntate omniuiolens, sicut à potentia, & scientia omniſciens, & omnipotens. Et quod sic, videtur: quia Deus non dicitur omnipotens eo quod possit omnia, sed quia potest omne quod decet eius potentiam: non enim potest mala. Similiter vult Deus omne quod decet voluntatem eius velle: ergo debet dici omniuiolens, sicut omnipotens.

2. **I**TEM sicut se habet cognitua Dei ad verum, ita se habet affectua, siue voluntas ad bonum: sed cognitua, siue intellectua amplectitur omne verum: vnde qui diceret Deum aliquid verum ignorare, derogaret eius intelligentiæ: ergo pari ratione cum intelligentia non sit latior, nec est perfectior quam voluntas, voluntas erit respectu omnis boni: ergo sicut dicitur omniſciens, quia scit omne verum: ita omniuiolens, quia omne bonum.

3. **I**TEM sicut dicitur Deus verum omnis veri, à quo scilicet omne verum habet veritatem: ita est bonum omnis boni, à quo omne bonum habet bonitatem: sed Deus in cognoscendo suam veritatem, quia est ratio omnium, omnia cognoscit: ergo similiter diligendo suam bonitatem, omne bonum diligit: sed omne quod diligit, vult: ergo vult omne bonum, sicut & cognoscit omne verum, & sic, &c.

4. **I**TEM bona voluntas est quæ se extendit ad multa bona: ergo melior ad plura, & optima ad omnia: ergo infinita ad infinita: ergo sicut potentia, & scientia se extendunt ad omnia, & infinita, ita & voluntas: ergo quæ ratione dicitur omnipotens, & omniſciens, pari ratione debet dici omniuiolens.

Contra, in Psalmo: Omnia quæcumque voluit, fecit: ergo nihil vult nisi quæ facit: sed plura potest facere, & non potest nisi volens: ergo plura potest velle: sed si Deus plura posset scire, non esset omniſciens: ergo, &c.

ITEM si aliquid sciret homo quod non sciret Deus, non esset omniſciens Deus: cum ergo aliquid velit homo quod Deus non velit, vt puta facere furtum: ergo Deus non est omniuiolens.

ITEM si posse malum esset posse, Deus non esset omnipotens, quia non potest mala: cum ergo velle malum, sit velle, & Deus non velit mala: Deus non est omniuiolens. Probatio minoris. Malum non est malum, nisi quia voluntarium: quia secundum Augustinum peccatum adeo est voluntarium, &c. ergo ratio voluntatis saluatur in malo, similiter & actus voluntatis in volendo malum: ergo, &c.

ITEM velle malum, aut est velle, aut est nolle. Si velle, habeo propositum: Si nolle, sed nolle malum est bonum: ergo velle malum est bonum: ergo si Deus vult o-

Amnè bonum, Deus vult omne malum, quod est falsum. Restat ergo quod velle malum est velle, & Deus non vult malum: ergo Deus non est omniuiolens: sed illud argumentum est sophisticum, quia similiter posset obiici de potentia. Sed quæritur, vnde est hoc quod velle malum, est velle: sed posse malum non est posse, vel potentia, sed impotentia. Iuxta hoc quæritur de comparatione potentia, sapientia, & voluntatis ad sua obiecta secundum ambitum.

CONCLUSIO.

Tametsi concedamus Deum esse omniſcium: atque omnipotentem, non tamen omniuiolentem admittimus, quia scientia est omnium tam futurorum, quam possibilium, tam bonorum, quam malorum. Potentia est omnium bonorum, etiam possibilium. Voluntas autem non est nisi bonorum, quæ sunt vel erunt.

B

RESP. Ad arg. Dicendum quod cum quæritur, vtrum Deus sit omniuiolens, duplicem intellectum potest facere ista locutio, ex eo quod hoc quod est, omne, potest facere distributionem simpliciter, vel vt nunc. Si distributionem simpliciter quantum ad actum & habitum facit, tunc dicitur omniuiolens, quia vult omne volibile. Si vt nunc, dicitur omniuiolens, quia vult omne volitum. In vtroque sensu falsitatem habet. Et quia in vtroque sensu veritatem habet in potentia, & in scientia, ideo simpliciter conceditur, quod Deus sit omniſciens, & omnipotens, & simpliciter negatur quod sit omniuiolens. Intellectus huius, & ratio patet. Si enim simpliciter accipiamur, Deus scit omne scibile, & potest omne possibile: sed non vult omne volibile, quia diuina voluntas importat causam actuale, potentia vero abstrahit à ratione actualitatis, & ponit rationem habituale causæ: scientia vero abstrahit à ratione vtriusque. Quia ergo Deus non est causa actualis omnium quæ potest facere, vel velle, sicut non facit omne volibile, ita non vult. Quia vero potentia abstrahit à ratione actualitatis: ideo non dicitur solum respectu faciendorum in actu, sed etiam respectu possibilium fieri à Deo. Quia vero scientia abstrahit à ratione vtriusque, hinc est quod scientia non tantum est respectu faciendorum, sed etiam respectu possibilium, non tantum Deo, sed etiam aliis, vt pote possibile malorum. Hæc ergo est ratio, quia actus scientia, vt scire, est per modum habitus: similiter & potentia per modum habitus, vt posse: voluntatis, per modum actus, vt velle. Ideo scientia est omnium scibile, potentia omnium possibile, quæ sunt potentia: sed non voluntas omnium volibile: & ideo non potest Deus plura scire, vel posse, potest tamen plura velle. Similiter, si accipiamus omne vt nunc respectu rei præscitæ, & respectu factæ, & volitæ, scientia est respectu omnis rei in qua saluatur ratio scientia, & potentia in qua saluatur ratio potentia: sed voluntas non est respectu omnis rei in qua ratio voluntatis saluatur. Scientia enim est respectu omnium futurorum, & præsentium, & præteritorum, bonorum, & malorum, quia ibi saluatur ratio scientia, & nobilitatis: quia scire malum, scire est, & scire malum, nobilitatis est. Similiter potentia est respectu omnium bonorum, in quibus solum saluatur ratio potentia. Nam posse malum, non est posse. Vnde posse malum non tantum derogat perfectioni potentia, sed etiam ipsi potentia, quia posse deficere non est posse, & ideo adhuc dicitur omnipotens. Voluntas vero est respectu bonorum tantum, non respectu malorum. Et quamuis in volendo malum non saluatur dignitas voluntatis, saluatur tamen ratio volendi, quia velle malum velle est. Et hinc est quod Deus non dicitur omniuiolens, quia non vult malum, sed tamen omnipotens dicitur, quamuis non possit malum. Si quæretur quare ratio potentia non saluatur respectu mali, sicut & ratio voluntatis, dicendum quod potentia idipsum quod dicit, dicit per modum habitus, & positionis, de potentia actua loquendo. Vnde quado est respectu priuationis, id non est potentia, sed defectus potentia: sed voluntas idipsum quod dicit, dicit per modum cuiusdam adhaerentis.

tia & complacentie: quia ergo in malo saluatur ratio consensus, & complacentia, sicut & respectu boni: ideo vel le malum, velle est: sed posse malum, non est posse.

1. Ad illud quod obiicitur, quod Deus vult omne quod decet, dicendum quod illa non est ratio quare dicatur omnipotens: sed illa quæ præassignata est, scilicet quia potest omne, quod posse potentia est.

2. Ad illud quod obiicitur, quod cognitua amplectitur omne verum, & affectua omne bonum, dicendum quod aliter amplectitur hæc, aliter illa. Cognitua enim amplectitur habitualiter cognoscendo omne quod est verum, & quod potest esse: sed affectua, quia actus eius est in ratione actus amplectitur & vult solum bonum quod est, vel erit. Rursus: Verum amplectitur totum actum cognitua: quia nihil scitur nisi verum, nam falsum scire, non est scire: sed bonum non amplectitur omnino actum voluntatis, nam velle oppositum boni est velle, & hinc est quod Deus sciendo omne verum, dicitur omnisciens, sed non sic volendo omne bonum, omnivolens.

3. Ad illud quod obiicitur quod Deus cognoscendo se qui est veritas ipsa, omne verum cognoscit: ergo, &c. Dicendum quod verum est, sed aliter: quia cognoscendo se verum, est causa exemplaris: & causa exemplaris non tantum est futurorum, sed etiam possibilem a Deo fieri. Sed diligendo se bonum, est causa actualis ut patet: & ideo non sequitur quod velit nisi bona quæ erunt, vel fient: propter hoc non potest dici omnivolens. Alia tamen est huius ratio, sicut patet in littera.

4. Ad illud quod obiicitur de voluntate quod melior est quæ se extendit ad plura, dicendum quod voluntas est actus rationalis: unde non dicitur voluntas melior, quia simpliciter ad plura, sed quia ad plura rationabiliter, & quoniam ratio recta dicitur creaturas fieri in numero definito, quia numerus infinitus rebus non competit: ideo optima voluntas & perfectissima in aliquo numero vult res bonas esse, sed tamen finito, & ex hoc non sequitur quod voluntas sit infinitorum, vel omnium possibilem nec etiam omnium. Potest tamen dici quod illud si alicubi habet veritatem, ibi tantum habet ubi voluntas aliquid recipit a voluto: sed voluntas Dei nihil recipit, & ideo non est melior volendo tria bona quam vnum, & mille quam tria, & ideo non valet illa ratio in proposito.

Ex hoc patet illud quod consuevit queri: vtrum voluntas, & potentia, & sapientia sint æqualia, dicendum enim quod est loqui de his quantum ad actum, & quantum ad effectum, & quantum ad obiectum. Si quantum ad actum: sic est ibi omnimoda æqualitas, & circumincessio, ut patet, quia quicquid scit Deus & potest, vult scire & posse: & econverso. Si quantum ad effectum: sic adhuc sunt æqualia: quia nihil efficit Deus nisi per potentiam, sapientiam, & voluntatem. Sed quantum ad obiectum, siue connotatum sunt in æqualia, scientia enim hoc modo est in plus, & potentia in minus, & voluntas in minus: nam scitum est bonum & malum: possibile est bonum tantum, sed futurum; & non futurum: volitum vero est bonum, & futurum tantum.

ARTICVLVS II.

Quantum ad secundum articulum queritur de voluntate diuina, scilicet quantum ad causalitatem. Et circa hoc queruntur duo. Primo queritur in generali, vtrum voluntas Dei sit causa rerum. Secundo, vtrum sit causa prima & immediata.

QVÆSTIO I.

An voluntas Dei sit causa rerum.

Alex. Alens. 1. p. q. 25. Memb. 2.

S. Tho. 1. p. q. 13. art. 4.

Et 1. Sent. d. 45. q. 1. art. 3.

Et de Pot. q. 3. art. 15.

Ægid. Rom. 1. Sent. d. 45. p. 2. q. unica.

Richardus 1. Sent. d. 45. ar. 2. q. 1.

Stephanus Brulef. 1. Sent. dist. 45. q. 9.

Petrus de Tarant. 1. Sent. dist. 45. q. 4.

Tho. Argent. 1. Sent. d. 45. q. 1. art. 2.

Marsilius Inguen. 1. Sent. q. 44. art. 1.

QVOD voluntas Dei sit causa rerum, ostenditur sic. Hilarius in lib. de Synodis: Omnibus creaturis substantiam voluntas attulit: sed filio natura dedit.

ITEM Augustinus in lib. contra Manichæos. Respondendum est eis qui voluntatem Dei nosse desiderant, quod voluntas Dei omnium quæ sunt, ipsa sit causa.

ITEM ratione videtur: quia Deus est causa rerum: sed omnis rei cuius est Deus causa, est per scientiam, potentiam, & voluntatem: aut ergo est causa, quia potens, aut quia sciens, aut quia volens. Non quia potens: quia multa potest, quæ non facit. Similiter nec quia sciens, ergo quia volens, ideo facit: sed causa est ad cuius esse sequitur aliud: ergo, &c.

ITEM Deus est causa rerum creaturarum: aut ergo per naturam, aut per voluntatem, aut per casum & fortunam. Non per casum & fortunam, quia tales sunt causæ secundum imperfectam rationem: non per naturam, quia sic simile ex simili producit: restat ergo quod per voluntatem, ergo, &c.

1. Contra: Si voluntas Dei est causa, aut ratione principalis significati, aut ratione connotati: si ratione principalis significati, ergo cum id sit sapientia, potentia, voluntas, & essentia: eadem ratione debent dici causæ. Si ratione connotati: quæro quid sit illud, non est dare nisi effectum: sed effectus consequitur rationem causæ, non è conuerso: non ergo ratione connotati. Et iterum: Si connotat effectum: ergo nullo modo potest dici Deus vult se esse, cum circa se nihil omnino efficiat: quod est falsum.

2. ITEM: Aut voluntas est causa per proprietatem, aut per appropriationem. Si per proprietatem: tunc ergo sapientia, & potentia non sunt causæ. Si per appropriationem, aut ergo quia in voluntate per prius est ratio causalitatis, aut quia immediatius. Non quia prius: nam potentia & scientia antecedunt voluntatem secundum rationem intelligendi. Nec quia immediatius, quia dicit Augustinus quod Deus per voluntatem mouet, per sapientiam disponit, & per potentiam exequitur: ergo immediatorem cooperationem habent ad opus scientia & potentia, quam voluntas ergo, &c.

3. ITEM: Aut est causa propter virtutem agendi, aut propter modum. Non propter virtutem agendi: quia voluntas non dicit virtutem, sed potentia dicit. Si propter modum agendi. Contra: Modus agendi per modum naturæ nobilior est: ergo natura magis est causa. Probatio: illud agens est virtuosius quod est sufficientius, & nobiliorem effectum producit: sed natura sufficientior est in agendo, & paucioribus indiget, & nobiliorem effectum producit quam ars, siue agens voluntarium, ergo, &c.

4. ITEM quod non quantum ad modum, videtur. Quia agens quod dat producto proprietates naturales consimiles, agit per modum naturæ: sed Deus effectibus suis dat unitatem, veritatem, & bonitatem: nec potest facere sine his: & istæ sunt proprietates naturales diuinæ substantiæ: ergo Deus agit per modum naturæ, non voluntatis.

ITEM: Omne agens voluntarie est agens præconcipiendo: sed Deus non agit præconcipiendo: sicut dicit Dionysius de di. no. quia sicut sol non præconcipiendo illuminat: sic Deus non præconcipiendo creat, ergo, &c.

CONCLUSIO.

Cum ratio causandi res, sit ipsa diuina bonitas, in ratione efficiendi & in ratione finis: voluntas autem coniungat efficiendum cum fine: ea propter dicimus voluntatem diuinam esse rerum causam.

Respon. ad arg. Ad prædictorum intelligentiam est notandum quod quamuis diuina essentia sit unum quib simplicissimum, tamen est pelagus substantiæ infinitum: & ideo omnia quæ in nobis reperiuntur per diuersitatem omnia, inquam, in Deo nobilior per omnimodam reperiuntur identitate: nihilominus tamen secundum omnimodam perfectionem & veritatem. Unde sicut in

nobis

Ex 1. p. p. p. riorum context. 11.

Funda- menta. Lib. 1. c. 2. 10. 1.

2. Ph. context. 61. Ex 7. Met. context. 30.

Ad oppositum.

Arist. 9. Metaph. c. 1. 1. 3. Et 3. Et 1. c. 4. in prin.

nobis sapientia, & potentia, & voluntas vere estens, & causa rerum quæ à nobis sunt: sic & in Deo sunt: sed tamen vnum sunt: & quia intellectus noster non potest infinitatem illius substantiæ comprehendere, nec per vnum verbum exprimere: ideo multis modis intelligimus Deum, & diuersis nominibus exprimimus, & secundum quod per illos modos intelligimus, plura enūciamus, ita quod Deo aliquid attribuimus secundum vnum modum quod non secundum alium: & vere quidē, quia omnia in Deo habent veram existentiam. Et ideo cum aliquo modo intelligamus Deum, cum dicimus Deum bonum, alio cum dicimus Deum æternum, concedimus se diffundere, quia bonus est, nō quia æternus: hæc enim est proprietas bonitatis nō durationis. Hinc est quod cū intelligimus vere voluntatem esse in Deo, & proprietas voluntatis sit, producere ea quæ exeunt per modum liberalitatis, quod dicimus Deum in quantum voluntas est, esse causam rerum. Ratio autem quare voluntati attribuitur causalitas, hæc est, quia ratio cauſandi est bonitas & in ratione effectiui, & in ratione finis. Nam bonum dicitur diffusiuū, & bonum est propter quod omnia: effectiuum autem non fit efficiens in effectu nisi propter finem. Illud ergo quod dicit coniunctionem principij effectiui cum fine, est ratio cauſandi in effectu: sed voluntas est actus secundum quem, bonū reflectitur supra bonum, siue bonitatem: ergo voluntas vnit effectiuum cum fine. Et hinc est quod voluntas est ratio cauſare faciens in effectu: & ideo attribuimus Deo rationem causalitatis sub ratione voluntatis, non sic sub aliis rationibus. Et hoc colligitur ex verbis Dionysij in 4. de diuin. nominib. vbi dicit quod bonitatem vt principium, & vt continentiam, & vt finem omnia appetunt. Vt principium, à quo sunt: vt continentiam, per quam saluantur: vt finem, in quem tendunt. Vnde diuinus amor est quidam actus æternus, ex optimo, per optimum, & in optimum: ex quo colligitur quod dicit coniunctionem principij cum fine, & ideo causam actu quando vult facere, ita quod actualitas in cauſando referatur ad voluntatem, non pro instanti in quo habet voluntatem, sed in quo facere vult, sicut ergo volo cras audire missam: & voluntas faciet me cras esse in actu respectu voliti: sic suo modo est in Deo.

1. Ad illud quod queritur, vtrum conueniat voluntati ratio causalitatis propter connotatum, vel propter rem significatam, dico quod nec propter rem significatam, nec propter connotatum, sed propter rem sic significatam: quia significatur diuina essentia vt voluntas, cui modo significandi respondet veritas. Vnde sicut quando nos dicimus quod lapis assimilatur Deo in quantum ens, animal in quantum viuens, & homo in quantum intelligens: reuera essentia, intelligentia, & vita idē sunt in Deo, cum idem ipsum alio modo datur intelligi, nō propter connotationem, sed propter eiusdē substantiæ infinitatem, in qua omnes nobiles proprietates sunt vnum: non tamen possunt significari nisi per diuersa.

2. Ad illud quod obiicitur, vtrum sit causa per proprietatem, aut per appropriationem, dico quod simpliciter loquendo propriissime est causa: Comparando vero voluntatem ad scientiam, & potentiam, dicitur causa per appropriationē: & hoc, quia ipsa voluntas significat Deum, vt causam actuale. Vnde in voluntate primo inuenitur ratio aQualitatis. Potentia enim, & scientia, etsi habeant rationē causæ habitualis, non tamen actualis, nisi per voluntatem. Vnde voluntas facit de scientia dispositionem: siue facit scientiam esse disponentē, & potentiam exequentem: idē enim disponit, quia vult, & sic patet illud.

3. Ad illud quod queritur, quare voluntas dicitur causa, vtrum propter virtutem agendi, aut propter modum agendi: dico quod propter vtrumque. Deo enim velle est posse: principaliter tamen ratione modi agendi: productio enim diuersi in forma, & natura ex sola liberalitate agentis spectat ad agentem per voluntatem. Quod obiicitur quod modus agentis naturalis est nobilior: verum est vbi voluntas non est omnipotens, sed si ars posset facere omne quod veller, non minus no-

bilis ageret quam natura. Potest tamen dici quod modus producendi naturalis competit personæ respectu personæ, non autem essentiæ diuinæ respectu creaturarum, quia non possunt conuenire in forma.

4. Ad illud quod obiicitur quod Deus producit simile secundum proprietates, dicendum quod natura producit simile in proprietatibus specialibus, si est agens particulare, vel si est agens vniuersale, producit necessario non ex sua liberalitate: Deus autem neutro modo.

5. Ad illud quod obiicitur quod Deus non est agens præcipiens, dicendum quod hoc verum est de præconceptione quæ præcedit voluntatē, sed non est verum de præconceptione respectu operis. Primo modo loquitur Dionysius: ipse vero opponit secundo modo.

QVÆSTIO II.

An voluntas Dei sit immediata causa rerum.

Alex. Alens. 1. p. q. 35. Memb. 2. §. 1.

Rich. 1. 1. Sent. d. 45. ar. 2. q. 3.

Steph. Brulef. 1. Sent. d. 45. q. 4.

Petrus de Tarantasia. 1. Sent. d. 45. q. 5.

Gabr. Biel. 1. Sent. d. 45. q. unica.

Vtrum voluntas diuina sit causa prima & immediata. Et quod sic videtur per Augustinū in 3. de Trin. Voluntās Dei est prima & summa causa omnium specierum & motionum.

ITEM omnis causa cuius actus primus & proprius est rei productio, est causa prima & immediata: sed voluntas diuina est huiusmodi: ergo, &c. Probatio mediæ: Super illud psalmi: Iustus Dominus in omnibus vijs suis. Glossa: Deo hoc est velle quod facere: quia ex eius voluntate res habent esse.

ITEM ratione videtur, quia omnis causa est prima & immediata, qua non est altera prior: sed diuina voluntas est causa qua nō est altera prior, cum sit idem quod Deus, ergo voluntas est causa prima & immediata.

ITEM omnis causa est prima & immediata, quæ est in totum effectum per actionem suam: sed omne quod fit, est à Deo, & nihil potest operari sine ipso, cum non possit inesse saluari, & Deus toti cooperatur, & in totum: ergo, &c.

ITEM omnis qui cognoscit rem certissime, & nobilissime cognoscit per causam proximam & immediatam: sed cognoscens Deum & videns cognoscit in eo res certissime & nobilissime tanquam in causis prioribus, vt dicit August. ergo in Deo est causa proxima & immediata, sed non nisi voluntas, ergo, &c.

ITEM quod Deo attribuitur, debet attribui ei in fine totius nobilitatis: si ergo ratio causalitatis conuenit ei nobilissime causalitas debet ei attribui: sed hæc est ratio causæ primæ, & immediatæ: ergo, &c.

1. CONTRA: Vnius est vna causa immediata: ergo si Deus est causa omnium immediata, nihil habet aliam causam quam Deum: & si hoc, cessat omnis operatio, & ita potentia cessat, cessat & bonitas, & cetera sunt otiosa.

2. ITEM si diuina voluntas est omnium causa proxima & immediata: posita causa proxima & immediata, ponitur effectus: ergo cum diuina voluntas fuit ab æterno, cetera sunt æterna.

3. ITEM omne quod habet causam proximam, & immediatam, & necessariam, est demonstrabile: sed si diuina voluntas est omnium causa prima, & immediata, omnia sunt demonstrabilia.

4. ITEM cognita causa proxima & immediata non est ultra querere: ergo scito quod Deus velit aliquid, stulte laborat qui querit causam aliam: sed de omni bono sic scimus Deum causam esse: ergo non est ulterius querenda: pereunt ergo & vana sunt scientiæ doctrinales, immo omnes scientiæ.

(?)

Fundamenta. Ca. 4. 10. 3.

Psalm. 114. c.

Arist. 1. Poster. 6. 2. context. 6.

Ad oppositum.

1. Poster. context. 6.

1. Physicor context. 28. 8. Metaph. context. 12.

CONCLUSIO.

Voluntas est causa immediata rerum, cum sit causa prima, vniuersalissima, & actualissima.

RESP. AD ARG. Ad huius intelligentiam est notandum quod cum in creaturis sit reperire causam vniuersalem, & particularem, causa vniuersalis vno modo plus influit in effectum quam particularis, alio modo minus. Quantum enim ad intimitatem, causa vniuersalis (quia agens potior est) magis influit: sed quantum ad actualitatem, & quantum ad ea quæ sunt propria rei, minus influit. Et ratio huius est, quia causa vniuersalis creata non habet omnimodam actualitatem, nec perfectam potentiam, & ideo non potest peruenire ad formam specialem nisi per accidens, vt per formam agentis particularis, quæ non est ab ipsa. Diuina autem voluntas est causa prima & vniuersalissima & actualissima: ideo potest in totum effectum, & in tota rei substantia etiam sine adminiculo alterius causæ, nec aliqua causâ pot. aliquid vel modicum sine ipsa: & ideo necesse est quod ipsa sit causa immediata in omni actione & re. Et concedendæ sunt rationes ad hoc.

1. Ad obiecta in contrarium, intelligendum quod cū Deus sit omnium causa immediata, quorundam tamen est tota causa, sicut eorum quæ creatur. Quorundam autem est causa cum alia causâ particulari, vt eorum quæ sunt à natura peculiari: & hæc quidem causa concurret non propter indigentiam diuinæ voluntatis, sed propter summam liberalitatem, quæ nō tantum dedit rebus esse, sed & operationem & diffusionem. Et propter ordinem & connexionem vniuersi ad inuicem. Nec vna causa derogat alteri, sed totus effectus est à causa creata, & totus à voluntate infinita increata. Et sic patet responsio ad primum obiectum: obicit enim de causâ immediata respectu alterius causæ creatæ, quia duæ causæ creatæ non sunt immediatæ in eodem genere causæ.

2. Ad illud quod obiicitur quod posita causa immediata, &c. dicendum, quod causâ poni est dupliciter, vel in esse, vel in operari. Et posita causa in esse, non ponitur in actu nisi ponatur in operando: & sic non fuit ab æterno, sed in tempore in quo disposuit, & voluit ab æterno producere rem.

3. Ad illud quod obiicitur, quod omnia sunt demonstrabilia: dicendum quod verum est si causa illa sit propria, & determinata ad tales effectus.

4. Ad illud quod obiicitur quod non debet quæri alia causa, dicendum quod si plene cognosceretur Dei voluntas & dispositio in se, nullus vnquam desideraret scire aliam causam, ita plene cognosceretur in causis primordialibus: at tamen quia diuina voluntas non cognoscitur, nec ipsa excludit in agendo operationem causæ creatæ, nec excludit etiam in cognoscendo cognitionem rationis humanæ, ideo bonum est & perutile exerceri in consideratione causarum creaturarum, vt aliquo modo semiplene veniamus in cognitionem illius causæ supremæ, quæ est finis omnis cognitionis.

ARTICVLVS III.

Consequenter quantum ad tertium articulum queritur de voluntate diuina quantum ad rationem significandi, & circa hoc duo principaliter queruntur. Primo de conuenientia illius diuisionis diuinæ voluntatis in voluntatem beneplaciti & voluntatem signi. Secundo queritur de numero & sufficientia signorum diuinæ voluntatis.

QVÆSTIO I.

An voluntas diuina conuenienter diuidatur in voluntatem signi & beneplaciti.

Alex. Alenf. 1. p. q. 36. Membr. 1.

S. Tho. 1. p. q. 19. art. 9.

Et 1. Sent. dist. 45. q. 1. artic. ultim.

*Et de Veritate q. 13. art. 3.
Egid. Rom. 1. Sent. dist. 45. p. 3. q. 1.
Richardus 1. Sent. dist. 45. art. 3. q. 2.
Marfilus Inguen. 1. Sent. q. 44. art. 2.
Steph. Brulef. 1. Sent. dist. 45. q. 5.
Petri de Tarentas. 1. Sent. dist. 45. q. 7.*

Quod prima diuio non sit conueniens, videtur. Quia sicut voluntas est respectu rerum, ita & potentia, & scientia: sed scientia non distinguitur per scientiam veritatis, & scientiam signi, similiter nec potentia: ergo nec voluntas. Si tu dicas quod illa non habent signa. Contra: Sicut creaturæ sunt signa voluntatis, ita etiam innuunt ex suo ordine scientiam, & ex sua magnitudine monstrant potentiam: ergo si signum ducit in aliud, parer.

2. ITEM si contingit diuinam voluntatem signari, aut per signa naturalia, aut per signa voluntaria. Non per naturalia: quia præceptio, & prohibitio non sunt à natura, sed à voluntate. Non per voluntaria, quia signum voluntarium est quod signat ex institutione: sed præceptio, & prohibitio non signant ex institutione voluntatem, sed ipsum quod præcipitur: ergo, &c.

3. ITEM res significata non communicat nomen suum signo. Vnde quamuis circulus sit signum vini, non tamen est vinum: ergo quamuis præceptio & prohibitio, &c. sint signa diuinæ voluntatis, non tamen debent dici voluntates, ergo non debet diuidi voluntas in voluntatem signi, & voluntatem beneplaciti.

4. ITEM præceptio & prohibitio, & huiusmodi, aut sunt signa ratione actus, aut ratione obiecti siue connotati. Si ratione actus: sed idem est actus quod diuina voluntas & Deus, quia cum dico: Deus præcipit, dicitur de Deo, & ita prædicat diuinam essentiam: ergo secundum hoc idem esset signum sui ipsius. Aut ratione effectus, & tunc cum præceptio, & prohibitio nullum connotent effectum, nec consilium, nullum omnino erit signum, & ita nullo modo videntur signa.

SED CONTRA: Scriptura dicit plures esse voluntates Dei: sed constat vnā esse voluntatem beneplaciti: ergo si plures sunt, oportet quod stet pro alia voluntate quam beneplaciti: sed nulla voluntas Dei est nisi beneplaciti, vel signum illius, ergo, &c.

ITEM contingit cognoscere voluntatem Dei: sed non possumus cognoscere eam per se: necesse est ergo, quod cognoscamus per signa: sed sic nominamus secundum quod cognoscimus: ergo non tantum debemus dicere voluntatem beneplaciti esse voluntatem, sed etiam signum eius.

ITEM præceptio alicuius recte dicitur voluntas illius: ergo & præceptio Dei: sed non est voluntas causans, quia præceptio est etiam si nihil fiat: ergo est voluntas significans.

CONCLUSIO.

Ratio, & auctoritas compellunt nos distinguere voluntatem beneplaciti, à voluntate signi.

RESP. AD ARG. Dicendum ad hoc, quod & ratio & auctoritas compellit nos distinguere voluntatem signi, & voluntatem beneplaciti. Auctoritas quidem: quia dicit Apostolus. Hæc est voluntas Dei, sanctificatio vestra, sed illud non est dictum per essentiam, ergo vel per causam, vel per significationem: non autem per causam, ergo per significationem. ITEM ratio dicitur, quia communi vsu loquendi consueuimus præceptum nostrum voluntatem appellare. Propter hoc intelligendum, quod sicut non absurde intellectus dicitur vis intellectiva & ipsum intellectum, ita voluntas dicitur ipsa vis volendi & ipsum volitum. Et quia voluntas Dei innotescit nobis per volitum tanquam visibile signum, & signum est quod facit in aliud venire dum offert se sensui, inde est quod voluntatem Dei diuidimus in voluntatem beneplaciti, & in voluntatem signi.

1. AD illud quod obiicitur de scientia, & potentia, dicendum, quod ipsa voluntas se habet immediatius ad

Ad oppositum.

Fundamentum.

1. The. 4. 6

res, & tamen sic determinate in futuris indifferentibus: ideo indiget certis signis. Et præterea cum debeamus nos illi conformare, oportet nos illam cognoscere: sed diuina scientia est respectu omnium: similiter & potentia. & præterea neutri oportet nos conformare. ideo nõ sic dicitur scientia signi, vel potentia, sicut voluntas dicitur.

2. Ad illud quod obiicitur, utrum sint signa naturalia, vel voluntaria, dicendum quod signum est ens, & est signum: potest ergo dici naturale in quantum ens, vel in quantum signum. Signa ergo voluntatis in quantum entia voluntaria sunt: quia à voluntate: sed naturalia sunt in quantum signa, quia naturaliter significant: sicut effectus naturaliter significant causam.

3. Ex hoc patet sequens, quia res non communicant signo dato: communicant tamen signo naturali, ut patet, nam vrina dicitur sana, quia est signum sanitatis: est enim signum quod causatur naturaliter: hoc tamen nõ est generaliter verum, nec secundum sermonis proprietatem, sed secundum tropum loquendi, sicut tangit Magister in littera: & ratio transferendi est similitudo comperta inter signum quod naturaliter signat, & signatum.

4. Ad illud quod obiicitur ratione cuius sunt signa, dicendum quod ratione actus creati per comparisonem ad obiectum: obiectum enim innotescere facit voluntatem ut est sub actu præceptionis, & prohibitionis, & huiusmodi. Vnde hoc quod præcipitur, signum est voluntatis in quantum præcipit.

QVÆSTIO II.

Quæ & quot sint signa diuinæ voluntatis.

Alex. Alens. 1. p. q. 36. Membr. 1.

S. Thom. 1. p. q. 19. art. 12.

Et 1. Sent. dist. 45. q. 1. art. 4.

Et de Veris. q. 13. art. 3.

Ægid. Rom. 1. Sent. dist. 45. p. 3. q. 1.

Richardus 1. Sent. dist. 45. art. 3. q. 1.

Francisc. de Mayr. 1. Sent. dist. 45. d. 3.

Marfil. Inguen. 1. Sent. d. 44. art. 2.

Steph. Brulef. 1. Sent. dist. 45. p. ult.

Petrus de Tarrasias 1. Sent. dist. 45. q. 8.

Ad oppo-
sitionem.

DE numero; & sufficientia signorum diuinæ voluntatis. Et ponit Magister quinque signa quæ continentur in hoc versu:

Præcipit, & prohibet, permittit, consulit, implet.

Et videtur quod debeat ponere pauciora, quoniam signum, & signatum dicuntur correlatiue, & si vnum oppositorum dicitur multipliciter, & reliquum. Et si vnum non dicitur multipliciter, nec reliquum per artem Topicorum: sed voluntas Dei est vna, & vno modo se habet: ergo vnum debet habere signum.

2. ITEM aut signa hæc distinguuntur ratione modi significandi, aut ratione rei significatæ. Si ratione rei significatæ: ergo tot debent esse signa quot res, quia omnis res signum est diuinæ voluntatis tanquam causæ. Si ratione modi significandi: sed eodem modo signant diuinam voluntatem præceptio & prohibitio: ergo sunt vnum signum.

3. ITEM voluntas Dei sicut infra patebit, non est respectu mali: ergo nullum signum eius debet accipi per comparisonem ad malum: cum ergo permissio, & prohibitio sint respectu mali, nõ sunt signa voluntatis diuinæ.

CONTRA: Quod sint plura videtur, quia cuiuslibet bono respondet malum ex opposito: immo vni bono plura mala: ergo tot, vel plura signa debent accipi à parte mali sicut ex parte boni: cū igitur ex parte boni sint tria: patet, &c.

5. ITEM sicut impletioni respondet permissio, ita & prohibitio: immo multo fortius, & magis ex opposito ergo videtur quod plura sint signa.

6. ITEM sicut præceptioni opponitur prohibitio: ita consilio dissuasio: ergo videtur quod sint plura.

CONCLUSIO.

Voluntatis diuinæ signa sufficienter enumerantur in impletionem, prohibitionem, permissionem, præceptum, & consilium.

R E S P. AD arg. Dicendum quod numerus signorum vno modo consuevit accipi sic. Voluntas enim diuina, proprie loquendo, est præsentium, & futurorum: præteritorum autem alio modo non est quam præsentium. Secundum hoc notandum quod si est respectu præsentis, aut illud est bonum, & sic impletio: aut malum, & sic permissio. Si respectu futuri, hoc est tripliciter. Aut est malum, & sic prohibitio. Aut bonum necessarium, & sic præceptum, aut bonum supererogationis, & sic consilium: bonum autem supererogationis nõ habet malum oppositum: ideo nec consilium habet signum oppositum. Alio modo possunt distingui sic: Voluntas diuina, sicut infra patebit, aut vult simpliciter, aut vult conditionaliter siue quātū in se: & utroque modo contingit eam signari. Voluntas ergo absoluta potest ad aliquid comparari, aut per modum complacentiæ, aut per modum displicentiæ. Si per modum displicentiæ, illud nullo modo fit: & ita hanc non contingit significari, nec sciri aliquo signo exteriori. Si per modum complacentiæ, aut quia placet illud quod fit, & sic impletio. Aut quia placet aliud ex illo, & sic permissio: & sic habemus duo signa. Potest iterum significari diuina voluntas, ut antecedens, siue conditionalis, & hoc dupliciter. Aut per modum complacentiæ, ita quod oppositum displicet, & sic præceptio. Aut per modum displicentiæ, & sic prohibitio. Aut per modum complacentiæ, ita tamen quod oppositum non displicet, & sic consilium. Per modum vero displicentiæ, ita quod oppositum non placet, nõ est possibile reperiri: & secundum hoc patet numerus, & sufficientia, & solutio obiectorum.

1. QVOD enim obiicitur quod voluntas beneplaciti non est multiplex, dicendum quod hoc verum est quantum ad substantiam, tamen quantum ad connotata multiplex est, ut visum est: voluntas enim absoluta connotat naturalem ordinationem rei ad euentum, sicut omnium ad salutem.

2. AD illud quod queritur, utrum distinguantur ratione modi significandi, &c. dicendum quod ratione modi significandi. Est enim aliquis modus significandi voluntatem, ut detestantem; quod facit prohibitio: alius modus ut approbantem: quod facit præceptio.

3. AD illud quod obiicitur quod voluntas non est respectu mali, dicendum quod per modum approbantis non est respectu mali, sed ex malo elicit: per modum vero detestantis, est respectu mali in se.

4. AD illud quod obiicitur quod cuiuslibet bono respondet malum ex opposito, dicendum quod verum est: sed tamen bono supererogationis potest opponi malum, & non malum: in quantum supererogationis opponitur minus bonum: in quantum autem bonum opponitur malum, sed non aliud quā illud quod opponitur bono præcepti: & ideo cadit sub prohibitione.

5. AD illud quod obiicitur de cohibitione, dicendum quod illa impedit effectum, & propter hoc priuat rationem significandi, ut visum est.

6. AD illud quod obiicitur quod consilio opponitur dissuasio, dicendum quod sicut opinio est vna contrarium, quia est acceptio vnius partis cum formidine alterius, sic consilium, quia non accipit alteram partem determinate, quia comprehendit suasionem, & dissuasionem. Nam qui suadet, consulit: & qui dissuadet similiter aliquid consulit.

DISTINCT. XLVI.

ILLI SENTENTIÆ,
QVA DICTVM EST DEI
VOLVNTATEM NON POSSE

CASSARI, QVÆ IPSE EST, QVÆ
dam videntur obuiare: & ea sol-
uit, ostenditque mala
à Deo non esse.

Dist. 45.

Psal. 113.

Rom. 9. d

1. Tim. 2. b

Mat. 23. d

Ex Aug. in

Ench. 3. 97.

Psal. 113.

Rom. 9. d

Cap. 10.

Psal. 113.

1. Tim. 2. b

Dist. 45.

Ex Aug. in

Ench. c. 95.

c. 98.

Psal. 113. b

IC oritur questio. Dictum est enim in su-
perioribus, & auctoritatibus communi-
tum, quod voluntas Dei qua ipse est, qua
beneplacitum eius vocatur, cassari non po-
test, quia illa voluntate fecit quaecunque voluit in cælo,
& in terra: cui, teste Apostolo, nihil resistit. Quæritur
ergo quomodo accipiendum sit quod Apostolus de Do-
mino ait: Qui vult omnes homines saluos fieri: Cum e-
nim non omnes salui fiant, sed plures damnantur: vi-
detur utique non fieri quod Deus vult fieri, humana sci-
licet voluntate impediente. voluntatem Dei, Dominus
quoque in Euangelio impiam ciuitatem compellans: Quo-
ties, inquit, volui congregare filios tuos, sicut gallina con-
gregat pullos suos sub alas, & noluisti? Ita etiam hac di-
cuntur tanquam Dei voluntas superata sit hominum vo-
luntate: & infirmis volendo impediens non po-
tuerit facere potentissimus quod volebat. Vbi est ergo illa
omnipotentia, qua in cælo, & in terra, secundum Prophe-
tam: Omnia quaecunque voluit fecit? Et quo modo volun-
tati eius secundum Apostolum nihil resistit, si colligere filios
Hierusalem voluit, & non fecit? Hac enim predictis
plurimum obuiare videntur.

Solutio, quo modo intelligendum sit illud: Volui
congregare, & noluisti.

Sed audiamus solutionem: ac primum quo modo ac-
cipiendum sit illud quod Dominus ait, videamus. Non
enim ex eo sensu illud dictum est, ut ait August. in Enchir.
Predictam questionem soluens, quasi Dominus voluerit
congregare filios Hierusalem: & non sit factum quod vo-
luit, quia ipse noluerit, sed potius ipsa quidem filios suos
ab ipso colligi noluit, qua tamen nolente filios eius colle-
git ipse omnes quos voluit: quia in cælo, & in terra non
quædam voluit: & fecit, quædam vero voluit, & non fe-
cit, sed omnia quaecunque voluit fecit: ut sit sensus: Quo-
ties volui congregare filios tuos & noluisti? id est, quotquot
congregari mea voluntate semper efficaci, te nolente feci.
Ecce in euidenti positum est, quod illa Domini verba su-
perioribus non repugnant.

Quo modo intelligendum sit illud: Qui vult
omnes homines saluos fieri.

Nunc videre restat, quo modo etiam præmissa verba
Apostoli predictis non contradicant, qui de Deo loquens
ait: Vult omnes homines saluos fieri. Quorum occasio-
ne verborum multi à veritate deuiauerunt, dicentes
Deum multa velle fieri qua non fiunt: Sed non est in-
telligendum ea ratione illud esse dictum, quasi Deus ve-
lit aliquos saluari, & non saluentur. Quis enim tam im-
pii desipiat, ut dicat Deum malas hominum voluntates quas
voluerit, & quando voluerit, & ubi voluerit in bonum
non posse conuertere? Non est utique verum quod in
Psalmo dicitur: Quaecunque voluit fecit: si aliqua vo-
luit & non fecit: & quod est indignus: ideo non fecit:

A quoniam ne fieret quod volebat omnipotens, voluntas
hominis impediuit. Ideoque cum audimus, & in sacris
litteris legimus, quod velit omnes homines saluos fieri
(quamuis certum sit nobis non omnes homines saluos fie-
ri) non tamen ideo debemus omnipotentissima Dei vo-
luntati aliquid derogare, sed ita intelligere quod scriptum
est: Vult omnes homines saluos fieri, tanquam si diceretur,
nullum hominem fieri saluum, nisi quem saluum
fieri ipse voluerit, non quod nullus sit hominum, nisi
quem saluum fieri velit, sed quod nullus fiat saluus, ni-
si quem velit saluari, & ideo rogandus est, ut velit, quia
necesse est fieri, si voluerit. Non est enim credendus om-
nipotens aliquid voluisse fieri, quod factum non sit. Sic
etiam intelligitur illud: Illuminat omnem hominem ve-
nientem in hunc mundum, non quia nullus hominum
est qui non illuminetur, sed quia nisi ab ipso nullus illu-
minatur. Potest & alio modo illud intelligi, dum tamen
credere non cogamur omnipotentem aliquid fieri voluisse,
factumque non esse, qui sine ullis ambiguitatibus, in
cælo, & in terra, sicut veritas cantat, omnia quaecunque
voluit fecit: profecto facere non voluit quaecunque non
fecit? Ex his aperte ostenditur quod Deus ea voluntate
qua ipse est, non vult aliquid fieri quod non fiat, neque non
fieri quod fiat.

Vtrum mala Dei voluntate fiant, an eo nolente.

Ideoque cum constet omnia bona qua fiunt, eius fieri
voluntate, qua si fieri nollet, nullatenus fierent: recte qua-
ri solet: Vtrum & mala omnia qua fiunt, id est, peccata,
Dei sunt voluntate, an nolente eo fiant. Super hoc diuersi
varia sentientes sibi contradicere inueniuntur. Alij enim
dicunt quod Deus vult mala esse, vel fieri, non tamē vult
mala. Alij vero quod nec vult mala esse, nec fieri. In hoc
tamen conueniunt, & hi, & illi, quod utrique fatentur
Deum mala nō velle. Vtrique vero rationibus & aucto-
ritatibus innituntur ad muniendam suam assertionem.

Quare dicunt quidam Deum velle mala
esse vel fieri.

Qui enim dicunt Deum mala velle esse, vel fieri, suam
his modis muniunt intentionem. Si enim, inquit, ma-
la non esse vel non fieri vellet, nullo modo essent vel fie-
rent: quia si vult ea non esse, vel non fieri, & non potest id
efficere, scilicet ut non sint, vel non fiant, voluntati eius &
potentia aliquid resistit, & non est omnipotens, quia non
potest quod vult, sed impotens est, sicuti & nos sumus, qui
quod volumus, quandoque non valeamus. Sed quia omni-
potens est, & in nullo impotens, certum est non posse fieri
mala, vel esse nisi eo volente. Quo modo enim inuito eo,
& nolente posset ab aliquo malum fieri, cum scriptum sit:
Voluntati eius quis resistit? Supra etiam dicit Augustinus,
quia necesse est fieri si voluerit. Sed vult mala fieri, aut nō
fieri. Si vult non fieri, nō fiunt: fiunt autem: vult ergo fie-
ri. Item bonum est mala esse vel fieri: alioquin summe bo-
nus non permetteret ea fieri. Vnde Augustinus in Enchir.
Quamuis ea, inquit, qua mala sunt, in quantum mala sunt,
non sunt bona, tamen ut nō solum bona, sed etiam sint &
mala, bonum est. Nam nisi esset hoc bonum ut essent &
mala, nullo modo esse sinerentur ab omnipotenti bono, cui
proculdubio quam facile est quod vult facere, tam facile est
quod non vult esse, non sinere. Hac nisi credamus, peri-
clitatur nostra confessio, qua nos in Patrem omnipotentē
credere confitemur. Ecce hic aperte habes, quod bonum
est mala esse, omnis autem boni Deus auctor est, qui
vult omne bonū esse quod est. Cum ergo bonum sit mala
fieri,

In Enchir.
ca. 105.

10m. 1.4

Rom. 9. d
In Ench. c.
103. 93.

Ca. 96. 10. 3.

fieri, vel esse, ergo & mala vult fieri, vel esse. His atque aliis huiusmodi rationibus, & auctoritatibus vtuntur, qui dicunt Deum velle mala esse, vel fieri.

Hic ponit rationes illorum, qui dicunt Dei voluntate non fieri mala, vel non esse.

Illi vero qui dicunt Dei voluntate mala non fieri, vel non esse, inductionibus premisitis ita respondent: dicentes Deum, nec velle mala fieri, nec velle non fieri vel nolle fieri: sed tantum non velle fieri. Si enim vellet ea fieri, vel esse, faceret utique ea fieri, vel esse: & ita esset auctor malorum, non est autem auctor malorum, ut sanctorum protestantur auctoritates, non ergo eius voluntate sunt mala. Item, si nollet mala fieri, vel vellet non fieri, & tamen fierent, omnipotens non esset: cum eius voluntas humana voluntatis effectu impediretur. Ideoque non concedunt Deum velle mala fieri, ne malorum auctor intelligatur: nec concedunt eum velle mala non fieri, vel nolle fieri, ne impotens esse videatur: sed tantum dicunt eum non velle mala fieri, ut non auctor, sed permissor malorum monstretur: Vnde & Euangelista ubi ostendit Deum auctorem esse omnium bonorum dicens: Omnia per ipsum facta sunt; consequenter malorum auctorem esse negat, dicens: Et sine ipso factum est nihil, id est peccatum. Non dixit per eum factum esse, vel nolente, & inuito: sed tantum sine eo, id est sine eius voluntate, quia non eius voluntate fit peccatum. Non ergo Deo volente, vel nolente: sed non volente sunt mala: quia non subest Dei voluntati, ut malum fiat, vel non fiat: sed ut fieri sinat, quia bonum est sinere mala fieri, & utique volens sinit non volens mala: sed volens sinere sinit, ut ipsa fiant, quia nec mala sunt bona, nec ea fieri vel esse, bonum est.

Quomodo intelligendum sit illud Augustini, mala fieri bonum est.

Quod vero Augustinus ait: Mala fieri bonum est, nec sinerentur mala ab omnipotenti bona fieri, nisi hoc esset bonum, ut ea essent: ea ratione dictum esse asserunt: quia ex malis quae fiunt, Deus bona elicit: nec ipse permetteret ea fieri, nisi de eis boni aliquid faceret. Vnde Augustinus in eodem lib. Enchirid. aperte indicans praedictorum verborum esse talem intelligentiam ait: Deus omnipotens, cui rerum est summa potestas, cum summe bonus sit, nullo modo sineret aliquid mali esse in operibus suis, nisi usque adeo esset omnipotens, & bonus, ut beneficeret etiam de malo. Item in eodem: Melius iudicant Deus de malis bona facere, quam mala nulla permittere. Ex hoc itaque sensu dictum est ac verum est, bonum est mala fieri: quia ex malis quae fiunt bonis, (qui secundum propositum vocati sunt Sancti) accidit bonitas, id est, utilitas. Talibus enim (ut ait Apostolus) in bonum cooperantur omnia, etiam mala, quia eis prosunt, quae aliis facientibus obsunt. Vnde etiam aliquando in Scriptura legitur malum appellari bonum, ut Hieronymus super Marcum. Malum, inquit, Iuda bonum fuit, scilicet nobis: Nec si bonum est illi vel illi: inde sequitur quod simpliciter bonum sit. Proprie enim ac simpliciter bonum est, quod in se, & facienti bonum est.

Quadrupartita boni acceptio.

Est enim aliquid quod in se bonum est, & cui fit, sed non est bonum facienti, ut cum subuenitur pauperi, sed non

A propter Deum. Et est aliquid bonum in se, & facienti, sed non ei cui fit: ut cum veritas propter Deum alicui non obediens predicatur. Et est aliquid in se, & facienti, & ei cui fit bonum: ut cum veritas predicatur propter Deum credenti. Vnde Apostolus: Bonus odor sumus Deo, aliis odor vitae, aliis odor mortis. Est autem aliud, quod nec in se bonum est, & facienti nocet, & damnat, nisi poeniteat, ut malum: valet tamen ad aliquid. Vt enim ait Augustinus in Enchirid. A summe, & aequaliter & immutabiliter bona Trinitate, creata sunt omnia, nec summe, nec aequaliter, nec immutabiliter bona: sed tamen bona etiam singula. Simul vero vniuersa valde bona: quia ex omnibus consistit vniuersitatis admirabilis pulchritudo. In qua etiam illud quod malum dicitur bene ordinatum, & loco suo positum, eminentius commendat bona, ut magis placeant, & laudabiliora sint, dum comparantur malis.

Quod mala vniuersitati valent, & facientibus sua propria, vel patientibus aliena proueniunt, electis tamen.

Hinc patet quod ex malis quae fiunt, aliquid prouenit bonum, dum bona magis placent, & laudabiliora existunt. Ipsi etiam facientibus ex malis quae faciunt, interdum bona proueniunt, si secundum propositum vocati sunt Sancti. Talibus enim, ut ait Augustinus in lib. de correctione, & gratia, usque adeo Deus omnia cooperatur in bonum, ut si qui horum deuiant & exorbitant, etiam hoc ipsum eis faciat proficere in bonum, quia humiliores redeunt, atque doctiores, ut Petrus. Illa etiam mala quae ab iniquis fideles pie perferunt, ut ait Augustinus in lib. de Trin. Ipsi utique prosunt, vel ad delenda peccata, vel ad exercendam probandamque iustitiam, vel ad demonstrandam huius vitae miseriam. Ideoque & Iob Dei manum, & Apostolus Satana stimulum sensit: & uterque bene profecit, quia malum bene portauit.

Ex praedictis concludit ostendens esse bonum, fieri mala, multis modis.

D Si quis igitur diligenter attendat quae scripta sunt, facile est ei percipere, ex malis bona prouenire, & ex ea ratione dictum esse, quod bonum est mala fieri vel esse, non quia malum sit bonum, vel quia bonum sit malum fieri. Non est enim bonum malum fieri ab aliquo, quia non est bonum ut aliquis faciat malum. Si enim hoc esset bonum profecto huius Deus auctor esset, qui est auctor omnis boni. Quod si huius Deus auctor est, eo ergo auctore homo agit mala, & ita eo auctore homo fit deterior. Et sic auctore homo fit deterior, tunc eo volente homo fit deterior. Idem est enim dicere aliquid fieri Deo auctore, quod Deo volente: Deo autem auctore homo non fit deterior: ergo non Deo volente, ut Augustinus in 83. quaest. aperte asseruit a minori dicens ita: Nullo sapiente homine auctore fit homo deterior: tanta enim est ista culpa quae in sapientem hominem cadere nequeat. Est autem Deus omni homine sapiente praestantior: multo minus ergo Deo auctore fit homo deterior. Multo n. est praestantior Dei voluntas, quam hominis sapientia. Illo autem auctore cum dicitur, illo volente dicitur. Ergo est vitium voluntatis humanae quo est homo deterior. Quod vitium si longe abest a Dei voluntate, ut ratio docet, a quo fit, quarendum est. Ecce aperte dicit Augustinus, Deo auctore vel volente hominem non fieri deteriorem, sed vitio voluntatis suae: Non est ergo Deo auctore, & malum fit ab aliquo: & ita Deo volente mala non fiunt.

Quod

2. Cor. 2. d

Ca. 10. 10. 3. Videli. 1. 6. tra Manicha. ca. 21. tom. 1.

Ench. c. 11.

Rom. 8. Ca. 9. ad f. tom. 7. Luc. 22. 8. Aug. 13. c. 16. 30. 3.

Iob. 19. a 2. Co. 12. c

In Enchir. c. 96. tom. 3.

Cap. 27.

Rom. 8. e

Hicronym. Commet in ca. 14. 10. 9.

Quaest. 3. 10. 4.

Quod in Deo non est causa ut sit homo deterior.

Quaest. 4.
tom. 4.

Deinde idem Augustinus, querens quæ sit causa ut homo sit deterior, in Deo eam non esse asserit, in eodem lib. dicens: Ut sit homo deterior, aut in ipso causa est, aut in alio, aut in nihilo. Si in nihilo nulla causa est: si in alio, aut in Deo, aut in alio quolibet homine, aut in eo quod neque Deus, neque homo sit: sed non in Deo, (bonorum enim Deus tantum causa est) si ergo in homine est, aut vi aut suasionem, sed neutro modo est: neque etiam in eo est, quod neque Deus neque homo sit: & ex his aperte ostenditur quod non est bonum ut sit homo deterior: quia non est Deus eius rei causa, qui tantum causa bonorum est. Et si non est bonum ut homo fiat deterior, non est ergo bonum ut ab eo fiat malum, non ergo vult Deus ut ab eo fiat malum.

Aliter probat quod Deo auctore non fiunt mala.

Quaest. 2.
verba multum inuersione
sa & aliter
cōtexta in
Augusti.

Item aliter etiam ostenditur quod Deo auctore, id est, volente non fiunt mala: quia ipse non est causa tendendi ad non esse. Tendere enim ad non esse, malum est. Ipse autem auctor mali non est: tendit vero ad non esse qui operatur malum: non ergo Deo auctore est, quod aliquis operatur malum. Non est ergo bonum, quod aliquis operatur malum, quia tantum boni Deus auctor est: Hoc autem Augustinus in eodem lib. aperte explicat ita eicens: Qui omnium quæ sunt auctor est, & ad cuius bonitatem id pertinet ut sit omne quod est, boni tantummodo causa est. Quocirca mali auctor non est, & ideo ipse summum bonum est, à quo in nullo deficere bonum est, & malum est deficere. Non est ergo causa deficiendi, id est, tendendi ad non esse, qui (ut ita dicam) efficiendi causa est, quia omnium quæ sunt auctor est, quæ in quantum sunt, bona sunt. Ecce aperte habes quod deficere à Deo, qui summum est bonum, malum est, mala ergo facere malum est: non ergo Deo auctore vel volente mala fiunt.

Obiectio quorundam sophistica, qua probare nituntur ex Deo esse quod mala fiant.

Ecclesi. 37. e

Iam sufficienter ostensum est, quod Deo auctore non fiunt mala. Quidam tamen sophistice incedentes, & id eo Deo odibiles, probare conantur ex Deo auctore esse quod mala fiunt, hoc modo. Quod mala fiunt, verum est, omne autem verum quod est, à veritate est quæ Deus est: à Deo ergo est quod mala fiunt. Quod autem omne verum à Deo sit, confirmant auctoritate Augustini in lib. 83. quaest. ita dicentis: Omne verum à veritate verum est, est autem veritas Deus, Deum ergo habet auctorem omne verum. Est autem verum quod mala fiunt vel sunt, Deo ergo auctore est quod sunt vel fiunt mala.

Quaest. 10.
Ioan. 14. a

Responsio, vbi concedit omne verum esse à Deo, & sophisma aperit.

In prolog.
li. de Doctr.
Christi. to. 4.
in explanatione.
I. Corinth. 12. a

Quibus facile est nobis respondere, sed indignum responsione videtur quod dicunt. Omne namque verum à Deo est, ut ait Augustinus cui consonat Ambrosius, qui tractans illud verbum Apostoli: Nemo potest dicere: Dominus Iesus, nisi in Spiritu sancto, dicit quod omne verum à quocunque dicitur, à Spiritu sancto est. Cum itaque verum sit quod mala fiunt, hoc verum quod dicitur illa locutione, scilicet mala fiunt, à Deo est: sed non inde sequitur quod à Deo sit, ut mala fiant. Si enim hoc diceretur: auctor malorum Deus esse intelligeretur. Quod ex simili manifeste falsum ostenditur, Deus prohibet fur-

A tum fieri, sed furtum fieri verum est, ergo prohibet verum. Non sequitur.

Partem quaestionis approbat illorum quidicunt Deum non velle mala fieri.

Hac igitur & alia huiusmodi inania relinquentes, praemissa quaestionis parti sanioris fauentes, quæ Sanctorum testimonio plenius approbatur, dicamus Deum non velle mala fieri, nec tamen velle non fieri, neque nolle fieri. Omne ergo quod vult fieri, fit & omne quod vult non fieri, non fit. Fiant autem multa quæ non vult fieri, ut omnia mala.

DISTINCT. XLVI.

B De impletione voluntatis Dei qualiter impleatur.

Hic oritur quaestio: dictum est enim in superioribus.

Expositio textus.

Hæc est secunda pars huius totalis tractatus de voluntate, in qua Magister agit de diuinæ voluntatis impletionem. Et habet hæc pars duas partes: In prima, supposito ex præcedentibus quod voluntas beneplaciti semper impleatur, hic remouet dubitationes quæ ex hac suppositione oriuntur. In secunda explicat veritatem infra di. proxi. *Voluntas quippe Dei semper efficax est.* Prima pars habet duas partes. In prima Magister mouet dubitationem per comparisonem ad bona. In secunda per comparisonem ad mala, ibi: *ideoque cum constet omnia bona quæ fiunt.* Prima pars habet duas partes. In prima Magister obicit. In secunda soluit, ibi: *Sed audiamus solutionem.* Similiter secunda pars in qua Magister inquit vtrū voluntas Dei impleatur respectu malorum, habet duas partes. In prima magister opponit ad partem falsam. In secunda opponit ad partem veram, ibi: *Si quis ergo diligenter attendat, &c.* Prima pars habet duas. In prima adducit rationes ad defensionem falsæ opinionis. In secunda parte ponit solutiones quas assignant illi qui sunt contrariæ positionis, & hoc, ibi: *illi vero qui dicunt Dei voluntate, mala non fieri.* Et vtraque partiū duas habet: nam in opponendo duas inducit obiectiones, quarum vna rationi innititur, alia auctoritati: & secundum hoc pars in qua soluit, diuiditur: quia opponuntur ibi duæ rationes iuxta duas obiectiones. Similiter illa pars in qua conatur Magister ad veram partem astruendam, habet duas. In prima inducit responsiones veras. In secunda dissoluit quandam rationem sophisticam, & hoc, ibi: *Iam sufficienter ostensum est, &c.* Prima pars habet tres partes secundum tres rationes quas inducit. Prima sumpta est ab hoc: quia id est Deo fieri auctore, & Deo volente, & ponitur, ibi: *Si quis igitur diligenter, &c.* Secunda sumpta est ab hoc quod eadem est causa quæ malum fit, & homo sit deterior, & ponitur, ibi: *Deinde idem Augustinus querens, &c.* Tertia sumpta est ad hoc quod malum facit tendere ad non esse, & ponitur ibi: *Item etiam aliter ostenditur quod Deo auctore, &c.* Similiter secunda pars in qua dissoluit rationem sophisticam, tres habet. In prima ponit illam, ibi: *Iam sufficienter ostensum est, &c.* In secunda dissoluit ibi: *Quibus facile est nobis respondere.* In tertia redit ad veritatis assertionem dicens hanc partem esse veram, quod Deus non vult mala fieri, ibi: *Hac igitur & alia huiusmodi, &c.*

Nisi vsque adeo Deus esset omnipotens, & bonus, ut beneficeret etiam de malo. Dub. 1.

Videtur indebito modo loqui, quia malitia est priuatio: ergo non est materia boni. Si dicas quod accipitur ratione substrati, scilicet de malo, id est, de illo qui est malus facit bonum. Contra: Hoc nihil est aliud quam malum destruere: ex hoc ergo non habetur quod Deus habeat mala sinere, cum eius sit facta destruere.

RESP.

RESP. Dicendum quod, *de*, non est ibi causale nec materiale, sed occasionale, quasi dicat de malo facit bonum, occasione sumpta à malo: ipse autem obicit ach hoc quod est, *de*, teneretur causaliter, siue materialiter.

Quod malum dicitur bene ordinatum, & loco suo positum, &c. Dub. II.

Videtur male loqui, quia quod non est, non est locari. Situ dicas quod habet locum ratione substrati. Contra: Locus debitus & conueniens naturæ rationali est gloria: ergo malum locatur in gloria.

RESP. Dicendum quod cum dico infernum, siue locum pœnalem, duo dico, & partem vniuersi, & vilitatem: in quantum locus est, debetur naturæ substratæ: sed in quantum vilis est, debetur deformitati culpæ, & ita malum locum & vilem: sed locum ratione substrati, vilem vero ratione deformitatis.

Si qui horum deuiant & exorbitant, etiam hoc ipsum faciat eis proficere in bonum. Dub. III.

Si hoc: ergo videtur quod mala proficiant siue cooperentur. Contra: Mali est bonum corrumpere: ergo nullo modo est in bonum cooperari, siue proficere.

RESP. Dicendum quod proficere, siue cooperari in bonum aliquid alicui potest esse tripliciter, scilicet adiuvando, ut gratia cooperatur libero arbitrio vel econuerso: Vel excitando, ut paupertas & miseria quæ excitant ad amorem Dei, siue pungunt & impellunt sicut dicit Greg. Vel etiam obliuendo, sicut aqua calida fortius congelatur, quia dum resistit, vigoratur actio contrarij, & sic malum dicitur cooperari: vel quia facit hominem ad bonum magis excitari: vel magis, quia dum obliuiscit, & homo præualeat, vigoratur virtus gratiæ & seruescit.

Augustinus in lib. 83. aperte asseruit à minori. Dub. IIII.

Videtur falsum dicere, quia locus à minori non est destructius, sed positius: sed illud argumentum est destructiuum: Sapiens non potest facere hominem deteriore: ergo nec Deus ergo non est à minori.

RESP. Dicendum quod reuera locus iste non est à minori, proprio loquendo, sed à maiori; quia non dicitur ibi minus vel minor, sed illud quod minus videtur inesse: magis autem videtur quod homo possit facere malum quam Deus: sed sapiens homo non potest, ergo nec Deus: & ita est à maiori locus. Nihilominus potest dici quod est à minori: sed reducitur ad rationem affirmatiuam, sic: Minus videtur, quod impossibilitas faciendi malum infir homini quam Deo: sed sapiens manens sapiens, est impotens ad faciendum aliquem deteriore: ergo multo fortius Deus.

Culpa qua in sapientem hominem cadere, &c. Dub. V.

Videtur hoc falsum, quia sicut se habet sapientia ad ignorantiam, ita virtus ad culpam: ergo permutatim, si uirtus ad ignorantiam, ita sapientia ad culpam: sed virtus simul stat cum ignorantia ergo sapientia simul stat cum culpa.

RESP. Dicendum quod sapientia vno modo dicit cognitionem veram. Alio modo cognitionem verā, & nobilissimam; quia per causas altissimas. Tertio modo dicit cognitionem veram, nobilem & sapidam. Quarto modo sapientia non dicit aliam cognitionem quam religionem diuinam, siue cultum, secundum quod dicitur quod pietas ipsa est sapientia, siue theosebia, & hæc consistit, ut dicit August. in fide, spe, & charitate, & hoc modo claudit in se virtutem, & ita opponitur culpæ, & sic patet responsio.

Deus non est causa tendendi ad non esse. Dub. VI.

A Videtur falsum dicere: quia in Canon. Deutero. dicitur. Ego occidam, & ego viuere faciam: percutiam & ego sanabo: ergo videtur cum mors sit corruptio tendendi ad non esse, quod Deus sit huius causa.

RESP. Dicendum quod non esse non appellatur hic per priuationem qualiscunque esse, sed illius quod diffinit Bœ. dicens: Essē, est quod ordinem retinet, seruatque naturam: & ad illud Deus non de ducit, ipse autem obicit de esse naturali. Vel potest dici quod loquitur hic secundum naturæ institutionem, secundum quam dicitur: Deus mortem non fecit. Quod autem dicitur, quod ipse occidit, hoc est secundum punitionem iustitiæ, hoc tamen in secundo malius dicitur.

Tendere enim ad non esse, malum est. Dub. VII.

Videtur male dicere, quia si tendit ad non esse, aut hoc dicitur quantum ad esse naturæ, aut gratiæ. Si naturæ: ergo malum corrumpit naturam, quod est contra Dionys., qui dicit: quod malum nihil corrumpit ex habentium in eo quod essentia vel natura. Si autem intelligatur quantum ad gratiæ, hoc similiter falsum videtur, quia post primam culpam non remanet esse gratuitum secundum aliquid sui, quia totaliter per mortale expellitur gratia: ergo non tendit ad non esse, sed etiam est in termino.

RESP. Dicendum quod in homine iusto & bono est tria considerare, esse naturæ, & ordinabilitatem, & gratiam, quæ communi nomine dicitur habilitas: & ordinē gratiæ, siue gratiæ ordinationem: Malum ergo, per se loquendo, corrumpit ipsā ordinabilitatē, & ex hoc elongat à gratia, & facit tendere ad non esse: & quia habilitas nunquam omnino tollitur, salua natura, & natura non corrumpitur, semper malum facit tendere ad non esse, ita quod nunquam est in termino.

Verum à quocunque dicatur à Spiritu sancto est. Dub. VIII.

Videtur male dicere: quia si hoc est verum: ergo cum detractor detrahendo dicat verum, videtur quod dicat à Spiritu sancto. Similiter diabolus multa vera dicit. Similiter de verbo illo obicitur: Nemo dicit Dominus Iesus nisi in Spiritu sancto. Multi enim peccatores hoc dicunt tota die. Item: Veritas appropriatur Filio: ergo magis deberet dicere Ambr. quod omne verum est à Filio.

RESP. Dicendum quod aliquid dicitur à Spiritu sancto illustrare intellectum, & mouente affectum, & illud est verum & bonum. Et aliquid dicitur verum ex charitate à Spiritu sancto mouente affectum, sed non illuminante intellectum, sicut dicit Apostolus se iturum ad Hispanos: falsum enim dixit, sed tamen in dicendo meruit, quia charitas mouebat eum velle hoc & dicere. Aliquid est dictum à Spiritu sancto illustrare intellectum: sed non rectificante affectum: & illud potest esse malum, & tamen verum est dicere: ergo perfectum vtrumque includit, & sic dicitur à Spiritu sancto & in Spiritu sancto: & ita intelligit Apostolus. Ambr. autem largius dicit. Et sic patet illud quod obicitur, quod veritas appropriatur Filio: respondetur quod Spiritui sancto appropriatur in interpretatio. Vel dicendum quod hoc non dicitur tanquā appropriatū, vel sicut appropriatū, hoc est, ratione doni.

ARTICVLVS I.

A De eidentiam eorum quæ determinat Magister in presenti distinctione sex queruntur. Primo queritur vtrum Deus velit omnes homines saluos fieri voluntate beneplaciti. Secundo queritur vtrum Deus velit mala fieri. Tertio vtrum mala fieri sit bonum. Quarto vtrum mala fieri sit verum. Quinto vtrum mala ordinentur à Deo. Sexto & vltimo vtrum mala augeant decorem in vniuerso.

QVÆSTIO I.

An Deus velit omnes homines saluos fieri voluntate beneplaciti.

Alex. Alenf. 1. p. 7. q. 34. Memb. 1.

S. Thom. 1. p. 2. q. 23. art. 3.

Et 1. Sent. dist. 40. q. 4. art. 1. q. 2.

Scot. 1. Sent. dist. 46. q. unica.

Egid. Rom. 1. Sent. dist. 46. q. 1.

Richard. 1. Sent. dist. 46. q. 1.

Marfil. Inguem. 1. Sent. q. 45. art. 1.

Steph. Brulef. 1. Sent. dist. 46. q. 1.

Petrus de Tarantaf. 1. Sent. dist. 46. q. 1.

Ad oppo
situm.

1. Tim. 2. b

Dam. lib. 3.
ca. penult.

Arist. 12.
Met. cōtex.
52.

Rationes
etiam sol.
uenda.

Mat. 22. b

QUOD Deus velit omnes homines saluos fieri voluntate beneplaciti, ostenditur sic: Vult omnes homines saluos fieri: sed constat quod hoc non est dictum de voluntate signi, quia nec præcepti, nec impletionis, nec alicuius alterius: hoc enim non cadit sub præcepto: ergo constat esse dictum de voluntate beneplaciti.

2. ITEM Dam. Oportet sciri, quoniam Deus vult antecederet omnes homines saluos fieri, & regni sui potiri fortuna, non enim ad puniendum plasmavit nos Deus: ergo cum voluntas antecedens sit voluntas beneplaciti quæ est bonorum quæ sunt bona irrefragabiliter, vult voluntate beneplaciti, vult ergo omnes homines saluos fieri, siue saluari.

3. ITEM omne habens charitatem vult omnes homines saluos fieri quantumcumque modicam habeat dilectionem & charitatem. Cum ergo Deus summam habeat dilectionem & charitatem, videtur quod ipse velit omnes homines saluos fieri.

4. ITEM sicut vult Philosophus, primum ens scilicet Deus vno modo se habet ad omnia siue ad omnes: ergo quantum est de se, omnes vniuniformiter diligit: ergo si vult aliquos saluari, & omnes: vel si de aliquibus non vult, pariter ratione de nullis.

CONTRA hoc primo est instantia quam adducit Magister, in litera. Si vult omnes homines saluari, & de omnibus plures damnantur quam saluantur: ergo voluntas eius frustratur & cassatur, quod est cōtra veritatem aperte.

ITEM omnes quos vult Deus saluari eligit ad salutem: electio enim Dei non dicit aliud quam dilectionem ad saluandum: ergo si omnes vult saluos fieri, omnes sunt electi. Contra: Multi sunt vocati, pauci vero electi.

ITEM in prædestinatione non sunt nisi duo, scilicet præcognitio & voluntas saluandi, ratione cuius Deus dicitur prædestinare. Dum enim proponit dare gratiam, & gloriam præparare, prædestinare dicitur: ergo cum præcognitio Dei omnibus sit communis, si voluntas salutis est respectu omnium, ergo omnes sunt prædestinati: sed omnes prædestinati saluabuntur: ergo omnes saluabuntur, quod est contra fidem. Si tu dicas mihi quod duplex est voluntas, absoluta & cōditionalis, & Deus absoluta voluntate solū vult saluare quos præsciuit conforare fieri imaginem filij sui, & istos prædestinauit: voluntate vero cōditionali vult omnes, si ipsi velint: tunc obiicitur quod voluntas cōditionalis non videtur conuenire Deo, quia hæc est voluntas semiplena, Deus autem quidquid vult, plene vult. Et iterum quidquid facit plene facit. Et iterum hæc cōditionata voluntas, aut est voluntas beneplaciti, aut voluntas signi. Si signi, tūc nihil ad propositum, quia voluntate signi non vult omnes homines saluos fieri. Si voluntas beneplaciti: sed hæc vno modo tantum est, & dicitur, & semper impletur: ergo omnes homines saluabuntur. Et præterea hæc voluntas cōditionata qua dicitur quod vult, si ipsi velint, locum non potest habere in parvulis qui moriuntur: ergo adhuc non soluit distinctio ista.

ITEM cum sic dicitur, vult hunc saluari aliquo demōstraro, aut hoc quod est, velle, aliquid connotat, aut nihil. Si nihil, ergo pari ratione potest dici de lapide, quod Deus vult hunc saluari. Si aliquid, non nisi salutem. ergo sequitur si vult hunc saluari, quod iste saluabitur qua-

litercumque accipiat velle. Si dicas quod connotat possibilitatem, & ordinabilitatem ad salutem: obiicitur tūc quod de quolibet ordinabili ad aliquid potest dici quod Deus velit: sed quilibet clericus est ordinabilis ad episcopatum, & quilibet miles ad dignitatē regiam: ergo Deus vult omnes clericos esse episcopos, & omnes milites esse reges, quod non conceditur.

CONCLUSIO.

Deus voluntate beneplaciti vult omnes homines saluos fieri, voluntate antecedenti, vel pro generibus singulorum intelligendo.

RESP. AD ARG. Dicendum quod cum Apostolus dicat quod Deus hoc vult, scilicet omnes homines saluos fieri, necesse habemus concedere quod Deus velit. Et cum non possit exponi de voluntate signi, necesse habemus exponere de voluntate beneplaciti. Sed cum non omnes saluentur, & voluntas Dei nunquam frustratur: ideo necesse est quod fiat vis in modo distribuendi, vel in modo volendi. Et egregius doctor Augustinus duplicem facit vim in modo distribuendi in Enchirid. Vno modo, quod distributio sit accommodata, sicut & hic: omnis homo timet in mari, secundum communem modum loquendi intelligitur, qui est in mari. Similiter August. exemplificat, si dicatur: Magister iste docet omnes pueros de civitate, quia scilicet docet omnes qui addiscunt. Nullus enim docetur nisi per ipsum. Similiter, Deus vult omnes homines saluos fieri, quia nullus saluatur nisi velit Deus, & ideo prandus est, ut velit. Facit etiam alio modo vim in distributione secundum omnem modum distribuendi, quæ potest fieri pro signis generum, & sic est falsa, & non intelligit Apostolus sic: vel pro generibus singulorum, & est sic vera, quia Deus de omni gente voluit, & vult aliquos saluari, & de Græcis, & de Latinis, & de prælaeis, & subditis, & de omni gente: idcirco dicit Apostolus pro omnibus esse orandum. Hæc est responsio August. cui Magister innititur, & necesse est sic, vel sic soluere: supposito quod velle dicat ibi velle Dei, secundum quod dicitur velle placito, quierato, siue voluntate absoluta, de qua verum est dicere: Omnia quæcumque voluit fecit. Sed Damasc. facit vim in modo volendi: Distinguit enim in Deo voluntatem antecedentem, & voluntatem consequentem. Et voluntas antecedens est voluntas respectu eius propter quod Deus hominem fecit, & est irrefragabiliter bonorum. Voluntas autem consequens est voluntas non quæ sequitur merita, sed quæ vult aliqua secundum scientiam meritum. Prima scilicet antecedens dicitur a Magistris voluntas cōditionalis, siue voluntas qua Deus vult quantum in se est. Secunda autem scilicet consequens dicitur absoluta. Differentia autem inter hanc voluntatem, & illam, non est secundum diuersitatem affectionis, siue modi volendi qui sit in Deo: sed secundum rationem connotandi, & intelligendi. Prout enim Deus dicitur velle omnium salutem quantum in se est, & antecederet connotatur in omnibus ordinatio ad salutem, tum ex parte naturæ datæ, tum ex parte gratiæ oblata. Dedit enim eis Deus naturam, secundum quam possent eum cognoscere, & cognitum querere, & queritū inuenire, & inuenitū inhaerere, ac per hoc salutē obtinere. Gratiam similiter obtulit, dum Filium misit, & obtulit, cuius pretium omnium salutis sufficit. Leges etiam, & mandata tribuit salutis, & ostendit. Ipse etiam præsto est omnibus inquirentibus, & prope est omnibus inuocantibus eum. Velle ergo hominem antecederet saluare, est ordinatum ad salutem facere, & volēti peruenire, non deesse. Vnde velle antecederet saluare, non connotat salutem: sed ordinabilitatem ad salutē. Velle autem consequenter, siue absolute saluare, est velle dare salutem ei, quem præstitit ad salutem peruenitū, per suū auxilium, & gratiā, & connotat salutis eueniētiā. Et sic non est dicere, quod Deus velit omnes homines saluos fieri. Huic responsioni magis consonant Magistri, quamuis

Enchir. cap.
103. 10. 3.

Psalm. 113. b
Lib. 22. 29

vtraque

Ref. adra-
tiones pro
Fundam.

utraq[ue] bona sit. Secundum hanc ergo respondendum, A quod Deus vult omnes homines saluos fieri quantum in se est voluntate antecedente, non autem voluntate absoluta si.e. consequente: & quia illa non connota: effectus euentum: ideo non impeditur in hoc quod non omnes saluentur. Patet etiam responsio ad illud quod obiicitur de p[re]destinatione, siue electione, quia in illis clauditur voluntas absoluta, non solum antecedens. Patet etiam responsio ad vltimum de connotato. Ad illud tamen quod obiicitur quod voluntas conditionata non cadit in Deu[m], dicendum quod non ponitur in Deo velleitas quantum ad defectum plenitudinis voluntatis, nec propter diuersos modos volendi: sed propter aliam comparisonem in connotando, & sic patet illud.

1.2. Ad rationes vero ad oppositum, quod Deus vult omnes homines saluos fieri, responderi potest ad duas primas, quod verum concludunt, & vere.

3. Ad illud autem quod obiicitur de charitate hominum, dicendum quod non est simile, quia nos nescimus merita hominum futura finaliter, & si quis sciret aliquos esse p[re]scitos, quamuis quatum in se est, deberet eos velle saluari, non tamen voluntate absoluta: sed hæc melius infra patebunt.

4. Ad illud quod obiicitur quod Deus vno modo se habet ad omnes, dicendum quod illud verbum Philosophi habet locum quantum ad rerum gubernationem, nõ quantum ad eorum productionem, vel quantum ad naturalia, non quantum ad gratuita.

QVÆSTIO II.

An Deus velit mala fieri.

Alex. Alenf. 1. p. q. 40. Memb. 1.

S. Tho. 1. p. q. 19. art. 9.

Et 1. Sent. d. 46. q. 1. art. 4.

Et de Pot. q. 2. art. 6.

Et Quol. 5. q. 3. art. 2.

Ægid. Rom. 1. Sent. d. 46. p. 2. q. 2.

Richardus 1. Sent. d. 46. q. 2.

Tho. Argent. 1. Sent. d. 46. q. 1. art. 3.

Stephanus Brulef. 1. Sent. dist. 46. q. 2.

Petrus de Tarant. 1. Sent. dist. 46. q. 2.

Ad op-
positum.
Ans. li. cur
Deus homo
ca. 17.

Vtrum Deus velit mala fieri. Et quod sic, ostenditur per Anselmum: Deus non vult, inquit, quod impossibile est fieri: ergo per consequentiam e conuerso, quod possibile est fieri, Deus vult illud: sed malum est possibile fieri: ergo malum fieri est Deo volibile.

2. ITEM duobus oppositis propositis inter quæ non est medium, necesse est alterum esse à Deo scitum: ergo pari ratione necesse est alterum esse volitum: sed demonstrato peccante istum peccare, istum non peccare, sunt opposita: ergo Deus vult alterum: sed quidquid Deus vult, illud fit: ergo si vult illum non peccare, iste non peccat, quod est contra positionem: vult ergo istum peccare: sed hoc est malum: ergo malum fieri, est à Deo volitum.

3. ITEM omnis iustus vult omne quod iustum est: sed omnis p[œ]na iusta est, vt dicit August. & omne malum p[œ]na: ergo omne malum quod fit, à Deo est volitum fieri. Quod omne malum sit p[œ]na, patet per August. 1. Confess. Iussisti, inquit, Domine, & sic est quod omnis inordinatus animus sibi sit p[œ]na.

4. ITEM omne aliquid volens voluntate consiliata, & deliberata, vult omne illud sine quo illud non potest esse: quamuis enim aliquis velit esse Abbas, sed non monachus: tamen si deliberatiue velit esse Abbas, vult pariter esse monachus: sed Deus vult aliquid bonum quod nunquam potest esse sine malo, sicut sanctos suos probari, & pati, & filium suum: ergo, &c.

Contra: Nihil est ab aliquo volitum vel volibile, quod omnino displicet ei, & est odiosum: sed in Ecclesiastico dicitur: Altissimus odio habet peccatores: sed non nisi ratione peccati, siue mali: ergo multo magis odit malum: ergo non vult illud fieri.

ITEM August. in lib. 83. q. Idem est fieri Deo volente, & Deo auctore: sed malum non fit Deo auctore: ergo malum non fit Deo volente. Primam supponit ipse, secundam probat: quia nullo homine sapiente fit homo deterior: ergo multo fortius nec Deo.

ITEM ratione videtur: Quia omnis voluntas aut denominatur à voluto, aut denominat volitum. Si ergo Deus vult malum: aut ergo voluntas est mala: aut si voluntas est bona, volitum est bonum: ergo aut nihil est malum, aut Deus est malus, si vult malum fieri: sed vtrumque falsum: ergo, &c.

ITEM omnis volens malum, vult sub ratione apparentis boni: ergo omnis volens malum decipitur: ergo si Deus vult fieri mala, Deus decipitur: quod est impossibile.

ITEM omnis qui vult aliquid quod non potest, est miser: sed Deus nõ potest malum. sicut supra probatum est: ergo si vult illud, est miser: sed hoc est impossibile: ergo, &c.

CONCLUSIO.

Cum malum culpa nullo pacto sit à Deo volibile: Idcirco Deus non vult mala fieri.

RESP. AD ARG. Dicendum quod (sicut probant vltimæ rationes) malum non est à Deo volibile, malum, inquam culpæ, quia omnis voluntas inordinata est, cui placet illud malum: & hoc omnes concedunt: Sed tamen aliqui voluerunt dicere, quod Deus vult malum fieri, cum ipse non sit causa eius: sed alius, Deo volente. Et hoc quidem dicebant Deum velle non ratione sui: sed ratione eius quod inde elicit. Sed hoc est contra Augustinum sicut ostendit Magister in littera. qui hanc opinionem improbat: ideo neutrum est concedendum: sed si alicubi legitur, exponendum.

AD illud ergo quod obiicitur in contrarium quod Deus non vult quod impossibile est fieri, dicendum quod nõ velle dicitur dupliciter, aut negatiue, aut priuatiue. Si negatiue, non est verum illud: nec Anselmus ita intelligit. Si priuatiue, tunc non velle vna dictio est, & tertia persona eius, quod est nolo: & hoc modo dicitur Deus nolle, quod absolute vult non fieri. Hoc autem modo non est dicere, quod Deus nolit mala fieri: & hoc modo non tenet consequentia à contrario, quia non tenet in contrariis, sed in contradictoriis.

2. AD illud quod obiicitur quod duobus oppositis propositis, necesse est alterum scire; ergo necesse est alterum velle, dicendum quod loquendo de voluntate beneplaciti non est simile: nam scientia est respectu omnium quæ fiunt: voluntas autem beneplaciti non est nisi respectu eorum, quæ sunt ab ipso.

3. AD illud quod obiicitur, quod quilibet iustus vult iustitiam, &c. dicendum quod aliquid dicitur iustum dupliciter in se, scilicet & ex ordine. Quod iustum est in se secundum id quod est, est à Deo volitum. Quod vero est iustum ex ordine, est volitum à Deo secundum quod ordinatum: & malum non est volitum secundum quod malum, sed secundum quod punit, & ita secundum quod ordinatum, & ita secundum id quod est, non est volitum.

4. AD illud quod obiicitur quod qui vult aliquid, vult omne illi annexum, dicendum quod velle aliquid est dupliciter, aut voluntate antecedente, aut voluntate consequente. Quod vult aliquis voluntate antecedente, vult omne annexum illi necessario. Quod vero vult voluntate consequente, potest etiam velle sine annexo. Potest enim ex malo bonum elici, quod non eliceretur nisi factum illud malum displiceret, & bonum elicitedum complaceret ei qui nouit elicere. Potest tamē responderi per interemptionem quod volens voluntate consiliata vult aliquid, non tamen vult illud, consequitur: sicut aliquis vult aliquem surgere, sed tamen non vult eum cecidisse: Tamen potest aliter dici, & melius quod velle aliquid sine alio est dupliciter. Aut velle hoc, & non velle aliud, quia vnum placet, & aliud displicet, & sic possibile est his quæ inseparabiliter sunt coniuncta. Alio modo velle aliquid

August. li.
83. q.Dion. 4. de
diu. nom.Vide Aug.
10. 1. de or-
thod. fide.

sine alio est velle aliquid sine illo esse, & hoc modo velle aliquid sine inseparabiliter annexo est velle impossibile. Primo non sequitur, quod velit id quamuis non sine illo. sensus enim est, non sine illo ente, sed tamen sine illo voluto. Et est exemplū sensibile: volo enim aliquem qui cecidit surgere, ita quod non volo eum cecidisse, non tamē volo quod surgat, ita quod non ceciderit.

QVÆSTIO III.

An mala fieri sit bonum.

Alex. Alenf. 1. p. q. 39. Memb. 2.

Egid. Rom. 1. Sent. dist. 46. p. 2. q. 1.

Richardus 1. Sent. d. 46. q. 3.

Tho. Argent. 1. Sent. d. 46. q. 1. ar. 4.

Marfil. Inguen. 1. Sent. q. 45. art. 2.

Stephanus Brulef. 1. Sent. dist. 45. q. 3.

Petrus de Tarent. 1. Sent. dist. 45. q. 3.

Ad oppositum.

Lib. 14. ca. 13. 10. 5. in fine capitis.

Vtrum mala fieri sit bonum: & quod sic, ostenditur hoc modo. Quod expedit facienti ad salutem, illud est bonum: sed malum est huiusmodi: unde super illud: Diligentibus Deum omnia cooperantur in bonum, Glossa etiam ipse casus. & Augustinus in lib. de Civ. Dei: Audeo, inquit, dicere, superbis vtile esse incidere in aliquod apertū manifestumque peccatum, ut inde sibi displiceant, qui iam sibi placendo corruperant: igitur malum fieri est bonum, & vtile facienti ad salutem: ergo, &c.

2. ITEM quod est bonum Deo, & vniuersitati, est bonū simpliciter, quia bonum commune præfertur bono priuato: sed malum fieri, est bonum vniuersitati. ergo, &c. Quod sit bonum, dicit Boëtius in lib. de consol. Sola diuina vis est cui quæque mala bona sunt. Et Augustinus in lib. Confess. Tu cui nihil omnino malum: sed nec vniuersæ creaturæ tuæ: quia nihil est extra te quod corrumpat ordinem quem imposuisti: ergo si malum fieri est bonum vniuersitati, patet, &c.

Arist. 1. Top. ca. 24. Cap. 18.

3. ITEM cuius vsus bonus est, ipsum quoque bonum: sed vsus malorum factorum est bonus: ergo, &c. Minor patet per Augustinum lib. 11. de Civit. Neque enim Deus illos crearet quos malos esse præscisser, nisi pari ratione præsciret quibus eos bonorum vsibus commodaret.

Aug. Ench. c. 96. 10. 3.

Greg. 55.

Moral. ca. 1.

in sensu.

Fund.

3. Top. ca. 2.

4. ITEM omne quod iustum est, bonum est: sed mala fieri iustū est, quia poena est peccati præcedētis, sicut vult Gregorius: ergo malum fieri bonum est.

* CONTRA: malum fieri est malum in esse produci: si ergo malum fieri est bonū, productio mali est bona: sed regula est in arte Topicorum, cuius generatio vel productio bona est, ipsum quoque bonum: ergo si productio mali est bona, malum est bonum.

Arist. 1. Top. ca. 4. & deinceps.

ITEM malum fieri, est idem quod bonum priuari, siue corrumpi: si ergo malum fieri est bonum, corruptio boni est bona: sed regula est: Cuius corruptio bona, ipsum est malum: ergo si corruptio boni est bona, bonum est malum, quod absurdum est.

Arist. 2. Top. ca. 6. 1.

ITEM de conuertibilibus si vnum est bonum, & reliquum: sed malum fieri & mala facere sunt conuertibilia: ergo si malum fieri est bonum, & malum facere est bonū, sed pro bono nullus est puniendus: ergo nullus faciens mala est puniendus.

Arist. 1. Poet. 1.

ITEM: Sicut oppositum in opposito, & propositum in proposito: si ergo malū fieri est bonum: ergo bonum fieri est malum: sed hoc absurdum est quod malum sit facere bonum: ergo & primum.

ITEM si malum fieri est bonum: aut ergo in se, aut quia ex ipso euenit, vel cōsequitur bonum. Non in se, constat. Si ergo quia inde euenit bonū, qui dicit: Faciamus mala ut eueniant bona, bene dicit: ergo male Apostolus reprehendit.

CONCLUSIO.

Mala fieri, nullo pacto bonum est, tamen si malum possit esse occasio boni.

RESP. AD ARG. AD PRÆDICTORUM intelligentiam notandum, quod in operibus illud est dicere bonum vel vti-

le, siue conferens, quod in finem bonum ducit, siue est via ad bonum. Ducere autem ad bonum tripliciter dicitur aliquid, scilicet per modum causæ, vel per modū casus, vel per modum occasionis. Et differunt hæc tria. Nā causa per se ducit circa illud, circa quod ponitur quod est producens, & intendens. Sed casus priuat intentionem, sed non operationem, sicut patet in sodiēte, qui inuenit thesaurum præter intētionem. Occasio autem priuat vtrūque: Non enim dicit principium producens, sed magis dicit aliquid quod principium afficit, ut efficiat, sicut aliquis ex verbo audito percutit alium: verbum auditum fuit occasio, non efficiens percussione, nec cooperans efficienti, sed quodā modo efficiens. Et hæc occasio duobus modis est. Quædam enim est quæ quodā modo habet rationem actiui, quia quodam modo excitat efficiētem, sicut malum exemplum ad peccatum. Vel quæ habet rationē passiui, ut ex quo aliquis assumit rationem, sicut aliquis ex malo alterius exeat se ad faciendū bonū. Secundum hoc intelligendum quod malum duo dicit, scilicet priuationem, & naturā ordinabilem, & ratione malitiæ comparatur ad bonū, quod elicitur sicut occasio passiuæ, ratione boni quod subternitur, sicut occasio aliquo modo actiua, propter quod malum dicitur occasio boni. Cum ergo aliquid ducat in bonū his tribus modis, habet sic differentiā in ducendo. Aliquid enim potest ducere aliquid ad alterum, aut ex se, aut per aliquid sui, & tunc tenet rationē causæ per se. Aut potest ducere per alterum, ad quod tamē non ordinatur: sed illud ordinat ad tertium sumpta occasione ex illo, & sic tenet rationē occasionis. Aut ducit cum alio, ad quod tamen non ordinatur, nec illud ad tertium: sed ambo simul: & sic tenet rationem casus qui ex concursu est causarum. Ex hoc ergo patet, quod illud quod ducit per modū causæ, habet intra se rationē ordinationis in finē, & ideo in ipso est bonitas: & ideo recte denominatur bonum. Quod vero ducit per modū occasionis, nullam habet intra se rationem ordinationis in finem: ideo nec bonitatem: & propter hoc non potest denominari bonum per se, nisi cum additione illius per quod ordinatur, in quo scilicet cōsistit ratio ordinationis, & bonitatis: & circa quod ponitur bonitas. Cū ergo malum non ducat ad bonum ex se, sed per illud quod elicitur ex ipso à sapiente Deo, absolute loquendo, malū fieri non est bonum: immo omnes consimiles sunt negandæ: quia bonitas notatur poni circa ipsum malum. Si autem addatur bonum quod elicitur, vel ipse eliciens, sic concedendæ sunt huiusmodi locutiones, malum fieri est bonū ei, qui nouit ordinare in bonum: similiter malum fieri est bonum, ut electi probentur.

1.2. Ex hoc ergo patent duæ primæ rationes: procedunt enim cum determinatione, sicut patet in ipsis auctoritatibus.

3. Ad illud quod obiicitur tertio: Cuius vsus bonus, &c. dicendum quod duplex est vsus rei. Vnus ad quem res de se ordinatur, & de tali verum est: sicut patet de equo qui est ad euitandum. Alius vsus est, qui est aliquando, & ex post facto: & iste potest esse bonus ex bonitate vrentis, non vtilis: quia bonus vrens bene vtitur malis: & de tali vsu non est regula vera: de tali autem loquitur Augustinus.

4. Ad illud quod obiicitur: quod iustum est, bonum est, &c. dicendum quod iustum dicitur dupliciter. Vno modo iuste ordinatum per iustitiam quæ est in ipso, & omne quod sic iustum est, bonū est, quoniam intra se habet iustitiam. Vel est declaratiuum iustitiæ, & sic potest malum ostendere. Sicut malum potest ad retributionem iustitiæ disponere, ita & ostendere. Et hoc modo dicit ordinationem iustitiæ in altero, nec sequitur quod sit bonum, quia iustum plus importat rationem ordinis. Nichilominus tamen sermo ille non est proprius, quo dicitur: Iustum est, ut qui in sordibus est, sordescat, immo valde per accidens intelligitur, quia iustum est ut relinquatur a Deo, & ad hoc sequitur, quod adhuc sordescat: unde per accidens intelligitur.

Apoc. 21.

QVÆSTIO III.

An mala fieri sit verum.

Richardus 1. Sent. dist. 46. q. 3.
 Steph. Brulef. 1. Sent. dist. 46. q. 4.
 Petrus de Tarentaf. 1. Sent. di. 46. q. 4.

Funda-
 menta.
 1. Periber.

Arist. 9.
 Metaph.

Mat. 9. 4

Ad op-
 positum.

In epist. ad
 Cor. 1. c. 12.
 in prin. 10. 3.

In predic.
 c. de Quas.

In predic.
 c. de Subst.
 Arist. in
 predic. c. de
 Quas.

2. Periber.
 cap. 5.

Vtrum mala fieri sit verum, & videtur quod sic: Quia de quolibet affirmatio vel negatio vera, de nullo ambo simul: sed hæc est falsa, nulla mala fiunt: ergo oppositum est simpliciter verum, scilicet mala fieri.

ITEM veritas est adæquatio rei, & intellectus: ergo quoties homo intelligit sicut est in re, veritatem habet, & intellectus intellectum: sed qui intelligit mala fieri, vere intelligit: ergo si vere intelligit, intellectum est verum: ergo mala fieri, est verum.

ITEM veritas propositionis asserit veritatem in dicto. Vnde si Sortes currit: Sortem currere est verum: ergo si malum fit, malum fieri est verum: sed malum fit, constat: ergo, &c.

ITEM veritas dicentis ponit veritatem in dicto: sed Deus qui non est mendax, dicit mala fieri: Quid cogitatis mala in cordibus vestris: ergo verum est mala cogitari: pari ratione verum est fieri.

1. CONTRA: Verum & bonum conuertuntur: sed malum fieri, non est bonum, ut supra probatum est: ergo mala fieri, non est verum. Si forte dicas, quod verum est de veritate incomplexi: ostenditur de omni veritate: quia omnis veritas entitas quædam est: & omne quod participat rationem entis, participat rationem boni: ergo, &c.

2. ITEM omnis veritas est à veritate prima: ergo & omne verum à primo vero: si ergo malum fieri est verum, malum fieri est à Deo: sed hoc est supra improbatum: ergo, &c. Si tu dicas quod illud est verum de veritate rei, non signi: hoc nihil est, quia sicut à Deo sunt res, ita & signa: & Ambrosius dicit quod omne verum est à Spiritu sancto, à quocumque dicatur. Loquitur ergo de veritate in sermone: & ita de veritate complexionis, siue signi.

3. ITEM omnis veritas signi, siue complexionis causam & ortum habet à veritate rei: ergo veritas, istum furari, ortum habet à veritate furti: sed furtum non dicit actionem veram, immo defectiuam: ergo pari ratione, istum furari: non est simpliciter verum. Si tu dicas quod veritas complexionis triplex est, scilicet positionis, priuationis, & negationis: & prima causatur a veritate rei, secunda vero, & tertia non causatur. **CONTRA:** Philosophus generaliter dicit, quod ab eo quod res est, vel non est, oratio dicitur vera, vel falsa: ergo hoc ubique verum est.

4. ITEM omne quod modo verum est de præsentia, ab æterno fuit verum: ergo si malum esse modo est verum, ab æterno fuit verum: sed nihil æternaliter fuit verum, nisi esset Deus, vel in Deo ut in causa: ergo si malum fore fuit verum, & non fuit Deus, fuit in Deo tanquam in causa à Deo: sed hoc falsum: ergo, &c.

CONCLUSIO.

Mala fieri est verum, cum vere hoc enuncietur, atque intelligatur.

RESP. AD ARG. Dicendum quod sine distinctione concedendum est, quod mala fieri est verum: vere enim enuncietur, & vere intelligitur. Verum enim dictum de complexo respicit compositionem, sicut dicit Philosophus: quia veritas, & falsitas circa compositionem consistunt: & ideo dicit veritatem signi: signum autem est verum, quando signat rem se habere sicut se habet: tunc enim dicitur adæquari: & ideo cum ita se habeat in re sicut signum exprimit, simpliciter loquendo, verum est mala fieri.

1. 2. AD illud quod obiicitur quod verum & bonum

A conuertuntur, dicendum quod circa idem verum: Vnde si res est vera, est bona, & si signum est verum, est bonum. sed tamen non sequitur quod si signum sit verum quod signatum, siue res sit bona, & ideo hic est fallacia accidētis: omne verum est bonum: sed illud furari est verum: ergo istud furari est bonum, ex variatione minoris extremitatis. Verum enim prædicatur de illo dicto ratione compositionis, cum sit dictio modalis, bonum vero ratione attributionis: & hanc instantiam facit Magister in littera. Similis modus arguendi est hic: Audio Angelos cantare: sed cantare Angelos est verum: ergo audio verum. Con- similis modus arguendi est in illa oratione: Omne verum est à Deo, istum furari est verum: ergo, &c. & ideo similiter soluendum.

3. AD illud quod obiicitur quod veritas signi est à veritate rei, dicendum quod falsum est. Tunc enim signum verum est, quando signat rem non esse quæ non est, & non habere veritatem, cum illa non habet. Nam sicut aliquid imperfectum perfecte æquatur alij imperfecto: ita res defectiua plene potest signari. Vnde Philosophus non dicit: Ab eo, quod res est tantum, sed est, vel non est. Et est sensus: Ab eo quod res est, est oratio vera quæ significat ipsam esse: & ab eo quod non est, est falsa, quæ significat esse ipsam: & ab eo quod non est, est vera, quæ significat non esse: & ab eo quod est, est falsa, quæ significat eam non esse. Vnde quamuis furtum sit ens secundum quid, tamen oratio quæ significat aliquem furari, est vera simpliciter. Verum est tamen, quod omnis veritas complexa super aliquid fundatur, sed non oportet quod super rem intellectam, sed super intelligentem, in quo oratio habet esse. Et sic patet illud: Posset tamen dici quod fundatur super ens secundum quid, ratione deformitatis, & tamen verum est simpliciter propter adæquationem quæ est simpliciter. Nota tamē quod de fundamento veritatis propositionis diuersimode sentiunt diuersi. Aliqui enim distinguunt (sicut tactum est) tripliciter veritatem orationis, scilicet positionis, ut cum dicitur, Cæsar est homo: priuationis, ut cum dicitur, Cæsar est homo mortuus: negationis, ut cum dicitur, Cæsar non est. Primam dicunt fundari supra ens simpliciter, secundam supra ens secundum quid, & tertiam non dicunt fundari super aliquid, quia talis oratio nihil ponit. Sed tamē illud non videtur sufficere, quia cum dicitur, hæc oratio vera est, verum prædicat aliquam conditionem entis: ergo necesse est super aliquid fundari, quod sit. Et ideo dicunt alij, quod fundatur super principia Cæsar, sed hoc non sufficit, quia esto quod Cæsar omnino sit corruptus & secundum materiam, & secundum formam: adhuc tamen vera est ista, Cæsar fuit, siue Cæsar non est. Et ideo dicunt alij quod fundatur super intelligentem. Sed adhuc videtur illud non sufficiens, quia esto quod nullus intelligat actu, adhuc oratio est vera scripta in pariete, Cæsar fuit. Ideo dicendum quod veritas orationis sit veritas signi: & veritas signi non dicat qualitatem absolutam, sicut nec necessitas consequentiæ, sed respectiuam, sicut signum: cum omne quod contingit significare quid, contingat vere significare, & etiā false. Et sicut ad rationem significandi non oportet rem esse existentem, sed cognoscibilem: sic nec ad rationem veræ significationis. Et quoniam omne quod intellectus capit, vel est ens, vel capit, siue imaginatur per comparisonem ad ens: ideo omnis significatio, & veritas orationis significantis, vel fundatur simpliciter supra ens, ut si dicatur Petrus est, vel in ordine ad ens. Vnde propositio de præterito fundatur super ordinem eius ad præsens: similiter propositio de futuro sicut propositio negatiua: ut si dicatur: Cæsar non est: aliquod enim ens est, quod non est Cæsar, & sic de aliis: similiter si dicatur, chimæra non est hircoceruus.

4. AD illud quod obiicitur ultimo quod malitiam fore sit verum ab æterno, dicendum quod ad hoc quod aliquid sit verum, non oportet quod sit in Deo tanquam in causa: sed sufficit quod sit Dei præscientia, quæ non est nisi veri. Ad hoc autem quod aliquid sit in Dei præscientia, sufficit quod ipsum, vel eius causa, vel eius

4. AD illud quod obiicitur ultimo quod malitiam fore sit verum ab æterno, dicendum quod ad hoc quod aliquid sit verum, non oportet quod sit in Deo tanquam in causa: sed sufficit quod sit Dei præscientia, quæ non est nisi veri. Ad hoc autem quod aliquid sit in Dei præscientia, sufficit quod ipsum, vel eius causa, vel eius

oppositum sit in Deo tanquam in causa, sicut supra dictum est de cognitione Dei.

QVÆSTIO V.

An malum sit ordinabile à voluntate Dei.

Richardus 1. Sent. dist. 46. q. 7.

Steph. Brulef. 1. Sent. dist. 46. q. 9.

Petrus de Tarantasi. 1. Sent. dist. 46. q. 5.

Funda-
menta.
Psal. 7-4

Vtrum malum sit ordinabile à Dei voluntate Et quod sic videtur, quia super illud Psalmi: Domine Deus meus in te speravi. Glossa: Qui videt merita animarum sic ordinari à Deo, ut pulchritudo vniuersitatis ex nulla parte violeatur, in omnibus laudat Deum: distinguens Deum aliquid fecisse, & ordinasse, ut vniuersum bonum: aliud non fecisse: sed ordinasse, ut malum.

ITEM Augustinus in Enchiridio: Malum bene ordinatum, & loco suo positum, euidentius commendat bonum.

ITEM: ratione videtur, quia omne meritum ordinatur ad primum siue retributionem: sed malum meretur poenam, sicut bonum gloriam: ergo, & cum bonum gratia sit ordinabile, pari ratione malum culpa.

*Arist. 1. po-
se. cōtex. 5.*

ITEM: peccantes in suppliciis ordinantur: sed propter quod vnumquodque, & illud magis: sed mali non ordinantur in poenis nisi propter mala: ergo malum multo magis est ordinabile.

Cyp. 29.

ITEM: omne quod auget decorem in re ordinata, est ordinatum: sed malum auget decorem in vniuerso, quod est ordinatum: ergo, &c. Probatio minoris. Augustinus in vndecimo de Ciuitate Dei: sicut pictura cum colore nigro, suo loco posita, pulchrior est: ita vniuersitas rerum ex peccatoribus est pulchra.

Ad oppo-
situm.
e natura
boni cap. 4.
Tom. 6.
Ex 2. peri-
hermen.

1. Contra per Augustinum: Malum est priuatio modi, speciei, & ordinis: sed nulla priuatio participat id cuius est priuatio: ergo si malum eo quod malum priuat ordinem, malum non contingit ordinari.

2. ITEM: quod non est, non est ordinabile, nam ordo presupponit esse: sed malum in eo, quod malum, nihil est: ergo non est ordinabile.

3. ITEM: omne ordinabile est ordinanti possibile: sed malum non est possibile Deo, quia Deus non potest facere malum: ergo non est à Deo ordinabile.

4. ITEM: si malum est ordinabile, aut ordine partium in totum, aut in finem. Non primo modo, quia malum nullius est pars. Si secundo modo: ergo cum bonum est aliquid ex ordine in finem, tunc malum fieret bonum.

CONCLUSIO.

Malum est ordinabile ad bonum, secundum dispositionem, per ordinem iustitiae, & secundum ostensionem, manifestando videlicet ordinem bonorum.

RESP. Ad Arg. Ad prædictorum intelligentiam notandum. Quemadmodum aliquid dicitur esse sanum tripliciter, aut subiectiue, ut animal dicitur sanum: aut dispositiue, ut portio dicitur sana: aut ostensiue, ut vrina sana: sic aliquid ordinabile dicitur tripliciter, aut sicut ordinis susceptiuium, aut sicut dispositiuium, aut sicut ostensiuium. Sicut susceptiuium, non est aliquid ordinabile nisi quod est ens, & natura aliqua: & ita malum: non est ordinabile, nisi per accedens scilicet per bonum substratum. Sicut dispositiuium, malum est ordinabile: sed non sicut dispositio ponens, sed priuans. Duplex enim est ordo, scilicet naturæ, & iustitiæ. Ordo naturæ est institutus: ordo iustitiæ est acquisitus. Malum autem priuat ordinem specialis naturæ, & illum priuando, incurrit in ordinem iustitiæ, quia offendit: unde ratio ordinandi, sicut dispositio in ordine iustitiæ est meritum, vel demeritum. Sicut ostensiuium: malum est ordinabile, & ordinatum, quia manifestat ordinem bonorum per oppositum: opposita autem iuxta se posita magis eluce-

Acunt. Rationes ergo probantes, quod malum sit ordinatum, procedunt secundum ordinem iustitiæ, & secundum dispositionem, & ostensionem.

1. Ad illud autem quod obiicitur, quod malum est priuatio ordinis. Dicendum quod verum est particularis naturæ: sed non est verum prout ordo dicit dispositionem vniuersalis prouidentiae, de quo dicit Boëtius: Ordo cuncta complectitur, quo fit, ut si aliquis ab assignata sibi ordinis ratione discesserit, necesse sit, ut in alteram differentiam relabatur. Exemplum ponitur in circumferentia circumplectente centrum.

2. Ad illud quod obiicitur: Esse ordinatum presupponit esse. Dicendum, quod verum est in eo quod per se & in se ordinatur: malum autem non ordinatur nec in se, nec per se, & ideo non oportet, quod ipsum sit, sed sufficit, quod aliud sit in quo substantificatur malum, & hoc est bonum, ut dicit Boëtius.

3. Ad illud quod obiicitur, quod ordinabile est possibile ordinanti. Dicendum, quod esse possibile, siue sub esse potentiae diuinæ, est dupliciter, aut potentiae productioni, aut prouidenti: & quamuis malum non sub sit diuinæ productioni, subest tamen prouisioni.

4. Ad illud quod obiicitur, quia ordinatione sit ordinabile. Dicendum quod ordinatione ad finem, sed hoc est solum ex post facto, & ideo non sequitur quod malum sit bonum, sed quod ex ipso sequitur bonum. Posset tamen dici, quod quamuis malum non sit pars, tamen illud in quo est, pars est, & locum & ordinem partis tenet.

*Lib. 4. de
Conf. profa
6 in fine.*

QVÆSTIO VI.

An malum sit de complemento vniuersi.

Alex. Alenf. 1. p. q. 40. Membr. 3.

Ægid. Rom. 1. Sent. dist. 46. p. 2. q. 3.

Richard. 1. Sent. dist. 46. q. 8.

Stephanus Brulef. 1. Sent. dist. 46. q. 6.

Petrus de Tarantasi. 1. Sent. dist. 46. q. ult.

Vtrum malum sit de complemento vniuersi. Et quod sic, videtur. Contra malum bonum est, & contra mortem vita, & sic intueri in omnia opera Altissimi. Si ergo huiusmodi oppositio spectat ad decorem, & complementum vniuersi: ergo & malum.

2. ITEM August. de Ciuitate Dei, loquens de malis quare sinantur à Deo, dicit quod Deus vniuersum quasi quibusdam antithetis honestauit, & exemplificat in sermone, & in picturis. In sermone, sicut Apostolus vtitur. Per gloriam, & ignobilitatem. Et in picturis similiter, sicut enim pictura alba cum colore nigro, suo loco posita pulchra est: sic vniuersum cum malis: ergo malum secundum hoc decorat vniuersum: sed omne tale est de complemento vniuersi: ergo, &c.

3. ITEM ratione videtur, quia sicut malum est priuatio boni, ita silentium est priuatio vocis, & somnus vigiliæ: sed ad perfectionem, & decorem sermonis necesse est interponi silentium: ad perfectionem & decorem animalis necesse est aliquando vigiliis interponi somnum: ergo ad perfectum decorem vniuersi necesse est bonis interponi mala.

4. ITEM: Vniuersum est conditum ad Dei manifestationem: sed in operibus Dei maxime manifestatur misericordia, & veritas: sed si malum non fuisset, nec misericordia nec veritas ita perfecte manifestaretur, sicut manifestatur in æterna punitione, & peccatorum remissione, & redemptione: ergo non esset vniuersum complementum.

CONTRA: Videt Deus cuncta quæ fecerat, & erant valde bona, & non fecerat mala: constat ergo, quod absque malis erant omnia valde bona in vniuerso: sed vniuersum non esset valde bonum, si deesset ei perfectum. Cum ergo deesset ei malum: videtur quod malum non sit de eius perfectione.

Ad oppo-
situm.
Eul. 33. b

*Aug. de Ci.
Dei. lib. 11.
c. 18 in 5.*

*2. Cor. 6.
Ibid. 32.*

*1. Phys. com-
sec. 20.*

Funda-
menta.
Gen. 1. d

ITEM

Aug. lib. 3.
c. 5. 10. 11.

I T E M Aug. in 3. de libero arbitrio, loquens de perfectione vniuersi dicit: Quidquid tibi vera ratione melius occurrerit, scias Opificem omnium fecisse: si ergo non fecit mundum cum malis, sed sine malis: ergo mundus sine malis erat perfectior, quam cum malis: ergo malum non est de perfectione vniuersi.

1. Phys. 19.
3. Top. 34.

I T E M ratione videtur: quia albius est, quod est nigro permixtius: ergo pulchrius, & melius quod est malo permixtius: sed si in mundo nullum esset malum, nec vniuersum esset malis permixtum: ergo melius: ergo perfectius: ergo ordinatio mali, non est de complemento vniuersi.

lib. de din.
nom. p. 1. c.
4. paulo
ante med.

I T E M Bonū & pulchrum idem est, sicut dicit Diony. ergo quod est priuatio boni, est priuatio pulchri: sed malum est priuatio boni: ergo est priuatio pulchri: ergo malum deturpat: sed quod deturpat, & foedit non spectat ad pulchritudinem, siue decorem: ergo nec malum, siue mali ordinatio.

CONCLUSIO.

Malum ex accidenti facit ad decorem vniuersi, ratione subiecti quod ordinatur in pœnam oppositi, cuius decor magis clarescit ex præsentiā mali & beni eliciti.

Aug. 10. 1.
lib. 3. de lib.
arbi. c. 5. 9.
11. & 12.
Lib. 11. de
Ci. Dei cap.
18. 23. 10. 1.

R E S P ad arg. Ad hoc notandum, quod circa hoc diuersi diuersa sentierunt. Dixerunt enim aliqui, quod est loqui de malo, ut est in potentia facientis, & ut est in opere, siue in facto. Si loquamur, ut est in potentia facientis, sic voluerunt dicere, quod posse malum facere erat de perfectione vniuersitatis, quia creatura debebat fieri, quæ posset peccare, & posset abstinere, ad hoc quod vniuersum perfectum esset, sicut in tercio, de libero arbitrio dicitur. Si loquamur de malo, ut est in facto esse, sic dicunt, quod nullo modo spectat ad complementum vniuersi, nec per se, nec per accidens. Sed cum auctoritates dicant contrarium, quod ex ordinatione mali ad bonum, quidam decor resultat, sicut dicit August. expresse, oportet aliter dicere. Ideo dicunt alii, quod decor vniuersitatis, quidam est substantialis, siue quantum ad esse: quidam accidentalis, siue quantum ad bene esse. Quantum ad primum mala non faciunt ad decorem, nec per se, nec per accidens: sed quantum ad aliquem decorem accidentalem, mala bene ordinata faciunt: nō quia mala, sed quia bene ordinata: & ita per accidens sicut per accidens ordinantur, & illo decore circumscripto adhuc esset vniuersum decorum, & perfectum, quamuis hunc decorem non haberet. Ad hunc decorem faciunt mala, non ratione sui, sed ratione subiecti, quod ordinatur in pœnam ad diuinæ iustitiæ manifestationem. Vel ratione oppositi, quia decor magis clarescit ex præsentiā mali, sicut opposita iuxta se posita magis elucescunt, sicut communiter dicitur. Vel ratione boni eliciti: multa enim bona Deus fecit, & facta sunt, quæ non essent facta nisi peccatum præstitisset occasionem, sicut illa quæ gesta sunt in nostra reparatione: tamen sine his omnibus esset vniuersum completum. Si vero quæritur, utrum tunc esset pulchrius, quam nunc, sic responderi potest, quod se habent sicut excedentia, & excessa: sicut duæ facies, in quarum vna nulla est macula, in altera est cicatrix aliqua bene sita, quæ videtur faciem venustare. Et si ultra procedas, quis decor magis excedit: potest dici sine præiudicio, quod decor qui nunc est: & ratio huius est, quia vi diuina eliciens bonum ex malo, præpotens est malo: & ideo bonum quod inde elicit, præualet bono, quod malum corrumpit: & ideo plus valet vniuersum nunc, quā valuisset tunc, in quo nunc modo commédatur sapientia Creatoris. Vnde Gregor. in benedictione cerei Paschalis: O felix culpa, quæ talem meruit habere Redemptorem. Et exemplum est de scypho sano, qui frangitur, & religatur filo argenteo, vel aureo, quia melior est post, quam ante, non ratione fractionis, sed ratione religatio-

A nis. Et si quæras à me, nonne melius esset si omnes essent beati, quam quod quidam beati, & quidam miseri? Dicendum (sicut credo) si homo stetisset, non peruenissent plures ad Hierusalem supernam, quam sic peruenturi sunt. Vnde mali quæ ex abundantia sunt, nec sunt in computatione.

1. 2. **E T** sic concedendum quod ordinatio mali facit ad complementum accidentale: sicut probant rationes ad primam partem inductæ, sed ad complementum, siue ad decorem substantialem, nec per se, nec per accidens: per se vero ad nullū, sicut illæ rationes ostendunt.

3. Veruntamen quod obiicitur ad primam partem, per simile in priuationibus. Dicendum quod illæ priuationes non sunt aliquid adimentes, nec auferentes aliquid de bono, vel pulchro, malum autem aufert, ideo patet illud.

4. **A D** illud quod obiicitur: quod non manifestaretur misericordia, & iustitia. Dicendum, quod quamuis non manifestaretur in actu, manifestaretur tamen in sua origine. Qui enim Deum in se cognoscit: videt in illo æterno exemplari, quid eum deceat facere, & quid possit, licet non ita clare ut nunc in opere, & ita misericordiā, & iustitiam pariter, nihilominus tamen misericordia ostenderetur in supererogatione, & iustitia in retributione, licet non ita clare, ut nunc.

DISTINCT. XLVII

QVOD VOLVNTAS DEI SEMPER IMPLETVR DE HOMINE, QVOCVN-

QVE SEVERTAT.



VOLVNTAS quippe Dei semper efficax est, ut fiat omne quod velis, & nihil fiat quod nolit: quæ de homine semper impletur quocumque se vertat. Nihil enim in libero arbitrio constitutum superat voluntatem Dei, & si faciat contra eius voluntatem, tamen contra eius voluntatem, quæ ipse est, nihil putandum est, ita fieri, tamquam velit fieri, & non fiat, vel nolit fieri, & fiat. Illa enim voluntas (ut ait August. in Enchirid.) semper impletur aut de nobis, aut à nobis. De nobis impletur, sed tamen nō implemus eam quando peccamus. A nobis impletur, quando bonum facimus: ideo enim facimus, quia scimus placere Deo ita & de homine semper Deus implet suam voluntatem: quia nihil facit homo, de quo Deus non operetur quod vult. Non enim vult Deus, ut peccet homo quilibet. Si autem peccauerit, penitenti vult parcere, ut uiuat: in peccatis vero perseverantem punire, ut iustitia potentiam contumax non euadat. Sicut alios ab æterno præparauit ad pœnam, ita alios præparauit ad gloriam: Et hæc sunt magna opera Domini, exquisita in omnes voluntates eius. Et tam sapienter exquisita, ut cum Angelica, & humana creatura peccasset, id est, non quod ille, sed quod voluit ipsa fecisset, etiam per eandem creaturæ voluntatem: quæ factum est, quod creator non voluit, impletet ipse quod voluit, bene utens etiam malis, tanquam summe bonus ad eorum damnationem, quos iuste prædestinavit ad pœnam, & ad eorum salutem, quos benigne prædestinavit ad gratiam. Quantum enim ad ipsos attinet, quod Deus noluit, fecerunt: quantum vero ad omnipotentiam Dei nullo modo id facere valuerunt. Hoc quippe ipso quod contra eius voluntatem fecerunt, de ipsis facta est voluntas eius. Propterea namq. magna opera Domini exquisita in omnes voluntates eius, ut miro, & ineffabili modo non fiat

Aug. in Enchirid. c. 107.
10. 3.

Psal. 110. a
August. in
Enchirid.
Cap. 100.
per totum.

Psal. 110. a

præter eius voluntatem, quod etiam fit contra eius voluntatem: quia non fieret si non sineret: nec utique volens finit: sed volens: nec sineret bonus fieri male, nisi omnipotens etiam de malo posset facere bene. His verbis evidenter monstratur quod voluntas Dei æterna semper impletur de homine, etiam si faciat homo contra Dei voluntatem. Sed attendendum est diligenter quomodo in superioribus dicitur fieri aliquid contra Dei voluntatem, quod tamen non fit præter eam, & qualiter intelligendum sit illud, quantum ad se, fecerunt quod Deus noluit: quantum vero ad omnipotentiam Dei nullo modo id facere valuerunt. Visentur enim ista superioribus obviare, ubi dictum est: Voluntati eius nihil resistere.

Hic aperit diuersis modis supra accipi Dei voluntatem.

Rom. 9. d

Verum, ut supra diximus, voluntas Dei diuersis modis accipitur, quæ diuersitas in prædictis verbis si diligenter notetur, nihil ibi contradictionis reperitur. Vbi enim dicit non fieri præter eius voluntatem, etiam quod fit contra eius voluntatem, dissimiliter accipit voluntatem: & non ipsam voluntatem, quæ Deus est, & sempiterna est: sed eius signa prædictis verbis intelligi voluit, id est, prohibitionem: siue præceptionem, & permissionem. Multa enim fiunt contra Dei præceptum, vel prohibitionem, quæ tamen non fiunt præter eius permissionem. Ipsius namque permissione omnia fiunt mala: quæ tamen præter eius voluntatem sempiternam fiunt. Sicut August. dicit super illum locum Psalmi: Vt non loquatur os meum opera hominum. Opera enim hominum dicit ea quæ mala sunt, quæ præter Dei voluntatem fiunt in sensu, quæ ipse est: sed non præter eius permissionem, quæ ipse non est. Appellatur tamen ipsa Dei voluntas, quia Deus volens finit mala fieri. Fiunt, & contra eius præceptionem, vel prohibitionem, sed non contra eius voluntatem, quæ ipse est, nisi dicantur contra eam fieri, quia præter eam fiunt. Contra eam quippe nihil ita fit, ut velit fieri quod non fiat, vel nolit fieri, & fiat: quod e videnter ibi August. notauit, ubi ait: Quantum ad ipsos attinet, quod Deus noluit, fecerunt: quantum vero ad omnipotentiam Dei, nullo modo id facere valuerunt. Ac si diceret, fecerunt contra Dei præceptum, quod appellatur voluntas: sed non fecerunt contra Dei voluntatem omnipotentem, quia hoc non valuerunt, illud valuerunt: & ita per hoc quod fecerunt contra Dei voluntatem, id est, præceptum, de ipsis facta est voluntas eius, id est, impleta est voluntas eius sempiterna, quæ eos damnari volebat. Vnde Greg. super Genesim: Multi voluntatem Dei peragunt, unde mutare contendunt, & consilio eius resistentes obsequuntur: quia hoc eius dispositioni militat, quod per humanum studium resultat. Hic aperte ostenditur, quia dum mali consilio ac præcepto Dei resistunt (quod voluntas Dei appellatur) ea faciunt unde voluntas eius, quæ ipse est, impletur, quæ dispositio, vel beneplacitum vocatur. Nam (ut ait Aug. in Ench.) Quanta libet sint voluntates Angelorum, & hominum, bonorum, vel malorum, vel illud quod Deus, vel aliud volentes, quam Deus, omnipotentis voluntas semper inuicta est: quæ mala esse nunquam potest, quæ etiam dum mala irrogat, iusta est, & profectio quæ iusta est, mala non est. Deus ergo omnipotens siue per misericordiam, cuius vult, miseretur: siue per iudicium, quem vult, obdurat: nec inique aliquid facit, nec nisi volens quidquam facit, & omnia quacumque vult facit.

In tom. 8.
enarratio-
ne ad Psal.
16.

Cap. 102.
Tom. 3.

A Summatim perstringit sententiam prædictorum, addens quare Deus præcepit omnibus bona facere, & mala vitare: cum non velit hoc ab omnibus impleri.

B Ex prædictis liquet quod voluntas Dei, quæ ipse est, semper inuicta est, nec in aliquo cassatur, sed per omnia impletur. Consilium vero eius, & præceptio siue prohibitio non ab omnibus implentur, quibus proposita, & data sunt. Neque ideo præcepit omnibus bona, vel prohibuit mala, vel consuluit optima, quod vellet ab omnibus bona, quæ præcipit fieri, vel mala quæ prohibuit vitari. (Sic enim vellet, utique, & fierent, quia in nullo potest ab homine superari, vel impediri eius voluntas) sed ut iustitiam suam hominibus ostenderet, & mali essent inexcusabiles. Denique, ut boni ex obedientia gloriam, mali ex inobedientia pœnam sortirentur, sicut utrisque ab æterno præparauit. Ea ergo quæ omnibus præcepit, vel prohibuit, a quibusdam voluit fieri, vel vitari, sed non ab omnibus, & quædam personaliter præcepit, & in veteri, & in noua lege, quæ ab eis quibus præcepit, fieri noluit, ut Abrahæ de immolatione filij, & in Euangelio quibusdam curatis, quibus præcepit ne cui dicerent.

DISTINCT. XLVII.

Voluntas Dei semper fit efficaciter.

C Voluntas quippe Dei semper efficax est.

Expositio textus.

SUPRA remouit Magister dubitationes, ex quibus videbatur voluntas Dei aliquando impediri. Hic determinat veritatem ostendens voluntatem Dei semper esse efficacem, & nunquam impediri. Et hæc pars habet quatuor partes. In prima auctoritate August. ostendit voluntatem Dei semper esse efficacem, & nunquam impediri. In secunda vero (ne hoc intelligeretur de voluntate signi) distinguit voluntatem, ut ostendat hoc esse dictum de voluntate beneplaciti, ibi: Verum & supra diximus. In tertia Magister ostendit, quod contra quandam voluntatem signi bene potest fieri, ibi: Multa enim fiunt contra Dei præceptum, &c. In quarta vero epilogat breuiter prædeterminata, & hoc ibi: Ex prædictis liquet, quod voluntas Dei, quæ ipse est, &c.

Diuisio.

Ad eorum damnationem quos iuste prædestinauit ad pœnam. Dub. I.

Videtur August. hic improprie loqui, quia supra dicitur, quod prædestinatio est de bonis salutaribus. Distin. 49.

ITEM. Damasc. Non ad puniendum plasmavit nos Deus: ergo maledicit. Iuxta hoc quæritur, cum Deus sit summe iustus sicut summe misericors, quare magis dicitur proprium Dei misereri, quam damnare, siue punire. Lib. 2. c. 29. in fine.

RESP. quod Damasc. distinguit voluntatem Dei in antecedentem, & consequentem. Potest ergo præparatio esse quantum ad utramque, & sic est præparatio bonorum, & hoc modo est præparatio simpliciter, & prædestinatio proprie dicta. Alio modo præparatio accipitur large, secundum quamcumque voluntatem, & sic est malorum, & est prædestinatio large. Magister autem, & Damasc. supra accipiunt proprie: sed August. accipit communiter, & sic patet solutio. Ibidem.

AD illud quod quæritur de opere misericordiæ. Dicendum quod ideo est proprium Dei misereri, quia ad opus misericordiæ non requiritur nisi Dei benignitas: sed ad hoc quod seueritatem iustitiæ faciat, præsupponitur nostra iniquitas, & ideo illud magis appropriatur ipsi Deo, quam hoc.

Ipse

Ipsius namque permissione, &c. Dub. II.

Innuat Magister quod mala fiunt præter Dei voluntatem: sed non præter permissionem. Contra: Videtur male loqui, quia cum permissio sit signum voluntatis diuinæ, si fiunt præter voluntatem, ergo etiam præter permissionem. Item: quæritur quæ differentia est inter fieri præter voluntatem, & cōtra, & videtur quod nulla: quia qui non est mecum, contra me est.

R E S P. Dicendum, quod fieri præter voluntatem, hoc est quia voluntas Dei non est in hoc fieri, nec in eius oppositum, & ita præter voluntatem fit: quod non fit secundum voluntatem, nec contra, & inter hæc medium est: Dominus autem in Matthæo intelligit de præceptis, quæ qui negligit, inimicus Dei efficitur. Quod ergo obicitur, quod permissio est signum voluntatis beneplaciti. Dicendum, quod non est signum quod Deus velit illud quod permittitur: sed quod velit illud, quod ex eo elicitur, & sic patet illud.

Sed non præter eius permissionem quæ ipse non est. Dub. III.

Secundum hoc videtur quod permissio non sit Deus. Contra: Deus est sua actio: ergo Deus est sua permissio, cum permissio sit actio Dei. Si tu dicas hoc esse dictum ratione connotati: tunc obicitur, quod voluntas Dei similiter aliquid connotat circa volitum.

R E S P. Dicitur potest quod Magister loquitur secundum opinionem illorum qui dicunt nomina sex generum non prædicare aliquid de Deo, vel in Deo, sed à Deo: sed hæc opinio supra improbat est. Et ideo potest dici, quod Magister loquitur de permissione ratione sui connotati, quod importat ratione sui nominis. Et si tu obicias de voluntate quod connotat: Dicendum quod verum est ex adiuncto: sed non est ita de principali significatione nominis.

Neque ideo præcipit omnibus bona, vel prohibuit mala, vel consuluit optima, &c. Dub. IIII.

Videtur falsum dicere, quia præceptum Dei est signum voluntatis Dei, sicut præceptum nostrum est signum voluntatis nostræ: sed rectus homo nunquam præcipit aliquid alicui, nisi quod vult fieri: ergo multo fortius nec ipse Deus.

R E S P. Dicendum quod August. & Magister sequens Aug. quando de voluntate beneplaciti loquuntur, semper accipiunt pro voluntate, quæ Deus absolute vult aliquid euenire: & de hoc non est dubium illud quod dicit: sed vltius Ioannes Damasc. distinguit voluntatem etiam in antecedentem, siue quantum in se est, & huius signum est præceptum, & de hac non loquitur August. nec Magister.

Præcipit & in veteri, & in noua lege, quæ ab eis quibus præcepit fieri noluit. Dub. V.

Videtur male dicere, quia præceptum est signum diuinæ voluntatis: ergo si præcipiebat quod nōlebat, videtur quod illos decipiebat, quibus præcipiebat.

I T E M: Videtur falsum dicere, quod noluit immolationem Isaac, quia Abraam volebat: ergo voluntatem suam diuinæ non conformabat: ergo non merèbatur, ut videtur. Item: Quare Abraam parauit se ad obediendum, non autem curatus in Euangelio?

R E S P O N D. Dicendum quod quædam præcepit Deus ad faciendum, ut præcepta moralia, quædam ad probandum, id est, probatum ostendendum, quædam ad erudiendum: & horum duorum exempla ratiuntur in littera. In præcepto ergo Abrahæ signatur non quod Deus velit immolationem: sed quod vult Abraam velle, & ideo cum voluit, se illi conformauit. In præcepto autem quod fecit curato, signauit se velle contem-

A prum laudis, & ideo Abraam laudandus est in voluntate obedientiæ, & curatus in hoc quod non tacuit.

ARTICVLVS I.

AD intelligentiam eorum quæ dicuntur in hac parte, quatuor quæruntur. Primo, quæritur, utrum voluntas beneplaciti possit impediri. Secundo, quæritur, utrum aliquis possit facere contra voluntatem signi. Tercio, utrum Deus debeat mala permittere. Quarto & vltimo, utrum Deus possit mala præcipere.

QVÆSTIO I.

An voluntas beneplaciti Dei possit impediri.

Alex. Alens. 1. p. q. 40. Memb. 4.

S. Thom. 1. p. q. 19. ar. 6.

Et 1. Sent. dist. 47. q. 1. ar. 1. & 2.

Et de verit. q. 23. ar. 2. & quod. 11. ar. 3.

Egid. Rom. 1. Sent. dist. 47. q. 1.

Richardus 1. Sent. dist. 47. q. 1.

Stephanus Brulef. 1. Sent. dist. 47. q. 1.

Petrus de Tarant. 1. Sent. dist. 47. q. 1.

Gabr. Biel. 1. Sent. d. 46. q. 1.

QUOD Voluntas beneplaciti non possit impediri, ostenditur primo auctoritate Genesis: Num Dei possumus resistere voluntati? Quasi diceret, non.

I T E M: Voluntati eius, quis resistit?

I T E M super illud: Qui vult omnes homines saluos fieri. Glo. rogandus est, ut velit, quod si vult, necesse est fieri.

I T E M super illud psalmi: Iustus Dominus in omnibus operibus suis, Glo. apud Deum, hoc est velle, quod facere: sed non potest impediri ne velit, quia libere vult: quod vult, ergo non potest impediri ne fiat.

I T E M: Omnis voluntas quæ potest impediri, potest superari: sed diuina voluntas superari non potest, cū sit suprema: ergo diuina voluntas, non potest impediri.

I T E M: Omnis causa quæ impeditur à prosecutione sui effectus, aut deficit, aut mutatur: sed diuina voluntas, nec deficit, nec mutatur, nec potest deficere, nec mutari, ergo, &c.

I T E M: Nobilius agens est, & nobilior causa, quæ non potest impediri, quam quæ potest: sed diuina voluntas est summa & suprema causa omnium, ut supra monstratum est: ergo, &c.

1. Contra: Omnis causa, cuius effectus contingenter euenit, potest impediri: nam si non potest, tunc effectus euenit necessario: sed diuina voluntas est huiusmodi, quia est multorum contingentium, alioquin aut nihil esset contingens, quod est cōtra arbitrii libertatem, & consilium, & casum: aut Deus non esset illius causa, quorum utrumque absurdum est: ergo, &c.

2. **I T E M** omnis causa quæ per aliam agētem expletur, potest per illam deficientem impediri, si illa possit deficere. Hæc propositio per se nota est: sed diuina voluntas est huiusmodi, nam Deus vult multa fieri per causas creatas, quæ non faciunt sine ipsis, sicut generare hominem a sinu, & similia. Similiter de his quæ sunt ab opere nostro, & hæc possunt deficere: ergo diuina voluntas potest impediri.

3. **I T E M:** Omnis causa cuius virtus se extendit ad cōtrarium, voluntatis potest aliud velle, quam velit: sed diuina essentia est huiusmodi, aliquid enim vult Deus, ut istum damnari: cuius oppositum potest, hoc certum est, alioquin non esset omnipotens: potest ergo facere oppositum eius, quod vult. Sed omne possibile, est ponibile: ponatur ergo quod Deus faciat oppositū eius quod voluit, si hoc, ergo voluntas Dei est frustra, & impedita: ergo, &c.

4. **I T E M:** Voluntas vult aliquid quod Deus vult ipsam velle: aut ergo potest velle contrarium, aut non potest. Si potest: ergo diuina voluntas potest impediri. Si non potest: ergo necesse est libertatem eius artari.

Fundamenta.
Gen. vlt. t.
Rom. 9. d.
1. Tim. 2. n.

Ad oppositum.

Aristot. 9.
Metaph.
10. text.

CONCLUSIO.

Dei voluntas antecedens potest cassari, consequens autem atque absoluta, nequaquam.

Lib. 2. de or-
do. fidei c.
29.

Aug. in En-
chi. c. 107.
in fine to. 3.

Aug. To. 3.
de spiritu
& littera c.
33.

S. Tho. 1.
q. 19. ar. 8.

RESPOND. Ad arg. Ad intelligentiam prædictorum notandum, quod secundum Io. Damasc. Voluntas beneplaciti est duplex, scilicet antecedens siue conditionalis, qua vult, quantum in se est, omnium salutem: & absoluta siue consequens qua determinare, vult aliquid, quod nouit certitudinaliter euenire. Intelligendum est ergo quod nullam Dei voluntatem possibile est superari, nullam possibile est cassari: aliquam tamen ut antecedentem, possibile est non impleri: aliquam, ut consequentem, necesse est impleri, & impossibile est impediri. Nulla (inquam) est possibile superari: Nam si homo non faciat, quod Deus vult quantum in se est voluntate antecedente, Deus facit de ipso quod vult voluntate consequente, & ita semper impletur, vel de homine, vel ab homine, & sic nunquam vincitur, vel superatur. Non etiam possibile est voluntatem Dei cassari: Nam cassum dicitur aliquid dum priuatur effectu proprio ad quem est: voluntas autem nullo priuatur effectu ad quem est proprie. Nam quod dicitur, quod Deus vult omnes homines saluos fieri quantum in se est, hæc voluntas non connotat salutem, nec proprie est ad effectum salutis: sed connotat ordinationem naturæ, siue naturam ordinabilem ad salutem. Vnde nihil plus est dicere, Deus vult istum saluum fieri, quantum in se est, quam Deo placuit dare isti naturam, per quam posset peruenire ad salutem, & quod Deus paratus esset iuuare, ita quod salus non deficit propter defectum à parte Dei. Vnde non cassatur, quia habet proprium effectum. De voluntate autem absoluta planum est, quod non possit cassari, quia omnem effectum suum ponit, nec vnquam remanet inexplata. Cum itaque verum sit voluntatem Dei nullo modo posse superari, nec cassari, tamen voluntatem absolutam necesse est impleri, conditionalem vero minime. Sed attendendum, quod est necessitas consequentiarum, sicut supra dictum est de præscientia, ipsa non habet necessitatem consequentis, sed consequentiarum, quia necessario infert, & sequitur: Deus præscit hoc, ergo hoc erit: sed tantum non necessario præscit, quia in actu præsciendi frequenter notatur effectus contingens. Sic in voluntate intelligendum est, quod voluntas Dei absoluta connotat euentum rei, & ideo est ibi necessitas consequentiarum, sed non consequentis, quia non mutat euentum rei, immo vult Deus, quod eueniat consequens contingens. Vnde sicut præscientia, quia necessario infert effectum, non potest falli, sic voluntas absoluta, quia necessario infert, non potest impediri, immo eam necessarium est impleri: voluntatem autem antecedentem, vel conditionatam non est necesse impleri, nec necessitate consequentis, nec necessitate consequentiarum, quia non connotat effectum rei: sed connotat illud quod est ordinabile ad euentum, ut prædictum est. Vnde bene sequitur, vult istum saluari voluntate absoluta, ergo iste saluabitur: nunquam enim vellet, nisi pariter præciceret eum esse saluandum. De voluntate vero conditionata, ut visum est, non sequitur. Si ergo obiicitur quod voluntas Dei est necessaria, & necessario infert effectum: ergo omnimodam ponit circa ipsum necessitatem, dicendum, quod quamuis necesse sit Deum velle, & voluntatem eius esse in actu, tamen comparatio eius ad futurum est contingens, & ideo effectus euenit contingenter.

1. Ad illud quod obiicitur quod potest impediri, cum sit causa contingens, dicendum quod, sicut tactum est, cum comparatio diuinæ voluntatis ad volitum, & euentus voliti se necessario concomitentur, sicut vnum est contingens, ita & aliud, & ideo non potest impediri: tunc enim impeditur causa, quando manente comparatione & ordinatione eius ad effectum, effectus non euenit. Quod ergo proponitur, omnis causa cuius effectus est contingens, potest impediri, falsa est propositio, & ha-

bet instantiam, si effectus necessario concomitetur & sequatur ad causam, & hæc est instantia in proposito.

2. Ad illud ergo quod obiicitur quod potest impediri propter defectum causæ cooperantis, dicendum quod sicut diuina voluntas, siue diuinum velle connotat effectum, ita connotat efficientiam causæ particularis. Cum enim dicitur: Deus vult istum saluari, non est sensus quod velit in omnem euentum, sed quod vult istum saluari, & vult istum velle. Vnde sicut diuina voluntas connotat istum effectum euenire, & ideo necessario sequitur effectus ad ipsam, ita connotat causam creatam concurrere: & ideo necessario sequitur, si Deus vult istum saluari, quod iste etiam velit: & ita nunquam deficit sicut nec effectus, & ita nunquam impeditur.

3. Ad illud quod obiicitur quod Deus potest oppositum eius quod vult, dicendum quod diuina voluntas non artat potentiam in possendo: vnde plura potest quæ velit, tamen artat potentiam in agendo: nunquam enim potentia agit aliquid nisi quod vult, & impossibile est quod actio superexcedat voluntatem. Vnde nihil potest facere nisi quod potest velle. Quando ergo dicitur quod potest contrarium suæ voluntatis, potest intelligi dupliciter. Aut voluntate mouente ad contrarium, & sic notatur repugnantia voluntatis ad potentiam, & hoc est impossibile. Aut voluntate non mouente, & sic notatur non impedimentum nec repugnantia: sed quod voluntas libere potest, quia ita potest hoc quod eius oppositum: ita enim vult hoc quod potest velle eius oppositum absque sui mutatione, sicut supra dictum est de præscientia. Et ratio huius est, quia vno & eodem, vult quæcumque vult.

4. Ad vltimum dicendum quod voluntas Dei secundum conuenientiam ad præscientiam vult illa quæ vult. Vnde sicut præscientia ambit totum velle, & posse, & agere, & non potest falli aliquid non subtrahendo contingentia rei euenientis, sic etiam in proposito intelligendum.

QVÆSTIO II.

An aliquis possit facere contra voluntatem signi.

Egid. Rom. 1. Sent. d. 47. p. 2. q. 2.

Richardus 1. Sent. d. 47. q. 2.

Stephanus Brulef. 1. Sent. dist. 47. q. 2.

Petrus de Tarant. 1. Sent. d. 47. q. 2.

VTRVM aliquis possit facere contra voluntatem signi. Et quod non, videtur, quia signum & signatum conformari debent: ergo quod fit contra vnum, fit contra reliquum: & si non potest fieri contra signatum, nec contra signum. Alioquin si non fit contra signatum, sed contra signum, tunc signum est falsum: si enim signum ducit in signatum, significat quod fit contra ipsum fieri contra signatum.

2. I T E M: Minimum inter omnia signa est permissio, cum sit respectu mali ad quod minime ordinatur beneplacitum Dei: ergo si minime accedit ad voluntatem beneplaciti, si non potest fieri contra permissionem, multominus contra alia: sed non potest fieri contra permissionem, sicut dicit Magister in littera, & Augustinus de Ciui. cap. 20. sicut nullus hominum agit recte, nisi adiutus diuino auxilio, sic nullus hominum atque demonum agit inique nisi eodem diuino atque iustissimo permittatur iudicio.

3. I T E M: Potentior est voluntas cui non potest resisti nec in se, nec in signo, quam cui potest in signo saltem, & si non in re: sed Deus est potentissimus: ergo videtur quod nec voluntati eius nec signo voluntatis possit resisti, & sic, &c.

4. Contra: Inter omnia signa voluntatis præceptum, siue imperium videtur esse potentissimum: sed fieri potest, & fit tota die contra diuinum mandatum: ergo contra omnia alia.

Fundamenta

Aug. 20. de
C. Dei cap.
1. 10. 5.

Ad opposi-
tum.

5. Item

5. I T E M videtur quod specialiter contra permissionem, quia permissio non est nisi mali culpæ: sed malum culpæ non est malum nisi voluntarie fiat: et si voluntarie fit, potest non fieri: ergo permittente Deo aliquem malefacere, potest non facere: ergo potest facere contra permissionem.

psal. 104.6

6. I T E M super illud psalmi: Eduxit eos cum argento, & auro. Glossa dicit quod idem fuit præceptum, & permissum, scilicet asportatio vasorum: ergo cum possit fieri contra præceptum, pari ratione & contra permissionem, & contra alia: per consequens ergo contra omnem voluntatem signi.

CONCLUSIO.

Potest fieri contra signa diuina voluntatis, quæ respiciunt futurum, sed non contra ea quæ possunt, cum hæc signa voluntatem absolutam, illa vero conditionatam.

Arist. 1. Perib. cap.

R E S P. Ad arg. Dicendum quod contra aliquod signum diuinæ voluntatis potest fieri, contra aliquod nō. Et ratio huius duplex est, ex duplici modo distinguendi signa. Quædam enim sunt signa respectu præsentis, ut impletio & permissio. Quædam respectu futuri, ut præceptio, & consilium, & prohibitio. Et quoniam de præsentis quod fit, impossibile est in præsentis non fieri, quoniam omne quod est, quando est, necesse est esse: ideo respectu signorum de præsentis non potest esse resistencia, quia si sit resistencia, iam non sunt præsentia. Quia vero futura vel facienda possunt non fieri: ideo quantum ad signa tria sequentia, resistencia potest esse. Alia ratio sumitur secundum alium modum distinguendi. Quia quædam sunt signa diuinæ voluntatis absolutæ, quædam conditionatæ: Dico ergo quod quia contra voluntatem absolutam non potest fieri, non potest etiam fieri contra signa voluntatis absolutæ, utpote sunt impletio, & permissio. Quia vero contra voluntatem antecedentem, siue conditionatam potest fieri, quia potest homo diuertere ab ordine ad quem ex sui constitutione conditus est, hinc est quod potest fieri contra voluntatem signi, quæ illam signat scilicet contra prohibitionem, & præceptionem, & consilium.

1. A D illud quod obiicitur quod contra nullum potest fieri, patet solutio quod est falsum.

2. A D illud quod obiicitur quod minimum est permissio, dicendum quod maior significatio, vel minor nihil facit ad hoc: sed præsentia effectus: vel etiam, quia signat voluntatem absolutam, qua aliquid connotat absolute.

3. A D illud quod obiicitur quod potentius est illud contra cuius signum non potest fieri, dicendum quod verum est quando voluntas vult omnino quod nihil fiat, nisi quod ostendit se velle: sed diuina voluntas non est talis, immo vult quod unusquisque habeat propriam libertatē, & faciat quod vult. Vnde potentia faciendi contra diuinam voluntatem est à diuina voluntate: & ideo non esset potentior propter hoc. Vnde distinguendum quod posse facere contra signum voluntatis alicuius aut est contra voluntatem, & sic attestatur impotentia: aut illud posse est à voluntate, cuius est signum: & sic non attestatur impotentia, sed magis potentia.

4. A D illud quod obiicitur quod contra omnia, quia fit contra præceptionem quæ est maximum signum. Soluendum est per interemptionem quod non est maximum signum, quia impletio maius est. Præterea hoc nihil facit ad propositum, sed præsentia in effectu, & absolutio in significato.

5. A D illud quod obiicitur quod fit contra permissionem, quia peccator potest non peccare, dicendum quod Deus non dicitur permittere peccare nisi eū qui actualiter peccat, dū peccat, & tunc impossibile est eum nō peccare.

6. A D illud quod ultimo obiicitur quod idem fuit ibi præceptum, & permissum, dicendum quod permissio multis modis accipitur in scriptura. Primo modo dicitur permissio non cohibere: sicut Dominus permittit mala, quia

A nō cohibet: & hoc modo est signū voluntatis diuinæ distinctū contra præceptū. Alio modo non punire temporaliter: & sic dicitur libellus repudij permitti in Mattheo: Moyses ad duritiā vestram permisit. Tertio modo non prohibere ut in psalmo: Irascimini & nolite peccare. Glossa permittit quod necessitatis est, id est, non prohibet. Quarto modo permittit quod minus bonū indulgere, super illud: Hoc autem dico secundum indulgentiam, &c. Glossa, permittit.

Mat. 19.4

Psal. 4.4

1. Cor. 7.6

QVÆSTIO I.

An Deus debeat mala permittere.

Scot. 1. Sent. d. 47. q. unica.

Ægid. Rom. 1. Sent. dist. 46. p. 2. q. 2.

Richardus 1. Sent. dist. 47. q. 3.

Stephanus Brulef. 1. Sent. dist. 47. q. 3.

Petrus de Tarent. 1. Sent. d. 47. q. 3.

B

V T R V M debeat Deus mala permittere: & quod sic videtur: Abundant tabernacula prædonum, &c. Gregorius: Omnipotens Deus quod fieri non prohibet, iustum est ut fieri sinat.

Fundamenta. 106. 12.4

I T E M: Deus debet conseruare ordinem quē instituit: sed cū Deus creauit hominem, dedit ei liberā voluntatē: sed libera voluntas dicitur eo quod libere potest quidquid vult: ergo si vult malū, potest in malū, ergo cum non debeat auferre homini potentiā quā dedit, debet ipsum permittit peccare.

I T E M: Malū frequenter est occasio maioris boni: sed nō fieret nisi malū præcessisset, ut patet in passione Christi: sed decet eum facere, & permittit id quod est via ad melius: ergo cū non possit malū facere, solum debet permittit.

I T E M: Deus omnia facit propter laudē suam: sed in malis manifestatur laus diuinæ iustitiæ, & misericordiæ: ergo si non debet facere contra amplificationē suæ laudis, non debet impedire ne mala fiant: ergo, &c.

1. Contra: Non solum qui talia agunt digni sunt morte, sed qui consentiunt. Glossa: Consentire est tacere, cū possis arguere: ergo cum Deus possit corrigere, & impedire malum: si permittit & tacet, consentit: sed qui consentiunt, digni sunt morte: ergo, &c.

Ad oppositum. Rom. 1.4

2. I T E M Augustinus de Ciui. Dei: Ad innocentis officium non solum pertinet nemini malū inferre: sed etiā à peccato cohibere: ergo si Deus non cohibet, cum possit, Deus non est innocens.

Aug. de Ci. Dei lib. 10. c. 16. 10.5

3. I T E M ratione videtur: Quia omnes virtutes nostrę debent habere exemplar in Deo: sed in nobis est virtus zeli, ergo & in Deo: sed zelus quantum potest obuiare peccato: ergo si Deus habet zelū, quantum potest obuiat: ergo, &c.

4. I T E M: Vniuersa via Domini misericordia, & veritas: si ergo permittit iustum peccare, aut est misericordia, aut iustitia. Non misericordia, constat. Nec iustitia: quia iustus non meretur cadere: ergo, &c.

Psal. 24.6

CONCLUSIO.

Deus, sum propter ordinem vniuersi, tum propter ar dinem finis, tam in gloriam electorum quam in laudem suam, potest mala permittit.

E

R E S P. Ad arg. Dicendum quod Deus permittit mala fieri, & hoc ordinatissime. Duplex est enim ordo rerum. Vnus in vniuerso alter in finem, & vterque exigit quod Deus permittat mala fieri. Ordo quippe in vniuerso exigit, quia ad perfectionem vniuersitatis necesse fuit fieri creaturam arbitrio liberam, & peccare potentem: sed administratio vniuersitatis est, ut Deus sic res conditas administret, ut eas agere proprios motus sinat, sicut dicit Augustinus de Ciui. Dei. Ideo cum debuerit dare potentiam peccandi, & debuerit regere saluo ordine suæ conditionis, si voluit peccare, debuit permittit: & si non voluit peccare, debuit cōseruare: & ita debet permittit mala. Ordo ad finem hoc exigit: quia duplicem finem contingit reperiri in vniuerso: vnus est salus electorum, alius diuina laus. Quoniam ergo permissio malorum reddit electos gloriosiores per occasionem, & Deus non curat vtrum per causam, vel per occa-

Lib. 7. c. 30. 10.5

sionem

Lib. xv. ca.
17. § 18.
10. 5.

Lib. 21. de
Ci. Dei. ca.
12. 10. 5. &
in Ench. ca.
99. in fine
10. 3.

lionein electorum gloria augeatur, ideo Deus permittit recte. Vnde Augustinus de Ciui. Dei dicit, quod nullum faceret quem malum præsciret, nisi pariter nosset quibus bonorum visibus accommodaret. Profunt autem eis exercitando. Et ideo dicit de lapsu mundi quod permittit plures esse malos: quia si pauci essent, non auderet exercere bonos. Diuina etiam laus hoc exigit: quia occasione mali summe manifestatur diuina misericordia in electis: in filij vnigeniti donatione, pro inimicis secundum tempus. Summe etiam manifestatur Dei iustitia in æterna punitione reprobatorum. Vnde Augustinus de Ciui. Dei: Si omnes remaneret in pœna, in nullo appareret misericordis gratia redimentis. Rursus: Si omnes trãfferentur ad lucem, in nullo appareret seueritas vltionis.

1. Ad illud ergo quod obiicitur quod permittere est consentire, dicendum quod permittere malum est dupliciter. Aut non cohibendo manum, vel animum nec in facto, nec in retributione, & sic consentire est. Vel nõ cohibendo manum, sed tamen puniendo transgressorem, & arguendo continue, & sic nõ consentit: & hoc modo Deus permittit, & non consentit.

2. Ad illud quod obiicitur quod ad innocentem pertinet cohibere, dicendum quod illud intelligitur de cohibitione quantum ad arguitionem, & punitionem, nõ quantum ad voluntatis coactionem.

3. Ad illud quod obiicitur quod zelus obuiat peccato, dicendum quod verum est, saluo iure iustitiæ, & iustitia proit est ordo vniuersi hoc exigit, vt Deus permittat hominem secundum imperium suæ voluntatis.

4. Ad illud quod vltimo obiicitur, patet responsio: quia permittere aliquem peccare, est opus iustitiæ: non, inquam, iustitiæ quæ sit exigentia meritorum, sed decentia diuinæ sapientiæ, & bonitatis.

QVÆSTIO III.

An Deus possit mala præcipere.

Egid. Rom. 1. Sent. d. 47. p. 2. q. 3.

Richar. 1. Sent. d. 47. q. 4.

Tho. Arg. 1. Sent. d. 47. q. 1. ar. 2.

Marsilius Inguen. 1. Sent. q. 46. ar. 2.

Stephanus Brulef. 1. Sent. dist. 47. q. 4.

Petrus de Tarantasi. 1. Sent. dist. 47. q. 6.

Gab. Biel. 1. Sent. d. 47. q. 9. nica.

Ad opposi-
tum.
Ose 4. 1. 6

Exo. 12. 6

Gen. 22. 4

Funda-
menta.

VTRVM Deus possit mala præcipere. Et quod sic videtur: quia præcipit Osee vt duceret vxorem fornicariam: Et Bernardus exponit ad litteram quod si dicas ad litteram non esse intelligendum, obiicitur tunc: quia præcepit non tantum ducere vxorem, sed etiam facere filios fornicarios: quod si esset vxor legitima, non essent filii fornicationis.

2. **I**TEM in Exodo præcepit facere furtu filijs Israel: sed furtum est malum, & contra legem naturæ: ergo, &c. Si tu dicas quod nõ est malum secundum se, & ideo potest bene fieri.

3. Contra obiicitur: quia præcepit Abraz occidere filium innocentem, & quem sciebat innocentem: & hoc est malum secundum se: ergo videtur quod Deus possit præcipere malum.

4. **I**TEM ratione videtur: quia Deus est super omnem legem, ergo in omni mandato potest dispensare: ergo potest omnium præceptorum, & prohibitionum contraria præcipere.

5. **I**TEM: Plus distat non ens ab ente, quam malum à bono: Deus solo imperio voluntatis ex non ente facit ens: nõ ergo solo imperio voluntatis ex malo facit bonum: ergo potest præcipere mala, vt videtur.

Contra: Præceptum est signum diuinæ voluntatis: ergo aut est falsum signum, cū significet Deum velle quod præcipit, aut Deus vult illud. Sed si Deus vult malum, est malus. Si non vult, & præcepit, est falsus, & vtrumque est impossibile apud Deum: ergo, &c.

ITEM: Nullus obediens diuino præcepto debet puniri: ergo si Deus potest malum præcipere, potest malum

A impune fieri. Sed malum remanere impunitum est contra diuinam iustitiam: ergo Deus potest facere contra se: ergo sibi aduersari: sed hoc est impossibile: ergo, &c.

ITEM: Deus præcepit mala non fieri: si ergo præcepit fieri, præcepit duo opposita: sed duo opposita fieri, est impossibile: ergo Deus præcepit impossibile: sed ad nulum tale præceptum obligamur: ergo Deo possumus nõ obedire: quod absurdum est. Et iterum: Omnis præcipiens impossibile, est stultus, vel impius: ergo Deus esset stultus, vel impius, quorum vtrumque est impossibile. Et ideo dicit Hieronymus: Qui dicit Deum præcepisse impossibile, anathema sit.

CONCLUSIO.

Mala secundum se cum intrinsece mala sint, Deum præcipere non potest: mala vero in se quæ mala non remanent, potest Deum præcipere.

RESPON. Ad arg. Dicendum quod cum quaeritur vtrum Deus possit præcipere malum, hoc potest dupliciter intelligi. Aut malum manens malum, aut ita quod præcipiendo faciat bonum. Primum simpliciter est impossibile: secundum vero aliquo modo est possibile, licet non omnino. Est enim aliquid malum in se, aliquid malum secundum se. Malum in se potest fieri bene: malum secundum se nullo modo potest fieri bene, immo hoc intelligere quod fiat bene, est intelligere quod idem sit malum, & bonum. Potest ergo dici quod Deus potest præcipere malum in se, & non malum secundum se: quia nihil potest præcipere, quin bonum sit postquam præceptum est: & illud est malum in se, non autem secundum se, & ideo potest illud præcipere, & non aliud. Et hinc habet ortum quod dicit Bernardus in lib. de dispensatione & præcepto, quod Deus potest dispensare in præceptis secundæ tabulæ, & non primæ. Et ratio huius est, quia in præceptis secundæ tabulæ, quantum est de ratione præcepti, tangitur, siue præcipitur ordinatio ad proximum, & prohibetur deordinatio ad eundem. Deordinatio autem respectu proximi, nisi sit deordinatio respectu Dei, malum est in se. Si autem respectu Dei, malum est secundum se, sicut cognoscere non suam, malum est in se: sed cognoscere alienam ex libidine, siue non suam, malum est secundum se. Sed Deus in præceptis secundæ tabulæ dispensat, & dispensare potest, & contra illa potest præcipere ratione prædicta. Nec ex hoc sequitur quod præcipiat contraria, quia mandatum speciale absoluit à comuni, sicut priuilegium speciale. In præceptis autem primæ tabulæ non potest Deus dispensare, quia eorum opposita sunt mala secundum se: ipsa enim præcepta dicunt ordinationem ad Deum siue in finem de sua ratione, & eorum opposita deordinationem. Et ideo si contrarium præcipere, præciperet contra se: contra se autem nõ potest facere: & si illa præciperet (cum illa sint mala secundum se, ita quod nullo modo possunt bene fieri) aut Deus vellet malum, quod est inconueniens, aut impune fieret malum, aut idem esset bonum, & malum, quorum vtrumque est inconueniens simpliciter. Et ideo concedendæ sunt rationes probantes, quod Deus non potest malum præcipere, vt puta malum manens malum: & hoc est malum secundum se. Tamen vltima ratio, de hoc quod præcipit malum, non valet: & iam soluta est.

1. Ad illud ergo quod obiicitur de Osea, dicendum quod illud fuit malum in se, scilicet cognoscere non suam: & diuino præcepto factum est ei bonum: sed secundum quod fornicatio dicit actum libidinosum & cognoscere aliquam ex libidine, hoc Dominus nunquam præcepit.

2. Ad illud quod obiicitur de auctoritate Exodi quod præcepit filijs Israel furtum, dicendum quod illud similiter præcepit, in quantum fuit malum in se, scilicet accipere rem alienam: sed hoc potuit facere, quia cum sit Dominus omnium, dominiū potuit transferre. Sed nun-

quam

Bern de
dispensa-
tione post
initium

quam præcepit quod ex libidine hoc facerent, illud enim est malum secundum se.

3. Ad illud quod obiicitur de eo quod præcepit Abrahæ de Isaac, dicendum quod illud non erat malum secundum se, quia Isaac quamvis non esset reus mortis sibi infligendæ ab homine, tamen ratione peccati originalis reus erat mortis temporalis sibi infligendæ à Deo, ad quam habebat necessitatē, & ideo Deus habebat auctoritatem, & ita de iure potuit illam Abrahæ ex causa committere. Tamen aliqui volunt dicere quod non præcepit occidere: sed offerre. Sed contra hoc est Glossa, & textus, quia dicitur quod portavit ignem, & gladium.

4. Ad illud quod obiicitur quod potest super omnem legem datam, dicendum quod verum est quod potest, quia potest ponere: sed non potest destruere iam positā. Quoniam enim ordinationem ad ipsum dicunt aliqua mandata, sicut non potest contra suam iustitiam facere, sic nec contra illa præcipere.

5. Ad illud quod obiicitur quod de non ente potest facere ens, dicendum quod verum est quod potest facere: sed hoc non potest facere quod aliquid sit ens, & non ens, & quia non ens non habet necessitatem ad hoc quod sit non ens, ideo potest fieri ens: sed aliqua sunt mala, quæ si sunt, de necessitate sunt mala, sicut mentiri, & odire Deum: & ideo non est simile, quia si faceret ista esse bona, faceret quod idem simul esset bonum, & malum.

DISTINCT. XLVIII.

QVOD ALIQUANDO
HOMO BONA VOLVNTATE

ALIVD VULT QVAM DEVS:

ET ALIQUANDO MALA, ID

QVOD DEVS BONA VOLVNTATE

te vult: & bona voluntas Dei per
malam hominis im-
pletur.

SCIENDVM quoque est quod aliquando mala est voluntas hominis idem volentis quod Deus vult fieri: & aliquando bona est voluntas hominis aliud volentis quā Deus.

Vt enim bona sit hominis voluntas, oportet attendere quid congruat ei velle & quo fine. Tantum enim interest inter voluntatem Dei, & voluntatem hominis, ut in quibusdam aliud congruat Deo velle, aliud homini. Vnde Augustinus in Ench. Aliquando bona voluntate homo vult aliquid, quod Deus non vult, bona multo amplius multoque certius voluntate. Nam illius mala voluntas esse numquam potest, tamquam si bonus filius patrem velit vivere, quem Deus bona voluntate vult mori. Et rursus fieri potest, ut hoc velit homo voluntate mala quod Deus vult bona, velut si malus filius velit mori Patrem, velit etiā hoc Deus. Nempe ille vult quod non vult Deus, iste vero id vult quod vult & Deus: & tamen bona Dei voluntati pietas illius potius consonat, quamvis aliud volentis, quam huius idem volentis impietas. Multum enim interest quid velle homini, quid velle Deo congruat, & ad quem finem suam quisque referat voluntatem, ut approbetur vel improbetur. Potest enim velle bonam quod non congruat ei velle: & potest velle bonū quod congruit, sed non refert ad finem rectū: & ideo non est bona voluntas.

Quod bona voluntas, mala hominum voluntate impletur, ut in passione Christi contigit, ubi quiddam

factum est quod Deus bona, & Iudæi mala voluntate voluerunt, voluerunt tamen & aliquid quod Deus non voluit.

Illud quoque non est pratermittendum quod aliquan-

A do Dei voluntas bona per malam hominis voluntatem impletur, ut in crucifixione Christi factum est, quæ Deus bona voluntate mori voluit Iudæi vero impia voluntate eum crucifixerunt. Et volebant Iudæi mala voluntate quiddam quod Deus bona voluntate volebat, scilicet ut Christus pateretur, & moreretur: sed volebant & aliquid aliud quod Deus nolebat, scilicet occidere Christum, quod fuit mala actio & peccatum. Actum quippe Iudæorum non voluit Deus, passionem vero Christi voluit, sicut & in ipso psalmo. Christus ad Patrem ait: Tu cognovisti sessionem meam, id est, voluisti & approbasti passionem meā, tibi enim placuit. Voluit itaque tota Trinitas ut Christus pateretur, nec tamen voluit ut Iudæi occiderent: quia voluit pœnam Christi, sed non voluit culpam Iudæorum: nec tamen noluit, si enim nolisset, nec fuisset.

Oppositio.

Sed ad hoc opponitur sic: Si voluit Deus, ut Christus pateretur, voluit utique ut pateretur à Iudæis, vel non. Si voluit ut non pateretur à Iudæis, cum passus sit, factum est itaque quod voluit Deus non fieri. Si autem voluit eum pati à Iudæis: ergo voluit eum occidi à Iudæis: voluit itaque, ut Iudæi occiderent eum. Ad quod respondentes dicimus, simpliciter concedendum esse quod Deus voluit Christum pati & mori, quia eius passio bonum fuit, & causa nostra salutis. Cum autem dicitur, volebat eum pati, vel occidi à Iudæis: hic distinguendum est. Si enim intelligitur sic, volebat eum sustinere passionem, siue crucifixionem à Iudæis illatam, verus est sensus: Si vero intelligitur sic, volebat ut Iudæi occiderent eum, falsum est. Non enim volebat Deus actionem Iudæorum, quæ mala erat: sed volebat passionem bonam, & hæc voluntas per malas Iudæorum voluntates impleta est. Vnde Augustinus in Enchiridion: Deus quasdam voluntates suas utique bonas implet per malorum hominum voluntates malas: sicut per malevolos Iudæos bona voluntate Patris Christus pro nobis occisus est. Quod tantum bonum fuit, ut Apostolus Petrus, quando id fieri nolebat, Satanas ab ipso qui occisus est, diceretur. Ecce manifeste habes magnum bonum fuisse quod Christus occisus est, & hoc bonum, quia Petrus nolebat, ideo redargutus est.

Vtrum placuerit viris bonis quod Christus pateretur, & moreretur: placuit quidem intuitu nostre redemptionis: sed non ipsius cruciatus.

Ex quo soluitur questio qua quari solet, utrum viris sanctis placere debuerit quod Christus pateretur, vel occideretur. Debuit enim eis placere intuitu nostre redemptionis: sed non intuitu ipsius cruciatus. Voluerunt ergo ac vehementer cupierunt Christum mori propter liberationem hominis, & impletionem diuinæ voluntatis: sed non voluerunt delectatione ipsius afflictionis. De eodem ergo latabantur, & tristabantur: sed ob aliud gaudebant, & propter aliud dolebant: Volebant ergo Christum mori pro hominis redemptione: & tamen de morte ipsius diuersis de causis corda eorum varie mouebantur.

Quo modo sentiendum sit de passionibus sanctorum, an velle, an nolle debeamus.

Si vero queritur utrum eodem modo sentiendum sit de passionibus, & martyriis sanctorum: Dicimus aliquam esse differentiam inter passionem capitis, & membrorum. Christi namque passio, causa est nostre salutis, quod non est passio alicuius sancti. Nullius enim passione redempti sumus, nisi Christi. Profuerunt quidem non modo eis qui passi sunt, verumetiam aliis fidelibus ipsorum passionibus: verumtamen nostra redemption non sunt: hoc enim passio

Aug. 16. 8.
in Psal. 138.

Cap. 101.
Tom. 3.

Matt. 16. d

Cap. 101.
Tom. 3.

Phil. I. 6

Gap 101.
Act. 21. 6

illius sola potuit qui Deus est, & homo. Illius ergo passionem credentium pia mentes voluerunt, & optauerunt firmiter futurum credebant: passiones vero sanctorum possumus velle & nolle: & utrumque bona voluntate, si rectos nobis proponamus fines. Cui enim placuit Pauli passio, eo fine, quia premium eius per hoc actum, & paratū cernebat, bonam videtur habuisse voluntatem, quae voluntati eius congruebat, quia cupiebat dissolui, & esse cum Christo. Qui autem voluit, eum declinare passionem, & effugere manus iniquorum compassione pietatis, & ille habuit bonam voluntatem. Vnde Augustinus in Enchir. Bona apparebant voluntates impiorum fidelium qui nolebant Apostolum Paulum Hierusalem pergere, ne ibi pateretur mala, quae Agabus propheta prädixerat. Et tamen hoc illum Deus pati volebat pro annuncianda fide Christi, exercens martyrem Christi: Neque ipse bonam voluntatem suam implevit per Christianorum voluntates bonas: sed per Iudeorum malas: & ad eum potius pertinebant qui nolebant quod volebat, quam illi per quos volentes factum est quod volebat: quia id ipsum quidem, sed ipse per eos bona, illi autem mala voluntate fecerunt. Ita & in passione Christi factum est: Quod enim Deus voluit, hoc idem Iudei, & diabolus: sed illi mala voluntate, Deus vero bona voluntate, scilicet ut Christus moreretur. Verumtamen illi actum voluerunt, quem Deus non voluit.

DISTINCT. XLVIII.

Qualiter voluntas nostra diuinæ conformetur.

Sciendum quoque est quod aliquando mala est voluntas hominis, &c.

Expositio textus.

D. i. i. i. o.

Hæc est tertia pars, in qua agit Magister de conformatione voluntatis nostræ ad voluntatem diuinā. Et diuiditur hæc pars in quattuor partes. In prima Magister ostendit quod ad conformitatem voluntatis nostræ, & diuinæ, non sufficit conformitas in volito. In secunda ostendit quod non sufficit conformitas in operatione, siue in opere operato, ibi: Illud quoque non est prætermittendū. In tertia Magister soluit ex hoc quamdam questionem à latere: Vtrum scilicet sancti debeant passionem Christi velle, ibi: Ex quo soluitur questio qua quæritur solet. In quarta vero, & vltima Magister mouet questionem iuxta hanc, & determinat ibi: Si vero queritur verum eodem modo sentiendum est. Vbi ostenditur quod dissimiliter iudicandum est de passionibus sanctorum, & ipsius CHRISTI.

Multum enim interest, quid velle homini, quid Deo congruat. Dub. I.

CONTRA: Ex hoc videtur quod aliquid licite, possit homo velle sciendo, cuius Deus velit contrarium. Ponatur ergo per impossibile q̄ alicui reueletur sua damnatio: constans est quod Deus vult istum damnari voluntate absoluta. Aut ergo iste tenetur velle, aut non: vel (quidvis sit de retentione) quid est perfectius velle, vtrum velle damnari, vel non. Si vult damnari: ergo vult à Deo separari: hoc voluntas recta numquam potest appetere. Si non vult damnari: ergo perfecte se non conformat: ergo perfectior est voluntas opposita.

R E S P. Dicendum quod illud est impossibile quod alicui reueletur sua damnatio: & impossibili posito, nō est mirum si sequatur impossibile. Tamen si tu quæras quid est perfectius, respondeo dicendum, quod in æterna damnatione sunt duo, scilicet pœnæ inflictio, & æterna à Deo separatio. Separationem æternam à Deo nullo modo credo quod aliqua anima recte debeat velle, immo sem-

A per velle contrarium: sed pœnam velle, si reuelatum est tibi, debet, & hoc patet, quia quilibet iustus de se, & de alio debet velle quod omnis peccans finaliter, æternaliter puniatur: ergo si ponitur præexistens cognitio certitudinaliter iuxta se, credo quod quamdiu durat ei bona voluntas, quod hoc vult. Si autem quæras de eo qui peccat, vtrum velle debeat gratiam sibi subtrahi: & videtur quod sic; cum Deus velit, & ipse sciat hoc esse iustum.

R E S P. Dicendum quod gratiam subtrahi alicui sub triplici conditione potest respici, aut simpliciter, aut ad tempus. Et ad tempus adhuc dupliciter, vel in se, vel pro ut habet rationem pœnæ. Hoc modo vult Deus subtrahere, & hoc modo debet peccans velle, ut eum Deus puniat. Vnde regula generalis quod in omnibus quæ scimus Deum velle absolute, tenemur voluntate absoluta velle: tamen licet nobis velle contrarium voluntate conditionata, siue quantum in nobis est, quia hoc decet nos, & propter hoc dicit Augustinus: Multum interest, &c.

In Ench. 1.
101. tom. 3.

Deum voluit Christum pati, & mori, &c. Dub. II.

CONTRA: Videtur enim male dicere, quia occidere Christum erat malum facere: ergo Christum occidi, fuit malum fieri: si ergo Deus voluit Christum pati, Deus voluit malum fieri: quod supra negatum est.

R E S P. Dicendum quod occidere Christum, fuit malum per comparisonem ad subiectum: quando ergo accipitur passio, aut simpliciter accipitur, aut in comparisonem ad patientem, siue ad sustinentem pœnam, & sic simpliciter est bonum: aut in comparisonem ad inferentem, & sic ex illo respectu iudicatur malum: quia malitia moris potius intentionem respicit, quam actum. Et primo modo est sensus: Christum pati à Iudæis est bonum, id est Christum sustinere pœnam, quam Iudæi intulerūt, est bonum. Secundo modo est sensus: Christum pati à Iudæis est bonum, id est passionem inferri Christo à Iudæis est bonum, & sic falsum: quia illatio passionis non fuit nisi mala: sed sufferentia non fuit nisi bona, & sic distinguit Magister.

Non enim volebat, &c. Dub. III.

Innuat quod actio Iudeorum fuit mala. **CONTRA:** Videtur falsum dicere, quia actio Iudeorum fuit causa passionis: sed si causa immediata mala, & effectus: ergo si actio fuit mala, & passio.

R E S P. Dicendum quod istud est verum de actione & passione in eodem genere bonitatis, secundum quod vnum est causa alterius, dicendum ergo quod actio Iudeorum fuit causa passionis in genere naturæ, & in illo genere sicut actio fuit mala, ita & passio, sed non fuit causa in eodem genere moris: immo Christi bona intentio passionem voluntariam dirigebat in bonum finem: contra, in actione Iudeorum non habente rectum finem: & ideo in genere moris actio fuit mala, & Deo displicens, & passio bona, & Deo placens: & sic patet totum.

Quod tantum bonum fuit, ut Apostolus Petrus qui id fieri volebat, ab ipso qui occisus est Sathan diceretur.

Dub. IIIL

CONTRA: Secundum hoc videtur quod quicumque dolet, & tristatur circa passionem Christi, esset redarguendus: ergo peccauit beatissima mater dum doluit, sicut dicitur in Luca: Tuam ipsius animam pertransibit gladius. Peccauerunt similiter Apostoli. Falsum etiam dicit Apostolus: Si sustinebimus, & conregnabimus.

R E S P. Dicendum quod dolere de aliquo est dupliciter. Aut ita quod dolens voluntate rationis absoluta velit contrarium eius de quo dolet: & sic nulli licuit dolere de passione Christi. Et Petrus, quia voluntate rationis contrarium volebat, est redargutus. Alio modo dolere de aliquo est ferri ad contrarium voluntate pietatis: tamē nihilominus hoc velle voluntate absoluta, sic bonum est

Luc. 2. 6

1. Tim. 2. 6

condo-

condolere Christo, & pie affici circa eum: & sic afficiuntur viri sancti qui magnas gratias agunt Deo de passione Christi: sed tamen mouentur in consideratione dolorum, sicut & benignissima Virgo Maria in Filij sui mota est passione.

ARTICVLVS I.

AD intelligentiam præsentis distinctionis quaeritur de conformitate voluntatis nostræ ad voluntatem Dei. Et circa hoc duo principaliter quaeruntur. Primo quaeritur de ipsa conformitate quantum ad quidditatem. Secundo quaeritur de ipsa quantum ad intentionem. Circa primum articulum duo quaeruntur. Primo vtrum possibile sit voluntatem nostram conformari voluntati diuinæ. Secundo vtrum conformitas voluntatis nostræ ad diuinam, faciat voluntatem nostram iustam.

QVÆSTIO I.

An possibile sit voluntatem nostram diuinæ voluntati conformari.

Alex. Alenf. 1. p. q. 41. Memb. 1.

S. Thom. 1. Sent. d. 48. q. 1. art. 1.

Ægid. Rom. 1. Sent. dist. 48. q. 1.

Rich. 1. Sent. dist. 48. q. 1.

Stephanus Brulef. 1. Sent. dist. 45. q. 1.

Petrus de Tarantaf. 1. Sent. dist. 48. q. 1.

Marfil. Inguen. 1. Sent. q. 47. art. 1.

Ad oppositum.
1/a. 35.6

Psal. 32.4

QUOD non sit possibile nostram voluntatem conformari diuinæ, ostenditur sic Sicut exaltantur cæli à terra, ita exaltatæ sunt viæ meæ à viis vestris, & cogitationes meæ à cogitationibus vestris. Sed sicut est in viis, & cogitationibus, sic & in voluntatibus. ergo si cælum & terra non habent conformitatem, immo deformitatem, videtur similiter quod neq; voluntas nostra & voluntas diuinæ. Si dicas quod auctoritas intelligitur, & loquitur de malis. CONTRA: Super illud Psalmi: Exultate iusti. Glossa: Quantum distat Deus ab homine, tantum distat voluntas Dei à voluntate hominis: ergo, &c.

2. **I**TEM infinite distantium nulla est conformitas: sed Deus & homo distant in infinitum, cum vnum sit finitum, & aliud sit infinitum: ergo nulla est conformitas voluntatum.

3. **I**TEM: Si voluntas nostra conformatur diuinæ, aut ergo in seipsa, vel in tertio. Si in tertio: ergo diuinæ voluntas & humana conueniunt in aliquo communi: & si hoc, ergo habent aliquid simplicius se, quod est inconueniens maxime in diuinæ voluntate. Restat ergo quod si est conformis quod seipsa conformetur, ergo voluntas est ipsa conformitas: sed conformitas non potest esse deformitas: ergo voluntas nostra non potest discordare à diuinæ: quod est manifeste falsum.

4. **I**TEM: Si voluntas nostra est conformis diuinæ, aut conuenit essentialiter, aut per participationem: si essentialiter, redit idem quod prius. Si per participationem quaero de illo per cuius participationem voluntas est conformis, vtrum sit conforme, vel non. Si non: non potest conformare. Si sic: tunc aut essentialiter, aut participatiue: ergo vel erit abire in infinitum, vel stare in aliquo creato quod sit conforme Deo per essentialitatem, vel voluntas conformatur Deo per increatum: sed non est abire in infinitum, nec est ponere quod Deus sit conformitas voluntatis humanæ ad Deum: ergo aliquid creatum essentialiter est conforme: sed quod essentialiter est conforme alicui, essentialiter conuenit cum illo. Et quod essentialiter conuenit cum illo, est eiusdem essentialitatis, ergo, &c.

Fundamenta.

2. Cor. 6. d

Matt. 12. d

CONTRA: Qui adheret Deo vnus spiritus est: sed non est vnus spiritus per vnitatem naturæ: ergo est vnus per conformitatem voluntatis.

ITEM: Omnis qui facit voluntatem Patris mei, qui est in cælis, ille meus frater, & soror, &c. Sed non est verum quod sit frater per propinquitatem sanguinis: ergo est frater per conformitatem voluntatis, & dilectionis.

A **I**TEM: Quasumque voluntates contingit velle idem, & velle opposita: contingit conformari, & difformari, siue contrariari: sed voluntas diuinæ, & humana sunt huiusmodi: hoc patet, ergo, &c.

ITEM: Quasumque voluntates contingit adinuicem ordinari per perfectam præsentiam, & obedientiam, contingit adinuicem conformari: sed voluntatem humanam contingit diuinæ per omnia subiacere, & obedire: ergo, &c.

CONCLUSIO.

Voluntas humana potest conformari voluntati diuinæ per similem habitudinem ad actum, ad obiectum, & ad finem.

B **R**ESP. AD Arg. Dicendum quod aliquid conformari alicui contingit dupliciter. Aut quantum ad similitudinem, aut quantum ad habitudinem. Quantum ad similitudinem contingit tripliciter. Aut quando aliqua duo participant tertium in quo assimilantur: vt cygnus, & nix in albedine. Aut cum aliqua duo sic se habent quod vnum est similitudo alterius: vt species coloris, siue idolum assimilatur siue conformatur loui. Aut quando aliquid participat similitudinem, vt speculum, vel oculus assimilatur, vel conformatur corpori obiecto. Primo modo non est possibile aliquam creaturam Deo conformari. Secundo modo aliqua creatura Deo conformatur, vt puta gratia quæ dicitur similitudo Dei, vel gloria quæ est deiformitas. Tertio modo assimilatur, & conformatur anima quæ habet gratiam, & gloriam: de hac conformitate nihil ad præsens. Alio modo contingit conformari aliquid alicui secundum similem habitudinem. siue comparisonem, quæ potest dici proportio, cum est rerum eiusdem generis: & proportionabilitas, cum est rerum diuersorum generum, siue non communicantium, vt fiat vis in verbo. Large tamen loquendo vtræque potest dici proportio: & hæc nihil ponit commune, quia est per comparisonem duorum ad duo, & potest esse inter summe distantia. Et secundum hanc potest voluntas nostra conformari diuinæ: videlicet per similem habitudinem ad actum, vt sicut Deus quod vult, vult liberaliter, & charitatiue, ita & homo: & per similem comparisonem ad obiectum, vt quod vult Deus, velit homo: & eodē fine quo vult Deus, velit homo, hoc totum possibile est esse, & totum possibile est non esse: & ideo possibile est voluntatem nostram diuinæ conformari, & difformari. Et concedendæ sunt rationes ad hoc.

1.2. AD illud ergo quod obiicitur, quod distat Deus ab homine, & humana voluntas à diuinæ in infinitum, iam patet responsio, quia hoc non impedit conformitatem comparisonis: licet impediatur conformitatem æqualitatis, & vniuocationis.

3. AD illud quod obiicitur, vtrum in seipsa, vel in tertio conformetur, dicendum quod non in seipsa, nisi loquamur de conformitate longinqua, quæ attenditur in imagine. Si autem loquamur de conformitate propinqua, quæ consistit in similitudine, sic non se ipsa conformatur: sed mediante gratia quæ non est tamquam tertium ab vtroque participatum: sed est sicut similitudo vnius, & proprietas alterius. Vnde gratia est similitudo essentialiter, non tamen oportet quod essentialiter conueniat in tertio, quia similitudo seipsa conuenit cum eo, cuius est similitudo: & sic patent obiecta ambo. Similiter si loquamur de conformitate quantum ad habitudinem, dicemus quod voluntas non seipsa conformatur, sed per comparisonem ad alterum: quod tamen neque est de essentia diuinæ voluntatis, nec humanæ, nec tanquam tertium participatum ab vtroque, & sic patet illud.

4. AD illud quod vltimo quaeritur, vtrum conformetur per essentialitatem, aut per participationem, dicendum quod nec sic, nec sio: sed conformatur per proportionem, siue per consimilem habitudinem, & sic patet illud.

QVÆSTIO II.

An conformitas voluntatis nostræ ad diuinam faciat eam iustam.

*Ægid. Rom. 1. Sent. d. 48. q. 2.
Richardus 1. Sent. dist. 48. art. 2. q. 2.
Stephanus Brulef. 1. Sent. dist. 48. q. 2.
Petrus de Tarentas. 1. Sent. dist. 48. q. 2.*

Funda-
menta.
Psal. 32. d.

VTRUM conformitas voluntatis nostræ ad diuinam faciat eam iustam. Et quod sic, videtur, quia super illud Psalmi: Rectos decet collaudatio. Glossa: Recti sunt qui dirigunt cor suum secundum voluntatem Dei, quæ recta est.

2. Cor. 6.

ITEM: Quæ participatio iustitiæ cum iniquitate? aut quæ societas lucis ad tenebras? quasi dicat, nulla. Si ergo diuina voluntas, iustitia est, & lux, & humana voluntas sit iniqua, non potest esse conformis: ergo si est conformis, necesse est esse iustam.

ITEM: Conformari regulæ iustitiæ, nihil aliud est quàm iustificari: sed voluntas diuina est regula iustitiæ, quia nõ potest obliquari ad aliquod iniquum: ergo conformari voluntati diuinæ, est iustificari.

ITEM: Intellectus noster non potest conformari diuino, quin efficiatur verus: ergo nec affectus noster potest conformari diuino, quin efficiatur iustus: sicut enim veritas est rectitudo intellectus, sic iustitia est rectitudo affectus.

Ad oppo-
situm.

1. CONTRA: Magister dicit, & est verbum Augustini quod voluntas Dei bona, per hominum malas voluntates impletur: sed vnus effectus non procedit ab vna causa per aliam, nisi illæ causæ ad inuicem conformentur: ergo contingit malam voluntatem diuinæ conformari.

Cicero de
amicitia.
Enchir. ca.
101. tom. 3.

2. ITEM: Conformitas voluntatum consistit in volendo, & nolendo idem: sed impius potest velle & nolle quod Deus vult, & non vult, vt ponit exemplum Augustinus de prauo filio qui patrem vult mori: quod & Deus vult: ergo conformitas non facit voluntatem iustam.

3. ITEM: Quamuis voluntas Dei sit beata, tamen voluntas illi conformis non propter hoc est beata: ergo pari ratione quamuis sit iusta, non propter hoc, voluntas conformis est iusta.

4. ITEM: Si conformitas facit voluntatem iustam, cum velit hominem qui patitur iniuriam vindicare: si ille qui patitur iniuriam vult se vindicare, iuste vult: ergo iustum est exigere vindictam. Si tu dicas quod Deus vult hominem vindicare: sed non vult quod homo vindicet, se, hoc non soluit: quia saltem tunc liceret homini appetere quod Deus ipsum vindicaret.

CONCLUSIO.

Conformitas voluntatis nostræ ad diuinam, secundum actum, & volitum facit eam iustam.

RESP. Ad Arg. Dicendum quod conformitas voluntatis nostræ ad diuinam attenditur secundum proportionem, sicut dictum est. Duplex est autem proportio voluntatis, scilicet ad actum, & ad volitum. Similis proportio ad actum consistit in hoc, quod sicut Deus quod vult, vult ex charitate, & liberaliter siue iusto & recto fine, sic etiam homo velit. Similis proportio ad volitum est, vt quod vult Deus, etiam homo velit. Potest ergo conformitas attendi secundum hanc duplicem similitudinem, & comparisonem, & sic est sufficiens, & facit voluntatē iustam. Potest iterum attendi solum secundum alteram, vt puta secundum volitum, & sic est deficiens cum careat simili habitudine, & hoc non sufficit ad iustitiam.

1. 2. De prima conformitate procedunt primæ rationes, de secunda secundæ.

A **3.** Ad illud quod tertio obiicitur, quod conformitas non facit beatam animam, ergo nec iustam. Dicendum quod beatitudo dicit iustitiam consummatam. Vnde plus requiritur ad hoc, vt voluntas fiat beata, quam vt fiat iusta: & ideo non sequitur, quod si nõ facit beatam, quod non faciat iustam. Tamen sicut conformitas sufficiens, quæ est in volito & ratione volendi, facit voluntatem iustam, sic conformitas superexcellens, facit eam beatam: illa autem est superexcellens, quando in omnibus diuinæ conformatur: & ex nulla parte est difformis, nec in aliquo altem in modico.

4. Ad illud quod obiicitur vltimo, iam patet responsio, quia appetens vindictam non conformatur Deo in modo, siue in ratione volendi. Deus enim tanquam iustus iudex vult hoc zelo iustitiæ: qui autem appetit vltionem sui, siue suæ iniuriæ, vt plurimum vult libidine vindictæ. Si autem aliquis appetat solum zelo iustitiæ sicut Deus, & ex charitate, tunc dicerem eum habere voluntatem iustam.

ARTICVLVS II.

CONSEQUENTER quantum ad secundum articulum, quæritur de tentione ad conformitatem voluntatis diuinæ. Et circa hoc duo quærentur. Primo quæritur, vt teneamur conformare voluntatem nostram voluntati diuinæ in ratione volendi, vt velimus ex charitate quod volumus. Secundo, vt teneamur conformare in volito.

QVÆSTIO I.

An teneamur voluntatem nostram voluntati diuinæ conformare in ratione volendi.

*Alex. Alenf. 1. p. q. 41. Mem. 2.
S. Thom. 1. Sent. d. 48. q. 1. art. 2.
Scotus 1. Sent. dist. 48. q. unica.
Ægid. Rom. 1. Sent. dist. 48. p. 2. q. 1.
Rich. 1. Sent. dist. 48. q. 2. art. 2.
Durandus 1. Sent. dist. 48. q. 1.
Franciscus de Mayr. 1. Sent. dist. 46. q. 5.
Tho. Arg. 1. Sent. dist. 48. q. 1. art. 3.
Marfil. Inguen. 1. Sent. q. 47. art. 2.
Stephanus Brulef. 1. Sent. dist. 48. q. 3.
Petrus de Tarentas. 1. Sent. dist. 48. q. 3.
Gabriel Biel 1. Sent. dist. 48. q. unica.*

QUOD teneamur in ratione volendi, videtur, quia teneamur, quod facimus, facere iuste. Vnde in Deuteronomio. Iuste quod iustum est exequeris: sed non fit iuste, nisi quod homo facit secundum conformitatem voluntatis quantum ad rationem volendi, vt velit ex charitate, ergo, &c.

Funda-
menta.
Deut. 16. d.

ITEM teneamur diligere Deum ex toto corde, quia hoc præcipitur in Deuteronomio, & Dominus idem iterat in Mat. sed hoc non potest fieri nisi ex charitate: ergo teneamur ad conformitatem in ratione, siue in forma volendi.

Deut. 6. d.
Mat. 22. d.

ITEM teneamur Deo veraciter obedire: sed veraciter non obedit Deo, nisi qui facit ea voluntate quam accipiat Deus. Hæc autem est voluntas informata charitate: ergo, &c.

ITEM: Propter quod vnumquodque, & illud magis: sed propter conformitatem voluntatis, ratione volendi, obligamur ad conformitatem voluntatis in volito, quia finis præcepti est charitas, vt dicit Apostolus: ergo multo fortius obligamur ad conformitatem in ratione volendi vt quod volumus, velimus ex charitate.

Arist. 1. Po-
ster. cor. 1.
1. Tim. 1. b.

1. CONTRA: Deus vult, & præcepit parentes honorari: esto quod oportunitas se offerat quod aliquis honoraret patrem ex naturali pietate non ex charitate, constat quod non peccat, & non conformat voluntatem suam nisi in volito: ergo non tenetur ad rationem volendi.

Ad oppo-
situm.

2. ITEM si tenemur conformare voluntatem nostram diuinæ in ratione volendi, sicut in volito, ergo quotiescūq; volumus aliquid non ex charitate, deficit illud ad q

teneamur;

tenemur: ergo peccamus in omni tali actu: nullus ergo actus est indifferens.

3. **I T E M** si tenemur conformare in ratione volendi, cum ergo peccator habeat voluntatem à Deo continue in hoc deficientem, quia non habet charitatem: ergo continue in omni instanti peccat.

4. **I T E M** nullus potest conformare voluntatem suam diuinę in ratione volendi, nisi habeat charitatem: sed nō est in nostra potestate habere charitatem: ergo homo tenetur ad impossibile. Si dicas quod potest facere quod in se est, quo facto habebit charitatem, quia potest se disponere ad charitatem.

5. **C O N T R A**: Obicitur de obstinato, & de eo qui actualiter est in peccato: dum peccat & est in actu illo, non potest se conformare: ergo non tenetur. Quod si non tenetur, & alij tenentur, reportat commodum de malitia: quod si hoc non est conueniens, nulli ergo tenentur.

CONCLUSIO.

Voluntas nostra tenetur conformari voluntati diuina in ratione volendi pro loco, & tempore: sed non ad omnem actum, nec ad omne præceptum: sed quando tenemur exire in actum charitatis.

R E S P. A D Arg. Quod tenemur conformare voluntatem nostram voluntati diuinę in ratione volendi, ut scilicet velimus ex charitate: & hoc patet, quia tenemur eum diligere ex charitate. Attendendum autem quod hæc est obligatio per modum præcepti affirmatiui. Differt enim obligatio præcepti affirmatiui, & negatiui. Nam negatiui obligat semper, & ad semper: affirmatiui autem tantum obligat semper, non ad semper, sed pro loco, & tempore: & sicut non obligat ad semper ita nec ad omnem actum voluntatis, nec ad omne præceptum: sed tunc solum quando tenemur exire in actum charitatis. Vnde notandum quod sic tenemur ad hoc, quod nunquam ad contrarium: sicut velle, quod Deus vult ex liberalitate. Ad hoc etiam tenemur pro loco & tempore, si habemus charitatem: si autem non habemus, non ad hoc tenemur, sed ad æquiualens, quia tenemur facere quod in nobis est ut habeamus, & ad hoc similiter pro loco, & tempore obligamur. Ex his patet responsio ad obiecta.

1. 2. 3. **Q U O D** enim obiicitur, quod aliquis sine peccato honorat parentes, etiam ex naturali pietate, dicendum quod verum est, & ex hoc sequitur quod non in omni actu tenetur conformare, non tamen sequitur quod non teneatur: & per hoc patet sequens quod obiicitur de generalitate actuum. Patet etiam aliud quod obiicitur de generalitate temporis.

4. **A D** illud quod vltimo obiicitur, quod non est in potestate nostra habere charitatem, dicendum quod in potestate propinqua habentium charitatem est, & in potestate non habentium, non propinqua, sed dispositiua. Potest enim quilibet facere aliquid, quo facto habeat charitatem: & ideo si non faciat, imputatur sibi, nec excusatur per impossibilitatem, quia non est impossibilitas, ubi succurrit aliunde potestas, & non deficit, nisi propter nostram negligentiam.

5. **A D** illud quod obiicitur de obstinato, dicendum quod nullus est adeo obstinatus quod non possit facere quod in se est: & qui non possit redire ad cor, & ideo tenetur sicut & alij, licet non pro quolibet instanti, sed pro loco, & tempore. Si autem tu quæras quid sit locus & tempus, melius docet vnctio quam ars: tamen quando Dominus visitat eum interiori allocutione, vel exteriori prædicatione, vel aliquo tali in quo est opportunitas redeundi ad cor, si tunc negligat, incidit in contemptum, & omissionis peccatum.

Q V A S T I O II.

An quo ad volitum voluntatem nostram volumus: a: i diuina teneamur conformare.

Alex. Alenf. 4. p. q. 1. Memb. 3.

S. Thom. 1. 2. Sent. dist. 48. q. 1. art. 4.

Regid. Rom. 1. 2. Sent. dist. 48. p. 2. q. 2.

Richard. 1. 2. Sent. dist. 48. art. 2. q. 1.

Thom. Arg. 1. 2. Sent. dist. 48. q. 1. art. 4.

Steph. Brulef. 1. 2. Sent. dist. 48. q. 4.

Petrus de Tarantasia. 1. 2. Sent. dist. 48. q. 4.

V T R V M teneamur conformare voluntatem nostram voluntati diuinę in volito. Et quod sic, videtur. Qui non est mecum, contra me est: ergo si non consonat Deo in volito, est contra Deum: ergo si tenemur Deo non esse contrarij, tenemur velle quod Deus vult.

2. **I T E M** super illud Psalmi: Non adhæsit mihi cor prauum. Glo. prauum cor, atque distortum habet, qui nō vult hoc quod Deus vult: sed tenemur vitare cordis prauitatem: ergo tenemur velle quod Deus vult.

3. **I T E M** Tullius diffiniens amicitiam dicit, quod amicitia est idem velle, & idem nolle in rebus honestis: sed tenemur Deo seruare amicitiam: ergo & idem velle: ergo idem velle in honestis. Sed Deus non vult nisi iustum, & honestum: ergo debemus nostram voluntatem suę conformare in omnibus.

4. **I T E M** omnis intellectus qui discordat à prima veritate in cognito, est falsus: ergo omnis affectus est iniquus, qui nō concordat cum diuina voluntate in volito: ergo, &c.

5. **I T E M** tenemur velle quod Deus præcepit: aut ergo quia præcepit, aut quia vult. Non quia præcepit, quia illi qui fuerunt mūdati, quibus datum est præceptum à Domino de tacendo, non peccauerunt in reuelando, quia diuina inspiratione cognouerunt dominum Deum non velle illud quod præcipiebat: ergo tenemur velle quod Deus vult.

6. **I T E M** tenemur credere non tantum quod præcipit Deus credere, sed etiam omne quod dicit esse verum: ergo à simili tenemur velle non tantum quod præcipit Deus velle: sed omne quod indicat se velle tanquam bonum: ergo tenemur velle omne quod scimus Deum velle.

C O N T R A: per Aug. in Ench. Aliquando homo bona voluntate vult, quod non vult Deus.

I T E M viri sancti frequentes volunt opposita, sicut Apostolus volebat alligari in Hierusalem, & discipuli volebant: sed constat quod Deus aliquid illorum volebat: ergo licet contrarium diuinę voluntati velle meritoria: ergo, &c.

I T E M si tenemur in volito conformare: ergo cum in indifferentibus non sit nobis volūtas diuina determinata, quicumque vult aliquid indifferens determinare, committit se discrimini, ergo peccat mortaliter, quod absurdum est. Si dicas quod tenetur quando scit Domini voluntatem. **C O N T R A**: Scientia non inducit nouum peccatum, neque tentionem: sed solum aggrauat peccatum: ergo propter scientiam nemo tenetur, licet nec ignorans.

I T E M Hieremias dolebat super destructionem Hierusalem in Threnis. **C H R I S T V S** flebat super Hierusalem. **B. Virgo**, & Apostoli super passionem **C H R I S T I**. Si flebant & dolebant: & dolor est de rebus quæ nobis nolentibus accidunt, ergo dolebant. Et constat quod omnes hi merebantur, & sciebant Deum velle contrariū: ergo licite, & meritorie possumus velle contrarium diuinę voluntati, etiam ubi scitur.

I T E M quantumcumque prælatus meus velit aliquid, non teneor illud velle nisi mihi præcipiat, etiam si sciam ipsum velle: ergo pari ratione quantumcumque velit Deus aliquid, non teneor illud velle quantumcumque mihi innotescat, nisi Deus mihi præcipiat.

I T E M quod Deus consuluit, vult, & nos scimus eum velle, tamen non tenemur velle, quamuis multum sibi placeat, etiam plusquam præceptum: ergo non tenemur velle omne quod scimus Deum velle.

Ad oppositum.
Mat. 12. d

Psal. 100. d

Lib. de amicitia, & de officio. Et Salust. in Catilinario.

Luc. 17. d

Aug. 1. 101. rom. 4.

Ratio soluenda.

Ratio soluenda.

CONCLUSIO.

Non tenetur voluntas nostra conformari voluntati diuina in quocumque volito: sed in eo quod vult, & innotescit absolute Deum velle.

RESP. AD ARG. Ad hoc dicunt aliqui, quod non tenemur conformare voluntatem nostram voluntati diuinæ in omni, quod vult Deus: sed hoc est perfectionis, & supererogationis, & hoc erit in patria: sed ad hoc solum tenemur, quod ipse nos vult velle. Dicunt autem, quod Deus solum vult nos velle quod præcipit, & nolle quod prohibet. Hæc enim sunt signa per quæ sufficienter indicat nobis suam voluntatem, qua vult nos velle aliquid: in aliis volitis, siue innotescant, siue non, licet velle contrarium sine peccato, & per hoc soluunt ad vtramque partem. Vnde dicunt, quod licet nobis aliqua velle proprie, quia non decet velle opposita, vt patet de destructione gentis nostræ, & de calamitatibus iustorum, & consimilium. Etiam si Deus pluat, vel disponat pluere, oppositum possum petere, & velle. Sed licet ista via sit facilius, tamen quia Augustinus dicit, quod impius est cui non placet diuina prouidentia, non tantum videtur quod homo teneatur velle Dei mandata, sed etiam quod teneatur velle Dei opera. Et iterum. Quo modo non recalcitratur voluntas nostra voluntati diuinæ, quando Deus vult aliquid, & nos volumus contrarium, omnino videtur ei repugnare. Et iterum Glo. prædicta videtur dicere, quod homo qui non vult quod Deus vult, habet cor prauum: non dicit, quod Deus vult ipsum velle, vel quod Deus præcipit. Propterea aliter dicendum, quod reuera non tenemur velle omne quod Deus vult: sed solum quod vult, & innotescit, nec adhuc illud omne. Ideo notandum quod aliquid ostendit se Deus velle absolute, & quantum in se est, vt bona quæ facit. Et hæc tenemur velle simpliciter, & absolute voluntate quantum in nobis est. Aliquid ostendit se velle voluntate absolute: sed oppositum velle quantum in se est, vt mala quæ infligit: & hæc tenemur velle voluntate absolute, & deliberatiua, tamen oppositum possumus velle voluntate pietatis, vt dicit Hugo. Vnde sicut Deus non delectatur in nostris poenis, sed magis dicit: Heu heu consolabor super hostibus meis, sic & nos. Vnde Hugo distinguit in nobis triplicem voluntatem, scilicet rationis, pietatis, & carnis, & in Christo quadruplicem extendens nomen voluntatis. Vnde dicit in lib. de voluntatibus Christi loquens de Christo: Voluntas deitatis per iustitiam sententiam dictabat: voluntas rationis per obedientiam veritatem approbabat: voluntas pietatis per compassionem in malo suspirabat: voluntas carnis per passionem in malo proprio murmurabat. Et ideo voluntate rationis debemus etiam velle malum poenæ, quod scimus Deum velle: sed voluntate pietatis possumus conditionaliter, siue quantum est in nobis, si Deo placet, non velle: nam & ipse Deus, quantum in se est, non vult, sicut prædictum est. Aliquid ostendit se Deus velle quantum in se est, circa quod consistit substantialiter ordo salutis, vt sunt ea quæ præcipit fieri, & quæ præcipit non fieri, & hoc tenemur velle. Aliquid ostendit Deus se velle quantum in se est, circa quod consistit expeditio salutis, vt sunt ea quæ consulit. Et ad talia non obligat, nec vult obligare: vult enim aliquos saluare sic, aliquos via latiori ire.

1.2.3. Ex his ergo patet, quod tenemur generaliter vel-

A le, & conformare voluntatem nostram, non in omni volito, sed in omni eo quod innotescit tribus primis modis prædictis: alioquin frangeretur amicitia, & de tali volito currunt rationes, & auctoritates. Ideo enim præcepto diuino tenemur nos conformare, quia vult nos velle quod præcipit, & hoc scimus: & prælato meo teneor conformari in hoc quod expresse scio ipsum velle me velle: sed in prælato nescio nisi per mandata: sed in Deo scio per alia signa, sicut prædictum est.

4.5.6. Ad illud quod obiicitur, quod in nullo potest discordare intellectus quin sit falsus, &c. dicendum quod non est simile de bono, & vero, nam verum dicitur absolute, bonum vero in relatione ad finem. Et quia duo opposita non sunt simul: ideo non possunt intellectus discordantes esse veri: sed bonum dicitur in relatione ad finem. Et quoniam opposita volita possunt ad eundem finem ordinari, ideo simul possunt esse bona, & affectus respectu eorum esse recti: ideo non necesse est in omni volito conformari, quia oppositum possumus sancte velle, quia ordinare in finem: sed oppositum eius, quod Deus vult nos velle, non possumus ordinare in finem, quia Deus non acceperat illud.

Ad illud quod obiicitur in contrarium, quod non tenemur ad omne volitum, dicendum quod verum est, quia nec ad volitum, quia volitum, nec quia scitum: sed quia scitum esse volitum a Deo, ita quod nos velimus illud. Aliter tamen potest dici quod tenemur, quia absolute volitum: sed excusamur per ignorantiam, maxime vbi adhibetur debita diligentia, sicut aliquis obligatur, ne cognoscat non suam. Vnde de obligatione inducente culpam, falsum est quod dicit, quod scientia non inducit nouam obligationem. Sicut enim ignorantia facti excusat a toto, ita scientia per oppositum, cum diuina voluntas facit aliquem esse obligatum, vt nullo modo possit in contrarium sine culpa, & sic in proposito, & sic patet illud.

Ad illud quod obiicitur de Christo & B. Virgine, & aliis compatiens, dicendum, sicut dictum est, quod voluntate absolute volebant, quod Deus volebat: tamen voluntate conditionata, siue voluntate pietatis, debebat velle contrarium, & hac voluntate merebantur: quoniam hoc non est naturæ tantum, sed etiam rationis. Præcipue autem hac voluntate merebatur in Christi filij passione beatissima Mater, & virgo Maria, cui patienti, quantum sexus muliebris fragilitas sustinere poterat, compatiabatur. Nullo tam modo est dubitandum, quin virilis eius animus, & ratio constantissima, vellet etiam tradere filium suum pro salute generis humani, vt Mater per omnia conformis esset Patri. Et in hoc miro modo debet laudari, & amari, quod placuit ei, quod vnigenitus suus pro salute generis humani offerretur. Et tantum etiam compassa est, vt si fieri potuisset, omnia tormenta quæ filius pertulit, ipsa multo libentius sustinuisset. Vere ergo fuit fortis & pia, dulcis pariter & seuera, sibi parca, & nobis largissima. Hæc ergo præcipue est amanda, & veneranda post Trinitatem summam, & eius prolem beatissimam Dominum nostrum Iesum Christum, a cuius diuinitatis mysterio enarrando cunctæ linguæ deficiunt: quia consummatio sermonum ipse est. Ei ergo qui potest omnia facere superabundantius quam petimus, aut intelligimus secundum virtutem quæ operatur in nobis, ipsi sit gloria in Ecclesia, & in Christo Iesu, in omnes generationes sæculi sæculorum. Amen.

Ad 3. & 4. Argum. pro Fundam.

Ephes. 3. 6

Finis primi Libri sententiarum Sancti Bonauenturae.

I N D E X

INDEX QVAESTIONVM S. BONAVENTURÆ

IN PRIMVM LIBRVM SENTENTIARVM.

PROLOGVS.

- V**TRVM Deus sit subiectum huius libri. q.1
 Vtrum causa formalis siue modus agendi huius
 libri sit perscrutatorius siue inquisitiuus secre-
 torum. q.2
 Vtrum causa finalis huius libri sit reuelare abs-
 condita. q.3
 Vtrum Magister Petrus Lombardus Parisiensis Episcopus sit causa
 efficiens huius Libri. q.4

DISTINCT. I.

Artic. I.

- Vtrum vti per essentiam sit actus voluntatis vel rationis. q.1
 Vtrum omni creato contingat vti. q.2
 Vtrum solo bono creato sit vtendum. q.3

Artic. II.

- Vtrum frui per essentiam sit actus voluntatis vel aliarum vi-
 rium. q.1
 Vtrum Deo sit fruendum. q.1
 Vtrum solo Deo siue bono increato sit fruendum. q.2

DISTINCT. II.

- Vtrum in Deo sit ponere essentia siue natura vnitatem. q.1
 Vtrum sit ponere in Deo personarum pluralitatem. q.2
 Vtrum in diuinis personis sit ponere infinitatem. q.3
 Vtrum in diuinis personis sit ponere Trinitatem. q.4

DISTINCT. III.

Artic. I.

- Vtrum Deus sit cognoscibilis à creatura. q.1
 Vtrum Deus sit cognoscibilis per creaturas. q.2
 Vtrum cognosco per creaturas sit hominis quantum ad omnem
 statum. q.3
 Vtrum per creaturas possit cognosci personarum pluralitas. q.4

Artic. II.

- Vtrum in his tribus, scilicet memoria, intelligentia, & volunta-
 te attendatur ratio imaginis. q.1
 Vtrum attendatur imago in eis per comparisonem ipsarum ad
 Deum. q.2
 Vtrum ista potentia anima sint idem in essentia cum anima. q.3

Artic. III.

- Vtrum imago attendatur in istis vt in potentiis, aut in habiti-
 bus, aut in potentiis simul & habitibus, an in substantia &
 habitibus. q.1
 Vtrum ista conuenienter comparentur adinuicem secundum
 rationem ordinis aequalitatis & consubstantialitatis. q.2
 Vtrum hac Trinitas imaginis, scilicet mentis, notitia, & amo-
 ris ducat necessario in cognitionem Trinitatis. q.3

DISTINCT. IIII.

Artic. I.

- Vtrum hac locutio sit concedenda, Deus genuit Deum. q.1
 Vtrum vnitas essentia admittat hanc: Deus genuit alium
 Deum. q.2
 Vtrum hoc nomen, Deus, grammatice significet pluralem nume-
 rum: siue an possit congrue dici plures dii. q.3
 Vtrum hoc nomen, Deus, de se supponat personam vel naturam. q.4

DISTINCT. V.

Artic. I.

- Vtrum substantia vel essentia generet. q.1
 Vtrum de substantia Patris generetur aliquis, vt Filius. q.2

Artic. II.

- Vtrum substantia siue essentia generetur. q.1
 Vtrum substantia per generationem communicetur. q.2

DISTINCT. VI.

Artic. I.

- Vtrum generatio Filii sit secundum conditionem necessitatis. q.1
 Vtrum generatio filii sit secundum rationem voluntatis. q.2
 Vtrum generatio Filii à Patre sit secundum rationem exempla-
 ritatis. q.3

DISTINCT. VII.

Artic. I.

- Vtrum posse generare in diuinis dicat quid vel ad aliquid. q.1
 Vtrum potentia generandi sit in Filio. q.2
 Vtrum posse generare & creare sit vnicum posse. q.3
 Vtrum posse generari & posse creari sit posse vniuocum. q.4

DISTINCT. VIII.

Artic. I.

- Vtrum veritas sit proprietas diuini esse. q.1
 Vtrum hac proprietas conueniat Deo in summo, id est vtrum di-
 uinum esse sit adeo verum quod non possit cogitari non
 esse. q.2

Artic. II.

- Vtrum immutabilitas sit in Deo. q.1
 Vtrum immutabilitas sit diuina essentia proprietas. q.2

Artic. III.

- Vtrum in Deo sit summa simplicitas. q.1
 Vtrum simplicitas sit Dei proprietas. q.2
 Vtrum anima rationalis sit in toto corpore ita quod in qualibet
 parte. q.3
 Vtrum Deus sit in aliquo determinato genere. q.4

DISTINCT. VIII.

Artic. I.

- Vtrum in diuinis sit ponenda generatio. q.1
 Vtrum generatio in diuinis sit personarum distinctina. q.2
 Vtrum diuina generatio sit aeterna. q.3
 Vtrum generatio Filii sit terminata. q.4

DISTINCT. X.

Artic. I.

- Vtrum in diuinis sit necesse ponere personam procedentem per
 modum liberalitatis. q.1
 Vtrum in diuinis sit necesse ponere personam procedentem per
 modum amoris siue charitatis. q.2
 Vtrum sit necesse ponere tertiam personam procedentem per mo-
 dum mutuae charitatis. q.3

Artic. II.

- Vtrum amor sine charitate sit proprium Spiritus sancti.* q.1
Vtrum Spiritus sanctus proprie sit nexus vel unitas amorum. q.2
Vtrum Spiritus sanctus proprie sit spiritus. q.3

DISTINCT. XL

Artic. I.

- Vtrum Spiritus sanctus procedat à Patre, & Filio.* q.1
Vtrum Spiritus sanctus procedat à Patre, & Filio inquantum sunt unum, aut inquantum differentes. q.2

DISTINCT. XII

Artic. I.

- Vtrum Spiritus sanctus prius procedat à Patre quam à Filio.* q.1
Vtrum plenius procedat à Patre quam à Filio. q.2
Vtrum Spiritus sanctus procedat à Patre mediante Filio. q.3
Vtrum generatio Filii prior sit secundum rationem intelligendi processionem Spiritus sancti, vel econverso. q.4

DISTINCT. XIII

Artic. I.

- Vtrum in diuinis sit ponere processionem.* q.1
Vtrum processio Spiritus sancti sit generatio. q.2
Vtrum processio Spiritus sancti realiter differat à generatione Filii, an solum secundum rationem intelligendi. q.3
Vtrum Spiritus sanctus debeat dici ingenuus. q.4

DISTINCT. XIV.

Artic. I.

- Vtrum ponenda sit processio temporalis Spiritus sancti.* q.1
Vtrum processio temporalis ponat in numerum cum aeterna. q.2

Artic. II.

- Vtrum Spiritus sanctus detur in propria persona hominibus, an tantum dicatur ideo dari, quia eius effectus.* q.1
Vtrum Spiritus sanctus detur ab aliquo viro sancto. q.2

DISTINCT. XV.

Artic. I.

- Vtrum missio sit in diuinis.* q.1
Vtrum missio in diuinis sit ex tempore tantum, an etiam ab aeterno. q.2
Cuius sit missio ut missi. q.3
Cuius sit missio ut mittentis. q.4

Artic. II.

- Vtrum hac missio sit secundum dona gratia gratum facientis, vel gratia gratum data.* q.1
Vtrum secundum eadem dona gratia dicatur missi Filius & Spiritus sanctus. q.2
Vtrum missio Filii & Spiritus sancti sit secundum eadem dona gratia augmentata. q.3

DISTINCT. XVI.

Artic. I.

- Vtrum visibilis missio non sit aliud quam apparitio exterior.* q.1
Vtrum ad aliquid sit utilis missio visibilis. q.2
Quibus modis fiat missio visibilis. q.3

DISTINCT. XVII.

Artic. I.

- Vtrum prater donum charitatis increata sit ponere donum charitatis creata, id est vtrum charitas qua diligimus Deum sit Spiritus sancti.* q.1

- Vtrum charitas sit amabilis ex charitate.* q.2
Vtrum charitas sit certitudinaliter cognoscibilis ab habente. q.3
Vtrum charitas sit cognoscibilis à non habente. q.4

Artic. II.

- Vtrum charitas possit augeri secundum substantiam.* q.1
De modo augmenti ipsius charitatis. q.2
Vtrum charitas possit diminui. q.3
Vtrum charitas habeat statum vel terminum ultra quem non possit augeri. q.4

DISTINCT. XVIII.

Artic. I.

- Vtrum Spiritus sanctus sit donum quo omnia alia dona donantur.* q.1
Vtrum Spiritus sanctus sit donum ab aeterno vel ex tempore. q.2
Vtrum conueniens dicatur de Spiritu sancto donum quam datum. q.3
Vtrum donum proprie conueniat Spiritui sancto. q.4
Vtrum donabilitas sine donum sit proprietas distinctiua personae Spiritus sancti. q.5
Vtrum ratione donabilitatis dicatur Spiritus sanctus noster. q.6

DISTINCT. XIX.

Artic. I.

- Vtrum in diuinis sit ponere equalitatem.* q.1
Vtrum in diuinis sit summa equalitas. q.2
Vtrum in diuinis sit equalitas cum conuersione. q.3
Vtrum in diuinis sit equalitas cum circuminceptione. q.4

Artic. II.

- Vtrum in diuinis sit ponere totum integrale.* q.1
Vtrum in diuinis sit ponere totum in vniuersale. q.2
Vtrum in diuinis personis sit ponere principium materiale. q.3
Vtrum in diuinis personis sit ponere differentiam secundum numerum. q.4

DISTINCT. XX.

Artic. I.

- Vtrum in diuinis sit ponere potentia adaequationem quantum ad numerum possibilium.* q.1
Vtrum in diuinis sit aequalitas quantum ad intensiorem potentia. q.2

Artic. II.

- Vtrum in diuinis sit ponendus ordo.* q.1
Vtrum in diuinis sit ordo natura. q.2

DISTINCT. XXI.

Artic. I.

- Vtrum dictio exclusiua vere addatur termino substantiali, ut huic termino, Deus, à parte subiecti.* q.1
Vtrum dictio exclusiua vere possit addi termino substantiali à parte predicati. q.2

Artic. II.

- Vtrum dictio exclusiua vere addatur termino personali respectu predicati proprii, id est vtrum hac sit vera: Solus Pater est Pater.* q.1
Vtrum dictio exclusiua vere addatur termino personali respectu predicati communis ut vere dicatur: Solus Pater est Deus. q.2

DISTINCT. XXII.

Artic. I.

- Vtrum Deus sit nominabilis.* q.1
Vtrum Deus habeat unum solum nomen an plura. q.2
Vtrum omnia nomina diuina dicantur translatiue, an etiam quadam dicantur proprie. q.3

Vtrum

Utrum omnia nomina dicta de Deo dicantur secundum substantiam. q. 4

DISTINCT. XXIII.

Artic. I.

Utrum ad diuina debuit transferri nomen persona. q. 1

Utrum nomen substantia dici debeat in diuinis vel etiam substantia. q. 2

Utrum nomen essentia dici debeat in diuinis. q. 3

Artic. II.

Utrum in diuinis numeretur hoc nomen substantia. q. 1

Utrum in diuinis numeretur hoc nomen essentia. q. 2

Utrum catholice possimus dicere plures Deos. q. 3

DISTINCT. XXIV.

Artic. I.

Utrum hoc nomen vnus dicatur positive vel priuatiue in diuinis. q. 1

Utrum vnus dicatur secundum substantiam, an secundum relationem. q. 2

Artic. II.

Utrum nomina pure numeralia vt duo, & tres, &c. dicantur positive aut priuatiue in diuinis. q. 1

Utrum predicta nomina dicantur in diuinis secundum substantiam aut secundum relationem. q. 2

Artic. III.

Utrum huiusmodi nomina importent unitatem. q. 1

Utrum illa unitas quam importat hoc nomen Trinitas vel Trinus, sit unitas suppositi vel essentia. q. 2

DISTINCT. XXV.

Artic. I.

Utrum hoc nomen persona dicatur secundum substantiam an secundum relationem. q. 1

De hoc nomine persona quid sit secundum definitionem, id est utrum ista definitio conueniat diuina persona: Persona est rationalis natura indiuidua substantia. q. 2

Artic. II.

Utrum hoc nomen persona sit vere commune personis increatis. q. 1

Utrum hoc nomen persona sit commune vniuocum creatis & increatis personis. q. 2

DISTINCT. XXVI.

Artic. I.

Utrum in diuinis sit ponere proprietates personarum. q. 1

Utrum illa proprietates sint relationes. q. 2

Utrum actus huiusmodi proprietatum sit hypostasēs distinguere aut distinctas ostendere. q. 3

Utrum huiusmodi proprietates sint finita vel infinita quantum ad numerum. q. 4

Et ibidem in respon. quod consuevit vis fieri inter hac tria nomina, proprietates, relatio, & notio.

DISTINCT. XXVII.

Artic. I.

Utrum esse Patrem & generare sit vna notio. q. 1

Quæ istarum sit ratio intelligendi alteram, id est utrum hypostasis sit Patris siue Pater ideo generet, quia Pater est, vel utrum ideo sit Pater, quia generat. q. 2

Utrum contingat proprietates abstrahi. q. 3

Utrum peccatum sit contrarie de notionibus siue proprietatibus opinari. q. 4

Artic. II.

Utrum verbum dicatur essentialiter vel notionaliter. q. 1

Utrum verbum æternum connotet aliquid ex parte creature. q. 2
De comparatione verbi ad essentiam, & cum Filius sit verbum & sapientia, quaritur quod istorum sit prius secundum rationem intelligendi. q. 3

Utrum hoc nomen verbum debuerit transferri ad diuina. q. 4

DISTINCT. XXVIII.

Artic. I.

Utrum hoc nomen ingenuus, siue innascibilis dicatur secundum relationem aut secundum substantiam. q. 1

Utrum ingenuus dicat eandem relationem, quam hoc nomen, Pater. q. 2

Utrum innascibilitas sit proprietas, siue relatio persona Patris an paternitas. q. 3

Utrum improcessibilitas sit notio Patris siue innascibilitas. q. 4

DISTINCT. XXIX.

Artic. I.

Utrum hoc nomen principium accipiat notionaliter an personaliter, supposito quod accipiat essentialiter. q. 1

Utrum hoc nomen, principium cum accipiat essentialiter, & notionaliter an dicatur vniuoce, vel æquiuoce. q. 2

Artic. II.

Utrum Pater, & Filius possint dici vnum principium Spiritus sancti. q. 1

Utrum ista sint concedenda: Pater, & Filius sunt vnus spiritalis, vel sunt vnum principium Spiritus sancti. q. 2

DISTINCT. XXX.

Artic. I.

Utrum aliquid dicatur de Deo ex tempore. q. 1

Utrum quæ dicuntur de Deo, dicantur ex tempore per se vel per accidens. q. 2

Utrum ea quæ sic dicuntur de Deo ex tempore, dicantur secundum substantiam aut secundum relationem. q. 3

DISTINCT. XXXI.

Artic. I.

Utrum hæc nomina, similis, & æqualis, dicantur secundum positionem an secundum priuationem. q. 1

Utrum predicta nomina dicant mutuam relationem secundum quam Pater Filio, & Filius Patri sit æqualis. q. 3

Artic. II.

Utrum imago dicatur in diuinis secundum substantiam an secundum relationem. q. 1

Utrum imago sit proprium Filii. q. 2

Utrum æternitas approprietur Patri, species imagini, & vsus muneris. q. 3

Artic. III.

Utrum Deus possit dici esse vnum cum creatura. q. 1

Utrum vna creatura possit dici vnum cum alia creatura. q. 2

De ratione appropriationis trium nominum predictorum. q. 3

DISTINCT. XXXII.

Artic. I.

Utrum ista locutio sit admittenda: Pater & Filius diligunt se Spiritu sancto. q. 1

In qua habitudine construatur ille ablatiuus, cum sic dicitur: Pater & Filius diligunt se Spiritu sancto. q. 2

Artic. II.

Utrum hæc locutio sit admittenda: Pater est sapiens sapientia genita. q. 1

Utrum hæc locutio sit admittenda: Pater est potens potentia quam genuit, siue virtute. q. 2

DISTINCT.

DISTINCT. XXXIII.

Artic. I.

- Vtrum proprietas sit persona.* q.1
Vtrum proprietas sit essentia. q.2
Vtrum vna notio siue proprietas vnius persona radicetur in alia. q.3
Vtrum eadem proprietas, siue notio pradicetur de se denominatione. q.4

DISTINCT. XXXIV.

Artic. I.

- Vtrum in diuinis sit ponere additionem.* q.1
Vtrum in diuinis sit ponere pradiationem. q.2
Vtrum in diuinis sit ponere appropriationem. q.3
Vtrum in diuinis sit ponere translationem. q.4

DISTINCT. XXXV.

Artic. I.

- Vtrum in Deo sit ponere ideas.* q.1
Vtrum sit ponere pluralitatem in ideis secundum rem. q.2
Vtrum in ideis sit pluralitas secundum rationem. q.3
Vtrum idea plurificentur per comparisonem ad ideas secundum multitudinem ideatorum. q.4
Vtrum in Deo sit ponere multitudinem idearum secundum numerum finitum vel infinitum. q.5

DISTINCT. XXXVI.

Artic. I.

- Vtrum res fuerint in Deo ab aeterno.* q.1
Vtrum res sint in Deo ratione essentia, vel persona. q.2

Artic. II.

- Vtrum omnia que sunt in Deo sint in ipso vita.* q.1
Vtrum res sint in Deo verius quam in vniuerso siue in proprio genere. q.2

Artic. III.

- Vtrum mala sint in Deo.* q.1
Vtrum imperfecta secundum quod huiusmodi sint in Deo. q.2

DISTINCT. XXXVII.

Artic. I.

- Vtrum esse vbique conueniat Deo, ita quod sit in omnibus rebus.* q.1
Vtrum Deus sit vbique localiter, id est in omnibus locis. q.2

Artic. II.

- Vtrum esse vbique conueniat soli Deo.* q.1
Vtrum esse vbique conueniat Deo semper, siue ab aeterno. q.2

Artic. III.

- Vtrum Deus sit in omnibus rebus aequaliter, siue vniiformiter.* q.1
Quibus modis, & qualiter sit Deus in rebus. q.2

Artic. IV.

- Vtrum Deus sit localis intra locum.* q.1
Vtrum Deus sit mutabilis de loco ad locum. q.2
Vtrum Deus sit ab omni loco separabilis, vel extra omnem locum. q.3

Artic. V.

- Vtrum Angelus possit moueri localiter sine corpore.* q.1
Vtrum Angelus moueatur per medium vel non. q.2
Vtrum spiritus Angelicus pertranseat medium motu subito vel successiuo. q.3

DISTINCT. XXXVIII.

Artic. I.

- Vtrum praescientia diuina sit causa rerum.* q.1
Vtrum praescientia diuina sit causata a rebus. q.2

Artic. II.

- Vtrum diuina praescientia ponat necessitatem circa praesitum.* q.1
Vtrum diuina praescientia habeat in se necessitatem. q.2

DISTINCT. XXXIX.

Artic. I.

- Vtrum Deus cognoscat alia a se.* q.1
Vtrum Deus cognoscat omnia alia a se. q.2
Vtrum Deus possit scire, vel praescire plura quam sita. q.3

Artic. II.

- Vtrum Deus cognoscat se, & alia eodem modo, siue vniiformiter.* q.1
Vtrum Deus cognoscat mutabilia immutabiliter. q.2
Vtrum Deus cognoscat omnia praesenter. q.3

DISTINCT. XL.

Artic. I.

- Vtrum praedestinatio sit quid aeternum aut temporale.* q.1
Vtrum praescientia sit Dei scientia, vel voluntas. q.2

Artic. II.

- Vtrum praedestinatio inferat necessitatem salutis libero arbitrio.* q.1
Vtrum praedestinatio ponat certitudinem in euentu. q.2

Artic. III.

- Vtrum electio sit in Deo aeternaliter, siue ex tempore.* q.1
Quid sit electio, vtrum, scilicet sit idem quod praedestinatio. q.2

Artic. IIII.

- Vtrum obduratio sit poena vel culpa.* q.1
Vtrum obduratio sit ex Deo, siue sit effectus Dei reprobantis. q.2

DISTINCT. XLI.

Artic. I.

- Vtrum praedestinatio, vel reprobatio in nobis habeat causam meritoriam.* q.1
Vtrum praedestinatio, & reprobatio habeant in Deo rationem motiuam. q.2

Artic. II.

- Vtrum Deus cognoscat per modum complexionis.* q.1
Vtrum enunciabilia, siue complexa que Deus semel cognoscit semper cognoscat vel sciat. q.2

DISTINCT. XLII.

Artic. I.

- Vtrum Deus possit aliquid aliud a se.* q.1
Vtrum Deus possit in omne aliud in quod potest omne agens creatum. q.2
Vtrum diuina potentia se extendat ad omne illud quod aliis agere est impossibile. q.3
Vtrum possibile simpliciter dicatur aliquid secundum causas superiores, hoc est an secundum potentiam diuinam an secundum potentiam creatam. q.4

DISTINCT. XLIII.

Artic. I.

- Vtrum Dei potentia sit infinita.* q.1
Vtrum ipsa essentia diuina sit infinita sicut potentia. q.2
Vtrum Deus possit producere opus infinitum. q.3
Vtrum ratio operandi diuina potentia sit infinita. q.4

DISTINCT. XLIV.

Artic. I.

- Vtrum Deus potuerit facere mundum meliorem quo ad substantiam partium integran-
tium.* q.1

Vtrum mun-

Vtrum mundus potuerit fieri melior quantum ad partium integritatem proprietates. q. 2
Vtrum Deus potuerit facere mundum meliorem quantum ad ordinem partium. q. 3
Vtrum Deus potuerit facere mundum antiquiorem. q. 4

DISTINCT. XLV.

Artic. I.

Vtrum sit ponere in Deo voluntatem. q. 1.
Vtrum sit dicere Deum omniuentem, sicut dicitur omnipotens. q. 2

Artic. II.

Vtrum voluntas Dei sit causa verum. q. 1
Vtrum voluntas Dei sit causa prima, & immediata. q. 2

Artic. III.

Vtrum voluntas diuina conuenienter diuidatur in voluntatem beneplaciti & voluntatem signi. q. 1
Vtrum sufficienter assignentur quinque signa diuina voluntatis. q. 2

DISTINCT. XLVI.

Artic. I.

Vtrum Deus velit omnes homines saluos fieri voluntate beneplaciti. q. 1.

Vtrum Deus velit mala fieri. q. 2
Vtrum mala fieri sit bonum. q. 3
Vtrum mala fieri sit verum. q. 4
Vtrum malum sit ordinabile à Dei voluntate. q. 5
Vtrum malum sit de complemento vniuersi. q. 6

DISTINCT. XLVII.

Artic. I.

Vtrum voluntas beneplaciti Dei possit impediri. q. 1
Vtrum aliquis possit facere contra voluntatem signi. q. 2
Vtrum debeat Deus mala permittere. q. 3
Vtrum Deus possit mala precipere. q. 4

DISTINCT. XLVIII.

Artic. I.

Vtrum possibile sit voluntatem nostram conformari voluntati diuina. q. 1
Vtrum conformitas voluntatis nostre ad diuinam faciat voluntatem nostram iustam. q. 2

Artic. II.

Vtrum teneamur conformare voluntatem nostram voluntati diuina in ratione volendi vt velimus ex charitate quod volumus. q. 1
Vtrum teneamur conformare voluntatem nostram voluntati diuina in volito. q. 2

Indicis Distinctionum, & Quæstionum in primum
 Librum Sententiarum finis.

